

95/C

H. VII. Hoi

353

D. LAVRENTII HEISTERI

*Sereniff. Brunsvicens. & Luneburg. Ducis Confiliarii Aulici & Archiatri, Medicinæ,
Chirurgiæ ac Botanices in Regia atque Ducali Academia Julia, quæ Helmstadii
est, Profess. Publici, Academiae Scientiar. Cæsareæ Regiæque Londi-
nensis atque Berolinensis Collegæ*

INSTITVTIONES CHIRVRGICAE

IN QVIBVS

QVICQVID AD REM CHIRVRGICAM PERTINET,
OPTIMA ET NOVISSIMA RATIONE
PERTRACTATVR

*atque in tabulis multis aeneis præstantissima ac maxime necessaria
instrumenta itemque artificia, sive encheirises præcipuae
& vincturae chirurgicae repræsentantur.*

OPVS TRIGINTA ANNORVM,

nunc demum, post aliquot editiones germanica lingua evulgatas,
in exterorum gratiam latine publicatum.

PARS PRIMÆ



AMSTELÆDAMI,

Apud **JANSSONIO-WAESBERGIOS.**

MDCCLXXXIX.

Cum Privilegio Ordinum Hollandiæ & Westfrisiæ.



C O P Y E

V A N D E

P R I V I L E G I E.

DE STATEN VAN HOLLAND ENDE WESTVRIESLAND doen te weeten: Alzoo Ons te kennen is gegeven by *Hendrick van Waesberge*, Burger en Boeckverkooper der Stad Amsterdam, soo dat hy Supplt. reets veelē kosten aangewend hadde, zoo met het Oversetten, en laten snyden der Plaa-ten tot *Laurentius Heisters Chirurgie*, welcke hy Supplt. voornemens was in de Latynse en Nederduytse taalen te laten drucken, en daar yorder nog al een aansienelycke somme tot volvoering desselfs soude vereyft worden, en hy Supplt. groote reeden hadde, om bedugt te zyn, dat eenige baatsoeckende Menschen hier te Lande, of elders hem sou- den kunnen nadrukken of doen nadrukken, of elders nagedrukt zynde, hier te Lande inbrengen, of verhandelen, of verkoopen, tot groote schade van den Supplt.; der- halve keerde hy sig eerbiediglyck tot Ons, ootmoediglyck versoekende Octroye en Privilegie, om geduerende de tyd van vyftien eerst agtereenvolgende Jaaren, alleen met eene seclusie van alle andere te moogen drucken, of doen drucken gemelde *Chirurgie van Laurentius Heisters*, zoo in 't Latyn als Nederduyts, in zodaenig formaat, als hy soude te raade worden, met verbod, dat niemand buyten de Supplt. of zyn actie of regt verkrygende, hier te Lande het voorsz. Werck in 't geheel of ten deele of onder een ander of veranderden Titul soude moogen drucken, of doen drucken, of elders gedrukt zynde, hier te Lande inbrengen, uytgeven, verhandelen, of verkoopen, op verbeurte van alle de nagedruckte, ingebragte, verhandelde, of verkogte Exempla- ren, en zodaenige groote pœne, als Wy daar tegen gewoon waren te statuëren; SOO IS 'T, dat Wy, de zaacke ende 't voorsz. versoek overgemerckt hebbende, ende geneegen wesende ter beede van den Suppliant, uyt onse regte Wetenschap, Souve- raine magt, ende Authoriteyt den selven Supplt. geconsenteert, geaccordeert, ende geoctroyeert hebben, consenteren, accorderen, en Octroyen hem by desen, dat hy geduerende den tyd van vyftien eerst agtereenvolgende Jaaren, de voorsz. *Chirurgie van Laurentius Heisters* in diervoegen, als sulcx by den Supplt. is versogt, en hier voo- ren uytgedrukt staat, binnen den voorsz. Onsen Lande alleen sal moogen drucken, doen drucken, uytgeven ende verkoopen, verbiedende daaromme allen ende eenen ygelycken de selve *Chirurgie van Laurentius Heisters* in 't geheel, ofte ten deelen te druc- ken, naar te drucken, te doen naardrukken, te verhandelen ofte verkoopen, ofte elders naagedrukt binnen den selven Onsen Lande te brengen, uyt te geeven, ofte te ver- handelen en verkoopen, op verbeurte van alle de nagedruckte, ingebragte, verhandelde ofte verkogte Exemplaren, ende een boete van drieduysend guldens daar en boven te verbeuren, te appliceren eenyderdepart voor den Officier, die de calange doen sal, een derdepart voor den Armen in der Plaats daar het casus voorvallen zal, ende het reste- rende derdepart voor den Suppliant. Ende dit t'elckens zoo menigmaal als deselve zul- len werden agterhaalt, alles in dien verstande, dat Wy den Suppliant met desen Onsen Octroye alleen willende gratificeren, tot verhoedinge van zyne schaade door het na- drucken van het voorsz. Boeck, daar door in geenigen deele verstaan, den innehouden van dien te autoriseeren ofte te advouëren, ende veel min het selve onder Onse pro- testie

teftie ende befcherminge eenig meerder credit, aanfien ofte reputatie te geven, nemaar den Supplt. in cas daar inne yets onbehoorlycx zoude influëren alle het felve tot zynen lafte fal gehouden wesen te verantwoorden, tot dien eynde wel expreffelyck begeerende, dat byaldien hy defen Onfen Octroye voor het felve Boeck fal willen ftellen, daar van geene geabrevicerte, ofte gecontraheerde mentie fal moogen maacken, nemaar gehouden wesen het felve Octroy in 't geheel, en fonder eenige omiffie, daar voor te drucken, ofte te doen drucken, ende dat hy gehouden zal zyn een Exemplaar van het voorfz. Boeck, op groot papier gebonden, en wel geconditioneert te brengen in de Bibliothecq van Onfe Univerfiteyt te Leyden, binnen den tyd van fes weecken, na dat hy Supplt. het felve Boeck fal hebben beginnen uyt te geeves, op een boete van feshondert guldens, na expiratie der voorfz. fes weecken, by den Suppliant te verbeuren ten behoeve van de Nederduytfche Armen van de plaats, alwaar de Suppliant woond, en voorts op pœne van met 'er daad verfteecken te zyn van het effect van defen Octroye. Dat ook de Suppliant, fchoon by het ingaan van dit Octroy een Exemplaar geleverd hebbende aan de voorfz. Onfe Bibliothecq, by zoo verre hy geduerende den tyd van dit Octroy het felve Boeck zoude willen herdrucken met eenige obfervatien, noten, vermeerderingen, veranderingen, correctien of anders, hoe genaamt; of ook in een ander formaat, gehouden zal zyn wederom een ander Exemplaar van het felve Boeck geconditioneert als vooren te brengen in de voorfz. Bibliothecq, binnen defelve tyd, en op de boete, en pœnaliteyt als vooren. Ende ten eynde den Suppliant defen Onfen Conſente ende Octroye mooge genieten als naar behooren; Laften Wy allen, ende eenen ygelycken, dien het aangaan mag, dat zy den Suppliant van den inhouden van defen doen, laten en gedooogen ruftelyck, vreedelyck, ende volkomentlyck genieten ende gebruycken, cefferende alle belet ter contrarie. Gegeven in den Hage, onder Onfen grooten Zegele, hier aan doen hangen, op den feventienden September in 't Jaar Onfes Heeren ende Saligmaackers, feventien hondert agt en twintig.

J. H. G. BOETZELAER.

Ter Ordonnantie van de Staten

WILLEM BUYS.

Aan den Supplt. is nevens dit Octroy ter hand gefelt by extract authenticq haar Ed. Groot Mog. Refolutien van den 28. Juny 1715. en 30. April 1728. ten eynde, om ſig daarna te reguleren.



P R A E F A T I O

A D L E C T O R E M B E N E V O L U M .

Postquam per quadriennium & quod excedit, studio medico haud perfunctorie incubueram, eoque in in Germaniae Academiis absoluto, peculiari ardore & impetu quasi ad rem anatomicam ac chirurgicam uberius imo funditus addiscendam impulsus sum, famaue cumprimis celeberrimi quondam RUYSCHII & RAUII excitatus, A. 1706. ex patria Amstelodamum me contuli, atque horum praelectionibus ac demonstrationibus cum anatomicis; tum chirurgicis per integrum fere annum sedulus interfui, atque simul constanter ibidem tam in sectionibus anatomicis, quam in artificijs chirurgicis in cadaveribus me exercui, nullamque occasionem, ubi vel hi, vel alii praestantiores chirurgi Amstelodamenses, qui eo tempore ibidem floruerunt, ut VERDUINIUS, BORTELIUS, KOENERDINGIUS alique, aliquam notabiliorem curationem sive operationem chirurgicam instituerunt, praetermisi, cui non interfuerim; atque sic, praesertim cum simul praestantiores scriptores chirurgicos diligenter perlegerem, haud mediocrem his ipsis chirurgiae cognitionem mihi comparavi.

P R A E F A T I O

Verum cum hanc nondum pro chirurgia rite exercenda mihi sufficere indicarem, sed plus ultra contendere vellem, ut tanto melius aliquando Deo & proximo hac in Medicinae parte nobilissima servire valerem, atque tunc temporis bellum acerbissimum in Belgio Hispanico inter foederatos & Gallos gereretur, haud meliorem occasionem uberiores in chirurgia faciendi progressus inveniri posse existimavi, quam si instante aestate an. 1707. ex Hollandia ad castra foederatorum in Brabantiam transirem; atque ibidem etiam curationes & actiones chirurgorum castrensium praecipuorum, tam Germanorum, quam Anglorum atque Belgarum diligenter inspicerem atque notarem; id quod etiam, licet haud sine multis incommodis & periculis, quia tamen discendi causa susque deque habui, feci, atque totam hanc aestatem in nosocomiiis castrensibus consumsi.

Sed cum etiam Professores Medicinae Leidenses tunc temporis celeberrimos audire arderem, & nominatim quidem BIDLOUM, ALBINUM patrem & BOERHAVIUM, circa autumnum e Brabantia Lugdunum Batavorum me contuli, atque horum lectiones ad initium usque aestatis 1708. sedulus frequentavi.

Postea, Doctoris gradu prius assumpto, iterum Foederatorum exercitum secutus sum; ubi amplissima in rebus chirurgicis & discendi & sese exercendi, propter cruentissimam obsidionem Insulae Flandriae (vulgo *Lille* s. *Ryssel*) ac diversa saevissima praelia prope Audenardam & Wynendalium sese occasio offerebat.

Amoenitate vero partim Belgii & cumprimis Hollandiae captus, partim etiam suasu Celeb. RUYSCHII, qui me, ut filium amabat, Amstelodami sedem figere atque tam Medicinam facere, quam juvenes & medicos & chirurgos in rebus anatomicis & chirurgicis, ut RAUJUS alias faciebat, instituere meque ipsum in his rebus uberiorius

A D L E C T O R E M B E N E V O L U M.

rius perficere decreveram; id quod etiam, quia RAUUM ob asperos mores vix ulli amplius audire volebant, feliciter mihi cesserat: dum se mox nonnulli offerrent, quibus per instantem hyemem & ver proximum demonstrationes & anatomicas & chirurgicas faciebam.

Interea autem cupido me incenderat denuo aestate anni 1709. castra Foederatorum sequi, ut uberius atque uberius in arte chirurgica & medica usu me perficerem, atque ex amicissimi mei RUYSCHII commendatione, cum Tornacum in Flandria a Foederatis obsidione tunc cingeretur, Medicus nosocomii castrensis Hollandorum constitutus sum; ubi tunc omnis generis operationes chirurgicas, quae sese & in castris & in urbibus vicinis offerebant, institui atque plerumque haud infeliciter perfeci.

Tornaco capto, exercitus Foederatorum in Hannoniam ad Montes (vulgo *Mons*) obsidendos progrediebatur, Gallos, qui obsidionem hanc impedire voluerant, ibidem aggrediebatur, & ingenti strage superabat, urbemque Montium ipsam oppugnabat ac tandem occupabat. Hic primo ingens a proelio quam maxime cruento occurrebat fauciatorum numerus, quibus semper adhuc novi ex dira obsidione addebantur: quo factum est, ut satis hic haberent chirurgi, quod agerent, & ubi in arte sua quam maxime sese exercerent: nam vulneratorum numerus copiarum Hollandicarum quem ex solo illo praelio acceperant, ultra quinque millia ascendebat. Hic igitur & ego occasionem inveniebam uberimam, ut pomoeria chirurgicae meae scientiae protrahere atque habitum, ut dicunt, exercitium atque usum in hac arte, imo & animum illum intrepidum, quem CELSUS in chirurgo tantopere requirit (a), & qui multis ceterum haud ineptis chirurgis saepe deest, mihi comparare valuerim.

Postquam vero tandem exercitus in hybernacula intraverat, &

††

sau.

(a) In lib. VII. praefatione.

P R A E F A T I O

fauciati curati erant, ego Amstelodamum redibam, atque per hyemem rursus demonstrationes anatomicas ac chirurgicas continuabam: interea tamen simul operationibus chirurgicis aliorum, quoties licuit, gnaviter assistebam.

Dum vero haec agebam, a perillustri Republica Norimbergenfi, ineunte vere, A. 1710. praeter spem in Academiam Altorfinam, ut professor publicus, ad anatomen & chirurgiam docendam vocabar. Honestissimam itaque hanc vocationem recusare nolui; attamen venia perillustris hujus Reipublicae magnam prius Britanniam adii, atque a vere usque in autumnum ibidem commoratus sum, ut & hoc in loco in omni Medicinae parte novos adhuc thesauros colligerem; ac tandem inde redux ex Hollandia Norimbergam & Altorfium, ad novum meum munus suscipiendum, abii.

Cum itaque eo in officio ibidem me a Deo constitutum intelligerem, ut praeter alias Medicinae partes inprimis etiam chirurgia, antiquissima & nobilissima Medicinae pars, atque ars inter ceteras humano generi summe necessaria, quam privatim jam per biennium in Hollandia docueram, mihi publice docenda esset, defectus apti libri sive enchiridii chirurgici, quem in praelectionibus meis pro tironibus informandis commode sequi potuissem, mihi multum taedii concitaverat.

Atque hunc ipsum defectum causam quoque esse reputavi, quod ad illud usque tempus, tam Medicinae quam chirurgiae Studiosi, praesertim in Germania, tam paucos in chirurgia profectus fecerint, adeoque non nisi per exiguam aut levem in illa scientiam sibi comparare potuerint.

Quo ipso autem factum est, ut chirurgi nostri quascunque curationes chirurgicas nobiliores ac paullo difficiliore agyrtis & histrionibus, qui tunc omnem Germaniam pervagabantur, reliquerint, & contenti plerumque fuerint, si modo levidense vulnus sanare,

sanare, venam incidere, abscessum aperire, vel ad summum luxa-
tionem & fracturam quandam restituere sciverint; difficiliore^s vero
ac praestantiores operationes aggredi, quam paucissimi ausi sint,
imo vix de illis perficiendis vel cogitaverint.

Quando enim eos libros consideramus; quibus eo tempore
utebantur nostri non solum chirurgi, verum etiam Professores in
Academiis ad chirurgiam tam docendam quam addiscendam, ni-
mirum HORNII microtechne aut NUCKII experimentis chirur-
gicis, aliisque similibus, facile patebit, quam imperfecti imo &
quam inepti sint ad perfectam de rebus omnibus ad chirurgiam
pertinentibus ideam, multo minus scientiam plenam comparan-
dam: dum non nisi actiones sive operationes nonnullas chirurgi-
cas, easque admodum saepe mancas sive imperfectas tradiderunt,
toti vulnerum, ulcerum aut tumorum doctrinae vix foliorum
quoddam consecrarunt, de fractis atque luxatis ossibus, quae
tamen tam multa ut rite curentur, requirunt, tam breviter &
jejune proposuerunt, vel silentio prorsus praetermiserunt, ut tirones
inde nullo modo debita nobilissimae hujus artis fundamenta multo
minus integram aut perfectam chirurgiam addiscere valuerint.

GUIDO CAULIACUS, FABRICIUS *ab Aquapendente*, PARAEUS,
SCULTETUS, SOLINGENIUS, aliique ex scriptoribus superiorum
ultimorum seculorum ampliores quidem & perfectiores chirurgias
nobis reliquerunt, in quibus quidem de plerisque, si non de omni-
bus, morbis chirurgicis egerunt; verum quia in eis tam multa
desunt recentiorum inventa & emendationes; eorumque curandi
artificia hodie haud raro, si cum recentissimis comparaveris,
obsoleta aut prorsus inepta sunt, facile inde patet, antiquiora
illa scripta chirurgica pro chirurgia docenda & discenda hodie
haud idonea esse: dum nimis multa a docente essent immutanda,
& quamplurima addenda & corrigenda; id quod, quia facile

confusionem parit, & docentibus & discentibus perquam molestum atque incommodum est.

Circa recentiores libros chirurgicos, qui eo tempore prostant, hoc mihi displicebat, primo quod vel a Medicis scripti essent, qui ipsi ferrum aut scalpellum in corporibus vivis nunquam tractaverant, adeoque sua experientia nihil hac de re scribere aut emendare poterant; sed vel antiquum una cum erroribus antecessorum recoxerunt, vel si ex ingenio suo aliquid superaddere voluerunt, talia saepe tradiderunt, quae in curationibus ipsis non succedebant; quales sunt v. gr. chirurgiae BARBETTI, BONTEKOEI, DOLAEI, BLANCARDI, VERDUCCII, CHARRIERII, VAUGUIONII, CLERICI, JUNGKENII aliorumque multorum; deinde quod alii a *chirurgis* scripti essent, qui nullis aliis scientiis aut elegantioribus studiis imbuti fuerunt, & quandoque in Anatomie simul valde rudes: quo factum est, ut non solum valde inordinate & confuse res suas describerent, verum etiam de sede & causis morborum chirurgicorum saepe quam maxime inepte judicaverint, imo etiam ob ineptam theoriam sive cognitionem morborum eorumque causarum perverse admodum curationes suas & docuerint & instituerint. Alii denique ex recentioribus, non nisi certas chirurgiae partes descriperunt, ut tantum vulnera, vel ossium morbos, vel tumores, vel operationes chirurgicas, vel vincturas sive fascias solum, &c. & quidem lingua non erudita, aut chirurgis nostris incognita: quibus propterea ad integram chirurgiam docendam uti haud potui.

His igitur causis potissimum commotus sum, ut mox in principio, cum chirurgiam docere inciperem, in gratiam auditorum meorum, & ut ipse certam in praelectionibus meis normam, quam sequeretur, haberem, chirurgiam integram, in qua de omnibus hisce praeciperem, conscribere allaboraverim, in quam opti-
ma

AD LECTOREM BENEVOLUM.

ma quaeque, omnibus in casibus chirurgicis, relictis obsoletis ac minus idoneis, tam ex scriptoribus antiquis & recentibus variarum gentium & linguarum, quam quod ipse, quando vel praestantiores Medicos ac chirurgos scalpellum adhibere vidi, vel quando ipse in quamplurimis operationibus chirurgicis, quas plerasque, ne difficillimis quidem exceptis, ipse perfecit, & adhuc, quoties occasio fert, perficio, usu didici, conferre studui. Atque haec non solum apto ordine, sed & perspicua, quantum fieri potuit, ratione in quibuscunque morbis & curationibus chirurgicis, qui ad meam notitiam pervenerunt, perficere sategi, ita ut nihil, quantum novi, quod cultoribus chirurgiae scitu necessarium atque utile esse existimavi, praetermiserim.

Haecce prima mea conamina latine conscripsi, eaque hac lingua auditoribus meis describenda concessi, eademque lingua ea ipsis quoque explicavi; verum quia hoc ob rerum copiam ipsis, ut facile judicari potest, multum laboris & molestiae creaverat, multumque pretiosissimi temporis ad cetera studia adhibendi subtraxerat, tandem ea publice luci exponere atque, sicuti in chartam conjecta erant, latine edere decreveram. Attamen cum miseram nostrorum tunc temporis chirurgorum sortem atque in rebus chirurgicis ac latina lingua ignorantiam considerarem, in quorum tamen potissimum utilitatem hunc librum conscripseram, consilium hoc mutavi, utiliusque ipsis fore judicavi, si lingua Germanica eum ederem. Ita enim non solum eos Germanos, qui latinam callent linguam, verum etiam chirurgos Germanos, qui eam non callent, cum fructu hoc libro meisque lucubrationibus uti posse, utilitatemque sic ejus in patria tanto majorem futuram esse. Itaque novo labore hosce meos labores in vernaculam transuli, eosque An. 1717. prelo commisi, qui etiam a. 1718. primum sub titulo chirurgiae meae Norimbergae in 4, una cum tabu-

lis aeneis praestantiorum instrumentorum prodierunt: atque ab eo tempore re vera quoque factum est, ut longe meliores, quam antea, chirurgos in Germania nunc numerare possimus; quorum etiam multi, quod praefiscine dixerim, professi sunt, se ex mea chirurgia quam maxime profecisse.

Volebam quidem paullo post exterorum in gratiam librum hunc etiam lingua eruditorum evulgare; verum cum in sequenti anno a potentissimo Magnae Britanniae Rege atque a Sereniss. Brunsvicensi. ac Luneburg. Duce in Academiam Juliam, quae Helmstadii floret, & ab ipsis quam liberalissime sustentatur, ad anatomen & chirurgiam publice docendam quam clementissime vocarer, partim propter impedimenta multa, quae sarcinarum collectio atque iter longum mihi concitabant, partim propter negotia quam plurima, quae novus locus & novum officium mihi creabant, partim propter alias res incidentes, editionem chirurgiae latinae diutius, quam putaram, differre coactus sum; praefertim quia eam adhuc magis perfectam & ad palatum eruditorum magis, quam germanicam, accommodare volueram. Interea tamen germanica editio brevi tempore erat divendita, atque hinc bibliopola novam editionem urgebat. Itaque priorem revidi, & cum post primam editionem chirurgia brevi tempore magna incrementa cepisset, inprimis circa lithotomiam, ipseque quamplurimas circa curationes & operationes novas in praxi mea observationes atque emendationes usu didicissem, eam semel iterumque multo auctiorem edidi; tempus vero propter alia eaque quamplurima negotia haud suppetebat, ut latinam, prout in animo erat, ad doctorum scilicet palatum magis adcommodatam, & scriptorum observationibus, qui germanis chirurgis usui esse nequeunt, latina scilicet vel peregrinis linguis conscriptis, auctam ornatamque perficerem.

Tandem tamen, cum non solum a multis exteris eruditis medicis

AD LECTOREM BENEVOLUM.

dicis & chirurgis saepius, imo & tandem a bibliopola Amstelodamensi, qui pro bono publico promovendo valde occupatus est, serio rogatus essem, ut meam chirurgiam exterorum caussa latine ederem, eorum desideriis deesse nolui, & inter quamplurimos alios & practicos & academicos labores, quamplurimis in locis auctam atque emendatam hic sisto, ea spe fore, ut omnibus in rebus, ad rem chirurgicam pertinentibus, chirurgiae cultores non solum solida fundamenta, verum optima quaeque, quae hucusque in hac medicinae parte praestantissima perspecta & cognita sunt, addiscere inde queant: dum non certas tantum partes chirurgiae hic tradere, sed universam rem chirurgicam in tironum potissimum commodum hoc in libro exhibere volui; ne in principio ipsis opus sit multos diversissimosque auctores hanc ob rem evolvere, atque ex uno vulnerum, ex alio fracturarum & luxationum, ex alio tumorum vel ulcerum doctrinam, ex alio deinde instrumenta chirurgica cognoscere, ex alio rursus operationes chirurgicas, & rursus ex alio fascias & vincturas conficiendi & applicandi rationes ediscere, sed ut omnibus hisce de rebus constet, non solum quantum pro tirone fundamentorum loco requiritur; verum etiam, quantum iis, qui jam ulterius progressi atque magis hac in re exercitati sunt, sufficere forte potest. An hoc praestiterim, penes eruditos atque prudentes esto iudicium: ego profecto, quantum in me est, hisce meis laboribus honorem Dei & publica commoda serio provehere studui.

Ceterum quia *correctioni libri interesse non potui*, Ben. Lect. haud inique ferat, rogo, quando hinc inde errores typographicos inveniet; operam tamen quoque dedi, ut praecipui & praesertim qui sensum turbare possunt, in fine indicati sint.

Tandem ab instituto nostro haud alienum esse iudicavi, si cum artis chirurgicae cultoribus, *pro notitia scriptorum chirurgicorum*
acqui-

acquirenda Bibliothecam Chirurgicam, sicut pag. 10. §. X. promisi, hic post praefationem communicem: in qua, si non omnium, plerorumque tamen, qui vel de chirurgia in universum, vel etiam de peculiaribus ejus partibus, variis in linguis europaeis commentati sunt, autorum ordine, ut vocant, alphabetico, & quidem variae etiam eorum, quas obtineo editiones, recensentur: ut intelligere inde possint, quinam & qua de re memoriae aliquid prodiderunt; ut sic tanto facilius eos, quos desiderant, aut penitus cognoscere cupiunt, sibi comparere queant. Quoniam vero & inter *disputationes academicas* multae sunt, quae argumenta chirurgica, & quidem saepe satis egregie pertractarunt, imo & res novas subinde proferunt, quarumque cognitio propterea Chirurgis utilis est, illas etiam, quas ex praecipuis & optime elaboratis esse putavi, quantum ad meam notitiam pervenerunt, inter ceteros nostros scriptores chirurgicos enumeravi. Sciendum enim est, me non nisi eos scriptores hic enarrasse, quos ipse possideo; nam quos non habeo, quorum tamen forte non adeo multi erunt, silentio potius hic praetermittere, quam male referre malui: titulosque librorum, qui alia, quam latina aut gallica lingua scripti sunt, latine quoque eorum in gratiam adjeci, qui ceteras linguas haud intelligunt, ut inde, quid aut qua de re autor scripsit, tanto melius cognoscere queant. Sed in gallicis libris hoc non opus fuisse credidi; quia fere omnes hodie eruditi, qui latinam linguam callent, etiam gallicam intelligunt, saltem ita, ut titulum libri intelligere possint.

Denique etiam monere hic adhuc volui, jam ante biennium impressionem hujus libri Amstelodami inchoatam esse; verum ob rerum & tabularum aenearum copiam citius eam absolvi non potuisse: adeoque etiam non erit mirandum, si quosdam auctores tanquam adhuc viventes citaverim, ut v. gr. SALTZMANNUM, Med. Argentoratensem & BOERHAVIUM, qui interea antequam liber absolutus esset, mortui sunt. Vale & fave.

BIBLIOTHECA
CHIRURGICA,

S I V E

SCRIPTORES MEI
CHIRURGICI.

WILKINSON

CHIRURGICAL

SCOTT'S MEDICAL

CHIRURGICAL

BIBLIOTHECA CHIRURGICA.

A.

- A** Beille, *le parfait chirurgien d'armée, & le traité des playes d'arquebuse, &c.* 8. a Paris 1696.
- Academiae Berolinensis Acta. vid. Berolinensis.
- Petropolitanae commentarii. Petropoli Tom. I. 1728. 4. Tomus II. III & IV. annis subsequentibus, sed paucissima chirurgica continent.
- Acta Eruditorum Lipsiensia, notissima, itemque Acta Eruditorum Gallica, sub titulo *Journal des Sçavans*, omnis generis res chirurgicas referunt.
- physico-medica acad. nat. curios. Vol. I. 4. Norib. 1727. & Vol. II. 1730. Vol. III. 1733. & Vol. IV. 1737.
- medica Hafniensia. vid. Bartholini Acta medica & philosophica Hafniensia.
- Medicorum Berolinensium. vid. Berolin.
- philosophica societatis Regiae in Anglia, ab an. 1665. ad an. 1669. autore *Henr. Oldenburgio*, 4. Lips. 1675.
- eadem in compendium redacta, vulgo anglice, *Abridgment of the Philosophical Transactions* ab an. 1665. ad 1700. a *Jo. Lowthorpio* edita, vid. *Lowthorpius*. Eadem in compendium redacta a *Benjam. Mottio* ab an. 1700 ad 1720. vid. *Mottius*. Eadem in compendium redacta ab an. 1719 ad 1733. a *Jo. Eames* & *Jo. Martyn*, vid. *Martin*.
- Actuarii* (Jo.) *methodus medendi*, 4. Venet. 1554.
- Aderlass-Büchlein (neu vermehrtes) oder Bericht vom Aderlassen und Schröpfen*, germanice, hoc est, Libellus de arte venas incidendi & scarificandi, 8. Norimberg 1665.
- Adolphi* (Chr. Mich.) trias diss. chirurgicarum 1) de spina ventosa, 2) de ligaturis dolorificis, 3) de morborum per manuum attrectatum curatione, 4. Lips. 1730.
- de vinculis chirurgicis dissert. 4. Lips. 1730.
- Aeginetae* (Pauli) Opera, fol. Basil. graece 1538. & latine 1556. prodierunt etiam Lugdun. fol. 1589. it. Venetiis fol. 1528. 1568. it. Argent. 1542.
- Aëtii* libri universi, fol. Venet. 1534. Basil. 1535. 1549. it. Lugduni 1549.
- Agricolae* (Jo.) institutiones chirurgicae, 12. Francof. 1638. germanice.
- *Wund-artzeney, vermehrt und verbessert*, 8. Nürnberg. 1674. hoc est: Chirurgia aucta & emendata.
- *Neue Feldscherer-Kunst*, 12. Dresd. 1716. germanice, h. e. Chirurgia nova.
- (Georg.) de peste, 8. Swinfurt. 1607.
- Alberti* (Mich.) *Introductio in universam Medicinam*, parte II. Chirurgiam habet brevem, 4. Halae 1719.

- Alberti* dissert. de Hydrocephalo, 4. Halae 1725.
 ——— dissert. de Nasi excrecentia, 4. c. fig. ibid. 1729.
 ——— de foetus mortui cum secundinis extractione dissert. 4. ibid. 1737.
Albini (Bernh.) diss. de fomiculis, 4. Franc. ad Viadr. 1681.
 ——— dissert. de Paracentesi thoracis & abdominis 4. ibid. 1687.
 ——— dissert. de Paronychia, 4. ibid. 1694.
 ——— dissert. de Cataracta, 4. c. fig. ibid. 1695.
 ——— diss. de Partu difficili, ibid. 1696.
 ——— (Bernh. Siegfr.) index supellectilis anatomicae Ravianae, cum Ravi vita & calculosorum curatione, 4. c. fig. Lugd. Batav. 1725.
Albrechti (Jo. Gunth.) dissert. de Enematum evacuantium, alterantium ac nutritium usu, 4. ibid. 1698.
Albucasis, chirurgorum primarii, Opera, fol. Argentor. 1532. cum Octaviano Horatiano junctus.
 ——— cum Argelata junctus, fol. Venet. 1531.
Alghisi (Tomaso) Lithotomia, 4. ibid. 1708. c. fig. italice.
Alliot (J. B.) *traité du cancer*, 12. Paris 1698.
Alpini (Prosp.) de medicina Aegyptiorum, 4. ibid. 1645. varias res chirurgicas Aegyptiorum continet notatu dignas.
Alrutz (Jo. W.) Vade mecum anatomico-Chirurgicum, cum Georgii Clacii observationibus chirurgicis, germanice, 8. Hanoverae 1722.
Amand (Pierre) *observation sur la pratique des accouchemens*, 8. Paris 1714.
Ammanni (Pauli) medicina critica, 4. Stadae 1677. multa chirurgica continet.
 ——— diss. de resonitu sive contraflussura, Lipsiae primum prodiit 1674. 4. sed quoque extat in Paraenesi ejus ad discipulos, 12. Lips. 1677.
 ——— praxis vulnorum lethalium, 8. Francf. 1690.
Andry (Nic.) *Examen de divers points de l'anatomie, de chirurgie, de physique, de médecine*, 8. Paris 1725.
Anel (Dominique) *l'Art de sucer les playes sans de servir de la bouche d'un homme*, c. fig. 8. Amst. 1707.
 ——— *methode pour guerir les fistules lacrymales*, 4. Turin. 1713
 ——— *discours apologetiques pour la nouvelle methode de guerir les fistules lacrymales*, 4. Turin. 1714.
Angelini (Facondini) *methodus pro venae sectione eligenda*, 4. Patav. 1649.
Anglici (Jo.) *praxis medica, in qua de morbis, de chirurgia, &c. agitur*, 4. Aug. Vind. 1595.
Anonymi *Abhandlung von Erzeugung der Menschen &c.* germanice. Est liber de arte obstetricandi, cum multis fig. 8. Francof. 1706. ex belgica lingua translatus.
 ——— *l'Art de saigner*, 8. a Paris 1689.
 ——— *the Birth of Mankind, sive de partu hominis*, c. fig. 4. Lond. 1654.
 ——— *Catechismus obstetricum*, germanice, 12. Argentorat. 1722.
 ——— *charitable surgeon*, anglice, h. e. chirurgus misericors, 8. Londin. 1708. agit solum de curatione morbi venerei.

Anonymi

- Anonymi* chirurgia, cum instrumentis & figuris ex Albucasi desumptis, germanice, in fol. Argentor. 1540.
- le Chirurgien charitable par I. A. G. Maitre chirurgien, 8. a Paris 1656.
- Chirurgus bene exercitatus, germanice, titulo: *Der weitgerichte und wohl practicirte Barbierer*, 8. Ratisbonae 1709.
- chirurgus, chemicus & Medicus curiosus, 8. Dresd. 1719.
- chirurgus expertus, 8. Hamb. 1689. germanice.
- Chirurgy's Gilde in Amsterdam, &c. h. e. Chirurgorum Amstelodamensium statuta, leges & privilegia, 4. Amst. 1704. belgice.
- clysmatica nova, Kiliae, 4. 1662. autor hujus fuit Jo. Dan. Major.
- Collectanea chirurgica an. 1721 & 1722. 8. Hanoverae 1722. german.
- de contagio, quod 1713. Austriam invasit, relatio, ejusdemque optima curatio, germanice, sub titulo: *Ansteckender Seuche, welche dieses 1713. Jahr in das Ertz-Herzogthum Oestereich eingeschlichen, gründliche nachricht, samt denen benötigten Hülff mitteln*, ex collegio sanitatis Austriaco. Ratisbonae juxta exemplar Viennense, in 4. 1713.
- Cystotomia hypogastrica, anglice 4. Lond. 1724.
- Enchiridium chirurgicum, 8. Patav. 1593.
- fonticuli quomodo tractandi, germanice in 4. sine anno & loco.
- Gazophylacium, medicum & chirurgicum, germanice, Medicinisches und chirurgisches Schatzkästlein, 8. Frf. & Lips. 1709.
- *l'Indecence aux hommes d'accoucher les femmes & l'obligation des femmes de nourrir leurs enfans*, 12. a Trevoux 1708.
- Journal de Medicine, ou observations des plus fameux Medecins, chirurgiens & anatomistes de l'Europe, tirées de Journaux des Pais étrangers, & Memoires particuliers, envoyez a Monsr. de la Roque, 8. Paris 1683.
- *Krebs Cur*, (Bewehrte) h. e. curatio carcinomatum experta, 4. Jenae 1717.
- libellus 1) de morbis oculorum, 2) de herniis, 3) de tinea capitis, 4) de dentibus & ulceribus antiquis, germanice, 4. Argent. 1538.
- Lithotomus castratus, anglico sermone; in quo libro autor de alto lithotomiae apparatu agit, & *Cheseldeni* modum, hanc lithotomiae speciem instituenti, eundem esse, quem *Jo. Douglassius* primus descripsit & instituit, affirmat, 8. London 1723.
- Medici antiqui graeci, 4. Basileae 1584.
- Medicus, nisi chirurgus, semiplenus vel nihil est, 4. Magdeburgi 1622.
- ——— theoria & praxi instructus, sive de internorum & externorum morborum curatione, 8. Genevae 1690.
- *Nouvelle methode d'operations de chirurgie*, 12. a Paris 1693.
- *Nouvelles decouvertes sur toutes les parties de la Medecine*, 12. a Paris 1679.
- Observationes medico-chirurgicae de variis rebus medicis & chirurgicis, germanice 8. Ascherslebiae 1715.
- Obstetricum Catechismus, germanice, 12. Argent. 1722.
- obstetrix Brandenburgica, vid. Sigemundia.

- Anonymi* obstetrix Coburgiaca, 12. Hildburgshufae 1700. germanice.
 — Saxonica, 8. Francof. & Lips. 1701. germanice.
 — operations de chirurgie, 12. Paris 1692.
 — de pestilentialibus tumoribus, bubonibus & carbunculis, germanice *von Pestilentialischen Drüsen, Beulen und carbunculen*, 8. 1686. fine loco.
 — Synopsis doctrinae & medicinae vulnerum, 4. Wittebergae 1699.
 — Theatrum sympatheticum sive de pulvere sympathetico & unguento armario, 4. Norimber. 1662.
 — Vade mecum anatomico-chirurgicum, 8. Hanoverae 1718.
 — Verhandelng van de Voortteeling en het Kinderbaren, belgice, h. e. Traëtatus de generatione & partu hominis, cum multis figuris artem obstetriciam illustrantibus, autore S. I. Med. Doct. edit. III. 8. Amstel. 1688. Idem in linguam germanicam translatus 8. Francof. 1706. c. fig.
 — Unterricht von Schwürigen, offenen Schenckeln, germanice, h. e. Methodus curandi ulcera crurum antiqua, autore D. D. K. 12. Nordhusae 1688. Autor hujus libelli fuit D. David Kellnerus, Medicus Nordhusanus.
 ab *Aquapendente*. vid. Fabricius ab *Aquapendente*.
Arantius (Jul. Caes.) de tumoribus, 4. Venet. 1587.
 — commentarius in libr. Hippocr. de vulneribus capitis, 8. Lugd. 1579. & 1639. 12.
Arcaeus (Franc.) de recta curandorum vulnerum ratione, 8. Antverp. 1574. & 12. Amst. 1658.
 — idem germanice, titulo *von den wunden*, 8. Nürnberg. 1674. c. fig.
de Argellata (Petr.) chirurgia, fol. Venet. 1499 & 1531. cum Albucasi.
L'art de faire les rapports en chirurgie, 8. a Paris 1703. supra una cum sequenti & aliis anonymis inter anonymos jam indicata.
L'art de saigner, 8. a Paris 1689.
Astruc (Jo.) de morbis venereis, 4. Lutet. Paris 1736.
Augenius (Horat.) de ratione curandi per sanguinis missionem, fol. Francof. 1598.
Avicennae opera omnia, fol. Venet. 1564. 2 vol.

B.

- B** *Adilius* (Valerius) de secanda vena in pueris, 4. Veronae 1606.
Baieri (Jo. Jac.) diss. de froeno linguae, 4. Altorf. 1706.
 — de turundis, 4. ibid. 1707.
Baldutius de tumoribus, 4. Venet. 1612.
Banyer (Henry) Microtechne, sive methodical introduction to the art of surgery, h. e. introductio methodica in artem chirurgicam, 8. Londini 1717.
Barbette (Pauli) chirurgia, 8. Amstel. 1663. postea cum notis Muysii, 12. ibid. 1693.
 — opera omnia, cum notis Mangeti, 4. Genevae 1688. Eadem germanice titulo: Medicinische, Chirurgische und Anatomische Schriften, 8. Lips. 1718.
Barbierer (der weitgereifte und wohl practicirte) germanice, h. e. chirurgus bene exercitatus, 8. Regensp. 1709. *Bartho.*

- Bartholini* (Th.) aneurysmatis dissecti historia. Accedit Jo. von Horn ejusdem argumenti epistola, 8. Panormi 1644.
- historiae anatomicae Centuriae VI. 8. Hafniae 1654. 1657 & 1661.
- epistolae medicae, Centuriae IV. 8. Hafn. 1663. 1667.
- de insolitis partus humani viis, cui & *Veslingii* observationes anatomicae & chirurgicae junguntur, 8. Hafn. 1664.
- acta medica & philosophica Hafniensia, 4. Hafn. Vol. I. 1673. Vol. II. 1675. Vol. III. IV. 1677. Vol. V. 1680. cum fig.
- Bartisch* (Georg.) Ὀφθαλμοδοουλεία five Augendientst, germanice, h. e. de morbis oculorum liber, fol. Dresdae 1583. c. fig. quamplurimis.
- Bassius* (Henr.) de fasciis & vincturis chirurgicis, germanice 8. Lips. 1720. c. fig.
- Commentationes in Nuckii experimenta chirurg. germ. 8. Halae 1728.
- observationes anatomico-chirurgico-medicae, 8. Halae 1731.
- de fistula ani, 4. Halae 1718. c. fig.
- Baubini* (Casp.) de Hermaphroditorum & monstrosarum partium natura, 8. Oppenh. 1614.
- Bautzmanni* (Jo. Chr.) vernünftiges Urtheil von tödlichen wunden, h. e. judicium de vulneribus lethiferis, 12. Lips. 1717.
- Bazzicalune* (Ascanius Maria) novum systema medico-mechanicum, & nova tumorum methodus, 4. Parmae 1701.
- Becke* (Dav. vonder) de procidentia uteri, 8. Hamb. 1683. cum fig.
- Becker* (Jo. Conr.) Παιδιοκτονία inculcata ad servandam puerperam, 4. Giesae 1729.
- (Jo. Frid.) de fistula urethrae virilis dissert. 4. Halae 1728.
- Beckher* (Dan.) de cultrivoro Prussico germ. 4. Regiomonti 1643. latine 12. Lugd. Bat. 1640.
- Behrens* (Rud. Aug.) Triga casuum memorabilium, (chirurgici inprimis argumenti) 4. Wolfenbutelae 1727.
- de cerebri vulnere non semper & absolute lethali, 4. Franc. ad Moen. 1733.
- Beieri* (Godofr.) diss. de Arteriotomia, 4. Jenae 1673.
- Belloste* Chirurgien d'hospital, 8. Amst. 1707. idem germanice titulo: Hospital-chirurgus, 8. Dresd. 1703.
- Benevoli* (Anton.) Lettera sopra due osservazioni fatte intorno alla Cateratta, italice, h. e. Epistola de duabus observationibus circa cataractam oculi, 4. Florent. 1722.
- (Antonio) nuova proposizione intorno alla caruncula dell'urethra & della cataratta glaucomatosa, h. e. nova propositio de caruncula in urethra & de cataracta glaucomatica, 8. ibid. 1724.
- Manifesto sopra alcune accuse contenute in uno certo Parere del Signor *Pietro Paoli*, Cerusseo in Lucca, 4. ibid. 1730. h. e. Responso ad certas accusationes libelli *Petri Pauli*. Chirurghi Luccensis (in controversia de cataracta.)
- Giustificazione delle replicate accuse del. signor *Pietro Paoli*, 4. ibid. 1732. h. e. Refutatio objectionum *Petri Pauli*, chirurgi Luccensis.
- Berdoti* (Leopold. Eman.) diss. de Paronychia, 4. Basil. 1731.

- Berengarii* (Jac.) Carpi de fractura cranii liber aureus, cum. fig. 4. Bonon. 1518. & Venet. 1535. Idem 8. Lugd. Bat. 1639.
- Berenger* (N.) traité des descentes & des maux de ventre, 8. a Paris 1701. c. fig.
- Bergonii* (Jo. Georg.) diss. de Parotidibus, 4. Franc. ad Viadr. 1717.
- Berolinensis Academiae* regiae miscellanea, 4. Berolini 1710. cum continuationibus, variis postea annis impressis.
- Berolinensium Medicorum* acta, 8. Berolini 1717. & seq. cum figur.
- Bertapaliae* chirurgia, juncta cum Guid. de Cauliaco in arte chirurgica, fol. Venet. 1546. vid. Cauliacus.
- Beuerlini* (Rud. Phil.) de luxatione & fractura femoris, 4. Altorf. 1719.
- Beverovicii* (Jo.) exercitatio de calculo, 12. Lugd. Bat. 1633. it. 1638 & 1641.
- exercitatio in Hippocratis aphorismum de calculo, 12. L. B. 1641.
- chirurgia germanice, continetur in operibus ejus, quae in 8. Francof. 1671. & postea etiam in fol. ibid. 1674. prodierunt.
- Beynon* (Eliae) Barmhertziger Samariter, h. e. Samaritanus misericors, sive de morborum internorum & externorum curatione, cum appendice de arte obstetricia, germanice, 12. Jenae 1684.
- Bidloi* (Godofr.) exercitationes anatomico-chirurgicae, 4. Lugd. Bat. 1708.
- opera anatomico-chirurgica, 4. ibid. 1715.
- Biumi* (Paul. Geronim.) scrutinio teorico pratico di notomia e cirugia, sive Anatomia & Chirurgia, 8. Mediolani 1712.
- Blancardi* (Steph.) Chirurgia, belgice 8. Amsterd. 1680. & germanice Hanov. 1692.
- collectanea medico-physica, 8. Amstel. 1683.
- Blegny* (Nic.) Zodiacus Medico-Gallicus, sive Miscellanea medico-physica Parisiensis, cum tract. de herniis & de lue venerea, 4. Genev. 1680.
- des maladies veneriennes, 12. Amsterd. 1696.
- Blondii* (Mich. Angeli) scripta chirurgica, in Thesauro chirurgiae *Uffenbachii*, in fol. Francof. 1610.
- Boccacini* (Antonii) desinganni chirurgici per la cura della ferite, ulcere, e seni, h. e. institutiones chirurgicae ad curam vulnerum, ulcerum & fistularum, 8. Venetiis 1713. 1714. 1715.
- Bohnii* (Jo.) de officio Medici duplici, clinico & forensi, 4. Lipsf. 1704.
- de renunciatione vulnerum, 8. Amst. 1710. & Lipsf. 4. 1711.
- chirurgia, germanice, 8. Brunsvigae 1732.
- diss. de Trepanationis difficultatibus, Lipsf. 1694.
- diss. de revulsione cruenta, ibid. 1704.
- Bokelmanni* (Andr.) & Bonaventurae *Dortmundi* Controversiae de extractione foetus mortui, belgico sermone, Amsterd. 1677.
- Bolognini* (Angeli) de cura ulcerum, fol. Frf. 1610. in thesauro *Uffenbachii*.
- Boneti* (Theophil.) sepulchretum sive Anatomia practica, fol. Genevae 1679. 1700.
- Bonham* (Th.) the chirurgians closet seu dispensatorium chirurgicum, 4. Lond. 1630.
- Bontekoe* (Cornel.) chirurgia belgice 8. Gravenh. 1680. & germanice 8. Hannoverae 1682.

- Bontekoe* Fundamenta Medicinae & Chirurgiae, germanice, titulo: *Grundsätze der Medicin und chirurgie*, 8. Aug. Vind. 1721.
- Borrichii* (Olai) de calculorum generatione in macro- & microcosmo, cum appendice *Josephi Lanzoni*, 12. Ferrariae 1687.
- Bosii* (Casp.) diss. de obstetricum erroribus, 4. Lipsiae 1729.
- Botalli* (Leonh.) de sclopetorum vulneribus, 12. Lugdun. 1560. 1565. it. 8. Venet. 1566 & 1598. it. Francof. 1575. 4.
- de curatione per sanguinis missionem, venae sectionem, scarificationem & hirudines, 8. Lugd. Bat. 1577. & Antverp. 1583.
- opera omnia medica & chirurgica, 8. Lugd. Bat. 1660.
- libri duo de morbo venereo & vulneribus sclopetorum, germanice, 8. Norimb. 1676. cui etiam jungitur *Tassini* chirurgia.
- Boulton* (Rich.) system of rational and practical chirurgery, anglice; id est systema Chirurgiae rationalis & practicae, 8. Lond. 1713.
- physico-chirurgical treatises of the Gout, Kings-Evil, the Lues venerea and intermitting Fevers h. e. libri medico-chirurgici de podagra, strumis, lue venerea &c. 8. ibid. 1715. secunda editio.
- Bourgeois* (Louyse) liber de arte obstetricandi, germanice Hebammen-Buch, 4. Oppenheim 1619. item 4. Hanoviae 1652.
- *observations sur la sterilité, perte de fruit, foecundité, les accouchemens & maladies des femmes & enfans nouveau naiz*, 8. a Paris 1626. belgice 8. Delft 1658.
- Brandenburgica obstetrix*, vid. Sigemundin.
- Brandii* (Mich.) diss. de causis fracturae ossium absque violenta causa externa, 4. Groeningae 1722.
- Brauneri* (Jo. Jac.) tract. de formulis medicamentorum, sive experimenta medica & chirurgica, 8. Frf. 1717.
- Brisseau* traité de la cataracte & du glaucoma, 12. a Paris 1709. c. fig.
- Brissot* (Petr.) & *Moreau* de sanguinis missione, praesertim in pleuritide, 8. Lutet. Paris. 1622. item Venet. 1539. cum *Matth. Curtii* & *Victoris Trincavellii* de eadem re libellis.
- Browne* (Jo.) a compleat discourse of wounds, seu tractat. perfectus de vulneribus, 4. Lond. 1678. anglice.
- *Adenochoiradelogia* sive de glandulis & strumis, una cum dono divino Regibus Angliae concessio sanandi strumas, 8. Lond. 1684. anglice, An Anatomick-Chirurgical treatise of glanduls & strumaes, or Kings-Evil-Swellings, together with the royal gift of healing or Cure thereof by contact or imposition of hands, performd above 640. Years by our Kingsof England.
- Bubben* (Jo.) vom Blutlassen, germanice, h. e. de sanguinis missione, 8. Gothae 1729.
- Buchneri* (Andr. Eliae) diss. de aëris externi noxis in vulnerum curatione, 4. Erford. 1737.
- ejusdem Miscellanea physico-medico-mechanica, 4. Erfurt. 1731. & seq.
- Budaei* (Gottl.) Miscellanea medico-chirurgica, Germanice 4. Lipsiae 1731.
- Burchardi* (Christ. Martin.) de partu difficili, 4. Rostoch. 1726.

Burchardi de tumoribus scirrhis, 4. Rostoch. 1727.

— de chirurgiae notitia Medico necessaria, 4. ibid. 1727.

Bürgers (Petri) Candidatus chirurgiae, germanice, 8. Regiomonti 1674. & Hano-
ver. 1692.

Burgmanni (Petri Christoph.) diss. num intermissa funiculi umbilicalis ligatura mor-
tem inferre queat, 4. Rostoch. 1734.

Burres (Laur.) chirurgia germanica, 4. Erfurt. 1544.

Burrbi (Franc. Jos.) epistolae duae de cerebro, & artificio oculorum humores re-
stituendi, 4. Hafniae 1669.

C.

C*Ajus* (Bernh.) de vesicantium usu, 4. Venet. 1606.

Calmetei (Anton.) Enchiridion chirurgicum, 8. Paris. 1564 & 1667. Italice 8.
Venet. 1605. gallice 12. Lyon 1600.

Camerarii (Eliae Rudolph.) diss. de fractura cum vulnere, 4. Tubing. 1693.

— Historia pleuritidis & abscessus pectoris, 4. ibid. 1690.

— de Clysmatibus, 4. ibid. 1688.

— (Rud. Jacob.) diss. de Bubone & Carbone, 4. ibid. 1713.

Cantarini (Angeli) Chirurgia practica, accommodata al uso scolaresco, (h. e. in
usum scholasticum) 4. in Padoua 1715.

Capelluti (Roland.) Tractatus de curatione apostematum pestiferorum, 8. Francof.
1642.

Carcanus (Jo. Bapt.) de vulneribus capitis, 4. Mediolani 1583.

Carli (Jo. Sam.) Elementa chirurgiae medicae, 8. Büding. 1727.

Carpus, vid. Berengarius.

Casaleni (Jo. Ant.) de secanda vena in pleuritide revulsionis gratia, 4. Venet. 1605.

Caspius (Georg.) de cautionibus in sanguinis missione, 8. Basil. 1579.

Casseri (Julius) de vocis auditusque organis, fol. Ferrar. 1600. quo libro egregie
de Laryngotomia agit, eamque iconibus illustrat egregiis.

Castellani (J. M.) Phylactirion phlebotomiae & arteriotomiae, 8. Argentinae 1628.

a Castro (Jac.) de inoculatione variolarum, 8. Hamburgi 1722. cum versione ger-
manica.

Cauliaci (Guidonis) Chirurgia, fol. Venetiis 1499. it. 8. Lugd. 1559. belgice 4.
Amst. 1646.

— ars chirurgica, una cum chirurgia Brunii, Theodorici, Rolandi, Lanfranci,
Bertapaliae & Saliceti, fol. Venet. 1546.

— sive *a Cauliaco* chirurgia cum notis Jouberti, 4. Lugd. 1585.

— *Abregé de chirurgie de Guy de Chauliac, par Verduc*, 8. a Paris 1704 & 1716.

Eausapé (Anicet.) *reflexions singulieres sur le frequent usage de la saignée* Tom. 2. 8. a
Paris 1697.

Celsus (Aur. Corn.) de re medica sive Medicina, fol. Venetiis 1497. it. 4. Colon.
1613. it. 8. Hagenoviae 1528.

Celsus

- Celsus* cum commentar. Hierem. Thriveri *Brachelii*, 8. Antverp. 1539.
 — ex editione *Almelovenii*, 8. Amstel. 1687.
 — ex edit. *Vulpii*, & Jo. Bapt. Morgagni epistolis, 8. Patav. 1722.
 — cum praefat. *Wedelii*, 8. Jenae 1713.
Chabert Observations de chirurgie pratique, 12. Paris 1724.
Chalmetei (Anton.) Enchiridium chirurgicum, 8. Paris 1564. it. 12. Lugd. 1588.
 it. 8. Patav. 1593. & Basil. 1620. 8.
Chamberlain's practica obstetricum, anglice 8. Londin. 1665.
 the Charitable Surgeon, Anonymi, anglice, h. e. Chirurgus misericors, 8. Lond.
 1708.
Charleton (Walth.) spiritus gorgonicus, sive de causis, signis & curatione lithiascos,
 Lugd. Bat. 1650.
Charretani (Jo.) Chirurgia sive *Wundartzney*, continetur in libro cui titulus germanicus: *Artzney-buch vor allerley Kranckheiten*, h. e. liber medicus contra omnis generis morbos, 4. Erfurt. 1545.
Charriere (Joseph.) *Traité des operations de la chirurgie*, 12. a Paris 1692. & postea 1706. Idem germanice Francof. 1700. & deinde 1715. 8.
Cheselden (Guil.) Treatise of high operation, anglice, h. e. tract. de alto apparatu, 8. cum fig. Lond. 1723.
 — Anatomy of the human Body, id est Anatome corporis humani, edit. III. 8. Lond. 1726. & edit. IV. 1730. in quibus variae observationes chirurgicae continentur.
 — Osteographia, anglice fol. c. fig. quamplurimis, Lond. 1733. in qua multae observationes circa ossium morbos exhibentur.
Chesne (Jos. du) *de la cure des arquebusades*, 8. Lyon 1576.
Chevalier traité sur l'usage des differens saignées, 8. a Paris 1730.
Chicoyneau Relation de la peste de Marseille, 8. a Leyden 1721. avec un discours de la contagion pestilentielle, par Rich. Mead.
Chiffletius (Jo. Jac.) de acia Celsi, 4. Antverp. 1633.
 le Chirurgien charitable par J. A. G. Maître chirurgien, 8. a Paris 1656.
Chirurgici scriptores optimi a Gesnero editi, nimirum *Cauliacus*, *Brunus*, *Theodoricus*, *Rolandus*, *Lanfrancus*, *Bertapalia*, *Rogerus* & *Salicetus*, fol. Tigur. 1555.
 — a Petro Uffenbachio editi qui sunt, *Pareus*, *Tagaultius*, *Hollerius*, *Sanctus*, *Bologninus*, *Blondus*, *Ferrius*, *Dondus*, *Fabricius Hildanus*, fol. Francofurti 1610.
Chirurgiae compendium, anonymi, germanice, 12. Hamb. 1679.
Chirurgia germanice conscripta, sub titulo: (*Feldbuch der wundartzney*) cum instrumentis ex *Albucasi* desumptis, fol. Argent. 1540.
Chirurgische Berichten ab zu fassen, germanice; hoc est ars perficiendi relationes chirurgicas, 8. Budiffin 1713.
 — tractaetlein 1) von Augen Kranckheiten, 2) von Brüchen, 3) vom Erbgrind, 4) von Zähnen und alten Schaeden, germanice, h. e. tractatuli de morbis oculorum, de herniis, tinea, dentibus & ulceribus antiquis, 4. Argentorati 1538.
Chirurgus (der erfahrne) 8. Hamb. 1689. germanice, h. e. Chirurgus expertus.

- Chirurgus, Chymicus & Medicus curiosus, germ. 8. Dresdae 1719.
- Chirurgyns Gilde in Amsterdam, Privilegien, Willekeuren en Ordinantien, h. e.
- Chirurgorum Amstelodamensium statuta, jura, leges & privilegia, 4. Amst. 1709.
- Chunii (Jo. Phil.) diff. de Paedarthrocace, 4. Marp. 1697.
- Clacii (Georg.) observationes Chirurgico-practicae, germanice, 8. Hanoverae 1718. 1722.
- Clauderii (Christ. Ern.) Mirabilis calculi humani historia 4. Chemnitii 1728 c. fig.
- le Clerc Chirurgie complete, Parisiis 1695. it. 12. a la Haye 1707. postea Paris. 1719 & 1720.
- chirurgie, germanice, 8. Dresdae 1699.
- *L'appareil commode en faveur des jeunes chirurgiens, cum fig. 8. a Paris 1700.*
- Clowes (Guil.) de adustione a pulvere pyrio & vulneribus sclopetorum, anglice 4. Lond. 1637.
- Clysmatica nova, germanice, 4. Kil. 1662. ejus autor fuit Jo. Dan. Major.
- Cocchi (Ant.) Epistola ad Morgagnum de lente crystallina oculi humani vera suffusionis sede, 8. Romae 1721.
- Codronchius (Bapt.) de prolapsu cartilaginis mucronatae, 4. Bonon. 1603.
- de Hydrophobia & rabie, 8. Amst. 1710.
- Cohausen (Jo. Henr.) lucina Ruyschiana, sive musculus uteri orbicularis Ruyschii ad medicinae practicae rationalis trutinam revocatus, 8. Amst. 1731.
- Colbatch (Jo.) Novum Lumen chirurgicum, or a new Light of Chirurgery, anglice 8. Lond. 1698.
- worcks in Physic and chirurgery, 8. hoc est Opera medica & chirurgica.
- collection of traicts chirurgical and medical, 8. Lond. 1700.
- Colle (Jo.) elucidarium Anatomicum & Chirurgicum, fol. Venet. 1621.
- Collectanea chirurgica anni 1721 & 1722. germ. 8. Hanoverae 1722.
- Colot (Franc.) traité de l'operation de la taille & des suppressions d'urine, cum fig. 8. a Paris 1727.
- Commercium litterarium ad rei medicae & scientiae naturalis incrementum institutum; quo quicquid novissime observatum, agitatum, scriptum vel peractum est, succincte exponitur: inchoatum Anno 1731. Norimbergae 4. & per aliquot annos continuatum, in quo etiam inventa & observationes novae chirurgicae recensita sunt. Dolendum vero opus tam utile non amplius continuari. *ib. 2 post mortem*
- Cooke (Jac.) Chirurgia, Anatomia & Medicina anglice, 8. Londini 1676.
- Marrow of Chirurgery, h. e. Medulla Chirurgiae, 8. Lond. 1676.
- Corbye (A. de) *Les fleurs de chirurgie cueilles es livres des plus excellents auteurs, qui ayent escrit d'icelle, tant anciens, que modernes*, 8. Lugd. 1642. & Paris 1660.
- Cortesii (Jo. Bapt.) commentarius in librum Hippocratis de vulneribus capitis, 4. Messanae 1632.
- Chirurgia, 4. ibid. 1633.
- Cortilionis (Sebast.) de chirurgica institutione Lib. V. 8. Francof. 1610.
- Coschwitz (Georg. Dan.) Manuductio ad chirurgiam, 4. Halae 1722.
- differt. de sphacelo fenum, 4. ibid. 1725.

- Coschwitz* de parturientium reclinacione supina pro partu facilitando inutili, 4. Halae 1725.
- de Trepanatione, 4. ibid. 1727.
- de Hypopyo, 4. ibid. 1728.
- Costaeus* (Jo.) de igneis medicinae praesidiis, 4. Venet. 1595.
- Courcellius* (Franc.) de sanguinis missione, 8. Francof. 1593.
- Courtial* (J. Joseph.) Observations anatomiques sur les os & sur leurs maladies, 8. Paris 1705.
- Courtin* (Germain) les Oevres anatomiques & chirurgicales, fol. a Rouen 1656.
- Coward* (Guil.) ophthalmomiatia sive oculorum medela, 8. Lond. 1706.
- Crausii* (Rud. Guil.) de foetus mortui ex utero extractione, 4. Jenae 1677.
- de Sphacelo, diss. 4. ibid. 1678.
- de Strumis, diss. 4. ibid. 1687.
- de Ulceribus uteri, 4. ibid. 1690.
- de Hirudinibus, 4. ibid. 1695.
- de Sclopetorum vulneribus, 4. ibid. 1695.
- de Ulceribus antiquis, 4. ibid. 1699.
- de Suffocatorum aqua vel laqueo restitutione in vitam, 4. ibid. 1705.
- de Ranula sub lingua, 4. ibid. sine anno impressionis.
- Crellii* (Lud. Christ.) marmorea memoria G. F. Seligmanni, Saxonici supremi Concionatoris, qua portentosi calculi, quae ipsi fata properarunt, describuntur, cum fig. 4. Lipsi. 1708.
- Cron* (Ludwig) vom Aderlassen und Zahnausziehen, h. e. de venaesectione & dentium extractione, germ. c. fig. 8. Lipsi. 1717.
- a *Cruce* (Andr.) chirurgia universalis, fol. Venet. 1573 & 1596. item italice Venet. 1605. item titulo:
- Wundartzney sive chirurgia germanice, fol. Francof. 1607.
- Cypriani* (Abrah.) oratio encomiastica in chirurgiam, fol. Franequerae 1693.
- historia foetus post XXI. menses ex uteri tuba matre salva excisi, c. fig. 8. Lugd. Bat. 1700.
- dissert. de carie ossium, 4. Ultrajecti 1680.
- Cystitomia hypogastrica, anglice, 4. Lond. 1724. h. e. de Adparatu alto.

D.

- D** *Alechamps* (Jaque) Chirurgie françoise avec plusieurs figures des instrumens necessaires, 8. Lyon 1570.
- Deggeleri* (Tobiae) diss. de luxatione vertebrarum, 4. Altorf. 1702.
- Deidier* (Anton.) de morbis venereis & tumoribus, 8. Lond. 1724.
- (Antoine) Experiences sur la Bile & les Cadavres des Pestiferes, 8. a Zurich. 1722.
- Dekkers* (Frid.) exercitationes practicae c. fig. 4. Lugd. Bat. 1695.
- Deliciae medicae & chirurgicae, germ. 8. Lipsi. 1703. partes X.

- Denys* (Jac.) *Observationes de calculo renum, vesicae, urethrae, lithotomia & vesicae punctura, in quibus lithotomiae methodum Rauii optimam esse sustinet, c. fig. 8. Lugd. Bat. 1731.*
- Depré* (Jo. Frid.) *de ulcere auris diff. 4. Erford. 1718.*
- Dethardingii* (Georg.) *de methodo subveniendi submersis in aqua per laryngotomiam, Epist. 4. Rostoch. 1714.*
- *de variolarum inoculatione dissert. 4. ibid. 1723.*
- *dissert. An in cranii depressione elevatio ejus per manum chirurgicam semper sit necessaria? 4. ibid. 1732.*
- *dissertatio de necessitate inspectionis vulnerum in crimine homicidii, 4. ibid. 1726.*
- a Deventer* (Henr.) *operationes chirurgicae in arte obstetricandi, 4. Pars I. Lugd. Bat. 1701. Pars II. ibid. 1724. c. fig.*
- *Neues Hebammen Licht, 8. Jen. 1717. est idem liber, germanica lingua.*
- Dibon sur les maladies veneriennes, 8. Paris 1724.*
- Dini* *chirurgia. Additi sunt Gentilis de Fulgineo & Gentilis de Florentia de dislocationibus & fracturis commentarii, fol. Venetiis 1536.*
- Dionis* (Petr.) *Cours d'operations de chirurgie, 8. a Paris 1707 & 1714. 8 Maj.*
- *Chirurgische operationes, germ. 8. Augsp. 1712. & altera vice ibid. 1722. aucta & emendata a L. Heistero.*
- *Traité general des accouchemens, 8. maj. Paris 1718.*
- Doebelii* (Jo. Jac.) *Historia penis, glandes cancrofi ac feliciter resecti 12. Lips. 1698. eadem germanice 12. Lips. 1699. cum fig.*
- Dolaei* (Jo.) *Opera omnia medica & chirurgica, fol. Frf. 1703. in quibus Encyclopaedia chirurgica continetur, quae antea seorsim prodiit in 4.*
- Dondi* (Jac.) *remedia chirurgica, in thesauro chirurg. Uffenbachii, fol. Frf. 1610.*
- Douglas* (Jo.) *Syllabus of what is to be performd in a course of anatomy, chirurgicall operations, and Bandages, 4. Lond. 1719.*
- *lithotomia Douglassiana sive de alto apparatu, 8. Lond. 1720. & aucta, editione II. ibid. 4. 1723. c. fig. anglce.*
- *nouvelle maniere de faire l'operation de la taille, 8. c. fig. Paris 1724.*
- *de gangraena & corticis peruviani in hac sananda efficacia, anglce: A Short Account of mortifications, &c. 8. Lond. 1732.*
- (Jacobi) *history of the lateral operation anglce, h. e. historia operationis lateralis, 4. Lond. 1726. it. latine 4. Lugd. Bat. 1728.*
- *appendix to the history of the lateral operation for the Stone: containing Mr. Cheseldens present method of performing, h. e. Appendix ad historiam lateralem pro calculo extrahendo, continens Cheseldeni methodum praesentem, 4. Lond. 1731. cum fig. instrumentorum.*
- Drake* (Jacob) *Anthropologia, anglce 8. Londin. 1707. 2 vol. cum fig. continet nonnulla chirurgica & imprimis peculiare Ozanae specimen ejusque curationem.*
- Dran* (Henr. Franc. le) *parallele des differentes manieres de tirer la pierre hors de la vessie, c. fig. 8. Paris 1730.*

Drelincurtius (Car.) *de la pierre*, 12. a Leide.

Dubé Medecin & chirurgien des pauvres, 8. Rouen 1712.

Dubon (Claude) *idée des Principes de la chirurgie, contenant les différentes tumeurs, plaies, ulceres, fractures & luxations des os, &c.* 8. a Dresde 1734. gallice & germanice in uno volumine, c. fig.

Duni (Thaddaei) *de venae sectione*, 8. Tigur. 1557.

Dygly (Kenelm) *Receipts in Physick and Chirurgery*, anglice, h. e. *Formulae remedium medicorum & chirurgicorum*, 8. Lond. 1668.

—— *discours sur la guerison des playes par la poudre de sympathie*, 12. Paris 1658. it. germanice 8. 1684.

E.

E *Ckhardi unvorsichtige Hebanne*, h. e. imprudens obstetrix, 8. Lips. 1715.

—— *verwegener chirurgus, sive chirurgus temerarius*, 8. Augustae Vindel. & Lipsiae 1698.

Eggerdesii (Alard. Maur.) *de Peste & infallibili eam extirpandi ratione*, ex latina in germanicam linguam translata per *Jungkenium* 8. Francof. 1715. auctior Vratislaviae 1720. 4.

Elleri (Jo. Theod.) *observationes medicae & chirurgicae Berolinenses*, germanice titulo: *Medicinische und Chirurgische anmerckungen*, 8. Berol. 1730.

Elsboltzii (Jo. Sigism.) *Clysmatica nova sive chirurgia infusoria & transfusoria*, 8. Colon. Brandenb. 1667. edit. II. c. fig. idem 4. Francof. 1668.

—— *Steatomatis resecti & feliciter sanati Historia*, 4. Coloniae Brandenburgicae 1666.

Enchiridium chirurgicum, 8. Patav. 1593.

Ephemerides, *Miscellanea & Acta Acad. nat. curiosor. variis annis & locis edita.*

Erasistratus, sive *de sanguinis missione*, autore Luca Antonio *Portio*, Med. Romano, 12. Romae 1682. & Venet. 1683.

der Erfahrne Chirurgus, sive Chirurgus expertus, germanice, 8. Hamb. 1698.

Erndelii (C. H.) *Iter Anglicanum & Batavum*, (in quo variae observationes anatomicae, chirurgicae &c. & imprimis Lithotomia Rauiana sistuntur) 8. Amst. 1711.

Ettmülleri (Mich.) *Opera omnia*, fol. Francof. ad Moen. 1696. Vol. I. & 1697. Vol. II. ubi ejus chirurgia medica continetur; itemque chirurgia infusoria & transfusoria.

—— *operum compendium*, 8. Amst. 1702.

—— *chirurgie*, gallice, 12. Amst. 1691.

—— (Mich.) *diff. de viperæ morfu*, 4. Lips. 1666.

—— *chirurgia infusoria*, 4. ibid. 1668.

—— *transfusoria*, 4. ibid. 1682.

—— (Mich. Ernest.) *diff. de Sarcocoele*, 4. ibid. 1723.

—— *de vulneribus diaphragmatis*, 4. ibid. 1730.

—— *ventriculi*, 4. ibid. 1730.

—— *de praegrandi pedis inflammatione*, 4. ibid. 1730.

Eyselii (Jo. Philipp.) *Compendium chirurgicum*, 8. Erford. 1714.

——— *dissert. de vulnere ventriculi duplicato non lethali*, 4. *ibid.* 1725.

Eysenbarthi (Jo. Mich.) *de optima lithotomiam administrandi ratione*, 4. Halae 1713.

F.

Fabri (Petr. Jo.) *Chirurgia Spagyrica &c.* 8. Argentor. 1632. & Tolosae 1638.

Fabricius (Guil.) *Hildanus*, *de gangraena & sphacelo*, cum obs. 8. 1598. *idem germanice*, 8. Norimb. 1625.

——— *de combustionibus*, 8. Basil. 1607.

——— *observationum centuria*, fol. Francof. 1610.

——— *de partu caesareo & vulnere sclopeti*, Oppenheimii 1614.

——— *Neu Feld-Artzneybuch und Chirurgischer Reiss-Kasten*, germanice, h. e. nova *chirurgia castrensis & armamentarium castrense*; in quo praecipue de gangraena & sphacelo, de vulneribus sclopetorum, angina & dysenteria agitur, 8. Basil. 1615.

——— *Lithotomia vesicae*, germanice, 8. Basil. 1626. & latine *ibid.* 1628.

——— *cista militaris*, 8. *ibid.* 1633.

——— *observationum centuriae V.* 4. Basil. 1606. & Lugd. 1641. cum epistola de partu caesareo.

——— *de vulnere sclopeti*, & monstro Laufannae nato, 8. Oppenheim 1614.

——— *von dem Halsgeschwulst und der Bräune*, h. e. de Angina, 8. Stutg. 1661.

——— *opera omnia cum M. A. Severino de efficaci medicina* fol. Francof. 1682. prodierunt antea quoque 1646. in fol.

——— *opera omnia germanice*, fol. *ibid.* 1652.

——— *observationes & epistolae*, ex Jo. Sigism. Henningeri editione, 4. Pars I. Argent. 1713. P. II. *ibid.* 1716. qui eas in compendium & certum ordinem redigere studuit, omiſſis tamen figuris.

Fabricii (Hieron.) *ab Aquapendente*, *Pentateuchus chirurgicus cum marginalibus & praefat.* Beyer, 8. Francof. 1582.

——— *opera chirurgica in duas partes divisa*, 8. Francof. 1620. in fol. Venet. 1619. it. Patav. 1647 & 1666. in folio, it. germanice, 4. Norimb. 1716.

——— *oeuvres chirurgicales de Fabrice d'Aquapendente*, 8. Rouen 1658.

Falcon (Jean) *remarques sur la chirurgie de M. Guy de Chaliac*. 8. a Lyon 1649.

Falconeti (Camilli) *Quaestio Medico-chirurgica, An educendo calculo, caeteris antefereendus apparatus lateralis?* 4. Paris. 1730.

Fallopium (Gabr.) *de ulceribus & tumoribus*, 4. Venet. 1563.

——— *comment. in Hippocratem de vulneribus capitis*, 4. *ibid.* 1566.

——— *opera omnia*, fol. Francof. 1606. & fol. Venet. 1606.

——— *chirurgia*, 4. *ibid.* 1637.

Faschii (Aug. Henr.) *de vesicatoriis* diff. 4. 1673.

——— *de Medicina proſtetica*, 4. *ibid.* 1677.

——— *de anthrace pestilentiali*, 4. *ibid.* 1681.

Faschii

Faschii de Parotidibus, Jenae 1683.

Fauchard (Pierre) Chirurgien dentiste, cum fig. 2 Tomes 8. Paris 1728. in linguam germanicam versus, 8. Berlin 1733. cum fig.

Febrii (Jo. Henr.) diss. de calculo vesicae, ejusque per sectionem auferendi methodo, 4. Basil. 1716. Hic Rauiana methodus describitur, aliisque ab autore praefertur.

Feldbuch der wundartzney, samt vielen instrumenten aus dem Albucasi, h. e. Chirurgia, cum figuris Chirurgi Arabis *Albucasis*, fol. Argentor. 1540.

Feltman (Gerh.) lib. de Cadavere inspiciendo, 4. Bremae 1692.

Ferrara (M. Camillo) Nova Selva di chirurgia, 8. in Venetia 1596. Prodiit etiam latine titulo:

Ferrarae (Gabr.) Sylva Chirurgiae, 8. Francof. 1625.

Ferrius (Alfonsus) de sclopetorum vulneribus, 4. Romae 1552. & Lugd. 1553. cum libro de caruncula in urethra, item 8. Venet. cum *Botallo*, *Maggio* & *Rota* 1566. it. 4. Francof. 1575. deinde fol. Francof. 1610. in Thesauro chirurgiae ab *Uffenbachio* edito.

Fickii (Jo. Jac.) de Abdominis abscessu diss. 4. Jenae 1714.

— de clysteribus nutrientibus & frigidis, 4. ibid. 1718.

Fidelis (Fortunat) de Relationibus Medicorum, 8. Lipsiae 1664.

Fienus (Thom.) de cauteriis libri V. 8. Lovan. 1598.

— libri chirurgici XII. de praecipuis artis chirurgicae controversiis cura H. *Conringii* editi 4. Francof. 1649. & haud pridem rursus prodierunt 4. Lond. 1733. item germanice 8. Norimb. 1675.

Fierabras la vraye methode de la parfaite chirurgie, 8. Paris 1648.

Filgi (Guil. Lud.) de variis lithotomiam administrandi rationibus & praesertim Rauianae praestantia, 4. Giesae 1727.

Fioravanti (Leonh.) Cirurgia, italice 8. Venet. 1588 & 1679.

Fischeri (Jo. Andr.) diss. de oculi tumore scirrhuso extirpato, 4. Erford. 1720.

— de veneno canis rabidi, 4. ibid. 1725.

— de variolarum insitione, 4. ibid. 1726.

— de scroti sphacelo curato, 4. ibid. 1729.

Foëssii (Anutii) opera Hippocratis, fol. Francof. 1595. & Genevae 1657.

a Fonseca (Roder.) de calculorum remediis, 4. Romae 1586.

Fontani (Car.) diss. de hydrope & tympanite, 8. Genevae 1697.

— (Jac.) opera, 4. ibid. 1613.

— (Nic.) aphorismi *Hippocratis*, quibus accedit tractat. de extractione foetus mortui per uncum, 12. Amstel. 1633.

— florilegium medicum: non solum Medicis, verum Chirurgis apprimè jucundum & necessarium, 12. ibid. 1637.

— Commentarius in Sebast. *Austrum* de puerorum morbis, ubi capite de angina *Laryngotomiam* describit, cum fig. 12. Amstel. 1642.

Foresti (Petri) observationes & curationes chirurgicae, 8. Antverp. 1610.

— Opera omnia, fol. Francof. 1602 & 1634. item fol. Norimb. 1660.

Formy

- Formy* (Sam.) Chirurgien de Montpellier, *Traité chirurgical des Bandes laqs, emplâstres, compresses, Atelles & des Bandages*, 8. a Montpellier 1653.
- Fragaso* (Gio.) *Cirurgia ex hispanica in italicam linguam translata a Balthaf. Grassò*, 4. Venet. 1686.
- Frambesarii* (Nic. Abrah.) *opera, canones medicos & chirurgicos continentia*, 4. Francof. 1629.
- Framboisiere oeuvres, ou sont decrites l'histoire du Monde, la Medecine, la Chirurgie & la Pharmacie*, fol. Lyon 1669.
- Franchimont* (Nic. a Franckenfeldt) *de calculo renum & vesicae*, 8. Prag. 1683.
- Francisci* (Jo. de Franc.) *libellus aureus de venaesectione contra empiricos*, 12. Neapoli 1645. & 8. Francof. 1685.
- Franci* (Georg.) *diff. de labiis leporinis*, 4. Heidelbergae 1686.
- Franco* (Pierre) *Traité des hernies, de la pierre, cataractes & autres excellentes parties de la chirurgie*, 8. Lyon 1561.
- Francus* (Jo.) *de fetaceis*, germanice, 12. Aug. Vind. 1683.
- Freitagii* (Jo. Henr.) *diff. de cataracta*, 4. Argentorat. 1721.
- *de Oscheo-entero & bubonocoele*, 4. ibid. 1721.
- Fritschii* (Jo. Chr.) *theologische, juristische, medicinische und physicalische Geschichte, h. e. Acta theologica, juridica, medica & physica, germanice. Sunt proprie casus medico-legales, in quibus varii ad chirurgiam spectantes reperiuntur*, 4. Tomi V. Lipsiae 1730 ad 1734.

G.

- G** *Ailhardi* (Jo.) *de venaesectione disquisitio eam in apoplexia prodesse*, 12. Hafn. 1699.
- Gakenholzii* (Alex. Christ.) *Diff. de visu per cataractam impedito*, 4. Helmstad. 1713.
- Galenii* (Claud.) *Opera omnia Lat. ex edit. Gesneri*, III. Vol. fol. Basil. 1549.
- *de fasciis, cum fig. fol. Tigur. 1555. in Gesneri scriptoribus chirurgicis optimis.*
- Galvonius* (Dominic.) *de fonticulis*, italice, 4. Padua 1620.
- Garengot* (Jacques Croissant) *traité des operations de chirurgie*, II. Tomes, 8. Paris 1720. Editio II. ibid. 1731. III. Tomes. Idem germanica lingua, 8. Berolin. 1733.
- *traité des instrumens de chirurgie*, II. Vol. 8. Paris 1723. Edit. II. ibid. 1727.
- Gavassetius* (Mich.) *de cauteriis*, 4. Venet. 1587.
- Gaukes* (Yvonis) *Praxis medico-chirurgica rationalis*, 4. Groning. 1700. it. 8. Amst. 1708. idem germanice 8. Dresdae 1709.
- *de morbo gallico, belgico sermone*, 8. Amsterd. 1706.
- Gehema* (Jani Abrah.) *De podagra Moxa victa germanice, die eroberte Gicht durch die chirurgische Waffen der Moxa*, 12. Hamb. 1682.
- *grausame medicinische Mord-mittel, Aderlassen, purgieren, &c. h. e. Remedia medicinae lethifera, venaesectio, purgatio &c.* 8. Bremae 1688.
- *Medicus & chirurgus castrensis germanice, tit. der wohlversehene Feld-Medicus*, 12. Hamb. 1684.

- a Gehema* observationum chirurgicarum decas 1 & 2. 12. Hamb. 1686.
 ——— observationes chirurgicae, 12. Francof. 1690.
 ——— tractatus de plica Polonica, 12. Hamb. 1683.
 ——— Krancker Soldat, i. e. miles aegrotans, 12. 1690.
Geigeri (Malach.) Kelegraphia sive descriptio herniarum, cum fig. 8. Monach. 1631.
 id germanice 12. Ulmae 1696.
Geilfusii (Bern. Wilh.) diss. de Moxa, 4. Marburg. 1676.
Gelmanni (Georg.) chirurgia, germanice, 4. Francof. 1652.
Gemma (Jo. Bapt.) vera methodus curandi bubonem & carbunculum pestilentialem,
 4. Graecii Stiriae 1584. it. 4. Dantisci 1699. it. 4. Venet. 1602.
Gendron (Deshaies) *recherches sur la nature & la guerison des cancrs*, 8. Paris 1701.
Genga (Bernh.) anatomia chirurgica, 8. Rom. 1686.
 ——— Commentaria in aphorismos Hippocratis chirurgicos, 8. ibid. 1694.
Georgii (Matth.) phlebotomia liberata, seu Apologia pro sanguinis missione contra
 Dominic. Scalam, 4. Genuae 1697.
Gerstorff (Hans von) *Feldbuch der wundartzney*, germanice, h. e. chirurgia castrensis,
 4. Argentor. 1527.
 ——— Chirurgia, germanice c. fig. fol. Strasburg 1542.
 ——— *bewehrte wundartzney*, id est: chirurgia experta, 4. Francof. 1606.
Gesneri (Conr.) scriptores optimi de chirurgia, veteres & recentiores, ut Jo. Ta-
 gaultius; Jac. Hollerius; Marianus Sanctus; Angel. Bologninus; Mich. Angelus;
 Barthol. Maggius; Alfons. Ferrius; Jo. Langius; Claud. Galenus; Oribasius; Jac.
 Dondus; fol. Tigur. 1555. cum fig.
 ——— observationes de medicinae chirurgicae praestantia, antiquitate & chirurgis
 illustribus in eodem volumine.
Gherli (Fulvio) centuria d'observationi rare di medicina e cirurgia, 12. Venetia 1719.
Gibbs observations of scrophulous distempers calid the Kings Evil, 8. Lond. 1712.
Gladbachii (Carl. Frid.) dissertatiuncula de fistula ani, 8. Hanover. 1721.
 ——— (Cornel.) quod instrumenta in partu p. n. nonnisi summa necessitate sint
 adhibenda, diss. 4. Lugd. Bat. 1732.
 ——— (Jo. Adolph.) diss. de hernia incarcerata suppurata non semper lethali, sub
 meo praesidio, 4. Helmstad. 1738. c. fig.
Glandorpil (Matth.) speculum chirurgorum, de vulneribus tractans, 8. Bremae 1619.
 ——— methodus medendae paronychia, 8. ibid. 1623.
 ——— de polypo narium, 4. ibid. 1628.
 ——— gazophylacium polyplurium fonticulorum & setaceorum, 4. ibid. 1633.
 ——— opera omnia, 4. Londini 1729.
Gockelii (Eberh.) de moribus canum rabiosorum, germanice, sub titulo: *Kurtzer*
Bericht von den wütenden Hundes-bissen, 8. Augspurg 1679.
 ——— (Jo. Christoph.) Chirurgia medica, germanice, 8. Ulmae 1704.
Goelicke (Andr. Ottomar.) historia chirurgiae antiqua & recentior, 8. Halae 1713.
 ——— historia medicinae universalis, 8. Francof. 1721.
 ——— Diff. de uteri procidentiam curandi artificio novo, 4. Halae 1710.

- Goelicke* Diff. de mutilo Medicinae corpore per chirurgiam & pharmaciam restituendo, 4. Halae 1711.
- de Trichosi, 4. Francof. ad Viadr. 1724.
- de Dystocia, 4. ibid. 1732.
- de tendinum affectibus, 4. ibid. 1732.
- de ileo ex hernia, 4. ibid. 1735.
- de chirurgiae cum Medicina conjunctione, 4. ibid. 1735.
- Medicina forensis, 4. Ffurt ad Viadr. 1723.
- Goblii* (Jo. Dan.) Compendium chirurgiae germanice, 8. Norimb. 1736.
- de spina ventosa dissert. 4. Halae 1727.
- Gorræi* (Jo.) Opuscula de venae sectione &c. 4. Paris 1660.
- Gouey* (Louis Leger de) *la veritable chirurgie*, 8. a Rouen 1716.
- Gormeleni* (Steph.) synopsis chirurgiae, 8. Lutet. 1566.
- Gourmelin* (Estienne) *oeuvres chirurgicales*, 8. a Paris 1647.
- Greiffens* (Sebast.) Chirurgia, germanico idiomate, *Wundartzney*, 12. Schleusingae 1630.
- Grimberg* (Nic.) de calculo renum & vesicae, germanice: *Vom Nieren und Blasen-stein*, 8. Hafniae 1695.
- Groenevelt* (Jo.) dissertatio lithologica, cum fig. 8. Lond. 1687.
- de Lithotomia, anglice: *Treatise of Stone and Gravel*, cum fig. 8. Lond. 1710.
- Grube* (Herm.) de ictu tarantulae, 8. Francof. 1679.
- Grublmann* (Jo. Gottfr.) de luxationibus, germ. *neuer anatomisch-chirurgischer tractat von einrichtung und Zusammenfügung der Verrenckungen*, 8. Lips. 1706.
- Gruling* (Philipp.) de triplici evacuationis universalis genere, venae sectione, scarificatione, hirudinibus &c. 4. Francof. 1670.
- Guillemeau* (Jac.) Oeuvres de chirurgie cum fig. fol. belgice, Dordraci 1598. & gallice in fol. Paris. 1612. item a Rouen 1649.
- de la grosseſſe & accouchement des femmes, cum fig. 8. a Paris 1643.
- de morbis oculorum & dentium, germanice, *Augen- und Zahn- Artz.* 8. Dresden 1710. Idem belgice, auctus a *Verbrugge* titulo: *Gebreken en Genesinge der Oogen*, vermeerd. door Jo. Verbrugge, it. *Beschreib. der Tandén*, 12. Amst. 1678.
- Guyard* de la frequente saignée dans les fievres, second edit. 8. Paris 1710.

H.

- H***Aenelii* (Christ. Frid.) diff. de morbis scroti, 4. Argent. 1723.
- Hammen* (Ludov.) de herniis, cum epistolis de Crocodilo ac vesicae mendaci calculo, 12. Lugd. Bat. 1681.
- Hampe* (Jo. Henr.) de oculorum scarificatione Hippocratica diff. 4. Duisburgi 1721.
- Hancke* (Dan. Abrah.) *ob in den warmen oder Kalten Ländern ofter ader zu lassen*, germanice, h. e. Utrum in calidis an frigidis regionibus sanguis saepius mittendus? 8. Francof. 1734.

Harris

- Harris* (Gualter) diff. medicae & chirurgicae, 8. Lond. 1725.
- Hartranffii* (Jo. Valent.) diff. de non differenda secundinarum adhaerentium extractione, 4. Lipsiae 1735.
- Hecquet* sur la saignée du pied & purgation, au commencement de la petite verole & des Fievres malignes, avec de raison contre l'inoculation de la petite verole, 8. Paris 1724.
- Heide* (Anton. de) novum lumen pharmacopoeorum, una cum observationibus medicis & chirurgicis, belgice 8. Amst. 1682. cum fig.
- Heisteri* (Laur.) de cataracta in lente crystallina, dissertationes tres, 4. Altorffii 1711 & 1712.
- de cataracta glaucomate & amaurosi tractatio, 8. Altorf 1713 & 1720. Apologia pro hoc libro, imprimis contra *Wolbustum*, 8. ibid. 1717. Vindictae hujus libri, 8. ibid. 1719.
- diff. de Gastro & enteroraphe, 4. ibid. 1713.
- chirurgiae novae adumbratio, 4. ibid. 1714.
- de nova methodo fanandi fistulas lacrymales, respondente *Rodbergio*, 4. Altorf. 1716.
- chirurgia, germanice, 4. Norimb. 1718. 1724. 1731.
- diff. de superfluis & noxiis quibusdam in chirurgia, respondente D. *Schutteo*, 4. Altorffii 1719.
- de foetu ex utero matris mortuae mature excidendo, 4. ibid. 1720.
- de optima Cancrum mammarum extirpandi ratione, respondente D. *Hartungio*, diff. 4. ibid. 1720.
- de Trichiosi oculorum, respondente D. *Schwerdfegero*, 4. Helmstad. 1722.
- de anatomes subtilioris utilitate (praesertim in chirurgia) dissertatio, 4. ibid. 1728.
- de chirurgorum erroribus in curandis morbis venereis, respondente D. *Schmidio*, 4. ibid. 1728.
- de Kelotomiae abusu tollendo, diff. 4. ibid. 1728.
- de Alto adparatu, 4. ibid. 1728.
- Observationes medicae miscellaneae, (in quibus variae chirurgicae) respondente D. *Moebio*, 4. ibid. 1730.
- de chirurgia cum Medicina necessario conjungenda, respondente D. *Marteno*, 4. ibid. 1732.
- de fallaci pulmonis infantum experimento, respondente D. *Heerio*, 4. ibid. 1732.
- de Medico (aut chirurgo) nimis timido, respondente D. *Schroedero*, 4. ibid. 1733.
- de Anatomes majori in chirurgia quam Medicina necessitate, respondente D. *Wagnero*, 4. ibid. 1737.
- De Hernia incarcerata suppurata non semper lethali, respondente D. *Glabachio*, 4. ibid. 1738.
- (Eliae Frid.) diff. de Nova methodo amputandi brachium, 4. Helmstad. 1738.
- Dissert. de cura Principum circa sanitatem subditorum, 4. ibid. 1738. (varia chirurgica continet.)

Helmontii (Jo. Bapt.) Opera, 4. Amst. 1652.

Helvetius traité de pertes de sang & du cancer, 8. Paris 1706. c. fig.

Hellwig (Christoph.) chirurgia in nuce, germanice, 8. Mühlhausen 1709.

—— casus & observationes medicinales, anatomicae, chemicae, chirurgicae &c. rariores, germ. 8. Francof. 1711.

—— *Haus-Medicus und Land-barbier*, h. e. Medicus & Chirurgus domesticus, 8. Lipsf. 1719.

—— Medicus clinicus, in quo praeter alia cista militaris & lexicon chirurgicum continentur, germ. 8. ibid. 1722.

Henningeri (Jo. Sigism.) Observationes & Epistolae Fabric. Hildani in compend. & ordinem redactae, Argentor. 1713.

—— de paracentesi abdominis, 4. Argent. 1710.

Henslingii (Jo. Thom.) de ulcere cacoethico, diss. 4. Giesfiae 1725.

Herlicius (David) de curationibus gravidarum & puerperarum, 8. Sedin. 1618. germanice.

Herls (Cornel.) examen Chirurgiae, Belgice 8. Amst. 1672. una cum cista Chirurgi navalis. Idem germanice titulo: *Wund-artzney*, 12. Norimb. 1676.

Heucheri (Jo. Henr.) diss. de Chirurgo infante, 4. Vitebergae 1710.

Heurnius (Jo.) de morbis oculorum, aurium, nasi, dentium &c. 4. Antverp. 1608.

Heyne (Jo. Christoph.) de praecipuis ossium morbis, cum fig. 8. Amstel. 1705.

Hierovii (Barthol.) methodus chirurgica, 8. Francof. 1595.

Hildanus (vid. Fabricius Guilielmus.)

Hilfscheri (Sim. Paul.) dissert. de cruris fractura cum vulnere, 4. Jenae 1710.

—— de urinae incontinentia ex partu globulis ligneis curanda, 4. ibid. 1716.

—— de amputatione artuum rite administranda, 4. ibid. 1718.

—— de Aneurismate, 4. ibid. 1728.

—— de fonticulis, 4. ibid. 1729.

—— de uteri procidentia, 4. ibid. 1730.

—— de Paronychia, 4. ibid. 1736.

Hippocratis Coi opera, graece & latine, ex Anutii *Foëssii* editione, fol. Francof. 1595. & latine in 8. ibid. 1596. Idem fol. Genevae 1657. aucta & emendata.

—— Opera omnia, graece & latine, industria Jo. Ant. vander *Linden*, Vol. II. 8. Lugd. Bat. 1665.

—— Chirurgia, graece & latine, cum commentariis Steph. *Manialdi*, Med. Doct. 8. Parisiis 1619. In hoc libro solum scripta chirurgica Hippocratis continentur.

—— aphorismi ex edit. *Heurnii*, 12. Lugd. Bat. 1623.

—— ——— ——— *Tilemanni*, 12. Giesfiae 1660.

—— ——— ——— *Almeloveen*, 24. Amst. 1685.

—— ——— ——— cum comment. *Galenii*, 12. Lugd. 1573.

—— ——— ——— ——— *Oribasii*, vid. *Oribasii* opera.

—— ——— ——— ——— *Foëssii*, 8. Francof. 1554.

—— ——— ——— ——— *Listeri*, 12. Lond. 1703.

Hippo-

- Hippocratis* aphorismi chirurgici, cum comment. Bernh. Gengae, 8. Romae 1694.
 ——— de vulneribus capitis, cum notis Franc. Diffaudeau, Gall. 12. à Rouen 1658.
Histoire de l'academie royale des sciences, ab An. 1699. ad An. 1731. 12. Amstelodami, annis diversis edita.
Historia Academiae Regiae Scientiarum, autore Jo. Bapt. du Hamel, 4. Parisiis 1701. editio II. in qua observationes, ab hac Academia per XXXIV. annos factae, in compendium & certum ordinem redactae sunt.
Hoffmanni (Dan.) *Historia sanationis cerebri quassati, cum deperditione substantiae notabili*, 4. Tubing. 1719.
 ——— (Frid.) de amputatione membrorum sphacelatorum, diff. 4. Halae 1696.
 ——— de fistularum nova sanatione, differt. 4. ibid. 1697.
 ——— de Ischaemis differt. 4. ibid. 1698.
 ——— diff. de membris fractis, 4. ibid. 1700.
 ——— de luxationibus in genere, 4. ibid. 1703.
 ——— ——— in specie, 4. ibid. 1704.
 ——— de sphacelo ex causa interna, 4. ibid. 1717.
 ——— de incontinentia urinae ex partu difficili, 4. ibid. 1724.
 ——— de vesicatoriorum usu, 4. ibid. 1727.
 ——— de cataracta differt. 4. ibid. 1729.
 ——— de uteri haemorrhagia, 4. ibid. 1730.
 ——— de fistula maxillari, 4. ibid. 1735.
 ——— *Medicina Consultatoria*, germanice, quam partes decem diversis annis huc usque secutae sunt, inter medica varia argumenta chirurgica continent, 4. Halae 1721.
 ——— *Consultationes & responsa medicinalia*, fere eadem latine, 4. ibid. 1734. tom. II.
 ——— (Jo. Maur.) differt. de Hydrocephalo, Altorfii 1695.
 ——— (Mauric.) diff. de uteri procidentia, 4. ibid. 1695.
Holder (Jul.) *Beschreibung eines wahrhaften Wund. artzens*, 8. Lips. 1672. alias ibid. 1630 & 1692. 4.
Hollerius (Jac.) de materia chirurgica, fol. Paris. 1544. 1552 & 1610. Idem 12. Francof. 1589. idem in Uffenbachii Thesauro Chirurgiae, fol. Francof. 1610.
 ——— & *Tagaultius* de re chirurgica, germanice, fol. Francof. 1574. italice *chirurgia di Tagaultio & Hollerio*, 8. Venet. 1596.
 ——— de morbis internis, febribus, peste & de remediis chirurgicis, 12. Francof. 1603.
 ——— commentarii in aphorismos *Hippocratis*, 8. 1613.
Hombergii (Andr.) *Diff. de Tentigine s. Clitoridis excrescentia nimia*, 4. Jenae 1671.
 ——— de fracturis cranii diff. 4. Vitebergae 1671.
Hoppii (Eliae) de Palpebrarum affectibus diff. 4. Basil. 1715.
Horlacheri (Conr.) *trifolium chirurgiae, sive de carcinomatis, scrophulae & polypi curatione*, germ. 8. Ulmae 1697.
 ——— *Chirurgus extemporaneus*, 8. Frf. 1701.

Horlacheri modus hernias sine sectione curandi, germanice sub titulo: *Manier Brüche ohne schneiden zu curiren*, 8. Ulmae 1695.

Horne (Jo. von) microtechnè & microcosmus, 12. Lugd. Bat. 1662. 1663 & 1675. it. belgice 8. Amst. 1684. Idem cum notis Pauli, 8. Lips. 1707. idem germanice, titulo: *Kleine Kunst oder Kurtze Anleitung zur wund-artzney*, 8. Halberstadt 1679.

Hoorn (Jo. von) Sueci, Ars obstetricandi, lingua Suecica, cum fig. 8. Stokholm 1697 & 1719.

— Ars obstetricandi auctior, germanice, *Wehmutter*, 8. ibid. 1726.

Homburgen (Anna Elif.) instructio obstetricum, germanice, *Unterricht der Hebammen*, 8. Hanover 1700.

Hornungi (Jo.) *Chirurgischer Unterricht, wie man allerley Brandschaden curiren soll*; hoc est, modus curandi ambusta, 8. Norimb. 1682.

Horstii (Jo. Dan.) iudicium de chirurgia infusoria, 12. Francof. 1665. & dein etiam junctum est Jo. Dan. *Majoris chirurgiae infusoriae*, 4. Kiliae 1667.

Houston (Robert) de herniis anglie, 8. Lond. 1726.

Huberi (Rudolph.) diss. de tumore scrophuloso maxillae inferioris, a retropulsa gonorrhoea, 4. Basil. 1713.

Hubner (Jo. Chr.) de calculo in corpore humano; germanice, *vom Stein im menschlichen Leibe*, 4. Halle 1726.

Hutter (Andr.) Observationes quinquaginta chirurgicae, germanice 8. Rostock. 1718. aliae quinquaginta, 8. ibid. 1720.

Huxholzii (Wolrad.) *Unterricht vor Hebammen*, germanice, h. e. Instructio pro obstetricibus, 8. Cassell. 1652.

I.

Jehringius (Jo.) de calculo, 4. Jenae 1664.

Jessenii a Jessen (Jo.) institutiones chirurgicae, 8. Vitebergae 1601. & germanice 4. Norimbergae 1674.

l'Indecence aux hommes d'accoucher les femmes, 12. a Trevoux 1708.

Ingrassius (Jo Phil.) de tumoribus, fol. Neapol. 1553.

Joëlis (Franc.) chirurgia, germanice, 8. Norimb. 1680.

— opera omnia, in quibus etiam chirurgia continetur, 4. Amst. 1663.

Fondot (Philibert) *Nachricht vom Aderlassen*, h. e. instructio pro venis secandis, 8. Ratisbonae 1710.

Fonge (James) Account of the many admirable vertues of oleum Terebinthinae, particularly in wounds and haemorrhagies, a new way of amputation and Speedier curing Stumps, h. e. Relatio de variis mirabilibus virtutibus olei terebinthinae, praesertim in vulneribus & sanguinis profusionibus; ut & nova via amputandi artus, cum celeriori mutilatae partis glutinatione. Proponit hic eam methodum, quam postea Adrian. *Verduinius* uberius illustravit, libello de nova artus amputandi methodo, 8. Lond. 1679.

— wounds of the Brain &c. five probatio vulnera cerebri non semper esse mortifera, 8. ibid. 1682.

Funcken

Funcken (Jo. Helfr.) *Chirurgia manualis germanice*, 8. Francos. 1691. & postea Norimb. 1700 & 1718.

Funckeri (Jo.) *conspectus chirurgiae*, 4. Halae 1721. & germanice, 4. ibid. 1722.
 — de fistula thoracis diff. 4. ibid. 1730.

K.

K *Altschmid* (Carol. Frid.) diff. de hepatis vulnere, 4. Jenae 1735.
 — defensio hujus dissertationis, cum disquisitione in lethali-
 tatem vul-
 nerum hepatis, 4. Cahlae 1736.

Kanoldi (Jo.) epistolae de peste, quae an. 1708 & 1709. in Borussia, Gedaniprae-
 fertim, in Silesia & Polonia, atque postea Viennae in Austria saeviit, cum
 optimo eam curandi modo, germanice, 4. Vratislav. 1713.

— de Peste Massiliensi, 4. Lips. 1722.

— *Acta physica & Medica* 4. Vratislaviae 1718. per plures annos continuata,
 in quibus etiam res chirurgicae continentur, germanice c. fig.

Kapfferi (Matth.) relatio vera, quomodo cultrum ex ancillae cujusdam ventre,
 quem per annum fere in eo gestaverat, e latere extraxerit, aegramque sanitati
 restituerit; germanice, cum figura cultri 4. Wolfenbuttela 1563.

Keckii (Egid. Craton.) diff. de ectropio, sub praesidio J. Zelleri, 4. Tubingae 1733.

Keil (Chr. Henr.) *Chirurgisches Handbüchlein*, h. e. Enchiridium chirurgicum, 8.
 Lips. & Hofi 1730.

Keldermann (Cornel.) *Officium obstetricum*, belgice, *Onderwys voor alle Vroed-
 Vrouwen*, rakende hun Ampt ende Plicht, 8. Brugge in Flandria 1699.

Kennedy (Peter) *Ophthalmographia cum appendice de morbis auris*, anglice 8.
 Lond. 1713.

— de remediis externis ad omnes morbos sanabiles curandos sufficientibus,
 anglice. *An Essay ou External Remedies*, 8. Lond. 1715.

Kentiae Comitissae (Countesse of Kent) *arcana medica & chirurgica*, anglice 12.
 Lond. 1659.

Kirchmaier (Jo.) diff. de sympathetici pulveris vanitate, 4. Vitebergae 1672.

Kisneri (Jo. Ge.) diff. de laesionibus tendinum 4. Lugd. Bat. Continetur etiam in
Valentini Praxi Medicinae infallibili part. II. sive chirurgica, pag. 763.

Klaunigii (Godofr.) *Nosocomium charitatis sive observationes medicae & chirurgi-
 cae* c. fig. 4. Vratisl. 1718.

Kneufelius (Chr. Frid.) de haemorrhagia uteri, 4. Giesfae 1698.

Koch (Dan.) diff. de hernia crurali, 4. Heidelberg 1726.

Koenerding (Adrian.) de gangraena & sphacelo, belgice c. fig. 8. Amsterd. 1698.

Kräutermanni (Valent.) *medicina renunciatoria & consultatoria*, 8. Arnstad. 1726.

Krebs-cur, die bewehrte, 4. Jenae 1717.

Kruger (Barthold.) *historia calculorum macrocosmi & microcosmi per analogismum*,
 4. Brunopoli 1714.

Krugii

Krugii (Theodor. Christoph.) observationum curiosarum triga, quarum prima agit de cultivoro Halensi Saxonico, 4. Norimb. 1692. cum figura cultri devorati & rursus excisi.

Kuchleri (Jo. Casp.) diss. de ulceribus dentium fistulosis, 4. Lips. 1733.

Kulmi (Jo. Adam) diss. de claviculae exostosi steatomatode, ejusque felici sectione, 4. Gedani 1732.

— de uteri prolapsu, mortis causa, 4. ibid. 1732.

Kupferschmidt (Jo.) de morbis praeliantium, quos in victoriosa Bernatum expeditione bellica 1712. observare licuit, 4. Basil. 1715.

D. D. K. *Unterricht von geschwürigen offenen Schenckel*, germanice, h. e. libellus de ulceribus crurum antiquis, 12. Nordhausen 1688. Autor est David Kellner.

L.

L *Ambrecht* (Amos) Manu ductio obstetricantium belgico sermone, 8. Amstel. 1731.

Lamzweerde (Jo. Bapt.) notae in Sculteti armamentarium chirurgicum, 8. primo Amstel. 1672. & dein iterum auctum atque emendatum a Jo. Tillingio, 8. Lugd. Bat. 1693. c. figuris quamplurimis.

Lanfranci Chirurgia, continetur in libro, cujus inscriptio: *Ars chirurgica*; in quo simul Guidon. *Cauliaci*, *Bruni*, *Theodorici*, *Rolandi*, *Bertapaliae*, *Rogerii* & *Saliceti* scripta chirurgica continentur, fol. Venetiis 1546.

— *Wundartzney*, sive chirurgia, germanice, 8. Francof. 1566.

Langii (Jo.) themata aliquot chirurgica, in scriptoribus de chirurgia optimis a Gesnero, fol. Tiguri 1553. editis continentur.

— epistolae medicae, 8. Hanov. 1605.

— (Christian. Jo.) opera medica fol. Lips. 1704. continent Chirurgiam atque varias dissertationes argumenti chirurgici.

Lanzoni (Joseph) animadversiones variae ad medicinam, chirurgiam & anatomiam facientes, 8. Ferrariae 1688.

— de clysteribus, fol. ibid. 1691.

Lapi (Petri Pauli) epistola, italica lingua conscripta, qua ostendere satagit, cataractam oculi non semper esse in humore crystallino, 4. in Rimino 1722.

Largelata (Petri de) chirurgia, fol. Venet. 1499.

Lavateri (Jo. Rud.) diss. de atritaeis & hypospadiaeis, 4. Traject. ad Rh. 1708.

Laugier (Jean François) traité des remèdes vulnèraires, 8. a Paris 1693.

Launay (Charles Denis) *sur les maladies veneriennes & le mercure*, ibid. 1698.

— *dissertation de la pierre*, in qua de lithotomia & speciatim etiam fratris Jacobi agit, ibid. 1701.

Lauremberg (Guil.) de curatione calculi, 12. Lugd. Bat. 1619.

Lazerme (Jac.) specimen medico-chirurgicum de suppurationis eventibus, 8. Mons-pellii 1724.

Leauson operationes chirurgicae, germanica lingua, 8. Dresdae 1709.

Lechellii

- Lechellii* (Jo.) theorema, sitne tutum & conveniens in capitis inique ventris contusionibus pharmaca per inferiora purgantia usurpare nec ne? 4. Guelferbyti 1668.
- Leporinus* (Christian. Polycarp.) de secundinis post partum non naturae relinquendis, contra sententiam *Ruysschii*, germanico sermone, 4. Lipsiae 1728.
- Lequin traité des hernies ou decentes*, cum fig. 8. a Paris 1690. prodiit antea jam 1684.
- Lichtmann* (Jo. Mich.) de cataracta, germanice vom Staar, 4. Norimb. 1720.
- Listeri* (Mart.) iter Parisiense, a. 1698. factum, anglice A Journey to Paris in the Year 1698. editio tertia, in quo varia chirurgica, & cumprimis de *Fratris Jacobi* calculum secandi ratione referuntur, 8. Londin. 1699.
- Lithotomus castratus*: in quo auctor perhibet, *Chefeldeni* tract. de alto apparatu esse lithotomiam *Douglassianam*, anglice, 8. ibid. 1723.
- Loeberi* (Eman. Chr.) contusionum historia, 4. Jenae 1726.
- Loescheri* (Mart. Gotth.) observationes medicae & chirurg. VI. 4. Viteb. 1723.
- . diff. de herniarum curatione, 4. ibid. 1725.
- . uteri procidentia, 4. ibid. 1728.
- Loew* (Jo. Franc.) Theatrum medico-juridicum, 4. Norimberg. 1725.
- Loniceri* (Adam) constitutio & normae obstetricum, germ. 4. Francof. ad Moen. 1573. itemque 1703.
- Löfen* (Laur.) Pest-Barbier h. e. Chirurgus pestilentialis, germanice, 12. Meinungae 1682.
- Loth* (Georg.) de cultrivoro Prussico, germ. 4. Gedani 1635.
- Loweri* (Rich.) tract. de corde: in quo etiam de transfusione sanguinis, ut & de venaesectione agitur, Londini 8. 1669. & postea 8. Lugd. Bat. edit. quinta 1708.
- Idem gallice, titulo: *Traité du Coeur*, 8. a Paris 1679.
- Lowthorpii* (Jo.) compendium actorum philosophicorum Societatis Anglicanae, titulo: *The Philosophical Transactions to the End of the Year 1700. abrig'd*, 4. Lond. 1700. III. Vol.
- Lupii* (Jac. Ant.) Chirurgia inforzata, 8. Venet. 1721.
- . fuellata, 8. ibid. 1716.
- Lyssthenii* (Gottl. Wipert.) diff. de aneurysmate, 4. Halae 1725.

M.

- M** *Agatus* (Caesar) de vulnerum rara medicatione, fol. Venetiis, primò 1615. postea ibid. 1676.
- Maggius* (Barthol.) de vulnerum sclopetorum & bombardarum curatione, 8. Bonon. 1552.
- . de vulneribus sclopetorum, fol. in *Gesneri* scriptoribus optimis chirurgicis, fol. Tigur. 1555.
- . de vulneribus sclopetorum, cum Jo. Franc. *Rota*, *Alphonso Ferrio* & *Leonhardo Botallo*, de eodem argumento, 8. Venet. 1566.
- Magni* (Pietro Paulo) Sopra il modo di sanguinare, attacar le sanguisughe & le ventose, fur le fregagioni & vesicatorii, h. e. de modo sanguinem detrahendi, fangui.

- sanguifugas & cucurbitulas adhibendi, fricationibus & vesicatoriis, 4. Roma 1613;
& postea iterum prodiit 1626 & 1674.
- Magni* de cauteriis, Romae 1588.
- Majoris* (Jo. Dan.) prodromus chirurgiae infusoriae, 8. Lips. 1664.
- ortus & progressus clysmaticae novae, 4. Kiliae 1667.
- chirurgia infusoria, 4. ibid. 1667.
- Maitlands* de insitione variolarum, germanice, 8. Bremae 1725.
- Maitre Jean* (Antoine) *traité des maladies de l'oeil*, 4. a Troyes 1707.
- idem belgice cum additionibus a J. Palfino factis, 4. Leiden 1714. c. fig.
- idem germanice cum iisdem augmentis & figuris, 4. Norimbergae 1725.
- Malphi* (Tiberii) Chirurgia, germanice, 8. ibid. 1676.
- Mangeti* (Jo. Jac.) bibliotheca chirurgica, qua omnes humani corporis affectiones, manum chirurgi exposcentes, ordine alphabetico explicantur, Tomi IV. fol. cum figuris, Genevae 1721.
- notae in opera medica & chirurgica Pauli Barbetti, 4. Genevae 1688.
- Mannus* (Jo. Jac.) de malleolorum scarificatione ex veterum sententia, 4. Patav. 1583.
- Mappus* (Marc.) de fistula genae terminata ad dentem cariosum, 4. Argentor. 1675.
- de la Marche* (Madame) *instruction familiere & utile aux sages femmes pour bien pratiquer les accouchemens*, 8. a Paris 1710.
- Marchettis* (Petri de) Observatio & curatio chirurgica nova, cum fig. (Agit de evulso pollicis frusto, una cum tendine praelongo, pollicis flexore) edita a Jacobo Martini germano, D. 4. Patav. 1654.
- Observationes medico-chirurgicae, 8. ibid. 1664 & 1675. Eaedem germanice 12. Norimb. 1676.
- Marescotti* (Franc.) Relatio mirabilis operationis in tumore carcinomatoso linguae, italica lingua, cum fig. 4. Bononiae 1730.
- Marini* (Girolami) praxis operationum chirurgicarum, ad oculum & lithotomiam potissimum spectantium, italice 8. Romae 1723.
- Marquardi* (Jo.) practica medicinalis cum Cortilionis chirurgia, 8. Francof. 1610.
- de Marque* (Jac.) *traité des bandages de la Chirurgie*, 8. a Paris 1618 & 1631. cum fig.
- *methodique introduction a la Chirurgie*, 8. ibid. 1652. 1662 & 1675.
- Marten* (Jo.) treatise of venereal diseases, h. e. tract. de morbis venereis, 8. Lond. 1708.
- Martynii* (Jo.) Acta philosophica anglicana in compendium redacta ab a. 1719. ad ann. 1733. titulo: The Philosophical Transactions abridged, and disposed under general Heads in 2 volum. by Mr. John Eames and John Martyn, 4. London 1734.
- Martyr* (Peter) de ulceribus & vulneribus capitis, 4. Ticcinii 1584.
- Masferi* (Theod.) diss. de obstetricum erroribus, 4. Argent. 1726.
- Masiero* (Filippo) chirurgia compendiata, 8. Venet. 1702.
- Opere chirurgiche cum fig. 4. Patav. 1724.
- Chirurgus practicus, italice 8. Venet. 1702.
- Massa* (Nic.) de morbo gallico, ligno guajaco &c. 4. ibid. 1563.
- de venaesectione, 4. ibid. 1568.
- Massaria* (Alex.) de scopis mittendi sanguinem, 4. Lugd. 1622.

Maffaria opera medica, fol. ibid. 1634.

Materni (Ge. Christ.) diss. de chirurgia cum Medicina necessario conjungenda, sub meo praesidio, 4. Helmstad. 1732.

Maubei traité des tumeurs & des obstructions, 8. a Paris 1702.

Mauchart (Jo. Dav.) de hernia incarcerata diss. 4. Tubingae 1721.

———— diss. de ophthalmoxysi, 4. ibid. 1726.

———— — de capite obstipo, 4. ibid. 1737.

Maurer (Jo. Georg.) Vade mecum chirurgicum, germanice, 8. Schaffhusae 1731.

Mauriceau (Franc.) traité des maladies des femmes grosses, (prodiit antea aliquoties) 4. Paris 1712.

———— observations sur la grossesse & l'accouchement des femmes &c. 4. ibid. 1695.

———— observations dernières sur les maladies des femmes grosses & accouchées, 4. ibid. 1708.

———— aphorismes touchant la grossesse, l'accouchement & les maladies des femmes, 12. Amst. 1700. una cum versione belgica.

———— de arte obstetricandi, germanice, 8. Norimb. 1707.

———— 700 observationes de hac re, germanice 8. Dresdae 1709.

Mead (Rich.) de pestiferae contagionis natura & remediis, juxta exemplar, 3. Hagae Comitum 1721. idem gallice, 8. Lugd. Bat. 1721.

le Medecin & Chirurgien des pauvres, par M. Dubé, 8. Rouen 1712.

Medici antiqui graeci, 4. Basil. 1581.

Medicinisck und Chirurgisck Schatz-Kaestlein: h. e. Gazophylacium medicum & chirurgicum, 8. Francof. & Lipsi. 1709.

Medicus theoria & praxi instructus, sive de internorum & externorum morborum curatione, 8. Genevae 1690.

Meekren (Jobi) observationes medico chirurgicae, belgice 8. Amst. 1668.

———— eadem germanice, 8. Norimb. 1675.

———— eadem latina lingua, 8. Amst. 1682.

Meibomii (Henr.) diss. de paracentesi in hydrope, 4. Helmst. 1670.

———— diss. de suffusione, 4. ibid. 1670.

———— — bubonibus, 4. ibid. 1671.

———— — cancro mammarum, 4. ibid. 1673.

———— — ulcerum natura & curatione, 4. ibid. 1674.

———— — vulneribus lethalibus, 4. ibid. 1674.

———— — sanguinis educatione, 4. ibid. 1674.

———— — laesionibus cranii a causa violenta externa, 4. ibid. 1674.

———— — tumoribus pedum, imprimis oedematosis, 4. ibid. 1679.

———— — vulnere natura & curatione, 4. ibid. 1685.

———— — hernia, 4. ibid. 1686.

———— — fluxu humorum ad oculos naturali & praeternaturali, 4. ibid. 1687.

———— — venaesectionis in variolarum curatione usu, 4. ibid. 1694.

———— — catheterismo, 4. ibid. 1699.

———— de abscessibus internis, 4. Dresdae 1718.

*** 3

Meibomi

- Meibomii* (Jo. Henr.) de flagrorum usu in re venerea, 12. Lugd. Bat. sine anno.
 — (Dan. Henr.) diff. de patellae offis laesionibus & curationibus, 4. Franeq. 1697.
Melli (Sebast.) Chirurgo suegliato ou vero pratica chirurgica, P. II. 8. Venet. 1717.
 — lancetta in pratica, cum tract. de scarificatione, 8. ibid. 1717.
 — delle fistole lacrymale, 8. ibid. 1717.
 — de arte obstetricia, italice cum fig. sub titulo: la Comare Levatrice 4. ibid. 1721.
 — l'Arte medico-chirurgica Vol. I. 8. ibid. 1721.
 — pratica chirurgica P. I. 8. ibid. 1724.
Mercier (Petri le) Quaestio Medica, an ad extrahendum calculum, diffecanda ad pubem vesica, moderatore Nic. Pietreo 4. Paris. 1635. vid. *Pietreus*.
Mercklinus (Ge. Abrah.) de ortu & occasu transfusionis sanguinis, 8. Norimb. 1679.
Mercurio (Scipione) de arte obstetricandi, italice, titulo: la Commare oriccoglitrice, cum figuris, 4. Venet. 1621. & germanice a God. *Welsch*io, notis illustrat. titulo: *Hebammen buch*, 4. Lipsiae 1652.
Mery (Jean) maniere de tailler pratiquée par Frere Jaques, avec un nouveau systeme de la circulation du sang par le trou ovale dans le foetus humain, 12. Paris 1700. & belgice 8. Amst. 1700.
Meyer (Herm. Petr.) diff. de punctura vesicae in ischuria, 4. Marburg. 1727.
Meyfeldi (Jo. Godofr.) diff. de partu difficil. ex spastica strictura uteri circa placentam, 4. Altorf. 1732.
Mezgeri (Ge. Balth.) diff. de arteriotomia, 4. Tubing. 1670.
Midleton (Jo.) lithotomia de alto apparatu, anglice 4. Lond. 1727.
Minadous (Jo. Th.) de humani corporis turpitudinibus, fol. Patav. 1600.
Mindereri (Raymund) Medicina militaris cum notis Cardilucii, germanice. antea jam aliquoties prodiit, 12. Norimb. 1679.
Mittermayer (Jo.) de strumis Bünsengium diff. 4. Erford. 1723.
Moebii (Jo. Frid.) observationes miscellaneae, sub meo praesidio, 4. Helmstad. 1730.
Moellenbroccius (Val. Andr.) de varis, 8. Lips. 1663.
à Moinichen (Henr.) observationes medico-chirurgicae, cum annotat. *Lanzoni* 12. Ferrariae 1688. item germanice, 12. Dresdae 1691.
Molinetti (Anton.) Dissertationes Anatomico-pathologicae, 4. Venet. 1675.
Momber (Ant.) de calculo renum & vesicae, germ. 8. Helmst. 1735. c. fig.
Monavii (Frid.) bronchotomia, 8. Gryphiswald. 1652 & Jenae 1711. cum sylloge morborum oculi.
Mounier (L.) de la fistule de l'anus, 8. Paris 1689.
Montagnana (Marc. Ant.) de herpete, phagedaena, gangraena, sphacelo & cancro, 4. Venet. 1589.
Montuus (Hier.) de febribus, chirurgicis auxiliis, morbis venereis & infantum morbis, 4. Lugd. 1558.
Morand traité de la taille au haut appareil, avec une dissertation de Mr. Morand & une lettre de Mr. Winslow sur la meme matiere, 8. Paris 1728. Dissertatio anglice versa a Jo. *Douglassio* 8. Lond. 1729. cum relatione LX. aegrorum hac inethodo sectorum.

Morassch

- Morascb* (Jo. Adam) de externis capitis morbis, 4. Ingolstad. 1719.
Moreau (Renat.) de sanguinis missione in pleuritide, 8. Paris. 1622.
Mori (Horat.) tabulae universam chirurgiam complectentes, fol. Venetiis 1572.
Mosibionis de morbis mulierum liber, graece, cum variis autoribus de eodem argumento tractantibus, 4. Basil. 1546.
de la Motte (Guil. Mauquest) *traité de chirurgie*, Vol. III. 12. Paris 1722.
 ——— *traité des accouchemens, expliqué dans un grand nombre d'observations*, 4. Paris 1722. & germanice cum notis *Scheidii*, Medici Argentoratensis, 4. Argentor. 1734.
Moyle (John.) observationes chirurgicae anglico sermone titulo: *Chirurgic memoirs, being an Account of many extraordinary cures*, 12. Lond. 1708.
Mülleri (Jo. Matth.) observationes & curationes chirurgicae rariores, 8. Norimb. 1714. item de effractura cranii, 8. ibid. 1712.
 ——— (Godofr. Guil.) diff. de partu difficili ex situ uteri obliquo, 4. Argent. 1731.
 ——— (Guil. Henr.) diff. de ankylosi, 4. Lugd. Bat. 1707.
 ——— (Theoph.) de morbis hyemalibus & fonticulis, germanice *von Winter Krankheiten und Fontanellen*, 8. Francof. 1687.
Mulicbii (Jo. Frid.) diff. de variolarum insitione, 4. Altorf. 1725.
Munnicks (Jo.) *Chirurgia*, germanice *Wundartzney*, 8. Francof. 1700.
 ——— *Chirurgia*, latine, 4. Amstel. 1715.
Muralti (Jo.) scripta chirurgica, germanice *Chirurgische Schriften*, 8. Basil. 1691.
 ——— *Kinder-und Hebammen-buch*, germanice, hoc est, liber de arte obstetricandi, 8. ibid. 1697.
 ——— *Schriften von der Wundartzney*, h. e. scripta sive opera chirurgica, 8. ibid. 1711.
Muratori (Lud. Ant.) de peste, italice titulo: *del Governo della peste, e delle maniere di guaddarsene*, 8. in Brescia 1721. prodiit antea, 8. Modenae 1714.
Musitani (Car.) scripta chirurgica & physica, germanice *Chirurgische und Physikalische Schriften*, III Vol. 8. Francof. 1701.
 ——— opera omnia, fol. Genevae 1716.
Mustigeri (Jo. Casp.) diff. de luxationibus, 4. Argentor. 1713.
Muys (Jo.) observationes chirurgicae, 8. Lugd. Bat. 1684. & postea 8. Amstel. 1695.
 ——— eadem germanice, 8. Berol. 1694.
 ——— *Podalirius redivivus*, in quo multa medica & chirurgica examinantur, 12. Lugd. Bat. 1686.

N.

- N***Arvatici* (Matthiae) sylvia sententiarum ad chirurgiam pertinentium, ex Hippocratis libris desumpta, cum Jac. *Alberti* Semeiotice & *Frambesarii* curatione tumorum, 8. 1632.
Nebelii (Dan.) diff. de lithotomia, 4. ibid. 1710.
 ——— foetus extractione ex utero, 4. Heidelb. 1713.
Nenneri (Franc.) *chirurgia* sive germanice *Wundartzneybuch*, 4. Francof. 1578.
Neuteri

- Neuteri (Ge. Phil.) de vesicatoriorum usu, 4. Argent. 1704.
 Niccolinis (Annibal de) de curativis & mittendi sanguinem scopis, 4. Perusiae 1591.
 Nicoli (Nic.) opera medica & chirurgica, fol. Venet. 1533.
 Nolet (Jos.) observations en medecine & chirurgie, 12. a Brest. 1711.
 Norren (Erh.) *Chirurgischer Wegweiser* germanice, h. e. Hodegus chirurgicus, 8. Norimb. 1717.
 Novarini (Ant.) *Chirurgia curiosa*, fol. Rotenburgi 1682.
 Nouvelle methode d'operations de chirurgie, 12. Paris 1693.
 Nouvelles decouvertes sur toutes les parties de la medicine, 12. ibid. 1679.
 Nuck (Ant.) experimenta & operationes chirurgicae, 8. Jenae 1698.
 — Idem germanice, titulo: *Chirurgische Handgriffe und experimenta*, 8. Lubecae & Wismar. 1709.
 — Idem cum annotationibus Henr. Bassii, germanice 8. Halae 1728.

O.

- Observationes medico-chirurgicae de variis rebus medicis & chirurgicis, germanice, von etlichen medicinischen und Chirurgischen operationibus, 8. Aschersleben 1715.
 Observationum medicarum scriptores, quia fere omnes quoque chirurgicas observationes referunt, in hac etiam Bibliotheca continentur, sed sub autorum nomine investigari & evolvi debent, quemadmodum & ei, qui observationes chirurgicas vel anatomico-chirurgicas ediderunt.
 Obstetricum catechismus, germanice, 12. Argentor. 1722.
 Obstetrix Brandenburgica, vid. Sigemundia.
 — Coburgiaca, 12. Hildburghusae 1700.
 — Saxonica, germanice c. fig. 8. Francof. & Lips. 1701.
 Operations de chirurgie, 12. Paris 1693.
 Oribasii opera Tom. III. 8. Basil. 1557.
 — de laqueis & machinamentis chirurgicis, fol. in Gesneri scriptor. opt. chirurg. Tigur. 1555.
 Ortlobii (Jo. Frid.) diss. de vesicatoriis, 4. Lipsiae 1696.
 Overkamp (Heidenreich) fundamenta chirurgiae, belgico sermone, titulo: Beginfelen tot de Genees- en Heel-konst, 8. Amsterdam 1681.
 — Nieuw gebouw der Chirurgie, belgice, h. e. novum chirurgiae aedificium, 8. ibid. 1682.
 — Idem germanice titulo: *Neues gebaeude der chirurgie*, 8. Lipsiae 1689.
 — Alle Medicinale, Chirurgicale en Philosophische Werken, 4. Amst. 1694.
 — Eadem opera, germanice, sub titulo: Overkamps Medicinische und Chirurgische Schriften, 4. Lips. 1705.

P.

- P** *Alfyn* (Jo.) Chirurgie, belgice, cum fig. 4. Leiden 1710.
 — translatio libri Ant. *Maitre-Jean* de morbis oculi in linguam belgicam, & notae in eundem, 4. Lugd. Bat. 1714. c. fig.
 — operationes chirurgicae, germanice c. fig. 8. Norimb. 1717.
 — anatomie du corps humain, avec des remarques utiles aux chirurgien dans la pratique de leurs operations c. fig. 8. Paris 1726.
Pandolphinus (Joseph.) de ventositatis spina cum notis Ge. Abr. *Merklini* 12. Norimb. 1674.
Paniza (Lud.) de phlebotomiis & vini natura, 4. Venet. 1534. & fol. ibid. 1544.
 — de venae sectione in inflammationibus quibuscunque, fol. Venet. 1561.
Pansae (Mart.) consilium phlebotomicum, 8. Lips. 1615.
Paoli (Pietro) Libellus italicus contra Antonii *Benevoli* Observationes de cataracta in lente crystallina, sub titulo: *Parere* &c. 4. in Lucca 1730. huic respondit *Benevolus* libello italico, quem inscripsit *Manifesto*, (vid supra *Benevoli*). Huic opposuit alium libellum, titulo:
 — — Riposta sopra alcune accuse dategli in un certo manifesto del Signor Anton. *Benevoli*, 4. in Lucca 1731. Cui vero hic iterum regeffit apologiam, titulo: Giustificatione, 4. Florent. 1732.
Paracelsi (Theophr.) scripta chirurgica, germanice, Chirurgische Schriften, fol. Argentor. 1618.
 — Opera omnia, fol. Genevae 1658.
 — opus chirurgicum, fol. Francof. 1565. & germanice Argentor. 1564.
 — von offenen Schaeden und Geschwüren i. e. de ulceribus, 8. ibid. 1577.
 — Chirurgia magna, fol. ibid. 1573.
 — Chirurgia parva, germanice 8. Basil. 1579.
 — la grande chirurgie de *Paracelse*, 4. Lyon.
 — traité des arquebusades par Th. *Paracelse*, traduction de Jac. *Veyras*, 8. ibid. 1581.
Paraei (Ambrosii) Opera chirurgica, fol. Francof. 1594. 1610 & 1612.
 — Eadem germanice, sub titulo: *Wundartzney Spiegel*, hoc est, speculum chirurgicum, per Petr. *Uffenbach*, fol. Francof. ad Moen. 1601 & 1635.
 — opera omnia, belgice cum fig. fol. Amsterd. 1615 & 1636.
 — opera, gallice, *oeuvres d'Ambrose Paré*, fol. Lyon 1652.
Parisiis (Jo. de) chirurgia, germanice, 4. Erford. 1544.
Parmae (Hippoliti) introductio in chirurgiam, 4. Patav. 1612.
 — praxis chirurgica, sive commentarius in Hippocratem de capitis vulneribus, 8. Venet. 1608.
Parrot (Wolffg. Ge.) diss. de mola uteri, 4. Argent. 1733.
Patini (Car.) Oratio, quod optimus Medicus debeat esse chirurgus, 4. Patav. 1681.
Patunae (Nic.) relatio de cadavere foetus post XX. menses per anum matris extracti, matre viva superstite, & quae post tres menses etiam per abortum adhuc alium foetum rejecerat, italice 8. Venetiis 1727.

Patunae

Patunae dell' Erpete, 4. Venezia 1729.

Pauli (Sim.) programma de officio Medicorum, Pharmacopoeorum & Chirurgorum, (extat in Quadripart. botan. pag. 627.)

Paaw (Petr.) commentaria in Hippocratem de capitis vulneribus, cum explicationibus in aliquot capita libri octavi Corn. *Celsi*, qui de ossium morbis agit, 4. Lugd. Bat. 1616.

Peccetii (Franc.) opera chirurgica 8. Francof. 1619. prodierunt etiam Florent. apud Juntas 1616. & Ticini 1697. in fol.

Pechlini (Jo. Nic.) observationes physico medico chirurgicae, quibus accessit Ephemeris vulneris thoracici, 4. Hamburgi 1691.

——— diss. de vulneribus sclopetorum, 4. Kiloni 1674.

Penis cancrofi historia & felix ejus resectio, 12. Lips. 1698. vid. *Doebelius*.

de *Pestilentialibus tumoribus*, bubonibus & carbunculis, germanice titulo: *von pestilentialischen Drüsen, Beulen, Carbunckel* &c. 8. sine loco 1686.

Pestilentialia libri, sive libri, qui de peste agunt, plerumque etiam curationem bubonum & carbunculorum tradunt, adeoque & omnes hic referendi essent. Verum quia fere innumeri sunt, atque ego ingentem eorum copiam etiam possideo, nolo tamen ob nimiam evitandam prolixitatem omnes hic recensere, sed sufficere chirurgus pro curandis pestilentialibus tumoribus & ulceribus ea fere existimo, quae hac de re pag. 298. cap. IX, X & XI. in Institutionibus hisce chirurgicis proposui. Qui alios adhuc autores de peste legere cupit, huic prae ceteris ex recentioribus tanquam praestantiores ex innumeris aliis commendari possunt sequentes.

Diemerbroeck de peste. vid. *Diemerbroeck*.

Gieselerus de peste Brunsvicensi. vid. *Gieseler*.

Hodgesium de peste Londinensi. vid. *Hodgesius*.

Ex recentissimis vero optimi mihi videntur

Anonymus de contagio, quod A. 1713. Austriam invasit, relatio, germanice, sub titulo: *Ansteckender Seuche, welche dieses 1713. Jahr in das Ertzherzogthum Oesterreich eingeschlichen, gründliche Nachricht, samt denen benoethigten Hülffsmitteln*, ex collegio sanitatis austriaco, 4. Ratisbonae, juxta exemplar Viennense.

Behrensi informatio de peste. vid. *Behrensius*.

Bießteri (Joach.) *Physici Hamburgensis*, disquisitio de peste, germanice 8. Hamburgi 1713.

Boettcheri (Jo. Gottl.) *Medici Hafniensis*, pestis & pestilentiae, Hafniae 1711. saevientis descriptio & explicatio, 8. ibid. 1713.

Budaei (Gottl.) *Medici Lusati*, consilium medicum, quid tempore pestilentiae agendum; jussu Statuum Lusatiae editum, 4. Budissinae 1710.

Chicoyneau relation de la peste de Marseille, & de sa curation, avec un discours de la contagion pestilentielle par Rich. Mead. 12. a Leyde 1721.

Deidier (Antoine) Experiences sur la bile & les cadavres des pestiferes. vid. *Deidier*.

Dieterici (Jo. Ge. Nic.) disquisitio luis, quae 1713. Ratisbonae saeviit, 8. Ratisbonae 1714. germanice.

Egger-

- Eggerdesii* (Alard. Maur.) *Medici Silesiaci, vera pestis delineatio & extirpatio certissima*, 8. Francof. ad Moen. 1715. Ejus *prolixior truculentissimae pestis descriptio*, germanice, 4. Vratislaviae 1720.
- Goblii*, *Med. Berolin. historia pestis, sive de natura & curatione ejus*.
- Kanoldi* *epistolae de peste, quae A. 1708 & 1709. in Borussia, Gedani, in Silesia & Polonia & denique Viennae in Austria saeviit, itemque de Peste Massiliensi vid. supra Kanoldus*.
- Mead* *de pestiferae contagionis natura & remediis. vid. Mead*.
- Muratori* *del Governo della Peste. vid. Muratori*.
- Scheuchzeri* *diff. de peste provinciali. vid. Scheuchzer*.
- Petermanni* (Andr.) *observationes medicae*, 8. Lips. 1707.
- *casus medico-legales decad. II. ibid. 1709*.
- Petit* (Chirurgus) *l'art de guerir les maladies des os*, 8. a Paris 1705. edit. I.
- *traité des maladies des os*, 2. Tom. 8. ibid. 1723. edit. II.
- (Medicus) *lettre dans laquelle il demontre, que le cristalline est fort près de l'uvée, avec de nouvelles preuves qui concernent l'operation de la cataracte*, 4. ibid. 1729.
- Petraei* *enchiridium chirurgicum, germanice*, 4. Marp. 1617.
- (Henr.) *Enchiridium chirurgicum, germanice una cum Guil. Fabricii Hildani tract. de gangraena & sphacelo, sub titulo: Handbuch der Wundartzney samt Hildani tractat vom heissen und Kalten Brand*, 8. Norimb. 1625.
- Peu* *la pratique des accouchements*, c. fig. 8. Paris 1694.
- Pezoldi* (Casp.) *observationes medico-chirurgicae*, 8. Vratislav. 1715.
- Pfisteri* (Alex.) *diff. de hydrosarcocele*, 4. Basil. 1689.
- Pfizer* (Jo. Nic.) *de vulnerum renunciatione, sive germanice, vernunftiges wunden-urtheil*, 12. Norimb. 1674.
- Pietrei* (Nic.) *Quaestio medica, An ad extrahendum calculum, disseccanda ad pubem vesica sit*, 4. Paris. 1635. Continetur etiam in *Jo. Douglassii Lithotomia Douglassiana* edit. II. Lond. 1723. 4. pag. 121.
- Pigraei* (Petri) *epitome praeceptorum medicinae & chirurgiae*, 8. Paris. 1612.
- *epitome des preceptes de medicine & chirurgie*, 8. Lyon 1628. & Rouen 1649.
- *eadem, belgice, titulo: Kort begryp van de Genees- en de Heel-konst*, 4. Amsterdam 1662. edit. III.
- Pistoris* (Chr. Frid.) *diff. de foetu e rupto utero in abdomen prorumpente*, 4. Argent. 1726.
- Platneri* (Jo. Zach.) *diff. de fistula lacrymali*, 4. Lips. 1724.
- *diff. de scarificatione oculorum*, 4. 1728. c. fig.
- ——— *calculo ad vesicam adhaeresciente*, 4. 1737.
- *progr. de chirurgia, artis medicae parente*, 4. 1721.
- ——— *chirurgorum temeritate salutari*, 4. 1721.
- ——— *arte obstetricia veterum*, 4. 1735.
- Plazzonus* (Franc.) *de vulneribus sclopetorum*, 4. Venet. 1618.
- Plempii* (Vop. Fort.) *ophthalmographia*, fol. Lovan. 1648.
- Pohlii* (Jo. Chr.) *diff. de prostatico calculo affectis*, Lips. 1737.

Poblii progr. de abdominis abscessu, 1737.

— — — tumoribus cysticis, 1738.

Pons (Jac.) de nimis licentiosa ac liberaliore intempestivaque sanguinis missione, 8. Lugd. 1596.

Portal (Pauli) practica obstetricantium, belgice, 8. Amsterd. 1690.

Portii (Jo. Dav.) tract. de tumoribus & in specie de spina ventosa, 12. Leoward. 1679.

— (Luc. Ant.) Erasistratus sive de sanguinis missione, 8. Romae 1682. it. 12. Venet. 1683.

— de militis in castris sanitate tuenda liber, 8. Vienn. Austr. 1685. & Neapoli 1728. edit. II. chirurgica quidem pauca continet: quia vero a Chirurgis ut plurimum requiritur, ut & morbis militum, praesertim in castris mederi sciant; hinc & hanc librum hic omittere nolui.

Prat (Ellis) Vade mecum chirurgicum, germanice, 8. Hamb. 1690.

Preusii (Maximil.) Sciagraphia vulnerum lethalium, fol. Vratislav. 1712.

Proebisch de operatione alta observatio, germanice, 4. Regiomonti 1727.

Purmanni (Matth. Godofr.) verus chirurgus, germanice der rechte und wahrhafte Feldscher, 8. Halberstad. 1680.

— — — *grosse Wundartzney* h. e. Chirurgia magna, 4. Francof. 1692 & 1705.

— — — *chirurgia curiosa*, germanice, 4. ibid. 1699.

— — — *Schufs wunden Curen* sive de vulneribus sclopetorum, 8. ibid. 1703.

— — — *curiose chirurgische observationes*, sive observationes chirurgicae curio-
fae, 4. ibid. 1710.

— — — *Feldscherer und Pest barbierer*, h. e. Chirurgus verus & pestilentialis, 8. ibid. 1715.

Q.

Quentin (Just. Ott.) diss. de praeparatione gravidarum ad partum facilem, 4. Traj. ad Rh. 1697.

Quercetanus (Joseph.) de vulneribus sclopetorum, 8. Lugd. 1576.

Quesnay (François) *observations sur les effets de la saignée*, 12. Paris 1730.

R.

Ramelovii (Matth.) ortus & occasus calculi renum, germanice *Beschreibung des Nieren-steins*, 8. Lips. 1679.

Ranchini (Franc.) *questions sur toute la chirurgie de Guy de Gauliac*, 3 parties, 2 tomes 8. Lyon 1627.

— — — *Eaedem* belgice, titulo: *Heel-konstige Geschillen wegens de werke van Guido de Gauliac*, 4. Amst. 1662.

Read (William) *Chirurgorum comes: or the whole practice of chirurgery*, anglice, 8. Lond. 1687.

— de morbis oculorum, anglice 8. sine anno, Londini.

Reiffens (Jo. Casp.) *Anatomia & chirurgia*, germanice, 8. Augspurg. 1716.

Restau.

- Restaurant* (Raym.) de inustionibus sive fonticulis, 12. Lugd. 1681.
Rex (Sigism.) specimen lithogenesiae humanae, 12. Bern. 1689.
Rhodii (Jo.) observationes medicinales, 8. Patav. 1657. & Francof. 1676.
Rhodus de Acia Corn. *Celsi* dissertatio, qua simul universa fibulae ratio explicatur; accedit de ponderibus & mensuris veterum dissert. & vita Celsi, 4.c. fig. Hafn. 1672.
Rhodon (Euchar.) de partu hominis, parturientium & infantum cura, 8. c. fig. Francof. 1563. Germanice ibid. 1582 & 1608.
Rhumelii (Jo. Phar.) Opuscula chymico-magico-medica de medicina mulierum herniarum &c. 12. 1653.
Rhinenburgh (B. J.) examen des chirurgiens, cum sententiis ex Guidone collectis, belgice, 12. Rotterd. 1650.
Rhyne (Guil. ten) de arthritide, acu punctura Chinenfium & Japonensium, &c. 8. Lond. 1683.
Riedlini (Viti) observationes chirurgicae rariores, 8. Aug. Vind. 1702.
 — de embrochis, germ. 8. Ulm 1710.
 — *Bericht von den vornehmsten Verrichtungen eines Wundartztes*, h. e. doctrina de praecipuis chirurgi actionibus, 8. ibid. 1724.
Riolani (Jo.) chirurgia, 8. Lips. 1601. it. 8. Paris. 1618.
Robertii (Laur.) diss. de pernionibus, 4. Upsal. 1722.
Robinson (Nic.) de calculo, ubi docetur, calculum tuto dissolvi posse, angl. 8. Lond. 1723.
Rogerii & Rolandi chirurgia, fol. continentur in Arte chirurgica cum Guid. Cauliaco aliisque vetustioribus chirurgis, quae Venet. prodiit fol. 1546. vid. Ars chirurgica.
Romani sive Franc. de Roma Consultationes medico chirurgicae, fol. Neapoli 1669.
Roonbuisen (Henr.) curationes chirurgicae, belgico sermone 8. Amst. 1663 & 1672. germanice vero titulo: *Chirurgische Heil-curen*, 8. Norimb. 1674.
Rossetus (Franc.) de partu caesareo 8. Paris. 1590. & ex editione atque additamentis Casp. *Bauhini* Francof. 1601.
Rossii (Matth.) observationes medicae, chirurgicae & practicae, 8. Francof. 1608.
Rost (Jo. Car.) diss. de ozoena, 4. Altorf. 1711.
Rota (Jo. Franc.) de tormentariorum vulnerum natura & curatione, 4. Bonon. 1555.
 — de sclopetorum vulneribus, 8. Venetiis 1566.
Rothens (Jo. Phil.) Chirurgia & Lexicon Chirurgicum, germanice 8. Wismar. & Lips. 1707. deinde Lubec. & Wismar. 1720. 8. & cum notis Jo. Gerh. *Wagneri* Medici Lubecensis, 8. Lubec. 1734. c. fig.
Rouhault (Pierre Sim.) *traité des playes de tête*, 4. Turini 1720.
Rubei (Hier.) annotationes in C. Celsum, 4. Venet. 1616.
Rudius (Eustach.) de chirurgicis, sive externarum partium affectibus, fol. Venet. 1606.
 — de tumoribus p. n. 4. ibid. 1600.
 — de ulceribus, 4. Patav. 1602.
Rueff (Jac.) de conceptu & generatione, ubi simul de arte obstetricandi tractatur, 4. c. fig. Tiguri 1554.
 — de tumoribus quibusdam phlegmaticis, 4. Tigur. 1556 & belgice 8. Amsterd. 1662. Ruffin.

Rüffen (Jac.) *Hebammen buch*, h. e. liber de arte obstetricandi, 4. Francof. ad Moen. 1600.

Ruleau (Jo.) tractat. vom Kayserlichen Schnitt, h. e. de sectione caesarea, 8. Norimb. 1716.

Ruyfchii (Frid.) *Observationes anatomico-chirurgicae*, 4. Amst. 1691.

— thesauri anatomici, in quibus variae quoque observationes chirurgicae referuntur, 4. ibid. 1701.

— adversaria anatomica, medica & chirurgica, 4. ibid. 1717.

— tractat. de musculo in fundo uteri reperto, cum doctrina de secundinarum extractione, belgice, 8. ibid. 1725.

— Operum anatomico-medico-chirurgicorum index locupletissimus, concinnatus ab Ysbrando Gysberto *Arlebout*, 4. ibid. 1725.

Ryff (Gualt. Herm.) *grosse chirurgie*, h. e. *Chirurgia magna*, fol. Francof. 1545. c. fig.

— *Chirurgia*, germanice sub titulo: *Feld-und Stadt-buch bewehrter wundartzney*, 4. ibid. 1556.

— *Hebammen buch*, h. e. liber de arte obstetricandi, 4. ibid. 1600. prodiit antea 8. ibid. 1569. c. fig.

S.

S *Achsfische Wehmutter*, h. e. obstetrix Saxonica, 8. Francof. 1701.

Saliceti (Guil.) *chirurgia*, fol. continetur in *Arte chirurgica* cum Guid. *Cauliaco* aliisque vetustioribus chirurgis, quae Venet. prodiit 1546. fol. vid. *Ars chirurgica*.

Salzmanni (Jo.) *diff. de chirurgia curtorum*, 4. Argentor. 1713.

— — — — — *mira cranii fractura*, 4. ibid. 1718.

— — — — — *tumoribus quibusdam serosis*, 4. ibid. 1719.

— — — — — *amputandi membra nova methodo*, 4. ibid. 1722.

— — — — — *femoris luxatione rariore, frequentiori colli fractura*, 4. ibid.

1723.

Sancaffani (Dionisii Andr.) *il Chirone in campo*, h. e. *Chirurgus castrensis*, italice, 8. Venet. 1708.

— — — — — *aforismi della cura delle ferite*, h. e. *aphorismi de curatione vulnerum*, cum nonnullis aliis opusculis, 8. ibid. 1713.

Sancti (Mariani) *compendium chirurgicum*, fol. 1610. in *Uffenbachii thesauro chirurg.* Idem junctus Joanni de *Vigo*, 8. Lugd. 1530. it. 1542.

— — — — — *de lapide renum, itemque de lapide vesicae per incisionem extrahendo*, c. fig. 4. Paris. 1540.

Sanden (Henr. von) *observatio de prolapsu uteri inversi*, 4. Regiomont. & Lips. 1723.

Santinelli (Barth.) *Confusio transfusionis sive confutatio transfusionis sanguinis*, 8. Romae 1668.

Santorini (Jo. Domin.) *Historia foetus per posteriora extracti*, italice, *Istoria d'un feto estratto felicemente intero dalle parti deretane*, 4. in Venet. 1727.

Saporta (Ant.) *de tumoribus*, 12. Lugd. 1624.

Sirtorii (Petri) *de curatione Luis venereae, omniumque ejus accidentium*, germanice *Franzosen cur* 8. Lips. & Ffurt 1685.

Saxiard

Saviard nouveau recueil d'observations chirurgicales, 8. a Paris 1702.

Scacchi (Durantis) subsidium medicinae sive chirurgiae, 8. Urbini 1596.

Scala (Dominici la) phlebotomia damnata, 4. Patav. 1696.

Schacheri (Polyc. Gottl.) diff. de cataracta, 4. Lipsiae 1701.

—— diff. de labiis leporinis, 4. ibid. 1704.

—— ——— bronchotomia, 4. ibid. 1707.

—— ——— fonticulis, 4. ibid. 1722.

—— ——— foetus excisione ex utero matris mortuae non negligenda, 4. ibid.

1731.

—— ——— epiplocele, 4. ibid. 1734.

Schelhammeri (Gunth. Chr.) diff. de suffusione, Jenae 1691.

—— ——— diff. de epulide & parulide, 4. ibid. 1692.

—— ——— Liber de humani corporis tumoribus, 4. ibid. 1695.

—— ——— diff. de fonticulis, 4. ibid. 1696.

—— ——— spina ventosa, 4. Kil. 1698.

—— ——— odontalgia tactu sedanda, 4. ibid. 1701.

Schenck (Jo. Theodor.) diff. de vexatorum curatione, 4. Jenae 1670.

Scheuchzeri (Jo. Jac.) dissertatio de peste provinciali (gallice sur la peste de Provence) latine, gallice & germanice, 4. Tiguri 1721.

Scheurl (Christoph. Theoph.) de arteriotomia, 12. Norimb. 1666.

Schirllaes (Thom.) de causis & curatione calculi, 8. Hamburgi 1675.

Schmidii (Andr. Chr.) curatio periculosi vulneris capitis, germanice, 4. Rintellii 1732.

—— (Henr. Victor) dissert. de paedarthrocace, 4. Lugd. Bat. 1721.

—— (Joseph) examen phlebotomicum, germanice, *gründliche Erforschung vom Aderlassen und Schröpfen, nebst curirung der Franzosen*, 12. Augst. Vind. 1653.

—— Spiegel der Wundartzney, h. e. Speculum Chirurgicum, 4. Ulmae 1656.

—— *Kriegs-artzney*, h. e. chirurgia militaris, 12. Francof. 1664.

—— Descriptio instrumentorum chirurgicorum, germanice c. fig. 12. Aug. Vindel. 1697.

—— Miscellanea medico-chirurgica, germanice, sub titulo: *Medicinisches und chirurgisches Schatz-Kästlein*, 8. Francof. 1709.

—— *Neu und wohleingerichteter Feld Kasten vor Wundartzney*, h. e. novum armamentarium chirurgicum, 8. ibid. 1710.

Schneidermannus (Jo.) de phlebotomia, 12. Helmstad. 1681.

Schobingeri (Jo. Casp.) diff. de fistula lacrymali, 4. Basil. 1730.

Schorer (Christoph.) vom Nutzen und Gebrauch der Fontanellen, germanice, h. e. de utilitate & usu fonticulorum, 8. Lips. f. a. it. Augustae Vindel. 1686. 12.

Schoute (Walth.) het gewonde Hooft, belgice, h. e. de capitis vulneribus liber, 8. Amst. 1694. Idem germanice, sub titulo: *Walthers Schultzens verletzter Kopf*, 8.

Lipsiae 1695.

Schraderi (Frid.) diff. de partu difficili, 4. Helmstad. 1685.

—— diff. de vulnerum cura, 4. ibid. 1695.

—— (Christoph.) diff. de hirudinibus, 4. Erford. 1713.

Schrei-

- Schreiberi* (Sam. Gotth.) diff. de partu difficili, 4. Francof. ad Viadr. 1736.
- Schuckmanni* (Jo. Henr.) diff. de herniotomia absque castratione instituenda, praefide Waldschmidio, 4. Kil. 1730.
- Schulze* (Jo. Henr.) dissert. an umbilici deligatio in nuper natis absolute necessaria sit? 4. Halae 1733.
- diff. de anatomes ad praxin chirurgicam summa necessitate, 4. ibid. 1737.
- Schützens* (Tob.) hodegus chirurgicus, germanice, titulo: *Chirurgischer Hand-leiter*, 8. Lips. 1687. it. 8. Berolin. 1714.
- Schwartzens* (Jo. Casp.) *gezerrete Narren Kappe der Bader und Barbierer*, hoc est: controversiae inter Chirugos & balneatores germanos, 12. Freiburg. 1702.
- *Vier Dutzend Anmerckungen von Wunden*, sive, observationes 48 de vulneribus, 8. Hamburgi 1713.
- *Anmerckungen fünftes Dutzend*, sive, aliae adhuc observationes XII. 8. ibid. 1718.
- de clysmatibus, potu aquae & theae atque tabaco, germanice, 8. ibid. 1723.
- Schylandri* (Corn.) practica chirurgiae, 8. Antverp. 1577.
- Sculteti* (Jo.) Armamentarium Chirurgicum, fol. Ulm 1655. c. fig. max.
- Idem 4. Francof. 1666. & 8. Amstel. 1669.
- Idem cum notis Lamzwerdii, Amst. 1672. postea iterum cum notis Lamzwerdii & Tilingii 8. Lugd. Bat. 1693.
- Idem belgice 2 Voll. 8. Amstel. 1657 & 1670.
- Idem germanice, 4. Frf. 1679.
- l'Arsenal de chirurgie, enrichi de 50 figures &c. 4. Lyon 1675 & 1712.
- trichiasis admiranda, 12. Norimb. 1658.
- Sebizii* (Melch.) examen vulnerum partium similiarum, 4. Argent. 1635.
- examen vulnerum lethalium, cum tract. de Synovia, 4. ibid. 1639.
- de balsamatione cadaverum, 4. ibid. 1649.
- Commentarius in libros *Galen*i de curandi ratione per sanguinis missionem, de hirudinibus, revulsione, cucurbitula, scarificatione, 4. ibid. 1652.
- Sennertus* (Dan.) in praxi medica, quae saepius variis in locis prodiit, multa tractat chirurgica.
- Sermes* (Jo.) lithotomia Douglassiana, belgica lingua, cum fig. & additamentis multis, 8. Ultrajecti 1726.
- Severinus* (Marc. Aur.) de recondita abscessuum natura, 4. Neapoli 1632. it. 4. Francof. 1643. cum fig. it. Lugd. Bat. 1724.
- de efficaci medicina, fol. Francof. 1646.
- trimembris chirurgia, 4. ibid. 1653. it. Lugd. Bat. 1725.
- synopsis chirurgiae, 12. Amstel. 1664.
- Sigmundin* (Justina) *Brandenburgische Hoff-webmutter*, hoc est: liber de arte obstetricandi, cum figuris quamplurimis majoribus, 4. Berolini 1689. & postea 1708. item belgice ex versione Solingenii, 4. Amst. 1691.
- defensio sive apologia contra objectiones Andr. *Petermanni*, Medici Lipsiensis, 4. Coloniae ad Spream 1692.

Silva (Jean Bapt.) *traité de l'usage différentes sortes de saignées, principalement de celle du pied*, 12. Amst. 1729.

Silvaticus (Jo. Bapt.) *de secanda vena in putridis febribus*, 4. Mediolani 1583.

Slevogtii (Jo. Hadr.) *diff. de carie cranii*, 4. Jenae 1695.

—— *diff. de fonticulo futurae coronalis, memoriae remedio*, 4. ibid. 1696.

—— *ligaturarum usu in haemorrhagiis*, 4. ibid. 1697.

—— *paracenthesi thoracis & abdominis, cum progr. de scarificatione hydropicorum*, 4. ibid. 1697.

—— *vaginae uteri lapsu*, 4. ibid. 1700.

—— *secundinarum retentione*, 4. ibid. 1704.

—— *urinae incontinentia*, 4. ibid. 1707.

—— *cauteriis*, 4. ibid. 1708.

—— *instrumentis Hippocratis chirurgicis, hodie ignoratis*, 4. ibid. 1709.

—— *partu caesareo*, 4. ibid. 1711.

—— *embryulcia Hippocrat.*, 4. ibid. 1711.

—— *fungosis artuum tumoribus*, 4. ibid. 1715.

—— *tumoribus tunicatis*, 4. ibid. 1719.

—— *vulnerum exploratione*, 4. ibid. 1721.

Solingen (Corn.) *embryulcia, belgice*, 12. Hagae Com. 1673.

—— *Chirurgia, belgice* 4. Amst. 1684. & postea, 4. ibid. 1698.

—— *Eadem germanice*, 4. Viteberg. 1712.

—— *versio libri Sigismundae, obstetricis Brandenburgicae de arte obstetricandi, ex germanica in belgicam linguam, titulo: Spiegel der Vroedvrouwen, cum fig.* 4. Amsterd. 1691.

Sommers (Jo. Georg.) *Hebammen-Schul*, i. e. Schola obstetricum, c. fig. 12. Coburg. 1664. 1691 & 1715.

Sorbait (Pauli de) *praxis medica, cujus tractatus VI. de chirurgia & examine chirurgorum agit, quo in opere etiam ejus Consilium de Peste laudatissimum continetur*, fol. Viennae 1701.

—— *examen obstetricum, germanice*, ibid. 8. sine anno impressionis.

Sperlingii (Paul. Godofr.) *dissert. de suffusione*, 4. Viteberg. 1684.

—— *diff. de strumis & scrophulis*, 4. ibid. 1707.

Sporischii (Jo.) *Idea boni Medici, cum tractatu de symptomatibus crudelissimis, quae scarificationi & cucurbitularum usui Brunae incolis in Moravia supervenerunt*, 8. Francof. 1582.

Sproegellii (Dieter.) *observationes chirurgicae selectiores*, 4. Helmst. 1720.

Stahlîi (Ge. Ern.) *diff. de hirudinibus sive sanguisugis*, 4. Halae 1699.

—— *diff. de abscessu & furunculo*, 4. ibid. 1701.

—— *narium scarificatione aegyptiaca*, 4. ibid. 1701.

—— *fistula lacrymali*, 4. ibid. 1702.

—— *vulnerum lethalitate*, 4. ibid. 1703.

—— *medicinae & chirurgiae perpetuo nexu*, 4. ibid. 1705.

—— *officio Medici in casibus chirurgicis*, 4. ibid. 1710.

Stahlîi

- Stablii* (Ge. Ern.) *diff. de Chirurgia medica*, 4. Halae 1713.
 — *gründliche Abhandlung des Aderlassens, dessen Gebrauch und Misbrauch*, h. e. tract. de venaesectione, ejus usu & abusu, 8. Lips. 1719.
 — *introductio in Chirurgiam*, germanice, 8. ibid. 1730.
Steinii (Godofr.) *Lithographia curiosa*, 8. Baruthi 1707.
Stentzelii (Chr. Godofr.) tract. de asyilis ignorantiae in medicina & chirurgia, cum tract. de naturae Stahlianæ in chirurgia impotentia, 4. Viteb. 1729.
 — de steatomatibus & tumoribus cysticis, 4. ibid. 1733.
Sterre (D. L.) *nova praxis medico-chirurgica*, germanice, 8. Dresdae 1701.
Stigleri (Sam.) *diff. de oscheocele sive hernia scroti*, 4. Argentor. 1681.
Stiffer (Jo. Andr.) de machinis fumiductoriis curiosis, h. e. de Clysteribus tubacalibus, 4. Hamburgi 1686. c. fig.
 — (Jo. Chr.) *de arte obstetricia*, germanice, 8. Lips. 1712.
Stoer (Gerh.) *Untersuchung der Frage, ob es nöthig, nützlich, billig und möglich, die medicin, chirurgie und Apothecker-kunst in einer Person zu vereinigen*, h. e. Disquisitio quaestionis, an necessarium, utile, aequum & possibile sit, Medicinam, Chirurgicam & Pharmaceuticam in una persona combinare, 4. Helmst. 1727.
Storchii (Jo.) de Militum morbis, germanice, quo libro multa quoque chirurgica proponit, 8. Eisenaci & Naumburgi 1735.
Stoschii (Henr. Sigism.) *diff. de contrassura seu resonitu*, experientia comprobato, 4. Argent. 1722.
Stuarti (Petri) *diff. de secundinis salutiferis & nocivis*, 4. ibid. 1736.
Stylle (Peter von der) *Manuale sive enchiridium chirurgicum*, germanice Handbuch der Chirurgie, 8. Hafniae 1651. item Francof. 1682.
Suevus (Bernh.) de inspectione vulnerum lethalium, 8. Marpurgi 1629.
 — Idem germanice, titulo: *Chirurgischer Wunden bericht*, 12. Hamburgi 1644.

T.

- T***Aboris* (Gerh.) *diff. de nova cancerum extirpandi methodo*, 4. Lugd. Bat. 1721. c. fig.
Tagaultius (Jo.) de chirurgica institutione, cum Jac. *Hollerii* libro de materia chirurgica 8. Lugduni 1547. Idem Venetiis 1544. cum indice locupletissimo, 8. ibid. 1549. Italice Venet. 1550. & *Hollerii* *Chirurgia*, germanice, fol. Francof. 1574.
 — institutionis chirurgicae Libri V. de tumoribus, vulneribus, ulceribus, fracturis & luxationibus, fol. Francof. 1610. extat in *Gesneri* scriptoribus optimis Tiguri 1555. fol. itemque in thesauro chirurgico *Uffenbachii*, fol. Francof. ad Moen. 1610.
Taliacotii (Casp.) de curtorum chirurgia, fol. Venet. 1597. cum fig.
 — *Chirurgia nova curtorum, sive de narium, aurium labiorumque defectu &c.* 8. Francof. 1598. c. fig.
Taranta (Valesci de) *Gazophylacium pharmaciae & chirurgiae sive Philorium pharmaceutico-chirurgicum*, 4. Francof. 1680. & 4. Lips. 1714.

Tassins

Taffins (Leonh.) *Chirurgie militaire ou l'art de guerir les playes d'arquebusades*, 12. Nymwegiae 1673. & 8. Paris 1688. Idem germanice, titulo: *Kurtze Kriegs-wund-artzney*, 8. Norimb. 1676.

Taylor (Jo.) de visus morbis, germanice, 8. Berolini 1735.

— of the cataract and glaucoma, h. e. tract. de cataracta & glaucomate, 8. Lond. 1736.

— *le mecanisme du globe de l'oeil, avec l'usage de ses differentes parties &c.* 8. a Paris 1738. cum fig. In hoc libro non solum anatomicas & physiologicas res de oculo pertractat, sed etiam varias operationes chirurgicas describit.

Teichmeyer (Herm. Frid.) diff. de scrophulis, 4. Jenae 1708.

— diff. de ventriculi instrumento repurgatorio, 4. ibid. 1712.

— — cancro mammarum, 4. ibid. 1732.

— — aneurysmate stupendo in brachio, 4. ibid. 1734.

— — morfu canis non rabidi pernicioso, 4. ibid. 1736.

Tencke (H.) instrumenta curationis morborum, ex pharmacia, chirurgia & diaeta, 12. Lugduni 1681.

Theatrum sympatheticum, sive de pulvere sympathetico & unguento armario, 4. Norimb. 1662.

Theodorici chirurgia in fol. continetur in libro, qui inscribitur: *Ars Chirurgica*, in quo Guido *Cauliacus* aliique varii vetustiores scriptores chirurgici extant, fol. Venet. 1546.

Thevenin (Francois) *oeuvres de la chirurgie*, 4. Paris 1669.

Thurinus (Andr.) de curatione pleuritidis per venae sectionem, 4. Lugd. 1538.

Timme (Jo.) versio germanica libri Jo. Douglassii de alto apparatu, 8. Bremae 1729.

Tolet (Franc.) *traité de la lithotomie*, 12. a la Haye 1686. & 8. Paris 1689. idem germanice 8. Hanover. 1694.

Tralles (Balth. Ludov.) de vena jugulari frequentius secanda, 8. Vratislav. 1735.

Trew (Chr. Jac.) de raro quodam capitis vulnere, germanice titulo: *Von einer raren Hauptwunde*, 4. Norimbergae 1724.

Troni (Petr. Martyr.) de ulceribus & vulneribus capitis, 4. Ticini 1584.

Tulp (Nic.) observationes 8. Amst. 1672. item Lugd. Bat. 1716. prodiit ante has editiones jam ter.

Turner (Dan.) Casus chirurgicus rarior de singulari quadam fractura & depreffione cranii, largaque cerebri suppuratione, cum figura, anglice 8. Lond. 1709.

— Chirurgia, II. Vol. 8. ibid. 1725.

— de lue venerea, anglice, 8. ibid. 1727.

— de morbis cutaneis, anglice, 8. ibid. 1731.

V.

V Ade mecum anatomico-chirurgicum, anonymi, 8. Hanoverae 1718.

Valentini (Mich. Bernh.) *Praxeos Medicinae infallibilis pars altera chirurgica*, cum figuris 4. Francof. 1715.

Valesci de Taranta Gazophylacium pharmaciae & chirurgiae. vid. Taranta.

Vallae (Ge.) de universi corporis purgatione per frictionem, venaesectionem, cucurbitulas &c. 8. Argent. 1529.

Valleriolae (Franc.) observat. medicinal. lib. VII. 8. Lugd. 1588.

Vateri (Abr.) diss. de variolarum per insitionem transplantatione, 4. Vitebergae 1720. & germanice 4. ibid. 1721.

— de inoculationis variolarum in nova Anglia successu, 4. ibid. 1723.

— diss. de vulnere in intestinis lethalitate, 4. ibid. 1720.

— — vulnere cerebri sclopetario, septima hebdomade absolute lethali, 4. ibid. 1722.

— — farcomatis uteri, salva vita, e pudendo muliebri sectione sublata historia, cum figura, 4. ibid. 1728.

— — mola, 4. ibid. 1729.

— — gangraena per chinam chinae sistenda, 4. ibid. 1734.

— — antidoto novo adversus viperarum morsus, 4. ibid. 1636.

— (Chr.) diss. de partu caesareo, 4. Viteb. 1695.

— diss. de ulceribus fistulosis, 4. ibid. 1700.

— — trachomate, 4. ibid. 1704.

— — ulceribus vesicae, 4. ibid. 1709.

— — vulneribus, 4. ibid. 1712.

— — suffusione oculorum, 4. ibid. 1715.

— — gangraena, 4. ibid. 1717.

Vauguion traité complet des opérations de chirurgie, c. fig. 8. a Paris 1698.

Verbrugs (Jo.) examen chirurgicum, sive praxis chirurgico-medica perfecta, germanice, 8. Dresdae 1715.

— Land- en Zee-Chirurgie, hoc est chirurgia terrestris & navalis, belgice 8. Amsterd. 1704.

Vercelloni (Jac.) de pudendorum morbis, 4. Astae 1716.

Verduc (Jo. Bapt.) maniere de guerir les fractures & les luxations par le bandages, 8. a Paris 1689. item 1712. edit. III.

— idem liber, belgico sermone, sub titulo: Parysche Verbandhuys, 8. Amst. 1691. cui additus est Hippocrates de fracturis & luxationibus, belgice.

— traité des opérations de chirurgie avec un sommaire des bandages & un discours sur la verole, a Paris 1703.

— abrégé de la chirurgie de Guy de Cauliac, 8. ibid. 1704 & 1716.

— scripta omnia chirurgica, germanice, titulo: Verduc's Chirurgische Schriften, 4. Lipsiae 1712.

— Pathologie de chirurgie, Tomes II. edit. quinta, 8. Amst. 1717.

Verduin (Petr. Adrian.) de nova artuum decurtandorum ratione, 8. Amst. 1696.

Idem, ibid. belgice, germanice & gallice, cum figuris 8. 1697.

Verhandeling van de Voortteeling en het Kinderbaren, belgice, h. e. liber de generatione & partu, anonymi cum fig. 8. Amst. 1685.

Verna (Jo. Bapt.) princeps medicaminum omnium, phlebotomia, 4. Patav. 1716.

Verpoor-

- Verpoorteenii* (Jo. Guil.) diff. de ramice five hernia varicosa, 4. Lugd. Bat. 1706.
- Vesalii* (Andr.) diff. de vena axillari in pleuritide secanda, 4. Basil. 1539.
- Chirurgia magna, 8. Venet. 1569.
- Veslingii* (Jo.) observationes & epistolae varias res chirurgicas continent, 8. Hafniae 1664.
- Vesti* (Justi) diff. de struma, 4. Erf. 1685.
- diff. de pulvere sympathetico, 4. ibid. 1687.
- Uffenbachii* (Petri) thesaurus chirurgiae, continens A. Paraei, Jo. Tagaulti, Jac. Hollerii, Mariani Sancti, Angeli Bolognini, Mich. Ang. Blondi, Alph. Ferrii, Jac. Dondi, Guil. Fabricii Hildani opera chirurgica, cum fig. fol. Francof. 1610.
- Viardel* (Cosmus) *Anmerckungen von der weiblichen so wohl natürlichen als unnatürlichen Geburt*, germanice; h. e. observationes de mulierum partu tam naturali quam minus naturali, 8. Francof. 1676. cum fig.
- Vidii* (Vidi) opera omnia medica, chirurgica & anatomica, c. fig. III. Vol. fol. Francof. 1668.
- Vigierii* (Jo.) opera medico-chirurgica, 4. Hag. Com. 1659.
- Vigo* (Jo. de) chirurgia, cum chirurgia Mariani Sancti, Berolitani, 8. Lugd. 1530. 1534. 1540 & 1582.
- Practica in chirurgia, 4. Lugd. 1516 & 1582.
- Gallice pratique & chirurgie, 8. ibid. 1537.
- Italice, Pratica universale in chirurgia, 4. Venet. 1560 & 1568. cum Gio. Andr. dalla Croce 1) della cura delle ferite, 2) del modo di cavar fuori della carne l'arme, le faette & le palle de gli Archibusi.
- Chirurgica, germanice titulo: *Jo. de Vigo grosse und kleine wundartzney*, 4. Norimb. 1677.
- Voelters* (Christoph.) *Hebammen-Schul*, h. e. Schola obstetricum, germanice, 8. Stuttgartiae 1687. cum multis figuris.
- Voëtii* (Jo. Euseb.) diff. de ozoena, 4. Lugd. Bat. 1725.
- Vogel* (Zachar.) *Abhandlung aller arten der Bruch*, germanice cum fig. h. e. *Tractatus de Herniis*, ubi autor etiam describit, quomodo Herniotomia sine castratione fieri queat, 8. Lipf. 1738.
- Voorde* (Corn. von der) *Lichtende Fakkell der Chirurgie*, belgice, h. e. Fax lucida chirurgiae, 4. Middelburgi 1664 & 1680.
- Vroling* (Abr. Len.) de sanitate navigantium, belgico fermone, Matrosen Gefondheyt, 4. Antwerp. 1663.

W.

- W** *Agneri* (Rud. Chr.) dissert. de contrassura, Jenae 1708.
- (Jo. Gerh.) notae in Phil. Rothii chirurgiam german. 8. Lubecae 1734.
- (Georg.) de Anatomes majori in chirurgia quam Medicina necessitate, sub meo praesidio, 4. Helmstadii 1737.
- Wagret* *observations de medicine & chirurgie*, 8. a Paris 1718.

***** 3

Wahren.

Wahrendörffers (Jo. Petri) *Unterricht vom Aderlassen*, h. e. instructio pro vena secanda germanice, 8. Budissinae 1719.

Wahrmund de scarificatione, germ. 8. 1690.

Waldschmidii (Jo. Jac.) *Opera medica*, quibus continentur notae ad chirurgiam Barbeti, 4. Francof. 1695 itemque.

———— diff. de chirurgo Cartesiano, & alia de pernionibus.

———— (Wilh. Hulderic.) diff. de spina ventosa, Kiliae 1718.

———— diff. de fracturis ossium sine violenta caussa, 4. ibid. 1721.

———— variolarum insitione, 4. ibid. 1725.

———— arteriarum vulneribus in artubus saepe funestis, raro lethalibus, 4. ibid. 1728.

Waltheri (Conr. Lud.) *observationes medico chirurgicae*, 8. Lips. 1715.

———— de spina ventosa, casu admodum raro explicatio, germanice cum fig. 8. ibid. 1715.

———— (Henr.) de vulneribus capitis, germ. *Unterricht von Kopf-wunden*, 8. ibid. 1718.

———— (Aug. Frid.) diff. de obstetricum erroribus, 4. ibid. 1729.

Wedelii (Ge. Wolffg.) diff. de setaceis, 4. Jenae 1673.

———— diff. de paronychia, 4. ibid. 1674.

———— pernionibus, 4. ibid. 1680.

———— bubone pestilenti, 4. ibid. 1681.

———— gibbere, 4. ibid. 1681.

———— hernia, 4. ibid. 1683.

———— casu ab alto, 4. ibid. 1683 & 1684.

———— vulnere capitis, 4. ibid. 1684.

———— clavo pedis, 4. ibid. 1686.

———— nervorum punctura, 4. ibid. 1689.

———— cucurbitula sicca, 4. ibid. 1691.

———— fundamentis vulnerum lethalium, 4. ibid. 1695.

———— verrucis, 4. ibid. 1696.

———— procidentia ani, 4. ibid. 1696.

———— aneurysmate, 4. ibid. 1699.

———— ischuria, 4. ibid. 1699.

———— ligaturarum usu in hydrope, 4. 1703.

———— lithotomia, 4. ibid. 1704.

———— cancro mammarum, 4. ibid. 1704.

———— phimosi & paraphimosi, 4. ibid. 1705.

———— testium tumore, 4. ibid. 1706.

———— atretis, 4. ibid. 1709.

———— carie ossium, 4. ibid. 1713.

———— mola, 4. ibid. 1714.

———— spina ventosa, 4. ibid. 1715.

———— narium polypo, 4. Jenae 1715.

Wedelii

- Wedelii* (Ge. Wolffg.) diff. de peripneumonia, empyemate & abscessibus internis, 4. ibid. 1717.
- gangraena, 4. ibid. 1719.
- (Jo. Adolphi) diff. de partu difficili, 4. ibid. 1730.
- diff. de partu difficili ex infante brachio prodeunte, respondente primo *Parisio*, & postea *Weismanno*, 4. ibid. 1732.
- testium tumore venereo, 4. ibid. 1735.
- Welschii* (Godofr.) liber de arte obstetricandi & morbis puerperarum, ex italico Scipionis Mercurii germanice versus & notis auctus, 4. Lips. 1652. edit. I. & Vitebergae 1671. edit. II. c. fig.
- vulnere lethali judicium, 8. Lips. 1660. idem germanice, 8. Norimb. 1719.
- (Ge. Hier.) consilia, curationes & observationes, 4. August. Vindel. 1698.
- observationes physico-medicae, 4. ibid. 1675. c. fig.
- Wepferus* (Jo. Jac.) de affectibus capitis in- & externis, 4. Scaphus. 1727.
- Werenfeldii* (Conr.) diff. de inversione uteri, Praef. Bergenio, 4. Francof. ad Viadr. 1732.
- Westphals* (El.) Schiff-barbier, h. e. Chirurgus navalis, 8. sine loco 1683.
- Weypert* (Jo. Franc.) trifolium Chirurgicum, germanice, 8. Hamb. 1697.
- White* de recta sanguinis missione & febribus, anglice 8. Lond. 1712.
- Widemannia* (Barbara) *Anweisung Christlicher Hebammen*, h. e. instructio pro obstetricibus, c. fig. 8. August. Vindel. 1735.
- Widemann* (Franc.) *vom Stein und Bruchschneiden, wie auch vom Staarstechen*, c. fig. 8. ibid. 1719.
- Collegium chirurgicum über die Bandagen, 8. ibid. 1735.
- Wiel* (Stalpart van der) observationes rariores, 2 Vol. 8. Lugd. Bat. 1687.
- Wierii* (Jo.) observationes medicinales & chirurgicae, 4. Basil. 1567. & 12. Amstel. 1657.
- Wisemann* (Richard) *Chirurgical treatises* fol. Lond. 1676 & 1719. 8. ibid. in 2 vol.
- Witte* (Jac.) diff. de ischuria, 4. Lugd. Bat. 1717.
- Wittichii* (Jo.) consilia, observationes & epistolae medicae, 4. Lips. 1604.
- de chirurgicis administrationibus, in tract. de medicamentorum simplicium & compositorum methodo, 8. ibid. 1596.
- Wolfii* (Ido) observationes chirurgico-medicae, 4. Quedlinb. 1704.
- Woolhause* *Experiences des differentes operations manuelles & des guerisons specifiques*, que le Seigneur de *Woolhouse* a toujours pratiquées aux yeux 8. a Paris 1712. idem libellus germanice, 12. Jenae 1715.
- Woolhouse* (Th.) *dissertations savantes* (sicut ab ipso appellantur) & critiques sur la cataracte & glaucome, 8. Offenbaci sine anno, ubi atrocibus injuriis in me invehitur.
- dissertationes de cataracta & glaucomate, 8. Francof. 1719.
- Woyts* (Jo. Jac.) *Chirurgia curiosa*, germ. 8. Dresdae 1715.
- de vulneribus lethalibus, germanice *von tödlichen wunden*, 8. ibid. 1716.
- thesaurus pharmaceutico chirurgicus, 8. Lips. 1696.
- Wreden* (J. E.) de variolarum inoculatione germanice, titulo: *von inoculirung der Pocken*, 8. Hanover. 1726.

Wreden

Wreden (Otto Just.) *Introductio in chirurgiam*, germanice: *Anweisung zur chirurgischen praxi*, in qua de vulneribus agitur, 8. Hanover. 1732.

Wirtzen (Felix) *Chirurgia*, germanice: *Wundartzney*, 8. Basil. 1576. 1596. 1638 & 1687. item Neustadii 1597.

Y.

Y *Ves* (Charle de Saint) *traité des maladies des yeux*, 8. a Paris 1722. Idem germanice 8. Berolini 1730.

Z.

Z *Acchiaë* (Pauli) *quaestiones medico-legales*, fol. Francofurti 1666. Quamplurimae adhuc aliae prostant hujus libri editiones, quas qui nosse desiderat, evolvat Lindenium ex edit. Mercklini de scriptis medicis.

Zapatae (Jo. Bapt.) *mirabilia sive secreta medico-chirurgica*, italice: *Secreti di Medicina & chirurgia*, 8. Venetiis 1618. latine 8. Ulmae 1696. & germanice, 8. Lipsi. 1685.

Zecchii (Jo.) *consultationes medicinales*, 4. Venet. 1627.

Zelleri (Jo.) *dissert. de funiculi umbilicalis ligandi necessitate*, 4. Tubingae 1692.

Zittmanni (Jo. Frid.) *medicina forensis*, 4. Lipsi. 1706.

Zobelii *Chimische, medicinische und chirurgische Perle*, h. e. *Margarita chemica, medica & chirurgica*, 8. Dresdae 1701.

Zwingeri (Theodor.) *dissert. de calvariae perforatione*, Basil. 1715.

— *Theatrum Praxeos Medicae*, 4. ibid. 1710.

— *Dissertatio de morbis praeliantium*, 4. ibid. 1715.

F I N I S.



C O N.

C O N T E N T A

P A R T I S P R I M A E H U J U S

C H I R U R G I A E.

I Ntductio in Chirurgiam de Chirurgiae natura, constitutione, origine, progressu, incremento, divisione, instrumentis; aliisque rebus generalioribus in universum, quae Chirurgiae tironibus cognitu maxime sunt necessariae. pag. 3

Lib. I. De vulneribus. 40

- I. Cap. De vulneribus universim spectatis. 43
- II. — De accedentibus vulnerum malis, sive symptomatibus, ut vulgo dicunt, vulnere, & quidem (1) de sanguinis profusione. 76. (2) de vulnerum doloribus. 83. (3) de vulnerum spasmis & convulsionibus. 85. (4) de Febribus vulnere supervenientibus. 85
- III. — De vulneribus, quae per sclopetum inferuntur. 86
- IV. — De vulneribus abdominis. 93
- V. — De Gastroraphia sive vulnerum abdominis futura. 95
- VI. — De intestinis vulneratis eorumque futura. 105
- VII. — De intestinis penitus praecisis. 109
- VIII. — De prolapso omento. 111
- IX. — De reliquarum abdominis partium laesionibus. 114
- X. — De pectoris vulneribus. 116
- XI. — De vulneribus colli. 123
- XII. — De vulneribus capitis universim consideratis. 129
- XIII. — De faciei vulneribus. 130

XIV. Cap. De reliquis, iisdemque praecipuis capitis vulneribus. 135

XV. — De contusionibus sive collisis vulneribus. 150

XVI. — De vulneribus veneno vexatis, & quae per morsus inferuntur. 159

Lib. II. De ossium fracturis.

- I. Cap. De ossium fracturis universim spectatis. 167
- II. — De fracturarum accidentibus, sive symptomatibus. 182
- III. — De ossium fracturis speciatim. 188
- IV. — De maxilla fracta. 190
- V. — De claviculis, humeri pectorisque ossibus fractis. 192
- VI. — De costis, vertebrae ossisque sacro & innominato diffractis. 196
- VII. — De fractis brachii, hoc est, humeri, cubiti, manusque ossibus. 201
- VIII. — De femore fracto. 204
- IX. — De patella sive rotula fracta. 211
- X. — De cruris ac pedis ossibus fractis. 213
- XI. — De ossibus fractis per tela acuta, quae ossium vulnera dici possunt. 216

Lib. III. De Luxationibus sive ossibus luxatis.

- I. Cap. De ossibus luxatis generatim. 222
- II. — De luxatorum ossium curatione. 230
- III. Cap.

III. Cap.	<i>De luxatis ossibus speciatim, & de iis quidam, quae in calvaria atque naso reperiuntur.</i>	233
IV. —	<i>De inferiori maxilla luxata.</i>	234
V. —	<i>De capite ac spina luxatis.</i>	236
VI. —	<i>De coccygis, costarum & claviculorum ossibus luxatis.</i>	241
VII. —	<i>De humero luxato.</i>	245
VIII. —	<i>De cubito luxato.</i>	251
IX. —	<i>De manu, carpo, metacarpo, itemque digitis luxatis.</i>	253
X. —	<i>De femore luxato.</i>	255
XI. —	<i>De patella ipsoque genu, id est, tibia luxatis.</i>	260
XII. —	<i>De pede sive talo luxato.</i>	262

Lib. IV. De Tumoribus.

I. Cap.	<i>De tumoribus generatim.</i>	267
II. —	<i>De Phlegmone.</i>	269
III. —	<i>De suppurationibus vel abscessibus.</i>	276
IV. —	<i>De mammarum tumoribus atque inflammationibus.</i>	283
V. —	<i>De testiculorum inflammatione.</i>	288
VI. —	<i>De Erysipelate.</i>	290
VII. —	<i>De furunculo.</i>	293
VIII. —	<i>De bubonibus ac parotidibus.</i>	296
IX. —	<i>De bubonibus pestilentibus, itemque de carbunculis sive anthracibus.</i>	298
X. —	<i>De praesidiis ad avertendam & se adversus pestilentiam munien-</i>	

dum, Medico praesertim & Chirurgus necessarii.

XI. Cap.	<i>De Carbunculo vel anthrace.</i>	307
XII. —	<i>De bubonibus venereis.</i>	310
XIII. —	<i>De Pernionibus.</i>	314
XIV. —	<i>De Gangraena & sphacelo.</i>	318
XV. —	<i>De Ustione, Adustione, Ambustione vel Combustione.</i>	329
XVI. —	<i>De Scirrbo.</i>	335
XVII. —	<i>De Carcinomate sive Cancro.</i>	342
XVIII. —	<i>De Oedemate.</i>	347
XIX. —	<i>De Fungis & Hydrope articularum.</i>	351

Lib. V. De Ulceribus.

I. Cap.	<i>De Ulceribus.</i>	356
II. —	<i>De fistularum curatione.</i>	363
III. —	<i>De ulcerum malignorum curatione.</i>	365
IV. —	<i>De ulcerum venereorum curatione.</i>	371
V. —	<i>De ulceribus callosis.</i>	373
VI. —	<i>De ulcerum magicorum sive fascino inductorum curatione.</i>	375
VII. —	<i>De ulcerum antiquorum, praesertim in cruribus curatione.</i>	376
VIII. —	<i>De ossium carie.</i>	379
IX. —	<i>De spina ventosa, Paedarthroace, & Exostosi, quae ossium tumores dici possunt.</i>	387
X. —	<i>De ulceribus capitis, Tinea, Favo, Achoribus, Crusta lactea.</i>	398

PARTIS SECUNDAE SECTIO PRIMA

D E

OPERATIONIBUS CHIRURGICIS.

Quae in plerisque vel diversis saltem corporis partibus fiunt.

- | | | | |
|---|-----|---|-----|
| I. Cap. De sanguinis detractioe per venas. | | XVII. Cap. De sanguisugis sive Hirudinibus. | 460 |
| II. — De sanguinis detractioe per venas brachii. | 405 | XVIII. — De Chinesium ac Japonensium acupuncturis. | 462 |
| III. — De sanguinis detractioe per venas manus. | 415 | XIX. — De fonticulis. | 463 |
| IV. — De sanguinis detractioe per venas pedis. | 416 | XX. — De medicina vesicatoria, vel cantharidum applicatione & usu. | 466 |
| V. — De sanguinis detractioe per venas frontis ac temporum, itemque occipitis. | 418 | XXI. — De injectionibus. | 468 |
| VI. — De sanguinis detractioe per venas conthi majoris. | 419 | XXII. — De cauteriis sive ferramentis candentibus. | 470 |
| VII. — De sanguinis detractioe per venas colli, jugulares dictas. | 419 | XXIII. — De adustione corporis per moxam. | 472 |
| VIII. — De sanguinis detractioe per venas raninas. | 421 | XXIV. — De medicamentorum rodentium sive causticorum usu. | 473 |
| IX. — De sanguinis detractioe per venas penis. | 421 | XXV. — De abscessibus aperiendis. | 474 |
| X. — De venaesectionis symptomatibus, & quidem 1) de Ecchymosi. | 422 | XXVI. — De Verrucis. | 474 |
| XI. — 2) De nervi aut tendinis alicujus in venesectionibus laesione. | 423 | XXVII. — De excrescentias, naevos maternos & sarcomata extirpandi ratione. | 477 |
| XII. — 3) De arteriarum laesione in venaesectionibus. | 425 | XXVIII. — De tumoribus tunica comprehensis, & cum primis scirrhis, atheromate, steatomate, meliceride, talpa, testudine, aliis. | 478 |
| XIII. — De Aneurysmate. | 429 | XXIX. — Quibus artificii extrahi res alienae ac praeter naturam e vulneribus debeant. | 484 |
| XIV. — De Chirurgia infusoria & transfusoria. | 447 | XXX. — De futuris vulnerum chirurgicis. | 486 |
| XV. — De variolarum inoculatione vel infectione. | 452 | XXXI. — De digitorum cobraerentium deductione. | 487 |
| XVI. — De scarificatione itemque de cucurbitulis & sanguinis per cucurbitulas detractioe. | 454 | XXXII. — De digitorum praeternaturalium corruptorum vel supervacuum amputatione. | 488 |
| | | XXXIII. — De digitorum corruptorum atque emortuorum amputatione. | 489 |
| | | XXXIV. | |

- XXXIV. Cap. De manuum , brachiorum
atque humerorum amputa-
tione. 493
- XXXV. — De pedum ac tiliarum sive
crurum amputatione. 503
- XXXVI. — De femoris amputatione. 507
- XXXVII. — De brachii in ipsa humeri
junctura amputatione. 510
- Part. II. Sectio II. De operationibus chirurgi-
cis , quae in capite instituun-
tur.
- XXXVIII. Cap. De fonticulis suturae coro-
nalis. 515
- XXXIX. — De arteriotomia in tempori-
bus instituta. 518
- XL. — De Hydrocephalo. 520
- XLI. — De trepanatione. seu calvariae
per terebram facta perfora-
tione. 523
- XLII. — De his , quae illapsa forte in
oculum fuerunt, eximendis. 534
- XLIII. — De variis palpebrarum tuber-
culis & excrescentis. 535
- XLIV. — De verrucis palpebrarum. 537
- XLV. — De palpebris relaxatis ac tu-
mentibus, id est PHALANGOSI
atque PTOSI. 538
- XLVI. — De pilis palpebrarum oculum
irritantibus. 540
- XLVII. — De Ancyloblepharo, sive pal-
pebris concretis. 543
- XLVIII. — De Ectropio & lagophthalmo.
546
- XLIX. — De Encantide. 548
- L. — De tuberculis sive carnibus
excrescentibus, sarcomate &
hyperfarcosi, quae oculum in-
ter & palpebras nascuntur. 550
- LI. — De sanguinis ex oculo mis-
sione. 553
- LII. — De scarificatione oculorum. 555
- LIII. — De Epiphora sive oculo lacry-
mante. 562
- LIV. — De fistula lacrymali vitiisque
aliis eidem affinis. 566
- LV. Cap. De oculorum suffusione sive
cataracta. 591
- LVI. — De pupilla, nimis constricta vel
clausa, aperienda ac dilatanda.
616
- LVII. — De ungula, ungue, panno sive
pterygio oculorum. 619
- LVIII. — De albugine, leucomate, nebula,
nubecula & maculis in cornea.
622
- LIX. — De Staphylomate. 625
- LX. — De hypopyo. 628
- LXI. — Quomodo cruor in oculum effu-
sus, per incisam corneam emitti
possit. 631
- LXII. — De oculo nimis magno, itemque
de oculi prolapsu, fungo atque
cancro. 632
- LXIII. — De oculis artificialibus. 635
- LXIV. — De Strabismo. 637
- LXV. — Quomodo praeclusus auris mea-
tus aperiri debeat. 640
- LXVI. — Quomodo extrahi ea debeant,
quae in aure praeter naturam
continentur, aut in eam forte
inciderunt. 641
- LXVII. — De tuberculis in meatu audito-
rio 642
- LXVIII. — Quomodo aduri adversus den-
tium dolorem auris debeat. 643
- LXIX. — De instrumentis acusticis, sive
ad juvandam audiendi faculta-
tem accommodatis. 644
- LXX. — Quomodo foraminula fieri in
aurium lobis debeant. 645
- LXXI. — De Polypo narium. 646
- LXXII. — De Ozaena. 659
- LXXIII. — Quomodo sarcire curta in nari-
bus deceat. 663
- LXXIV. — Quomodo narium foramina
praeter naturam concreta de
operire conveniat. 664
- LXXV. — De labris leporinis. 667
- LXXVI. — De labrorum aut oris carcino-
mate. 677
- LXXVII.

- LXXVII. Cap. *Qua ratione dentes sive maxillae clausae ac rigidae aperiri debeant.* 679
- LXXVIII. — *De dentibus impuris vel nigris expurgandis.* 681
- LXXIX. — *De dentibus exesis.* 684
- LXXX. — *Quomodo manus beneficio lenire dentium dolores oporteat.* 685
- LXXXI. — *Quomodo dentes, linguam vel genas pungentes atque inaequales corrigi debeant.* 685
- LXXXII. — *De dentium evulsione.* 686
- LXXXIII. — *De dentium artificialium institutione.* 688
- LXXXIV. — *Quomodo aperire gingivam in difficiliore dentitione conveniat.* 690
- LXXXV. — *De epulidibus seu gingivae tuberculis.* 692
- LXXXVI. — *De Parulibus seu gingivae abscessibus.* 693
- LXXXVII. — *Quomodo deprimi lingua & liquor in fauces injici debeat.* 695
- LXXXVIII. — *Quomodo succidere frenulum linguae conveniat, quod nostrates solutionem linguae appellant.* 695
- LXXXIX. — *De ranula sive tumore, itemque calculo sub lingua.* 697
- XC. — *De Scirrbo, ulcere atque cancro linguae.* 699
- XCI. — *De Palati ulceribus.* 701
- XCII. — *Quomodo foramina ex palato in nares hiantia curari debeant.* 702
- XCIII. — *De uva sive uvula nimium producta.* 703
- XCIV. — *De tonsillarum ab inflammatione atque angina vexatarum scarificatione.* 705
- XCV. — *Quomodo aperiri tonsillae exulceratae debeant.* 706
- XCVI. — *De Tonsillis induratis.* 708
- XCVII. — *De Tuberculis juxta fauces vel tonsillas provenientius.* 709
- XCVIII. — *Quomodo glandulae salivales, paratides nimirum & maxillares induratae eximi debeant.* 710
- Part. II. Sectio III. *De vitiis colli, quae manus atque ferri adjumento sanantur.*
- XCIX. Cap. *Quomodo animalium atque piscium officula, prunorum nuclei, acus item, hujusdemque generis aliae res extrahi e faucibus debeant.* 715
- C. — *De excutia ventriculi.* 716
- CI. — *De cervice curva sive capite obstituto.* 717
- CII. — *De bronchotomia, Laryngotomia seu tracheotomia.* 719
- CIII. — *De struma, scrophula & bronchocele.* 724
- CIV. — *De setaceo.* 728
- Part. II. Sectio IV. *De praecordiorum vitiis, quae manu aut scalpello curantur.*
- CV. Cap. *Quomodo mammarum papillae elici atque extendi vel etiam lac elici ex iisdem debeat.* 730
- CVI. — *De papillis fissis atque exulceratis.* 731
- CVII. — *De carcinomate sive cancro mammarum.* 733
- CVIII. — *De paracentesi vel pectoris perforatione.* 741
- CIX. — *Quomodo sterni terebratio fieri debeat.* 745
- CX. — *De dorso incurvato sive gibbo.* 746
- Part. II. Sectio V. *De vitiis abdominis, quae manu & scalpello curantur.*
- CXI. Cap. *Quomodo vinciri funiculus umbilicalis debeat.* 748
- CXII. — *Quomodo per institutam in abdomine paracentesin aqua emitti hydro-picis nascite debeat.* 749
- CXIII. — *De sectione sive partu Caesareo, sive qua ratione foetus ex ventre matris quandoque excindi debeat.* 755
- CXIV. — *De Herniis in univcrsum & speciatim, quomodo umbilicus indecore prominens, (hernia umbilicalis vulgo dictus:) manuum ope curari debeat.* 783
- CXV. — *De herniis ceteris & speciatim nunc de ventris hernia, sive hernia ventrali.* 797
- CXVI. — *De bubonecele sive inguinis ramice, aut hernia inguinali.* 801
- ***** 3 CXVII.

- CXVII. Cap. De bubonocoele sive hernia inguinali incarcerata. 806
- CXVIII. — De hernia crurali, sive femorali. 818
- CXIX. — De intestino in scrotum devoluto sive hernia scroti: Specialim de Enterocoele. 821
- CXX. — De epiplocele sive omenti prolapsu. 835
- CXXI. — De herniis spuriiis & quidem primo de sarcocoele & castratione. 837
- CXXII. — De Hydrocele. 841
- CXXIII. — De Haematocoele. 852
- CXXIV. — De partium naturalium hydrope. 853
- CXXV. — De hydro-sarcocoele. 854
- CXXVI. — De hydro-enterocoele. 854
- CXXVII. — De pneumatocoele sive hernia ventosa aut flatulenta. 855
- CXXVIII. — De ramice varicoso, sive Circosoele. 856
- CXXIX. — De testiculorum carcinomate & sphacelo. 859
- CXXX. — De phimosi. 860
- CXXXI. — De Paraphimosi. 863
- CXXXII. — De cancro & sphacelo, qui in cole nascitur. 866
- CXXXIII. — Quomodo resolvi frenulum penis debeat. 867
- CXXXIV. — De verrucis atque id genus aliis tuberculis, quae in pene nascuntur. 867
- CXXXV. — Qua ratione aperiri urethra sive glans praecclusa debeat. 868
- CXXXVI. — Quomodo urinae incontinentia in masculis curari debeat. 873
- CXXXVII. — De catheterismo, sive modo, quo catheter seu fistula aenea aut argentea, vel pro calculo explorando, vel pro suppressa urina educenda, demitti in vesicam debeat. 877
- CXXXVIII. — De caruncula quae in urethra nascitur. 885
- CXXXIX. — Qua ratione protrahi calculus ex urethra debeat. 889
- CXL. — De Lithotomia sive calculi vesicae sectione in masculis: specialim de veteri ista, quae minori cum apparatu perficitur: ubi & nonnulla de nephrotomia proponam. 893

- CXLI. Cap. De ea Lithotomiae methodo, sive de ista calculi in masculis sectione, quae magno, ut vocant cum apparatu instituitur. 905
- CXLII. — De Lithotomia, quae fit alto, ut vocant, cum apparatu, sive de Methodo Franconica, aut hypogastrica, hoc est, calculum ex vulnere super osse pubis facto extrahendo. 925
- CXLIII. — De artificiis a Fratre Jacobo (Frere Jacques) in calculi sectione adhibitis: itemque de methodo Raviana & laterali hodie dicta. 955
- CXLIV. — De perinaei sive vesicae punctura. 1005
- CXLV. — De fistula perinaei. 1013
- CXLVI. — Quomodo curari debeant foeminae, quibus naturalium orae inter se sunt glutinatae. 1017
- CXLVII. — Quomodo aperiri ipsa vagina profundius occlusa debeat. 1021
- CXLVIII. — Quid fieri debeat, si iusto longius clitoris excreverit. 1025
- CXLIX. — Quomodo nymphas feminarum iusto ampliores tractare conveniat. 1026
- CL. — Qua ratione vaginam uteri, a tuberculis, jungis, ficibus, carunculis &c. infestatam, curare conveniat. 1027
- CLI. — Quomodo vesicae calculus educi in feminis debeat. 1028
- CLII. — Quomodo facilitari partus difficilior vivo adhuc existente foetu debeat. 1038
- CLIII. — Qua ratione partus emortuus ex utero excutiat. 1061
- CLIV. — De nimio sanguinis apud mulieres gravidas profluvio, quod vulgo uteri haemorrhagiam appellant. 1070
- CLV. — Quomodo secundas sive secundinas extrahere conveniat. 1073
- CLVI. — Qua ratione molas uteri excutere conveniat. 1082
- CLVII. — De uteri prolapsu. 1084
- CLVIII. — De procidentia vulvae seu vaginae uteri. 1092
- CLIX.

CLIX. Cap. De feminis urinae incontinen- tia laborantibus.	1096
CLX. — De rupto peritoneo in mulie- ribus.	1097
CLXI. — Qua ratione adhiberi clysteres seu lotiones debeant.	1097
CLXII. — De suppositoriis, sive glandi- bus alvum citantibus.	1102
CLXIII. — Quomodo aperiri anus clausus debeat.	1103
CLXIV. — De ani procidentia.	1107
CLXV. — De variis ani tuberculis, con- dylomate, crista, ficu, fungo.	1110
CLXVI. — Quid faciendum si justo largio- res sunt haemorrhoides.	1111
CLXVII. — Quomodo haemorrhoides coecas curare conveniat.	1113
CLXVIII. — De ani fistulis.	1118
CLXIX. — De ani abscessu.	1136

Part. II. Sectio VI. De manuum atque pedum
vitiis, eademque curandi artificiiis.

CLXX. — De paronychia seu panaritio.	1142
CLXXI. — De Ganglio.	1152
CLXXII. — De futura tendinum in mani- bus.	1154
CLXXIII. — De pedum vitiis horundemque curationibus.	1162
CLXXIV. — De Varicibus.	1169
CLXXV. — Quomodo excidere unguem pol- licis pedis praeter naturam in- fixum conveniat.	1171
CLXXVI. — Quomodo clavos pedum tractare conveniat.	1173
CLXXVII. — De cura infantum, quibus in- decenter incurvati pedes sunt, & cumprimis de varis & valgis.	1174

PARS TERTIA. CHIRURGIAE

D E

FASCIIS ET VINCTURIS CHIRURGICIS.

Cap. I. De fasciis & vincturis generatim.	1181
Cap. II. De vincturis, quae in capite fiunt & quidem	
I. De fascia triangulari capitis.	1186
II. De Capitis magno.	1187
III. De fundis sive frondalibus.	1187
IV. Fascia sex capitibus.	1188
V. Fascia uniens.	1189
VI. Ad frontis venae sectionem.	ibid.
VII. Fascia nodosa pro temporibus.	1190
VIII. Vinctura post glandulam parotidem exsectam.	1191
IX. Capitalis reflexa pro hydrocephalo.	ibid.
X. Oculus simplex.	1192
XI. Oculus duplex.	ibid.
XII. Funda pro naso.	1193
XIII. Capistrum simplex.	1194
XIV. Capistrum duplex.	1195
XV. Funda ad maxillas.	ibid.
XVI. Fascia pro labris.	1196
XVII. Larva ad faciem.	ibid.

Cap. III. De vincturis, quae in collo fiunt.	
I. Fascia dividens pro collo.	1197
II. Fascia continens colli.	ibid.
III. Vinctura ad tracheotomiam.	1198
Cap. IV. De vincturis, quae circum praecor- dia fiunt.	
Sectio I. De vincturis, quae jugulo sive clavi- culae diffractae aut luxatae adhibentur.	
I. De capitali reflexa.	1199
II. Fascia stellata.	1200
III. Spica simplex pro clavicula.	
IV. Spica simplex cum fascia duorum capi- tum.	
V. Capitalis reflexa ad claviculam Gouei.	
VI. Fascia pro claviculata luxata.	
Sectio II. De vinctura, quae humero & sca- pulae adhibetur.	
VII. Spica simplex.	
VIII. Spica duplex.	
IX. Vincturae pro scapulis fractis.	

Sectio

Sectio III. De vincturis , quae circum praecordia & manus fiunt.

- X. Fascia post mammam resectam.
- XI. Fascia Heliodori sive T.
- XII. Funda pro mammis.
- XIII. Scapulare cum mantili.

Sectio IV. De vincturis ad sternum atque costas adcommodatis.

- XIV. De quadriga & cataphracta.
- XV. Vinctura pro costis & spina dorsi lae-
sis.

Cap. V. De vincturis ad abdomen atque partes cum naturales , tum abscoenas necessariis.

- I. De scapulari cum mantili.
- II. Fascia ventris circularis.
- III. Fascia uniens ventris.
- IV. Vinctura pro hernia umbilici.
- V. Vinctura ani , scroti , perinaei , &c.
per fasciam T.
- VI. Arnoldi fascia ad anum.
- VII. Vinctura pro sanguine compescendo post
fistulae ani vel etiam calculi sectionem.

- VIII. Spica inguinalis simplex.
- IX. Spica inguinalis simplex cum fascia
duobus capitibus instructa.
- X. Spica inguinalis duplex.
- XI. Vinctura ad bubones in inguine.
- XII. Scroti vincturae.
- XIII. Vinctura & vincula ad hernias.
- XIV. Fasciola pro pene laeso.

Cap. VI. De vincturis brachio aptis.

- I. Vinctura pro osse humeri fracto.
- II. Fascia pro cubito fracto.
- III. Pro carpo fracto.
- IV. Pro metacarpo.
- V. Pro luxato cubito.

VI. Pro carpo luxato.

- VII. Vinctura ad venam brachii.
- VIII. Ad arteriam brachii incisam.
- IX. Vinctura ad aneurysma.
- X. Vinctura ad venam sectam in manu.

- XI. Vinctura ad manum adustam.
- XII. Vinctura ad pollicis fracturam.
- XIII. Vinctura ad digitum fractum.
- XIV. Ad plures digitos fractos.
- XV. Vinctura ad digitos luxatos.
- XVI. Vinctura ad digitos mutilatos.
- XVII. Vinctura ad manum vel cubitum ab-
scissum.

XVIII. Vinctura ad brachium amputatum.

- XIX. Vinctura ad humerum in articulo ex-
cisum.

Cap. VII. De vincturis , quae fieri in pedibus solent.

- I. Vinctura ad femur fractum.
- II. Vinctura ad femur oblique fractum.

III. Vinctura ad collum femoris fractum.

- IV. Ad femur luxatum ligatura.
- V. Vinctura ad patellae fracturam dire-
ctam.

**VI. Vinctura ad patellae fracturam trans-
versam.**

VII. Vinctura tertia pro patella fracta.

VIII. Vinctura ad genu luxatum.

IX. Ad tibiam fractam.

X. Vinctura pro tarso & metatarso fracto.

XI. Vinctura pro pede luxato.

XII. Pro venae sectione in pede.

XIII. Vinctura ad crus aut femur resectum.

**Cap. VIII. De vinctura fracti cruris aut femo-
ris cum vulnere.**

L A V R E N T I I H E I S T E R I

Designatio scriptorum hactenus editorum, praeter
ea, quae in Bibliotheca Chirurgica pag. 21.
jam recensita sunt.

Differt. inauguralis *de Tunica choroidea oculi*, 4. Harderovic. 1708.

Bohnii (Jo.) *Traët. de renunciatione vulnerum*, cum praefat. 8. Amstelod. 1710.

Programma de *veritatis inveniendae difficultate* in Physica & Medicina, 4.
Altorfii 1710. cum munus Professoris ibidem susciperet.

Oratio inaug. de *Hypothesium medicarum fallacia & pernicie*, (mechanice
explicata) respondente D. Goetzio, Norimbergensi, 4. ibid. 1711.

Differt. I. II & III. de *Cataracta in lente crystallina*, 4. 1711 & 12. Respond.
D. *Widmanno*, Norimbergensi, & nunc Acad. Natur. Curiosor. Dire-
ctore; D. Ge. Phil. *Vogtio*, Naffovico & D. Tob. Ferd. *Pauli*, Vrati-
slaviensi in quibus novam tunc & in Germania adhuc incognitam sen-
tentiam hanc primus patefecerat & novis observationibus atque exem-
plis confirmaverat. Ex his postea nata est,

Laurent. Heisteri *Traët. de Cataracta, Glaucomate & Amaurosi*, & alia in
Bibliotheca Chirurgica hoc de argumento recensita scripta.

Compendium anatomicum, veterum recentiorumque observationes
brevissime complectens, 4. Altorfii 1717. quod antea in quatuor differ-
tationibus publice ventilatum fuerat a variis Medicinae Studiosis. An.
1715. 1716 & 1717.

Compendii hujus anatomici editio altera eaque auctior & correctior in 8.
Altorfii & Norimbergae 1719. cum figur. Editio III. 1727; editio IV.
1732. prodierunt.

Ejus versio in linguam Anglicanam prodiit in 8. Londini 1721. titulo: *A
Compendium of Anatomy &c. translated from the last Edition of D. Laurentius
Heister quo anno etiam primum germanica lingua Vratislaviae impres-
sum est, & postea adhuc aliquoties.*

Latina

Latina editio II. Amstelodami est recusa a. 1723. cum Oratione autoris de incrementis anatomiae in hoc seculo XVIII. Helmstadii habita, vid. paullo infra, Oratio.

Parisiis hoc compendium uno anno bis a diversis autoribus in linguam Gallicam translatum & a diversis quoque bibliopolis impressum est, atque alterum titulo, *l'Abregé anatomique* de Mr. Laurent. Heister &c. par un chirurgien de Paris 1724. 8. Alterum titulo: *l'Anatomic d'Heister, avec des Essais de physique sur l'usage des parties du corps humain*, par J. B. ** de la Faculté de Montpeillier, a Paris 1724. en grand 8. Relationes & judicia de his vid. in diar. Erudit. Paris. 1725. mense Julio & Augusto.

Idem compendium anatomicum etiam juxta alteram editionem Altorfinam recusum est Venetiis 1730. una quoque cum praedicta oratione de Incrementis anatomice in hoc seculo XVIII; mox autem eodem adhuc anno juxta tertiam Altorfinam in 8. Venetiis 1730.

Differt. de varia Glándulae appellatione 8. Altorfii 1718. respondente D. Maucharto, Medicinae nunc Professore Tubingensi.

Differt. de Valvula coli, opposita Clar. Jo. Baptistae Bianco, qui eam negaverat, 4. ibid. 1718. respond. Ge. Casp. Iblis, Bohemo conf. diarium Erudit. Paris. 1720. mense Januar.

Epistola, qua sententiam suam novam de cataracta a cavillationibus & objectionibus quibusdam defendit atque illustrat, continetur in Act. Eruditor. Lipsiens. A. 1719. Januario.

Oratio de Incrementis Anatomiae in hoc seculo XVIII. habita, cum in Academia Julia Anatomes & Chirurgiae Professionem auspicaretur, 8. Helmstadii 1720.

Programma, de inventis anatomicis hujus seculi XVIII. quo ad audiendam praedictam orationem invitabat; quae utraque postea editioni Amstelodamensi & Venetae compendii sui anatomici rursus annexa sunt, 4. ibid. 1720.

Petri Dionis chirurgia, germanice edita & hinc inde aucta atque emendata est ab Heistero, 8. Augustae Vindel. 1722.

Differt. de morbis adolescentum & juvenum Hippocratis, respond. D. Frid. Henrico Schrammio Thuringo, 4. Helmstad. 1722.

Differt.

Differt. de *Fortuna Medici* respond. D. Jo. Christ. *Rabe*, Schoenburgico, 4. ibid. 1722.

Differt. de *collectione simplicium* respond. Christ. Friedr. *Rabe*, Schoenburgico, 4. ibid. 1722.

Differt. de *Rhachitide*, respond. D. Jo. Ge. de *Brocke* Altenburgico Saxone 4. ibid. 1725. cui dissertatione adjectum est programma auctoris, quo demonstratur.

Infantes pro a Diabolo olim suppositis habitos, revera & nihil aliud nisi *Rhachiticos fuisse*, 4. ibid. 1725.

Differt. de *Manna*, & speciatim de securo & proficuo ejus usu in variolis confluentibus &c. respond. Jul. *Bielitzio* Marchico, 4. ibid. 1725.

Differt. Medica forensis de *partu tredecimestri legitimo*, in qua simul defenditur, *partui nullum certum tempus in universum tribui posse*, resp. D. Jo. Gerh. *Wagnero* Helmstadiensi, nunc Medico Lubecensi, 4. ibid. 1727.

Diff. de *Animi defectione*, resp. D. Jac. Henr. *Gebhardi*, Brunsvicensi, Ser. Ducis Brunsvicensis nunc Archiatro, 4. ibid. 1728.

Diff. de *Debilitate Fibrarum* resp. D. Ott. Just. *Wreden*, Hannoverano, & nunc Medico Hannovero castrensi, 4. ibid. 1728.

Diff. de *Medicamentis cardiacis*, resp. D. Mart. Christ. *Polentz*, Lipsiensi, 8. ibid. 1729.

Diff. de *Medicinae utilitate in Jurisprudencia*, resp. D. Jo. Mart. *Starckio*, Moeno-Francofurtensi, 4. ibid. 1730.

Programma de *Studio rei herbariae emendando cum Botanices Professionem sive praelectiones & demonstrationes plantarum aggredieretur*, 4. ibid. 1730.

Diff. de *Medico Naturae Domino*, resp. D. Joh. Theoph. Hug. *Rochlitzio*, Andreaemontano, 4. ibid. 1730.

Diff. de *Medicamentis Germaniae indigenis*, Germanis sufficientibus resp. D. Jo. Maur. *Hengstmanno*, Quedlinburgensi, 4. ibid. 1730.

Diff. de *Foliorum utilitate in constituendis plantarum generibus*, iisque facile cognoscendis, resp. filio meo, Eliä Frid. *Heistero*, 4. ibid. 1732.

Diff. de *Aquis Medicatis Pyrmontanis*, resp. D. Jo. Sig. *Hahnio*, Silesio, 4. ibid. 1732.

Diff. de *clavo haemorrhoidali*, resp. D. Jo. Gottl. *Raupbachio*, Silesio, 4. ibid. 1734. cui annexa est.

Epistola auctoris, de *Morte SILII ITALICI*, *celebris Poetae & Oratoris*, ex *Clavo insanabili*, 4. ibid. 1734.

Diff. de *Calendario artuum*, resp. D. Christ. Gottl. *Fregio*, Misnico, 4. ibid. 1736.

Diff. de *Perturbatione animae & corporis*, resp. D. Jo. Godofr. *Byschero Nordhusano*, 4. ibid. 1738.

Programmata *anatomica de utilitate anatomes in Theologia generatim* edidit tria, quando dissectiones publicas ibidem instituisset, 4. Altorfii 1717 & 1718.

Programma de *Dei cognitione e Ventriculi functione & fabrica*, 4. ibid. 1719.

Programma de *Dei cognitione atque demonstratione ex intestinis tenuibus*, 4. ibid. 1719.

Progr. de *Dei cognitione atque demonstratione ex intestinorum crassorum fabrica*, 4. Helmstadii 1720.

Progr. quo inquiritur, *an Circulus sanguinis veteribus fuerit cognitus*, 4. ibid. 1721.

Progr. de *Dei cognitione ex musculis & mirabili corporis motu*, cum musculos ejus demonstraret, 4. ibid. 1721.

Progr. de *Dei cognitione ex nervis*, cum *nevrologiam* sive nervos corporis humani ostendendos susciperet, 4. ibid. 1721.

Progr. quo ostenditur, *ex pulmonis foetus in natatione vel submersione in aqua*, nullam certum infanticidii signum desumi posse, 4. ibid. 1722.

Progr. quo ad anatomen *cadaveris feminini*, ultimo mense gravidi *glande plumbea interfecti*, invitat, 4. ibid. 1722.

Progr. quo *feminae gravidae*, a se superiori anno dissectae, memoriam celebrat. 4. ibid. 1723.

Progr.

Progr. de Dei cognitione *ex partibus generationi dicatis in universum*, 4. ibid. 1724.

Progr. de Dei cognitione *ex mirabilibus ossium articulationibus & motibus*, cum cadaver celeb. gesticulatoris Belgae publice disseccandum esset, 4. ibid. 1727.

Progr. de Dei cognitione *ex partibus genitalibus virorum*, 4. ibid. 1728.

Progr. de Dei cognitione *ex mammis mulierum*, 4. ibid. 1730.

Observationes de *aneurysmatibus* in pectore maximis, & de *calculis singularibus in corpore humano*, vid. in Annal. Acad. Juliae semestri XII alia vero notabilis de *Phosphoro*, omnia inflammabilia accendente, *ex cerebro humano*, ab autore confecto, cum modo eum praeparandi, in Fastis Acad. Altorfinae 1719. impressis, mense Novembri.

In *Ephemeridum Acad. Caesareae Naturae curiosorum*, Cent. I. ad VIII. per multas dedit observationes anatomicas, medicas & chirurgicas: & quidem in Centur. I & II. quae anno 1712. prodierunt, pag. 426. & seq. (1) Describit duo *exempla apertorum oculorum*, qui secundum certa & pathognomica auctorum signa *veris cataractis laborarunt*: in quibus vero nullam pelliculam aut corpus peregrinum, uti plurimi adhuc tunc crediderant, sed in utrisque *non nisi humorem crystallinum invenit opacum*. (2) Narrat, virum quendam eo tempore Altorfii vixisse, qui *brachii paralyfi* laborabat, illudque movere non poterat, & tamen in illo brachio tactus sensus integer supererat. E contrario sinistrum brachium & pedem libere movere valebat; in quibus vero nulla tactus perceptio aderat: ita, ut, si illa in ferventem aut frigidam immiserit aquam, nullum senserit discrimen. (3) Exemplum profert viri quem una cum diversis aliis Germanis Anno 1710. Londini vidit, 40. circiter annos nati, qui ante aliquot annos *omnes in toto corpore crines amisit*, ita ut ne unicus quidem neque in capite, barba, ciliis & palpebris, neque etiam sub axillis, aut in regione pubis inventus sit. Cujusmodi etiam deinde exemplum Halberstadii in muliere quadam juvene & ceteroquin satis formosa vidit; quibus vero ambobus nulli pili iterum creverunt, licet cetera sani fuerint. (4) *Abscessum in processu vermiformi* intestini coli invenit. (5) Duo exempla de hominibus refert, quorum *abdomen & umbilicus* ita introrsum tracta erant, ut umbilicus plane spinæ dorsi incubuerit. (6) Exemplum, ubi *arteria magna sive aorta* in puero 12. circiter annos nato, *quatuor distinctos ascendentes ramos* habuit: cum alias juxta consuetum naturae morem *tres* modo eorum numerentur; illasque arterias una cum corde cera repletas adhuc affervat. (7) In ejusdem

pueri intestinis non modo multos reperit lumbricos , sed etiam *intestina tenuia duobus in locis* se invicem praeter naturam ingressa erant , qualis mutuus ingressus morbosus in iliaca passione defunctis alias saepe repertus est. (8) Memoriae prodidit , *arterias umbilicales* in vitulis ex trunci arteriae aortae parte infima ; in infantibus vero plerumque ex arteriis iliaticis ortum suum habere. (9) Se in foetu humano *urachum* nunquam pervium *invenire potuisse* , sicut in vitulis est ; atque proinde non credit , in foetu humano tunicam aluntoidem adesse , ad quam urina ex foetu humano per urachum deponatur.

In Ephemeridum Centur. III & IV. pag. 452. & seq. refert: (1) Historiam , ubi cuidam sclopeto , *charta masticata* , loco glandis plumbeae infarcto , caput vehementer diffractum laesusque ex tempore ea interfectus fuit. (2) Tumorem cysticum in superiori palpebra feliciter a se extirpatum. (3) Novam delineationem descriptionemque tonsillarum. (4) Descriptionem novi instrumenti chirurgici ad tonsillas suppuratas in faucibus aperiendas. (5) Peculiares observationes diversarum partium , quomodo in vitulo bicipite a se dissecto , constitutae fuerint. (6) Exemplum infantis , ano clauso nati , & intestino recto omnino carentis. (7) Exemplum per quam rarum infantis , cujus urachus a vesica usque ad umbilicum apertus fuit inventus. (8) Delineat & describit peculiares nonnullos vermes , quos in ventriculo equi Altorfii a se dissecti observavit , similesque postea iterum in equo deprehendit quam plurimos , Helmstadii a se dissecto. (9) Aliam vermium speciem , quae in lue columbarum mortifera in ventriculis earum reperta est , descripsit ; a qua illae mercurio vivo potui sive aquae ipsarum injecto liberatae sunt. (10) Lienem in canibus sine detrimento exscindi posse , novo exemplo confirmavit. (11) Peculiarem ac rarum observationem describit ; ex qua , quid cataracta lactea proprie & revera sit ostenditur , atque etiam cataracta purulenta & caseosa aliaque difficultates circa cataractae morbum occurrentis hic illustrantur.

In Ephemeridum Cent. V & VI. pag. 157. seq. ab eo describitur: (1) accuratior cerebelli structura , & quomodo tam in hominibus quam animalibus , si medium discinditur , perbelle ex parvis quasi lobulis constet , qui a se invicem separari queunt ; & quod non tam informem habeat compositionem , uti adhuc ab omnibus scriptoribus , qui de cerebro scripserant , delineatum tunc erat. Ubi simul illius constitutionem in figura aenea , cum cerebri humani , tum vitulini , ob oculos posuit. (2) Nova & vera pylori ventriculi humani constitutio. (3) Observationes de diversa sede & causa tympanitidis traduntur. (4) De duplici eaque notabili epiplocele in utroque latere viri , sectione cadaveris inventa. (5) Exemplum foeminae , quae vehementibus convulsionibus subito , ac si venenum

nenum sumfisset, mortua erat: in cujus orificio ventriculi superiori magna lumbricorum mire implicatorum copia reperta fuit. (6) Pag. 211. & seq. in eodem tomo describit *tunicam alantoidem vitulorum*, ejusque vasa, quae in figura aenea repraesentantur. (7) Uberiorem relationem de supra dicto cane, cui lien erat extirpatus, exhibet. (8) *Vasa lactea in intestinis crassis equi* a se dissecti perspicue observavit: item *fibras annulares in ejus ductu thoracico* quibus fabrica ejus in homine illustrari potest. (9) Veram constitutionem *venae umbilicalis & canalis venosi*, cum in hominibus tum vitulis, descripsit & delineavit: ubi diversorum simul scriptorum circa has partes errores emendantur. (10) Observationem, in qua describitur, quomodo in *sectione duorum corporum melancholicorum*, quae aqua se ipsos suffocarunt, nullum lienis vitium; sed *pancreas penitus induratum*, & *singulares valvulae in ductibus biliariis* fuerint inventae. (11) Novam anatomicam descriptionem & delineationem *certorum parvorum officulorum*, quae *sesamoidea* nominantur, in osse femoris & minimo digito repertorum.

In *Ephemeridum Cent. VII & VIII.* pag. 49. (1) Uberior de his *officulis sesamoideis* relatio exhibetur (2) pag. 161. de *cancro* sive *carcinomate* agitur, qui ex *labro inferiori* ab autore feliciter exsectus est. (3) Nova delineatio & descriptio *glandulae thyroideae*, *glandulorum bronchialium* & *asperae arteriae* exhibentur. (4) Singularis constitutio ita dictae *venae azygos* sive *sine pari* hic ab ipso describitur ac delineatur (5) *Cancer in partibus exterioribus uteri* describitur. (6) De singulari *vaginae uteri prolapsu* agit, post partum difficilem. (7) De *tuberculo* sive *excrecentia ex intestino recto* feliciter a se resecta. (8) *De fistula lacrymali* secundum novam *Anelli* methodum bono successu a se curata. (9) Nova delineatio & probatio, membranam *hymenis* apud juniores virgines reapse adesse, hic sistuntur. (10) Probatur & contra *Wolhusium* figura ostenditur, *plus humoris aquei in oculo ante, quam post usum, contineri*. (11) *De ingenti quodam ventriculo*, qui sedecim libras, vel octo mensuras aquae continuit.

An. 1730. Indicem publicavit *plantarum rariorum*, quas hoc anno in hortum *Academiae Juliae* intulit; una cum constitutione aliquot novorum plantarum generum, 8.

An. 1731, 1732, 1733. *continuationes tres* edidit *plantarum*, quibus hortum *Academiae Juliae* singulis his annis auxit; ubi in quavis parte etiam nova quaedam *plantarum genera* proposuit. Nunc vero ad adornandam *Floram Helmstadiensem & Methodum Botanicam* concinnandam brevi progredietur.

Deni-

Denique in *Actis philosophicis Anglicanis* N. 417. pag. 13. prolixè descripsit observationem notatu dignissimam viri senis, sed vegeti & robusti, qui diu vehementerque a calculis vesicae afflictus fuerat; qui vero calculi tandem aliquando, aegro hoc vix cogitante, sponte, hoc est, sine vi externa, in vesica cum impetu confRACTI & mox postea frustulatim, larga copia satisque magnis frustulis, per urethram excreti sunt: quo ipso aeger & a doloribus & a calculis liberatus est, atque postea ad finem usque vitae ab iis immunis vixit. Hoc exemplo verisimile sit, quod non pauci impossibile esse credunt, calculos in vesica confringi & excerni, adeoque remedia quoque aut dari aut inveniri posse, quibus calculi in vesica comminui queunt, sic ut forte in multis (si non in omnibus) calculo vesicae laborantibus, lithotomia tunc careere possimus.



LAURENTII HEISTERI
CHIRURGIAE,

S I V E

INSTITUTIONUM CHIRURGICARUM

P A R S I.

LAURENCE H. BENTLEY

CHIRURGICAL

1873

INSTITUTION OF CHIRURGIANS

1873

LAURENTII HEISTERI

INTRODUCTIO

I N

CHIRURGIAM.

D E

Chirurgiae natura, constitutione, origine, progressu, incremento, divisione, instrumentis, aliisque rebus generalioribus in universum, quae Chirurgiae tironibus cognitu maxime sunt necessariae.

I.

Medicinae finis & scopus primarius est, morbos corporis *Chirurgiae* *necessitas.* humani vel scite praevenire, vel opportune curare. Hoc ab antiquissimis jam temporibus Medici triplici modo efficere allaborarunt; vel *victu*, vel *medicamentis*, vel *manibus*, vel omnibus, si res desiderabat, simul (a): id quod & hodie, sicut ratio atque experientia docent, nusquam non ita fieri oportet. Atque harum trium salutaris hujus professionis partium sive fulcrorum, primam *diætam* sive *diæticam* (*διαιτητικὴν*); alteram, *pharmaceuticam* (*φαρμακευτικὴν*); tertiam, *Chirurgicam* (*χειρουργικὴν*) appellarunt. Nam quia ille scopus sive finis Medicinæ solo victu & medicamentis semper obtineri nequit, licet magnam in servanda restituendaque mortalium fanitate usum præstare soleant, sed manuum etiam auxilium sæpe postulat, imo haud raro absolute eo opus est; patet, hanc Medicinæ partem, quæ manu sanat, quamque CELSUS *Chirurgicam*, alii vulgo *Chirurgiam* vocant, humano generi summe esse necessariam: inprimis cum hujus potissimum beneficio multi curentur morbi gravissimi, ut vulnera, fracturæ, luxationes, alique quamplurimi; ubi victus & medicamenta parum aut sæpe nihil efficere possunt. Sed ut præstantia & necessitas hujus tanto magis cognoscatur, sciendum, *Pars I.* *A 2* *artes*

(a) Vid. Celsus præfat. Lib. I. pag. 3. edit. Almeloventianæ & Patavinæ.

artes alias humanas ut plurimum ad vitæ commoditatem tantum nobis infervire; artem vero chirurgicam sæpe ad vitam & sanitatem (thesaurum hominis pretiosissimum ac præstantissimum) conservandam absolute esse necessariam: quemadmodum summa hæc necessitas in vulneribus periculosis; præsertim in bello, præliis, urbiumque obsidionibus optime cognosci potest (a); ubi quamplurimis sane militibus, eorumque ducibus ob sanguinis fluxionem, aliasve causas misere sæpe pereundum aut moriendum esset, nisi perita Chirurgorum ope conservarentur, restituerentur, atque ex orci, quod ajunt, faucibus eriperentur; qui etiam milites eo majori fortiorique animo, quo magis peritos atque exercitados adesse norunt Chirurgos, pugnare solent, ea spe, fore, ut eorum vulnera, si quæ forte ipsis infligantur, rursus sanentur, vivique servantur. Atque hinc, quia Chirurgica sæpissime in vulnerum curatione occupata est, a Germanis *Medicina vulnerum* (*Wund-Artzeney*) nuncupatur, non ac si tantum vulnera tractaret aut sanaret; verum quia præ aliis morbis in horum sanatione omnium frequentissime opem suam præstat insignem & manifestam, atque in hac adeo potentem, utilemque tam sæpe se exhibuit.

I I.

Quid Chirurgia & Chirurgus.

Est vero Chirurgica, ut CELSUS ait (b), ea pars Medicinæ, quæ manu curat: sive est Medicinæ pars, quæ docet, quomodo manuum imprimis atque instrumentorum, imo & medicamentorum externorum adjumento morbi vel curandi sint vel avertendi; quemadmodum ad avertendos morbos, sanitatemque conservandam cum fructu sæpe inciduntur venæ, instituuntur scarificationes, excitanturque fonticuli, setacea & similia. Quia vero opem suam manibus magis quam medicamentis præstat; hinc ut denominationis ratio pateat, recte meritoque a Græcis *Chirurgia* (*Χειρουργία*) id est *manuum opus*, sive *manuum medicina*, a vocabulo Græco *Χειρ*, manus, & *εργον*, opus, composita, paululumque deflexa voce, appellari, atque ille, qui hac ratione bene mederi novit, CHIRURGUS dici consuevit: quia manu plurimum præstat, opusque suum perficit. Qui vero medicamentis & victu sive diæta morbos tantum curat, MEDICUS hodie salutatur: quæ autem distinctio priscis temporibus inusitata erat, ubi ab iisdem personis utrumque perficiebatur opus, unicoque nomine Medici tantum appellabantur, ut ex *Homero*, *Hippocrate*, *Celfo* aliisque multis videri licet.

III.

(a) De Chirurgiæ necessitate eleganter differit *Vesalius* præfat. corp. hum. fabricæ, atque *Schelhammerus* præfat. de tumoribus, aliisque.

(b) Lib. I. præfat. pag. 3. item Lib. VII. in principio præfationis.

I I I.

Quidam Chirurgiam *artem*, alii *scientiam* vocandam esse contendunt: verum, mea quidem sententia, utraque hæc appellatio ipsi convenit. Nam scientia dici potest, quia tiro Chirurgiæ, antequam sanare recte discit, præcepta sive fundamenta, aut quid cum in cognitione, tum in sanatione morborum, qui manu curantur, agendum, ex anatome, physica & mechanica potissimum *scire* atque cognoscere debet: quoniam sine scientia hac sæpe non nisi ineptissime mederi poterit, plusque damni quam emolumenti ægris totique reipublicæ inferet. *Ars* vero etiam merito nuncupatur, quando quis elementa illa artis probe intelligit, posteaque ea facultate præditus corpori humano tam integro conservando, quam sanando, manuum auxilio rite succurrit. Hinc artem chirurgicam probe callere dicimus eos, qui prompti sunt in sanandis vulneribus, reponendis ossibus fractis ac luxatis, aliisque morbis, manuum, instrumentorumque auxilium requirantibus, recte sanandis. Unde etiam factum esse opinor, ut Chirurgiam in *theoreticam* & *practicam* nonnulli distinxerint. Sub priori intelligentes scientiam Chirurgiæ; quando quis regulas ipsarumque regularum rationes, quomodo morbi chirurgici optime sint curandi, & quomodo singulæ curationes, quæ manus & instrumenta postulant, (quas vulgo hodie *operationes* vocant) rite sint instituendæ atque perficiendæ, discit, aut intelligit, *operationes* vero ipsas, sive sectiones, amputationes, uisiones, ossium restitutiones aliasve operas non perficit: quam scientiam hodie vulgo *Chirurgiam Medicam* appellant. Atque hanc Chirurgiæ partem minimum omnes præstantiores ac genuini Medici nosse debent, ut in ejusmodi morbis idoneo prudentique consilio & ægris & chirurgis succurrere valeant. Sub posteriori vero parte, scilicet *practica*, ipsum usum, exercitium sive artem perficiendi opera chirurgica, reponendo, deligando, secando, extirpando, incidendo, urendo, &c comprehendunt: quando scilicet quis prudenti manuum instrumentorumque auxilio *operationes* illas perficere, iisque morbos, qui hæc requirunt, sanare rite callet. Prioris scientia a longo jam tempore plerique Medici ut plurimum contenti erant, atque etiam adhuc hodie contenti esse solent; posteriorem vero Chirurgis relinquentes, imo sæpe, quod maxime dolendum, imperitissimis agyrtis & histrionibus: partim quia morborum, qui victu & medicamentis sanantur, curatio jam adeo est diffusa, proluxa & ardua, ut omnem plerorumque Medicorum ad hæc rite addiscenda requirant & operam & studium, ne multitudine rerum discendarum & exercendarum facile obruantur; partim quia ad curationes, quæ manibus fiunt, præsertim quæ periculosiores sunt, aut crudeliores videntur, singularis quædam animi constantia

stantia atque intrepiditas, five, ut Medicorum Cicero, elegantissimus CELSUS, loquitur (a), *animus intrepidus & immisericors, qui clamoribus ægri non moveatur*, requiritur, qui sane non adeo multis datus est, licet, quid sit faciendum, perfecte cognoscant atque intelligant. Quicumque vero manu curare, hoc est, genuinus Chirurgus fieri vult, utrumque discat ac sciat oportet: & quidem sic, ut pars theoretica five scientia fundamentorum (ad quæ potissimum *anatome* pertinet) aliarumque rerum chirurgicarum præcedat, antequam ipsam artem exerceat. Nam si inverso modo quis procedat, & *operationes*, præsertim difficiliore, perficiendas aggreditur, antequam anatomen, morborum naturam, & quid in eis faciendum sit, rite didicerit; necessario multum ægris damni consciscet, violentas eis manus ut plurimum inferet, pluresque eorum perdet quam servabit: prout a multis, quod valde dolendum, imperitis ac temerariis hominibus ubique locorum, in magnum generis humani detrimentum artisque nobilissimæ opprobrium, fieri solet (b). Nam profecto scientia dux esse debet manuum, atque demonstrare five docere, quid his sit agendum. Idcirco, licet quis sit Chirurgus longo usu exercitatus, & ut vocant, bonus empiricus, si in anatome atque cognitione fundamentorum chirurgicorum probe non est versatus, actiones ejus ancipites & incertæ sunt, multisque periculis semper obnoxia. Ergo bonus Chirurgus utrumque ut probe calleat, necessum est: Qui vero simul & reliquam Medicinam animo comprehendit, quemadmodum multi inter veteres & recentiores Mèdicos fecerunt (c), ille tanto major & perfectior erit Chirurgus.

IV.

Finis Chirurgiæ quod duplex?

Finis Chirurgiæ, ut ex iis, quæ N. 1. diximus, patet, triplex est, nimirum: 1) *sanitatis hominum conservatio*, quemadmodum N. 2. jam explicavimus; 2) *ejusdem, si amissa est, restitutio*; hoc est morborum manuum operatio. Vel etiam 3) si in integrum eadem restitui nequeat, *ut vita hominis*, quamdiu fieri possit, quanquam læso interdum vel truncato corpore, *conservetur*. Atque tertium hunc finem obtinere plerumque studemus amputatione membrorum sphacelo, cancro aut carie corruptorum; itemque in cancerum, scirrhorum, ulcerum antiquorum, aliorumque similium morborum insanabilium, ut & in morborum capitis

(a) Lib. VII. in præfat.

(b) Prolixius hæc jam disputata sunt a Celso in præfat. Lib. I.

(c) Ut Æsculapius, Podalirius, Machaon, Hippocrates, Galenus, Celsus, Aëtius, Ægineta, Oribasius, Guido Cauliacus, Salicetus, Vesalius, Fallopius, Marianus Sanctus, Jo. de Romanis, Varolius, Cabrollus, Fabric. ab Aquapendente, M. A. Severinus, Hildanus, Spigelius, Glandorpheus, Geigerus, Scultetus, Marchettus, Rolsincius, Wepferus, Muraltus, Solingenius, Ruyfchius, Bidlous, Nuckius, Groeneveltius, Cyprianus, Bohnius, Brunnerus, Ravius, Leusdenius, alique.

pitius variorum, speciatim oculorum, aurium, ut in visus atque auditus debilitate, per fonticulos, setacea, sanguinis missiones, vesicatoria & similia, ne forte in pejus ruant, convenienti medela sive tractatione, licet sanari funditus sæpe non possint.

V.

Subsidia sive media, quibus modo recensitos Chirurgicæ fines consequimur, *manus* inprimis sunt atque *instrumenta*. Quoties enim os fractum luxatumve reponendum est, aut vena quædam incidenda, aut calculus excidendus, aut suffusio denique removenda, promptis semper manibus atque instrumentis opus est. Quanquam ut celerius, tutius atque jucundius curare isthæc singula queant, atque officio suo tanto melius satisfaciant, nec medicamenta, nec victus rationem omittere solent circumspecti chirurgicæ artis professores: siquidem sine istis sæpe nihil efficerent, atque ipsa quandoque ægrotantium vita in discrimen adduceretur. Unde satis patet, quod verissime dixerit CELSUS (a): *Omnes medicinæ partes ita esse connexas, ut ex toto separari non possint.* Atque alibi (b): *Ego, idem inquit, eundem quidem hominem posse omnia ista præstare concipio: atque ubi se diviserunt, eum laudo, qui quamplurimum percipit, id est, qui utramque medendi artem probe didicit.*

Chirurgicæ subsidia quænam sint.

V I.

Eandem propemodum Chirurgicæ, quæ Medicinæ omnis fuit, originem, eundem progressum, eadem denique prorsus fata fuisse, sororium illud, quod hætenus demonstravimus, utriusque vinculum clarescit, meo quidem iudicio, loquitur. Tametsi, ut verum fatear, Chirurgicam egomet cum CELSO (c) atque aliis inter omnes Medicinæ partes vetustissimam, ipsique hominum generi prope coævam, imo veram Medicinæ parentem, adeoque antiquiorem esse, non sine ratione credam. Scilicet, quo propiores primæ rerum origini fuerunt homines, hoc minus etiam, propter & consuetum temperantiæ studium ac bonos mores, quos nulla, ut CELSUS loquitur, *luxuria vitiaverat*, & conatum ipsius naturæ robur, interioribus morbis opportuni fuerunt atque obnoxii; itaque nec internis adversæ valetudinis auxiliis magno-pere indigebant. Contra vero iidem noxis membrorum externis, & quæ manuum opem requirere solent, æque facile ac frequenter, quam nostræ hujus ætatis homines, affligi procul dubio potuerunt. Quis enim vel a lapsu indeque pendentibus ossium aut calvariæ fracturis, vel a feris

Quæ prima Chirurgicæ origo fuerit, ostenditur.

(a) In præfat. Lib. V. it. SCRIBONIUS LARGUS cap. 68.

(b) In præfat. Lib. VII.

(c) In præfat. Lib. I.

feris harundemque morfibus, vel a gravissimis, quæ aliorum hominum insidiæ, hostiumque in præliis arma infligere poterant, vulneribus, dum primi fere homines jam bella gesserunt, vel a quibuscunque demum aliis injuriis, sanguinis puta profluviiis, ossium luxationibus aut contusionibus salvos semper atque immunes præstare illos potuit? Ut adeo dubitari nequeat, quin, vel ipsa natura duce, in extrahendis spinis, festucis aut mucronibus, deligandisque ad reprimendum sanguinem vulneribus manuum & paulatim instrumentorum quoque subsidio, quantumvis alias imperiti homines, usi fuerint. Si qua vero in iteratis sæpius fortuitis istiusmodi experimentis ægrorum, qui sine medicis erant, expectationi forte fortuna responderunt, fieri non potuit, quin homines diligentes eadem memoriæ mandaverint, tandemque notaverint: quæ incidentibus dein vel iisdem vel similibus morbis & ipsimet iterum adhibuerunt, & aliis ægrotantibus præceperunt, tandemque per litteras ad posteros transtulerunt. Atque sic a parvis iisdemque rudioribus initiis vulgaribusque experimentis salutaris illa professio subtilius sensim a perspicacioribus viris exulta feliciter admodum increvit.

VII.

*Chirurgicæ
artis apud
Græcos in-
crementa.*

Natam sic ex obviis quotidie casibus rerum salutarium observationibus artem chirurgicam primi, quantum quidem ex historiæ monumentis constat, tractare novisque institutis locupletare cœperunt *Chaldæi* atque *Ægyptii*, qui præ ceteris gentibus sapere cœperunt. Veruntamen postea *apud Græcos*, nobilissimos illos sapientiæ quondam antistites, aliquanto magis, quam in ceteris nationibus, exulta est *Chirurgica* (a). Celebrantur in his maxime *APOLLO* hujusdemque filius *ÆSCULAPIUS*. Qui quoniam adhuc rudem & vulgarem hanc scientiam paulo subtilius excoluerunt, tantam sibi admirationem conciliarunt, ut in *Deorum* numerum recepti sint. Hujus (*ÆSCULAPII*) deinde duo filii, *PODALIRIUS* & *MACHAON*, prouti quidem *CELSUS* loco jam citato refert, bello *Trojano* ducem *Agamemnonem* secuti, non mediocrem opem commilitonibus suis attulerunt. Quos tamen *HOMERUS* non in pestilentia neque in variis generibus morborum aliquid attulisse auxilii; sed vulneribus tantummodo ferro & medicamentis mederi solitos esse proposuit. Ex quo apparet, has partes medicinæ solas ab his esse tentatas, easque esse vetustissimas. Neque vero minorem post illos inter Chirurgo celebri- tatem consecuti leguntur *CHIRON* *CENTAURUS*, aliique plures: quorum tamen monumenta temporum injuriis dudum perierunt. Solertia denique, ut & felicitate reliquos fere omnes superasse videtur *HIPPOCRATES* *Cous*, vir ille, teste *CELSE* (b), non prudentia solum atque arte, sed facundia quoque insignis, atque ex nobilissimo, cui tunc medicina prope genti-

(a) Vid. *CELSUS* Lib. I. præfat.

(b) Præfat. Lib. I.

gentilitia fuit, AESCULAPII genere oriundus. Hic enim majorum suorum & experimenta & dogmata, ipsas item curandi rationes, non mediocri studio ab iisdem excogitatas, diligentissime congeffit, & pro admirabili, quo polluit, ingenio, proque indefesso in perscrutandis, Democrito duce (a), corporis humani partibus studio, magis magisque elaboravit ac perpolivit. Quam quidem ob rem neutiquam falluntur ii, qui primum ut medicinae omnis, sic & chirurgicae inprimis parentem HIPPOCRATEM pronuntiaverunt. Hujus enim scripta quemadmodum in omnibus vetustissima sunt, sic & vel maxime propterea reliquis praestant, quod nunquam non digna visa fuerint medicis, quae singulis medicinae cultoribus in exemplum proponerent.

VIII.

Enimvero perquam strenuis his Graecorum in perficienda chirurgi-^{Romanorum,} ca studiis excitati quoque postmodum, ad ejusdem artis culturam una ^{Graecorum,} cum Aegyptiis suscipiendam, ^{Arabumque} Romani perhibentur (b). Claruerunt in-^{post illos in} ter hos paulo ante CHRISTUM natum PHILOXENUS, qui quidem, CEL-^{chirurgicis} so teste, pluribus voluminibus hanc (medicinae) partem comprehendit. ^{studia.} GOR-
GIAS quoque & SOSTRATUS, & HERONES & APOLLONII duo, & AM-
MONIUS ALEXANDRINUS multique alii celebres viri singuli quaedam repperunt.
Ac Romae quoque, ut idem pergit, non mediocres professores, maximeque
nuper TRYPHON pater & EUELPISTUS, PHLEGETIS filius, & ut ex scriptis
ejus intelligi potest, horum eruditissimus MEGES, quibusdam in melius mu-
tatis, aliquantum ei disciplinae adjecerunt; quanquam horum omnia scripta
aetatem neutiquam tulerunt. Proximis post Christum natum saeculis
illustre admodum nomen adepti sunt ex Latinis quidem CELSUS, saepe
haecenus laudatus, ex Graecis autem GALENUS, PAULUS AEGINETA,
AETIUS & ORIBASIVS; quorum scripta etiamnum supersunt. Posteaquam
vero saeculis subsequen-^{tibus} barbariae istae, quas vulgo vocant, gen-
tes universum prope terrarum orbem perreptare ac disturbare coepe-
runt, tantum, proh dolor! abfuit, ut chirurgicae arti incrementum
aliquod vel ornamentum adlatum fuerit, ut potius eadem cum reliquis
scientiis plerisque omnibus calamitatem prorsus incredibilem accepe-
rit. Quare mirum non est, neminem ferme hac tempestate extitisse,
qui, si RHASES tamen, HALY ABBAS, ALBUCASIS, atque AVICENNA,
saeculo circiter XI. & XII. florentes Arabes, excipiantur, de arte
chirurgica bene mereri studuerit. Observandum hic obiter ex GUIDO-
NE DE CAULIACO (c) illud videtur, quod nimirum hac circiter aetate
medici a curationibus chirurgicis, sive quae manibus fiunt, abstinere
penitus coeperint.

Pars I.

B

IX.

(a) Testatur hoc ipsum CELSUS Lib. I. praefat.

(b) Vid. CELSUS in praefat. Lib. VII.

(c) Conf. ejus Chirurgia.

IX.

*Recentiorum
industria.*

Sed quicquid demum harum rerum sit, saeculo certe decimo quarto & quinto, ubi discussae paulatim scientiarum tenebrae sunt, ipsa quoque chirurgicae studia solertius & a Medicis & a Chirurgis agitari sensim coeperunt. Eminuerunt in his initio BRUNUS, THEODORICUS, SALICETUS, LANFRANCUS, ARNOLDUS DE VILLA NOVA pluresque alii: sed dein magis etiam verus ille chirurgices instaurator, GUIDO DE CAULIACO, DE LARGELATA, JO. DE VIGO, VESALIUS, FALLOPIUS, ANDREAS A CRUCE, ARCAEUS, MARIANUS SANCTUS, ANGELUS BOLOGNINUS, BERENGARIUS CARPUS, ALPHONSUS FERRIUS, JO. TAGAULTIUS, BARTHOLOMAEUS MAGGIUS, PARAEUS, SCHILHANS, GERSTORF, BRUNSVIG, RYFF atque alii, qui varia ratione, ut scripta eorum docent, rem chirurgicam auxerunt & correxerunt.

X.

Recentissimorum.

Donec tandem & superiori & praesenti nostro hoc saeculo, *Italarum* imprimis, *Gallorum*, *Germanorum*, & nuperrime *Anglorum* etiam industria, egregiis admodum anatomicorum, mechanicorum & physico-
rum inventis atque observationibus, elegantissimis item instrumentis & curandi artificiis ita mirifice locupletata fuit chirurgica, ut ad summam ejusdem perfectionem atque excellentiam parum aut nihil deesse videri queat. Tametsi vero percensendi nobis ordine nunc erant illi, qui in promovendis chirurgicae studiis non sine fructu elaborarunt; tamen quando amplior eorum seges est, praecipuos tantum ex his tironibus hic indicasse nobis sufficiat; ceteros alio loco indicaturi. Pertinent igitur huc prae reliquis FABRICIUS AB AQUAPENDENTE, FABR. HILDANUS, M. A. SEVERINUS, SPIGELIUS, MARCHETTUS, GLANDORPIUS, JO. SCULTETUS, FELIX WURTZIUS, GUILLEMEAU, CAESAR MAGATUS, CASP. TAGLIACOTIUS, GOURMELINUS, RONHUYSIUS, VAN MEEKEREN, CORN. SOLINGEN, NUCKIUS, PURMANNUS, MAURICEAU, TOLET, VERDUCCIUS, BIDLOUS, RUYSCHIUS, BOHNIUS, CYPRIANUS, RAVIUS, MASSIERUS, DIONIS, PETIT, WISEMAN, DOUGLAS, CHESOLDENUS, GARRENGEOT, MARINUS, TURNERUS, MORANDUS, LE DRAN, alique plures, qui in *chirurgicorum scriptorum indice*, huic libro praefixo, recensiti deprehenduntur.

XI.

*Qui speciales partes
excoluerunt.*

Antequam tamen ulterius pergam, utile esse credo chirurgices tironibus, ut initio & praecipuorum scriptorum, qui in specialibus, imo specialissimis chirurgices partibus industriam suam exercuerunt, atque de iisdem vel separatim vel saltem accuratius egerunt, notitiam adipiscantur: quos igitur hic eo fere ordine, quo liber hic dispositus est, strictim indicabo. Et quidem primo de *quinque illis magnis Chirurgiae partibus*, *vulneribus* scilicet, *fracturis*, *luxationibus*, *tumoribus* & *ulce-*

ulceribus egerunt, Vesalius, Tagaultius, Fabric. ab Aquapendente, (qui quinque hisce libris *pentateuchi* nomen dedit.) Deinde Cortesius, Peccetius, Wisemannus, Munnickius.

XII.

De *vulneribus* in universum legi meretur Paraeus, Arcaeus, Fabr. ^{Qui de vul-} ab Aquapendente, Glandorpius, Magatus, Bellostius. De *vulneribus* ^{neribus scri-} *capitis* speciatim: Hippocrates, Celsus, Carpus, Arantius, Pavius, ^{pservunt.} Millerus, Schultzius, Waltherus, et recentissime Rouhaultus gallice; de *oculorum vulneribus*: Fallopius, Jo. Langius in epistolis, Ephem. N. C. Cent. V. & VI. St. Yves. De *vulneribus pectoris*: Fumanellus, Pechlinus. De *vulneribus sclopetorum*: Plazzonus, Maggius, Ferrius, Rota, Paraeus, Fallopius, Guillemeau, Hildanus, Botallus, Purmannus, Tassin, Verduc, Vauguion, Charriere. De *turundis*, Baierus; de *turundarum abusu in vulneribus*: Magatus, Bellostius, & nuperime Chabert gallice, ac Lupus italice, qui & vulnera raro deliganda esse docuerunt. *Observationes de vulneribus* utiles scripserunt Scultetus, Bellostius, Schwartzius, de la Motte, Chabert, Le Dran. De *vulneribus lethalibus* eisque recte dijudicandis optime egit Bohnius, Teichmeyerus, & qui exempla eorum dederunt, Zacchias, Ammannus, Valentinus, Zittmannus, Frid. Hoffmannus, Libellus, qui inscribitur: *Ars faciendi rationes chirurgicas*, gallice, & Blegnius de eodem argumento.

XIII.

De *fracturis & luxationibus*: Paraeus, Aquapendens, Hildanus, Verduc in peculiari volumine de fracturis & luxationibus; Le Clerc in ^{Qui de fra-} *Ostelogia*; Petit, ars curandi morbos ossium, gallice; Palfynus, belgi- ^{curis &} *ce*. De *fracturis cranii*: Hippocrates, Celsus, Carpus, Cortesius, ^{luxationi-} Paw, & qui de vulneribus capitis scripserunt, supra nominati. ^{bus.}

XIV.

De *tumoribus*: Ingrassias, Fallopius, Arantius, Saporta, M. A. Se- ^{De tumori-} verinus, Schelhammer, Calvus, Maubec, gallice. De *suppuratione*: La- ^{bus & ulce-} zerne; de *abscessibus*: Severinus. De *carbunculo & bubone pestilen-* ^{ribus.} *tiali*: Fallopius, Gemma. De *oedemate & scirrho*: Harris; de *tumori-* *bus artuum fungosis*: Slevogtius. De *gangraena & sphacelo*: Hildanus, Koenerding, Harris. De *ambustionibus*: Hildanus. De *cancro*: Alliot, Gendron, Helvetius, Harris, & inter antiquiores, Textor. De *ulce-* *ribus*: Tagaultius, Bologninus, Fallopius, Aquapendens, Verduc, Le Clerc. De *carie ossium*: Petit. De *spina ventosa & Paedarthroco-* *sti* Severinus, Pandolphinus, Marchettus, & Waltherus germanice.

XV.

De *operationibus chirurgicis* generatim prae ceteris legi merentur Cel- ^{De operat.} sus, Aegineta, Paraeus, Fabr. ab Aquapendente, Solingen, Nuckius, ^{chirurg.}

Verduc, Vauguion, Charriere, Dionis, Palfynus, Massierus, Garengot, Marinus.

XVI.

de Venae-
sectione &
affinibus.

De *Venesectione* speciatim praeter quamplurimos alios scripsit Botallus, P. P. Magnus, Schmid, Jondot, Verna, Mellius, Crone, Harris. De *aneurysmate*: Bartholinus, Hornius, Harris. De *chirurgia infusoria*: Major, Ettmullerus, Elsholzius; de *chirurgia transfusoria*: Lowerus, Sturmius, Santinellus, Manfredus, Mercklinus, Purmannus.

XVII.

De iis,
quae in mul-
tis partibus
sunt.

De *variolarum insitione*: Maitland, Pilarinus, Le Duc, Vaterus, Wreden, Harris. De *cucurbitulis* & *scarificatione*: Celsus, Galenus, Magnus, Botallus, Mannus, Mellus. De *cucurbitularum abusu in febribus putridis*: Aquapendens. De *scarificatione Aegyptiorum*: Alpinus, Stahlus. De *hirudinibus*: Galenus, Magnus, Heunius, Stahlus. De *acupunctura Japonensium*: ten Rhyne & Kaempfferus. De *fonticulis*: Galvanus italice, Glandorpius, Restaurant & Schorerus germanice. Dissertationes de his scripserunt: Albinus, Schelhammerus, Schacherus, Fr. Hoffmannus, Hilscherus, alique. De *cantharidibus*: Geyerus, Albinus, Wedelius. De *vesicantium usu*: Cajus, Nenterus, Frid. Hoffmannus, Laelius a Fonte, & Hercul. Saxonia de *phoenigmis*. De *cauteriis*: Albucasis, Capivaccius, Gavassetius, Severinus, Costaeus, Magnus, Fallopius, Fienus, Bartholinus, Bauhinus, Slevogtius. De *Moxa*: ten Rhyne, Cleyerus, Valentini, Le Temple. De *atheromatibus* & *steatomatibus*: Cortesius, Jo. Langius, Elsholtius. De *Meliceriis*: Hildanus, Sebizius. De *tumoribus tunicatis*: Slevogtius. De *externis e vulneribus educendis*: Bidlous. De *artuum amputatione*: Fienus, Hildanus, Hoffmannus, Hilscherus. De *nova decurtandorum artuum methodo*: Jonge, Verduin, Ruyschius, Koenerdingius, Salzmannus.

XVIII.

De iis, quae
in capite.

De *fonticulo in futura coronali*: Slevogtius. De *Arteriotomia*: Fienus, Severinus, Alpinus, Scheurlus. De *Hydrocephalo*: Cortesius. De *Trepanatione*, & speciatim de ejus difficultatibus: Fienus, Bohnius, Coschwitzius.

XIX.

In oculis.

De *oculorum morbis*: Bartischius, Guillemeau, Read, Coward, Maitre Jean, Kennedy, St. Yves. De *trichiasi*: ego. De *oculorum scarificatione*: Mauchartus, Platnerus. De *fistula lacrymali*: Anellus, ego, Mellius italice, Platnerus. De *suffusione* sive *cataracta*: Maitre Jean, Brisseau, Wolhusius, ego, Widemannus, Marinus. De *Hypopio*: Bidlous in exercitationibus.

XX.

In naso &
ore.

De *Polypo narium*: Glandorpius. De *labris leporinis*: Marinus. De *dentium morbis* & *chirurgia*: Guillemeau, Strobelbergerus, Crone, & nuper

nuper gallice Fauchard in libro: *Le Chirurgien Dentiste. De Epulide & Parulide*: Schelhammerus.

XXI.

De *Laryngotomia*: Cafferius, Moreau, Fienus, Dekkerus, Mona-Collo & vius, Fontanus & Massierus. De *strumis & scrophulis*: Laurentius, ^{pectore.} Browne, Gibs. De *setaceis*: Galvanus, Jo. Francus, Wedelius, Melzgerus. De *cancro mammarum* vide supra de cancro. De *gibbere*: Wedelius.

XXII.

De *paracenthesi* variae prostant dissertationes academicae, ut Mei-Abdomine. bomii, Albini, Slevogtii, Henningeri. De *partu aut sectione Caesarea*: Rossetus, Bauhinus, Doering, Hildanus, Ruleau, Raynaudus, Fienus, Lankischius, Cyprianus, Slevogtius. De *herniis*: Petrus Francus, Geigerus, Le Quin, Launay, Berenger, von Hammen, Widemannus, Harris, Houstoun anglice, Jo. Sermes in libro de *Lithotomia*, variaeque disputationes academicae, ac speciatim de *hernia incarcerata*, Mauchart; de *crurali*, Kochius; de *enteroceles*, Rolfincius, Petermannus; de *sarcocoele*, Marinus; de *hydrocele*: idem; & de *kelotomiae abusu tollendo*: ego.

XXIII.

De *Phimosi*, & *Paraphimosi*: Wedelius; de *viis naturalibus clausis*, Wierus; *Partibus genitalibus.* de *atretis*, Wedelius; de *Hypospadiacis*, Lavaterus. De *Catheterismo*, Meibomius, Marinus. De *calculi in urethra*, Marinus. De *caruncula in meatu urinario*, Ferrius, Lacuna, Benevolus; de *fistulis urethrae*, Hildanus, Marchettus, Beckerus.

XXIV.

De *lithotomia*, & speciatim de *magno*, ut vocant, *apparatu*, Marianus ^{De lithotomia.} Sanctus, Hildanus, Toletus, Groenefeld sive Greenefield, Alghisius, Marinus, Callotus. De *apparatu minore sive parvo*, haud pridem Marinus, Italus, qui eum certis in casibus defendit, dum ab aliis omnino rejicitur. De *alto apparatu*: Petr. Francus, Rossetus, Douglassius, Chefeldenus, Middleton, Morandus, Jo. Sermes, Proebischius, & ego. De *methodo Fratris Jacobi*: Meryus, Listerus, Dionis. De *methodo Raviana*: Albinus, Hertius, & Jac. Denysius. De *sectione laterali*: Jac. Douglassius. De *variis lithotomiae methodis*, Pye, Anglus, & Le Dran, Gallus; itemque Schaefferus & Hertius, in dissertationibus academicis, alique. De *turundarum abusu post lithotomiam*: Hildanus. De *punctura vesicae in suppressione urinae*: Marinus, Meyerus.

XXV.

De *arte obstetricia* inter veteres Rupeus, Ruef, Rhodio, Paraeus; ^{De arte obstetricandi.} inter recentiores: Scipio Mercurius, Mauriceau, Peu, Portal, Viardel, Voelterus, Sigismunda, obstetrix Brandenburgica, Deventerus,

Dionis, Mellius, St. Amand, de la Motte, Hoern, Suecus. De *embryulcia* sive *foetus mortui extractione* : Hippocrates, Solingen, Fontanus, & modo laudati scriptores. De *uteri procidentia* : Beckius.

XXVI.

De *ano*. De *clysteribus* : Lanzonus, Schwartzius. De *fistula ani* : Marchettus, Le Monnier, Gladbachius, Bassius.

XXVII.

De *partibus externis*. De *paronychia* : Glandorpius, Wedelius, Albinus. De *tendinum sutura* : Kifnerus. De *clavis pedum* : Wedelius. De *Chirurgia curtorum* : Tagliacotius, Salzmannus.

XXVIII.

De *fasciis*. De *fasciis chirurgicis* : Galenus, Vido Vido interprete, cum figuris; Verduc libro de *fasciis gallice*, & Solingen: omnium vero optime Le Clerc, Appareil commode, & Bassius germanice. De *Laqueis & machinamentis chirurgicis* Oribasius & Scultetus videri possunt.

XXIX.

Observatio-
num scripto-
res. *Observationum chirurgicarum scriptores* optimi sunt : Paraeus, Hildanus, Scultetus, Marchettus, Tulpius, Meekeren, Roonhusius, Lambswerdus, Ruyschius, Bellostius, Purmannus, Saviardus, de la Motte, Chabert, Le Dran.

XXX.

Miscella-
nei. De *praecipuis artis chirurgicae controversiis* scripsit Fienus. De *chirurgia vel chirurgo militari* : Franc. de Roma, Muraltus, Schmid, Tassin, Purmannus, Bellostius, Abeille; de *chirurgo pestilentiali*, Purmannus; de *anatomia chirurgica*, Genga, Chefeldenus, Palfynus. De *medicamentis chirurgicis* : Hollerius, Pigraeus, Wurtzius, Hildanus in *cista militari*, Ettmullerus in *chirurgia medica*, Le Clerc, Verduc in *lib. de fasciis*, & Bellostius in *pharmacia chirurgica*. *Instrumenta chirurgica* prae ceteris delinearunt Albucasis, Andr. a Cruce, Hildanus, Guillemaeus, Fabric. ab Aquapendenté, Scultetus, Solingenus, Massierus, Dionis, ego, & tandem Garengot.

XXXI.

Linguarum
peregrina-
rum notitia
chirurgo
necessaria. Ceterum quando pleraque praestantissimorum fere chirurgorum monumenta non tam vernaculo, quam potius latino, gallico, anglico, aliove peregrini sermonis genere consignata extant, vel hodiernum prodeunt; facile, arbitror, apparet, mirum quantum utilem, imo vero prope necessariam strenuis chirurgicae artis cultoribus esse accuratorem istiusmodi linguarum, inprimis vero latinae atque gallicae, peritiam : utpote sine qua parum aut nihil ex aliorum insignium viro-
rum inventis proficere poterunt. Si qui vero sunt latini sermonis notitia, quantum satis est, instructi, his ego, ut dissertationes quoque de rebus
chirur-

chirurgicis academicas quotannis prodeuntes sibi comparent, auctor fuerim. Praeterquam enim quod exigui coëmendis illis sumtus sufficiunt, diffiteri haudquaquam possum, reperiri in illis non paucas, quae novas prorsus easdemque egregias observationes, nova item instrumenta, nova prorsus artificia (encheirises graece dicimus) novas denique sanandi rationes, & quae sunt alia hujusmodi in grandioribus voluminibus non semper obvia, comprehendunt.

XXXII.

Haecenus de Chirurgicae natura, scopo item, subsidiis ac fatis stricte differuimus: progrediendum nunc quoque est ad *ejusdem divisionem*: quae vero apud diversos auctores valde est diversa. Enimvero non desunt inter chirurgicae professores, qui *sex* artis hujus partes constituendas esse statuunt, quibus totam chirurgicam absolvi posse putant, easdemque graecis singulas nominibus insignitas. Cujusmodi nimirum sunt: 1) *Synthesis*, 2) *Diaeresis*, 3) *Exaeresis*, 4) *Aphaeresis*, 5) *Prosthesis* & 6) *Diorthosis*. Contra vero alii *quinque* tantum, alii *quatuor*, alii *tres*, alii denique non nisi *binas* ex his partibus ad comprehendenda singula Chirurgicae artis capita necessarias esse contendunt. Verum quia hic nominibus ii, qui graeca ignorant, facile turbantur, nec omnia sub iis recte comprehendere possunt, ea hodie, ubi res magis quam nomina sectamur, minus commoda, minusque necessaria esse, imo abolenda potius, quam artis chirurgicae tironibus, quippe a Graecorum lingua plerumque alienis, magnopere commendanda atque inculcanda videntur, quia frustra iis memoriam defatigarent. Sed visum denique aliis etiam fuit chirurgicam omnem in *quinque* partes distribuere; quarum prima de *vulneribus*, altera de *ulceribus*, tertia de *fracturis*, quarta de *luxationibus*, & quinta de *tumoribus* tractare debeat. Quamquam ne vel hanc etiam chirurgicae artis divisionem aptam satis esse atque accuratam existimo, ut universa haec ars sine confusione hac ratione doceri aut disci queat.

XXXIII.

Quapropter, meo quidem judicio, praestat chirurgiam in tres sequentes partes dispescere: de quibus certus sum, totam hanc artem apto ordine atque perspicue proponi posse. Quarum prima, PENTATEUCHUS a quinario capitum numero FABRICIO AB AQUAPENDENTE dicta, de *frequentissimis corporis humani noxarum generibus* tractat; atque ita quidem, ut sigillatim quinque sectionibus sive libris exponatur 1) *de vulneribus*, 2) *fracturis*, 3) *luxationibus*, 4) *tumoribus*, atque 5) *ulceribus*. Pars altera dispicit de vulgo sic dictis OPERATIONIBUS vel CURATIONIBUS CHIRURGICIS, quae peculiare saepiusque difficiliore artes requirunt, explicatis simul singulis corporum morbis a capite ad calcem, qui manu curandi, & parte prima commode satis explicari non potuerunt. Tertia deni-

denique parte acturi sumus de FASCIIS CHIRURGICIS, atque ita quidem, ut, qua ratione singulae non confici solum, pro ipsa membrorum ac morborum indole, sed applicari etiam pro aegrotantium salute possint ac debeant, luculentissime, quantum fieri potest, perspiciatur. Tametsi enim neglecta plerumque sit in scriptorum chirurgicorum libris de fasciis Chirurgicis tractatio, apprime tamen ubivis propemodum necessaria deprehenditur. Incidunt enim subinde, ut supra jam tum observavimus, istiusmodi mala, luxationes v. c. fracturae, sanguinis profusiones, herniae, quibus succurri vel solis etiam fasciis potest; quum sine his vel ancipites vel desperatissimae etiam illorum curationes sint. Accedit, quod per aptam nitidamque fasciarum applicationem non suae tantum apud alios, praesertim spectatores, famae atque existimationi, sed & vel maxime aegrorum fiducia, cujus mira plerumque ad sanitatem vis est, haud parum consulere chirurgus queat.

XXXIV.

*Quam docen-
di scribendi-
que ratio-
nem auctor
sequatur,
exponitur.*

Sed ne quis tandem ignoret, qua via in exponendis singulis istis chirurgicae doctrinis incessem, haud abs re fuerit, ipsam tractationis rationem breviter hic describere. Nimirum ut illi, qui hanc artem addiscere volunt, de rebus quibuscunque chirurgicis debitam notitiam sibi comparent, non sola tantum artificia seu chirurgorum encheirises describam, ut varii fecerunt, missis eis, quae ad naturam morborum, victum & medicamenta pertinent, quasi haec chirurgo scitu non essent necessaria, & in chirurgia doceri non debeant; sed potius ut in quocunque morborum genere, quantum quidem fieri poterit, luculentissime exponam, 1) quaenam propria morbi istius natura atque indoles sit; deinde 2) quaenam corporis partes in hoc vel isto morbo afficiantur; tum 3) signa quoque pro morbis rite cognoscendis, eorumque divinandis eventibus, declarabo; utpote quae ad vulgo sic dictam & diagnosin & prognosin medicorum requiruntur; porro 4) sollerter ubivis praecipua eademque aptissima instrumentorum chirurgicorum genera indicabo, prouti quidem ea ipsa magnitudine ut plurimum naturali aeri incisa hic repraesentantur, inque scholis meis chirurgicis ad oculum demonstrantur. Denique 5) edocebo, non solum, qua ratione ipsae operationes chirurgicae quam optime institui queant ac debeant; sed tandem postremo etiam, 6) quomodo, operationibus peractis, aegri corporis membra quam aptissime deliganda, iustaeque victus ratione medicamentisque sic fovenda sint, ut aegrotantibus, quantum fieri potest, celerrime, tutissime, sed & jucundissime sanitas pristina restituatur.

XXXV.

Instrumentorum notitia commen-

Diximus supra, (N. V.) chirurgum praeter ipsas manus variis instructum esse debere *instrumentis*: quae probe omnino nosse debet is, qui


qui recte iisdem uti in morborum curatione voluerit. Igitur quo facilius ac felicius nostrum instituere chirurgum queamus, operae utique pretium erit, vel ipsorum etiam mechanicorum atque artificum exemplo, de maxime necessario instrumentorum chirurgicorum apparatu breviter ante differere, quam de ipsa eorundem applicatione fucimus solliciti. Quamquam autem diffiteri nolim, pleraque chirurgorum instrumenta passim jam tum in ipsorum monumentis delineata reperiri; tamen neque illud etiam dissimulare possum, esse quamplurima in iisdem (paesertim cum primum chirurgiam meam Anno 1718 ederem) vel obsoleta atque minus apta, vel prorsus etiam omissa. Igitur istiusmodi opus videbatur esse instrumentorum chirurgicorum supellectili, quae non recentissime solum adinventae, sed ad usum etiam quammaxime accommodatae, nihil immutatis singulorum magnitudinibus, si paucissima excipias, comprehenderet. Cujusmodi quidem supellectilem an nostrae tabulae suppeditent, aliorum esto iudicium. Id certe operam dedimus maximam, ut chirurgicae tirones taediosissimo illo varia ex variorum libris instrumenta conquirendi labore levaremus, atque usitatissima & optima unico libro exhiberemus; sed & passim quoque illa sisteremus instrumenta, quae vix ac ne vix quidem in aliorum libris, qui ante meum prodierunt, reperire liceat. Cum vero postea GARENGEOT librum gallicum de instrumentis chirurgicis ediderit, in quo varia adhuc nova aut correctae, haud paucae vero magnitudine valde immutatae delineavit, quae facile & tirones & artifices, qui ea imitari volunt, fallunt, praecipua quidem inde & in hunc librum transtuli; attamen, quantum ob tabulas nostras licuit, pleraque naturali magnitudine exhibui, ita, ut melior usui sic esse queant, quam ipsius hujus auctoris figurae. Interim quum instrumenta ipsa, quam instrumentorum delineationes conspexisse praestet, in illam utique curam incumbendum chirurgiae studiosis est, ut nullam selectiorum & cumprimis novorum instrumentorum chirurgicorum contemplandorum praetermittant occasionem. Ego vero in praelectionibus meis chirurgicis omnia atque singula instrumentorum chirurgicorum genera discentibus ob oculos pono, & ut non ipse solum eorundem usus, sed veterum quoque defectus, recentiorumque vel emendatorum praestantia singulis innotescant, curate expono.

XXXVI.

Ante omnia vero designanda nobis jam ea videntur esse instrumenta, & quidem omnia magnitudine sua consueta, quae propter frequentissimum in curationibus chirurgicis usum inprimis scitu necessaria esse, ideoque ab hodiernis chirurgis peculiari capsulae inserta ubicunque circumferri adsolent: unde *portatilia* vulgo vocari solent. Spectant huc primo loco ea, quae *Tab. I. sub lit. A. & B.* exhibentur, *scalpellum* nempe minus & majus; vulgus *lancettas* sive *lanceolas*, Galli *lancettes*,
Pars I. eadem

eadem nominant. Serviunt eadem, praesertim minora, venis incidendis, quare *phlebotoma* Graecis vocantur; sed & abscessibus aperiendis, inprimis majora; ideoque Gallis etiam *lancettes à l'abcès* appellari consueverunt. *Lit. C.* *forficem* eundemque *rectum* indicat, variis usibus accommodatum: quanquam & majores & minores etiam hujusmodi forfices domi in promptu habeat chirurgus necesse est; utpote quibus subinde opus est in variis diversorum morborum curationibus. *Lit. D.* *forficem curvum* exhibet, in fistulis aperiendis itemque aliis etiam in casibus perquam utilem. *Lit. E.* *volsellam* eandemque *denticulatam* monstrat; utpote qua in detrahendis a vulnere atque ulcere linamentis aut emplastris, nec non in festucis atque id genus aliis rebus extrahendis, itemque in variis rebus apprehendendis, ipsisque sectionibus anatomicis chirurgi commode utuntur. E ferro confici plerumque solent istiusmodi volsellae, sed nitidiores fere sunt, quae ex argento scite conficiuntur. *Lit. F.* scalpelli repraesentat, quod *novaculam* plerique appellant. *Lit. G.* sistit *scalpelli rectum*; *H.* *scalpelli curvum, falcatum* sive *lunatum*; *I.* denique *scalpelli rectum* idemque *anceps*. Sub *lit. K.* *specillum* exhibetur, *une Sonde* Gallis nuncupatum: cujus alterum extremum planum fere est & tenue, pro investigandis cranii ossium fissuris, aliisque usibus; alterum vero teres, & globulo in apice munitum, pro explorandis scilicet vulnorum atque ulcerum viis: quibus ipsis etiam usibus inservire potest specillum *lit. L.* propositum. Nitidissima sunt, quae ex argento construuntur specilla; tametsi etiam ex ferro, ebore vel balaenae ossibus confici soleant. Quod *lit. M.* designatur *specillum sulcatum*, Gallis *Sonde creuse*, aliis *director* sive *conductor* dici solitum, propterea quod scalpelli aut forficis aciem in fistulis sinibusve incidendis dirigat sive ducat, ne scilicet vasa subjacentia, nervi, tendines, aliaeve partes integrae laedantur. Ornamentum superius pro manubrio est: quod ipsum quandoque etiam vel cochlearis formam (*indice Lit. N.*) induit, pro adspargendo vulneribus, ulceribus uvulisque pulvere, aliove medicamento; vel etiam furculae instar, in freno linguae incidendo idoneae: cujus figuram sistit *Lit. O.* Neque vero praetermittenda hoc loco videtur *spatha*, (*vid. lit. P.*) deprimendae linguae, variisque tonsillarum, uvae ipsius, denique oris vitiis explorandis, ut & linguae elevandae, dum frenum ejus incidere volumus, ob rimam, quae in suprema parte insculpta est, accommodata, proindeque ex argento potius quam ex alio metalli genere conficienda. Hujus ad similitudinem aliquomodo accedit *spatula* utraque (*lit. Q. & R.*) emplastris nimirum & malagmatibus seu unguentis linteis inducendis ut plurimum, quandoque tamen etiam fractis calvariae ossibus elevandis extremo suo sulcato serviens. Spectant huc etiam ultimo loco variae *acuum* & *rectarum* & *curvarum* species, vulneribus suendis, arteriis laesis ligandis, pluribusque aliis usibus dica-





dicatae; quarum tres diversae figurae curvae demonstrant *lit. S. T. V.*

XXXVII.

Haec de instrumentorum chirurgicorum maxime necessariorum apparatus dicta sufficiant: progrediendum nunc quoque ad alia est, quibus, tanquam rebus in curatione chirurgica valde necessariis, nunquam non instructum chirurgum nostrum velimus. Pertinent huc *praecepta* ^{Quibusnam medicamentis instructus semper debeat esse chirurgus.} *quaedam medicamentorum genera*: cujusmodi, e. c. sunt *unguentum digestivum* vulgo appellatum, *unguentum Aegyptiacum*, aut *fuscum WURTZII*, pro mundandis sive abstergendis vulnerum ulcerumque fordibus; tum *balsamum* aliquod *vulnerarium*, ARCAEI v. c. Samaritanum, Peruvianum, Copayvae, de Meccha, aliudve simile quodlibet, quorum multa prostant. His adjungendum quoque porro est unum alterumve emplastrum, diapalmae v. c. diachylum aut stypticum CROLLII, utpote quorum amplissimus ubique ferme usus est. Neque vero deesse chirurgis unquam debet *vitrioli coerulei* frustulum aliquod, ad exedendas nempe carnes luxuriantes sive crescentes, sanguinis item profusiones cohibendas. Vitriolum ubi defuerit, adhiberi ejus loco poterunt ad carnes inutiles exedendas *alumen ustum*, *mercurius praecipitatus ruber*, *lapis* item *infernalis*, seu aliud quodcunque medicamentum corrodens, quod & pro excitandis fonticulis, aperiendis abscessibus, & si quae sunt alia hujusmodi, usui esse potest. Sed in promptu quoque semper chirurgus habeat certam aliquam *linamentorum*, quae vulgo *charpie* vocant, portionem, ut scilicet, omni cunctatione abjecta, celeriter succurrere vulneratis queat; utpote quos nimia sanguinis profusio, si quando chirurgus imparatus accederet, extinguere facili negotio poterat. Quae ipsae quidem rationes etiam atque etiam nos movent, ut a *fasciis* quibusdam nunquam prorsus vacuum chirurgum nostrum exoptemus.

XXXVIII.

Dictum superius est, (N. II.) illos cum primis laudabiles sese chirurgos ^{Virtutes chirurgi quae nam sint.} praestare, qui manuum instrumentorumque potissimum adminiculo corporis humani morbis promte mederi possint. Jam qualia sint in instrumentis imo & medicamentis illis praecipua, haecenus equidem declaravimus. Itaque nunc illud exponendum adhuc restat, qualibus nimirum quibusve virtutibus instructus esse debeat chirurgus, si quidem officio suo satis omnino facere voluerit. In primis vero corporis certa agilitas animique constantia qualis in chirurgo requiratur, elegantissimis, prouti quidem solet, verbis, exposuit CELSUS: (a) *Esse*, inquit, *chirurgus debet adolescens*, aut ^{1. Corporis agilitas.} *certe adolescentiae propior*; *manu strenua, stabili, nec unquam intremiscente*, *etque non minus sinistra quam dextra promptus*; *acie oculorum acri, claraque*; *animo intrepidus, immisericors, sic, ut sanare velit eum, quem accepit, non* ^{2. Animi constantia.} *ut clamore ejus motus, vel magis, quam res desiderat, properet; vel minus,*

C 2

quam

(a) Vid. Lib. VII. praefat.

quam necesse est, secet : sed perinde faciat omnia, ac si nullus ex vagitibus alterius affectus oriretur. Interim tamen ita se gerat velim, ut nihil temere, nihil crudeliter agat, neque aegris citra necessitatem dolores excitet. Inprimis vero operam det, ne, quantum in se est, sua culpa, metu aut temeritate aegrotantibus damnum inferat.

XXXIX.

3. Sufficiens
anatomicae
medicaeque
artis scien-
tia, adjuncta
simul pru-
dentia.

Neque vero binae istae, quarum mentionem nunc injecimus, virtutes ad excellentem chirurgum sufficiunt; sed insuper aliae quoque, a CELSO hic praetermissae, apprime utiles videntur esse atque adeo necessariae. Sic enim nemo facile excellere in arte chirurgica poterit, nisi qui insigni quoque rerum anatomicarum & medicarum scientia, excellentique praeterea ingenio praeditus deprehenditur. Siquidem his maxime dotibus efficiatur, ut non singulas solum verasque morborum causas & circumstantias sagacissime pervestigare, sed & optimam medendi viam, atque commodissima quoque instrumentorum genera seligere, vel, ubi opus fuerit, nova ac meliora excogitare felicissimeque applicare queat. Quum e contrario illi, qui his chirurgicae principiis aut virtutibus destituuntur, nunquam boni evadent chirurgi, sed pestilentissimos ut plurimum, quin & capitales quandoque errores in curationibus suis admittent.

XL.

4. Frequens
in nosocomiis
exercitatio.

Jactis fideliter solidis ejusmodi, quae jam jam commendavimus, chirurgicae fundamentis, comparatisque laudatis chirurgi boni virtutibus, adjungenda erit professorum institutis scriptorumque lectioni *exercitatio*. Itaque strenui chirurgicae cultores in eam praecipue curam incumbant, ut praeter aegros & curationes, quos hinc inde videre possunt, majora illa, tum in castris, tum in amplioribus quoque civitatibus obviam passim nosocomia, quam fieri potest, solertissime frequentent. In his enim quum magnus plerumque reperiatur aegrotantium numerus, qui manuum auxilio indigent, mirum videri haudquaquam debet, si quis probe in iisdem versatus vel intra unius etiam anni decursum plura morborum vulnorumque, sed & curationum genera perspiciat atque cognoscat, quam cognoscere alias aliis in locis per omnem vitam suam vix ac ne vix quidem potuisset. Sed quo felicius in publicis ejusmodi chirurgorum gymnasiis chirurgicae candidati proficiant, observandum illis solertissime semper est, quae morborum genera, qua ratione, quibusve artificiis, quo denique successu ab ingeniosis longoque harum rerum usu exercitatis magistris tractentur. His ipsis observationibus quasi praeparati, magistrorumque consiliis adjuti, ipsimet etiam tandem, primo cadaveribus humanis, ac deinde, qua data occasione, manum aegris corporibus diligenter admoveant. Valet enim utique hic

hic tritum illud : non lectione , non meditatione , non disputatione , sed *usu fieri artificem & magistrum.*

XLI.

Tandem ut ne qua forte ipso adspectu fastidium aegrotantibus , iisque ^{5. Urbanitas & mundities.} interdum delicatioribus , principibus puta , nobilioribusque aliis , vel horrorem etiam chirurgus adferat , cavendum sollicitè est , ne quid agreste in moribus , sordidumque in vestibus eluceat. Morum enim elegantia & urbanitas quemadmodum alias semper fere ad honestiorum virorum benevolentiam conciliandam faciunt ; sic & vel maxime in morborum curationibus illud praestant , ut aegrotantium animi non mediocrem de sui corporis salute in chirurgi prudentia positam spem , cuius mira plerumque efficacia est , concipiant.

XLII.

Atque istis quidem principiis , istis virtutibus atque experimentis rite ^{Chirurgi officia apud aegros consistunt in eo , ut} imbutus & quasi praeparatus chirurgus confidentissime jam morborum curationes aggredi poterit. Quas ipsas vero ut felicissime semper , quoad ^{(a) Morbum ipsum prius exploret.} ejus fieri potest , absolvat , danda etiam atque etiam opera est , ut , quae propter ipsam artis suae professionem injuncta sibi esse novit , officii exactissime satisfaciatur. Simulatque nimirum opem rogatus ad aegrum accesserit , percontari ante omnia , bene sic praecipiente HIPPOCRATE , vel ex aegri familiaribus , vel ex ejus domesticis , vel denique ex ipso aegro debet , *quid patiatur* ; quidve inprimis doleat ; deinde qua de causa , & quamdiu jam malum duraverit. Quin ipsemet , nisi forte aliud quidpiam obstiterit , aegram corporis partem circumspectat , curateque simul omnia , quae vel audit , vel vidit , perpendat , quae morborum causis atque indoli detegendis inservire quodammodo possint , ut sic ad veram morbi cognitionem perveniat.

XLIII.

Explorato jam isthac ratione aegrotantis morbo , disquirendum pro- ^{(b) An & quomodo curandus sit , perpendat.} tinus solerter est , cuinam praecipue morborum classi accensendus idem sit , seu , quod perinde est , num forsitan insanabilis sit , nec ne ; sanabilis autem ubi fuerit , difficiliorem habeat , an promptiorem curationem : possitne medicamentorum beneficio adhuc curari , an ferrum in manus postulet. Tutior enim leniorque via , ut rectissime de Medicis pronunciat CICERO ^(a) , periculosioribus reliquis merito praeferenda , lenissimaque tentanda semper prius sunt remedia ; ne scilicet aegrotantes doloribus praeter necessitatem discrucientur , vel in ipsum etiam vitae periculum temere conjiciantur. Gravioribus autem morbis periculosae etiam & ancipites saepe sunt adhibendae curationes. Peccant igitur , & gravissime quidem hic peccant illi , qui pessimo circumforaneorum

C 3

exem-

(a) Lib. I. de Officiis cap. 24.

exemplo, quoslibet continuo homines, hernia laborantes, nulla prorsus aetatis illorum aut corporis ratione habita, periculosis admodum, imo vero mortiferis quandoque per scalpellum curationibus submittunt, quum tamen maxima eorum pars longe mitiori via & tractari & curari potuisset atque adeo debuisset (a). Quodsi autem gravem metum subesse, proindeque aegrum fervari penitus haud posse, chirurgus intellexerit, indicare praesentissimum vitae periculum, vel aegro, vel quod saepe melius, familiaribus, quam dissimulare consultum magis esse videatur; ne scilicet, si victa ars malo fuerit, vel ignorasse vel etiam fefellisse idem existimetur.

XLIV.

(c) *Tempestive, sed circumspecte tamen ipsam curationem suscipiat.*

Quodsi vero sanabilem utique morbum esse chirurgus cognoverit, sed tamen ejusmodi, ut medicamentorum vires superet, ferrumque desideret; tum id quoque tempestive declarandum aegrotantibus est, iisdemque dictam curandi viam approbantibus, aut saltem non renuentibus, ipsa curatio quamprimum prudenter suscipienda. Non enim illud solum curare chirurgum oportet, ut morbi saevitia, doloresque opportune imminuantur; sed & vel maxime id quoque providere, ne, si forte periculum in mora est, propter ipsam chirurgi cunctationem, graviores morbi sensim sensimque ingravescant, vel prorsus etiam insanabiles evadant. Contra vero in morbis curatu difficilioribus, ubi non tam in mora, quam potius in ipsa curatione, propter abditas illorum circumstantias, periculum est, tum demum optime sibi ipse non minus quam aegro chirurgus prospicit, quando simul alios salutaris artis peritos, & medicos & chirurgos in consilium adhibet, quibuscum de vera morbi natura recteque instituenda curationis optima ratione deliberare prius queat, quam ferrum ad aegras corporis partes applicet. Namque hac ratione cavetur, ne forte conjectura vel audacia sua, praesertim in personis splendidioribus, chirurgus periclitetur, vel culpa alicujus erroris aut nimiae festinationis, si res forte male cedat, ipsi adscribi queat, vel imprudenter etiam occidisse, quos forsan

(a) Spectat huc, mea quidem sententia, illius circumforanei vel agyrtae exemplum, qui herniae non usque adeo periculosa curationem in puerulo, sex circiter annos nato, sectionis sed & castrationis beneficio tentaverat. Ex quo quum egomet, absentibus arbitris, quaererem, quare praeter necessitatem periculosa adeo sectionem tentaverit, & cur non vinctura sive fascia potius idonea ipsum curasset, quum tamen omne istud malum commode satis hac ratione in tenera ista aetate tolli potuisset? tum is ingenue confitebatur, se lucri ergo id fecisse, atque alias etiam facere: fasciam enim ab aegrotis vix unico nummo unciali, sectionem vero decem, viginti, pluribusve interdum redimi. Sed istiusmodi circulatorum mores valde iniqui atque adeo impii sunt: siquidem aegrorum saluti pessime sic consulitur. Quod ipsum paulo post in misero quodam rustico dictus antea circulator luculenter demonstravit, utpote quem isthoc solemni suo incidendi artificio crudelissime interfecit. Conf. Dissertat. nostra de *Kelotomiae abusu tollendo*.

forſan non ſervavit, neque ſervare potuit, videatur. Quod ipſum quoque permovere ſemper chirurgum prudentem debebit, ut, quibus forte imparem ſeſe eſſe intellexerit, periculoſas, difficiliores atque ancipites curationes, peritioribus iisdemque exercitioribus chirurgicae profeſſoribus, ſi haberi poſſint, committat.

XLV.

Singulis ita jam circumſpectis, praeparanda ſollertiſſime, priuſquam ipſa operatio ſuſcipiatur, omnia ſunt, quae vel ad incisionem, vel ad deligationem, vel ad quamcunque demum aliam actionem neceſſaria videntur. Sed iſta quidem apparatus atque instrumentorum praeparatio non in aegri conclavi, aut aegris ipſis, praefertim ſi aliquanto molliores iidem fuerint, reſpicientibus fiat, ne ſcilicet illarum rerum conſpectu intempeſtivo terrore correpti, vel nimium quantum a chirurgi manu ſibi metuant, vel facilius animi deliquium patiantur, atque ſic ipſas chirurgi actiones, non ſine ſuo ipſorum damno, turbent. Eandem quoque ob cauſſam arcenda ſemper ab aegris, praefertim timidioribus, nimia ſpectatorum cumprimis inutilium turba eſt. Praeterquam enim, quod iſtiusmodi aegris ſpectatores quaſi totidem carnifices appareant, vel eam quoque ob cauſſam moleſta ſolet eſſe nimia iſtiusmodi adſtantium multitudo, quod verendum plerumque ſit, ne, vel, ob interceptum lumen, vel ob nimiam loci anguſtiam, ipſum chirurgum impedian, quo minus ex ſententia uti ſuis artificiis queat. Ut nihil nunc de eo dicam, poſſe quandoque ſumma inde provenire damna, ſi ſcilicet chirurgus in ſupprimendis v. c. ſuffuſionibus, paulo imprudentius ab alio vel urgeatur vel impellatur.

XLVI.

Ad operationem ſive curationem ipſam ubi procedendum eſt, animuſque ſemper, quibuſcunque demum modis poteſt, *miferis aegrotantibus addere ſtudeat chirurgus*, blandiſſimis nempe verbis pollicendo, ſe, quantum quidem fieri poteſt, celerrime mitiſſimeque ſingula effecturum. Igitur *feſtinandum omnino in curationibus eſt, ſed lente tamen ac provide*; quemadmodum ſupra jam tum (N. XXXVIII.) indicavimus. His enim rationibus inprimis cavetur, tum ut ne diu nimis torqueantur, tum etiam ut immunes a damno praestentur aegrotantes. Quin & ipſe chirurgus eam reportare hinc ſolet laudem, quod opinione citius, blandius ac prudentius ſingula confecerit (a).

XLVII.

Peraſta jam, quae ad levandum corporis morbum neceſſaria videbatur, operatione, tantum abeſt, ut penitus ſeſe expleviſſe munus ſuum chirurgus

(a) Spectant huc quodammodo ea, quae CELSUS affert L. III. cap. 4. in principio; ubi *Aſclepiades* dicit, *officium Medici eſſe, ut tuto, ut celeriter, ut jucunde curet.*

d) *Inſtrumentorum neceſſarium apparatus rite prius praepararet.*

(e) *Animum aegris ſemper addat, feſtinetque in operat. ſed lente.*

(f) *Post operationem vulnus deli-*

get, novisque chirurgus existimet, ut potius de aliis etiam, si quae reperiri forte
malis occur- possunt, salutis praesidiis summopere sit sollicitus. Sic enim ex causa
rat. cohibendum, quoties aegrorum status id postulat, sanguinis profluvium
est, vulnus solertissime deligandum, laesumque corporis membrum situ quam
maxime commodo deponendum, ac denique circumspēcte semper pro-
videndum, ut non nova solum, quae adventare forte poterant, mala
tempestive avertantur, sed ipsa quoque sanitas quam primum aegris
restituatur.

XLVIII.

(g) De diae- Igitur de justa quoque victus ratione, aere item salubriori, commodissimo
ta aegris denique conclavi diligenter aegrotantibus prospicere chirurgus debet; requiem
prospiciat. vero & patientiam ita semper illis commendare; ut & omnem animi
aegritudinem abjiciant, &, si quae porro etiam suscipiendae chirurgo
incisiones aliaeve actiones salutares sunt, haud iniquo animo easdem
admittant. Eandem ob causam id quoque cavendum sollicite videtur,
ne istiusmodi quidpiam aegris objiciatur, quod perturbare illorum ani-
mos iracundia, terrore aliisque id genus affectibus gravioribus queat.
Si quid enim aliud, animi certe perturbationes corporis saluti morbo-
rumque curationibus inimicissimae sunt.

XLIX.

(b) Visitatio- Tandem illud quoque providere, quantum quidem potest, prudens chi-
nes nimias rurgus debet, ne scilicet nimiae sint aegrorum ab amicis, nedum ab inimicis
impediat. atque odiosis hominibus visitationes sive salutationes. Verendum enim
hic est, ne sermonibus ultro citroque missis, vel quies ipforum turbe-
tur, vel etiam maxime, si morbis aliquanto gravioribus decumbant,
laesa corporis membra justo magis defatigentur. Interim tantum
abest, ut omni amicorum aliorumve hominum jucundorum ac festivo-
rum convictione aegrum interdictum velimus, ut potius magno ean-
dem opere commendare sustineamus. Hujus enim beneficio aegro-
tantium animi sensim sensimque a dolorum molestiarumque memoria
abstrahuntur, subindeque reficiuntur. Tametsi, quod iterum iterum-
que monendum hic ducimus, audiendo potius, quam loquendo tem-
pus suum fallere ipsi debeant.

L.

(i) In prae- Denique tametsi artem conjecturalem medicinam CELSUS (a) quon-
fagiendo & dam appellavit; tamen illud quoque monendum hic restat, circumspe-
promittendo & de admodum & caute in his ipsis conjecturis ac divinationibus suis, vel,
circumspēcte quod perinde est, in praesagiendis morborum eventibus versandum chirurgo
admodum esse: ne scilicet, agyrtarum more, vel morborum quorumcunque, li-
sefe gerat. cet insanabilium, vel sanabilium etiam feliciorem promptioremve, quam
ipforum indoles permittit, curationem spondeat. Si qui enim in ejus-
modi

(a) Vid. praefat Lib. I. pag. 13. edit. Almelov.

LI.

(a) Vid. Lib. V. cap. 26.

(b) Ibidem.

vesicae calculis, similibusque aliis membrorum noxis detegendis. Deinde *ures* etiam adhiberi non incommode in cognoscendis quibusdam morbis possunt, imò vero debent. Ut enim nihil nunc de eo dicam, vel ex solis etiam aegrorum, aut, qui horum curam gerunt, necessariorum relationibus morbos eorumque causam & naturam quandoque disci; nihil de eo, stridorem ossium, auribus perceptum, eorundem fracturas sine omni prorsus fallacia significare; in detegendis certe, si quae forsan in vesica delitescent, calculis usque adeo insignis aurium solet esse usus, ut, nisi strepitus, specillo in vesicam immisso, atque ad lapideam materiam allidente, excitatus, eosdem proderet, nunquam fortasse satis certi de calculorum praesentia redderemur. Denique in dignoscendis morbis quibusdam prope necessarius quoque deprehenditur esse *odoratus*. Hujus enim beneficio vulnus vel ulcus putridum & impurum a puro dignosci facillime potest; ita & in partu difficili ac diuturno ex insigni foetore, quem foetus adhuc in utero haerens emit, certi reddimur, foetum non amplius vivere, sed jam mortuum esse: id quod sine foetore hoc vix unquam certe cognoscere possumus. Simili prorsus ratione odoratus quoque facit ad faciliorem cariei ossium, canceri exulcerati aliorumque his vicinorum morborum diagnosin, peculiarem omnino odorem exhalantium. Qui igitur in morborum exploratione hisce sensuum & instrumentorum adminiculis rite utitur, illum recta eorum cognitio raro deficiet.

LII.

2. Partim
ipsa quoque
ratio.

Sed incidere tamen quandoque casus quidam in chirurgica possunt, imò vero solent, ubi ad dignoscendos morbos neque sensus externi, neque instrumenta sufficiunt; sed *judicium* utique ac *ratio* in consilium diligenter advocari debent, proindeque vera morborum indoles ex variis symptomatibus quasi ratiocinando indagari. Respexisse huc videtur communis ille omnis medicinae parens, HIPPOCRATES, dum *quaecunque*, ait (a), *oculorum conspectum effugiunt, ea mentis oculis obtinentur & superantur*. Sic enim ubi quispiam propter *graviores capitis* vel ex lapsu, vel ex ictu *percussionem*, sed sine omni tamen externarum partium laesione, absque sensu quasi profunde dormiens jacuerit; tum ratio ex his ipsis indiciis statuere facile poterit, partem aliquam capitis interiorem laesam, indeque sanguinis liquidum effusum in cranium esse, cui proinde, quibus fieri illud ipsum commodissime potest modis, si medicamenta parum faciunt, exitus parandus sit. Eadem propemodum ratione se res habet in *empyemate*: quamvis enim hic, praegressa pulmonis, & quae latera intus contegit, membranae, sive pleurae inflammatione, pus in thoracem descendat, sensu tamen externo saepe vix ac ne vix quidem percipi illud ipsum potest; ideoque cum ex praecedenti

(a) In Lib. de Arte.

dent morbo, tum ex praesentibus quibusdam symptomatibus dijudicari & conveniens remedium inveniri debet. Atque sic se res habet variis aliis in casibus.

LIII.

Sed dispiciendum nunc quoque ulterius est de iis rebus, quae ad ^{De necessa-} membrorum *deligationem* inprimis accommodata sunt. Spectant huc ^{rio deliga-} primo loco *linamenta carpta* (a), *Charpie* gallis vocata; siquidem ex lin- ^{tionis appa-} teo, mundo praesertim ac detrito, sive molliori per rasuram discerpto, ^{ratur disse-} aut in filamenta dissoluto, conficiuntur. Ex his ipsis linamentis carptis ^{ritur; &} varia construi a chirurgis solent *glomera*, diversis nominibus, pro di- ^{quidem} verso singulorum habitu, insigniri solita. Sic enim illa, quae ad ova- ^{1. De lina-} tam vel orbiculatam formam quam proxime accedunt, *plumaceola* lati- ^{mentis.} nis barbaris, *Plumaceaux* gallis, propter priscam ipforum ex plumis complicato linteo inclusis constructionem, dici consueverunt. (*Vid. Tab. II. litt. A. & B.*) Quae teretem magis & cylindricam, aut olivarum atque dactylorum nucleis propiorem figuram habent linea *glomera*, *Bourdonets* gallis appellantur; latinè *glomera cylindrica* haud fortassis inepte diceres. Magnitudo illorum varia, ceu patet *ex figuris litt. C. D. E. insignitis*: sic & quandoque filum aliquod circa medium fere illis adnectitur; quemadmodum figurae *litteris F. & G.* notatae luculentissime docent. Utriusque generis *glomera* linea, praesertim priora ista, sicuti affabre atque eleganter contexere illa volueris, peculiarem quandam longoque harum rerum usu acquisitam artem sibi vendicant. Quae cum non pauci destituuntur, inepta valde sunt, quae apud quamplurimos chirurgos vulgares deprehendimus, *glomera*.

LIV.

Glomerum istiusmodi *lineorum*, praesertim *cylindricorum*, varius est usus. *Linamenti* Adhiberi enim ea solent 1) *ad cobibendum sanguinem in vulneribus recen-* ^{carpti usus} *tibus*, atque ita quidem, ut linamenti carpti affatim in ipsum vulnus ^{quotuplex} *farciatur*, antequam fasciis illud ipsum circumcingitur. Quodsi vero ^{fit.} linamenta istiusmodi forte defecerint, frustulis linteolorum siccorum concerptis, rudiorive modo contortis, adimpleri vulnera sanguinisque profusiones eodem, aut forte adhuc meliori effectu suppressi possunt. In sanguinis profluviis vehementioribus liquore styptico, alcohole vini, aut oleo terrebinthinae imbuenda, vel & pulvere adstringente conspergenda prius sunt, quam vulneribus immittuntur: qua de re infra prolixius differemus. Deinde 2) *ad vulnera quoque glutinanda &* *sananda* conferre haud parum solent *glomera* nostra linea; si nimirum digerente quodam unguento, (*digestivum* vulgò dicunt) balsamo sive alio id genus unguento vel liquore vulnerario imbuta rite ipsis insinuantur. Neque vero minor illorum usus est 3) *in vulneribus atque ulceri-*

D 2

bi.

(a) CELSUS Lib. V. cap. XXVI. num. 21.

bus siccandis eaque cicatrice claudendis. Denique 4) apta quoque sunt ad glutinationem sive concretionem oris vulnerum eo usque impediendam, donec imus illorum fundus coaluerit. Tandem etiam 5) apprime necessaria sunt linamenta ejusmodi ad quasvis aeris injurias a vulneribus avertendas. Quae filum adnexum sibi habent glomera linea, (vid. Tab. II. litt. F. & G.) adhiberi ut plurimum solent in vulneribus & ulceribus aliquanto profundioribus, ac prima quidem; quibus alia dein filo neutiquam instructa, ad reliquum vulnere ejusmodi spatium adimplendum, pro re nata, superingeruntur. Siquidem hac ratione non ipsa solum haec linamenta in deligationibus commodissime semper extrahi, sed & vel maxime caveri quoque potest, ne quid forte eorum in imo vulneris sinu abditum remaneat. In vulneribus magnis, & cum primis in femoris aliorumque artuum majorum amputationibus, quae insignem linamenti carpti copiam efflagitant, ea vero non satis ubique, praesertim in castris, saepe prostat, tantum carnem & ossa linamentis contegunt, hisque *stupea*, dein *glomera* paulo majora (*Plumaceaux d'etoupe* gallis appellata) superimponuntur: quorum figuras exhibent litterae H. & I. Tab. II. Quibus prisci quondam chirurgi usi fuerunt, glomera, e spongiis, plumis, lana vel gossypio confecta fuisse legimus: siquidem major apud illos linamentorum fuit caritas. Interim glomera linea reliquis omnibus quam longissime praestant, hodieque fere sola in usu sunt.

L V:

2. De Turundis & linamento carpto confectis, turundemque usu exponitur.

Praeter modo dicta linamentorum glomera, in vulnerum deligationibus quandoque etiam in usum vocantur TURUNDAE (*Tentes* gallis vocatae) atque ex linamento carpto affabre circumvoluto, adinstar clavi cujusdam capitati, parari solitae. Quanquam illarum magnitudo, i. e. longitudo & crassities, pro ipsa vulnerum diversitate, varia est; ceu liquet ex figuris Tab. II. litt. K. L. M. & N. notatis. Praecipuus ejusmodi turundarum usus est in vulneribus atque ulceribus aliquanto profundioribus: siquidem illarum beneficio 1) non medicamenta solum ad intimos vulnerum sinus ac recessus deferuntur; sed 2) impedi quoque potest, ne exteriores vulneris partes prius coeant, quam interior ejusdem fundus sanescere deprehenditur. Accedit denique 3) quod earundem subsidio purgari a cruore aliisque id genus sordibus vulnera quam aptissime queant. Ceterum non ipsis modo vulneribus accommodatae, sed & vel maxime molles sint oportet; ne dolores cum ipso vulnere per easdem ingravescant. Sed ne qua forte ipsa etiam vulneris sanatio per turundas impediatur, sic omnino velim habeant chirurgicae candidati, purgatis jam, quantum satis est, vulneribus, sinibusque illorum sensim sensimque coeuntibus, magis subinde imminuendas turundas, & quamprimum fieri potest, prorsus removendas. Quam ipsam vero curandi prudentiam quum passim neglectam a chirurgis

chirurgis deprehendere liceat, mirum videri haudquaquam debet, extitisse quondam, vel hodiernum quoque existere non mediocres artis salutaris doctores, qui omnem turundarum usum chirurgis interdicendum esse, cum CAESARE MAGATO, Italo, (a) BELLOSTIOQUE, Gallo, (b) aliisque statuerunt (c).

LVI.

Sed confici quoque, praeter haecenus recensitas, turundae quaedam aliae solent, ex linteorum panniculis non discerptis, sed integris, in coni similitudinem contortis, & filo robustiori, juxta basin applicato, instructae, ita tamen, ut propter discerpta inferius linamenta paulo molliorem habeant apicem, ne scilicet noxa cum molestiis per easdem augeatur. Filum autem applicari eum praesertim in finem debet, ut, si qua forte & ipsa basis, licet amplior, per ipsum vulnus in ventrem vel thoracem descenderit, impune rursus extrahi turundae queant. (*Vid. Tab. II. Fig. O.*) Observandum enim hic est, turundas has adhiberi potissimum solere in vulneribus ad ipsum pectoris aut ventris cavum penetrantibus; ne scilicet eadem prius glutinentur, quam cruor cum aliis materiis purulentis omnibus evocatus inde fuerit.

LVII.

Tertium denique turundarum genus eo praecipue comparatum est, ut scilicet nimis angustum vulneris aut ulceris os sensim per easdem ampliari, quaeque forsan intus delitescunt, sanguis atque sanies facilius inde extrahi, ipsaque medicamenta commodius ingeri queant. Conficiuntur ipsae ut plurimum vel e spongiis peculiari modo praeparatis, quam galli *éponge préparée* appellant, vel ex gentianae, rapae, acori, symphytique radicibus arefactis: siquidem istae res singulae ejus indolis sunt, ut a pure vel sanie affluente multum intumescant, ipsasque vulneris oras diducant. Apparet hinc simul facile, quid sit, cur istiusmodi turundae *intumescentes* (germanis *Quehmeissel*) appellari in chirurgorum scholis consueverint. Ad turundarum similitudinem proxime accedunt *tubuli* sive *canaliculi* isti argentei vel plumbei, quorum aliquando usus est in sanguine & pure, e vulnerum atque ulcerum quacunque angustia educendis; aliquando in aqua hydropicorum, aut urina evacuanda. Magnitudo illorum atque figura pro ipso vulnerum discrimine mirum quantum variae sunt: quemadmodum *Tab. II. litterae P. Q. R. S. T. V. X.* luculenter demonstrant. Reliqua enim plenius cognosci

D 3

pote-

(a) Vid. Ejusd. tract. *de rara vulnerum medicatione*.

(b) Vid. Ejusd. tract. *Chirurgien d'hôpital*.

(c) Ob rei hujus dignitatem Academia Chirurgorum Parisiensium anno superiori praemium proposuit ei, qui verum turundarum usum optime docere & exponere possit: quamvis Medicus Italus, *Lupius*, peculiarem libellum hac de re Venetiis An. 1721. 8. divulgaverit, in quo hoc de argumento satis prolixè proposuit.

poterunt ex inferius de morbis; in quibus iis indigemus, speciatim tradendis.

LVIII.

3. De Em-
plastris quae-
dam propo-
nuntur.

Ad deligationis apparatus inprimis etiam referenda sunt emplastra: quae quid sint, usque adeo manifestum plerisque est, ut proluxa descriptione neutiquam indigeant. Sunt autem varia admodum, imo vero innumera fere emplastrorum genera: quorum praecipua, quoad ipsam singulorum compositionem & mixturam, tum in aliorum libris, tum & vel maxime in *Augustana*, *Londinensi*, *Boruffo-Brandenburgica*, *LEMERIQUE* Gallica pharmacopoeiis descripta reperiuntur. Atque induci quidem ut plurimum singula ejusmodi emplastra consueverunt linteolis, quandoque coriis vel serico etiam, pro diversis nempe vulnerum, loci ac personarum circumstantiis. Quodsi pilosis forte corporis partibus imponenda emplastra sint, removendi prius novaculae subsidio pili sunt, ut cuti melius adhaereant, & facilius rursus, si removenda, sine dolore auferri queant. Sed quo melius applicari eadem ubivis queant, ipsi membrorum corporis habitudini accommodanda semper illorum *forma* est. Igitur alia emplastra fieri debent rotunda, alia quadrata, alia triangularia, alia ovata sive elliptica, alia lunata, alia denique litterae T, nec non crucis, ut vocant, Melitensis figuram habentia; prouti quidem ad oculum patet *ex Tab. II., num. 1. 2. 3. 4. 5. 6. 7. 8.* Sunt autem porro alia, quorum latus, pro re nata, vel alterutrum, vel utrumque etiam finditur. *Vid. num. 9. & 10.* His denique ista etiam adjungenda emplastrorum genera videntur, quae circa medium fere perforata, fracturisque, vulnus aliquod adjunctum habentibus, destinata sunt; quo nimirum, ipsis etiam emplastris neutiquam semotis, vulnera & solvi & purgari, sed & denuo deligari commode semper possint. *Vid. num. 11.* Quantumvis autem variae sunt, prouti ex adductis liquet, emplastrorum figurae, tamen quadrata & rotunda usitatissimae sunt; siquidem paucissima sunt corporis humani membra, quibus non applicari eadem apte possint, maxime si ipsa emplastrorum ora hinc atque inde forfice findatur sive incidatur.

LIX.

Emplastro-
rum magni-
tudo itemque
usus quotu-
plex sit.

Emplastrorum *magnitudo*, perinde ut ipsorum figura, varia esse consuevit; siquidem illa respondere semper plagae & laesae corporis parti debeat. Ad emplastrorum *usum* denique quod attinet, longe amplissimus maximeque varius idem esse deprehenditur. Sic enim non balsamis solum, unguentis, pluribusque aliis hujus generis medicamentis, linamentis item carptis atque turundis, ne e vulneribus excidant, retinendis serviunt; sed inprimis quoque faciunt ad pus movendum, tumoresque & digerendos & maturandos, vulnera item glutinanda & sananda, ossa fracta jungenda, adusta corporis membra restituenda, dolores mi-
tigan-

tigandos, & denique etiam ad infirmiores partes roborandas. Sed ista quidem singula plenius cognosci poterunt ex inferius dicendis.

LX.

Emplastris ac reliquo apparatusi superimponi ut plurimum solent *pul-4. Quid & villi* quidam, ex mundis atque his aliquanto mollioribus ipsoque usu *quotuplicia sint splenia.* ferme detritis linteolis, quater, sexies, octiesve complicatis, futura tamen fimbriaque carentibus, confecti. Hos prisci olim medici, propter figuram spleni saepissime haud absimilem, *splenia* dixerunt: galli vero *Compresses* nominant; siquidem non ad propulsandas solum aëris injurias, sed & vel maxime ad melius firmanda emplastra vulnerumque deligationes accommodati sunt. Adhibentur tamen etiam saepe sine emplastris splenia, eademque modo sicca, modo certis etiam imbuta liquoribus, roborantibus puta, resolventibus, lenientibus, emollientibus, adstringentibus, refrigerantibus, tum & inprimis variarum herbarum decoctis, vino item, vini spiritu, aqua, aceto, vel & oxycrato, nec non aqua calcis; hisdemque singulis nunc frigidis, nunc calidis, prouti nimirum ipsa morborum curandorum indoles modo hoc modo illud desideraverit.

LXI.

Enimvero spleniorum figuram & magnitudinem ubi spectaveris, haud *Spleniorum* sane minor illorum, atque emplastrorum diversitas, pro diverso scilicet *figura & situs quotuplex sit.* aegrarum partium habitu, esse deprehendetur. Pleraque figuram habent *quadrata*; (vid. Tab. II. num. 12.) alia *oblonga*, splenique haud absimilem; (num. 13.) rursus alia *triangularem*; (num. 14.) alia denique *crucis* formam imitantur. (num. 15.) Propter situm vero, quem obtinent, spleniorum alia *recta* vocantur, alia *obliqua*, alia *transversa*, alia item *annularia*, si scilicet brachium aut pedem circumcingunt, alia porro quendam quasi *asterismum* sive *stellam* prae se ferunt. (num. 16.) Quaedam in latere vel alterutro, vel etiam utroque media fere inciduntur, sive finduntur. (vid. num. 17. & 18.) Quin & *hexagona* quandoque fiunt splenia, (num. 19.) vel *rotunda* aut *globosa* pilamque repraesentantia, sub alis quippe, ad curandam ossis humeri luxationem, reponenda. (num. 20.) Interdum etiam valde *minuta* parantur *spleniola*, eademque vel *quadrata*, (vid. num. 21.) ad vulnera vasorum sanguinem fundentium obturanda & comprimenda; vel *gracilia*, (num. 22.) in futuris vulnerum ligandisque arteriis usurpari solita. Quae tamen, sicubi emplastris superimponuntur, his semper debent esse paullo majora, siquidem illis contegendis saepissime destinata sunt.

LXII.

Ceterum singula fere splenia eo potissimum spectant, 1) ut naturalis *Spleniorum* aegrae partis calorem foveant, omneque frigus avertant; 2) tum *usus quotuplex sit.* ut res in deligatione sibi subjectas firmitus contineant; 3) hinc ut liquores

quores vulneribus aliisque malis curandis aptos & commodius & diutius super parte laesa contineantur; denique 4) ut depressoires sive inaequalia membrorum loca repleant, pro firmiori scilicet vulnerum atque imprimis fracturarum deligatione; tandem etiam 5) ne propter irritatam fasciis constrictioribus cutem, pruritus aliquis molestior sive dolores etiam excitentur.

LXIII.

5. De fasciis
strictim hic
agitur.

Sed dispiciendum nunc quoque porro de fasciis est, *Bandes* gallicè vocatis; utpote quarum longe amplissimus in deligandis ac vincendis partibus laesis solet esse usus. Neque enim splenis tantum, emplastris rebusque id genus aliis melius in deligatione firmandis, sed cohibendis quoque periculosis sanguinis ex vulnere profusionibus, jungendisque fractis aut luxatis ossibus haud parum ipsae inserviunt. Tametsi vero plenior atque accuratior fasciarum consideratio peculiarem aliquam, id est, tertiam chirurgicae institutionis nostrae partem, jure merito sibi vendicaverit, visum tamen nobis non sine ratione fuit, breviter hic in principio ea & quasi in antecessum perstringere, quae chirurgicae artis cultoribus imprimis necessariaeprehenduntur.

LXIV.

Undenam
parari de-
beant fa-
sciae.

Scilicet observandum ante omnia hic est, fascias plerasque omnes, in vulnere, ulcerum, ossiumque, & fractorum & sede sua motorum, deligationibus adhiberi solitas, parari omnino debere ex lintamine puriori, paululumque detricto, sed tamen robustiori. Atque, ut commodiorem ipsae firmioremque deligationem efficiant, providendum utique est, ut convenientem obtineant longitudinem ac latitudinem, & ut earundem longitudo roboris causa ipsi filorum tractui respondeat. Sed absint quoque in illis oportet futurae fimbriaeque omnes, quantum fieri potest, ne scilicet inaequabilis partique laesae molesta fiat deligatio. Ceterum quae sit aptissima fasciarum magnitudo, infra planius explicabimus.

LXV.

Fasciarum
species quae-
dam enume-
rantur.

Sunt autem variae admodum, pro vario scilicet usu, fasciarum species: siquidem aliae communes sunt, aliae vero propriae; quarum hae non nisi certis quibusdam partibus vel morbis conveniunt: istae vero nusquam fere non adhiberi possunt. Simili propemodum ratione distinguuntur in simplices atque compositas fasciae consueverunt; simplices enim dicuntur, quae ex unico tantum eodemque continuo lintaminis frusto constant; compositae vero, quae ex variis, diversimode confutis vel incisis etiam aut fissis linteolis, conficiuntur. Simplicissima ferme inter omnes eademque non convoluta est, quae venarum incisarum deligationi accommodata est fascia, indice litt. a Tab. II. Proxima huic videtur, quam littera b. repraesentat, ab alterutra sui parte conglomeratam,

tam, ideoque *fascia unius capitis* dici vulgo solitam. Quemadmodum *bicipites* seu *duplicis capitis fasciae* (*bandes à deux chefs*) nuncupantur, quae utrinque convolutae sunt vel conglomeratae. *Vid. Tab. II. litt. c.* His aliae dein succedunt fasciae, ex uno quodam lintheaminis frusto confectae, sed utrinque tamen ferme ad medium usque (prouti quidem *ex Tab. II. fig. d.* apparet) fissae vel incisae, chirurgisque proin *quadricipites* sive *quatuor capitum frondiumque fasciae* (*bandes à quatre chefs*) appellari solitae. Quam *littera e. Tab. II.* commonstrat, paullo brevior atque angustior fasciola, in altero latere perforata, in altero fissae est, atque adhiberi ut plurimum solet in penis, digitorumque deligationibus. Porro *littera f.* sistit fasciam bicipitem, circa medium fissam: quae quum vulneribus aliquanto longioribus, sed angustis sine futura glutinandis sine uniendis inservit, *uniens* plerumque appellatur. *Fascia* denique *scapularis* vocatur, quae, ut *littera g.* ostendit, ejusmodi circa medium instructa foramine est, ut ipsum caput transmitti haud difficulter queat; partium fasciae extremarum altera per praecordia, altera per dorsum dependentibus. Praecipuus enim fasciae illius usus in eo consistit, ut in deligandis thoracis atque abdominis vitiis aliam eandemque paullo latiore, e mantili, quatuor aut sexies complicato, paratam, pectorique aut ventri circumcinctam fasciam sustineant; prouti ex jam jam dicendis luculentius apparebit.

L X V I.

Restat nunc denique fascia quaedam composita sive ex duobus frustis ita confuta, ut, *indice littera h.*, ipsam quasi litterae T figuram non obscure repraesentet. Pars ejus superior ventri circumducitur nodoque firmatur; pars autem inferior, inter media femora transiens, parti modo dictae superiori in opposito corporis latere jungitur. Apparet ex his facile, has ipsas fascias eo potissimum spectare, ut medicamenta ceteraque ad curandum necessaria circa anum partesque generationi dicatas melius firmari queant. Sunt, qui, ab inventore, *Heliodori fasciam*; a forma autem, fasciam T; & denique a binis fasciis sive frustis linthei aliquando dependentibus, *T duplex* eandem nuncuparunt.

De fascia Heliodori, litterae T. figuram exhibente.

Explicatio Tabulae II. quam maxime necessariam deligationis supellectilem exhibentis: ex DIONE potissimum deprompta.

A. & B. linamenta carpta sunt, tum ovata, tum rotunda sive orbiculata, quae vulgo *plumaceola* dicunt; tametsi rectius dici possent *pulvilli*, sive *glomera lineae*.

C. D. E. linamenta carpta olivae nucleive dactylorum formam praeferentia, variae magnitudinis, *Bourdonets* Gallis vocata, i. e. *glomera lineae cylindrica*.

I. Pars.

E

F. &

F. & G. a jam dictis haud differunt, nisi forte in eo, quod filum sibi adnexum habeant.

H. & I. *glomera stupea* sunt five ex lino crudo parata, eademque majora, *Plumaceaux d'etoupe* Gallis dicta.

K. L. M. *turundas* repraesentant variae magnitudinis ex linamento carpto confectas.

N. turundam aliquam valde insignem exhibet, filum trahentem.

O. turundam sistit paulo majorem conicam atque ex linteolo paratam.

P. Q. R. S. T. V. X. sunt varii generis canaliculi five tubuli ex plumbo vel argento confecti.

Num. 1. 2. 3. 4. 5. 6. 7. 8. 9. 10. 11. variae emplastrorum figurae.

Num. 12. 13. 14. 15. 16. 17. 18. 19. variae spleniorum imagines.

Num. 19. Tria splenia repraesentantur ad asterismi alicujus formam disposita.

Num. 20. Pila splenii loco adhiberi quandoque solita.

Num. 21. Splenium quadratum valde minutum.

Num. 22. Varia spleniola minuta atque angusta.


De Fasciis.





- a. Fascia simplicissima eademque non convoluta.
- b. Fascia extremo altero conglomerata, five *unius capitis*.
- c. Fascia utroque extremo convoluta five *biceps*.
- d. Fascia quatuor capitibus seu frondibus instructa.
- e. Fasciola peculiaris digitorum ac penis deligationibus apta.
- f. Fascia *uniens*, in medio quippe perforata.
- g. Fascia *scapularis*: vulgo *le Scapulaire*.
- h. Fascia *Heliodori*, seu litterae 'I' figuram referens.

LXVII.

Quae sit
usitatissima
capitis fascia.

Quanquam diversae admodum, pro deligandis quibuscunque capitis ^{vel} vulneribus, excogitatae quondam, priscorum chirurgorum industria fasciae sunt; tamen, si dicendum, quod res est, vel solum etiam *mucini-um*, *sudarium*, aut *mantile* (*Serviette*) aliudve his non absimile linteamen aliquod quadratum, atque ad instar trianguli alicujus compositum, sufficere hic fere ad deligationem poterant: ubi scilicet capiti sic applicarentur, qualiter fieri id ipsum solet aestivo tempore, quando, rejectis consuetis capitis tegumentis, fervorem solis aliquo modo temperare volumus. Neque vero multum ab his ipsis differt apud hodiernos chirurgos usitatissima illa fascia, quam *magnum capitis tegumentum* (*le grand couvrechef*) appellare consueverunt. Siquidem haec ipsa ex ejusdem generis linteamine quadrato, five molliori quodam mantili ut plu-





utplurimum paratur. Complicatur scilicet linteamentum illud, atque ita quidem, ut pars inferior quatuor circiter digitorum transversorum latitudine superiorem superet: media linteaminis hujus pars sic omnino capiti imponitur, ut pars anterior ad oculos usque protendatur, quatuor vero extrema sive anguli utrinque super genas propendeant. Partis superioris utpote angustioris binae extremitates sub mento constringuntur; quemadmodum partis latioris sive inferioris binae extremitates versus occiput retrahuntur, ibidemque vel nodo vel aciculis bene firmanantur. Pars ad oculos propendens sursum elevatur atque ad verticem reclinatur; binae vero partes juxta humeros utrinque prominentes eadem ratione attrahuntur, apte complicatae, acicularumque subsidio post aures affiguntur. Quod ipsum fasciarum genus, ubi recte fuerit applicatum, firmiter capiti adhaerescit, atque ab aëris frigidiore injuria illud ipsum egregie defendit: quapropter omnium fasciarum capitis usitatissima hodie est, atque praestantissima habetur. Qualis vero sit ipsi capiti applicatae fasciae hujus facies, elucere, nisi fallor, aliquo modo poterit ex *Tab. III. fig. 1. littera A.* Quae autem, ut nitide recteque applicetur, a perito artifice addisci debet: nam facile vel ex hac sola constare potest, quam difficile sit artem fascias applicandi verbis clare describere, aut ex descriptione sola eam recte addiscere.

LXVIII.

Littera B. *Tab. III. fig. 1.* illam indicat fasciam, quae ad splenia itemque alia medicamenta firmitus continenda in quibuslibet fere pectoris aut ventris vulneribus deligandis utplurimum solet adhiberi. Quae ratione parari optime fascia ista debeat, supra jam tum (§. 65.) indicavimus; ideoque non nisi illud exponendum hic restat, quo nempe modo applicari quam commodissime queat. Scilicet postquam ipsi vulnerei prospectum est, complicatum mantile istud sic omnino vulnerei ipsique abdomini vel pectori circumvolvitur, ut non ejus solum extrema acicularum beneficio jungantur vel ope fili consuantur, sed ipsum quoque mantile, ne forte prolabatur, fasciae scapularis extremis firmiter adjungatur: prouti quidem manifesto liquet ex ipsa fasciae applicatae delineatione *Tab. III. fig. 1. litt. B. & C.* Ceterum quare fascia haec *mantile cum scapulari* dici a chirurgis soleat, in promptu jam ex hactenus adlatis videtur esse ratio.

LXIX.

Littera D. indicat, qualis in brachiis; E. vero, qualis in pedibus debeat esse venarum deligatio seu vinctura. Qua autem ratione & parari optime & applicari commodissime queant istius generis fasciae, in tertia institutionis nostrae chirurgicae parte aliquanto luculentius exponere constituimus.

Quo nomine
simplicissimi
fasciarum
ductus ve-
niant.

Circa fascias simplices illud omnino monendum hic restat, quod scilicet varii possint esse earundem in deligatione tractus: unde varia simul tribui illis ipsis consueverunt nomina. Quodsi enim simplex aliqua uniusque capitis fascia tractu sive ductu propemodum directo laesae corporis parti circumcingitur, ductus isti *annulares*, *orbiculares*, aut *circulares* dici consueverunt. Contra vero si fasciarum simplicium ductus adinstar cochleae cujusdam vel spirae circa laesas corporis partes aequabiliter vel ascendunt vel descendunt; tum *obtus* (Gallis *Doloires*) ipsi cognominantur, vel etiam *spirales*, passimque in fracturis atque id genus pluribus aliis malis non sine mirifico usu adhibentur. Quoties autem porro istiusmodi corporis membra deliganda offeruntur, quae inaequalia sunt, sive quorum diversa hinc inde crassitudo est, prouti quidem in tibiis e. c. harundemque suris deprehendimus; tum plane singulari artificio opus est, nisi deformes atque laxiores videre velimus fasciarum spiras. Scilicet fascia in extremo pede sive tarso supra malleolos decussatim applicanda, ductibusque, ut vocant, obtusis circum tibiae volvenda; ad suras autem simulatque ventum fuit, identidem atque in singulis ferme spiris singulari modo invertenda, quantumque pro re nata sufficit, stringenda est. Quod vero invertendi artificium manibus potius quam verbis demonstrari potest. Conferatur interim *Tab. III. fig. 1. litt. F.* Ceterum ex jam dictis haud obscure cognoscitur, quae tandem subsit ratio, quare chirurgis jam jam descripti fasciarum ductus *inversi*, gallice *Renversés*, plerumque vocitentur. Atque istae quidem vulnerum deligationes ita maximam partem comparatae sunt, ut fasciarum spirae sibi ferme sint contiguae. Sed usitata tamen praeter istas alia quoque deligationis ratio est, utpote in qua fasciarum ductus paulo rariores sunt minusque contigui, proindeque *repentes*, gallice *Rempans*, in chirurgorum scholis appellati, sicut in brachio sinistro ejusdem figurae videre est, *litt. G.* Frequentissimus ductuum istiusmodi rariorum & serpentum modo quasi repentium usus est in spleniis & cataplasmatibus firmiter continendis.

LXXI.

Ubinam
fasciae pars
prima appli-
cari, extre-
ma autem
firmari de-
beat.

Sed ne quis tandem ignoret, quae commodissima atque aptissima istiusmodi fasciarum applicatio sit, observandum praecise illud hic est, scilicet quando brachium deligandum, initium fit duobus vel tribus ductibus circularibus in carpo, ad principium fasciae firmandum, indeque ad cubitum vel humerum, prout morbus requirit, laxi spiras adscendimus. Si vero pes deligandus, tres initio quatuorve ductus fasciae circulares in tarso & metatarso fieri ante debent, quam serpentinis aut laxioribus fasciarum ductibus ad genu, vel, si necessitas id requirit, ad summum femur, aut partem laesam adscendamus, rursusque, ut fieri

fieri quandoque solet, descendamus. Ceterum neque illud praetermittendum hoc loco est, primam scilicet fasciarum partem vel in ipsa parte laesa, ut in plerisque fracturis, vel & prope illam, modo scilicet supra, modo infra eam, quandoque procul ab ea, prouti nimirum ipsa vulneris indoles hoc vel istud requirere videtur, quam commodissime applicari: quemadmodum e contrario extremae fasciarum partes vix unquam in loco laeso, nedum in ipso vulnere aut fractura, firmandae sunt, sed potius in ejusdem parte sana atque integra, cujus contrectatio frequentior expers dolorum est (a). Sed ista quidem singula explanatius tradenda sunt inferius: siquidem hoc loco summa saltem harum rerum capita detegisse sufficere nobis poterit.

LXXII.

Denique ad necessarium deligationis apparatus spectare quodammodo videntur *ligamentorum, funium, vinculorum & filorum*, horundemque nunc robustiorum & crassiorum, nunc tenuiorum; vel ex lino, vel cannabi, vel panniculis, vel serico, vel fetis equinis, pro diversa morborum indole, confectorum varia genera: utpote quorum amplissimus in omni curatione chirurgica usus deprehenditur. Sic enim illis utimur ad ossa, si quae forte fracta, sedibusque suis mota fuerint, extendenda vel reponenda; item ad aegros in lithotomia, kelotomia, atque id genus aliis curationibus difficilioribus vinciendos; deinde ad venas, si quae incidendae fuerint, stringendas; tum ad arterias in artuum amputatione aliisve vulneribus, ne scilicet nimia fiat sanguinis profusio, torcularis ope contorquendas; denique ad firmandas in ossium fracturis ferulas circumpositas; tandem ad processus peritonaei cum vasis spermaticis ligandos in testiculorum extirpatione; postremo etiam ad excrescentias & verrucas ligaturae beneficio tollendas; & si quae sunt alia hujusmodi, quorum & commodior & plenior in subsequendis erit expositio.

6. De funibus, vinculis, ligamentis & filiis.

LXXIII.

Atque ista quidem de vera chirurgicae natura praecipuisque chirurgorum virtutibus, officiis atque instrumentis hic dicta sufficiant. Ceterum ex his ipsis evidentissime simul illud constat, non adeo angustam, levem aut facilem, sed *amplam potius atque arduam inprimis artem esse chirurgicam*. Neque enim innumera tantum morborum genera, sed infinita quoque in unoquolibet morborum genere artificia sunt, quorum genuinam indolem atque naturam explore perspectam habere chirurgicae cultores convenit. Ut proinde nemo facile sine multo judicio,

Arduum est chirurgicae artis studium.

E 3

labo-

(a) Conf. hic CELSUS Lib. V. cap. XXVI. num. 24.

labore atque sudore, pertinacique studio excellere in arte chirurgica possit. Sed nolim tamen ab ejusdem studiis quenquam propter istas difficultates magnopere deterreri: nihil enim est, quod, veteri proverbio, *labor improbus vincere nequeat* ac superare. Quin potius ita velim habeant chirurgicae tirones, recolenda hic semper animo esse priscorum quorumcunque insigniterque in hac arte excellentium virorum exempla atque studia. Enimvero tantum abest, ut, quibus veteres chirurgicae professores usi fuerunt, opportunitatum quicquam denegatum nobis suspicemur, praesertim si peritis & fidis utamur praeceptoribus, ut potius quamplurima & instrumenta & artificia, praeter alia hujus generis praesidia priscis ignorata, eaque longe praestantiora, nobis nunc in promptu esse credamus, quorum beneficio vel excellentissimos etiam chirurgos antiquos, dummodo solertia eosdem aequaverimus, superare quam facillime possimus.

LXXIV.

Interim tamen quam maxime necessarium.

Et vero tametsi vel maxime difficilis atque ardua chirurgica esset, tamen, quum in aestimandis atque eligendis artibus sive scientiis non quam arduae, sed quam praestantes illae sint, disquiri maxime debeat; tantum profecto abest, ut a chirurgicae studio generosiores juvenum mentes absterreri possint, ut potius propter summam ejus & utilitatem & necessitatem ad illud ipsum suscipiendum debeant esse tanto promptiores. Quam enim salutaris atque ad ipsam hominis vitam servandam saepissime necessaria sit chirurgica, id quidem non ex iis solum, quae statim ab initio hujus nostrae introductionis hanc in rem disputavimus, sed inde quoque inprimis manifestum videtur, quod ipsis quoque medicis in quamplurimum periculosissimorum gravissimorumque morborum, & quidem non solum externorum, (ad quos tantum nonnulli chirurgiam inepte restringunt,) verum etiam interiorum curationibus, quibus medicamenta & diaeta neutiquam sufficiunt, ut in suffusione, calculo, empyemate, hydrope, urina suppressa, partu difficili aliisque innumeris, quasi ad sacram aliquam anchoram, sic ad chirurgicam, ipso HIPPOCRATE judice (a), quam saepissime confugiendum sit. Quemadmodum in argutissimis medicinae irrisoribus & cavillatoribus pauci atque adeo paucissimi fuerunt, qui cum reliqua medicina chirurgiam abjicere aut inutilem proclamare sustinuerint. Impudentissimus enim imo & stultissimus merito suo judicaretur, qui levem atque inanem istiusmodi artem pronun-

(a) Sect. VIII. aphor. 6. *quae medicamenta non sanant, ferrum sanat: quae ferrum non sanat, ignis sanat.*

nunciaret, ejus adjumento vel gravissima etiam humani corporis mala, vulnera scilicet, eorumque profusiones periculosae sanguinis, ossium fracturae aut luxationes, vesicae calculi, urina suppressa, atque innumera alia, praesertim si ipse eis affligeretur; promptissime aut tolluntur aut minimum levantur.

LXXV.

Quod ipsum ne quis forsan magnopere miretur, observandum omnino hic illud videtur, nullam medicinae partem certam magis atque certissima evidentem esse chirurgica. Est enim, ut verissime CELSUS quondam statuit (a), effectus ejusdem inter omnes medicinae partes evidentissimus. Siquidem, ut idem pergit, in morbis quum multum fortuna conferat, eademque saepe salutaria, saepe vana sint; potest dubitari, secunda valetudo medicinae, an corporis beneficio contigerit. (Saepius enim sine medicamentis redditur sanitas.) At in ea parte, quae manu curat, evidens est, omnem profectum hinc plurimum trahere, chirurgique proin artificiis maxima ex parte acceptum referri debere. Quicquid enim in sistendis vulnerum majorum arteriarum haemorrhagiis, in tumoribus atque excrescentiis tollendis, herniis curandis, calculis excindendis, suffusionibus acu sanandis, urina suppressa educenda, in partu difficili, infantibus in utero male positis invertendis indeque extrahendis, fracturis sanandis, ossibus sede sua motis reponendis, aliisque similibus malis tollendis efficimus, illud ipsum manu potissimum atque evidentissime efficimus.

LXXVI.

His ita jam, quasi praeparationis loco, praemissis, non possumus, quin singulos chirurgicae cultores iterum iterumque moneamus, ne illotis, quod dici solet, manibus nobilissimam praestantissimamque istam medendi scientiam aggrediantur, vel satis etiam sapere sibimet videantur, simulatque vel barbam tondendi, vel emplastra conficiendi atque applicandi, vel venas denique incidendi artem quadantenus calluerint. Sciant enim, pertinacissimo plane studio, atque labore non minus quam ingenio illis utique opus esse, qui commissam sibi corporis humani salutem recte laudabiliterque curare voverint. Nos autem, ne qua forte istarum rerum, quae ad perfectam chirurgi laudem spectant, omisisse quidpiam videamur, non vegetas modo corporis vires, sed ejusmodi quoque animi constantiam salutaris hujus artis candidatis exoptamus, ut nullo nec foetore

(a) Vid. Lib. VII. praefat. it. HIPPOCRATES de arte V.

tore, nec fanguine, nec pure, neque aliis id genus molestiis, in curatione morborum passim obviis, graviter moveantur aut perturbentur; sed ita potius existiment, frequenti exercitatione consuetudinem fieri facile quasi alteram naturam, sanguinemque aliasque sordes aqua abstergi posse; chirurgum autem quidvis potius admittere debere, quam aegrotantium saluti non succurrere. Nam tunc demum suo satisfecit officio, suamque liberavit conscientiam, quando omnia fecit, nihilque eorum omisit, quae aegro sanando utilia & necessaria esse perspexit.



INSTITUTIONUM CHIRURGICARUM

Partis Primae,

de

quinque generibus noxarum corporis,

Liber Primus,

de

VULNERIBUS.

INSTITUTION & GENEALOGY

Paris, France

THE UNIVERSITY OF CHICAGO

THE UNIVERSITY OF CHICAGO

ALFRED RIBB

INSTITUTIONUM CHIRURGICARUM

Partis Primae,

de

quinque generibus noxarum corporis,

Liber Primus,

de

VULNERIBUS.

CAPUT I.

De

Vulneribus universim spectatis.

I.

QUOD institutionis hujus nostrae chirurgicae primordia a vul- *Vulnus quid sit expendi-
tur.*
nerum disquisitione capere sustinuerimus, id binis potissimum
de causis fecisse nobis videtur: non enim frequentissima
solum in malis corporum externis vulnera sunt, sed & quam
maxime facilis illorum in scholis chirurgicis consideratio. Quae proin-
recte instituta reliquis plerisque omnibus chirurgicae doctrinis & faci-
lius & plenius percipiendis mirum quantum inservire consuevit. *Vul-*
nus autem quid sit, ne vel imperitissimi quidem nesciunt; interim
describi illud ipsum plerumque solet, quod sit *violenta atque extrinsecus*
ab instrumentis facta continuarum harundemque mollium corporis partium solu-
tio. Quī latius aliquanto vocem istam finiunt, *quamcunque laesionem*
corporis externam, a quacunque causa factam, vulnus appellant. Sic enim
capitis e. c. pectoris atque abdominis percussiones, non disruptis licet
partibus exterioribus factas, in numerum vulnerum quidam referunt;
quemadmodum facile patebit ex iis, quae de vulneribus lethalibus in-
fra differemus.

II.

Quotuplex
vulnus sit
pro ratione
instrumenti.

Neque porro etiam desunt alii, qui nihil quidquam pro vulnere habent, nisi istiusmodi partium corporis resolutiones, quae instrumentorum paulo acutiorum, gladii puta, cultrive beneficio factae fuerunt: quum tamen ex jam dictis facile constet, illas quoque membrorum laesiones violentas pro vulneribus commode satis haberi posse, quae per instrumenta, quamlibet retusa, fieri consueverunt. Spectant huc ea inprimis vulnera, quae per glandes vel globulos plumbeos, lapidis aut fustis ictum, vel per lapsum etiam inferuntur. Itaque duplex omnino constitui potest *vulnere species*; utpote quorum alia per instrumenta acuta, alia vero per retusa intelliguntur.

III.

In quibus-
nam parti-
bus vulnera
fiant.

Ex haecenus adductis facile simul illud liquet, nempe vulnera utplurimum inferri *mollioribus corporis humani partibus*; cujusmodi sunt cutis, adeps, muscoli vel caro, ligamenta, venae atque arteriae, nervi item & si quae alia sunt ex iisdem composita, viscera scilicet atque intestina. Tametsi neque ipsas etiam *solidiores corporis partes* sive ossa penitus excludere hic debeamus: siquidem haud rarae sunt ossium per instrumenta paulo acutiora factae laesiones. Ut adeo pro ipso etiam partium laesarum discrimine duplex vulnere constitui queat classis: siquidem alia *mollium partium*; alio vero *ossium vulnera* denominari possunt.

IV.

Vulnere
causae quae
nam sint.

Quod ad *vulnere causas* attinet, referri huc inprimis merentur instrumenta pleraque omnia, sive jam acuta sint, sive obtusa, dummodo ita fuerint comparata, ut per violentam atque extrinsecus factam eorundem applicationem in jam dictis continuis iisdemque mollioribus praesertim corporis partibus solutio quaedam fieri possit. Quoties enim istiusmodi laesio sive solutio ab interiori aliqua causa provenit, non tam vulnus, quam potius *abscessum* sive *ulcus* eandem vocamus. Contra vero duriores corporis partes, sive ossa, ubi vel lapsu vel ictu quodam vehementiori instrumenti obtusi diffringuntur, tum ipsae laesiones *fracturae* sive *ossa fracta* dici proprio nomine consueverunt.

V.

Vulnere
effectus quae
sint.

Vulnere effectus, praeter ipsam partium mollium dissolutionem, sanguinis plerumque profusio est. Quanquam alia etiam subindeque graviora supervenire his ipsis solent mala. Fieri enim vix ac ne vix quidem potest, quin per istiusmodi membrorum dissolutionem naturales ipsorum actiones atque usus vel impendantur, vel & prorsus quandoque tollantur, pro leviori scilicet graviorique partium laesione, itemque pro diversis earundem usibus. Etenim quo plures quoque magis necessarii sunt membrorum usus, hoc magis etiam gravia & perniciofa solent

solent esse, quae ipsorum laesionem subsequuntur mala. Quod ipsum hoc principium usque adeo late semper patet, ut ipsa quoque vulnerum, sanabilia sint an lethalia, ex eodem petenda sit dijudicatio. Igitur quo quis plenius atque accuratius singulorum corporis membrorum naturam indolem, usum, inque ipsa vita servanda necessitatem in anatomicorum scholis explorare studuit, hoc magis quoque postmodum in vulneris cujuscunque indole, periculo & lethalitate dijudicandis lynceus esse poterit.

VI.

Ceterum ex iis, quae de variis vulnerum sedibus & causis hactenus disputavimus, manifesto consequitur, multifaria utique vulnerum deprehendi genera. Namque alia *pungendo*, alia *caedendo*, alia denique *per ictum* inferuntur. Alia prorsus *insanabilia* sive lethalia sunt, alia vero *sanabilia*. Alia *instrumentis acutis*, alia *retusis* fiunt: cujusmodi ea quoque sunt, quae per globulos e sclopetis ejaculatos, per ictum lapsumve infliguntur, proprioque nomine *contusiones* chirurgis appellantur. Figuram ubi spectes, vulnera alia lineae modo *recta* sunt, alia vero *curva*, *transversa* vel *obliqua*. Ipsas autem sedes ubi respexeris, vulnera alia *capitis* sunt, alia *colli*, alia *pectoris*, alia *abdominis*, horundemque alia *interna*, alia *externa*. Denique diversum laesionis modum si consideraveris, hinc quoque diversa resultant vulnerum genera: in quibusdam enim vulneribus *infixum aliquid* remanet, globulus e. c. plumbeus, vestimenti aliquod frustulum, festuca, portiunculæ quaedam vitri, aut glandis igniariae (*Grenade* Galli dicunt) mucrones item gladiatorum atque telorum; in aliis vero harum rerum nihil quicquam delitescit. Nonnunquam adjunctae vulneribus quoque sunt *ossium laesiones*; prout quidem semper fere observamus in vulneribus capitis, nec non iis, quae per glandes plumbeas illata fuerunt. Sunt & vulnera quaedam *venenata*, venenatis scilicet instrumentis facta: quibus annumerari jure suo debent animalium horumque cumprimis rabidorum & serpentum morsus; siquidem hi semper virus aliquod habent. Quin & referri quoque huc, nonnullorum judicio, promerentur vulnera, per instrumentum aliquod cupreum argenteumve inflicta. Quorum virus, si quid forsan adest,tribuendum videtur vitriolo, his ipsis metallis admixto.

VII.

In *vulneribus* mollium corporis partium *levioribus*, hoc est, in quibus nec venae, nec arteriae, nec nervi, nec tendines grandiores laeduntur, fere subsequentes occurrunt *observationes*: Scilicet initio ipsum vulnus quasi rubicunda quaedam linea visui nostro sese offert, ex qua protinus dilatata sanguis profluit, nunc quidem parcius, nunc vero copiosior, pro ipsa nimirum vulneris vasculorumque sanguiferorum praecisorum diversa magnitudine, aut copia. Quo cursu sanguinis ali-

quantisper continuato, sanguis dein per se conquiescit, sensimque in vulnere concretus quandam quasi crustam eidem inducit. Dehinc vulneris orae paulatim rubescunt atque intumescunt, doloribus simul atque inflammatione mox sequentibus. Aliquanto grandius ubi fuerit vulnus, *febris*, hoc est, calor per totum corpus, concitatorque arteriarum pulsus, nunquam fere non superveniunt. Tertio vel quarto die, nunc quidem citius, nunc vero tardius, humor quidam subalbidus, glutinosus atque oleo albo haud dissimilis, quem *pus* vel *materiam* dicere chirurgi solent, conspicitur. Quo facto rubor iste vulneris, tumor item, dolores atque inflammatio una cum ipsa febre vel penitus mox evanescunt, vel saltem imminui sensim occipiunt. Atque ista quidem singula sanescientis jam vulneris signa sunt: siquidem sub dicta jam materia ex praecisis passim venulis atque arteriis nova caro succrescit, quae paulatim adimpleto vulnere in summa parte arefcit, tandemque cicatrix quaedam ipsum vulnus glutinat.

VIII.

*Vulnerum
periculoso-
rum obser-
vationes
quales sint.*

Contra vero in *vulneribus vehementioribus*, h. e. in quibus vel *vena* vel & *arteria* quaedam *grandior* praecisa fuit aut collisa, usque adeo vehemens oriri ut plurimum solet *sanguinis profluvium*, ut vulnerati mirum quantum statim sentiant virium defatigationem, animo linquantur, quin etiam, sicubi intus aliquid ejusmodi laesum fuerit, aut etiam extus majores arteriae vulneratae, protinus emoriantur. Tametsi autem paulo minus periculosae videntur, quae in exterioribus corporis partibus fieri solent, venarum atque arteriarum istiusmodi laesiones, si nonnullas excipias, siquidem in his longe facilius supprimi sanguis queat; caveri tamen vix ac ne vix quidem potest, quo minus illae corporis partes, quae praecisis ejusmodi arteriis subjacent, omneque nutrimentum suum ab iisdem accipiunt, sensim contabescant, putrescant, quin & interdum gangraena & sphacelo penitus absumantur. Quemadmodum semper fere contingit, ubi arteriae brachialis aut cruralis trunci dissecti forte sunt vel disrupti.

IX.

*Quid fieri
soleat in
venis atque
arteriis ex
parte solum
praecisis.*

Haec de venis atque arteriis majoribus prorsus dissectis: exponendum nunc porro etiam est, quae in iisdem ex parte solum disruptis usu evenire soleant. Nempe quoties *vascula* hujusmodi *ampliora ex parte solum incisa* sunt, fibrae praecisae singulae protinus sese versus extrema contrahunt, ipsasque proin vulneris oras ita diducunt, ut sanguis inde profluens difficulter admodum supprimi queat; vel, sicubi suppressus etiam aliquantisper fuerit, identidem tamen atque opinione citius cursu quodam violento iterum inde prorumpat; vel saltem periculosum valde tumorem, *aneurisma* Graeci vocant, in dicto arteriarum vulnere moveat. Quod ipsum etiam fieri non raro solet, quoties exte-

rior

rior quaedam arteriae tunica laesa fuit. Hic enim tantum abest, ut tunica interior, licet illaesa sit, vehementiorem sanguinis pulsum impune sustineat, ut potius in quandam quasi sacculi formam paulatim dilatata quamplurimis iisdemque gravissimis malis praebeat ansam: pro uti quidem in altera institutionis nostrae chirurgicae parte prolixius docebimus.

X.

Quoties *nervus aliquis praecisus* fuit, rigidum protinus, amissoque sensu tabidum redditur illud membrum, in quod nervus ille discissus extenditur. Ut adeo mirum non sit, statim exspirare illos, quibus nervi ad cor septumque transversum transeuntes disrumpuntur. Periculosum quoque vulnus est, ubi nervus aliquis non nisi ex parte fuerit incisus. Quicquid enim in fibrillis laesum est, retrahitur, contra vero quicquid integrum in illis est, nimium quantum distenditur: unde fieri haud potest, quin acutissimi dolores & spasmi, convulsiones item, inflammationes & gangraena, quin & ipsius quandoque mortis periculum suboriantur.

*Quid usu
veniat prae-
cisis nervis.*

XI.

Si quis *tendo* forte *laesus aut praecisus* est, tum pars illa, ad quam is pertinet, mobilitatem suam amittit. Sicubi vero idem non nisi aliqua ex parte tantum laesus vel incisus est, eadem fere, quae in nervis paululum incisus usu plerumque veniunt. In interiorum denique partium laesionibus quae contingere soleant, id quidem luculentius constabit ex iis, quae de vulnere diagnosi atque prognosi mox differemus.

*Quid fiat
post tendinis
alicujus
laesionem.*

XII.

Ad vulnere diagnoscere sive cognitionem quod attinet, prompta plerumque eadem esse solet atque facilis; quantum enim aut quale vulnus aliquod sit, nudo plerumque conspectu dignoscitur. Sunt interim casus quidam non usque adeo insolentes, ubi, quae vera vulnere indoles sit, aliquanto difficilius cognoscitur. Quo igitur promptius atque felicius explorari queat, altumne sit, an tenue vulnus aliquod; laesaene sint partes quaedam interiores, nec ne; id sibi datum imprimis esse chirurgi sciant, ut, simulatque ad vulneratum accesserunt, sanguinem proruentem spongia quadam ex vino calido vel ex aqua etiam expressa detergant, ipsumque vulnere fundum interiorum curiose circumspiciant. Quoties vero sanguinis ex vulnere cursus vehementior est, quam ut ejusmodi abstersione facta supprimi queat, deligandum protinus solertissime ipsum vulnus est, ejusdemque exploratio tantisper differenda, dum sanguis penitus conquieverit.

*Circa vulne-
rum dia-
gnoscere
quid universe
notandum
sit.*

XIII.

Simulatque jam constiterit, aliquanto profundius vulnus aliquod obvi-um esse, explorandum statim ulterius est, laesaene tantummodo fuerint

*Quaenam ex
abditis cor-
poris parti-*

bus laesae
sint, con-
jectandum
est ex

1. Anatomia,

2. Positura
vulnerati,

3. Positura
& vi vulne-
rantis,

4. Instru-
mento, per
quod laesio
facta fuit,

fuerint partes pingues & carnosae, an vero simul arteriae quaedam grandiores partesque interiores. Cujus quidem explorationis varia admodum solent esse praesidia. Primo omnium loco in auxilium adhibenda hic est rerum anatomicarum scientia; utpote quae docet, quae nam & quales arteriae, quinam & quales nervi ac tendines, quae denique & qualia viscera vel intestina in laesis corporis regionibus sive partibus delitescant, quae laedi forte simul potuerint. Sed circumspicienda quoque dein sedulo semper est vulnerati in ipsa laesione positura; utrum scilicet erectus idem steterit, an supinus jacuerit; pronusne an resupinus inclinaverit; conjici enim ex his non sine veritatis specie potest, quas partes & quousque instrumentum aliquod transierit. Hinc attendendum simul etiam est, quonam corporis situ, quo item modo, qua denique violentia is, qui laesit, vulneratum exceperit. Quo enim major in laesione adhibita violentia fuit, hoc profundius etiam atque grandius fit necesse est ipsum vulnus. Neque vero praetermittenda hic est ipsius instrumenti, gladii nempe, cultellive, quorum adjumento vulnus illatum fuit, consideratio: siquidem vel ipsa illorum magnitudo atque adhaerescens etiam cruor haud raro demonstrant, quanta sit facti vulneris profunditas.

XIV.

5. Ex turba-
ta membro-
rum actione.

Denique nihil fere est, cujus adjumento vera vulneris grandioris indoles promptius explorari queat, quam impeditae vel turbatae singulorum membrorum actiones. Quoties enim v. c. in praecordiorum laesionibus spiritus rarus ac difficilis, vel cum sono etiam spumanteque sanguine fertur, intermixtis subinde singultibus atque angoribus, conjici hinc non sine ratione solet, aut septum transversum percussum, aut pulmones vulneratos esse. Sic ubi chylus ex abdominis vulnere quodam effluit, indicio illud est, aut ventriculum, aut intestina tenuia, aut denique ipsa vasa lactea vulnerata esse. Stercus autem ubi ex vulneribus excernitur, manifesto inde colligitur, icta jam esse intestina crassiora. Pari ratione cruor biliosus laesam jecinoris aut vesiculae bilis partem aliquam significat. Porro si urina ex vulnere descendit, vesicae vel ureterum vulnus aliquod subest: quemadmodum urina cruenta percussorum rerum vel & vesicae vulneratae indicium esse consuevit. Vomitus cruentus ut plurimum testari solet de percussi stomachi vulnere. Quoties vero cunque vehementior aliqua sanguinis profusio accidit, grandiora quaedam vasa sanguifera laesa sint oportet. Dolores aut convulsiones vulneribus ubi superveniunt, tum vel nervi quidam praecisi sunt, vel etiam naturae inimicum quidpiam intus in ipso vulnere haeret conditum. Quoties post factam capitis laesionem sensus obtunduntur, ipsa mens labitur delirioque vexatur, etiam atque etiam verendum est, ne ipsum cerebrum paulo vehementius fuerit percussum. Tandem ubi spiritus difficulter trahitur, anxietates praecordiorum & singultus adsunt, diaphragma laesum indicant.

XV.

XV.

XVI.

(a) Hippocr. Aphor. 66. Sect. V.

(b) Lib. V. cap. 26.

sive sua natura sunt lethalia; quae tamen saepe adhuc curantur; alia denique 3) *per accidens* tantum sive per errorem lethalia fiunt, quae sua natura lethalia non sunt, sed ut plurimum sanantur.

XVII.

I. Quatenam *vulnera* Scilicet *prorsus insanabilia* sive absolute lethalia dicimus ejusmodi *vulnera*, quae nulla mortalium neque arte, neque industria curari unquam possunt. Sic enim insanabilia jure merito censentur ea vulnera, quae propter nimis violentam sanguinis profusionem, quae cohiberi nequit, opinione citius vulneratum exhaustiunt. Pertinent huc ea potissimum 1. Ea, in quibus nimia sanguinis fit profusio. vulnera, quae in ipsos cordis ventriculos sive auriculas penetrant: nec non ea quoque viscerum omnium vulnera, quibus vel grandiora vasa laesa sunt, vel nimium sanguinis profluvium excitatum. Cujusmodi quidem esse solent graviora pulmonis, jecinoris, lienis, renum, ventriculi, intestinorum, mesenterii, pancreatis, uteri, arteriae magnae, iliacae, coeliacae, renalis, mesentericae, carotidum, maxime si circa principium facta fuerit percussio, subclaviae, vertebralis item vel cervicalis, venae cavae, iliacae, jugularis internae, vertebralis, renalis, mesentericae, venae portae, aliarumque venarum intus conditarum aliquanto majorum, quibus dissectis multus sanguis erumpit, ejusque fluxus sisti nequit. Quod autem isthaec vulnera singula ad insanabilem classem retulerim, id quidem jure fecisse mihi videor, quia neque medicamentis adstringentibus, neque ligando vasa laesa, neque adurendo iisdem succurri sanguinisque cursus coerceri hic potest: adeoque etiam non est in artis aut chirurgi potestate, ut ejusmodi vulnerati ferventur.

XVIII.

2. Quae cor- Haecenus enumeratis vulneribus haud absimilia ea sunt, quae spirituum animalium ex cerebro transitum ad cor impediunt vel omnino tollunt. Cujusmodi sunt vulnera cerebelli, medullae oblongatae, quin & cerebri plagae graviores quaecunque. Praeterea in praecipiti res est, sicubi venulae atque arteriolae sub cranio delitescunt percutiuntur, ex quibus sanguis profluens in interiores cerebri sinus descendit, & vel molliissimas illas cerebri partes comprimit, ipsasque proin sanguinis ac spirituum vias obstruit; vel putrefactus etiam ipsum simul cerebrum corrumpit, inprimis si per foramen terebrae subsidio in calvaria factum educi nequit: ut ex. gr. quando in fundo cranii, vel in ipsis sinibus cerebri delitescit. Nec minus etiam illorum salus periclitatur, quibus nervi ad cor tendentes, cujusmodi par vagum & intercostale sunt, aut laeduntur, aut prorsus etiam praeciduntur. Siquidem iis disruptis ac percussis, nihil omnino est, unde vel spiritum vel motum quendam cor hominis exspectare queat, quo ipso autem necessario homini moriendum est.

XIX.

XIX.

Sed referri deinde in hunc quoque censum possunt ejusmodi vulnera singula, quae ipsam spirandi facultatem penitus auferunt. Hac enim ablata, certissima subest vitae desperatio. Itaque graviter admodum periclitantur, quibus aspera arteria prorsus discissa est: namque ubi ex parte solum percussa eadem fuerit, glutinari subinde rursus potest, si nimirum prudentior chirurgus aliquis accesserit. Cujusmodi quidem curationis & propriae & alienae (a) in promptu mihi sunt observationes. Quin spectant huc etiam istae praesertim plagae, quibus bronchia, asperaeve arteriae rami, utrumque praecordiorum latus, mediastinum item ac transversum septum, inprimis autem media sive tendinea ejusdem pars forte percutiuntur.

XX.

Neque minus autem insanabilibus accenseri merentur istiusmodi vulnera, quae chyli ex ventriculo atque intestinis transitum ad cor evertunt, ut sunt vulnera ventriculi, intestinorum, chyli receptaculi, ductus thoracici, vasorum lacteorum majorum: quibus annumerari adhuc potest gula sive oesophagus, si quando magnum aliquod vulnus accepit. Tametsi enim non adeo subita mors in ejusmodi laesionibus insequatur; tamen qui sic vulnerati sunt, propter succi nutritivi defectum sensim & quasi sine sensu contabescunt, nimirumque dein debilitati penitus conficiuntur.

XXI.

Denique haud omittenda quoque hic sunt ejusmodi vulnera, quae partibus interioribus membranaceis humoremque continentibus, bilis puta, vel urinae vesicis, ventriculo, intestinis, chyli receptaculo, venisque lacteis infliguntur. Praeterquam enim, quod ab iis humoribus in ipsum abdomen continuo destillantibus nullumque exitum invenientibus, corrodi facillime queant partes internae, ipsae illae membranulae ita plerumque tenues atque subtiles, ut difficulter admodum glutinari soleant; maxime quum nulla iis applicari medicamenta extrinsecus possint. Etiam si autem non omnino desint, qui ex ejusmodi vulneribus levioribus convalescant, tamen quando & rarior & fortuita potius quam ab arte chirurgi profecta ipsorum curatio videtur, egomet sane facere aliter haud potui, quam ut insanabilibus eadem adjungerem. Parum enim bene, meo quidem judicio, quin imo pessime prorsus conscientiae suae consulunt, qui, ut interfectorem in libertatem vindicent, non solum sanabilia, sed & levia pronunciare istiusmodi vulnera sustinent; quum tamen nulla chirurgi aut vulnerati neque aberratio, neque negligentia, sed ipsa potius fors sua vulneratum interemit.

G 2

XXII.

(a) Vid. BOHNIIUS de vulner. remunc. pag. 21. licet ipsemet huiusmodi vulnera ad insanabilium classem referat.

XXII.

II. *Vulnera
per se letba-
lia quatenam
sint.*

De vulneribus prorsus insanabilibus hactenus differuimus: progrediendum nunc est ad ea, quae *per se* & *sibi relicta* *lethalia* haud inepte diceres. *Per se* autem & *sibi relicta* *lethalia* vulnera dum nominamus, ea intelligimus, quae sua natura praesentissimam mortem afferunt, nisi opportunum & citum peritioris alicujus chirurgi auxilium accesserit; quae vero, licet periculosa, curari tamen a bono chirurgo possunt, si in tempore adveniat; qualiter fieri ut plurimum solet in grandioribus illis, sed externis venis atque arteriis: utpote quibus, vel apte deligando, vel medicamenta adstringentia injiciendo, vel ligando, vel adurendo etiam succurrere chirurgus valet. Spectant huc ea potissimum vulnera, quae fieri solent in arteria brachiali vel crurali; nisi tamen ipsi trunco corporis nimium fuerint vicina. Ejusdem fere generis vulnera sunt, quae arteriis cubitalibus ac tibialibus inferuntur; ramis item arteriae carotidis externae ac temporalis, siquidem non defuerit peritior aliquis chirurgus, qui aptis remediis & artificiis vehementiori sanguinis profluvio protinus occurrat, antequam jam vulneratus nimiam sanguinis copiam amisit. Denique his vulneribus accenseri jure merito possunt *jugularium*, aliarumque his non absimilium venarum atque arteriarum in partibus externis non nimis graves percussiones. Graviores enim ubi fuerint, tum ad primam, quae vulnere insanabilium est, classem referri eadem non sine ratione possunt: siquidem in his casibus vulnerati nimia sanguinis profusione ante plerumque exhauriuntur, quam chirurgus aliquis advocari aut succurrere queat (a).

XXIII.

III. *Vulnera
per accidens
lethalia
quatenam
sint.*

Vulnera casu sive per accidens *lethalia* proprie dicimus ea, quae in se spectata ita parum quidem periculosa sunt, ut curari alias semper fere soleant; sed propter alias quasdam res aut errores, vel ex vulnerati vel ex chirurgi culpa supervenientes *lethifera* effici possunt. Pertinent huc 1) istiusmodi vulnera, quae a chirurgo, licet potuissent, tamen non satis purgata sunt: veluti quum praeter naturam quidpiam, quod extrahi tamen debebat ac poterat, chirurgorum negligentia inibi relictum inflammationes, haemorrhagias, aut convulsiones atque ipsam denique mortem afferat. Sic nisi chirurgus ex abdominis atque pectoris vulneribus sanguinem concretum summo, quoad fieri potest, studio eduxerit, fieri aliter propemodum haud potest, quam ut relictus inibi sanguis putrescat, corruptisque simul aliis interioribus corporis partibus non vulneratis, praesentissimo mortis periculo vulneratum exponat (b). Igitur cavendum hic sollicitè semper est,

(a) De hac distinctione ac divisione eleganter *Bobnius* de *Vulner.* *Renunc.* *Cap.* II.

(b) Sunt tamen casus quidam, ubi chirurgorum in educendo sanguine studium omne frustaneum aut impossibile est, atque chirurgo culpa neglectae purgationis tribui

est, ne vulneris ejusmodi orae prius glutinentur, quam collectus in ventris cavitate sanguis penitus, si fieri potest, effluxisse deprehendatur, spirandi facilitate pristinorumque malorum remissione indicibus (a). Ceterum si quae intus praecisa majora sanguinis vasa sunt, tunc ipsa quoque vulneris purgatio omnis frustranea est: siquidem nimia sanguinis profusio sensim sensimque vulneratum exhaurire atque extinguere solet. Sic per accidens lethalia porro quoque 2) sunt ejusmodi vulnera, quae non satis leniter ac mite a chirurgis vel explorantur, vel tractantur. Si

G 3

qua

tribui jure nequit, sed vulnus potius, quia a cruore purgari non potuit, lethale merito pronunciandum. Exempli loco sit casus sequens. An. 1725. quidam gladio vulnerabatur. Gladius spatio pollicis transversi sub papilla dextra, inter quintam & sextam costam intrabat & per diaphragma in ventrem descendebat. Tametsi vero ab initio per dies tres multum sanguinis e vulnere profluebat, atque etiam chirurgus nihil non tentabat pro vulnere purgando ac vulnerato servando, tamen sanguis ex abdomine per vulnus in pectore educi non poterat, atque aeger, licet per aliquot dies satis commode viveret, octavo tamen post inflatum vulnus die intermoriebatur. Inciso deinde ejus corpore, sub jecore, ubi ventriculo accumbit, duo circiter manipuli cruoris concreti inveniebantur, atque etiam notabilis adhuc ejus portio & superiori & posteriori ventriculi parti & concavae hepatis regioni tam firmiter adhaerebat, ut vix digitis inde separari potuerit. Absterfo hoc cruore primo vulnus pollicem latum, quod medium & integrum hepar perforabat, conspiciebatur, & in hepate multi venae portae & venae cavae rami dissecti reperiiebantur. Deinde & vulnus ejusdem amplitudinis in septi transversae parte musculosa, ubi sextae costae adhaeret, se ostendebat, atque etiam in inferiori abdominis regione duae circiter cruoris unciae haerebant; nihil vero cruoris in pectoris cavo, nihilque aliud laesum deprehendebatur. Ego hoc vulnus ob gravem diaphragmatis & hepatis laesionem & quamaxime ob magnam cruoris concreti in abdominis cavo haerentis copiam, quem chirurgus nulla ratione ejicere poterat, lethale pronunciaui. Attamen satis mirari nequeo, fuisse aliquod Medicorum collegium, quod vulnus hoc gravissimum non nisi per accidens, ut ajunt, lethale pronunciarunt, atque reum sic a poena capitis liberarunt. Sed scire velim, quomodo tanta cruoris concreti copia ex abdomine & pelvi per vulnus juxta papillam in thorace elici vulnusque sic rite purgari debuerit aut potuerit, sine quo tamen salus non speranda fuit? Adeoque recte an secus hic judicatum sit, aliis dijudicandum relinquo. Vid. Fr. Hoffmanni Consultat. Tom. I. p. 376. & sqq.

(a) Quae ipsa purgati vulneris indicia sicubi fallunt, liberandus utique a culpa chirurgus est. Dabo aliud idque praeclarum rei hujus exemplum. Scilicet an. 1726. homo quidam Helmstadii sic vulneratus in dextro quoque pectoris latere juxta papillam fuerat, ut non ex vulnere tantum largiter efflueret, sed per ipsum quoque os ejiceretur cruor. Cessabat autem mox altero post factam vulnerationem die cruoris ille ex ore & vulnere fluxus, ipseque vulneratus ita belle sese habebat, ut in publicum mox prodire constitueret, meque ut turundam, quam vulnere immiseram, removerem, recuperatae spirandi facultatis sensu facile permoveret. Sed quid sit? vulneratus, peracto sic sine doloribus biduo, praeter omnem & culpam & expectationem, tertio die protinus emoritur. Ad apertis praecordiis, ecce insignis libramque circiter adaequans in pectore in conspectum prodibat concreti sanguinis copia: de quo evocando fieri haud potuerat, ut cogitasset medicus; siquidem sanguinis delitescens indicia penitus evanuerant. Accedit, quod BELLOSTIUS De LA MORTE, pluresque alii per celebres chirurgi recentiores pro acceleranda vulnere glutinatione, nullas omnino pectori immittendas statuunt esse turundas. Quod tamen consilium an tutum satis semper, paulisper dubito, aliis dijudicandum egomet relinquo.

qua enim partium molliorum, nervosarum, grandioribusque vasis sanguiferis plenarum vulnera paulo durius tractaveris, periculum sane est, ne major sanguinis profusio, convulsio, inflammatio, gangraena, ipsa denique mors vel leviter etiam vulneratum supprimant. Atque eodem fere modo res sese habet 3) *in istiusmodi vulneribus externis, quae, tametsi levia prorsus fuerunt, vulneratum tamen ideo extinguunt, quod chirurgus excitatam forte sua culpa inflammationem aliumque affectum graviores non satis caute tractaverit.* Vel 4) *si quis extrinsecus in manu vel pede vulneratus sanguinis profluvio conficitur; quum tamen vel apta deligatione, vel medicamentis, sanguinem cohibentibus; vel ligando arteriam laesam, sisti omnino sanguis a chirurgo potuisset.* Vel 5) *si quod vitium in victus ratione, libidinisque vel affectuum intemperantia vulneratus admittit, frigori corpus exponit, iter aliquod suscipit, ipsumque corpus vehementius commovet.* Fieri enim vix potest, quin istac ratione capitis praesertim vulnera aut quaecunque demum alia novae sanguinis profusioni obnoxia, citra omnem licet chirurgi culpam, periculosa reddantur, penitusque mortifera. Sed referri quoque huc solent 6) *ista capitis vulnera, quae, propter collectum in cranio sanguinem, vulneratos consumunt, quum tamen sanguis ille in tempore, facto per terebram foramine, educi omnino potuisset.* Tametsi enim insanabilia ut plurimum esse solent ejusmodi capitis vulnera; tamen quia dubium esse solet, servarine vulneratus terebratione vel trepanatione forte potuerit, an minus; dubiis quoque eadem haud inepte solent accenseri. Denique 7) *infirmus quoque corporis habitus insanabilia haud raro reddit ejusmodi vulnera, quae in robustioribus facillimo curari negotio potuissent.* Sic vel levissima interdum manus aut pedis vulnera in hydropicis, phthificis & scorbuticis gangraenam excitant, ipsamque mortem afferunt, utut chirurgus nihil quicquam eorum, quae ad aegroti salutem spectare videbantur, temere omiserit. Non sum equidem nescius, esse in medicis non paucos, qui ad plane insanabilia referant istiusmodi vulnera: interim prudentiores medici fere omnes mitius hic judicare, dubiisque vulneribus eadem annumerare, non sine consilio, maluerunt.

XXIV.

*Difficilia
plerumque
sunt de vul-
nerum lethali-
tate judicia.*

Atque his quidem principiis superstruenda utique sunt medicorum ista, quae Principi vel magistratui subinde exhibenda sunt, de vulnerum lethali-
tate judicia. Quanquam autem pleraeque omnes vulnerum species cir-
cumspēcte admodum dijudicandae sunt, nullae tamen sunt, quae majore
judicantis circumspectionem postulant, quam mediae classis (N. 22.)
vulnera: siquidem in his aestimandis tantus plerumque inter viros do-
ctos dissensus est, ut, quot capita, totidem quoque fere soleant esse
de ipsorum lethali-
tate sententiae. Neque enim desunt, qui quam
maxime periculosa ista mortemque praesentissimam, nisi praesto fuerit
peritioris chirurgi auxilium, secum afferentia vulnera (N. 22.) ad ter-
tiam,

tiam, & horum quidem dubiorum, sive per accidens lethaliū, vulnerum classem reducere, ipsosque adeo interfectores a poena capitis immunes praestare neutiquam verentur. Quod tamen quo jure quave injuria nonnunquam faciant, ipsi viderint. Enimvero si quis forte post praecisam, nocturno tempore, deficienteque chirurgo, arteriam aliquam temporalem aut tibialem, sanguinis profluvio interiret, hujus ego plagam, rebus ita se habentibus, prorsus insanabilem, interfectorem autem capitis reum existimaverim. Contra vero si quis eadem ratione, sed interdiu vulneratus, propter adstantium in succurrendo negligentiam, chirurgive in supprimendo sanguine ignorantiam exspiraret, hujus ego vulnus ad dubiorum seu per accidens modo lethaliū classem referendum, interfectorem absolvendum, chirurgum autem in jus vocandum statuerim. Sed ista quidem singula dijudicari atque expedire felicius haud poterunt, quam ubi singulas in impeditis ejusmodi casibus obvias circumstantias solertissime expenderimus (a).

XXV.

Ceterum nequē illud dissimulare egomet ausim, in casibus quam maxime dubiis mitiorem duriori praeferendam semper esse sententiam. Siquidem, ut dici in proverbio solet, *decem nocentes dimittere, quam unicum innocentem capitis damnare, praestat.* Durior enim sententia quemadmodum judicis conscientiae molesta, sic innocentium hominum vitae

Quid agendum sit in casibus omnino dubiis.

(a) Exemplum, hanc rem declarans, sequens sit. An. 1733. mense Septembri femina quaedam Brunsvigae extra urbem habitans, a viro quodam circa vesperam, cum portae urbis mox essent claudendae, fuste robusto tam vehementer capite percutiebatur, ut mox in terram, sensibus orbata, procideret. Hoc cum percussor videret, aufugiebat, & nemo nisi maritus & tres parvi liberi sive infantes aderant. Maritus prorsus attonitus circumcurrebat, & quaerebat homines, qui ipsum juvarent uxorem, quae valde gravis & robusta erat, elevare, eamque e solo in lectum reponere: verum propter noctem ingruentem neminem, qui hoc faceret, invenire, multo minus aliquem, qui ex urbe chirurgum accerseret; id quod etiam factum erat impossibile, quia portae urbis mox clausae erant. Mulier itaque percussa in solo erat relinquenda per integrum noctem sine ullo auxilio, & appropinquante die moribatur. Cadaver postea a medicis & chirurgis visitabatur, qui primo fissuram in osse syncipitis, & deinde calvaria ablata, sub dura matre in dextra cerebri partem magnam cruoris concreti copiam invenerunt; hinc vulnus lethale merito pronunciarunt. Defensor rei latus hanc sententiam impugnare eam ob causam studebat, quia chirurgus non fuerit accersitus, qui convenientia remedia adhibere, imo & calvariae perforationem instituere, atque defunctam sic servare potuisset. Postquam vero in hac sententiarum diversitate & mea sententia fuit desiderata, ea haec fuit. Nimirum si haec mulier in urbe vel loco fuisset, ubi chirurgi & medici haberi potuissent, atque illi vel ex negligentia non desiderati fuissent, vel accersiti debita remedia neglexissent, tunc vulnus ob hanc causam per accidens lethale dici potuisset. Quoniam vero hoc in casu chirurgi obtineri non potuerunt, aegra non ex negligentia aut culpa vel circumstantium vel chirurgorum, sed unice ob vehementem plagam perpeffam mortua est; idcirco vulnus hoc lethale pronunciandum esse indicavi.

vitae pernicioſa , inque univerſam ipſorum familiam mirum quantum injuria eſſe conſuevit.

XXVI.

Chirurgica
vulneris de-
ſcribendi
formula.

Sed ne quid tandem chirurgicae tironibus in hoc ipſo argumento deſit , ſuppeditanda utique hic eſt *vulneris deſcribendi formula* , quemadmodum apud nos uſitatae ſunt , in ejusmodi caſu a me exarata , ad cuius ſimilitudinem formulas ſuas componere ipſi queant , ſi a magiſtratu deſiderantur.

Ego in fine ſubſcriptus , exanimus N. N. corpus , praeſentibus N. N. hodie quam ſolertiſſime perluſtravi , atque hanc fere in eodem reperi membrorum laeſionem. Nempe conſpiciebatur ſub dextro humero dorſum verſus vulnus aliquod , duos prope digitos amplum , cui digitus ad ipſam pectoris cavitatem inter coſtas immitti facillimo negotio poterat. Ipſum vero pectus ſimulatque aperiebatur , integrum ferme latus ejusdem dextrum ſanguine concreto plenum deprehendebatur. Quo quidem remoto , novum ſtatim in conſpectum prodibat vulnus , ad pollicis amplitudinem dextro pulmonum lobo a tergo ſic quidem illatum , ut non ipſe ſolum pulmonis lobus medius tranſſoſus , ſed grandiores etiam cum arteriae tum venae pulmonalis rami una cum ipſis bronchiis penitus praeciſi deprehenderentur. Ipſum cor eidemque connexa ſanguinis vaſa penitus exhausta cernebantur , ſalvis interim abdominis capitisque partibus omnibus. Quando vero praeciſae iſtae pulmonis venae atque arteriae ſanguinem omnem in pectoris cavitatem effuderunt , mirum non eſt , vulneratum protinus (ut factum erat) exſpiſſaſſe , nullaque prorſus ratione ſervari potuiſſe. Ut adeo ex jam dictis manifeſto pateat , vulnus hoc penitus inſanabile fuiſſe , adeoque absolute lethale. Quod ipſum , veritatis ergo , teſtari debui , volui.

Factum N.

die ——— Ann. ———

N. N.

XXVII.

De formu-
lis chirurgi-
cis in uni-
verſum
quaedam mo-
nentur.

Ex hac ipſa formula conſtrui facile , mutatis circumſtantiis , poterunt a prudentioribus chirurgis innumerae aliae id genus relationum chirurgicarum aut deſcribendi vulneris formulae. Ceterum illud inprimis in hoc ipſo negotio commendatum ſibi habeant chirurgorum filii , ut non ipſum modo vulnus , ſed capitis etiam atque abdominis partes quaslibet quam curioſiſſime perluftrant , planiſſimeque in ſchedis ſuis deſcribant , ſi quae forte praeter vel ſecundum naturam in iſtis invenerint. Iſtiusmodi enim circumſtantiae dici vix poteſt , quantum expediendis de vulnerum lethalitate quaestionibus ſubinde inſerviant ; & quantum e contrario turbent , ſi negligantur & omittantur. Si qui vero ſint , qui plura relationum ejusmodi exempla inſpicere aut legere cupiunt , ii velim conſulant librum iſtum , qui *relationes aut formulas chirur-*

chirurgicas consignandi ars inscribitur (a). Ut nihil jam de eo dicam, quam plurima eademque varia in laudatis superius chirurgorum libris passim inveniri formularum istiusmodi exempla.

De vulnerum curatione.

XXVIII.

Equidem quando vulnus non est nisi continuarum corporis partium solutio, sane praecipuus curationis scopus in eo potissimum consistit, ut disjunctae corporis partes rursus uniantur ac probe glutinentur. Quoniam vero vulnera valde diversa, & nonnulla quam levissima, alia vero majoris momenti, aliaque quam gravissima, varia hoc ratione fieri debet.

XXIX.

Vulnerum levissimorum facilis ut plurimum curatio est. Quod si enim super laesam corporis partem vel linamentum aliquod e spiritu vini succidum, vel oleum ovorum, terebinthinae aut hyperici, vel balsamus Arcaei, Copaivae, de Meccha, Peruvianus aut vulnerarius alius, vel spiritus vini camphoratus cum spleniolo quodam, vel quodcunque demum fere emplastrum ei imponatur (b), ne qua forte fordes in vulnus sese insinuet, ac semel quotidie vel alternis tantum diebus deligetur, tum diductae a se invicem vulneris orae quasi sponte sua glutinantur. Hinc fit, ut in ejusmodi vulneribus paucissimi chirurgum advocent.

XXX.

Vulnerum autem aliquanto graviorum sic omnino instituenda curatio est: Scilicet purgandum ante omnia vulnus est a sanguine, sordibus, aliisve, si quae forte adsunt, rebus praeter naturam; deinde, si quid porro sanguinis concreti, glandis plumbeae, ferri, vestimenti, vitri, festucae, aliudque his non absimile, quod curationem impedire potest, in vulnere delituerit, illud omne vel digitis vel idoneis ferramentis, ut uberius mox exponetur, extrahendum. Postea sanguinis fluxus, si quis est, in prima deligatione cohibendus. Hinc partes dissectae rursus conjungendae, in hoc situ conservandae & glutinandae, ac denique opera danda, ut apta quaedam & aequabilis glutinato vulnere cicatrix inducatur.

XXXI.

Ad vulneris purgationem quod attinet, res ejusmodi extraneas vel manu, vel ferramentis sive instrumentis, forcipibus puta, vulsellis, hamulis, terebris, aliisve, quae Tab. III. fig. 3. 4. 5. 6. 7. & 8. delineavi-

Pars I.

H

mus,

(a) L'Art de faire rapport en chirurgie.

(b) Usitata vulnerum emplastra mihi sunt, emplastr. diaehylum simplex, diapalmac vel stipticum Crollii.

*Vulnerum
curatio.*

*Leviorum
vulnerum
curatio.*

*Vulnera gra-
viora quomo-
do curanda
sint.*

*I. Vulneris
purgatio
quomodo in-
stituenda sit.*

mus, extrahendae sunt. Ubi vero harum rerum alienarum nihil adfuerit, removendus tamen atque abstergendus solertissime est cruor omnis spongia quadam molliori, vel linteo, atque ex vino calido vel spiritu vini etiam expressa; quo rite peracto progrediendum statim est ad sanguinis profluvium sistendum, ac denique ad ipsam vulneris glutinationem.

XXXII.

Quomodo,
quae aliena
sunt, & vul-
neribus ex-
trahenda
sint.

In educendis ex vulnere rebus alienis dispicere ante omnia chirurgus debet, satiusne sit, protinus easdem extrahere, an aliquantis per in vulnere relinquere. Quodsi enim vulneratus jam valde debilis, imo ex ipso sanguinis profluvio jam mentē lapsus fuerit, praestabit omnino prius prospicere, ut non sanguinis solum profusio sistatur; sed & vel maxime, ut vulneratus vel potu temperato, vel lacte, vel boni succi jusculis, potionibus cardiacis sive roborantibus vinove prius reficiatur. Periculum enim est, ne vulneratus imbecillior vel propter dolores, vel sanguinis ex majori vulneris irritatione ortam profusionem in ipsa rerum istiusmodi extractione intermoriatur. Sic, ubi verendum forte est, ne grandior aliquis nervus, arteria vel vena, gladii vel hastae mucronis juxta haerentis extractione disrumpantur, satius utique videtur tantisper expectare, donec vel aeger ad se redierit, vel ipsum vulnus suppuratione dilatatum paulo faciliorem reddat extractionem. Sed ista quidem omnia tum ex ipsa vulneris laesaeque partis natura, tum ex vulnerati robore ipsiusque rei inhaerentis indole, tum etiam ex praesentibus vel imminentibus aegroti affectibus a chirurgo probe judicanda sunt atque aestimanda.

XXXIII.

Quomodo &
quibus adbi-
bitis instru-
mentis fieri
debeat ex-
tractio.

Ad ipsam rerum peregrinarum, cujusmodi *gladiorum, scarum aut lancearum mucrones* sunt, *extractionem* ubi ventum est, manu, siquidem fieri illud potest, eadem apprehendi debent; celerrimeque, at circumspicte tamen, mitissimeque inde extrahi; ne scilicet aliae quoque partes integrae, praesertim illae, quarum valde periculosa solet esse laesio, inter educendum laedantur. Si quae vero sint, quae manibus prehendi vel extrahi nequeunt, tum forcipibus ejusmodi rostratis, quales Tab. III. fig. 3. 4. & 5. delineavimus, etiam atque etiam opus est. Iisdem prorsus artificiis atque instrumentis uti solemus in *extrahendis ex vulnere glandis igniariae, ferramenti, vitri, chartae, panni, corii, aut cujuscunque demum alii vestimenti portiunculis*. Denique *glandes plumbeae* quomodo e vulneribus educi debeant, uberius infra declarabimus; ubi de vulneribus, quae per sclopeta infliguntur, tractabimus. Vulnera autem ubi forte angustiora sunt, quam ut istae res, quae praeter naturam in ipsis delitescunt, extrahi commode queant, aliquanto latius, ubi id tutissime fieri potest, scalpello incidenda sunt. Ceterum ita velim

velim habeant chirurgorum filii; nempe rerum alienarum extractionem, nisi graves admodum causae id suadeant, vel postulaverint (N. 32.) neuti- quam differendam, sed, quantum fieri potest, citissime suscipiendam esse. Praeterquam enim quod vulnere recentium, necdum tumefactorum commodior tractatio sit; vulnerati quoque in principio ob animi perturbationem & vivendi desiderium facilius omnia patiuntur & sustinent, quae pro vulneribus lustrandis, purgandis, dilatandis aut incidendis a chirurgo tentantur; quum e contrario post sedatam animi perturbationem, vel ob majorem doloris sensum, vel propter alios quoque corporis affectus malos, duriores chirurgi manum difficilius admittant.

XXXIV.

Purgatis jam a cruore aliisque rebus extraneis vulneribus, proximum est, ut sedato sanguinis profluvio, (qua de re ex proposito inferius plura) de oris plagae jungendis, iisque, postquam junctae sunt, conservandis chirurgus cogitet, ut quam optime glutinari queant. In quo ipso tamen negotio diversa semper, pro re nata, ineunda videtur esse ratio. Sic enim aliter glutinanda sunt vulnera sic dicta simplicia, ubi gravia nimirum mala absunt, quaeque levia & non profunda, quam quidem illa, in quibus gravia mala sive, ut vulgo dicunt, symptomata adsunt, vel etiam ubi frustra dependent, vel haud exigua carnis portio detrita vel excisa est. Aliter praeterea glutinanda sunt, quae in ipsum aliquod ventris cavum penetrant, praesertim si viscus quoddam internum laesum est; rursus aliter ea, quae non nisi externis corporis nostri membris illata deprehenduntur; ac denique aliter quae punctim, aliter quae caesim inflata sunt.

XXXV.

Inter vulnera vero haec ex simplicioribus & levioribus ea sunt, quae punctim illata & non adeo profunda sunt, atque non nisi in partibus corporis exterioribus sedent. In his, postquam in prima deligatione linamentis aridis sanguis cohibitus, eaque a cruore purgata sunt, unguentum digerens, (digestivum vulgo dictum) sequentibus diebus, vel balsamum Arcaei, vel aliud vulnerarium remedium ex supra No. XXIX. laudatis, cum linamentis (plumaceaux) quotidie semel, vel ubi non multum puris fundit, alternis tantum diebus, superaddito emplastro N. XXIX. & splenio applicandum; & fascia continente omnia firmanda. In singula vero deligatione haec omnia, quae facile recedunt, blande removenda, vulnus detegendum, sordes, pus aut sanies linamentis mollioribus abstergendae, ac denuo, ut modo docuimus, deligandum, atque sic, donec glutinatum vulnus sit, continuandum. Nam sciendum in universum est, tam in his, quam quae caesim infliguntur, crebriorem deligationem vulneribus plerumque magis perniciosam esse

quam salutarem, nisi nimia forte puris copia, praesertim aestate, vel aliud peculiare malum id exigat: quemadmodum CAESAR MAGATUS libro de rara vulnerum deligatione, BELLOSTIUS in Chirurgo nosocomio, alique e recentioribus, ut meam nunc experientiam silentio praeteream, evicerunt. Ubi vero id adhuc monemus, quod linamenta vulneribus immissa, & praesertim eis, ubi gravior sanguinis profusio adfuit, in primis deligationibus vi non sint evellenda, sed potius tam diu, donec sponte, quando suppuratio accedit, exeant, relinquenda, ne dolor aut novus sanguinis fluxus moveantur. Quando vero haec vulnera punctim inflicta valde profunda, tunc curatu longe difficiliora sunt, maxime si in parte non ascendunt, sed descendunt: quia facile sanguis vel pus in fundo hic colligitur, quo curationem difficilem reddit & fistulas saepe producit. Ad quod evitandum, noxia haec in quavis deligatione e fundo probe ejici debent, vulnus medicamentis laudatis nutriri, fundo extus linamenta, linteola, vel spleniola crassa imponi, isque fascia, quam *expellentem* appellant, fortius quam orae vulneris in singula deligatione constringi.

XXXVI.

Apertura
nova saepe
requiritur.

Quodsi vero haec parum sint, ut haud raro contingit, oportet saepe, si tuto hoc fieri possit, fundum scalpello vulnere satis amplo (quam Galli *une contre-ouverture* dicunt) in tempore aperire, antequam in fistulam vulnus mutetur. Ut vero haec altera & nova apertura commodius meliusque fiat, specillum vel acus peculiaris sumitur ad apicem obtusa & nodulo instructa A, in parte vero opposita satis amplo foramine B, (vid. Tab. V. fig. i.) quae ad fundum usque vulneris vel ulceris demittitur, nodulus ad cutem dirigitur, & paulo fortius premittitur, ut extus digito percipi possit. Deinde super hoc nodulo cutis & ceterae partes, quae hanc inter & nodulum interjacent, si tuto id fieri potest, (quod ex partium scientia intelligitur) satis amplo vulnere inciduntur; postea in foramen specilli sive acus B linteolum longum, sed angustum, immittitur, nisi forte jam antea inditum fuerit, specillum linteolum trahens per novum vulnus transmittitur, linteolumque balsamo vel unguento vulnerario succidum, per vulnus trahitur, & in eo ad modum setacei relinquitur, superimpositis linamentis utrique vulnere, simili medicamento inductis, & emplastris fascia firmandis. In singula post haec deligatione vulnera mundantur, pars superior setacei sive linteoli unguento vulnerario imbuatur, inferior vero eousque trahitur, ut recens inunctum frustulum vulnus subeat, hocque continuatur, donec vulnus per novam aperturam probe purgatum, ac pus valde imminutum sit, nihilque purulenti in fundo colligi queat; ubi linteolum, setaceum hic dictum, educitur, & vulnera, ut alias, glutinantur.

XXXVII.

XXXVII.

In eundem scopum GARENGEOT describit & exhibet ferramentum quoddam ex PETITI inventione triangulare, quod *Troicar* Galli vocant, (a) ^{Quomodo haec alia ratione fieri possit.} quo fundus fistulae pertunditur, & mox postea linteolum per foramen hujus ferramenti transmissum, per totum vulneris vel fistulae tractum reducitur. Vid. Tab. IV. fig. 1. Quoniam vero hoc PETITI ferramentum rectura est, mihiq; tales aegri oblatis fuerunt, ubi recto ejusmodi nova apertura commode ac tuto fieri non potuit, hinc jam diu, antequam GARENGEOTI liber prodierat, in gratiam aegri cujusdam nobilis, qui gravi abscessu in abdominis parte anteriori laborabat, cujus os juxta umbilicum in latere dextro erat, fundus vero ad inguen in eodem latere, aliud excogitavi. Nam quia recto ferramento hic novam aperturam moliri ob vasa cruralia magna hic vicina periculosissimum mihi videbatur, ferramentum fere simile ferramenti sive acubus illis, quibus in educenda hydropicorum aqua utimur, sed aliquo modo versus apicem curvum & longius, quia fistula longa erat, fabricari curavi, in cannula quoque reconditum; vid. Tab. IV. fig. 2. cujus ope, dum apex commode versus cutem dirigebatur, tuto nova apertura e fundo fieri poterat, sine metu laesionis praedictorum vasorum. Et ut simul ope hujus ferramenti setaceum sive linteolum in vulnus immittere possem, sulcum instar annuli juxta apicem limari jussi, cui id ope filii satis robusti alligavi, atque retrahendo ferramento setaceum quoque per fistulam transmissi. Quoties vero ejusmodi linteolum fere finitum, & vulnus nondum satis purgatum est, novum superiori extremo alligatur vel affuitur, & trahendo in vulnus insinuat; postea resecto impuro linteolo, ut antea dictum, pergitur, quamdiu id necesse; ita opus non est, ut novum linteolum ope ferramenti semper immittatur.

XXXVIII.

Denique hic monendum, quod, licet in plerisque vulneribus chirurgi opera danda sit, ut orae vulneris, quam citissime fieri possit, ^{Cautela circa horum glutinatio nem.} glutinentur; in his tamen e contrario studendum, ne orae citius quam fundus consolidentur: id quod fieri commode potest interjecto linamento parum contorto, quod *Bourdonet* Galli vocant, vel molli ac brevi turunda, donec fundus concrevit. Quod ubi factum, turunda mox removenda, & orae balsamis & linamentis, ut alias diximus, glutinandae. Quomodo ejusmodi vulnera, quae in *cava pectoris vel abdominis penetrant*, sint curanda, infra cap. V. ad X. exponetur.

XXXIX.

In vulneribus vero, quae caesim infliguntur, & ubi nihil de carne detritum est, quaeque non nisi in exterioribus corporis partibus, & ^{(b) Quae caesim, & ubi nihil de carne detritum est.} quidem

H 3

(a) Traité des Instrumens, Tome I. pag. 391.

- quidem non valde profunda, postquam purgata sunt, immisso balsamo vulnerario, (a) orae vulneris conjungendae, atque in hoc situ conservandae: id quod diversis fieri solet ac debet modis, pro vulnere diversitate. Nam 1. subinde hoc obtineri potest *apto partis laesae situ*; ratione hujus potissimum observandum, ut parti vulneratae, postquam medicamentis vulnerariis ipsi prospectum est, ille situs & positura concilietur, in quo partes divisae se invicem quam proxime semper attingant, deligatione singulis vel alternis diebus, ut modo N. 35. diximus, repetita. 2. *Idonea ligatura* sive *vinctura*: qua similiter partes dissectae ita vinciendae, ut orae sese contingant, atque sic facile glutinari queant: id quod cumprimis eis in vulneribus felicissime succedit, quae in longitudinem inflictae sunt; ut in fronte, abdomine, brachiis & pedibus: utpote in quibus fascia, *uniente* dicta, Tab. II. lit. f. orae vulneris quam commodissime junguntur. 3. *Apta sutura*: quae vero pro varietate vulneris rursus diversa esse debet; atque generatim in siccam & cruentam dividi solet. *Sutura sicca*, quam etiam *notham* dicunt, appellatur, quando orae vulnorum ope emplastrorum glutinantium junctae servantur; *cruenta* autem sive *vera* dicitur, quando idem acuum & filorum beneficio perficere studemus.

XL.

Quibus in
vulneribus
sutura uten-
dum.

Sciendum igitur hic est, non omnes plagas acubus conjungi: sed eae solum, quae obliqua vel transversa, vel angulis donata, & plerumque simul magna & profunda sunt; vel etiam eae, ubi frustra a quocunque telo soluta dependent, ut in laeso naso, aure, mento, fronte, genis, cute calvariae &c. verbo, ubi vulnus ita deprehenditur, ut orae ejus apto situ, ligatura & emplastris adunatae servari nequeunt. Oportet vero ut suenda haec vulnera 1. adhuc sint recentia, atque a cruore aliisque extraneis probe purgata. 2. Deinde nihil de substantia carnis detritum aut amissum; si eas modo excipias partes, quae valde cedere & prolongari possunt, ut labra: 3. nulla adsit inflammatio vel collisio aut confusio. Hisce enim in casibus sutura orae vulneris citius, melius atque elegantius glutinari rursus possunt, quam iis omissis atque neglectis.

XLI.

Quando &
quomodo su-
tura sicca
institienda.

Sutura sicca vero utendum in vulneribus, non adeo magnis aut profundis, & praesertim etiam in facie, genis, fronte, & alias ubique, ubi eam

(a) Praeter supra N. XXIX laudata, huc etiam referenda essent. succini, terebinthinae, mastichis, myrrhae & aloës, gemmarum populi &c. Ubi vero adhuc notamus, quod, si plagis confusio junctae ad quas etiam eas referimus, quae a vitris, ferris &c. factae sunt, olea vulneraria vel balsama blandiora, ut ungu. digestiv. vel bals. Arcaei adhibenda; sin vero ensibus, gladiis aliisque acutis telis inflicta, reliqua balsama vel essentiae laudatae, tanquam magis stringentes & siccant, praestent.

eam pro continendis plagae oris sufficere intelligimus (a). Nam quia neque dolores movet, neque novas cicatrices concitat, ea cumprimis in facie longe commodius uti possumus, quam illa, quae ope acuum fit; praesertim quia his, praeter dolores & cicatrices, etiam saepe haud leves inflammationes concitari solent. Ad siccam vero futuram optime instituendam requiritur, ut emplastra non sint nimis brevia, sed satis longa atque cum parte laesa conformia: & quidem ita, ut magnam ejus partem, non vero integram cingant; ne motum sanguinis intercipient, & tumores aliaque inde oriunda mala moveant. Deinde ut satis firmiter haereant, nec facile solvantur: quem in finem egregie inservit empl. ANDREAE A CRUCE, vel *stypticum* CROLLII, vel *diachylum*, vel *diapalmae*, *terebinthina probe subactum*, & firmo linteo inductum. Fluxu itaque sanguinis prius cohibito & vulnere rite purgato, balsamum vulnerarium probe glutinans vulnere immittitur, quale esse potest essentia mastichis, succini, balsami peruviani; vel balsamum Praefecti Equitum Melitensium, Gallis *beaume du Commendeur* dictus (b); vel aliqua ex eis melioribus balsamicis compositionibus, quas *Vernices* vulgo appellant, (utpote quae brevi in crustam quandam glutinantem ac balsamicam abeunt, qua aëri accessus ad vulnus denegatur, ejusque glutinatio egregie promovetur) emplastrum postea aliquod ex modo laudatis, pro vulneris ratione satis longum & amplum; vel duo, aut plura, si opus est, vel recta vel aliquo modo sinuata, relictis interstitiis, juxta se posita (c), calide in altero vulneris latere injici, palma manus aliquamdiu, ut tanto firmitus haereant, premi, ac deinde diductae a se invicem vulneris orae leniter atque aequabiliter compelli conjungique debent, atque sic junctae ope emplastri, in opposito latere agglutinandi, firmiter contineri, linamentis glutinantibus illis balsamis succidis tegi, spleniisque & fasciis idoneis bene firmari.

XLII.

Emplastra glutinantia, secundum PETITI morem, etiam in medio uno alterove foramine, aut pluribus, pro diversa vulneris magnitudine, figurae vel ovatae, praedita esse possunt, vid. Tab. II. fig. 11* vel angulari, vid. Tab. IV. fig. 7. ut per haec, sicut in praecedenti modo per interstitia emplastrorum, an vulneris orae rite junctae sint, non solum cognosci, verum etiam vulnus aptis medicamentis quotidie foveri queat. Haec emplastra, ut antea dictum est, applicantur, & tam-

(a) Ita aliquoties eis, quibus digitus ictu caesim facto ita dissectus erat, ut ab interiori tantum cute dependeret, & chirurgi eum rescindendum suaderent, ope emplastrorum junxi, atque sic digitos servavi, esse simul rursus coalito.

(b) Describitur in *Lemerii Pharmacop. Univers.* p. 641, atque ibi etiam *balsamum Equitis Sancti Victoris* appellatur.

(c) Vid. Tabula IV. fig. 3. 4. 5.

Tertia.

tamdiu relinquuntur, donec vulnus probe glutinatum conspicitur. Alia vero adhuc ratione futura sicca fieri potest: nimirum duo fiunt emplastra ex emplastro ANDREAE A CRUCE vel alio ejusmodi bene glutinante, novò & firmo linteo superinducto, magnitudine cum vulneris altitudine & amplitudine respondente, (nam^m profundioribus longiora, in levioribus breviora esse debent) his linteolorum frustis in margine sive limbo firmò affiguntur tres vel quatuor ligulae, pro diversa plagae longitudine, & postea emplastra haec, antea paulo calefacta, utrinque oris vulneris ad distantiam digiti quasi transversa probe agglutinantur (a), ita ut vulnere recte prospicere medicamentis queamus idoneis. Posthac orae vulneris curate junguntur, linamentis balsamo glutinante succidis conteguntur, & dum minister has ita junctas continet, Medicus ligulas utriusque emplastri aduersas primum nodo simplici, & deinde nodo solubili sive ansis instructo, probe constringit, ut sic recte adunatae seruentur. Cuivis emplastro splenium oblongum imponitur, his aliud majus quadratum, & omnia fascia comprehenduntur atque apte firmantur. Postridie vulnus examinandum: & si ligulae forte laxatae sunt, solvendae arctiusque rursus constringendae. Sin vero adhuc satis contineant, relinquendae, & linamenta superimposita tantum guttulis aliquot balsami glutinantis denuo impraegnanda: denique splenia & fascia, ut antea, rursus injicienda. Nonnulli loco ligularum aliquot *uncinulos* vel *ansulas* aut *habenulas*, ex ferro vel cupro flavo confectas, emplastris his glutinantibus utrinque junxerunt, ut ex Tab. IV. fig. 9. & 10. videre licet, quae emplastra eodem modo oris agglutinarunt, ut diximus, & deinde ope filorum aduersos emplastrorum uncinulos vel habenulas ita contraxerunt, ut oras plagae junctas servarent. Quoniam vero haec ultimae suturarum fliccarum species plus laboris & temporis ut plurimum requirunt, priores, quae solis emplastris fiunt, in frequentiori usu esse solent.

Quarta.

XLIII.

*Sutura vul-
nerum cruens
ta quid, ejus-
que divisio.*

Si quae vero profundiora & ampliora vulnera sint, eaque potissimum transversa, ut eorum orae futuris fliccis contineri nequeant, quemadmodum saepe contingit in femore, prout videre est Tab. III. fig. 1. litt. H; vel in abdomine, vel in natibus aut brachiis, vel ubi frustra quaedam, ut in fronte, genis, naso, mento vel auribus soluta indecore dependeant; vel vulnera majora angulos obtineant, vel in formam crucis inflicta sint, ut Tab. IV. fig. 12, 13. & 17. videre est, futura utique, quae acum beneficio perficitur, eorundem orae comprehendi debent, quae hinc futura *cruenta* sive *vera* dici solet. Vera autem rursus distinguitur in *simplicem* & *compositam*. *Simplex* appellatur, quae tantum mediante acu & filo peragitur, & ad quam futura

nodo-

(a) Vid. Tab. IV. fig. 8.

nodosa, futura *pellionum* dicta, & *convoluta* pertinent. Haec vix nisi in labri leporini curatione usurpatur; illa tantum in vulneribus intestinorum, ubi uberius de his dicemus; ista vero, sive *nodosa* in ceteris quibuscunque vulneribus, quae futura vera indigent, usitatissima est: quare de ea nunc primum proponemus. *Composita* vero futura dicitur, ubi praeter acum & filum adhuc aliae res requiruntur; de qua vero postea.

XLIV.

Optima mihi futurae *nodosae* conficiendae ratio haec est: Nempe ^{Sutura no-} filum aliquod duplicatum ac ceratum, vel ligula linea tenuis, ex sex ^{dosa quomo-} ^{do fieri de-} ^{beat.} quasi filis constans, in vulneribus paullo profundioribus innectendum acui fortiori atque (a) incurvatae. (Tab. I. fig. S. T. V.) Hac ipsa acu utraeque vulneris orae mediae, (quod duos pollices longum nunc fingimus) uno ictu, ab exteriori inferioris orae parte fere versus fundum, & inde rursus in superiori ora ab interiori parte in exteriorem sic perfodiendae sunt, ut foramina externa, per quae filum trajectum conspicitur, interposito digiti spatio circiter, ab ipsis vulneris oris distent, (plus vel minus pro vulneris magnitudine.) Tum, remota jam acu, compressisque leniter hiantibus vulneris labris, filum ipsum vel ligula ita in nodum primo simplicem, deinde solubilem sive habenulis praeditum, constringitur, ut orae vulneris quam aptissime in unum attrahantur, supra impositis iis, quae in deligatione futurae siccae modo descriptae solent adhiberi. Si qua autem paullo *longiora vulnera* sint, quibus glutinandis unica istiusmodi futura non omnino sufficere videtur, tum binae, tres, vel, pro re nata, plures (vid. Tab. IV. fig. 11. & 16.) etiam eodem prorsus, quem nunc descripsimus, modo confici poterunt; ita tamen, ut altera ab altera pollicem quasi semper distet. Praeterea ne quid forte detrimenti vulnera a nodis his capiant, ita semper constringenda sunt fila, ut primo semper nodo exiguum quoddam superimponatur spleniolum (Tab. II. fig. 22.) ex linteo vel serico cerato confectum: super quo postea alter nodus, sed solubilis, conficiatur, ut, ubi opus, prepter dolorem vel inflammationem, referari & laxari facile queat.

XLV.

Hoc modo procedimus, quando vulnera obliqua sunt vel transver- ^{Quaedam} ^{ad hoc cur-} ^{tela.} sa. Quando vero angulos habent, ut in *triangulari vulnere*, Tab. IV. fig. 13. tunc eodem, ut diximus, modo primum in angulo A futura instituitur; eaque simili nodo firmatur. Deinde etiam latera vulneris circa

Pars I.

I

me-

(a) In levioribus vulneribus, praesertim etiam faciei, futurae hae acubus rectis quoque fieri possunt; hinc chirurgus variis instructus esse debet: attamen lunatis sive curvis idem etiam quod rectis perfici potest; hinc rectae in futuris his conficiendis non sunt adeo necessariae. Curvae vero acus variae magnitudinis praesto sint.

medium B & C acu perfodiuntur, & orae ope ejusmodi nodorum adunantur. Si vulnus quasi quadratum est, aut in forma qualicunque litterae graecae Π , duobus angulis praeditum, quemadmodum subinde in facie, & praesertim in fronte occurrunt, vid. Tab. IV. fig. 17. tunc suturae in utroque angulo AA injiciendae sunt. Quando vero ob vulneris magnitudinem has binas haud sufficere conspiciamus, etiam via media inter angulos BB adhuc tot adhibendae sunt, quot necessarias esse intelligimus. Quando vulnus occurrit, quod formam litterae X vel crucis obtinet, ut fig. 6. & 12. ejusque orae emplastris junctae fervari nequeant; acus, ut fig. 12. indicat, primum ad litt. A immittenda, ita ut in altera ora ad B rursus emergat; deinde ad litt. C ita iterum transfigenda, ut ad D prodeat; postea orae ac fila blande constringenda, & nodo solubili, ut saepius jam indicavimus, inter A & D firmanda. Quomodo posthaec curanda atque tractanda sint ejusmodi vulnera & suturae, infra mox exponemus.

XLVI.

*Sutura com-
posita sive
clavata.*

Loco hujus suturae simplicis sive nodosae chirurgi quidam veteres futuram quandam *compositam*. (quae ope duorum *clavorum* sive *bacillorum* ligneorum, Gallis *Cheville*, unde iis *future enchevillée* dicebatur, latine *clavata* vocari potest, peculiari ratione perficienda erat) in vulneribus majoribus instituebant, cujus auxilio oras vulneris jungere ac componere studebant, ut facilius firmissime glutinentur, eamque propterea adhibendam, reliquisque praeferendam esse putabant, quia fila trajecta alias sine his clavis saepius oras vulnerum lacerabant; quo factum est, ut eae non solum non glutinentur, sed & gravia incommoda saepe sequerentur. Attamen licet haec futura a plerisque recentioribus, & nominatim etiam a DIONYSIO, Chirurgo quondam celebri Parisiensi, in chirurgia sua aliisque tanquam minus idonea rejecta sit, atque etiam per multos annos in usu esse desierit, a nonnullis tamen recentissimis (a) rursus vehementer commendatur, imo & nodosae, quam antea proposuimus, variis in casibus praefertur: ea tamen lege, ut loco duorum clavorum ligneorum, quibus veteres usi sunt, linteola vel frustula panni sericei, quod *taffetas* Galli & nostri appellant, cera obducti, forma cylindrorum convoluti, vulneris quasi longitudine & calami anserini scriptorii amplitudine (vid. Tab. IV. fig. 18.) in hunc usum adhibeant, quibus cavere volunt, ne orae vulneris a filis facile lacerentur, & dein ne eadem orae tam vehementer aut ruditer ac a ligneis clavis preman-
tur, quibus saepe tumores, dolores, & inflammationes molestissimi commoti sunt. PALFYNUS eam in vulneribus profundioribus partium musculosarum instituit acu magna robusta & curva, duplex filum ro-
bustum

(a) Ut PALFYNO in chirurgia Cap. VI. de suturis, & post hunc a GARENGEOT in chirurg. cap. de suturis & de Gasteroraphia.

bustum cera obductum (a), trahente, quod ansam efficit, quo per vulnus, ut supra docuimus, rite trajecto, alterum imo & tertium huiusmodi filum, ut fig. 16. indicatur, transfigitur, hisque duabus vel tribus fili duplicati ansis immittitur alterum illud teres linteolum vel sericum ceraceum, **AA**, deinde in altero latere, postquam fila ab acu liberata sunt, alterum ejusmodi linteolum ceraceum inter filum duplex interferitur, atque adductis prius oris vulneris, fila super hoc altero clavo sive cylindro ceraceo **BB**, modice & aequaliter adducta constringuntur, ac nodo primo simplici, deinde etiam solubili firman-
CCC: quorum filorum, si tria sunt, medium primum, ac deinde reliqua constringuntur, vulnerique, ut mox dicemus, prospicitur.

XLVII.

GARENGEOT eam quidem eodem fere modo perficiendam esse scribit (b), ut nunc proposuimus, sed ea potissimum cum differentia, ut loco fili duplicis *speciales quasi ligulas conficiendas esse velit*, ex sex vel octo filiis (pro *alia ratio eam instituendi.* plagae diversitate ejusque majori vel minori altitudine) cannabinis, puris, candidis, una junctis, & simul ceratis, prout vel magis vel minus robustas eas desiderat chirurgus, observando tamen, ne huiusmodi ligula duplicata crassior sit ipsa acu, ut eam facile, dum per oras vulneris adigitur, sequatur, ne in transmittendo multum negotii vel doloris creet. Quando igitur una, duae, tres, vel tot ejusmodi, quot opus est, ligulae per oras vulneris trajectae sunt, in quovis uniuscujusque ligulae extremo, quod in ora vulneris superiori eminet, nodum conficiendum esse vult, ac deinde fila, quae componunt has ligulas, inter nodum & oram plagae aequaliter esse disjungenda, ita ut ansae hic fiant, per quas clavus aut cylindrus, ex serico cerato factus, transmittendus. Postea duo digiti orae vulneris inferiori juxta acuum puncturas imponuntur, & altera manu ligulae sensim eousque trahuntur, incipiendo a media, si tres sunt, donec sic orae bene exacteque sibi invicem junctae sint. Deinde fila uniuscujusque ligulae oris inferioris in duas partes dividenda (c), quae pro altero clavo sericeo ligando inserviunt; quibus primum in medio vulneris nodus fit simplex altero hoc super clavo, (oris postea plagae quam curiosissime iterum adaptatis): Denique cum reliquis ligulis similes super eodem cylindro efficiendi erunt nodi, observando ne initio nimium constringantur, ne inflammatio moveatur, & super priorum nodorum singulo adhuc nodus solubilis, ut omnia melius firmentur, efficitur. Vulneri

(a) Vid. Tab. IV. fig. 14.

(b) Operat. Chirurg. Cap. III. de futuris.

(c) Garengeot in tres partes has inferiores dividendas esse docet: quid vero cum tertia harum parte hic fieri velit, ego non satis comprehendo, atque aliquid omissum esse mihi videtur.

tandem balsamum vulnerarium, & cumprimis supra jam laudatum Praefecti equitum Melitenfium (*baume du Commendeur* Gallis dictum) cum linamentis carptis imponitur, quod brevi speciem crustae balsamicae sive vernicis efficit, qua aëris accessus a vulnere arcetur, atque sic brevi glutinatio promovetur: superaddito splenio, liquore digerente calido succido, vinctura conveniente, & situ partis idoneo.

XLVIII.

*Quae post
observanda.*

Primis diebus, quacunque ratione futura facta sit, fascia & splenia caute removenda, vulnerisque conditio examinanda: quodsi tunc omnia bene se habeant, inflammatio & dolores vel non sint, vel saltem non adeo vehementes, relinquendae futurae per sex septemve dies, imo etiam diutius, ac vulnus, ut antea dictum, denuo deligandum, donec bene glutinatum esse pateat. Si vero primis diebus futurae nimis laxae deprehendantur, nodi solvendi & fila paululum adstringenda; sin nimis adstrictae, paululum relaxandae sunt. Praeterea *quando orae vulneris nimis tumidae, vel aliquo modo collisae sive contusae* appareant, unguento digerente vel balsamo Arcaeï suppuratio movenda, eaque per aliquot dies his remediis continuanda; ita mala haec aliaque inde metuenda incommoda plerumque brevi tolluntur. Quando autem inflammationes paulo majores & febres incidunt, futurae aliquantisper relaxandae, vulnus unguento digerente vel balsamo Arcaeï deligandum, aegro sanguis mittendus, alvus lotionibus ducenda, potus aqueus commendandus, aliaque, quae ad febres & inflammationes vulnerum prodesse infra proponemus, adhibenda. Vitiis hisce rursus sublatis quotidie aliquantisper futurae denuo constringendae, deligandumque praeterea vulnus est, ut antea exposuimus. Sed si haec parum sunt, & *mala haec cedere recusent*, imo potius indies augeantur, ut periculum inde metuendum, *futuras refecare oportet*, vulnusque ut ea curandum, ubi magna pars substantiae carnea detrita ac deperdita est: sicut mox proponemus.

XLIX.

*Quid gluti-
natis bisce
vulneribus
faciendum.*

Contra si plagae ejusmodi suturarum auxilio bene glutinatae sunt, quod non solum ex concretis oris, sed quammaxime etiam ex filis vel ligulis laxae in parte laesa haerentibus cognoscitur, fila aut ligulae forficis ope, subiecto prius, ubi id opus esse judicatur, specillo fulcato, juxta nodum diffecantur, ora inferior digito manus alterius sustentatur, & altera manu, prehenso nodo, blande & caute extrahuntur. Vulnuscula deinde minora, ab acubus relicta, vel aqua vulneraria, (*l'eau d'arquebuse*) vel aqua calcis immissa, vel spiritu vini injecto, spleniisque iisdem vel similibus liquoribus succidis superimpositis facile sanantur. Majus vero vulnus vel balsamo praedicto, vel alio ejusdem naturae fovetur, oraeque adhuc aliquamdiu empla-

emplastris glutinantibus probe sustentantur, donec firma cicatrix induc̃ta sit.

L.

Si quid vero carnis detritum vel excisum est, tum glutinari vulnus, neque emplastris, neque futura prius poterit, quam nova carne sensim sensimque illud ipsum impletum fuerit. Ad implendum autem vulnus proficiunt linamentum carptum, oleo, unguento, balsamove vulnerario succidum, ipsique vulneris fundo insertum, superinjectis emplastro quodam vulnerario ex modo laudatis, deinde splenio ut & fasciis. Quae deligatio quotidie repetenda est. Quanquam autem nova caro ista neutiquam, ut vulgus quidem opinatur, ex emplastris, oleis, balsamisve, sed sanguinis potius circulantis sive naturae beneficio, ut loqui amant, succrescat, quibus semper aliquid novi ad laesa vasa, donec vulnus impletum est, admirando prorsus modo apponitur; tamen neque illud dissimulandum est, posse utique istiusmodi medicamenta haud parum ad novam carnem producendam conferre, & simul removere ea, quae impedire possunt ac solent, quo minus eadem succrescat. Ut proinde mirum haud sit, id genus *medicamentorum, carnem producentia*, sive graeco vocabulo, *sarcotica* medicamenta Medicorum filiis appellari. Scilicet inesse his debet vis quaedam balsamica & emolliens, qua non ipsum modo vulnus a corruptione aut putredine tutum praestetur, sed sensim quoque succrescens nova caro leniter quasi irrigetur, inungatur atque sic emolliatur, ut eo facilius atque commodius e sanguine aliquid apponi, vasaque sic extendi atque amplificari possint. Atque hujus generis sunt, quae supra N. 35. & 29. commendavimus, olea, unguenta & balsama blandiora.

γ) De glutinatione vulnerum, ubi carnis aliquid excisum est.

Medicamenta vulnus implentia.

LI.

Aër autem, praesertim nimis frigidus aut nimis calidus, quum vulneribus inimicissimus sit, solertissime semper ab iisdem arcendus est. Nihil enim fere est, quod vel humores facilius corrumpat, vel subtiliora aegri corporis vascula fortius & constringat & exsiccet, carnemque succrescentem vehementius reprimat, ipso illo aëre. Sed quo felicius ab isthac aëris injuria defendi possint vulnera; illud utique sibi datum sciant esse chirurgi, ut primo praeparatis antea, quae ad novam deligationem necessaria sunt, singulis, ipsa deinde deligatio quam celerrime expediatur. Postea ut vulnus linamentis, oleo vel blandiori balsamo vulnerario madentibus, probe impleatur: denique ut linamentis emplastrum aliquod vulnerarium, (cujusmodi sunt No. 29. nominata) emplastro splenia, spleniis denique fascia, ut valentius haereant omnia, superinjiciantur.

Quomodo aër a vulneribus arcendus sit.

LII.

Quando post haec pus, sive materia subalbida, aequalis & crassiuscula in vulnere reperitur, instaurandae per dies singulos vel alternos,

Quomodo vulneris glutina

*tinatio peni-
tus absolva-
tur.*

pro re nata, deligationes sunt. Ubi tamen illud inprimis prospicere chirurgus debet, ut materia supervacua, quoad fieri potest, lenissime semper abstergatur. Siquidem tutius meliusque est materiae paucillum in vulneribus semper relinquere, quam duriter nimis eandem exprimere vel abstergere. Quemadmodum enim durior ejusmodi vulnerum abstersio succrescentem carnem novam graviter admodum affligit atque destruit, sic rarior ista in ipsis relicta materia adinstar olei vel balsami alicujus blandi succrescentem carnem istam alere quasi solet atque conservare. Hisque ita diligenter observatis, fieri aliter vix potest, quam ut vulnus nova carne sensim impletum optime tandem glutinetur.

LIII.

*III. Bona
cicatrix quo-
modo indu-
cenda sit
vulneri.*

Sed ut nihil quicquid omittatur eorum, quae ad perfectam vulneris curationem necessaria videntur, illud utique operam dare debent chirurgi, ut indecoram evitent, atque *elegantem, hoc est, aequabilem ipsi inducant cicatricem*. Longe optimum hic est, novam eandemque mollem glutinati vulneris carnem eique adhaerens gluten blande sensim exsiccare, adhibitis eum in finem non nisi linamentis aridis, nulloque balsamo succidis, supra datis spleniis fasciisque paulo constrictioribus. Quod ubi parum fuerit, propter humores largiter adhuc dum exinde promanantes, haud alienum erit siccantes illas essentias, vel balsama nativa (XXXIX) cum linamentis imponere; vel siccos etiam pulveres, tutiam nempe, lapidem calaminarem, mastichis vel colophonii &c. adspargere, hosdemque spleniis ac fasciis arctioribus contegere. Ita etiam magnus omnino vel folius spiritus vini rectificati hic deprehenditur usus, quia egregie adstringit & siccatur: siquidem nihil fere magis novam carnem melius vel siccatur vel confirmat, quam ubi vulneri jam jam impleto liquorem istum ex intervallo aut saltem inter deligandum illinieris aut applicueris.

LIV.

*Vulnera sor-
descuntia
quomodo tra-
ctanda sint.*

Quoties autem *impura sive sordida sunt vulnera*, id est, si quae forte putrida, spongiosa, nigra, pallida, livida, caro, membranula, similiisque alia materia foetida in iisdem increscunt, purganda utique prius ab his, quam glutinanda istiusmodi vulnera sunt. Solet autem variis modis institui ea purgatio. Vel enim adhiberi hic consuevit mel solum, apud veteres, cum linamentis impositum, (a) apud recentiores unguentum aliquod digestivum ex terebinthina, ovi vitello, rosarumque melle confectum; vel, ubi fortiori purgatione opus est, unguentum aegyptiacum, idque vel vini spiritu dilutum, vel digestivo etiam admixtum; vel hujus locum etiam supplere apte potest *fuscum illud Wurtzii unguentum*. Sic admisceri quoque unguentis digestivis haud incommode potest

(a) Vid. Celsus Lib. V. cap. 26. n. 29.

potest aloës quaedam myrrhaeve portiuncula, vel, si quid vehementius necessarium videtur, mercurii praecipitati rubri. Ceterum etiam insignis admodum propeque frequentissimus in vulneribus atque ulceribus sordidis perpurgandis usus est aquae calcis, cum primis si hujus librae mercurii sublimati grana XX vel XXX immisceas, quae propter ipsam vim suam *aqua phagedaenica* chirurgis vocari solet. Harum rerum una alterave tamdiu quotidie continuatur, donec sordium nihil quidquam superest, & postea recurrendum denuo ad antea laudata balsama vulneraria & methodum N. 50. descriptam.

LV.

Si quae autem caro supervacua inter ipsam vulneris glutinationem supercrefcere inceperit, tum, ne inaequalem atque eminentem ipsa cicatricem efficiat, vitriolo coeruleo illinenda quotidie, atque istac ratione, quantum satis esse videtur, coërcenda est carnis illa luxuries. Vel vitrioli loco pulvis ex alumine usto, mercurioque rubro praecipitato confectus carni excrescenti adspargendus, supraque datis emplastro, spleniis ac fasciis strictioribus tantisper ea reprimatur, donec cicatrix aliqua cuti reliquae haud inaequalis proveniat.

LVI.

Tandem in legitima vulnerum curatione id quoque inprimis prospiciendum videtur, ut *justam & victus & vitae rationem vulneratus servet*; quo scilicet, disjectis omnibus, quae cruditatem vel acrimoniam afferre poterant, sanguis bonus ac sanus efficiatur. Si quid enim aliud, bonus profecto sanguis ad promovendam atque accelerandam vulnerum glutinationem quam maxime utilis, quin imo prope necessarius est. Atque idem fere tenendum quoque est de aëre, conclavi, corporis atque animi affectibus, somno, vigilia, similibusque rebus aliis, quae ad bonam vitae rationem etiam atque etiam pertinere videntur. Siquidem isthaec singula sic omnino temperanda semper sunt, ut vulnere glutinationem non impedian, sed potius promoveant. Et certe quo debilioris valetudinis sunt vulnerati, quoque gravia magis ac periculosa vulnera deprehenduntur, eo major etiam atque accuratior victus illa vitaeque institui debet observatio.

LVII.

Atque ad aërem quidem quod attinet, temperatum maxime sit, oportet, conclave istud sive locus, in quo vulneratus commoratur; propulsis, quantum fieri potest, frigore atque aestu. Siquidem his gravia quaelibet atque capitis praesertim vulnera mirum quantum in- gravefcunt. Ne quid autem incommodi vel aëris vel loci, in quo vulneratus decumbit, humiditas pariat, longe optimum erit, succino, thure, mastiche similibusque aliis suffimentis conclave ipsius identidem exsiccare atque temperare.

LVIII.

Quo victu
uti debeant
vulnerati.

In assumendis cibis ac potu cavendum ante omnia vulneratis est, ne qua forte subsit intemperantia. E cibis autem quam convenientissimi illi sunt, qui & nullam admixtam sibi habent acrimoniam, & quam facillime digeruntur. Siquidem hi non chylum modo tenuem ac lenem, sed quammaxime temperatum quoque sanguinem efficiunt; quo glutinatio vulnorum mire promovetur. Igitur vulneratis commendari prae ceteris possunt varii generis juscula, ex hordeo praesertim, avena, manna, oriza, scorzonera, lactuca, endivia, chaerophyllo, petroselino, cichorio, asparago, parata; nec non caro vitulina atque agnina, gallinae item & capi sive galli castrati, cerevisia calida vitello impraegnata, fructus arborum probe cocti, praesertim poma, crerasa & pruna; vegetabilia etiam alia bene cocta; quo referri possunt spinachia, lupulus, asparagi, cinarae, lactucae, & si quae sunt alia hujusmodi olera blandiora. Si qui vero paululum robustiores sint, milites puta, vel rustici, qui modo recensitis esculentorum tenuiorum generibus exsatiari nequeunt, his, nisi grave admodum vulnus est, noxisve aliis comitatum, concedi quoque, pro re nata, poterunt valentiora quaedam carniū genera. Quoties autem inflammatio simileve aliud malum adfuerit, abstinendum utique vulneratis est non ab omni solum carne, sed & a quocunque cibo alio duriori. Universe autem vitandum vulneratis inter esculenta videtur omne 1) *quicquid acre, salinum vel aromaticum est*. Si quid enim aliud, hoc certe sanguinem acrem efficit, ejusque vehementem motum, calorem, indeque pendentes sanguinis profusiones, febres, vulnorumque inflammationes concitare adsolet. Absint igitur a vulneratis, praesertim ab iis, qui calidioris temperamenti vel naturae sunt, condita omnia, sinapi, raphani, cepae, hujusdemque materiae acrioris alia. 2) Sic detrahenda quoque vulneratis sollicita sunt, *quaecunque difficilius concoquuntur, sanguinemve gignunt crassiores*. Cujusmodi sunt pingua omnia, lardum, caro suilla, anserina, bovillaque vel vetustior, vel fumo aut sale condita; pisces item vetusti iidemque tenaciores, leguminaque omnia, pisa nempe, fabae & lentesc, praesertim exsiccatae; alia denique his non absimilia omnia.

LVIII.

Qualis potio
vulneratis
conveniat.

Potiones quotidianae quo vehementiores vel acriores sunt, hoc magis quoque solent esse perniciosae. Igitur prohibendi utique vulnerati sunt a vino, maxime a spiritu vini & frumenti, aqua vitae, mulso, cerevisia generosiori. Et si quae forte alia sunt hujusmodi. Contra vero quo magis tenues sunt, hoc magis etiam tutae solent esse potiones. Quanquam respiciendum hic simul semper sit ad ipsam vulnerati & naturam & consuetudinem. Sic, ubi aegrotans adfuetus aquae fuerit,

tum

tum vel potio ista quotidiana servanda, vel ejus loco adhibenda ptisana ex pane cocto, vel hordeo, admixta vel glycyrrhiza, vel aniso, foeniculo, vel mali citrii cortice, aliave re simili. Qui ab aqua prorsus abhorrent, his commendanda cerevisia quam maxime tenuis & diluta, eademque nec nimis vetusta aut acida, nec nimis nova ac foeculenta. Si quae autem vulnera prorsus periculosa, ipseque vulneratus infirmi habitus aut valetudinis fuerit, consultum utique, quin imo necessarium videtur, peculiares quasdam *potiones vulnerarias* conficere, quae male temperatum sanguinem corrigant atque restituant. Sed de his mox inferius prolixior N. 63 & 64 erit agendi locus.

LX.

Optimum etiam vulneratis medicamentum *quies* est. Igitur, quantum fieri potest, graviter inprimis atque in inferioribus corporis partibus vulnerati quiescant. Moveri enim atque ambulare alienum prorsus est. Neque enim desunt istiusmodi vulneratorum exempla, qui vehementioribus corporis *motionibus*, vehendo scilicet, equitando, currendo, saltando, non gravioribus tantum affectibus vel noxis, sed praesentissimo etiam mortis periculo sese exposuerunt. Neque vero minus perniciofa vulneratis solet esse *nimia vigilia*: ideoque prospiciendum omnino est, ut, quem ipsa natura fortassis denegare videtur, lenioribus quibusdam medicamentis soporiferis provocetur somnus. Si quidem in hoc ipso non exigua salutis spes quandoque sita deprehenditur. Ad excitandum autem somnum commodissime adhiberi potest sirupi papaveris albi Ꝟβ. ad Ꝟj. ex aqua primulae veris vel cerasor. nigror. vel & ex emulsione quadam papaveris semine & amygdalis dulcibus confecta. Quod ubi parum neque satis efficax fuerit, assumi ejus loco poterit theriacae mithridatiive Ꝟj. vel Ꝟij. aut quantum latioris cultri pars extrema capit; vel ipsius opii granum, eodem, quem modo commendavimus, liquore admixto.

LXI.

Alvus, quantum fieri potest, *laxa semper servanda est*, maxime in iis, qui in capite vulnus aliquod acceperunt. Si quibus enim in his vulneribus justo magis dura atque adstricta alvus est, hi nimio plerumque calori capitisque doloribus obnoxii sunt. Sciendum interim hic est, medicamenta alvum ducentia vehementiora prorsus aliena hic esse, vulneratisque propter ipsam corporis imbecillitatem perniciofa. Satius igitur est, medicamentis quam lenissimis alvum solvere. Tutissimum vero longeque optimum, istiusmodi cibos ac potiones assumere, qui simul & alant & ventrem molliant. Spectant huc sufficientes consuetoque largiores, quaeque ex theae herba coffaeque fructibus parari solent potiones; pruna item largioresque ex iisdem forbitiones; poma

Pars I.

K

molli-

molliter, admixtisque uvis passis minutioribus cocta; spinachia item ac cerevisia alba & calida cum saccharo vitellisque attenuatis, & si quae sunt alia hujusmodi. Cibi duriores quicunque, inprimis vero panis ficcior, removendi a vulneratis sunt. Denique ubi alvus durior est, quam ut cibus ejusmodi mollioribus resolvi queat, necessarium videtur, ad medicamenta, sed ea tamen lenissima, confugere. Itaque admovenda erit lotio aliqua sive clyster vel suppositorium; vel dandum etiam jusculum calidum injectis mannae praestantioris una vel binis unciis, pro vi corporis vulnerati; vel magnesiae binis drachmis; vel denique salis cathartici alicujus apta portio.

LXII.

*Animus a
perturbatio-
ne liberan-
dus.*

Affectus animi vehementiores, quibus ira, terror, tristitia, aegritudo, sollicitudo, meditatio, venerisque cumprimis intemperantia accenseri merentur, summo studio pellendi vitandique sunt, mente, quoad ejus fieri potest, quieta, serena atque hilari servata: quia iis saepe gravissima mala vulneratis concitata sunt.

LXIII.

*Medicamen-
ta interna
quaenam
vulneratis
danda sint.*

*Potiones
vulnerariae
adversus
pituitosum
sanguinem*

Quoties autem cunque vel graviora paulo vulnera, vel vulnerati etiam minus boni habitus fuerint, *internis* quoque opus subinde solet esse *medicamentis*. Siquidem horum beneficio non removeri solum ea possunt, quae curationem impediunt, sed & vel maxime ipsa quoque vulneris curatio haud parum promoveri. Primum in his medicamentis locum sibi vendicant *potiones vulnerariae*: quae ipsae tamen pro aegrotantis natura atque affectibus solertissime semper attemperandae sunt. Falluntur enim egregie illi, qui chirurgorum vulgarium, hoc est, minus circumspectorum, exemplo, unam eandemque omnibus potionem sive decoctum sine discrimine inculcant. Si quis igitur vulneratus frigidioris ac pituitosae naturae est, vel pallidus etiam ac tumidus, quae crassioris ac pituitosi sanguinis indicia sunt; tum potio vulneraria paranda est ex ejusmodi herbis, quae sanguinem resolvunt atque attenuant. Cujus generis sunt radices 5. aperientes, rad. coryophyllat. foenicul. gramin. &c. Herb. fanicul. alchymill. agrimon. betonic. veronic. pilosellae, pervinc. virgae aureae, sophiae chirurgorum, semen anisi, foenicul. dauci. &c. Potio ipsa sic fere paratur: Nempe ex jam recensitis herbis quaedam pro lubitu seliguntur, atque ea quidem copia, ut binas tresve manus circiter impleant. Hoc quicquid herbarum est, cum libris sex circiter aquae per momenta aliquot horae leniter decoquitur, percolatur, liquorque apto quodam sirupo, cujusmodi sunt sirupus flor. tunic. betonic. capillor. veneris, rad. 5. aperient. de cinamom. &c. quantum satis est, edulcoratus, & calidus quidem, ter vel quater per singulos dies haustulus aliquot unciamum vulneratis praebetur.

betur. Eaedem istae herbae ad modum infusi theae etiam praeparari, atque a vulneratis ita aliquoties in die cum pauxillo sacchari assumi haud incommode possunt.

LXIV.

Contra vero iis *vulneratis*, qui paulo tenuiorem habent atque acriorem *san-* *Potiones*
guinem, ea potio vulneraria quam maxime accommodata videtur, quae *vulnerariae*
 conficitur ex plantis aliquo modo glutinosis ac subpinguibus: quales *adversus te-*
 sunt radix symphyt. liquirit. polypod. scorzoner. farfaparill. herb. malv. *nuem atque*
 althaeae, verbasc. parietar. mercurial. flor. malv. alth. verbasc., da- *acrem san-*
 ctyli, ficus, jujubae. Ex quibus ipsis eadem prorsus, quam antea
 descripsimus, ratione, sorbitio quaedam parari, admixtoque, nisi vul-
 neratus a dulcedine abhorreat, sirupo alth. vel de symphyt. Fernel. li-
 quiritiae vel papaveris, quantum ad gratum saporem satis est, assumi
 identidem poterit. Si qui autem vulnerati sunt, qui vel *nimiis vulne-*
rum doloribus vel *vigiliis* discruciantur, tum praeter ea, quae Cap. II.
 de doloribus dicta sunt, una vel duae sirupi papaveris albi, sive de me-
 conio unciae admisceri commendatae jam potioni vulnerariae haud in-
 commode poterunt, vel emulsionem ex amygdalis & papavere albo ex-
 hiberi.

LXV.

Porro si quid forte acidi intus delitescit, quod vulneratum affligit, inge- *Medicamen-*
 rendum ipsi quotidie nonnihil est pulveris vel ex lapid. cancrorum, vel *ta adversus*
 ex perlarum matre, vel ex conchis praeparatis, vel denique ex ejus- *acrimoniam*
 modi absorbentibus aliis confecti. Quantitatem medicamenti bini vel *& fervorem.*
 tres cultri mucrones facile definiunt. Ubi vero *calorem internum vulneratus*
persentiscit, pulsusque paulo citatior est, tum *febrem vulnerariam* adesse dici-
 mus. Cui quidem imminuendae vel prorsus tollendae subsequētia infer-
 vire possunt medicamenta. Vel enim 1) dandum est decoctum hordei, ma-
 licitrei vel ribesiorum sirupo suave redditum; cui etiam, si lubet, tama-
 rindi haud inepte incoquantur. Vel 2) ingeri possunt iidem pulveres,
 quos jam jam laudavimus, admixta nitri aliqua partiuncula. Vel denique
 3) haud alienum quandoque est sanguinem mittere; idque inprimis, si vul-
 neratus junior, sanguinisque plenus, pulsus vero atque ardor vehemen-
 tiores deprehendantur. Sed de his omnibus, si quis adfuerit, ipse medicus
 potius, quam chirurgus prospiciat. Ceterum ubi robustiores atque ab
 aliis malis immunes fuerint vulnerati, commodissima potio quotidiana,
 ut supra jam monuimus, ea fere est, quae fit ex decocto hordei vel
 tenuiori etiam cerevisia. Atque ista quidem dicta nunc sufficiant de
 vitae victusque ratione graviter vulneratorum: quam vero sollicitē quo-
 que servandam commendamus iis, qui propter duriores etiam curatio-
 nes sive operationes, ut vocant, terebrationem puta, calculorum exci-
 sionem, mammarum membrorumque vel tumorum majorum amputa-
 tionem,

tionem, misere decumbunt. Quoties igitur de aegrotantium diaeta inferius monendum aliquid erit, haecenus allata ut breviter in memoriam revocare sibi velint Lectores, hortabimur, ne saepius eadem repetere cogamur.

C A P. II.

De

Accidentibus vulnerum malis, sive symptomatibus, ut vulgo dicunt, vulnere,
& quidem

I. De sanguinis profusione.

I.

Sanguinis
in vulnere
profusio
quomodo
sistenda sit.

Nimiae sanguinis in vulneribus profusiones ad unam omnes oriri solent e venarum, inprimis autem ex arteriarum laesionibus. Quo igitur majores atque ampliores venae vel arteriae percutiuntur, hoc graviores etiam contingant oportet sanguinis profusiones. Ut adeo mirum non sit, vulneratos quosdam, nisi promptum adfuerit auxilium, quam celerrime infirmari, animo linqui, vel protinus quoque emori. Quae quum ita sint, consultum utique vel & necessarium videtur, illud inprimis operam dare chirurgos, ut ad cohibendam sanguinis profusionem promptis semper atque expeditis instructi sint auxiliis. Quamquam nec illud dissimulare possum, accidere nonnunquam istiusmodi vulnerationes, in quibus sanguinem statim suppressere neutiquam conveniat. Nisi enim nimius jam tum sanguis ex vulnere eruperit, sane haud alienum est sanguinem adhuc aliquamdiu pati fluere, dum tutum erit: maxime si corpus juvenile, robustum sanguinisque plenum fuerit, vel etiam si id vulnus ebrietas atque ira praecefferit. Siquidem in ipsa sanguinis modica profusione haud contemnendum adversus inflammationem, tumorem, dolorem & febrim solet esse auxilium.

II.

I. Linamentis.

Sunt autem varia suppressendi sanguinis artificia. Nisi enim grandiores dissectae venae vel arteriae sint, promptum utique in *linamentis siccis, panniculisve lineis* adversus nimiam sanguinis profusionem solet esse remedium: dummodo ista paulo compactiora in vulnus ingerantur, superque injectis spleniis crassioribus, & fasciarum & manuum quandoque subsidio, quam arctissime vulneribus accommodentur. Siquidem apta & simul arctior vulneris dilegatio manuumque beneficio facta ejusdem compressio tantum haud raro praestant, quantum violentiora suppressendi sanguinis adminicula non aequè commode praestare solent.

III.

III.

Si qua autem gravior sanguinis profusio contingit, quae siccis ejus-^{2. Medica-} modi linamentis solis vinci nequeat, tum alia quoque adstringentia^{mentis ad-} sanguinemque sistentia adhibenda simul sunt remedia: quorum loco^{stringenti-} veteres (a) aquam frigidam, vel acetum cum linamentis vulnere im-^{bus.} misserunt, atque splenia iisdem his liquoribus succida superimposuerunt. Recentioribus nonnullis in usu tanquam egregium hic remedium est fungus ille, quem *Lycoperdon*, vulgo *lupi crepitum* vel *bovis* appellant. Hoc probe implendum vulnus est, superimpositis spleniis & fasciis aliquanto arctioribus. Sed vehementius atque usitatius hodie ad supprimendum sanguinem est *spiritus vini rectificatissimus*, quem *alcohol vini* appellamus (b). Hoc frigide vulnere infunditur, injectis simul linamentis probe contortis, hoc liquore imbutis, supraque datis spleniis crassis eodemque spiritu madentibus, fasciarumque adminiculo quam firmissime applicatis. Eadem quoque sita solet esse virtus in *oleo spirituque terebinthinae* (c), qua vini alcohol, ratione applicatis. Ita & aqua, praesertim plantaginis, in qua aluminis, vel vitrioli, vel sacchari saturni tantum, quantum in ea solvi potest, solutum est; vel alumen & vitriolum simul in eadem aqua, aut, quod adhuc fortius, phlegmate vitrioli soluta; aut aceti fortissimi $\text{z} \text{ij}$. quibus vitrioli albi $\text{z} \text{j}$ admisce-
tur, liquores stypticos praestantissimos constituunt, si modo praedicto adhibentur. Nec denique omittendi hic sunt *pulveres adstringentes sanguinemque cohibentes*; quales quidem ex bolo Armena, lapide haematite, sanguine draconis, croco martis adstringente, terra Japonica, aloë, olibano, mastiche, granat. corticibus, alumine, saccharo saturni, terra vitrioli dulci, gypso, hepate vitulino tosto similibusque rebus aliis, vel solis & seorsim sumtis, vel varia ratione mixtis, conficiuntur, ipsisque vulneribus abunde insperguntur, linamentis, spleniis ac fasciis, ut antea, insuper applicatis.

IV.

Vasis sanguiferis paulo majoribus praecisis, *rodentia* seu *caustica* quo-^{3. Rodenti-} que adhiberi solent medicamenta: siquidem ista vehementer admodum^{bus seu cau-} adstringunt. Frequentissimum idemque adhuc fere tutissimum in his^{sticis.} est *vitriolum coeruleum*: quod ruditer contusum gossypioque vel linamentis involutum hianti vulnere quam aptissime applicatur, firmiter supra deligatis plumaceolis cylindricis, spleniis, itemque fasciis. Huc etiam pertinet *liquor Weberi*, *stypticus* dictus, alique similes, quos oleum vitrioli, tanquam vehementissimum rodens, ingreditur: quibus vero linamenta tantum inferiora imbuenda sunt, ne nimis rodendo partes

K 3

vici-

(a) Vid. Celsus Lib. V. cap. 26. N. 2.

(b) De quo vid. Bohnius in Aët. Erud. Lipsienf.

(c) De hujus egregia virtute vid. Young in peculiari libello anglico de hoc oleo.

vicinas laedant, dolores acutissimos aliave gravia mala concitent. Quae vehementius his rodunt medicamenta, *mercurius* nempe *sublimatus*; *lapis causticus*, *spiritus* vel *oleum vitrioli*, & quae ejusmodi sunt alia, ista quidem vel ideo minus solent esse opportuna, quod graviora symptomata nunquam fere non adjuncta sibi habeant, ob nimiam vim rodentem.

V.

4. Arteriarum inter-
cisione.

Quodsi vero illa quoque profluvio vincuntur medicamenta, saepius prodest *arterias*, quae sanguinem fundunt, *ex parte tantum dissectas*, penitus intercidere. Sic enim non facilius solum ipsae sub carnem atque cutem retrahuntur; sed longe commodius quoque superius commendatis medicamentis earundem ora praeccluduntur. Quae curandi ratio quam maxime necessaria esse solet cum in temporalibus, tum etiam in tibiis & cubitorum arteriis.

VI.

5. Ferro
candente.

Ubi ne sic quidem sanguis conquiescit, ferro candenti sive *cauteriis*, ut vocant, utendum est. Quibus ita feliciter aduri, inductaque istis crusta, praeccludi venarum hiantium ora solent, ut nulla ferme tam gravis in externarum partium vulneribus contingat sanguinis profusio, quin istorum subsidio cohiberi queat. At vero bina semper velim in promptu sint ejusmodi cauteria candentia: sic enim, uno forte extincto, applicari statim si opus est alterum poterit. Figura ipsorum & magnitudo, pro discrimine loci, ubi applicanda sunt, mirum quantum variae possunt esse ac diversae: siquidem aptissima semper seligenda sunt: & hinc nos octo potissimum ipsorum species hic (Tab. III. fig. 9-16.) pro vario usu delineari curavimus. Instrui eadem, pro re nata usque commodiori, possunt variae formae manubriis, usibusque adhuc aliis quamplurimis accommodari, ceu ex iis, quae alibi edisserere constituimus, luculentius apparebit. Interim bina fere sunt, quae cauteriorum usum dissuadere atque impedire ut plurimum solent incommoda. Neque enim primo aegroti solum abhorrrere mirifice a cauteriis adsolent; sed reliqui etiam homines tantum non omnes crudelem nimis esse proponunt istiusmodi medicum, qui cauteriis utitur: quum tamen non adeo vehementes inde oriantur dolores, quales quidem plerique sibi imaginantur, iidemque etiam quam celerrime atque opinione citius rursus evanescant. Sed majus etiam incommodum situm esse solet in eo, quod crusta, ferri candentis ope arteriis inducta, (*escharam* vulgo appellant) biduo vel triduo praeterlapso decidere haud raro, praesertim in arteriis grandioribus, soleat: unde nova iterum sanguinis exoritur profusio, eaque saepe periculosissima. Quod tamen, ne qua forte fiat, prospicienda inprimis duo sunt: ut non vulnera solum in deligationibus semper quam mitissime tractentur; sed ut in promptu quoque sint ad prorumpentem forte sanguinem denuo suppressendum accom-

accommodata ferra candentia. Isthæc observatio in majoribus arteriis per quatuordecim fere dies necessaria est : hisque peractis nullum ferme profusionis periculum superesse consuevit. Ceterum ubi vel cruralis vel brachialis percussæ fuerint arteriæ , parum sane adversus sanguinis profusionem in cauteriis auxilii est : propterea , quod vehementior sanguinis in iisdem motus crustam inductam identidem disrumpat aut repellat, novumque denuo profluvium concitet.

VII.

Sed vero in periculosis arteriarum maximarum, cruralis puta & brachialis, percussionibus, quales nimirum in artuum amputationibus fiunt, tutissimum adversus sanguinis profusionem auxilium situm esseprehenditur in earum ligatura sive colligatione. Quod si enim filo quodam cerato firmiori, subter læsa arteria incurvatae acus ope trajecto, id, quod ictum est, colligatur, sanguis protinus cohibetur, ipsaque arteriarum ora sensim coeunt.

VIII.

Denique nec instrumenta defunt, ad supprimendum sanguinem in variis corporis partibus a chirurgis excogitata & accommodata. Sic enim dudum apud chirurgos invaluit usus magni cujusdam annuli ferrei, cochlea instructi : quem vulneratis membris sic applicuerunt, ut linamentis ac spleniis superimposita sensimque magis intorta cochlea hiantes arteriarum oras praecluderet, atque ita ruentem ex illis sanguinem penitus cohiberet : quem tam diu ibi reliquerunt, donec metum novi profluvii præterisse judicarunt (a). Quando vero dictus iste annulus paulo incommodior, & non nisi artubus applicari commode poterat, id sibi datum existimabant esse chirurgi, ut ejusmodi excogitarent instrumenta, quæ & commodiora, atque ipsis quoque & colli & capitis arteriis firmiter comprimendis essent accommodata. Atque hujusmodi fere illud instrumentum est, quod *Tab. V. fig. 2.* delineatur, sequentemque in modum construitur. Nempe lamina quaedam orichalcea, trium quasi pollicum longitudinem & duorum latitudinem adaequans A A. media sic perforatur, ut cochlea quaedam robustior B B., lamellaque orbiculari circiterque pollicari C. inferius instructa, intorqueri possit. Alteri laminae orichalceae extremo ejusdem latitudinis lorum coriaceum vel sericeum firmiter junctum est E E. F F. Quoties igitur graviores cohibendae sunt sanguinis profusiones, sic omnino instrumentum illud, lori ope, foraminulis F F. instructi, vulnerato corporis membro adaptatur, atque extremo F. ope foraminulorum in uncinulis G G. firmatur, sic, ut lamella C. ipsum vulnus, vulnerique superimposita splenia quam exactissime comprehendat. Quibus ita jam confectis, superimminens cochlea ad.

(a) Species aliqua ejusmodi ferramenti apud Scultetum videri potest.

ad D. tantisper super ipsum vulnus intorquetur, donec sanguis penitus conquieverit : eoque in statu per unum alterumve diem relinquitur. Ceterum quandonam vel relaxari, vel arctius constringi, vel & prorsus removeri instrumentum illud conveniat, id ipsum chirurgorum providentiae dijudicandum relinquimus. Ita etiam simili instrumento longiori loro donato instructus esse potest chirurgus, ut in capitis, speciatim vero temporum vulneribus eo uti queat.

IX.

8. Fascia contortili, sive torculari.

Denique in instrumentis supprimendo sanguini accommodatis omitenda hic neutiquam videtur machina sive *fascia* illa *contortilis*, quam *Tournequet* vulgo Gallorum ore, *Torcular* latine dicimus, inque gravioribus sanguinis profusionibus, & cumprimis post amputatas partes corporis grandiores, quam commodissime adhibemus. Huic rite conficiendae varia sunt, quae serviant. Sic enim ante omnia in promptu sit 1) funiculus planus, latitudine pollicem, longitudine Parisiensem circiter ulnam adaequans; deinde 2) cylindrus ligneus digitalis sive bacillus; tum 3) fascia conglomerata duos digitos crassa, quatuor longa; denique 4) splenia longiora, fereque tres quatuorve digitos ampla, pro circumcingendis pedibus vel brachiis, quibus fascia sive funiculus applicandus; postremo 5) frustum aliquod chartae crassissimae, quam *pappam* dicimus, vel corii rigidioris quadratum quatuorque circiter digitos amplum.

X.

Torcular
quomodo applicandum sit.

Equidem quale esse debeat *torcular*, cognovimus. Disquirendum jam est, quibus artificiis applicari illud in vulneratis quam aptissime queat. Scilicet fascia conglomerata trunco arteriae praecisae (cujus situm anatomia docet) secundum longitudinem imponitur, superinjectis spleniis transversis, brachium vel pedem adinstar alicujus annuli cingentibus. His dein funiculus ita leniter bis circumvolvitur nodoque firmatur, ut facilis ipsum inter & partem corporis laesam manui pateat transitus. Tum exteriori pedis sive brachii vulnerati lateri sub eodem funiculo corium vel charta crassissima quam fieri potest accuratissime applicatur; funiculusque per insertum versatumque super isto volumine cylindrum sive bacillum tantisper contorquetur, donec sanguis penitus conquiescit. Denique firmato, ne forte rursus remittat, baculo, vulnus ipsum pro re nata tractandum vel curandum, sanguinisque profusio vel medicamentis adstringentibus, vel ligatura, vel ferro candenti, vel instrumentis etiam huic negotio destinatis, aegrorumve membrorum amputationibus, vel quibuscunque demum aliis artificiis cohibenda est. Quibus rite peractis, *torcular*, simulatque id ipsum tutum vel commodum visum fuerit, relaxandum est penitusque removendum. Ceterum in brachio fascia ista conglomerata haud procul ab humero, inte-

interiori ejus parti, prout arteriae situs illud ipsum postulat, imponitur, immissoque ab altera, id est exteriori parte baculo constringitur, indice *Tab. III. fig. 1. litt. K.* Quoties autem in crure cohibendus sanguis est, fascia vel in summo femore, vel, pro re nata, supra poplite etiam, pari ferme ut antea ratione, solet applicari (*Vid. litt. L. M. N.*) Sed quo facilius tandem appareat, quae vera sit instrumenti sive torcularis hujus forma & positura, seorsim eandem utcunque delineavimus *Tab. III. fig. 2.*

XI.

Loco hujus machinae sive torcularis cel. chirurgus Parisinus PETITUS *Petiti torcular.* in Acad. Parisin. An. 1718. aliam a se inventam delineavit, quam nunc vulgo *torcular Petiti* appellant; quo id potissimum obtinetur, ut clausum sine alterius ope persistat; cum vulgare huc usque usitatum a ministro quodam sustinendum & gubernandum sit. Deinde quod, ubi necessitas id exigat, tam diu in membro relinqui queat, quam diu id opus esse judicatur, sine impedimento circuli sanguinis in parte aegra; cum vulgare sanguinis circulum omnino intercipiat, adeoque post breve tempus rursus removendum sit. Descriptio vero ejus tam brevis & imperfecta est, praesertim cum illius partes seorsim ibi non descriptae sint, ut eam in multis intelligere non potuerim (a).

XII.

Hinc paulo aliter eam fabricari, atque simul emendare studui, ut ex *Tab. V. fig. 6.* videre licet: ubi AA partem superiorem, BB inferiorem, & C trochleam denotat, omnia in naturali magnitudine & ex ligno forti parata. In extremo DD duae minores trochleae ex ferro infixae sunt, quibus firmatur funiculus sericeus planus & robustus ejusdem fere latitudinis, qui viginti circiter pollicum longitudinem habet, ita, ut crassiora membra quoque cingere, & uncinulis, litt. E indicatis, innecti possit. In extremis FF partes ambae utrinque paulo excavatae sunt, ut funiculus in iis firmiter quiescat, nec facile hinc inde moveatur aut omnino decidat. Ad litt. G roboris causa lamina adest ferrea, ne facile disrumpatur. Vulnere itaque linamentis & splenis rite instructo, torcularis pars inferior BB, splenio crasso munita, opposito vulneris lateri imponitur, funiculus membro laeso arcte circumdatur, & uncinulis E innectitur, postea ope trochleae C, quantum opus est ad sanguinis profluvium coercendum, tenditur, atque hoc in statu, quamdiu chirurgus id necessarium esse judicat, in parte laesa relinquitur.

XIII.

Aliud ejusmodi torcular Garengot descripsit (b) atque delineavit, *Morandi quod torcular.*
Pars I. L

(a) *Garengot*, Tom. II. de instrum. chirurg., paulo aliter illud exhibet, sed nec hic satis clarus est.

(b) In altera editione de Instrumentis chirurg. pag. 351. icon vero pag. 360. ibidem exhibetur.

quod praeclarus chirurgus Parisinus MORANDUS invenit : quod quidem in multis cum praecedentibus convenit , attamen in hoc potissimum differt , quod loco cochleae simplicis *Morandus* suum cochlea composita celerioris actionis causa instruxerit , & ex ferro illud fabricari curavit. ita enim unica cochleae torsione plus hic tenditur lorum , & plus comprimitur vulnus aut arteria , quam cum aliis duabus aut pluribus contorsionibus. Quemadmodum loco citato prolixius , cui lubet , videri potest. Attamen ipse *Garengot* nonnulla in hoc instrumento carpit , & *Petiti* huic praefert.

XIV.

Aliud ejusmodi.

Cum aliquot abhinc annis Berolinum vocatus essem ad belli quendam ducem , qui ex primariis est Regis Borussiae , graviter decumbentem , sanandum , vidi ibidem torcularis ejusmodi speciem , ex ferro paratam & valde gravem , quae multum cum *Morandi* conveniebat ; attamen in quibusdam rebus , nescio cujus consilio , mutata erat : quam propterea , quia nusquam adhuc delineatam novi , *Tab. V. fig. 7.* delineari jussi. A est lamina inferior cum multis ad oras foraminulis , ut pulvillus vel splenium ei submitti & assui possit. B est eminentia excavata , quae cochleam recipit. C est lamina superior ; D cavum in lamina superiori pro cochlea recipienda. EE extrema laminae superioris , quorum alterum uncinulis , alterum uncinulis & arcus specie instructum est , ut lorum fere , ut in *fig. 2 & 6.* nostra , quod membrum complecti debet , firmari queat. F est annuli species , cochleae cavum laminae superioris ambiens ; G pars quadrata sive cubica , cochleae in modum exsculpta , ut cochleam parvam H recipere , & majorem cochleam I, K , quae facile alias recidit ac remittit , in cavo D firmare valeat. L cylinder ferreus est , qui in lamina inferiori firmiter infixus , in superiori vero liber est , ut lamina superior ad inferiorem , quando volumus , accedere , & ab eadem rursus , pro loro tendendo , vulnereque aut arteria comprimenda recedere possit , & simul forte efficere , ne lamina superior in alium situm , quam quem inferior habet , distorqueri possit , id quod actionem totius machinae facile labefactaret.

XV.

Aliud a me correctum.

Ad hoc vero impediendum adhuc alia ratione torcular fere ejusmodi fabricari curavi , idque ex cupro flavo sive orichalco , quemadmodum *Tab. VI. fig. 1.* ostenditur. Ubi lamina superior longe brevior inferiori , & in altero extremo lorum affixum habet , quod , postquam membro laeso circumductum est , uncis alterius extremi innectendum. Lorum vero utrinque per foramen laminae inferioris transit , eoque efficit , ut eandem lineam perpendicularem servant , nec hinc inde , quando cochlea commovetur , temere vacillare queant. Quilibet jam pro labitu ex his eligere potest , quod ipsi maxime arridet. Res omnibus

bus succedit. Alterum rem paulo celerius, alterum paulo tardius perficit. Sed & hic tritum illud valet: *Sat cito, si sat bene.* Quomodo vero ejusmodi torcularia in amputationibus majorum artuum sint applicanda, infra suo loco proponemus.

XVI.

Denique illud etiam paucis admonendum hic restat, *medicamenta adstringentia sanguinemque sistentia interna, laesis praesertim arteriis grandioribus*, parum vel nihil efficere: praeterquam quod obstructions cum primis vasorum lacteorum in intestinis, glandularum mesenterii, aliorumque vasorum ac partium, itemque dolores, inflammationes, febres noxasque id genus alias excitare eadem consueverint. Ut proin abstinere ipsis quam uti satius esse videatur.

De medicamentis adstringentibus internis quid habendum sit.

II. De vulnerum doloribus.

XVII.

In accidentibus vulnerum malis gravioribus principem fere locum sibi vendicant *dolores*: siquidem ex his ipsis vigilia, debilitas, convulsiones, inflammationes, gangraena & denique ipsa mors enasci quam saepissime solent. Ad *causas dolorum* quod attinet, variis utique modis excitari iidem solent: nempe si vel 1) alieni quidpiam in vulneribus haeserit, quo irritari eadem possunt; ceu fieri quam facillime solet in partibus corporis nervosis. Vel ubi 2) rodentia quaedam medicamenta ad suppressendum sanguinem vulnere fuerint admota. Vel ubi 3) gravior aliqua sanguinis juxta vulnus obstructio, tumores atque inflammationes moverit; quemadmodum contingere haud raro solet in iis, qui vel nimio sanguine laborant, vel per sclopetum aliquod vulnerati sunt: siquidem in his vulneribus parce admodum fluere sanguis consuevit: id quod ex magno tumore & inflammatione cognoscitur. Denique ad dolorum causas referri quoque inprimis meretur 4) ipsa nervorum aut tendinum violenta laesio atque distensio.

De vulnerum doloribus.

XVIII.

Igitur longe optimum erit in *dolorum curationibus* ad diversas eorundem causas quam solertissime semper respicere: siquidem non omnes dolores uno eodemque tolli possunt medicamento. Quare 1) *si quid forte alieni vulneribus infixum haeret*, quod dolorem moveat, extrahi protinus illud ipsum convenit, quemadmodum supra jam tum demonstravimus. (Num. 31. 32. 33.) Quodsi autem 2) *ex rodente sive adstringente aliquo medicamento enati dolores sunt*, expurgandum id quoque, vel saltem leniendum solertissime, quod adhuc intus relictum est. Serviunt hic inprimis ea, quae decocta sunt ex malva, althaea, floribus chamomill. sambuc. melilot. verbasc. sem. lin. sem. papav. & si quae

De dolorum curatione.

sunt alia hujusmodi. Ex his ipsis expressa spongia vulnus identidem madefieri debet atque expurgari, donec nihil nec rodentis medicamenti, nec doloris reliquum sit. Quae ex haecenus recensitis herbis decoqui solent cataplasmata, idem prorsus efficiunt, si nimirum probe calida vulnere admoventur. Quanquam nec alia etiam medicamenta defunt, quae a Medicis ordinanda & intus adhibita leniendis doloribus apprime idonea sunt. Porro 3) *ubi dolorum causa in vehementiori quadam inflammatione sita esse deprehenditur*, qualiter contingere ut plurimum in iis solet, qui vel nimia sanguinis copia premuntur, vel quibus parum sanguinis pro modo vulneris fluxit; tum necessarium utique videtur, sanguinem, & quidem pro virium ratione, largiter mittere; vel, si id quoque parum est, partem inflammata, quoad tutum est, juxta vulnus, praesertim si sclopeto inflatum fuit, incidere. Namque ista ratione non sanguis solum concretus sive stagnans e venis obstructis educitur, sed ipsa quoque inflammatio cum doloribus felicissime tollitur. Interim adhiberi quoque adversus inflammationem subinde possunt liquor calidus ex aceto & aqua confectus, quem *oxycratum* vulgo dicimus, vel spiritus vini calidus, vel, quod efficacissimum deprehendimus, aqua calcis vivae, cum modica portione spiritus vini camphorati, cum linamentis complicatis; cataplasmata item digerentia, & si quae sunt ejusmodi, quae explanatius descripturi sumus, ubi de inflammationibus exponere coeperimus. Ceterum intus opportuna hic sunt absorbentia, lapid. nempe cancerorum, conchae praeparatae, antimonium diaphoreticum & similia, cum modico nitri permixta, itemque potiunculae temperantes & alia: sicut e contrario removenda singula sunt, quae sanguinis fervorem quendam concitare quomodocunque possunt. Denique 4) *ubi dolores ex nervo vel tendine quodam laeso nascuntur*, difficillima plerumque curatio est: siquidem convulsiones, vehementesque inflammationes semper fere iisdem superveniunt. Quod ipsum tamen ne qua forte facile contingat, commodum utique erit, balsamum peruv. balsamum copaiv. oleum terebinth. vel & confectam ex oleo terebinth. & aqua Reginae Hungariae mixturam modice calidam identidem in vulnus infundere; superimposito cataplasmate aliquo digerente, ex herb. scord. absinth. abrotani, flor. sambuc. chamomill. aliisque ejusmodi cum vino admixto decoctis: non omnino tamen neglectis medicamentis lenientibus internis. Quod si vero nec ista quidem leniendis doloribus avertendisque convulsionibus sufficiunt, sane haud incerta subesse plerumque solet desperatio, nisi vulnerata nervi pars protinus praecidatur. Quanquam enim ejus membri, in quod nervus ille praecisus extenditur, omnis plerumque & motus & sensus pereunt; praestat tamen in desperato ejusmodi malo membri alicujus usum amittere, quam vitam.

III. De vulneratorum spasmis & convulsionibus.

XIX.

Spasmodorum & convulsionum in vulneratis causae variae sunt. Neque enim 1) ex iis solum rebus oriri consueverunt, unde dolores enasci, secundum hactenus demonstrata, solent; sed & vel maxime 2) ex nimio sanguinis profluvio. Patet hoc ipsum luculentissime ex illorum exemplis, qui sanguinis profusionibus extinguuntur. Hi enim antequam prorsus exspirant, nisi in tempore adhuc succurramus, crebris ut plurimum iisdemque gravioribus premuntur nervorum distentionibus sive convulsionibus.

XX.

In curandis vulneratorum spasmodis & convulsionibus respiciendum semper est ad primas malorum istorum causas. Enimvero quoties spasmi vel a rebus extraneis ac rodentibus, vel a nervorum laesionibus proveniunt, eadem prorsus in iisdem curandis instituenda ratio est, ac in leniendis doloribus. (Num. 18.) Ab inflammationibus autem nimisque sanguinis copia qui enascuntur spasmi, hos opportuna sanguinis missio commodissime tollit; maxime, si ista quoque simul abhibentur, quae supra commendavimus, temperantia. (Num. 18.) Quod si autem a nimia sanguinis profusione excitatae fuerint convulsiones, minime conducunt missiones sanguinis, quas nonnulli ex Gallis (a) promiscue, sed male, in convulsionibus commendant; certumque potius esse credo, multos ob nimias sanguinis missiones convulsionibus corripi, eisque interfici; verum hoc in statu longe optimum erit, sanguinem ante omnia suppressere ipsumque vulnus probe deligare: tum vulnerato iuscula calida, lac item calidum, ac sorbitiones ex calida cerevisia, saccharo vitellisque admixtis, identidem ingerere. Namque sic exhaustae venae atque arteriae sensim rursus adimplentur, ipsaeque convulsiones, sublati ita causis suis, protinus evanescent. Tametsi nec alia eademque fortiora medicamenta confortantia, imprimis vinum (b), emulsionem & potiunculam roborantes prorsus hic omittenda videantur, ut his rursus reficiantur.

IV. De Febris vulnere supervenientibus.

XXI.

Si quis forte major calor, articularumque pulsus citatior vulneribus supervenit, febrem accessisse dicimus. Quae subinde usque adeo gravis esse

L 3

(a) Vid. Garengeot Chirurgie Chap. 2.

(b) Quod ipse Celsus hic commendat, Lib. V. Cap. 26. n. 25.

esse solet ac periculosa, ut, nisi promptum adfuerit medici auxilium, vulneratus aequae facile, ac alia acuta febre correptus, intermoriatur.

XXII.

Quomodo
curandae sint
vulnerato-
rum febres.

Igitur in curandis ejusmodi vulneratorum febribus illud inprimis prospiciendum medico videtur, ut iidem semotis, quae calorem aliquem excitare poterant, medicamentis ac potionibus, 1) cerevisia quadam leviori, decocto hordei aut avenae, vel ptisana, similive alia potione tenuiori sed sufficienti tamen utantur. Deinde 2) vulneratis identidem pulveris quidpiam vel ~~chymula~~ refrigerantis, admixto nitro, ingerendum est. 3) Alvus autem, ubi forte suppressa fuerit, convenienti aliquo ducenda est clystere. Tum 4) ubi parum sanguinis per se fluxit, vulneratique nimia sanguinis copia urgentur, commodissimum fere est, ex adversa eademque sana parte sanguinem mittere. Denique 5) ipsa victus ratio usque adeo semper debet esse circumspecta, ut non nisi tenuiores cibi, quales sunt ex hordeo atque avena paratae sorbitiones, iidemque parce admodum assumantur: carnibus atque id genus aliis cibis firmioribus caloremque moventibus etiam atque etiam evitatis.

C A P. III.

De

Vulneribus, quae per sclopeta inferuntur.

I.

Vulnera,
quae per
sclopetum ali-
quod infliguntur, mul-
tis obnoxia
esse solent
malis.

Quae per sclopeta corporibus infliguntur vulnera, ea quidem longe gravioribus obnoxia solent esse malis, quam quae acutioribus fiunt instrumentis. Siquidem in illis vehementissima ut plurimum contingit membrorum collisio vel disruptio: idque vel maxime iis casibus, ubi vel ossa, vel articuli, vel alia id genus membra corporis nobiliora glandibus plumbeis aut ferreis diffringuntur.

II.

Sanguinis
& materiae
parum fun-
dunt.

Ex hujus generis vulneribus, propter inductam iis a glande ^{injuncta} ~~ignita~~ crustam, parum saepe aut nihil sanguinis initio effluit; nisi grandes admodum arteriae aut venae fuerint laceratae. Simulatque autem crusta illa, quam *escharam* vulgo appellant, post aliquot dies deteritur, ita graves interdum fieri solent profusiones, ut, nisi promptus aliquis chirurgus accesserit, exhauriri vulneratus quam facillime possit. Similiter primis diebus materiae parum aut nihil ex ejusmodi vulneribus propellitur; quare mirum haud est, nulla fere vulnera inflammatio- nibus, doloribus, gangraenae aut putredini atque similibus aliis noxis oppor-

opportuna magis esse atque obnoxia, quam quae per sclopetum corporibus inferuntur.

III.

Quam istis vulneribus inductam plerumque cernimus crustam, quasi ferro candente fuerit inducta, ea quidem non tam a glandium fervore, ut priscis visum fuit, quam potius a celerrima ista partium collisione proficiscitur. Atque huic ipsi quoque collisioni accepta ferenda sunt pleraque omnia, quae suboriri hic solent, incommoda. Quod enim veneni quidpiam subesse hic antiquiores opinati fuerunt, hoc sine ratione fecisse videntur; siquidem nec pulvis pyrius, nec plumbum venenati quidquam sibi habent admixtum.

IV.

Vulnerum, quae sclopetorum instrumento fiunt, alia aliis solent esse profundiora. In quibusdam partes carnea, in aliis arteriae aut venae grandiores, ossa vel viscera etiam colliduntur. Interdum glandes ipsum corporis membrum penitus transferunt; nonnunquam in eodem haerent infixae. Quemadmodum in aliis vel vestimenti vel chartae frustum aliquod illatum corpori intus delitescit. Atque ex his singulis nunc leviora, nunc graviora enasci consueverunt vulnerum pericula.

V.

Quae sclopetorum instrumento in cranio fiunt vulnera, gravia maximam partem esse solent atque periculosa. Quantumvis enim levia in speciem sint huiusmodi vulnera, & per glandem leviter prorsus cranium stringentem illata; tamen, quod fortasse mireris, leviores in speciem istiusmodi glandium stricturae ita plerumque graves sunt & vehementes, ut vel ipsum cranium hac atque illac fundatur, vel interiores quaedam venae atque arteriae disrumpantur, sanguine in intimos cerebri sinus effuso. Ut adeo mirum videri haudquaquam debeat, protinus emori posse illos, quibus cranium leviori quadam glandis plumbeae strictura vulneratum deprehenditur: nisi scilicet terebrae subsidio collectus in cranio sanguis solerter ac mature fuerit evocatus. Ceterum ex jam dictis sponte sua illud consequitur: nempe cranii laesiones per ejusmodi glandium stricturam factas hoc magis semper esse periculosas, quo graviores sunt ac vehementiores stricturae.

VI.

Si qui intus vulnerati per glandes plumbeas sunt, difficilius ut plurimum sanantur iis, qui acutiori instrumento percussi fuerunt. Ratio manifesta est ex superius allatis. (Num. I.) Interim nisi grandiores venae vel arteriae disruptae sunt, curationem aliquam vulnera ista saepe recipiunt. Quoties autem vel ossa vel ossium articuli glandium ictibus diffriunguntur, gravia ut plurimum suboriri ex istac vulneratione solent

solent pericula. Etenim abesse vix ac ne vix quidem hic potest, quin magnae inflammationes, gangraena, sphacelus, caries, fistulaeque insanabiles inde proveniant, quae vel amputationem postulant, vel laesam corporis partem sensu motuque omni privant.

VII.

*Res alienae
solenter ex-
trahendae
sunt.*

Si quod vestimenti, panni, lintheamenti, corii vel chartae frustum, ut fieri haud raro in vulneribus per sclopetum illatis solet, infixum haeserit, glutinari vulnus ante non solet nec debet; quam res ejusmodi peregrinae ex eodem fuerint extractae. Namque alias periculum est, ne vel gravia quaedam incommoda vulneratum exerceant, vel ipsum quoque vulnus glutinatum denuo recrudescat. Quod ipsum quoque usu venire adsolet, quoties vel ossium caries intus fuerit, vel & aliqua derafa ab iisdem festuca in vulnere delituerit.

VIII.

*Vulnere
per sclopetum
factorum cu-
ratio.*

In horum vulnere curationibus respiciendum semper est quum ad ipsa vulnera, tum ad alia vulnere mala accidentia. Circa ipsa vulnera quintuplex fere necessaria esse solet observatio. Namque 1) si quid alieni intus haeserit, hoc ipsum opportune extrahendum: 2) si profusio sanguinis adsit, ut haec cohibeatur: 3) caro detrita vel corrupta suppurationis adjumento removenda: 4) hinc ipsum vulnus nova carne implendum; & denique 5) apta quaedam cicatrix illi inducenda.

IX.

*Rerum alie-
narum ex-
tractio.*

Ad primam observationem, hoc est, rerum alienarum & glandium inprimis extractionem quod attinet, illud opera semper danda chirurgis est, ut, simulatque ad vulneratum accesserunt, curiose circumspiciant, num aliquid ejusmodi, atque ubinam illud in vulnere delitescat. Quod ubi constitit, manu statim, si fieri potest, vel & volsella aut forcipe quadam dentata aut concava, vel denique hamulo quodam bifurco (vid. Tab. III. fig. 3. 4. 5. 6. 8.) res istiusmodi educere oportet. Quae ubi altius defederunt, specillis inquirendae, atque tum, quantum fieri potest, citissime ferramentis jam jam indicatis extrahendae sunt. Praeterquam enim quod vulnerati primo post acceptum vulnus tempore longe commodius tractari a chirurgis soleant; sane longe difficilius e vulneribus extrahi res istae extraneae possunt, ubi jam tumores atque inflammationes accesserunt. Quin & longior in educendis rebus alienis mora quam saepissime efficit, ut glandes subter musculis vel in finibus aliis penitus sese abscondant, & quum extrahi sic neutiquam possunt, fistulas pessimas, membri rigorem atque id genus alia incommoda pariant. In extrahendis autem glandibus alte admodum insidentibus illud inprimis cavendum sollicitè videtur, ne scilicet venae vel arteriae, nervi ac tendines pro glandibus apprehendantur, violenterque, non sine gravissimo vulneratorum damno vel periculo, disrum-

pan-

pantur. Quod ipsum quidem praecaveri felicius haud potest, quam si demissam in vulnera forcipem tantisper clausam servamus, donec glandes ipso ferramenti rostro contigerimus.

X.

Si qua forte altius sese demerferunt glandes aliaeque id genus res ^{Quomodo} corpori violenter illatae; vel si angustius quoque ipsum vulnus fuerit ^{vulnus ampliari debeat.} quam ut eadem extrahi commodè queant, protinus amplianda scalpello plaga est, a quo latere commodum & securum illud visum fuerit. Sed habenda tamen hic summa semper cura est, ne nervus, ne vena major, ne arteria, ne tendo vel ligamentum incidatur. Atque idem quoque solerter observare chirurgum convenit, quoties educendum aliquid occurrit ex ejusmodi plagis, quae jam tum inveterascere, proindeque ob tumorem atque inflammationem justo arctius contrahi occoeperunt. In his enim salutaris admodum esse solet incisio: siquidem ejus beneficio non sanguis solum inspissatus juxtaque vulnus haesitans quam commodissime evocari, sed majores quoque inflammationes cum pluribus id genus aliis incommodis praecaveri optime possunt. Ceterum quando *binæ* saepius in eodem vulnere *defixae latent glandes plumbeae*, necessaria utique ista chirurgorum cura videtur, ut post educitam glandem unam sollicite semper circumspiciant, num praeter istam alia quaedam vel glans vel chartae vestimentique particula intus haereat, quae plenam vulneris sanationem impedire quoquo modo possit.

XI.

Et vero peculiaris quaedam in extrahendis glandibus vel quibuscunque demum aliis rebus similibus commendanda chirurgis videtur observatio. Scilicet *vulnerati in eodem situ constituendi iterum sunt, in quo constituti antea fuerunt, dum glandes in corpus penetrarunt.* Namque mutato corporis situ fieri quam facillime potest, ut glandes intus haerentes musculis, membranis aut pinguedine contegantur, atque proin nec specillis nec alio ferramento detegi atque apprehendi queant. ^{Quid in glandium extractione factu opus sit.} Quoties vero glans aliqua usque adeo alte in corpus penetravit, ut ab adversa vulnerati membri parte sentiri digito queat, dispiciendum sollicite chirurgis est, fatiusne sit, pro partium juxta vulnus positarum indole, eandem qua venit via revellere, an, quod integrum ab adversa parte superest, scalpello aperire atque sic eandem vel manu vel ferramento eximere. Quodsi vero nec vulnus ampliari nec glandes inde extrahi sine praesentissimo juxta positorum nervorum atque arteriarum periculo, gravissimisque vulneratorum doloribus queant, relinquere glandes in vulnere tantisper convenit, donec vel imminuti dolores fuerint, vel commodiorem suppurationes transitum quasi sponte sua paraverint. Sic e contrario sine omni mora & quam primum ejiciendae ex vulneribus res alienae sunt, sicubi periculum est, ne intus relictæ convulsionem, do-

lorem aliaque id genus incommoda moveant. Si qua porro glans in interiora corporis cava vel sinus transierit, unde retro recipi minus commode vel tuto queat, praestat utique ipsam inibi relinquere, ipsumque vulnus glutinare. Praeterquam enim quod diutissime, saepiusque per omnem reliquam vitam, & sine incommodo quidem ac periculo gestari intus glandes ejusmodi plumbeae soleant; accidere forte fortuna potest, ut ipsae postmodum in alia quadam corporis parte semet ipsas prodant, unde longe facilius ac tutius evocari possunt.

XII.

De glandibus in ossibus vel articulo quodam haerentibus.

Quae ipsis ossibus infixae haerent glandes, forcipe dentata vel unco, eadem scilicet ratione, quae supra posita est, extrahi debent. Hac ubi non successerit, alia via res aggredienda est; sic nimirum, ut intus conditae glandes, leniter intorta iis terebra quadam eliciantur. Ad evocandas autem glandes, quae in ossibus multa carne tectis, cujusmodi furae vel femora sunt, defecerunt, peculiaris quaedam necessaria videtur terebra, qualem delineavimus *Tab. III. fig. 7.* Si quae vero firmiter in ossibus haeserint, quam ut evocari commode queant, intus relinquendae sunt, donec suppurationis beneficio solvantur. Quam citissime tandem educendae sunt istae glandes, quae ipsis ossium articulis injectae sunt. Siquidem hic semper fere periculum in mora esse consuevit. Etenim abesse vix potest, quin graves dolores, inflammationes ossiumque caries inde exoriantur, quibus tollendis amputatio plerumque adhibenda est.

XIII.

Ubi ossa vel articuli fracti sunt collisi.

Quoties in ejusmodi vulneribus, quae per sclopetum vel tormentum aliquod majus (*Falconet*) inflicta sunt, articulus aliquis vel ipsum quod os graviter nimis collisum aut prorsus excisum deprehenditur, praestat saepe omnino membrum illud statim amputare, quam in eodem conservando diutius frustra laborare. Quemadmodum enim naturales articulorum figurae nunquam restitui possunt; sic ossium confractorum furculi, & si quid aliud nervorum, tendinum ac ligamentorum disruptum est, gravissimas utplurimum inflammationes ipsamque gangraenam & sphacelum, non sine praesentissimo vulneratorum periculo, concitant. Contra vero ubi non nimis graves factae sunt ossium collisiones, prospiciendum in tempore chirurgis est, ut frustula seu festucae ossium, vel si quae alia intus haerent peregrina, quantum fieri potest, lenissime extrahantur, hisdemque remotis vulnera, qua par est, ratione curentur.

XIV.

Ubi arteria eruralis aut brachialis collisa est.

Denique si qua forte magna arteria, vel in brachiis vel pedibus, glandium plumbearum ictu dirumpitur, quod ex forti sanguinis profluvio constat, torcular protinus applicandum est, (vid. supra Cap. II.

II. §. 9. 10.) suppressoque sanguine dispiciendum, num filo ope acus curvae circumducto ligari praecisa istiusmodi arteria commode queat. (Cap. II. §. 7.) Cujusmodi quidem curandi rationem ipsemet aliquoties feliciter tentavi. Quodsi autem vel impossibilis, vel prorsus quoque inanis ejusmodi deligatio futura esse reperiatur, necessarium utique est, membrum illud, sed suppresso tamen prius ope torcularis sanguinis profluvio, paulo supra vulnus, quamprimum praecidere, ne scilicet aegrotus, propter hoc profluvium vel alia accedentia mala graviora, interficiatur.

XV.

Vulnere sic jam rite purgato, fluxuque sanguinis, si opus, cohibito, *Quae prima* prima ejus curatio sic omnino instituenda est, ut tumores atque in-^{fit vulnerum}flammationes, quoad ejus fieri potest, solertissime praecaveantur, vel *sclopeta fa-*saltem leniantur. Igitur ipsum *vulnus spiritu vini calefacto, linamentisque* ^{ctorum cu-}*eodem liquore madentibus accurate prius implendum*, atque dein, superim-^{ratio.}positis spleniis vel in eodem liquore, vel in spiritu vini camphorato, vel & in hoc spiritu, qui aqua calcis dilutus est, probe deligandum.

XVI.

Quibus rite peractis, proximum est, ut *de partibus in vulnere contusis* *Partium* & *corruptis per suppurationem removendis cogitare* *chirurgus incipiat.* Faciunt *corruptarum* huc, praeter usitatum illud unguentum digestivum, quod ex terebinth. *suppuratio.* & vitello ovi paratur, sequentia :

℞. Unguent. basilic.

Balsam. Arcaeī āā ʒi.

Spirit. vin.

Ol. ovor. āā ʒj. M. F. Ungu.

His, ubi forte gravior subest partium corruptio, myrrhae atque aloës, theriacae, ungu. fusci, vel & in locis non adeo nervosis, praecipitati rubri pauxillum admisceri commodissime poterit.

XVII.

In *vulneribus perviis altioribus*, sive quae per glandes plumbeas me- *Vulnera per-* ^{via quomod-}dium membrum aliquod crassum transeunt ^{tractanda}fiunt, propria quaedam ^{sint.} necessaria videtur observatio. Scilicet funiculus quidam lineus per ^{sint.}acum longiorem sed retusam (Tab. V. fig. 1.) trajectus, unguento-que jam jam praescripto succidus, *quasi setaceum aliquod*, pro vulnere medicamentis fovendo, per mediam partem vulneratam identidem trahitur, retrahitur, & tamdiu in vulnere servatur, donec ipsa vulneris rubedo partes corruptas plane jam ejectas, sanas autem ulteriori curationi opportunas significaverit : postea funiculus denuo extrahitur.

Uterior cu
ratio quomo
do institut
da sit.

Quibus autem artificiis ulterius ista vulnerum hujusmodi curatio debeat institui, sive, quod idem est, quomodo purgatum *vulnus nova carne implendum*, *inductaque cicatrice quadam elegantiori glutinandum sit*, denuo nunc commonstrare supersedemus, quum eadem prorsus, quae curandis vulneribus quibuscunque supra destinavimus, & medicamenta balsamica & curandi artificia, Cap. I. § 35. & seq. his quoque vulneribus feliciter sanandis sufficiant: in quorum locum nonnulla aquam vulnerariam Gallorum (*L'eau d'Arquebusade* vocant) substituunt.

XIX.

De vulne-
rum sclopeto
factorum
malis acce-
dentibus.

De vulnerum sclopeto factorum malis accedentibus, profusione scilicet, febre, tumore, inflammatione, doloribus & convulsionibus eadem plane tenenda sunt, quae supra Cap. II. hanc in rem proposuimus: nisi quod vulnera, sclopetorum adminiculo facta, propter vehementiorem partium contusionem atque collisionem, longe magis quam reliqua corruptioni vel putredini obnoxia esse consueverunt. Simulatque igitur, quemadmodum fere semper accidit, vulneris orae subnigrae aut lividae, flaccidae item, malique odoris esse deprehenduntur, providendum utique est, ut vitiatae carnis partes quam citissime ab integris separentur. Commodissimum hic est applicare unguentum aegyptiacum spiritu vini dilutum, vel & aequali unguenti digestivi portione permixtum linamentisque infusum. Quanquam & praecipitati rubri pauxillum admisceri unguento digestivo possit. Quae vulnere superinjiciuntur splenia in spiritu vini camphorato calido theriaca mixto, vel aqua calcis spiritu vini camphorato roborata, largiter prius tingenda sunt. Sicubi vero carnis ejusmodi corruptio altius transierit, scarificationibus sive incisionibus tantisper exercendae sunt partes corruptae, donec intus absconditi humores corrupti effluerunt, medicamenta autem vulnere imposita ad ipsas partes interiores penetrarunt. Haecenus praescripta si parum efficiant, paulo vehementioribus ad exedendam carnem corruptam utendum est remediis. Sic enim vehemens admodum adversus corruptionem esse solet, quam ex aqua calcaria & mercurio sublimato conficimus, *aqua phagedaenica*. Ejusdem prorsus virtutis est ea, quae parari solet ex aquae calcariae ℥j, admixta mercurii vivi ʒj, per aquae fortis ʒij. soluta. Neque vero ad carnem solum corrupta, sed ad ipsam quoque ossium cariem in hisce medicamentis auxilium esse deprehenditur. Ceterum quando in articulorum ac ligamentorum vulneribus non satis tutus, ad tollendam corruptionem, unguenti aegyptiaci, aquae phagedaenicae, rerumque id genus acrium aliarum usus est, balsamica potius adhibenda hic sunt medicamenta. Cujus generis sunt aqua vulneraria Gallorum (*L'Eau d'Arquebusade*) balsamus peruvianus, tinctura myrrhae atque aloës, sale ammoniac

niaco & spiritu vini parata, itemque essentia succini, spiritus mastichis, aqua reginae Hungariae, oleum terebinthinae aqua hac dilutum, & si quae sunt hujusmodi: quibus leniter calidis identidem immitteri in vulnera possunt.

XX.

Interim neque *interna* etiam in curandis ejusmodi vulneribus corruptis negligenda prorsus sunt *medicamenta* balsamica putredinemque reprimen-<sup>Quae intrus
adhiberi de-
beant medi-
camenta.</sup> tia. Cujusmodi sunt elixir proprietatis, essentia myrrhae & aloës, essentia succini, balsami peruviani & si quae sunt similia. In his enim, aliquoties per dies singulos ad 30. vel 40. guttas vulnerato ingestis, haud exiguum adversus putredinem solet esse praesidium. Denique ubi forte aliquanto debiliores fuerint aegroti, longe optimum erit, praeter vulneraria ista, ^{potius} ~~etiam~~ quoque confortantia vulneratis identidem praebere cum confectione alkermes, itemque sirupo quodam confortanti, & aliis. Quibus rite peractis, reliqua vulneris curatio secundum easdem institui debet leges, quas supra jam tum proposuimus Cap. I. §. 35. & seq.

XXI.

Ceterum quia explosione sclopetorum haud raro contingit, ut *grana* <sup>Quomodo
pulvis pyrius
e facie eji-
ciendus.</sup> *pulveris pyrii* cutem faciei intrent, vel omnino penetrent, quae ibidem indecoras maculas concitant, nisi mature ac scite ejiciantur, boni chirurgi esse puto etiam nosse, quomodo id efficiendum. Hoc autem fieri potest, quando hujus pulveris grana non omnino cutem subierunt, vel volsella, vel calamo anserino, in formam dentiscalpii secto sive formato; vel apto ferramento in forma auriscalpii. Vid. *Tab. V. fig. 14.* Sed si profundius cuti inhaerent, quam ut his prehendi possint, protinus scalpello tenui, vel lanceola cutis paulo incidenda, ita ut modo laudatis ferramentis ejici queant. Sin plura ejusmodi granula cuti insident, toties id repetendum, donec omnia educta sunt; cavendo, ne inter educendum temere diffringantur vel comminuantur, quia turpes maculas sic post se relinquunt.

C A P. IV.

De vulneribus abdominis.

I.

HActenus consideravimus ea, quae circa vulnus unumquodque, sive <sup>Instituti ra-
tio.</sup> jam caedendo, sive pungendo, sive glandium plumbearum ope factum illud sit, universe attendenda sunt. Proximum est, ut de singulis vulnerum speciebus diversis explanatius nunc disseramus ac prae-

cipiamus. Itaque figillatim agendum erit de 1) ventris five abdominis, 2) pectoris item, atque 3) colli; & denique 4) de capitis vulneribus.

II.

Quotuplicia sint abdominis vulnera. Ventris five abdominis vulnera vel summam tantummodo cutem & carnem laedunt, vel ad ipsum abdominis cavum transeunt. Quae ad abdominis cavum transierunt, vel in longitudinem inflicta sunt, vel obliqua vel transversa sunt, atque in his vel perrupta sunt, vel integra remanserunt abdominis viscera. Hanc ipsam vulnerum abdominis differentiam hoc semper accuratius explorare debent chirurgi, quo magis diversa singulorum instituenda videtur curatio.

III.

Abdominis vulnera quomodo exploranda sint. Explorari autem istiusmodi vulnera commodissime possunt vel 1) oculis, vel 2) digiti ac specilli immisione; vel denique 3) aqua tepida syringae adminiculo in vulnus injecta. Quae ubi introierit, abdomen perforatum esse demonstrat; ubi vero refluxerit, & simul specillo introitus denegatur, haud penitus adaperit abdomen significat.

IV.

Quotuplicia sint, quae ad abdominis sinum haud transeunt, vulnera. Quae ad abdominis cavum nondum transierunt vulnera minus quidem periculosa, sed duplicis tamen generis esse consueverunt. Vel enim 1) in summa tantum cute atque adipe plaga est: vel 2) *musculi etiam abdominis ad ipsum peritoneum usque divisi reperiuntur.* Prioris generis plaga levior est, quam ut peculiare curationis regulas postulet. Posterioris autem classis vulnera vel ideo periculosa sunt, quia facilis plerumque ad intestinorum prolapsus five hernias ab iisdem transitus est. Igitur quo gravior musculorum abdominis facta est vulneratio, praesertim si transversa vel obliqua est, hoc major quoque esse debet chirurgorum in curando istiusmodi vulnere solertia. Scilicet ubi opus est, *injicienda protinus abdomini sutura est*, cujus beneficio hiantes vulneris orae in unum contrahantur: prouti quidem supra jam tum ex parte declaravimus. (Cap. I. Num. 44.) Reliqua patebunt ex iis, quae de gastroraphia inferius mox proponere constituimus. His ita jam pro peritoneo naturalique intestinorum situ conservando, peractis, illud quoque porro prospicere chirurgus debet, tum ut vulnus balsamo vulnerario glutinantibusque emplastris muniatur; tum etiam ut vulneratus leniter conquiescat; tum denique ut alvus, nisi sponte respondeat, lotionum mitiorum subsidio laxa semper servetur, servata interim abstinentia, id est, cibis ac potionibus, quantum licet, parcissime assumtis.

V.

Vulnera ad abdominis sinum transcurrentia quomodo exploranda sint. Simulatque vero plagam in ipsum abdominis sinum transiisse constiterit, circumspicere ante omnia chirurgus debet, num quid forte laesum intus fuerit, nec ne. Nihil autem quicquam laesum intus in abdomine esse,

esse, id cognosci quidem vel divinari commodissime poterit inde, 1) si debilitas, sanguinis profusio, dolor, febris, aliaque id genus incommoda prorsus abfuerint; 2) si nec chyli, nec fellis, nec faecis, nec urinae quidpiam, vulnerato in ipsum vulnus inclinato, effluxerit; 3) si lac vel simile fluidum aliud calidum per syringam injectum sine coloris immutatione refluxerit; & denique 4) si vulnerationis instrumentum satis retusum esse deprehenderimus; 5) si vomitus non incidit nullusque sanguis neque per os, neque per alvum, neque per urinam rejicitur, neque venter valde intumescit aut durus est. Interim quando gastroraphia in curandis quibusdam abdominis vulneribus mirum quantum necessaria, & nisi accurate satis facta est, periculosa esse consuevit, operae pretium facturi nobis videmur, sicubi accuratiorem nunc ejus conficiendae modum descripserimus.

C A P. V.

De Gastroraphia sive vulnerum abdominis futura.

I.

GAstroraphia dicitur, quando certa ventris vulnera ope acus & filii consuuntur. Nullus vero omnino vel & supervacuus gastroraphiae usus est, quoties 1) vel in summa tantum abdominis carne; vel & 2) non adeo ampla seu diducta fuerint abdominis vulnera, praefertim si in longitudinem inflicta. Tametsi enim ad ipsum abdominis cavum plaga quaedam transierit, imo & omenti vel intestinorum aliquid transierit, tamen ubi paulo angustior eadem fuerit, sicuti eae plerumque esse solent, quae punctim inferuntur, vel in longitudinem facta, & prolapsis partibus iterum conditis, turunda molliori & idonea fascia ita claudi possit, ut nihil rursus evolvatur, eam ita sanare satius videtur, quam futuram aut gastroraphiam magno negotio injicere. Praeterquam enim quod in universum, & speciatim cumprimis in hominibus pinguioribus difficulter admodum fieri hae suturae soleant; crudelem sane in vulneratos chirurgum sese praestaret, qui futuris indeque provenientibus doloribus ac inflammationibus illos exerceret, quos servare tamen sine his longe commodius poterat.

II.

Contra vero duplex fere casus est, ubi gastroraphia etiam atque etiam necessaria deprehenditur. Primus est, si scilicet abdominis aliquod vulnus, quod ad cavum ejus penetravit, tam amplum sit, ut intestina nulla alia ratione intus contineri possint. Quum enim intestinorum, propter continuum eumque vehementiorem ventris septique transversi in viventibus motum, in vulneribus amplioribus longe facillimus prolapsus sit;

fit ; (vid. Tab. III. fig. 1. litt. O) contineri profecto ipsa saepius sine futura vix ac ne vix quidem poterunt. Sed alius quoque evenire nonnunquam casus potest, ubi vulneratis futura hac opus est : nimirum in *eis ventris vulneribus* amplioribus, transversim & caesim praesertim inflictis, *quae ad peritonaeum usque transeunt, tametsi ventrem ipsum non plane penetraverint.* Vid. supra Cap. IV. Num. 4.

III.

*De intesti-
norum pro-
lapsu.*

In vulneribus, quae ad abdominis cavum penetrarunt, dispiciendum ante omnia semper est, *utrum omenti vel intestinorum aliquid prolapsum inde fuerit, nec ne.* Quodsi enim nihil adhuc dum prolapsum inde est, comprimi statim manibus debent utraeque vulneris orae, vulneratique, depresso capite, coxis erectioribus, tantisper resupinari, donec vulnus contra intestinorum prolapsum satis praemunitum fuerit. *Ubi vero evoluta jam tum ex vulnere intestina reperiuntur, succurrendum utique eis est magna cum festinatione, ne scilicet externo eodemque infueto spiritu alienentur, quantum fieri potest, citissime refusis.* Interim *considerandum hic protinus semper est, an integra adhuc ea sint, naturalique colore ac calore suo praedita.* Namque ubi frigida jam tum, livida & sicca, vel laesa etiam intestina, haud reponenda sunt, sed peculiari quadam opus est curandi ratione : de qua mox infra.

IV.

*Intestinorum
laesio quomo-
do cognosca-
tur.*

Factam esse aliquam in intestinis laesionem, nisi ipsum vulnus in apri-
co fuerit, infueta prorsus ipsorum detumescencia luculentissime demon-
strat. Quoties igitur flaccida nimis sunt, quae proruperunt intestina,
eaeque integra, divinare haud inaniter licet, partem ipsorum laesam
intus delitescere. Quae ipsa ut in conspectum prodeat, debitaque ra-
tione tractari queat, intestina reliqua, quantum satis est, leniter sunt
evolvenda, laesio inquirenda, eaque reperta, ut Capite VI docuimus,
procedendum.

V.

*Intestina
prolapsa quo-
modo rursus
condenda
sint.*

Simulatque vero integra reperiuntur *intestina, condi protinus ea debent, ne corrumpantur.* Condi autem facilius atque commodius eadem haud possunt, quam si vulneratus eo, quem supra (Num. 3.) descripsimus, situ fuerit resupinatus; atque ita quidem, ut in dextrum latus inclinetur, si sinistrum latus vulneratum; in sinistrum vero, si dextro lateri vulnus inflictum fuerit. Constituto sic vulnerati corpore, binorum indicum utriusque manus digitorum alterno ministerio, refundenda sunt in abdomen prolapsa ex eodem intestina : & quidem ea ratione, ut alter digitus non retrahatur, antequam alter in prioris locum intravit, & omnia rursus condita sunt. Quod ipsum tamen ut commodius fieri queat, hortandus utique vulneratus est, ut quoad fieri ejus potest, spiritum interea contineat, & ut minister vulneris oras digitis vel hamis diducat. Tab. VIII. fig. 2 & 3.

VI.

VI.

Haëtenus ea proposuimus , quae in refundendis intestinis integris ^{Quomodo in-} atque adhuc calentibus factu necessaria sunt : sequitur nunc , ut ostenda- ^{testina sicca} mus , ^{& frigida} *quomodo intestina sicciora & frigida tractari optime queant*. Scilicet, com- ^{tractanda} ^{sint.} modissimum est, aqua calida, vel lacte, modice calido linamenta vel spongiam tingere, hisdemque intestina folerter prius fovere, quam refundantur; vel, ubi animalia in promptu fuerint, recens laniati vituli, agni, vel suis, vel cujuscunque demum alius animalis omento probe adhuc calente tantisper eadem involvere, donec naturalis calor & color restituti fuerint. Qui nisi redierint, medicina omnis inanis, vulneratique, propter emortua intestina, vix ac ne vix quidem servari possunt. Attamen si haec siccitas & frigus adhuc mediocris, & intestina nondum omnino corrupta appareant, melius esse judico intestina haec quam citissime in abdomen refundere; utpote in quo a calore & calore naturali melius & citius reficientur, quam a fomentis artificialibus quibuscunque.

VII.

Quoties *intestina ex angustiori vulnere prolapsa propter intus haerentes* ^{Quomodo} *flatus ita fuerint distenta,* ut commode satis refundi nequeant, haud sane ^{intestina} alienum quandoque erit paulo magis eadem evolvere, dissipatisque ac ^{vulneri an-} ^{guustiori inji-} ^{cienda sint.} divisis hac ratione flatibus, extenuare. Tum minister oras vulneris leniter diducere manibus suis, vel etiam duobus hamis (*Tab. VIII. fig. 2. vel 3.*) interiori membranae injectis debet: medicus priora semper intestina, quemadmodum *Celsus* jam docuit (a), quae posteriora prolapsa vel evoluta sunt, condere sic, ut orbium singulorum locum servet. (Conf. N. V.) Repositis omnibus contineri primo manu vulnus debet, ne denuo procidant: deinde vel linteo carpto contorto, vel ubi forte multus sanguis in abdomen effusus, prima vice molliori quadam turunda (b) impleri; (*Tab. II. litt. L. M. N. & O.*) supra deligatis emplastris & spleniis. Aegro dein servanda est quies, decumbendumque, quantum fieri potest, super vulnere. Postea quotidie balsamo vulnerario semel, vel, ubi multum puris effluit, bis deligandum

Pars I.

N

est

(a) Lib. VII. Cap. XVI.

(b) Sunt inter recentiores chirurgi, praesertim *Garengeot*, Cap. de Gastroraphia, qui in vulneribus abdominis omnem turundarum usum rejiciunt. Hoc cum An. 1734. chirurgus quidam junior in vicina urbe imitari vellet in juvene, qui ictu gladii inter umbilicum & penem, plaga in abdomen penetrante, vulneratus erat, aeger quidem primis duobus diebus bene satis se habebat, quarto tamen a vulnere accepto die mortuus est. Aperto cadavere magna puris copia in abdomine deprehendebatur cum omento prorsus putrido ac corrupto, atque praeter haec nihil in abdomine laesum aut vulneratum reperiebatur. Si turunda hoc vulnus apertum fuisset servatum, sanguis effusus & pus educi potuissent: quae vero, ea omnia, aegrum sine dubio occiderunt.

est vulnus, donec probe glutinatum : & si hoc modo procedimus, futura in angustioribus ejusmodi vulneribus, utpote chirurgo molesta, aegro autem semper dolorifica, saepe haud indigemus.

VIII.

Quomodo

ampliari de-
beant abdo-
minis vulne-
ra angusti-
ora.

Quodsi autem vulnus aliquod abdominis angustius sit, quam ut intestina per ulteriorem evolutionem extenuata refundi facile queant, vel aliae caussae adsint, quae hanc ulteriorem educationem vetant aut impediunt, *incidendum est, donec satis pateat (a)*. Ampliari autem vulnus ejusmodi poterit vel scalpello usitatissimo & conductore, sive specillo sulcato *Tab. I. M. vel N.* eo in vulneris extremo, ubi id tuto fieri potest, caute immisissis, & peritoneao, musculis ac ceteris tegumentis incisis. Cavendum enim quam solertissime semper est, ne forte linea alba, vel sub musculis rectis arteriae, vel vena umbilicalis, vel denique intestina ipsa laedantur. Sunt in chirurgis, qui conductoris & scalpelli loco *peculiare quoddam scalpelli genus*, quem *Jyringotomum* dicunt, quoque in fistulis ani utuntur, globulo in apice instructo, applicare hic & eo ipso vulnus ampliare consueverunt; alique adhuc aliis in hunc scopum utuntur: sed longe tamen commodior atque tutior ejus scalpelli usus hic mihi videtur, quod egomet his vulnerum ampliationibus pridem jam destinavi, delineatumque (*Tab. V. fig. 3.*) repraesentavi; vel etiam unum ex illis, quae *fig. 4. & 5.* exhibentur. Quae ipsa tamen ferramenta admoveri prius vulneri haud debent, quam involuta linamentis fuccidis vel omentis calidis intestina minister aliquis accurate continuerit, ne facile laedantur. Ubi vero *propter nimis inflata intestina prolapsa*, *scalpellum vel specillum immitti satis tuto aut commode abdomini nequit*, tum remotis sinistra manu intestinis, quam cautissime incidi antea cutis, adeps & musculi ad peritoneum usque, dextrae manus adminiculo, debent; cruore interim effluente, pro tutiori incisione, spongia identidem absterfo. Quibus omnibus rite sic peractis, vel intestina postea, laxato sic vulnere, reponi, vel immitti deinde facile vel conductor aliquis, vel unum ex laudatis scalpellis, pro incidendo peritoneao, poterit; vulnereque sic ampliato, intestina modo jam dicto *N. V.* condenda.

IX.

Quomodo

intestina sine
vulneris am-
pliatione re-
fundenda
sint.

Si qua forte excrementorum aut faecum in intestinis prolapsis rigor impedit, quo minus condi ea possint, fomentis aliquamdiu vel cataplasmatibus mollientibus fovenda, pauloque magis evolvenda intestina sunt: siquidem hac ratione faeces aliquando disjungi ac digeri manibus possunt, ipsaque intestina commodius dein refundi. *Pro molliendis vero ac recondendis, sine vulneris incisione, intestinis, spiritu inflatis*, peculiarem quandam

(a) Quod ipsum artificium dudum jam a CELSO commendatum reperimus loco modo indicato.

dam PARAEUS nonnullique alii chirurgi commendarunt curandi rationem. Scilicet minutas, acicularum instrumento, in intestinis fieri volunt *punctiunculas*, per quas flatus emittendi; easque minime perniciosas, sed spiritibus tamen transmittendis haud parum accommodatas proponunt. Interim vulneris ampliacionem dictis modo intestinorum extractionibus & punctiunculis antepono: siquidem chirurgorum multi has nec potentes satis nec tutas semper esse contendunt (a).

X.

Intestinis dicta ratione probe jam repositis, siquidem plaga non nimis ampla fuerit, inprimis si recta, sive secundum longitudinem, plerumque haud opus est futuris, sed potius ab eis abstinendum: quia sine eis curari possunt ejusmodi vulnera, & ab illis graves admodum concitari saepe solent dolores & inflammationes, sic ut eae non sint instituendae, nisi ubi summa eas exigat necessitas. Igitur, nisi prorsus necessaria futura sit, commodissimum erit, turunda quadam molliori inferiorem vulneris partem implere, superjectis emplastris glutinosis, nec non spissioribus ac longioribus spleniolis, utrinque secundum vulneris oras positis, fascia quadam, ut vocant, uniente (Tab. V. fig. 8.) firmiter illud ipsum deligare. Tum sanguinem vulnerato mittere convenit, ne qua forte gravior inflammatio subnascatur; quiete simul super vulnere atque exactissima victus ratione ipsi commendatis. Denique prima istiusmodi deligatio ante diem tertium, nisi aliquod malum id exigat, haud facile resolvenda est: quin & postea non nisi semel quotidie, vel altero quoque die novanda; ne scilicet crebra vulneris tractatio glutinationem ejus impediat. Contra vero si vel obliqua, vel transversa, (ut in Tab. III. fig. I. O.) & adeo ampla ventris ejusmodi plaga deprehenditur, ut intestina ea, quam modo praescripsimus, curationis ratione, in abdomine detineri non possint, tunc omnino opus est, ut ad futuram confugiamus, si aegrum rite sanare cupimus.

XI.

Confici autem abdominis futura apte poterit modo fere sequenti. Nempe in duas acus probe incurvatas (Tab. VI. fig. 5 vel 6., vel quam haud pridem amicus mecum communicavit fig. 7.) filum aliquod robustum duplex, imo quadruplex, & ceratum conjiciendum, eademque utrisque plagae oris ita immittendae, ut altera acu primo in ora superiori per ipsum peritonaeum sive interiorem membranam, musculos abdominis, adipem denique & cutem, ab interiore parte ad exteriorem transeat, pollicari circiter spatio illas inter & vulneris oras interjecto, ne fila has disrumpant, & dein altera acu e regione in ora inferiori. Sed

N 2

ne

(a) Frustra quandoque fieri istiusmodi punctiunculas, exemplo demonstravit BLANCARDUS in Collect. medico-phys. Part. ult. Obs. 1.

ne qua forte intestina per acus vulnerentur, apprehendendae solerter diducendaeque ipsae sunt vulneris orae, digitis, quam commodissime fieri potest, alterius manus. Sed acus ipsa manus alterius digito indice, quantum fieri potest, vel alia ratione sollicitè contegenda & dirigenda. Quoniam vero nudae manus acubus satis firmiter comprehendendis subinde impares sunt, nonnullius usus tunc esse potest adinventum illud a chirurgis recentioribus instrumentum, cui, pro futuris commodius injiciendis, incurvatae istiusmodi acus quasi capulo sive manubrio immittuntur, (vid. *Tab. VI. fig. 2. 3. & 4.*) quod Galli *Portaiguille*, quasi *Acutenaculum*, appellant.

XII.

Fieri etiam
potest acu
unica.

Quodsi forte duae ejusmodi acus non praesto essent, futura quam aptissime quoque unica perfici potest; postquam enim altera vulneris ora praedicto modo rite perforata est, solvitur ab illo fili extremo acus, mox in alterum ejusdem extremum injicitur, atque sic ora opposita, ut decet, ea transfigitur: postea, ut alias, procedimus. Ita etiam loco filorum tenuis ligula sive taenia (a), ex sex quasi filis composita, apte adhiberi potest, cum fila subinde, praesertim in robustioribus, vel ipsa rumpantur, vel vulneris oras perrumpant, atque sic futuram inutilem efficiant.

XIII.

Vulnera ma-
jora plures
requirunt
futuras.

In vulnere mediocri, duorum circiter pollicum, semel circa plagam mediam futuram immisisse sufficiat. In aliquanto amplioribus iterum iterumque, pro re nata, eodem prorsus, quo antea, modo per oras transmittendae acus sunt, spatio pollicari inter futuras singulas interjecto, filis utrinque dependentibus, ut aliquo modo docet *Tab. III. fig. 17.* itemque *Tab. IV. fig. 15.* a suprema vulneris parte semper inchoando. Injectis sic, quantum satis est, aliquot hujusmodi futuris, continere diligenter minister aliquis debet vulneris oras; chirurgus autem transmissa fila singula sic omnino jungere.

XIV.

Quomodo fila
transmissa
constringen-
da sint.

Scilicet fili vel ligulae partes extremae manibus utrinque apprehendendae, duplicique peculiari ac solubili, ut supra docuimus, nodo (b) firmiter super ipsam plagam constringendae; insertis tamen, ne cutem affligant, inter utrumque nodum minutis quibusdam spleniolis. *Tab. II. fig. 22.* Ubi vero plures futurae sunt injectae, oriendum a vulneris parte suprema, filaque singula ordine sic constringenda, ut, antequam infimum constringatur, inferiori prius vulneris parti turunda quaedam mollior, digiti minoris amplitudinem adaequans, superneque filo robusto instructa, immittatur, ut hujus ope,

(a) Ut Paltynus docuit, in *Chirurg. Cap. de Gastroraph.*

(b) *Cap. I. N. 44 & 45.*

ope, ubi opus, (si forte in abdomen ingreditur) revelli possit. Namque hujus turundae adminiculo efficitur, ut collecta intus materia impurior, quasi per canalem quendam, abduci queat. Sunt tamen interea hodie chirurgi, inter quos & *Garengeot*, qui turundae usum his in vulneribus rejiciunt, & pus ex interstitiis futurarum exire perhibent; quod ego vero, ubi multus sanguis aliaeve sordes in ventre haerent, alienum esse existimo. Conf. quae supra N. VII hujus Capitis in subiecta nota b) a nobis allata est observatio, hanc controversiam pulchre illustrans: quae majoris mihi videtur momenti, quam omnes in contrariam sententiam ab ipso prolatae rationes.

XV.

Junctis ita, post insertam turundam, filis singulis, balsamo vulnerario partem laesam probe inungere convenit, supra datis linamentis carptis, emplastris glutinantibus ac spleniis: quibus firmiter deligandis mantile cum scapulari applicandum. (Vid. *Tab. III. fig. 1. litt. B. C.*) *Quomodo post injectam futuram deligari vulnus debeat.*

In deligationibus singulis leniter istaec omnia solvi debent, turunda extrahi, vulneratusque in ipsum vulnus inclinari, quo facilius effluat, si quid forte praeter naturam vel noxium intus collectum haeserit. Tum praefertim ubi sordes multae, *injectio quaedam vulneraria*, ex decocto herbae agrimoniae, faniculae vel hyperici, aut alterius vulnerariae, admixto rosarum melle confecta, modiceque calida, bis terve inter deligandum per syringam immittenda est, inclinatoque in vulnus corpore, una cum ipso cruore vel purulenta materia rursus elicienda. His ita peractis, nova turundula, unguento digestivo illita, denuo in vulnus inferenda est, reliquis, ut antea proposuimus, supra deligatis. Atque ista quidem purgationis ac deligationis opera per dies singulos, si opus, tantisper debet continuari, donec impuritatis parum vel nihil intus reliquum mansisse animadversum sit. Tunc enim removeri mox turunda poterit, ipsumque vulnus, ut aliud vulnus, diligenter glutinari. Ceterum ad felicioris vulneris hujusmodi glutinationem mirum quantum proficiunt non quies tantum, sed circumspecta quoque victus ratio, itemque continua vel saltem frequentior in ventrem atque vulnus super molliori pulvinario cubatio. Hujus enim beneficio materia impura non solum emittitur, verum etiam diductae a se invicem vulneris orae mirifice comprimuntur atque ~~p~~in facilius semper glutinari consueverunt.

XVI.

Sed injicienda quoque iis vulneribus futura est, quae, tametsi ventrem ipsum non penitus perruperint, adusque interiori membranam *Alter casus, in quo fieri debet gastroraphia.* *sive peritoneum transierunt.* Si quid enim istiusmodi incidit, periculum utique esse solet, ne propter vehementem ventris in spirando, surgendo, ambulando, alvum excernendo &c. motum, membrana illa inte-

rior nimium quantum distendatur; adeoque sic intestina, post debilitatam membranae hujus vim, protinus inter musculos devolvantur, unde gravia plerumque mala cum herniis enascuntur. Quibus ipsis incommodis occurri felicius haud potest, quam ubi secundum tradita superius artificia, N. 11. 12. 13. per injectam scilicet futuram, vel una vel duabus acubus, musculos abdominis rursus contraxerimus. Quamquam istud peculiare hic observandum est, quod *acus, integro servato peritoneo, non nisi per musculos, adipem atque cutem*, qua par est, circumspeditione, transmitti debeant.

XVII.

*Gastroraphia
etiam futura
clavata fieri
potest.*

Quamvis autem Chirurghi per multos annos futuram hanc nodosam in abdominis vulneribus suendis adhibuerint, eaque in his non solum contenti fuerint, verum etiam eam reliquis praetulerint; tamen nonnulli recentiorum ejus loco, ut supra jam indicavimus, tam in majoribus & profundioribus aliis vulneribus, quam speciatim quoque hic in gastroraphia sive majoribus abdominis vulneribus glutinandis *futuram clavatam* (*enchevillée* Gallis dictam) commendarunt, imo ipsi futurae nodosae praetulerunt (a). Nam quia prae ceteris partibus ventris musculi, in respirando, surgendo, sternutando, tussiendo, & quae alia sunt ejusmodi, fortiter saepe commoventur, atque chirurgi observarunt, fila quandoque ac praesertim tenuiora, oras vulnerum horum, ob continuos & vehementiores ejusmodi motus, lacerasse, ac vulnera propterea non fuisse glutinata, sed potius omnis generis gravia incommoda inde secuta esse: hinc factum est, ut futuram clavatam ab aliis & praesertim a *Dionysio*, uno ex recentioribus chirurgis Parisiensibus, adhuc rejectam (b) in usum rursus revocaverint; attamen ne orae vulneris tam duro modo a clavis ligneis, quibus olim usi sunt, premerentur, unde saepe vehementes dolores & inflammationes concitati sunt, loco horum clavos sive cylindros ex panno sericeo (*Taffetas*) cera obducto, adhibendos suadent. quemadmodum jam supra indicavimus (c), & ex *Tab. IV. fig. 17.* aliquo modo intelligi potest, ut tanto tutius & commodius vulnera haec glutinentur. Quando itaque in vulneribus abdominis transversis, amplis & profundis peritoneum tamen non penetrantibus, haec futura instituenda, utpote in quibus eam cum fructu adhiberi posse *Palfynus* censet (d) illa eadem prorsus ratione, ut supra Lib. I. Cap. I. N. 46. proposuimus, perficienda est.

XVIII.

*Garengeoti
methodus.*

Garengeot vero eam & in penetrantibus vulneribus instituendam esse non

(a) Vid. supra Lib. I. Cap. I. de vulneribus, N. 46.

(b) Vid. *Dionis Chirurgia* Cap. de Gastroraph.

(c) Lib. I. Cap. I. N. 46.

(d) In *Chirurgia* sua Cap. VI. de futuris, mihi pag. 32.

non solum suadet, verum etiam nodosae praefert, atque sequenti modo illam in his perficiendam esse scribit (a). Loco fili duplicis ligulam conficiendam esse docet ex sex vel octo filis robustis, ut supra jam proposuimus (b), quam per magnam acum curvam transmittit, qualis *Tab. VI. fig. 6.* repraesentatur. Hanc chirurgus dextra prehendit circa partem obtusam sive perforatam, & postea pollicem suum manus sinistrae in vulnus immittit, eoque oram superiorem, quam extus reliquis ejusdem manus digitis amplectitur, elevat, apicem acus per vulnus in ventrem immittit, eaque duorum digitorum intervallo ab ora vulneris peritonaeum, musculos, pinguedinem & cutem perforat. Deinde acum hanc a ligula solvit, alterumque ligulae extremum in eandem acum injicit. Postea indicem & medium digitum alterius manus orae vulneris inferiori submittit, pollice autem cutem prehendit, atque sic oram inferiorem elevat. Altera deinde manu e regione prioris puncturae acum ad duorum rursus digitorum distantiam a vulnere, per oram hanc inferiorem eodem modo transmittit. Si vulneris longitudo est quatuor digitorum transversorum, duas futuras, aequaliter a finibus vulneris & a se invicem distantes, requirit; sin minor unam sufficere posse (c); sed si major, plures duabus requiruntur. Tandem utrinque fila ligulae in tres partes aequales disjungit, clavum sericeum unicuique orae imponit, eosque duabus partibus ligulae nodo ansis praedito, firmat, vulnere balsamum Arcae cum linamentis imponit, eaque similibus nodis solubilibus, cum parte tertia ligularum utrinque relicta, modice constrictis obfirmat. Ventrem deinde oleo rosarum calido, paucos spiritus vini animato fricat, & cumprimis vulneris viciniam atque umbilicum; postea magnum splenium eodem medicamento succidum his partibus imponit, aliudque huic superaddit oxycrato calido imbutum. Haec denique frusto panni lanei (qui *flanelle* vulgo appellatur) decocto emolliente ebrii tegit, omniaque tandem fascia, quae mantile vocatur, firmantur, & mantile hoc scapulari fascia *Tab. III. fig. 1. C.* quae vero hic longius descendere debet, sustentatur (d).

XVIII.

Denique simulac in ejusmodi futuris orae vulneris probe glutinatae *Quomodo*
repe-glutinari

(a) In Operation. Chirurg. Artic. de Gastroraph.

(b) Lib. I. Cap. I. N. 47. ubi de futura clavata aliarum partium agitur.

(c) *Garengot*, Operat. Tom. I. p. 220. Edit. II. sed velim, ut curatius describeret, quomodo una punctura futura clavata fieri possit: nam ad clavos sustinendos firmandosque minimum duae requiruntur futurae.

(d) Sed an non linamentorum peculiaris illa cum tertia ligularum parte obfirmandi ratio valde molesta ac supervacua imo inutilis sit, cum splenio & fascia satis contineri queant: itemque an opus sit fomentorum numerum (dum tria simul hic adhibenda esse vult) adeo multiplicare, atque operationem hanc, jam satis difficilem, ac simul deligationem his ipsis praeter necessitatem multum prolongare atque difficiliorem efficere, prudentibus Medicis & Chirurgis dijudicandum relinquo.

vulnus de-
beat.

reperiuntur, quod & filorum laxitas indicare solet, incidi jam ligulae sive fila singula, unum post alterum, forficis adjumento possunt, vel simul, vel pro re nata, diversis diebus: quibus leniter, ut supra docuimus (N. 49.) extractis, reliqua vulneris glutinatio atque curatio balsami vulnerarii atque emplastrorum glutinantium beneficio absolvenda est. Probe tamen cavendum, ne praemature removeantur; quia sic orae vulneris dissolverentur; unde incommoda quamplurima ortum trahere possent.

Explicatio Tabulae tertiae.

- Fig. 1. litt. A. indicat, quomodo fascia capitis, quam *Couvre-Chef* Galli, nonnulli *capitale magnum* dicunt, post terebrationem aut capitis vulnerationem applicanda sit.
- B. *Mantile*, quod in pectoris atque abdominis laesionibus corpori circumcingitur.
- C. *Scapulare* sive *fascia scapularis* pro sustinendo mantili.
- D. Quomodo brachium post sanguinis missionem deligandum sit.
- E. Peculiare deligationis genus in pedibus, facta sanguinis detractio, applicari solitum, atque ob qualemcumque cum *stapede* similitudinem *stapes* appellatum.
- F. Quomodo in deligandis pedibus, imo & brachiis, aliquando fasciae sensim sensimque ascendere debeant.
- G. Quomodo fascia interdum in brachio ductibus raris & serpentibus ascendere debeat.
- H. Vulnus aliquod amplum in crure, ubi futura cruenta injicienda est.
- K. Ubinam & qua ratione in brachio *torcular* (*Tourniquet*) applicari debeat.
- L. Quomodo illud in superiore femoris parte injiciendum, ubi fascia convoluta versus M arteriae crurali imponenda.
- N. ostendit, quomodo *torcular* in inferiori femoris parte applicandum: quo in casu fascia convoluta posteriori poplitis parti immittitur.
- O. Vulnus abdominis grave, cum prolapsis intestinis.
- Fig. 2. *Torcular* vulgare nondum applicatum quale sit.
- Fig. 3. Forceps quaedam incurvata ac dentata, *rostrum gruis* propter figuram appellata.
- Fig. 4. Forceps sive *volsella* recta.
- Fig. 5. Forceps alia dentata, *rostrum anatis* dicta, inferius annulo mobili instructa.
- Fig. 6. Forceps alia, *rostrum anseris* dicta.
- Fig. 7. Terebra tubulo inserta atque a BARTHOLOMAEO MAGGIO pro extrahendis ex osse glandibus plumbeis excogitata.
- Fig. 8. Hamulus pro extrahendis glandibus plumbeis.

Fig.






Fig. 9. 10. 11. 12. 13. 14. 15. 16. Variæ figurae cauteria pro supprimendo sanguine, ossibus cariosis adurendis, aliisque malis tollendis adinventæ.

Fig. 17. Aliquomodo demonstrat, quomodo fieri debeat *gastrophia* sive abdominis futura. Litteræ aa. designant ipsam plagam; bb. binas acus incurvas cum innexis filis per vulneris oras transmissas; cccc. bina fila alia per vulneris oras ducta, atque ex acubus jam tum extracta.

C A P. VI.

De intestinis vulneratis eorumque futura.

I.

Quoties ventre ictu aliquo perforato intestina quoque evoluta & vulnerata, quo antea Cap. V. N. 4. docuimus modo, rep- ^{Quando nam fieri debeat intestinorum futura.} riuntur, id imprimis datum sibi ducunt esse chirurgi, ut laesam intestinorum partem prius suant, quam eadem refundant. Sic enim non vulnus solum facilius glutinari sperant, sed & vel maxime caveri, ne chyli stercoreisve quidpiam in ventrem profluat, aliasque partes integras corrumpat. Quanquam autem periculosa admodum ac fere semper sine certa salutis fiducia sunt intestinorum, ac tenuioris praesertim vulnera; tamen, quia latius intestinum, CELSO jam tum observante (a), non sui solum, sed glutinari quoque interdum potest, *dubia profecto spes*, (eodem auctore) *certa desperatione potior videtur*: ideoque chirurgus nihil eorum intermittat, quae ad intestini perforati lustrationem atque curationem aliquo modo necessaria esse cognoverit. *Vid. supra Cap. V. Num. 4. 5.*

II.

Quae angustiora calamique circiter amplitudinem vix superantia deprehenduntur *intestinorum vulnera*, sui neutiquam debent, sed naturae bonitati committi. Siquidem haec felicius plerumque sponte sua curantur, sive glutinantur, si sibi relinquuntur, quam si suturis magnopere irritantur: nam futuram plerumque dolores, inflammationes aliaque mala sequuntur. Quocirca longe optimum erit, intestina protinus, qua par est diligentia, recondere (Cap. V. Num. 5. seqq.) missoque ad inflammationem praecavendam sanguine, quietem imprimis atque abstinentiam vulneratis serio commendare. ^{Quando nulla fieri debeat futura.}

III.

Ampliora autem eademque graviora *intestinorum vulnera* tametsi nunquam fere non lethalia sint atque insanabilia, sui tamen, pellionum more, ^{Quomodo intestinis injicienda futura sit.}

Pars I.

○ ◎

(a) Lib. VII. Cap. 16.

sutura continua, hucusque solebant, & adhuc a quibusdam solent, priusquam prolapsi intestinorum orbes refundantur. Namque satius videtur dubiam aegrotorum spem solertia sua fovere & confirmare, quam negligentia in certissimam desperationem convertere. Igitur ad hoc praestandum in promptu sit *acus quaedam communis ac tenuior, filum aliquod lineum vel sericum tenuius trahens*. Tum minister aliquis, subtilioris linamenti subsidio, partem vulneris alterutram apprehendere, chirurgus vero alteram manu sinistra continere, dextra autem, ut pelliones fuere solent, *sutura continua perforatum illud intestinum jungere debet*; interjecto inter futuras singulas spatio lineae quasi mathematicae latitudinem circiter adaequante, vel adhuc superante. Utraque fili pars exterior subter altera sibi proxima futura condatur atque sic firmetur, ita tamen, ut posterior in nodum constringatur; principio ad pedis longitudinem ex ventre propendente, quo extrahi filum post factam intestini glutinationem commodius queat. Vid. *Tab. IV. fig. 20*. Quanquam aliis longe commodior hic videtur *sutura nodosa*; siquidem haec, propter rariorem carnis punctiorem, non adeo gravibus obnoxia esse solet inflammationibus, vel ipsis quoque linis, utpote minutioribus, intus relictis. *Garengeot* aliam adhuc futuram pellionum conficiendi rationem proponit (a). At vero quaecunque demum intestinis laevis futura injiciatur, paucissimos tamen servari in ejusmodi casibus posse, satis experientia loquitur.

IV.

Quid post
factam in
intestinis su-
turam fieri
debeat.

Consutis hac ratione perforatorum intestinorum oris, sequitur, ut de contrahendo, vel etiam, ubi opus fuerit, suendo ventre exteriori chirurgus cogitet. Quod qualiter fieri quam aptissime queat, superiori Capite declaravimus. Ceterum illud denuo nunc atque iterum monendum ducimus, *in vulnere abdominis quorumcunque curationibus turundam tam diu conservari semper debere, donec humores praeter naturam intus collecti prorsus, vel saltem maximam partem effluxerint, vel & propendens ob suturam ex ventre linum, aut filum, glutinatis intestinis, eductum fuerit*.

V.

Quomodo
vulnere deli-
gari debeat.

De horum vulnere deligatione, purgatione, glutinatione, reliqua denique omni curatione non est, quod denuo hic praecipiamus. Quicquid enim factu necessarium hic deprehenditur, id supra jam tum planissime demonstravimus *Cap. V. Num. 14. seqq.* Interim illud quoque prospicere chirurgos oportet, ut, quoties forte bina ex ventre fila propendeant, alterum ex turunda, ex intestini futura alterum, diverso semper colore a se invicem ipsa distinguantur; ne scilicet, quum il lapsa forte extrahenda turunda est, commutatis inter se filis, intesti-
num

(a) In Operat. Chirurg. Art. de Gastroraphia.

num laesum loco turundae vellicetur, adeoque sic ipsa intestina graviter irritentur.

VI.

Verum enim vero quum observatum a recentioribus chirurgis sit, ^{Vulnerum in} nullos, vel saltem paucissimos, ex intestinorum laesionibus convalescere, ^{intestinis fa-} ipsaque intestinorum vulnera, servatis licet vulneratis, propter insignem ^{etorum faci-} tunicarum tenuitatem non tam glutinari quam potius cum vulnerata ^{lius curan-} ventris parte, peritonaei membrana interiori, vel omento, vel alio etiam ^{dorum nova} intestino concrefcere (a); mirum non est, ut chirurgi ^{ratio.} ab intestinorum futuris, praesertim continuis, sive pellionum, hodie semper fere abstineant. Idque magis ideo, quia crebrior intestinorum compunctio gravem plerumque inflammationem, acutissimos dolores, convulsiones, cancrum sive gangraenam, quin & ipsam mortem concitare solet. Igitur ~~ut~~ paulo mitius cum vulneratis agant, hanc potius curandi viam ineundam sibi statuunt. Scilicet per mediam intestini partem laesam filum aliquod ceratum subtiliori acu transmissum, nodo constringunt, ejusdem beneficio illam ipsam junctis quoquo modo vulneris externi oris interioribus, quam accuratissime fieri potest, applicant. Filum ex abdomine propendens per emplastra glutinosa vulnere superimposita ita diligenter firmant, ut neque intestinum retrocedere, neque alieni humoris quidpiam ex illo in ventrem destillare queat. Quibus omnibus rite confectis, non perforatae solum intestinorum partes ventri quam aptissime coalescunt, sed vulnerati quoque multo mitius ac felicius, quam per injectas intestinis vel continuas vel nodosas futuras plures, servari consueverunt. Dummodo nec ista etiam neglecta fuerint, quae de circumspecta victus ratione vulnerisque deligatione supra jam proposuimus. (Vid. Cap. V. Num. 14. seqq.) Atque hanc ipsam curandi rationem in glutinandis ventriculi vulneribus, si manibus ad ea accessus detur, imitandam esse censeo, quia quandoque feliciter cessit. Videtis BOHNII lib. de remunc. vuln. Sect. II. Cap. 5.

Explicatio Tabulae quartae.

Fig. 1. Acus triangularis Petiti pro nova, eaque opposita apertura, quam Galli *Contre-Ouverture* vocant, in vulneribus aut ulceribus quibusdam conficienda.

Fig. 2. Alia ejusmodi acus, sed curva & a me inventa, pro apertura nova in certis vulneribus aut fistulis facienda, ubi id recta saepe praestari nequit. Vid. *supra* Lib. I. Cap. I N. 37.











Fig. 3. Vulnus repraesentatur AA, quod per emplastrum glutinans utrinque sinuatum BB contractum est.



















O 2

Fig.

(a) Vid. Littrii Observatio in Memor. Acad. Reg. Paris. An. 1705.

- Fig. 4.* Sittit vulnus, super quod geminum ejusmodi emplastrum glutinosum injectum.
- Fig. 5.* Simile vulnus, super quod geminum emplastrum glutinosum, sed rectum & haud sinuatum, impositum est.
- Fig. 6.* Vulnus decussatim factum, A A A A, perque injecta decussatim duo emplastra B B B B comprehensum.
- Fig. 7.* Vulnus A A, quod emplastro glutinante, fenestrato, sive duobus foraminibus circa medium B B perforato, junctum est.
- Fig. 8.* Designatur vulnus aliquod cum emplastris glutinosis fila robusta sive funiculos adnexos habentibus, quibus nodis solubilibus a a a contrahitur.
- Fig. 9.* Simile vulnus cum similibus emplastris, sed loco funiculorum uncinulis ferreis aut acneis a a a instructis, quae ope filorum innexorum vulnus contrahunt.
- Fig. 10.* ostendit, quomodo ope habenularum b b b, loco uncinulorum, ejusmodi emplastra construi & constringi queant, ut veteres nonnulli consueverunt.
- Fig. 11.* Vulnus transversum A A. per geminam futuram nodosam B B. constrictum.
- Fig. 12.* Ostenditur, qua ratione vulnus aliquod decussatim factum confui, constrictisque funiculis contrahi possit. A B C D.
- Fig. 13.* Demonstratur, quomodo fieri illud ipsum in vulnere quodam angulato sive triangulari triplici in loco debeat, A B C.
- Fig. 14.* Repraesentatur quomodo vulnus geminis angulis praeditum, primo juxta angulos illos A A, ac deinde etiam, si opus, utrinque ad litt. B B futura nodosa consuendum.
- Fig. 15.* Acus magna & curva pro futuris majorum vulnerum, filum duplex trahens, ea ratione innexum, ut ejus beneficio futura, clavata dicta, perfici queat. A est acus, B filum duplex, C ejus ansa.
- Fig. 16.* Vulnus magnum transversum A A, quod triplici futura nodosa B B B junctum est.
- Fig. 17.* Simile vulnus D D. quod praeter fila *fig. 16.* etiam clavos sive cylindros sericeos ac cera obductos, A A & B B, utrinque junctos & innexos habet, quaeque fila super clavo superiori nodis solubilibus C C C constringuntur. dum clavis inferior ansis trium filorum E E E interjectus haeret. Verbo, ostenditur hic quomodo futura clavata ex doctrina *Palsyni* fieri debeat.
- Fig. 18.* Exhibet aliam rationem, qua futura clavata non solum in variis profundioribus vulneribus transversis, sed quam maxime etiam in ventris futura, quam *Gastroraphiam* appellant, perfici queat. Vid. *Lib. I. Cap. V. N. 47.* & *Cap. V. N. 18.* A A vulnus, B B clavis superior, C C clavis inferior, D D D nodi non solubiles, quibus congeries sex vel octo filorum constrictae sunt, eisque clavis superior





perior interjectus. EEE nodi solubiles, qui inferiorem clavum comprehendunt.

Fig. 19. Monstrat *futuram Celsi*, qualem pro vulneribus abdominis transversis & penetrantibus duplici acu suendis *Lib. 7. Cap. 16.* describit: & *Gastroraphia Celsi* vulgo vocari solet, quae vero inepta est, & in usu esse desit. AA indicant initium futurae, B finem, ubi nodo constringitur.

Fig. 20. Delineatur *pellionum futura*, in intestinis vulneratis fieri solita. Litt. AA intestinum aliquod designant, BB vulnus, C futurae principium, cum fili parte propendente, D finem futurae cum nodo ibidem injecto.

Fig. 21. & fig. 22. futura designatur in *labro leporino* usitata; eaque vel duplici vel triplici acu instituta. Litt. AA vulnus descendens, BB Aciculas peculiares per oras vulneris trajectas; CCC fila denique circa aciculas involuta demonstrant.

C A P. VII.

De intestinis penitus praecisis.

I.

SI qua forte penitus perrupta vel praecisa intestina sunt, haec sana, ^{Quid factu opus sit, ubi plane praecisa sunt intestina.} quia glutinari nullis omnino artificiis possunt, in certissimam desperationem vulneratos conjiciunt. Ut adeo mirum non sit, eos, qui sic vulnerati erant, vel sine omni chirurgorum praesidio, vel post injectas etiam suturas, tantum non omnes miserrime quondam interire debuisse. Postquam autem ab HILDANO (a), BLEGNIO (b), DIONYSIO (c), PALFYNO (d), Jo. MAUR. HOFFMANNO (e), SCHACHERO (f), VATERO (g), CHESELDENO (h), denique a memet quoque ac pluribus aliis observatum fuit, intestinorum istiusmodi praecisorum oras exteriori ventris vulnere, insperato prorsus vulneratorum commodo, quasi sponte sua coaluisse; nihil profecto videtur obstare, quo minus chirurgi demonstratam hic ab optima duce natura curationis artem, pro conservanda vulneratorum salute, quam diligentissime imitari contendant

O 3.

(a) Observ. 74. Cent. I. Obs. 72. Cent. VI.

(b) Zodiac. Med. Gall. An. 2. p. 123.

(c) In Chirurgia Cap. de Gastroraph.

(d) In Chirurgia Cap. de Gastroraph.

(e) Disq. Corp. hum. Anat. pathol.

(f) In Diff. de Morb. ex situ Intestin.

(g) In Diff. de vuln. in Intest. lethal.

(h) Lib. de alto apparatu, pag. 176. & Anatom pag. 169.

dant (a). Quoties igitur istiusmodi casus aliquis forte obtigerit, ne aegrum fato relinquant, hoc sibi datum chirurgi sciant esse, ut praecisionem intestinorum partem superiorem, curiosissime prius investigatam, vulneris externi oris, suturae continuae vel nodosae beneficio, vel & quocunque alio modo jungat. Namque ista ratione non vulnerati solum a praesentissimo vitae periculo saepe liberantur (b), sed ipsum quoque intestini vulnus ita glutinatur, ut, quae per anum dejici antea consueverant, ex aperto ventre, quasi canaliculo quodam, faeces effluent. Quod etiamsi, propter vas quoddam ex stanno vel ferro albo confectum, vel propter linteum foramini huic applicatum, quo sordes hae excipiuntur, mirifice molestum videri poterat; longe tamen satius est, commodioris vitae aliquam partem, quam usum vitae omnem amittere. Praeterquam quod non adeo foedi odoris sint, quae per istam viam, quam quae per anum, ejiciuntur excrementa.

II.

Quomodo
intestinum
aliquod
emortuum
curari de-
beat.

Haecenus memoratum curationis artificium adhiberi quoque haud inaniter poterit in ejusmodi casibus, ubi prolapsorum intestinorum pars aliqua corrupta deprehenditur atque emortua. Namque hic, probe deligatis antea mesenterii arteriis, quicquid intestinorum forte corruptum est, praeciditur, ipsaque pars integra superior cum externo ventris vulnere glutinatur. Praestat enim utique dubia, quam nulla prorsus medicina uti, & ut CELSUS ait, *anceps experiri remedium quam nullum*; imo vero praestat, quantumvis paucos ejusmodi vulneratos servare, quam fato ac desperationi certissimae ad unum omnes committere (c).

III.

Quomodo
intestinorum
vulnera
abscondita
curari de-
beant.

Quoties intestina vulnerata nec tamen prolapsa fuerunt, ipsaque proin vulnera ipsorum prorsus delituerunt, hanc plerique omnes curationis viam ingressi sunt chirurgi, ut externum ventris vulnus, immissa in id turunda, secundum superius traditas deligationis regulas, (Cap. V. Num. 14. seqq.) tractaverint, missoque, nisi debilitas obstiterit, sanguine, vulneratum a cibis abstinere, quiescere atque in ventrem cubare jusserint. Reliqua enim divinae providentiae naturaeque bonitati commiserunt. Verum quaeri etiam hic potest, *an non consultum sit in ejusmodi casibus vulnus ventris ita dilatare*, ut laesum intestinum inveniri & ope suturarum deinde externo vulnere jungi queat? Profecto

(a) Tentavit hoc ipsum initio chirurgus aliquis in cane quodam; & satis quidem feliciter. Vid. BLEGNY *Zodiac. Gall. An. 2. p. 143*. Deinde etiam id in hominibus factum est. Vid. *Misc. Nat. Cur. Dec. 2. An. 8. Obs. 229*.

(b) Curationis hujusmodi feliciter institutae exemplum extat in *Miscell. nat. curios. Decad. 2. An. 8. Observ. 229*.

(c) Hoc feliciter cessisse exemplo quodam probavimus in *dissert. observationes varias recensente An. 1730. Helmsstädi edita*.

cto si penitus singula consideramus, fatius videtur vulnere prius ampliato laesam intestini partem investigare, debitaque ratione eam vulnere jungere, ne certae fere morti relinquatur; quod ipsum etiam satis feliciter tentatum a chirurgo quodam fuisse, in *programme publico Lipsiae 1720.* emissio, Cl. SCHACHERUS docuit. Ita & CHESELDENUS, Anglus, in hernia, *in carcerata* dicta, ipsum ventrem aperuit, intestina e scroto reduxit, atque aegrum postea perfecte sanavit (a).

IV.

Sed quid habendum denique est de lotionum sive clysterum post factam intesti- *De clyste-*
norum vulnerationem applicatione? Neque enim inter Medicos desunt, *rum appli-*
qui vel magno eam opere commendant, vel prorsus etiam damnant. *catione in*
Ego vero ut, quod sentio, vere atque ex animo dicam, nec damnandos *intestinorum*
prorsus nec commendandos semper esse eos existimaverim. Quod *laesionibus.*
si enim ii demum optime vulneratorum saluti prospiciunt, qui ipsi vulnerum indoli accommodatam curandi viam ineunt; clysterum sane applicatio in intestinorum crassorum vulneribus, tanquam pernicioosa vitanda; contra vero in tenuiorum laesionibus quasi valde opportuna commendanda videatur. Quemadmodum enim in priori casu non sine vulneratorum damno in ipsum ventrem exonerantur; sic e contrario in posteriori sive in intestinorum tenuiorum vulnerationibus si adhibentur clysteres, etiam atque etiam salutare esse consueverunt. Neque enim solum per coli valvulam cohibentur, quo minus in abdomen effluent; sed & imprimis illud quoque praestant, ut iis sordes quaelibet inutiles ex intestinis crassis ejiciantur, cursus sanguinis aequabilis restituatur, febris inflammationesque si non penitus tollantur, saltem tamen imminuantur, ac tandem ipsi dolores mirifice leniantur.

C A P. VIII.

De prolapso omento.

I.

SI qua forte in abdominis vulneribus *omentum* vel solum vel & una *Quid agen-*
cum intestinis prolapsum deprehenditur, *circumspiciendum protinus* *dum sit*
chirurgo est, num illud ipsum calidum adhuc atque humidum existat, colo- *omento pro-*
remque suum naturalem habeat. Quae si ita sint, protinus ingeri le- *lapso.*
niter digitorum subsidio debet, si id commode fieri possit; sin vero ob vulneris angustiam, ut quandoque contingit, hoc effici nequeat, pars prolapsa juxta vulnus omnis rescindenda, vulnusque ut alia communia vulne-

(a) In lib. de Alto apparatu, pag. 180, itemque in Anatomie ejus, Edit. III. pag. 283.

vulnera glutinandum : ita omentum sine noxa aegri, aliisve incommodis vulnere accrescit. Sed ubi prolapsa simul intestina sunt, omentum linamentis aqua vel lacte-succidis & calidis tantisper a ministro quodam contineri, donec intestina prius rite fuerint refusa, atque deinde etiam omentum prudenter ingerere.

II.

Quid agendum sit omento corrupto.

Quodsi vero, prouti contingere quam facillime potest, quaedam omenti pars frigida jam tum, sicca, nigra atque emortua sive putrida esse reperitur, tum, antequam refundatur, quicquid corruptum est, excidi solerter debet, ne scilicet quod integrum adhuc est, intus ab hoc simul corrumpatur, eoque ipso vulneratus ipse interficiatur.

III.

Quomodo excidi omentum debeat.

Excidi autem corrupta omenti pars quam commodissime poterit hoc modo. Nempe acus filum trahens ceratum ac firmitus per integram adhuc omenti partem, juxta illud, quod emortuum est, trajicitur, atque dein filum bis vel ter circumvolutum nodo constringitur; ne qua forte intus ex praecisis omenti venis atque arteriis suboriatur sanguinis profusio. Quibus ita praeparatis quicquid corruptum in omento est, forcice aut scalpello rescinditur; quicquid vero integrum remansit, leniter in ventrem refunditur, atque super intestina reducitur, filo interim, pedis quasi longitudine ex externa ventris plaga propendente; donec sponte sua sanescentem omenti partem relinquat.

IV.

Quomodo fieri debeat vulneris hujusmodi deligatio.

Circa reliquam vulneris ejusmodi curationem, hoc est, purgationem, deligationem ac glutinationem idem prorsus tenendum est, quod supra jam tum hanc in rem praescripsimus. (Cap. V. Num. 14. seqq.) Ceterum inferiori vulneris parti inferi debet major talis turunda, qualem Tab. II. fig. O. delineatam exhibet, pro sordibus forte in ventre collectis per hanc viam expurgandis. Sed ne qua forte filum turundae huic adnexum confundi cum reliquis ex omento atque intestino propendentibus filis queat, haud abs re erit, fila ipsis coloribus a se invicem distincta in ejusmodi deligationibus adhibere : prouti quidem supra jam tum (Cap. VI. Num. 5.) admonere nos meminimus.

V.

Quid circa & post filii eductionem observatum necessarium sit.

Sex septemve diebus praeterlapsis, leniter in deligationibus singulis attrahenda sunt fila ista ex abdominis vulnere propendentia, donec tandem ex intestino vel omento sanescente, sed sine violentia tamen, extrahi posse deprehendantur. Quibus ipsis, quam mitissime fieri potuit, eductis, sordibusque nullis amplius effluentibus, removeri turunda debet, externumque vulnus debita ratione foveri ac glutinari: misso protinus, nisi satis jam per se fluxit, sanguine, pro lenienda scilicet inflam-

inflammatione; commendatis denique vulnerato quiete atque abstinencia.

VI.

Sed vero quid habendum denique hic est de insolenti isto DIONISII ^{Peculiaris} consilio (a)? quo idem chirurgis auctor esse voluit, ne vel prolapsi ^{quaedam} omenti partem unquam rescindant; quin potius MARSCHALLI, chirurgi ^{Dionisii cir-} regii gallici primarii, exemplum sequantur, utpote qui, ut Dio- ^{ca omentum} nisius perhibet, ^{prolapsum} prolapsum ex abdomine omentum sine ulla ejusdem liga- ^{observatio.} tura aut praecisione, saepius, & quidem sine subsequentibus malis aut noxis refudit. Enimvero, ne quid ego dissimulem, ipsa haec DIONISII narratio sic omnino comparata videtur esse, ut minus justam vel accuratam eandem pronunciare ausim. Neque enim ex ejus relatione liquet, magna an parva, integra an corrupta fuerint, quae sine facta amputatione MARSCHALLUS condidit omenta. Integra si fuerunt; nihil sane erat, quod ad imitandum MARSCHALLI morem adeo sollicite chirurgos adhortaretur DIONISIUS: condendum enim utique esse omentum integrum, nemo unquam chirurgus negavit aut dubitavit. Ubi vero corrupta & emortua jam fuerunt, quae MARSCHALLUS sine amputatione refudit, omenta, (quod DIONISIUS haud indicat,) mirum profecto videri poterat, nihil inde mali in aegrotos redundasse, praesertim si magna pars corrupta fuit, mirandumque est, quid cum corruptis omentis in ventre factum sit, aut per quas vias expurgata fuerint. Igitur DIONISII illud consilium neutiquam sequendum esse censeo, priusquam hac de re certius planiusque constiterit. Atque id magis etiam ideo, quod PALFYNUS in Chirurgia sua (b) casum aliquem afferat, ubi corruptam aliquam omenti partem ipse MARSCHALLUS ligavit & praecidit, antequam id, quod integrum adhuc erat, super intestina reduxit: id quod & alios magni nominis Chirurgos Parisinos fecisse idem refert (c).

VII.

Garengot (d) sententiam hanc Dionisii quoque amplectitur, licet ^{Garengoti} eum non nominet; verum etiam haud perspicue exponit, quanta ^{de hac re} fuerit illa omenti corrupti pars, quam *Marschallus*, aut quicumque a- ^{sententia.} lius, sine noxa condiderit. Equidem exiguum omenti corrupti partem digeri aliquando posse in ventre sine adeo magno incommodo, haud impossibile esse mihi persuadeo; magnam vero nisi hoc prius diversis, eisque certis exemplis evictum sit, minime. Nam si forte hoc etiam semel fuerit observatum, hoc tamen rem non extra dubium ponit, multo minus in exemplum ad imitandum, quia miracula quasi subinde observantur in vulneribus quam maxime periculosis. Et quia

Pars I.

P

aliae

(a) Vld. Ejusd. Chirurgia; quo loco de gastroraphia vel abdominis futura differtur.

(b) Pag. 104. Edit. Leidenf. (c) Ibid. p. 56. & 111.

(d) Operations de Chirurgie Tome I. Cap. de Gastroraphia.

aliae hujusmodi sordes vel etiam in externis vulneribus contineri sine noxa non possunt, sed gravia saepe iis mala concitari solent, quid non metuendum si in internis partibus contineantur, imo data opera in eas immittantur? Neque profecto perinde est, ut idem autor putat, qualis sit illa suppuratio, sive ea exigua sit sive magna (a). Verum quia ob magnum frustum corruptum magna quoque in ventre suppuratio fiat, necesse est, in ligato vero omento, quia omne corruptum & putridum refecatur, antequam sanum conditur, exigua tantum vel saltem longe minor fiet suppuratio, unde leviora etiam mala quam a majori metuenda: praesertim cum etiam paucam hanc a suppuratione productam materiam, per aperturam in vulnere externo ope turundae conservatam, expurgare studeamus; omnem vero aperturam claudendam mox *Garengot* praecipit, dum turundas hic promiscue contra ipsius *Marshalli* felicem usum (b) rejicit: hinc tanto minus magna in pus resoluta omenti pars e ventre expurgari poterit. Igitur inter suppurationem magnam & parvam probe distinguendum esse existimo: quia major differentia hic intercedit, quam *Garengot* sibi fingit; & propterea, quia haec res nondum satis, meo quidem iudicio, extricata, sed gravibus dubiis, imo & periculis adhuc subjecta est, *Palfynus*, testis oculatus, contrarium affirmat, *Garengot* vero sua experientia successus felices ex magno putridi omenti frusto in abdomen reposito, haud vidisse videtur, praestare tutiusque esse credo, partem omenti corruptam, praesertim si magna est, ut hucusque praestantiores chirurgi fecerunt, ligare & refecare, quam ipsam cum metuendo aegri interitu in ventrem temere refundere.

C A P. IX.

De reliquarum abdominis partium laesionibus.

SI qua forte alia abdominis pars vel viscus, hepar scilicet, aut lien, aut ren, vulnus aliquod, acuto praesertim telo, accepit, quod vel oculorum acie vel tactu detegi potest, longe optimum erit in prima deligatione linamentum multum spiritu vini rectificatissimo vel terebinthinae spiritu succidum leniter in plagam istam immittere, splenia superim.

(a) Nam ait pag. 205. Edit. II. *Suppurer pour suppurer, autant faut il remettre l'epiploon alteré, que de le lier*; quibus verbis indicare vult, omentum ligatum suppuratione fecedere a sano, & omentum corruptum quoque suppuratione a sano separari. Ergo cum in utroque casu suppuratio fieret, (non distinguendo inter suppurationes) praestare omentum non ligare, quam illud ligare. Imo contra omnem veri speciem omento ligato & resecto majorem suppurationem adscribere conatur, quam non resecto.

(b) Conf. *Palfyn. Chirurg. Edit. Leidens. 104.*

perimponere & fascia omnia firmare. Nisi enim grandes admodum venae vel arteriae praecisae fuerint, sanguinis sane profusio istac ratione subinde supprimitur. Quo rite confecto vulnus externum in sequentibus deligationibus secundum superius de vulneribus abdominis curandis propositas curationis regulas tractare convenit. Reliqua Deo, naturaeque committenda sunt. Sed prospiciendum tamen simul est, ut vulneratus exactissimam victus rationem planeque constantem quietem commendatas sibi habeat; misso protinus, si vulneratus robustior fuerit, ne nova sanguinis profusio vel inflammatio superveniant, evena sanguine, ingestisque illi subinde potionibus vulnerariis, nec non bis vel ter quotidie aliquid balsami LUCATELLI aut MEIBOMII; isti enim balsami egregiam in sanandis vulneribus internis habent efficaciam. *In curandis autem viscerum vulneribus abditis, sensumque omnem effugientibus*, id cumprimis datum sibi sciant esse chirurgi, ut vulnus externum recte purgent ac foveant, injecto quotidie, quando res peregrinae in ventrem effusae sunt, decocto quodam vulnerario, itemque turunda tantisper illud apertum servant, donec nihil amplius impuri effluxerit. Cetera tam ratione victus, quam medicamentorum, ita omnino fieri debent, ut antea declaravimus, ac reliquum naturae committendum. Namque isto modo vulnera quaecunque interna, dummodo sanabilia fuerint, curari quam felicissime poterunt; plura enim ars hic praestare non potest.

Explicatio Tabulae quintae.

Fig. 1. Ostendit ferramentum, ut *acum magnam*, obtusam, pro funiculo vel frusto angusto lineo per vulnera sclopetorum, aliaque nonnulla partem omnino penetrantia traducendo, qua & in setaceis uti possumus.

Fig. 2. Machina exhibetur, consueta magnitudine, *ad sanguinis profluvium in vulneribus majorum arteriarum cohibendum*, *Cap. II. de vulner.*

§. 8. descripta, ex nostra emendatione.

AA. Lamina ex orichalco, parum inflexa.

BB. Cochlea fortis ex eadem materia.

C. Lamina rotunda pollicis latitudine, quae vulnere imponitur.

D. Manubrium, quo cochlea vertitur, & lamina C. vulnere fortiter imprimitur.

EE. Lorum coriaceum robustum, quo pars laesa cingitur sive includitur.

FF. Pars lori, foraminibus multis instructa, quibus in uncinulis GG. firmari potest, prout pars laesa tenuior vel crassior.

Fig. 3. *Scalpellum falcatum*, ad vulnera angustiora abdominis vel pectoris, ubi opus, dilatanda, aliosque usus, in apice stilo tereti obtuso instructum.

Fig. 4. Scalpellum rectum, globulo in apice donatum.

Fig. 5. Aliud ejusmodi, sed lunatum sive falcatum.

Fig. 6. Torcular, ex ligno confectum, ex nostra emendatione, ad profusiones sanguinis inhibendas, magnitudine naturali, supra descriptum, Cap. II. de vulneribus, §. XII.

AA. Pars sive lamina superior.

BB. Pars inferior.

C. Cochlea magna.

D. Cochleae ferreae minores, quibus lorum coriaceum vel fericeum firmatur.

E. Unci, quibus alterum lori extremum membro circumdatum, firmiter innectitur.

FF. Excavationes lunatae in ambabus extremis utriusque laminae, tam superioris quam inferioris, quae lorum includunt, ne facile labi possit.

Fig. 7. Alia torcularis species ex ferro confecta. Vid. Cap. II. de vulneribus, §. XIV. ubi prolixè satis descripta est, dimidia parte minor, quam revera est.

Fig. 8. Fascia quaedam lata, *uniens* dicta, in vulneribus secundum longitudinem abdomini inflictis usurpanda, in medio perforata, & duobus capitibus convoluta.

Fig. 9. Fistula sive *tubulus argenteus flexilis*, in vulneribus thoracis & empyemate subinde ad pus educendum adhibendus.

A. Extremum utrinque & in apice perforatum.

BB. Lamina cum duobus foraminulis filum transmittentibus.

C. Foramen majus cum fistula A respondens.

C A P. X.

De pectoris vulneribus.

I.

Pectoris vulnera triplicia sunt.



UT abdominis, ita pectoris etiam triplicia fere vulnera sunt. Vel enim non nisi externae pectoris partes percutiuntur: vel plaga pectori illata in ipsam ejus cavitatem, sed sine partium tamen interiorum laesione, penetrat: vel denique ipsae pectoris partes interiores simul percutiuntur.

II.

An vulnus aliquod pectoris non nisi externum sit.

Vulnus aliquod in externis solum pectoris partibus haerere, neque ad ipsam ejus cavitatem transire, variis modis explorari consuevit: nempe vel 1) visu; vel 2) auditu, si scilicet nullus e pectore sonus inter spirandum exierit; vel 3) tactu, si nimirum nec digitus, nec specillum in
cavum





cavum pectoris intromitti queat; vel 4) aquae tepidae per syringam injectione, si scilicet eadem protinus refluxerit; vel denique 5) ex gravium malorum, cujusmodi quidem gravis tardusque spiritus, animi deliquium aliique angores sunt, absentia. Quae omnia simulatque fatis explorata fuerunt; vulnus ejusmodi externum unguento digestivo balsamoque vulnerario fovendum, eademque prorsus ratione tractandum est, quam pro curandis vulneribus levioribus quibuscunque supra proposuimus.

III.

Evenire hic interdum solet, ut *vulnus ejusmodi externum cutem inter & musculos vel costas oblique admodum atque alte transeat*, eandemque ob *causam purgari a cruore atque impuriori materia difficulter queat.* Quid in vulneribus pectoris exterioribus, sed altis atque obliquis, fiat. Ut adeo mirum haud sit, si relictæ intus materiae putrescant, rodant, ulcera fistulasque subinde prorsus insanabiles excitent; vel &, si per-rupta pleura in ipsum pectus delabantur, atque sic vel empyema quoddam, vel phthisin, vel ipsam quoque mortem concitent.

IV.

Igitur illud inprimis operam hic dare chirurgos oportet, ut delitescentem in ejusmodi vulnerum sinibus cruorem vel compressionis, vel factae ab homine sano suctionis, vel syringae, vel denique ulterioris incisionis beneficio penitus educant, atque ita malis jam jam memoratis in tempore occurrant. Reliqua autem vulnerum ejusmodi curatio eadem prorsus est cum illa, quam superius descripsimus. Ceterum pro deligandis ejusmodi vulneribus applicari haud incommode hic potest mantile cum scapulari: quod ipsum tamen non nimis arcte constringendum est, quo scilicet effluere facilius queant, si quae forte intus delituerint materiae impuriore. Quomodo ista vulnera tractanda sint.

V.

Quibus *ad evocandum cruorem* chirurgi utuntur, *syringae diversimode* Quomodo per syringam extrahendus sanguis sit. construi possunt. Vel enim directis vel incurvatis instrui possunt siphonibus aut tubulis. Chirurgorum aliqui stanneam adhibent syringam, duploque circiter majorem ea, quam *Tab. VI. fig. 8.* delineatam exhibuimus. Hujus os vel orificium extremum A. reliquo siphone amplius figuraque vel triangulari, vel rotunda, vel & ovali praeditum esse consuevit. Veram ejus atque usitatam magnitudinem repraesentat *figura 9.* Ad ipsam vero syringarum istiusmodi applicationem quod attinet, scire juvat, orificium primum exterioribus vulnerum oris quam exactissime adaptari, cruoremque educto semel aut aliquoties syringae embolo exhauriri debere. Quod ipsum quidem commodius fieri haud poterit, quam ubi diversae & figurae & magnitudinis tubuli istiusmodi in promptu fuerint, ipsisque adeo vulneribus diversis accommodati. Ceterum quid sit optima syringarum hujusmodi applicatio, quanta

item illarum prae vulgaribus syringis aliis praestantia, id peculiari quodam hanc in rem edito libello ANELLIUS, celebris chirurgus ac scriptor gallicus, demonstravit (a).

VI.

Undenam
cognoscatur
num vulnus
in ipsum pe-
toris cavum
transierit.

Contra vero pectoris vulnus aliquod in ipsum ejus cavum transire, id variis itidem modis cognoscitur: nempe vel 1) visu, si scilicet in ipsum pectus introspicere licuerit; vel 2) tactu, si nimirum digitus aut specillum libere transierit; vel 3) auditu, sicubi scilicet vulnerati hominis spiritus cum sono quodam ferri percipitur; vel 4) ex luminis aut plumularum vulneri admotarum sub respirationem vel tussim agitatione; vel 5) ex aquae tepidae in vulnus injectae imminutione atque in ipsum pectus illapsu; vel denique 6) ex gravioribus malis supervenientibus, spirandi videlicet difficultate, angoribus animique deliquis: utpote quae singula vel a compressis pulmonibus, vel a collecto intus cruore, vel denique ab utrisque simul provenire adsolent.

VII.

Quae mala
ex collecto
in pectore
cruore pro-
veniant.

Quoties sanguinis aliquid, ut fieri quandoque, sed tamen non semper, solet, in ipsam pectoris cavitatem ex vulnere illapsum est, abesse vix potest, quin pulmonum expansio, respiratio, sanguinisque in pulmonibus circuitio impediatur, tandemque, propter penitus inspissatum in illis sanguinem, ipsa mors concitetur. Ubi vero minor sanguinis portio in pectore delitescit, quam quae spiritum sanguinisque per pulmones circulationem impedire queat; tum vel ideo periclitari videtur vulneratus, quod cruor iste sensim sensimque putrescens, vel ipsum diaphragma, vel pleuram, vel pulmones etiam corrumpat, penitusque corrodat, quin & accedentibus dein malis aliis gravioribus, certissimum mortis periculum afferat.

VIII.

Signa col-
lecti in pecto-
re cruoris.

Sanguinis vero quidpiam illapsum in pectus fuisse, subsequenter fere signa produnt. Si nimirum 1) spirandi aliqua difficultas est, vulneratusque non nisi erectus sedens spiritum ducere queat. Deinde 2) si vulnerato in dorsum aut latus pectoris ictum cubatio commodior, in integrum vero corporis latus cubatio molestissima vel prorsus etiam impossibilis sit. Tum 3) si septum transversum quasi pondere quodam premi vulneratus persentiscat. Vel porro etiam 4) si quaedam quasi sanguinis fluctuatio atque agitatio intus fieri percipiatur, simulatque corpus vertitur. Ac denique 5) si parum aut nihil sanguinis ex vulnere effluxerit.

IX.

Quomodo
cruor edu-
cendus sit e
pectore.

Simulatque jam ex adlatis signis constiterit, esse omnino cruoris aliquid in pectore collectum, providendum statim est, ut illud ipsum exin-

(a) *L'Art de succher les Playes.*

exinde eliciatur, ne scilicet malis gravioribus praebeat materiam. Igitur 1) quoties pectoris media vel inferior pars icta, ipsumque vulnus non nimis angustum fuerit, commodissimum sane est vulneratum in hiantem plagam inclinare, eundemque ut vehementiori nisu spiritum ducat, vel tussiat jubere (a). Quae vulnus obstruere fluentemque sanguinem impedire poterant, crassiores cruoris particulas digito vel specillo remove oportet, vel syringae etiam aut suctionis adminiculo evocare. 2) Sicubi autem cruor intus collectus spissior jam tum factus fuerit, quam ut evocari commode ex plaga queat, injectione quadam digerente vel extenuante opus videtur. Quae ipsa ex decocto hordei, mellis communis aut rosarum, itemque saponis pauxillo admixto, paranda, modiceque calida identidem in pectus immittenda rursusque emittenda est, donec nimirum cruor omnis e ductus ex pectore deprehendatur. Adhiberi in hunc usum poterit syringa quaedam *Tab. VI. fig. 8.* delineata, siphonibusque sive tubulis *fig. 10. & 11.* propositis instructa. 3) Si qua vero pectoris vulnera usque adeo angusta vel obliqua sunt, ut sanguis intus haerens elici inde nequeat, tum ipsum vulnus, incisione quadam circumspecte instituta, vel ope vulgaris scalpelli & specilli sulcati, vel ope scalpellorum *Tab. V. fig. 3. 4. aut 5.* ampliandum est. Sed ista tamen necessaria utique hic cautio videtur, ne, dum cruorem omnem statim ac simul & semel ejicere laboramus, vulneratum doloribus conficiamus. Igitur in aegrotis debilioribus tutior utique est, quae interjectis intervallis suscipitur sanguinis evocatio; praesertim si forte animi quaedam defectio superveniat. Interim ut aperta maneant, quoad necessarium est, vulnera, immittere oportet *tubulum aliquem plumbeum vel argenteum (Tab. II. litt. Q. R. S.)* eundemque, si praesto est, flexilem. (*Tab. V. fig. 9.*) Tametsi pro tubulis istis adhiberi quoque interdum solent turundae longiori filo instructae, vel linteolum longum & angustum, quae supra datis emplastris, spleniis ac mantili cum scapulari eousque in vulnere servantur, donec in deligatione nulla amplius materia vel sanguis effluat, ipsumque vulnus, remotis malis anterioribus, glutinari commode queat.

X.

Verum enim vero, si qua forte vulnus aliquod in superiori pectoris parte *Si vulnus in vel inter costas pectoris superiores factum est,* tum commendata jam jam *supremo pectore factum est,* corporis in plagam inclinatio parum plerumque commode succedit; si *est,* quidem erectis pedibus in ipsum caput constitui vulneratus deberet. *cruor evocari debet* Igitur nisi in suctione vel syringis auxilium est, aperiri utique, pro *per paracenesin.* edu-

(a) DIONISIUS in *Chirurgia* sua scribit, se in istiusmodi casu vulneratum quendam in vulnus inclinasse, perque noctem integram sine deligatione ita inclinatam reliquisse; & postea felicissime servasse. Quod ipsum suo quoque exemplo confirmat DE LA MOTTE in *Observationibus suis Chirurgicis*, haud adeo pridem editis.

educendo sanguine, pectus debet, facta in inferiori ejusdem parte apertura quadam vel incisione; quam vulgo paracentesin graeco vocabulo appellare consueverunt chirurgi. Scilicet qua parte cruor delitescit, atque secundam quidem inter ac tertiam costam inferiorem, si sinistrum; tertiam vero inter & quartam, si dextrum latus est, loco manum circiter transversam a spina dorsi distante (qui notari a tramento potest) a quibusdam ferramentum aliquod acuminatum, apice triangulari, vulgoque *Trocar* appellatum, supra costam in pectus, sed caute tamen ac leniter, adigitur, retractaque acu triangulari sanguis per tubulum intus servatum, vel suctionis vel syringae alicujus subsidio evocatur. Interim quia ferramento isto laedi quam facillime pulmones possunt, tutius omnino videtur, loco, quem antea designavimus, cutem primo, eademque diducta, musculos intercostales, & denique ipsam pleuram scalpello quam lenissime incidere: adhibita videlicet cautione, ut ne qua forte pulmones, pleurae haud raro adnati, simul incidantur. Pectore sic jam rite perforato, reliqua fieri debent, ut antea jam tum declaravimus (a): praeterquam quod vulnus istud superius balsamo vulnerario atque emplastris foveri statim ac glutinari debeat.

XI.

Quid fieri
debeat, si
pulmones
pleurae ad-
nati sunt.

Et vero quum pulmones in quamplurimis hominibus interiori pectoris membranae sive pleurae adnati deprehenduntur, ista sane pectoris perforatio miram sibi vendicat chirurgi circumspectionem. Pleura enim, quam lenissime fieri potest, perforari debet, eademque perforata circumspici, num adhaerentes pulmones digito vel specillo solvi queant. Namque ubi nimis firmiter cum pleura iidem coaluerunt, inanis plerumque labor omnis est, quem & perforando pectori & eliciendo cruori infumimus.

XII.

Quomodo
instituenda
sit hujusmodi
vulnerum
deligatio.

Expurgato istis artificiis pectore, *vulnus non nisi semel quotidie, & quoad ejus fieri potest, celerrime semper deligandum est*: idque inprimis eo, ut externus aer omnis a praecordiis abigatur. Itaque illud prospicere solertissime semper chirurgus debet, ut, pro calefaciendo atque extenuando aëre externo, prunas pectori ante admoveat, quam emplastra vulnere superimponuntur, quin etiam ut aërem reliquum, sicubi forte opus videtur, suctionis aut syringae subsidio, ex vulnere extrahat, aegrotumque, ut paulo majori nisu spiritum ducat, hortetur. Quibus rite sic peractis, linamenta balsamo vulnerario imbuta, emplastra

(a) SCULTETUS *Observat.* 55. affert exemplum aliquod vulneris pectoris, quod propter omissam paracentesin prorsus lethale sive insanabile factum est. Plura vulnerum pectoris exempla idem affert *Observatt.* 54. 56. 58. ut & *Celebris Le Dran Obs.* 37. 38. 39.

stra item ac splenia, quam festinantissime fieri potest, vulneri injicienda sunt, fasciisque supra datis firmiter deliganda; donec nimirum laesa pectoris pars penitus glutinata esse animadvertatur.

XIII.

Quoties evenit, ut in pectoris vulneribus pars aliqua interior, id est, *Si quid intus percussum est in pectore.* vel cor, vel aorta, vel vena cava, vel arteria, vel vena pulmonalis, vel mediastinum, vel major quoque pulmonum pars percutiatur, maturior ut plurimum mors sequitur, quam ut a chirurgo praesidii quidpiam expectari possit. Contra vero ubi pulmones non nisi leviter, id est, *minoribus tantum asperae arteriae venaque pulmonalis ramulis praecisis, vulnerati sunt,* valde quidem periculosa, sed sanabilia tamen istiusmodi vulnera sunt. Quanquam naturae potius bonitate, quam chirurgorum scientia aut solertia, quibus tale inflictum vulnus fuit, servari consueverunt.

XIV.

Factam fuisse pulmonum aliquam percussione, inde plerumque colligimus, si nimirum sanguis spumans largiter atque cum tussicula ex ore, rubens autem ex ipso vulnere simulque etiam spiritus cum sono fertur. Chirurgorum autem in tractandis ejusmodi vulneribus officium in eo potissimum videtur esse positum, ut scilicet collectum intus sanguinem diligenter extrahat, vulnusque externum foveat, qualiter supra jam tum edocuimus. Namque vulnus internum nulla prorsus ratione foveri potest aut deligari. Quoties igitur in ejusmodi casibus per se sanguis conquiescit, servari utique vulneratus potest. Quanquam ulceribus pulmonum urgeri lenteque ut plurimum confici solent, qui ex ejusmodi vulnerationibus convaluerunt. Quoties autem grandiora pulmonum vasa sanguifera praecisa fuerunt, ipsa profecto sanguinis nimia profusio vulneratos vel exhaurire protinus, vel & ubi forte paululum cessavit, redire identidem atque ita nihilominus interimere, quamvis paulo tardius, eosdem solet. Quod ipsum ne facile fiat, oportet, quantum fieri potest, per aliquot dies integros conquiescere, parum aut nihil loqui, medicamenta interna lenia sanguinemque sistentia identidem assumere, evitatisque tandem rebus acrioribus, & quae fervorem aliquem excitare solent, omnibus, & si aegri vires adhuc satis sunt validae, sanguinem per venas detrahare.

XV.

Sicubi forte laesa quaedam pulmonum pars in ipsam plagam pectoris exter- *De pulmonum prolapso.* nam paulo firmitus sese insinuavit, prout fieri quandoque solet, FONTANO, TULPIO, RUYSCHIOQUE observantibus; reprimi eadem haud facile debet, ne scilicet in ipsum pectus cruorem suum effundat. Quam quidem ob rem tutius utique videtur, impactam illam in externum vulnus partem pulmonis vulneratam balsamo vulnerario, linamentis carptis

Pars I. Q atque

atque emplastris diligentissime fovere, quietem vulneratis serio commendare, atque ita pulmonem ipsum cum externi vulneris labiis conglutinare. Quodsi vero laesa ista pulmonis pars penitus e pectore prolapsa conspicitur; involvi eadem linamento quodam molliori debet, filoque firmiori supra linamentum istud circumducto deligari. Quicquid infra deligationem prominet, praeciditur; reliqua vero eademque integrior pulmonum pars digiti subsidio in cavitatem pectoris, unde prolapsa fuerat, leniter refunditur, filo interim, quo deligati pulmones sunt, propendente. His ita confectis, turunda quaedam vulnèri immittitur, dum scilicet separatum a sanescentibus pulmonibus filum retrahi, ipsumque pectus superius praescripta ratione diligenter expurgari queat. Quo autem modo vulnus externum curari debeat ac glutinari, illud itidem manifestum est ex iis, quae supra hanc in rem proposuimus (a).

XVI.

De interna
vulnerum
pectoris cu-
ratione.

Ad internam denique vulnerum pectoris curationem quod attinet, longe optimum est, post suppressam sanguinis profusionem, decocta quaedam vulneraria, sanationi promovendae accommodata, sed simul etiam LUCATELLI aut MEIBOMII balsamum vulneratis saepius ingerere, tum & vel maxime circumspectam victus rationem illis commendare. Sic enim chirurgus aliquando servare poterit aegrotos, vel saltem, sicubi per ipsam rerum naturam servare illos haud potest, suo tamen officio hac ratione optime defunctus est.

Explicatio Tabulae sextae.

Fig. 1. Torcular ad modum PETITI fabricatum, sed quibusdam in rebus mutatum, & ex orichalco confectum; cujus applicandi ratio & usus facile ex iis perspicui possunt, quae supra Cap. II. de vulneribus §. XV. & postea in explicatione Tab. quartae fig. 2. & 6. proposuimus.

Fig. 2. Ferramentum sive tenaculum pro acubus in suturis perficiendis sustentandis: quod Galli *Portaiguille* vocant, & *Acutenaculum* dici posset.


Fig. 3. Alia ejusmodi species e *Garengéot* mutuata.

Fig. 4. *Petiti* acutenaculum pro acubus sustentandis.

Fig. 5. *Acus* ad *gastroraphiam* perficiendam.

Fig.

(a) Equidem HILDANUS Cent. II. Obs. 32. refert, extitisse aliquando istiusmodi casum, ubi prolapsa ex pectoris vulnere pulmonis pars, utpote nigra jam, atque corrupta, ferramento candenti atque acuto praecisa fuerit, ipseque vulneratus, post injectionem pulmonis partem integram, vulnusque glutinatum, ad pristinam sanitatem redierit.






Fig. 6. Alia, eaque paulo major.

Fig. 7. Acus adhuc alia, eaque nova, in eundem scopum, peculiari modo inflexa.

Fig. 8. Syringa variis usibus destinata, variisque pro re nata tubulis five siphonibus instructa. Hujus adminiculo non injici modo liquida in abdominis atque pectoris plagas, fauces, abscessus, ulcera & uterum possunt, sed cruor etiam e pectoris cavo educi. Quo quidem in casu duplo fere grandior syringa subinde est necessaria; tubulusque jam aptatus A, ore triangulari donatus, binosque fere pollices amplius, vulneribus ad evocandum cruorem applicari solitus.

Fig. 9. Alius tubus naturali magnitudine, eidem usui destinatus, ore rotundo praeditus, ad ductum ANELLII delineatus.

Fig. 10. Tubulus minor, isque rectus, qui pro usibus variis syringae fig. 8. adaptari potest.

Fig. 11. Alius, isque paulo curvatus five falcatus & utrinque perforatus, pro sanguine extrahendo, nec non liquoribus in fauces vel pectus injiciendis.

Fig. 12. Iterum alius, extremo cribri instar perforato.

Fig. 13. Adhuc alius ejusmodi, sed recurvus, pro liquidis in uterum ingerendis, aliisque usibus.

Fig. 14. Ferramentum ad *auriscalpii* similitudinem paratum, variis usibus destinatum.

C A P. XI.

De vulneribus colli.

I.

Quae collo inferuntur vulnera, aequae profecto gravia & periculosa sunt, quam ea, quae in pectore vel abdomine fiunt. Ut *Vulnera colli neutiquam levia sunt.* proinde mirum utique sit, esse in chirurgicae professoribus nonnullos, qui vel nullam prorsus, vel saltem levissimam de hujus generis vulneribus in scriptis suis tractationem instituerint.

II.

Sunt autem varia admodum vulnerum hujusmodi genera. Quaedam *Quotuplicia sunt vulnerum in collo genera.* enim non nisi summam cutem atque carnem laedunt, ideoque ut in aliis partibus minus solent esse gravia aut periculosa. Contra vero graviora magisque periculosa, quin & prorsus insanabilia sunt ista colli vulnera, in quibus venae vel arteriae grandiores, carotides videlicet, jugulares aut vertebrales; vel aspera arteria; vel fauces; vel medulla, quae in spina est; vel nervi per collum descendentes, (cujusmodi nervus paris vagi est, intercostalis item & diaphragmaticus;)

vel denique plures ejusmodi partes colli simul praecisae reperiuntur.

III.

Quae vulne-
rum colli
diagnos. ac
prognosis sit.

Equidem qualem colli aliquod vulnus sit, quaeve partes in eodem praecisae fuerint, hoc ipsum vel conspectus, vel vulneris inflicti locus, adhibita scilicet anatomica doctrina; vel & mala vulnere supervenientia haud obscure demonstrant. Atque ex ista quidem vulnorum *diagnosi prognosis* illorum quasi sponte sua consequitur. Quisquis enim veram illati vulneris conditionem penitus perspexit, is divinare quoque facili negotio poterit, qualem exitum illud habiturum sit. Namque ubi cutis tantum vel caro perrupta deprehenditur, haud sane est, quod vulneratorum saluti magnopere metuamus. Sicubi vero ictae simul partes aliae sunt, & quidem graviter admodum periclitantur vulnerati; propterea quod istarum pleraeque prorsus sint ad vitam necessariae. Quando vero vulnus est exiguum, aliquando adhuc curationem admittit.

IV.

Quid fiat
percussis in
collo arte-
riis.

Atque arteriarum quidem in collo percussiones nunquam fere non lethales sunt siue insanabiles: namque vulnerati citius ut plurimum exhauriuntur, quam chirurgus aliquis advocari in auxilium queat. Tametsi vel ipsa quoque chirurgi & praesentia & industria parum aut nihil praesidii afferre hic consueverunt. Sanguinis enim profusio difficulter hic supprimitur: neque id solum propter insignem arteriarum hic positarum amplitudinem; sed & vel maxime ideo, quia tam fortis nulla talis in collo fieri apte potest deligatio, qualis ad sistendum vehementiorem istiusmodi sanguinis cursum necessaria videtur.

V.

Quid fiat
percussis in
collo venis.

Venae jugularis externae laesio non usque adeo solet esse periculosa; si scilicet opportune chirurgus aliquis accesserit. Neque enim leniori tantum deligatione sanguis cohiberi facile potest, sicuti ex instituta hic sanguinis missione liquet; sed ipsum quoque in vena ista factum vulnus quasi sponte sua glutinatur. Contra vero *venarum jugularium internarum* longe periculosiores solent esse percussiones: atque id partim propter insignem digitoque fere majorem illarum amplitudinem; partim quoque ideo, quia propter situm profundiorum difficulter admodum deligari eadem possunt. Quanquam autem in chirurgis non desint, qui istis inducti rationibus pro insanabilibus siue prorsus lethalibus dictarum jam venarum plagas venditare sustinent; haud tamen ego illud adeo perpetuum esse arbitror. Quin potius ita mihi persuasum habeo, posse utique servari illos, quibus vena jugularis interna percussa est; dummodo plaga non nimis ampla, chirurgus autem praesto ante fuerit, quam gravior aliqua sanguinis profusio nimium exhaurire ac debilitare vulneratum potuerit. Sed vero, quibus artibus tractari hujusmodi vulnera debeant, illud deinceps declarabimus.

VI.

VI.

Quae in aspera arteria fiunt vulnera, ea quidem pleraque omnia infanabilia sive prorsus lethalia pronunciari a chirurgicae professoribus & scriptoribus consueverunt (a). Horum ego sententiam tantum abest, ut impugnem, ut potius defendere sustineam: sicubi scilicet aspera illa arteria vel prorsus perrupta, vel in thorace laesa (b), vel quod fieri plerumque solet, sicubi carotides ac jugulares cum eadem simul fuerint praecisae. Contra vero si qua forte anterior ejusdem pars, sed sine juxta positarum modo nominatarum partium noxis percussa fuit, tum utique plaga ista curationem aliquam recipit: prouti quidem non ex iis solum, quae superius hanc in rem adduximus, sed & vel maxime ex exemplis a nobismet ipsis observatis, aliisque passim obviis luculentissime perspicitur.

VII.

In praecipiti quoque illi sunt, quibus gula sive oesophagus vel graviter percussus est, vel prorsus etiam praecisus. Praeterquam enim quod cibi ac potionis ingestio per ejusmodi plagam penitus turbatur, ipse profecto oesophagi situs ita comparatus est, ut non laedi solum arteriae & nervi adjacentes facillime simul queant, sed difficillima quoque ut plurimum esse soleat laesae istiusmodi partis tractatio. Quoties igitur oesophagi percussio levior est, partibus praedictis, quae juxta sunt, integris adhuc existentibus, dubium neutiquam est, quin curari nonnunquam eadem possit.

VIII.

Medullae, quae in spina est, percussiones quemadmodum omnes periculosae prorsus sunt; sic nullae tamen magis periculosae deprehenduntur esse, quam quae circa collum fiunt. Quare mirum non est, vix quenquam ex ejusmodi vulneratione, praesertim ubi illa paulo gravior fuerit, unquam convaluisse. Cujus quidem rei ratio facilis ac prompta est, simulatque perpenderimus, nervos ad vitam quam maxime necessarios ex ista colli parte provenire, venas autem atque arterias vertebrales semper fere simul percuti, & denique vulnerum hujusmodi locum etiam atque etiam impedire, quo minus eadem tractari suppressoque sanguine rite purgari queant. Neque vero minus periculosa sunt ista vulnera, quae supra (No. 2.) memoratis nervis colli grandioribus infliguntur. His enim percussis, abesse vix ac ne vix quidem potest, quin potiores ac nobiliores pectoris atque abdominis partes, quibus dirigendis illi serviunt, omnem protinus usum, hoc est, sensum atque motum, amittant.

Q 3

IX.

(a) Vid. Bobnius de vulner. lethal. Cap. II. pag. 23.

(b) Ibid. Sect. II. Cap. III. pag. 121.

IX.

*Leviora colli
vulnera quo-
modo curari
debeant.*

Vulnerum in collo factorum curatio pro diverso laesionis genere diversimode instituenda est. Quoties enim non nisi *cutis atque caro* disruptae sunt, eadem prorsus curationis ineunda hic ratio videtur, quam curandis vulneribus quibuscunque levioribus supra jam tum praescripsimus. Ubi vero *vena* quaedam *jugularis externa* vulnus accepit, in spleniis paulo crassioribus supraque deligatis fasciis plerumque auxilium est. Neque enim aliis artificiis opus hic videtur, quam iis, quae post deductum ex ejusmodi venis sanguinem adhibere consuevimus.

X.

*Quid fieri
debeat, si
vena jugula-
ris interna
levius per-
cussa est.*

Si qua forte *vena jugularis interna*, sed leviter tamen icta fuisse ex sanguine non adeo largiter effluente cognoscitur; tum facili plerumque negotio profluvium illud cohibetur, simulatque vel glomeribus lineis, vel fungis orbicularibus, quos *crepitus lupi* seu *Bovist* dicunt, vulnus accurate impleatur, supraque datis spleniis quadratis itemque fasciis firmiter, quantum collum patitur, deligetur. Quemadmodum enim sanguinis profusio longe facilius in venis quam arteriis cohibetur; sic praecipuum curationis praesidium positum hic solet esse in accurata percussarum venarum compressione. Quibus rite compressis, expedita quoque utplurimum vulneris glutinatio deprehenditur. Accidere nonnunquam hic solet, ut commendata jam vulneris diligatio nihil proficiat, adeoque tum vel administri alicujus digito, vel descripto superius novo isto chirurgorum instrumento (*Tab. V. fig. 2.*) aliove simili tantisper comprimenda venae percussae plaga est, donec sanguis penitus conquieverit; quae vero compressio subinde per unum alterumve diem continuanda. Atque idem prorsus observari quoque tunc debet, quum vena quaedam vertebralis percussa deprehenditur. Postquam vero sanguis conquievit, diligatio ante tertium diem non solvenda, postea vero vulnus balsamo vulnerario & emplastro consolidatur.

XI.

*Quid fiat
vena jugula-
ri interna
gravius per-
cussa.*

Enimvero quoties *vena quaedam jugularis paulo gravius laesa est*, vel penitus quoque praecisa, emori protinus propter nimiam sanguinis profusionem vulnerati plerumque solent. Interim si quis forte chirurgus actutum adfuerit, aut quam citissime supervenirèt, huic ego auctor sim, ut venam praecisam, interjectis spleniolis, digito statim comprimendam curet, ampliatioque superius per incisionem, quantum satis est, & secundum longitudinem quidem, vulnere, filo acus incurvatae ope circumdato, firmiter eandem deliget, tandemque ipsum vulnus supra proposita ratione (*No. 10.*) impleat ac foveat. Tametsi enim deligata ista vena nullum postea sanguinem transmittat, servari tamen sic vulneratos atque tractatos haud prorsus infeliciter posse, experientia dudum comprobavit. Neque enim semel egomet, sed quam saepissime obser-

observavi, canem aliquem, deligata licet vena interna jugulari, vivere nihilominus absque graviore incommodo potuisse. Ideoque praestat anceps etiam hoc remedium experiri, quam nullum.

XII.

Si qua forte *arteria carotis* laesa fuit, tum idem, verum adhuc majus periculum, atque in *venae jugularis* percussione imminet; sed tamen idem quoque curationis artificium, si chirurgus mox adesset, adhibendum esse censeo. Quod ipsum tamen felicius plerumque procedit in superioris & mediae, quam inferioris quidem partis vulnerationibus. Ubi vero non tam ipsa carotis, quam potius *unus alterve carotidis ramulus* juxta caput praecisus est; oportet vulnus linamentis probe reple-re, eaque, si praesto esset, liquore, ut vocant, styptico imbuere, multa splenia sensim ampliora superimponere, apte ac firmiter deligare, ac tandem manu ministri aliquamdiu probe comprimere. His egomet arti-ficiis nec semel nec infelicitur usus sum, quoties, post extirpatas glandulas parotidas aut submaxillares scirrhasas mireque tumefactas, ex ramo carotidis resecto, largus atque ad digiti fere crassitiem proruens sanguinis impetus supprimi debuit. Quanquam isthaec necessaria hic videtur observatio, ne scilicet facta super vulnere deligatio ante diem tertiam vel quartam solvatur. Namque alias nova eaque vehemens rursus, ut expertus loquor, protinus fieri ut plurimum solet sanguinis profusio.

XIII.

In curandis *asperae arteriae percussione* id prospicere ante omnia chirurgus debet, ut diligenter expurgato, si quis forte illapsus est, sanguine, hiantes istae asperae arteriae orae vel emplastrorum glutinantium, vel, sicubi forte gravior plaga est, binarum circiter futurarum, per aciculam incurvatam factarum, beneficio in unum contrahat, illi-toque prius balsamo vulnerario, nec non supra datis emplastris glutinantibus & spleniis, probe deliget, tandemque vulneratos, ut primum semper caput gestent, hortetur. Sic enim abesse vix ac ne vix quidem potest, quin factum in arteria vulnus sensim sensimque glutinetur (a). Atque ista quidem curandi ratio in primis valet adversus ea vulnera, quae punctim vel caesim inflictasunt. Contra vero si per glandem plumbeam asperae arteriae pars aliqua anterior derasa est, futura quidem aliena videtur: siquidem ejus generis vulnera promptius glutinari atque impleri tum demum solent, ubi scilicet unguento digestivo balsamoque vulnerario quam solertissime foventur: quemadmodum ipse vidi, & caput primum gestetur. Denique si penitus praecisa aspera

(a) Curationis hujus exempla obvia passim sunt apud BARTHOLINUM in *Hist. anatom. Cent. V. Hist.* 89. itemque apud TULPIUM *Observ. Lib. I. Cap. 50.* aliosque.

aspera arteriaprehenditur, ejusdemque pars inferior altius descendit, quam ut apprehendi & cum superiore glutinari queat; fieri profecto aliter haud potest, quam ut certissima salutis desperatione vulneratus prematur.

XIV.

Vulnerato
oesophago
quid fiat.

Quoties *percussus oesophagus* est, quicquid cibi potionisque ingeritur, id maximam partem per vulnus continuo effluit, saepiusque singultus & vomitus insequuntur. Ac penitus quidem si disruptus est oesophagus, nulla prorsus salutis spes reliqua est: ubi vero perforatus tantum in aliqua parteprehenditur, longe optimum erit balsamo vulnerario plagam diligenter fovere, emplastris glutinosis contrahere, vulneratumque, ut vel penitus per aliquot dies abstineat, vel parcissime saltem cibum potionemque assumat, monere, applicatis saepius, quae boni succi sunt, hoc est, jurulentis atque ex lacte praeparatis clysteribus. Quoties autem assumi ex naturae necessitate cibi potionesque debent, expurganda deinde protinus diligenter vulnera sunt, ne scilicet haerentes inibi ciborum reliquiae putrescant malaque graviora concitent. Expurgata sic, quantum satis est, vulnera deliganda iterum sunt atque ita sensim glutinanda.

XV.

Quid fiat
percutta me-
dulla, quae
in spina est.

Si qua autem porro *medulla, quae in spina est*, vulnus aliquod accepit, nulla sane tutior curandi ratio videtur, quam si vel balsami peruviani, vel essentiae myrrhae atque succini, vel spiritus mastichis, vel his similium medicamentorum aliorumque quidpiam melle rosarum mixtum linamentis carptis illitum, modiceque calidum in ipsam plagam immittitur, supraque datis emplastris vulnerariis probe deligatur. Reliqua enim Deo naturaeque bonitati committenda sunt. Enimvero plagae leviores glutinari subinde consueverunt, graviores autem curari nulla ratione possunt.

XVI.

Quid fiat
nervis colli
percuttis.

Denique ubi forte *grandiores in collo nervi* superius memorati percutiuntur, cita fere semper mors insequitur. Ubi vero paulo mitior istiusmodi plaga est, eadem prorsus, quam adversus percuttam medulla modo praescripsimus, ingredienda videtur curandi ratio.

C A P. XII.

De vulneribus capitis universe consideratis.

I.

EQuidem si qua unquam gravia & periculosa vulnera sunt, graviora ^{Capitis vul-} sane atque periculosiora esse nulla fere videntur iis, quae capiti ^{nera valde} infliguntur: siquidem vel minima etiam cerebri laesio praesentissimum ^{periculosa} vitae periculum interdum inducere consuevit. Quin & in iis etiam ca- ^{sunt.} pitis vulneribus, quae calvariam haud penetrarunt, leviorique vel lapsu, vel ictu, vel instrumentis denique plane retusis facta sunt, disruptae nonnunquam venulae atque arteriolae quaedam interiores sunt, quae sanguinem in cerebrum effundunt, gravissimaque mala vel mortem quoque celerrimam concitant. Igitur unumquodvis capitis vulnus, quantumvis etiam illud leve videatur, summa semper adhibita cura atque circumspeditione tractandum & nunquam vilipendendum est (a).

II.

Neque vero parum interest quam accuratissime perspectum habere, ^{Capitis vul-} tum 1) *quaenam capitis partes vulneratae sint*; tum etiam 2) *qua ratione* ^{nera duplicis} *ipsum vulnus illatum fuerit*. Quaedam enim capitis vulnerationes paulo ^{generis sunt.} acutioribus instrumentis vel punctum vel caesum fieri consueverunt; contra vero aliae instrumentis retusis, hoc est, percutiendo, tundendo, jactu, lapsu, vel & plumbeis glandibus. Atque hae quidem posterioris generis laesiones plerumque longe magis graves atque periculosae istis sunt, quae per instrumenta praeacuta infliguntur.

III.

Ad *laesas* autem *capitis partes* quod attinet, vel communia solum ^{Quaenam} tegumenta percutiuntur; vel una cum his partes faciei carnea; vel ^{partes percu-} simul etiam ipsum pericranium; vel muscoli temporales; vel cranium ^{tiantur.} sive calvaria; vel porro etiam praeter has internae quoque capitis partes perrumpuntur; cujusmodi quidem sunt dura mater, pia mater, quin ipsum denique cerebrum, hujusdemque substantia vel corticalis, vel medullaris, vel ipsi demum cerebri ventriculi. In aliquibus capitis vulneribus cranium vel discissum ac perruptum est; rursus in aliis diffractum, collisum atque contusum. Quocirca haud abs re fuerit singula capitis vulnera binis potissimum classibus hic comprehendere: ad quarum priorem ea referuntur, 1) *quae faciem affligunt*; ad posteriorem autem illa, 2) *quae cerebri munimentum illud, nempe cranium seu calvariam, laedunt vel omnino penetrant.*

Pars I.

R

C A P.

(a) Varia notatu digna exempla in Ledranii Obs. Chirurg. videri possunt.

C A P. XIII.

De Faciei vulneribus.

I.

*De faciei
vulneribus
universim.*

ENimvero quia nobiles admodum ac necessariae prorsus faciei partes sunt; duo praesertim prospicienda solertissime sunt in curandis faciei partibus vulneratis: ne, prout fieri quandoque solet, graves quaedam partium faciei noxae post ipsarum laesionem superstites maneant: deinde ne minus elegantes faciei vulneribus cicatrices inducantur. Quando vero plures faciei partes sunt, quarum unaquaelibet fere propriam curandi rationem exigit; operae pretium erit de singulis figillatim nunc disquirere.

II.

De vulneribus frontis.

In *frontis laesionibus* plerisque omnibus haec inprimis observatio est: Nempe simulatque a cruore purgatum vulnus est, balsamum aliquem vulnerarium, peruvianum, copaivae aut quemcunque alium illinere oportet, mox emplastris quibusdam glutinosis angustioribus oras vulneris in unum contrahere, hisdemque dein aliud emplastrum aliquod vulnerarium superimponere. *Ubi vero aliquanto gravior plaga est*, sola isthaec emplastra producendae cicatrici aequabiliori neutiquam sufficiunt. Igitur, ad commodiorem vulneris glutinationem, pulvis sarcocollae, vel pulvis ex radice symphyti, gummi tragacanth., ac gummi arabico praeparatus inspergi prius debet, quam modo commendata emplastra imponantur; hinc supra dari splenia debent fasciaeque constrictiores. *Neque enim his aliisque id genus faciei vulneribus*, nisi ubi summe necessarium visum illud fuerit, *suturam aliquam injicere convenit*: siquidem hac ratione cicatricum faciei numerus augetur. Et vero si quod *frontis vulnus ad lineam quasi rectum est*, sane ad inducendam cicatricem aliquam tenuiorem etiam atque etiam proficit fascia illa *uniens* sive *incarnans*, (*Tab. II. fig. f.*) sicubi scilicet ea ratione supra frontem deligatur, quam ad longiora ventris vulnera deliganda superius jam tum praescripsimus. (*Cap. V. No. 10.*) Si qua autem *frontis plaga transversa*, ipsiusque musculi frontalis fibrae discissae fuerint, superciliorum plerumque deformis prolapsus insequitur, ut nec attolli eadem, nec cutis, quae in fronte est, contrahi in rugas rite queant. Longe optimum hic est statim a vulneris expurgatione illud una alterave sutura jungere, dein balsamum aut pulverem aliquem vulnerarium immittere, supra deligatis emplastris glutinantibus atque fasciis idoneis, quieteque simul imperata. Namque accidere, praesertim in junioribus, quandoque solet; ut dissectae musculorum fibrae, deligationis hujus-

hujusmodi accuratioris beneficio, sine ulla suppuratione, sibi invicem rursus jungantur. Ceterum si qua gravior sanguinis profusio hic suborta fuerit, hoc inprimis operam dare convenit, ut linamentis, spleniis & firma deligatione illa supprimatur, suppressoque sanguine, in deligatione altera, ipsum vulnus vino calido prius expurgatum per emplastra glutinosa rite constringatur.

III.

Superciliorum vulnera eodem prorsus, quo frontis vulnera modo tractanda sunt: nisi quod in illis cautio simul adhibenda sit, ne qua forte gravior inflammatio, visus atque oculorum damno, subnascatur. Igitur quicquid in cibis ac potionibus acre deprehenditur, interdici vulnerato debet, sanguisque, sicubi largior ejusdem copia intus fuerit, per venas detrahi, spleniis, in spiritu vini camphorato calido tinctis, emplastro superimpositis. Si qua autem graviori plaga discissa penitus supercilia sunt, necessarium utique videtur, futuram aliquam illis injicere, balsamum & emplastrum vulnerarium superaddere, ipsosque dein oculos utrosque deligare, ne facile moveantur. His enim artificiis neglectis, teterrima fieri plerumque solet horum oculorum figura.

*De supercilio-
riorum vulne-
neribus.*

IV.

Palpebrarum cum superiorum tum inferiorum vulnera paulo graviora difficulter admodum glutinantur: idque non propter insignem modo partium ipsarum tenuitatem; sed & vel maxime propter largiores istos, quibus oculi continuo humectantur, liquores. Quo igitur feliciter tractari eadem possint, foveri decocto quodam ex chamomilla, hyssopo vel euphrasia confecto tantisper oculus debet, donec & sanguis conquieverit, & expurgatum diligenter ipsum vulnus fuerit. Dehinc, ubi vulnus transversum est, acu tenui in medio sui protinus debet, insperso dein, quem No. 2. descripsimus, pulvere; vel illito etiam balsamo copaivae, de meccha, vel simili quodam alio; vel etiam ovorum oleo; supra dato diapalmae emplastro, deligatisque, ut, pro feliciore glutinatione, moveri nequeant, oculis. Ubi vero secundum longitudinem & quasi directum palpebrarum vulnus est, futuris frequentioribus glutinare illud ipsum oportet, eodemque prorsus modo tractari, quem antea jam tum delineavimus.

*De palpebra-
rum vulne-
ribus.*

V.

Quodsi *oculus* ipse, sed ita tamen vulneratus est, ut humoris vitrei chrySTALLINIQUE nihil adhuc dum effluxerit, potens utique ad vulneris sanationem remedium esse consuevit, si unguentum alabastrinum, aut albumen ovi, aut mucilago sem. cydon. & psyllii, aq. rosar. parata, bis aut ter quotidie, plumulae vel penicilli subsidio illinitur, semperque dein spleniolum aliquod minutum, in subsequenti collyrio, probe

*De oculorum
vulneribus.*

prius agitato, tinctum, ad contrahendas vulneris oras, firmiter supra deligatur:

℞. Album. ovar. N. 2.

✓ Rosar. ℥iijβ.

○○ Rosar. 3β.

Camphorae gr. iij. M. probe conquassando.

Nuckius (a) affert exemplum aliquod vulneris oculo inflicti, quod, tametsi humoris vitrei pars aliqua prolapsa inde fuerat, ipsemet tamen feliciter, id est, sine turbato visu, curaverit. Curandi via haec fere fuit: Scilicet quicquid humoris vitrei prolapsum fuerat, ipse praecidit atque dein oculum collyrio ex albumine, aqua rosarum, bolo armena, itemque camphora probe conquassatis, praeparato diligenter fovit. Gummi arabici ʒj. aquae rosarum ℥j. solutus, adversus has oculorum vulnerationes egregie quoque proficit. Si qua autem, ut fieri quandoque solet, *gravior inflammatio* supervenit, haud incommodum deprehendi spleniolo isti minutiori majus aliquod, spiritu vini camphorato calido madens, superimponere. Sed providendum tamen hic, pro lenienda inflammatione, simul illud est, ut potionis ex rhabarbaro ac tamarindorum pulpa confectae, vel & quorumvis aliorum refrigerantium atque laxantium medicamentorum beneficio, alvus laxa sive fluida per dies aliquot fervetur; deinde sanguis, siquidem largior fuerit, per colli aut pedis venas detrahatur; tum omnia, quae calorem in victu movere possunt, prorsus removeantur; & denique, ut vulneratus, quoad ejus fieri potest, placide semper conquiescat. His enim probe observatis, consequens ut plurimum est, ut vulneratorum non oculi solum sed visus quoque conserventur. Quoties vero contigerit, ut humor crystallinus aut quaedam ejus particula in vulnus penetraverit, eximi protinus illud ipsum debet, ne scilicet deformis gravibusque malis aliis, obnoxius reddatur oculus.

VI.

Ubi penitus
prolapsi sunt
humores.

Simulatque vero humores, vitreus nimirum & crystallinus, prolapsi penitus ex oculo reperiuntur, fane vix ac ne vix quidem abesse potest, quin & oculi figura & visio protinus destruantur. Itaque principio splenia in vino sive spiritu vini calido tincta, postea vero balsamum vulnerarium supra deligare convenit, quo scilicet glutinari vulnus, atque ad evitandam faciei deformitatem, pro naturali artificialis vel vitreus vel argenteus oculus (*vid. Tab. VII. fig. 1.*) insinuari queat. Sed de hoc argumento plenius in parte altera differemus.

VII.

(a) *Tract. de ducl. oculor. aquos. pag. mihi 126. 127. 132.*

VII.

Sed fieri tamen quandoque solet, ut, quoties non nisi tunica albuginea & sclerotica levius percussae sunt, tunica cornea atque uvea integris persistentibus, oculus, effusis licet humoribus pristinis, cum vitreo tum crystallino, denuo tamen per succrescentes humores novos repleatur, ipsaque proin visio restituatur. Cujusmodi quidem curationis, in muliere haud parum feliciter institutae, exemplum vir celeberrimus, Dr. SEEGERUS, Stugard. medicus, aliquando benevole nobiscum communicavit. Quae dum curatius perpendimus, induci haud difficulter possumus, ut credamus primo haud omnino vanam videri, de qua BURRHUS olim atque KERCKRINGIUS gloriati sunt, oculos atque visum, effusis licet humoribus, restituendi artem; itemque visum vel sine ipso quoque humore crystallino, quod haud pridem nonnulli negare studuerunt (a), aliquando fieri posse (b).

VIII.

Vulnera narium leviora emplastris glutinosis constringi ut plurimum solent. Si qua vero altius penetrarunt, transversamque cartilaginem ita perruperunt, ut emplastris contineri nequeant, futuram cuti utrinque injicere oportet. Quanquam autem vix verosimile videatur, penitus praecisam narium partem concreescere denuo cum reliqua nasi parte valere, factum tamen futurae beneficio id ipsum aliquando fuisse BLEGNIUS contendit (c). Quando ipsum nasi os percussum deprehenditur, non alienum est, eo restituto aliquamdiu plumbeos quosdam vel argenteos tubulos mediocres intus injicere, (Tab. II. P. Q. R.) ne qua scilicet increscens in naribus caro viam obstruat, aliaque id genus incommoda excitet. Extrinsecus applicari haud incommode poterit sive balsamus aliquis, sive mastichis, succini myrrhaeque essentia, sive pulvis aliquis glutinosus, qualis N. 2. modo indicatus est. Ipsae autem vulneris orae emplastris glutinosioribus contrahi fasciaeque quatuor capitibus instructa deligari quam exactissime debent. Prouti quidem luculentius ex iis constabit, quae de fasciis infra exposituri sumus.

IX.

Labrorum vulnera vel instrumentis acutis, vel obtusis, vel plumbeis glandibus fiunt. Prioris generis vulnera, sive jam directa sint, sive transversa, glutinari quam aptissime poterunt per imposita emplastra glutinosa, itemque, sicubi paulo graviora sunt, per inspersum, quem supra (No. 2.) commendavimus, pulverem glutinantem. Abstinentum hic vulneratis sollicite est cum a manducatione tum a locutione;

R 3

ideo-

(a) Conf. Tractat. nostr. de Cataracta, Glaucomate &c.

(b) Plura exempla visus restituti, ubi humor vitreus effluxerat, videri possunt in SCHENKII Obs. Med. HILDANI Obs. 26. Cent. I. Act. Hafn. Vol. I. Obs. 69.

(c) Zodiac. Med. Gall. 1680. pag. 75.

ideoque non nisi sorbitionibus, ovis mollioribus, & si quid aliud assumi sine manducatione potest, utendum. Quodsi autem gravior plaga est, quam ut istis remediis curari queat, a futura petendum erit glutinationis praesidium. In vulneribus, quae per obtusa corpora, vel lapsum, vel glandes plumbeas inflicta fuerunt, primum est, ut collisae partes per unguentum aliquod digestivum removeantur; proximum, ut purgati vulneris labia, quam commodissime fieri potest, vel per emplastra glutinosa, vel & quasi leporina labra, per futuras glutinentur. Qua de re in altera parte proponemus.

X.

Genarum
vulnera quo-
modo curan-
da sint.

Genarum sive malarum vulnera eodem prorsus modo & cum eadem circumspeditione tractari debent, atque ea, quae labris inflicta sunt. (*Vid. No. 9.*) Si quis autem ex STENONIANIS illis, qui per transversam genam e glandula parotide procedunt, ductus salivalis praecisus est, sane vulnus ejusmodi propter salivam continuo, atque inter mastigandum praesertim, quasi per fistulam aliquam inde propullulantem (*a*), glutinari vix ac ne vix quidem prius poterit, quam perforato intus ductu, saliva omnis in os effundatur. Namque tum demum curari feliciter externa genarum vulnera, CHESELDENO, Anglo chirurgo, auctore (*b*), consueverunt.

XI.

Auris exter-
nae vulnera.

Auris exterioris vulnera vel emplastrorum glutinantium, vel, ubi penitus discissa cartilago fuit, suturarum beneficio jungenda ac glutinanda sunt, linamentis balsamo vulnerario madentibus, spleniis item & fasciis superimpositis. In laesionibus aurium, meatui auditorio propinquis, illud inprimis prospiciendum est, ne quid forte cruoris vel materiae influat, & tympani membranam laedat. Itaque auris interior linamentis carptis vel gossypio sollicitè semper est praemunienda.

XII.

De linguae
vulneribus.

Equidem pungendo vel caedendo rarissime vulnerari lingua solet, quum sit maxillis atque dentibus quasi munimentis circumsepta. Sed frequentius tamen perrumpi eadem morfu in epilepsia vel in lapsibus gravioribus, vel & inprimis per glandes plumbeas consuevit. Quod si igitur vel morfu, vel ictu, vel punctione, sed tamen non nimis graviter, hoc est, sic laedi linguam, contigerit, ut ipsa vel media vel utrinque etiam integra adhuc sit, sane ad hujusmodi vulneris glutinationem longe opti-

(*a*) Hujusmodi exempla obvia passim sunt in FABRIC AB AQUAPEND. *Chirurg. Cap. de genarum vulneribus* pag. m. 180. HILDANI *Observat. NUCKII Sialograph. Cap. III. Hist. Acad. reg. scient. Paris. Ann. 1719. pag. 43. Edit. Amstel. Compend. nostr. Anat. pag. 105. edit. quartae.*

(*b*) In Anatomia sua Anglice conscripta Cap. de ductibus salival.

optimum erit, aut dulcium amygdalarum oleo, cui saccharum canthum admixtum est, aut melle rosarum cum oleo myrrhae per deliquium, partem laesam identidem inungere.

XIII.

Paulo graviora linguae vulnera difficulter admodum glutinari sine suturis solent. Ut proinde mirum non sit, linguam eo loco, qui gulae proximus est, perruptam, semper fere fissam permanere; dum nulla commode injici partibus ejusmodi abditis futura potest. Igitur, ne qua forte loquela perdatur, *in anterioris linguae percussionibus amplioribus* id imprimis providendum semper est, ut disruptae partes per injectam futuram, quam aptissime fieri illud ipsum potest, statim sibi invicem jungantur, medicamentisque antea commendatis foveantur: siquidem emplastra glutinantia prorsus hic applicari nequeunt. *Fibulam* aliquam ex filis argenteis similibusve aliis confectam, in hujus generis vulneribus glutinandis haud parum utiliter sese adhibuisse, PURMANNUS memorat (a). *In curandis vulneribus, per glandes plumbeas in lingua factis, adhibenda diligentissime sunt laudata superius No. 12. medicamenta.* Namque futurae parum quin imo nihil hic proficiunt. Ceterum sic vulnerati a sermonibus itemque a cibis, manducationem aliam poscentibus, circa primum glutinationis tempus etiam atque etiam abstineant, necesse videtur.

XIV.

Denique *palati vulnera* glutinari aptius vix possunt, quam ubi melle rosarum vel solo, vel addito pauxillo balsami peruviani, itemque oleo myrrhae per deliquium subinde inunguntur. Quamquam ista medicamenta in reliquis etiam oris interni vulneribus glutinandis valentissima deprehenduntur.

C A P. XIV.

De reliquis iisdemque praecipuis capitis vulneribus.

I.

AD alteram vulnerum capitis classem ea referri debere superius observavimus, quae cranium sive ipsum cerebri munimentum laedunt, proprioque nomine dici *capitis vulnera* merentur. Atque horum quidem varia admodum, pro variis nimirum capitis laesi partibus, constitui genera possunt. Quae sicuti strictim jam *Cap. XII. No. 3.* indicavimus, sic ordine nunc & plenius quidem declarabimus. Prima

(a) Vid. Ejusd. Chirurg. P. I. Cap. 6.

in his eadem leviora sunt, quae tegumentorum cranii externorum quicquam laedunt.

II.

De externarum partium laesionibus. Exteriores solum capitis partes sive cranii tegumenta vulnus aliquod accepisse, variis modis cognoscitur: nempe vel 1) adspectu, vel 2) specillo, eoque saepe tenui, sed caute tamen semper applicato, ad praecavendas scilicet ulteriores laesiones; vel 3) ex instrumento, per quod vulnus inflictum fuit, nec non ex ipsa ictus vehementia; vel denique 4) ex graviorum quorundam malorum absentia. Sciendum enim hic est, nullam facile capitis percussione paulo vehementiorem contingere solere, quin vomitus & vertigo insequantur, sanguis per nares, aures, vel os effluat, vulneratusque sine sensu & loquela procumbat. Quae mala omnia quemadmodum nunc citius nunc tardius superveniunt, sic gravia imprimis tum solent esse, quando vel lapsu vel ictu per obtusum quoddam instrumentum vulnus illatum, adeoque caput graviter simul collisum fuit. Quicquid enim cruoris ex vulnere, per instrumentum acutum factum, quasi sponte sua prorumpit, illud omne in contusionibus cutem inter atque cranium, vel etiam sub cranio sese abscondit, factaque perioestii & cranii corruptione, ulcera vel cariem; quin & febrem, convulsiones atque ipsam mortem ut plurimum concitat.

III.

Si muscoli temporales laesi simul sunt. Quoties muscoli temporales percussi simul sunt, gravissima plerumque mala superveniunt: idque vel maxime tunc, quando vel ictu, vel jactu, vel denique per disruptam glandem aliquam ignariam capitis illa laesio facta fuit. Praeterquam enim quod muscoli isti & ad manducandum & ad loquendum prorsus necessarii sint; sane 2) quamplurimi nervi, tendines atque arteriae juxta esse reperiuntur; & denique 3) ipsa illa cranii pars adeo tenera est, ut quam facillimo negotio perrumpatur.

IV.

De vulnorum externorum curatione. Quae non nisi in externis partibus, sine gravioribus malis accidentibus, atque instrumentorum aliquanto acutiorum ope illata sunt capitis vulnera, ista quidem facili, hoc est, eadem prorsus ratione curari poterunt, quam vulneribus quibuscunque aliis curandis supra praescriptimus: nisi quod ad commodiorem vulnorum capitis explorationem, purgationem, ac deligationem, capilli prius, novaculae subsidio, abradendi sint. Atque futuris quidem nihil magnopere opus hic est; siquidem confici singula emplastrorum beneficio hic possunt. Deligationes autem fieri semper hic quam celerrime debent, admotisque pro calefaciendo aëre circumfuso, prunis, medicamenta singula, cum spleniis atque fasciis calida vulneribus superimponi. Sic enim glutinari haec quam facillime solent. Si qua autem forte largior subest sanguinis pro-

profusio, ceu ob multa vasa sanguifera fieri haud raro fœvit; tum vel linamentis, vel, nisi haec suffecerint, alcohol vini, vel lupi crepitu, vel denique pulvere quodam adstringente ac deligatione fortiori sanguinem ante omnia oportet suppressere; mox digestivo quodam leniori aut rosarum melle vulnus continuo purgare, tandemque balsamo vulnerario & linamentis siccis, dum scilicet prorsus glutinatum sit, diligentissime fovere.

V.

In vulneribus capitis aliquanto gravioribus, ad supervenientia mala *Sacculorum quaecunque, cujusmodi tumores, inflammationes ac dolores sunt, vel lenienda vel & praecavenda, sacculis quibusdam medicis opus est.* *medicorum usus.* Qui quidem ex betonica, salvia, majorana, serpillo, origano, rosmarino, floribus lavendulae, salviae, rosarum similibusque aliis praeparari, ex vino decoqui, exprimi, laesaeque capitis parti identidem, & semper quam calidissimi superinjici debent. Atque ubi valde periculosa videtur capitis ejusmodi percussio, bini semper iidemque alterni supradandi sacculi sunt. Namque hac ratione sanguis inspissatus & stagnans quam saepissime digeritur, pulsisque aliis incommodis gravioribus, cavetur, ne modiolum aut terebram capiti admoveere oporteat. Denique ubi vehementior capitis quaedam laesio vel contusio reperitur, quam ut istis artificiis declinari pericula majora valeant, necessarium utique videtur, pro variis laesionum causis varias medendi vias ingredi. Quod ipsum quidem qualiter fieri debeat, nostrum nunc est explanatius condocere.

VI.

In *vehementiori capitis contusione*, quam laesae partis tumor, mollities, cutis a cranio facta solutio & denique subjectus tegumento cruor *Quomodo contusiones curandae sint.* monstrant, id ante omnia prospicere convenit, ut intus collecti cruores sensim vel digerantur, vel incisione facta ejiciantur, vel denique per suppurationem aliquam evocentur. Et vero ubi paulo major adest cruoris copia, haud incommodum est statim a facta vulneratione maximam ejus partem incisione extrahere: sic enim, quod reliquum est, facilius digeritur. Ad digerendum autem & diluendum sanguinem intus haerentem apprime necessarius videtur sacculorum medicorum supra jam tum commendatorum usus. Ceterum herbis digerentibus supra recensitis adjungi haud immerito possunt herba chamaedrys, scordium, sabina, abrotanum, absinthium, mentha, ruta, flor. chamomill. sambuc. rad. bryoniae, & si quae aliae sunt hujusmodi. Ex his confecti sacculi, pro aequabili crassitie servanda, intersui passim debent, atque, ut ante praecepimus, ex vino fervente expressi alterni supra vulnus dari. Quamquam, deficiente vino, aqua etiam haud incommode adhiberi consuevit, admixtis scilicet, postquam ea cocta probe cum sacculis fuit,

Pars I. S *spiri-*

spiritus vini vulgaris, vel spiritus vini theriacalis aut camphorati, saponis denique Veneti aliquot unciiis. Reliqua huc pertinentia exposituri sumus prolixius *Capite subsequenti*, quod de *contusionibus* inscribitur.

VII.

Quomodo
suppuratio
fieri debeat.

Ubi vero stagnans per contusionem sanguis non satis dilui digerique isto modo potest, promovenda continuo suppuratio est. In contusionibus scilicet gravioribus cataplasmata digerentia superimponenda sunt; qualia & superius *Cap. II. No. 13.*, & inferius *Cap. XV.* descripsimus. In contusionibus autem levioribus, ubi apertura adest, nihil non proficere solet unguentum digestivum, cui aloës vinique spiritus pauxillum fuit admixtum. Huic emplastrum aliquod digerens vel naturans, emplastrum videlicet de melitoto, malaëticum, diachylon simplex vel compositum, emplastrum de galbano, & si quid his simile est, tantisper superimponitur, donec vulnus a corrupta materia probe expurgatum balsamo vulnerario foveri ac glutinari possit. Denique ubi in *vehementioribus capitis contusionibus vel nullum, vel saltem angustum nimis foramen est*, unde sanguis corruptus & subter cutem haerens educi satis commode nequeat, incidendum illico ampliandumque vulnus est; ne scilicet subjectae partes simul corrumpantur vel arrodantur. Namque sic & purgari postea facilius & glutinari commodius vulnera consueverunt more saepius jam proposito.

VIII.

De laeso pericranio.

Simulque
denudato
cranio.

Quoties laesum simul pericranium deprehenditur, ita tamen, ut nondum denudatum cranium fuerit, eadem vulneris curandi ratio ineunda est, quam supra No. 4. praescripsimus. Nisi quod olea vulneraria communia, cranium quippe noxia, prorsus hic removenda sint, applicatis eorum loco medicamentis balsamicis praestantioribus, balsamo videlicet peruvianò, essentia myrrhae, succini, spir. mastichis, pluribusque id genus aliis. *Ubi vero nudum simul aërique diu satis expositum cranium est*, abesse vix unquam solet, quin, pericranii vasis, quasi nutritionis fontibus perditis, exterior cranii lamella corrumpatur, nativoque colore candido & coerulescente in album, flavum, lividum aut nigrum commutato, a reliquo cranio divellatur, proindeque longior plerumque mora glutinationi injiciatur.

IX.

De pericranii itemque ipsius cranii curatione.

Sed quo facilius & cranii corruptionem vel separationem impedire, & glutinationem promovere chirurgus queat, illud inprimis datum sibi esse velim existimet, ut nudatam istiusmodi partem cranii vel subula vel instrumentis *Tab. VII. fig. 2.* itemque *fig. 7. litt. A.* delineatis, ad lineae circiter crassitiem, hoc est, ad diploën usque, quasi cribrum aliquod, hic atque illic perforet. Namque ita non exfoliationi solum occurritur, sed & vel maxime illud efficitur, ut, succrescentibus passim per isthaec foraminula

novis

novis venulis, cranium illud adopertum quasi novo quodam pericranio contegatur; atque sic ipsa vulneris glutinatio insigniter acceleretur. Ceterum deligatio, quae non modo rarior, sed semper quoque celerima esse debet, sic omnino instituenda videtur. Scilicet, expurgato prius vulnere, cranium injiciatur linamentum carptum, essentia mastichis, succini aliisque medicamentis balsamicis lenioribus & calefactis, admixto simul rosarum melle, succidum, supra deligatis emplastro de betonica, spleniis & fascia capitis, (*Couvre-chef*) superius *Tab. III. fig. 1. A.* delineata. Atque ista singula fieri tantisper debent, donec & contactum rursus cranium, & opportunum glutinationi ipsum vulnus deprehendatur. Quoties contusione turbatum pericranium, sed ipsum tamen cranium nondum reliquit, longe plerumque optimum est, contusionem resolvere sacculis medicis digerentibus; (*No. 5. 6.*) sanguini vero stagnanti, si opus, scarificationibus sive incisionibus minoribus exitum procurare, & postea vulnus balsamicis fovere.

X.

Ad ipsius autem *cranii laesiones*, si quae forte contigerunt, quod attinet, variis illae modis, nempe vel cadendo, pro projiciendo, vel caedendo, vel collidendo, vel & imprimendo fieri possunt. Ut proinde mirum haud sit, varia constitui a chirurgis adsolere percussionum *cranii* genera, propriis singula nominibus insignita. Cujusmodi nempe sunt 1) sedes, 2) contusio, 3) impressio, 4) effractura, 5) fissura, & denique 6) contrafissura, si scilicet altera parte fuerit ictus, & os altera fissum sit (*a*). *De cranii laesionibus.*

XI.

Factam in cranio laesionem aliquam esse, variae res significant. Nam, quae primo loco instituenda semper est curiosissima laesae partis per-
lustratio. Deinde inquirendum est, num aliquanto vehementior fuerit percussio. Hinc adhibendum quoque specillum, sed circumspiciente tamen, ne scilicet ipsum cerebrum forte laedatur. In explorandis calvariae fissuris loco specillorum egregium saepe usum habent calami scriptorii, ad instar *dentiscalpiorum* acuminati: siquidem his detegi calvariae inaequalitas atque asperitas quam facillime possunt. Tametsi cavendum sollicito hic est, ne forte futuris decipiamur. Quando vero *Quomodo calvariae laesio cognoscatur.*

S 2

cranii

(*a*) Fuerunt quidem haud pauci, qui *contrafissuras* omnino negare voluerunt. At tamen non solum *Hippocrates* libro de vulneribus capitis, *Celsus* libro octavo Cap. 4. itemque *Aegineta* lib. VI. Cap. 90. eam quam planissime indicarunt; verum etiam collega noster conjunctissimus, *D. Wagnerus*, Matheseos Professor, peculiari dissert. de *contrafissura*, gravibus rationibus & experimentis; itemque adhuc nuper, ut alios jam taceam, celebris chirurgus Argentoratensis, *le Maire*, in dissert. de *resonitu*, Argentorati impressa An. 1722. variis observationibus eam probarunt & extra dubitationem posuerunt.

cranii fissurae usque adeo subtiles sunt, ut nec visus nec specilli beneficio investigari queant, quum tamen ex ictus & malorum supervenientium vehementia fissuram aliquam subesse significant; aperire ipsum vulnus scalpello convenit, hinc *atramentum scriptorium* super os detersum inducere, idemque mox rursus linamentis detergere. Nigriticem enim continet, si quid forte fissum est. At si ne tunc quidem rima manifesta est, immittendum inter hominis vulnerati dentes corpus aliquod durum est, ut clavus ferreus, quod fortiter ipse mordeat. Simulatque enim morsus ejusmodi vehementior stridorem atque dolores excitaverit, fractam aut fissam calvariam fuisse judicare solent chirurgi. Similiter ubi nativus cranii color periisse deprehenditur, indicio illud ipsum esse consuevit, cranium neutiquam integrum perstitisse. Denique pro certissimis fere cranii disrupti signis reputanda sunt mala quaecunque graviora, vulnere supervenientia. Cujusmodi nimirum sunt: dolores vehementiores, vomitus, vertigo, capitis debilitas, auriumque tinnitus. Sed magis etiam certo cranii percussione inde colligere poterimus, si nempe vel per nares vel per aures cruor exierit, sensus, loquela atque ratio fere omnis interciderit, vel somnus etiam atque torpor continuus vulneratum presserit. Quin & paucos post dies tenuior eademque mali odoris materia ex vulnere profluit. Denique circiter die septimo cutis ab osse resolvitur; ipsumque cranium, putredine vel carie accedente, usque adeo graviter aliquando corrumpitur, ut eo tandem exeso ipsa cerebri membrana rodatur, unde dolores acuti, spasmi, somnolentia, immobilitas, rigor, impotentia loquendi, apoplexia, ipsa denique mors insequantur. Cujus quidem calamitatis ex leviori quadam calvariae contusione seu fissura subortae exempla passim apud chirurgicae artis scriptores obvia sunt.

XII.

*Prognosis
vuln-
nerum.*

Quae ipsa etiam atque etiam commonefacere nos debent, ut in ejusmodi vulnerum prognosi vel eventus praedictione paulo circumspectiores nos geramus, & in eis, licet principio levia videantur, certam curationem haud facile promittamus, ne mendacii argui queamus, dum promissa deinde servare non possimus. Ceterum peculiare quaedam in promptu hic observationes sunt; quas probe perspectas habere illi praeprimis debent, qui in istiusmodi capitis vulneribus dijudicandis haud facile aberrare voluerint. Sic enim servari difficulter admodum ii possunt, qui, dum calvariam fissam aut disruptam habent, lue simul venerea vel forti scorbuta laborant; vel & qui in ista cranii parte, quae musculo temporali subjacet, vulnus aliquod accipiunt. Sic porro etiam in praecipiti fere sunt, in quorum cranio nigrities sese prodit; tum illi quoque graviter admodum periclitantur, quibus vel lingua nigra, eademque simul sicca, fissae, pustulisque obsita est,

De reliquis iisdemque praecipuis capitis vulneribus. 141

est ; vel alvus nimium quantum fluida , propter accedentem videlicet diarrhoeam aut dysenteriam ; vel denique urina prorsus alba sive adinstar equinae nimis turbida.

XIII.

In curandis cranii percussionebus id ante omnia requirendum semper est , acutone an retuso instrumento factae ipsae fuerint. *Quoties igitur vulnus aliquod, acuto instrumento inflictum, in ipsam calvariam penetravit,* Quomodo cranii percussiones curandae sint. linamentis carptis in prima deligatione impleri illud ipsum debet ; quonempe facilius sanguis conquiescat. In deligationibus subsequenter detergenda semper probe est materia , eademque deterfa, mastichis, succini myrrhaeve essentia, cum admixto nonnunquam rosarum melle, quamdiu vulneris conditio illud ipsum exigit, applicanda. (*Vid. supra No. 4.*) Ubi vero plaga cranium perrupit, ipsumque adeo cerebrum laesit ; sane gravius quidem periculum , sed idem tamen curandi, si modo vulnus sanabile , artificium esse consuevit. Praeterquam quod hic major semper in expurgando a sanguine atque materia vulnere sollicitudo ; in eodem autem deligando festinatio necessaria videatur.

XIV.

Quod autem istiusmodi capitis laesio per instrumenta paulo retusiora, id est, per ictum aliquem , vel jactum, lapsum item ac glandem plumbeam facta fuit ; tum nisi satis jam per se manifesta laesio est ; locum laesum explorare atque investigare prius solertissime chirurgus debet. Laesio capitis per instrumentum aliquod retusa facta.

XV.

Detegi autem locus ejusmodi laesus quam commodissime solet , si scilicet ipsum vulnus , qua parte tumidum inprimis ac molle deprehenditur, adusque ipsum os scalpello incidatur. Tametsi providendum hic simul illud est, ne scalpello violenter nimis in plagam immisso confraetae forsan cranii partes in ipsum cerebrum imprimantur. Quomodo plaga investigari debeat.

XVI.

Si qua autem ad detegendam calvariae noxam plaga quaedam manu faciendae est, tum commodissima fere illa est, quae duabus transversis lineis crucis vel litterae X figuram accipit, trium fere transverforum digitorum longitudine, quo scilicet a singulis procedentibus angulis subsecari cutis, & a cranio removeri queat. Dehinc cranium a sanguine, si quis fertur, itemque ab aliis impuris rebus spongiae subsidio purgandum est ; resectis quatuor angulorum apicibus, & insertis mox cutem inter & calvariam linamentis siccis, prodiducendis nimirum plagae quatuor oris, percussione penitus exploranda, ipsa denique terebra, ubi opus fuerit, promptius applicanda. Sunt, qui lineis erga se invicem inclinantibus figuramque litterae latinae V vel graecae Δ prae se ferentibus cutem incidunt. Sed commodiores tamen nonnunquam eae plagae videntur esse, quae secundum longitudinem tantum fiunt : sic enim in iis vulneribus , quae juxta tem-

pora sunt, praecaveri optime potest, ne fibrae musculi, qui tempora continent, discindantur. Denique chirurgorum alii prae reliquis aptam censent esse illam incisionem, quae latinae litterae T figuram repraesentat. Sed quicquid tandem harum rerum sit, chirurgorum sane est, pro ipsius laesa partis natura dispicere, quatenus incisionis seu plagae figura, non ad ipsam modo percussione facilius detegendam, sed & vel maxime ad ulteriores noxas feliciter praecavendas, apta imprimis sit atque accommodata.

XVII.

Quid post
incisionem
feri debeat.

Adinvento jam istis rationibus loco calvariae laeso, *quicquid cruoris vel materiae impurioris adest, spongiae seu linamentorum adminiculo detergendum est.* Si quae ossium festucae seu particulae a reliqua calvaria penitus resolutae inveniuntur, tum istae vel digito vel volsella quadam debent extrahi; atque ubi forte cum pericranio ope tenuis membranae adhuc cohaerent, forcice praescindi. Quae aliquanto arctius adhuc reliquis cranii partibus adhaerent ossium fissorum particulae, istas reponere quam violenter extrahere satius videtur.

XVIII.

Quomodo
contusio tra-
ctanda.

Simulatque jam detecto cranio *laesa ista vel contusa cranii pars* immutati coloris subsidio detecta (No. 8.) in conspectum prodierit; tum lamella ista cranii exterior usque ad diploën pro cruore extrahendo, novisque vasis excitandis, crebrius perforari, medicamentisque balsamicis diligenter foveri debet. (No. 9.) Sicubi vero in deligationibus reliquis novae jam eademque flavae aut nigricantes maculae sese produnt, locus, in quo ipsae conspiciuntur, eadem prorsus ratione ac prudentia perforandus est. Siquidem istud mali genus curari promptius, quam perforationis ejusmodi subsidio haud consuevit.

XIX.

Quomodo
calvariae
fissurae cura-
ri debeant.

Quoties fissura quaedam in cranio facta esse animadvertitur, cui sine malis gravioribus maculae albae seu flavescentes supervenerunt; longe optimum erit laesam istam capitis partem utrinque ad diploën perforare, medicamentisque balsamicis solerter fovere. Contra vero ubi gravia mala superveniunt, sanguinem ex ruptis venis atque arteriis interioribus in ipsum cerebrum exiisse demonstrant; qui, si nec venarum incisionibus, nec solventibus istis sacculis evocari aut digeri queat; trepanatio utique vel terebratio instituat necesse est.

XX.

Veterum has
curandi mos.

Equidem in ejusmodi calvariae fissuris vel contusionibus, quae sine insecutis malis gravioribus erant, *scalpris* peculiaribus, iisdemque vel lunatis, (Tab. VII. fig. 3.) vel planis, (fig. 4.) vel denique acuminatis (fig. 5.) lamellam superiorem utque ad diploën medici antiquiores

res

De reliquis iisdemque praecipuis capitis vulneribus. 143

res abradebant. Quam curandi rationem tametsi & a recentiorum nonnullis hodiernum servari probe meminerim, perforationi tamen superius commendatae, utpote longe commodiori, haud immerito postponendam existimo.

De calvariae impressione.

XXI.

Evenire nonnunquam, praesertim in junioribus atque infantibus, adfolet, ut quasi vas aliquod stanneum vel cupreum, externa quadam vi, hoc est, lapsu vel ictu, calvaria sine fractura manifesta imprimatur; vel saltem ita frangatur, ut propter flexilitatem suam cum reliquis ossium calvariae partibus plerisque firmiter adhuc cohaereat. Contra vero in adultioribus comprimi calvaria, utpote rigidior, vix ac ne vix quidem unquam potest, quin partes laesae disrumpantur. Quae ipsae cranii laesiones *fracturae* dici in medicorum scholis solent: quibus ipsae simul cerebri partes comprimuntur, actionesque ejus & usus perturbantur.

XXII.

Atque hinc simul, meo quidem judicio, liquet, haud minus gravia ex his, quam ex haecenus descriptis cranii laesionibus suboriri mala debere: utut haec ipsa pro mitiori graviorique impressione, vel minus magis gravia aut periculosa, quin & prorsus quandoque insanabilia esse consueverunt. Atque id magis etiam ideo, quia in istiusmodi laesionibus fere semper etiam vasa quaedam sanguifera interna per-rumpuntur, quae sanguinem in ipsum cerebrum emittunt, unde sic gravissima quaeque mala sequantur, necesse est.

XXIII.

Fractum autem sic esse atque impressum cranium, vel 1) ipso adspectu cognoscitur, vel 2) tactu, vel 3) ex laesionis causa, vel denique 4) ex ipsis malis supervenientibus. Et sane cranii fracturae vel impressiones longe plerumque facilius, quam subtiliores fissurae per-estigantur. Valde vero periculosam vel & prorsus lethiferam cranii vul-nerationem aliquam esse, id ex praedictis rationibus quam promptissime colligitur.

XXIV.

In hujusce mali curatione prospiciendum inprimis illud est, ut omne illud, a quo cerebrum urgetur, sive os, quod defecit, rursus elevetur atque in pristinum locum restituatur, si quando illud cum reliquis calvariae ossibus adhuc cohaeret. Si quid enim dissolutum ab osse reliquo deprehenditur, inprimis si id ipsum cerebrum quasi aculeis pungit, tum quicquid harum particularum est, quam citissime velim eximatur.

XXV.

*Impressio
cranii levior
quomodo
tractanda in
infantibus.*

Attamen si quae forte leviores factae sunt in infantibus capitis impressiones, absque malis gravioribus accidentibus; satius omnino videtur abstinere a violentioribus impressae calvariae restituendae artificiiis; laesamque capitis partem, pro attenuandis contusionibus, vel facculis medicis, in vino coctis, digerentibus fovere; vel spiritu vini calido, aut spiritu vini camphorato; vel denique in adhuc levioribus emplastro quodam digerente; cujusmodi est de meliloto sive de betonica; ita enim his remediis curari impressiones mitiores haud raro consueverunt, ut nihil mali inde persentiscant infantes.

XXVI.

*Quomodo
pejor cranii
impressio
curanda.*

Econtrario ubi graviora mala adsunt in infantibus, calvariae istiusmodi impressae *elevatio* sive restitutio his fere modis peragitur. Nempe corium aliquod emplastro (a) quam maxime glutinoso illitum funiculisque firmioribus instructum, derasis capillis, laesae capitis parti & calefactum quidem firmiter injicitur, interjectaque morula quadam, ut tanto firmitus adhaereat, apprehensis funiculis fortiter retrahitur, (Tab. VII. fig. 6.) atque ita emplastrum una cum ipso cranio rursus elevatur. Quod nisi prima statim vice successit, idem repetendum identidem erit. Sic enim, quicquid forte ossium desedit, felicissime quandoque restituitur. Interdum etiam admota capiti cucurbitula magna ad compressam calvariae partem rursus diducendam insigniter proficit; inprimis ubi os atque nares continentur, ut compresso spiritu diductum cerebrum desidentem simul cranii partem reprimat. Quodsi vero nec in emplastro, nec in cucurbitula, auxilium esse deprehenditur, necessarium utique est, terebram aliquam (Tab. VII. fig. 7. litt. B.) vel aliam ejusdem generis, compressae cranii parti, sed remota tamen prius cuti & cranii membranula, leniter intorquere, eandemque sic, retracta scilicet terebra, reponere.

XXVII.

Cranii fractura quomodo tractanda sit.

Quoties autem vel in adultis vel & in junioribus etiam sic impressa calvaria fuit, ut ossa prorsus diffracta reperiantur; reponendum protinus est, quicquid defederat. Sunt, qui pulverem sternutatorium ad reponenda, per ipsius cerebri distensionem, calvariae ossa mirum quantum vehementem esse statuunt. Ego vero, propter gravia ista, quae provenire hinc facile possunt, incommoda, istud medicamenti genus haud satis tutum censeo, quod commendari vulneratis queat. Igitur veniendum potius ad *elevatoria* est (Tab. VII. fig. 7. litt. C. item fig. 8.) dummodo rimula adfuerit, cui ferramentum illud inferi aliquo modo

(a) Emplastrum ejusmodi parari commodissime poterit ex pice, resina, colophonio, & gummi elemi. HILDAN. Cent. II. Obs. V.

do possit. Sicubi vero nullum prorsus foraminulum advertitur, admo-
vendae protinus terebrae sunt (*fig. 7. litt. B.*) aliave similis, quarum
adminiculo pars impressa restituatur. Interim fieri semper prius & pla-
ga quaedam debet, (*No. 15.*) pro cute scilicet diducenda, & instru-
menti acutioris ope (*fig. 2. vel 7. litt. A.*) foraminulum aliquod, pro
terebra nimirum offi facilius intorquenda.

XXVIII.

Ceterum quando ferramenta ista elevatoria (*fig. 7. & 8.*) sic omni-
no comparata sunt, ut, quoties vicinae ac contiguae cranii partes vel
fractae simul vel saltem imbecilliores sunt, applicari sine periculo, id
est, sine contiguorum ossium depressione, nequeant. Visum non sine
ratione medicis antiquioribus fuit, aliud quoddam elevatorium, quod
triples vocant, excogitare: (*Tab. VII. fig. 12.*) quod duplo majus fere
sit, quam hic delineatum est. Cujus pedes AAA pro re nata nunc
longius nunc propius a se invicem diduci possunt. Applicationis vero
modus hic est: Neque ferramentum hoc capiti sic imponitur, ut
pedes ejus super integras calvariae partes figantur; mox terebra BC
per continuam ipsius ansae DD conversionem depresso capitis parti,
facto prius per subulam (*fig. 2.*) foraminulo, sensim sensimque intor-
quetur. Hinc ipsa illa terebra intorta per cochleam EE una cum ipsa
calvaria depresso tantisper elevatur, dum haec in situm pristinum fue-
rit restituta: prouti quidem isthaec singula conspici luculentius possunt
Tab. VII. fig. 13. Si qua vero apertura inter partes cranii diffractas
obvia fuerit, melius adhuc erit, remoto terebrae mucrone ferramen-
tum elevatorium G per cochleam H circa littera F. *fig. 12.* inferere,
hujusdemque subsidio calvariam depresso, ut modo docuimus, rite
reponere.

XXIX.

Aliud hujusmodi ferramentum elevatorium, idemque haud incom-
modum, sed constructu tamen longe facilius descriptum, ab HILDANO
reperimus *Cent. II. Obs. 4.* Cujus ad similitudinem constructum illud
est, quod *Tab. VII. fig. 14.* delineatum nos dedimus. Scilicet adesse
hic itidem terebra A, nec non uncus (*fig. 15.*) aliquis debent, quo-
rum & hic & ista immitti prius in depresso capitis partem debent,
trajectoque dein vecte BC contineri. Dehinc lamella D parti capitis
integrae, sed subjectis tamen spleniis, ne dolores moveat, superimpo-
nitur, elevataque vectis extrema parte B cranium depresso leniter
attollitur. Circa alteram vectis partem C commissura quaedam conspi-
citur, ad inclinandam scilicet, pro re nata capitisque convexitate,
lamellam D, quae proinde ipsa etiam cochleae E subsidio nunc attolli
potest, nunc deprimi. Ceterum haud abs re fuerit, paulo longio-
rem, si lubet, isto, quem nos delineavimus, vectem adhibere; nam-

Pars I.

T

que

*Peculiare
quoddam ele-
vatorii tri-
podis genus.*

*HILDANI
elevatorium.*

que sic & vehementius & commodius attolli depressum cranium poterit.

XXX.

Peculiaris
quaedam
fractas cra-
nii particu-
las eximendi
ratio.

Quodsi autem porro impressa illa cranii pars a reliquo cranio prorsus resoluta usque adeo alte desidet, ut haecenus expositis artificiis neque reponi apte, neque extrahi possit; necessarium utique videtur, calvariae partem integram, quae juxta est, modioli sive *trepanationis*, ut vulgo vocant, beneficio perforare, interjectamque ossis partem ferra quadam subtiliori (*fig. 9.*) quousque illud tutum videtur, prope disseccare, penitusque dein idoneo scalpro (*fig. 10.*) malleoque plumbeo (*fig. 11.*) adhibitis rescindere. Facto enim hujusmodi foramine non admoventi solum ferramenta, sed eximi quoque partes depressae commodius poterunt. Quanquam rarius evenire ejusmodi casus solent, in quibus posterior haec curationis ratio, utpote nimis operosa, magnopere necessaria sit.

XXXI.


Quomodo
pars resti-
tuta prote-
genda sit.

Repositis jam, quae antea defecerant, calvariae partibus, praecavendum solertissime semper est, ne, postquam restitutae jam sunt, denuo illae deprimantur. Igitur vulnerati hominis caput sic deponendum est, ut in partem integram inclinet; parte vulnerata sursum spectante. Deinde pars capitis laesa per lamellam aliquam orichalceam, cupream, ferream, similemque aliam diligenter praemunienda: vulnere interim secundum superius constitutas leges tractato.

Explicatio Tabulae septimae.

- Fig. 1.* *Oculus vitreus*, vel argenteus, eleganter pictus, qualis, naturali perduto, orbitae immitti potest.
- Fig. 2.* *Subula* sive instrumentum acutum, perforandae cranii lamellae exteriori accommodatum.
- Fig. 3. 4. 5.* Varia *scalpra* sive ferramentorum genera, quibus deradi cranium atque ossa reliqua subinde consueverunt.
- Fig. 6.* demonstrat, qua ratione *calvaria infantum impressa* per emplastrum elevanda ac reponenda sit.
- Fig. 7. litt. A.* ferramentum acuminatum quadrangulare, pro perforanda cranii lamella. *litt. B.* terebra, itemque *litt. C.* elevatorium pro restituendis cranii ossibus desidentibus.
- Fig. 8.* *Elevatorium* aliud iisdem usibus accommodatum.
- Fig. 9.* *Serra* quaedam minuta & *fig. 10.* scalper aliquis minutus, quorum non hic solum, sed ista quoque manubrio sive capulo instrumenti *fig. 3.* delineati intorqueri possunt.
- Fig. 11.* *Malleus ligneus*, cujus caput plumbo adimpletum est.

Fig.





FOLDOUT HERE
FO

De reliquis iisdemque praecipuis capitis vulneribus. 147

Fig. 12. Elevatorium tripes pro reponendis ossibus calvariae diffractis ac defidentibus. *Vid. supra No. 28.*

Fig. 13. ostendit, quomodo instrumentum illud capiti admovendum sit.

Fig. 14. HILDANI elevatorium. *Vid. supra No. 29.*

Fig. 15. Hamulus ad ipsum illud elevatorium pertinens.

Quomodo sanguis effusus ex calvaria educendus sit.

XXXII.

In modo dictis cranii laesionibus, id est, contusionibus, fissuris, ^{Quid mali} impressionibus & fracturis venulae quaedam vel arteriolae intus in ipsa ^{excitet mis-} cerebri membrana haud raro perrumpuntur. Ex his emissus sanguis, ^{sus in cere-} ubi paulo copiosior est, cerebrum vehementer urget, impeditisque ^{brum cruor-} ipsius actionibus, graves ut plurimum dolores aliasque multas noxas movet, ipsamque demum mortem adducit, nisi opportuno tempore elicitur. Quin etiam ubi vel minima sanguinis copia intus haeserit; abesse tamen vix potest, quin idem putrescat, tandemque & cerebri membranam & ipsum cerebrum corrumpat. Unde graves plerumque inflammationes, sensuum turbatio, delirium, putrefactiones, ulcera, & quid non? proveniunt. Tametsi ipsa mors nunc celerius, nunc tardius insequitur. Atque idem prorsus evenire solet, quoties vel contusione, vel ictu, vel lapsu graviori vena quaedam vel arteria intus dirumpitur, ossibus calvariae externis plane integris permanentibus.

XXXIII.

In istiusmodi laesionibus capitis singulis cruor vel cranium inter ac ^{Quorsum} duram matrem; vel duram inter ac piam matrem; vel piam matrem ^{sanguis ef-} inter ac cerebrum; vel denique in ipsos cerebri sinus effunditur. Quae ^{fundatur.} mala tametsi singula valde periculosa sunt, hoc tamen magis semper solent esse gravia atque periculosa, quo profundius sanguis haeret.

XXXIV.

Missum intus in calvariam aliquid cruoris fuisse, haud obscure colligitur ex malorum accedentium vehementia; hoc est, inde si vulneratus quasi sine sensu, motu atque mente procumbit; si sanguis ex ore, aure vel naribus exit; si oculi rubent ac tument; si vomitus insequitur, & quae sunt huiusmodi. Quin & malis istis sensim jam sese remittentibus, tametsi ad se rediisse vulnerati videantur, insignem tamen ipsi capitis gravitatem, somnolentiam, vertiginem, oculorum caliginem, spasmos, & si quid aliud huius generis est, persentiscunt. Et sane quoties sanguinis illa in capite profusio paulo major est, ipsumque forte cerebellum urget; actutum exspirare vulnerati consueverunt. Quoties vero non ita magna cruoris copia vel saltem alio potius quam in ipsum cerebellum effusa est; vita ^{quidem} remanet, sed tamen supe-

rius recensita mala insequuntur. Interdum haec non nisi lente superveniunt, hominumque non paucos, qui leviter in speciem vulnerati fuerant, praeter omnem spem atque opinionem conficiunt. Igitur in vehementioribus capitis concussionibus, quo demum cunque modo ipsae contigerint, cavendum solerter chirurgis est, ut supra jam monuimus, ne levius adesse periculum existiment, neve negligentia sua vulneratum interimant. Ceterum simulatque capitis aliquam percussione mala quaedam vehementia insequuntur, sanguinem intus in cerebrum aut cerebellum exiisse indicant; sive jam vulnus aliquod externum adsit, sive prorsus absit.

XXXV.

*Quomodo
sine laesione
externa de-
tegi possit
locus, in quo
sanguis haere-
ret.*

Quodsi post vehementiorem capitis ictum sive collisionem, nulla nec in cranio fissura vel contrafissura, nec in tegumentis externis laesio invenitur, difficile profecto iudicatu est, in quam capitis parte sanguis effusus haereat. Igitur longe optimum hic videtur, 1) *quicquid capillorum in capite est, adhibita novacula, penitus deradere*, atque ita oculis & digitis laesam capitis partem investigare. - *Si quis enim locus mollior est ac tumet, vel ab intus haerente sanguine rubet*, hunc sane laesum esse cruoremque continere colligendum est. Prodest hic nonnunquam, illos etiam in consilium adhibere, qui, dum facta vulneratio fuit, praesentes adfuerunt. Siquidem hi, qua parte percussum caput sit, indicare saepe haud difficulter poterunt. Quodsi vero nec ista ratione inveniri laesus capitis locus potest, 2) *involve caput derafum integrum emplastro quodam emolliente, ut de meliloto hujusdemque generis alio calido debet*, superimpositis facculis medicis probe calidis. Quibus cum emplastro post aliquot horas resolutis, rubor aliquis vel tumor ac mollities saepissime vulneratam capitis partem haud obscure demonstrabit. 3) Interdum laesa capitis pars ab ipsis hominibus *vulneratis*, absque sensu licet jacentibus, *manu ad caput identidem admota* significatur. 4) Si qua forte alterutrum corporis latus in hominibus vulneratis absque motu sensuque riget aut immobile est, tum illud, contra quam vulgus existimat, indicio est, sanguinem effusum in eo capitis latere, quod integrum adhuc atque mobile est, delitescere (a). Ubi vero in ipsa cute vulnus aliquid conspicitur, incidi illud ipsum atque ampliari tantisper debet, dum ipsa cranii laesio, id est contusio, fissura, contrafissura, aut fractura in conspectum prodierit.

XXXVI.

*Quomodo
perculsa ca-
pitis pars
tractari de-
beat.*

Ad invento jam istis modis vulnerati cranii loco, primum ac palmarium est, ut cruorem intus haerentem quam citissime ejiciamus, ne scilicet vulneratus in discrimen vitae adducatur. Alterum est, ut laesam istam capitis partem

(a) Vid. MORGAGNI *Adversar. Anatom. VI.* & *Dissert. de Resonitu*, Argentorati An. 1722. edita, pag. 23.

partem diligenter expurgemus, haerentesque forte ossium festucas sive particulas cante vel restituamus, vel eximamus. Quanquam autem in chirurgicae professoribus haud defunt, qui in hoc educendi sanguinis negotio statim ad *trepanationem* sive modiolum sese accingunt; tamen quum & arduum sit vel periculosum hoc artificium (a), & vulneratorum non pauci sine eo saepe servari possint atque soleant, sane ad modiolum sive terebram, nisi si necessitas urgeat, neutiquam veniendum est. Quocirca tentandum prius semper est, num digeri forte medicamentorum digerentium ac resolventium adminiculo sanguis effusus queat.

XXXVII.

Igitur 1) *detrahi sanguis vulnerato per venas & largiter quidem pro* ^{Quomodo} *viribus corporis debet.* Sic enim venae atque arteriae languescunt, ^{Sanguis in-} nullumque amplius sanguinem in cerebrum effundunt. 2) *Dehinc aptum* ^{spissatus di-} *aliquod, sed idem tamen aliquanto vehementius medicamentum purgans ingeri de- ^{geri debeat.} *bet,* quo scilicet humores supervacui a capite depellantur. Quam ob causam haud incommodum quoque est, clysteres fortiores sive acriores applicare. 3) Tum caput derasum emplastro de betonica sacculisque medicis in vino decoctis solertissime fovendum est. 4) Porro sal quoddam volatile, spiritus salis ammoniaci, vel spiritus C.C. naribus vulneratorum identidem admoveri poterunt, ut his ipsis, si fieri possit, excitentur, (praesertim cum aliquando ex terrore animo quasi derelicti decumbant) ac deinde ut his ipsis inspissatus sanguis facilius resolvatur. Denique 5) commodissimum hic videtur, sorbitiones calidiores vel ex thea, vel betonica, salvia, rosmarino, lavendulae floribus, ligno sassafras hisdemque similibus decoctas identidem propinare. Siquidem per has insigniter dilui sanguis ac digeri solet.*

XXXVIII.

Haecenus proposita quando mox effectum desideratum non praestant, iterum iterumque in curandis ejusmodi vulneratis repetenda sunt: ^{Sanguinis} *atque id ipsum etiam tum, quando mala pristina sensim sensimque ista* ^{detrahtio} *ratione imminuta deprehenduntur.* ^{itemque alvi} *Quanquam enim frequentior san-* ^{ductio idem} *guinis missio & reliqua haec curandi ratio aliena videri plerisque no-* ^{tendae.} *stratum adsolet; tamen dici vix potest, quam insignem in resolvendo & in venas revocando cruore usum praestare soleat.* Simulatque igitur paulo mitius atque commodius sese habere post primum harum rerum usum vulnerati coeperint, longe optimum erit, sanguinem iterum ac tertio, pro re nata, mittere, praesertim si juvenis est, aut robustus, vulneratumque interim ceteris supra commendatis medicamentis diligentissime fovere; donec malum omne depulsum sit.

(a) Vid. BOHNII *Dissert. de trepanationis difficultatibus.*

Nonnum.

quam trepanatio necessaria est.

Ubi vero nec istis artificiis vel medicamentis restitui vulneratus potest, dum scilicet mala ista supervenientia parum aut nihil imminui, quin imo augeri subinde animadvertuntur; consuli profecto vulneratis alia ratione haud potest, quam si calvaria modioli adjuvento, sed circumspecte tamen, circa partem laesam perforatur, atque ita caput ab intus collecto sanguine diligenter expurgatur. Quin imo ubi laesa cranii pars detegi certe haud potest, hinc inde perforari illud ipsum debet, donec scilicet illa pars inveniatur, quae laesionem aut cruorem continet. Qua autem ratione institui *trepanatio* debeat, factumque vulnus rite glutinari, id quidem prolixius expositum est, in altera chirurgices nostrae parte, utpote in qua de chirurgorum operationibus sive actionibus ex instituto differuimus.

XL.

De capitis vulneribus scriptores praecipui.

Si qui vero sint, qui percussionum capitis paullo graviorum exempla varia cognoscere desiderant, ii magnopere velim consulant HIPPOCRATEM de capitis vulneribus cum Arantii & Pawii commentariis, itemque CELSUM, ubi de eodem agit argumento. Praeterea BERENGARIUM de fractura cranii, SCULTETUM in observationibus. I ad 23. HILDANUM in observ. var. SCHULZIUM in, de capite laeso, libello, BELLOSTIUM in chirurgo nosocom. WOYTIUM & WALTHERUM de capitis vulneribus, & quamplurimos alios: cum primis vero etiam recentissimos scriptores, nimirum ROHAULTIUM peculiari libro gallice conscripto de capitis vulneribus (a), & DRANIUM (Le Dran) in observationibus suis chirurgicis.

C A P. XV.

De Contusionibus sive Collisis vulneribus.

I.

Quid sit contusio.

Contusionem seu vexata, ut cum CELSO loquar (b), appellare solemus quaecunque corporis humani laceratio insignis, quae per instrumenta sive tela obtusa sive retusa fit. Et vero quum innumerae hic venulae, arteriolae atque fibrillae collidi ac perrumpi consueverunt; fane si penitus singula perpendimus, contusio nihil fere aliud quam vulnorum minutissimorum innumerorum congeries est. Graeci *Ecchymosin* haud incommode vocarunt, & CELSUS etiam vulnus collisum *Lib. V. c. 26.*

II.

(a) *Traité des Playes de Tete.* 4. a Turin. 1720.(b) *Libr. VII. Cap. I.*

II.

Contusionum varia constitui possunt genera: 1) quaedam enim *Contusiones* velut *simplices* tantum sunt, dum scilicet non nisi partes molles atque *quotuplices* externae perrumpuntur: quaedam quasi *duplices* sive *compositae*, dum *sint.* scilicet internae simul vel & osseae partes diffinguntur. 2) Dehinc contusionum aliae leviores sunt, aliae graviores; aliae prorsus periculosae; pro causarum videlicet, partiumque laesarum conditione. 3) Denique, quod mirum videri poterat, quaedam contusiones ita comparatae sunt, ut integris partibus externis, interiores graviter admodum affectae sint atque perruptae. Experientia enim pridem docuit, posse quandoque homines in capite, pectore ac ventre, baculo, aliisque corporibus obtusis, imo vel solius etiam manus adjuvento, interdum ita percuti, ut quam citissime exspirent, licet externe quandoque nullum vestigium appareat (a).

III.

Contusiones fieri ut plurimum solent 1) ictu, impulsu atque jactu, *Contusionis* vel & instrumentis quibuscunque retusis, fustibus puta, tignis, lapidibusque paulo vehementius corpori admotis. Similiter 2) contusiones fiunt, si quis in lapidem simileque aliud corpus durum impingit *causae quae* aut prolabitur. Denique 3) contusiones contingant necesse est, quoties corporis nostri membra inter januas, prela, cochleas, rotas molares constringuntur vel comprimuntur. Namque hac ratione vel penitus disrumpuntur venae atque arteriae, vel saltem sanguis violenter ex iisdem exprimitur. *sint.*

IV.

Simulatque igitur *ruptae per contusionem venulae atque fibrillae* fuerunt, *Quid fiat in* abesse vix potest, quin sanguis alique id genus humores intus ex iisdem exeant, variasque proin obstructions, corruptiones, inflammationes, ulcera item aut gangraenam, vel &, pro laesae partis ipsiusque *partium* *mollium con-* *tusionibus.* *causae* natura, quamplurimas noxas alias ipsamque adeo mortem concitent. Quoties in exterioribus contusionibus cutis integra remansit, haerens subter illam sanguis stagnans concrevit, *sugillationem* aliquam movet, sive, quod perinde est, ruborem, livorem nigroremque in exteriori cute excitat. Unde gravia plerumque mala, ossiumque, si quae forte juxta sunt, caries suboriuntur.

V.

Ubi contusio ad ipsa ossa penetravit, tum 1) laeso perioestio eadem *Quid fiat* prorsus mala superveniunt, quae laeso in capitis vulneribus pericranio *ossibus in* *contusione* *laesis.* supervenire antea diximus. Ubi vero 2) diffracta simul ossa fuerunt; *facile*

(a) Vid. BOHN. de vulner. leth. Sect. I. Cap. I. mihi pag. 12. & 14. idem de offic. med. dupl. L. 2. Cap. 4.

facile apparet, eadem obtingere debere mala, quae post diffracta alia ossa obtingere consueverunt; at si laesio in capitis ossibus, eadem mala sequuntur, quae capitibus praecedentibus exposuimus. Denique 3) *ubi laesa ossium medulla* fuit, sive jam fractum ipsum os fuerit, sive integrum manserit, gravissima ut plurimum etiam incommoda insequuntur. Etenim emissus ex medullae venis atque arteriis cruor, quum extrahi difficulter queat, sensim corrumpitur, arrosisque simul ossibus, cariem, ulcera, fistulasque insanabiles movet: quibus non nisi membrorum amputatione succurritur. Siquidem ossium medullae eadem fere in istiusmodi casibus conditio est, quae cerebri esse consuevit in laesionibus cranii.

VI.

Quid fiat
juncturis &
musculis in
contusione
ruptis.

Quoties *ossium juncturae collisae sunt*, insignes plerumque dolores atque inflammationes, convulsiones item atque gangraena & sphacelus, nec non membrorum rigor & caries moventur. Idem prorsus contingere solet, dum forte *musculi* quidam disrupti fuerunt. Ubi autem *partes quaedam interiores* collisae per contusionem sunt, quam maxime varia eademque, pro partium laesarum ipsiusque laesionis indole, periculosa supervenire solent incommoda. Cujusmodi quidem sunt inflammationes, venarum disruptiones, sanguinis profusiones atque stagnationes, corruptiones, gangraenae, suppurationes, partium vexatarum distensiones, & quae has confestim saepius subsequitur, mors. Si qua gravior *capitis* praesertim facta contusio fuit, sensus plerumque obtunduntur, membra singula rigore atque spasminis urgentur, maturrimaque semper fere mors insequitur: ceu patet ex iis, quae supra de capitis vulneribus exposita fuerunt. Quodsi vero *pectus* graviter vexatum aut contusum est, spirandi difficultas inde provenit, cruor per os ejicitur, animus subinde deficit, pulmones inflammantur atque exulcerantur, saepiusque citissima mors supervenit, vel saltem phthisis aut tabes aliqua, quae tamen mortem lente adducit. Similiter ubi circa *ventrem* sive *abdomen* contusio quaedam vehementior accidit, abesse vix solet, quin vomitus cruentus, inflammationes, gangraenae suppurationesque viscerum, atque adeo, vexatis nimirum partibus nobilioribus, ipsa tandem mors superveniant. Si qua autem porro interior pars aliqua, vena praesertim vel arteria penitus disrupta fuit, mirum non est, si sine vulnere externo protinus homines istiusmodi intermorianantur (a). Denique si *oculus* graviter vexatus vel contusus

(a) Sic exempli causa An. 1726. in vicino Helmstädiensibus pago puer, qui a ladinagistro non nisi bacillo quodam tenuiori, sed paulo tamen vehementius verberatus paucis diebus post expiraverat. Qui quum incidetur, abdominis viscera graviter contusa & lacerata reperiebantur. Alium postea puerum incidi, ubi, post vim externe illatam, hepar medium omnino diffractum reperiebatur, quamvis externe nulla prorsus laesio conspiceretur. Conf. BOHN. loca folio praeced. citata.

tusus est, graves ut plurimum tumores atque inflammationes suboriuntur, quin imo oculi prorsus obcaecantur.

VII.

Explorari autem vexata sive contusiones quam commodissime possunt *Vexata quo-*
 1) *vel ipso adpectu*, sicubi scilicet exteriores partes contusionem pas- *modo inve-*
 sae fuerunt: scilicet tumores subnascuntur, coloresque inusitati, dum *niantur.*
 laesa pars primo ruborem vel nigrorem contrahat, hisdemque mutatis, livida, flava, viridis, mox nigricans iterum appareat. Qui ipsi tamen colores, nisi vehementior facta contusio fuit, sponte sua tandem evanescent. 2) Quoties visum vexata subterfugiant, *tactu vel contre-*
statione investiganda sunt; namque nimia membrorum mollities intusque effusi sanguinis agitatio vel strepitus, qua parte collisum aliquid sit, haud obscure significant. Atque idem prorsus 3) faciunt *dolores*
atque rigor partium contusarum. Denique 4) haud prorsus incerta contusionis indicia desumi posse videntur ex laesionis & *instrumento & mo-*
do seu vehementia. Sed quae tandem partes interiores per contusionem laesae fuerint, id quidem cum ex ipsius contusionis loco, tum & vel maxime ex malis accidentibus, impeditisque aut prorsus turbatis membrorum actionibus, divinandum statuendumque est.

VIII.

Equidem quae ad *contusionum prognosin* aut eventus earum dijudica- *De contusi-*
 tionem spectant, luculenta jam tum maximam partem ex iis sunt, quae *onum pro-*
 de ipsarum conditione vel effectibus haecenus exposuimus. Interim *gnosi.*
 haud abs re fuerit unam atque alteram regulam hic subicere. Scilicet contusiones aliquanto leviores parum aut nihil incommodi atque periculi movent, praeterquam quod cutem exterioriorem lividam reddant ac nigricantem. Sed nec ista quidem longinqua deformitas est; siquidem haerentes sub cute cruores quasi sponte sua mox rursus evanescent. Quodsi vero copiosior est, propter contusionem graviolem, collectus in carne cruor; degenerare is facile in abscessum aliquem vel ipsam gangraenam aut sphacelum potest. Partium internarum contusio mirum quantum periculosa plerumque est atque hoc magis semper lethifera, quo gravior contusio quoque major partium contusarum nobilitas & ad vitam necessitas. Nisi enim subita mors adfuerit, insequi tamen semper istiusmodi inflammationes internaеque suppurationes adsolent, quae vulneratum istiusmodi hominem vel brevi vel sensim sensimque conficiunt. Denique ossium, inprimis vero ipsorum medullae, juncturarum & ligamentorum in vexatis laesiones etiam atque etiam periculosas, proindeque calvariae contusionem prae reliquis saepe ob cerebri viciniam lethiferam esse, supra jam tum admonuimus prolixèque demonstravimus.

IX.

De contusio-
num levio-
rum sana-
tione.

In vexatorum sive contusionum curatione omni illud prospiciendum semper est, tum ut suffusi iidemque inspissati humores digerantur, tum & vel maxime, ne forte suppuratio vel gangraena superveniant. Ac leviores quidem contusiones variis curari modis possunt atque solent. Quoties enim exempli causa tumor aliquis in fronte subortus ex lapsu fuit, ut pueris saepe contingere solet, longe optimum erit vel calidum vinum, spiritum vini, spiritum vini camphoratum, aquam Reginae Hungariae cum linteolis superimponere: vel aquam frigidam, itemque acetum, quibus admisceri nonnunquam salis quidpiam potest, identidem supra dare. Sed digeri quoque tumores istiusmodi leviores haud incommode possunt, sicubi cultro quodam ampliori vel nummo etiam grandiori supra deligato gnaviter comprimantur. Tenuioris conditionis homines in tenuissimo medicamento auxilium, neque id prorsus infeliciter quaerunt, dum scilicet pro abigendis ejusmodi tumoribus aut vexatis urinam recentem, calidam, cum linteolis laesae corporis parti applicant.

X.

De contusio-
num gravio-
rum cura-
tione.

Ubi paulo graviores factae contusiones sunt, scordium, sabina, abrotanum, eademque vel seorsim, vel junctim etiam in vino vel aqua falsa decoquuntur, probeque calida cum linteolis sacculisque medicis identidem super parte laesa deligantur. Sapo venetus in urina vine novae decoctus, atque sic panniculorum spongiaeve subsidio laesae parti applicatus, ad digerendum cruorem intus haerentem haud parum vehemens est. Quanquam memorari etiam jure suo hic debeant aqua calcis cum admixto spiritu vini camphorato, vel acetum lithargyrifatum, item acetum cum semine carvi coctum, utpote quorum singulorum egregiam esse adversus vexata efficaciam, ipso rerum usu didicimus, si modo saepius calide imponuntur.

XI.

De contusio-
num gravio-
rum cura-
tione.

Si qua vero mox ita gravia & periculosa reperiuntur vexata, ut nimia cruoris stagnantis copia digeri nullo modo queat, sed potius gangraenae jam jam opportuna sit, necessarium utique videtur cum in parte laesa crebro atque alte quidem scalpello incidere, vel, ut vulgo loqui amant, scarificare. Sic enim non sanguis solum effusus atque stagnans ejicitur, sed quam maxime gravia etiam mala, cujusmodi quidem suppurationes & gangraenae sunt, felicissime praecaventur.

XII.

Curatio ul-
terior.

His rite sic confectis, necesse est fomenta quaedam digerentia diligenter adhibere, sacculos item ex herbis resolventibus, supra (Cap. XIV.

XIV. No. 10.) descriptos probeque in vino coctos; vel & sequentia:

℞. Rad. bryoniae ℥ii vel ℥iiij.

Herbae fabinae, scordii,
abrotani,
arboris vitae sive thuyae, vel
absinthii aa. Mij.

Singula ista minutim diffecantur, affusisque vini circiter libris duabus per horae quadrantem probe decocta per panniculum aliquod laneum percolantur. Dehinc saponis veneti vel hispani aliquot unciae decocto huic probe calido admiscuntur, complicatique panniculi linei ex eodem expressi per singulas fere horas laesae corporis parti calide superinjiuntur. Ante vero quam fomenta istaec applicantur, commodissimum erit cutem, qua parte vexata sunt, adhibitis *linamentis calidis diligenter fricare*; quo scilicet sanguis fluidus conservetur; vel ubi forte jam concreverit, rursus resolvetur, atque ita vel in venas refundatur, vel per invisibilia corporis foraminula dimanet vel transpiret. Ubi forte vinum defuerit, assumi ejus loco aqua marina sive falsa (ex aquae videlicet purae libris duabus, & manipulo salis insperfo parari solita.) Ceterum supra commendatae herbae sacculis etiam comprehendi atque interfui possunt, vexatisque dein, postquam in uno vel altero liquorum praedictorum coctae fuerint, saepe applicari. Denique si quis cataplasmatibus uti maluerit, huic simplicissimum aliquod ac vilissimum, sed idem tamen efficacissimum commendatum volumus sequens:

℞. Pulv. rad. bryoniae.

Saponis veneti aa. ℥iiij.

coq. in. f. q. Aë recentis vel aquae falsae ad consistentiam cataplasmatibus. Quod ipsum magis adhuc efficax esse consuevit, sicubi unica gummi galbani vel ammoniaci uncia in vitello ovi resoluta simul admisceatur.

XIII.

In vexatis aliquanto vehementioribus praetermitti haud quaquam debent *medicamenta interna*, eademque digerentia inprimis, sudoremque vel urinam leniter moventia, id est, ex herbis digerentibus sive res solventibus decocta vel infusa. Cujusmodi quidem ea potissimum sunt, quae ex thea, betonica, veronica, salvia, rosmarino, vel ligno sassafras, quin & vel maxime ex herba arnica vel petroselini radicibus parantur: haec una cum saponis veneti drachma adinstar pilulae grandioris efformata sicubi aliquoties per dies singulos aegroto ingeruntur, dici vix potest, quam sint ad inspissatos cruores digerendos vehementia.

De medicamentis internis itemque dieta.

Neque vero minoris virtutis esse solet pulvis ad casum Augustanorum, aut *sperma ceti*, idque vel solum, vel cum admixtis hirci sanguine, mumia, cancrorum lapidibus in pulverem redactum ad drachmam circiter cum sorbitionibus calidis identidem assumtum. Si qui autem porro sanguinis succique pleniores sunt, his, ac inflammationes ac suppurationes praecavendos, largiter sanguis per venas detrahendus. Denique a carnibus cibisque id genus crassioribus aliis caute abstineant, si qui paulo vehementius contusi fuerunt. Jusculis enim ac sorbitionibus quam maxime dilutis hic uti longe praestantissimum est.

XIV.

De curatione
reliqua.

Digestis jam per fomenta, sacculos, aut cataplasmata maximam partem iis, quae per contusionem coierant, reliqua vulneris curatio fieri quam aptissime poterit per emplastrum aliquod digerens probe prius purgatae digestivoque impletae plagae superimpositum: quoniam fomentorum & cataplasmatum usus ob nimium laborem chirurgis paulo molestior plerumque esse solet. Serviunt hic egregie emplastra diasaponis, diachylum, de meliloto, de spermate ceti, de galbano; vel & sequens:

℞. Empl. de melilot. $\bar{\zeta}\text{iv}$.
Galban. pur. solut. $\bar{\zeta}\text{ij}$.
Farin. rad. bryon. $\bar{\zeta}\text{j}$.
Flor. sulphur.
Aethiop. mineral. \bar{a} $\bar{\zeta}\beta$.
Ol. chamomill. q. s. Fiat Emplastrum.

Interim commendata superius medicamenta interna ac victus ratio solertissime simul continuanda sunt. Sic enim contusiones quam maxime graves ac periculosae longe facilius quam per suppurationes ac sine incisione curantur. Confectis denique omnibus, quae ad cruoris dissipationem vulnerisque purgationem pertinent, nihil aliud superest, quam ut vulnus balsamo vulnerario & tandem linamentis siccis, ut alia vulnera, penitus glutinetur.

XV.

Quomodo
suppuratio
tractanda sit.

1. Per cata-
plasmata
emollientia.

Evenire quandoque hic solet, ut, quia vel nimis alta vexata sunt, vel & negligentius forsan, propter chirurgorum imperitiam vulnera tunc mollitiem, tractata, cruor effusus in materiam degeneret, suppurationemque moveat. Igitur haud incommodum hic est, ejusmodi adhibere medicamenta, quae suppurationem illam efficaciter promoveant. 1) Spectant huc prae reliquis *cataplasmata illa emollientia*, quae ex rad. malv. alth. lilior. albor., herb. malvae, alth. parietar. mercurial. branc. ursin. melilot. verbasco. ficubus, lini semine, foeno graeco, farina varia, micis panis cum affusa aqua vel lacte coquuntur, atque ita in pulticulam

lam converſa, butyroque, adipe, oleisve emollientibus, lini ſcilicet, chamomillae liliorumque alborum oleis diluta ſuper laeſam corporis partem, & ſemper quidem calide frequentius deligantur. 2) Neque vero minus hic proficere iſta medicamenta conſueverunt, quae ſimul & acria ſunt & emollientia. Pertinent huc cepae ſub cineribus toſtae, fermentum panis, variaque gummata, galbanum ſcilicet, ammoniacum, bdellium, opopanax in vitellis ovorum reſoluta ſingula, cataplasmatisque ſupra commendatis admixta. exempli cauſſa:

℞. Herbae malvae, althaeae,
parietar.
melilot. ā. Mj.

conciſa coquantur in ſ. q. vae ſimplicis ad conſiſt. cataplaſm. Adde cepar. ſub cineribus aſſatarum ꝑiv. galbani, vitello ovi ſoluti ꝑij. ol. lil. albor. ꝑiβ. farinae ſeminis lini q. ſ. ad conſiſtentiam. Haec calida identidem & tantisper imponenda ſunt, donec materia penitus maturuerit. In contuſionibus aliquanto mitioribus ad ſuppurationem ſatis efficacia reperiuntur eſſe emplaſtrum diachylum compoſitum, vel & malacticum dictum.

XVI.

Simulatque jam maturuiſſe intus deliteſcentem materiam vexatae partis candor aut mollities ſignificaverit, incidi protinus, qua parte tuſiſſimum & commodiſſimum videtur, cutis exterior ſcalpello quodam ſive lancetta debet, ipſumque vulnus illud ſolenter expurgari digeſtivo, &, ut aliud vulnus, glutinari balfamo vulnerario, prouti quidem ſupra expoſitum meminimus.

XVII.

Quoties, at in contuſionibus vehementioribus haud raro uſu venire ſolet, inflammatio quaedam vehementior ſive gangraena ſupervenit, ſcalpello incidi crebro & ſemper quam altiſſime debent uſque adeo graviter affectae illae corporis partes, eduſtoque ſanguine effuſo, ſpiritu vini camphorato cum theriaca in plagam infuſo, ſupraque cum linteolis ſacculisque deligato, quam diligentiffime foveri; non omiſſis interim medicamentis interioribus (Num. 13.) (a) Quoties vero ſphacelus acceſſiſſe deprehenditur (qui in omnimoda corruptione & morte partis conſiſtit) praecidendum feſtinantiſſime membrum iſtiusmodi emortuum eſt; quemadmodum ex iis, quae de ſphacelo itemque in actionibus ſive operationibus chirurgicis inferius diſſeruntur, luculentius perſpicitur.

V 3

XVIII.

(a) Plura huc ſpectantia dabimus eo loco, ubi de gangraena & ſphacelo tractabimus.

XVIII.

De partibus
internis per
contusionem
laesis.

Si quae forte interiores partes laesae in vexatis fuerunt, sane, nisi promptissimum auxilium accesserit, praesto statim suppurationes ac sphaceli esse consueverunt, quibus aegroti quam celerrime absumuntur. Itaque in ejusmodi casibus nihil sollicitius agere chirurgos convenit, quam ut per crebriorem sanguinis missionem, alvi ductiones lenes & clysteres (Cap. XIII. No. 37.) itemque per decocta vel infusa ista calida, vel medicamenta quoque digerentia, (No. 13.) quicquid sanguinis effusum intus atque inspissatum est, quam festinantissime resolvat & digerat; his enim, si malum adhuc curationem admittit, suppuratio & sphacelus optime praecaventur. Neque enim fieri hic incisiones possunt: pulveres autem absorbentes, lapides videlicet cancrorum, sanguis hirci, cornu cervi, pulvis ad casum, hisdemque similes alii profecto leniores sunt, quam ut, pravo multorum more, ab ipsis solis praesidium petamus, aut his solis fidamus. Capitis autem contusiones, qua ratione optime curari queant ac debeant, id ipsum satis jam luculenter, nisi fallor, expositum est capite superiore, quod de capitis vulneribus tractavit.

XIX.

De oculorum
contusioni-
bus.

Tandem ubi forte oculus aliquis vel per injectam pilam, vel per impactum ipsi verutum aliquod, simileque instrumentum aliud quodcunque fortiter concussus aut vexatus est, visus statim omnis obtunditur penitusque amittitur, nisi forte laesio paulo levior fuerit, ac summa sollicitudine aptissimisque medicamentis nobilissima ista corporis pars foveatur. Si quia igitur oculi concussio non adeo vehemens est, longe profecto optimum est, protinus aquam frigidam prima die quam saepissime cum linteis complicatis superimponere; altera die spiritu vini camphorato calido oculum laesum extus subinde inungere, supra datis saepe sacculis, herbas digerentes, euphrasiam puta, veronicam, hyssopum, salviā, flores chamomill. & semen foeniculi continentibus atque in vino decoctis. Tametsi deficientibus ejusmodi herbis applicari quoque magno cum fructu possunt tinctoria in vino calido splenia, si modo saepe renoventur. Et ubi contusio paulo gravior, aegerve sanguine abundet, vena quoque secanda est.

XX.

De gravissi-
mis oculo-
rum contu-
sionibus.

Quodsi autem oculus per contusionem aliquam usque adeo graviter offensus fuit, ut ex rupta intus venula sanguis in eodem suffusus per corneam transpareat, aegrotove objecta corpora singula velut rubicunda repraesentet, commodissimum utique est, sanguinem protinus in pede collove identidem pro re nata mittere, diligentissimeque superimpositis sacculis modo laudatis digerentibus ex vino calido expressis, bisque terve per dies singulos pediluvio aliquo calido uti, haud neglectis conveniente victus ratione & medicamentis internis digerentibus No. 13.

Et

Et vero singula ista magis etiam ad restituendam, nisi forte desperatum prorsus malum sit, oculorum aciem proficiunt, siquidem calidus columbae sanguis identidem quotidie oculo percusso instilletur. Quodsi vero neque sic dissipari possit ille sanguis effusus, peculiari artificio per incisionem tunicae corneae adhuc subinde feliciter educitur. Quae de re vero videndum partis secundae, quae de operationibus agit, cap. 60.

C A P. XVI.

De vulneribus veneno vexatis, & quae per morsus inferuntur.

I.

Vetus jam eademque haud omnino falsa traditio est, Indos multos, *Vulnera venenata difficulter admodum cognoscuntur.* Afros, aliosque id genus populos barbaros, tela sua, spicula item & arma reliqua, ut & graviora vulnera & magis certam mortem hostibus inferant, veneno ut plurimum inungere. Quem ipsum barbarorum morem, utpote paulo crudeliorem, postquam Europaei deposuerunt; graviter admodum periclitari ut plurimum ii solent, qui venenatis telis vel armis vulnerati forte sunt. Fraus enim istiusmodi clandestina facit, ut penitus improvisum atque inexpectatum malum inducatur, quod propterea, quia ignoratur, in tempore averti aut tolli nequit.

II.

Quaquam autem inter chirurgos vel medicos haud desint, qui, num vulnus aliquod veneno infectum fuerit, non ex pessimo tantum laesae partis odore, insolitisque puris & vulneris coloribus, flavo scilicet, *Namque incerta sunt illorum indicia.* viridi, livido ac nigro; sed & vel maxime & doloribus acutissimis, magnis tumoribus ac inflammationibus, cordis palpitationibus, animi deliquiis, spasmodicis, membrorum distensionibus, rigoribus, frigidis sudoribus atque angoribus dignosci utique posse statuunt: tamen, si quid ego video, incerta prorsus ac dubia sunt haecenus memorata indicia singula. Quotus enim quisque est, qui nesciat, posse quoque huius generis mala pleraque omnia vel ex malo vulnerati corporis habitu, vel ex partium nervosarum nobiliumque vehementi percussione; vel denique ex pluribus aliis causis absque omni veneno provenire?

III.

At vero certus magis atque exploratus veneni plagae ingesti metus videtur esse, quoties aliquis vel venenatorum, vel *rabiosorum animalium,* (siquidem nullum fere animalium genus est, quin rabiosum quandoque fiat,) praesertim canis, felis, lupi, simiae, hominis, vel & serpentium, viperarum, scorpionum aliorumque id genus insectorum venenatorum *De vulneribus, quae per morsus inferuntur.* morfu

morſu vulneratus eſſe deprehenditur. Quando autem ſerpentium, & venenatorum reliquorum animalium, praeterquam *canis rabioſi*, morſus in noſtris his aliisque frigidioribus regionibus paullo rariores ſunt; haud alienum videtur de his potiſſimum nunc diſſerere; reliquis interim vulneribus, morſu illatis, haud penitus neglectis; & primo quidem de iis agemus, *quae ab animalibus non rabioſis inferuntur.*

IV.

*Et quidem
primo ani-
malium non
rabioſorum.*

Itaque hic ſciendum, quod & animalium non rabioſorum morſus haud raro graves noxas inducere ſoleant, praefertim quando irae furore percita ſunt, ubi quam vehementiſſime mordent, ita ut, CELSO jam obſervante (a), *a morſu interdum hominis (b), interdum ſimiae aut felis, ſaepe canis, nonnunquam ferarum aut aliorum animalium* gravia mala ſaepe viſa ſint: cum ejusdem ſententia *omnis fere (c) morſus quoddam virus habeat*; quae quidem mala non ex proprie ſic dicto veneno, ſed potius *ex violenta laceratione ac collifione muſculorum, nervorum, tendinum, vaſorum, ligamentorum & offium*, praefertim in morſu canis majoris, equi, lupi, urſi, aliorumve robuſtiorum aut crudeliorum animalium, oriri videntur, quibus partes laeſae vehementer dilacerantur (d). Itaque, *ſi vulnus ejusmodi leve eſt*, protinus ſanguis vel digitis exprimendus, vel ore vel cucurbitula educendus; quod tanto felicius contingit, ſi anguſtius vulnus ſcalpello paululum ampliatur. Poſtea ſpiritus vini, inprimis camphoratus, vulnere infundendus, eoque illud eluendum, ac poſtea cum ſplenio ſuperimponendus, idque ſingulis tribus quatuorve horis, donec metus inflammationis praeteriit, repetendum. *Sal quoque his, praecipue ei, quod canis fecit*, teſte CELSO, *medicamentum eſt, ſi aridus vulnere imponitur, ſuperque id duobus digitis verberatur; exſaniet enim. Ac ſaſamentum quoque recte ſuper id vulnus deligatur, eodem auctore, loco modo citato (e).* Si vero vulnus ejusmodi eſt vehementius, tum omnino neceſſarium,

(a) Lib. V. Cap. 27. n. 1.

(b) Panaroli Pentec. 2. Obſ. 42. Hildan. Cent. I. Obſ. 84. & 85. Cent. IV. Obſ. 87. ac de morſu equi ibid. Cent. II. Obſ. 36. Seren. Sammonic. Cap. de hominis & ſimiae morſu.

(c) Pleraeque editiones CELSI pro *fere* habent *ferae*. *Omnis autem ferae morſus quoddam virus habet.* Rectius autem pro *ferae* mihi *fere* legendum eſſe videtur: quia CELSUS hic non ſolum de feris earumque morſibus agit, utpote qui paullo rarius contingunt; verum, & quidem potiſſimum *de hominis, ſimiae, & quammaxime de canis morſu*, (quae animalia a feris hic loci manifeſte diſtinguit) diſſerit, quorum omnium, praefertim iratorum, morſus peſſima ſaepe mala, quaſi aliquid venenati alerent, inducunt; ita ut quam rectiſſime CELSUS ſenſu ampliori dixerit: *omnem fere morſum habere quoddam virus ſive venenum*; illudque eſſatum non ſolum de feris, ſed & quam veriſſime, ob rationes mox dicendas, de ceteris animalibus valeat. Ejusdem ſententiae eſt & Cel. MORGAGNUS, qui hanc lectionem prolixius ac doctiſſime, ut ſolet, comprobat in Epist. in Celsum p. 26.

(d) Conf. Hillanus locis citatis, & cumprimis Cent. II. Obſ. 86.

(e) *Saſamenti* vocabulum a Lexicographis hucusque tantum pro rebus, quae ad uſum

rium, ut, nisi jam satis pateat, scalpello illud dilatare, & sanguinem vel digitis probe exprimere, vel ore hominis, vel cucurbitulis admotis evocare: nam nuperrime adhuc ex hujus negligentia in vulnere puero a cane prope genu facto, ingentem per totum femur & crus inflammationem & suppurationem concitatum vidi. Deinde vulnus vel vino, vel spiritu vini calido, vel etiam liquore falso probe eluendum, linamenta his quoque liquoribus calidis tineta immittenda, ac splenia iisdem imbuta superimponenda, haecque primis diebus saepe renovanda, ut tanto certius inflammatio gravior avertatur. Denique, ut alia vulnera, melle vel unguento digestivo & balsamo vulnerario glutinatur.

V.

Sed quo facilius pateat, num quis fortè a cane rabioso illatus homini morsus sit; disquirendum ante omnia est, quibusnam notis rabiosus canis dignosci a reliquis canibus queat. Scilicet rabiosus utique canis est, qui linguam cum spuma ex ore protendit; caudam inter pedes condit; sine requie timidus huc atque illuc discurret; vox ipsi rauca est, dum latrat; & homines & canes quoscunque alios sibi obvios extimescit, nec non sine causa furit, nihilque non quod propinquum est, aut obvium ei venit, temere demorset, usque adeo, ut nec ipsius domini, cui blanditus antea semper fuit, personae parcat. Denique rabiosus etiam plerumque iste canis est, quo conspecto reliqui canes terrentur atque aufugiunt.

Quomodo
canis rabio-
sus dignosca-
tur.

VI.

Quoties igitur homines canis ejusmodi rabiosi morsu vulnerati sunt, gravia ut plurimum insequi mala consueverunt. Atque id ipsum quidem nunc citius, nunc tardius; pro insinuati in corpus veneni vehementia ipsiusque hominis demorsi habitu. Simulatque autem virus sese exerit, miro plerumque angore homines laesi corripuntur; mox gemitus continui, suspiria, febris doloresque acutissimi superveniunt.

Quae mala
ex rabiosi
canis morsu
proveniant.

VII.

Verum enim vero quum ex istiusmodi malis, ubi parum occursum est, aquae timor (hydrophobiam Graeci appellant) nono quasi plerumque

Malorum
hujusmodi
die prognosis.

Tom. I.

X

usum diuturnum sale condiuntur, ut pisces, carnes & aliae. Vid. Fabri, Weismanni & Castelli sive Brunonis Lexica. Verum a Celso, quem nullus horum auctorum adducit, in verbis his alio sensu adhiberi videtur. Nimirum pro aqua salsa, salsugine sive muria, qua pisces & carnes condiri solent. Nam ejusmodi liquores falsi, quia putredini resistunt, eamque & praecavent & tollunt, apte ac utiliter in inflammationibus, gangraena & ambustis adhiberi notum, & alias a nobis dictum est; ergo & nullum dubium eos & in his morsibus prodesse. Res vero ipsas sale conditas, ut haleces, asellos, carnesve &c. vulneribus applicare velle, absolum videtur.

die subnascatur, (*miserrimum genus morbi, in quo simul aeger & siti & aquae metu cruciatur, ac velut canis rabiosus furit mordetque, tandemque insigniter defatigatus exspirat (a)*); id sollicite mox prospiciendum semper est, ut, quae canis rabiosi morsu facta sunt, vulneribus quam festinantissime succurramus. Simulatque enim hydrophobia supervenit, in angusto spes est, & nihil plerumque aliud, nisi certissima desperatio, superest (*b*):

VIII.

De externa
vulnorum
bujusmodi
curatione.

Undenam igitur adversus malum usque adeo desperatum petenda salutis praesidia sunt? Scilicet multis ex vulgo praestantissimum remedium videtur, hominem vulneratum protinus, imo nec opinantem *in piscinam* non ante ei praevisam (*c*), vel & *in fluvium* aliquem aut *stagnum* projicere; vel saltem membrum laesum sub aquis identidem per aliquot dies aliquamdiu demergere; tum ex *rabiosi canis crinibus*, si qui forte obtineri possunt, super partem laesam deligare. His enim confectis & aliquoties repetitis, per vim quandam, quam *sympatheticam* vulgo appellant, tutum esse hominem a periculo existimant. Alii cum CELSO aegrum tunc demum in piscinam vel aquam injiciunt, *ubi aquae timor jam adest*, eumque interdum deprimunt, ut *vel invitus aqua satiatur*; hac enim ratione simul & sitim & aquae metum tolli asseverant. Contra vero expertissimi chirurgicae artis professores tantum non omnes hanc potius quasi *optimam ac tutissimam curandi viam* ingrediendam praecipunt, ut nempe vulnus, morsu factum, protinus *scalpello amplietur*, dehinc sanguis digitis probe exprimatur, postea vel *aqua salsa*, vel *aceto & theriaca* probe expurgetur, vel etiam *cucurbitula*, aliquoties rite admota, virus extrahatur (*d*), tandemque si pars laesa id permittit, ut quando solum cutis aut pinguedo, aut carnea pars vulnerata est, apto ferro candente probe aduratur, ustoque vulnerei ea superimponenda, quae ceteris ustis sunt. Atque hanc ipsam *curandi rationem*, tanquam communem, atque *adversus omnia vulnorum veneno infectorum genera valentem*, vir clarissimus AQUAPENDENS etiam
atque

(a) Neque tamen defunt istiusmodi exempla, ubi venenum tale per morsus corpori immissum per unum alterumve imo plures annos in eodem delituit, tandem vero praeter omnem spem atque expectationem subito cum teterrimo aegri hominis ululatu, furore, mordendique pruritu erupit. Ceu videre est ex iis, quae WEBSTERUS, scriptor anglus, in libro de magia hac de re exempla stupenda & notatu dignissima retulit.

(b) Legi de hoc morbo uberius merentur VERDRIES in lib. de aequilib. ment. & corp. circa finem; it. MARESCOTTUS in lib. de variolis pag. 57. ubi de hydrophobia agit.

(c) Hoc CELSI temporibus jam in usu erat: Lib. V. cap. 27.

(d) Notandum, quod, quia omnis fere morsus aliquod virus habet, etiam morsus canis non rabiosi eodem fere modo curandos esse.

atque etiam commendavit (a). Tametsi in ultimis his casibus solertissime semper dispiciendum prius est, num etiam telum sive laesionis instrumentum veneno inunctum fuisse certo constiterit, vel ex supervenientibus vehementioribus malis subitis colligi recte potuerit. Namque *ubi dubium adhuc est, venenatumne fuerit telum, nec ne*; paulo mitius, id est, sine igne & solum ratione praedicta, tractare hujusmodi vulnera convenit.

IX.

Chirurgorum alii in vulneribus venenatis, imprimis vero *canum rabioforum* aliorumque animalium venenatorum morfu factis, *venas profundas supra partem laesam firmiter deligant, vulnus scalpello ampliatum aqua salsa, vel aceto & theriaca probe expurgant*, adhibita etiam hanc in rem, si vulnus altum est, syringa quadam, tum ut tutum magis a periculo aegrum praestent, *vulnus*, si pars vulnerata id tuto ferre potest, *naviter adurant*: quum qui ignem experti non sunt, variorum iudicio furori ac rabiei nihilominus opportuni & ab aquae timore non satis tuti esse consueverint. Sed si pars laesa ignem ferre nequit, purgatione facta *theriacam vulneri solent applicare*, vel solam, vel aceto mixtam, emplastrumque de ranis cum mercurio aut simile quid super vulnus impone-
Altera curatio.

X.

KAEMPFERUS sane; vir & in arte salutari & in orientis regionibus, serpentium venenatorum valde feracibus, versatissimus, memoriae prodidit (c), *se se vulnera, serpentum, quam maxime pestiferarum, morfu inflata, felicissime semper curasse, idque sine igne*, quoties membrum supra vulnus deligaverit, ipsum autem vulnus crebro incisum, (vulgo *scarificatum*) expresso prius sanguine, theriaca probe inunxerit, facto-
Kaempferi methodus in serpentum moribus.
que ex ipsa emplastro quodam supra deligaverit, atque eandem simul aegro medicamento interni sudorem moventis loco exhibuerit, ita *ne- minem recens vulneratorum desideratum esse, & curationem semper feliciter cessisse*. Quam ipsam medendi viam, utpote simpliciore & faciliorem, ipso rerum usu comprobata, minusque ceteris dolorificam aut crudelem, quid obstat, quo minus nos etiam in curationibus ejusmodi chirurgicis ingrediamur?

X 2.

XI.

(a) In Operat. Chirurg. pag. 331.

(b) Vid. Celsus L. 5. cap. 27. n. 2.

(c) In Amoenitat. exotic. pag. 581. itemque in Itineribus suis in Chinam & Japan.

XI.

De aliis quibusdam curandi rationibus.

Sunt, qui theriacae loco *nucis moschatae oleum* super vulnus imponunt. Alii *bufonem*, eundemque vel vivum vel siccatum atque in aceto mollium, ad extrahendum ex ejusmodi vulneribus venenum insigniter proficere contendunt. Rursus alii *ophitem* sive serpentinum illum lapidem, *pedro del cobra* vulgo vocatum, serpentibusque Indicis quibusdam, ut nonnulli perhibent, innatum, miris laudibus extollunt. Hunc enim dicunt, vulneribus serpentum aut viperarum morsu factis impositum, *quicquid intus in carne veneni delitescit, extrahere, lactique immixtum protinus deponere* (a). Rursus alii sequens cataplasma super vulnus deligandum laudant. *℞. Cepae sub cineribus assatae & allii bulbum unum, theriacae fermentique panis valentissimi a ʒj. sinap. ʒβ.* Quae singula infuso aceto calido in formam cataplasmati probe conteruntur, vulnereque superimponuntur.

XII.

De reliqua vulnerum hujusmodi curatione.

Elapso die uno vel altero mel vel unguentum digestivum cum admixto ungu. aegyptiaco vel mercurio praecipitato rubro bis quotidie super vulnus deligandum est, quo scilicet illud per aliquot hebdomades vel per quadraginta circiter dies apertum conservetur, penitusque a veneno expurgetur. Cavendum enim sollicite semper hic est, *ne vulnera istiusmodi, praesertim quae usta non sunt, mature nimis glutinentur, praecclusumque sic intus venenum mala gravissima moveat.* Siquidem potissima felicitis curationis in hoc vulnere genere pars est, plagam, quoad fieri potest, diutissime apertam conservare: atque hanc ob causam etiam CELSUS his in vulneribus *ea medicamenta, quae vehementer exedunt*, commendat.

XIII.

Curatio interior.

Enimvero praeter externam curationem illam interna quoque *medicamenta*, eademque & roborantia & sudorem moventia, pro aegri hominis viribus aliisque rebus circumstantibus, ad expellendum virus crebro ingerenda sunt. Veterum quidam *post rabiosi canis morsum*, CELSO quoque autore (b), *hominem vulneratum protinus in balneum mittunt, eumque ibi*

(a) Conferendus hic est KAEMPFERUS in *Amoenit. exotic.* pag. 578: *seqq.* Quanquam ipse testatur, lapidem hunc nonnisi adversus *serpentium ictus* proficere. Celeberrimus autem VALLISNERIUS *lib. de generatione* pag. 141. memorat, nec ad curandos quidem viperarum Italicarum morsus satis vehementem ipsum deprehendi: ideoque ipsi minime fidendum esse.

(b) Loco saepe citato, n. 2.

ibi patiuntur desudare, dum vires corporis sinunt, vulnere aperto, quo magis ex eo virus destillet: deinde multo meracoque vino excipiunt, quod omnibus venenis contrarium est. Idque cum ita per triduum factum est, tutius esse homo a periculo putatur. Ceterum etiam haud alienum hic est, subinde haustum vini, itemque cochleare unum vel alterum boni aceti, in quo cocta salvia fuit, cum admixta theriacae portiuncula, v. gr. 5j. identidem dare, atque inter haec subinde infusum aqueum calidum scordii vel salviae propinare, aegrumque interdum vel in balneum mittere, vel in lecto ad sudorem disponere, idque per complures dies, quo largius desudare virusque emittere queat. Loco theriacae assumi per aliquot dies matutinis horis haud incommode quoque poterit valerianae radice drachma una: cujus, ut percepi, in ejusmodi casibus frequentissimus apud Italos hodie usus est; vel etiam gentianae radice, & quidem ex infuso vel vehiculo calido modo laudato. Sunt, qui pro theriaca vel spiritum aut sal volatile viperarum, vel ex cancro fluviatili combusto paratum pulverem, GALENI, BOYLIQUE exemplo, ita graviter commendant, ut neminem, venenato vulnere vexatum, istoc pulvere frustra usum fuisse affirmant. Neque vero inter recentiores desunt, qui vel scarabaeum majalem melle conditum ac tritum, vel triti scarabaei succum inprimis vehementem ad digerendum & expellendum virus esse contendunt. Alii cordis, hepatis, aut cerebri ex rabiosis canibus lupisque desumptum prorsus salutarem proponunt; quae vero varias ob rationes haud suadenda esse existimo. PARAEUS allium quoque valens admodum hic esse remedium asseverat, si saepius comedatur. Ceterum non ad firmandas solum corporis vires, sed ad supprimendam quoque veneni vim, egregie proficit vini generosioris usus moderatus in pastu, itemque succus citri aliorumque blandorum acidorum.

XIV.

Adversus viperarum, ferarumque rabiosarum quarumcunque ictum ea-
dem curatio commendanda est, quam supra (No. 9. & 10.) descri-
psimus. Scorpio ipse sibi pulcherrimum medicamentum est: quidam enim
contritum super vulnus imponunt; alii contritum cum vino bibunt (a), alii oleum
scorpionis in plagam instillant, eisque haec vulnera optime curari affir-
mant. Alii his nihil aliud, quam ex brachio sanguinem miserunt (b). Vete-
res in istiusmodi casibus Psyllis utebantur, id est, hominibus, qui san-
guinem ac venenum e vulnere absque noxa ac impune exfugebant (c),

X 3

illud-

(a) Celsus Lib. 5. cap. 27. n. 5. (b) Ibidem.

(c) Cujus quidem rei locuples testis CELSUS est Lib. V. cap. 27. n. 3. ubi ait: Venenum serpentis — non gustu, sed in vulnere nocet. Ergo quisquis exemplum Psyll-

illudque rursus exspuebant, non neglectis interim medicamentis aliis, tam externis, quam internis, supra memoratis. Denique in *apum* aut *vesparum* *ictibus* curandis longe optimum est, vel acetum cum theriaca, vel theriacam cum vini spiritu, vel bolum cum aceto super vulnus deligare. Quomodo gangraena, ex *equi morfu* orta, curata sit, videri potest in Observat. *Hildani*, Cent. II. Observ. 86.

li secutus, id vulnus exsuxerit, & ipse tutus erit, & hominem tutum praestabit. Illud interea ante debet attendere, ne quod in gingivis palatove, aliave parte oris ulcus sit.



PARTIS PRIMAE
LIBER SECUNDUS,
DE
OSSIIUM FRACTURIS.

CAPUT I.

De ossium fracturis universe spectatis.

I.

Fracturae nomine in universum intelligitur omnis solutio continui in osse, sive ea a causa interna, sive ab externa fuerit inducta; sive etiam haec causa externa telum fuerit acutum, sive obtusum aut contundens. Quemadmodum vero singulas eas laesiones *ossium vulnera* dicimus, quae per telum sive instrumentum aliquod acutum in ossibus fiunt; sic *ossium fracturas* proprie appellamus eas, quae per instrumentum quodcunque retusum ita inferuntur, ut ipsum os diffractum reperiatur. Itaque ossium fracturae contingere ut plurimum solent, quoties violentia quaedam externa partem aliquam corporis, ubi os est, vehementius affligit; hoc est, quoties homines graviter vel labuntur, vel incautius saltant; vel ligno, lapide, ferro aut alio forti telo percutiuntur, vel contunduntur; vel quando ossa per procidentia corpora gravia, cujusmodi tigna & lapides sunt; vel per ejaculatas quoque glandes plumbeas aliquanto vehementius urgentur, vel etiam per tela acuta discinduntur. Quanquam in promptu etiam istiusmodi exempla sunt, ubi ex interno quodam vitio, scorbuto scilicet, carie ac lue venerea, usque adeo friabilia fragiliaque facta corporis ossa fuerunt, ut vel ex levissimis etiam causis, qualis levis saltus vel cursus est, vel inter surgendum etiam, dum cubito vel pede niti voluit aeger, quasi sua sponte diffracta sint (a).

II.

(a) Heyne de off. morbis n. 29.

II.

Quotuplices
sint fractu-
rarum spe-
cies.

Ac plures quidem constitui hic *fracturarum classes* sive *species* poterunt. Siquidem primo *fractura* omnis vel *simplex* est, dum scilicet praeter ipsum os fractum nihil laesum fuit; vel *mixta* sive *complicata*, dum scilicet praeter ipsam fracturam vulnus aliquod, luxatio, profusio sanguinis, inflammatio, febris, spinarum eminentia, caries, aut gravior etiam contusio sive comminutio ossis simul adsunt; vel ipsum denique os pluribus in locis fractum deprehenditur, vel plura ossa simul franguntur. Praeterea ratione partium fracturae aliae sunt in calvaria, costis, vertebis; aliae in brachiis vel pedibus; aliae in medio osse; aliae circa extrema. Deinde aliae *fracturae transversae* sunt; aliae *obliquae*: utpote in quibus evenire haud raro solet, ut ossium fractorum aculei, spinae sive cuspides carnem & cutem omnem vel penitus perforant, vel juxta positas partes acriter pungant ac vexent, graviaque proin mala, dolores puta, inflammationes, tumores atque spasmos moveat. Tandem ad fracturarum classem *contusiones* pertinent atque *collusiones*; dum scilicet ossa per corporis alicujus gravioris illapsum sive impetum, trabem scilicet vel lapidem majorem, glandem plumbeam, vel ignariam disruptam; molarum denique curruumve rotas in particulas minimas comminuuntur.

III.

De ossium
fissuris.

Sed annumerari quoque haecenus recensitis ossium fracturis haud inepte poterunt *fissurae*, dum scilicet *ossa*, *qualiter in vitris fere usu venire solet*, propter *accedentem vim aliquam externam vel transversim vel secundum longitudinem finduntur*, sive *rimulam quandam agunt*. Quanquam autem chirurgorum plerique de istiusmodi fissuris, cum primis juxta longitudinem ossium factis, quasi ineptorum hominum figmentis, vel prorsus siluerunt, vel, ubi forte illas commemorarunt, nullam curandi rationem praescripserunt; nemo tamen, quod ego sciam, inter ipsos exstitit, qui fissurarum istiusmodi impossibilitatem invictis rationibus demonstrare potuerit. Siquidem afferre nihil aliud solent ac possunt, nisi quod nulla sibi unquam obtigerit hujusmodi fissurarum observatio. Ego vero quum evidentia prorsus laesionum hujusmodi exempla cum ipsis curandi artificiis apud auctores fide dignos (a) atque inprimis apud clarissimum illum Germanum chirurgum, FELICEM WURTZIUM (b), reperio, tantum abest, ut in dubium illas vocare ausim, ut potius subtiliorem ac solertio rem earundem investigationem cum indiciorum à WURTZIO suppeditatorum curiosa observatione, chirurgorum filiis commendatam velim. Qua de re vero inferius plura.

IV.

(a) Heyne de oss. morb. n. 29.

(b) In Chirurg. Part. II. cap. 28.

IV.

Explorari autem ossium fracturae haud difficulter possunt vel 1) ipso *Fracturarum* *cognitio quo-*
modo insti-
tuenda sit.
adpectu; dum scilicet laesa pars brevior quam sana esse, vel sic etiam comparata deprehenditur, ut vulneratus eadem niti prorsus nequeat: vel 2) *tactu*, dum scilicet praeternaturalem quandam ossis inaequalitatem aut flexilitatem persentiscimus; ubi tamen Chirurgis commendamus, ut tam in exploranda quam restituenda fractura aegrum, si fieri potest, mox in eum locum aut lectum collocent, ubi in ipsa curatione decumbere debet. Vel 3) *auditu*, dum nempe collidentium velut ossium strepitum percipimus, simulatque partem laesam tractamus aut dimovemus. Ceterum 4) fracturam aliquam contigisse, vel inde etiam cognoscimus, sive conjicimus, si quis forte insignem in corpore violentiam extrinsecus illatam expertus fuit. Tametsi 5) neque illud omitendum penitus hic videtur, longe facilius hiberno, quam alio tempore fracturas accidere solere. Denique 6) *in fracturis, potissimum transversis, contingere quoque haud raro consuevit, ut diffractorum ossium partes protinus in sedem pristinam sponte sua restituantur*, nullumque proin vel levem solum fracturae alicujus suspicionem praebeant. Igitur in ejusmodi casibus conjecturis prudentique judicio utique opus est. Quodsi enim aegrotus aliquis, post illatam corpori majorem aliquam violentiam, pedibus aut brachiis percussis vel prorsus non, vel difficulter admodum inniti potest; item si laesa ista corporis pars absque insigni dolore moveri aut contrectari nequit, vero utique simillimum est, fracturam aliquam contigisse. Sed quo minus fallax ipsa illa conjectura sit, fane neutiquam alienum erit, percussam istam corporis partem manibus comprehendere, eademque ab administro quodam hinc inde mota curiose advertere, num quis forsan strepitus, hiatus vel situs inaequalis sese prodatur. Quanquam ipsa illa commotio leniter admodum circumspéctaque fieri debeat.

V.

Ossium *fissurae* difficulter admodum cognoscuntur; siquidem nec visus, nec tactus, nec auditus, certum aliquod ipsarum indicium prae- *Quomodo fissurae cognoscantur.*
 bent. Atque haec ratio videtur, quare Chirurgorum plerique, observante etiam illud GOUVIO (a), decepti a fissuris istis fuerunt. Interim, si fidem habere iis volumus, qui hujus generis fracturas contingere nonnunquam posse, experientia nixi, statuunt; fane neutiquam omnino defunt signa, quibus explorari eadem possint. Scilicet fissuram aliquam factam in ossibus fuisse, illi proponunt, quoties, post illatam corpori in lapsu vel ictu paulo majorem violentiam, usque adeo graves dolores percipiuntur, ut laesa ista corporis pars nec tuto contrectari,

Tom. I.

Y

(a) Vid. GOUVEX *Chirurgie véritable*, pag. 79.

ctari, nec reliquas partes superiores sustinere valeat: item quoties ipsa magnopere intumescit, & haec mala remediis quibuscunque non cedunt. Praeterea mox inflammationes graviores, suppurationes, fistulas, itemque caries supervenire, fissurasque in aetate provectis quam juvenibus ob ossium fragilitatem ac rigiditatem frequentius contingere, jam jam laudati chirurgi contendunt. Ceterum undenam gravia ista mala proveniant, id sane conjectari haud difficulter poterit, simul atque fissuram istiusmodi naturam paulo curatius consideraverimus. Namque abesse vix potest, quin haerens in ossium sinibus vel fissuris cruor vel sanies putrescat, tandemque & medullam, partes vicinas & ipsum os fissum arrodant, atque sic praedicta mala producat.

VI.

De fractura-
rum malis
accidentibus

Ad *accidentia fracturarum mala* quod attinet, mirum quanta varia eadem esse consueverunt. 1) Pro ipsius partis diffractae, partiumque juxta positarum indole; item 2) pro fracturarum discrimine: siquidem fracturae obliquae, & eae, in quibus juxta positae partes ab ossium fragmentis quasi aculeis punguntur, longe graviores & periculosiores sunt fracturis transversis. Fissurae autem, prouti ex jam dictis liquet, ita plerumque graves sunt, quam quae vel maxime. Sed aestimari quoque porro 3) fracturarum incommoda possunt ex ipsarum partium, in quas diffractum os fuit, numero; nec non 4) pro fracturae in ossibus loco vel medio vel exteriori. Atque praecipua quidem fracturarum incommoda in eo potissimum consistunt, ut aegrotus membro diffracto neque niti neque uti valeat; ossis autem pars inferior a musculis contrahatur, ipsumque proin membrum ab altera parte brevius, contortum ac deforme appareat. Praeterquam quod periostrium, & venae vel arteriae in medulla non sine gravi fistularum vel cariei periculo disrumpantur. Et vero quoties per ossium diffractorum festucas vel cuspides nervi quidam vexantur vel compunguntur, dolores ut plurimum vehementes, convulsiones item ac inflammationes una cum febribus suboriuntur. Si quae forte venae vel arteriolae comprimuntur, sanguinis cursus haud leviter impeditur: adeoque mirum non est, si dolores, inflammationes, suppurationes atque gangraena, imo vero ipsa mors insequuntur. Quodsi autem nervus aliquis comprimitur; sensus plerumque illius partis amittitur, ad quam nervus ille transit, fereque semper tabes insequitur. Quin evenire quoque haud raro hic solet, ut sub ipsam fracturae glutinationem materia quaedam ossea, quam *callum* chirurgi dicunt, ex copiosiori ossium succo juxta fracturam excrescat, ipsumque adeo membrum insigniter deformet. Ceterum ubi fractura cum vulnere conjuncta simul est, sane propter laesas in eodem venas vel arterias grandiores abesse vix potest, quin gravior aliqua simul adsit sanguinis profusio.

VII.

VII.

In praedicendis fracturarum eventibus magna utique chirurgis opus est circumspectione. Neque enim prompta, facilis aut certa statim promittenda curatio est, ne, si ars victa malis fortuitis fuit, chirurgus aut fefellisse aut ignorasse videatur. Nescio enim, qui fiat, ut, qui rerum chirurgicarum imperitiores sunt, ossium fracturas in levissimis propemodum curatuque facillimis corporis humani noxis numerare soleant: quum tamen impossibile nonnunquam sit membrum aliquod fractum pristinae integritati atque elegantiae restituere, quantumvis etiam peritus atque excellens chirurgus accesserit. Igitur quando nunc leviores nunc graviores ossium fracturae sunt, prudentioris sane chirurgi est, praedictiones suas ita semper instituere, ut non fractae solum, sed juxta positarum quoque partium indoli, loco ossis fracti, malis supervenientibus, hominis item aegri temperamento sive habitui, aetati, rebus denique circumstantibus aliis quam maxime respondeant. Ubi tamen cavendum etiam atque etiam est, ne nimis facilem ac promptum in promittenda sanitate chirurgus sese praestet; ne scilicet malum aliquod inopinatum vel ex aegri quoque hominis culpa profectum ipsius negligentiae vel imprudentiae tribuatur.

VIII.

Ceterum peculiares quaedam commendandae hic chirurgis observationes sunt. 1) *Scilicet fracturae simplices ac recentes longe facilius curantur quam istae, quae cum vulneribus externis, luxatione, magna contusione, sanguinis profusione, carie, aliisque id genus malis gravibus conjunctae reperiuntur.* 2) *Fracturae pro diffracti ossis discrimine* nunc citius ac promptius, nunc tardius ac difficiliter curantur. Sic enim ossa tenuiora, qualia claviculae & costae sunt, inter diem vigesimum plerumque curantur; radius inter diem trigesimum; crus aut tibia, nec non humeri os triginta vel & quinquaginta dies ad curationem postulant. Denique os femoris vix ante quinquagesimum vel septuagesimum diem sanescit. Tametsi nec illud omitendum hic est, 3) *in hominibus sanis ac junioribus longe facilius ac citius, quam in aegris aut malo corporis habitu praeditis, aut aetate grandioribus ossa diffracta coalescere.*

IX.

Ubi vel nihil vel parum admodum ex nativa sede sua dimotum os fractum apprehenditur, longe profecto commodius reponi illud ipsum potest, quam ubi partes diffractae prorsus & multum a se invicem divulsae sunt. Sic longe quoque promptius fracturae transversae curantur quam obliquae. Similiter longe magis periculosae sunt istae fracturae, quae prope juncturas inferuntur, quam quae in mediis ossibus fiunt. Namque in istis non juncturae solum haud raro simul laeduntur, ut articulus rigidus evadat; sed liga-

menta quoque ac tendines semper fere una colliduntur, contunduntur, ac disrumpuntur, unde vehementes dolores, inflammationes, convulsiones, atque id genus alia incommoda, imo vero ipsa quandoque mors enascuntur.

X.

Quodsi forte bina ossa in uno eodemque corporis membro diffracta aut dissecta sunt, difficilior utique curatio est, quam si unicum modo os fractum fuit. Similiter sicubi os aliquod in plura fragmenta sive majora sive minora disiectum aut collisum fuit, abesse profecto vix ac ne vix quidem potest, quin facile gangraena & sphacelus superveniant, vel saltem curatio difficulter admodum tardeque procedat; ipsum autem membrum diffractum inaequabile post curationem fiat. Ut adeo prudentis chirurgi sit, hujuscemodi noxas imminentes vel ipsis aegrotis vel pro re nata aegrotorum cognatis in tempore indicare.

XI.

Ubi fracta ossa protinus reposita fuerunt, promptior & commodior curatio esse solet, quam ubi tardius eadem reponuntur. Igitur si tardius ad curandas fracturas chirurgus advocatur, non nisi tardiolem ipse difficilioremque promittere poterit & repositionem & curationem.

XII.

Quoties juxta fracturam partes nobiliores posita sunt, sane periculosa admodum, quin imo saepius lethales istiusmodi fracturae sint, necesse est. Cujus generis sunt fracturae cranii, propter cerebrum, quod juxta est; vertebrarum, propter medullam, quae in spina est; costarum & ossis pectoris sive sterni, itemque ossis ilei & pubis propter subjacentia in pectore atque abdomine viscera; denique etiam eae ossium fracturae periculosa admodum sunt, quibus venae vel arteriae grandiores annexae reperiuntur. Atque id quidem vel maxime tunc, ubi ossium cuspides sive partes fractae venam vel arteriam grandiolem vehementer urgent, quin imo perrumpunt. Namque hic fieri aliter vix potest ac solet, quam ut gravissima, quin imo, prout in humero femoreque perpetuum ferme est, lethales prorsus sanguinis profusiones suboriantur.

XIII.

Si ossium fragmenta sic a se invicem recedunt, ut ipsam carnem atque cutem perrumpant, tantum plerumque abest, ut in sedibus suis pristinis reponi, propter musculos, nervos, venas atque arterias interjacentes queant; ut potius gravissima mala supervenientia felicem curationem impediant; ipsumque proinde membrum, humerum imprimis, crus ac femur deformant ac debilitent, vel prorsus etiam corrumpant, ita ut saepe amputandum sit.

XIV.

Ut in reliquis morbis omnibus, sic in ossium quoque fracturis curandis

dis commodissima tempestas est, quae quam maxime serena est ac temperata, id est, neque nimis calida, neque nimis etiam frigida. Similiter in pueris ac junioribus longe felicius quam in senibus ossium fracturae sanantur. Si quae autem *feminae gravidae* fracturam aliquam accipiunt, plerumque non succedit curatio, donec scilicet foetum in lucem exposuerunt.

XV.

Quodsi forte in plura fragmenta diffissum os fuit, inflammationes, supurationes aut fistulae ut plurimum insequuntur, quae curari ante haud possunt, quam fragmenta soluta aut libera fuerint ejecta. Si quae autem fracturae a causis internis subortae fuerunt, ubi saepe caries ossis subest, longe plerumque difficilius, quam quae ab externa quadam violentia proveniunt, curantur, quin & prorsus quandoque insanabiles reperiuntur; nisi scilicet conjunctis iisdem morbus, caries nimirum, & qui hunc produxit, scorbuticus nempe; venereus vel hydropicus probe antea curatus, atque ita aegri corporis habitus penitus emendatus fuerit.

XVI.

Quoties per glandem ferream vel majorem plumbeam, paulo majus aliquod ossis fragmentum exscinditur, satius profecto videtur, alteram eandemque exterio rem membri collisi partem, quia glutinari cum altera ne utquam & vix atque ne vix quidem potest, protinus abscindere, quam aegrum per inanem & longinquam curationem debilitatum ipsius mortis periculo exponere (a). Quoties autem in ejusmodi casibus aliquanto minor ossis pars derasa fuit, glutinari quidem fragmenta, sed ita tamen ut plurimum solent, ut membrum brevius, aeger autem, si impede laesio est, claudus evadat.

XVII.

Si quid forte cruoris per fissuras illapsum in interiorē ossis sinum fuit, usque adeo gravia plerumque mala, caries nimirum sive spina ventosa, fistulae insanabiles, tabes ac sphacelus, insequuntur, ut vel amputandum membrum sit, vel homini decumbenti moriendum. Tametsi idem quoque usu venire tum solet, quoties in fracturis quibuscunque aliis cruor medullam corrumpit.

XVIII.

Ceterum quae in pedibus contingunt fracturae longe profecto peiores atque incommodiores illis sunt, quae in brachiis fiunt. Quemadmodum enim brachiorum vitia facilius conteguntur; sic e contrario illa, quae in pedibus sunt, longe plerumque magis conspicua, praesertim in viris, esse consueverunt. Neque enim claudicatio solum, sed mira quo-

Y 3.

que.

(a) HORSTIUS equidem in *Observ. med. Part. II. Lib. IV. Obs. X.* refert, hominem quendam post ablatum ex osse pedis fragmentum aliquod tres digitos transversos amplum, ita feliciter curatum fuisse, ut ne claudus quidem factus sit. Sed historia vera est, rara profecto istiusmodi exempla sunt.

que pedis deformitas ex crurum praesertim fracturis, enascuntur. Ut proin maxima ad ejusmodi fracturas felicius curandas sollicitudine opus esse videatur.

De fracturarum curatione.

XIX.

*De curati-
one.*

In curandis ossium fracturis id imprimis propositum chirurgus sibi habeat, ut fractum os rursus glutinetur. Quod ipsum quo felicius fieri queat, tria praesertim prospicienda videntur. Scilicet 1) ut *diffRACTUM os in situm naturalem restituatur*; id quod fieri solet cum extendendo, tum reponendo. Dehinc 2) ut ita repositum os non deligationis solum, sed quietis etiam beneficio *in ipso situ conservetur*. Denique 3) ut malis, quae haud raro superveniunt, vel occurratur vel succurratur. Quae quidem singula tum demum feliciter praestare chirurgus poterit, si ex anatomicorum doctrinis accuratissime didicerit, tum 1.) quomodo ipsa ossa comparata sint; unum, an plura in hoc vel isto membro deliteant; crassa, an tenuia; robusta, an spongiosa; aequalia, an inaequalia; unum, an plura simul fracta sint: tum 2) quinam musculi juxta sint; quam posituram quamque virtutem ipsi habeant: tum denique 3) grandioresne nervi, venae atque arteriae juxta sint. Namque haec penitus perspecta habere, ad feliciorum fracturarum curationem haud sane parum interest.

XX.

*De exten-
sione.*

Quoties ossa fracta in sedibus suis remanserunt, fane ad promovendam fragmentorum glutinationem non tam repositione vel extensione, quam potius apta deligatione opus est. Quoties autem a se invicem fragmenta recesserunt, extensione quadam utique opus est: quae ipsa tamen fragmentorum distorsioni nunquam non attemperanda est. Quo enim longius a se invicem dimota ossium fragmenta, quoque magis breviora, propter musculorum contractionem, ipsa membra reperiuntur, hoc magis quoque vehemens ad reponendum os necessaria videtur extensio. Sed ne quid tamen ipsa violentia mali aegro inferatur, quam mitissime fieri potest, singula debent confici.

XXI.

*Extensio quo
modo fieri
debeat.*

Extendi autem membra diffRACTA hoc fere modo possunt ac debent. Scilicet 1) continendus firmiter aegrotus est, ne extendenti cedere queat. Positura corporis ad extensionem accommodata pro rebus circumstantibus varia est. Interdum enim sessio vel in sella, vel in solo; interdum autem in lecto, vel mensa aut tabula cubatio commodior deprehenditur. Deinde 2) membrum diffRACTUM cum supra tum infra fracturam a ministro comprehendendum manibus est. Denique 3) exterior membri hujus pars ab illo ministro, qui inferiorem partem com-
pre-

prehendit, quantum ad reponenda ossis fragmenta sufficit, fortiter attrahenda est. At si nudae manus ad peragendam extensionem parum sunt, funis vel mantile applicandum, manibusque apprehendendum est, ut sic majori vi trahi queat: & si unius hominis vires ad hunc scopum obtinendum haud sufficiunt, bini vel plures adhibeantur necesse est. Interim cavendum simul magnopere hic est, ne nimis violenter ac ruditer, sed quam mitissime lentissimeque extensio illa instituat: ne scilicet aegrotus nimis doloribus praeter necessitatem discrucietur.

XXII.

Antiquiores medici, quoties, quod tamen rarum valde est, nec manus, nec funes, nec mantilia, ad extensionem sufficere existimabant, varia in promptu habebant instrumenta mechanica, quorum subsidio membra diffracta in sedem pristinam restituere satagebant. Spectant huc *trochleae* variae cum funibus, *scamnum Hippocratis*, atque plura instrumenta id genus alia, a chirurgorum principibus adinventata, passimque ab ORIBASIO, PARAEO, ANDREA A CRUCE, SCULTETO aliisque delineata. Verum enim vero, si accuratiores chirurgorum recentiorum auctoritatem atque observationes sequi voluerimus, non inaequabilis solum istiusmodi machinarum attractio, sed parum commoda quoque applicatio earum videtur; praeterquam, quod eaedem in bello aliisve in locis non semper praesto esse queant. Ut proinde mirum haud sit, machinas ejusmodi vel nunquam, vel saltem rarius hodie apud chirurgos adhiberi: atque id magis etiam ideo, quia in ipsis manibus, funibus atque mantilibus ad extendenda membra satis plerumque auxilium esse deprehenditur.

XXIII.

Ceterum peculiaris quaedam circa membrorum fracturam extensio nem observatio restat; nempe haec: Si qua forte paulo tardius, id est, tum demum ad fracturas curandas chirurgus accedit, ubi jam tum atque *inflammationes* graviores supervenerunt, tutissimum sanes est, extensionem tantisper differre, donec succursus istis malis fuerit. Neque enim sine acutissimis doloribus, convulsionibus, sphacellique periculo contrectari, comprimi atque extendi usque adeo graviter afflictae partes solent. Quodsi autem aliquanto mitiora adhuc ista mala fuerint, satius omnino pro avertenda graviore inflammatione videtur, quam primum extensionem illam suscipere.

XXIV.

Enimvero si graviores inflammationes jam adsunt, quae extensionem impediunt, hoc inprimis sibi datum chirurgus existimet esse, ut *leniendi inflammatione* quam diligentissime elaboret. Leniri autem inflammationes eadem prorsus ratione debent, qua digerendas esse contusiones supra proposuimus. (Cap. XV. Lib. I. No. 10. seqq.) Scilicet sanguis

guinis missione, alvi ductione, potu aqueo, ac forbitionibus, medicamentis item internis, inflammationi contrariis, fomentisque resolutivibus calide saepius applicatis. Quibus diligenter adhibitis remitti sensim sensimque inflammationes solent; ut post 24. horarum fere spatium elapsum suscipi ut plurimum membri extensio queat. Tametsi fomentis supra descriptis substitui haud incommode sequens illud etiam possit, magnae hic virtutis:

℞. Herbae scordii Mij. vel iij.
 ℥ae simplicis ℥bj.
 + vini ℥vj.

Quae simul per horae quadrantem probe decoqui, admixtisque salis culinaris unc. j. & nitri ℥β. identidem cum linamentis calida supra fractum membrum deligari debent. Ubi forte paulo vehementior inflammatio subest, ut altero die ossa fracta nondum componi possint, haec recensita medicamenta tantisper repetenda & continuanda, donec malum omne sublatum fuerit.

XXV.

De fragmentis, quae ossium repositionem impediant.

Evenire nonnunquam solet, ut difficulter reponi ossa diffracta, propter aculeos sive fragmenta, partes juxta sitas irritantia ac pungentia, queant. Igitur eximenda provide sunt istiusmodi fragmenta, si omnino soluta sunt, atque, ubi forte cum periostio adhuc cohaerent, forfice rescindenda. Neque enim facile cum reliqua ossis parte ipsa glutinantur, sed curationem potius impediunt. Quodsi autem paulo firmitus reliquis partibus eadem adhaerescunt, neque fractorum ossium restitutioni magnopere officiant, longe optimum erit ossa in sedibus suis ante omnia reponere, deligatisque solertissime laesis partibus fragmenta ista tantisper intus relinquere, donec vel per suppurationem quasi resoluta commodius ac sine vehementioribus aegrorum doloribus extrahi valeant, vel cum majori parte denuo concrecant. Denique ubi cum reliqua eademque praecipua ossium parte fragmenta ista firmitus adhuc connexa sunt, tantum abest, ut violenter inde extrahi debeant, ut potius in sedem pristinam, quoad licet, accuratissime restituenda sint. Siquidem tum glutinari eadem haud raro cum ossibus reliquis consueverunt. Quodsi vero hoc non faciant, ea, qua optime fieri potest, via tandem eximenda.

XXVI.

De fragmentis, quae e corpore prominentibus.

Quando aculei sive fragmenta ita longe prominent, ut reponendis ossibus impedimento sint; considerandum solerter est, num forte rursus reliquo ossi adunari queant, id quod inde cognoscimus, quando non nimis ab osse majori recesserint, nec multa caro interjecta sit. Ubi vero nec restitui nec ossibus reliquis adglutinari eadem possunt, vel

forci-

forcipis acuminatae pauloque firmioris subsidio (*Tab. VIII. fig. 1.*) decerpi, vel, ubi firmiora crassioraque sunt, subtilioris ferrae (*Tab. VII. fig. 9.*) adminiculo rescindi, quousque necessitas exigit, debent. Quibus confectis, proximum est, ut de fractorum ossium extensione ac restitutione cogitemus: quia his non ablatis restitutio & glutinatio saepe impossibilis.

XXVII.

Quodsi fragmenta illa sub cute adhuc delitescent, neque proin manibus apprehendi possunt, tentandum utique prius est, num manibus in locum naturalem restitui ea possint. Nisi enim reponi sic possunt, incidenda protinus ipsa cutis est, frustraue ejicienda.

De fragmentis, sub cute adhuc delitescantibus.

XXVIII.

Ad diffractorum ossium extensionem quod attinet, fieri eadem optime, ut supra jam (*No. 21.*) diximus, solet, si scilicet chirurgus extensionem a ministris partem manibus complectitur, tantisperque nunc extrorsum, nunc introrsum; nunc sursum, nunc deorsum, pro re nata vel comprimit vel pellit, vel leniter etiam huc atque illuc intorquet, donec scilicet fragmenta singula in pristinis suis nativisque sedibus reposita compareant.

XXIX.

Esse vero utique in sedibus suis pristinis reposita ossium fragmenta, id quidem vel inde inprimis cognoscitur, si scilicet dolores vel sublatis vel saltem valde imminuti, membra vero diffracta ejusdem rursus & figurae & longitudinis cum integris fuerint. Quae ipsa indicia si absunt, nondum satis reposita ossium frustra esse, non sine ratione conjicimus; ideoque extensionem ipsam, eadem prorsus ratione, tantisper continuamus, dum os penitus restitutum animadvertimus.

Quomodo cognoscatur, num fragmenta sint reposita.

XXX.

Ossium fragmentis ita jam repositis, proximum est, ut eadem in hoc ipso situ suo quam diligentissime conserventur, atque ita quam aptissime rursus glutinentur.

Cavendum, ne ossa reposita demum removeantur.

XXXI.

Quod ipsum quo felicius fieri queat, bina potissimum respicienda sunt: nempe 1) ut apta instituatur deligatio; itemque 2) ut membrum fractum in aptum situm reponatur. Ad deligationis apparatus fasciae pertinent, splenia item atque ferulae, eaedemque vel ex charta crassiori, vel ex ligno, vel etiam, si visum ita chirurgus fuerit, ex tenui cupro videlicet, orichalco, ferro, stanno vel plumbo constructae (*Tab. VIII. fig. 7.*) ex quibus tamen eae, quae ex ligno vel charta fiunt, commodissimae mihi videntur (a). Ipsa vero deligandi ratio haec est:

Quomodo fracturae deligandae sint.

Tom. I.

Z

Nem-

(a) Petitus quidem, clarus Chirurg. Paris. in libr. de fractur. ferulas rejicit, atque splenia earum vices abunde supplere posse existimat; quae vero mihi non ubique sufficere videntur.

Nempe fascia primo loco circa fractum membrum deligatur; tum splenia cum ferulis superimponuntur, firmiterque vel funiculorum vel fasciae adminiculo constringuntur. In quibusdam casibus canales etiam seu involucria ex charta crassa, ligno, metallove constructa; (*Tab. IX. fig. 9.*) quin alia quoque instrumenta necessaria esse consueverunt. Quorum peculiare quidem species brachiis, pedibus aliisque partibus applicandas infra recensuimus, ubi speciatim de fracturis tractabimus. Atque ex his simul illud apparebit, alias in simplicibus, alias in compositis fracturis usurpari debere fascias. Interim omnis hic instrumentorum apparatus non nisi eo spectat, ut nimirum ossa reposita tuto conquirere meliusque concretere queant. Adeoque mirum non est, parum plerumque feliciter eas curari fracturas, quibus, vel chirurgi, vel ipsius etiam aegroti culpa, vel apta deligatio, vel quies defuit.

XXXII.

Quid de
emplastris
habendum.

Etiam si vero nostrorum chirurgorum adhuc plerique, pro firmiori scilicet fragmentorum constrictione, *emplastrum* semper ante imponunt, quam fasciis membrum diffractum deligant; recentiores tamen iique praestantiores chirurgi emplastra quasi penitus supervacua imo saepe prorsus noxia hic rejiciunt. Praeterquam enim quod ipsa sine fasciis nihil efficiant, fasciae vero accuratius applicatae satis jam per se membrum diffractum contineant; id sane incommodi adjunctum solet esse emplastris, ut invisibilia cutis foramina obstruant, proindeque tumores, inflammationes, pruriginesque vehementissimas moveant. Ego vero, ut ne quid forte hic dissimulem, tantum abest, ut modo laudatorum chirurgorum sententiis repugnem, sed eis potius accedam, fracturasque tantum non omnes sine emplastris felicissime curari posse longo usu convictus penitus credam. Si qui tamen nihilominus emplastris uti voluerint, his ego auctor sim, ne nimis longa in deligationibus suis emplastra adhibeant. Neque enim membrum integrum ipsis involvendum, sed ita potius contegendum est, ut ad digiti vel pollicis amplitudinem nudum relinquatur: ne scilicet, si tumores insequuntur, sanguinis cursus impediatur, atque ita gangraena & sphacelus excitetur.

XXXIII.

De deliga-
tione.

Ante vero, quam de fracturis speciatim differamus, exponenda adhuc nonnulla breviter de deligationis apparatu hic videntur esse, quo plenius intelligi inferius proponenda queant. Atque ad *fascias* quidem quod attinet, sane quum palmarium curationis praesidium in iisdem situm videatur, id in primis prospiciendum est, ut praeter generales proprietates non justae solum longitudinis atque amplitudinis, sed ipsi quoque membrorum fracturum positurae diligenter ipsae adaptatae sint. In fracturis, quae sine vulnere sunt, binae semper adhiberi fasciae unius capitis, atque ita quidem debent, ut utraque circa partem laesam incipiat; altera post tres cir-

circuitiones ascendente, contrariis vero ductibus descendente, denuoque ascendente altera.

XXXIV.

Observandum hic est, *fascias*, quo vehementius constringuntur, hoc fir- *Fascia neque*
mius quoque laesam partem & fragmenta in situ suo naturali continere. Inte- *nimis arcta*
 rim quia fasciae nimis constrictae, sanguinis circuitu impedito, tu- *esse debet,*
 mores, inflammationes atque cancrum (gangraenam) excitant; con- *neque nimis*
 tra vero nimis laxae facilius sese una cum fragmentis remittunt; me- *laxa.*
 dia utique incedendum hic via est, prospiciendumque, ut mediocriter
 fasciae adstringantur. Cujus quidem mediocritatis optimum indicium
 hoc est, si scilicet *deligati membri pars extrema post aliquod temporis inter-*
vallum a deligatione leviter intumuit. Quodsi enim vehementius eadem in-
 tumuit, nimium quantum adstricta esse deligatio cognoscitur. Si nihil
 intumuit, laxam nimis fasciam esse intelligimus. Itaque hic leviter ad-
 stringendae, ibi leviter resolvendae fasciae sunt.

XXXV.

Splenia itemque *ferulae* pro ipsius fracti membri magnitudine confici *De splenis*
 semper debent, atque, ubi membrum inaequale est, ut in suris, ita *atque feru-*
 complicari splenia debent, sicut *Tab. IX. fig. 13.* indicat, ut te- *lis.*
 nuiolem partem expleant. Siquidem tum longe commodius ac firmitus
 applicari ferulae possunt. Ferulae ternis semper firmandae funiculis
 sunt, atque ita quidem, ut media pars primo semper loco, exteriores
 autem partes deinceps deligentur.

XXXVI.

Equidem in brachiis si fracturae sunt, longe optimum videtur, bra- *Quomodo*
 chium rite deligatum in fascia magna collum circumcingente, Galli *collocari*
Escharpe dicunt, suspendere. In pedibus autem si fracturae sunt, tum *membra fra-*
 isti vel stramineis lectulis, (*Tab. IX. fig. 5.*) quos Galli *Fanons* appel- *cta debeant.*
 lant, vel canalibus, (*Tab. IX. fig. 9.*) imponuntur, substratis pulvi-
 nari atque assere levigato, ab extremo pede ad femur usque extenso,
 pro commodiori videlicet pedis positura; ceu luculentius apparebit ex
 iis, quae infra de fasciis exposituri sumus. Atque istae quidem machi-
 nae, itidem ternis quaternisve funiculis circa pedem deligantur fir-
 manturque, ut nimirum hic quasi penitus immobilis conquiescat. Sunt
 in chirurgis nonnulli, qui *pulvinari* quodam hanc in rem utuntur, quod
 subter pedem ac fasciam firmiter deligant; ceu videre est apud SOLIN-
 GIUM (a). Alii canales quosdam ligneos adhibent, quales praeter modo
 laudatum SOLINGIUM SCULTERUS descripsit. Interim chirurgorum re-
 centiorum plerique fere omnes iidemque praestantiores lectulis ita di-
 ctis stramineis imprimis utuntur: siquidem hoc instrumenti genus non

Z 2

con-

(a) Vid. Edit. Amstelodam. Ann. 1698. Tab. 15. fig. 9.

continendis solum ossibus fractis aptissimum, sed paratu quoque longe facillimum deprehenditur. Adhiberi simul hic solet quaedam quasi *solea*, ex ligno chartave crassiori confecta, (*fig. 6.*) cujus adminiculo non plantae solum, sed ipsi quoque pedes contineri firmitus possint. Quae ipsa tamen ut ne forte pedum plantis molesta sit, peculiari quodam splenio molliori (*fig. 7.*) probe contegenda, perque funiculos (*aaa. fig. 6.*) lectulo stramineo adliganda est. Dehinc inferiori splenii hujus parti *annulus* quidam lineus funiculisque (*bb. fig. 8.*) instructus assuitur; pro calce scilicet libere sustentanda, ne, prout fieri haud raro solet, longinquior incubatio inflammationes, dolores, quin & graviora mala excitet. Ceterum non nullius quoque usus hic esse consuevit fascia binis capitibus instructa. Huic enim imponi calx, junctisque per futuram fasciae capitibus firmiter contineri potest. Sed ne qua forte tendo Achillis vehementius comprimatur, acutissimique proin dolores moveantur, sic condenda fasciarum capita sunt, ut alterum sub interno, alterum sub externo malleolo ponatur. Supra pedem arcus aliquis, ex dolii circulo (*a*), tympano vel modio paratus, constituitur, (*vid. Tab. IX. fig. 10.*) sic enim ipse non a stragulis solum non premitur, sed commodius quoque mantilibus panniculisque lineis aliis ejusmodi calefactis contegi potest atque foveri.

XXXVII.

Quomodo
aegrotus
traktari de-
beat.

Incubare autem in dorsum aegrotus debet, capite pedeque fracto mediocriter erectis, ne scilicet corpus facile descendat. Funiculus supra, vel in ipso lectuli tecto, vel in tigno firmandus est, quo apprehenso commodius semet ipsum erigere, si opus est, decumbens queat. Si qua autem *nimio sanguine aegrotus premitur*, protinus per venas ipsi detrahitur, ne scilicet graviora mala superveniant. Et vero Chirurgorum inprimis est, principio decumbentem quam saepissime visitare, curiosissimeque semper circumspicere, satisne firma atque apta deligatio adhuc sit, nec ne. Si quid enim turbatum reperitur, illud protinus reficiendum est atque reponendum. Si nimis constricta fascia videtur, relaxanda; si laxa nimis, firmitus ipsa constringenda est. Denique ad *victus rationem* quod attinet, eadem prorsus observanda hic sunt, quae superius in doctrina de vulneribus proposuimus cap. 1. §. 43. & seqq.

XXXVIII.

Quandonom
deligatio in-
servanda sit.

Deligatio prima nunc citius, nunc tardius, pro re nata, proque malis forte accidentibus, resolvitur. Namque ubi deligatio satis firma esse nihilque mali supervenisse animadvertitur, deligatio prima vix ante quintum vel octavum diem solvitur. Ubi vero inflammationes, tumores, dolores ac pruritus vehementiores suboriuntur, vel & ipsa deliga-
tio

tio nimis aut constricta aut laxa invenitur, ceu fieri haud raro solet, tum protinus ipsa demi atque cum alia commutari debet. In deligatione altera solvenda tertiaque applicanda idem prorsus ac in prima observandum est. Quamquam haud incommodum videtur, in deligatione tertia, nisi tumores adfuerint, paulo arctius fasciam constringere, atque ista ratione praecavere, ne quis forte *callus deformior* generetur, ossaque fracta tanto melius concrecant.

XXXIX.

Si quis autem casus aliquis obtigerit, ubi superius (No. 3. & 5.) memorata signa *fissuram aliquam significant*, sane longe optimum visum FELICI WURTZIO (a) fuit, super partem afflictam atque tumentem *emplastrum* suum ad fracturas, ac deinde ferulas in aliis fracturis adhiberi solitas (b) superimponere, aegrotumque hominem, ut per aliquot dies strenue conquiescat jubere; ita tumorem brevi dissolutum iri. Ubi tumor aliquanto grandior atque mollior adsit, humorem aliquem intus collectum, laesumque corporis membrum incisioni opportunum esse observavit. Igitur facta incisione ejici humores istos corruptos debere, turundamque unguento suo fusco illitam in vulnus immitti, supra datis, ut in fracturis cum vulnere conjunctis solemne est, fasciis. Contra vero unguenta, cataplasmata, fomenta atque balnea, si quidem WURTZIUM audimus, nihil quicquam ad hoc malum tollendum efficiunt; quin potius illud in deterius convertunt. Etenim collecta intus materia putrida partes subjectas & potissimum ossa sensim arrodit, cariem malaque gravissima concitat. Quae tametsi arthritidi sive catarrhis ut plurimum tribuantur, saepius tamen ab istiusmodi ossium fissuris eos provenire docet. Si qui sint, qui plura hanc in rem disputata legere cupiunt, his ego auctor sim, ut saepius laudatum WURTZIUM consulant *Part. II. Cap. 28. pag. 381. edit. Basil. Ann. 1687.* Fissuras recentiores vel solis fasciis curari posse, GOUERUS statuit (c).

(a) In Chirurg. sua, pag. mihi 382.

(b) Emplastrum illud ita paratur: *℞.* Resinae purioris candidaeque libras duas, terebinthinaeque vulgaris semilibram, leni igne una liquefiant, injectoque dein radicis ulmariae pulveris tenuioris unc. iv. tantisper bene subigantur, donec modice frigeant. Sic enim confectum emplastrum est. Quod ubi linamentis vel corio inducere voluerimus, aqua fervida prius infundenda est; ita hoc facile fieri potest. Ceterum mirae admodum emplastro huic virtutes ab auctore tribuuntur pag. 320.

(c) *Veritable Chirurgie*, pag. 86.

C A P U T II.

De fracturarum accidentibus, sive symptomatibus.

I.

Si adjunctum fracturae vulnus est.

SI quod forte adjunctum fracturis vulnus est, illud ipsum, repositis prius ossium fragmentis, eodem fere modo tractatur, quo vulnera quaecunque tractari debere supra declaravimus. Scilicet primum est, ut vel vino calido, vel vini spiritu, vel aqua falsa vulnus expurgetur; proximum, ut linamentis carptisque iisdemque siccis, pro sistendo sanguine, illud impleatur; tertium, ut digestivo unguento foveatur; ultimum, ut balsamo vulnerario tantisper illud inungatur, dum penitus glutinatum sit (a). At vero, quia in fracturis, pro expurgando vulnere, quotidie resolvi deligatio, ipsum autem membrum dimoveri haudquaquam debet; sane quo longiores fasciae sunt, hoc magis etiam in deligandis huiusmodi fracturis alienae reperiuntur esse; praesertim si in femore vel tibia fracturae fuerint. Quum enim in circumducendis fasciis illis fieri aliter nequeat, quam ut pedes eleventur, periculum profecto est, ne ossa fracta iterumque conjuncta in situ suo nativo iterum turbentur, parumque eleganter glutinentur. Itaque mirum non est, chirurgos praestantissimos his in fracturis penitus ab ejusmodi fasciis longioribus abstinere, harundemque loco *fascias octodecim capitum* sive quaedam quasi fasciarum volumina (*Tab. IX. fig. 4.*) in his casibus adhibere: Siquidem istarum subsidio non in quiete solum conservari, sed & probe deligari pedes diffracti possunt. Simulatque vero glutinatum vulnus est, sed nondum os fractum, maxime opportunum est, rejecta fascia 18 capitum, partem fractam fasciis simplicibus angustioribus ac longioribus deligare, donec penitus glutinata ossa reperiuntur. Sed ista quidem singula luculentius apparebunt ex iis, quae de fasciis inferius proponenda sunt.

II.

Si fractura cum ulcere.

Ita si cum osse fracto, praesertim in tibia aut femore, ulcus adesset, sed sine carie, quia hoc quotidie quoque deligandum est, ut vulnus, eodem etiam modo, facta prius ossis fracti restitutione, ut modo docuimus, pars fascia octodecim capitibus deliganda, donec illud glutinatum sit. Postea vero quando glutinato ulcere os nondum consolidatum est, omissa fascia 18 capitum parti fractae simplices fasciae angustae nimi-

(a) Si qua sanguinis profusio suborta fuit, tum eadem prorsus ingredienda curatio via est, quam supra in doctrina de vulneribus proposuimus.

nimirum & longae, ut in simplicibus fracturis usu venit, injiciendae, sicut modo in fractura cum vulnere docuimus.

III.

Interdum fractura contingit in loco ossis, ubi jam *ulcus* & *caries* ali-^{Si cum ca-} quamdiu adfuerunt; cujus vero curatio ut plurimum difficillima, imo^{rie.} quandoque impossibilis videtur. Pauci admodum scriptores chirurgici, quomodo haec mala rite curanda sint, proposuerunt. PETITUS quidem casum proponit *de tibia fracta, cui caries juncta erat*: verum enim vero hic casus, dum de aliis filet, totum hoc argumentum, ut mox dicam, non absolvit. Interea tamen pro exemplo fervire potest, quod in similibus casibus imitari queamus, donec perfectiora obtineamus. Nimirum juvenis erat viginti fere annos natus, cui media tibia, ubi jam antea *ulcus* & *caries* aderant, frangebatur, fibula adhuc remante integra. Adeoque in curanda hac fractura extensio ad ossa fracta reponenda non erat necessaria; verum PETITUS primo omnem carnem vitiosam, quae juxta fracturam erat, refecabat, atque ossa fracta digitis in ordinem redigebat, *ulcus* linamentis siccis replebat, spleniisque & fascia 18 capitum, ut alias in fracta tibia cum vulnere fieri solet, deligabat, pedemque in lectulum stramineum quam solertissime reponebat. Post aliquot dies, ubi febris, quae principio aderat, conquievit, extrema ossium fractorum carie obsessa ferro adurebat, postquam terebra ea, quam Galli *Trepan exfoliatif* appellant, partem cariei abstulerat; deinde linimenta tinctura aloës succida ossibus nudis injiciebat, carnibus vero primo unguentum digestivum & postea unguentum fuscum ad carnem luxuriantem hic valde noxiam reprimendam: atque hoc per 50 dies continuabat, donec corrupta pars ossis a sano recedebat. Denique carnem novam ope balsami vulnerarii producebat, ac tandem more consueto & *ulcus* & ossa glutinabat.

IV.

Longe vero difficilior est casus, si *ulceri cum carie in osse femoris fractu- Frañum fe-* ra supervenit, qua de re nihil apud PETITUM in libro de fracturis invenio.^{rum cum} Ego vero studiosum novi, viginti circiter annos natum, qui a pluribus^{carie.} annis *ulcus* cum *caries* in media fere & interna femoris parte, ubi arteria cruralis descendit, gestabat. Caries propter carnem hic crassam in conspectum non prodibat, neque ob vicinam magnam illam arteriam *ulcus* scalpello ampliare aut os adurere licebat, atque sic omnia medicamenta, quaecunque adhibebantur, nihil efficiebant. Tandem inter prodeambulandum sine ulla fere vi externa femur hoc in loco laeso frangebatur. Rursus vero hic neque vulneris ampliatio, neque ossis adustio ob rationes dictas institui poterant: & quamvis quidem os

repo-

(a) Lib. de morb. oss. Tom. II. p. m. 270. & seq.

reponeretur & fascia deligaretur, tamen nullam glutinationem admittebat, & aeger miseram vitam trahebat. Cogitandum igitur adhuc serio erit de modo hujusmodi fracturas in femore, brachio & aliis partibus, ubi ossa non patent, neque tuto denudari possunt, curandi. Quod vero magis optandum quam sperandum videtur.

V.

De callo.

Equidem chirurgus in curandis ossium fracturis satis suum officium fecisse censendus est, sicubi diligenter eadem reposuit, atque, ne de novo forte dimoverentur, sollicitè cavit. *Fragmentorum enim glutinationem ipsa natura perficit*, dum *callum* aliquem fracturae inducit. Scilicet ex ossium fractorum arteriis & fibris osseis quaedam quasi *gelatina*, id est, materia liquida & viscosa, exsudat, inque ipsis rimis quasi gluten aliquod haerescit. Haec primo in cartilaginem, mox autem in massam aliquam duriores cartilagineam, ac tandem osseam conversa usque adeo firmiter ossium fragmenta inter se invicem conjungit, ut citius saepe quaevis alia ossis pars integra, quam callus ejusmodi frangatur: eodem fere modo, ut in asseribus ope glutinis fortioris junctis haud raro fieri observamus.

VI.

Callus subinde excrevit.

Ut vero in vulneribus recens caro, sic in fracturis callus nimium quantum subinde excrevit, proindeque inaequabilem ac deformem corporis partem illam reddit. Quod ubi forte accidit, atque impediri amplius non poterit, mature indicari aegrotantibus debet, ne in chirurgum deformitatis culpa devolvatur. Neque enim impediri aut praecaveri semper potest, quo minus ejusmodi callus justo largius excrecat; nec, ubi jam excrevit, quasi caro luxurians excindi potest, ob varias easque graves rationes, adeoque jam factus fere insanabilis est.

VII.

Quomodo illud praecavendum sit.

Sed *praecaveri* tamen aliquo modo potest, *ne nimium callus supercrescat*; si nempe fasciae paulo arctius constringuntur, spirituque vini rectificatissimo identidem imbuuntur. Sic enim materia ista viscida non solum reprimitur, sed & quam aptissime induratur. Quod ipsum observari in primis in virorum tibiis, feminarumque brachiis debet: siquidem istae corporis partes praeceteris in conspectum veniunt. Si qui vero induratus jam callus fuerit, tum vix ac ne vix quidem medicamentum aliquod suppetit, quo tolli aut reprimi commode is valeat. Interim non desunt, qui callum supereminentem reprimi feliciter posse statuunt, modo emplastrum de ranis Vigon. cum mercur. injiciatur, laminaque plumbea supra deligetur. Ceterum *callus ejusmodi nunc citius, nunc tardius pronascitur, pro diversa scilicet ossium diffractorum magnitudine*, corporis habitudine, aëris temperie, hominis denique ipsius aetate. Quin & ubi paulo tardius increfcere callus animadvertitur, haud alienum chirurgorum quibusdam

visum fuit, ad promovendum calli incrementum, *osteocollae* drachmam dimidiam aegrotis identidem ingerere.

VIII.

Vehementiores autem *prurigines* praecaveri commodius haud possunt, ^{Quid adversus pruriginem valeat.} quam ubi medicamenta quaevis pingua, oleosa, proindeque ipsa etiam emplastra removentur. Namque isthaec omnia sic plerumque comparata sunt, ut corporis nostri insensilia foraminula penitus obstruant. Si qua autem forte prurigo jam tum supervenisse deprehenditur, longe optimum erit partem illam, quae prurigine vexatur, vino calido, vel oxycrato, vel etiam spiritu vini abluere, linamentisque quam purissimis mollissimisque deligare. Vesiculae ubi adsunt, forficis adjumento ipsas incidere convenit.

IX.

Inflammationes eadem ratione tractantur, quam supra (Lib. I. cap. 15.) ^{De inflammationibus, doloribus & convulsionibus.} De inflammationibus, doloribus & convulsionibus. proposuimus. *Doloribus* autem & *convulsionibus* ut mature succurratur, non ea solum diligenter observanda sunt, quae supra ad vulnereum curationem praecepimus; sed & vel maxime illud semper providendum, ut fragmenta ossium quam accuratissime reponantur; &, si qua forte soluta sunt, eximantur; ipsa vero membra quam commodissimo situ collocentur. Longe optimum quoque hic est, sanguinem per venas detrudere, cataplasmataque digerentia atque sacculos ex vino vel oxycrato decoctos superimponere; non neglectis interim medicamentis internis circumspectaque victus ratione: utpote sine quibus vehementes saepe inflammationes & sphacelus atque adeo ipsa mors excitari haud difficulter possunt.

X.

Quodsi *inflammationes* usque adeo graves sunt, ut laesum corporis ^{Quomodo gangraenae succurratur.} membrum gangraenae opportunum sit, primo sanguis mittendus, ac deinde fascia octodecim capitum pro fasciis longis simplicibus applicanda una cum fomentis digerentibus, quae vel ex aqua calcis & spiritu vini camphor. cum ess. aloës & myrrhae; vel ex spiritu vini camphorato & sale ammoniaco, vel ex medicamentis supra (a) commendatis, confici ut plurimum solent. Quodsi autem ipsa gangraena jam tum supervenit, scarificationibus atque incisionibus crebris opus est, ad humores stagnantes emittendos, non neglectis interim fomentis antea commendatis. Ubi vero altius jam istiusmodi gangraena insedit, quam ut fomentis curari possit, & sphacelus jam accessit, amputandum protinus membrum illud corruptum est, ne pars sincera trahatur, aut alia membra integra simul corrumpantur.

Tom. I.

Aa

XI.

(a) De fracturis cap. I. No. 24. itemque in capite de contusionibus.

XI.

De sanguinis profusione.

Si qua *gravior sanguinis profusio fracturis adjuncta* est, investigari solertissime vena ista sive arteria disrupta debet, ipsumque sanguinis profluvium vel per compressionem, ope linamentorum, spleniorum & fasciarum quam aptissime applicatarum; vel per medicamenta sanguinem sistentia, alias commendata; vel per vasis laesi & sanguinem fundentis idoneam ligaturam; vel denique per ferrum aliquod candens, qualiter superius circa vulnerum curationem Cap. II. docuimus, diligenter cohiberi. Postea demum ossa fracta componenda, peregrina, quae facile haberi possunt, eximenda, & pars laesa deliganda.

XII.

De paralyfi ac tabe.

Si quae autem *nervorum resolutio* vel *tabes* fracturam insequitur, sane spes in angusto est. Interim haud quaquam alienum hic videtur, partem istam laesam 1) panniculis calidis saepe & gnaviter fricare, 2) spiritibus fortioribus, qualis est spir. formicar. lumbricor. matricalis, C. C. sal ammoniac. cfl. euphorb. castor. aliisque identidem inungere; dehinc 3) fomentis calidis itemque balneis ex vino herbisque corroborantibus, aromaticis ac nervinis confectis, vel thermis naturalibus fovere. Denique 4) longe quoque optimum hic esse solet, partem illam resolutam, rigidam vel tabescentem recens laniatis atque adhuc calentibus animalibus, bobus nempe, aut vitulis, aut porcis, aut canibus subinde immittere. Siquidem ista ratione sanguinis spirituumque animalium in partem laesam influxus haud parum promovetur, & quasi postliminio restituitur. Idque magis etiam tunc, ubi interna quoque medicamenta nervina ac roborantia diligenter assumentur.

XIII.

Si junctura quaedam riget.

Quoties articulus aliquis aut commissura ossium riget, haerensque in illis materia vitiosa jam tum indurata deprehenditur, quod vitium Graeci *Anchylosin* vocant, sane, si ex diffractorum ossium succo, in articulum effuso & concreto, eadem provenit, difficulter admodum curari malum istiusmodi poterit. Quodsi autem rigor iste vel ex longinquiori quiete, vel & ex humoris, qui ossium articulos lubricos efficit, inspissatione subortus fuit, haud omnino incommodum fuerit, fomentis balneisque crebrioribus emollientibus, ac praesertim thermis naturalibus partem istam rigidam fovere, oleis, pinguedinibus animalium, vel unguentis emollientibus saepius probe fricare, admotisque manibus huc atque illuc movere vel inflectere, donec naturalis mobilitas penitus restituta sentiatur (a).

XIV.

(a) De Anchylosis curatione vid. Observationes recentiores in DRANII Obs. 93 & 94.

XIV.

Saepius in uno eodemque membro praeter ossis fracturam luxatio quaedam *Si simul subest.* Quod ubi incidit, quicquid luxatum est, primo loco; quicquid *luxatio adest.* autem fractum est, deinceps reponere convenit, iustaque ratione utrumque deligare. In nonnullis casibus, id est, quoties fractura ipsis ossium capitibus sive juncturis propior est, ut nec apprehendi, nec proin satis extendi os illud luxatum queat, satius utique videtur, fragmenta prius reponere, ea probe deligare, diligenterque glutinare, quam luxationi succurratur. Quanquam illud prospiciendum hic solertissime est, ut spiritus vini, vel spiritus vini camphorati, vel & aceti calefacti superadditi beneficio membrum luxatum a tumoribus atque inflammationibus immune interim conservetur. Diffiteri equidem haud possum, istam hanc curandi rationem non omnino perpetuam esse, luxatasque istiusmodi partes restitui postea saepius nullo artificio posse; interim, quia nulla commodior suppetit, haud sane est, quod rejicere illam sustineamus: maxime quum in promptu sint apud auctores istiusmodi exempla non pauca, ubi membra luxata post aliquot demum menses, vel post integrum quandoque annum feliciter adhuc restituta fuerunt.

XV.

Quodsi autem membrum aliquod diffractum propter vel chirurgi negligentiam, vel ipsius decumbentis imprudentiam aut inquietudinem, sic *Quomodo membra post glutinationem indecora* glutinatum fuit, ut *deforme admodum atque indecorum* appareat, vix alia *denuo frangenda sint.* ut plurimum restituendae elegantiae via est reliqua, quam ut ipsum os, in qua parte glutinatum fuit, a robustioribus quibusdam hominibus violenter extendatur, distrahatur, atque sic denuo frangatur, quo scilicet accuratius postmodum reponi glutinarique idem possit. Quanquam iterata istiusmodi fracturarum curatio egregiam prorsus circumspeditionem postulat. Quoties enim vel minor deformitas ac molestia subest, vel induratus jam tum callus, vel denique aegrotus aetate grandior atque infirmior est; sane non insigniter tantum molesta, sed & quandoque periculosa hujusmodi curatio esse consuevit; adeoque tunc rectius intermittitur. Contra vero ubi tenerior adhuc callus est, aeger autem & junior & robustior, re probe considerata haud prorsus aliena videtur, quae pristinae ossium figurae restituendae impenditur opera. Interim ista necessaria hic videtur observatio, antequam haec curatio suscipitur, nempe ut callus per aliquot dies continuos balneis, fomentis, unguentis atque emplastris, quae digerunt & emolliunt, probe antea inungatur; ossa autem diffracta quam accuratissime reponantur, deligentur & foveantur (a).

Aa 2

CAP.

(a) ZWINGERUS in *Theatro practico cap. de fractura* scribit, callum juniorem spatio semestri, per emplastr. de ran. Vigon. cum mercur. inter decimum quartum diem commode satis digeri, ipsumque os fractum reponi deinceps posse: id quod credere vix possum, atque uberiori experientiae adhuc committendum esse censeo.

C A P U T I I I.

De ossium fracturis speciatim.

I.

*Nexus atque
instituti ra-
tie exponitur.*

Posteaquam de ossium fracturis universim consideratis haecenus exposuimus, proximum est, ut speciatim quoque de iis differamus. Ac de fracturis quidem, quae in capite contingunt, incipiemus. De cranii autem fracturis supra jam tum diximus, ubi de capitis vulneribus Cap. XIV. tractatum fuit. Igitur ad alias statim fracturarum species nunc progredimur.

De naso fracto.

II.

*De naso
fracto.*

In naribus vero & ossa & cartilago frangi solent, & quidem modo adversa, modo a latere; lapsu praesertim vel ictu, nunc utraque, nunc alterutrum; id quod vel visu vel tactu facile dignoscitur. Nam si adversa fracta sunt, alterumve ex his, nares desidunt & difficulter spiritus trahitur. Si a latere os fractum est, is locus cavus est: si cartilago, in alteram partem nares declinantur (a). Interdum fractura sine vulnere; sed multo saepius cum externo cutis vulnere conjuncta esse adsolet. Si qua autem paulo gravior laesio facta fuit, vix ac ne vix quidem ita curari fractura haec poterit, ut ne narium aliqua deformitas superstes maneat. Imo propter viciniam cerebri, simul saepe laesi, periculosissima saepe esse solet haec fractura. Ceterum caries etiam, ozaena item aut polypus haud raro eam insequuntur; quibus ipsis vel odoris sensus, vel loquendi etiam spirandique facultas haud parum impediuntur.

III.

*Quomodo
reponenda
sint narium
ossa.*

Sed quo facilius diffracta illa narium ossa in sedem suam reponantur, adversa luce collocandus in sedili quodam aegrotus est, ipsumque caput vel a ministro quodam retro continendum, vel in lectulum aliquem aeger reclinandus. Dehinc chirurgus aut specillo subjecto, aut spatula, aut calamo scriptorio depressas partes excitet; applicatis extrinsecus duobus digitis, praesertim pollice, manusque alterius indice. Si utrinque diffracta narium ossa sunt, tum ab altera quoque parte eodem prorsus modo elevanda extusque compellenda sunt fragmenta: & ne rursus desideant, utraque naris linamentis, in longitudinem implicatis, aliquamdiu implenda sunt: quae ossa & cartilaginem desidere non

(a) Haec accurate jam CELSUS ita descripsit L. VIII. cap. V.

non sinunt, superimposito emplastro aliquo, & his, quae recentibus vulneribus accommodata sunt. Quodsi plura erunt fragmenta, nihilo minus intrinsecus singula in suas sedes digitis erunt compellenda; at, si quod fragmentum undique resolutum cum ceteris haud facile glutinabitur, hinc vulsella extrahendum.

I-V.

Sic ubi vulnus aliquod externum simul adest, compositis ossibus, deligari illud ipsum initio linamentis carptis hisdemque siccis debet, superinjecto emplastro vulnerario: postea autem injicienda medicamenta balsamica, cujusmodi quidem est ungu. digestiv., essent. aloës, myrrhae, succin. mastichis. Pinguia atque oleosa omnia hic & ubicunque ossa laesa, diligenter evitanda sunt, quia his valde aliena. Ubi vero nulum in cute vulnus externum adest, emplastrum modo superinjectum continendis narium ossibus sufficiet. Atque sic nisi abscessus vel caries supervenit, glutinari ut plurimum post quatuordecim dies fracturae istiusmodi consueverunt. Interim quandoque munimentum aliquod simplex vel duplex ex crassiori ac firmiori charta confectum, spleniis intus obductum, ipsique naso accommodatum (*Tab. VIII. fig. 8.*) ubi opus esse videbitur; ad latera nasi applicari fasciaque quatuor capitum, sed leniter tamen firmari potest: ceu luculentius ex infra dicendis, ubi de fasciis acturi sumus, constabit. Ante vero quam emplastra & fascia superimponuntur, injici intus tubulus quidam argenteus vel plumbeus, aut calamus etiam scriptorius, in quamvis narem laesam a quibusdam, ad spirandi facultatem conservandam, solet; (*Tab. II. litt. P. & Q.*) quibus ipsis una cum narium osse firmitus continendis vel quatuor capitum fascia; vel peculiaris quidam funiculus vel ligula vittae alligatus, inservire potest. Quanquam in chirurgis recentioribus haud desunt, qui, spleniis, fascia & emplastro exceptis, apparatus istiusmodi omnem, utpote supervacaneum, imo noxium magis quam utilem, penitus omittendum esse proponunt; praesertim cum aegri tubulos illos, imo haud raro nec ipsas turundas in naribus ob irritationem aut spirandi difficultatem ferre non possint, atque hujus partis ossa semel restituta haud adeo facile, ut vulgo putarunt, e sede sua rursus dimoveantur.

Quomodo
vinctura in-
stituenda sit.

C A P U T I V.

De maxilla fracta.

I.

Quae sit
maxillarum
fracturarum
conditio.

Maxilla inferior paullo rarius reliquis ossibus frangitur: quotiescunque tamen id contingit, vel utrinque, vel ab altero tantum latere, atque ita quidem ut plurimum frangitur, ut fragmenta non nisi parum se invicem recedant. Musculi enim ejus sic omnino comparati sunt, ut parum diduci haec ossa per eosdem valeant. Sed tamen quo gravior ex ictu lapsive inflictæ injuria est, gravius hoc etiam collidi aut comminui longiusque dimoveri ex nativa sede consueverunt.

II.

Quibus si-
gnis maxil-
lae fractura
cognoscatur.

Atque harum quidem ubi ossa dimota sunt, fracturarum quam maxime expedita cognitio est. Neque enim visus tantum, sed & imprimis tactus evidentissime statim hic demonstrat, quid forte in maxilla dimotum, item num turbata pristina dentium positura sit. Praeterquam quod vehementiores aegrotorum dolores, imo & quandoque convulsiones, haud incertum diffracturarum maxillarum indicium subministrare soleant. Quod si vero frustra dimota non sunt, difficilius longe ea cognoscitur.

III.

Maxillae
ossa quomodo
reponenda
sint.

Maxillae autem fractura isto modo detecta, id prospiciendum protinus est, ut ubi ossa dimota ea in sedem suam rite reponantur. Igitur in sedili quodam commodiori adversa luce collocandus aeger est, ejusdemque caput firmiter ab adstante ministro continendum. Dehinc pollex vel index alterius manus chirurgi in os immittendus, altera vero manus extrinsecus admovenda, harundemque adjumento tantisper utrinque compellenda maxillae fragmenta, donec in pristinam sedem suam reposita esse ex accurato dentium situ cognoscuntur. Si qui vero *dentes simul resoluti vel saltem labefactati* reperiuntur, haud incommodum erit, in sedem suam, si nihil obstat, istos mox reponere (a), filoque aureo, argenteo, vel cerato etiam iis, qui juxta sunt, alligare: sic enim firmari haud raro iidem consueverunt. *Sicubi ab utroque latere fracta maxilla est*, tum aliud ex alio latus, sed eadem prorsus ratione, debet restitui. Quod ipsum quidem hoc felicius fieri semper solet, quo magis perspectam ex anatomicorum doctrinis nativam maxillae posituram habueris. Quando vero frustra e sede sua non recesserunt, repositione quoque non indigent.

IV.

(a) GOUVEUS quidem hoc dissuadet, existimans, hoc ipso ossa restituta rursus dimoveri: sed praeter alios TURNERUS in sua Chirurgia exemplum refert, ubi hoc feliciter factum est, itemque DRANIUS Obs. Chirurg. III. Tom. I.

IV.

Offibus repositis emplastrum ante omnia ac deinde splenium, spiritu ^{Quid post} vini madidum, injicitur, spleniumque aliud chartae crassiori, ^{reposita max-} affutum ^{illae ossa} maxillaeque dimidia, si nempe alterutra modo pars diffracta fuit, di- ^{fieri debeat.} ligenter accommodatum (*Tab. VIII. fig. 9.*) superimponitur. Quorum utrumque vel per fasciam quatuor capitibus instructam, mediaque parte, cui mentum inferitur, perforatam, vel & per *habenam* istam, inferius in doctrina de fasciis describendam, quam exactissime deligandum est. *Quoties autem utrinque diffracta maxilla* deprehenditur; tunc itidem post splenium, spiritu vini imbutum, splenium aliud chartae crassae inductum, mentoque adaptatum atque in medio perforatum (*fig. 10.*) applicari consuevit. Atque id quidem sic, ut foramen medium (*a*) mento, partes autem exteriores (*bb.*) auribus admoveantur. Attamen etiam sine emplastris & ferulis, si modo apta fiat deligatio, hae fracturae commode sanari possunt; nam non facile, si semel repositae sunt, e sede sua relabuntur. De cetero qualiter institui vincitura debeat, illud quidem ex inferius dicendis haud obscure liquebit, quando ad fascias pervenero.

V.

Denique ad diffractarum maxillarum glutinationem illud inprimis proficit, si nimirum principio vena secatur, & aegrotus strenue conquiescit, omnemque & sermonem & manducationem, primis praesertim temporibus, quoad ejus fieri potest, gnaviter devitat. Igitur longe tutissimum videtur, ante factam maxillae glutinationem cibum tantum fluidum, juscula nimirum ac sorbitiones, ova item mollia, gelatinas, similesque cibos alios nulla manducatione indigentes assumere, supinus collocari, omnemque in faciem aut malas incubationem scelerter evitare. Sic enim inter vigesimum trigesimumve diem glutinari ut plurimum maxillae fractura solet: maxime si laesa pars intus in ore aliquoties quotidie rosarum melle inungatur.

VI.

Si fractura est cum vulnere, quotidie semel deliganda, vulnerique ut Cap. IV. N. VI. docuimus, prospiciendum, donec glutinatum sit. Exemplum *fracturae utriusque maxillae* vid. in *Dranii. Obs. Chirurg. III. Tom. I. inferioris vero maxillae Obs. VIII.*

C A P U T V.

De claviculis, humeri pectorisque ossibus fractis.

I.

De clavicula fracta.

Clavicula (a) non propter situm modo transversum, sed & vel maxime propter insignem teneritatem suam quam saepissime frangitur: nunc quidem media, nunc prope humerum, nunc prope sternum. Quocunque autem loco frangatur, fere id, quod ab humero est, infra id, quod a pectore, propter ipsum brachii, quod per claviculam sive jugulum sustinetur, pondus, descendit. Tametsi igitur id, quod a pectore est, immobile persistat, tamen, quando id, quod ab humeris est, deorsum tendit, fieri aliter haud potest, quam ut alterum super alterum inclinetur.

II.

Quomodo claviculae fractura cognoscatur.

Neque vero difficilis hujusmodi fracturarum cognitio est. Namque 1) attolli ab aegroto brachium haud potest. Tum 2) brachium ad pectus inclinatum propendet, quum antea retro vel sursum extendere-
tur. Denique 3) quum clavicularum ossa nullis fere musculis obte-
cta sunt, sane vel ipse tactus, visus atque auditus eorundem laesionem pro-
tinus demonstrant: praesertim ubi lateris afflicti humerum vel brachium
paulisper commoverimus.

III.

*Fracturarum clavicula-
rum prognosis.*

Excitari quidem diffracta ista clavicularum ossa haud adeo difficulter possunt, inprimis ubi adversa ea fracta fuerunt. Neque enim humerus tantum cum claviculae fragmento nexu facili negotio retrahi, sed digitis quoque in sedem suam compelli adsolet. Longe autem difficilius semel reposita ossa, praesertim si obliqua fractura est, in sede sua conservantur. Ratio gemina est. Namque vincturae circulares, quibus ossa brachiorum, aliaque in extremis longiora firmare possumus, propter loci aut partis laesae dispositionem prorsus alienae hic sunt: deinde ipsa brachiorum dependentium moles quicquid repositum est, quam facillime rursus detrahit. Adeoque mirum non est, si clavicularum ossa vel inaequalia vel infirma valde post ipsam glutinationem quam saepissime inveniuntur. Quanquam nec istiusmodi quoque exempla nobis desunt, ubi satis & feliciter & firmiter glutinatae fuerunt claviculae; praesertim si gnaviter aegrotus conquievit.

IV.

(a) Claviculam fractam CELSUS *jugulum fractum* appellat Lib. VIII. cap. 8. Omnes tamen anatomici & chirurgi hodie os illud claviculam appellant, & jugulo aliam significationem tribuunt.

IV.

FRACTA vero clavicularum ossa sic fere in sedem suam excitantur. *Claviculae*
 Nempe aegrotus in sedili quodam humiliori consideat. Tum minister *quomodo re-*
 aliquis, admoto in dorso inter humeros sive scapulas genu, manibus *ponendae*
 humeros apprehendat, eosque simul blande retrorsum trahat : quo ipso *sint.*
 claviculae probe extenduntur. Quae dum fiunt, in parte anteriori
 Chirurgus manibus suis fracta ossa in sedem suam compellere studeat,
 ministrumque, ut excitata illa ossa firmiter contineat, jubeat. Dehinc
 1) splenium aliquod angustum, sed crassum tamen, atque ad cavita-
 tes implendas, ab altera parte complicatum (*Tab. IX. fig. 13.*) supra
 atque infra claviculas adversum injiciat. His dein 2) bina eademque
 angustiora splenia in formam litterae X superimponat. Tum 3) isthaec
 omnia latiori quodam chartae crassioris frusto ad humeros jugulumque
 accommodato (*Tab. VIII. fig. 12.*) atque in vini spiritu vel oxycrato
 tincto contegat. Denique 4) vel fasciam aliquam convolutam crassio-
 rem, vel & pilam, ne scilicet brachium denuo elabatur, sub humero
 collocet. Tandemque postremo 5) partem laesam solertissime vinciat,
 ipsumque brachium in mitella sive mantili, super collum injecta, su-
 spendat. Quicquid enim emplastrorum supra dari a quibusdam hic so-
 let, id maximam quidem partem supervacuum deprehenditur.

V.

Sed vero quia difficulter admodum interdum retro contineri brachia *De instru-*
 possunt, difficilisque, nisi probe contineantur, glutinari; operae sa- *mento hume-*
 ne pretium facere sibi visi Medici fuerunt, si proprium aliquod instru- *ris continen-*
 mentum ligneum aut ferreum humerisque continendis adaptatum, ad *dis accommo-*
 litterae T similitudinem conficerent. (*Tab. VIII. fig. 13.*) Cujus late- *dato.*
 ra, ad tres fere digitos transversos ampla, corioque vel panniculis ob-
 ducta sunt. Applicari autem illud ipsum sic fere debet : Scilicet, binae
 partes transversae AA. singulis humeris sive scapulis admoventur; par-
 te longiori B. super ipsum dorsum protensa. Hujus foramini C. bini
 funiculi sive ligulae firmiores innectuntur, quorum subsidio crux ista
 corpori firmiter alligatur; brachiis prius per annulos AA. transmissis.
 Igitur quo vehementius mitiusve pars ista longior B. circa ventrem de-
 ligatur, hoc etiam longius propiusve humeri retro attrahuntur. Ubi
 vero vel satis stricta etiam crucis deligatio non satis proficit, splenia
 quaedam in longitudinem complicata subter partem B. dorso inponen-
 da prius sunt, quam funiculi connectuntur. Sic enim aliquanto vehe-
 mentius excitari retroque attolli jugulum poterit. Ipsi vero annuli AA.
 ex ferro vel corio atque ita quidem construendi sunt, ut & solvi, pro
 re nata, & arctius constringi valeant.

VI.

Quoties fragmenta penitus ab osse reliquo resoluta adsunt, quae non *Si qua forte*
 Tom. I. Bb car.

*fragmenta
prorsus re-
soluta sunt.*

carnem modo proximam pungunt atque vexant, sed reponendis quoque juguli ossibus impedimento sunt, necessarium utique videtur, eam contra incidere, ipsaque fragmenta illa provide prius eximere, quam ossa reliqua reponantur, debitaque ratione foveantur. Si qua autem forte fragmenta ista cum reliquis partibus adhuc cohaerent, & juxta positas partes compungunt, vel restitutionem impediunt, forcipis beneficio (*Tab. VIII. fig. 1.*) vel praecidenda, vel, sicubi satis jam per se retusa esse reperiuntur, in sedem pristinam compellenda sunt; sic saepe rursus glutinantur. Verum enim vero ad bene instituendam juguli hujus incisionem egregia prorsus circumspeditione opus est, ne scilicet grandiores illae venae atque arteriae subclaviae percutiantur, lethiferaeque sanguinis profusiones excitentur.

VII.

*De scapulis
fractis.*

Scapulae vel prope acromion, id est ea parte franguntur, qua claviculis commissae sunt, vel in quavis alia parte. *Acromion si diffractum* est, tum illud facile quidem, postquam vel brachium, pro deltoide musculo relaxando, elevatur, vel os humeri juxta cubitum recta sursum premitur, digitis in sedem suam compellitur, sed aequae tamen facile ex levi quadam causa denuo elabitur, ideoque difficulter admodum glutinatur: inprimis vero illud ex motu musculi deltoidis, vel brachii, & etiam a pondere brachii facile e sede sua dimovetur. Quare ex iis, qui in acromio fracturam passi sunt, nemo fere ita curari solet, ut brachium postea libere sursum attollere queat (*a*). Interea tamen omnis opera danda est, ut eo in sedem naturalem reposito, splenioque spiritu vini madido super injecto, fascia, quae *spica* vulgo vocatur, probe firmetur, pila simul sub ala posita, brachiumque deinde mantili sive mitella super collum injecta, sustentetur. Quodsi autem *scapulae collum*, quae infra ipsum acromion est, vel acetabulum frangitur, id quod cognitu difficillimum est ob situm profundum, atque etiam rarius paulo contingere videtur, abesse vix unquam solet quin propter & commissuram, quae juxta est, & propter tendines, musculos, ligamenta, nervos, venas atque arterias adjacentes grandiores, utpote ex quibus semper fere laesum simul aliquid deprehenditur, rigor aliquis vel movendi impotentia, inflammatio, gravior abscessus, una cum aliis id genus malis gravioribus, imo ipsa mors, ut Helmstadii in Professore quodam vidi, superveniat (*b*). Contra vero quae in ceteris scapularum partibus accidunt fracturae, longe plerumque mitiores esse consueverunt.

VIII.

(*a*) Ita celebris Chirurgus Anglus CHESELDENUS in *Anatom.* sua sentit, ubi de hoc osse agit.

(*b*) Idem cum DOUGLASIO vidit CHESELDENUS loco citato.

VIII.

Sed quo promptius scapulae istiusmodi perfractae reponantur, minus-^{Quomodo} ster aliquis brachium leniter in partem anteriorem extendere, ipse au-^{scapulae} tem chirurgus, quam aptissime fieri potest, manibus ipsas in sedem ^{reponantur.} suam compellere satagat, supra datis spleniis chartaeque crassissimae idoneis frustis, scapulae accommodatis & spiritu vini vel oxycrato mamentibus, fasciaeque stellatae vel quadrigae dictae beneficio firmiter deligatis, ut in tertia hujus Chirurgiae parte uberius proponemus.

IX.

Enimvero quemadmodum ossa reliqua singula, sic pectoris os sive ^{De sterni} sternum etiam per injurias externas, lapsum puta vel ictum, vel de-^{fractis.} primi, vel prorsus quoque frangi adsolet. Quod ubi forte accidit, non solum locus dolet & inaequalis est, sed venae simul atque arteriae sub eodem latentes ut plurimum laeduntur, vel omnino disrumpuntur, proindeque pectoris dolores, spiritus gravis, tussis vehemens, sanguinis ex ore vel in praecordia, vel intra ipsum mediastinum profusio, cum aliis id genus malis quamplurimis suboriuntur.

X.

Igitur quae diffracti sterni signa sint, haud obscure, nisi ego fallor, ^{Signa sterni} ex sequentibus abunde colligitur. Nempe fractum aut depressum ster-^{fracti.} num esse, non ex iis solum, quae jam jam commemorata sunt, indiciiis; sed saepius quoque inde conjicimus, sicubi vel insigniter ac praeter naturam inaequabile, vel mobile etiam digitis admotis illud deprehenditur: idque vel maxime tunc, ubi strepitus simul percipitur. Quamquam proprium sterni depressi signum in eo fere situm est, ut, praeter symptomata ista superiora sinus aliquis vel inaequalitas in eodem sentiatur.

XI.

Ad excitandum autem, si qua forte defecit, os illud pectoris, insigni-^{Quomodo} ter proficit, si aegrum in lecto sive mensa, subjectis dorso aut pulvil-^{sternum re-} lis durioribus, aut pane magno, aut tympano vel cylindro, vel doliolo, ^{ponatur.} aut alio quovis magno corpore, supinum collocamus, humerosque graviter sic deprimimus vel reclinamus, ut ipsum pectoris os attollatur atque extendatur. Quod ipsum autem ut promptius fiat, comprimi a chirurgo latera pectoris utraque debent pauloque vehementius concuti. Sic enim non extendi solum versus anteriorem partem costae solent, sed defidentes quoque sterni partes in sedem suam compelli ab iisdem solent. Sed contingere tamen quandoque potest, ut jam jam commendata artificia parum sint. Atque tunc necessarium utique est cutem decussatim contra incidere, depressamque sterni partem vel per vectem, quem ^{elevatorium} vulgo appellant, vel per terebram leniter prius intortam, sursum versus attollere. Quae curandi ratio utut durior est, ta-

men vel GOUJO etiam (a), atque PETITO (b) testibus, optima videtur ac promptissima. Ceterum quibus artificiis quam aptissime conservari sternum illud repositum debeat, id explicatius quidem in doctrina de fasciis declarabimus. Quodsi autem prout fieri aliquando solet, praesertim si post restitutionem graves dolores sub sternum perdurant, collectus inter mediastinum cruor gravem aliquam suppurationem intus moverit, haud profecto alienum erit *inferiorem sterni partem quasi calvariam modiolis terebrare* (c), purgatoque a corruptis humoribus pectore, balsamo vulnerario quam solertissime fovere. Denique ubi cruoris aliquid effusum intus in pectore animadvertitur, tum unicum curationis praesidium in eo situm videtur, ut pectoris aliqua perforatio, quam vulgo vocant *paracentesin*, qualem supra, ubi de pectoris vulneribus actum est, descripsimus, instituatur. Ad deligationem autem quod attinet, splenia vino vel spiritu vini calido madentia, mantileque cum scapulari etiam atque etiam hic opus sunt.

(a) Chirurgie véritable pag. 111. (b) Lib. de morb. off. ubi de sterni fractura. (c) Quod etiam PETITUS suadet, loco modo allegato.

C A P U T V I.

De costis, vertebris osseque sacro & innominato diffractis.

I.

*De costis
fractis.*

Nonnunquam costae sic franguntur, aut saltem finduntur, ut aliqua solum earum pars, sive ea sit interior sive exterior, laedatur, & ex sede sua naturali haud recedant, fereque tunc sint sine malis aut gravioribus symptomatibus, saepeque non cognoscantur & quasi sponte sua quoque rursus coalescant. At si tota costa perfracta est, & fragmenta aliquo modo ex sede sua recesserint, asperior casus est. Namque dimota a se invicem fragmenta musculos atque interiorem pectoris, quam *pleuram* vocant, membranam divexant. Dimoventur vero haec ossa fracta vel introrsum vel extrorsum, atque hoc eodem fere modo, ac si arcus frangeretur; atque in hoc casu symptomata leviora esse consueverunt (a); longe vero difficiliora si introrsum propulsa sunt, praesertim si venae vel arteriae ruptae & sanguis in pectus effusus est. Ut proinde mirum haud sit, si vehementissimae compunctiones, inflamm.

(a) GOUJON hanc fracturam, qua ossa fracta extus pelluntur, quidem negat, sed revera, teste etiam PETITO, lib. de off. morb. datur.

inflammatio, spirandi difficultas, tussis, febris, sputum cruentum, suppuratio, profusio sanguinis in cavum thoracis, vel in interstitium cellulare mediastini, aliaque hujus generis vitia gravia hic suboriuntur, praesertim si viscera, quae juxta sunt, simul laeduntur. Quibus nisi tempestive succurritur, graviores ut plurimum febres, pectoris pulmonumque inflammationes atque exulcerationes, empyemata, fistulae insanabiles ossiumque caries, vel & ipsa quandoque mors insequuntur. Interdum non nisi simplex fractura, sed multo saepius *externum simul vulnus* vel & fragmentum aliquod acutum subest, quo partes molliores acriter compunguntur. Si vulnus adest, ingens subinde sanguinis profusio oritur, difficillime saepe compescenda; & si sanguis in pectus effunditur, vix nisi apertura, quam *paracentesis* vocant, educi potest, vel saltem vulneris dilatatione, si laesio in costis spuris. Si per vim aliquam externam cartilagine ab ossibus disrumpuntur, fracturam contigisse dicimus, eandemque prorsus, ut in fracturis reliquis, & praedicendi & curandi viam ingredimur.

II.

Quoties diffractarum costarum partes in sedibus suis remanserunt, vel *Costarum fractura quomodo cognoscatur.* costa tota fracta non est, naturalis ipsarum aequabilitas nihil quicquam immutatur, nec dolor adeo magnus est, ideoque & difficilior ipsa fractura detegitur; attamen tactu locus laesus leviter indolescit. Interea tamen facilius glutinatur. Quoties autem a se invicem partes fractae recesserunt, non tactu solum inaequabilitas, sed auditu quoque ossium stridor, si commoventur, saepe percipitur. Si qua pars acuta visceribus imminet, vel si quod fragmentum intus haerescit, haecenus recensita symptomata ut plurimum sequuntur. (No. 1.) Quae quo gravia magis sunt, hoc quoque gravem ac periculi plenam magis fracturam subesse non sine ratione colligimus. Sed accidere quoque haud raro solet, ut ex fractura costarum aëreus tumor, quem *emphysema* vocant Graeci, proveniat; dum scilicet aër per exiguum vulnus aliquod carnem inter & cutem in cellulosa tunicae adiposae substantiam sese insinuat, primoque pectus, mox vero collum etiam, caput, ventrem aliasque partes insigniter inflat: qualiter nempe vituli atque oves inflari a lanionibus consueverunt.

III.

Ac in reponendis quidem costis illud omnino dispiciendum semper *Costae leviter fractae quomodo reponantur.* est, num in partem anteriorem posterioremne fragmenta diducta fuerint. Posterior enim casus si est, constitui aegrotus in sublimiori sella quadam vel mensa debet, ossaque dimota digitis in sedem suam blande compelli: supra datis spleniis in spiritu vini intinctis, chartaeque crassioris lamella sive ferula, & denique fascia vel circulari vel mantili cum scapulari. Contra vero ubi forte prior casus accidit, dum aegro-

tus spiritum trahit, utraque & anterior & posterior costarum pars extrema diligenter a chirurgo manibus comprimi debet tantisperque concuti, donec depressa illarum pars resiliat. Cetera eadem fieri debent, quae ad deligationem pertinent; nisi quod charta crassa omitti & mantile mitius aliquanto constringi hic debeat: fasciae vero non solvantur, nisi vel relaxatae nimis sint, vel symptoma aliquod id exigat, atque decubitus aegri sit erectus. Namque sic intra tres ut plurimum vel quatuor hebdomades istiusmodi fracturae sanescunt. Per omne vero tempus curationis, ut CELSUS jam docuit (a), *vitandus clamor, sermo quoque, tumultus, ira, motus vehementior corporis, fumus, pulvis, & quicquid vel tussim vel sternutamentum movet.* At vero si haec praescripta nihil efficiunt, haud alienum erit, emplastro quodam glutinoso quicquid in costis depressum fuit, perinde ut depressam calvariam (*Lib. I. cap. XIV. No. 26*) gnaviter excitare.

IV.

Quid in gravioribus costarum fracturis fieri debeat.

Quodsi costarum fragmenta quaedam acuta pleuram perruperunt, gravissimosque dolores, spirandi difficultatem, tussim, sanguinis per os profusionem, inflammationem, febres, malaque id genus alia concitarunt, cutis protinus contra incidi ipsaque fragmenta in carne haerescantia digitis, vossella, hamulis vel quavis demum alia ratione extrahi debent. Quod nisi fit, graviter admodum aegri homines periclitantur, eamque ob causam etiam sanguis e brachio mittendus, lotiones in intestina injiciendae, ac medicamenta temperantia & anodyna aegro porrigenda, atque diaeta tenuissima servanda. Ceterum haec ipsa incisio tum quoque inprimis necessaria est, quando nec emplastrum, nec antea laudata pectoris concussio attollendis costis sufficit.

V.

De venis atque arteriis laesis.

Ubi forte venarum sive arteriarum, subter costis haerentium, aliquam percussam, indeque sanguinis aliquid effusum intus fuisse, superius (*Lib. I. cap. 10.*) memorata indicia significant, necessarium utique videtur, pectus circa partem fractam aperire, digitumque linamentis circumdatum atque in medicamento quodam sanguinem sistente tinctum tantisper imponere, donec sanguis conquiescat. Ubi vero digitus nil proficit, vas sanguinem fundens investigandum, illudque vel ligatura claudendum, vel candens ferramentum idoneum aliquod admovendum est. Ceterum ne quid hic eorum, quae ad expurgandum pectus pertinent, omittatur, id sane diligenter prospicere chirurgum oportet, ut vel ipsum hoc vulnus, si in vulnus in parte pectoris inferiore est, & sanguis effusus per id educi possit, quousque necessitas illud exigit, linteolo injecto apertum conservetur; vel, si minus aptum ad eji-

(a) Lib. VIII. cap. 9.

eijciendam materiam est, ut nimirum quando in superiori pectoris parte est, sive ad costas veras, ipso glutinato, commodior aliqua pectoris perforatio sive paracentesis in parte inferiore instituat. (*Vid. supra Lib. I. Cap. X. No. 10.*)

VI.

Emphysema quando supervenit, commodissimum erit externum cutis vulnus, si angustum nimis, scalpello paululum ampliare, partemque tumentem in deligationibus singulis gnaviter frictionibus demulcere, ^{vel} ^{vel} versus plagam blande comprimere, ut quicquid aëris intus praeclusum est, sensim sensimque expellatur. *Contusiones* autem, si quae forte acciderunt, eodem prorsus modo tractari debent, quem supra de contusionibus proposuimus. (*Lib. I. cap. XV.*) Si *tussis* vehemens aut ^{inflammatio} ~~suppuratio~~ incidat, haec sanguinis missione aliisque propriis suis remediis curanda. Exemplum vid. in *DRANII* Obs. 29. Tom. I.

Quomodo
emphysema
& contusio
curari debeant.

VII.

Quoties vertebrarum aliqua, vel ex lapsu, vel ex ictu aliave causa externa, sed sine tamen medullae in spina laesione, fracta est, tum semper fere non nisi posteriores ipsarum apophyses vel acuta ista tubercula fracturam accepisse reperiuntur. Ut proin aegroti parum inde aut nihil fere periclitentur. Simulatque autem corpus vertebrae & sic simul medulla, quae in spina est, simul laesa, disrupta vel collisa per vim aliquam externam fuit (a), rigidae protinus sive immobiles efficiuntur singulae istae brachiorum, pedum atque viscerum etiam partes, quae vertebris illis subiectae sunt. Itaque mirum haud est, si vel ipsa quoque mors, nunc quidem celerius, nunc tardius insequitur: prouti nempe vel gravior vel mitior laesio contigit. Recolenda breviter hic ea sunt, quae de medullae in spina vulneribus supra exposuimus. *Apophyses* denique *transversae* atque ad ipsam pectoris cavitatem spectantes si diffinguntur, tum haerentia in iisdem costarum capitula simul diffingantur necesse est. Qui sane casus asperrimus videtur.

De vertebra
fractis.

VIII.

Fractum autem in vertebris aliquid esse, 1) non ex injuria solum extrinsecus per lapsum, ictum vel contusionem graviolem illata, con- jicitur; sed & vel maxime 2) ex doloribus circa laesam vertebrarum partem subortis; itemque 3) ipso tactus, visus atque auditus sensu cognoscitur.

Vertebra-
rum fractis-
rum indicia.

IX.

Igitur quoties non nisi vertebrarum apophyses perfractae reperiuntur, longe optimum erit, digitis in sedem suam illas compellere, in- jectis

Fractae apo-
phyfes quo-
modo repo-
nantur.

(a) *GOUVEY* existimat p. 112. corpus vertebrarum non nisi a glandibus plumbeis frangi posse; verum id etiam vidi ex lapsu vehementiori ex loco alto, atque aeger brevi post moriebatur: ut ex his laesionibus fieri solet.

jectis utrinque circa spinam dorsi spleniis angustioribus in spiritu vini calido tinctis, chartae item crassissimae lamellis atque mantili cum scapulari. Namque ita vertebrarum ossa, quum insigniter spongiosa & mollia sunt, quam facillime ac cito rursus glutinantur.

X.

Graviores
vertebrarum
fracturae
quomodo
tractandae
sunt.

Si quis casus medullam in spina una perrupit, fere semper mors certissima insequitur. Interim quia crudele videtur, aegrum hominem propter certam desperationem negligere, quam frustra quidpiam tentare in eodem malle; id omnino sibi datum chirurgus arbitretur esse, ut laesam spinae partem scalpello denudet, ejusdemque fragmenta medullam urgentia debito modo excitet; vel ubi penitus resoluta sunt, eximat. Dehinc ipsum vulnus blandissime ac solertissime purget, medicamentisque balsamicis, ut supra jam praecepimus, (*Lib. I. Cap. XI. No. 15.*) foveat, mantili cum scapulari tantisper superinjecto; hacque ratione continuandum, donec vel plane glutinatum vulnus, vel aeger mortuus fuerit.

XI.

De osse sacro
perfracto.

Denique contingere etiam quandoque solet, ut vel per lapsum vel ictum aliquem graviores ipsum quoque os sacrum diffringatur. Quod an forte factum sit, cum externa violentia hominisque afflicti dolores, tum & vel maxime tactus, ut in aliis fracturis, significare solent.

XII.

Os sacrum
quomodo re-
ponatur.

Simulatque igitur diffRACTUM os sacrum deprehenditur, fragmenta digitis protinus in sedem suam compelli debent. Sicubi vero ad anteriorem partem depressum desidet, commodissimum est, digitum aliquem, sed ungue tamen probe prius resecta, in oleo butyrove tinctum in anum immittere, depressamque ossis partem in locum naturalem excitare, tandemque alterius manus subsidio diligenter ipsam extrinsecus reponere. His confectis, vel emplastrum aliquod ad fracturas idoneum cum spleniis spiritu vini calido madentibus, fasciaeque T. superimponuntur, vel etiam splenia sola spiritu vini impraegnata cum fascia. Tandem ut felicius ipsa ossium glutinatio procedat, per quatuordecim fere dies in lectulo aegrotus leniter decumbat, idque in alterutro latere; vel si interdum sedere concupiscat, in sedili perforato confideat, ne repositae partes e sede sua introrsum rursus dimoveantur.

XIII.

Os innomi-
natum quo-
modo resti-
tuatur.

Os innominatum raro frangitur: quando vero illud fractum esse cognoscitur, ob partes vicinas simul plerumque laesas, graviaeque inde oriunda symptomata haud leve periculum subest, maxime si materiam fuscam aeger aut subcruentam evomat. In restitutione hujus ossis aeger incumbat lateri sano, os fractum manibus restituatur, splenia spiritu vini imbuta superimponuntur, & fascia *spica* firmentur. Postea sanguis mittatur, medicamenta temperantia & resolventia exhibeantur, & diæta tenuis servetur.

C A-

C A P U T V I I.

De fractis brachii, hoc est, humeri, cubiti, manusque ossibus.

I.

OS humeri vel medium frangitur, ubi minus periculum; vel prope caput superius vel inferius, ubi fractura peior: nam & majores dolores affert, & difficilius curatur. Quorum quidem fracturarum in hoc osse satis expedita cognitio esse solet, quum nihil non sensibus, oculis videlicet & manibus expositum, hic sit; sed varia tamen institui vinctura & curatio debet, pro diffractarum videlicet partium hujus ossis discrimine. Nonnunquam etiam fracta in his partibus ossa in sedibus suis remanent: multo saepius excidunt, aliudque super aliud effertur, atque membrum id altero latere brevius est. Raro tamen frustra multum a se invicem recedunt, ob pondus brachii annexi. Attamen si prius est, facilius & promptius reponi fragmenta solent; sin posterius est, tum utique ad compellenda, quae sedibus suis mota fuerunt, ossa paullo major quaedam vis requiritur: praesertim si aegro firmiores nervi sunt ac muscoli, prouti quidem in viris robustis ut plurimum observatur.

II.

Et vero diffractum humeri os quam aptissime sic fere extenditur. Scilicet aegrotus in altiori quodam sedili collocatur. Tum minister aliquis, inflexo leniter aegri cubito, brachium supremum supra locum fractum firmiter comprehendit; alius prensa, quae infra ipsam fracturam est, parte, brachium recta trahit atque extendit: dum ambo in diversa contendunt. Ipse medicus diffractam humeri partem manibus complectitur, ossaque sufficienter sic a ministris in diversa contententibus extensa, in sedes suas reponit; tandemque superinjectis fasciis quam exactissime deligat: ea videlicet ratione, quam & supra jam tum generatim exposuimus, & inferius in doctrina de fasciis prolixius exposituri sumus. Si unus forte satis extendere nequit in robustis, duo substituendi, vel habenis quoque, mantili vel lineis fasciis utrinque capita articulorum circumdanda, & per plures in diversa ducenda sunt, donec vis membrum paullo longius fecit, quam naturaliter esse debet, & tum ossa manibus chirurgi in suam sedem compellenda sunt.

III.

Pars brachii inferior, quae *cubitus* hodie vocatur, bina ossa, radius scilicet atque ulnam, comprehendit. Igitur quoties forte frangitur, sic

Tom. I.

C c

fran-

*De fracto
brachio in-
feriori.*

frangi solet, ut ossium horundem vel alterum vel utrumque, & quidem nunc medium, nunc prope extrema, rumpatur. Ac utrumque quidem si fractum fuit, longe facilius singula sedibus suis moventur, difficilisque proin & reponuntur & glutinantur. Alterutrum autem si solum fractum est, salvo persistente altero, tum quod fractum est, difficilique neque adeo longe excidit, faciliusque negotio reponitur ac retinetur. Nam ubi alterum integrum est, plus opis in eo, quam in fasciis ferulisque quibuscunque deprehenditur. Interim si prope caput inferius fractura est, fere semper os fractum, propter musculum quadratum, firmitusque ligamentum illud, quod inter utrumque os illud interjacet, versus os integrum attrahitur difficilisque reponitur. Id quod in ipsa prognosi ossiumque restitutione imprimis considerare convenit.

IV.

*Inferioris
brachii fra-
ctura quomo-
do cognosca-
tur.*

Fractum aliquid in his brachii ossibus fuisse, id ex communibus quidem fracturarum signis cognoscitur. Utrumque autem, an alterutrum; item quodnam demum ex illis & ubi fractum fuerit, tactus visusque beneficio, dum quis manum laesi cubiti nunc introrsum nunc extrorsum commovet, quam commodissime dignoscitur. Tametsi ulnae, ceu palmarii in brachio fulcri, ex laeso ejus usu longe facilius quam radii fractura cognosci queat. Imo non ipso tantum adspectu, sed auribus quoque horum ossium fracturae explorari solent. Fere semper enim ossis fracti stridor aliquis percipitur, si firmiter comprehensa cubiti parte superiori manus aegroti nunc introrsum nunc extrorsum dimovetur.

V.

*Quomodo
reponi radius
debeat.*

Si reponendus radius est, cujus fragmenta versus ulnam recesserunt, intendere minister aliquis brachium debet, ipseque medicus manum aegri versus ulnam deprimat, donec depressa radii pars attollatur. Quod ubi factum fuit, brachium ipsum ambabus manuum palmis diligenter utrinque comprimi debet, ita, ut compressi hac ratione musculi inter ulnam & radium partes radii comminutas & diductas in sedem suam rursus excitent compellantque. Tum deligandum brachium, quemadmodum infra plenius commonstrabimus. Deinde brachium in *canalem* quendam ex charta crassa lignove leviori confectum (*Tab. VIII. fig. 14.*) immittere atque in mitella (*Escarpe*) super collum injecta suspendere debet.

VI.

*Quomodo
ulna repona-
tur.*

In *ulna* fracta reponenda, deliganda, & suspendenda idem prorsus ac in fracto radio restituendo tenendum est: praeterquam quod ad reponendam ulnam ista imprimis observatio necessaria sit, ut nimirum manus ad radium sive pollicem tantisper intorqueatur, dum depressa ulnae pars in sedem pristinam resilierit.

VII.

VII.

Os brachii utrumque ubi fractum fuit, eadem fere curatio, ac in ^{Quando u-} iis casibus, institui debet, ubi alterutrum modo comminutum os depre- ^{trunque os} henditur. Nisi quod ibi major & in reponendis & in continendis ossi- ^{fractum est.} bus & vis & circumscriptio; in deligationibus autem sollicitudo necessaria sit. Providendum etiam solertissime est, ne, dum paulo diutius immotum brachium continetur, articulorum succus indurescat, ligamenta rigescant, & brachium sive cubitus immobilis efficiatur. Igitur haud alienum fuerit, vinctum illud brachium altero vel tertio quoque die, sed tamen circumspicte admodum extendere paululumque inflectere, imo & illud subinde oleo vel aqua calida fovere: sic enim naturalis ista mobilitas ejus quam aptissime conservatur.

VIII.

Ossa carpi quum valde minuta sint, rarius equidem, sed tamen quandoque comminuuntur; quotiescunque nimirum aut tignum, aut lapis, ^{De carpo} aut corpus quodlibet aliud grave ac durum paulo vehementius illabi- ^{diffraeto.} tur. Quod ubi forte accidit, sane in angusto esse perfectae curationis spes solet. Quum enim nimis minuta isthaec ossa sunt, vix ac ne vix quidem in sedem suam ipsa compelli, nedum glutinari possunt, atque ligamenta ac tendines simul plerumque valde colliduntur. Itaque manuum articuli semper fere rigidi fiunt atque immobiles: vel & abscessus, suppurationes, fistulae atque ossium caries suboriuntur. Quibus propter & ossium mollitiem & puris hinc evocandi difficultatem saepe non nisi manuum amputatione succurri adsolet: quemadmodum Ruyschius inter alios ejusmodi fracturam vidit, quae post triennium nondum curata fuit (a).

IX.

Interim ne penitus hic defuisse partibus suis chirurgus videatur, quid- ^{Quomodo} vis potius tentare, quam aegrum hominem sine auxilio relinquere de- ^{curari de-} bet. Commodissimum igitur est, ministrorum adjumento sic manum ^{beat.} laesam extendere, ut alter brachii partem, quae juxta carpum est, ipsam manum alter comprehendant, quantumque satis est, in diversa contendat. Quo facto chirurgus, quicquid in carpo comminutum est, in sedem pristinam, manibus suis, quantum fieri potest, curiosissime compellere fracturamque debita ratione deligare debet.

X.

Multo saepius diffringi, sed multo quoque facilius ut plurimum reponi, propter ossium magnitudinem, ^{De fracto} metacarpus solet. Reponi autem ipse ^{metacarpo.} commodius haud potest, quam ubi manus fracta supra mensam sive tabulam aliquam laevigatam a ministris diligenter extenditur, ossibusque

C c 2

in

(a) In Observat. anatom. chirurg. pag. 10.

in sedes suas, unde mota fuerunt, digitorum adjumento, quantum fieri potest, accuratissime compulsis, quam aptissime deligatur. Exemplum metacarpi fracti cum vulnere legi potest in DRANII Obs. 56. Tom. I.

XI.

*De fractis
digitis.*

Tandem ubi forte in digitis unum alterumve os comminutum fuit, hoc inprimis sibi datum chirurgus existimet, ut quicquid fractum fedi-
busque suis motum est, quam curiosissime reponat, angustiorique fascia
quadam aliquoties circumvoluta, inque digito, qui juxta est, integro
firmata deliget. Quod quomodo fieri, praesertim ubi plures fracti di-
giti sunt, quam aptissime queat, inferius in doctrina de fasciis decla-
rabimus. Ceterum quotiescunque nimis violentam vel gravem collisio-
nem digitus aliquis vel manus sensit, ut nulla glutinationis spes reliqua
videatur, praestat fane protinus partes ejusmodi mature praescindere,
quam longinquioribus doloribus aegrotum discruciare, vel & in gra-
vius aliquod discrimen aut vitae periculum conjicere.

C A P U T V I I I.

De femore fracto.

I.

*De fracto
femore.*

CRassum hoc idemque maximum totius corporis os variis frangi mo-
dis potest ac solet, atque id quidem vel medium, vel prope ar-
ticulos aut capita sua: inprimis vero juxta illam partem, quae *femoris
collum* anatomicis appellatur, prope articulum cum coxarum ossibus.
Quod quotiescunque contingit, difficulter admodum fragmenta compo-
nuntur, atque difficiliter adhuc in situ debito retinentur. Interdum
binis in locis ipsum os rumpitur, atque tum gravius periculum subest,
aegrotique nisi moriantur, ut haud raro contingit, tamen semper fere clau-
di fiunt. Nonnunquam adversum os frangitur; nonnunquam autem obli-
quum: aliudque super aliud effertur, id quod difficiliter longe curatur. Nam-
que muscoli, valde robusti, vehementissime hic contracti, partem ossis infe-
riorem quam validissime simul sursum attrahunt, adeoque non nisi per maxi-
mam vim adhibitam extenduntur, atque in sedes suas reponuntur. Ita e-
tiam oblique fracta femorum ossa longe facilius, ac ea, quae transversa fra-
cta sunt, rursus e sede naturali recedunt, fereque semper membrum bre-
vius relinquunt; tametsi chirurgus strenue functus officio suo fuerit. Inte-
rim in ejusmodi casibus necessarium est, praeter artificia, infra indicanda,
femur istiusmodi oblique laesum paulo constrictius per fascias contine-
re, ne scilicet repozita ossium fragmenta facile rursus dimoveri queant.

II.

II.

In reponendo femoris-ossæ considerandum omnino semper est, pro-^{Quomodo}pe collum femoris, an in alia quadam ejus parte fractura contigerit. ^{reponi femur} Siquidem exactior illa fracturae consideratio & cognitio ad felicius & ^{debeat.} reponendum & deligandum femur apprime necessaria est. Quoties enim fractura vel in medio, vel inferiori capiti propior est, femoris os eodem, ut reliqua ossa, modo extenditur manibusque in naturalem sedem compellitur: praeterquam quod major hic, praesertim in robustioribus, ad extendendum vis requiratur. Itaque & plures & valentiores adhibendi hic homines sunt, qui vel manibus, vel, ubi manus haud sufficiunt, habenis, mantilibus, fasciisve lineis utrique femoris capiti alligatis fractum illud os in diversa ducant, tantisperque extendant, dum chirurgus manibus fragmenta commode reponere, justeque dein fovere queat.

III.

Ubi vero neque manus, neque habenae, neque fasciae extendendo ^{De loro} femoris ossi sufficiunt, (id quod tamen rarius accidit) tum ^{Hildani} HILDANI ^{lorum} illud (*Tab. VIII fig. 17.*) adhibendum est. Quod ipsum firmiter supra genu deligatur, junctoque uncinulis AA. firmiori aliquo funiculo continuo BB, vel manibus robustiorum, vel & fasciis lineis in C. applicatis, quantum satis est, extenditur, quo scilicet accurate rursus in sedes pristinas reponi fragmenta queant. Neque vero in pedibus solum, sed & in brachiis atque humeris fractis extendendis lorum istud, si opus est, applicari poterit. Scilicet si fractum brachium extendendum est, lorum supra manum; si humerus, supra cubitum circumdatur.

IV.

Quodsi autem vel ipsum quoque lorum istud per se parum hic profi-^{De polyspasto}cit, necessarium utique videtur, a *trochlea* seu *polyspasto* extensionis ali-^{sto.}quod praesidium petere. (*Tab. VIII. fig. 18.*) Igitur uncus alter A. funiculo ipsius lori C., (*fig. 17.*) uncus alter B. annulo A. (*fig. 19.*) clavi cochleati, in tignum vel trabem intorti, injiciuntur. Dehinc aegrotus per habenas ex mantilibus vel lineis fasciis longioribus & robustioribus superne firmatur, ne scilicet trahentibus cedere valeat: funiculus autem C. (*fig. 18.*) polyspasto immixtus tantisper attrahitur, donec ipsum femoris os sufficienter, hoc est, ita extensum sit, ut reponi a chirurgo quam aptissime queat. Observandum enim hic est, per trochleas istas complures, in D. atque E. constitutas, attrahendi vim usque adeo insigniter amplificari, ut machinae hujus beneficio unicus homo plus, quam decem pluresve homines sine ista per se, efficiat.

V.

Ipsam denique femoris collum ubi forte comminutum est, quemad-^{De femoris}modum parum propter situm fere transversum, partim propter ^{spongio-} collo fracto.

sem fragilemque substantiam suam haud raro solet, tum non difficulter modo illud ipsum reponitur, sed rarissime quoque, prout HILDANUS (a) aliique testantur, ita curari solet, quin laesus ille pes vel brevior, vel saltem claudus reddatur. Cujus quidem calamitatis non una ratio est. Neque enim 1) fragmenta solum, propter miram musculorum in femore crassitiem atque vim, difficillime in sedem naturalem compelluntur; sed 2) quam rarissime quoque, licet optime reposita fuerint, in nativa sede sua conservantur: namque muscoli per ipsum os hoc intenti collo diffracto partem inferiorem hujus ossis identidem sursum attrahunt. Quod ipsum, 3) hoc facilius fieri plerumque solet, quia *femoris collum non ex adverso aut directe vel ad lineam, sed oblique potius & quasi a latere tantum ejusdem capiti adjungitur*: quemadmodum ex ipsa hujus ossis in sicca ossium hominis compage, quam sceleton vulgo vocant, consideratione luculentissime perspicitur. Ut adeo demirari nemo debeat, si has femoris fracturas vel mala quaedam gravia, vel claudicatio etiam insequantur.

VI.

Colli femoris
fractura
difficiliter
cognoscitur.

His tandem illud quoque accedit, 4) quod colli femoris fracturae difficulter admodum cognoscantur, fereque semper pro capitis ejusdem ex acetabulo prolapsu habeantur: quum tamen primus olim PARAEUS (b), & ex hoc SCHENCKIUS (c), deinde postquam hujus observatio in oblivionem venerat, celeberrimus RUYSCIUS (d), & post illum alii quoque clari Medici & Chirurgi (e) satis evidenter demonstrarint, longe facilius ipsum femoris collum utpote mollius diffringi, quam ejusdem caput ex profundissimo isthoc acetabulo valentissimisque ligamentis propter violentiam quandam externam, prorumpat. Cujus quidem egregiae observationis prisci non solum, sed & superioris adhuc seculi Chirurgi ac Medici ita plerumque ignari fuerunt, ut, quoties comminutum femoris collum fuerat, de nulla perinde re minus fere, quam de fractura, solliciti essent, aegrotumque proin, quasi qui femoris aliquam luxationem expertus fuisset, adhibitis machinis ad hanc restituendam miserum in modum distorquerent. Verum enim vero quia non inanis solum, sed & quam maxime crudelis violentior ista femoris extensio plerumque deprehensa est; haud profecto abs re fuerit, tutiorem aliquam, id est, gravissimis doloribus, inflammationibus, aliisque hujus

(a) Vid. ej. *Observ. Cent. 5. obs. 86.* utpote quae etiam atque etiam legi hic meretur.

(b) *Oper. Chirur. Lib. XIV. Cap. 21.*

(c) *Observ. Medic. Lib. V. de femore, obs. 11.*

(d) *Theaur. Anatom. VIII. Tab. 3. fig. 1. & Thef. IX. Tab. 1. fig. 1.*

(e) CHESELDEN. *Anatom. lib. de off. cap. de extrem. infer. itemque in Tab. ejus VI. G. H. DOUGLAS in Act. philos. Anglic. N. 81. An. 1716. PETIT Lib. de off. morb. p. 169. SALTZMANN. dissert. de fractura femoris frequentiori, aliique.*

jus generis malis gravioribus minus opportunam fracturae istius tractandae rationem praescribere.

VII.

Quoties igitur cunque post vim aliquam externam graviolem in femore factam aegrotus pedi laeso insistere nequit; quoties dolores acutiores circa juncturam istam persentiuntur; quoties denique pes laesus sano brevior, superne resolutus, *facilique negotio pes extremus extrorsum & introrsum verti potest*, atque in hoc motu sive *contorsione strepitus instar fracti ossis* animadvertitur, collum femoris fractum esse significat. Idcirco cavendum utique est, ne decumbentis hominis femur, prout in luxationibus hujus olim solemne erat, & machinae in hunc finem excogitatae in SCULTETO aliisque videri possunt, violentius extendamus. Quin potius opera danda est, ut femur istud laesum, aegroto per mantile aliquod vel aliam idoneam habenam inter pedes injectum contento sive alligato, vel robustioris hominis alicujus manibus, vel injecto etiam mantili aut loro, tantisper extendatur, donec pes laesus sano rursus aequalis fiat, haerentique in acetabulo femoris capiti collum ipsum, si non perfecte, tamen qualitercunque adjungi valeat. Tametsi enim vix ac ne vix quidem evitari hic soleat, quo minus membri brevitās & claudicatio fracturae superveniat; quia tamen nonnulli rursus curantur, utilissimum esse cognovi, fasciis quibusdam firmioribus femur illud sic deligare, ut collum capiti haereat, ac sensim sensimque, si fieri potest, agglutinetur. Quem in finem applicare in ejusmodi casibus fasciam solemus, quae *spica inguinalis* dicitur; deinde *lintheum amplum & longum* sive mantile femoribus interjectum, quo corpus sustinetur, ne deorsum cedat; ac denique *habenae* & malleolis & genu injectas, quae pedem cum parte inferiori lecti jungunt, ut sursum trahi non possit, una cum lectulo stramineo: quae vero omnia mox plenius itemque in doctrina de fasciis describuntur (a). His rite sic peractis, aegrotoque quam commodissime fieri potest, collocato, dispiciendum curiose semper est, aequalis an brevior sano pede afflictus sit. Namque ubi is brevior esse animadvertitur, suspicari omnino licet, femoris collum denuo prolapsum ex sua sede, proindeque post ipsam quoque vincturam denuo extendendum leniter esse, donec rursus cum sano aequalis fiat. Contra vero ubi pes laesus non brevior, sed ejusdem cum sano longitudinis deprehenditur, tum sane haud exigua spes superest, fore, ut aegrotus feliciter curetur: modo quies summa atque exacta victus ratio haud negligantur. Reliqua enim naturae bonitati commendanda sunt.

VIII.

(a) PETIT lib. de morb. oss. cap. de fractur. colli femoris, hanc fracturam eodem modo ac aliam fracturam femoris simplicem deligendam esse docet: quod vero nulla ratione hic fieri potest, ut experti facile agnoscent.

VIII.

*Quomodo
aptus femo-
ris diffra-
ctus conser-
vari debeat.*

Enimvero sicubi instrumentum aliquod ejusmodi in promptu esset, cujus adminiculo femur diffraetum exactissime extensum conservari posset, ut per quatuordecim aut complures etiam dies, sive per integrum curationis tempus eandem semper cum sano pede longitudinem afflictus servaret; tum sane certius ac felicius curari colli femoris fracturae possent. Quam quidem ob rem operae utique pretium is faceret, qui opportunam huic negotio machinam excogitaret. Tametsi enim HILDANUS superius (N. V.) citato loco machinam aliquam extendendis femoribus oblique diffraetis accommodatam descripserit; verendum tamen non sine ratione videtur, ne paulo imperfectior adhuc ista sit. Nullum enim, quod ego sciam, feliciter per eandem factae extensionis aut curationis exemplum suppetit. Interim quamdiu commodiores ad hunc usum machinae defunt, & modo indicata deligandi ratio non sufficiens deprehenditur, haud alienum fuerit, vel modo memoratam HILDANI machinam applicare; vel, si haec quoque deest, praeter lectulum stramineum, & quae huc pertinent instrumenta reliqua, grandiore aliquam quatuor capitum fasciam, ab HILDANO etiam descriptam, vel bina eademque longiora mantilia inter utrumque pedem juxta inguina trajicere, iisdemque vel in laterali vel in superiori lecti vel spondae parte per clavos aut annulos probe firmatis aegrum hominis corpus ita firmiter continere, ut descendere prorsus nequeat. Ne qua autem inferior pedis pars sursum attrahatur, superinjiciendae supra genu malleolosque, ut N. VII. jam innuimus, habenae vel fasciae quaedam sunt, quibus in inferiori spondae parte firmiter alligatis pes afflictus tantisper in situ commodiori conservetur, donec comminutum femoris collum rursus glutinatum fuerit. Atque haec ipsa deligationis ratio in aliis etiam femorum fracturis, & vel maxime in obliquis non commoda solum, sed prorsus necessaria deprehenditur. Attamen ne qua tandem fasciis lineis aut mantilibus constrictioribus inguina durius comprimantur, rudiusque affligantur atque laedantur, subinde splenia quaedam seu linamenta complicata molliora subjicienda illis sunt, aut quandoque omnino mutanda. Ceterum quae de aptiori femoris comminuti situ moneri hic poterant, de his supra jam tum (cap. 1. No. 36.) breviter diximus, & prolixius eo loco dicturi sumus, ubi de fasciis tractabimus.

IX.

Fractura femoris cum vulnere.

Si fractura femoris vulnus adjunctum habet, periculosa est atque difficillime ut plurimum curatur; imo si haec mala articulis vicina, plerumque mortem post se trahunt; inprimis quando vasa sanguifera paullo majora simul laesa, id quod ex magna sanguinis profusione patet. Ita & periculosa est fractura, si vulnus in parte femoris posteriori sedeat: quia non nisi difficillime & purgari & foveri potest.

X.

X.

In curatione harum fracturarum vulnus fascia 18 capitibus deligan-^{Curatio.} dum, (vid. Tab. IX. fig. 4.) quae in parte tertia, ubi de fasciis agimus, descripta est. Quod si vero pars laesa vehementer contusa aut collisa sit, & sanguis sub cute atque in interstitis partium effusus haereat, frequentibus & satis profundis sectionibus caute incidenda est, ut sanguini extra vasa profuso, brevique putrescentij exitus paretur. Postea pars laesa aqua calcis vivae, cui pars quarta spiritus vini camphora impraegnata admixta sit, vel alio ejusmodi liquore resolvente, gnaviter fovenda, donec contusio digesta est.

XI.

Quando hujusmodi fracturam *profusio sanguinis* concomitatur, ea ta-^{Ubi haemor-} men non nimis vehemens est, vel ossi vicina, linteis carptis probe con-^{rbagia adest.} tortis, eisque aridis, vulnus probe replendum, ut in aliis profluviis sanguinis fieri docuimus, splenia plura eaque crassa superimponenda, atque omnia haec fasciis apte firmanda. Sin paullo vehementior, liquores adstringentes, quales in vulnere haemorrhagiis cohibendis commendavimus, cum primis vero spiritus vini rectificatissimus, quem egregium hic deprehendi, in auxilium hic sunt vocandi; sed si vehemētissima, arteria, torculari prius applicato, investiganda, eaque re-
perta filo constringenda atque liganda. Quando istiusmodi fractura cum sanguinis copioso profluvio & vehementi ossis comminutione a tormentis bellicis ignivomis inflata, id quod arteriam cruralem lacera-
tam indicat, praestat ut plurimum si vulnerati vita nobis curae cordi-
que est, mature femur laesum amputare, arteriamque ligare; ita enim facilius servatur aeger, quam si pedem ejus servare studemus; nam arteria cruralis raro consolidationem salvo pede admittit: utpote qui facile hinc gangraena corrumpitur. Ceterum postquam sanguinis profusio cohibita, vulnusque a sordibus purgatum, ossa fracta in sedes suas restituuntur, & fascia octodecim capitum spleniis & ferulis quam solertissime deligantur, atque in lectulum stramineum (Gallis *fanons*) apte reponuntur. Postea vulnus quotidie deligandum, a sordibus mundandum, unguento digestivo aut balsamo vel essentia vulneraria fovendum, donec vulnus glutinatum sit. Ceterum observationes sive exempla fracti femoris cum vulnere legi possunt in SCULTETI observat. 77 & 78. PURMANNI observ. LXIII.

Explicatio Tab. VIII.

Fig. 1. *Forceps* quaedam grandior atque acuta, praecidendis ossium aculeis sive fragmentis prominentibus idonea: quae vero, ut facilius
Tom. I. D d haec

haec praestare possit, per duos tresve pollices major esse debet, quam eam hic depinximus.

Fig. 2. *Hamulus simplex*.

Fig. 3. *Hamulus duplex*, pro variis in chirurgica & anatomica usibus.

Fig. 4. *Acus* pro arteriis sanguinem fundentibus rite ligandis, variis in casibus. A. apex obtusus, B. foramen filum condens, C. capitulum.

Fig. 5. Operculum ad machinam, pro lapide rodente, sive caustico, *infernali* vulgo dicto, sustinendo.

Fig. 6. Machina ipsa ex ferro, pro dicto lapide sustentando & condendo. a. Rima sive pars divisa, quaeprehendit praedictum lapidem. b. Annulus quo rima clauditur, & lapis firmatur. c. Alterum extremum, quod in futuris chirurgicis pro oris vulneris sustinendis inservire potest.

Fig. 7. *Formam ferulae* exhibet, quales in brachiorum & pedum fracturis adhibentur, vel ex ligno tenui vel charta crassissima ut plurimum confectae; quarum latitudo trium quatuorve sit digitorum, longitudo vero ad partis laesae magnitudinem accommodata esse debet.

Fig. 8. Ferula sive lamella ex charta crassa, qualibus nonnulli in quibusdam nasi fracturis utuntur: cujus amplitudo nasi amplitudini respondeat.

Fig. 9. Ferula chartacea *maxillae inferiori* ab altero tantum latere diffractae adaptanda.

Fig. 10. Ferula chartacea, quae maxillae inferiori, *utrinque fractae*, sic aptari debet, ut foramen medium (a) mento injiciatur; partes vero exteriores sive alae (bb), quae ad medium (a) plicari possunt, versus aures protendantur.

Fig. 11. *Splenia* in formam litterae X disposita, in fractura juguli sive claviculae adhibenda.







Fig. 12. *Ferula* sive lamina in eundem usum, ex charta crassiori, *splenis* praedictis superimponendum.


Fig. 13. *Crux aliqua ferrea*, vel potius ferramentum, ad litterae T similitudinem confectum, atque ad continendas claviculas fractas, & in sedes suas repositas, aliquando haud inutile. AA. Pars ejus transversa, cui annuli ferrei juncti, quibus humeri cinguntur, firmanentur & retrorsum detinentur. B. Pars longitudinalis per dorsum descendens. C. Foramen in parte inferiore, ubi ligulae duae robustae sive funiculi firmanentur, quae in abdominis anteriori parte colligantur. Vid. supra Cap. V. N. 5.

Fig. 14. *Canalis ex crassiori charta* constans; cui brachium fractum, sed deligatum tamen immittitur; cujus magnitudo brachio conformis sit.

Fig. 15. *Trochleae compositae species*, sive *polyspastus*, quem supra ad extendenda ossa fracta Cap. VIII. N. 4. descripsimus. A. B. unci sunt, quibus machina utrinque innectitur. C. Funis, quo trahitur ad ossa.

100 100





ossa fracta extendenda. D. E. Trochleae multae utrinque hic latentes : quibus trahentis vires vehementer augentur.

Fig. 16. *Terebra ferrea*, ad polyspastum pertinens, robusta, cujus cochlea B. in trabem robustam intorquetur, foramini vero A. uncus polyspasti injicitur.

Fig. 17. *Lorum HILDANI* cum uncis AA. ad extendenda ossa brachii & pedis interdum necessarium. BB. Funis sive habena. C. Locus, ubi vis movens sive trahens applicatur. Vid. supra Cap. VIII. N. 3.

C A P. I X.

De patella sive rotula fracta.

I.

QUO facilius patellae fractura & cognoscatur & curetur, requiren-
De fracturae
 bujus indole.
 dum hic ante omnia ex anatomicorum scholis est, quomodo ipsa
 ligamentorum ac tendinum beneficio & femori & cruri adhaereat; item
 quomodo ipsa in pedis extensione una cum musculis ascendat, contra
 vero in ejusdem inflexione descendat, atque in motibus fortioribus
 corporis magnam vim sustineat. Igitur quoties patella vel per lapsum,
 vel per ictum, plagam, vel per quamcunque aliam violentiam externam
 frangitur; tum ipsa vel in longitudinem, vel transversim, vel denique in
 plures partes diffringitur: ex quibus tamen ea, quae transversim fit,
 frequentissima est. Verum in longitudinem quae fiunt fracturae sicuti
 rariores sunt, ita promptius quoque ut plurimum curantur; quum
 fragmenta semper fere in naturali sede sua hic remaneant (a). Contra
 vero si transversa inque plures partes patella comminuitur, gravius
 ut plurimum subesse hic periculum consuevit. Tametsi enim pars
 inferior, utpote a musculis libera, situm pristinum conservet, superiores
 tamen propter annexos sibi robustissimos musculos sursum attrahuntur,
 ideoque difficulter admodum compelluntur.

II.

Ut plurimum vero haud adeo difficilis fracturarum hujusmodi, quae
 in patella fiunt, cognitio esse solet. Explorari enim vel ipsorum etiam
 digitorum adjumento plerumque potest, integrane adhuc sit an com-
 minuta patella; atque ubi comminuta est, directane, an transversa in-
 que plures partes diffracta sit: haereantne adhuc inter se invicem an

*Fractura pa-
 tellae facile
 cognoscitur.*

D d 2

la-

(a) Existimat quidem GARENGEOT hoc os in longitudinem frangi non posse, Lib. de Instrum. Chirurg. Tom. II. pag. 310. verum hoc interdum fieri posse, praeter multos alios etiam ipse PETIT cap. de patella fracta docet.

latius distent fragmenta. Vitandae vero hic in exploratione hujus fracturae magnopere sunt flexiones genu, tanquam maxime dolorificae atque inutiles, imo perniciosissimae (a), quia his frustra magis divelluntur. Sed tamen ubi paulo magis exiguum patellae fragmentum sursum attractum fuit, praesertim si aegri sunt obesi, minus plerumque expedita fracturae hujus cognitio est. Interim haec fractura non adeo periculosa esse consuevit, quam aliae, propterea quod ossis succus, ex quo callus progignitur, non aequae facile hic ac in fracturis aliis, penetrare in ipsam articulationem, eandemque rigidam efficere queat, quemadmodum alias saepe in aliis hujus ossis fracturis fieri consuevit, ubi genu saepe immobile redditur.

III.

Prognosis.

Et vero difficulter admodum ut plurimum curari solent, qui patellarum fracturam aliquam experti sunt. Namque practicis ubi credimus medicis, abesse vix solet, quin rigida vel saltem minus expedita ac difficulter admodum mobilia eorundem genua reddantur. Praeterquam enim quod succus ossium, pro callo formando destinatus, in abditos hujus articuli sinus sese effundat, ipsa plerumque axungia, quae articulos alias lubricat, etiam simul coit atque una cum sic indurescit, ut femoris atque cruris ossa, quasi tigna quaedam fortissimo glutine juncta, rigida fiant & sibi invicem concrecant, atque unicum veluti os efficiant. Idque magis etiam ideo, quia in istiusmodi fracturis, praesertim ubi transversae fuerint, diuturna admodum genuum quies summe necessaria est, donec os hoc glutinari queat, qua mora liquor ille sive axungia lubricandis articulis destinatus, semper fere inspissari consuevit. Quin fieri etiam plerumque solet, ut, qui patellam sustinet, ipsiusque juncturae motum inprimis dirigit, tendo per eandem, qua patella laeditur, violentiam duriter affligatur, proindeque ipsa genuum mobilitas insigniter impediatur atque adeo perdatur. Ut adeo mirum non sit, eos, quibus semel fracta fuit patella, frequentioribus lapsibus, ideoque novis etiam patellae fracturis, ut ipse exempla vidi, opportunos deprehendi. Maxime quia tendinis illius percussione insanabilis plerumque debilitas insequitur.

IV.

Curatio.

Ad diffractarum patellarum curationem quot attinet, ea sic omnino instituenda est. Nempe quoties directa quaedam fractura contigit, aegro supino decumbente, pedeque extenso, manibus fragmenta solerter utrinque compelluntur, fasciaeque unientis, quae vocatur, subsidio accurate deligantur; ea scilicet ratione, quam ad vincienda ventris ac frontis longiora vulnera superius praescripsimus, pleniusque in doctrina de fasciis describemus. Quoties autem patella vel ^{trans-}versa, vel in plures etiam

(a) PETIT lib. de morb. oss. mortem inde notavit p. 233. & seq.

etiam particulas comminuta est, aegro in eodem situ constituto, extendi ante omnia pes afflictus debet. Tum operam dare chirurgum convenit, ut vel palmae, vel pollicis ac digitorum subsidio sursum attracta fragmenta deprimantur, hisdemque in sedem suam accuratissime repositis, emplastris vel lunatis, vid. Tab. IX. fig. 2. vel perforato, fig. 3. firmetur, ac deinde pes afflictus ita & collocetur & deligetur, ut ne inflecti facile, nec disturbari valeat. Quod ipsum curationis negotium explanatius in doctrina de fasciis infra exponere instituimus. Quamquam autem pro istiusmodi fracturis firmiter continendis peculiares quaedam excogitatae a chirurgis machinae reperiuntur, cujusmodi aliquam SOLINGIUS commendavit (a), nosque adhuc alia sumus instructi, imo & GARENGEOT (b) adhuc aliam descripserit; istae tamen, ut verum fatear, sic comparatae sunt, ut commemoratis superius malis haud omnino sufficere videantur. Sed ne tandem os illud patellae repositum, prouti quidem, experientia teste, fieri haud raro solet, denuo diffringatur aut disturbetur; cavendum solertissime illud est, ne facile ante nonam decimamve hebdomadem pedi afflicto aegrotus sese committat, vel etiam deambulet. Vix enim glutinari satis ante illud tempus patellae fragmenta consueverunt, & qui tamdiu non quiescunt, plerumque claudicare solent (c). Ceterum consuli hanc in rem jure suo merentur istae observationes, quas de hujusmodi fracturis PURMANNUS (d) quam solertissime congeffit.

(a) Vid. Ej. Chirurg. cap. de patella fracta. It. Tab. 15. fig. 26. edit. Amstel. ann. 1698. ubi machina delineata reperitur.

(b) In lib. de instrum. chirurg.

(c) Vid. hac de re RUYSCHEI Obs. III.

(d) Chirurg. P. III. c. 21.

C A P U T X.

De cruris ac pedis ossibus fractis.

I.

EQuidem de cruris binorumque in eodem ossium, *tibiae* videlicet ac *furae* sive *fibulae*, fracturis nihil fere novi est, quod denuo hic praecipiam, & supra non dictum sit: siquidem in ipsarum curationibus eadem prorsus observanda sunt, quae ad quorumcunque ossium fracturas generatim supra praescripsimus. Scilicet, ut ossa diffracta manibus vel habenis probe extendantur, & quam accuratissime reponantur; deinde probe deligentur (a), atque aptissimo denique situ collocentur. Hoc

D d 3

fo-

(a) Modus hanc fracturam deligandi vid. Part. III. de fasciis, cap. VII. N. 10.

De eorum
fractura cum
vulnere.

solum adhuc moneo, quod interdum utrumque, interdum vero alterutrum sit fractum. Si utrumque, rarius in eodem prorsus loco ambo fracta sunt, sed alterum paullo altius altero. *Sin tibia sola fracta*, facilius hoc cognoscitur, quia mox sub cute sita est, quam *si sola fibula*, utpote in carne sive musculis valde recondita, & hinc difficillime saepe cognoscenda. Praeterea *quoties non nisi fibula* sive fura comminuta est, levius plerumque afficiuntur aegroti: usque adeo, ut interdum ne at incessu quidem penitus impediuntur. Ut vero haec fibulae fractura rite cognoscatur, altera manu sub surae crus amplectendum, altera vero pes hinc inde commovendus, & dum hoc fit ea manu, quae crus comprehendit, percipi potest an & ubi fracta sit (a). Quodsi autem, ut fieri saepe solet, *tibiae fractura externum aliquod cutis vulnus* simul sibi adiunctum habuerit; tum sic omnino instituenda curatio est. Nempe primo loco solertissime purgari debent vulnus & ossa comminuta a foridibus, ossiculis liberis & rebus quibuscunque peregrinis; deinde ossa fracta, extensione prius facta, in ordinem sunt redigenda; postea profusionem sanguinis, si quae est, suppressere (b), suppressoque sanguine, per injectam octodecim capitum fasciam, adinstar voluminis alicujus constructam (*Tab. IX. fig. 4.*) firmiter deligari; prouti quidem plenius *cap. 8. de fasciis* infra edocebimus. Si quae autem ossium fragmenta prominent, quae illis reponendis impedimento sunt, circumspecte prius per forcipem quandam acutam aut ferram subtiliorem praecidi debent, ac deinde ossa in sedes suas reponere ac deligare. Quibus rite sic confectis proximum est, ut pedem aegrum vel lectulo stramineo imponamus, quem Galli *fanons* appellant, vel instrumento orichalceo, id est, ex cupro flavo confecto, proprio atque ad continendas tibias fractas inprimis accommodato, quam exactissime includamus; *vid. Tab. IX. fig. 9.* atque sic quotidie diligatio renovatur, donec vulnus clausum sit. Interdum *frustula ossium demum sub curatione per suppurationem soluta se ostendunt*; quae simulac deprehenduntur, eximenda, & posthaec, ut antea, in deligatione pergendum (c).

II.

Petiti machina pro bis fracturis.

Aliam eamque haud contemnendam machinam sive *capsam* ligneam pro crure fracto, cum carnis vulnere commodius sanando, excogitavit atque descripsit PETITUS, cel. Chirurgus Paris., (d) quam ex Actis Acad.

(a) Exemplum fibulae male curatae, quam prava secuta sunt symptomata, refert GOUVEY Chirurg. p. 130.

(b) Ut paullo supra Cap. VIII. N. XI. docui.

(c) Exemplum fracturae tibiae cum vulnere vid. in SCULTET. Obs. 82. aliudque sclopeto inflictum obs. 84.

(d) Primo in Act. Acad. Reg. Paris. An. 1718. dein in lib. de ossium morbis Tom. II. p. 283. & ex hoc GARENGEOT libr. de instrum. chirurg.

Acad. Reg. Paris. hic potius quam vel ex PETITI libro de ossibus, vel ex GARENGEOTI figuris exhibere volui, quia in his tantum integra & minus perspicua repraesentatur, unde forte tam facile non intelligitur, quam si duplici ratione, ut in Act. Acad. Reg. sistitur (a). Igitur hic *Tab. IX. fig. 11.* primo integra & conjuncta, ac deinde quoque disjuncta sive in partes & elementa quasi dissoluta *fig. 12.* a nobis exhibetur. Machinae nimirum hujus pars primaria AA. *fig. 12.* cruri fracto & in sedes suas rursus reposito, ea, qua decet, lenitate subjicitur, vulnereque medicamentis nutrito, fascia octodecim capitibus, ut alias fieri solet, parti fractae recte circumdatur, ferulae superadduntur, eaeque habenis tribus firman- tur, capsae partes laterales BB. & anterior C., quae morae sive soleae loco est, per cardines DD. junguntur, uncinulisque EE. clauduntur, ut *fig. 11.* E. ostendit, quibus pes ne labi aut vacillare queat, obfirmatur, & aeger quieti traditur. FF. est pars inferior machinae, & basis praecedentium, quae ad extremum GG. per cardinem cum superiori jungitur, quaeque femori subjicitur. In anteriori parte fulcrum mobile, ligneum H. adest, fixum utrinque in parte superiori cardine ligneo II.; mobile vero in parte inferiori K., cujus ope pars machinae superior, eaque simul pes laesus, prout res id exigit, vel attolli vel deprimi potest, quando illud fulcrum mobile vel sulcis anterioribus vel posterioribus LL. partis inferioris injicitur. Pars superior AA. ligamentis latis lineis & linteo robusto obducta est, quae clavis in lateribus affixa sunt, ut pes super his mollius, quam super ligno vel assere quodam requiescat. Reliquas partes hujus capsae, quas brevitatis causa explicare hic praetermitto, ex figuris haud adeo difficulter intelligi posse arbitror; illudque solum adhuc moneo, quod magnitudo ejus cum pedis magnitudine conformis esse debeat. Quam vero ob causam, quia fracturae hujusmodi in bello frequentissime occurrunt, & propterea nimis magna harum capsarum copia esset necessaria, ubi difficillime haberi possent, chirurgi castrenses lectulis stramineis potius uti coguntur. In quavis deligatione uncinuli EE. solvuntur, alae laterales removentur, vulnus, ut alias, nutritur, fovetur, ac deligatur, eaque postea rursus, ut antea, clauduntur, ut pedem quam exactissime contineant.

III.

Denique pedis ossa, qualia *tarsus, metatarsus* atque *digiti* sunt, eodem prorsus, ut manuum ossa, modo frangi & comminui possunt; verum ob vehementem nervorum, tendinum, ligamentorum ac membranarum collisionem gravissima mala ut plurimum concitare solent, & ple-

*De fractis
pedis ossibus.*

(a) Dolendum tamen, quod Auctor figuris suis litterisque & numeris adjunctis nullam peculiarem explicationem hic addiderit: unde facile fieri poterit, ut nonnulla a multis non rite percipiantur.

rumque vulnera adjuncta habent. In curatione etiam eadem fere prorsus ratione in sedem suam reponenda, praeterquam quod alia hic deligatio necessaria sit; qualem scilicet inferius in doctrina de fasciis exponemus. Ceterum illud generatim hic observandum: nempe ossium pedis, perinde ut manus, crurisque circa malleolos fracturas, cumprimis quando malleoli ab osse principali per fracturam solvuntur, raro admodum sic curari posse, ut nulla vel immobilitas atque rigor, vel vehementior inflammatio, vel ulcus, vel caries ac fistulae immedicabiles superveniant. Quae ultimae laesiones quum saepe non nisi membri amputatione curari haud raro queant; imo nec ipsa amputatio aegros semper a morte liberet (a), sane, quoties aut fractura, aut collisio quaedam gravior his in locis contingit, consultissimum videtur, vel aegroto, vel aegroti saltem parentibus aut cognatis tempestive illud ipsum indicare: ne scilicet misera haec aegrotantium conditio chirurgus postmodum temere, ut saepe fieri solet, tribuatur. Si qui vero tandem sunt, qui uberiores de ossium fracturis disquisitionem desiderant, his ego auctor sim, ut celeb. PETITI *de ossium morbis* librum diligenter evolvant.

C A P U T X I.

De ossibus fractis per tela acuta, quae ossium vulnera dici possunt.

I.

*De ossium
vulneribus.*

HActenus de ossibus fractis, quae telis obtusis comminuta sunt, disseruimus; superest nunc, ut adhuc *de eis, quae vulnera ossium haud inepte dici possunt, & quae telis acutis, gladiis scilicet, ensibus, securibus* aliisque ejusmodi rebus franguntur, de quibus pauci adhuc seorsim sive sigillatim egerunt, proponamus. His autem telis non solum partes molles, verum etiam durae, ossa nimirum, laeduntur, aut potius diffecantur, vel dividuntur, & quidem ita, ut interdum leviter tantum incidantur, interdum maximam partem, aliquando vero integra dissolvantur atque quasi frangantur; quibus vero ossium vulneribus aliter fieri nequit, quin varia, eaque saepe gravissima mala, pro diversitate laesae partis, pro diversitate item magnitudinis vel altitudinis vulneris, ut & pro diversa violentia, qua inflicta sunt, subsequantur: prout quis plagam vel in calvaria, vel naso, vel maxillis, digitis, manu, brachio, humero, crure, vel femore, accepit. Haud adeo magno
ne.

(a) Conf. DRANII Obs. Chirurg. 103.

negotio istiusmodi laesiones cognoscuntur : quia vero aliam paullo curandi rationem, quam aliae fracturae, requirunt, paucis nunc, quomodo optime curentur, speciatim hic agendum erit.

II.

Priusquam autem hoc fiat, monendum est, *leves ejusmodi plagas*, quae *Prognosis* scilicet non alte in ossa penetrant, ut plurimum non adeo magnum periculum inferre : inprimis si in curatione earum rite procedamus, ossa nimirum laesa, quamprimum fieri potest, tegumentis suis, ne ab aere male afficiantur, rite contegamus, atque pingua & oleosa remedia, utpote ossibus alienissima, evitemus. Quae vero altius penetrant, aut ossa omnino dividunt, vicinasque simul partes, praesertim eas, quae ad vitam valde necessariae sunt, ut in capite, collo, spina dorsi ac pectore, vehementius laedant, vel in brachiis & pedibus majores venas aut arterias, nervos aut tendines incidunt, aut omnino refecant, longe majus periculum portendere, difficiliusque multo curari, imo saepe mortem inferre.

III.

In curatione vero harum, quae telis acutis excitantur, fracturarum, *Curatio generalis.* PETITUS, clarus ceteroquin chirurgus Parisinus, in libro speciatim de morbis ossium conscripto, promiscue docet (a), quod in ejusmodi ossium laesionibus, si secundum longitudinem inflictae sunt, orae vulneris sint conjungendae, & fascia, quam UNIENTEM vocant, curandae; quae verae valde oblique vel omnino transversae, SUTURA & FASCIA, quae OCTODECIM CAPITA habet, sint glutinandae. Hoc vero quia in multis ejusmodi laesionibus non succedit, atque sic tironibus errandi occasionem praebet, aliter & quidem paullo plenius ac specialius hac de re exponere haud alienum erit. In prioribus quidem speciebus cum ipso fere consentio : praesertim quando ejusmodi vulnerationes leviores sunt, & calvariam exempli causa, aut non petitus, aut non admodum profunde ac sine collisione penetrarunt, aut saltem cerebrum non vehementer admodum laeserunt, atque idem etiam jam supra, ubi de capitis vulneribus actum est, Cap. XIII. n. II. aliisque in locis edocui. Ubi vero contrarium obtinet, aliter etiam atque cautius erit procedendum : linamentis nimirum carptis apertum servando vulnus, illud mundando, atque mundatum tandem balsamicis glutinando; ut quoque supra jam praecepi. Nam a nimis cito occlusis istiusmodi vulneribus gravissima saepe mala imo mors ipsa haud raro inducta sunt. Ita & in plagis hujus generis levioribus obliquis ac transversis non semper & promiscue, ut PETITUS vult, suturam atque fasciam octodecim capitibus necessarias esse judico; sed rarissime tantum. Nam profecto multa hujusmodi ossium vulnera sine su-

Tom. I.

Ee

tura

(a) Tom. II. p. 280. editione Paris. altera.

tura & sine fascia octodecim capitum curavi, & curari vidi. Etenim, ut exemplo rem illustrem, *vulnera obliqua capitis, frontis, aut calvariae*, quae leviora sunt, haud adeo difficulter ope emplastrorum ac fasciarum glutinari possunt, atque in eis futura, quae acubus & filo fit, (quam indicare hic videtur PETITUS) non indigemus, multo minus fascia octodecim capitum: verum, ut in cap. de vulneribus capitis scripsi, balsamo aut pulvere glutinante, itemque emplastro, laesiones istae, siue sint in capite, siue in maxillis, siue in clavicula aut scapula, siue in osse humeri, brachii, digiti, femoris, cruris, vel pedis, ut plurimum satis facile sanantur. Contra ubi frustra dependent, ut adversae parti jungi rite nequeant, futuris istis omnino opus est.

IV.

*Specialis
in digitis.*

Praeterea *digitos* ita laesos, ubi ossa gladio prorsus dissecta erant, itaque ex frusto tantum inferiori cutis & carnis laxae dependebant, sine futura & fascia octodecim capitum sequenti modo optime glutinavi. Nimirum frustra ossis dissecti quam accuratissime conjunxi, eaque angusto emplastro circumdato, ut in hoc situ retinerentur, combinavi, postea splenium spiritu vini succidum injeci, frustulum angustum chartae crassissimae vel ligni, ad instar ferulae, pro ossibus fractis in aequali situ conservandis, supposui, omnia fascia idonea, longa & angusta in hoc situ firmavi, manumque in mantile siue mitellam de collo suspensam immisi. Haec ita per aliquot dies reliqui, & solum, ut aegri quietem, & legitimam victus rationem servant, imperavi. Tandem fasciam quam cautissime solvi, spleniumque blandissime, sed non emplastrum removi, vulnus a sordibus, quantum fieri potuit, purgavi, essentiam vulnerariam instillavi, splenium spiritu vini madidum rursus superaddidi, atque fascia, ut antea, omnia obfirmavi. In hoc statu digitum vulneratum rursus per aliquot dies reliqui: postea singulis fere tribus diebus eadem ratione eum deligavi, donec tandem quatuor hebdomadarum spatium omnino glutinatus fuerit.

V.

*In ossibus
cubiti &
cruris.*

Porro si cuidam alterum *ex cubiti ossibus* praecisum est, quod ut plurimum ulna esse solet, quia haec plerumque inter dimicandum quam maxime ad periculum laesionis avertendum opponitur, atque exponitur, neque futura, neque fascia octodecim capitum necessaria est; verum vulnere mundato balsamum siue essentiam vulnerariam immitto, linamentum eodem remedio succidum, una cum emplastro, superimpono, splenio omnia obtego, ferula ex charta crassa, spiritu vini prius macerata, magnam partem cubiti juxta vulnus includo, ut sic exsiccata circa cubitum tanto melius figurae ejus sese accommodet, eam postea fascia longa, ut alia vulnera, includo, atque brachium in mantili siue mitella, circa collum firmata, suspendo. Et si sic vulnus alternis die-

diebus, aut si multum puris fundit, quotidie semel deligatur, hac ossium fracturae egregie sine ulla futura, quam potius hic noxiam judico, consolidantur. Quando *alterutrum ex ossibus cruris dissectum*, fascia quidem utor octodecim capitibus, ut in aliis cruris aut tibiae fracturis; verum haud facile futura: quippe qua vix unquam in solius tibiae, utpote sola cute tectae, fractura opus erit, rarissime in fibulae sive surae ossis, & vix nisi tunc, quando crassiores surae musculi forte simul dissecti sunt. Nam a futuris, quia facile vehementes inflammationes, dolores, convulsiones aliaque mala saepe movent, quantum fieri potest, abstinendum, easque non nisi in summa necessitate, ubi curatio aliter obtineri nequit, adhibendas esse, jam in vulnorum curationibus praecipimus.

VI.

Quoties vero *os femoris ense praeseclum est*, tunc, ut musculi hic robustissimi, tanto melius rursus conjungi, & in situ hoc, ob firmiorem glutinationem obtinendam, retineri, conservarique queant, futura, quae acubus & filis fit, eodem modo, ut in vulnorum futura lib. I. cap. I. n. 33, & 34. docuimus, suendi sunt, vulnus etiam eadem ratione fovendum, fascia denique octodecim capitum deligendum, pesque in lectulum stramineum, ut in aliis hujus ossis fracturis solenne est, quam solertissime reponendus. Ita si *os humeri, sive brachii* gladio dissectur, similis quidem prorsus, ob easdem, quas modo proposui rationes, futura, ut in ossis femoris laesione, injici debet; verum non fascia octodecim capitibus, sed longa, & angusta, ut in aliis brachii fracturis. Brachium deinde in mantile breve circa collum obfirmatum, est ingerendum, ut hac ratione & os, & musculi tanto melius arctiusque jungi, atque sic citius & perfectius glutinari queant.

VII.

Quod si forte aliquando contingeret, ut *utraque ossa vel cubiti, vel tibiae, sive cruris* telo acuto tota simul dividerentur, ita nimirum ut adhuc ex carne, vasis sanguiferis, & cute dependeant (id quod tamen rarissime sine omnimoda harum partium amputatione fieri solet) futura quoque una cum octodecim capitum fascia injicienda erit. Nihil vero etiam ipsa futura effici potest, quando pars vel integra, vel saltem eousque resecta est, ut praecisis omnibus venis & nervis sola cute adhuc cohaereat, praesertim quando majus est membrum, ut pes vel brachium. Hoc enim quando incidit, pars tam leviter cohaerens, quia ob vasa lacerata & sanguinis vehementem profusionem cum reliqua rursus glutinari nequit, ressecanda, sanguis, ut post amputationes harum partium fieri solet, cohibendus, eodemque etiam modo deligatio instituenda.

In maxilla,
clavicula &
scapula.

Quando *maxilla inferior* gladio ita discissa esset, ut frusta ejus multum distarent, & sine futura contineri non possent, ea quoque & hic adhibenda esset: superadditis postea balsamo, emplastro, splenio, & fascia conveniente. Si *clavicula*, aut *acromium scapulae*, ictu teli acuti disjuncta prorsus occurrunt, eodem fere modo instituenda est curatio & deligatio, ut in fractis his ossibus supra proposuimus: ea solum adhibita observatione, ut singulis, vel alternis diebus fasciae, quam lenissime fieri potest, solvantur, atque vulnus, ut in aliis hujusmodi ossium laesionibus docuimus, mundetur, ac foveatur, donec id omnino glutinatum sit. *Profluvia sanguinis*, quae his in laesionibus saepe largissima sunt, ut supra proposuimus, cohibenda sunt, compressione scilicet, adstringentibus, vel arteriarum ligatura: prout hoc pro laesae partis varietate commodissimum videbitur.

Explicatio Tab. IX.

Fig. 1. Splenium per certos gradus complicatum, quod Galli *compresse graduée* appellant, in femore fracto, inferiori sive tenuiori ejus parti injiciendum, ut haec pars superiori aequalis fiat, quo ferulae illud melius comprehendere & firmare queant.

Fig. 2. *Emplastra duo lunata*, quibus patella fracta & in ordinem rursus redacta apte includitur & firmatur.

Fig. 3. *Emplastrum perforatum* pro eodem scopo.







Fig. 4. *Fractura cum externo carnis vulnere* A. quae per fasciarum illud volumen, quod octodecim folia sive capita habet, BBBB deliganda. Quod commodissimum fasciarum genus veteribus incognitum fuisse videtur.


Fig. 5. *Lectulus stramineus* pro cruris fractura, quem Galli *fanons* appellant, litterae AAAA indicant duos bacillos, stramine obductos, & filo robusto obvolutos, linamentoque firmiori BB utrinque adnexus. Linamentum binas circiter latitudine, tres autem longitudine spithamas sive pedes adaequet. Femoris vero fractura lectulum hunc duplo quasi longiorem plerumque exigit, ab inguinibus nimirum atque ossibus ilei usque ad pedem extremum.

Fig. 6. *Solea ex charta crassissima* lignove tenuiori, ad pedis aegri magnitudinem exaranda; quae per tres adnexas fascias sive ligulas lineas aaa diffracti pedis plantae ita applicanda, ut pedem in situ conveniente conservet sive moretur, unde CELSO *mora* dicta est.

Fig. 7. *Splenium* futuris variis interstinctum, ipsique morae, ne planta pedis a ligno vel charta crassa & dura rudius prematur, applicari solitum.

Fig.





For the purpose of the present invention, the term "pump" is used to describe the device which is capable of moving a fluid from one point to another. The term "engine" is used to describe the device which is capable of converting energy into mechanical work. The term "motor" is used to describe the device which is capable of converting electrical energy into mechanical work. The term "generator" is used to describe the device which is capable of converting mechanical work into electrical energy. The term "transformer" is used to describe the device which is capable of converting electrical energy from one voltage to another. The term "rectifier" is used to describe the device which is capable of converting alternating current into direct current. The term "inverter" is used to describe the device which is capable of converting direct current into alternating current. The term "controller" is used to describe the device which is capable of controlling the operation of the other devices. The term "sensor" is used to describe the device which is capable of detecting a physical quantity and converting it into an electrical signal. The term "actuator" is used to describe the device which is capable of converting an electrical signal into a physical action. The term "valve" is used to describe the device which is capable of controlling the flow of a fluid. The term "piston" is used to describe the device which is capable of converting the pressure of a fluid into mechanical work. The term "crankshaft" is used to describe the device which is capable of converting the reciprocating motion of a piston into a rotating motion. The term "camshaft" is used to describe the device which is capable of converting the rotating motion of a crankshaft into a reciprocating motion. The term "flywheel" is used to describe the device which is capable of storing energy and releasing it when needed. The term "clutch" is used to describe the device which is capable of engaging and disengaging the transmission of power. The term "gear" is used to describe the device which is capable of transmitting power from one shaft to another. The term "belt" is used to describe the device which is capable of transmitting power from one shaft to another. The term "chain" is used to describe the device which is capable of transmitting power from one shaft to another. The term "pulley" is used to describe the device which is capable of changing the direction of a rope or cable. The term "lever" is used to describe the device which is capable of amplifying a force. The term "spring" is used to describe the device which is capable of storing energy and releasing it when needed. The term "damper" is used to describe the device which is capable of dissipating energy. The term "bearing" is used to describe the device which is capable of supporting a load and reducing friction. The term "seal" is used to describe the device which is capable of preventing leakage of a fluid. The term "gasket" is used to describe the device which is capable of preventing leakage of a fluid. The term "bolt" is used to describe the device which is capable of joining two parts together. The term "nut" is used to describe the device which is capable of joining two parts together. The term "washer" is used to describe the device which is capable of joining two parts together. The term "bracket" is used to describe the device which is capable of supporting a load. The term "plate" is used to describe the device which is capable of supporting a load. The term "rod" is used to describe the device which is capable of supporting a load. The term "tube" is used to describe the device which is capable of supporting a load. The term "pipe" is used to describe the device which is capable of supporting a load. The term "valve" is used to describe the device which is capable of controlling the flow of a fluid. The term "pump" is used to describe the device which is capable of moving a fluid from one point to another. The term "engine" is used to describe the device which is capable of converting energy into mechanical work. The term "motor" is used to describe the device which is capable of converting electrical energy into mechanical work. The term "generator" is used to describe the device which is capable of converting mechanical work into electrical energy. The term "transformer" is used to describe the device which is capable of converting electrical energy from one voltage to another. The term "rectifier" is used to describe the device which is capable of converting alternating current into direct current. The term "inverter" is used to describe the device which is capable of converting direct current into alternating current. The term "controller" is used to describe the device which is capable of controlling the operation of the other devices. The term "sensor" is used to describe the device which is capable of detecting a physical quantity and converting it into an electrical signal. The term "actuator" is used to describe the device which is capable of converting an electrical signal into a physical action. The term "valve" is used to describe the device which is capable of controlling the flow of a fluid. The term "piston" is used to describe the device which is capable of converting the pressure of a fluid into mechanical work. The term "crankshaft" is used to describe the device which is capable of converting the reciprocating motion of a piston into a rotating motion. The term "camshaft" is used to describe the device which is capable of converting the rotating motion of a crankshaft into a reciprocating motion. The term "flywheel" is used to describe the device which is capable of storing energy and releasing it when needed. The term "clutch" is used to describe the device which is capable of engaging and disengaging the transmission of power. The term "gear" is used to describe the device which is capable of transmitting power from one shaft to another. The term "belt" is used to describe the device which is capable of transmitting power from one shaft to another. The term "chain" is used to describe the device which is capable of transmitting power from one shaft to another. The term "pulley" is used to describe the device which is capable of changing the direction of a rope or cable. The term "lever" is used to describe the device which is capable of amplifying a force. The term "spring" is used to describe the device which is capable of storing energy and releasing it when needed. The term "damper" is used to describe the device which is capable of dissipating energy. The term "bearing" is used to describe the device which is capable of supporting a load and reducing friction. The term "seal" is used to describe the device which is capable of preventing leakage of a fluid. The term "gasket" is used to describe the device which is capable of preventing leakage of a fluid. The term "bolt" is used to describe the device which is capable of joining two parts together. The term "nut" is used to describe the device which is capable of joining two parts together. The term "washer" is used to describe the device which is capable of joining two parts together. The term "bracket" is used to describe the device which is capable of supporting a load. The term "plate" is used to describe the device which is capable of supporting a load. The term "rod" is used to describe the device which is capable of supporting a load. The term "tube" is used to describe the device which is capable of supporting a load. The term "pipe" is used to describe the device which is capable of supporting a load.

Fig. 8. *Annulus lineus*, mollior, cui calx sive calcaneum immittitur, ut mollius decumbat; qui per funiculos aut ligulas b b pedi circumductas adligatur.

Fig. 9. Machina sive *canalis orichalceus*, pro firmiter continendis crurum ossibus diffractis. Hic ex tribus constat partibus A B C, quae per commissuras 1. 2. 3. 4. 5. 6. in cardinis modum inter se cohaerent. B est corpus sive pars primaria ac media machinae, instar canalis excavata, cui pes deligatus immittitur: A & C sunt partes exteriores & quasi alae sive valvae, quoque sinuatae, eaeque mobiles, ut expandi sive explicari & rursus complicari sive adduci possint: binisque his partibus singulis tres fere annuli quadrati E E E ad instar bractearum adnexi sunt, quo scilicet machina ista, trajectis per easdem funiculis vel ligulis lineis, circa crus fractum apte constringi, illudque firmiter comprehendere queat. Magnitudo ipsi cruris magnitudini respondere debet.

Fig. 10. Arcum ostendit ligneum, quo crus fractum apte tegi possit, ne a stragulis prematur & e situ suo disturbetur.

Fig. 11. *Nova PETITI machina* sive capsula (*Boette Gallis*) pro crure fracto, integra & conjuncta, sicut adhiberi solet. Conf. de ea cap. X. n. 2. de fracturis, ubi ample satis descripta est.

Fig. 12. Eadem in partes divisa & distincta, ut ejus fabrica inde melius cognosci queat. Lit. M notat partem illam separatam, cui cardines lignei II immixti, hinc inde dimoveri possunt. Cetera cap. X. n. 2. explicata sunt.

Fig. 13. Splenium altero extremo plicato, pro tenuiori cruris parte replendo, ut ferulae illud commodius amplecti & firmare possint.



PARTIS PRIMAE
LIBER TERTIUS,
DE
LUXATIONIBUS,
SIVE
OSSIBUS LUXATIS.

CAPUT I.

De ossibus luxatis generatim.

I.

Quid sit
luxatio.



Luxationem sive dislocationem aliquam contigisse dicimus, quotiescunque os aliquod sede sua sive junctura naturali sic motum fuit, ut ejusdem functio sive usus impeditus reperiatur. Sic enim, exempli causa, luxationem aliquam incidisse judicamus, quoties humeri caput ex scapulae sinu, vel femoris quoque os ex sinu coxae sive acetabulo ossis innominati excidisse, vel vi quadam expulsum animadvertimus. Tametsi autem, ut ex jam dictis liquet, cum primis ~~ad ossium mobilium juncturas sive articulos~~ luxatio proprie pertineat; tamen si ad vulgarem loquendi usum respicimus, iis quoque in casibus luxatio incidisse censetur, ubi vel narium ossa, vel epiphyfes atque ipsa ossa in junioribus a se invicem dimota sunt, naturalemque usum suum amittunt.

II.

Quid ad
ipsarum ex-
plorationem
& curatio-
nem praere-
quiratur.

Ex jam dictis facile colligitur, quid factu opus sit illis, qui in luxationibus & cognoscendis & curandis paulo felicius ac promptius versari cupiunt. Scilicet primum ac praecipuum est, ut veras ipsi articulorum figuras una cum ipsorum ligamentis & musculis perspectissimas sibi reddant. Cui quidem negotio quodammodo inserviunt figurae ossium in li-
bris

bris medicorum obviae; sed magis etiam frequentior sceletorum inspectio: maxime autem cadaverum recentium diligens perlustratio. Quae enim in nudis sceletis absunt ligamenta & cartilagine, hae in cadaveribus recentioribus quam optime in naturali situ suo conspiciuntur.

III.

Dispersi autem *luxationes* a medicis utplurimum solent primo in *perfectam* atque *imperfectam*. Quarum haec in eo potissimum consistit, ut ossa non nisi ex parte tantum, sed ita tamen sedibus suis mota sint, ut pristinum suum officium facere amplius nequeant. Alii *subluxationem* aut *distorfionem* appellare hujus generis noxam malunt. Ista vero, scilicet perfecta luxatio, tum demum incidisse putatur, quando quae per naturam sibi invicem juncta sunt ossa, penitus inter se vel dehiscunt, vel sedibus suis excidunt: ut cum humeri vel femoris ossa prorsus suis sedibus vel sinibus mota reperiuntur. Atque elabi quidem in utrisque luxationibus hisce diversimode ossa consueverunt. Modo enim in anteriorem vel posteriorem, modo in priorem vel posteriorem, denique modo in superiorem vel inferiorem partem ipsa prorumpunt. Dehinc altera luxationum distributio huc potissimum redit, ut ipsae in *simplices* & *complicatas* distribuantur. Quarum his, praeter ipsam ossium *distorfionem*, alia insuper mala, id est, vulnera, fracturae, ligamentorum debilitas & resolutio, contusiones, gravioresque inflammationes, juncta esse consueverunt: istis vero non item. Denique tertium luxationum discrimen in eo positum est, ut ipsae vel *recentes* sint, vel *inveteratae*. Ceterum quae *liberae* magis atque *mobiles* ossium juncturae sunt, hoc facilius quoque & saepius eadem excidunt. Itaque mirum non est, humerorum ossa e scapulis multo saepius elabi, quam cubiti atque carpi; colli atque lumborum sive coxarum vertebrae frequentius, quam quae in dorso reperiuntur.

IV.

Atque ista quidem communia sunt. Sequitur, ut de *singulis luxationum generibus sigillatim* exponamus, facto ab ipso capite initio. *Luxatum* autem in capite quidpiam putatur, quoties vel 1) narium ossa dehiscunt; vel 2) maxilla inferior in priorem aut posteriorem partem propellitur: quo minus enim in posteriorem partem prorumpat, ossis petrosi aliqua prominentia sive processus impedit; vel 3) ipsum caput una cum superioribus vertebrae distorquetur; vel denique, prout visum medicorum aliquibus est, quoties 4) cranii seu calvariae ossa, propter vel capitis dolores, vel febres, vel hydrocephalum, sedibus suis expulsa dehiscunt.

V.

Quae spinam constituunt *vertebrae*, tametsi pleraeque omnes sedibus suis moveri possint, nullae tamen sic promoveri facile solent, ut peni-

tus excidant, perfectamque luxationem aliquam experiantur. Sed tamen longe facilius colli vertebrae, utpote minutiores ac mobiliiores, quam quae in pectore vel dorso sunt, elabuntur: siquidem hae non majores solum, sed & arctius junctae inter se esse consueverunt. Similiter vertebrae lumborum quum & multa cartilagine instructae, & propter sinuum defectum, laeviores & mobiliiores sint, haud adeo difficulter dispelli e nativa sede sua possunt. Denique os cœccygis per partum aliquem difficiliorem protrudi, per lapsum autem graviolem deprimi atque in interiorem partem compelli nonnunquam solet. Quo quidem facto intestinum rectum comprimitur, malaque gravissima concitantur.

VI.

De pectoris
luxationi-
bus.

Pectoris ossa quemadmodum varia sunt, ita variis quoque luxationibus ipsum pectus opportunum esse deprehenditur. Sic enim *costae* interdum lapsu vel ictu quodam graviore ex vertebrae expulsae in interiorem pectoris partem propelluntur, non sine egregio motus pectoris ac pulmonum impedimento. Tum fieri quoque interdum solet, ut *cartilago Xyphoides* vel ensiformis, sternoque adnexa, per vim aliquam graviolem deprimatur, proindeque ventriculus duriter affligatur. Ad *clavicularum* autem *ossa* quod attinet, ipsa quidem utrinque, hoc est, quum ex scapularum, tum & vel maxime e sterni sinubus dimoveri nonnunquam solent. Quod simulatque incidit, brachia continuo resolvuntur, adeoque a motu suo impediuntur.

VII.

De humero
luxato.

Os humeri, si quod aliud, sane quam facillime prolabitur; idque partim ideo, quia in sinum non adeo profundum illud ipsum dimissum est, partim etiam, quia maxima semper eademque liberrima gaudet mobilitate. Excidit autem & in partem anteriorem, & in posteriorem, & in inferiorem; nunquam autem sursum, vel in partem superiorem, nisi si acromion vel processus coracoides simul frangitur. Namque hic quam firmissime alias humerum supra continet. *Cubitus* autem quanquam varias experiri potest luxationes, haud tamen facile illud ipsum contingere solet, nisi vehementior accesserit violentia. Sic enim pars interior atque exterior, propter & insignem juncturae amplitudinem, & ligamentorum brevitatem, non nisi subluxationem aliquam pati consueverunt. In priorem partem excidere cubitus, propter grandiolem istum olecrani processum, nonnisi perquam raro potest. Contra vero in partem posteriorem & facillime & frequentissime idem prolabitur: prouti quidem accurata commissurae hujus consideratio luculentissime docet.

De cubito
luxato.

VIII.

De manu
luxata.

Carpus a brachii sive cubiti ossibus rarius prolabitur, fereque semper subluxationem tantum, propter ligamentorum & brevitatem & firmitatem,

tem, patitur. Ubi vero carpus forte prolabitur, longe plerumque facilius in priorem ac posteriorem, quam in interiorem atque exteriorem partem is prolabitur. Cujus quidem rei haud difficilis ratio est: siquidem in utroque latere radii atque cubiti sive ulnae, quibuscum carpus cohaeret, prominentiae quaedam osseae deprehenduntur, quae carpum a faciliori in latera prolapsu defendunt. Nonnunquam ipsa *carpi ossa* inter se subluxationem sive distortionem aliquam patiuntur, unde manuum distentio vel rigor plerumque suboritur. Eodem prorsus modo *digitorum ossa* e sede sua dimoveri; sed promptius tamen & reponi & curari possunt.

I X.

In artubus sive extremitatibus inferioribus, id est, pedibus, primo loco spe- *De femore*
ctandae veniunt femoris luxationes. Excidere autem femoris os in quam- *luxato.*
 cunque partem, vel in superiorem vel inferiorem, vel in interiorem vel exteriorem potest. Sed in quam tamen partem prolapsum illud sit, ex varia membri circa juncturam figura, ipsiusque diversa pedis longitudine solet dignosci. Quanquam probe observandum hic iterum illud est, quod supra jam tum obiter observavimus; (*Lib. II. Cap. VIII. No. 6.*) longe scilicet, quam medicorum plerique hucusque crediderunt, rarius per vim aliquam externam femoris os ex acetabulo promoveri. Quoties enim cunque recentiores medici femur aliquod ejusmodi in speciem luxatum inciderunt, tantum abfuit, ut femoris caput ex acetabulo prolapsum invenerint, ut potius ejusdem collum, capite nihil quicquam disturbato, comminutum aut fractum animadverterint. Neque vero mirum id videri cuiquam debet. Quemadmodum enim femoris caput in profundissimum acetabuli sinum dimissum valentissimisque ligamentis firmatum est, usque adeo, ut in cadaveribus ne vel per robustissimos etiam homines aliamque violentiam ex acetabulo promoveri queat; si e contrario ipsius collum mirum quantum tenerum ac fragile deprehenditur. Ut proin longe facilius femoris collum per externam aliquam vim comminuetur, quam ejusdem caput ex acetabulo propellatur. Quod autem colli femoris fracturas medici plerumque pro luxatione habuerint, tractaverintque, ratio haec est: quia nimirum crassiores femoris muscoli impediunt, quo minus vel per visum vel tactum dignosci a luxatione fractura queat.

X.

Ex jam dictis facile colligitur, primo quare chirurgi hanc, ut ita *Femoris*
 quidem putarunt, luxationem femoris tam raro restituere, neque sine *luxatio fieri*
 claudicatione vix unquam curare potuerint; & deinde quod multae *propter cau-*
 machinae ad extendendum falso sic creditum femur luxatum, quibus *sam inter-*
 aegros misere quondam discruciarunt, inanes atque saepius valde noxae *nam solet.*
 sint. Nam putarunt, hoc os luxatum propterea ab ipsis restitui non posse, quia illud ob musculorum hic robur ingens fatis extendere non va-

lerent. Quam ob causam omnis generis trochleas & machinas tractorias vehementissimas (a) excogitarunt, quibus fortissime trahere & extendere possint: quibus vero, quia os luxatum non erat, sed fractum, nihil plerumque aliud praestiterunt, quam ut dolores summos, convulsiones, inflammationes, abscessus aliave gravissima mala aegris concitaverint. Certissimum enim est, inter quamplurima vitia, circa hunc articulum incidentia, ubi os luxatum olim habuerunt, & adhuc nonnulli habent, illud quam rarissime a vi quadam externa luxatum revera esse; sed plerumque collum ejus fractum deprehendi: nam caput hujus non nisi rarissime excidere e sinu suo potest, nisi insignis ligamentorum hujus articuli resolutio sive debilitas a praegressis humorum noxiorum juxta hunc articulum congestionibus praecesserit, quae ligamenta haec, alias valentissima, aliquando ita laxant ac debilitant, ut levi vi postea accedente femur ex sede sua disturbetur: id quod tamen saepius & frequentius in pueris & junioribus, quam in adultis, ut frequenti usu observavi, fieri consuevit.

XI.

*De patellae,
itemque genu
luxatis.*

Patellae sive rotulae ossa quo facilius & frequentius dimoveri ex pristina sede sua consueverunt, hoc rarius quoque ipsorum luxationes ab imprudentioribus chirurgis rite cognoscuntur. Si qui enim ab anatomicorum doctrinis male instructi chirurgi fuerint, periculum sane est, ne ipsi patellae luxationes pro genu luxationibus tractent, aegrotosque frustraneis extensionibus ac doloribus discrucient. Quum e contrario illi, qui naturalem ossium in pedibus dispositionem probe perspectam habent, aut visus aut tactus beneficio dignoscere statim possunt, ipsumne genu an patellae os distortum fuerit: semper enim vel ad interiorem vel ad exteriorem partem patella promovetur. Ipsum autem *genu*, sive, quod perinde est, tibia a femore, tametsi versus quaslibet partes propelli possit, tamen, quia eorum extrema ampla, duo capita satis profundis sinubus inserta, valentissimisque ligamentis firmata sunt, prope nunquam penitus excidunt.

XII.

*De pede
luxato.*

Similiter *pes* protrudi nonnunquam ex sinu tibiae vel in priorem vel in posteriorem partem solet. Quo minus enim ad latera idem prorumpat, malleoli impediunt; nisi forte ipsi una diffringantur. *Fibulam a tibia per majorem aliquam vim distrahi*, pedemque in exteriorem partem simul converti quandoque posse, observatum a quibusdam legimus. *Ossa tarfi* ligamentis quam firmissimis inter se invicem connexa sunt; adeoque non nisi difficulter admodum distrahuntur: quin &, quoties forte vehementius distrahuntur, dolores acutissimos, convulsiones ac

spha-

(a) Vid. figurae apud SCULTETUM in *Armam. Chirurg.*

sphacelos, nisi tempestive succursum fuerit, haud raro concitant. Denique *pedis digiti* rarius prolabuntur; atque ubi forte prolabuntur, eadem, ut manuum digiti, ratione tractantur.

XIII.

Luxationum *causae* vel *internae* sunt, vel *externae*. Quarum his qui- *De luxationum causis.*
dem lapsus, ictus, saltus, luctationes, tortura, hujusdemque generis alia solent annumerari. Ad istas autem singula ea referimus, quae intus in articulis praeter naturam congeruntur. Veluti quum humores vitiosi circa illos colliguntur, quibus firmiora ista juncturarum ligamenta usque adeo flaccida fiunt, ut ossium istiusmodi afflictorum capita, vel sua sponte; vel per quamcunque aliam leviolem violentiam externam inter surgendum, deambulandum aut salendum, e naturali sede sua prorumpant. Cujusmodi quidem exemplum miserrimum in studioso quodam Altorfino quondam me animadvertere memini. Ceterum quo teneri magis homines sunt, hoc magis etiam luxationibus obnoxii reperiuntur. Atque haec ratio est quare in infantibus brachiorum ac pedum ossa quam facillime distorqueantur, penitusque ab epiphysibus suis distrahantur, simulatque nimirum paulo rudius attolluntur, vel & a lapsu retrahuntur (a).

XIV.

Factam autem ossium luxationem aliquam fuisse, pluribus iisdemque *De luxationum indicis.*
variis modis cognoscitur: nempe 1) vel *ex impedito membri motu*; 2) vel *ex figura ac positura naturali commutata*; 3) vel *ex sinibus tumoribusve insuatis*. Siquidem semper ea parte tumor est, in quam os prorumpit; ea sinus, a quo recessit; 4) vel *ex diversa ossis longitudine*: fere semper enim in superiorem partem promotum membrum sano brevius, in inferiorem dimotum, longius fieri adsolet; vel denique 5) *ex doloribus* istis, quos violentior ligamentorum in distortis ossibus distensio concitat. Nisi enim vi prolapsa membrorum ossa, post graviolem ejusmodi ligamentorum distensionem, opportune reponuntur, abesse vix ac ne vix quidem potest, quin graviores convulsiones, inflammationes, sphacelus item atque ipsa mors insequantur. Si qua vero ossa propter causas simul internas sedibus suis moventur, tum nulli propemodum dolores persentiuntur. Interim ad expeditam luxationum ossium explorationem instituendam haud abs re erit, subsequenter in promptu habere regulam universalem: Nempe *quotiescunque os suis sedibus motum, alterum extremum in oppositam partem spectabit*: quoties enim superior ossis pars introrsum propulsa est, inferior certe in externam plagam dimota deprehenditur; sin illa extrorsum, haec introrsum inclinabit.

Ff 2

XV.

(a) Notatu dignum est, quod mater claudicans tres filios claudos pepererit, teste ZWINGERO Theatr. Pract. part. II. pag. 109.

XV.

De luxationum signis quibusdam propriis.

Quanquam autem communia ista luxationum signa sic comparata sunt, ut, qui juncturarum indolem ac motum haud omnino ignorant, unum quodvis luxationum genus satis promte ex iisdem cognoscere valeant; tamen, praeter haec, alia quoque in promptu *indicia* quaedam *propria* sunt, quibus in hoc vel isto luxationis genere paulo expeditius uti consuevimus. Sic ubi *maxilla inferior* excidit, os diductum hiat, neque claudi ab aegrotis potest. Ubi *vertebra* quaedam promovetur, partes eidem subjectae omnes resolvuntur, sensuque privantur. Neque enim moveri suis sedibus vertebrae possunt, nisi medulla, quae per medium eorum fertur, vel comprimatur, vel rumpatur, spirituumque per eam & nervos ad partes subjectas motus disturbetur, vel omnino intercipiatur. Ubi vero *costa* quaedam excidit, spiritus difficulter admodum trahitur, malaque id genus alia concitantur. Ac de reliquis quidem luxationum signis propriis fusius nunc differere nihil adtinet; siquidem ipsa ex proprio membri cujuscunque usu quam aptissime desumi poterunt.

XVI.

De subluxationum indiciiis.

Subluxationem autem vel distortionem aliquam contigisse, inde potissimum dignoscitur; si scilicet homo afflictus, post graviores aliquam vim externam corpori illatam, insignioribus doloribus ipsiusque membri immobilitate urgetur; parum aut nihil immutata naturali ejusdem figura vel positura. Ut ut, si curatius partem laesam circumspexeris, fere semper exigua quaedam articuli vel membri inaequalitas adverti queat.

XVII.

De luxationum, quae ab internis causis oriuntur, signis.

Denique luxatio, quae ab interioribus causis provenit, his vere indiciiis cognoscitur: Nempe 1) membrum ita prorsus resolvitur, ut facile promoveri ac torqueri in unamquamvis partem possit. Tum 2) circa juncturam locus cavus est, depressusque inter partes ossium dimotas digitus sinum invenit. 3) Quicquid prolapsum fuit, promptissime quidem reponi, sed protinus iterum sua sponte saepe prolabi solet; namque ligamentorum ac musculorum usque adeo mira debilitas est, ut satis illud continere nequeant. Dehinc 4) membrum prolapsum sano semper longius deprehenditur. Accedit 5) quod nullus plerumque dolor, nulla nec inflammatio, nec convulsio, qualiter in aliis luxationibus fieri solet, hic suboriantur. Denique 6) hujus generis luxationes ut plurimum in summa femoris humerique parte subnascuntur, & interdum quoque in pedis articulo cum tibia.

XVIII.

De luxationum prognosi.

Si quis autem chirurgus in *praevidendis ac praesagiendis luxationum eventibus* versari feliciter cupit, huic ego auctor sum, ut non ipsam tantum afflictarum partium indolem ac differentiam, sed luxationis quoque causas una cum aliis rebus circumstantibus quam curiosissime circumspi-

spiciat. Sic enim luxationes *imperfectae* ac *simplices* longe facilius, quam perfectae cumque vulneribus, fracturis, convulsionibus atque inflammationibus conjunctae tractari, compulsisque in sedem suam ossibus curari adsolent. Enimvero quo magis dimota quoque gravioribus malis vexata luxatorum membrorum ossa sunt, hoc difficilius quoque ipsa reponuntur. Usque adeo, ut, propter gravem nimis inflammationem & fracturam, vel reponi, vel, ubi etiam reposita sunt, propter miram ligamentorum debilitatem, in sedibus suis contineri sineque clauditate curari prorsus interdum nequeant. Quod ipsum quidem in iis potissimum membris solemne est, quae propter causam aliquam internam sedibus suis exciderunt. In junioribus autem ubi forte tale quidpiam incidit, fere semper subjectae partes tabidae, flaccidae, prorsusque debiles fieri consueverunt. *Luxationes recentes promptius ut plurimum, quam inveteratae curantur.* Namque in his tumores & inflammationes ut plurimum suboriuntur, humoresve copiosi colliguntur, quibus vel ossium ligamenta penitus enervantur, vel articulorum sinus quasi glutine complentur atque obstruuntur, ut, quicquid exciderat, reponi satis nequeat. Denique nec illud in luxationibus veteribus insolens est, ut prolapsum ossis caput cum nova eaque externa quadam sinus sui parte conferveat: ut quum femoris caput summum externae cuidam ossis coxae vel acetabuli parti adhaerescit atque adcrescit; ipso interim acetabulo humoribus praeter naturam iisdemque tenacioribus adimpleto & quasi deleta.

XIX.

Si quid in infantibus vel prolabitur, vel epiphysis quaedam ab osse *Quid in infantibus fiat.* reliquo distrahitur, periculosum valde quin imo desperatum prorsus malum inde subnascitur. Namque 1) tenerrima eademque cartilaginosa ossium capita sic fere distorquentur, ut naturalis ipsorum figura vel nunquam, vel rarius saltem restitui queat. Tum 2) semper fere luxationes hujusmodi ab ancillis & nutricibus celantur, adeoque non nisi feram nimis parentum medicorumque curam experiuntur. Accedit 3) quod dum medici, causis veris ignoratis, malum istud pro destillatione sive catarrho habent atque tractant, cartilaginosa ac molles istae partes nimium quantum interea distorqueantur, inque pessimam aliquam positionem crescendo redigantur. Denique 4) ipsa quandoque chirurgorum imprudentia in causa est, quo minus prolapsa in infantibus ossa reponi feliciter queant. Tantum enim abest, ut vehementior ista, quam chirurgorum vulgus hic adhibet, membrorum extensio quidquam proficiat, ut potius ossa illa tenerrima atque epiphyses ulterius a se invicem distrahat, malaque malis quasi cumulet.

C A P U T II.

De luxatorum ossium curatione.

I.

*De luxatio-
num cura-
tione.*

EQuidem luxatorum & diffractorum ossium curationes maximam fere partem conveniunt ac fere eadem sunt. Namque in luxationibus, perinde ut in fracturis, omne chirurgorum studium eo praesertim spectat, 1) ut quicquid forte prolapsum fuit, extendendo ac deinde compellendo in sedem naturalem reponatur; deinde 2) ut quicquid ita repositum est, in naturali situ suo conservetur ac contineatur; & tandem 3) ut malis quibuscunque propinquis, sive, ut vulgo dicunt, symptomatibus occurratur. Ac reponi quidem ossa commodius solent, ubi aegrotus vel in sedili, vel in mensa, vel in lecto, vel denique in terra, prouti scilicet chirurgo visum, ipsique malo commodum fuerit. Namque observandum omnino hic est, in sedili quam aptissime illud reponi solere, quicquid in maxilla, clavicula sive jugulo, brachio sive cubito, manu, vel in ipso quoque humero prolapsum est: in mensa vero, si quae vertebrae aut femur exciderunt: in lectulo, quicquid forte in cruribus vel pedibus sede suamotum fuit: denique in solo quam commodissime reponitur, quicquid vel in humeris, vel in colli vertebrae ex naturali sede propulsum est.

II.

*De exten-
sione.*

Tum extensio quoque ossium elapsorum eadem fere, ac diffractorum, ratione peragitur. Scilicet exterior vel inferior dimotorum ossium pars a ministro tantisper intenditur, donec ossa disturbata horundemque capita cum sinibus, unde exciderunt, accurate rursus respondere reperiuntur. Quae ipsa quidem extensio manuum, aut, si haec parum sunt, mantilium beneficio quam aptissime fieri nunquam fere non potest. Ut adeo pleraque ista ab ORIBASIO, PARAEO, ANDREA A CRUCE, SCULTETO atque aliis magno conamine delineata machinamenta plerumque haud necessaria sint. Siquidem nihil fere aliud praestant, quam ut aegrotorum in extensione metum, terrorem ac cruciatus sine ratione augeant.

III.

*De excita-
tione.*

Denique ut mota suis sedibus ossa rite reponantur, id sibi datum chirurgus existimet esse, ut, simulatque a ministris membra corporis aegra, quantum satis est, extenduntur, digitis suis vel manibus articulos, sed mitissime tamen tantisper comprimat, torqueat & concutiat, donec, quicquid elapsum fuerat, in sedem suam compulsus animadvertat.

IV.

IV.

Atque accurate quidem recondita suis sedibus ossa luxata esse, iisdem prorsus indicibus cognoscitur, quae superius in doctrina de fracturis proposita sunt. Nempe bonum signum est, si sonus aliquis aut stridor in ipso repositionis negotio percipitur; si laesum membrum ejusdem & aequalitatis & longitudinis cum membro sano deprehenditur; si dolores se remittunt; vel denique si motus integer membri restitutus est.

V.

Quemadmodum autem in fracturis inflammationes, sanguinis profusiones ac tumores quam saepissime prohibent, quo minus reponi ossium fragmenta queant; sic ossa quoque luxata, dum scilicet mala quaedam similia supervenerunt, excitari prius & laceSSI haud quaquam debent, quam singula ista impedimenta justis remediis (vid. supra Lib. II. Cap. II. No. 11.) fuerint sublata. Quin etiam iis in casibus differenda ossium dimotorum repositio est, ubi luxationes cum fractura quadam vicina sunt conjunctae. Neque enim extendi commode ossa tunc possunt, quam adjuncta fractura probe fuit glutinata.

VI.

Postquam in sedes suas compulsa sunt, quae exciderant, ossa, proximum est, ut in hoc ipso situ suo naturali quam accuratissime contineantur. Contineri autem longe facilius possunt, quae promota, quam quae comminuta fuerant, ossa. Quemadmodum enim haec sine firmiori deligatione placidissimaque requie contineri vix ac ne vix quidem possunt, sic e contrario ad ista continenda, nisi forte gravior aliquis casus incidit, nulla saepius nec deligatio, nec requies magnopere necessaria videtur. Sic enim digiti, maxillae, manus, humeri atque ulnae, si scilicet statim a luxatione rursus excitantur, nulla nec deligatione, nec quiete indigent; quum a propriis suis ligamentis atque musculis satis firmiter ut plurimum sustineantur. Quin & commodius omnino hic est, membrum istud aegrum leniter identidem inflectere atque commovere, ne propter diuturnam quietem suam rigidum atque immobile reddatur. At vero quoties in pede motum aliquid suo loco fuit, fatius utique videtur per aliquot dies continuos in lectulo conquiescere; tum vero, simulatque nimirum quadantenus confirmatum membrum advertitur, lente iterum commovere, postea provide surgere atque inambulare.

VII.

Similiter ubi ossium repositorum ligamenta vel propter inveteratam luxationem nimium quantum distensa, vel propter malum quodcunque aliud infirmata sunt, necessarium utique videtur, fasciam aliquam commodam applicare, quietemque aegroto commendare, dum scilicet pristinus ligamentorum vigor restitutus sit. Sed cavendum tamen sollicite semper hic est, ne propter longinquiores a motu cessationem aut rigidi

gidi fiant, aut prorsus etiam conserveant aegri isti ossium articuli. Quod ne forte contingat, leniter identidem ac provide flecti atque reflecti os afflictum debet. Interim haud alienum erit, fascias superinjectas vino, spiritu vini, aqua reginae Hungariae, spiritu matricali, aut quovis alio spiritu roborante ac tepido largiter subinde inungere: siquidem ista ratione insigniter roborari vel confirmari ligamenta consueverunt. Fasciae ipsae neque laxae nimis sint, neque nimis adstrictae. Cujus rei rationes supra jam tum proposuimus, ubi de fracturis egimus. (*Lib. II. Cap. I. N. 34.*) Ad emplastra autem superimponi hic a quibusdam solita quod adtinet, sic omnino habendum est: posse nos iisdem perinde, ut in fracturis, sine omni periculo prorsus carere, praestatque, ea his in morbis omittere quam adhibere.

VIII.

De luxationum symptomatibus.

Quae vel ante vel post ossium prolapsorum repositionem accidunt inflammationes, tumores, dolores, convulsiones, profusiones, aliaeque his similia symptomata, ista quidem eodem fere, quem in vulnere & fracturarum curatione supra (*Lib. I. Cap. II. No. 17, 18. item Lib. II. Cap. II. No. 1.*) praescripsimus, modo, tractanda sunt atque curanda: simulatque enim ossa reposita sunt, modo recensita mala sensim sensimque ut plurimum evanescent. Quoties ligamenta insigniter debilitata sunt; commodissimum certe est, laesum istud membrum linamentis calidis probe prius fricatum spiritu vini rectificato atque incenso diligenter fovere, alioque dein spiritu roborante largiter inungere (*qualis vid. supra Lib. II. Cap. II. No. 9.*) denique autem fascia quadam illud apte deligare. At vero sicubi ossibus jam tum repositis nihilominus dolores vehementiores remanent, fane periculum quandoque est, ne qua forte fractura simul adsit. Igitur in ejusmodi casibus circumspiciendum, num aliqua forsitan fractura subsit. Namque tunc & haec restituenda, ac praeterea eadem observanda sunt, quae de fracturarum curatione supra proposuimus. Febricula si accesserit, sanguis per venam detrahi debet, medicamentis refrigerantibus victuque tenuiori simul adhibitis. Quod si autem, prout fieri in promotis ossibus nonnunquam solet, gangraena subnasci coeperit, non iis solum, quae jam jam commendavimus, medicamentis, sed fomentis & cataplasmatibus quoque digerentibus, una cum fascia octodecim capitibus praedita, pro deligatione opus est. Cetera enim eadem fieri debent, quae de fracturarum symptomatibus supra (*Lib. II. Cap. II.*) proposuimus: providendumque probe est, ut, quicquid prolapsum fuit, quamprimum semper reponatur. Si qua porro corporis ossa cum vulnere loco suo mota reperiuntur, applicanda hic quoque est octodecim capitum fascia, ceteraque eadem facienda, quae adversus sanguinis profusionem in doctrina de vulneribus supra (*Lib. I. Cap. II.*) praescripsimus. Si qui forte abscessus subnascuntur, longe optimum erit, statim illos aperire, simulatque maturescere advertuntur. Namque alias periculum est,

est, ne nimis maturum pus vel articulos vel ipsa quoque ossa corrodat, fistulasque pessimas moveat, quibus saepe nulla ratione alia, nisi per ipsius membri amputationem, potest succurri. Denique ubi ossa quaedam usque adeo violenter sedibus suis expulsa sunt, ut, quae juxta sunt, ligamenta, tendines, atque cutis penitus disrupta sint ac perierint; insanabile utique, prout HIPPOCRATES jam tum observavit, istiusmodi malum est. Quantumvis enim solerter ossa reponantur, tantum tamen abest, ut firmiter cohaerere rursus possint, ut potius, convulsionibus & gangraena excitatis, aegrotum conficiant. Quoties igitur cunque graviores tales laesiones obtingunt, quae certissimam desperationem adjunctam habent, sane, si vitam conservare voluerimus, protinus membrum ejusmodi aegrum praescindamus necesse est. Si luxatio est simul cum fractura; tum quicquid prolapsum fuit, si fieri potest, primo loco; quicquid autem comminutum fuit, deinceps restitui debet. Quod ubi fieri haud potest, eadem observare convenit, quae de fracturis supra praecepimus. (*Lib. II. Cap. II. No. 11.*) Tandem si forte membrum aliquod rigidum & immobile factum est; haud alienum erit, sic omnino illud ipsum fovere, ut eodem fere loco proposuimus.

C A P U T I I I.

De luxatis ossibus speciatim; & de iis quidem, quae in calvaria atque naso reperiuntur.

I.

POSTquam de luxatis ossibus generatim differuimus, reliquum nunc ^{De capite luxato.} est, ut de singulis sigillatim dispiciamus. Igitur primo loco de capitis luxationibus, de reliquis deinceps, ut in doctrina de fracturis, exponemus. Scilicet non desunt, qui luxationem aliquam incidisse statuunt, quoties vel in infantibus propter hydrocephalum, vel in adultis quoque propter graviores capitis dolores & febres ardentes, ipsa cranii ossa inter se invicem debiscunt. Sed de his quidem luxationibus haud est, quod prolixius agamus. Altera enim quomodo tractari debeat, eo loco declarabimus, ubi de hydrocephalo differemus. Altera vero, praeterquam quod rarius accidat, sic omnino comparata est, ut nulla curandi ratione alia, nisi quae comprimendo ac deligando fit, indigere videatur.

II.

Interdum, sed paulo tamen rarius, narium ossa per ictum aliquem ^{De naso luxato.} aut lapsum graviolem sic a se invicem distrahuntur, ut vel alterutrum,

Tem. I.

G g

vel

vel utrumque ex naturali sede sua propellantur. Et vero tale quidpiam accidisse, variis modis cognoscitur: nempe vel 1) visu, dum scilicet deformem narium posituram conspiciamus; vel 2) tactu; vel denique 3) auditu, quum scilicet aegrotum nimium quantum difficulter spiritum per nares ducere percipimus. Sed rariores tamen, prout supra jam tum monuimus, istiusmodi luxationes sunt. Namque narium ossa ita firmiter cum frontis atque aliis ossibus cohaerent, ut frangitur citius quam distrahi a se invicem queant.

III.

*De luxati
nasi cura-
tione.*

Interim si quid forte huiusmodi inciderit, protinus in sedili quodam sublimiori aegrotus collocandus est, sic, ut minister aliquis a posteriori parte caput ejus contineat. Tum altera manu specillum aliquod sive calamus anserinus, prouti superius circa fracturas praecepimus, (*Lib. II. Cap. III.*) vel peculiaris aliquis & naribus adaptatus bacillus intromittatur, cujus beneficio partes narium promotae rursus excitentur. Interim extrinsecus admovenda est altera manus, ne scilicet justo latius partes elapsae diducantur. Quibus ita confectis, nihil fere aliud superest, nisi ut emplastrum aliquod glutinans per aliquod tempus naribus superimponamus. Si quid autem in naribus cum vulnere prolapsum est, tum eadem prorsus ingredienda est curandi ratio, quam supra in doctrina de naso diffracto proposuimus.

C A P U T I V.

De inferiori maxilla luxata.

I.

*Quomodo
maxilla
prolabatur.*

RArius equidem, propter insignem ligamentorum & musculorum, quorum instrumento in inferioris cranii sinibus eadem continetur, firmitatem, inferior maxilla prolabitur. Sed quoties tamen forte ipsa prolabitur, modo alterutra parte, modo utraque antrorsum prolabitur. Atque id ipsum quidem saepius propter nimiam oscitationem; interdum etiam propter graviores ictus aliquem seu lapsum incidere consuevit. Si utraque pars excidit, totum mentum inclinatur, & maxilla in anteriorem partem promovetur. At, si altera, in contrariam partem ipsa mentumque inclinatur: siquidem elapsum istud maxillae capitulum non nisi in priorem atque interiorem partem promovetur. Quo minus etenim in posteriorem partem idem promoveatur, cranii ossum post articulum processus impediunt. Ut proinde mirum valde sit, extitisse inter medicos quempiam, qui, contra communem praestantissimorum & practicum & scriptorum

rum observationem, statuit, posse utique in posteriorem quoque partem maxillam protrudi. Sed tantum tamen abest, ut exemplis sive observationibus sententiam istam is confirmet, ut potius ex nova, quam sibi finxit, maxillae junctura ipsam derivaverit.

II.

Prolapsam autem atque altera quidem parte maxillam esse, inde potissimum cognoscitur, si scilicet mentum in contrariam partem est distortum. Pars enim, in quam mentum inclinatum cernitur, sana est: contra vero ista, quae recessit, promota. Quarum haec latius, quam isthaec hiat: usque adeo, ut aegrotus neque ipsum os claudere, neque dentibus comminuere quidpiam possit. Namque inferiores dentes longius quam superiores in parte sana excedunt. *Ubi vero utraque maxillae pars loco suo motae sunt;* tum non ipsum modo os quam latissime hiat, sed totum quoque mentum inclinatur & in anteriorem partem promovetur. Adeoque mirum haud est, sicubi aeger neque os suum claudere, neque distincte loqui, neque ~~degitis~~ *manu ducere* quidpiam, nisi difficulter admodum, valet.

III.

Quoties altera tantum parte maxilla excidit, haud adeo difficilis ut plurimum curatio esse consuevit. At, quoties utraque prolapsa est, nec protinus in sedem suam compulsa, gravissima fere semper mala, dolores puta, inflammationes, convulsiones, febres, vomitus, tandemque, prout HIPPOCRATES observavit, ipsa mors superveniunt. Atque id ipsum quidem eo magis, quo violentior nervorum, qui juxta sunt, tendinum ac ligamentorum extensio contigit. Quanquam, si modo circumspēctus aliquis chirurgus opportune accesserit, non adeo difficulter restituitur.

IV.

Igitur quoties aliquid istiusmodi incidit, primo quoque tempore afflictus in humiliori quodam sedili collocandus est, sic, ut minister aliquis ejusdem caput juxta pectus suum firmiter contineat. Tum medici pollices, linteolis, ne aut dilabantur aut facile laedantur, involuti in os ejus, quam profundissime fieri potest, conjiciendi; ceteri digiti extrinsecus admovendi sunt. Ubi vehementer maxilla apprehensa est, deprimenda fortiter ipsa primo loco, mox retro agenda, sursumque versus excitanda est, ita tamen, ut omnia pene uno momento fiant. Namque ista ratione quam aptissime in sedem pristinam compelluntur, quae prolapsa fuerant maxillarum capitula. Quanquam illud prospicere hic chirurgi semper debent, ut quam celerrime digitos suos ex ore aegri retrahant, ne scilicet per compulsas in sedem suam maxillas ipsi comprimantur, mordeantur, aut collidantur.

*De maxilla
altera tan-
tum parte
prolapsa.*

Sin altera tantum parte maxilla prolapsa est, omnia eadem facienda; sed fortius tamen aegra maxillae pars, quam integra deorsum ac retro agenda. Et vero promptissime nonnunquam per vehementiorem quandam alapam compelli, quae locis suis motae fuerant, maxillae ajunt; siquidem ipsa parti oris sanae infligitur: quanquam isthaec curationis ratio delicatior est, quam ut in aegris quibuscunque adhiberi tuto possit. Ceterum fasciis nihil magnopere opus hic videtur; nisi forte tardius repositum fuerit, quicquid prolapsum erat. Tunc enim haud alienum videatur, per aliquot dierum spatium quatuor capitibus instructam fasciam cum spiritu quodam corroborante extrinsecus superimponere, eamque, quoties assumendus cibus est, interea deponere.

C A P U T V.

De capite ac spina luxatis.

I.

*Quomodo
vertebrae
loco suo mo-
veri possint.*

Imperfectae ut plurimum sunt, quae in spina dorsi vel vertebrae accidunt luxationes. Neque enim, prout ex accuratiori structurae vel admirandae commissurae consideratione patescit, penitus excidere vertebra quaedam, nisi cum fractura, medullae item, quae in spina est, laesione, sive laceratione, praesentissimoque proin vitae periculo potest. Interim vel ipsae etiam imperfectiores vertebrarum luxationes periculosae admodum sunt: & vel inter duas supremas colli vertebrae & caput contingunt, vel inter reliquas vertebrae, quando a se invicem vertebrarum ossa propellantur.

II.

*De capite
luxato.*

Enimvero in praecipiti sunt celerrimaque ut plurimum morte opprimuntur, quibus caput ex summa vertebra excidit. Namque in tali casu tenera ista medulla, quae in spina ipsique cerebro proxima est, una cum ipso cerebro atque nervis sub occipitio nimium quantum distenditur, colliditur atque laceratur. Excidere autem ex duobus sinibus, in quos super cervicem dimissi sunt, capitis processus quandoque adsolent, quando aliquis ex loco alto, vel ex scala quadam, vel ex equo praeceps in caput fertur, vel graviter etiam juxta cervicem percutitur. Tametsi enim isti, sicubi scilicet moriuntur, *collum fregisse* vulgo a nostratibus dicantur, tamen ut plurimum non nisi capitis luxationem aliquam experti fuerunt; interdum tamen quoque vertebrarum colli fracturam. Si quibus autem, quod rarius fit, post ejusmodi luxatio-

tionem, vita remanet, his, capite distorto, mentum ut plurimum pectori sic quasi adglutinatur, ut nec deglutire quidpiam, nec loqui, nec partes, quae subter collo sunt, movere iidem queant. Igitur, nisi promptissimum auxilium adfuerit, celerrime semper ob laesam vel compressam medullam mors insequitur.

III.

Quod ipsum vero ne forte fiat, resupinandus confestim in terra vel pavimento aegrotus est. Tum chirurgus genibus suis in terram demissis, & contra aegroti humeros positus, sic innitatur, ut ejusdem aegroti caput inter illa constituatur. Quo facto manibus caput promotum chirurgus apprehendat, fortiterque tractum sive extensum leniter hinc inde intorqueat, donec aut sonus aliquis, aut naturalis colli positura, aut denique malorum, quae supervenerant, remissio in sedem pristinam excitatum caput demonstrant. Nam hac ratione Chirurgi genua aegrum firmant ac figunt; manus vero extendunt & restitunt.

Quomodo
reponendum
caput sit.

IV.

Atque idem fere efficitur, sicubi aegrotus sedens in terra collocatur, humerisque firmiter a ministro quodam contentis, caput ejusdem, subter auribus utrinque apprehensum, vehementius, sed circumspiciente tamen, attollitur, leniterque simul huc atque illuc inclinatur, donec in sedem suam naturalem restitutum esse per modo N. 3. enumerata indicia cognoscitur. Reliquae autem cervicis vertebrae prolapsae quoniam compelli eadem prorsus ratione possunt, non est, quod separatim de de illis praecipiamus.

Alia reponendi ratio.

V.

Alium, sed omissis modo descriptis, restituendi caput luxatum docet modum PETITUS (a), licet non meminerit, quod eum unquam in usum adhibuerit. Nimirum duos format laqueos, hiato magno circa medium praeditos, quales ex ipso delineatos vide Tab. X. fig. 1. & 2. quorum alterum fig. 1. aegro in dorso cubanti ita injicit, ut per hiatum A B., qui capitis magnitudini respondeat, caput transmittatur, sic ut altera pars laquei A. sub mento, altera B. sub occipite ponatur, utraque vero hiatus extrema C C. utrinque super aures extendantur, atque partibus D. & E. extensio perficiatur. Pro firmando autem corpore aegri alterum commendat laqueum fig. 2., per cuius hiatum F. caput ita transmittitur, ut pars laquei G. per dorsum, atque pars H. super pectus descendat, utraque vero laquei hujus extrema litt. II. junguntur intra femora, iisque corpus ita firmatur, ut trahenti cedere nequeat: dumque his duobus laqueis in diversa trahitur, caputque & vertebrae colli satis extenduntur, chirurgus luxata ossa restituere fatagat. Sed si verum fateri licet, praecedentes modi mihi magis arri-

Petiti restituendi modus.

G g 3

dent:

(a) Lib. de morbis ossium, cap. de capitis luxatione.

dent : partim quia simpliciores sunt, & solis manibus, sine ullis adjutoribus aut ministris, qui quandoque praesto non sunt, & sine ullis instrumentis perfici possunt; partim quia sic promptius longe aegris succurrere possumus, quam si machinamenta haec e longinquo prius aut quaeri aut perfici debeant, & aeger interea moriatur. Praeterea quia PETITUS nullum alium hanc luxationem restituendi modum docet quam hunc, nullus, nisi qui his laqueis instructus est, ex ejus libro cognoscere aut discere potest, quomodo in ejusmodi luxationibus aegro succurrendum : cum tamen saepius casus occurrere possint, ut in rure, ubi & ejusmodi laqueis & ministris destituti aegris succurrere debeamus. Interea tamen ubi tales laquei praesto non sunt, & mantilia sive lintea satis longa, duasque vel tres palmas lata, haberi possunt, haec ita, ut laquei illi, perforanda & findenda essent, iisdemque idem tentari.

VI.

Quid postea
faciendum.

Vertebris vero quacunque repositis haud alienum est, distenta illa cervicis ligamenta, quo nimirum pristino suo vigori restituantur, & tumores avertantur, aqua reginae Hungariae cum pauca camphora, sive anhaltina, vel quocunque demum alio spiritu vel aqua roborante ac tepido identidem inungere, splenisque spiritu isto madentibus fovere; ipsum denique aegrotum, ut per aliquot dies placide conquiescat, jubere, dum scilicet penitus confirmatum esse caput persentiscat. Fasciis nihil magnopere hic opus videtur, nisi forsan illis, quae splenia roborantibus liquoribus madida circa collum contineant.

VII.

De reliquis
spinae vertebrae
luxatis.

Ad reliquas *spinae vertebrae* quod attinet, illae, nisi penitus franguntur, nunquam fere sedibus suis omnino moventur, quin maxima parte cum vicinis adhuc cohaereant. Igitur quae in ipsis fiunt luxationes, imperfectiores plerumque sunt, dum non nisi superiores atque inferiores ipsarum apophyses, atque id quidem non in utraque semper, sed quandoque in altera tantum parte prorumpunt. Ceterum nunc unica tantum *spinae vertebra*, nunc plures simul propelluntur. Quanquam illud breviter observandum hic est, ad promotarum vertebrarum numerum illas quoque ut plurimum referri solere, quae inter binas vertebrae promotas mediae constitutae vel interceptae reperiuntur; quantumvis etiam integrae istae sunt ac firmae. Sic quoties superior lumborum ab infima dorsi vertebra, insimulque infima lumborum vertebra ab osse sacro distractae sunt, quinque vertebrae sedibus suis dimotae judicantur & vulgo dicuntur : quum tamen proprie loquendo non nisi binae illae exteriores, suprema nimirum & infima, perturbatae; reliquae vero tres mediae adhuc naturalibus sedibus suis infixae, & cum vicinis naturali modo nexae deprehendantur.

VIII.

VIII.

Et sane si quis naturalem vertebrarum connexionem & structu-^{Vertebrarum} ram solertius considerat, haud obscure cognoscit, vertebrae non nisi ^{in spina} per insignem adhibitam violentiam expelli suis sedibus posse. Praeter-^{luxatio quo-} quam enim, quod per apophyses vel processus quam arctissime inter se ^{modo fieri} invicem conjunctae illae sint, multa insuper cartilagine valentissimis-^{debeat.} que ligamentis firmissime combinantur & continentur. Atque haec ratio est, quare fieri vix ac ne vix quidem potest, ut vel violentior corporis reclinatio, vel dorso inflicti graviores ictus, itemque lapsus, nisi cartilago atque ligamenta prorsus perrumpuntur, spinae vertebrae propellat. Hi etenim casus tantum abest, ut vertebrae distrahant, ut potius eas firmiter jungant. Aut si forte ob nimiam violentiam hoc contingeret, vertebrae & medullam, quae in spina est, dilacerabit, ipsumque adeo hominem, prout ipsemet aliquando vidi, quam celerrime interficiet. Igitur quoties sine fractura dimoveri vertebra quaedam debet, sane corpus vel in anteriorem partem vel in alterutrum latus violenter inclinetur necesse est. Hoc enim dum fit, cohaerentium vertebrarum apophyses superiores ab inferioribus recedunt, ideoque facilius dimoveri e sede sua poterunt. Atque in dextrum quidem latus prolabantur, sicubi sinistrum latus affligitur; & contra.

IX.

Communia luxationum in spina dorso factarum signa haec inprimis ^{Communia} sunt. Nempe ipsum dorsum incurvum atque inaequale post illatam ex-^{luxatae spi-} trinsecus violentiam, deprehenditur. Aegroti nec stare possunt, nec am-^{nae signa.} bulare; siquidem ipsum corpus veluti prorsus resolutum est. Quae distortis vertebrae subjectae sunt corporis partes sine omni fere sensu atque immobiles sunt. Stercus atque urina vel prorsus excerni nequeunt; vel etiam sine sensu ac voluntate nonnunquam emittuntur. Tum inferiores partes sensim emoriuntur, ipsaque tandem mors insequitur. Quamquam isthaec mala pro diversa luxationis gravitate variant. Quo enim gravius affecta est spina dorso, hoc graviora quoque mala & pericula superveniunt.

X.

Quotnam autem in spina vertebrae loco suo motae fuerint, ex praeter-^{Signa pro-} naturalis ejusdem curvatura dijudicandum est. Namque ubi unica ^{pria sive} tantum vertebra promota est, curvatura ista vel gibbus quendam quasi ^{specialia.} angulum efficit. In anteriorem partem si prolapsae sunt vertebrarum apophyses; tum ipsa dorso spina antrorsum inflexa conspicitur, gravioresque semper, dum corpus inflectunt, dolores aegroti percipiunt; contra dum se resupinant, leviores dolores perferunt. In dextrum latus si prolapsa vertebra est, in sinistrum latus inclinatum corpus deprehenditur, minorique cum molestia in dextrum quam sinistrum latus inflectitur. In
fini-

sinistrum vero latus si propulsa vertebra, contraria fere singulorum istiusmodi phaenomenorum ratio esse consuevit.

XI.

Prognosis.

Si quis dubios luxationum, quae in vertebris contigerunt, eventus praesagire voluerit, is ita magnopere velim habeat: istiusmodi casus plerosque omnes periculosos admodum esse atque ancipites. Neque enim medulla solum vel colliditur, vel dirumpitur, sed ipsae quoque vertebrae prolapsae quam maxime difficulter reponuntur. Et vero, quo magis propulsa vertebrae, quoque graviora infecuta mala sunt, hoc gravius affecta spinae medulla, hoc item magis in praecipiti esse aegri consueverunt. Similiter quo propiores capiti sunt, quae proruperunt vertebrae, hoc gravius quoque periculum semper fere subest. His enim in locis longe plerumque facilius majorique cum periculo medulla laeditur. Igitur quae in collo incidunt luxationes perniciosiores illis sunt, quae in dorso contingunt: in dorso quae fiunt, longe perniciosiores illis, quae in lumbis eveniunt. Sic etiam, quod fortasse mireris, longe plerumque mitius cum illis actum videtur, quibus plures, quam quibus unica tantum vertebra excidit: longe item mitius cum iis, quibus binae quaeque, quam quibus unica tantum apophysis prorupit. Posterior enim quoties accidit, durius ut plurimum spinae medulla tractatur: ceu illis quidem manifestum est, qui spinae dorso structuram curiosius perlustrarunt. Contra vero in luxationibus levioribus reponi facilius vertebrae possunt, ipsique homines a mortis periculo subinde adhuc liberari.

XII.

Curatio.

Ceterum, ut ne quid ego hic dissimulem, difficillime ut plurimum singula ea compelluntur, quae in spina forte exciderunt. Ab antiquioribus enim Medicis quaecunque in hunc finem tentata sunt artificia, tantum abest, ut adhiberi cum fructu possint, ut inania potius pleraque videantur, atque adeo penitus saepe crudelia. Interim aptissima prolapsarum vertebrarum reponendarum ratio haec est: scilicet quoties utraque vertebrarum apophysis prolapsa deprehenditur, pronus super cupam sive dolium, tympanum, ahenum aut quodcunque aliud corpus gibbum, aegrotus collocetur. Tum bini ministri dorsum illud distortum utrinque juxta partes extremas gnaviter deprimant; quo nimirum vertebrae dimotae, dorso spina velut in arcum inflexa, sursum attollantur atque ita sensim extendantur. Quo facto chirurgus vertebram promotam inferiorem inque dorso prominentem deprimat, eodemque momento superiorem corporis partem celerrime sursum versus excitet. Siquidem isto modo in sedem pristinam vertebrae prolapsae haud incommodum subinde compelluntur. Quod nisi prima statim vice successerit, iterandum utique bis aut aliquoties dictum illud negotium videtur.

PE-

PETITUS linteum crassum vel pannum aliquem, ad instar cylindri convolutum, secundum longitudinem lectulo injicit, aegrotumque transversum collocatum eadem ratione tractat, quam modo proposuimus. In alterutrum latus ubi vertebra quaedam excessit, tum aegrotus quidem eodem, quem antea descripsimus, situ pronus procumbat; sed ita tamen, ut, quoties apophysis sinistra prorupit, ministrorum alter coxam sinistram, dextrum vero humerum alter deprimat: & contra. Si qua enim prolapsa spinae ossa reponi commode possunt, commodius sane quam ista ratione reponi vix ac ne vix quidem possunt. Atque ex his ipsis, si quid ego video, luculenter admodum apparet, pleraque ista funiculorum, fasciarum, mantilium, trochlearum vectiumque instrumenta, circum coxas, humeros atque pectus aegrotorum deligari, priscorum medicorum more, solita, atque ab ORIBASIO, PARAEO, & SCULTETO delineata ac descripta, in extendendis ac reponendis spinae ossibus parum plerumque apta esse, quin imo ut plurimum valde perniciofa. Ceterum haud alienum hic videtur, vertebrae in sedem naturalem rite sic compulsis, splenia spiritu vini, vel spiritu vini camphorato calido madentia super afflictam dorso partem imponere, injectoque mantili cum scapulari firmiter deligare; dehinc aegrotum in lectulo molli & aequabili collocare; tum sanguinem per venas detrahere, membraque resoluta spiritibus roborantibus atque calidis subinde probe fricare; rarius vincturam solvere, tandemque omnibus istis malis gnaviter occurrere, quae supervenire luxationibus poterunt, donec cum sanitate in gratiam aeger redierit.

C A P U T V I.

De coccygis, costarum & claviculae ossibus luxatis.

I.

OS coccygis per lapsum atque ictum aliquem graviorem versus partem interiore, versus exteriorem autem per partem difficiliorem haud raro propellitur. Quod simulatque accidit, vehementissimi plerumque in infima spinae parte dolores, inflammationes, ipsiusque intestini re-
De coccygis
osse luxato,
& quidem
in exteriorem
partem.
 cti suppurationes, stercorisque suppressio statim insequuntur. Ossis vero hujus luxatio explorari promptissime solet, dummodo ad commemorata isthaec phaenomena cognoscenda manus atque oculos admoverimus. Neque vero difficilius reponi promotum istud coccygis os solet, si modo circumspectus aliquis chirurgus accesserit. Namque in exteriorem partem si propulsum illud est, deprimi pollicis adjumento debet, atque ita

in sedem naturalem compelli; variis dein spleniis in vino calido vel spiritu vini tinctis, inferioribus quidem angustis, superioribus autem subinde amplioribus, ac podicis sinum complendum superinjectis, fasciaeque T (*Tab. II. fig. b.*) beneficio firmatis. Ipsius autem fasciae hujus altera pars, quae inter femina trajicitur, fissa penitus sit atque ita deligata, ut absque ulla vincturae solutione alvum dejicere aegrotus valeat, neque os semel repositum denuo propellatur.

II.

*De osse coc-
cygis intra
impulso.*

In interiorem vero partem sicubi luxatum coccygis illud os fuerit, tum digitus index, sed ungue prius resecta, in oleo tinctus, quam profundissime fieri potest, in anum immittit, promotumque ita coccygis os illud per eundem expelli, admotisque extrinsecus digitis reliquis in sedem pristinam excitari debet. Quo facto conquiescere aliquamdiu in lectulo aegrotum convenit, vel etiam ubi surgendi voluptas est, non nisi in ejusmodi sedili, quod medium perforatum est, confidere, ne afflicta ista podicis pars a duriori corpore comprimatur aut vexetur.

III.

*De costis
luxatis.*

Rarius equidem, sed interdum tamen costae sedibus suis excidunt. Namque ubi violentia quaedam externa ipsas urget, fieri quandoque solet, ut vel in inferiorem, vel superiorem, vel & interiorem partem ipsae propellantur. In exteriorem autem partem ne facile prorumpant, cum vertebrarum processus, tum & vel maxime crassiores iidemque valentiores muscoli efficiunt. Atque in interiorem quidem partem quoties costae propelluntur, non pleura solum sive interior pectoris membrana, sed ipsae quoque pectoris internae partes graviter plerumque affliguntur. Unde acutissimi dolores, inflammationes, spirandi difficultas, tussis, pectoris ulcera, corporis immobilitas, plurimaque id genus alia pericula ac mala suboriantur necesse est. Quibus autem indicibus hujusmodi costarum prolapsus dignoscatur, non est, quod prolixius declaremus. Siquidem externa lateris positura & forma, praeter jam jam enumerata aegrotantium incommoda, haud obscure demonstrant, utrum costae quaedam prolapsae fuerint, nec ne.

IV.

*Quomodo
costae sursum
deorsumve
propulsae
reponantur.*

Et vero quo plura quoque graviora mala superveniunt, hoc gravius quoque periculum subest: adeoque hoc festinantius reponi costae prolapsae debent. Atque in inferiorem quidem superioremve partem prolapsae costae commodissime ut plurimum reponuntur, sicubi aegrotus pronus vel in mensa collocatur, & promota costa in debitum locum manibus reponitur; vel & ex afflicti lateris brachio in janua vel scala suspenditur (a), & dum sic costae a se invicem diducuntur, promota earum

(a) Ut figuris ostendunt PARAEUS, SCULTETUS, aliique.

earum capita manuum subsidio in sedem pristinam compelluntur.

V.

At vero longe plerumque difficilius reponi istiusmodi *costae* consueverunt; quae in interiorem partem propulsae reperiuntur. Neque enim ad-^{Costae intro-} moveri intus, pro excitandis, quae illapsa fuerunt, costarum capitibus,^{actae quomo-} manus aut machinae ulla ratione possunt. Etiam si vero in chirurgicae^{do excitentur.} professoribus haud desunt, qui prorsus insanabilem istam corporis noxam pronunciant, tamen, mea quidem sententia, haud est, quod certam semper desperationem hic subesse arbitremur. Neque enim alienum hic videtur, aegrum vel primum in mensa vel & super corpus aliquod gibbum sive cylindricum collocare, prioremque costae partem retro versus dorsum agere, subindeque concutere. Sic etenim abesse vix solet, quin promota costarum capita in sedem pristinam resiliant. Quod si autem nec ista curandi ratio quidpiam proficit, miserrimae aegri hominis conditio promptum utique auxilium exigit, tum contra caro incidi atque elapsa costarum capita digitis vel instrumentis, uncinulis puta seu vossellis, attrahi sursum debent; eodem scilicet modo, quem adversus costarum fracturas supra proposuimus. (*Lib. I. Cap. X. No. 8. seqq.*) Interim ubi symptomata graviora penitus absunt, ipsaeque costarum capita non nisi paululum exceßerunt; sane haud est, quod vel carnem incidamus, vel vehementius costas compellamus, aegrotosque homines crudelius tractemus. Neque enim exempla desunt eorum, in quibus costae loco suo dimotae sine omni fere periculo remanserunt. Ceterum illud ante omnia hic providendum, ut splenia spiritu vini calefacto, vel ipso spiritu vini camphorato madida superimposito mantili cum scapulari super afflictam lateris partem deligentur (a).

VI.

Claviculae ossa rarius quidem, propter valentiora ligamenta sua, sed interdum tamen excidere consueverunt. Propelli autem ipsa vel^{De luxatis claviculis.} a sternone, vel ab acromio, quibuscum cohaerent, per violentiam quandam externam in lapsu scilicet, ictu, ponderumque elevatione possunt. Ad curationem quod attinet, sane quo festinantius aegrotis succurritur, hoc facilius claviculae ossa reponuntur. Contra vero quo tardius succurritur, hoc difficilius quoque ossa ista excitantur: usque adeo, ut inveteratae claviculae luxationes semper fere insanabiles reperiuntur.

VII.

Atque a sternone quidem duplici fere modo excidere claviculae possunt; nempe vel in partem interiorem, sive versus asperam arteriam,^{1) Juxta sternum.} vel & in partem exteriorem. Prior casus ubi accidit, sinus aliquis

Hh 2

circa

(a) De prolapsu cartilaginis mucronatae vid. CODRONCHII libellus de hoc morbo.

circa partem laesam plerumque advertitur, praeterquam quod aspera arteria, & quae juxta sunt, carotides, nervi item atque ipse oesophagus vehementer admodum urgeantur & comprimantur. Contra vero ubi versus partem anteriorem a sterno clavicula prorupit, insolitus juxta ossium illorum commissuram tumor sese prodit.

VIII.

Quomodo
claviculae
reponantur.

Qua autem ratione luxata clavicularum ossa extendi, eademque compelli rursus in naturalem sedem suam possint ac debeant, denuo nunc praecipere nihil attinet: siquidem hinc eadem prorsus observanda sunt, quae de clavicularum ossibus fractis reponendis supra proposuimus. (*Lib. II Cap. V. No. 4.*) Quanquam illud inprimis hic prospiciendum est, ut nimirum laesa ista juguli pars, simulatque ossa excitata sunt, quam exactissime vinciatur. Si quod enim aliud, hoc sane luxationis genus accuratam per fascias vincturam postulat; maxime ubi tardius succursum huic malo fuerit. Praeterquam enim, quod nullis fere musculis clavicularum ossa sustineantur, sic plerumque ligamenta ipsorum in ejusmodi casibus infirmantur ac laeduntur, ut sustinendo brachiorum ponderi nequiquam sufficiant. Quare haud alienum erit, qualis accommodanda jugulo vinctura sit, explanatius infra in doctrinâ de fasciis edocere.

IX.

2^a Juxta
acromion.

Quae juxta alteram partem, nimirum juxta acromion, incidunt clavicularum luxationes, longe plerumque difficilius solent explorari atque cognosci: usque adeo, ut, vel ipso HIPPOCRATE (a), expertissimoque PARAEO teste, praestantissimorum Medicorum atque Chirurgorum non pauci in illis dignoscendis aberrarint, humerumque potius prolapsum autumaverint, atque sic aegros misere, sed frustra, vexaverint. Quoties enim istiusmodi casus aliquis incidit, tum, eodem PARAEO notante, scapulae pars superior sursum versus prominet; qua parte autem clavicularum ossa ab acromio diducta sunt, locus cavus deprehenditur: dolores acutissimi suboriuntur, ipsaque brachia moveri atque attolli prorsus nequeunt. Igitur nisi opportune clavicularum ossa reponuntur, mirum profecto non est, in illis, qui ejusmodi noxam experti aliquando sunt, sic omnino brachia resolvi, ut nec capiti nec ori ad moveri postmodum valeant. GALENUS certe ipsemet de se scribit (b), *sibimet aliquando inter luctandum usque adeo graviter ab acromio jugulum sive claviculam sejunctam fuisse, ut trium ferme digitorum sinus inter utrumque os patuerit: fasciam interim adstrictiorem per quadraginta dies in jugulo haerentem praestitisse, ut diducta istaec ossa rursus coaluerint.*

X.

(a) Lib. de articulis n. 62.

(b) Comment. in HIPPOCRAT. Lib. I. de articulis, n. 62.

X.

Ex jam dictis sponte sua consequitur, propria eademque praecipua *Clavicula-* prolapsarum clavicularum indicia in eo fere consistere, ut 1) clavi-^{rum pro-}culam inter atque acromion locus aliquis cavus advertatur, qui in ho-^{lappus quo-}minibus sanis deest, adeoque factam esse cohaerentium alias horun-^{modo cogno-}dem ossium dissolutionem significat : tum 2) ut aegrotus brachium capi-^{scatur.}ti vel ori admoveere nequeat. Ceterum chirurgus id sibi datum in ejusmodi noxarum curationibus existimet, ut quicquid in jugulo dimo- tum aut prolapsum invenit, quam solerissime rursus extendat sedibusque suis reponat : qualiter scilicet in ossibus ipsis diffractis fieri debere supra jam tum proposuimus. (*Lib. II. Cap. V. No. 4.*) In applicandis autem fasciis hoc majorem semper curam atque industriam idem adhibeat, quo majus in iisdem positum esse solet auxilium. His etenim qui minus accurate instruuntur, ii rarius sic curari solent, quin brachii rigor aliquis aut imbecillitas superstes maneat.

C A P U T V I I.

De humero luxato.

I.

Humerus equidem propter & laxa ligamenta, & insignem mobilita-^{Humerus}tem, & denique propter foveae scapularum, in quam dimissus^{quomodo} est, egregiam parvitatem, longe plerumque facillime saepissimeque^{excidat.} omnium prolabitur. Ac prolabi quidem is ut plurimum solet modo sub alam, modo in partem priorem, modo etiam in partem posteriorem infra ipsas scapulas : rarius in inferiorem & quidem ad lineam; nunquam autem in partem superiorem, nisi forte ipsum acromion & qui in scapularum ossibus prominent processus coracoides una fuerint comminuti. Qui quamdiu cum firmioribus humeri musculis, deltoide praesertim ac bicipite, integri sunt, impedire quam maxime solent, in superiorem partem quo minus prorumpere humeri ossa valeant.

II.

Deorsum ubi humerus excidit, 1) protinus in superiori parte locus cavus est, depressusque digitus sinum invenit; contra vero sub axilla tumor est, siquidem ipsum ossis humeri caput hic tunc situm est. 2) Tum acromion, propter sinum, qui juxta est, longius quam naturaliter prominere videtur. 3) Longius id brachium altero est, sursumque ad os sine gravissimis doloribus, quin & interdum penitus attolli aut porrigi nequit. *In priorem vero partem deorsum versus ubi humerus excidit*; idem,

Hh 3

ut

ut antea, sinus sub acromio, humeri autem caput juxta pectus sub axilla deprehenditur. Brachium ipsum non nisi cum acutissimis doloribus movetur. Denique in exteriorem partem ubi prolapsus humerus est; cubitus ad praecordia recedit; summum vero caput extra humerum prominet. Brachium ipsum neque extendi, neque retro agi, neque tandem sine vehementissimis doloribus a pectore abstrahi aut dimoveri potest. Sed nulla tamen harum luxationum graviora mala concitare solet, quam si in priorem vel interiorem partem humerus excidit. Namque tunc abesse vix potest, quin prolapsum humeri caput grandiores brachii & arterias & nervos urgeat, variaque sic symptomata moveat.

III.

Prognosis.

Prolapsus sic humeri ossibus si protinus succurritur, antequam graviora mala supervenerunt, excitari ut plurimum eadem rursus haud difficile possunt. Inprimis vero facillime restitutio fieri potest, si os vel recta deorsum vel extrorsum promotum est; difficilius vero quando introrsum sub musculum pectoralem cecidit. Sic & facile restituitur, si brachium naturalem habet longitudinem. Contra vero si vel brevius vel malum istud jam inveteratum, vel cum tumoribus, inflammationibus vel & acromii fracturis conjunctum est, difficile admodum pristino vigori nativaeque mobilitati humerus restituitur. Quando autem caput humeralio in loco, praesertim sub ala, jam cum vicinis confert, saepe prorsus restitui non potest. Ita & in pinguibus & robustis restitutio difficilior est, quam in macilentis aut debilibus.

IV.

Humerus prolapsus quomodo reponatur.

Igitur simulatque prolapsus aliquid in humero deprehenditur, tutissimum erit, aegrotum vel in solo vel in sedili quodam humiliori collocare, (vid. Tab. X. fig. 3. A.) & ex duobus ministris paulo robustioribus alteri imperare, ut aegri corpus firmiter contineat, B. ne scilicet cedere trahenti queat; alteri vero, C. ut brachium prolapsus manibus mox supra cubitum comprehendat, sensimque vehementius extendat. Sed ante tamen, quam brachii extensio illa fiat, id sibi datum chirurgus D. arbitretur esse, ut mantile quoddam vel linteum paulo amplius, satis longum, extremisque partibus nodo constrictum, ita ex collo suo suspendat, ut nodus cervici immineat, reliqua vero pars super pectus suum propendeat E. Tum brachium aegri prolapsus per hunc ipsum quasi annulum sive habenam ad axillam usque aegri chirurgus trajiciat, humerumque manibus suis comprehendat. Quo facto ministrum, ut brachium sufficienter extendat, jubere, ipsemet vero non manibus solum, sed habena quoque ista linea sive mantili, arrecto collo & humeris, tantisper humerum aegri attollere & pellere debet, donec in sinum scapulae ingrediatur. Diversimode autem. prout videlicet vel in priorem vel posteriorem partem idem prolapsus est, humerum nunc introrsum simul, nunc extrorsum compelli debere, haud est, quod seorsim admoneam: siquidem id chirurgorum pr-

prudentiali censeo committendum: atque hac ratione quamplurimas recentes aut non adeo inveteratas ejusmodi humeri luxationes, & speciatim tres uno mense haud adeo pridem sine aliis machinamentis aut adminiculis feliciter restitui.

V.

Quamquam autem haecenus proposita humerum prolapsum sedibus suis reponendi ratio prae reliquis omnibus hanc in rem excogitatis artificiiis tuta videatur prompta atque commoda; in nonnullis tamen casibus non satis vehemensprehenditur. Atque id vel maxime tum, si robustiores homines sunt, vel & si tardius aegro succursum fuit. Quoties igitur vel ad firmandum aegrum vel ad extendendum humerum unus atque alter minister haud suffecerit, longe optimum erit, aut duos surrogare, aut mantile quoddam longius, aut laqueum crassiores, vel & descriptum superius HILDANI lorum cum adjunctis hamulis suis trajectisque per illos funiculis (*Tab. VIII. fig. 17.*) supra cubitum ossi humeri applicare, pluribusque dein, pro re nata, ministris robustioribus, ut gnaviter humerum, apprehensis funiculis aut laqueis, extendant imperare. Dum vero majori vi extenditur, etiam major vis, quae aegrum firmet, requiritur. Igitur oportet, ut vel duo ministri aegrum comprehendant, vel quando hi parum sunt, mantile longum, aut simile linteum ita fere in medio perforandum, sicut *Tab. X. fig. 1. & 2.* ostendunt, ut per hunc hiatum humerus luxatus ad scapulam usque transmitti queat. Altera dein hujus linteae pars super praecordia aegri, altera super dorsum reflectenda, atque ambo postea extrema nodo jungenda: qua deinde ansa vel plures ministri aegrum continere, vel ea trahi aut cuicumque alii puncto fixo, ita innecti possunt, ut aeger, dum extensio fit, loco cedere nequeat. Haec vero dum fiunt, proximum est, ut prolapsus humeri caput eadem, qua diximus, ratione, quam exactissime licet, a chirurgo vel sursum attollatur, vel compellatur, atque sic in pristinam sedem suam restituatur. Ubi vero ne istac quidem ratione, quantum satis est, extendi humerus potest, haud quaquam alienum videtur, *trochleam* aut *polyspastum* (*Tab. VIII. fig. 15.*) adsumere, ejusdemque subsidio humerum sive brachium, aegro probe firmato, prudenter extendere; qualiter scilicet in femore fracto faciendum esse supra proposuimus. (*Lib. II. Cap. VIII. No. 3. seq.*)

VI.

Veteres & cum primis HIPPOCRATES in ejusmodi luxationibus, praefertim ubi manus haud sufficere intelligebant, machina quadam usi sunt, quae *ambe* sive *ἀμβη* ipsis dicebatur, qualis *Tab. X. fig. 4. & 5.* aliquo modo conspicitur, & ex fulcro quodam AA. & vecte mobili BC. componitur, quae humero luxato ita, ut in *fig. 5.* indicatur, subjicitur, atque, ut *fig. 5.* indicat, aliquot laqueis EE. adaptatur. Postquam haec peracta sunt, extremum vectis B. caute ac sensim deorsum pre-

premitur, sic fit, ut alterum vectis extremum C. sursum moveatur, atque hac ratione brachium luxatum & extendatur, & caput ejus prolapsum simul sursum in locum naturalem promoveatur: id quod ipsis hac ratione haud raro felicissime cessit, ut inde magnum nomen haec machina adepta & ad hodiernum usque diem *Ambe Hippocratis* dicta sit (a). Interea licet eis in casibus, ubi brachium recta deorsum promotum est, haud raro egregie profuerit, atque adhuc prodesse possit; tamen quia tunc, quando caput humeri vel in interiorem vel in exteriorem scapulae partem, ut plerumque fieri solet, prolapsum est, dum solum recta sursum elevat, saepe desideratam opem ferre non potuit, imo & si praedictum caput paullo vehementius ad posteriora scapulae vi musculorum aut lapsus fortioris protrusum sit, non satis extendere, sed caput promotum contra oram inferiorem foveae, quae in scapula est, violenter comprimit, (ut alios ejus defectus nunc taceam) quo minus in naturalem locum promoveri possit, atque sic simul fortes collisiones ac dolores saepe concitat, a multis jam diu neglecta, imo prorsus rejecta est.

VII.

De aliis artificijs
huc pertinentibus.

Ceterum neutiquam omittendum hic erit, esse videlicet quamplurima adhuc alia pro excitandis humeris non ab antiquioribus solum, sed & a recentioribus medicis & chirurgis excogitata & machinamenta & artificia. Quorum ista, hoc est, antiquiora descripta passim ac delineata extant apud ORIBASIIUM (b), PARAEUM (c), GERSDORFFIUM, BRUNSVIGIUM, SCULTETUM (d) atque alios chirurgorum principes. Ad recentiorum autem machinas quod attinet, binae quidem illarum species obviae cumprimis sunt in *Actis erud. an.* 1683. pag. 37. alia vero JUNGKENII *Chirurgica Germanica* pag. 168. ubi de *luxationibus* tractat; item alia in PURMANNI *Chirurg. curios. tab.* 14. pag. 692.; rursus aliae in libro PETITI, chirurgi Parisini, de *ossium morbis*. Quae quidem posteriores tametsi quantivis auctori suo pretii videantur, ipseque in eis defectus priorum emendasse putaverit, haud tamen inter ipsos Gallos defuerunt, qui easdem vel supervacaneas vel *ambe Hippocratis* minus aptas in scriptis publicis pronunciarunt (e). Imo sunt nonnulli, qui, quicquid, praeter manus, mantilia, laqueos aut funes, machinamentorum hic adhibetur, supervacuum penitus esse, cum GOUPIO, chirurgo quoque Gallo (f), statuunt.

VIII.

(a) In libro, *Dissertation en forme de Lettre*, contra PETITUM scripto, p. 287.

(b) Lib. de Machinamentis.

(c) Chirurg. Lib. XV.

(d) In Chirurgicis eorum scriptis.

(e) Vid. lib. cui titulus: *Dissertation en forme de Lettre*, pag. 290.

(f) In Chirurgia sua.

VIII.

Interea tamen quia PETITUS est chirurgus ingeniosus & in arte sua pro-
 be exercitatus, operae pretium esse duxi, & ejus machinam, quam tanto-
 pere commendat, (vid. Tab. X. fig. 6.) hic exhibere, ejusque brevem de-
 scriptionem addere; qui vero plurade ea scire desiderat, ipsius librum evol-
 vat (a). Operam scilicet dare voluit PETITUS, ut machina ipsius non
 solum sufficiens tensio sive *extensio*, id quod aliis plerisque in hanc finem
 excogitatis tantum fieri potest, perfici, verum etiam debitus renixus:
 nimirum ut aeger & cumprimis scapula ejus ea ipsa quoque satis con-
 tineri firmarique queat, ne trahentem machinam sequatur, quod *contra*
extensionem Galli vulgo vocant; atque hunc in finem scapulae *retinacu-*
lum quoddam (b) pedis longitudine, robustum, ex linteo fortissimo vel
 panno xylyno (c), corio obducto, fabricatum (Tab. X. fig. 7.) trajecto
 prius brachio, per fissuram sive hiatum C, injicit, ita ut alterum extre-
 mum B pectori, alterum C dorso nitatur. Foveis ejus DD *cornua* sive
rami alterius machinae fig. 6. a a. immittit, alterumque ejus extremum
 B solo imponit. In hac machina praeterea *trochleae* sunt parvae cc, ut
 in polyspasto, fune suo instructae dd; adest praeterea *manubrium ver-*
satile E, quo trochleae & funes tendi, atque tandem brachium luxatum
 extendi potest. Ut vero brachium tanto melius extendi queat, singu-
 larem *habenam*, ex corio duplici & molli confectam, quatuordecim polli-
 ces longam, AA, fig. 8. inferiori ossis humeri parti, mox supra cubi-
 tum, cute prius sursum probe ducta, firmiter circumdat, eamque la-
 queo fericeo, corio peculiari modo per suturas juncto, ac $\frac{3}{4}$ ulnae longo,
 bb, ope nodi, probe firmat. Huic vero laqueo fericeo alius innexus
 est laqueus c d e, per duas quasi ansas mobiles ff, cui deinde funis, qui
 per trochleas fig. 6. transmissus est, dd jungitur. Quibus omnibus rite
 aptatis jubet, ut minister ope manubrii (E fig. 6.) funes intendant, atque
 sic sensim brachium nexum, quantum opus est, extendat. Eodem tunc
 momento chirurgus manibus suis caput humeri ita dirigat, ut in locum
 suum naturalem, nisi sponte hoc fiat, ut saepe contingit, redeat.

IX.

Attamen ne quid forte circa machinarum atque artificiorum in resti-
 tuendis humeris usum dissimulem, sic omnino censeo habendum: sci-
 licet manus & mantilia, si modo idonei & robusti ministri, pro aegro
 firmando brachioque extendendo, adsunt, plerumque sufficere; si ta-

Tom. I.

Ii

men

(a) Quia PETITI figurae ligno insculptae sunt, neque ceterum satis perspicuae, stu-
 dii, ut paulo clarius eas hic repraesentarem, quo facilius ac melius intelligi queant.

(b) Auctor Gallicè *l'Arcboutant* vocat.

(c) Auctor utitur vocabulo, *coutil* & *couti*, quod lexicographi quidam *lintheum robu-*
stum, quidam *pannum xylynum* vertunt, multi vero Galli hoc vocabulum prorsus non
 intelligunt.

De artificiis
 minus hodie
 usitatis.

men quis alias artes adhibere velit, eas demum praestantes atque ad reponendum humerum aptas esse, quarum adjumento & sufficienter extendi ossa, & aequabiliter ubivis intendi musculi possunt: & contra. Atque ex hoc ipso principio uberius dijudicari poterit, commodumne satis sit an alienum, HIPPOCRATIS *amben* seu vectem applicare; vel quae magis adhuc sunt dubia auxilia, super *januam*, *scalae gradum*, *tignumve*, robustorum ac procerorum duorum ministrorum humeris impositum, prolapsum brachium sic trajicere atque intendere, ut consistere homo ipse non possit; vel ministro cuidam robusto ac procero imperare, ut confideat, mox autem apprehensis, quae super humeros trajiciuntur aegri hominis brachiis, quam velocissime consurgere, eumque sic subito attollere, vel denique *aegrotum in terra collocare*, subjectoque sub ipsius humerum promotum pede vel talo, brachium vehementer attrahere; vel & quamcunque aliam extensionis rationem adhibere (a). Namque providendum hic semper etiam atque etiam illud est, ut ne, propter nimiam vel in extensione vel in restitutione violentiam, vel musculi, nervi, venae atque arteriae, vel & ipsa ossa collidantur vel disrumpantur. Quod ipsum equidem quin accidere propter rudiores hominis afflicti super *januam* aut *scalam* suspensionem satis facile queat, dubitare nos minime sinunt ista exempla & rationes, quae apud modo nominatum PETITUM (b) aliosque proposita deprehendimus. Quae quum ita sint, hoc imprimis sibi datum in hoc ipso extensionis negotio chirurgus arbitretur, ut satis quidem vehementer, sed caute tamen atque aequabiliter brachium extendatur, antequam prolapsum humeri os compellitur, alias nihil efficitur.

X.

De nova
quadam ma-
china.

Aliam adhuc eamque valde egregiam machinam, cum trochlea pro luxatione ejusmodi pertinaci vel inveterata brachii restituenda ab insigni quodam Chirurgo haud adeo pridem accepi, qui egregiam ejus utilitatem multis modis mihi laudavit. Verum quia ea hucusque uti nondum potui, adeoque effectus ejus nondum videre, ad aliud tempus illius descriptionem reservo.

(a) Haec artificia omnia egregie apud PARAEUM Lib. XV. delineata conspici possunt.

(b) Cap. de luxato humero.

C A P U T V I I I.

De cubito luxato.

I.

Cubitus sive brachium binis admodum ossibus, ulna scilicet ac radio, per singulare aliquod commissurae genus sive gynglymum (*Charnière* Gallis dictum) inter se invicem junctis constare, manifestum satis ex iis est, quae in anatomicorum voluminibus proponuntur. Atque horum quidem ossium commissura sic omnino comparata est, ut ulna sive cubitus, tanquam majus atque in interiore brachii parte positum os, omnem quidem brachii flexionem atque extensionem perficiat, sed sine radio tamen moveri prorsus nequeat: adeoque radius inflexae atque extensae ulnae motum semper sequitur. Contra vero radius, nihil mota vel inflexa ulna, in interiorem aequae ac exteriorem partem flecti una cum manibus potest. Siquidem manuum & pronatio & supinatio ab eodem proficiscitur. Utraque ista brachii ossa in cubito sic adjuncta sunt ossi humeri, ut insignes processus in profundos sinus dimissi valentissimisque ligamentis firmati reperiantur. Igitur tametsi in omnes quatuor partes, exteriorem nempe atque interiorem, priorem item ac posteriorem excidere aliquo modo cubitus potest, rarius tamen totus, sed leviter tantum, excidit: nisi forte suprema ulnae pars, quae olecranon vocatur, comminutum, vel cubiti etiam ligamenta per graviolem aliquam vim externam insigniter infirmata fuerint.

II.

In posteriorem partem cubitus si excidit, cujusmodi brachii luxatio praeter reliquas brachii luxationes frequens inprimis est, tum brachium curvum ac brevius est, neque extenditur. In priori cubiti flexura humerus, in posteriore ulna sive olecranon prominet, maximusque inter utrumque os sinus elucet. Contra vero *in priorem partem* raro admodum, propter olecrani magnitudinem, cubitus prorumpit; nisi si olecranon simul fractum invenitur. Quoties interim tale quidpiam incidit, os humeri in priore, ulna vero in posteriore cubiti parte prominet, interpositis utrinque, pro luxationis gravitate, majoribus minoribusve sinibus. Similiter *in exteriorem partem* cubitus si excidit, tumor in externo cubiti latere comparet: atque contra. Ceterum nisi cubiti ligamenta & muscoli penitus perrumpuntur, tantum equidem abest, ut toto loco suo cubiti moveantur, ut potius leviori quadam luxatione aut subluxatione, id est, non nisi paululum excedere soleant. Quicquid tandem harum rerum sit, cognosci facillime casus isti singuli visus atque tactus beneficio possunt.

III.

Prognosis.

Enimvero quum in his ipsis cubiti luxationibus iisdemque paulo vehementioribus, nimium quantum violenter & ligamenta & tendines extenduntur; mirum profecto haud est, si & gravissimi dolores, & nisi statim succursus fuerit, tumores, inflammationes, convulsiones, vomitus, febres atque adeo gangraena & mors, locuplete hujusmodi casuum teste PARAEUS *lib. 14. cap. 18. & lib. 18. cap. 33.* superveniunt. Quemadmodum nec illud dissimulari hic potest, difficulter admodum, propter valentissima ligamenta sua & propter varios processus cubitum prolapsum reponi: maxime si aut gravis aut inveterata luxatio subesse deprehenditur. Attamen quo levior & recentior haec luxatio, eo commodius restituitur.

IV.

Cubitus prolapsus quomodo reponatur

Sed quicquid tandem inciderit, collocari protinus in sedili aegrotus debet, advocatisque binis robustioribus ministris, utrumque & humeri & brachii membrum in diversas partes extendi, donec muscoli satis extensi & spatium inter ossa liberum sit. Tum illud ipsum os, quod excidit, ab ea parte, in quam forte prolapsum est, in contrariam semper partem, idque vel nudis manibus, vel convolutis quoque fasciis, quam exactissime impellere chirurgus studeat: cubito, ut processus sinibus suis reponantur, repente postmodum inflexo. Quodsi autem tendines & ligamenta usque adeo vehementer distenta sunt, ut amplius extendi vix ac ne vix quidem valeant; haud sane alienum videtur, mollientibus oleis, pinguedinibus animalium vel unguentis cubitum probe inungere, vel & fomenta aut cataplasinata emollientia ipsi subicere. Sic & ubi nudae manus ad extendendum brachium haud sufficiunt, commodissimum erit, illis & machinamentis & artificiis uti, quae superius sunt proposita. (*Lib. II. Cap. VIII. No. 3, 4.*)

V.

Cubitus repositus quomodo tractetur.

Simulatque jam repositum ista ratione brachium est, fascia illud apte deligatur, ac postea commodissime illud ipsum mitella excipitur, atque ita ex cervice suspensum continetur. Sed cavendum tamen, vel HIPPOCRATE etiam monente, quam solertissime hic videtur, ne aut vincitur nimis diu in cubito haereat, aut ipsum brachium immobile prorsus conquiescat. Namque sic periculum utique est, ne, oleo articuli inspissato, cubitus rigescat, nativosque suos flexus plane amittat. Quod ipsum ut feliciter prohibeatur, necessarium omnino est, quam saepissime, hoc est, singulis vel alternis diebus vincituram solvere, cubitumque leniter huc atque illuc aliquamdiu inflectere: spleniis dein, vino adusto calefacto madidis, denuo superinjectis, fasciaque firmatis, donec ligamentis atque articulo pristinum suum robur redierit.

C A P U T I X.

De manu, carpo, metacarpo, itemque digitis luxatis.

I.

TAmetsi manus binis illis brachii ossibus, atque radio inprimis, per *De manu luxata.* carpum & ligamenta valentia quam accuratissime adjungitur, tamen in omnes quatuor partes ipsa quandoque prolabitur. Sed in alterutrum tamen latus, propter grandiores ulnae atque radii processus, non aequae facile, ut in priorem posterioremve partem prolabi eadem consuevit. Atque *in priorem quidem partem prolapsa manus* dicitur, quoties versus musculos digitorum flexores ipsa recessit: contra vero *in posteriorem partem prolapsa* judicatur, sicubi ad musculos digitorum extensores eadem excessit. Sic eadem prope ratione *in externum latus prorupisse manus* putatur, ubi juxta pollicem tumor, juxta minimum vero digitum locus cavus conspicitur: *in internum autem latus*, sicubi singula contraria ratione sese habuerint. Quae quum ita fuerint, sane haud obscure liquet, quibusnam indiciis cognosci manuum luxationes debeant.

II.

Enimvero si quid tale incidit, abesse vix, propter firma satis ligamenta nimis violenter extensa, potest, quin vehementissimi dolores *Symptomata & prognosis.* suboriantur, ipsique digiti penitus rigeant, usque adeo, ut neque porrigi, neque inclinari, propter tendines compressos, valeant. Quam quidem ob rem mirum plane haud est, si graviores inflammationes, tumores, abscessus, articulorum rigor, gangraena & sphacelus, ossiumve carpi spongiosorum caries in ejusmodi casibus moveantur: quibus ipsis malis alia ratione interdum succurri, quam manuum amputatione, haudquaquam solet. Sed mitior tamen curandi ratio locum invenit, ubi non recens solum, sed levior etiam, nullisque gravioribus comitata manus luxatio deprehenditur symptomatibus.

III.

Igitur tutissimum videtur, protinus id reponere, quicquid forte in manu prolapsum est. Quod ipsum ut felicius procedat, duo potissimum *Quomodo manus luxata reponatur.* hic prospicienda sunt: nempe ut prolapsa manus a duobus ministris, altero brachium, ipsam manum altero prehendentibus atque in diversa contenditibus, quantum quidem satis est, extendatur; deinde ut extensa manus, qua parte sinus est, in mensa vel quovis alio corpore plano, collocetur, sursumque prospicientes ejusdem tumores depriman-

tur. Namque isthoc modo quam aptissime repelli manus in sedes suas possunt, in quamcunque demum partem etiam ipsae fuerint propulsae.

IV.

*De luxatis
carpi ossi-
culis.*

Sed fieri quoque interdum solet, ut ex octo illis carpi ossiculis unum alterumve per externam vim aliquam e sede sua promoveantur ac disturbentur. Quod simulatque incidit, altera parte tumor, altera locus cavus conspicitur, digitisque sentitur; praeterquam quod dolores intentissimi ab aegroto percipiuntur. Ceterum quemadmodum istud luxationis genus partim visu, partim quoque tactu quam promptissime exploratur, sic etiam si recens, haud adeo difficulter curatur, sicubi scilicet manus eodem, quem antea posuimus, modo extenditur, atque os eminens in locum suum denuo compellitur. (No. 3.)

V.

*De metacar-
po luxato.*

Quae in metacarpo sive palma reperiuntur, quatuor ossicula dimoveri nonnunquam ab ipso carpo, cui quoad partem superiorem adiunguntur, propter vim aliquam externam solent. Interim ipsarum dispositio impedit, quo minus in quamcunque partem ipsa prolabantur. Etenim bina ista, quae ab exterioribus media comprehenduntur, ad neutrum latus excidunt: quemadmodum bina exteriora, quorum altero digitus index, altero minimus sustinetur, nunquam versus media, sed in exteriorem citius partem propelluntur. Tametsi in priorem ac posteriorem partem prorumpere singula queant. Quicquid autem horum incidit; sane mali hujus exploratio sive cognitio visu rursus ac tactu deprehenditur: atque in curatione eadem prorsus facienda sunt, quae hanc in rem modo praescripsimus. (No. 4.)

VI.

*De digitis
luxatis.*

Denique manuum digiti, quibus pollicem quoque annumeramus, quoad singulos articulos suos, in quamcunque partem sedibus suis promoveri possunt. Cujus equidem mali promptissima plerumque & cognitio est & curatio. Quum enim ligamenta minus valida, pinguedo & muscoli tenues, neque adeo profundi articulorum sinus sunt, extendi utique ipsi facillimo negotio possunt, atque in locum, unde lapsi sunt, restitui: dummodo scilicet manu altera digitus extenditur, altera vero in sedem suam denuo compellatur. Ceterum quomodo restitutorum istiusmodi ossium singulorum vincitura instituenda sit, explicatius eo loco proposituri sumus, ubi de fasciis seorsim exponitur.

C A P U T X.

De femore luxato.

I.

Rarius equidem, ac vulgo crediderunt Medici, qui femoris plerum-*Femur rarius*
 que fracturam pro luxatione habuerunt, femoris caput ex sinu *excidit.*
 suo excidere, supra jam tum, ubi de fracturis egimus, nos observare
 meminimus. (*Vid. Lib. II. Cap. VIII. No. 6. item Lib. III. Cap. I. No. 9.*)
 Etenim quia summus iste femoris articulus 1) quam profundissimo sinu,
 quem *sinum coxae* veteres, *acetabulum* recentiores vocant, 2) quam
 amplissima eademque concava cartilagine, totum prope femoris caput
 comprehendente, 3) quam valentissimis nervis sive ligamentis, 4) robu-
 stissimis item & crassissimis musculis, juncturam ab externa vi defendenti-
 bus, instructus; 5) ipsum vero capitis collum mirum quantum prae re-
 liqua parte fragile deprehenditur; tantum certe abest, ut femoris ca-
 put facile prolabatur, ut frequentius multo faciliusque collum ejus dif-
 fringatur (*a*). Etiam si autem incidere nonnunquam hujusmodi casus
 possint, ubi dictum illud femoris caput ex acetabulo prorumpit, fere
 tamen semper interna potius, quam externa causa quaedam subest.
 Namque pridem observatum a perspicacioribus Medicis reperimus, pos-
 se utique femoris ligamenta valentissima per varias causas & cum pri-
 mis per humores noxios, ob quamcunque causam hic collectos, usque
 adeo insigniter debilitari ac resolvi, ut quasi sponte sua femoris caput
 ex acetabulo dimittant. Ut proinde mirum videri haudquaquam de-
 beat, si absque omni violentia externa in lectulo decumbentibus fe-
 mur subinde excidat, ut aliquoties vidi, iisdemque surgentibus alteru-
 ter pes altero vel longior vel brevior appareat (*b*), & simul quasi re-
 solutus deprehendatur.

II.

Sed in adultioribus tamen ac robustioribus non aequae facile, ut in *Saepe in*
 junioribus ac teneris hominibus istiusmodi casus incidunt, ut supra jam *infantibus,*
 monui. In his enim identidem illud me observare memini, medicis *quam adul-*
 atque chirurgis aliis contra statuentibus, quia nulla plane vis externa *tis.*
 acces-

(*a*) Praeter exempla supra jam notata CHESLDENUS, chirurgus Anglus celeberrimus, in *Anatomia sua* refert, se in binis cadaveribus incisis diffractum femoris collum reperisse; tametsi antea nemo non prolapsum femoris caput fuisse existimaverit. Ita etiam varii scriptores gravissimi subluxationem in hoc osse fieri posse negant. Vid. WISEMANN. *Chirurg.* pag. m. 463.

(*b*) Vid. HIPPOCRAT. *Aphor.* sect. VI. 59. 60. ZWINGERUS *Theatr. pract.* Part. II. pag. 110. sub tit. *Luxatio.*

accefferat aut perspecta erat. Interea tamen, licet vis externa non accefferit, usus tamen me docuit, posse femoris caput ex acetabulo prorumpere; postquam scilicet humores praeter naturam, destillationes, aliive morbi ligamenta cum articulo infirmarunt.

III.

Femoris luxatio perfecta fere semper est.

Quoties autem cunque dictum illud femoris caput promovetur, toto fere semper loco suo dimoveri illud ipsum solet, adeoque perfecte luxari. Quo minus etenim paululum modo illud excedat, non exacta solum ipsius rotunditas, sed acetabuli quoque orae tenuissimae, mirumque musculorum, qui juxta sunt, robur impedit. Simulatque enim ad extremam acetabuli oram ossis hujus caput propulsum est, penitus statim inde vel prorumpat, vel in locum naturalem resiliat, necesse est. Interea tamen sunt, qui & imperfectam luxationem hic statuunt.

IV.

Femur in diversas partes excidit.

Femur autem in quatuor partes promoveri solet; in *interiorem* scilicet atque *exteriorem*, *inferiorem* atque *superiorem*: saepissime tamen in interiorem, ac deorsum quidem, versus amplum illud ossis pubis foramen prolabitur. Praeterquam enim quod in isthac acetabuli parte minus pauloque depressius cartilagineum propugnaculum est; ligamentum certe rotundum dictum isto loco facilius cedere posse, quam alibiprehenditur; ipsi denique muscoli, qui juxta sunt, imbecilliores hic reperiuntur, quam ut impedire capitis hujus prolapsum facile queant. Accedit denique, quod certae eminentiae ossis pubis & acetabuli hoc os hic facile retineant. At vero in *exteriorem* partem femoris os si prolabitur; fere semper sursum quoque versus idem prolabitur. Siquidem tunc abesse vix potest, quin valentissimi femoris muscoli idem retrahant adeoque attollant, cum nulla ossea eminentia hoc impediatur.

V.

Signa femoris in interiorem atque inferiorem partem prolapsi.

Sicubi in *interiorem partem*, atque ut fieri adsolet, *deorsum* prolapsum femur est, crus longius altero & valgius est: extra enim pes ultimus atque genu spectant. Ipsum ossis caput juxta inferiorem inguinis partem & ossis pubis foramen animadvertitur. Nonnunquam urina hic supprimitur: siquidem haud raro nervus aliquis, qui cum vesica communicat, vehementius comprimitur. In clune sinus quidam conspicitur; dum scilicet processus iste grandior, quem trochanterem Medici vocant, una cum reliquo femoris osse intro impulsus est. Et vero nisi opportune sedibus suis femur reponitur, universum pedem brevi tabes occupat. Atque haec ratio est, quare homines aegro huic pedi parum aut vix insistere queant, sed in alterum semper pedem corpus inclinare, nisi procumbere voluerint, debeant. Similiter quoties ingredi atque ambulare ipsi cupiunt, quasi per semicirculum aeger iste pes promoveri, ipsum vero corpus vel sub alis ab aliis hominibus, vel

vel subalaribus fulcris sustineri, vel baculis saltem debet. Quanquam haud omnino defunt istiusmodi casus, quorum nonnullos ipse vidi, ubi promotum istud femoris caput usque adeo firmiter cum aliis partibus vicinis extra acetabulum positum, postquam tempus processit, coaluit, ut sine fulcris etiam & baculis tandem incedere homines afflicti rursus valuerint, sed tamen claudicantes.

VI.

Quodsi autem in *exteriorem partem* femur excidit, *sursum versus*, ut *In exteriori* jam diximus, simul idem promovetur. Hinc infra inguen sinus, *in rem partem* clune autem tumor aliquis advertitur, qua nimirum parte femoris ca-*prolapsi.* put itemque trochanter haerescunt. Plica, quae in clune est, sursum attracta, reliquum crus altero brevius, pes autem intus inclinatus videtur: calx ingressu terram non contingit; adeoque nonnisi summis digitis ejusmodi homo insistit. Denique commodius inflecti, quam extendi aut porrigi pes ita luxatus potest. Interim ipsum quoque corpus facilius ac firmiter ab extra propulso femore, quam ab eo, quod intro lapsum est, sustineri consuevit: siquidem in isto casu longius a se invicem pedes dimoventur. Atque haec ratio est, quare non pauci a chirurgis ita curari soleant, ut, nec restituto quidem in sedem pristinam femore, stare tamen tandem firmiter ac deambulare possint: maxime si calceus altiori calce est instructus. Quanquam semper fere tabes aliqua, sed levior tamen, quam alias (Num. 5.) propter nervos aliquo modo compressos, sensim insequitur. Tandem in solam partem vel interiorem vel exteriorem femoris caput prolabi, ita, ut nec deorsum nec sursum versus simul promineat, perrarum est; ut jam diximus; attamen si forte aliquando contingeret, sane haud obscure id cognosci ex iis signis, quae hactenus indicavimus, nec non ex ipsa juncturae hujus constructione poterit.

VII.

Quanquam autem, propter crassiores musculos, difficulter admodum *Femoris fractura &* & visus & tactus adjumento, femoris os comminutum an prolapsum *luxatio quomodo dignoscantur.* sit, dignoscatur; tamen, nisi me omnia fallunt, haud sane contemnenda sunt, quae pro ipsis discernendis commendabimus, indicia subsequenter. Scilicet prolapsum femoris caput non sine ratione judicamus esse, quoties 1) post destillationes sive catarrhos vel tumorem pedis absque omni violentia externa inter decumbendum vel surgendum, femoris os resolutum deprehenditur: tum 2) si nihil nec tumoris nec doloris nec inflammationis noxam insequitur: & denique 3) ubi sine omni sono vel stridore, ossibus fractis commotis alias solenni, pes universus ad acetabulum inflecti atque huc illuc intorqueri potest. Contraria his signa fracturam aliquam contigisse haud obscure significant.

VIII.

Prognosis.

Quemadmodum autem paulo difficilior fracti aut prolapsi femoris exploratio, sic longe difficillima, ut supra jam indicavimus, ejusdem tractatio vel curatio deprehenditur. (*Lib. III. Cap. I. No. 9.*) Cujus equidem difficultatis variae admodum rationes sunt. Namque 1) ipsa musculorum, qui juxta sunt, vis atque crassities impediunt, quo minus sufficienter extendi, maxime in viris robustioribus, femur queat. Dehinc 2) propter hanc ipsam rationem difficulter admodum femoris caput reponitur; atque, an repositum illud sit, cognoscitur. Tum 3) licet vel maxime repositum femur sit, magnum tamen periculum est, ne propter lubrica nimis atque infirmata commissurae hujus ligamenta, rursus idem mox excidat. His porro 4) accedit, quod ipsa illa ligamenta propter extrinsecus factam graviorem vim disrupta nonnunquam sint ac lacerata. Denique 5) nec illud omittendum prorsus hic est; axungiam videlicet articuli hujus sic plerumque in acetabulo inspissari, ut femoris caput vel penitus ab eadem reprimatur, vel saltem repositum denuo expellatur. Ut proinde mirum neutiquam sit, claudos plerumque effici eos, quibus os femoris prolapsum vel nunquam vel saltem paulo tardius excitatum fuit.

IX.

Curatio femoris intro illapsi.

Diversimode autem, pro diversa luxationis natura, femur prolapsum reponitur. Etenim ubi *deorsum in interiorem partem* illud excidit, collocandus homo super mensam supinus est. Tum in inguine juxta partem afflictam mantile quoddam firmitus, vel habena linea robustissima ita transmitti debet, ut alterum extremum super ventrem, alterum super natem & dorsum reflectatur, quae deinde supra cristam ilei nodo junguntur, & postea ibidem vel intendi sive sustineri a ministris vel alligari superius in loco quodam fixo, clavo scilicet vel annulo ferreo, debent, praesertim si polyspasto utimur, ne scilicet hominis corpus inter extendendum provehiatur, & deorsum cedat. Similiter in imo femore mox supra genu, splenio prius circumdato, vel mantile vel habena idonea, vel denique HILDANI lorum (*Tab. VIII. fig. 17.*) firmatur; atque ita tensis utrinque habenis, femur non adeo vehementer, sed tantum, quantum sufficit, ad illud ex sinu magni foraminis educendum, extenditur, & vel manibus chirurgi, quarum altera caput femoris extrorsum, altera genu aegri introrsum premit, in sinum suum compellitur; vel etiam ope mantilis, in modum habenae, supremae femoris parti, fere ut in luxato humero circumjecti, restituitur, praesertim si simul ope manus genu aegri introrsum prematur. Ubi ad extensionem perficiendam praedicta artificia haud sufficiunt, polyspastus adhibeatur necesse est, qualiter scilicet supra positum est. (*Lib. II. Cap. VIII. No. 4.*) Simulatque autem sufficienter extensum femur animadvertitur, id utique sibi

sibi datum chirurgus arbitretur esse, ut juxta mensam in latere pedis laesi sit constitutus, prolapsumque istud femoris caput, ut modo docuimus, a pubis osse in sedem pristinam manibus suis compellat.

X.

Quoties autem *in exteriorem partem* femur excidit; propius super mensam collocandus aeger est, ipsumque femur eodem prorsus modo, sed paulo tamen vehementius, quam antea extendendum, atque a medici vel manibus vel genu imposito compellendum; ministro interea totum pedem intendente atque in exteriorem partem intorquente. Siquidem isthac ratione promptius plerumque femoris caput in acetabulum rursus illabitur. Quibus omnibus accuratissime peractis proximum est, ut membrum afflictum, sicut in doctrina de fasciis docebimus, probe vinciatur, aegrotusque per tres quatuorve septimanas in lecto strenue conquiescat.

XI.

In utroque vero casu, sive femur introrsum & deorsum, vel sursum & extrorsum fuerit prolapsum, PETITUS, quia manus & cetera machinamenta subinde parum sunt, ob musculos hic omnium robustissimos, suam supra in capite de humero luxato descriptam machinam valde hic quoque commendat. At ea si uti volumus, *retinaculum*, Tab. X. fig. 7. delineatum, minus amplum requiritur, illudque fissura A. carere potest, neque femur hic per eam transmittitur: verum medium hujus retinaculi tuberi ischii applicatur, & capitum alterum antrorsum, alterum retrorsum reflectitur. Aeger imponitur lateri sano, ut femur luxatum sursum respiciat; machina vero ipsa intra femora collocatur, flexo parum genu lateris aegroti. *Laqueus* fig. 8. Tab. X. supra genu, cute prius sursum ducta, ut in humero luxato diximus, firmiter circumligatur, ac deinde cum fune trochlearum, qui in machina est, fig. 6. d d. probe adunatur. Denique *frondes* sive *cornua* hujus machinae, a a. foveis retinaculi fig. 7. D D. immittuntur, & funis ope circumacti manubrii fig. 6. E. sensim atque caute intenditur, donec femur satis extensum esse Chirurgus cognoscat. Hoc facto caput femoris ita dirigere studeat, ut antea No. IX. dixi, quo in sinum coxae perveniat.

XII.

Speciatim vero si femur ad interiora & inferiora, ~~sive~~ ad magnum ossis pubis foramen prolapsum haeret, atque restitutio in hoc casu saepe satis difficulter succedat, PETITUS loco frondium a a. fig. 6. alios, qui fig. 9. hic exhibentur, substituit, qui in extremis transversas easque quasi lunatas habent prominentias: quorum alterum A. ossi ilei, alterum vero B. medio femoris imponit, postea per inguen mantile (*Serviette*) traducit, eoque ansam facit, quam cum fune trochleae suae firmat. Posthaec ope manubrii versi funem intendit, ita machina haec triplici in loco vires

suas exerit : nimirum pars A. firmat aegrum, dum ossi ilei, tanquam parti immobili, insistit; pars B. partem femoris inferiorem, quando funis intenditur, introrsum pellit; mantile vero partem femoris superiorem ope funis & trochleae extrorsum trahit, qui motus omnes in hac luxatione sunt necessarii, si os restituere volumus. Serio tamen cavendum suadet, ne extensio hic sit nimis fortis: quoniam membrum jam est nimis longum; attamen extensio tum diu durare debet, donec chirurgus caput femoris ex foramine pubis in sinum coxae reposuerit. Nam si citius remittitur, caput hoc mox ad foramen pubis relabitur, adeoque extensio prior esset inutilis atque repetenda.

XIII.

*Si luxatio
imperfecta.*

Si luxatio esset imperfecta, quod tamen, ut No. 3. dictum est, rarissimum est, atque caput orae acetabuli interiori insisteret, femoris pars superior altera manu extrorsum, altera vero inferior ejus pars introrsum pellenda, ut sic in locum naturalem redeat. Sed si orae acetabuli exteriori inhaereret, contrario modo erit procedendum. Nimirum altera manu femoris pars superior versus interiora, altera autem manu pars inferior versus exteriora ducenda.

C A P U T X I.

De patella ipsoque genu, id est, tibia atque fibula luxatis.

I.

*De patella
luxata.*

PAtella equidem in interiorem ut plurimum atque exteriorem partem; sed &, ubi medicorum nonnullis fides habenda est, in superiorem atque inferiorem partem separatim propellitur. Quoties autem ipsum genu sedibus suis expellitur, abesse vix potest, quin propter nexum cum femore & tibia, patella simul cum iisdem promoveatur. Sunt, fateor, in chirurgis vulgaribus non pauci, qui propter rerum anatomicarum atque osteologiae praesertim ignorantiam, dubii prorsus hic atque ancipites haerent, neque, quid prolapsum tandem sit, satis perspiciunt. Hi sane mirum non est, sicubi miram istam cruris noxam quasi factam in ipso genu luxationem tractent, aegrotumque proin miris iisque dolorificis modis, sed frustra tamen extendendo ac premendo discrucient. Si quis autem in anatomicorum praeceptis institutisque probe versatus, quae nativa patellae structura atque positura sit, paulo exactius cognoverit, is profecto dubius haud est, quin, col-

latis.

latis inter se invicem aegro atque integro pedibus, utrum, & in quam partem promota patella fuerit, quaque ratione tractari debeat, promte semper definire queat.

II.

Neque vero difficulter restitui in pristinam sedem suam patella pro-^{Quomodo re-}
mota solet, dummodo aegrotus super mensam lectumve supinus colloca-^{situatur.}
tur, vel etiam in solo quodam plano sic constituitur, ut crus directum a ministris contineatur. Tum enim chirurgus digitis suis patellam firmiter comprehendat, inque locum pristinum gnaviter compellat; id quod etiam fieri potest, si aeger erectus stat. Quo facto nihil reliquum est, nisi ut solertissime pars aegra vinciatur, aegrotoque per aliquot dies placide conquiescente, genu identidem leniter huc atque illuc, ne rigescat, inflectatur; donec scilicet, doloribus evanescentibus, pristinus cruri vigor redierit.

III.

Genu luxatio proprie est, quando crus sive tibia a femore recedit. ^{De genus-}
Crus vero & in anteriorem, & in posteriorem, & in lateralem par-^{luxato.}
tem ab imo femoris osse nonnunquam prolabitur. Nunquam vel rarius saltem in priorem; nisi si vehementissime idem urgeatur ac propellatur. Siquidem valentissimis, qui crus extendunt, tendinibus alligata super ipsam hanc cruris & femoris commissuram opposita patella est. Neque facile cruris ossa penitus a femore prolabi, perfectaeque, ut medici loquuntur, luxationes in genibus fieri possunt, propter & ampliores geminisque sinibus commissos processus, & mirificum ligamentorum robur; nisi forte ligamenta simul disrumpantur valentissima. Atque haec demum, si quid ego video, ratio est, quare, qui perfectam in genu luxationem passi fuerunt, intensissimis plerumque doloribus ac convulsionibus discrucientur atque adeo penitus consumantur; vel, si ubi forte servantur, rigore saltem & clauditate urgeantur. Contra vero quo mitior luxatio, vel subluxatio potius, incidit, hoc facilius quoque prolapsum genu recondi atque curari assolet. De cetero quemadmodum hoc luxationis genus, propter articuli hujus a carne nuditatem, ex sinibus & qui contra sunt, tumoribus promptissime cognoscitur; sic raro plerumque ac difficulter paulo gravior ejus luxatio ita curari solet, quin ossa inter se invicem conserveant, rigidumque ipsum genu efficiant: quod quidem noxae genus *anchylosin* medici appellant. Namque abesse in hujusmodi casibus vix ac ne vix quidem potest, quin, disruptis vel insigniter saltem collisis ac contusis articuli hujus ligamentis atque glandulis hac in junctura conditis, succus illarum nutritius in cavum articuli effluat, ibique inspissatus naturales cruris flexus prohibeat.

IV.

Quomodo
reponatur.

Quoties itaque nonnisi paululum genu excidit, tum aeger vel in lectum, vel scamnum, vel mensam ponitur, atque minister quidam femur supra genu comprehendit, alius crus extendit; chirurgus vero vel manibus, vel appposito genu suo os promotum in sedem suam repellit. Contra vero ubi perfecta in genu luxatio incidit, paulo vehementiori extensione opus est. Cui nisi manus cum habenis sufficiunt, descripta superius (*Lib. II. Cap. I. No. 21.*) instrumenta, lorum puta HILDANI ac polyspastus *Tab. VIII. fig. 15. & 17.* ad manus sumantur necesse est. Sed cavendum tamen sollicite hic videtur, ne scilicet in pueris tenerisque hominibus aliis per adhibitam in extensione violentiam epiphyses ab ossibus, quibus non nisi leviter adhuc dum adhaerescunt, distrahantur, gravioraque proinde mala cum clauditate concitentur. Postea vero, quam rite repositum genu fuit, apte deligandum, in lectulum stramineum conjiciendum, & denique cetera eadem facienda sunt, quae circa patellae curationem supra praescripsimus. (*No. 2.*)

V.

De fibula
luxata.

Nonnunquam fibula per externam aliquam violentiam a crure, eodemque vel summo vel infimo distrahitur: atque hoc quidem fieri ut plurimum solet, quoties pes inferior in exteriorem partem propellitur & luxatur. Quod ipsum igitur quoties forte acciderit, os hoc in naturalem locum compellendum, deinde probe deligandum & ceteroquin eadem plane, quam modo commendavimus, (*No. 4. & 2.*) ineunda est curationis ratio, donec rursus cum crure conferbuerit. Ceterum illud denuo nunc atque iterum inculcandum aegrotis videtur, ut ne mature nimis surgant, afflictoque pedi corpus committant: nisi scilicet gravioribus malis insanabilique claudicati opportunos sese reddere voluerint.

C A P U T X I I.

De pede sive talo luxato.

I.

De talo luxato.

TAlus quidem vel per saltum, vel per cursum, vel per gressum quoque incertum in omnes partes, priorem scilicet ac posteriorem, interiorem atque exteriorem quandoque prolabitur. In quamnam vero partem ipse prolapsus sit, ex varia ejusdem positura dignoscere convenit. Namque ubi in interiorem partem excidit, ima pedis pars in exteriorem partem convertitur: & contra, si in exteriorem partem excidit,

dit, ima pedis pars in interiorem partem spectat. Qui quidem casus posterior reliquis frequentior esse consuevit. At vero si in priorem partem prorupit, calx justo brevior, pes longior fit. Si in posteriorem, signum plane contrarium adest. Denique in exteriorem partem prorumpere talus vix ac ne vix quidem potest, nisi aut fibulâ a crure recesserit, aut, qua parte malleolum externum eadem efficit, fracta sive comminuta penitus sit (a).

II.

Et sane gravissimis haud raro malis obnoxii sunt, quibus forte talus, *Tali luxatio periculosa.* propter majorem praesertim violentiam aliquam externam, saltum puta vehementiorem aliasve similes causas, prolapsus fuit. Namque fieri aliter in ejusmodi casibus vix potest, quam ut, propter nimiam pedis intensionem, ligamenta cum tendinibus ac nervis duriter affligantur, indeque dolores intensissimi subnascentur; vel venae etiam atque arteriae disrumpantur. Ex quibus largiter diffusus per totum pedem sanguis gangraenam haud raro progignit. Testis hujus noxae DIONISIUS est; utpote qui in opere suo chirurgico taliusmodi exemplum retulit (b).

III.

Sed observatu tamen dignum hic illud videtur: nempe non semper elapsum talum esse, quoties post vehementiorem saltum, aut gressum incertum, graviter afflictus pes animadvertitur. Namque fieri quoque interdum solet, ut talus in ejusmodi casibus, naturali quidem sede sua servata, rudiorum aliquam *contusionem* atque *ossium collisionem* patiat. *Talus interdum non nisi contusionem patitur.* Quod ipsum ubi forte accidit, gravissimi quidem dolores, tumoresque cum livore atque rigore moventur, ita, ut aeger saepe diu decumbere cogatur, & neque stare neque ambulare possit; hinc prorsus etiam aliena hic est & extensio & repositio.

IV.

Quo graviore autem casu talus sive pes excidit, hoc difficilius quoque idem restituitur. Contrarium, sicubi est, contraria quoque esse solet observatio. Reponi autem quam aptissime talus prolapsus solet, ubi; super lectum, mensam vel scamnum collocato aegro, in diversa prius pes atque crus a ministris diducuntur, quam digitis vel manibus suis elapsum talum chirurgus compellat. Talo sic jam restituto, longe optimum videtur, laesum istum pedem e sale atque oxycrato identidem perfrictum exactissime deligare, hominemque afflictum, ut diutius in lecto perseveret, monere; donec scilicet a tumori- *Talus quomodo restituitur.*

(a) Exemplum videri potest hujus luxationis, cum malleolo externo fracto, in DRANII Obs. Chirurg. 109.

(b) Edit. II. pag. 650.

moribus aliisque malis gravioribus immunis, atque ita plane confirmatus talus sentiat, ut totum corpus sine periculo sustinere rursus valeat.

V.

*Tali contusio
quomodo
tractetur.*

Contusionem autem sive ossium collisionem aliquam ubi talus sentit; haud alienum erit, protinus in aquam frigidam pedem immittere, atque id ipsum aliquoties per dies singulos repetere. Si qui autem, quasi minus commodam, istam curandi rationem fastidiunt, his ego suaserim, ut splenia in oxycrato atque sale tincta super talum aegrum deligent, saepissimeque vincturam renoveant. DIONISIUS quidem hanc fere curandi viam ingreditur (a). Scilicet defensivum, quod chirurgi vocant, ex albumine, rosarum oleo atque alumine probe contrito conficit; quod linamento illitum super talum firmiter deligat. Tercio circiter die post vinum cum aromatibus medicamentisve adstringentibus, qualia rosae sunt, absinthium, rosmarinus, granatorum cortices, alumen atque sal, decoquit, eodemque talum gnave fovet, superinjecto dein splenio, vino isthoc madente, perque fascias arctius quam antea deligato. His ad duodecim dies ita factis, emplastrum aliquod roborans superimponit, donec scilicet dolores penitus conquierunt.

VI.

*Tali contusio
difficulus in
quibusdam
curatur.*

Et vero in quibusdam hominibus ita pertinacem paulo gravior tali luxatio noxam gignere consuevit, ut nec medicorum solertia, nec medicamentorum vis, sed temporis longinquitas sensum doloris penitus tollat. Neque enim desunt, qui vel post integrum etiam annum elapsum e contusis olim pedibus ita graviter laborant, ut nec in via non utique plana progredi, nec per scalam adscendere vel descendere absque insigni molestia queant. Cui quidem malo ut tempestive occurratur, eadem sollicitate observanda hic sunt, quae supra (No. 4.) praecepimus. Fascias enim infra demum describere constituimus.

VII.

*De calcaneo
luxato.*

Interdum etiam solus calcaneus per externam aliquam vim nunc in interiorem, nunc in exteriorem partem propellitur. Quicquid sit, dolores certe atque ipsa membri inaequalitas, id est, ab altera parte sinus, tumor ab altera, promotum aliquid fuisse haud obscure significant. Quod simulatque cognoscitur, iisdem, quas antea retulimus, viis curationem instituere convenit, servata postea aliquamdiu quiete.

VIII.

(a) Conf. Chirurg. ejus Edit. II. p. 651.

VIII.

Denique ubi forte quodvis aliud in planta, hoc est, in tarso & metatarso, pedis os, propter majorem aliquam vim externam, prorumpit, ligamenta certe, quae juxta sunt, una cum nervis atque tendinibus, sic plerumque affliguntur, ut non acerbissimi tantum dolores, sed inflammationes quoque & convulsiones, imo vero, ut medicorum nonnulli referunt, ipsa quandoque mors inde subnascentur; nisi scilicet opportune ossa recondantur. Quam quidem ob rem tutissimum est, promota isthaec plantarum ossa perinde, ut in palma manus proposuimus, quam celerrime restituere. Sic & ubi forte in digitis aliquid prolapsum deprehenditur, nihil ferme ultra fieri debet, quam quod in his, qui sunt in manibus, positum est. Ceterum ut, quantum satis est, placide in lecto aeger conquiescat, denuo nunc monendum statuimus.

Explicatio Tabulae decimae.

Fig. 1. indicatur laqueus, qui in capitis luxatione ad illud extendendum adhiberi potest. Conf. caput de luxatione capitis.

Fig. 2. alius laqueus pro corpore aegri firmando in eadem luxatione.

Fig. 3. ostendit modum, quomodo commodissima ratione humerus recens luxatus restituendus.

A. aeger in sella sedens, cui humerus restituendus.

B. minister aegrum firmans sive sustinens.

C. minister brachium luxatum extendens.

D. Chirurgus idem brachium restituens.

E. mantile, cujus ope chirurgus restitutionem perficit.

Fig. 4. machinamentum, quod vulgo *Ambe* sive *Αμβη* Hippocratis vocatur, in luxato brachio olim usitatum, ex fulcro AA & vecte BC constans, quae ad litt. D mobili quasi articulo junguntur.

Fig. 5. ostendit quomodo humerus luxatus huic machinae aptatur, & simul aliqua differentia ad locum juncturae circa litt. C & D inter hanc & praecedentem machinam ostenditur; dum quidam hanc, alii illam fabricam praestantiorē crediderunt.

AA est fulcrum, BC vectis, cui brachium luxatum tribus laqueis EEE firmatur. D locus, ubi fulcrum & vectis articulo mobili junguntur. Et quando vectis ad litt. B deorsum premitur, brachium luxatum juxta scapulā & extenditur & elevatur.

Fig. 6. est *machina Petiti* pro humeri aliisque variis luxationibus restituendis.

aa sunt *frondes*, sive *cornua*, quibus aeger, & praesertim scapula ejus firmatur. B alterum extremum, pavimento insistens. CC trochleae
Tom. I. L1 five

sive polyspastus in hac machina. d d funis, cujus ope extensio fit. E manubrium, cujus inversione sive circumrotatione funes tenduntur, & membrum luxatum extenditur. FF locus, ubi cornua corpori machinae junguntur.








Fig. 7. *retinaculum*, in humero luxato usurpandum. A hiatus sive fissura in hac machina. BC conformatio circa extrema, D D duae foveae, quibus committuntur cornua a a fig. 6.

Fig. 8. peculiaris *laqueus Petiti*, in luxatis membris extendendis idoneus. AA pars corio confecta. b b b laqueus sericeus, tribus in locis 1. 2. 3. corio ope suturae junctus, pars AA brachio circumligatur. c. d. e. ansa robusta, laqueo sericeo ad lit. f f. mobili junctura innexa.

Fig. 9. machinamentum est, quod in femore, ad interiora prolapso, restituendo a *Petito* commendatur, si loco cornuum a a fig. 6. machinae ad FF immittitur. A ossi ileo, & B medio femori imponitur. C C vero infiguntur machinae fig. 6. ad FF.







PARTIS PRIMAE
LIBER QUARTUS.
DE
TUMORIBUS.

CAPUT I.

De Tumoribus generatim.

I.



*I*Umorem medici omne id appellant, quicquid in humano corpore contra naturam increvit vel intumuit. Quod ipsum equidem utrum atque ubi factum fuerit, & quale sit, non visus tantum, sed & vel maxime tactus beneficio cognoscitur. Tametsi autem *excrecentiae* quoque, cujusmodi verrucae sunt, & clavi, aliaeque id genus pustulae in naribus pudendisque provenientes, ad tumores referri ut plurimum solent; tamen quando ipsae non tam infra cutem increscunt, sed potius supra cutem excrescunt, haud alienum videtur, separatim nunc de tumoribus exponere. De excrecentiis etenim quae notatu digna sunt, inferius in operationibus chirurgicis proponere constituimus.]

II.

Ac tumorum quidem varia utique genera sunt, pro caussarum partiumque afflictarum discrimine diversis nominibus insignita. Sic etenim alii calidi, alii contra frigidi atque aquosi; rursus alii ventosi, alii scirrhusi; denique alii benigni, alii maligni a medicorum filiis appellantur. Sunt in his nonnulli, qui proprio quodam velamento, quasi tunica vel cystide includuntur, indeque cystici vocantur. Porro si quid forte in arteriis intumescit, *aneurysma*; in venis autem *varicem* istiusmodi tumorem dicere consueverunt; in ano vel intestino recto vero si venae tumores concitant, *haemorrhoides* proprio suo nomine vitium istud dicitur. At vero in scroto vel feminibus, vel umbilico etiam qui pro-

deunt tumores, *herniae* communiter appellantur. Si quid autem puris vel materiae in tumore quodam subnascitur, *abscessus* idem a chirurgis dicitur. Denique ubi forte ex ossibus tumor aliquis prorumpit, exosto-
sin medici malum istud vocare constituerunt.

III.

Inflamma-
tionis spe-
cies.

Commemoratorum jam tumorum plerique omnes in varias easdem-
que *diversas species* denuo tribuuntur. Sic enim tumores calidi five ar-
dentes, vel, quod idem est, *inflammationes*, sicubi scilicet graviores
atque in externis partibus fuerint, *phlegmone*; ubi vero minutiores ac
mitiores fuerint, *furunculi* ut plurimum dicuntur. Quae non utique alte
carni est infixa, sed in summa tantum cute latius serpit inflammatio, *erysi-
pelas* communi nomine hodie dicitur. Tumorem five inflammationem
in digitorum apicibus subortum paronychia nomine designare consue-
verunt. Similiter ubi in feminibus five inguinibus, aut sub axillis
inflammatio istiusmodi movetur, *bubones*; juxta aures vero *parotides*,
malum istud vocatur. Si qua autem porro a nimio frigore in manibus
pedibusve gravior inflammatio concitatur, *perniones* inde proveniunt.
Ceterum inflammationes a diversis quoque corporis partibus, quibus
inhaerent, diversa plerumque nomina sortiuntur. Atque haec ratio
est, quare medici in scriptis suis de mammarum, oculorum, tonsilla-
rum, testiculorum, brachiorum ac pedum inflammationibus passim lo-
quuntur. Haec de inflammationum speciebus dicta sufficiant: de
reliquorum tumorum speciebus variis infra exponemus.

IV.

Instituti ra-
tio exponi-
tur.

Ante vero, quam ad tumorum considerationem five tractationem nos
accingimus, illud ante omnia hic videtur praemonendum esse: nempe
nos non de quibuscunque humani corporis tumoribus, sed iis tantum-
modo tractaturos hoc loco esse, qui & *exteriores* & *mitiores* aut leviores
videntur. Sic enim primo non nisi de illis tumoribus hic dispicere in-
stituimus, quae chirurgicae imprimis artificiis externisque potissimum
remediis curantur; missis interim illis tumorum generibus, quorum
curatio ab internis potissimum medicamentis exspectanda: qualiter fie-
ri, exempli causa, solet in interioribus inflammationibus quibuscun-
que, scirrhis item interioribus, hydropicis atque aliis morbis, qui
sunt hujusmodi. Deinde quoque ad operationes chirurgicas eos remit-
temus tumores, qui propria & instrumenta & majora artificia desi-
derant: cujusmodi sunt *herniae*, *excrecentiae*, *strumae*, *scrophulae*,
paronychiae, tumores *cystici*, *aneurismata*, *varices*, *haemorrhoides*,
alia. Adeoque de inflammationibus praesertim, scirrhis, canceris,
oedematis, fungis articulorum aliisque id genus tumoribus externis ex-
ponemus. Incipiemus ab inflammationibus.

C A P U T I I.

De Phlegmone.

I.

Phlegmone sive exterior inflammatio dicitur, quum quid in exter-^{Phlegmone}
no corpore magis, quam naturaliter oportebat, intumescit, cum-^{quid sit?}
que calore sive ardore, dolore, duritie, rubore, pulsibus atque punctu-
ris continuis urgetur. Quod ipsum simulatque solertius perpendimus,
quae prima denominationis mali hujus ratio sit, haud difficulter colligi-
mus. Ac de proxima quidem inflammationis hujus causa si disquiri-
mus; scire juvat, suboriri eam fere semper solere ex spissiori sive vi-
scidiori in venulis atque arteriis subtilioribus sanguine. Qui dum ma-
jori copia adfluit; quam refluit, non potest non juxta positas partes
quam gravissime vexare atque affligere, & praedicta mala sive sym-
ptomata excitare. Quanquam autem nulla propemodum, neque *inte-*
rior neque *exterior corporis pars*, ne ossibus quidem exceptis, ab istius-
modi inflammationibus immunis deprehenditur; frequentius tamen ipsa
in glandulis ac pinguedine, quam alibi, concitatur.

II.

Proximam equidem inflammationis hujus *causam* sanguinis in subtilio-^{Causae ex-}
ribus canaliculis obstructionem sive stagnationem esse, diximus. Ne quis ^{ternae.}
autem ignoret, undenam sanguinis in venulis inspissatio ista proveniat;
duplicis potissimum generis causae hic veniunt attendendae, quarum
aliae internae, aliae externae appellari poterunt. In externis causis
praecipuae fere sunt vulnera, ossium fracturae, luxationes, collisio-
nes, a festucis spinisque factae compunctiones, vincturae denique
strictiores; utpote quibus singulis vasa minuta sanguifera sic discin-
duntur, colliduntur, comprimuntur ac distorquentur, ut sanguinis in
iisdem cursus impediatur. Quibus ipsis tamen causis annumerari quo-
que merentur ambustio, motus nimis vehemens, frigus intensum, res
acriores intrinsecus vel extrinsecus applicatae, emplastra valde gluti-
nosa, oleosa item, pingua, plurimaeque id genus aliae, quae cutis in-
visibilia foraminula obstruunt, liberumque sanguinis cursum impediunt.

III.

In *internis* autem obstructionis hujus *causis* acria quaevis atque ^{Causae in-}
scorbutum numeramus: siquidem his *venulae atque arteriolae* sic ple-^{ternae.}
rumque irritantur, arroduntur, punguntur & constringuntur, ut san-
guis sensim in illis haerescat. Sed idem tamen evenire quoque ut plu-
rimum solet, ubi *sanguis vel nimis copiosus, vel nimis etiam crassus* adest;

vel denique ubi *nimis concitato motu* in corpore idem agitur. Sic enim paullo crassiores particulae in subtilissimos canaliculos facile propelluntur, & quasi impinguntur, quae difficiliorem postea transitum inveniunt. Atque id quidem vel maxime tunc, si subito frigori corpus calens objiciatur. Paucis: singula ea sanguinis obstructionem possunt concitare, quae vel ipsum sanguinem in crassiores particulas cogunt, vel sanguinis vasa vehementius constringunt.

IV.

Quid acidum ac fermentationis hic praestet.

Quae si ita fuerint, uti quidem revera sunt; luculenter, meo quidem judicio, hinc apparet, haud parum inter recentiores chirurgos aberrare illos, qui praecipuam, imo vero unicam venularum obstructionis causam in *acido* reperisse sibi videntur. Praeterquam enim, quod obscurum valde sit, utrum etiam atque ubinam acidum illud delitescat; sane haecenus proposita luculentissime docent, longe plures, easdemque non minus vehementes inspissationis hujus causas locum invenire hic posse. Atque idem etiam de *fermentatione*, quam non pauci allegare hic tanquam causam solent, statuendum videtur. Neque enim satis adhucdum constat, num etiam in sanguine suboriri istiusmodi fermentationes queant aut soleant.

V.

Inflammationum signa & symptomata.

Dictum superius est, (No. I.) in inflammationibus semper ferre tumorem, ruborem, calorem atque dolorem, imo etiam plerumque pulsum ac duritiem subnasci. Quarum equidem nostrarum veteres causae indagari facili negotio poterunt, dummodo ad ipsam mali naturam accurate respexerimus. Scilicet dum sanguinis cursus in quibusdam vasculis minimis sanguiferis tardatur aut sistitur; in reliquis autem vehementius concitatur; (neque enim omnes statim arteriolae hic obstruuntur, nisi forte sphacelus accesserit) abesse profecto vix ac ne vix quidem potest, quin sanguinis in universo corpore reliquo circuitus incitetur, augeatur, pulsusque dehinc citiores cum calore adaugeto moveantur. Quod ipsum simulatque fit, *febriculam* incidisse dicimus; quam tere semper sitis, capitis dolores, somnus turbulentus, plurimaeque hujus notae incommoda alia, primis praesertim diebus, insequuntur. Si quid interea sanguinis per venam aliquam detrahatur, id dum frigescit, albicanti quadam ac tenaci cute sive crusta, qualis fere porcorum cutis recentior apparet, sensim obducitur. Quo magis dein calor atque morbus incrementum accipit, hoc magis etiam mala ista ingravescent; usque adeo, ut sanguis universus, sensim sensimque emanantibus particulis ejusdem fluidioribus, in massam glutinosam tandem conversus appareat. Prouti quidem ex institutis circa sanguinis missionem observationibus manifestum est.

VI.

VI.

De inflammationis hujus exitu varia equidem pro ejusdem intensitatis, ^{Quotuplex sit inflammationis exitus.} caussarum, membrorum, naturae hominum, & malorum denique varietate, divinatio institui potest. Sed esse tamen *quadruplex fere noxae hujus eventus* adsolent: vel enim absque omni laesione inflammatio sic resolvitur atque digeritur, ut vexatae corporis partes vigori pristino restituantur; qui sane casus unus omnium mitissimus atque optimus videtur. Vel 2) in abscessum ac suppurationem inflammatio degenerat; ut proin aliqua saltem suscipienda corporis sit laesio. Vel 3) in *gangraenam* aut *sphacelum* inflammatio convertitur. Vel denique 4) tumor aliquis durissimus, quem *scirrhum* medici vocant, in afflicta ista corporis parte, dum inflammatio sese remittit, subnascitur.

VII.

Atque ad primum quidem casum, id est, *resolutionem sive digestionem*, ^{Resolutio ac suppuratio quandoque fiunt.} quod attinet, contingere ipsa ut plurimum solet, quoties paullo mitior inflammatio subest; habitudo corporis firmior, sanguis denique adhuc probe dilutus, nec nimis vehementer agitatus. At vero *suppuratio* insequitur, si vehementior adest inflammatio; si sanguinis circuitus concitator est; sed ipsa tamen ejus massa quadantenus temperata, neque nimis acris. Scilicet ubi paullo gravior sanguinis inspissatio facta est, haerentesque in venulis crassiores particulae digeri satis nequeunt, fieri aliter vix potest, quam ut, disruptis propter vehementiorem sanguinis motum ac pressionem vasculis sanguiferis, in carnem sive pinguedinem juxta haerentem cruor effluat. Quod simul atque contingit, subtiliores hujus partes sensim, propter nimium calorem, putrescunt, acres ac foetidae fiunt, vicina eroduntur atque corrumpuntur. Atque haec ipsa corrupta & immutata materia *pus* apud medicos appellatur: cujus varia plerumque, pro coloris scilicet atque crassitiei discrimine, genera inveniuntur. Nunc enim ipsa crassior est, nunc tenuior; nunc albida, nunc flava; nunc denique subviridis, subrubicunda varietate colorata.

VIII.

Verum enim vero ad *gangraenam*, quam *cancerum* Latini vocare solebant (a); inflammatio ut plurimum transit, sicubi paullo graviora sunt, ^{Gangraena & scirrhus quando incidunt.} quae supra commemoravimus, ejusdem symptomata sive mala accedunt, item si acrior, quam naturaliter oportet, atque concitator hominis sanguis est. Namque hic arteriolae & venulae protinus dilacerantur, exeduntur ac dirumpuntur: hinc omnes, quae juxta sunt, partes ab emanantibus inde humoribus acris, vel sanie corrumpuntur atque eroduntur, proximaque cutis, post separatam ab illa cuticulam, qualiter fere in adustionibus evenit, plerumque pustulis impletur.

Sa-

(a) Vid. CELSUS variis in locis.

Saniem istam intus haerentem ichorem medici appellare solent: qui quidem subrubicundus ut plurimum & pallidus est, adeoque ipsum ferme carnis colorem refert, nunc vero flavus, nunc denique ater aut lividus fereque pessimus. Nisi enim aegris opportune hic succurritur, dicta superius inflammationis symptomata, tumor nimirum, durities, rubor, calor, dolor ac pulsus sensim evanescent: membrum autem afflictum mollescit ac frigescit; dehinc pallet, mox autem sine sensu esse occipit; inflammatione interim ad partes proximas serpente. Hic ubi forte vel nimis calefacientia, vel adstringentia nimis aut refrigerantia, pingua item, vel acria & narcotica medicamenta adhibentur, vel aegrae quoque partes paullo vehementius deligantur, caro penitus emoritur, pallore ipsius in nigrorem coloremve quasi aeruginosum, qualem cutis suilla fumigata refert, commutato. Quo facto sanies inclusa, & exitum haud inveniens, vehementior fit, adeoque carnem, in qua haeret, usque adeo vehementer erodit ac destruit, ut omnis tandem sensus ac motus in isto membro pereat, *sphacelus*que proin, sive plena membri corruptio superveniat. Quodsi autem copiosiores in isto membro glandulae insunt, sanguis autem inspissatus percrassus est ac glutinosus; tum ita vehementer vasa sanguifera cum sanguine glutinosiori coguntur & compinguntur, ut ipsum tandem membrum, penitus amisso sensu, in tumorem aliquem durissimum, quem *scirrhum* medici dicunt, convertatur. Haec de quadruplici phlegimones sive inflammationis eventu dicta hic sufficiant: reliquum nunc est, ut, quam in singulis ejusmodi casibus curandi viam sequi medicus debeat, sigillatim ostendamus.

De inflammationis resolutione vel digestionem.

IX.

Inflammationis resolutio in quo consistat.

Quamquam variae in curandis inflammationibus, pro causarum scilicet atque malorum supervenientium, sive circumstantiarum varietate, iniri rationes possunt; tamen, quando inflammatio semper fere ex inspissato in vasculis sanguiferis sanguine nascitur, singulae istae curationis rationes eo tandem spectare debent omnes, ut, deopertis, quae praeclusae fuerant, vasculis, naturalis sanguini motus atque circuitus restituantur. Quam ipsam laesae partis immutationem, *resolutionem* sive *digestionem* medicorum filii dixerunt. Quoties igitur proposita superius (No. 5.) mitioris inflammationis signa in aegrotis adsunt, longe optimum est, de istius resolutione protinus cogitare. Quae quomodo rite institutenda sit, nunc jam edocebimus.

X.

Causa externa tollenda.

Enimvero si *externa* sensibusque obvia inflammationis *causa* subesse apprehenditur, cujus generis spinae sunt, ossium fragmenta, gladiatorum

mu-

mucrones, glandes plumbeae, aliaeque id genus res praeter naturam corpori infixae, melius profecto nihil est, quam quicquid intus infixum haeret, protinus, si tuto id fieri potest, sed circumspicte tamen extrahere. Similiter ubi vel ab adstrictiori in vulneribus ossiumve fracturis membrorum vinctura, vel a fractura, vel denique a luxatione quadam, inflammatio suborta est; prospiciendum ante omnia est, ut aut vinctura solvatur, aut ossa comminuta & prolapsa sedibus suis pristinis quam celerrime reponantur.

XI.

Quae causssae externae ubi jam sublatae, aut, quae sentiuntur, inflammationes graviores ab internis causis enatae sunt, utilissimum est, incisa in brachiis aut pedibus vena quadam, *sanguinem*, pro ipsius hominis viribus atque habitu, larga copia *detrahere*, protinusque deinceps *alvum ducere* medicamento vehementiori, attamen haud calefacienti, sed ad ipsam potius aegri hominis aetatem atque habitum prudenter accommodato. Utrumque sicubi necessitas illud exigit, hoc est, si mala, quae supervenerunt, gravia, parum aut nihil sese remittunt, iterandum est: quam quidem ob rem prudens aliquis, si haberi potest, a chirurgo medicus, qui hoc dijudicet, in consilium hic adhibeatur, autor sum; quia multi hic vel in excessu, ut multi Gallorum, alii in defectu peccare solent. Quae autem ad purgandam alvum in his casibus aptissima sint, supra jam tum circa inflammationes e contusionibus natas indicavimus. (*L. I. C. XV. No. 14. seqq.*) Ceterum sicut in inflammationibus mitioribus, atque ubi aegri vel infirmioris habitus, vel propter largiorem ex vulnere sanguinis profusionem aliamve ob causam valde infirmati sunt, vel sanguinis missio, vel & quandoque ipsa alvi evacuatio aliena videtur: sic dici propemodum haud potest, quam egregiam in inflammationibus gravioribus leniendis atque discutiendis, maxime si robustiores homines fuerint, utrumque illud medicinae genus prudenter adhibitum, una cum remediis mox indicandis, praestet utilitatem.

XII.

Nam ad resolvendum atque attenuandum inspissatum in venulis sanguinem longe aptissimum atque optimum simul est, *medicamenta* quaevis *aquea*, *diluentia*, *temperantia* atque *attenuantia* aegris ingerere, quia sanguinis missiones solae, quibus chirurgi Galli plerumque nimium fidunt, profecto non sufficiunt, insimul autem ejusdem notae cibus ac potum illis imperare; cujus ope simul, quicquid in sanguine acre est, leniatur atque temperetur. Contra vero cibus, qui difficilius digeruntur, sale nimium conditis, aromatibus item aliisque calefacientibus ac potu quolibet generosiori prorsus abstinendum. Scilicet aptissima ad digerendum ac refrigerandum sanguinem *medicamenta interna* sunt, quae eadem alias in continuis sive ardentibus febribus atque inflammationibus internis, pleuritide videlicet atque morbis similibus

aliis cum fructu adhiberi consueverunt. Spectant huc pulveres absorbentes, ut lapid. canceror. conchae praeparatae, & salia media cum admixto nitri pauxillo, mixturae refrigerantes ac diaphoreticae & julepi ex aquis destillatis refrigerantibus, sirupisque aut succis subacidis parati, itemque emulsiones tenues, ex seminibus refrigerantibus compositae. Verum quae ab aliquibus hic praescribuntur ac commendantur spiritus & tincturae bezoardicae, aliaque hujus generis medicamenta valde calefacientia, tantum abest, ut sanitati hic prospiciant, ut potius officiant atque oleum quasi in ignem infundant.

XIII.

*Accurata
victus ratio
servanda.*

Ad victus vero rationem speciatim quod attinet, *pastus* equidem commodissimus est, qui fit ex jusculis ac sorbitionibus cum hordeo, avena vel farina, scorzonera item, cichorio, chaerophyllo, acetosa, lactuca, endivia, pomis herbisque aut rebus similibus aliis, decoctis, cum admixto vel malo citrio, vel aceto, ad jucundum scilicet ac suavem acorem iis conciliandum, & quae acidarum rerum virtus est, calorem imminuendum. Atque haec ratio est, quare poma, cerasa, prunae cocta, inflammatione vexatis, si ab eis non abhorreant, longe saluberrima sint. *Potiones* autem aptissimae fere sunt aquae tenues ac refrigerantes, quae fiunt ex ptisana, decocto hordei, avenae, panis aut pomorum cum admixta, ad saporem gratum conciliandum, sirupi suavis aciduli, vel & ubi vehementior inflammatio est, nitri aliqua portiuncula. His equidem largiter, quantum scilicet sitis & aestus requirunt, utendum; sed cavendum tamen est, ut ne quid nimis. Vino & cerevisia generosiori penitus abstinere oportet: si qua vero tenuior in promptu est, atque aeger anxie eam desiderat, assumi eadem sine gravi periculo poterit; praesertim ubi unus alterve orbiculus ex malo citrio exsectus injiciatur. Quanquam etiam haud omnino alienae hic istae potiones calidae sunt, quae ex herba thea aliisque similibus herbis, vel baccis coffee parantur; siquidem praeter reliqua antea laudata subinde variationis causa assumuntur. Si qui frigidioris ac phlegmatici habitus homines sunt; haud incommodum erit, potionibus illis fervidis aromata quaedam leniora, cujusmodi cinamomum, saffra, macis, anisum stellatum atque alia sunt, injicere, vel sorbitionem aliquam ex aliis herbis salubrioribus & convenientibus, adinstar theae cujusdam, aegro imperare, vel & nonnisi dilutissimum aliquod ligni saffra decoctum ipsi propinare, lenemque istac ratione sudorem vel transpirationem aut diaphoresin movere. Namque ita, quicquid in humoribus ac sanguine glutinosum est, quam aptissime resolvitur, naturalisque sanguini circuitus restituitur.

XIV.

*Medicamen-
ta externa*

Neque vero minor hic in applicandis *medicamentis externis* necessaria videtur circumspectio. Licet enim medicorum alii nonnisi calefacientibus,

bus, alii nonnisi refrigerantibus medicamentis in inflammatione lenien- ^{calidioribus}
 da utantur; tamen id sine ratione atque saepe malo cum successu fa- ^{applicanda}
 cere videntur. Neque enim quidlibet cuilibet ingerendum medica- ^{quae sint.}
 mentum; sed singula potius singulis aegrotis eorumque viribus vel ha-
 bitui attemperanda: ne scilicet calefacientia calidis, frigidis refrige-
 rantia applicentur. Itaque contra faciendum ego quidem existimavi
 esse; diligentissimeque illud prospexi, ut iis, qui calidioris naturae
 sive temperamenti sunt, refrigerantia admoveantur. Praecipua in his
 sunt acetum lithargyrisatum cum linamentis complicatis tepidum iden-
 tidem injectum; vel acetum calidum minio bolove permixtum; vel
 oxycratum, ex aequis aceti & aquae portionibus confectum. Sic enim,
 exempli causa, utriusque hujus liquidi assumtis ℥vj, salis commu-
 nis ℥j, nitri autem vel salis ammoniaci ℥ij. admisceri poterunt, mem-
 broque laeso cum panniculis convolutis identidem superimponi. In re-
 mediis vulgaribus, facile parabilibus, sive, ut dici vulgo solent, do-
 mesticis, utpote quorum cum in castris, tum rure & alibi etiam haud
 spernendus usus deprehenditur, notissima fere sunt stercus bubulum
 recens atque calidum aceto calidiori admixtum; brassicae item, quae
 sale condita est, jusculum, sive muria, eodem, ut reliqua, modo su-
 pra partem inflammata vel adusta deligata. Sunt, qui emplastra
 quaedam refrigerantia, ut empl. ad ambusta, de minio, de lithargyrio,
 diapompholygos, saturninum, hujusdemque generis alia hic praeci-
 piunt. Atque haec ipsa quidem in inflammationibus paullo levioribus,
 itemque iis praesertim aegrotis applicari possunt, quibus haud penitus
 inimica emplastra sunt: idque noctu potissimum, ubi scilicet reliqua
 fomentorum genera difficilius & majori chirurgorum molestia innovari
 adsolent.

XV.

In hominibus frigidioribus ac phlegmaticis commodissima atque ad resolu- ^{Quae frigi-}
 tionem valentissima reperiuntur spiritus vini rectificatus, vel spiritus vini ^{dioribus aut}
 camphoratus, cum theriacae, spiritusve theriacalis pauxillo permixtus, ^{phlegmati-}
 calidusque linamentorum ope quam saepissime superimpositus; aqua item ^{cis.}
 reginae Hungariae camphorata; necnon aqua calcis, vel mera, vel cum
 spiritu vini camphorato, bolo, cerussa, lapide calaminari, sale ammoni-
 co aut lithargyrio permixta. Neque vero minus ad leniendam aut resol-
 vendam inflammationem potest, si spiritus vini libra una cum admixtis
 saponis boni, praesertim Veneti, vel Hispanici, uncis duabus, calide
 saepe imponatur. Tandem etiam hic egregie conducunt varia ex herbis
 solventibus, ut scordio vel absinthio, mentha, sabina, abrotano, ma-
 tricaria, arbore vitae, flor. tanacetii, aliisve, pro lubitu atque pro re-
 nata, decocta ex aqua nempe salsa, marina, vel ex aqua calcis. Qui-
 bus ita jam confectis si spiritus vini rectificatus vel camphoratus, sa-
 ponisque Veneti aut cujuscunque alius frustum aliquod immiscetur, ma-
 jor

jor utique in iisdem virtus inesse deprehenditur. Tametsi modo commendatae istae herbae singulae sic quoque coqui haud incommode possint, ut tanquam cataplasma quoddam, eodem prorsus, qua reliqua hactenus praescripta medicamenta, modo, cum subjectis scilicet linamentis complicatis identidem supra laesum membrum deligari queant.

XVI.

Externorum medicamentorum applicatio qualis esse debeat.

Attamen circa medicamentorum externorum in his casibus applicationem universe adhuc inculcandum illud hic videtur esse: nempe ut saepius, & satis quidem calida singula membro afflicto semper superinjiciantur, nunquamque ut frigescant permittendum. Quod ipsum quoties fit, longe optimum ad resolutionem esse consuevit, sicubi aegra corporis pars ex fomento digerente calido semper antea gnaviter perfricatur, quam novum cataplasma aut fomentum superimponitur. Atque ista quidem tantisper continuanda sunt, donec aut penitus resolvantur, quae inflammata sunt; aut, si resolutionis spes nulla superest, ad suppurationem aut gangraenam inflammatio transeat.

XVII.

Qualis vitae ratio aegrotis praescribenda.

Interim illud diligenter prospicere chirurgos convenit, ut locus, in quo aeger decumbit, nec calidum nimis, nec nimis etiam frigidum, sed, quam maxime fieri potest, temperatum aërem contineat. Tum, ut quam placidissime homo conquiescat, ac dormiat, nimis vigiliis, quoad fieri potest, solerter evitatis. Denique, ut animum tranquilum atque ab affectibus perniciosis, ira videlicet, terrore, curis gravioribus, itemque meditationibus severioribus liberum aegrotus conservet.

C A P U T III.

De suppurationibus vel abscessibus.

I.

Suppuratio quid sit.

DIximus, alterum inflammationis exitum esse suppurationem, hoc est, inspissati sanguinis teneriorumque, quae juxta sunt, partium, veparum puta & pinguedinis, in materiam vel pus transmutationem. Atque hunc quidem nondum adaperiti corporis affectum, *abscessum* medici appellare consueverunt.

II.

Quomodo cognoscatur.

Ad suppurationem autem spectare inflammationem, cum ex enumeratis superius (*Cap. II. No. 7.*) signis, tum inde quoque inprimis cognoscitur, si scilicet vel inveterata jam tum inflammatio est, dum medicus

cus accedit, vel etiam si ex commendatis haecenus medicamentis nihil quidpiam ad resolutionem proficit.

III.

Quod simulatque animadvertitur, abstinendum protinus a medicamentis resolventibus, providendumque, 1) ut ad maturitatem inflammatio perducatur, id est, in pus convertatur; deinde 2) ut materiae ad maturitatem perductae exitus paretur; tum 3) ut materia corrupta omnis quam diligentissime ejiciatur, locusque laesus probe purgetur; & denique 4) ut vulnus apte rursus glutinetur.

*Quid circa
illam factu
opus sit.*

IV.

Atque ad *maturitatem* quidem quod attinet, promovere ipsam per propria quaedam medicamenta maturantia convenit. Aptissima fere in his ea sunt, quae cum ex emollientibus cutisque foraminula obstruentibus, pinguibus scilicet, oleosis, glutinosis atque lubricis; tum etiam e subacribus, rodentibus ac pungentibus medicamentis, adinstar pulticulae seu malagmatis aut cataplasmatibus, vel & emplastri alicujus praeparata, laeso corporis membro superimponuntur.

*Maturitas
quomodo
promoveatur.*

V.

In *medicamentis emollientibus* huc facientibus, varia radicum, herbarum, fructuum, feminum ac farinae genera hic numerantur. Cujusmodi fere sunt althaea, malva, parietar. verbasco. mercurial. branca ursina, solanum, hyoscyamus, ficus, semen lini, foenum graecum ejusdemque seminis farina; farina item triticea aut filiginea, panis primarii ac secundarii micae, vitelli ovorum, butyrum, mel, variorumque animalium pinguedines vel adipēs, oleum lini, liliorum alborum, chamomill., hujusdemque generis alia. Ad alteram vero, *medicamentorum* nempe *subacrium* aut *stimulantium*, sed & emollientium simul, classem referimus chamomillam, melilotum, cepas sub cinere tostas, allium, crocum, terebinthinam, variaque gummata; galbanum inprimis, ammoniacum, bdellium, opopanax, sagapenum in vitellis ovorum resolutum, & denique fermentum panis.

*Maturantia
simplicia.*

VI.

Ex his ipsis, quae jam jam indicavimus, medicamentis simplicioribus recte sibi invicem commixtis varia eademque haud spernenda confici possunt cataplasmata atque emplastra. Quorum equidem aptissima propeque valentissima nunc jam proponere operae videtur esse pretium.

Medicamenta maturantia composita.

1) ℞. Herb. malv.

alth.

parietar.

chamomill. à Mj.

Farin. sem. lini vel foenugraeci ℥ij.

Coq. leni igne in aqua vel lacte, ad consist. cataplasmatidis, postea add.

Fermenti ℥ij.

Gum. galban. in vitell. ovi resoluti ℥j.

Atque linamentorum convolutorum adminiculo, calida, & quam saepissime quidem supra laesum membrum deligantur.

Vel 2) ℞. Fol. malv.

branc. ursin. à Mij.

Caricar. pinguium contusar. No. vj.

His eadem, ut modo retulimus, ratione decoctis adde butyri recentis, nec non cepae sub cineribus tostae, aequis portionibus ℥ij, & denique farinae sem. lini, quantum quidem ad cataplasma conficiendum sufficit, admiscendum.

Vel 3) ℞. Rad. lilior. alb. ℥ij.

Herb. parietar.

mercurial.

melilot. à Mj.

Ficuum recent. contus. No. vj.

Haec in aqua penitus concoquuntur, admixtisque gumm. ammoniac. & sagapen. in vitellis ovorum solutor. ut & aceti boni à ℥j. oleique lini ℥iβ. in cataplasma quoddam convertuntur.

Vel 4) ℞. Farinae filigineae, aut triticeae Mij. vel iij.

Coq. in f. q. lactis, admisc. gumm. bdellii & opopanax cum vitellis ovor. subaëtor. à ℥j. ut & croc. ℥j. in cataplasma transmutantur.

Vel 5) ℞. Fermenti ℥iij.

mellis ℥j.

saponis Veneti comminuti ℥β.

olei lilior. alb. q. f.

F. Cataplasma.

Vel 6) ℞. Mellis ℥iv. ad lentum ignem ex aqua decoquuntur : his postea olei lini aut chamomill. pauxillum, ut &

& farinae filigineae aut sem. lin., quantum ad malagma parandum satis est, admiscetur.

Cataplasinata haec aliave similia singula calida semper ac saepissime super partem corporis afflictam imponuntur, donec ejusdem mollities atque albedo collectam ac maturatam intus materiam demonstra- verit. Ubi vero paullo minores abscessus sunt, commodius utique est, *emplastrum* aliquod *maturans*, cujusmodi empl. diachyl. cum gumm., vel & emplastrum ex melle & farina compositum, sunt, loco dolenti adhibere, donec suppuratio sequatur.

VII.

Interim providendum, ut, quoties aegrorum conditio illud exigit, *Quae medi-
camenta in-
terna assu-
menda sint.* non per *medicamenta* solum *interna*, sed *justam* quoque *victus rationem*, san- guinis motus probe attemperetur: siquidem & vehementis nimis & nimis tardus sanguinis motus suppurationem impedire consuevit. Igitur ubi ille *nimis tardus* esse ex pulsu cognoscitur, confortantia quaeque & calefacientia cum medicamentorum tum & vel maxime ciborum & po- tionis genera aegrotis moderate ingerenda: quo nempe facilius & in- spissatus sanguis, &, quae ipsum continent, vasa sanguifera, pro- pter vehementiorem sanguinis motum, in pus convertantur. Haud parum hic proficiunt juscula confortantia cum vino vel cerevisia gene- rofiori. Quae ubi forte parum videntur, tardiori adhuc sanguinis pul- su indice, necessarium utique erit, theriacae, diascordii, vel & al- kermes portiunculam, quantam scilicet cultri apex continet, vino, aquae cinamomi, aliive liquori cardiaco injectam, aliquoties per diem porrigere: non neglectis interim tinctura bezoar, essentia diaphoretica, ess. cinamomi, aliisve confortantis essentia, calefacientibus car- diacisque spiritibus, itemque sorbitionibus ex thea medicata cum pau- co lign. sassafras, cinamomi, fantali citrini atque anisi stellati praepa- ratis. Contra vero ubi *nimis vehemens sanguinis motus* adesse ex calore, & vehementiori celeriorique pulsu advertitur, refrigerantia protinus ad motum hunc temperandum assumenda sunt medicamenta. Spectant huc ea praesertim potionis genera tenuia, medicamenta item subacida, & pulveres cum nitro permixti; de quibus supra jam tum (*Cap. II. No. II. seqq.*) differuimus. Quin imo haud alienum quandoque est, sanguinem per venas detrahare. Denique ubi *satis firmus adhuc corporis habitus est*, sanguinisque pulsus nec concitatus nimis, neque nimis tar- dus; sane si nihil quicquam mali alieni supervenerit, supervacuum ad maturandam suppurationem medicamentorum internorum usus vide- tur, atque satis est, dummodo exactiorem vitae victusque rationem aegrotus observaverit.

VIII.

VIII.

Quandonam
abscessus
aperiri de-
beat.

Circa *materiae ex abscessibus educationem* ista praesertim necessaria videtur observatio : ne facile ante abscessus aperiatur, quam ad maturitatem perducta fuerit materia. Namque alias non solum pus nullum educitur, sed in maiorem quoque inflammationem membrum subinde conjicitur (a). Satis autem maturum jam abscessum esse, hinc potissimum cognoscitur : si scilicet tumor antea durus quodammodo mollescit atque albescit ; si digitus admotus liquorem intus delitescentem perferit ; si dolores cum rubore, calore ac pulsu valde minuuntur, vel omnino evanescent, succedente in istorum locum quasi ponderis alicujus in afflicta parte sensu. Qualia quidem indicia simulatque adesse reperiuntur, aperire protinus & sine cunctatione tumefactam corporis partem convenit : siquidem non in nimia solum festinatione, sed in ipsa quoque mora periculum hic subesse consuevit. Etenim ubi forte justo diutius in corpore pus remanet, praesertim si vel gravior suppuratio vel in parte nervosa fuerit ; periculum certe est, ne vel materia ista corrupta circumpositas partes arrodant, fistulasque & ossium caries producat ; vel in venulas sese insinuet, corruptoque, cui se admiscuit, sanguine, febres gravissimas concitet ; vel &, disturbatis prorsus cerebri, pulmonum, hepatis atque renum actionibus, inflammationes ac suppurationes internas, ipsam denique mortem inducat. Nonnunquam materia tenuior exspirat, crassior intus remanet : unde duriores ut plurimum tumores, praecipue circa glandulas, subnascuntur. Quae cum ita sint, hoc imprimis datum sibi esse chirurgi sciant, ut, nisi per abscessus aperiuntur, quemadmodum scilicet in iis partibus saepe fieri solet, ubi paullo tenuior cutis est, per adhibitam artem suam, illos aperiatur. Id quod duplici modo fieri potest, vel scalpello, vel rodente sive corrorente aut caustico quodam medicamento, quod *corrosivum* nostrates vulgo appellare solent.

IX.

Quomodo
pars inci-
denda.

Atque *incidi* quidem partes suppurationem expertae sic fere debent. Scilicet tumor circa basin altera chirurgi manu comprehendendus, propulsoque versus cutem externam pure, ne scilicet ex vasis aut nervis, aut aliis subjectis partibus quicquam laedatur, altera manu per scalpellum aliquod acutum (*Tab. I. A. vel B.*) incidendus. Idque ea potissimum parte, quae & mollissima & infima deprehenditur : siquidem hac commodius effluere materia corrupta solet. Ubi paullo ma-
jor

(a) Ita vulgaris & consueta haecenus fuit curandi ratio. Attamen nonnulli recentiores, inter quos & Goveius, Gallus, in Chirurgia sua, pag. 259. contendunt, aperturam abscessus non differendam esse, donec maturus sit, verum tumorem inflammatorium, si brevi resolvi nequeat, scalpello incidendum esse volunt ; id quod & CELSUM jam docuisse invenio pag. 408. Verum aegri plerique nimis maturam incisionem non facile admittunt.

jor abscessus est, scalpellum facta apertura non mox extrahendum, sed latius quoque incidi cutis debet, circumspēcte tamen; ne vasa majora carni subiecta, vel nervi atque muscoli simul praecedantur. Sic aperto jam abscessu, materia putrida emitti, atque, ubi forte crassior ac glutinosior est, exprimi blande manuum adjumento debet. At vero si paullo major puris copia intus haeserit, *aegrotusque ferrum expertus imbecillior*, ut contingere solet, *in deliquium animi lapsus fuerit*; satius utique videtur, post aliquam corruptae materiae partem emissam, linamentis carptis plagam implere, refocillatoque per aquam Reginae Hungariae, aliumve liquorem cordialem, aegro, emplastrum cum spleniis atque fasciis supra deligare; reliquum autem pus in deligatione altera diligentius emittere. Quando autem nulla animi defectio supervenit, omne pus simul emittitur. Ceterum in deligando istiusmodi ulcere eadem prorsus observanda sunt, quae in vulneribus supra praescripsimus. Namque primo loco pro abscessu purgando, medicamenta digerentia, vulgo *digestiva* dicta, dehinc balsamica seu vulnus implentia adhibenda sunt medicamenta; donec scilicet nova carne intus expletum atque extrinsecus glutinatum vulnus deprehenditur. *Turundae* praesertim *duriores* penitus hic sunt fugiendae; siquidem ut plurimum fistulas sive ulcera difficulter sanabilia concitant. Ut proin tutius sit, linamentis tantum carptis plagam implere, eandemque vel semel quotidie, vel, ubi multum adest, bis deligare.

X.

Alterum abscessus aperiendi subsidium positum est in medicamento rodenti vel caustico; fereque semper in infantibus atque illis adhiberi solet, qui natura molliores sunt, ferrumque aut scalpellum graviter nimis pertimescunt. Commendari autem in medicamentis illis rodentibus, vel, ut vulgo dicuntur, *corrosivis*, praeter reliqua merentur lapis causticus, ex cineribus clavellatis & calce viva, vel ex lixivio saponariorum paratus, lapis infernalis, butyrum antimonii, hisdemque similia complura alia; siquidem causticorum ejusmodi remediorum tot fere hodie sunt, quot chirurgi aut pharmacopoei existunt, ut quilibet aliquod peculiare sibi vindicet. Atque lapis quidem causticus vel ruditer comminutus, vel &, pro re nata, integrum aliquod ejusdem frustum super abscessum imponitur; sed subiecto tamen prius emplastro quodam scisso vel perforato, cujusmodi supra fere delineavimus, (*Tab. II. fig. 11.*) oblongo & angusto foramine. Sic enim provideri quam aptissime poterit, ut nonnisi minuta quaedam atque angusta plaga cuti inferatur. Medicamento huic caustico linamentum carptum vel spleniolum, spleniolo emplastrum aliquod latius, emplastro splenium aliud majus superimponitur: atque, ut firmitus ipsa omnia haereant, fascia supradeligatur. Quibus ita confectis, conquiescere paullulum aegrotus, vincturamque per aliquot horas integras super abscessu relinquere debet. Tres etenim ad

minimum, imo vero quatuor, quinque vel sex etiam, pro cutis crassitie ipsiusque medicamenti virtute, horae praetereunt, antequam deopertum pus inveniatur. Igitur ubi satis jam diu in abscessu videtur haesisse causticum, resolvi protinus vinctura debet, ut mala & corrupta materia, sicut quandoque fit, effluat; vel etiam, ubi nondum ad finem interiorum lapis causticus penetravit, specillum, spatula vel scalpellum aliquod minutum leniter admoveri, ut cute disrupta emitti pus omne queat. Dehinc, ut, quam lapis causticus produxit, crusta emolliatur, butyrum recens, vel ungu. digestivum, vel & basilicum unguentum cum emplastris fasciisque superimponitur. Simulatque vero crusta resoluta deprehenditur, cetera eadem facienda sunt, quae in plagis ferro factis, vel in abscessu per scalpellum aperto, antea posuimus. Ceterum, ut ne quid forte hic dissimulem, vix temperare mihi possum, quin moneam, promptius utique & ad minorem nitidiorumque cicatricem inducendam longe commodius ferro, quam medicamento caustico suppurationem aperiri; proindeque non sine ratione caustica scalpello a quamplurimis prudentioribus chirurgis postponi, si modo aegri timidiore illud tam facile admitterent.

XI.

Lapis causticus quomodo praeparetur.

Sed ne quis tandem ignoret, qua ratione *bonus aliquis lapis causticus conficiatur*; haud abs re fuerit, breviter illud ipsum hic declarare. Scilicet cinis clavellatus, itemque calx viva fortissima aequis portionibus, exempli causa à ℥vj. assumuntur; vel & cinerum clavellator. lbj. calcis vivae ℥vj. (a) quae figillatim confusa commiscentur, vitroque magno vel ollae injecta affundatur multa aqua, & per horam unam vel alteram reponuntur, ut probe una colliquescant. Tum quicquid liquidum factum est, per linteum a massa subsidente separatur & percolatur, inque cacabo ferreo ad ignem condensatur. Denique massa ista consistens crucibulo injecta per ignem paullo vehementiorem funditur, ut instar olei aliquamdiu fluat. Postea in cacabum vel mortarium effunditur, & antequam omnino frigescat, vel in frustra secatur, vel contunditur, eaque vitro gnaviter occluso inserta in sicciori quodam loco reponuntur & ad usum asservantur. Hinc dein, quantum ad abscessum aliquem aperiendum sufficit, promitur, atque ita vel integrum, vel ruditer etiam, si visum fuerit, in mortario comminutum supra cutem deligatur, quemadmodum scilicet antea praecepimus. Si humidi quicquam super lapidem causticum injicitur, promptius ut plurimum & quandoque intra horae unius vel duarum spatium effectum quaesitum praestat, partesque subjectas erodit. Quando autem paullo vetustior est, ut plurimum sensim vires rodendi tan-

(a) BOERHAVIUS in sua Materia Medica sect. 412. recipit ciner. clavell. ℥vj. calcis vivae ℥vj. atque alio modo in praeparatione procedit: quae vero mihi non successit.

tandem amittit. A LEMERYO in Chemia sua, itemque in Collectaneis Chemicis Leidenfibus, ut & in DIONISII Chirurg. gallic. edit. II. pag. 709. aliae videri possunt praeparationes non omnino contemnendae.

C A P U T I V.

De mammarum tumoribus atque inflammationibus.

I.

HActenus de suppuratione tractavimus. Proximum erat, ut de ^{Quid in in-} gangraena tractaremus. Sed vero cum plures inflammationum ^{flammatione} ac suppurationum species incidunt, quae paullo rarius in gangraenam ^{mammarum} terminantur; haud abs re fuerit separatim prius de singulis exponere, quam ad gangraenae considerationem progredimur. Incipiemus ab istis inflammationibus, quae *mammis infestare solent*. Scilicet istud *mali genus frequentissimum est in puerperis*, fereque semper aliquot post ipsum partum diebus incidit. Quodsi enim, prout fieri haud raro hic adsolet, paullo major lactis copia, & vehementius quidem, in ipsas mammas propellitur, & puerpera vel frigore, vel terrore, vel ira laeditur, abesse vix potest, quin, obstructis vasis, & lactiferis & sanguiferis, mammae intumescant, cumque rubore, calore ac durtie vehementer admodum doleant. Nonnunquam etiam hi tumores diu a partu in mulieribus lactantibus oriuntur ex iisdem, quas indicavimus, causis; ut & interdum in non lactantibus. Imo vidi aliquando hunc morbum in viro ex terrore ingenti subortum, ubi altera mamma tota vehementer intumuerat, & in abscessum abiverat, ex quo duas circiter libras puris, cum eum inciderem, cum magna & aegri & adstantium admiratione, prima vice eduxi. Ut plurimum hanc inflammationem febris sive insignis per totum corpus calor, cum pulsu concitatori, siti, capitis doloribus pectorisque angustiis insequitur: atque ita quidem, ut plerumque horror aliquis, quando malum invadit, praecedat.

II.

Communis inflammationum istiusmodi in puerperarum mammis causae, ut jam innuimus, solent esse frigus subitum, corpore praesertim <sup>Inflammatio-
num in
mammis
causae.</sup> calente aut sudante susceptum, potio frigida, ira, terror, tristitia, vel & quaecunque alia gravior mentis perturbatio. Siquidem istis omnibus inspissari sistique in mammis lac & sanguis possunt. Tamen si vero novae praesertim puerperae, inprimis illae, quae vel penitus lactare nolunt, vel &, quum foetus aut ante aut post partum mortuus sit, quam etiam velint, lactare infantem nequeunt, mammarum

inflammationibus opportuna sint, ea praesertim de causa, quia lac in his ob terrorem ac tristitiam hic supervenientem, facile stagnat; haud tamen insolens est, ilias etiam, qui dudum jam infantem lactant, ab istoc mali genere easdem ob causas, imo etiam ob ictum, contusionem, aliamve ejusmodi causam externam, infestari.

III.

Quotuplex
mammarum
inflammatio
sit.

Neque autem acque semper vehementes istiusmodi inflammationes esse consueverunt. Nunc enim integra mamma, eademque vel utraque vel alterutra ab iisdem afflicta, atque cum doloribus insigniter expanditur; nunc vero non nisi aliquam eandemque minorem mammae partem inflammatio occupat. Nunc quidem cuti propiores inflammationes sunt; nunc vero altius sive profundius haerent. Nunc gravia prorsus mala, vehemens puta & rubor, & calor, & durities, & dolor, superveniunt; nunc vero mitius cum afflicta parte agitur.

IV.

Pregnotis.

Atque illa ipsa membrorum afflictorum phaenomena curiose circumspicienda illis sunt, qui de inflammationum hujusmodi eventibus accurate praesagiendis solliciti sunt. Quo minor enim tumor est, quo item lenior inflammatio & febris; quo denique mitiora sunt, quae forte supervenerunt, mala; hoc minus quoque periculum subesse consuevit. Namque tum spes superest, fore, ut, quae in iis coiverunt, absque ulla suppuratione resolvantur. Contra vero quo graviora mala circumstantia sunt; hoc quoque gravior insequi suppuratio solet: usque adeo, ut interdum scirrhus, e scirrho autem fere semper cancer in mammis suboriatur.

V.

Mammarum
inflammationi
quomodo
occurrat.

Praecaveri autem in feminis splendidioribus, vel & in puerperis quibuscunque aliis, *infantes suos lactare vel nolentibus vel nequientibus*, dictum istud mali genus quam aptissime potest, sicubi emplastrum de spermate ceti linteo inducatur, medioque fere loco, ad recipiendam papillam, perforatum, statim a partu & calefactum quidem, supra mammas deligatur: fasciis, ad reprimendum lactis accessum paullo firmitus constrictis. Tum neutiquam alienum hic videtur, galactiten, vel argentum vivum testae nucis inclusum ex collo super dorsum puerperarum suspendere; vel & emplastrum ex spermate ranarum, saccharo saturni oleoque hyoscyami permixtum inter scapulas applicare. Ex internis medicamentis saluberrima hic ea sunt, quibus puerperarum lochia, nisi scilicet satis jam per se fluxerint, leniter ducuntur. Faciunt huc inprimis essentia myrrhae, succini, essent. croci sive elixir. proprietatis, debita copia subinde exhibita. Denique ad ipsam victus rationem quod attinet, providendum utique solerter hic est, ut per ipsam pastus ac potionis tenuitatem lactis copia imminuatur. Quam quidem

ob

ob rem non nisi sorbitiones sive juscula tenuia, ex aqua vel herba thée parata, vel & similes aliae potiones tenuiores per aliquot dierum spatium novis puerperis porrigendae sunt & commendandae: donec scilicet lactis in mammis affluxus satis jam imminutus ac praepeditus animadvertitur. Si quae autem *novae puerperae foetum recens editum ipsaemet lactare voluerint*, tum istae contra noxias mammarum inflammationes commodius praemuniri fere nequeunt, quam si a frigore, vehementioribusque animi affectibus quibuscunque ipsaemet diligenter sibi caverint, infantemque opportuno tempore, ne lac coire possit, atque identidem mammis admovent. Ceterum his quoque praecipendum, ut per primam hebdomadem jusculis praesertim ac sorbitionibus tenuissimis utantur; quo scilicet non minima solum lactis copia, sed & vel maxime lactis in mammarum ductibus lactiferis inspissatio praecaveantur.

VI.

Ubi vero tumor jam tum atque inflammatio mammas occuparunt, illud *Curatio* prospicere ante omnia chirurgos convenit, ut, quicquid forte coivit¹⁾ & stagnat, per interna externaque remedia quam celerrime rursus discutatur; neque tumor in suppurationem vel scirrhum transeat. Illud enim quoties fit, deformes ut plurimum cicatrices, feminis plerisque omnibus, maxime vero nobilioribus atque elegantioribus mirum quantum odiosae remanent. Ac de *internis* quidem *medicamentis*, quae ad resolvendos mammarum tumores febremque saepissime conjunctam puerperis ingerenda sunt, consuli utique medicus aliquis prudens atque expertus debet; ne scilicet lactea ista, ut vocatur, febris, dum minus circumspicte tractatur, puerperam miserrime conficiat.

VII.

Ad *externa* autem *medicamenta*, quae chirurgus maxime nosse debet, *Medicamenta resolu-
tia externa.* quod attinet; sane valentissimum hic praeter reliqua ad digerendos hos tumores saepe deprehendi emplastrum ex ceti spermate praeparatum. Interim neutiquam alienum videtur, ipsi huic emplastro *sacculos digerentes*, hosdemque vel ex furfure ac sale, vel etiam flor. sambuc., chamomill., melilot. ac lavendulae, itemque ex semin. foenicul., cumin. atque anisi, confectos & calefactos identidem superinjicere. Sunt, qui sacculorum loco pelles agninas emplastro superimponunt; siquidem istis non a frigore tantum externo mammae defenduntur, sed quicquid etiam in illis coit, haud parum apte discutitur. Sed aequae tamen vehemens ad digerendos ejusmodi tumores esse solet *vesica vitulina*, lacte calido atque cum floribus sambuci & chamomill. decocto repleta, saepissimeque super tumescentem mamam, reparato scilicet calore, imposita. Ejusdem propemodum virtutis est emplastrum diachylum simplex, idemque vel purum, vel & cum emplastro de sperm. ceti permixtum. Rob. sambuci linteo inductum, vel theriaca cum sale ab-

sinthii mixta, linamentisque perinde, ut illud, inducta quanquam ad resolvendos tumores insigniter hic proficiunt, praesertim si calida imponuntur, sacculisque medicis itidem calidis conteguntur; tamen aegrius ut plurimum a feminis splendidioribus adhibentur, propterea, quod non ipsam modo cutem, sed indusia quoque & lectulorum involucria five integumenta nitida mirum quantum conspurcare adsolent. Praeter dicta egregius quoque & satis commodus hic est aceti lithargyrisati, vel & aceti cum insigni cumini copia decocti, nec non aquae calcis usus; sicubi scilicet linamenta complicata, inque illis liquoribus calefactis tincta, quam saepissime super mammam tumentem injiciuntur. Quam non pauci promptam valde atque efficacem existimant *lactis super prunis expressionem*, hanc ego tanquam prorsus supervacuam atque ineptam temere abjicere neutiquam sustineo. Tametsi enim sympathetica, vel, quod eodem recidit, superstitiosa videri poterat ista curandi ratio; tamen, quando ad exsiccandum lac in feminis superstitiosis magnaque imaginationis vi pollentibus valentissima deprehenditur; nulla sufficiens ratio nos movet, cur penitus illam damnare velimus. Quodsi autem mammae ab intus contento lacte nimium quantum distenduntur, commodissimum utique est, vel infantem aliquem, vel anum, vel catulum, vel denique proprium aliquod instrumentum suctorium vitreum infra delineatum applicare, quorum adjumento lac detrahatur, donec nempe tumor omnis atque dolores evanescant.

VIII.

2) *Curatio
per suppu-
rationem.*

Ubi autem vel gravior inflammatio subest, quam quae quatuor aut quinque dierum spatio resolvi queat; vel, prout fieri plerumque solet, paullo serius chirurgus accessit; tutius profecto est, *suppurationem, quam maxime fieri potest, accelerare*, quam scirrhus aut carcinomati cunctando mammam exponere. Igitur, nisi sub ipso jam medicamentorum digerentium usu ad maturitatem corrupta materia perducta fuit, imponi protinus, ad accelerandam suppurationem, debet emplastrum diachyl. cum gumm. vel & emplastrum de hyoscyamo. Sed tamen valentiora propemodum ad movendum pus ea cataplasmata five malagmata sunt, quae non superiori solum capite (Nº. 5. & 6.) proposuimus, sed separatim quoque nunc proponere instituimus. Ut

℞. Farinae filigin. ʒβ. vel ʒj.

mellisque quantum ad cataplasma conficiendum sufficit.

Tum lactis & croci paucillum admiscetur, calefactumque in patella quadam linamentis obducitur, mammisque superimponitur, ac saepius postea renovatur.

Vel

Vel ℞. Farinae filigin. ℥iv.

gummi galbani vitello ovi resoluti ℥j.

aceti ℥iij. ; his aquae tanta portio admiscetur, quanta cataplasmati coquendo sufficit.

Vel ℞. Fermenti panis ℥ij.

mellis ℥β.

saponis Venet. comminuti & olei chamomill. à ℥ij.

quae sibi invicem commixta in patellam conjiciuntur, atque igni admota in pulticulam sive malagma convertuntur.

IX.

Atque ista quidem malagmata saepissime, eaque calida, semper *Quomodo abscessus aperiatur.* mammis injicienda sunt: superimpositis linteis complicatis vel pulvilis pro calore malagmatum melius conservando, donec vel per se *tumor aperiatur*, qualiter et quidem in his partibus fieri haud raro, propter cutem teneriorem, solet; vel incidi etiam scalpelli adjumento satis apte queat. Incidi autem mammae, nisi necessitas aliud suaserit, infima semper parte debent, ne scilicet conspicua post vulneris glutinationem cicatrix fiat. Quanquam autem inter medicos haud omnino desint, qui ad aperiendas mammarum suppurationes medicamentis rodentibus utuntur; tamen, quum magis indecorae hinc prodire cicatrices soleant, haud sane est, quod medicamenta ferro antepondere sustineamus.

X.

Postquam emissa jam ex mammis mala ista & corrupta materia est, *Quomodo mamma post emissum pus tractanda.* cetera eadem facienda sunt, quae in vulnorum aliorumque abscessuum curatione proposuimus. Namque primo loco per unguentum aliquod digestivum expurgari, postea autem balsamo quodam glutinanti, peruviano scilicet, oleo item ovorum aut cerae foveri illud ulcus debet. Ubi vero *altius suppuratio penetravit*, longe optimum videtur, liquorem aliquem purgantem; cujusmodi decoctum est herbae faniculae vel alchimillae cum admixto rosarum melle, in vulnus injicere, linamentumque carptum vel & turundam molliorem in illud immittere, ne scilicet supremae vulneris orae prius coeant, quam imus ejusdem fundus nova carne fuerit impletus. Succrescente jam in fundo nova carne, magis subinde minuta ac brevior immitti debet turundula; tandemque, pro re nata, simulac fieri id tuto possit, penitus removeri.

XI.

Contingere autem nonnunquam hic solet, ut in puerperis aut lactantibus *Quid denique 3 faciendum, ubi nec resolvi statim, nec nulla* mammarum tumores neque resolvi neque in suppurationem aliquam con-
vergi possint; sed per aliquot mensium vel & annorum spatium remaneant. Quod ipsum ubi forte in junioribus ac ceteroquin satis accidit,

in pus verti
mammarum
tumores pos-
sunt.

nulla vel exigua saltem incommoda superveniunt, neque magnum adeo periculum est, ne in scirrhum aut cancerum tumor iste transeat, vel semper maneat; id quod miseras ejusmodi mulierculas vehementer saepe angit. Igitur id inprimis hic providere chirurgi debent, ut afflitas istiusmodi feminas bono animo esse jubeant; ipsi vero tumori imponatur emplastrum de spermate ceti constanter gerendum, sollicitaeque semper ab externo frigore defendantur. Sic enim tumores isti, quantumvis diu etiam remanserint, sensim sensimque subinde diminuuntur & rursus evanescunt. Sed alia ratio illarum mulierum esse consuevit, quae vel aetate proVectiores, vel tristioris etiam seu melancholici temperamenti sive habitus sunt. Siquidem in his majus periculum est, ne vel in scirrhum, vel cancerum tandem tumor ejusmodi mammae inveteratus degeneret.

C A P U T V.

De testiculorum inflammatione.

I.

Testiculorum
inflammatio
nonnunquam
accidit.

Nonnunquam in testiculis, & vel alterutro quidem, vel utrisque, inflammatio quaedam cum tumore provenit. Quod ubi fit, acutissimis ut plurimum doloribus, praesertim ubi paullo gravius istud malum est, miseri homines discruciantur.

II.

Causae in-
flammat. in
testiculis.

Cujus equidem mali binae potissimum causae sunt. Vel enim inflammatio ista provenit ex graviore quadam *violencia externa*, id est, lapsu, collisione, aut contusione, qualibus ii praesertim obnoxii sunt, qui vel festinanter nimis vel imprudenter in equum ascendunt. Vel & mali hujus fons in *venere* situs est: idque vel maxime tum, ubi venenatus aliquis venereusve seminis fluxus intempestive aut minus circumspecte obstruitur.

III.

Diagnosis.

Dignosci autem istiusmodi inflammatio testiculorum cum ab aliis malis quibuscunque, tum & vel maxime ab hernia scroti inde potest, quando aeger, praegressa ejusmodi causa (No. II.) de insigni testiculi tumore, calore, rubore ac dolore conqueritur, visusque chirurgi idem confirmat. Quin tactus etiam ad cognoscendum istud mali genus haud parum confert. Dum enim manum admoverimus, statim advertemus, vel alterutrum, vel utrumque etiam testiculum insigniter & magis, quam naturaliter fieri decet, intumuisse, ubi haud raro pugni magnitudinem superant.

IV.

IV.

At vero non usque adeo leve reputandum istud mali genus est. Namque fieri quam saepissime solet, ut aut abscessus aut sphacelus superveniat, hominemque aegrum aut vita aut virilitate sua privet; vel in scirrhum atque cancerum tumor transeat, qui quoque mortem ut plurimum post se trahit; vel denique sarcocoele aut hydrocele, non sine miro hominis taedio ac molestia, insequatur.

V.

Ad resolvendum ea, quae in hac ipsa testiculorum inflammatione coierunt, eadem prorsus medicamentorum externorum genera valent, quae adversus mammarum inflammationem supra praescripsimus. Ac prae ceteris quidem huc faciunt acetum lithargyrisatum, aqua calcis cum spiritu vini camphorato, cerussa, tutia, lapideque calaminari permixta; noctu autem, ubi fomentorum applicatio molesta, emplastrum de ranis cum duplici mercurio, vel & emplastrum diachylum applicari potest. Denique neque interna etiam medicamenta digerentia hic praetermittenda sunt; & quidem si ab externa violentia quadam vel a sanguine crasso tumor iste subnatus fuit, pulveres ex lapidibus cancerorum praeparatis, conchis tum vulgaribus, tum ostrearum, matre perlarum, cinnabari, arcano duplicato, saepius exhibendi; nec non sorbitiones vel ex herba thée, vel ex aliis etiam radicibus, lignis atque herbis digerentibus decoctas quam saepissime assumere placidissimeque conquiescere convenit; rebus calefacientibus, cibisque crassioribus aut largioribus quam diligentissime evitatis. Quin etiam ubi paulo vehementior calor est, haud alienum videtur, nitri quicquam pulveribus modo dictis admiscere; spiritum vitrioli aut sulphuris potionibus instillare, vel & si copiosiori sanguine homo aegrotus urgetur, sanguinis partem per venas brachii detrahare.

VI.

Quodsi autem a morbo quodam venereo malum istud natum fuit, necessaria utique illa videntur medicamenta, tum quae alvum probe purgant cum mercurio dulci semper admixto; tum & vel maxime ea, quae adversus morbos venereos inprimis valent. Ceterum haud negligendae hic sunt potiones istae calidae, quae vel ex herba thée, vel ex ptisana, id est, ex hordeo, glycyrrhiza atque aniso ex aqua decoctis praeparantur. Quibus identidem assumtis non sanguis solum attemperari atque attenuari, sed tumor etiam dissipari consueverunt.

VII.

Tandem si vel sero nimis chirurgus advocatus, vel inflammatio quoque gravior est, quam ut per medicamenta jam jam enumerata aliae similia resolvi queat; suppuratio plerumque aut gangraena insequuntur. Itaque eadem prorsus applicanda hic sunt medicamenta maturantia, Tom. I. Quomodo suppuratio tractanda. quae

quae ad mammarum inflammationem Capite praecedenti posuimus. Tum, ubi ipsum pus jam maturuit, & abscessus non brevi sponte aperiatur, ipsum circumspicte incidere convenit, eductoque pure vulnus primum per unguentum aliquod digestivum diligenter purgare, injectis fomentis spirituosus ac corruptionem ulteriorem avertere valentibus, tandemque balsami vulnerarii beneficio plagam rursus glutinare. Inprimis autem cum ad movendum pus, tum etiam ad dolores minuendos valens hic deprehendi emplastrum de hyoscyamo (a), itemque diachylum cum gummis. Quae dum rite applicantur, nitendum simul strenue est, ut morbo isti venereo protinus succurratur. Tametsi autem in istiusmodi casibus ipsum haud raro scrotum sic eroditur, ut testiculi prorsus deoperiantur; tamen, si medicamenta digerentia ac balsamica rite atque opportune applicantur, instaurari ut plurimum, ut ipse observavi, perditam illam scroti partem consuevit.

(a) Quod etiam magnopere laudatur in Ludovici Operib. pag. 718.

C A P U T V I.

De Erysipelate.

I.

*Erysipelas
quid sit.*

Erysipelas inflammatio est, quae in cute summa itemque in pinguedine cuti propinqua suboritur, quaeque latissime nonnunquam cum rubore, calore ac dolore serpit ac procedit. Pars afflicta simulatque digito premitur, insigniter albescit; remoto digito rursus, ut antea, rubet. Nasci autem inflammatio ista quam saepissime solet in brachiis vel pedibus; interdum etiam in collo, capite, humeris, aut facie (a); nonnunquam in naso, partibusve aliis. Ac fere semper quidem cum horrore vel frigore incidit; unde tantus mox calor exoritur, quantus in febribus ardentibus solet persentiri: atque hinc tam a veteribus (b), quam a nostratibus in Saxonia inferiori *ignis sacer* nuncupatur.

II.

*Erysipelatis
causae.*

Eaedem autem *erysipelatis*, quae inflammationum reliquarum omnium causae sunt: inprimis vero subitum ex egregio calore vel sudore frigus; impedita transpiratio; potiones nimium generosae ac fortes, item-

(a) Exemplum enormis erysipelatis faciei & palpebrarum, quod per duos menses duravit, describit VERDUC, *Traité des Bandages* Cap. III. pag. mihi 34. & de eodem WESIUS libr. de Morb. oculor. p. 116. Aliud idque exulceratum utriusque cruris SCULTETUS Observ. 92.

(b) Vid. CELSUS variis in locis.

itemque crapula; denique etiam insigniter calidus atque acris sanguis. Siquidem istaec omnia sic comparata sunt, ut facili negotio sanguinem cogant, adstringant, atque stagnare faciant.

III.

Affectus hujus exitum quod attinet, observasse hic expedit, haud *Prognosis.* adeo magnum periculum hic subesse, si & levior inflammatio, & iusta inflammationis curatio fuerit. Contra vero si gravior inflammatio est; si malus atque infirmus corporis habitus; si perversa victus & vitae ratio est; denique frigori pars laesa exponitur, vel negligentius etiam atque imprudentius curatur: mirum haud est, si vel in febrem ardentem, vel in exulcerationem aliquam pessimam, vel & in gangraenam aut sphacelum inflammatio convertitur. Inprimis autem periculum magnum erysipelas affert, si vel frigida, pingua atque oleosa medicamenta externa imponuntur, vel potiones generosiores vini vel spiritus vini, vel & medicamenta interna calefacientia assumuntur.

IV.

In curando autem erysipelate palmarium utique illud est, ut sanguis *Curatio interna.* inspissatus sensim rursus diluatur, ac stagnans resolvatur. Quod ipsum equidem fieri commodius haud potest, quam si *sorbtiones vel potiones tenues eademque calidae* identidem assumuntur: per quas lenis & continuus sudor excitatur. Sic enim sanguis inspissatus diluitur, acris atque temperatur, haerens atque adstrictus resolvitur; & denique sanguis inutilis & corruptus ex foraminulis cutis invisibilibus sive *poris* ejiciatur; atque ita naturalis transpiratio, tanquam proxima erysipelatis medicina, felicissime restituitur. Medicamenta calefacientia, quaecunque demum illa fuerint, praesertim tinctura bezoard. spiritus vulgo antipestilentiales (*Pest-Brandewyn*) atque hujus generis spiritus alii atque essentiae fortiores & calefacientes, meo quidem iudicio, prorsus in hac ipsa curatione debent abesse; siquidem per ista singula intendi potius quam imminui sanguinis calor solet. Contra vero tuta magis ac salubria hic sunt medicamenta temperantia & modice refrigerantia. Cujusmodi primo ea sunt, quae ex sambuco praeparantur. Ut proinde haud alienum sit, aliquoties per dies singulos semiunciam vel cochleare unum rob. sambuc. aqua sambuci diluti ingerere, assumtis interea sorbtionis ex herba thee, coffee, vel & ex herbis medicatis paratae haustulis aliquot. Ipsum corpus solertissime semper contra frigus externum munendum atque in continuo blando sudore conservandum. Ubi gravior hominem aegrotum sitis urget; porrigi simul decoctum aliquod hordei, vel tenuis etiam, sed tepida tamen, cerevisia poterit: siquidem in calore sorbtionibusque tenuioribus maxima ferme salutis spes posita hic esse consuevit. A rob. autem sambuci si forte aegroti abhorrent; tum pro ipso vel saltem alternis vicibus cum ipso, ad lenem videlicet sudorem movendum, pulvis aliquis diaphoreticus, ex praeparatis nempe

conchis, cancrorum lapidibus ac matre perlarum confectus, vel antimonium diaphoreticum, vel aliud quidpiam simile cum admixta nitri portiuncula, ex aqua sambuci assumatur: non neglectis interim potionibus tenuissimis atque calidis. Denique qualis hic necessaria *victus ratio* sit, satis jam ex illis, arbitror, constat, quæ in inflammationibus generatim praecepimus.

V.

*Medicamen-
ta externa.*

Si qua forte mitior in erysipelate inflammatio est, tum curari illud facili negotio, vel per solum calorem externum saepe potest. Quodsi autem paullo gravior inflammatio subest, solus calor haud sufficit, sed *externis* insimul *medicamentis* opus est. Itaque vel *rob. sambuci*, chartae coeruleae aut linteolo illitum, super male affectam partem imponendum, linamentisque calidis itemque sacculis resolventibus contegendum: prouti quidem supra jam tum circa inflammationes proposuimus. Verum hoc ut & theriaca cum absinthii sale mixta, quanquam ad inflammationem leniendam valentissima, tamen rarius plerumque, ut in mammarum inflammatione jam diximus, propter miram impuritatem suam, adhiberi hic solent. Quam ipsam ob causam longe frequentior hic *pulverum digerentium* usus est. Fere autem praestantissimum in his illud videtur, quod ex flor. sambuc., glycyrrhiza contrita, creta praeparata, cerussa item ac myrrha, aequis portionibus commixtis cum admixto pauxillo camphorae conficitur, chartaeque coeruleae aut bibulae vel & linteolo insertum super partem aegram calidum imponitur, sacculisque vel pulvillis contegitur. Huic adjungendus utique est *pulv. contra erysipelas Mynsichti*, non apud pharmacopolas tantum usitatissimus, sed & longe valentissimus. Denique *corticem sambuci* medium ac viridem insigniter ad digerendas inflammationes posse, non est, quod prolixè hic exponam: siquidem communis plerorumque hominum experientia dudum illud demonstravit.

VI.

*Cautio cir-
ca erysi-
pas.*

Tametsi autem non desunt, qui *medicamenta liquida* in erysipelate curando prorsus aliena censent; spiritum tamen vini camphoratum calidum, eundemque vel solum, vel cum croco vel theriaca permixtum, cumque linteolis complicatis vel charta bibula calide superimpositum insigniter hic proficere, itemque aq. calc. vivae cum spiritu vini camphorato egomet experientia edoctus adstruere neutiquam vereor. (a)

Inte-

(a) Remedium liquidum *contra erysipelas cum oedemate* complicatum sequens ita laudat *Scultetus* in *Observ.* 94., ut nihil praestantius se unquam expertum esse asseret. Nimirum ℞. lixiv. mediocr. ex cinerib. vitis ℥j. nitri ʒij, salis commun. ʒj. aceti vini opt. ʒj. M. quae mixtura, post universalia remedia prius adhibita, splenio duplici tepide excepta, loco affecto applicatur, & fasciis firmatur: ita spatium vel quatuor dierum insignes ejusmodi tumores, qui gangraenam etiam minantur, mirifice discutit.

Interim alia medicamenta liquida, nimis acida, obstruentia atque adstringentia fere omnia; nec non pinguis quaevis atque oleosa quam solertissime hic vitanda sunt. Haec enim, dici vix potest, quam insigniter poros obstruant, pessimique proin sanguinis per porulos ejectionem vel transpirationem impendant, hominemque afflictum in majus periculum conjiciant.

VII.

Sanguinis equidem *missio* nec non *alvi purgatio* in erysipelate non ae-
que, ut in phlegmone, necessariae videntur. Quicquid enim in ery-
sipelate mali corruptique humoris subest, id ipsum, quia in summa
tantum cute haeret, per sudorem lenem quam commodissime expelli-
tur. Interim ubi vel nimis vehemens pulsus arteriarum & calor est,
vel nimia quoque sanguinis copia; haud omnino aliena sanguinis per
venas detractio censenda est. Ad alvum autem adstrictam resoluenda
clysteriis potius, quam purgatione per alvum, opus est.

VIII.

Incidere hic non raro solet, ut ad suppurationem erysipelas tran-
seat; unde pessima plerumque, diuturna item ac late serpentina nasci
solent ulcera. Interim si quid tale accidit, ulcus illud diligentissime
semper expurgandum, injectisque vel unguento saturnino, vel de
lithargyrio, vel de cerussa, una cum emplastro saturnino, pro acrimonia
feri attemperanda. Sed assumere tamen hic simul medicamenta
interna sanguineique temperantia convenit; interpositis identidem
iis, quae humores acres per alvum educunt; servataque tandem victus
ratione accuratissima, donec ulcera haec rursus glutinentur: quae
tamen in senibus, valetudinariis & cachecticis, praesertim in pedibus,
omnem consolidationem respuunt. (a)

(a) Conferendus utique hanc in rem est SCULTETUS *Observ.* 90.

C A P U T VII.

De furunculo.

I.

Furunculus est tuberculum parvum ac durum cum inflammatione, Furunculus
rubore ac dolore insigni, subter cutem in pinguedine pronatum. *quid sit.*
A quibus ipsis quemadmodum nulla fere corporis pars immunis est,
sic universum quandoque corpus ita misere ab iisdem affligitur, ut, in
quam partem sese vertere aut decumbere, vel corpus suum inclinare

aegri debeant, vix inveniunt. Neque vero adulti solum, sed juniores quoque, imo vero infantuli recens nati pessimo huic malo solent esse obnoxii, unde molestissimi clamores & vigiliae cum virium debilitate suboriuntur.

II.

Signa &
causae.

Quae propria furunculorum *indicia* sint, hoc satis jam exinde, arbitrator, liquet, quae de ipsorum natura jam jam proposuimus. Quamquam autem, prout ex jam dictis, itidem constat, nullum in hoc malo, si adultos vexat, periculum sit; fieri tamen nonnunquam solet, praesertim si major furunculorum copia, & in infantibus quidem tenerioribus suboritur, ut dolor acutissimus cum vigiliis, vagitu, debilitate, convulsionibus & epilepsia, quin etiam ipsa tandem mors insequantur. Et vero praecipuam cum furunculis conjunctorum symptomatum sive malorum *causam*, perinde ut in inflammationibus reliquis omnibus, nimium glutinosus atque inspissatus sanguis continet. Igitur quo gravior sanguinis inspissatio incidit, hoc peiores quoque & copiosiores nasci in corpore furunculi adsolent.

III.

Curatio.

Quo circa furunculorum *curatio* omnis eo potissimum spectare debet, ut sanguis inspissatus atque stagnans pristino motui ac circulo suo, quam celerrime fieri potest, per medicamenta propria restituatur. Ac rariores quidem si furunculi adsunt, paullo rarius medicamenta interna adhibentur, sed per medicamenta saltem externa curari solent. Ubi vero vel paullo copiosiores furunculi adsunt, vel identidem quoque redeunt; medicamentis utique purgantibus sanguinemque attenuantibus & mundificantibus opus est. Quam quidem ob rem in hominibus adultis haud alienum videtur, sanguinem vel ex venis emittere, vel per scarificationes atque cucurbitulas detrahare; insimul autem decocta lignorum aliaque sanguinem attenuantia quam saepissime ingerere, accuratamque victus rationem imperare. A potionibus generosioribus, vino praesertim ac spiritu vini, itemque a nimio tabaci usu quam solertissime hic abstinendum est.

IV.

Medicamen-
ta externa
digerentia.

Si recens adhuc malum est, medicamenta externa eademque sola fere ad curationem quandoque sufficiunt. Sic enim admirabilis hic mixturae illius usus est, quae ex melle & vitrioli spiritu, ad summum acorem sibi invicem commixtis paratur; furunculisque identidem illinitur. Haud minoris fere virtutis ea fomenta sunt, quae ex mero vitrioli aut sulphuris spiritu conficiuntur, quando scilicet his ipsis saepius tanguntur. Denique emplastra digerentia, diachylum puta simplex, de meliloto, de spermate ceti vel diasaponis, itidem quam valentissima hic reperiuntur.

V.

V.

Quodsi autem, vel propter tardiorē curationem, vel quamlibet *Furunculo-* causam aliam, hactenus proposita medicamenta ad tumorem resol-*rum suppu-* vendum non satis proficiunt, nihil jam reliquum est, nisi ut in sup-*ratio quo-* purationem furunculus convertatur. Et vero difficilis admodum in*modo matu-* nonnullis casibus materiae malae atque coactae maturatio deprehen-*randa.* ditur: usque adeo, ut vel post aliquot etiam septimanas durus adhuc mireque molestus tumor superstes sit. Interdum materia ista stagnans usque adeo acris, propter diuturnam inspissationem, efficitur, ut in ulcera pessima sensimque procedentia, vel & in fistulas difficulter sanabiles inflammatio degeneret. Interim *ad suppurationem promovendam atque accelerandam* insigniter ut plurimum proficiunt emplastrum ex melle & farina confectum, nec non empl. diachylum cum gummis; vel etiam, ubi ista parum videntur, cataplasmata istiusmodi maturantia, qualia ad phlegmonem (*Lib. IV. Cap. II. No. 16.*) nec non ad mammarum inflammationes (*Lib. IV. Cap. IV. No. 8.*) commendavimus. Tametsi, quod obiter hic monendum, in infantibus emplastrorum quam cataplasmatum longe plerumque commodior usus sit. Denique, ubi jam furunculus maturuit, ceu ex ejusdem mollitiei, supraque prominente tuberculo flavo colligitur, veniendum protinus ad scalpellum est, apertoque ulcere quicquid materiae corruptae intus haeret, exprimendum. Dehinc emplastrum diachylum superimponendum; ulcus quotidie a pure purgandum, donec malum omne excesserit, & ulcus rursus glutinatum sit.

VI.

Quoties denique *infantes lactantes* a furunculis affliguntur, longe *Infantes a* optimum est, matri vel nutrici medicamenta purgantia exactissimam-*furunculis* que victus rationem imperare; insimul autem ipsis infantibus medi-*vexati quo-* camenta leniter laxantia, nec non ea, quae ex lapid. cancrorum, *modo tractari* conchis, matre perlarum, pulvere anisi atque antimonio parantur, *debeant.* atque adversus sanguinem acriorem inprimis valentia sunt, identidem ingerere. Ceterum neque illud hic omittendum videtur, pustulas istas in facie nasci solitas, quos *varos* vulgo, Germani *finnen*, (Belgi *puiſten*, sive *steenpuiſten*) appellant, quum nonnisi furunculi minutiores sint, eadem prorsus ratione, ut furunculi majores, curari posse vel oportere. Usus feri lactis atque aquarum medicatarum, iis hominibus, qui sic affecti sunt, egregie conducit.

C A P U T VIII.

De bubonibus ac parotidibus.

I.

Bubones ac
parotides
quid sint.

Sunt quaedam tuberculorum genera, quae non nisi in certis & quasi sibi propriis partibus, sub axillis puta, in inguinibus, vel & juxta aures in glandulis parotidibus, cum inflammatione nascuntur. Atque haec quidem a partibus, quas infestant, *parotides*; ista vero *bubones* appellari consueverunt.

II.

Quotuplices
isti tumores
sint.

Fere autem duplex horum tumorum, parotidum nempe atque bubonum, genus est: siquidem alii *benigniores* sunt, *maligniores* alii. Quod ipsum equidem discrimen quia diversam curationis rationem desiderat, paullo explanatius nunc diducendum est. Scilicet bubones sive *tumores benigniores* appellantur, tum 1) qui quasi sponte sua, hoc est, in secunda valetudine, absque omni morbo contagioso ac pestifero, perinde ut furunculus & phlegmone, praesertim in infantibus, sed plerumque tamen sine periculo oriuntur, indeque Germanis *wachs-beulen* (Belgis *kliergezwellen*) dicuntur, quia infantes, qui crescunt, eis afficiuntur: tum etiam 2) illi, qui post febres mitiores ac benigniores prodeunt, impetu morbi naturae bonitate illuc converso. *Maligniores* autem *bubones* vocantur, qui vel ex lue pestilentiali, vel venerea suboriuntur; indeque vel *pestilenciales* vel *venerei bubones* cognominari adsolent.

III.

Causae bu-
bonum be-
nigniorum.

Atque ad bubonum equidem benigniorum *causas* quod attinet, sciendum hic est, ipsos, perinde ut inflammationes reliquas omnes ab internis causis provenientes, e sanguinis glutinosioris atque inspissati haesitatione pronasci, adeoque ab inflammationibus reliquis non nisi quoad locum suum sub axillis, inguinibus atque auribus proprium differre, ubi multa pinguedo & glandulae sitae sunt.

IV.

Diagnosis.

Neque vero difficilis horundem *exploratio* est, si modo circumspexerimus, num in dictis jam partibus tumores cum inflammatione sine praevia lue venerea aut pestilentiali reperiantur.

V.

Pregnosis.

Fere semper autem mitiores minusque periculosi bubonum istiusmodi benigniorum exitus sunt: siquidem resolvi ut plurimum vel in suppurationem converti solent. Sed difficilior tamen, praesertim in male affe-

affectis hominibus resolutionis atque suppurationis acceleratio deprehenditur: usque adeo, ut nonnunquam ex suppuratis hisce tumoribus difficulter sanabiles fistulae prodeant. Ceterum difficillime parotides; promptius bubones sub inguinibus; promptissime qui sub axillis sunt, in suppurationem plerumque vergere solent.

VI.

Enimvero in bubonibus, qui sine alio morbo sunt, praesertim in infantibus, quam maxime conducit medicamentum aliquod purgans cum admixto mercurio dulci saepius assumere: quo nimirum sanguis glutinosus & coactus ab affecta corporis parte revellatur ac simul resolvatur. Tum suggerenda sunt & alia medicamenta sanguinem attenuantia, qualia nempe adversus furunculos proposuimus. Quodsi autem febricula simul adest, in consilium advocari prudens aliquis Medicus debet, qui de medicamentis ad febrem valentibus diligenter prospiciat.

VII.

Ubi lenior inflammatio adeoque haud exigua resolutionis spes est; emplastra digerentia, diachylum nempe simplex, de spermate ceti, de galbano, diasaponis, vel de ranis cum mercurio, extrinsecus superimponere convenit. Siquidem ista ratione digeri parotides & bubones haud raro solent.

VIII.

Ubi vero paullo gravior inflammatio cum intensioribus doloribus adfuerit, vel emplastra digerentia nihil quicquam profecerint, veniendum protinus ad suppurationem est; superimposito videlicet emplastro diachyl. cum gummis, quod hic valde egregium. Vel si vehementioribus doloribus homines urgentur, non ad dolores tantum minuendos, sed tumores quoque resolvendos quam maxime proficua esse consueverunt cataplasmata digerentia super partem afflictam quam saepissime calida superimposita. Confici autem istiusmodi cataplasmata possunt ex mica panis triticei, cumque lacte in puliculam decocta, cui deinde croci portio quaedam adjicitur. Vel etiam farina cum melle butyroque recenti ad ignem in forma cataplasmatismatis subigitur & calide saepius applicatur: cui cum fructu theriacae portiuncula admisceri potest.

IX.

Haec atque id genus alia superius jam tum ad mammarum inflammationem itemque phlegmonem commendata malagmata sive cataplasmata quam saepissime super tumorem imponenda sunt, donec scilicet maturuisse materia stagnans reperiatur. Quo quidem facto protinus vel ad medicamentum rodens, (vid. supra Lib. IV. cap. III. No. 10.) vel ad ferramentum veniendum est. Sed cavere tamen in istiusmodi ulceris incisione quam diligentissime oportet, ne scilicet aut grandiores

in collo venae vel arteriae, quae juxta sunt, carotides, aut vasa sub axillis axillaria, aut vasa sub inguinibus cruralia laedantur, periculossimaeque proin sanguinis profusiones moveantur. Simulatque vero *adapertus abscessus* est, cetera eadem facienda sunt, quae in abscessibus supra hucusque quam saepissime commendavimus. Quanquam inprimis salutare hic deprehenditur *emplastrum diachylon*: utpote quo quicquid in ulceris oris durum atque adstrictum adhuc superest, quam aptissime vel emollitur vel resolvitur.

C A P U T IX.

De bubonibus pestilentibus, itemque de carbunculis sive anthracibus.

I.

Tumores pestilentes quotuplices sint.

Tumores pestilentes dispecisci ab artis salutaris professoribus solent in *bubones & carbunculos* sive *anthraces*. Ac bubonum quidem nomine hic omne id comprehenditur, quicquid non sub auribus solum, axillis item atque inguinibus, sed in collo etiam atque pectore, brachiis, pedibus, ceterisque corporis partibus carneis propter pestilentiam cum inflammatione intumescit: dum scilicet corrupta illa & pestifera, quae intus in corpore delitescit, materia naturae beneficio versus partes exteriores propellitur.

II.

Diagnos.

Cognosci autem atque a tumoribus reliquis dignosci bubones pestilentes inde praesertim possunt, quod sub ipsum pestilentiae tempus & junctum quidem cum aliis pestilentiae indiciis pronasci in corpore consueverunt. Namque observandum hic est, testibus optimis auctoribus recentioribus, qui in ultimis pestilentis vixerunt, & de iis scripserunt, (a) homines a pestilentia correptos atque infestatos, nisi protinus emoriuntur, ejusmodi in corpore suo tumores passim animadvertere. Atque id quidem nunc celerius, nunc tardius incidit: siquidem alii tumoribus

(a) Quia ipse, Dei gratia, pestilentiam non vidi, adeoque mea experientia nihil de ea scribere possum, attamen etiam nihil in re tam ardua proponere nolui, nisi quod observationibus praestantissimorum Medicorum confirmatum sit, omnes fere scriptores recentiores, qui de ultima, quae per Austriam, Bavariam, Silesiam, Prussiam, Poloniam, Holsatiam & Daniam, imo & Marsiliae grassata est, ut & praecipuos ex praecedentibus hanc ob causam legi, atque optima, quae de ea ejusque symptomatibus observarunt, notarunt & commendarunt, hic in compendio proferre studui, ut sic posteris his tuto fidere possint.

bub vexantur, antequam aegrotant, vel ipsum pestilentiae venenum sentiunt; in aliis autem altero demum, tertio, vel quarto post ipsius pestilentiae initium die tumores prodeunt. Tardius illos provenire, rarius observatumprehendimus. Ceterum bubonibus illis sive tumoribus carbunculi sive anthraces nonnunquam adjuncti sunt: saepius sine carbunculis occurrunt bubones sive tumores; sed rarissime sine tumoribus nascuntur carbunculi.

III.

Observatum jam pridem, & cumprimis etiam in ultimis pestilentibus *Prognosis.* fuit, plerosque illorum, in quibus tumores sine gravioribus symptomatibus malisve accedentibus prodierunt, celeriusque maturuerunt, liberatos a pestilentia fuisse. Itaque non sine ratione constitutum a recentioribus Medicinae doctoribus videtur: *universum prope curationis in pestilentia negotium eo potissimum spectare*, ut bubones sive tumores passim subnascentes quam diligentissime promoveantur; neque quenquam, nisi tumorum beneficio, in pestilentia conservari posse: dum is, qui bubones rite sanat, idem quoque pestilentiam simul sanat. Quae quum ita sint, tantum abest, ut medicamenta digerentia sive resolventia vel reprimentia, sanguinis item missio atque alvi laxatio ad propellendam pestilentiam faciant, ut potius, propulso rursus in sanguinem veneno, miserum hominem interimant. Igitur illud ante omnia prospicere hic Medicum vel Chirurgum oportet, ut providae naturae succurrat, nascentesque in corpore tumores quamprimum expellat, eosque quam citissime ad suppurationem vel maturitatem perducatur.

IV.

Quod ipsum autem ut promptius fiat, longe tutissimum est, aegrotis, *Curatio generalis.* simulatque tumores prorumpentes sentiant, ut domi statim sese contineant & aërem evitent, quin etiam lectulis sese involvant, imperare. Sic enim felicius & ab externo aëre pestifero defendi, adhibitisque medicamentis cum externis tum internis rite expelli atque in suppurationem converti bubones possunt.

V.

Externe egregium hic est, partem intumescens manibus vel lin- *Curatio externa.* teolis gnaviter perficere, & quod palmarium est, medicamenta emollientia, atque maturantia diligenter superaddere, ut quam citissime prodeant. Atque inprimis quidem valens hic illud malagma est, quod ex *fermento panis* calido, eodemque vel solo, vel & cum sale atque sinapi contrito permixto, conficitur. Hujus enim adminiculo partes adstrictae mirum quantum & emolliuntur & stimulantur; donec scilicet materia pestifera ex sanguine versus partes has tumentes propulsa in suppurationem transierit. Sed ejusdem tamen virtutis hic sunt non ea solum cataplasmata, quae ad aliorum tumorum suppurationem su-

pra (Lib. IV. Cap. II. No. 16. it. Cap. IV. No. 8.) commendavimus; sed & cumprimis ea, quae vel *ex cepis sub cineribus tostis*, atque cum theriaca & butyro subactis, vel etiam *ex pane triticeo sive similagineo interiori, cum lacte atque croco* probe concocto praeparantur. Quanquam in Chirurgis haud desunt, qui, ne propter crebriorem cataplasmatum innovationem, corpus denudent, atque hoc ipso transpirationem impediant vel turbent, *emplastra* potius *emollientia*, praesertim empl. diachylum simplex vel compositum, pro cataplasmatibus superimponunt. BARBETTUS, nobilis Medicus, in libro *de peste* hoc inprimis emplastrum commendavit, quod valde egregium videtur.

℞. Empl. diachyl. c. gummis de mucilaginibus à ℥β.
 Semin. sinapi pulverisati ℥iij.
 Unguenti basilici ℥iv.
 M. F. Empl.

Quod super partem tumentem, probe prius perfricatam, imponitur, atque vel in dies singulos, vel & tertio quoque die renovatur. HODGESIUS autem, celebris Anglus, in *descriptione pestis gravioris Londin.* quae an. 1665. Londinum quam vehementissime afflixit, sequens inprimis laudavit:

℞. Empl. Oxycroc. ℥iij.
 Gumm. galban. colat.
 Carannae à ℥j.
 Picis naval. ℥ij. cum ol. chamomill. liquato,

F. l. a. Emplastrum: quod eodem, ut prius illud, modo applicatur. Neque contemnendus quoque hic usus esse solet istius emplastri, quod ex melle, farina & vitellis ovorum conficitur. Quibus autem veterum Medicorum plerique ad suppurationem accelerandam usi fuerunt, *vesicatoria* ex cantharidibus, itemque siccae cucurbitulae, a recentioribus iisdemque in curanda pestilentia expertissimis Medicis prorsus ferme rejiciuntur.

VI.

Singularis
 Beintemae
 observatio.

Sed vero haud exiguum admirationem penitiorumque considerationem meretur, quod celeberrimus ille Medicus caesareus BEINTEMA in latino suo *de peste ultima libello* testatur, bubones pestilentes haud raro per solum *cinerem calidum superimpositum* feliciter atque sine omni periculo fuisse resolutos atque sanatos. Tametsi autem praeter hunc nemo fere sit, qui bubonum in pestilentia discussionem sive curationem sine suppuratione suadeat, eamve vel tutam fatis vel salutarem invenerit; observasse tamen hic expedit, venenum illud pestiferum, laudato BEINTEMA iudice, non tam per resolutionem repressum atque in sangu-

guinem repulsum, quam potius cineris supra dati adjumento e corpore extractum esse ac profligatum.

VII.

His ipsis medicamentis externis *interna* quoque adungere convenit, *Curatio interna.* quorum nempe subsidio haerens in corpore venenum per blandum sudorem leniter expellatur. Sed noxia tamen hic atque periculosa a recentioribus Medicis deprehensa semper sunt ista medicamentorum sudoriferorum genera, quae justo magis vehementia sunt & calefacientia. Namque tutae inprimis atque salutares hic reperiuntur *sorbitiones aqueae calidae*, utpote ad sudorem leniter movendum sanguinemque temperandum insigniter accommodatae. Spectant huc praeter reliqua portiones vel ex herba thée, cum admixta croci, portiuncula; vel ex herbis aliis alexipharmacis, salvia nimirum, scordio, ruta, millefolio aut betonica; vel denique ex ptisana aut cum aut sine radice scorzonerae praeparatae, calideque identidem ad continuum, sed tamen quam maxime lenem sudorem conservandum, assumtae. Quemadmodum autem sudorifera quaeque vehementia, sic frigidiores quoque portiones haud parum periculosae esse consueverunt. Neque enim sudorem modo, sed & vel maxime bubones quoque (in quorum tamen felici proventu cardo felicitis curationis versatur) mirifice reprimunt. Cubiculum, in quo aegrotus decumbit, temperatum aërem contineat, neque nimis calidum neque nimis frigidum: lectulus autem similis sit, & quantum quidem fieri potest, commodissimus. *Ubi forte nimis debilis, sed sine vehementiori tamen calore homo aeger* deprehenditur; haud sane alienum erit, elixir. proprietatis, vel mixturae simplicis, vel tincturae bezoardicae, vel essentiae myrrhae, vel ess. scordii triginta quadragintave quotidie guttas, idque bis terve cum liquore quolibet calido; vel & bonum aliquem pulverem bezoardicum eidem porrigere. Contra vero in iis, qui *calidioris habitus sunt*, & calor justo vehementior, insigniter ad calorem imminuendum proficiunt nitrum depuratum cum lapidibus cancerorum conchisque praeparatis; item acida temperata; cujusmodi sunt malorum citreorum, ribesiorum & granatorum succus, vel sirupus cum aqua borraginis, buglossae, aut si quid forte aliud temperans atque refrigerans est, aegro saepius data: instillatis simul, si scilicet vehementior aestus subest, spiritus vitrioli dulcis aliquot guttulis.

VIII.

Haecenus proposita medicamenta saepius assumpta ad ejiciendum, *Abscessus quomodo aperiendus.* quicquid delitescit, pestilentiae venenum omne satis vehementia esse, optimi quique & experientissimi doctores; qui de nupera Polonica, Prussica, Danica, Austriaca, Hungarica & Ratisponensi lue scripserunt. Igitur eadem quam saepissime tantisper adhibenda sunt, donec vel tumores digerantur ac discutiantur; (id quod interdum sine suppu-

ratione contingere referunt) vel, quod semper fere usu venit, ad maturitatem perducantur. In quibusdam casibus protinus in suppurationem tumor vergit; nonnunquam autem per aliquot prope septimanas nihil emollitus remanet. Quod ubi fit, medicamentorum modo praescriptorum usus continuus fit necesse est, donec vel per se tumor aperiat, vel, prout in reliquis abscessibus praecepimus, scalpello incidi, emissaque, ne in sanguinem revertatur, materia pestifera, perpur-gari queat.

IX.

*Abscessus
adapertus
quomodo
tractandus.*

Adaperto jam, ut diximus, *abscessu*, protinus ad ejusdem purgationem veniendum, absolutaque purgatione vulnus, ut supra posuimus; balsami vulnerarii ope glutinandum. Atque ad purgationem quidem nobile hic imprimis est unguentum digestivum cum theriacae balsami-que sulphuris terebinthinati portiuncula permixtum. *In deligationis cu-* *jusvis resolutione* leniter pus semper expurgari ex ulcere debet, purgatumque ulcus praedicto unguento, sed sine turundis tamen, nisi forte nimis angustum fuerit, ac superimposito emplastro gnaviter iterum deligari. Optima vero hic sunt vel emplastrum diachylum, vel illud, quod ex melle & farina fit: quae ad ipsam usque vulneris glutinationem applicari quam aptissime poterunt.

X.

*Incisio non
sit praema-
tura.*

At vero de incisionis tempore neutiquam inter Medicos convenit. Sunt enim, in recentioribus praesertim auctoribus, qui de peste praecipiant, quamplurimi, qui *bubones pestilentes*, nisi perfecte maturi jam tum atque molliissimi sint, incidere prohibent. Praeterquam enim, quod bubones illi, secundum nonnullorum observationem, fere semper sponte sua deoperiri solent; sane, si laudatis illis viris credimus, maximum plerumque periculum est, ne nimis festinatum bubonum incisionem fistulae mali moris, membrorum rigor, imo vero gangraena insequantur. Contra vero alii bubonum pestilentium mox in principio institutam incisionem non solum non periculofam, sed ad conservandos etiam homines, eosque a pestilentia citius & certius liberandos quam maxime accommodatam esse contendunt. (a)

XI.

*Pestilentiae
apud priscos
curatio in-
commoda.*

Tametsi autem priscorum Medicorum nonnulli mox excidendos penitus, ad extirpandum venenum, *bubones pestilentes* esse contendunt; aliter tamen, idque non sine ratione, visum recentioribus est. Neque enim nimis solum violenta, sed & vel maxime in aliquibus corporis partibus periculosa istaec curandi ratio deprehenditur. Similiter emetica quaevis & purgantia, sanguinis item missio & medicamenta interna calefacien-

(a) Vid. *Ephemerid. natur. curiosor.* Centur. VII. obs. 69. pag. 170.

facientia, tincturae videlicet bezoardicae, olea destillata & spiritus antiloimici calidiores ac volatiles, theriaca item ac mithridatium a recentioribus Medicis unanimi velut consensu, quasi res in pestilentia valde noxiae, damnantur: utut antiquiores mirum quantum hic ipsis tribuerint.

C A P U T X.

De praesidiis ad avertendam & se adversus pestilentiam muniendum, Medico praesertim & Chirurgo necessariis.

I.

HActenus de bubonibus pestilentibus dictum est. Ante vero, quam ad carbunculos atque anthraces progredimur, laud abs re fuerit, paucis edocere, quid factu opus Chirurgis sit, qui adversus pestilentiam sese praemunire impuneque cum hominibus veneno pestifero jam tum infectis versari voluerint. Quod equidem dum exponere suscipimus, quasi in antecessum illud praemonendum ducimus, *nullam adhuc praemunitio- nis hujus rationem satis certam ac tutam innotuisse*; contra vero quamplurima medicamenta, ad hunc scopum alias commendata, prorsus inutilia atque inepta, imo vero nonnulla maxime periculosa hanc in rem ab imprudentioribus excogitata circumferri, a quibus serio sibi est cavendum.

II.

Nam quamplurimi sunt, qui *alvi frequentem purgationem* ad expellendum e corpore venenum pestiferum, ne scilicet sanguini sese immisceat, mirifice accommodatam esse proponunt. Alii *medicamenta sudorifera, scarificationes, sanguinisque per venas detractiones frequentissimas* inprimis hic ad corpus contra hoc venenum praemuniendum proficere statuunt. Quum tamen isthaec omnia, nisi quis illis adsuetus fuerit, corpus insigniter debilitent, ipsi veneno pestifero magis etiam obnoxium reddant, nedum ut a pestilentia illud defendant. Rursus alii ad praecavendam luem nihil propemodum valentius atque nobilius esse credunt *spiritibus quibusdam calidioribus, antiloimicis sive antipestilentialibus* vulgo dictis, quam saepissime copiosissimeque assumtis. At vero alienum prorsus ac minus opportunum istiusmodi rerum usum dixeris, simulatque perpenderis, medicamenta calefacientia, praesertim ubi largius adhibentur, vehementius, quam naturaliter decet, sanguinem concitare, indeque febribus pestilentibus opportunum reddere; nisi forte quis

quis eis jam antea adfuetus sit, vel moderatissime eis utatur. De spiritu vini vulgari, aqua vitae, electuariis atque oleis antiloinicis, similibusque aliis medicamentis calefacientibus, quia ejusdem prorsus indolis sunt, idem quoque esto iudicium. Sunt denique alii, qui vel in arsenico, mercurio, aranea, camphora, nec non radice colchici ex collo suspensis; vel & in fonticulis haud exiguum adversus pestilentiam praesidium quaerunt; quum tamen vel nulla prorsus, vel obscura saltem atque incerta in his omnibus ad ejiciendum venenum virtus deprehendatur.

III.

Optima adversus pestem praemunitio.

Promptissimum atque optimum adversus pestilentiam praesidium generatim in eo situm esse videtur, ut ii, quibus hoc licet, ex pestilentiali & insalubri aëre in salubrem regionem se recipiant, vel saltem, ubi forte manendum est, ab hominibus pestilentia jam tum infectis, horundemque vestimentis, lectulis, cibi potusque vasculis, & quod palmarium videtur, a nimio morbi metu, quantum fieri potest, abstineant: sollicita victus ratione animoque confidenti strenue semper conservatis. Medici autem atque Chirurgi, quum propter ipsam muneris sui rationem miseris succurrere, proindeque locis periculosioribus etiam sese committere debent, illud inprimis sibi datum existiment, ut obfirmatum contra cujusvis morbi periculum animum habeant, proindeque nec ipsam etiam pestilentiam nimis anxii pertimescant. Spes enim est, ut ii, qui sic praemuniti ad homines pestilentia pressos ad eos sublevandos in hac miseria accedunt, peculiaris providentiae divinae beneficio integri conserventur.

IV.

1) Antequam ad aegrotos accedimus.

Sed sunt tamen peculiares observationes quaedam & cautela humanae, in hoc ipso negotio Medicis atque Chirurgis necessariae. Quarum quidem praecipua eo potissimum spectat, ut nunquam jejuni ad aegros morbo contagioso, multo minus pestilentia pressos, accedant, sed cibi semper potionisque valentioris aliquid ante assumant, quo adversus venenum pestiferum graviolemque aërem corpus praemuniant. Igitur medicorum alii panem butyro illitum una cum vini hispanici, absinthiati, vel & cujuscunque vini generosioris alius haustulo ingerunt, priusquam domo sua pedem efferunt. Sic enim supra laudatus iste Medicus Anglus, HODGESIUS, vini praesertim hispanici ope in vehementissima illa peste Londinensi integrum sese conservatum fuisse scribit. Alii frustum panis in aceto bono, eodemque vel simplici, vel rutaceo ebrium, mane assumendum praecipiunt. SYLVIVS proprium aliquod medicamentum hunc in finem praeparavit acidulum, quod aqua prophylactica Sylvi pharmacopoeis dicitur, atque a Chirurgis, aegros pestilentia infectos visitaturis, ad unum alterumve cochleare, tempore matutino vel merum, vel & cum pane bibitur. Rursus alii bonum aliquod jusculum, vel &, pro
re

re nata, sorbitionem aliquam ex *succolata* sive *chocolata* insigniter hic ad prohibendum venenum proficere, experientia nixi statuunt.

V.

Ad ipsum locum gravem sive homines aegros ubi ventum est, caveri²⁾ *fuxta* solertissime semper debet, *ne aut haerentem in ore salivam deglutiamus, homines lue aut cibum etiam atque potum inibi capiamus. infectos.* Siquidem haud exiguum hic periculum est, ne manantia forte corpuscula seu effluvia pestifera simul deglutiamus, atque sic & viscera interiora & sanguinem inficiamus. Quam propter rationem minime laudandus istorum mos videtur, qui, dum in locis illis infectis versantur, myrrham semper, cinamomum, angelicam, zedoariam, & si qua hujus generis alia sunt, dentibus comminuunt atque deglutiunt. Quum enim largior per istiusmodi res saliva in ore producit, abesse vix potest, quin venenum ipsi admisceatur, atque ita simul in sanguinem deferatur. Proinde licet dicta jam jam aromata satis per se salubria sint, si domi aliquid eorum comedatur; noxia tamen fiant necesse est, sicubi minus opportuno tempore locoque comeduntur. Tum caveri quoque illud inprimis hic debet, *ne scilicet diutius, quam officii nostri ratio postulat, in locis ejusmodi gravioribus circa homines lue hac infectos commoremur.* Verendum etenim magnopere est, ne propter nimiam veneni copiam ac violentiam quantumvis etiam insignes corporis vires tandem frangantur atque vincantur; quae ad mediocrem veneni pestilentis impetum sustinendum haud dubie suffecissent.

VI.

Simulatque jam ab aegrotis domum redimus, longe tutissimum est, manus atque os per aquam cum aceto mixtam diligenter expurgare atque eluere; si quid enim adversus venenum pestiferum valens est, valentius sane aceto nihil fere quicquam videtur. Tum *vestimenta* cum aliis commutanda liberoque illa aëri exponenda sunt, vel & suffienda. Dehinc sorbitiones ex thea, coffée, nec non ex scordio, salvia, herbisque id genus alexipharmacis aliis confectas adhibuisse expediet. His enim quam lenissime sudor expellitur, adeoque sanguis etiam a veneno, quod forte immixtum fuerat, quam aptissime rursus liberatur atque attemperatur.

VII.

Accurata victus ratio quemadmodum alias semper salutaris valde est, *Sollicita* sic in pestilentia locisque gravioribus prorsus necessaria deprehenditur. *victus ratio insti-* Itaque tantum semper cibi potusque assumendum est, quantum modo *tuenda.* ad conservandas corporis vires requiritur, quantum item absque incommodo digeritur. Contra vero cavendum, ut ne quid nimis. Intemperantia enim dici vix potest, quam insigniter ventriculum & corpus infirmet, pestilentiaeque, propter haerentem in sanguine crudam,

haud bene digestam, corruptamque materiam, opportunum reddat. *Delectum ciborum non usque adeo necessarium hic esse*, Medici recentiores observarunt: nihil enim obstat, quo minus duriores, & quibus vulgus alias utitur, cibi assumantur, dummodo nihil contra consuetudinem ac temperantiam admittatur. Jusculis & sorbitionibus, quotiescunque fieri illud ipsum apte potest, instillari semper aceti quidpiam, succive ex malo citrio aut limonio expressi debet, quin cappares etiam hujusdemque generis res subacidae aliae admisceri. Siquidem longe tutissimus rerum quarumcunque subacidarum in pestilentia usus esse adsolet. Quamobrem varia acetariorum genera modica copia mirum quantum salutaria hic reperiuntur. *In potionibus autem quotidianis* utut nihil magno-pere immutandum sit; egregie tamen & ventriculo & universi corporis viribus prospiciunt, qui vel hispanici vel & cujuscunque alius vini generosioris, quod obtineri potest, potione cibum semper includunt. Similiter si quis *tabaco* adsuetus est, huic ego auctor sum, ut ipsam illam consuetudinem suam tunc servet. Sed nolim tamen, ut, qui vel prorsus ab eodem abhorruerunt, vel calidioris etiam habitus sunt, pestilentiae propulsandae gratia, tabacum, invita quasi natura, capiant. Observatum enim, nisi fallor, dudum est, tabacophilos aequae facile & frequenter ac reliquos a pestilentia consumi. Tandem ubi quis antea *medicamentis purgantibus, stomachicis, sudoriferis, scarificationibus, venaesectionibus*, rebusque id genus aliis subinde aut certis temporibus uti assuetus est; cavendum utique est, ne prisca haec vitae ratio tunc immutetur, sed potius statutis & consuetis temporibus ea continuentur. *Concubitus* autem quia corpus insigniter debilitat, imo vero solvit, graviore tempore, praesertim si paullo infirmior corporis habitus est, pestilentissimus utiqueprehenditur.

VIII.

Externa ad-
versus pestem
praesidia.

Ceterum neutiquam hic ad dispellendum foetorem atque effluvia pestilentialia alienum videtur *spongiam aceto vel simplici, vel rutae lavendulaeque infuso madentem subinde naribus admove*re: dehinc domicilia juniperi baccis lignoque, pulvere item pyrio, vel sulphure, vel aceto etiam, in faxum aliquod aut ferrum candens infuso, diligenter suffire, atque isto modo pestilentem aërem dispellere.

C A P U T XI.

De Carbunculo vel anthrace.

I.

Carbunculus dicitur inflammatio, quae pestilentiae tempore cum *Carbunculus quid sit.* vesiculis oritur, quales fere per adustionem excitari in corpore solent. Haec ipsa inflammatio autem subito plerumque in sphacelum degenerat: subjectasque partes ad ossa usque corrumpit, quae protinus nigrae fiunt instar carbonis. Atque haec ratio videtur, quare Latini *carbunculos*, Graeci *anthraces*, pustulas sive vesicas istiusmodi pestilentes vocitaverint.

II.

Fere semper autem quam celerrime atque opinione citius, id est, *Carbunculi indoles quae sit.* intra unius alteriusve horulae spatium, carbunculus cum calore ac dolore prorumpit. Qui, simulatque aperitur, saniem sublividam vel & quandoque aquam limpidam emittit. Infra color niger est: siquidem sphacelus jam tum carnem subjectam occupavit, qui progreditur sive serpit: sed caro tamen corrupta in iis, qui servantur, a viva ope suppurationis sensim diducitur ac resolvitur. Ceterum nunc major, nunc vero minor vesicularum ejusmodi pestilentium & copia & magnitudo in uno aegro esse consuevit. Nullaque propemodum corporis pars est, quam istae infestare non soleant: & ut plurimum cum bubonibus suboriuntur; rariusque, imo vero nunquam sine bubonibus observantur.

III.

Atque proxima quidem *carbunculi causa* procul dubio inflammatio *Causae.* quaedam vehementior esse solet: utpote quam veneno pestifero infectus sanguis concitat. Inflammationem subita partis illius corruptio insequitur, sive sphacelus: neque enim hic, ut in tumoribus reliquis accidit, pus movetur ac maturatur, sed quicquid corruptum intus est, prorsus diducitur atque elabitur. Scilicet partes, quae juxta sunt, inflammatione sensim corripuntur, &, nisi mors subita incidit, in suppurationem convertuntur. Quo facto carbunculus a parte viva solvitur, penitusque sensim ejicitur.

IV.

Et vero anceps prorsus, experientia teste, vitium carbunculus est, *Prognosis.* multumque pejor ipsis bubonibus: maxime si pustulae prorumpentes nigrae statim sunt aut sublividae. Mitius enim malum est, ubi pustulae initio rubrae sunt, sensimque in colorem citreum transeunt.

Pessimae vero illae observantur, quae vel in facie, vel in collo, vel in pectore, vel sub axillis nascuntur; fere semper enim hominem conficiunt.

V.

Curatio interna.

Ad carbunculi curationem internam, victus nempe rationem & medicamenta quod attinet, eadem prorsus observanda hic sunt, quae in bubonibus pestilentibus commendavimus. (*Cap. IX. No. 7.*) Siquidem praecipua curationis pars in eo fere consistit, ut lenis eademque continua transpiratio sive sudor lenissimus semper in aegrotis conservetur.

VI.

Curatio externa.

Externa autem curatio eo potissimum redit, ut carbunculi sive carnis corruptae a viva separatio, quantum fieri potest, acceleretur. Itaque recentiorum Medicorum nonnulli bono cum successu protinus ad scarificationem hic veniunt, dum partem corruptam quam creberrime incidunt, indeque materiam acrem & pestiferam una cum corrupto sanguine atque sanie emittunt. Alii pustulas tantum forfice adaperiunt, ejectaque sanie carbunculum spiritu vini camphorato calido, vel spiritu vini, in quo theriacae portiuncula digesta est, quam saepissime inungunt; superinjecto dein cataplasmate quodam maturanti, exempli causa :

℞. Mellis cochlearia IV.

Fermenti cochlearia iij.

Vitell. ovor. No. ij.

Sapon. $\bar{z}\beta$.

Quae probe commiscantur calidaque superimponuntur.

Vel ℞. Farinae filigin. vel tritic. $\bar{z}ij$.

Aceti $\bar{z}\beta$.

quae ex aqua vel lacte ebutyrato decocta atque in cataplasma conversa cum mellis $\bar{z}j$. crocique contriti $\bar{z}j$. miscentur, calidaque saepissime supradantur.

VII.

Carbunculus non excidi debeat.

Haecenus commendata malagmata tantisper imponenda sunt, donec a viva parte resolutus carbunculus excidat. Praestat enim carbunculum sensim a parte reliqua resolvere, quam protinus excidere. Neque enim desunt, qui, propter intempestivam carnis hujusmodi excisionem, aegros nonnunquam interfecerunt: siquidem observatio docuit, acerrimos plane dolores, malaque periculosissima nimis efficacem medicinam illam ut plurimum insequi. Interim, ubi maximam partem diductus jam a carne viva resolutusque carbunculus est, rescindi utique sine gravi periculo pars reliqua necdum resoluta, scalpelli adminiculo poterit.

VIII.

VIII.

Ubi vero vel propter deproperatam nimis excisionem, vel etiam per se, *caro mala & luxurians* intus supercreverit, necessarium utique est protinus illam erodere, quam per applicatum vel aegyptiacum, vel fuscum WURTZII unguentum, vel etiam per id, quod jam jam sequitur:

℞. Mellis cochlearia ij.

Vitell. ovor. No. ij.

Alum. usti pulv. gentianae aristolochiae á ʒj.

M. F. unguentum.

IX.

Quodsi autem in ipsam jam tum *gangraenam*, prouti quidem non adeo *Gangraena* insolens est, inflammatio vicina vergit, sequens imponere unguentum *supervenientis* convenit. *quomodo tol-*
lenda.

℞. ☉ absinth. ʒβ.

Herb. scord.

Fl. sambuc. chamomill. á Mj.

Aq. simpl. ℥iijβ.

Haec probe una decoquantur, ac percolantur; dehinc instillatis spiritus vini optimi vel camphorati ʒvj. theriac. ʒij. cum linteolis complicatis sive spleniis calida super carbunculum quam saepissime imponuntur, donec vehementior inflammatio remittat.

X.

Gravia vero istiusmodi symptomata ubi absunt, haud incommodum *Separato* erit, post diductum a viva carne carbunculum, vel unguento WURTZII *carbuncu-* fusco, vel digestivo quodam alio superius descripto (*Cap. IX. No. 5. lo quid fieri* *de bubon. pestilent.*) ulcus perpurigare. Atque id solertissime quidem, ne *debeat.* scilicet veneni quidpiam intus remaneat, malaque pristina denuo moveat. Igitur ulceris expurgatio tantisper continuari semper debet, dum ex pestilentiae symptomatibus pristinis nihil quicquam reliquum supersit. Quo peracto, vulnus, ut supra jam tum in abscessibus reliquis praecepimus, glutinare convenit: idque inprimis per applicatam cum linamentis myrrhae atque aloës essentiam; empl. de lithargyrio similibusque aliis superimpositis, donec ulcus omnino consolidatum sit.

XI.

Sunt equidem in Medicis celebrioribus non pauci, qui ad carbun- *Cauteria* culum & exstirpandum & curandum nihil quicquam valentius *ferro can-* denti esse statuunt. Scilicet protinus aduri carnem istam emortuam *num appli-* jubent, dum ex omni parte sensus doloris est: sic enim carbunculi ni- *canda sint.*

hil quicquam reliquum videtur. Atque HODGESIUS certe promptissimam in peste Londinensi carbunculorum istam curationem observatam sibi fuisse memorat. Verum non aegrotantium modo horror, sed & quamplurimae aliae in promptu causae sunt, partes verbi gratia nobiliores, quae ipsam istam per cauteria curationem multis in casibus prohibent vel saltem dissuadent, in quibus tamen praeaudata ratione curandum est. Igitur & hic id fieri poterit.

XII.

*Butyrum
antimonii
num appli-
candum sit.*

Celeberrimo SYLVIO promptissimum ad extirpandos carbunculos *butyrum antimonii* videtur: siquidem id ipsum partibus circumcirca positis illinatur. Neque enim solum ejus beneficio, ut SYLVIVS quidem statuit, cavetur, ne vitium serpat; sed crusta quoque protinus excitatur, quae partem corruptam a viva diducit, tandemque penitus resolvit. Sed contra visum est Medicis illis recentioribus, qui de peste Viennensi ac Ratisponensi separatim commentati sunt. His enim si credimus, tantum abest, ut adversus carbunculos butyrum antimonii proficiat, ut potius gravissima symptomata, imo vero subitam plerumque mortem concitet. Interim SYLVIO assensus est BÖTTICHERUS: siquidem is in *loimographia sua Hafniensi* butyrum antimonii velut medicamentum optimum hunc in finem passim laudavit atque commendavit. Sed quicquid tandem harum rerum sit, prior sane curandi modus & cauterio & antimonii butyro longe mitior, tutior & praestantior mihi videtur. Ceterum sicubi nihilominus quisquam his medendi rationibus utitur, vel uti velit, postea is illud tamen sibi datum semper existimet esse, ut vulnus debito modo purget atque glutinet.

C A P U T XII.

De bubonibus venereis.

I.

*Bubo vene-
reus quid sit.*

Bubonem venereum appellamus tumorem cum dolore & inflammatione, post concubitum cum impuriori femina celebratum, in inguinibus vel sub axillis. Cujus equidem mali duplex admodum genusprehenditur. Vel enim bubones istiusmodi venerei soli sine aliis venereis malis proveniunt; vel mala quaedam alia lui venereae vicina secum adferunt: *Gonorrhoeam* puta, ulcera venerea, quae vulgo *colis cancerum*, Galli *chancre* vocitare solent.

II.

Symptomata.

Suboriri bubones istiusmodi ut plurimum solent a congressu, ceu jam

jam jam monuimus, cum impuriori lueque venerea laborante femina: idque nunc citius, nunc tardius, id est, aliquot demum diebus post. Tum enim homines tumorem aliquem duriores in inguine, eodemque vel utroque vel alterutro, interdum etiam sub axillis cum rubore atque dolore sentiunt. Igitur si colorem respexeris, bubones venerei a benignioribus (*vid. supra Cap. VIII.*) parum aut nihil differunt. Cavendum proin sollicite semper est, ne forte in illis dignoscendis aberremus. Benigniores enim qui pro venereis habent, injusta ut plurimum suspicione aut contumelia infontem onerant. Contra vero venereos pro benignis qui habent, iis periculum est, ne propter mitiorem benignisque bubonibus propriam curationem, in gravissima luis venereae pericula hominem afflictum conjiciant.

III.

Tutissima vitii hujus indicia sunt, si is, qui eo laborat, cum scorto *Diagnos.* rem habuit, vel Gonorrhoea, vel ulceribus venereis, vel aliis luis venereae malis accidentibus vel laboravit, vel adhuc laborat. Quae singula ubi adsunt, haud fallacem bubonum venereorum notam exhibent. Contra vero si absunt, impurioris mali suspensionem non sine ratione tollunt, saltem insigniter imminuunt. Simulatque jam vel indicia manifesta, vel ipsa hominis confessio, vel suspicio denique bubones venereos significarunt, veniendum protinus ad convenientem curationem est. Quanquam initium hujus mali promptam satis saepe curationem admittat, tamen, ubi vel propter serum nimis atque improvidum Medici auxilium, vel & propter perversam vitae victusque rationem, idem invaluit, difficillimam curationem recipit, atque ad ipsam luem veneream saepe transit.

IV.

Ad curationem quod attinet, multi sunt ex Medicis, qui statuunt, *Curatio per* alienam utique hic, perinde ut in bubonibus pestilentibus, *resolutio-* resolutionem esse: siquidem ista ratione venenum illud venereum, contra ip- *nem an satis* sius naturae intentionem, in venas redeat, infectoque sanguine, luem *tuta sit.* veneream moveat. Igitur & a medicamentis purgantibus & a sanguinis missione prorsus abstinendum, confestimque ad suppurationem properandum esse, iidem proponunt. Ego vero, quod pace illorum auctorum dictum velim, contra hic faciendum censeo. Cum enim tarda nimis & diuturna variisque aliis incommodis subjecta per suppurationem curatio sit, satius profecto ac tutius esse frequenti usu expertus sum, quamprimum medicamenta purgantia aliaque mercurialia, sanguinemque mundantia, qualia decocta ex lignis aliaque sunt, assumere. Namque per haec longe expeditius, quam per suppurationem venenum ex corpore propellitur, tumoresque sine omni luis venereae aliusve mali metu dissipari possunt.

V.

*Resolutio
quomodo
instituenda.*

Sive igitur gonorrhoea simul adfit, sive minus, commodissimum sane videtur, hominem male affectum mercurii dulcis paullo largius frequentiusque ingesti adminiculo, perinde, ut in ipsa gonorrhoea diligenter expurgare. Siquidem interna gonorrhoeae curatio fere ipsorum quoque bubonum curatio esse consuevit. Neque curari feliciter bubones ante possunt, quam plane liberatum a veneno venereo corpus fuerit. Quoties paullo gravior inflammatio subest, praesertim in junioribus sanguinisque plenioribus hominibus, necessaria utique *sanguinis per venas detractio* est, adhibitis postmodum purgantibus mercurialibus, sanguinemque purificantibus essentiis, nec non lignorum decoctis. *Extrinssecus super tumorem imponi debent emplastra digerentia*: emplastrum videlicet de meliloto, de ranis cum mercurio, diachylum, & quae sunt ejusmodi. Insimul autem *sollicita servari ab aegrotis debet vitae victusque ratio*, sorbitionibus nimirum ex aqua, hordeo, avena, similibusque aliis unice ferme assumtis. Potionis quotidianae loco esse possunt ptisana ex hordeo, glycyrrhiza, aniso vel foeniculo, alterum item sive secundarium lignorum decoctum, vel & cerevisia quam maxime tenuis atque diluta. Vinum, vinum item adustum atque hujus generis potiones generosiores quaecunque aliae, quia vehementiorem subinde inflammationem concitant, sollicite admodum removeantur, necesse est. Sic enim habitis semper aegrotantibus, bubones venerei nondum inveterati quam commodissime & sine omni metu aut periculo resolvuntur.

V I.

*Suppuratio
quomodo ac-
celeranda sit.*

Ubi vero vel tardius advocatur Medici auxilium, vel vehementiores quoque bubones inveniuntur, quam ut sanari per resolutionem queant; vel denique ubi propter quascunque alias rationes curationem per viam suppurationis quis eligere mallet, id ante omnia providere convenit, ut, ad expellendum venenum propulsandamque luem veneream, *suppuratio, quantum fieri potest, diligentissime promoveatur atque acceleretur*. Valentissima autem ad maturandam suppurationem ea medicamenta sunt, quae supra jam tum commendavimus. [*cap. III. No. 4. seqq. item cap. IV. No. 8.*] Quanquam haud alienum hic est, vel adhibitis linteolis, vel digitis oleo butyrove inunctis bubones istos saepius & gnaviter, id est, eo usque perfricare, donec cum dolore rubeant: mox autem emplastrum aliquod maturans supradare. Sic enim mirifice accelerari suppuratio consuevit. Atque imponi quidem istiusmodi emplastra, diachylum scilicet cum gummis, itemque de galbano illud, tum vel maxime debent, quando aegrotus absque magno incommodo ingredi adhuc valet. Solvi eadem bis, ter aut quater etiam, pro re nata, quotidie possunt, bubonesque interea strenue semper perfricare.

Com-

Commodissimum quoque hic ad maturandam suppurationem sunt paulo vehementiores saltandi, pugnandi ac digladiandi similesque aliae exercitationes. Quodsi autem, prout fieri haud raro adsolet, prae doloribus ambulare aegrotantes amplius nequeunt, superimponi pro emplastris cataplasmata illa maturantia poterunt, quae jam jam citato loco descripsimus: siquidem ista emplastris longe vehementiora inveniuntur. Aptissima fere hic ea cataplasmata sunt, quae vel ex cepis sub cinere calido tostis, vel farina & melle, vel ex fermento, vel denique ex mica panis filiginei cum lacte atque croco decocta fiunt, subindeque calida cum frictione superinjiuntur.

V I I.

Quae singula dum fiunt, *interna* quoque ingerenda simul *medicamenta* Curatio interna. sunt. Sic enim quotidie bis aut ter porrigenda aegrotis est portio aliqua decocti lignorum calidi, octo scilicet, decem vel duodecim unciarum singula vice, una cum 30. vel 40. guttulis essentiae lignor. pimpinellae albae, fumariae vel scordii, vel his similium, & mercurii dulcis aliquot granis quotidie. Haec etenim quia sanguinem valde attenuant, atque versus cutem propellunt, venenumque venereum corrigunt, insigniter quoque tam ad resolutionem quam suppurationem proficiunt.

V I I I.

Atque ista quidem tantisper continuare oportet, dum *vel resoluta* Quomodo *vel ad maturitatem perducta materia sese prodatur*. Tum enim scalpellum in aperiri bubones debeant. manus sumi bubonesque incidi, sed circumspecte tamen debent, ne scilicet grandiora inguinum aut axillarum, quae juxta sunt, vasa sanguifera laedantur, periculosaque sanguinis profusiones concitentur. Quod ipsum equidem praecaveri aptius haud potest, quam si bubonum apices digitis sursum compellantur. Ad ipsum vero incisionis tempus quod attinet, haec utique necessaria observatio est, ut ne videlicet aut nimis tarda, aut nimis deproperata incisio suscipiatur. Siquidem utrumque periculosum est. Quemadmodum nimia festinatio dolores & facile quoque graviores inflammationes noxasque alias affert, sic nimia cunctatio, HILDANO teste, semper fere efficit, ut corrupta ista bubonum materia sanguini rursus sese admisceat, totumque sanguinem corrumpat, & luem ipsam inducat. Si timidiusculi forte homines sunt, qui a scalpello abhorrent, tum medicamentis erodentibus deoperiri bubones poterunt. Spectant huc ea, quae supra in abscessibus praecepimus. [Cap. III. No. 10. seq.] Pure sic jam emisso, perpurgare ulcus digestivo quodam convenit, post admixtam scilicet theriacae nec non mercurii praecipitati rubri portiunculam. Dehinc emplastrum diachylum cum gummis superimponitur: quo scilicet ipsa bubonum ora probe

emolliantur, purgatoque, quantum satis est, ulcere, balsamo vulnerario linamentisque carptis glutinentur.

I X.

*Ferrum candens quando-
nam applicari debeat.*

Interdum ulcera ista usque adeo gravia sunt, ut neque exsiccari satis, neque glutinari medicamentorum beneficio queant: largissime semper sanie ex iisdem prorumpente. Quod ubi forte incidit, praescriptaque superius medicamenta, vel rubrum praecipitatum, vel ustum quoque alumen nihil efficiunt; nihil, meo quidem iudicio, aliud superest, quam ut ferro candenti pars corrupta sanieque scatens protinus aduratur. Sic enim praeccludi saepe vasa ista lymphatica percussa poterunt. Ceterum ex haecenus propositis haud obscure, ni fallor, liquet, satius semper atque commodius esse, si modo id fieri possit, bubones venereos protinus digerere, sive per resolutionem curare, quam in suppurationem convertere. Sed ubi nimis jam infectus corruptusque sanguis deprehenditur a veneno venereo, ita ut lues venerea se ipsam jam manifestet, propria tunc hujus curatio requiritur.

C A P U T XIII.

De Pernionibus.

I.

*Perniones
quid sint.*

P*erniones istos appellamus tumores, qui ex vehementi frigore, in pedibus praesertim ac manibus, fieri consueverunt: ubi simul rubor cum inflammatione, ardore, puncturis item ac membrorum immobilitate oritur. Interdum color lividus est. Interdum pustulae vel rimae prodeunt: dehinc alte penetrans exulceratio. Nonnunquam mali odoris humor exit, sed non multus; qui referre vel pus vel faniem videtur. Saepius ad sphacelum inflammatio transit. Quaequum ita sint, colligi ex enumeratis indiciis haud difficulter, mea quidem sententia, poterit, recte omnino ad inflammationis species referri perniones posse. Atque id magis etiam ideo, quia perinde, ut inflammationes reliquae, ardoris sensum excitant, (a) & vel in resolutionem, vel in suppurationem, vel denique in gangraenam & sphacelum, perniones degenerant.*

I I.

(a) TACITUS hinc eleganter de his scribit *Annal. 13. cap. 35. Ambusti multorum. et vi frigoris, & quidam inter excubias exanimati sunt.*

I I.

Dignosci autem perniones varia ratione possunt. Vel enim 1) ad com- *Diagnos.*
munia ista, quae jam jam enarravimus, inflammationum signa respi-
ciendum: vel 2) attendendum, num forte ii, qui affecti sunt, vehe-
mentius perpesi frigus fuerint; qualiter quidem in iter facientibus,
militibusque hiberno tempore expeditionem urbiumque oppugnationem
fufcipientibus, hisdemque non absimilibus aliis hominibus quam saepif-
sime incidit. Tandem 3) illud quoque perniones adesse significat; sic
ubi cum calore atque puncturis prurigo persentiscitur; si rigidum fer-
meque sine sensu membrum afflictum deprehenditur.

III.

Quamdiu perniones adhuc tument ac rubent, quamdiu item sensus *Calamitatis*
& mobilitas sine graviore calore atque dolore superstites sunt, mitius *hujus gra-*
fane malum est. Et fere contra. Ubi enim perniones livent, membri *dus quinam*
que afflictum rigorem cum sensus defectu & puncturis concitant; gravius *sunt.*
utique periculum proximusque ad gangraenam, altamve saltem exulce-
rationem transitus est. Sic ubi pustulae super ipsam cutem prodeunt,
quales fere in unctionibus vel ambustionibus conspiciuntur, indicio ip-
sae sunt, gangraenam revera jam tum subesse. Denique ubi sensus
perit, membrumque lividum, molle, flaccidum aut foetidum inveni-
tur, suspicari non sine ratione licet, corruptum jam atque emortuum
sphaceloque correptum illud ipsum existere.

IV.

Praecipua equidem pernionum causa sine dubio frigus est. Hujus etenim *Causa.*
vehementia, perinde, ut in inflammationibus reliquis, non vascula
sanguifera minuta solum constringuntur, sed sanguis etiam nimium
quantum inspissatur. Nullum enim in pernionibus malum invenitur,
quin explicari promptissime ex his ipsis causis queat.

V.

Tametsi autem *de vera frigoris natura* nondum satis inter phisicos *Frigoris*
constat, (a) tamen aut ego fallor, aut frigoris effectus in solo caloris *natura quae*
defectu, ut plurimi quidem volunt, nequaquam quaerendus, sed ita *fit.*
potius existimandum est: particulas quasdam acres, rigidas, duras &
falsas, quae antea, propter calorem molles, subtiles ac volatiles exti-
terant, propter ipsum frigus in aëre condensari atque indurari; mox
autem, dum in minutissimis corporis foraminulis sive porulis haerescunt,
venulas constringere, hisdemque disruptis, sanguinem inspissare vel
sistere. Atque hinc quidem, si quid ego video, accidit, ut facies,
labra, partesque id genus externae aliae propter frigus findantur sive

Rr 2

dis-

(a) Conf. Hambergeri diss. de frigore.

disrumpantur, continuisque puncturis urgeantur. Enimvero quo minori sanguinis motu & calore membrum aliquod gaudet, hoc facilius quoque ut plurimum sanguis in eodem cogitur. Ut proinde mirum haud sit, in manibus, pedibus, horundemque digitis, talis item sive calcaneis, naribus denique & auribus, longe frequentius, quam in reliquis corporis partibus perniones incidere: hosdemque nunc mitiores, nunc graviores. Nonnunquam ita vehemens hominem frigus urget, ut sanguinis in universo corpore cursus plane sistatur. Quod ipsum simulatque fit, protinus homines expirant: ideoque *ex frigore periisse* vulgo dicuntur.

VI.

Prognosis.

Perniones etiam si semper fere periculosae quodammodo sunt; tamen quo gravior atque amplior ex frigore laesio contigit, quo item graviora symptomata sive mala supervenerunt, hoc quoque majus imminere periculum consuevit. Sic enim majus plerumque periculum subest, quoties integra manus vel pes frigoris inclementiam experiuntur, quam si digitus aliquis affligitur. Sed nihil tamen incommodius hic est, quam illud, quod, qui semel perniones forte senserunt, singulis propemodum annis, inflammationes ac dolores, vel etiam, ubi vehementiori frigore urgentur, pessimas exulcerationes & rimas, imo vero gangraenam quandoque sentire cogantur. Denique ubi perversa ratione perniones tractantur, subitoque calori aut igni ex frigore objiciuntur, rebusve calidis involvuntur; maximum certe periculum est, ne pars afflicta nigra, mollis ac putrida fiat, amissoque tandem sensu, sphacelum contrahat.

VII.

Curatio externa.

Quae si ita fuerint, uti quidem revera sunt, facile profecto liquet, curationem pernionum omnem eo potissimum spectare, ut pristinus sanguini fluor atque circuitus quam primum restituantur. Sed diversa tamen atque alia, quam in inflammationibus reliquis, ratione resolvere hic sanguinem inspissatum convenit. Etenim, quae in inflammationibus ceteris valde salutaria, imo vero prorsus necessaria sunt, medicamenta calida in pernionibus longe nocentissima reperiuntur. Nec satis tuto unquam igni aut calori exponuntur, qui graviores frigoris injurias experti sunt. Siquidem propter subitas istas frigoris & caloris vicissitudines corpus statim emoritur. Igitur longe tutius atque commodius videtur, frigore vexatos homines frigidiusculo prius vel temperato saltem aëri exponere, atque, ut continuo, quantum fieri potest, sese moveant, jubere, denique majori sensim calori eosdem adsuascere. Vel, ubi nimis impotentes aegroti sunt, membrum afflictum *nive aut aqua frigida* (haec enim calida ipsis videtur) gnaviter ante omnia perfricare convenit; quo scilicet haerentes in porulis acres salsaeve parti-

particulae evocentur, naturalisque sanguini cursus restituatur. Simul-
atque dein sensus rediit, confortantia sensim adhibenda medicamen-
ta sunt; vini scilicet spiritus, isque vel merus, vel cum theriaca mix-
tus, oleum item petrae, balsamusque sulphuris. Ex his ubi probe per-
fricata sunt membra male affecta, calori sensim admoveri vel & in le-
ctulum conjici homines poterunt; leniori postmodum sudore provo-
cato.

VIII.

Cui quidem scopo inprimis serviunt aliquot vascula vini calidi, cum *Curatio in-*
paucis cinamomo saccharoque decocti. His enim paullatim epotis re-*terna.*
focillari, restitutoque sanguinis cursu, excitari homines consueverunt.
Quanquam haud omnino alienum hic est, potiunculam aliquam sudori-
feram alternis quoque vicibus assumere, e. c.

℞. Aq. galeg.
rutae.
scord. á $\bar{\zeta}$ ij.
theriacal.
vit. Matthiol. á $\bar{\zeta}$ vj.
prophylact. Sylv. $\bar{\zeta}$ β.
Mixtur. simpl. vel
Tinct. bezoard. $\bar{\theta}$ ij.
Sirup. cinamom.
caryophyllor. á $\bar{\zeta}$ β.
Misc.

Hujus potiunculae tria semper cochlearia singulis horae quadrantibus
porrigenda homini afflicto sunt, vino illo calido identidem, donec su-
dor prodeat, suggesto. Si vinum deficit, adhiberi ejus loco haud in-
commodum poterit cerevisia cum cinamomo & caryophyllis decocta, sac-
charoque paullulum condita. Oportet autem istiusmodi potiones tan-
tisper ingerere, ut per horam vel dimidiam, vel, pro re nata, inte-
gram sudor conservetur. Dicitur enim vix potest, quam expedita & no-
bilis adversus perniones gravissimas ipsamque adeo gangraenam ista cu-
randi ratio sit. Si qui autem forte minores ex frigore affectus incide-
runt, tum non adeo necessaria quidem istiusmodi medicamenta sunt,
sed longe tamen saluberrima.

IX.

Sicubi ad suppurationem perniones vergunt ac hiant, tractare ipsos ut *Quomodo*
abscessus recentes reliquos convenit. Scilicet: ulcus digestivo vel ae-*suppuratio*
gyptiaco ante omnia purgandum est; tum oleum ovorum atque cerae, *aut gan-*
balsamum item peruvianum vel essentia aloës ac myrrhae supradanda; *graena trac-*
& denique emplastrum saturninum vel de lithargyrio superimponen-*tari debeat.*
dum.

dum. Non nullius etiam usus hic est oleum myrrhae per deliquium: nec non, si *ephemeridibus naturae curiosorum* credimus, mures adusti. Denique insigniter quoque hic proficit aqua calcis vivae cum instillato spiritu vini camphorato: siquidem splenium in ea tinctum supra ulcus deligatur, vel superius etiam commendatis medicamentis superinjicitur. Quodsi autem *gangraena* sive *sphacelus* supervenit, tum membrum ea ratione tractare convenit, quam capite proximo declarabimus.

X.

*Praesidia
adversus
perniones.*

Si qui vero *perniones* jam tum experti aliquando fuerunt, iique singulis annis versus hiemem redeant, hi, ne malum istud denuo sentiant, medicamentis convenientibus, quasi praesidiis sese munire egregie possunt, atque longe optimum hic est partes olim afflictas petroleo seu terebinthinae oleo, dum brumale tempus ingruit, quam diligentissime inungere; vel etiam, ubi *perniones* recrudescere vel intumescere rursus occipiunt, vesicam oleo jam jam dicto madidam talis sive calca-neis, vel digitis aegris superinjicere, ipsum autem frigus, quantum fieri potest, solertissime semper evitare, vel saltem optime se adversus illud vestibus idoneis munire. Conf. filubet, M. A. Severini diff. de *pernionibus* in lib. de Abscessibus.

C A P U T XIV.

De Gangraena & Sphacelo.

I.

*Gangraena
& Sphace-
lus quid sint.*

AC de resolutione quidem & suppuratione, ad quas inflammationes pleraeque fere omnes transeunt, satis, arbitror, dictum hactenus est: sequitur, ut de tertio quoque inflammationis exitu, *gangraena* nimirum ac *sphacelo*, quos morbos veteres Medici *Cancrum* appellarunt, (a) praecipiamus. Scilicet *gangraenam* appellamus gravissimum maximeque periculosum illum inflammationis gradum, qui ad ipsam inflammatae partis corruptionem aut putredinem transire incipit. Contra vero *sphacelum* ipsam laesae partis jam factam corruptionem seu mortem.

II.

Signa.

Cognoscitur vero his fere notis *gangraena*. Nempe inflammatio hactenus vehemens cum adjunctis malis reliquis subito ut plurimum vehementer.

(a) Vid. Celsus lib. V. cap. 26. n. 31. 34.

menter mutatur, & quasi minuitur. Quicquid enim durum & tumidum fuerat, protinus mollescit, flaccescit, depressusque digitus, fere ut in oedemate, in cute ac pinguedine, sinum efficit; dolores confestim remittunt; rubor in colorem pallidum, luridum liventemque convertitur; denique cuticula a cute recedit, vel pustulae, quasi post ambustionem, prorumpunt, sanie subrubida vel subflava & quandoque etiam nigra impletae, sensusque partis aliquo modo obtunditur. *Sphacelum* autem inde potissimum *dignoscimus*; si scilicet post gangraenam prae-viam sensus partis omnis usque adeo perit, ut sine dolore pungi incidique caro queat: & si profunde penetrat ac nervos musculosque simul laesit, movendi quoque facultas amittitur. Tum color partis afflictæ sensim magis nigrescit, cutis ipsa frigescit, flaccescit; ac denique ita leviter carni adhaerescit, ut facili saepe negotio abstrahi ab eadem possit. Interdum etiam quasi cutis suilla fumo aliquamdiu exposita, indurescit. Dehinc foetor pessimus ac cadaverosus nascitur; ipsumque malum saepe, nisi pars vitata a sano separatur vel exciditur, sensim ad partes proximas procedit: saepius tamen etiam sponte subsistit, & facta in ambitu suppuratione a sano separari incipit.

III.

Quod ad praecipuas *gangraenae sphacelique causas* attinet, ipsae vel *Causae.* externae sunt, vel internae. Atque ad *internas* quidem erysipelas referimus ceterasque inflammationes omnes sponte ortas, quae nec digeri nec in pus converti ulla ratione possunt. Quale quid accidere tunc potissimum solet, quando vel acris nimium, scorbutico bileque nimia corruptus sanguis est; vel quando ob quamcunque causam nimis aut concitatus, aut tardus, propter senectutem vel aliam imbecillitatem, ejusdem circuitus est; vel denique, quando aegroti inflammationibus correpti non perversae tantum victus rationi indulgent, sed vehementioribus quoque animi affectibus afficiuntur, praesertim ira, moerore vel terrore. Contra vero *externarum causarum* nomine comprehendimus tum aëris vel aquae frigidioris injurias, tum medicamentata refrigerantia, adstringentia, pingua, oleosa, hisdemque non absimilia alia, extrinsecus super inflammata partem imposita; tum & vel maxime graviores corporis laesiones externas, percussiones puta, collisiones, quales quidem in vulnerationibus, ossium fracturis, aut luxationibus quam saepissime incidunt.

IV.

Solet equidem gangraena nunquam non gravis admodum esse ac *Prognosis.* periculosa; quia facile in sphacelum transit, qui sine corruptae partis amputatione curari nequit. Tametsi autem gangraenam, si nondum vehementissima, sed adhuc incipit, aut non profunda est, atque cutem solum ac pinguedinem afficit, curare haud difficillimum sit, cum pri-

primis in corpore juvenili & robusto, tempestate serena ac temperata, musculisque denique ac nervis vel penitus non laesis, vel leviter tantum affectis; tamen quo profundior, quo vehementior aut gravior eadem est, quo citius crescit, hoc difficilior quoque curatio esse consuevit: inprimis ubi aut senile atque effoetum, (a) aut propter hydropem, scorbutum atque phthysin, male affectum corpus est; tempestas item propter aestum, vel frigus nimium gravior; & denique ubi pars affecta pectori vel ventri propinqua est. Neque enim praecidi haec sine praesentissimo vitae periculo fere valet, putridaeque partes a venis absorbentur, sanguini miscentur, & ad cor ac cerebrum deferuntur, unde, corrupto sanguine, virium defectus, cibi fastidium, mentis alienatio & mors. Similiter *inveterata* in hominibus aetate grandioribus *ulcera*, praesertim quae circa pedes sunt, simulatque arida fiunt ac livida, semper fere sphacelum mortemque proximam significant. Neque aliud in inflammationibus gravioribus praesagiunt *spasmi*, *singultus* & *ructus continui*, *sudores frigidi*, *mentis defectiones*, *delirium*, *diuturna denique vel continua aut vigilia aut somnolentia*, cum primis si in gangraena sphaceloque vexatis incidunt. Tandem nisi prompta gangraenae medicina adhibetur, sphacelus confestim ut plurimum insequitur: partes autem sphacelo correptae nisi opportune auferuntur vel abscinduntur, malum plerumque ad partes proximas serpit, celerrimamque mortem inducit.

V.

Curatio tria
complectitur.

Quae quum ita sint, summo semper studio, ne sphacelus superveniat, tractare gangraenam convenit. Prae omnibus ergo sanguineis & robustis *sanguis largiter mittendus* ejusque detractio, ubi opus esse judicatur, repetenda; quod vero in debilibus omittendum. Deinde in hujus mali curatione triplex inprimis observatio necessaria videtur.

Primum,
causas ex-
ternas re-
spicit.

I) Initio enim atque ante omnia prospiciendum, ut externae vehementissimarum istiusmodi inflammationum *causae*, quibus adstrictam nimis in vulnerebus & fracturis vincturam, spinas, festucas, aculeos, furculos, similesque his alias res corpori praeter naturam infixas, medicamenta item externa aliena, unguenta scilicet, olea, emplastra, vel & refrigerantia aut adstringentia quaevis alia annumeramus, quamprimum tollantur.

VI.

Alterum
membrum,
victum &
medicamen-
ta interna.

II) Altera observatio eo potissimum spectat; ut aegroti vires praesertim ubi jam debiles aut aetate provectiores sunt, *quam solertissime conserventur*. Quod ipsum quidem commodissime fit, dum pastum atque po-

(a) Moris ex gangraena in senibus nova exempla vid: in *Drawii* obs: 100. & 101. eorumque & mihi varia videre contigit.

potum non boni tantum succi, sed hominis quoque aetati, corporis temperiei sive habitui, rebusque circumstantibus aliis curiose accommodatos porrigimus. Sic enim *ubi aeger vel aetate grandior atque imbecillior, vel habitus frigidioris, vel sanguinem multum amisit, vel ubi acidi humores abundant*, aptissimus sane victus est, qui fit ex sorbitionibus jusculisque roborantibus, hoc est cum gallinis, caponibus, carne bubula, bonaque carne alia, mace, zingibere, aliisque aromatibus decoctis: nec non sorbitiones ex cerevisia cocta, vitellis ovorum, cinamomo & saccharo immixtis; ipsa ova mollia sive sorbilia; gelatinae item valentes ex pedibus vitulinis, cornu cervi atque ebore praeparatae: dehinc vinum vetus ac generosum, rhenanum, hungaricum, hispanicum aut canariense & similia: ac denique ipsa cerevisia generosior, praesertim pro pauperibus. Ex *medicamentis* aptissima hic sunt corroborantia sive *cardiaca* vulgo dicta, ut spiritus nempe essentiae, pulveres, aquae atque electuaria confortantia, praesertim cum confectioe alckermes parata ac mixta, interpositis identidem sorbitionibus calidis ex Thea, vel scordio, salvia, veronica hisdemque similibus herbis aliis, cum adjecto cinamomo vel paucio ligno sassafras vel santalo citrino rite paratis: siquidem istarum ope stagnans sanguis mirifice solvitur, attenuatur & partim in circulum rursus redigitur, partim vero dissipatur & noxium e corpore expellitur. Haud alienum quoque hic est, aquam Reginae Hungariae vel Anhaltinam, spongiae linteolove instillatam, quam saepissime naribus admoveere, nec non super arterias in carpis atque tempora deligare. Idem fere hic praestant micæ panis secalini, cum caryophyllis contritis mixtae: si nimirum linteolo ad globuli formam convoluto involvuntur, acetoque fortiori maceratae identidem naribus admoventur. Si qui *paullo calidioris*, sanguinei aut *biliofioris habitus sunt*; his ad instaurandas vires insigniter proficiunt sorbitiones & ptisanae cum instillato mali citrei aut limonii succo acido; nec non decoctum hordei cum admixto sirupo mali citrei, vel mori, vel rubi idaei, vel ribesiorum aut cerasorum acidorum pro quotidiana potione assumtum. Ubi mitior aestus, aeger debilior, vel alias vino adfuetus est, admisceri quoque decoctis illis vini, praesertim rhenani, aut alterius generosi, paucillum poterit, vel etiam vini meri poculum exiguum quandoque interponi: non neglectis interim medicamentis aliis febri adversis, nimirum temperantibus, blande refrigerantibus & cardiacis. Prae omnibus vero internis remediis celebratur hodie à nonnullis (a) *cortex peruvianus*, tanquam summum hic remedium, eodem modo, ut in febribus intermittentibus exhibitum.

Tom. I.

S s

VII.

(a) Confer. *Werlboffi* obs: de febrib: p. 332. ex *Rushwortli*, *Amijandi* & *Douglasii* observat. itemque peculiaris libellus *Douglasii* de sphacelo, (*Anglice of Mortifications*) ut & in commerc. litt. Nor. variis in locis.

Tertium,
medicamenta
externa.

Denique tertia observatio in eo praefertim posita est: ut sanguis in parte aegra stagnans & corruptus quamprimum emittatur, atque partes sanae, quae juxta sunt, a corruptione vindicentur. Faciunt huc praeter ceteris 1) medicamenta laudata roborantia interna; deinde 2.) Scarificationes, dum scilicet male affectam partem scalpello, pro re nata, quam creberrime & satis profunde, longis plagis, iisque primum directis sive secundum partis longitudinem institutis, incidimus, ad quiescentem & corruptum sanguinem evocandum, ipsamque medicamentorum digerentium extrinsecus applicandorum virtutem promovendam, quae ita melius per vulnuscula haec ad interiora intrare possunt. Tandem 3) fomenta vel & cataplasmata digerentia, stimulantia ac balsamica, sive putredini resistentia, parti laesae diligenter injicienda sunt: cujusmodi quidem sequens est fomentum:

℞. Aquae calc: viv: ℥j.
Ω vin: camphor: ℥iij.
Sal. ammoniac. ℥β M.

Et cum spleniis saepius calide superimponatur, quo saepissime in hujusmodi malis aliisque inflammationibus bono cum successu usum & adhuc utor, vel egregia quoque est aqua calcis vivae ℥j. cum mercur. dulc: ℥j. mixta, & eodem modo usurpata. In Nosocomio Amstelodamensi meo quondam tempore adversus gangraenam fomento egregio usi sunt sequente. (a)

℞. Spirit: vini ℥iij.
Pulv: aloes myrrh: á ℥β.
Ungv: ægypt: ℥iij. M.

Vel spiritus vini cum aloë, myrrha & croco leniter coctus; vel spiritus vini camphoratus cum theriaca mixtus; vel spiritus theriacalis aut matricialis cum sexta quasi parte Elix: proprietat. roboratus; vel quod unice hic fere commendat Garangeot vinum scilicet calidum, spiritu vini simplici vel camphorato roboratum; vel spiritum vini camphorat. aut sale ammoniaco acuatum; quem ut excellentissimum remedium extollit, quo partes, quae emortuae jam apparuerunt, rursus revixerint. (b) vel

℞. Fol.

(a) vid: Koenerding. in libello de gangraena & sphacelo, belgico sermone edito Amstelodami. 1698. 8.

(b) Operat. Chirurg. cap. de Gangraena.

℞. Fol. Scord. abrotan.
 absinth.
 rut: recent. á Mij.
 Flor. chamomill: Mj. coq:
 in S. q. 4: simpl: Colatur.
 ℞. ℥ij. adde
 Spirit. vin: theriacal: ℥iv.
 Sapon. venet. ℥ij.
 Salis gemmæ ℥β.
 f. fomentum.

Haec ipsa fomenta panniculis lineis aut laneis aliquoties in die super partem affectam calida imponenda sunt, superinjectis ad calorem diutius conservandum linamentis complicatis, crassis, tegulisque calefactis, vel etiam pulvillis calidis.

VIII.

Egenis hanc in rem quasi remedium domesticum ac vile, attamen efficacissimum, SIMON PAULLI alique commendarunt *muriam brassicae conditæ*. *Stercus equinum vel bubulum ex aceto vel vino decoctum*, fomentum egregium admodum hic esse, VALESCUS DE TARANTA jam dudum docuit; SYLVIVS vero & BARBETTUS diu post hunc pro remedio, ut ajunt, arcano illud ipsum in hoc morbo venditarunt. Sed sordidum est medicamentum Medico fere indignum, vulgo & pauperibus magis relinquendum, quam nobilibus aut magnatibus commendandum. Purum contra atque simul valentissimum quoque adversus gangraenam esse solet *scordium* itemque *absinthium* vel *abrotanum*, separatim quodlibet, vel etiam conjunctim ex *aqua vel marina*, vel, ubi hæc deest, *salsa*, vel *aceto decoctum* atque instar fomenti calide aliquoties per diem applicatum, tegulisque vel lateribus calidis juxta positis, ut diu calorem conservet, donec malum minuatur ac resolvatur. Ita opus non est, ut aeger saepe deligetur, aut pars affecta nimis frequenter denudetur; sed sufficit, imo fere praestat, si modo lintea, sive splenia saepius fomento calido rursus irrorentur, & praedicto modo calide contegantur.

IX.

Verum enimvero, quo magis vehemens sphaceloque propior gangraena deprehenditur, hoc valentioribus quoque medicamentis opus est. Spectant huc prae reliquis, primo repetitæ eaeque adhuc profundiores & longiores factae *incisiones* sive *scarificationes* partis affectae ad vivum usque, aequae tunc non solum secundum longitudinem, verum &, ubi tuto id fieri potest, ut in brachio, crure, femore, transversim inflictae, ita ut humores sub vaginis musculorum harum partium stagnantes melius evacuari atque tensiones vaginalum, illorum motum nimis inhibentium,

Remedia domestica praegenis.

Gangraena vehementior quomodo tractanda.

coercentium & quasi suffocantium hac ratione relaxari queant. Deinde pars laesa medicamentis illis stimulantibus, digerentibus ac balsamicis n. VII. probe fricanda atque imbuenda, superimposito cataplasmate penetrante ac resolvente, sive digerente, ut sanguinis motus, si fieri adhuc possit, in parte vitiata iterum restituatur. Formula cataplasmatidis sequens esse potest.

℞. Herb: scord:
malv:
absinth.
matricar. áa Mij,
menth.
abrotan. áá Mj.

Coquantur in f. q. oxycrati, vase clauso, ad consistentiam cataplasmatidis sive pulvis, eique postea admisce salis ammoniaci $\bar{z}\beta$. farin: lin: $\bar{z}ij$: ol: infus: rut: vel chamomill. $\bar{z}i\beta$. f. cataplasma: quod ante semper, quam corpori applicatur, spiritu vini camphorato aut theriacali, pro majori virtute ipsi concilianda, conspergatur; Vel loco hujus cataplasma, quod modo laudatus *Koenerdingius* commendat. (a)

℞. Mic: pan. alb. $\text{℥}j$.
pulv: absinth.
scord:
rutae á M. j.

Vini q. f. ad consist: cataplasmatidis, post levem ebullitionem adde spir: vini $\bar{z}iv$, & calide applica. Interim in fomentorum & cataplasmatidis usu ea cumprimis, ut jam monuimus, necessaria est observatio: ut nimirum non nimis frequenter, sed ter quaterve tantum in die innoventur: usus enim docuit, humores quiescentes melius sic digeri, quam si partes laesae singulis horis, ut nonnulli consueverunt, detegantur. (b) Attamen & illud probe observandum, ut cataplasmata & fomenta, quoad fieri potest, bene calida non solum imponamus, sed ea etiam calidis dein linamentis vel tegulis probe contegamus, sive etiam pulvinaribus involvamus, ut semper calida super parte laesa conserventur,

(a) in libello de gangraena supra citato.

(b) *Garengeot* vult, ut, non nisi semel ad summum spatium viginti quatuor horarum in hoc morbo deligatio instituatur; (in Oper. Chir. cap. de gangraena). Verum quia intra hoc tempus magna mutatio in parte laesa contingere potest, quae Chirurgus, ad majora mala avertenda, scitu necessaria est, & medicamenta vires suas vix tam diu servare possunt, consultius esse duco, aliquoties in die partem laesam inspicere, ut inde quid faciendum intelligere, & nova remedia superaddere Chirurgus queat.

tur, sic tanto melius penetrare, stimulare, movere ac resolvere possunt; nam si frigida fiunt, non solum non prosunt, sed potius vehementer nocent. Quae singula ubi gnaviter observantur, dici vix potest, quam sint ad gangraenam sanandam, ipsamque sphacelum averendum valentia. sed si *cortex peruvianus* tales, quales inde praedicantur, effectus, in hoc morbo praestaret, tot alia remedia imposterum non essent necessaria, neque tot cautelis & observationibus molestissimis opus esset. (a)

X.

Si quae autem corporis partes penitus jam emortuae, amissoque sensu omni molles, ut scilicet foveas digitorum impressas retineant, foetidae atque corruptae inveniuntur; tum nihil omnia ad vitam ipsis restituendam medicamenta faciunt. Itaque miserum hic, sed unicum auxilium est, (b) ut caetera pars corporis tuta sit, & ne ad partes integras malum serpat, membrum sive partem, quae emortua est, auferre. Sed variam tamen, pro vario videlicet corruptionis gradu, variaque corruptae partis indole, in hoc ipso negotio rationem inire convenit. Neque enim, si tantum pars aliqua pedis extremi, ut tarfi, metatarfi, surae, aut tali, & cum primis cutis solum una cum pinguedine, sphacelo corrupta est, integrum continuo membrum, sive totus pes, debet auferri; sed, servato potius membro, solum illud, quod vitiatum in ipso deprehenditur, & quidem, ex mea sententia, vel per suppurationem, ut jam in carbunculis pestilentibus docuimus, Cap. XI. Num. 6. seqq. vel per medicamenta rodientia, tolli. Suppuratione qui sphacelum curandum suscipiunt, duo potissimum provideant necesse est: nempe 1.) ut, quantum fieri potest, suppuratio promoveatur; dehinc 2.) ut emortua ulceris crusta auferatur, atque ab integrioribus corporis partibus resolvatur.

XI.

Atque ad accelerandam quidem suppurationem haud parum expeditae solent esse partis corruptae scarificationes, cum primis juxta sanas institutae, satisque longae ac profundae. Namque ubi sic crebro tan-

S s 3

tisper

(a) Tentavi hoc remedium nuper etiam in fere sexagenaria & obesa muliere gangraena pedis circa partem tibiae inferiorem, tarsum & metatarsum ex causa interna laborante, ubi tegumenta corporis communia ibidem jam sphacelo corrupta erant; verum quoties illud assumpsit, toties illud vomitus, quo jam antea divexata erat, quemadmodum alia medicamenta, mox iterum rejecit; adeoque ab eo abstinere coacti sumus. Attamen post varia alia adhuc frustra tentata remedia vomitum tandem aquis medicatis pyrmontanis frigidis, (nam calidas ac tepidas quoque rejecerat) cohibui, & reliquam curationem infra contra sphacelum laudatis medicamentis ab solvi. Unde etiam patet, non omnem gangraenam & sphacelum ex interna causa oriundum, ut multi scriptores asseverant, insanabilem esse.

(b) Ita Celsus loquitur lib. V. cap. 26. n. 34.

tisper inciduntur, donec quaquaversum aliquis sensus doloris oritur, sanies noxia, sub crusta latens expelli, medicamenta idonea melius intrare, vitiataque pars per acceleratam isto modo suppurationem a partibus sanis citius resolvi potest. Valentissima vero ad promovendam hanc partium corruptarum a sanis resolutionem, medicamenta sunt emollientia, atque putredinem reprimentia sive balsamica: siquidem hoc modo fuerint adhibita. Scilicet initio pars illa incisa unguento *digestivo* probe illini ac postea fomentis sive cataplasmatibus balsamicis foveri diligenter debet. Pertinet huc, praeter ea, quae superius jam laudata sunt, remedia (No. 7. 8, 9) etiam sequens fomentum.

℞. Decocti hordei vel scordij ℥ij.

Acet. rutac. ℥vj.

Spir. vin. theriacal. ℥iv.

Sal. marin. aut vulgar. ℥i vel ij, Misc:

Quod ipsum calide cum spleniis super incisam partem injiciendum est, spleniaque dein eodem saepius calide irroranda, donec malum subsistat & non ulterius serpat. Hoc vero fieri cognoscimus, quando in loco vitiato tumor subsidet, orae vero sanarum partium vicinarum in ambitu intumescunt: ita postea altero tertiove die suppuratio sensim & solutio vitiosi sequuntur. Ad emolliendam vero postea crustam emortuam ejusque separationem promovendam expeditum valde hic est hoc vel simile malagma sive cataplasma:

℞. Folior: scordii Mij,
malvae hyosciam.

alth: aa Mj.

Flor: lavendul: Mβ.

Coquatur cum aceto vel oxycrato ad consistentiam cataplasmatidis, cui tandem admisce

Farin. lin. ℥iij.

ol: lin. ℥j.

Sal: ammoniac. ℥ij.

F. cataplasma, calide subinde superimponendum, & calor ejus modo supra n. VII. & IX. indicato diu conservandus.

XII.

*Separatio
atque expur-
gatio quomo-
do fiant.*

Quibus quidem adhibitis sicubi cutis adhuc dum integrioris ora leniter cum rubore intumescit, purulentamque paullo post materiam emit, crusta vero contrahi sensim atque ab integra carne diduci incipit; indicio illud ipsum est, malum serpere desiisse, vitiataeque partis a sana

fana resolutionem brevi futuram esse. Igitur ubicunque ejusmodi separatio se ostendit, unguentum suppurationem promovens, quale est vulgo ita dictum *digestivum*, protinus vel solum vel cum theriacae portiuncula mixtum inungatur, linamentisque carptis illitum inter fanam & emortuam partem (quae scalpello aliquantulum etiam quandoque dividi possunt) applicari, & postea cataplasmata praescripta superaddi debent. In sequentibus autem deligationibus quicquid vitii prorsus resolutum sensim deprehenditur, in singula deligatione volsellae instrumento quotidie auferri; vel si quid leviter adhuc cum partibus integris cohaeret, illud forfice aut scalpello sine graviore dolore aut noxa rescindi debet. Atque tunc remove cataplasmata convenit; *digestivo* interim unguento atque emplastro vel diachylo, vel saturnino, sive de minio tantisper adhibitis, dum, ejectis partibus corruptis omnibus, perpurgatum ulcus reperiatur. Mirifice ut plurimum promoveri separatio corruptarum partium hic adsolet, si continuus per malagmata lateresque vel tegulas calefactas calor membro afflicto assiduus conservetur, ut non opus sit illud saepius detegere. Expurgato ulcere veniendum ad glutinationem est: cui quidem & unguentum *digestivum* vel basilicum vel balsamum, Arcaeii, & laudata superius emplastra egregie admodum serviunt.

XIII.

Interim in Chirurgis varii reperiuntur, qui vel propter diuturnam suppurationis moram, vel propter alias quoque rationes, his in casibus protinus *ad medicamenta rodentia veniunt*. Cujus quidem curationis haec est ratio: Nempe vel orae tantum partis corruptae, vel pars vitiosa tota undique vel *butyro antimonii*, vel *lapide caustico* liquefacto quotidie inungitur, donec a carne viva per quandam quasi crustam diducatur, & semper postea fots vel cataplasmata superius praescripta No IX. & XI. diligenter injiciuntur; ut nimirum procedere malum prorsus desinat, ipsaque caro vitiosa excidat. Spectat huc praeterea *aqua phagedaenica*, nec non sequens lixivium rodens *Boerhavii*. (a)

R. Calc: viv: fortiff: ℥iij.

Ciner. clavellator. ℥ix.

Haec sigillatim prius conteruntur, junctimque dein, (addita pauca aqua) vitro inclusa, ut colliquescant, in cella reponuntur humida. Mox ubi in liquorem abierunt, per chartam bibulam & infundibulum percolantur, atque ita in vitro asservantur. Tum ubi necessitas exigit, lixivium istud rodens penicilli aut plumae subsidio, semel aut, pro re nata, bis quotidie super partem corruptam illinitur, vel

li-

(a) in Mater. Med: Sect: 462.

linamentis eo probe imbutis superimponitur, non neglectis interim cataplasmatibus emollientibus, No. VIII. vel XI. donec quicquid putridum factum fuit, penitus vel sub puris forma evanescat, vel ad instar crustarum vel squamarum resolvatur & excidat. Quibus rite confectis, procedendum ad vulneris per unguenta digestiva purgationem, ac postea ulcere purgato, per balsamum vulnerarium glutinationem, eo modo, quem jam tum N. XII. exposuimus. Si quid autem vitiati sub ipsa forte glutinatione adhuc sese prodit, recurrere rursus ad erodentia convenit; reliqua vero eadem facere, quae jam jam proposuimus. Porro inter medicamenta erodentia praestantissimum atque adeo prorsus incomparabile repertum cel. BELLOSTIO est sequens; (a) quod tantopere hic laudat, ut de meliori remedio hoc in casu ne quidem amplius cogitandum esse asseveret.

℞. spir: nitri vel
aqu. fort. p. ij.
argent. viv: p. j.

M. F. lento calore mercurii solutio.

Hoc liquore rodente pars emortua inungitur, vel eo linamentum carptum vel linteolum tingitur, corruptaeque parti superimponitur. Sic enim, quae vitiata sunt, brevi a partibus adhuc integris solvuntur ac divelluntur.

XIV.

Quid de
ustione sen-
tendum.

Denique etiam non desunt Medici & Chirurghi, inter quos etiam adhuc est Clar. Boerhavius, (b) qui prae omnibus suadent, ut tota pars vitiata sive infecta usque in fundum sanum *uratur* aut *scalpello refecetur*: verum quia hae curandi rationes vehementiores imo crudeliores videntur, quin & sine doloribus majoribus, imo sine periculo saepe fieri vix possunt, eam, quae vel suppurationis vel medicamentorum rodentium ope peragitur, & blandiorem & tutiorem, adeoque, meo quidem iudicio, praefendum esse puto; cum primis quia ustiones chirurgicae, ubi aliae efficaces curandi rationes prostant, magnopere hodie in desuetudinem abierunt.

XV.

Amputatio
quandonam
feri debeat.

Tandem ubi sphacelus manus aut pedis partem aliquam ita graviter afflixit, ut per musculos ad ipsum usque os putrefactio penetraverit, omnemque medicamentorum virtutem vicerit, aut idonea remedia opportuno tempore non adhibita fuerint, tum protinus, ut non vita solum, sed cetera quoque pars tuta sit, *quicquid in carne, ossibus atque*
ner-

(a) Lib: qui inscribitur, *le Chirurgien d'Hopital*.

(b). vid: ejus Aphor. de cognosc. & curand. morbis N. 462.

nervis corruptum invenitur, vel scalpelli, vel mallei & scalpri, vel, ferrulae adminiculo praecidendum. Quod ipsum vero qua ratione in singulis corporis partibus institui recte debeat, inferius in operationibus Chirurgicis curatius atque prolixius erit exponendum. Interim illud paucis hic monendum restat: utique Chirurgos in his ipsis quam gravissimis amputandi negotiis cum sibi met, tum aegris etiam prospicere melius haud posse, quam si prudentiorem in operis hujus periculosi societatem Medicum quendam eruditum, vel plures etiam, ubi haberi possunt, adsciscant, qui necessitatem amputationis agnoscant: ne scilicet gravior sanguinis profusio, animi defectio, febricula, & si quid aliud est, quod gravibus hisce operationibus supervenire hic quandoque adsolet mali, aegrum hominem conficiant; & ne forte culpa ipsi postea jure tribui possit, ac si partem homini valde necessariam temere ac sine justa causa abscidisset, quae servari potuisset. Postremo illud quoque adhuc providere Chirurgum hic oportet, ut aegroti vires, quantum fieri potest, solertissime conserventur: ne forte diuturna curatio & copiosa in his casibus quotidiana puris profusio cibi fastidium aut febricula penitus aegrum consumant.

C A P U T XV.

De Ustione, Aduustione, Ambustione vel Combustione.

I.

Q UOD ustionem sive ambustionem ad inflammationis species retulerimus, id equidem non sine ratione fecisse nobis videmur. Neque enim eadem solum in utrisque signa & symptomata, sed iidem quoque exitus esse consueverunt. Dicere autem *ambustionem*, ustionem vel aduustionem solemus eam corporis laesionem, quae vel ab igne ipso, vel à corporibus etiam ab igne fervidis aut ignitis provenit. Ut proin ad *ambustionis causas* non ipse tantum ignis, sed quaelibet etiam corpora, cum dura & candentia, ut prunae, ferrum candens, atque alia metalla candentia, aut per ignem liquefacta; tum pulvis pyrius, tum liquida ferventia, ut aqua, cerevisia, vinum, oleum atque spiritus vini fervens, & similia referri debeant.

II.

Simulatque igitur aliquid ejusmodi corpori admovetur, abesse vix potest, quin, corrugatis protinus vel disruptis fibris ac venulis, sanguis cum humoribus reliquis in partes proximas effundatur, stagnet atque corrumpatur. Quemadmodum autem semper fere graviores illae

T t

cor-

corporis ambustiones reperiuntur, quae a solidis, quam quae a liquidis corporibus factae fuerunt; sic universim quoque varii, pro diversa combustionis vehementia, calamitatis hujus, perinde ut inflammationis cujuscunque, constitui gradus possunt.

III.

*Ambustionis
quatuor gra-
dus sunt.*

Enimvero quatuor admodum combustionis gradus constitui haud inepte poterunt. *Primus* quidem atque minimus ille nobis videtur, quando membrum corporis adustum cum rubore atque calore dolet, pustulamque supereminentem, post elapsum breve aliquod temporis spatium, ostendit. *Alter* gradus is est, quando statim ab ambustione pustulae cum insigni dolore prorumpunt. *Tertius*, quando cutis eidemque subiecta pinguedo ac caro sic aduruntur, ut crustam statim referant. *Quartus* denique is dicitur, ubi ita vehemens ambustio contigit, ut nihil fere non ad ipsum usque os perierit. *Tertius* gradus gangraenae, *quartus* autem sphacelo non absimiles videntur. Unde simul istud liquet; nempe ambustiones quam proxime ad inflammationum similitudinem accedere, iisdemque propemodum signis unumquemvis ipsarum gradum dignosci.

IV.

Prognosis.

Qualis ambustionum exitus futurus sit, id ipsum partim ex ambustionis gradu, partim quoque ex ipsius partis adustae usu ac nobilitate dijudicandum. Quo etenim vel gravior ambustio, vel quo nobilior etiam pars adusta invenitur, hoc quoque magis semper periculosa calamitas aestimanda est. Igitur levius malum censetur esse, ubi forte manus aut digitus pustulam aliquam ex igne contrahunt, quam ubi oculus vel leviores etiam ustionem sensit. Vix enim sine visus amittendi periculo aduri tenerrima propeque nobilissima ista corporis pars solet. Quanquam in ipsa quoque combustionis & diuturnitate & amplitudine, calamitatis quaerenda aestimatio videtur. Quo enim diutius ignem corpus aut pars quaedam sensit, hoc gravior quoque laesio fiat, necesse est. Sic & quo latius ambustio in corpore patet, hoc gravius quoque malum debet aestimari. Ubi enim totum corpus incendii aut pulveris pyrii flammam, vel & liquorem ferventem, quantumvis leviter etiam expertum fuit, pessimum utique illud malum est. Quum enim, propter acutissimos dolores neque cubare aut decumbere, neque dormire homines ejusmodi miseri valent, fieri sane aliter vix potest, quam ut cum infirmitate & febricula sphacelus, tandemque ipsa mors superveniant. Atque id magis etiam in infantibus teneris, quam in hominibus adultis: siquidem illi & virium, & patientiae, & in commodiori situ eligendo prudentiae minus quam reliqui possident. Quo autem porro altior combustio, hoc gravius quoque periculum subest. Ac faciei quidem ambustiones non propter deformes solum ci-
catri-

catrices, sed & vel maxime ideo periculossimae sunt, quod palpebrae saepe inter se invicem concrecant. Collum ubi forte aduritur, curvum illud evadere, nisi conveniens auxilium accesserit, semper fere adsolet. Ambustionum reliquarum facilis erit atque prompta aestimatio, sicubi & haecenus proposita, & ipsarum partium adustarum naturales usus accurate perpenduntur.

V.

Quemadmodum autem in gradibus, sic in ipsis quoque curandi viis haud absimilis inflammationi combustioprehenditur. Quoties enim levior seu primi gradus ambustio contigit, longe optima sunt medicamenta resolventia, qualia quidem in phlegmone proposuimus. (Cap. II. No. 9. seqq.) Quorum bina potissimum genera sunt: *adstringentium* videlicet atque *emollientium*. Leniter autem adstringunt *spiritus vini* (a) *vel vulgaris bonae notae, vel rectificatus, vel & camphoratus*: siquidem pars laesa immittitur, vel & per linamenta spiritu illo madentia diligentissime fovetur. Ejusdem fere usus hic sunt *acetum lithargyrisatum, muria brassicae conditae, vel & oxycratum* cum sale decoctum calidumque, perinde ut spiritus modo laudati, quam saepissime superimpositum. Expeditum quoque hic esse solet *terebinthinae oleum*; siquidem opportune ac saepius corpori illinatur. Denique haud alienum hic est, partem corporis adustam, ut digitum vel manum candelae protinus vel igni objicere, eandemque, quam proxime diutissimeque quam propter dolores fieri potest, ita continere, vel & alternis nunc remove, nunc denuo admove, donec & caloris & doloris sensus sese remittant. Sic enim non sanguis tantum stagnans, per ipsam ignis vehementiam, in pristinum ordinem redigitur, sed pustulae quoque una cum symptomatibus gravioribus aliis quam aptissime praecaventur; atque ita primus ambustionis gradus haud difficulter ut plurimum curatur. Idque magis etiam, si commendata superius medicamenta simul adhibentur.

VI.

Huic fere contraria, sed aequae tamen apta illa curatio est, quae ab *emollientibus medicamentis* sua petit praesidia. Hic enim quicquid in fibris ac venulis adstrictum & corrugatum fuerat, emollitur, naturalisque proin sanguini per easdem transitus atque circuitus, propulsis, quae accidere poterant, malis gravioribus, restituitur. Haud exigui usus hic est 1) aqua modice calida, ipsiusque membri afflicti sensui accommodata; siquidem tinctum in ipsa linamentum complicatum super partem adustam imponitur, subindeque denuo per eandem hu-

T t 2

mecta-

(a) Quem ut praestantissimum remedium merito commendat Sydenhamus in opusculis suis practicis.

meētatur; dum ignis ac doloris sensus paulatim evanescat. Sed 2) valentior tamen ad ambustionem leniendam istiusmodi *aqua calida* esse solet, ex qua vel althaea, vel malva, vel verbascum, sem. lini, foenum graec., mali cydonii semina, hisdemque non absimilia medicamenta emollientia alia decocta sunt. Deinde 3) commodissima quoque hic ea *cataplasmata emollientia* reperiuntur, quae vel ex jam jam laudatis herbis fiunt, vel etiam ex quacunque demum alia *pulticula* obvia conficiuntur, calidissimaque, quantum licet, crebro supradantur. Fere nulla enim inveniri pulticula unquam potuit, quin aliquam saltem emolliendi vim obtineat. Tum 4) satis quoque nobilia ad emolliendam sunt *olea emollientia*, lini puta, amygdalarum dulcium, olivarum, liliorum alborum, hyoscyami, & si quae alia sunt hujusmodi. (a) Haec ipsa vel linamentorum adminiculo supradantur, vel plumulae instrumento frequenter, antequam siccescant, illinuntur. Denique 5) nec omittendum hic illud MYNSICHTI *unguentum ad ambustiones*, quod egregium leniens est, quodque ex olivarum aut lini oleo cum albumine ovi mixto conficitur, eodemque, ut cetera, modo superimponitur. Quanquam *mali cydonii mucilago* insigniter quoque hic proficiat. Ceterum de praeceptis haecenus medicamentis breviter hic tenendum illud est: parum scilicet atque adeo nihil eadem efficere, nisi saepius iterentur. Dehinc ubi forte facies adusta est, quaedam quasi larva lineae, pro commodiori medicamentorum applicatione & in facie retentione huic adaptari debet, continuoque humectari. (vid. Tab. ~~III~~) Ubi vero adustum collum est, tum, ut ne forte incurvum evadat, propriae cujusdam *fasciae*, quae *dividens* chirurgis dicitur, inferiusque in libro de fasciis describitur, adminiculo praecavendum.

VII.

Curatio gradus secundi.

Quodsi autem *secundus ambustionis gradus* cum vesiculis sive pustulis incidit; tum sane pustulas aperire laceratamve cutem magis etiam concidere, propter acerrimos, qui suboriri hinc solent, dolores, inconsultum videtur. Fere semper enim satius est, ex superius commendatis medicamentis unum alterumve, hoc est, quam maxime obvium, cujusmodi quidem aqua calida vinumque adustum sive spiritus vini sunt, quam celerrime superinjicere, frequentissimeque innovare. Sic enim non calor tantum atque dolores imminuuntur, sed ipsa quoque cutis, separata licet superiori cuticula, absque omni propemodum labe conservatur. Si qui vero, his confectis, nihilominus dolores supersunt; lenientia utique supradari medicamenta oportet. Nobilissima hic sunt oleum lini, unguentum ad ambustionem Mynsichti supra laudatum, vel nutritum, de lithargyrio vel diapompholygos: siquidem quam saepissime

(a) Ita oleum myrtinum ambustionibus mederi, PLINIUS memoriae prodidit. Lib. 23. cap. 4.

pissime aut illinuntur, aut linamentis illita supra deligantur. Tum ubi calor & dolores fensim evanescunt, adhiberi ad laevandam cutem instaurandamque cuticulam, emplastrum ad ambusta vel de minio debet. Quoties paullo vehementior ambustionis secundus ille gradus incidit, ingentemque corporis partem occupat, necessarium utique ad exulcerationem, cicatrices deformes, ipsamque adeo gangraenam praecavendam videtur esse, sanguinem protinus, pro ambustionis modo, vel ad animi defectionem usque detrahare, deinceps autem vehementius aliquod medicamentum purgans, cujusmodi supra in contusione praescripsimus. (*Lib. I. Cap. XV. No. 13.*) Cetera enim extrinsecus eadem facienda sunt, ut jam jam proposuimus. In *infantibus* autem quia minus apta sanguinis missio videtur, revellendi causa iteranda potius alvi expurgatio est. De cetero ut in vulnerationibus atque inflammationibus gravioribus reliquis, sic in ambustionibus quoque *solertissimam victus rationem* observare convenit. Igitur inprimis adhibendae hic sunt potiones ac sorbitiones quam maxime tenues. Quicquid enim aut ex calefacientibus, aut intemperanter assumitur, quia calorem ac dolores adauget, pestilentissimum esse consuevit. Sed nihil tamen ad calorem ab ustionibus ortum attemperandum valentius quicquam celeberrimo DYGBAEO visum legimus, quam salis quidem spiritum, ad X. vel XV. guttulas identidem aegro vel seorsim ingestum, vel potionibus instillatum. Quibus omnibus promte atque accurate adhibitis dici vix potest, quam feliciter ambusta corporis membra, propulsis malis omnibus, & foveantur & instaurentur.

VIII.

Ad *tertium ambustionis gradum*, ubi mox crusta vel eschara super partem adustam conspicitur, quod attinet, is quidem sine suppuratione curari vix ac ne vix quidem potest. Quod ipsum quoties in facie contingit, providendum sollicite illud est, ne cicatrices deformiores maneant superstites. Igitur in istiusmodi casu ab unguentis atque emplastris plerisque omnibus, quantumvis etiam arcana atque adversus ambustionem valentissima censeantur, penitus abstinendum. Fere semper enim periculum est, ne, dum vulnus nimium exsiccant, fibras & cutem contrahant, proindeque admodum deformem, vel saltem minus elegantem corpori cicatricem inducant. Quam quidem ob rem nihil omnino sollicitius providendum, quam ut corrupta illa crusta, & quam ista interclusam continet, pessima sanies celerrime removeantur. Sed quam aptissime tamen istas remove, hoc denuo opus, hic labor est. Qui vel manibus violenter ipsas avellunt, vel ferramento ipsas rescindunt, ii parum plerumque bene miseris hominibus prospiciunt. Si qua enim apta ad combustionem feliciter curandam praesidia sunt, aptiora profecto, quantum ego observare potui, nulla sunt,

sunt, quam quae a rebus emollientibus petuntur. Igitur, quae hactenus ad emolliendum praecepimus, quicquid tandem ex illis in promptu fuerit, cum linteolis complicatis calida protinus & quam saepissime superimponenda sunt: donec durior illa crusta sensim a carne viva diducatur. Si quid autem diductum jam atque resolutum deprehenditur, id in fasciae resolutione, bis aut ter quotidie instituta, per adhibitam vossellam remove vel auferre oportet, relictamque adhuc crustae partem butyro inungere: fomentis interim neutiquam omissis; Nunc enim biduum, nunc triduum, nunc quatrimum ista curandi ratio sibi vendicat. Resoluta jam, qualiter quidem praecepimus, crusta omni, proximum est, ut de vulnere purgando & glutinando deinceps cogitemus. Atque ad purgationem quidem digestivum aliquod unguentum lenius una cum rosarum melle; ad glutinationem vero unguentum diapompholygos vel de lithargyrio, nec non emplastrum ad ambusta, imprimis nobilia esse consueverunt. Si quae vero emplastris atque unguentis duriores crustae conteguntur, his, experientia teste, maximum plerumque periculum est, ne, propter partium proximarum constrictionem, factamque a sanie acriori exasperationem, deformem aliquam cicatricem relinquant. Si quis tamen nihilominus hanc curandi viam cum Chirurgorum vulgo ingredi sustinuerit; is equidem illud sibi datum sciat esse, ut, nisi post alterum tertiumve diem crusta exciderit, quam creberrime ipsam, pro emittenda sanie, concidat: quemadmodum in *gangraenae scarificationibus* supra posuimus. (Cap. XIV. No. 7.) Tum fomenta quoque superius commendata, ad emolliendam penitusque resolvendam crustam, post praemissas ante omnia *sanguinis missionem atque alvi expurgationem*, diligentissime applicanda sunt. Sollicita autem victus ratio magis etiam in hoc, quam in priori illo curandi modo necessaria deprehenditur. Ceterum ad cutem feliciter instaurandam longe optimum hic videtur, partem adustam, dum sanescit, vaporibus ex aqua calida evolantibus quam saepissime fovere. Ubi vero paullo tardior cutis instauratio futura esse animadvertitur, haud alienum fuerit per adhibitum cerae atque ovorum oleum eandem promoveri.

IX.

Euratio gradus quarti.

Sed quid habendum denique de quarto eodemque periculossimo combustionis gradu videtur? Enimvero quoties ambustio usque adeo alte penetravit, ut nihil fere non ad ipsa usque ossa corruptum reperiat, atque emortuum; nihil omnia medicamenta proficiunt: ideoque miserum, sed unicum auxilium superest, membrum illud adustum, perinde ut in sphacelo proposuimus, (Cap. XIV. No. 14.) quam primum abscindere, ne pars corrupta partem quoque sanam trahat.

C A P U T XVI.

De Scirrho.

I.

Quartum equidem inflammationis exitum scirrhum esse, supra jam *Scirrbus* tum dictum nobis est. Appellari autem *scirrhus* solet istiusmodi *quid sit?* tumor corporis durus, qui absque omni fere doloris sensu est; fereque semper ab inspissato crasso atque indurato in glandulis sanguine suboritur; licet etiam in aliis partibus & cumprimis in pinguedine oriri possit.

II.

Itaque mirum quantum varia ejusdem sedes est. Neque enim *Ubinam* scirrhus in interioribus solum partibus, hepate nimirum, splene, *& unde* pulmone, mesenterio, pancreate, feminarumque utero; sed in exte- *scirrbus* rioribus etiam, ad quas labra, linguam, tonsillas, fauces, palatum, *oriatur.* gingivam, collum, mammas, axillas, inguina, colem, testiculosque referimus, nasci consuevit. Atque id magis etiam post inflammationem aliquam praevia. Interdum sine praevia inflammatione scirrhus oritur; praesertim in istiusmodi hominibus, qui crassiori ac glutinosiori, melancholicum vulgo dicunt, sanguine sunt instructi; interdum etiam a causis externis, ut ictu, lapsu, aliisque similibus causis. Ut proinde, qualis praecipua scirrhi causa sit, haud obscure simul liqueat.

III.

Simulatque vero scirrhus nascitur, *consequens* statim illud esse con- *Effectus* suevit, ut indurata corporis pars non ipsa solum ad functionem suam *scirrbi.* naturalem inepta fiat, sed alias quoque partes propinquas in officiis suis impediat & comprimat. Quare mirum videri haudquaquam debet, si juxta positarum partium inflammationes, exulcerationes, cancer item & gangraena, rigor vel immobilitas ac tabes, hisdemque similia incommoda alia, pro ipsius laesae partis discrimine, magis minusve necessaria, inde concitantur.

IV.

Solet autem scirrhus haud difficulter inde *dignosci*, si nimirum vel *Notae.* tactui vel visui tumor aliquis durior, sed sine omni tamen calore, rubore atque dolore, in externis praesertim glandulasque continentibus partibus sese offert. Nos enim hic in chirurgica de externis potissimum scirrhis exponimus: namque internos Medicis proprie sic dictis & dijudicandos & curandos jure merito committimus.

V.

V.

Prognosis.

Et vero circa mali hujus exitum non unae solent esse observationes. Quo enim 1) magis inveteratus scirrhus est, hoc quoque magis periculosus idem curatuque difficilis deprehenditur. Deinde 2) in junioribus habituque corporis firmiori praeditis hominibus longe plerumque tutior atque tractabilior quam in aetate proVectis scirrhus esse consuevit: & cum primis glandulae induratae circa collum in pueris, ceteroquin fanis, raro aliquod damnum inferunt, atque ultra pubertatis annos vix durant. In valetudinariis vero, aut ubi luis venereae suspicio est, majoris sunt momenti. Tum 3) quo necessario magis ac nobili membrum laesum officio fungitur, hoc quoque gravior scirrhus sit necesse est. Quam quidem ob rem interiores quique scirrho exterioribus nunquam non solent esse periculosiores. Tandem 4) quo majora mala scirrhus commovet, hoc etiam gravior esse adsolet. Quamdiu enim nullus in eodem sensus doloris est, tamdiu mitius periculum est. Simulatque vero dolores nascuntur, aut exulceratur, *carcinoma* sive *cancer* ut plurimum imminet. Denique universe illud hic adhuc admonuisse convenit: scirrhorum per medicamenta curationem semper fere difficillimam esse, proindeque aegrotis nullam certam curationis vel salutis spem facere debemus. Aliquando tamen vel ferro vel rodentibus medicamentis tolli possunt, praesertim in junioribus & ceteroquin fanis.

VI.

Curatio
quomodo
instituen-
da sit.

Quoties inveteratus jam tum scirrhus esse advertitur; praesertim si infirmus & gravis habitus corporis est, abstinere penitus a curatione, quam digestionem tentare, satius videtur. Fere semper enim periculum hic, praesertim in feminarum mammis, esse solet, ne, dum tractare vel digerere scirrhum instituimus, idem mali moris fiat, sensimque ad cancrum transeat. Contra vero ubi & recentior scirrhus & absque insigni dolore paullo mollis adhuc deprehenditur; ubi satis firmus hominis afflicti habitus est; haud prorsus alienum videtur, per adhibita medicamenta digerentia, & interna & externa, partis ejusmodi adstrictae resolutionem suscipere. Atque interna quidem medicamenta, lignorum scilicet decocta, essentiae item vel tincturae digerentes, una cum remediis mercurialibus lenioribus, subindeque interpositis laxantibus ad crassos atque inspissatos humores resolvendos imprimis solent esse valentia. Quum e contrario sola medicamenta externa magis ut plurimum periculosa quam salutaria esse consueverunt. Ut proinde Medicus aliquis circumspectus ac prudens in consilium hic adhiberi semper debeat; qui non de internis solum medicamentis, sed de convenienti quoque victus ratione provideat.

VII.

VII.

In medicamentis resolventibus externis primum fere locum *emplastra* ^{Resolutio} sibi vendicant. Qualia sunt gummi ammoniacum, galbanum, opopanax, sagapenum, bdellium, reliqua: quae vel seorsim, vel junctim, ^{1. per en-} vel etiam cum radicis bryoniae atque aristolochiae rotundae pulvere permixta superimponuntur. Ad idem quoque valent empl. de galbano, de gummi ammoniaco, de cicuta, vel separatim, vel mixtim etiam adhibita. Neque minus expedita hic sunt emplastrum de ranis Vigonis vel diachylum cum mercurio, tum etiam hoc:

℞. Gumm. galban.
 opopanac. á ℥j.
 ammoniac.
 bdell. á ℥ij.
 Ol. olivar. ℔ij.
 Cerae citrin. ℔β.
 Pulv. rad. aristol. long. ver. rot. ver.
 Lapid. calaminar.
 Myrrh.
 Thur. aa ℥j.
 Terebinth. Ven. ℥iv.
 M. F. l. a. Emplastrum.

VIII.

Emplastris ad digerendum accommodatis proxima sunt *malagmata* ^{2) per cata-} five *cataplasmata*; inprimis hoc:

℞. Rad. bryon. alb. ℥iv.
 aristoloch. rotund.
 angelic. á ℥j.
 Herb. fabin.
 rut.
 scord.
 absinth.
 Flor. chamomill. á Mj.
 melilot.
 sambuc.
 alth.
 centaur. minor. á Mβ.

Coquatur cum f. q. aquae simpl. ad consist. cataplasmi. vase clauso, sub finem add.

℞ galban. vitello ovi solut. ℥iij.
 farin. lin. ℥ij.
 ol. lin. q. f. F. Cataplasmi.

Tom. I.

V v

floc

Hoc ipsum cataplasma, vel &, ubi visum ita sit, acetum cum herbis illis decoctum quasi fomenta, & semper quidem calida, non neglectis interea medicamentis internis, quam diligentissime superinjicienda sunt.

IX.

3) per vapores
acidos.

Interdum a nonnullis vapores acidi ad scirrhus digerendos valde laudantur & adhibentur. Sic enim haud incommodum esse solet, ferventis boni aceti; hujusdemque vel communis, vel & lavendulae, sambucini, rutacei seu theriacalis, vapores afflicto membro linteo vel velamento quocunque alio cincto, identidem per dies singulos excipiunt. Nonnulli acetum aliquod ex laudatis ignito lapidi inspergunt, indeque provenientes vapores vel eodem, ut antea diximus, modo, vel per infundibulum excipiunt. Sunt tandem alii, qui vel sulphuris portionem aliquam vasculo injectam incendunt, vel cinnabaris 10. 12. ad usque 20. grana prunis ignitove lapidi injiciunt, vehementissimisque illis, qui excitari hinc solent, vaporibus acidis scirrhum exponunt. Ubi tamen sollicite cavendum, ne aut justo vehementiores & frequentiores isti vapores sint, aut imprudentius quoque naribus atque ore hauriantur. Dicit enim vix potest, quam illi sint pulmonibus inimici, atque, si cinnabarin spectaveris, quia argentum vivum sive mercurium continet, ad salivationem excitandam proclives ac vehementes.

X.

4) per me-
dicamenta
mercurialia.

Mirifici quoque usus hic sunt *medicamenta mercurialia*, sicubi vel protinus, vel post inanem demum reliquorum usum, applicantur. Sic enim praeter internum mercurii usum, nobile quoddam unguentum digerens ex eodem, cum adipe suilla, nec non modico terebinthinae, quantum ad eum subigendum sufficit, admixtis, in mortario aliquo vitreo vel lapideo praeparatur. Ex quo ipso bis aut ter quotidie scirrhus inungitur; emplastro *Vigonis* cum mercurio aliove simili deinceps superinjecto. Verum enimvero, ne qua forte ipsa illa medicamenta vel alienam prorsus, vel molestam certe salivationem moveant, necessarium utique hic est, quarto vel quinto quoque die medicamentum aliquod alvum movens, cujusmodi pulvis ex jalappa vel pilulae laxantes sunt, homini afflicto ingerere, atque ita mercurium e corpore rursus per alvum abducere. Quae dum fiunt, fauces diligenter semper lustrare convenit. Simulatque enim ipsae intumescunt ac dolent, salivatio ut plurimum solet portendi. Quocirca frequentior alvi expurgatio necessaria videtur: medicamentis istis mercurialibus, donec salivationis indicia evanescant, paulisper omissis. Atque hanc quidem in curando scirrhu circumspeditionem si adhibueris, spes est, quin felicissime hominis salutem, nisi certa jam tum desperatio adfuerit, conserves.

XI.

XI.

Si nihil omnia medicamenta ista ad scirrhum digerendum proficiunt; 5) *per scabellum.* & magis etiam si satis tutus locus, scirrhosusque adhucdum mobilis est; si hominis vires patiuntur; haud alienum est, ne, ut fieri plerumque solet, in cancrum scirrhosus transeat, opportune ipsum *excidere*, vulnusque dein balsamo *Arcae* aliove vulnerario adhibito, ut in aliis vulneribus, rursus glutinare.

XII.

Ubi vero vel immobilis jam tum scirrhosus, inaequalis atque alte nimis positus invenitur; ubi habitus infirmioris homines sunt, scirrhosusque propter vitium aliquod hereditarium opportuni, pluresve in eodem aegro; tandem ubi valde nobilis aut propter grandiores venas atque arterias propinquas, sanguinis profusioni opportunus locus videtur; (a) tum sane & ferramenti & medicamentorum digerentium vel erodentium alienus plane atque anceps usus est. Fere semper enim hic vel ad cancrum scirrhosus vergit, vel acerrimi saltem dolores concitantur. Praestat igitur sic omnino scirrhum delinire, ut aut dolores *penitus conquiescant*, aut cancer saltem praecaveatur.

XIII.

Atque in isto quidem casu non a *medicamentis* solum sanguinem temperantibus, cum externis tum internis, sed a *victus* etiam ratione praesidium est quam maxime petendum. Quare longe semper optimum hic videtur, sic affectis hominibus varia sorbitionum optimarum genera e carnibus recentibus decocta, cibos molles ac teneros, quales vel ex juniorum ac tenerorum animalium carnibus, vel ex lenibus etiam oleribus, hordeo scilicet, avena, oryza, milio, manna, puliculis mollibus, spinachia, asparago, scorzonera, tragopogo, cichoreo, pastinacis, rapis, lupuloque recenti calido fiunt, diligenter imperare. *Potio quotidiana* saluberrima est, quae vel ex aqua simplici atque clara, siquidem illa adfuetus homo est, vel ex ptisana seu decocto radicis chinae, farsaparill. gramin. polypodii, veronicae, linguae cervinae, agrimonia, solidagine saracenicæ, herb. parietar. capillor. veneris, hisdemque similibus aliis conficitur. *Ubi dolores jam tum scirrhi supervenerunt*, adjungi supra memoratis potionibus ex semin. papaver. albi haud inepte poterunt; instillato ad dulcedinem conciliandam, sic ubi visum aegro fuerit, feminis papaveris albi sirupo, ad gratam dulcedinem. Quanquam haud alienum hic esse solet, pulverem ex lapid.

V v .2

can-

(a) Si quis interim in cohibendo sanguine vulnereque accuratius deligando promptus atque expeditus est, hic sane gravioribus quoque scirrhis haud infelicitè manum quandoque admovebit. Siquidem egomet glandulas parotidas & *submaxillares* insigniter scirrhosas, praecisis licet grandioribus arteriae carotidis externae ramis non semel sine graviore periculo me curare memini.

cancrorum, conchis praeparatis, sale absinthii, cinnabari nativa, antimonio crud. itemque antimonio diaphor. ad leniendum sanguinis aco-rem; admixto unicuique dosi ad dolores imminuendos, laudani opii granulo dimidio, semel aut, pro re nata, bis etiam vel ter quotidie aegris his miseris porrigere. Similiter mirifice quoque hic proficiunt pulvis succusve recens ex millepedibus; sperma ceti ad drachmam identidem una cum reliquis praedictis pulveribus assumtum; nec non alvi purgationes per adhibitae pilulas mercuriales, aut pulveres etiam convenientes; & denique institutae verno atque autumnali tempore, aut etiam, si opus, frequentius sanguinis per venas detractio, vel per cucurbitulas.

XIV.

Externa.

Extrinfecus super scirrhum emplastrum ex plumbo sive lamina quaedam plumbea, argento vivo probe prius impraegnata, deligari haud incommode poterit, constanterque ita contineri. Namque ista ratione non calor tantum ac doloris sensus saepius imminuitur; sed & vel maxime canceri periculum avertitur. Quodsi autem lamella ista plumbea ad dolores extinguendos parum videtur, tum emplastra etiam atque unguenta ex medicamentis dolorem minuentibus confecta, superimponi haud incommode poterunt; cujus generis sunt:

℞. Unguenti diapompholygos ℥ij.
Opium gr. X. misce.

Quo inungere partem laesam quam saepissime convenit, aut etiam cum linteolo superimponere. Vel

R. amalg. mercur. & plumbi ℥j.
Ungu. rosati q. s. F.

Unguentum cum linteo instar emplastri applicandum. Vel

℞. Acet. lithargyris. ℥j.
Ol. express. sem. hyosciam.
papav. alb.
Ol. infus. rosar. ā ℥ij.
M. F. l. a. nutritum, cui sub finem add.
Opium gr. vj. ad X.

Quod ipsum linteolis illitum aliquoties quotidie super scirrhum applicandum. Interim pro ipsis unguentis istis, si forte aegri ea minus ferre possent, emplastra quoque refrigerantia adhiberi nonnunquam possunt. Qualia fere sunt: saturninum Mynsicht. de minio, diapompholygos; vel denique nobilissimum istud ad dolores leniendos accommodatum emplastrum, quod constat ex his:

℞.

℞. Succ. recent. express. & pur.
 fol. hyoscyam.
 papav. hortens.
 phellandr. á ℥iv.

Coquendo leni igne inspissa, sub finem adde

Cerae alb. ℥viiij.
 Ol. infus. rosar. ℥j. F. Empl.
 Vel ℞. Sacch. saturni
 Ceruss.
 amalgam. mercur. & saturn.
 Ol. express. hyoscyam.
 infus. rosar. á ℥ij.
 Cerae alb. ℥iv. M. F.
 Emplastr.

His addi nonnunquam, si scilicet vehementissimi dolores adsunt, opii quidquam poterit: confectumque ex his emplastrum super male affectam partem imponi.

XV.

Etiam si autem, quod verbo monendum adhuc restat, inter Medicos celebriores non pauci existant, qui ad curandos scirrhos vel *suppuratio-*ne, *roden-*tibus & *cauteriis sta-*tuendum. utuntur; tamen non ipsius tantummodo canceri a suppurantibus & rodentibus imminentis periculum, candentisque ferri naturalis apud ple-rosque horror, sed innumera quoque alia incommoda dictas istas curandi vias, velut lentas nimis, minus securas aut crudeles dissuadere videntur. Quam quidem propter causam tutissima eademque promississima scirrhum dolentem aut valde magnum abolendi ratio huc ferme redit; ut scilicet, nisi prorsus periculosa sanguinis profusio pertimescenda sit, induratum istam labrorum, glandularum salivalium, mammarum, testiculorumque partem integram & funditus excidamus. (No. 11. 12.) Namque ubi forte corrupti quidpiam remanet, periculum est, ne cancrum sensim illud progignat, imo, quod pessimum saepe hic est: licet scirrhus funditus extirpetur, haud raro tamen alius succrescit sine omni Chirurgi culpa. Quod vero Medicorum nonnulli fundum vulneris ferro adurendum, ne scirrhus redeat, vel ad repri-mendum sanguinem, vel ad penitus extirpandum scirrhum praecipiant, id, meo quidem iudicio, nihil est. Siquidem ad novum scirrhum aver-tendum parum est; (a) & ad cohibendum sanguinem longe blandiora

V v 3

&

(a) Hoc antiquissimis temporibus jam observatum est. vid. CELSUS L. 5. cap. 27. n. 2.

& aptiora in promptu sunt remedia , quibus effici illud queat. Facta vero extirpatione per scalpellum , vulnus , ut in reliquis vulneribus , glutinandum.

C A P U T XVII.

De Carcinomate sive cancro.

I.

*Carcinoma
quid sit.*

Quoties nec resolvi medicamentis reprimentibus , nec deliniri , nec denique ferramentis excidi scirrhus potuit , sive jam ipsius mali vehementia sive curantis imprudentia in causa fuerit , quaedam quasi puncta circa locum male affectum sensim perferuntur , atque inaequaliter tumet. Malignum hunc atque adeo pessimum scirrhorum statum *carcinoma* olim , (a) hodie *cancrum* appellare Medici consueverunt. Saepe enim venae , quae juxta sunt , inflatae conspiciuntur , & quasi cancrorum pedes incurvantur. Quod ipsum vitium quousque subter cutem tectum adhuc delitescit , *cancer occultus* ; simulatque vero post exulceratam cutem , in conspectum prodit , *cancer exulceratus* in scholis Medicorum dicitur.

II.

*Initium &
incrementum
quale sit.*

Initium mali hujus pessimi atque incrementa sic ferme sese habent. Scilicet initio tumor aliquis exiguus nascitur , diutissimeque interdum , sed sine incremento tamen remanet : mox opinione citius increscit. Primo quoque tempore dolor vel nullus , vel exiguus saltem urget : mox ubi tumores increscunt , dolores quoque insigniter atque ad animi defectionem aliquando usque intenduntur. Simulatque jam medicamenta reprimentia aut digerentia injiciuntur , quam celerrime malum increscit , usque adeo , ut ne vel integer quidem annus , qui sine medicina fuit , tantum doloris ac tumoris incrementum adduxerit , quantum post adhibita medicamenta unicus mensis progignit. Sic enim vehementer , propter medicamenta , vitium istud irritari protinus consuevit , ut , disrupta cute , pessimum foetidissimumque ulcus prodeat.

III.

*Carcinoma-
tis sedes.*

Carcinoma perinde ut scirrhus in quacunque propemodum corporis parte nascitur : sed multo saepius tamen in mammis feminarum , quin imo virorum etiam , cujusmodi exemplum memorabile BIDLOO (b) descrip-

(a) CELSUS Lib. 5. cap. 27. n. 2.

(b) In Exercitat. anat. chirurg. pag. mihi 157.

scripsit. Praeter mammas autem frequenter inprimis labra, gingivae, fauces, lingua, nasus, ipsaque naturalia aliquando infestari a carcinomate consueverunt.

IV.

Similiter *carcinomatum* atque scirrhorum communes fere caussae sunt: *Caussae.* praeterquam quod in istis producendis novum semper acrimoniae atque irritationis genus aliquod simul superveniat. Solent autem maligni isti carcinomatis stimuli non a medicamentis tantum lenibus, acribus atque adurentibus, sed a quamplurimis rebus aliis proficisci. Sic enim nocentissimi utplurimum illi cibi ac potus sunt, qui sanguinem acriorem efficiunt. Quare carnis suillae itemque lardi usus carcinomati opportunis hominibus parum salutaris esse videtur. Tum nimia quoque mentis aegritudo ac tristitia mirifice ad canceri periculum homines miseros disponit. Denique illud inprimis observatu dignum hic est, feminas caelibes ac moniales vel etiam in matrimonio viventes, sed steriles, frequenter admodum a mammarum canceris divexari. Atque id quidem utplurimum post elapsam quadragesimum circiter aetatis annum; menstruis videlicet sive haemorrhoidibus sensim decrefcentibus atque evanescentibus: attamen etiam jam aliquoties in junioribus vidi, & quidem jam inter annum vigesimum atque trigesimum.

V.

Canceri equidem *occulti* haec fere signa sunt. Prurigo, calor & puncta *Diagnosis.* in vel juxta scirrhum incidunt. Proxima pars rubet aut livet; locus inaequaliter tumet, tumor augetur, longeque magis indurescit, quam antea. Venae saepe cum tuberculis hinc inde eminentibus tument ac livent; id quod tamen non semper contingit. *Cancrum* autem *exulceratum* non ipsa solum partis exulceratio, praegresso cancro occulto, sed subsequencia quoque indicia demonstrant.

VI.

Scilicet sanies ex ulcere profluit, tenuis quidem & copiosa, sed interdum usque adeo rodens atque acris, ut ipsa quandoque linamenta superimposita velut ab aqua forti aut muribus exesa atque arrosa videantur. Odor ejus pessimus atque aliquando intolerabilis propemodum est, praesertim non adsuetis, latissimeque per conclavia spargitur. Vitium ipsum latius semper procedit. Ulceris orae vehementer tument, mirumque in modum distorta ac inversa, nunc pallent, nunc rubent, nunc lurida, viridia, livida, nigra vel & variegata apparent. Dolores cum sensu ardoris, punctationis & erosionis subinde ita vehementes sunt, ut, disturbato prae angoribus somno ac quiete, ad animi fere defectionem ac desperationem usque homines illi discrucientur, unde aegri valde debilitantur. Robur omne cum cibi desiderio perit, atque odoris sensus prorsus consumitur, donec tandem ipsa mors spiri-

spiritum anhelantem a putrefacto & miserrimo corpore dissolvat. Sed ita tamen nihil perpetuum hic est, ut pro diverso corporis habitu, proque ipsius partis afflictae diversitate nunc mitiora, nunc graviora mala superveniant.

VII.

Prognosis.

Qui occulti adhuc & sine acrioribus doloribus canceri sunt, sustineri nonnunquam ab hominibus praesertim robustioribus atque temperanter viventibus, fatis diu sine graviore molestia possunt. Simul atque vero iidem vel per inconvenientem diaetam, vel per medicamenta rodentia, digerentia atque emollientia, vel denique quocunque alio modo irritantur, pessima protinus ea mala superveniunt, quae hactenus enarravimus. Tametsi autem non defuerunt, qui de nobilissimis atque valentissimis adversus carcinomata medicamentis, quae se solos possidere impudenter gloriati sunt; universe tamen illud observandum hic est, illud vitii genus vix ac ne vix quidem curationem recipere, sicut cum Hippocrate (a) & Celso (b) Hildanus (c) alique nobilissimi Medici confirmant, nullumque adhucdum adinveniri a Medicis medicamentum potuisse, a quo certam salutis spem petere liceat. Evidentissimum profecto hujus rei exemplum in Ludovici XIV. Galliarum regis, matre, ANNA *Austriaca*, deprehendimus. Quanquam enim magnificis admodum praemiis ad sanandum, quod regia mater in mamma contraxerat, carcinoma, non regii solum, sed universae propemodum Galliae Medici atque Chirurghi, praesertim vero illi, qui suam in hoc opere artem jactitaverant, excitati fuerunt, ut medicamentis eam sanarent; nihil tamen quidquam conamina istaec omnia profecerunt. (d) Quam quidem ob rem nullum, nisi forte quod a ferramentis petitur, in istiusmodi casu praesidium reliquum esse videtur. Et vero quo pejus ac majus ipsum carcinoma, quo graviora symptomata, quoque tandem pejor aut imbecillior hominis aegri habitus, hoc minor etiam in membri istius cancrofi amputatione spes posita esse consuevit. Et contra. Quoties autem funditus excidi aut tolli carcinoma quoddam nequit, satius utique videtur, a ferramentis plane abstinere, quam miserum istiusmodi hominem, qui servari nullo modo potest, frustra discruciare. Sic enim uteri exempli causa, faucium, uvulae, tonsillarum, axillarum & inguinum carcinomata nunquam fere non solent esse insanabilia. La-

bro-

(a) Aphorismo 38. Sect. VI. Quibus occulti canceri fiunt, eos non curare (sive attingere) melius est. Curati enim cito pereunt. Non curati vero longius tempus perdurant.

(b) Lib. V. cap. 27. n. 2. ubi elegantissime hac de re loquitur, attamen etiam, sed immerito, omnes curationes chirurgicas rejicere videtur.

(c) in Libr. de gangraena cap. 7.

(d) Memoires de Madame de Moteville Tom. V.

brorum autem, palpebrarum & mammae carcinomata quanquam tutius & excidi & curari adsolent; semper tamen ne revertant, periculum imminet. Quidam carcinoma contagiosum credunt, (a) quod ego tamen adhuc nondum observavi, licet plures ejusmodi aegros viderim.

IX.

In *Ephemeridibus* equidem *Breslaviensium Physico-medicis*, quae germanica lingua ab aliquot annis evulgantur, variis in tomis, nec non in NENTERI praxi medica (b) quasi valentissimum adversus quaelibet carcinomatum genera depraedicatur medicamentum aliquod secretum, rodens atque emeticum, a KORTHOLTO quodam Medico, qui Gedani nuper vixit, excogitatum & pro arcano sibi servatum. Attamen dissimulare nequeo, esse nonnullos, eosdemque egregios ac fide dignos viros, qui me certiores fecerunt, parum aut nihil adversus vera carcinomata medicamentum istud proficere.

X.

Et vero quoties forte istiusmodi obtingunt carcinomata, quae vel medicinam omnem vincunt, vel in senili, corrupto ac vitioso corpore, nec non sub axillis aut circa grandiores venas prorumpunt; vel denique nimis jamtum *grandia* atque *inveterata* sunt; vel ubi plura in uno aegro, alienus utique & periculosus ferramenti usus videtur. Quum enim pars vitiata funditus excidi nequeat; nihil fane aliud Chirurgus praestat, quam ut ancipitem salutis spem in desperationem certam, imo vero in praecipitem mortem convertat. Quare *tutissima carcinomatis insanabilis, sed necdum tamen exulcerati, tractatio* in eo potissimum sita est, ut, remota omni violentia 1) ne in ulcus idem transeat caveamus; deinde 2) ut imminentibus malis gravioribus quam mitissime semper occurramus. Sic enim quasi blandiendo praematuram mortem, una cum innumeris iisdemque pessimis malis aliis interdum haud prorsus infelicititer propulsamus.

XI.

Si quis autem pessimum istud mali genus quasi blandiendo consopire voluerit, huic petenda non a medicamentis solum, sed & vel maxime a sollicita victus ratione praesidia sunt: qualiter quidem explanatius jamtum in scirrho proposuimus: (*Cap. XVI. No. 6. seqq.*) inprimis vero vere & autumnus, vel in plethoricis saepius adhuc sanguis educendus, humoresque noxii per alvum saepius educendi. Neque vero etiam alienum hic erit, *lac caprillum*, nisi forte fastidium illud moveat, identidem aegris hominibus calidum porrigere; idque vel merum, vel

Tom. I.

XX

&

(a) ut HILDANUS Cent. II. obs. 78. TULPIUS Lib. IV. obs. 8.

(b) Tom. III. pag. 344. seqq.

& cum herbis vulnerariis aut cancris fluviatilibus decoctum. Sic enim felicissime interdum *symptomata* sive mala periculosa praecaventur. Quodsi autem *vehementiores* nihilominus *dolores* superveniunt, longe optimum erit, opii portionem aliquam medicamentis reliquis admiscere, vel papav. semen cum supra praescriptis potionibus decoquere, vel in emulsione dare. Haec enim quia somnum conciliant, haud sane spernenda sunt doloris atque infirmitatis praesidia. Externe etiam cetera eadem facienda hic sunt, quae citato loco praecipimus.

XII.

Carcinoma
exulceratum
quomodo
tractandum
sit.

In carcinomate adaperto atque exulcerato, quod extirpari tuto nequit, idem prorsus curandi, vel potius blandiendi modus est; praeterquam, quod hic quam saepissime sanies abstergi, linamentisque carptis molibus, iisque aridis, adimpleri ulcus debeat; vel etiam ad dolores leniendos aptis quibusdam remediis sub deligationes singulas inungi. Spectant huc praeter cetera ol. myrrhae per deliquium, vel ejus essentia cum essentia succini, vel aqua calcis sola, aut pauxillo sacchari saturni admixto. Vel

℞. Aceti lithargyrifati ℥ij.

Olei rosacei aut solani ℥j.

M. F. in mortario plumbeo aut vitreo unguentum.

Vel ℞. ▽ rosar.

flor. sambuc.

papav. erratic. á ℥ij.

sacchari saturni essent. opii á ℥j.

Ω vin. theriacal. ℥ij.

M.

Vel ℞. ▽ sperm. ranar.

solan. á ℥iij.

plumb. ust. ℥j.

sacchar. saturni ℥℥. M.

Loco horum adhiberi quoque potest decoctum aliquod vulnerarium ex herb. marrub. agrimoniae, veronicae &c. vel succus ex solano & plantagine. Siquidem his haud incommode extergi sub vincturae singulae mutatione carcinoma poterit, & deinde etiam cum linamentis carptis eis imponi. Sicubi vero *graviores dolores* incidunt, tum vel major opii aut essentiae opii quantitas admisceri, vel & mera opii essentia cum linamentis carptis supra deligari poterit: siquidem alia ratione quandoque vix deliniri cruciatus possunt. Oportet hic, pro majori vulneris blandimento, essentiam opii non ex spiritu vini, sed ex aquis potius destillatis, quales ex solano, papav. erratic. floribus fiunt,

fiunt, praeparare sive diluere. DIONYSIUS carnis vitulinae frustum aliquod supra dari jubet. Pulveris aridi adpersio non aequè in carcinomate, ut in ulceribus quibusdam aliis, commodum deprehenditur. Plumbum vero ustum cum sem. lini aut psyllii mucilagine superinjectum mirifice ad dolores mitigandos potest. Quanquam in his singulis adhibendis haud prorsus aliena, quin grata potius variatio deprehenditur; ubi tamen ea, quae aegro optime conducunt, prae ceteris adhibenda. Denique etiam *aqua vulneraria* sive *sclopetaria* (l'Eau d'Arquebuse) ex aqua solani potius, quam vino destillata, & saepius calida superimposita egregie hic se gerit.

XIII.

Tandem ubi *carcinoma* quoddam sic affectum reperitur esse, ut absque graviore periculo *ad scalpellum procedere curatio* possit; tum rite prius cum per adhibita medicamenta leniter purgantia sanguinemque temperantia & corrigentia, (No. II.) tum & vel maxime per sollicitam victus rationem, praeparari hominis corpus debet, quam excidere corruptam partem istam tentemus. Quae autem in praecidendis labrorum, oculorum, mammarum membrisque virilis carcinomatibus necessaria sint artificia, id equidem inferius suo loco in operationibus chirurgicis edocebimus. *Vulneris curatio* eadem prorsus est, quam supra in vulneribus quibuscunque imperavimus; unguento nimirum digestivo & balsamo vulnerario. Praeterquam quod lenior eademque rarior deligatio mirum quantum ad vulneris glutinationem hic proficiat. *Glutinato jam vulnere*, reliquum est, ut *solertissimam ac moderatam instituat per omnem vitam victus rationem*. Itaque a cibis acrioribus, falsis, acidis, nimiumque conditis circumspecte abstinendum: contra vero medicamentis leniter purgantibus sanguinemque attemperantibus, quo & aquae medicatae maxime pertinent, quam saepissime utendum; non omissis, ubi sanguinis copia urget, missionibus sanguinis, scarificationibus, nec non venaesectionibus, verno atque autumnali praesertim tempore instituendis. Quae si negliguntur, facillime scirrhus & carcinoma redeunt.

*Carcinoma
quomodo
excidi de-
beat.*

C A P U T XVIII.

De Oedemate.

I.

HAëtenus de tumoribus calidis horundemque malis accidentibus *Oedema* expositum. Pergimus nunc ad illud tumorum genus, quod cum *quid sit.* frigore & mollitie pallét, pressumque a digito foveam aliquam sive

finum accipit: utut dolores aut nullos aut exiguos saltem adjunctos sibi habeat. Proprium ipsius nomen *Oedema* est, quod explicatius *tumorem phlegmaticum* diceret. Nulla vitii hujus certa vel propria in corpore sedes existit; siquidem nunc caput, nunc manus, nunc palpebrae, nunc aliae partes, nunc denique universum corpus ab eodem infestatur. Posterius ubi forte incidit, cachexia, leucophlegmatia seu *hydropse* corpus laborare vulgo dicitur. Ceterum si qua corporis alia pars, *pedes* certe quam frequentissime ab hoc malo divexantur: quare *tumefacti* sive *oedematosi* pedes eo tempore dici ut plurimum consueverunt. Nos igitur de his seorsim hoc loco tractare instituemus: siquidem hac ratione simul apparebit, quae hujusmodi tumorum phlegmaticorum in reliquis partibus aliis quandoque obviis & natura sit & curandi ratio.

II.

Causae.

Proxima Oedematis hujus causa sine dubio in *seroso nimis aut viscido sanguine* investigari debet; quippe qui in minutissimis illis pinguedinis sive tunicae cellularis vesiculis haerescit, adeoque cutem proximam diducit ac distendit. Nasci autem vitiosus istiusmodi sanguis ut plurimum solet 1) in hominibus, qui vel *frigidioris aut phlegmatici habitus*, vel *aetate grandiores* sunt. Idque frigidum aut hiberno praesertim tempore: ubi scilicet ad ipsum naturae vitium externi aeris inclementia accedit, jamque per se haerescens sanguinem compingit. Ut proinde mirum haud sit, quod, qui mirifice interdum tumescunt, propter nocturnum in lectulis calorem, haud raro pedes detumescant, longeque graciliores matutino quam reliquo tempore ut plurimum inveniantur. 2) Altera vitii hujus causa posita esse solet in *perversa victus consuetudine*, crapula scilicet, vel saltem potu nimio, nec non frigidorum, crudorum ac durorum ciborum usu. 3) Dehinc *febres*, praesertim intermittentes, ut plurimum aliquid hic conferunt: inprimis si justo largiores, dum calor & sitis adest, potiones assumuntur, temperantiaeque leges in ipsis transiliuntur. 4) Sed in causa quoque porro sunt vel *nimia sanguinis ex vulnere, naribus, pulmone, vomitu, haemorrhoidibus atque utero profluvia*; vel 5) consuetorum atque solemniis istiusmodi *profluviorum*, praesertim in feminis, *obstructiones*. Vel 6) *venae cavae per foetum in gravidis*, aut per scirrhum aliquem in abdomine *compressio*; quippe quae sanguini ex pedibus revertenti gravem remoram injicit; vel 7) *sedendi etiam, cubandi ac dormiendi intemperantia*; vel denique 8) *phthisis spirandique difficultas*; vel & quaecunque aliae corporis afflictiones ac defatigationes, quae naturalem cordis in propellendo sanguine virtutem infringunt atque consumunt.

III.

Diagnos.

Ex jam adductis simul liquet, quibusnam *indiciis* dignosci Oedemata queant.

queant. Igitur non nisi illud observandum hic restat : hoc semper crassiores ac tenaciores esse haerescerentem sanguinem vel humorem, quo duriores ipsi tumores existunt, quoque diutius excitati a depressis digitis sinus post compressionem manent superstites. Et fere contra. Quod ipsum rite perspexisse haud sane parum curantibus expedit.

IV.

Enimvero quae cum morbis aliis, hydrope nimirum, tabe, spiran- *Prognosis.* di difficultate, (dyspnoeam & asthma Graeci dicunt) feбри intermittente, sanguinis aut novis profluviis, aut solemnium profluviorum decrementis, incidunt pedum Oedemata, ista quidem curari, nisi sublato prius, unde vitium natum fuit, morbo, nunquam ferme possunt. In feminis gravidis, praesertim robustioribus, parum atque adeo nihil periculi Oedemata pedum afferunt : fere semper enim post partum quasi sponte sua evanescent, vena cava hoc modo a compressione liberata. At magis tamen periculosa esse consueverunt, si feminis imbecillioribus obtingunt, vel diutius post ipsum partum remanent. Tunc enim haud raro hydropem, asthma sive spiritum gravem, imo vero suffocationem inducunt. Ceterum quo magis inveterati pedum isti tumores phlegmatici existunt, hoc magis etiam periculosi atque ancipites censendi sunt : cum e contrario recentiores nullisque morbis aliis comitati promptiorem curationem recipiant. Similis propemodum ratio illorum est, qui *febriculam intermittentem* insequuntur : hi enim longe mitiores illis sunt, qui ex nimia sanguinis profusione, vel & quacunque alia imbecillitate suboriuntur. Si qui autem e *solemnis alicujus sive naturalis profusionis obstructione* proveniunt ; tum commodissima curandi ratio in eo posita videtur, ut pristina ac naturalis sanguinis evacuatio quamprimum restituatur. Fere semper autem facilius juniores quam natu grandiores ab istoc pedum vitio liberantur : siquidem tumores seniles saepissime plane insanabiles esse consueverunt. Tandem ubi graviter tumefacti pedes parum aptis medicamentis & cumprimis externis agitantur, abesse vix potest, quin spiritus gravis, suffocatio atque adeo mors ipsa sensim superveniant.

V.

Ad Oedematum vero curationem quod attinet, haec pro variis mali *Curatio.* hujus causis mirum quantum varia esse consuevit. Igitur primum utique est, ut in veram causam ante semper inquiramus, quam de medicina cogitamus : quae quum propter ipsam calamitatis hujus indolem, internis praesertim corporis partibus accommodata esse debet ; sane non ab externis tantum medicamentis petenda praesidia sunt, sed & vel maxime ab internis, a *prudenter Medico* quodam praescriptis. *Extrinsicus* vero deinde ad curandos pedes tumefactos expedita esse solet 1) crebrior ipsorum *frictio*, panniculorum calidorum subsidio, ma-
tuti.

tutinis praecipue vespertinisque horis instituta; donec pedes cum rubore incalescant. 2) Tum *praemuniri solertissime adversus aeris frigidioris atque hiemis praesertim injurias pedes isti debent*. Quare longe optimum hic videtur, tibialibus interdiu ex pelle confectis, vel & quibuscunque aliis crassioribus uti; sed noctu lapidibus atque asseribus quernis probe calidis in lecto sub pedes collocatis, pro attenuando sanguine, diligenter eos fovere. 3) Dehinc *fasciae* idoneae haud alienae sunt, sic omnino circa pedes applicatae, ut a plantis pedum ad genua sensim procedant: sic enim mirifice pedes laxi corroborantur; caveturque, ne vel sanguis hic facile colligatur & stagnet, vel cutis ab inspissato sanguine distendatur. Denique 4) salutaris quoque hic medicamentorum externorum cum digerentium tum roborantium post interna & modo laudata adminicula usus deprehenditur. Sic enim haud incommodum esse solet, pedem tumentem ex incenso spiritu vini rectificato gnaviter fovere, panniculisque aut linamentis ad excipiendos & continendos vapores, involvere; donec scilicet sanguis haerens vel cum sudore abeat, vel ad circuitum naturalem redeat, & pedes laxi simul egregie roborentur. 5) Multi & praesertim inferioris sortis homines, quasi remedium aliquod domesticum sive euporiston adhibent *chelidonium majus* ruditer contusum & per linamenta circum pedes deligatum. Alii *persicariam acrem* vel solam vel chelidonio admixtam superinjiciunt, nec parum plerumque proficiunt: quia his egregia vis resolvens inest. Rursus alii vel *raphanum rusticum*, quem *armoraciam* vocant, rasum imponunt, vel *lepidium* ex vino decoctum quam saepissime calidum supra dant. Nobilissimum quoque hic ad promovendam resolutionem esse solet *cataplasma* illud, quod ex columbarum fimo sive stercore, sale atque aceto, inter se invicem commixtis paratur, calide saepius impositum. Neque minoris virtutis sunt *fomenta* illa *roborantia*, quae ex cineris querni lixivio, itemque ex aqua ista, qua fabri ferrarii ferrum candens extinguere solent, conficiuntur; atque ita post admixtas spiritus vini aliquot uncias, aluminisque portiunculam calida subinde imponuntur cum spleniis; vel pedes huic liquori calido bis in die imponantur. Idem ferme praestare solet *aqua calcis*; siquidem vel mera, vel cum spiritu vini alumineque mixta calida eadem, ut modo diximus, ratione usurpatur. Spectat denique huc mixtura sequens:

℞. ℥ vii.

acet. vin. á ℥j.

alum. crud. ℥ij.

vitriol. ℥j. Misc.

Quae prorsus eodem, ut reliqua, modo adhibetur. Ceterum haec in-
pri-

primis necessaria hic observatio esse videtur : ut nimirum post frictionem ac fomenta , fasciis denuo & tibialibus commodis aegri pedes instruantur ; ipsis autem aegris non provida solum victus ratio , atque a potionibus nimis abstinencia , sed & motus atque exercitatio frequens , & vel maxime medicamenta interna huic malo accommodata injungantur. Sine his etenim nihil omnia medicamenta externa proficiunt. Interdum quam maxime salutaris ad hujusmodi sanandos pedes aquarum medicatarum & cumprimis *acidularum usus* esse consuevit ; sed non semper tamen. Ita & HARRISIUS , celebris Medicus Anglicus , *dissertat. chirurg.* IX. refert , se non semel per crocum martis aperitivum corticemque peruvianum pessimas istiusmodi pedum noxas feliciter admodum sustulisse. Quod & alii solo hoc cortice se perfecisse perhibent : alii contra haec noxia observarunt & proclamant. Quare utique ex prudentis Medici alicujus consilio hic vivendum est , qui , utrum haec salutaria an noxia sint , probe perpendat.

C A P U T XIX.

De Fungis & Hydrope articulorum.

I.

AD Oedematum similitudinem quam proxime accedunt articulorum ^{*Fungus*} fungi : haud leves profecto morbi sive tumores , qui proinde ^{*quid sit.*} peculiarem sibi vindicant disquisitionem. Quod enim a Chirurgices multis auctoribus silentio ipsi transmissi vel obiter solum pertractati fuerunt , id equidem ideo potissimum factum videtur esse , quia propriam fungorum naturam atque originem , scilicet e sanguine an sero ; e materia quadam corrupta , pure , flatibus , an ex quavis demum alia causa proveniant , ipsimet ignorarunt. *Fungum* itaque articulorum dum nominamus , istum in membrorum articulis tumorem designamus , qui absque omni ferme calore ac dolore pallet , digitisque prementibus facile quidem , propter mollitiem , cedit ; sed ita tamen , ut ad instar fungi , remoto digito , confestim sese rursus expandat , nec foveas impressas retineat. Tametsi autem nullus fere brachiorum atque pedum articulus ab istoc vitio immunis prorsus sit ; *genua* tamen propter insignem forte glandularum abditaque inter ligamenta & tendines pinguedinis copiam , prae reliquis eidem opportuna esse consueverunt. Neque vero unae tantum istiusmodi fungorum species reperiuntur : quidam enim minutiores , quidam grandiores existunt ; quidam molliores , quidam duriores , prout vel tenuiores , vel glutinosiores sunt , qui

qui intus inspissati & stagnantes haerent humores. (a) In quibusdam humores noxii extra articulum haerent, qui tumores proprie hi fungi sunt; in aliis vero in ipso articulo collecti stagnant, ut serum in scroto, ubi hydrocele est, quales ipse vidi & curavi. Hic posterior morbus *hydrops articuli* haud inepte dici potest, & ex tumore totum articulum distendente fortassis a fungo distingui poterit, quippe qui magis unum alterumve latus articuli occupat. Itaque quibusnam indiciis dignosci articulorum fungi & hydropes queant, ex jam adductis haud obscure, si quid ego video, simul patescit.

II.

Causae.

Proximam fungorum causam quaerere sine dubio licet in inspissato circa juncturarum ligamenta sero viscido atque glutinoso. Quod ipsum simulatque post lapsum ictumque aliquem ligamentorum gravio-rem colligitur, nunc in partibus externis, nunc in ipso articulo tumorem protinus concitat, debilitatisque ligamentis naturalem partis mobilitatem destruit. Ubi autem nervi simul atque arteriae vel venae ab istiusmodi tumoribus graviter urgentur, fere semper consequens hinc est, ut subjecta pars nutrimento suo privetur, ampliatioque magis, quam naturaliter decet, articulo, sensim sine sensu imminuatur atque absumatur.

III.

Prognosis.

Diximus, in articulorum fungis ligamenta nimium quantum extendi atque laxari; naturalesque proin membri afflicti vires atque mobilitatem, pro mitiori graviorique laesionis vehementia, nunc levius, nunc gravius debilitari. Jam quia perditus isto casu ligamentorum vigor difficulter admodum instaurari potest, & tumores hi nec facile resolvi, nec ad suppurationem perducere possunt, quivis sane satis jam per se intelligit, arduum prorsus in fungorum curatione chirurgos negotium suscipere. Suppuratio etenim praeterquam quod difficilis admodum hic sit, haud parum quoque periculosa ut plurimum deprehenditur: siquidem caries facile aut fistulae insanabiles per illam excitantur, quae ferramentum in manum postulant. Si qui recentes adhuc parumque grandes ac duri articulorum fungi existunt, hi post imposita medicamenta digerentia ac roborantia curationem haud raro recipiunt: quanquam per emollientia magis ut plurimum irritantur. Ubi vero grandius atque inveteratum jam tum vitium est, medicamenta pleraque omnia vincuntur, neque expectari, nisi a scalpello salus potest. Tametsi ne istud quidem satis semper valens aut opportunum adversus noxam istam pessimam deprehenditur. Ita si hu-
mores

(a) Grandiorem fungum in *Chirurgia curiosa* delineatum exhibuit PERMANNUS pag. 622.

mores noxii in articulo haerent, ii quidem incisione facta, educuntur: plaga vero glutinata, tumor plerumque redit.

IV.

Sed quo facilius fungi isti recentiores ac mitiores digerantur, longe plerumque optimum videtur, male affectam partem aliquoties in dies singulos per adhibitos panniculos calidos strenue perfricare, protinusque dein spiritum vini tartarifatum optimum illinere, vel & ipso cum linteolis supra dato fovere: atque id ipsum tantisper continuare, dum nativa membri forma & virtus restitutae sentiantur. Nobilissimum quoque ad idem est PURMANNI fomentum: (a)

℞. Muriae halecum ℥ij.
acet. vin. fortiss. ℥j.
fol. salv. Mij.
vitriol. Roman. ℥iβ.
alum. crud. ℥vj. M.

Quae una per dimidiae horae spatium decocta eodem, ut mox diximus, modo injiciuntur. Simulatque jam digeri tumores incipiunt, pristinaeque partis vires paulatim instaurari, haud parum profecto ad perficiendam resolutionem ii conferunt, qui vel e spiritu vini tartarifato, vel ex oleo tartari foetido tumefactum articulum aliquoties per diem & quam diligentissime perfricant, deinceps autem ad propulsandas frigoris injurias, a quibus alias vehementer laeduntur, spleniis ac fasciis superimpositis strenue ipsum vinciunt. Denique haud possum, quin illud quoque praeter cetera fomentum hic proponam, cujus beneficio jam aliquoties ejusmodi fungos egomet feliciter olim me curare memini:

℞. Lithargyr. ℥β.
boli Armen. ℥j.
mastichis
myrrhae á ℥β.
aceti vini ℥j. M.

Et coque haec omnia per horae quadrantem, tinctisque in isto decocto spleniis vel linamentis crassis calida semper & matutino & vespertino tempore in lectulo applicantur. Interne simul idonea purgantia, attenuantia & sudorifera remedia diligenter quoque adhibenda.

Fungorum
veterum
curatio
1) per scal-
pulum.

Quodsi autem vel inveterati jam tum, vel ita graves articulorum fungi advertuntur, ut haecenus praescripta medicamenta resolventia nihil ad ipsos proficiant, necessarium utique, prout celebres Chirurgi, WURTZIUS (a) jam & PURMANNUS (b) notarunt, fermeque unicum auxilium superest, *tumefactum istiusmodi articulum parte infima atque commodissima*, sed circumspecte tamen, ne scilicet ex ligamentis ac tendinibus quidpiam laedatur, *scalpello quodam idoneo incidere*. Sic enim ferrum illud stagnans, si unico in cavo collectum, protinus ~~co-~~rumpit, vel si in diversis praeterlapso aliquot dierum spatium sensim sensimque effluit. Cui quidem scopo egregie serviunt turundulae, digestivo quodam madentes, paucoque alumine conspersae vulnere immissae. Sed ante tamen, quam ferrum corpori admovetur, id sibi datum Chirurgus existimet, ut ipsum tumorem digitis gnaviter deprimat, injectaque superius fascia, ne cedere facile possit, contineat. Namque isto modo non commodissima solum ad incidendum pars in conspectum prodit, sed ipsum quoque serum, facto foramine promptius effluit; imo vero adinstar sanguinis in venae sectionibus aut lymphae in hydroceles vel hydropis ascitis incisione prorumpit. Quo facto, si tumor adhuc aliquis superest, emplastrum diachylum vel oxycroceum, vel WURTZII rubrum, quod valde hic commendat, vel aqua calcis, vel spiritus vini, superimponi debet, atque ita penitus, quicquid forte inspissati in tumore adhuc reliquum est, resolvi. Sic si pristinae formae suae restitutum est membrum, vulnus balsamis vulnerariis glutinatur, oleis atque rebus pinguibus aliis, quia ligamentis ac tendinibus nimium quantum inimica sunt, solertissime semper evitatis. Quodsi autem haerens in fungo *serum tenacius aut glutinosius* invenitur, quam ut satis effluere per se possit, adhibere circa deligationes singulas injectiones quasdam attenuantes convenit. Faciunt huc prae reliquis decoctum agrimoniae, aristolochiae aut alchymillae cum rosarum aut chelidonii melle permixtum: quibus injectis mirifice resolvi tumores istiusmodi adsolent.

VI.

2) per me-
dicamen-
ta ro lentia.

Quamquam autem promptius & aperiri & glutinari ejusmodi fungi solent, quibus admotum ferrum fuit; haud tamen in Chirurgis desunt, qui satius existimant esse, *medicamenta quaedam rodentia* super fungum injicere, resolutaque dein, quae nata hinc fuit, crusta, collectos intus humores ejicere; reliqua vero eadem facere, quae haecenus praescripsimus. Quae dum fiunt, longe optimum, mea quidem sententia, ad instaurandas ligamentorum atque tendinum, in genibus praesertim, vires videtur, unguento quodam nervino, vel & spiritu quo-

(a) Chirurg. pag. 268.

(b) Chirurg. P. III. pag. 46. it. Chirurg. curios. pag. 622.

quodam aromatico aegrum membri articulum quotidie inungere, donec pristinas vires recuperavit.

VII.

Contingere hic non raro solet, ut post ejectum, quod intus haeserat, serum inspissatum, inductamque cicatricem, denuo circa juncturam istam vitiosi corruptique humoris quidpiam, ut ipse vidi, sicut in hydrocele, colligatur. Quod ipsum ne qua forte fiat, haec utique necessaria videtur observatio: ut scilicet non interna solum medicamenta digerentia, purgantia & sudorifera solerter adhibeamus, sed ipsum quoque vulnus per immixtas turundulas paulo diutius apertum conservemus, & per injectam aquam vulnerariam expurgantem, decoctum videlicet aristolochiae, agrimoniae, alchymillae &c. rosarum aut chelidonii melle permixtum, identidem per dies singulos expurgemus. Namque ista purgandi aut curandi vulneris ratio, teste PURMANNO, in nonnullis quandoque ita vehemens atque expedita est, ut fere post sexies factam injectionem sinus vulneris egregie non expurgatus solum, sed nova quoque carne adimpletus reperiatur. Interim haud prorsus quoque alienum hic fuerit, aquam calcis vivae in plagam injicere; extrinsecus autem emplastrum aliquod digerens vel liquorem similem superimponere, genubus ipsis interim, ne colligi facile serum valeat, quam accuratissime semper deligatis. Sic etenim quam felicissime occurrere fungis revertentibus posse, longe omnium in curandis his fungis exercitatus ille Chirurgus, FELIX WURTZIUS, testatur.

VIII.

Denique illud paucis admonendum hic restat: nempe non omnes articulorum fungos sic comparatos esse, ut aperiri satis tuto queant. Quoties enim vitium illud aut nimis jam inveteratum atque durum, aut nimis magnum invenitur; aut jam tum imbecilliores ipsi homines vexati sunt, abstinendum utique ab omni ferramento erit. Fere semper enim noxia magis quam salutaris in ejusmodi casibus haec curatio esse consuevit: dum novis postea subinde malis, carie nimirum, fistulis & gangraena divexantur, atque adeo absumuntur, qui consistente aut conquiescente vitio ad ultimam senectutem pervenire poterant. Ceterum de reliquis tumorum lymphaticorum seu phlegmaticorum speciebus, quae ferrum in manus postulant, quales hydrops, hydrocele, hydrocephalus & ranula sunt, prolixius suo loco in operationibus chirurgicis erit disserendum.

PARTIS PRIMAE
LIBER QUINTUS
DE
ULCERIBUS.

CAPUT I.

De Ulceribus.

I.

Ulcus quid sit.

Quid ulcus sit, cuilibet adeo notum esse videtur, ut vix prolixiori descriptione indigeat. Definitiones enim, quae hic, ut in multis aliis rebus, in medium afferri solent, plerumque ipso nomine obscuriores & difficiliores sunt. Notio tamen maxime clara & perspicua de eodem traditur, quando docetur, quod sit *mollium corporis nostri partium ipsiusque cutis solutio*, a causa interna, inflammatione nimirum, abscessu, vel humoribus subsistentibus acribusque producta. Attamen si vulnera fiunt antiqua, vel etiam si contusiones sanationem facilem, id est, breviori tempore recusant, ad ulcera tandem quoque referri atque ita appellari sueverunt.

II.

Ulcus sedes quae sit.

Itaque propria & communis ulcerum sedes in mollioribus corporis nostri partibus quibuscunque, cute videlicet, pinguedine, glandulis, carne, ipsisque denique visceribus internis requirenda est. Si quid enim in partibus durioribus, hoc est, ossibus exulceratur sive adroditur, id ipsum *ad cariem* potius atque ad morbum, quem vulgo *spinam ventosam* hodie vocare solent, quam ad ulcera referri oportet. Quanquam, propter ipsam istiusmodi vitiorum qualemcumque cum ulceribus sive erosionibus partium mollium similitudinem, de utrisque tractatio conjungi haud inepte possit, atque etiam a nobis hac in parte conjungatur.

III.

III.

Abscessus autem, *contusiones* ac *vulnera* quomodo ab ulceribus differant, *Discrimina ab aliis noxis.* penitior singulorum consideratio haud obscure declarabit. *Vulnera* enim & *contusiones* tametsi perinde, ut *ulcera*, in partium mollium dissolutione consistunt, tamen ab his quam maxime in eo differunt, quod ab externa semper causa & uno velut momento concitentur: quum e contrario *ulcera* ab internis potissimum causis, (No. I.) ac paulatim quidem suboriantur. *Abscessus* autem quasi prima ulcerum principia, sive nondum matura *ulcera* sunt: quando nimirum inflammationes in suppurationem abeunt, cute adhuc integra. Simulatque enim, ad aperta cute, pus maturatum effluit, ex abscessibus *ulcera* fieri putantur, sive ea sponte a pure erodatur, sive scalpello chirurgico aperiatur.

IV.

Neque vero unae tantum constitui ulcerum species possunt. Sic e- *Ulcerum diversa genera.* nim ipsa differunt 1) pro partium corporis vexatarum discrimine: siquidem nunc cutem, nunc pinguedinem, nunc denique glandulas & carnes infestant: 2) pro diversa magnitudine sua: quaedam enim majora sive ampliora sunt, quaedam minora; quaedam alte, quaedam minus alte penetrant. Atque ea quidem, quae altiora sunt, sed angustiora tamen, & speciatim angusto ore sive principio praedita, sinus aut fistulae dici proprio nomine consueverunt: 3) pro diversa duratione; hinc enim vel recentia sunt, vel inveterata: 4) pro symptomatum sive malorum accidentium gravitate; siquidem alia mitiora sunt ac leviora seu benigna; alia vero maligna, id est, vel cum doloribus acutissimis conjuncta, vel foetida, putrida, pinguis, rheumatica seu multum ichorem fundentia, serpentina, cancrosa sive ad cancerum vergentia, callosa, fistulosa aut verminosa: 5) pro causarum discrimine. Hinc enim fit, ut in *ulcera scorbutica, venerea, cariosa, cancrosa, pestilentia* atque a fascino provenientia dispescantur. Denique *ulcera* etiam differunt 6) pro diverso corporis, quem infestant, loco. Igitur quaedam *ulcera* narium sunt, alia faucium, palati, pectoris atque ani; rursus alia fistularum lacrymalium nomine insigniuntur.

V.

Quod recentiorum Medicorum varii praecipuam ulcerum causam in *Causae.* acido quodam peregrino, corporisque partes adinstar aquae fortis rodente quaerunt, id festinanter nimis factum videtur: siquidem nullus propemodum humor acris est, sive is jam ad falsi, lixivii, alcalici vel acidi naturam accedat, quin corpus erodere atque ulcus aliquod concitare possit. Et vero quia sanguis subsistens sive stagnans plerumque in alcalicam aliquam acrimoniam, neutiquam vero, ut quidam opinantur, in acidam convertitur; quin & ipse odor foetidus ulcerum alcali potius quam acidi quicquam referre deprehenditur;

facile, meo quidem iudicio, liquet, alcalicis saepius, quam acidis humoribus ulcera accepta esse referenda. Constat enim, *alkali* a Medicorum filiis dici quamcunque acrimoniam aut falsedinem, quae rebus quibuscunque acidis, perinde ut sal tartari aceto, oleumque tartari per deliquium spiritui vitrioli, adversa atque inimica est. Quemadmodum autem venenorum, sic rerum acrium, adeoque & ulcerum varia admodum genera esse adsolent. Quo enim pestilentior acrimonia est, per quam corpus eroditur, hoc quoque gravia magis, ac foetida; hoc magis item procedentia & periculosa; quin imo prorsus etiam, ut in carcinomatibus usu venire solet, insanabilia ipsa ulcera esse reperiuntur. Interim non ab acrimonia tantum, sed a quibuscunque rebus aliis etiam, quae sanguinem subsistere faciant & corrumpunt, nasci ulcera possunt. Sic enim quam saepissime tumores, inflammationes, vulnera, contusiones, ossium fracturae, luxationes, scirrhus, cancer & caries, in ulcera degenerant. Quae quidem ipsa quantumvis initio lenia & benigna sunt, pessima tamen, vel propter malum corporis habitum, vel propter pravam victus rationem, vel denique propter inconvenientem medendi ac deligandi modum causasque id genus alias, haud raro evadunt.

VI.

Veterum & malignorum ulcerum diagnofis.

Tamet si autem *visus beneficio cognosci pleraque ulcera* possunt, tamen ut exactius pateat, *quam alte sinus penetret*; quorsum is procedat; denique num cariem adjunctam simul habeat, utique *specillis* opus videtur. *Vetus an recens* ulcus aliquod sit, optime ipsius hominis sermo indicabit. Neque vero minus hinc cognosci poterunt *causae, cur inveteratum malum sit*; sive jam in carie quadam subjecta, sive in perversa victus aut curationis ratione eadem fuerint positae. *Benignius* adhuc sive mitius esse ulcus aliquod, inde potissimum cognoscitur, si nondum vetus illud est, nullisque gravioribus malis comitatum; si modice crassum pus advertitur; si subalbidum, lene minusque foetidum est; denique si & junior & robustior aegrotus est. Contra vero *maligna* curatuque difficilia non sine ratione judicantur esse ulcera, si homo afflictus infirmioris, scorbutici vel hydropici etiam habitus est; si nimis tenue, acre, foetidum, flavum, albicans atque subrubrum, subviride aut subnigrum; vel & nimis crassum lardoque haud absimile pus deprehenditur. Aequè vero periculosum vitium subest, ubi vel intensioribus aegroti doloribus urgentur, vel sic etiam comparata esse ulcera reperiuntur, ut vulneris atque abscessus recentis per digestiva balsamaque vulneraria curationem haudquaquam recipiat.

VII.

Ulcera impura, purorum,

Ulcera impura ac putrida vocantur, in quibus caro corrupta, mollis, albida vel & livida conspicitur; item ubi materia crassior & glutinosior,

sior, viridis item vel variegata colligitur. *Ulcerata fluentia* sive *rheumatica fluentium*, inde potissimum arguuntur, si sanies copiosa & tenuis effluit. *Rodentium*, *dentia* vel *procedentia* ulcera inde patefcunt, si materia partes undique *fistulosorum* & *callosum* circumpositas, nunc tardius, nunc celerius, prout acrimoniae gradus *cognitio* est, erodit. *Ulcerata fistulosa* dicere ista fœvimus, quae altius paullo vel sub cute vel inter musculos penetrant, praesertim ubi sinus amplior, exitus angustior fuerit. *Callosa* denique ista iudicamus *ulcerata*, quorum interiores parietes materia quadam duriori & quasi cartilaginea sunt obducti.

VIII.

Sic porro etiam *ulcerata venerea* subesse arguuntur, ubi eadem post *Ulcerata venerea*, celebratum cum impuriori femina concubitum, morbosque venereos, *can-* gonorrhoeam puta, bubones venereos, ipsam denique luem veneream *crofa*, *cario-* insequuntur. Quorum equidem varia plerumque sedes est: quanquam *sa* & *fasci-* frequentius iis in locis nascuntur, in quibus bubones venerei prodie- *no orta quo-* runt, in naribus scilicet atque faucibus, nec non in membro virili: *modo cognos-* quare colis ulcera sive carcinomata (*Gallis chancres*) appellantur. In *scantur* sequiori sexu venereis ejusmodi ulceribus fere semper obnoxia sunt ipsa pudendorum labia, vel uteri etiam collum. *Ulcerata cancrofa* vel eadem prorsus sunt cum carcinomatibus exulceratis, quorum notas supra dedimus: (*Lib. IV. Cap. XVII. No. 5. 6.*) vel & ubi progressum atque dolores spectaveris, quam proxime ad naturam carcinomatum accedunt. *Ulcerata cariosa* dicuntur, si juxta positum os aliquod erosum perioestio privatum, sive infestatum a carie invenitur. Sed de ista quidem prolixius infra exponemus. A *fascinis* denique an subnata *ulcerata* sint, exinde argui vulgo solet, si aciculae, crines, filamenta, panniculi, clavi, testae ovorum, carbones, vel & quaecunque id genus res praeternaturales aliae in abscessibus aut ulceribus reperiuntur. Tametsi, ut, quid ego sentiam, aperte fatear, non pleraque tantum signa, quae ab imperita plebe pro fascino cognoscendo afferri in his casibus solent, sed ipsa quoque fascina dubia plerumque vel prorsus etiam conficta atque superstitionis plenissima videantur: multa enim olim ulcera pro fascinatis habita sunt, quae re vera talia non fuerunt.

IX.

Ulcerata quaeque recentia & *benigna*, perinde ut abscessus recentiores, *Pregnos* haud difficulter ut plurimum curantur: maxime si juniores viribusque *ulcerum ma-* instructi homines sunt. Quo autem *magis inveterata*, quoque gravio- *lignorum* ribus malis comitata ulcera sunt, eo difficilius curantur: adeoque val- *atque invete-* de *putrida*, *rheumatica* sive *largiter fluentia*, *fistulosa*, *callosa*, *cariosa* & *cancrofa* *ulcerata* difficulter admodum atque non nisi per egregia Medicorum excellentium artificia sanari consueverunt. Sibinet ipsi enim at-

atque aliis egregie, meo quidem iudicio, testeque experientia, iatroalipiae isti vel histriones imponunt, qui de emplastris quibusdam unguentisque arcanis, ad quodlibet ulcerum genus longe valentissimis mirum quantum insolenter gloriantur. *Quo peioris atque infirmioris habitus aegroti sunt*, quo aetate grandiores, quo acrior sanguis est, quo peior ulceris odor, quo peior denique puris & color & acrimonia est, hoc magis quoque difficulter sananda censeretur ipsa ulcera oportet. Si qua valde ampla vel plura etiam ulcera adsunt, quae copiosissimam materiam vel saniem quotidie emittunt, tum mirifice homines debilitari paulatimque confici adsolent. *Antiqua pedum ulcera*, praesertim in hominibus aetate provectioribus atque infirmioribus glutinare haud quamquam convenit. Fere semper enim, ut experientia docet, melius atque mitius cum istiusmodi hominibus agitur, quoad corrupta, atque ex universo corpore collecta materia ex ulceribus effluit. Quae simulatque post ulcerum glutinationem reprimatur, pessimi ut plurimum morbi, capitis nempe dolores, vertigines, apoplexia, epilepsia, difficultas spirandi aut suffocatio, diarrhoea item ac dysenteria atque inflammationes internae, malaque id genus gravia alia cum ipsa tandem morte, ceu observatum quam saepissime a quamplurimis Medicis practicis fuit, paulatim superveniunt. (a) Similiter ubi *ulcera istiusmodi antiqua in senibus* exarescunt, labraque cum calore livent, proximum utique sphaceli atque adeo ipsius mortis saepissime periculum est. In *juvenibus & robustis vero tutior ulcerum inveteratorum curatio esse sivevit*: sed necessaria tamen semper in *eiusmodi casibus ista observatio videtur*, ut non ipsa tantum ulceris causa medicamentis aptis tollatur, sed sanguis quoque in pristinam integritatem suam vindicetur: id quod vero haud raro difficillime fieri solet. Igitur si nimis inveteratum malum est, hominesque & medicamentorum & abstinentiae impatientes paulatim fiunt; mirum haud est, si vel in robustioribus etiam saepe sanari ulcera nequeant.

X.

Prognosis
ulcerum ve-
nereorum,
fistulorum,
calloforum,
carioforum,
& cancro-
forum.

Ulcerata venerea curationem vix ac ne vix quidem recipiunt, nisi venenum venereum per medicamenta idonea e corpore prius expellitur. Siquidem sine his nihil omnia externa hic proficiunt. *Ulcerata fistulosa, callosa & cariosa*, rarius imo vero nunquam sine ferro sanantur. Fere semper enim post inductam etiam cicatricem recrudescunt vehementiusque hominem affligunt. Atque caries praesertim si magna est, maxime in articulis membrorum, tam multum puris fundit, unde saepius vires tam insigniter debilitantur, ut, nisi membrum in tempore rescindatur, homines inde conficiantur. Uberius id ipsum perspicere ex il-

(a) Evolvere hunc in finem potest nobilissimus Medicus CRATO, in epistolis suis medicis, ubi egregia hac de re differit.

illis poterit, quae de *carie* & *spina ventosa* inferius disputabimus. Pari ferme ratione res sese habet in *ulceribus cancrosis*: in his enim, nisi pars affecta praeciditur, certissima salutis subesse solet desperatio; quemadmodum in *carcinomate* supra jam tum declaravimus. Quin praecisis etiam membris tamen carcinomata nonnunquam revertunt penitusque hominem paulatim absumunt. Tandem si qua in visceribus ulcera nascuntur; tum, quia nec manus nec medicamenta satis commode admove-ri possunt, saepissime pro insanabili vitium jure merito habendum videtur.

XI.

Ad ipsam autem ulcerum curationem quod attinet, haec utique pro ipsius vitii diversitate mirum quantum varia esse consuevit. Namque ubi recens adhuc ipsum ulcus deprehenditur, curari illud quasi abscessus aut vulnus aliquod recens oportet. Igitur ante omnia idem *expurgandum*, dehinc *nova carne implendum*, tandemque *cicatrice*, quantum fieri potest, *aequali ac nitida* claudendum sive glutinandum est.

XII.

Atque *expurgatio* quidem sic fere instituitur. Nempe primo loco materia vitiosa emittenda, vel, nisi satis per se effluit, digitis leniter exprimenda, vel, ubi sinus profundus, per injectionem aliquam, aut si satis patet, linamentis paulatim extergenda. Quicquid autem forte ex membranulis partibusque pinguibus corruptis aliis in ulcere reliquum est, id quam aptissime ut plurimum ejicitur, sicubi in sequentibus deligationibus linamenta carpta unguentoque digestivo madentia quotidie immittuntur, ac deinde emplastro diachylo, diapalmae aut hujusmodi alio, spleniis item & fasciis superimpositis. Haec tantisper fieri sedulo debent, dum penitus expurgatum vulnus sit, hoc est, dum fundus ulceris undique rubicundus novaque carne adimpletus reperiatur.

XIII.

Quibus rite confectis proximum est, ut *nova carne ulcus impleatur*; id quod iis fit medicamentis, quae *sarcotica*, id est, carnem confici-entia vulgo vocantur: inter quae longe optimum valentissimumque hic deprehenditur unguentum digestivum. Nisi enim alia incidunt impedimenta, nihil fere aliud quidquam ad novam carnem producendam, praeter digestivum illud, necessarium videtur. Quod autem Medicorum plerique fere omnes usque adeo graviter hic propria quaedam medicamenta balsamica, novae carni procreandae accommodata, inculcant, id equidem intempestivam aliquam ipsorum arguit sollicitudinem atque industriam. Praeterquam enim quod ipsi nostro unguento digestivo balsamica vis insit; sane nova ista caro non tam a medicamentis, quam potius ipso naturae beneficio progignitur. Chirurgo-

rum enim studia omnia nihil ferme hic aliud efficiunt, nisi ut impedimenta sive noxia quaevis ipsique sanationi contraria propulsentur. Si quibus interim ad hunc scopum haud satis vehemens unguentum digestivum videtur; his ego auctor sum, ut ejusdem loco balsamum Arcaeï, balsamum Peruvianum, balsamum de Meccha, balsamum sulphuris, essentiam myrrhae & aloes, oleum myrrhae per deliquium, oleum ovorum, hujusdemque generis balsama vulneraria alia adhibeant, donec ad vulnus glutinandum nihil omnino reliquum sit.

XIV.

*In ulceribus
altis quid
faciendum.*

Sicubi vero paulo altius ulcēra penetrant, usque adeo, ut neque oculorum acies neque medicamenta fundum ipsorum contingere queant, tum necessarium utique videtur, in deligationibus singulis, post expressam, quae intus collecta est, materiam vitiosam, liquorem aliquem mundantem atque sanantem, decoctum videlicet agrimoniae vel aristolochiae, cum melle rosarum vel & myrrhae atque aloës essentia mixtum; vel quod BELLOSTIUS laudat, (a) decoctum etiam ex nucum foliis cum admixto saccharo prius semper injicere, quam ipsa deligatio superius descripta suscipiatur, donec fundus glutinatus sit: postea, ut antea dictum est, ad ulceris usque repletionem continuatur.

XV.

*3) Cicatrix
quomodo
inducenda.*

Ulcere jam impleto, reliquum est, ut apta quaedam cicatrix eidem inducatur: id quod optime fit, si modo linamenta carpta eademque sicca super ulcus imponuntur quotidie cum emplastro, donec cicatrix facta sit. Sed ubi nihilominus caro supercrescit, ac ulcus madet, adspargendi simul sunt pulveres exsiccantes, ex mastiche, thure, sarcocolla, colophonia, lapide calaminari ac tutia confecti, superinjectis linamentis aridis atque emplastro quodam ad impositas res continendas accommodato, donec ex toto sanescat. Si qua vero super cutem reliquam caro luxurians jamtum increvit, longe optimum ad illam exedendam est, aut vitriolum coeruleum illinere, aut, si hoc non satis vehemens fuerit, pulverem ex praecipitato rubro atque alumine usto paratum eidem inspergere; dum nihil amplius promineat. Reliqua postea fieri debent, ut dictum est antea.

XVI.

*Prudens
victus ratio
inprimis hic
necessaria
est.*

Denique dici vix potest, quantum ad implenda & glutinanda ulcera proficere solet *prudens vitae victusque ratio*. Observatum enim pridem jam ab artis salutaris professoribus est, ejus beneficio pessima quandoque ulcera sine aliis fere remediis saepe sanata fuisse; con-

(a) lib. qui *le Chirurgien d'Hopital* inscribitur.

contra vero sine ipsa, vel levissima etiam ulcera in pessima, imo in vitium aliquod prorsus insanabile haud raro degenerasse. Igitur cavendum solertissime semper est, ne, dum ab ulceribus aliquis infestatur, cibos acriores, falsos, acidos, nimis pingues, aut calefacientes, suillos digestuque difficiliore, idem assumat: prouti supra jamtum in *vulneribus* praeceptum fuit. (*Lib. I. Cap. I. No. 45. seq.*) Quodsi autem malus forte corporis habitus obstare videtur, quo minus sanescere ulcus aliquod possit, in consilium utique adhiberi Medicus aliquis prudens debet, qui per adhibita medicamenta interna opportune provideat, ne qua forte ulcera mitiora in pejora vel penitus quoque insaniabilia transeant; sed ut potius curatio horum beneficio, quantum fieri possit, promoveatur.

C A P U T II.

De fistularum curatione.

I.

Quoties fistulae quaedam, sed nondum tamen callosae, ulceribus adjunctae, vel visus, vel specillorum beneficio deteguntur, *In curandis fistulis opus est 1) expurgatione.* promptissimum auxilium est eas, si tuto fieri potest, ad fundum usque incidere, postea mundare & glutinare. Quia vero aegri hoc aegre admittunt, expurgari istas ante omnia per injectum liquorem aliquem convenientem, vel per linamenta carpta unguento digestivo madida convenit: quemadmodum superiori capite praescripsimus. Quanquam autem Chirurgorum multi pro demittendis in inferiorem sedem medicamentis, *turundas* fistulis intorquent; tamen quando illarum & durities & nimia forte longitudo vel callum, vel inflammationem, vel denique nimium humorum in fistulis impetum excitant, vel curationem saltem justo diutius impediunt; consultum utique magis videtur, aut prorsus ab iisdem abstinere, aut certe providere, ne istae nimis vel durae sint vel longae. BELLOSTIUS certe & jam antea MAGATUS, viri in arte salutari longe celeberrimi, propter egregium illum turundarum abusum, penitus ipsas quasi supervacuas & noxias rejicere nulli dubitarunt. Quorum ego mores atque sententiam tantum abest, ut reprehendam, ut potius amplecti sustineam. Neque enim tutum satis turundarum usum existimo esse, nisi forte in illis casibus, ubi cautio habenda est, ne justo citius fistularum nimis angustarum ora glutinentur. Sed quoties tamen hic adhibentur, brevissimae semper mollissimaeque ipsae sint necesse est: prouti quidem supra jamtum in *vulneribus* positum meminimus.

II.

2) compres-
sione.

Alterum in curandis *fistulis* est, ut *ipsarum fundus contra earum aper-
turam probe comprimatur*. Igitur splenium aliquod angustum, vel em-
plastrum quoque ad instar splenii cujusdam angustioris complicatum,
post factam ulceris purgationem & immissa in fistulas medicamenta,
qua parte ipsarum fundus delitescit, injiciendum, superimpositis, ut
in ulceribus reliquis fieri debet, linamentis carptis, emplastris, spleniis
atque fasciis. Atque ad fascias equidem quod attinet, optimum est,
vel primam earundem partem juxta fistulae fundum applicare, vel ar-
ctius saltem isto loco istas constringere: quo scilicet corrupta, quae
intus haerescit, materia versus ipsum fistularum os semper propella-
tur; adeoque ima sedes citius semper, quam sinus reliquus, glutine-
tur. Quod ipsum promptius fieri tunc plerumque solet, quoties in bra-
chio vel pedibus fistulae sunt; praesertim si fundus ipsarum ad superio-
rem, os autem ad inferiorem membri partem spectare deprehen-
ditur.

III.

*Fistulae alti-
ores quomodo tractan-
dae sint.*

Ubi altius fistulae penetrant, quam ut intimus ipsarum sinus expur-
gari commode queat, *injicienda utique, pro eluendis sordibus sunt medica-
menta purgantia*: qualia scilicet superiori capite praescripsimus. Quan-
quam illis adjungi haud incommode quoque potest hoc:

℞. Ungu. digest. ex terebinth. & vitell. ovi parat. ℥i℥.

Mell. vulgar. vel rosar. vel chelidon. ℥j.

℞ vin. vulgar. ℥ix. M.

Vel ℞. Decoct. scord. vel abrotan. vel agrimon. ℥viii.

℞ vin. simpl. ℥iiij.

Elixir. propr. vel

Essent. myrrh. & aloës ℥j.

Mell. rosar. ℥ij. M.

Quae in quavis deligatione aliquoties calide injicienda, compressoque
fistulae & fundo & ore aliquantisper intus continenda sunt, ut melius
noxia expurgent, donec sensim fundus glutinari occipiat. Denique iis-
dem pergendum, quae exposita jam sunt in ulceribus. (Cap. I. No. 13.
seqq.)

IV.

*Raro curari
nisi scalpel-
lo admoto
possunt.*

Quodsi autem haecenus proposita curandi ratio non satis vehemens
atque accommodata ad fistulas glutinandas, & quod primum erat,
expurgandas animadvertitur; sane, *majus in ferro quam in medicamen-
tis praesidium esse consuevit*. Idque vel maxime tum, ubi vel deorsum
fistulae tendunt, vel tortuosae nimis sunt, aut fundus satis comprimi
nequit, ab ore ad fundum usque incidendae.

V.

V.

Igitur vel specillum aliquod fulcatum leniter demitti in fistulae sinum ^{Incisio qua} debet, immissoque in sulcum istum scalpello, supra incidi cutis & ca- ^{ratione fieri} ro, quantum quidem satis esse atque tutum videtur. Deopertis enim ^{debeat.} fistularum sinibus ultimis, non ejici tantum promptius materiae corruptae possunt, sed commodius etiam medicamenta applicari, vel etiam scalpello, mucrone obtuso praedito, (a) sine specillo incisio fieri potest. Nonnunquam *forfex incurva robustior* (Tab. I. fig. D.) in intimam fistulae sedem demittitur, eaque caro inciditur. Sed ista tamen incidendi ratio nisi tenuior cutis vel caro fuerit, non semper aequae comoda, sed aegro interdum magis molesta videtur.

VI.

Sicubi post incisam fistulam copiosior forte sanguis effluit, qualiter ^{Quid post} equidem fieri haud raro consuevit; tum in prima deligatione linamen- ^{incisam fi-} tis carptis siccis implendum ac probe deligandum vulnus est; dehinc ^{stulam fieri} unguentum digestivum cum aegyptiaco vel praecipitato mercurio ru- ^{debeat.} bro injiciendum, donec ulcus probe purgatum sit; reliqua vero eadem prorsus facienda, quae in ulceribus recentibus posita superius sunt. Callus denique, caries atque id genus alia mala fistulis adjuncta quam curandi rationem exigant, seorsim inferius exponere constitui- mus. De fistulis generatim, & speciatim de fistulis costarum, ventris & ani legi meretur CELSUS Lib. VII. cap. IV.

C A P U T III.

De ulcerum malignorum curatione.

I.

H Aëtenus de ulceribus aliquanto mitioribus horundemque curatio- ^{Ulcerum ca-} ne differuimus. Sequitur, ut de iis quoque ulceribus, pro insti- ^{coëthicorum} tuti ratione tractemus, quae pejoris sunt indolis & secundum superius ^{variae} traditam curandi viam vix ac ne vix quidem curari possunt, ideoque ^{causae sunt.} ulcera *dysepulotica*, *chironia*, *cacoëthica*, *rebellia* vel *contumacia* in scholis Medicorum dici consueverunt. Proprias semper ulcerum istiusmodi causas existere, quare adeo mali moris sint, nemo sanus facile negaverit: quales autem in quocunque casu eadem sint, quae curationem adeo difficilem reddunt, id Chirurgorum plerique juxta cum ignarissimis sciunt. Et vero *nasci ut plurimum ulcera istiusmodi pertinacia* solent,

Zz 3

fi

(a) vid. Tab. V. fig. 4. & 5.

si mali, scorbutici, cachectici atque hydropici habitus homines sunt; nec non si lues venerea, si caries aut callus, si magna sanguinis acrimonia vel & carcinoma quoddam delitescant. Quae mala singula & investigare & extirpare diligentissime debent ii, qui de feliciore ulcerum pessimorum tractatione cogitant. Id ipsum autem praestare tam solet esse in plerisque casibus arduum, ut vel expertissimus etiam Medicus aut Chirurgus haerere saepius hic debeat: nedum empyrici. Quantumvis etiam hi nobilia atque arcana adversus pessima quaeque ulcera in promptu sibi esse, impudenter saepe jactitent remedia, emplastra vel unguenta.

II.

1) Quando
malus cor-
poris habitus
est.

Quoties nihil aut fistularum, aut calli, aut cariei, aut carnis putridae, aut vermiculorum in ulceribus delitescit, ulceris sane pravitas sive contumacia inde plerumque oritur, si malus atque infirmus est, vel propter nimis glutinosum, acidum, acrem, biliosumve sanguinem, vel propter malum aliquod venereum, vel propter imprudentem victus rationem, vel denique in feminis propter mensium, in viris autem propter hæmorrhoidum obstructionem, corporis habitus. Igitur ut contumacioribus ejusmodi ulceribus succurratur, non medicamentis solum internis a prudenti Medico praescriptis, sed & vel maxime sollicita victus ratione opus est. Haec enim usque adeo proficere hic consuevit, ut vel pessima etiam ulcera, sine omni fere medicamentorum internorum usu, per eandem saepius fuerint sanata: (a) dummodo solerter quotidie expurgata eadem sint, vel &, post illitum iis vulgare aliquod unguentum, oleum aut balsamum vulnerarium, emplastro quodam communi, saturnino scilicet, seu diapompholygos, aliove simili diligenter contexta. Quam quidem ob rem in assumendis cibis ac potionibus id solertissime providendum semper est, ut non nisi leviora pastus genera & semper quidem quam parcissime ingerantur. Quicquid enim nimis falsum, acre, acidum, durum atque crudum est; quicquid ex pinguedine, lardo, carnibus suillis, farinosisque massis confectum est; quicquid denique intemperanter assumptum est; id nunquam fere non pestilentissimum deprehenditur. Ita calidiores aegri victum calefacientem, frigidiores refrigerantem, vitare debent. Sed valentior tamen bona diaeta sive abstinencia esse consuevit, ubi externa simul curatio ad eandem accedit. Quocirca diligentissime semper expurgari a materia corrupta ulcus convenit, ne ea diuturniori mora acrior reddatur, & vitium procedat. Dehinc unguentum digestivum, cui etiam myrrha, mastiche aut colophonina potest esse permixta, vel & decoctum ex juglandis foliis cum injecto pauco saccharo; vel

(a) Praeter multos alios videri hac de re potest DOLAEUS in sua *Encyclopaed. Chirurg.*

vel denique decoctum viridis aeris ex vino supra deligandum. In nonnullis spiritus vini simplex, vel aqua calcis cum linamentis immissa egregie istiusmodi ulcera siccant & sanat. Si quae forte adsunt *fistulae*, hae incidendae, postea, ut cap. praecedenti dictum est, mundandae, & balsamo peruviano, copaivae, sulphurisque tercinthinato, vel & quibuscunque aliis medicamentis glutinantibus consolidandae. Tandem si interna medicamenta non negliguntur, dubium non est, quin pessimis etiam ulceribus saepe succurri feliciter queat.

III.

Si qua autem porro ulcera contumacia copiosissimos humores emittunt, in-²⁾ dicio id ipsum est, iusto largiorem tenuioris atque acrioris feri co-<sup>Quando ulcera rheu-
matica sunt.</sup> piam, quae copiosiori potui saepe debetur, sanguini esse admixtam, atque *rheumatica* appellari solent. Quae quum commodius educi, quam per sedes crebriores nequeat; sane, ubi vires sunt, purgantia urinamque moventia diligentissime ingerenda medicamenta sunt, assumpto simul potu parciori. Egregie ad id proficiunt millepedes praeparati, nec non essentia succini, myrrhae, balsami peruviani, tinctura tartari, tinctura antimonii tartarifata; & si quae aliae sunt tincturae vel essentiae balsamicae atque ad urinam movendam accommodatae. Potiones largiores, quae saepe causa sunt horum malorum, prorsus hic alienae sunt; contra vero pro potu ordinario cerevisia generosa vinumque vetustum modice sumta perquam salutaria: idque magis etiam, si vini Hungarici vel Hispanici pauxillum subinde inter prandendum assumitur. Extra prandium vero a potu omnino abstinendum esse suadeo. Similiter in cibis commodissimi illi sunt, qui vel ex aridis vel assis, vel sanguinem etiam cogentibus materiis, quo hordei atque oryzae mucilagines, pulticulae avenaceae, vitulorum pedes & gelatinae spectant, conficiuntur. Denique *externa etiam medicamenta siccantia* inprimis hic necessaria videntur. Faciunt huc praeter cetera, aqua calcis, lapis calaminaris, tutia praeparata, creta, mastix, thus, colophonium, nec non cinnabaris nativa praeparata. Quibus singulis ulceri adpersis emplastrum diapompholygos, saturninum aut de lapide calaminati superimponendum.

IV.

Quae ad partes proximas rodendo sensim procedunt ulcera contumacia; ³⁾ Quando ista *corrodentia* seu *phagedaemica* in scholis Medicorum audiunt, miram-<sup>ulcera cor-
rodentia sunt.</sup> que sanguinis acrimoniam significant. Igitur illud providendum ante omnia Medicis hic est, ut medicamentis lenientibus ac temperantibus internis sanguinem quam solertissime attemperent. Serviunt hic prae reliquis decocta ex rad. chinae, sarsaparill. symphyt. polypod.
li-

liquirit. scorzon. lapath. acuti, herb. malv. alth. hyperic. faniculae agrimon. marrub. albi, hisdemque similia reliqua. E cibis sauberrimi illi sunt, quos modo (No. III) praescripsimus. Quicquid enim acre, quicquid falsum nimisque aromatibus aut acidis conditum, quicquid denique suillum est, illud omne insigniter noxium, adeoque vitandum est. Contra vero medicamenta purgantia identidem cum admixto mercurio dulci assumpta non ad imminuendam tantum ulceris saniem, sed ad leniendam quoque sanguinis acrimoniam maturandamque sanationem haud parum proficiunt. *Extrinsècus* ad leniendum commodissima ea medicamenta sunt, quae supra (No. 2. & 3.) commendavimus. Atque ista quidem singula, post extersam diligentissime ulceris saniem, tam diu adhibenda sunt, donec & procedere vitium desinat, & ipsum ulcus feliciter sanescat.

V.

4) Quando
ulcera cuta-
nea sunt.

Ulceribus phagedaenicis sive corrodentibus haud prorsus absimilia sunt *ulcera cutanea*, hoc est, ea, quae tum in adultorum, tum & infantium cute & quam maxime facie nasci consueverunt. Neque enim ista solum ab acriori sanguine proficisci, sed latius quoque serpere ut plurimum consueverunt. Igitur in cutaneis aequè ac phagedaenicis valentissima semper aptissimaque ea medicamenta sunt, quae & alvum probe expurgant & sanguinem acriorem sensim magis leniunt. (No. 3. & 4.) Atque adultis quidem commendanda hanc in rem prae reliquis sunt ita dicta decocta lignorum, vel & decoctum radice lapathi acuti, aut herbae fumariae. Quorum unum alterumve ter quaterve ad \bar{z} viiij. vel X. quotidie calidum assumere convenit; & post primam quidem potionem matutino tempore assumptam in lectulo conquiescere ac sudare. His adjungi simul haud inepte poterunt essent. fumar. lignorum, succini, vel tinctura antimonii tartarifat. ad XXX. vel XL. guttulas aliquoties quotidie cum laudatis decoctis ingestae, nec non pulveres absorbentes cum antimonio & flor. sulphuris illis interpositi, & aliquamdiu continuati. Circumspecta autem vitae ratio tam esse necessaria hic consuevit, quam quae vel maxime. *In infantibus adhucdum lactantibus* utilissimum est saepe, medicamentis purgantibus sanguinemque lenientibus uti; matri interim vel nutrici praeter exactissimam vitae rationem medicamentis jam jam laudatis diligenter ingestis. *Extrinsècus* egregie hic proficit oleum tartari per deliquium: siquidem bis aut ter quotidie, penicilli plumulaeve subsidio ulceri illinitur, idque vel solum, vel & cum oleo ovorum atque cerae mixtum. Huic dein emplastrum aliquod, vel saturninum, vel de minio, vel de spermate ceti cum camphora, ad arcendas aëris externi injurias, superimponitur. Ubi vero, ceu in infantibus haud raro evenire solet, integram faciem malum occupavit, tunc emplastrum equidem haud commodum

vide-

videtur, fatiusque est, larvam aliquam lineam, qualem supra in ambustione commendavimus, faciei adaptare. Ceterum haud spernendi quoque usus hic sunt ol. philosophor. cum oleo ovorum, nec non aqua calcis, vel & aqua ex edulcoratione antimonij diaphoretici: si nimium ulcus quotidie his eluitur atque expurgatur. Quanquam nec alienum est, eorum loco unguentum de lithargyrio vel diapompholyg. vel de enula frequenter ad inungendum ulcus adhibere, commixta praefertim, si contumacius malum fuerit, vel mercurii vivi vel praecipitati albi portiuuncula. Denique si sanie nimium, ad rheumaticorum instar, istaec ulcera simul fluunt, necessarium utique est, pulverem aliquem absorbentem ac siccantem e tutia, lap. calaminar. cerussa, creta similibusve aliis, cum cinnabari nativa aut praecipitato albo mixtum, caute quotidie vel inspergere, vel & cum cremore lactis subactum quam saepissime inungere.

VI.

Sed nulla tamen in ulceribus arrodentibus gravia magis sunt, quam ^{5) Ulcera} *cancrofa*: siquidem in his eadem, quam in carcinomatis exulceratis ^{cancrofa.} praecipimus, & interna & externa necessaria est curatio. (*Lib. IV. Cap. XVII. No. 12.*) Tametsi, ut graviter inprimis M. A. SEVERINUS, Medicus & Chirurgus celeberrimus, testatur, magis in manu quam medicamentis hic praesidium sit. Multi enim ferro aut igne curati sunt, ubi medicamenta nihil erant. Quoties autem ferramento istiusmodi ulcus vel aduritur vel exciditur, id solertissime prospiciendum semper est, ut ex omni parte tollatur, & nihil quicquam vitiatum intus remaneat: quia alias supervacuum omnis ferramenti usus esse adsolet. Sunt, quibus expedita ad idem *aqua phagedaenica* videtur, hunc in modum confecta;

℞. ∇ae calc. vivae ℔j.

Mercurii sublimati ℥β. M.

aut loco hujus mercurius praecipitatus albus ℥j vel ℥iβ.

Quae ipsa cum linamentis carptis calida subinde applicatur. Alii majorem mercurii sublimati portionem, hoc est ad ℥ij vel ℥j., alii unam alteramque spiritus vini unciam admiscent. Loco mercurii sublimati optimo cum successu etiam saepe usus sum mercurio dulci, aquae calcis vivae adjecto, in ulceribus variis rebellibus; qui etiam illo longe securior est. Digestiva autem unguenta in ulceribus cancris prorsus aliena, imo vero pestifera esse consueverunt.

VII.

Si qua vero tandem *putrida* sunt ac *foetida* ulcera, tum vitium illud ^{6) Ulcera} *putrida ac* vel ex pessimo corporis habitu, vel etiam ex Chirurghi circa deligatio ^{foetida.} nem incuria vel imprudentia pronascitur. Quam quidem ob rem Me-

dici est, habitus infirmitati ac pravitati quamprimum idoneis remediis succurrere; Chirurghi autem, ulcus illud saepius expurgare, inprimis si aestus aut calor intensus fuerit. Namque ubi rarius ulcera deligantur atque expurgantur, quemadmodum post commissa graviora praelia ob copiam vulneratorum saepe fieri solet; abesse vix potest, quin a calore, putredine aut vermiculis caro vitata paulatim infestetur. Quibus equidem incommodis promptius occurri haud potest, quam si aut digestivum cum aegyptiaco seu fusco WURTZII unguento permixtum, aut aqua phagedaenica, aut mercurius praecipitat. ruber, vel solus, vel cum alumine usto mixtus, vel denique cum unguento digestivo subactus, quam solertissime ulceri applicantur, dum exesa carne corrupta omni, fundus ulceris nativo colore rursus rubeat. Quae dum fiunt, haud alienum est, linteolis spiritu vini madentibus laesam partem involvere: siquidem hoc valentissimum adversus putrefactionem medicamentum est. Ejectis jam ista ratione partibus corruptis, cetera ad glutinationem eadem facienda sunt, quae in ulceribus reliquis supra praescripsimus. Interim illud prospicere hic ante omnia Chirur- gum convenit, ut non cibis solum & potionibus confortantibus, sed medicamentis etiam cardiacis atque corruptionem reprimentibus, a prudenti Medico praeceptis, homines aegri subinde reficiantur, ne per diuturnam curationem absumantur. *Ulcerata verminosa* eodem modo curantur: nam quicquid putredini, illud & vermibus adversatur. Opera vero danda, ut in quavis deligatione vermes & caro putrida probe expurgentur, & deinde, ut mox docuimus, curatio absolvenda.

VIII.

Quaedam
ulcera non
nisi per sa-
livationem
curantur.

Denique ulcera quaedam usque adeo maligna & contumacia reperiuntur, ut, tametsi nullum ex impura venere vitium cognosci queat, nihil tamen quicquam medicamenta haecenus proposita omnia proficiant. Quod ipsum ubi forte incidit, nobilissimam praeter ceteras illam curandi viam esse, quae fit per medicamenta mercurialia, vel per mitiorem aliquam salivationem, diuturnus rerum usus memet ipsum docuit. Tantam enim in quibusdam hominibus deprehendi sanguinis corruptionem, quae sine mercurio leniri vix ac ne vix quidem, multo minus curari poterat. Quodsi autem morbus aliquis venereus simul manifesto adest, tum prorsus necessariam hanc per mercurium curationem esse capite sequenti demonstrabimus.

C A P U T IV.

De Ulcerum venereorum curatione.

I.

Ulcera equidem venerea, prout supra jamtum diximus, fere *Ulcerum ven. sedes.* semper in inguinibus sive feminibus, post exulceratos videlicet bubones venereos; nec non in membri virilis praepulio, frenulo, aut glande (quod vitium colis Medici cancrum, *Chancre Galli* vocant); apud feminas vero plerumque in vagina atque in pudendorum labris nascuntur. Nonnunquam nares, palatum, labra, fauces, lingua item atque uvula; denique frons etiam aut calvaria vel & alia quaedam ossa ab ulceribus istis infestantur: & si vel negliguntur, vel male tractantur, saepe unicum ejusmodi ulcus luem veneream concitare potest. Itaque universum prope curationis negotium eo potissimum spectat, ut venenum istud venereum per medicamenta interna & convenientia quamprimum ex corpore ejiciatur.

II.

Hoc egregie fit, quando saepius alvus expurgatur pilulis ac pulveribus purgantibus cum mercurio dulci maritatis. Sed tamen ad *Curatio interna.* jungi his ipsis oportet lignorum decocta ad corrigendum hunc sanguinem accommodata, nec non eff. lignor., pimpinell. alb. succini, tinctura antimonii, &c. Utpote quorum usus praeclarus admodum est, sicubi mane in lectulo ad eliciendum moderatum sudorem ingeruntur. Sollicita victus ratio tam solet esse in ejusmodi casu necessaria, quam quae vel maxime. Vinum atque calefacientia reliqua omnia, falsa item atque acria vel acida prorsus hic pestifera sunt. Quod si nec ista curandi ratio fatis vehemens, propter inveteratum malum sive adjunctam etiam luem veneream, advertitur, vel sudoriferis fortioribus, & cumprimis decoctis lignorum cum debito regimine opus est; vel mercurium adhibere, lenemque salivationem aliquam instituere praestat: ita simul & lues venerea & ulcera curantur.

III.

Quoties in ore, uvula, faucibus, tonsillis aut lingua vitium est, *Curatio externa.* non interna solum medicamenta ingerenda, sed ipsum quoque os decocto lignorum vel simplici vel melle rosarum temperato quam saepissime eluendum. Dehinc pars vitata vel aqua viridi HARTMANNI, vel rosarum melle, cui ad lenem usque acorem, spiritus vitrioli pauxillum instillatum est, inungenda atque expurganda, tandemque per eff. succini & myrrh. vel & per oleum myrrhae per deliquium

fananda. Quodsi autem in externis partibus ulcera istiusmodi prodeunt, longe optimum erit, unguentum digestivum aut basilicum mercurio vel vivo, vel albo aut rubro praecipitato permixtum, cum linamentis carptis emplastroque de ranis VIGONIS, aut diachylo cum mercur. supra dare, iisque ulcera probe mundare. Deinde ulcere mundato jam jam propositas essentias, vel & saepius laudatos pulveres absorbentes, (Cap. I. No. 15.) qui tamen pauco praecipitato rubro roborari possunt, pro exsiccando fanandoque ulcere identidem inspergere. Quanquam haud minor, ad extergenda glutinandaque istiusmodi ulcera, in aqua phagedaenica vel aqua calcis mercurio dulci impraegnata, cum linamentis carptis aliquoties quotidie immissa, praesertim si interea subinde leviter tangantur infernali lapide, virtus sita esse reperitur. Postquam expurgatum ulcus est, insigniter quoque ad glutinationem proficit vel simplex unguentum ex mercurio vivo cum terebinthinae q. s. paratum, (a) vel unguentum sequens mercuriale:

℞. Unguent. mundificativ. vel diapompholyg.

℥. crud. pauca terebinth. extinct. á ℥j.

M. in mortario vitreo.

Vel ℞. Amalgam. ℥ & ℥ni ℥j.

bol. armen. ℥ij.

ungu. rosat. q. s.

F. unguentum.

Sicubi ossium caries quaedam simul subest, tum ista eis remediis est tollenda, quae infra mox cap. VIII. proponemus: cumprimis vero euphorbio, vel oleo caryophyllorum, vel aqua phagedaenica, vel spiritu nitri, in quo mercurius solutus fuerit, vel denique, si satis tutum est, ferro candente. Nonnunquam in mollioribus etiam partibus, praesertim in inguinibus, copiosissimam lympham quotidie evomunt, & usque adeo pertinacia reperiuntur istiusmodi ulcera, ut nihil omnia ad extergendum atque exsiccandum medicamenta valeant. Quod ubi forte incidit, vas aliquod lymphaticum solet esse disruptum vel erosum; ideoque primo tentandum, an non spleniis & arcta vinctura hic fluxus cohiberi possit, (b) sed si nullum in arcta vinctura praesidium est, saniei scaturigo ista pessima obstrui melius haud potest, quam ferramento candenti, aliquoties, si res ita poscit, vitiatis partibus admoto.

IV.

Ulcerata ve-
nerea peri-

Si justo negligentius, quam decebat, ulcera penis sive glandis venerea tractantur, fieri haud raro solet, ut non solum luem veneream post

(a) Quod Harris. in dissert. chirurg. prae ceteris laudat.

(b) Quod artificium post RYRSCHIVM obs. chirurg. 41. & mihi feliciter cessit.

post se trahant, sed & ad urethram usque hinc inde perforetur atque exedatur; ideoque urina quasi e cribro quodam protrudatur. Saepius integra glans atque penis vel absumuntur vel scirrho & cancro ita graviter divexantur, ut scalpellum in manus postulent. (a) Sicubi nares vitium illud infestavit, ulcus foetidissimum fere semper nascitur; quod integrum quandoque nasum exedit. Medicorum filii *ozae-*nam illud vocant: nos autem explicatius describemus in *operationibus Chirurgicis*. Interdum *palatum* cum ipsius ossibus ita graviter eroditur ac perforatur, ut, quicquid cibi liquidioris potionisque in os immittitur, protinus inter deglutiendum e naribus rursus emittatur. *Haec foramina vix unquam rursus coeunt*, praesertim si paulo majora; attamen oris eorum consolidatis, lamina argentea vel aurea claudi possunt. (b) Multo saepius *tonsillae*, itemque *uvulae* membrana exterior, vel & *uvula integra* exeduntur: quibus vero in malis mercurius & decocta lignorum primas tenent. Tandem ipsum quoque *cranium*, ac praesertim circa frontem, saepius ita mirifice, prout ipsemet aliquoties observavi, arroditur atque ita perforatur a carie in his morbis, ut cerebrum in conspectum prodeat, & pulsus arteriarum in eo conspici queant, proindeque gravissima symptomata, imo quandoque ipsa mors supervenire possint, nisi in tempore mala praedicta ratione haec curentur.

C A P U T V.

De ulceribus callofis.

I.

U lcerum calloforum difficilis imo vero nulla, nisi extirpato prius *Callus mi-*callo, curatio esse consuevit. Extirpari autem callus triplici fere *tior quomo-*modo potest. Mitissimus, in callo scilicet recenti neque nimis duro, *do tractan-*is est, qui fit per *medicamenta erodentia*, eademque lenissima. *dus fit.* Serviunt hic praeter cetera alumen ustum itemque praecipitatum rubrum, si vel sigillatim vel aequis portionibus mixta injiciuntur, vel digestivo etiam unguento vel basilico admiscentur: nec non unguentum aegyptiacum seu fuscum WURTZII, si aliquoties quotidie inunguntur; atque id magis etiam, si cum praecipitato rubro miscentur. Quae singula si non satis ad exedendum callum vehementia sunt, lapidem infernalem vel antimonii butyrum assumere convenit, iisdemque callum minutis vul-

Aaa 3

nus-

(a) Conf. RUYSCHII obs. 30. & DOEBEL. *hist. penis cancrofi* &c.

(b) Qua de re vid. in Part. II. operationes, quae in palato fiunt.

nusculis probe prius concisum inungere. Haud minus expeditum esse hic ad idem solet, quod ex spiritu nitri vel *aqua forti* cum injecto, quantum quidem solvi super prunis in ipsa potest, argento vivo parari solet medicamentum: dummodo quotidie super callum injiciatur.

II.

Dranii modus.

Adhuc mitiorem modum callos ejusmodi tollendi nuper demum descripsit Dn. LE DRAN in obs. suis chirurg. 115. Tom. II. qui hic fere est: Per quatuor vel quinque dies emplastrum ex emplastro diachylo cum gummis & Vigonis cum quadruplici mercurio, aequis partibus mixtis, compositum applicat, mane & vesperi renovandum, ut eo callosae orae prius aliquo modo emolliantur: postea has oras ulceris callosas crebris incisionibus varium in sensum institutis iisque sat profundis, ut totam calli crassitiem penetrent, vulnerat, ulceri linteolum aliquantisper, donec sanguinis, quae hic incidere solet, levis profusio repressa sit, injicit. Deinde idem emplastrum toti ulceri ita imponit, ut oras nudas recens incisas attingat. Post quatuor circiter dies incisiones sive *scarificationes* illas, ut vulgo dici solent, repetit, idque sensim tertia & quarta vice, si opus, id est, si citius non dissolutus est: eaque ratione callum pedetentim fundi, emolliri, ac quasi disparere, & cicatricem sine alio remedio tandem optime sequi, affirmat. Quod vero haecenus experiri nondum licuit.

III.

Si fistulae callo ad-junctae sint.

Sicubi fistulas simul adjunctas habent ulcera callosa, tum incidi prius ulceris sinus, ut supra de fistulis docuimus, debent, quam callus eroditur: postea vero eodem modo exedendus. Quodsi autem vel molesta aegris vel parum quoque tuta ferramenti applicatio videtur, aptum erit turundas ex aegyptiaco vel fusco WURTZII unguento confectas in sinum istum demittere. Namque ita callus, praesertim non adeo vehemens, sensim exeditur; maxime si anterior turundarum pars praecipitato rubro, lapide infernali vel antimonii denique butyro semper ante inungitur, quam in sinum demittitur: atque sic continuandum, donec callus consumtus sit. Quoties vero turundulae istiusmodi rodentes ad ipsum callum penetrare nequeunt, tum haec potius ingredienda est curationis via. Scilicet aqua phagedaenica vel aegyptiacum aut WURTZII fuscum, in spiritu vini resolutum injici per syringam quam saepissime in sinus aut flexus tortuosos debet, compressoque ulceris ore, aliquantisper intus contineri. Remoto jam istis artificiis callo, eadem postea institui ulceris curatio debet, quam supra in fistulis posuimus. (Cap. II.)

IV.

Si durior callus est.

Sed incidere tamen quandoque potest, ut in ulceribus sive fistulis callosis, nimium vel inveteratis vel tortuosis, parum aut nihil medicamenta ista rodentia proficiant; quin imo nervos quandoque citius

ar-

arrodere, gravissimasque convulsiones excitare, quam conditum intus callum exedere valeant. Atque tunc quidem satius omnino videtur, fistulas ea ratione, sed circumspicte tamen, ne arteriae, nervi vel tendines laedantur, incidere, quam supra iamtum praecepimus. (cap. II. No. 5.) Sic ad apertis fistularum sinibus, crebro incidi vel scarificari pars indurata debet: tum medicamenta rodentia haecenus commendata, vel cum DRANIO emplastrum No. II. laudatum supradari; reliqua vero eadem observari, quae ad sanandum ulcus ibidem proposuimus.

V.

Denique si neque ista quidem curandi ratio satis vehemens aut prom-
ta videtur; si robustior atque intrepidus aegrotus est; si denique tutus, quoad nervos atque arterias, corporis locus est; longe utique expectitissimum fuerit; quicquid intus induratum animadvertitur, totum aut scapello excidere, aut ferro candenti adurere. Namque ista heroica ratione ulcus inveteratum & contumax quasi in vulnus aliquod recentissimum convertitur, proindeque, nisi caries, malus corporis habitus, lues venerea, scorbutus, hydrops aliudque malum obstiterit, quam facillimo negotio vulgaribus etiam remediis curatur. Ut adeo mirum neutiquam aut a veritate alienum videri debeat, quod M. A. SEVERINUS scriptum reliquit, se scilicet desperata prorsus ulcera isto modo identidem quam felicissime sustulisse.

Callosum ulcus pessimum quomodo tractandum.

C A P U T VI.

De ulcerum magicorum sive fascino inductorum curatione.

I.

E Nimvero quae ad ulcera magica prorsusque, ut appareat, inusitata quidpiam, ut fila, clavos, acus &c. continentia, (cap. I. No. 8.) PARACELSUS, HELMONTIUS, AGRICOLA, pluresque alii, magno conatu praescripserunt, medicamenta, ea maximam fere partem inania sunt, atque adeo inepta vel superstitiosa, vel sordida. Sed reliquis tamen omnibus potiora haec videntur: folia quercea aut saligna, adianthum, hypericum, fuga daemonum propterea nonnullis dictum, mercurius vivus, asa foetida, antirrhinum, alia; siquidem ista singula vel ex aegri collo suspendenda, vel alia inepta ratione adhibenda esse iusserunt. Alii cinerem ex combusta femina quadam venefica sive faga, vel etiam ex adusto stercore humano in ulcus inspergere jubent. Unguentum de visco corylino CARICHTERI HEERIUS atque HORSTIUS in-

Medicamenta inania atque inepta.

inprimis contra haec ulcera laudant; MYNSICHTUS emplastrum suum foetidum; alii alia praecipiunt.

II.

Quid factu
opus hic sit.

Sed quicquid tandem sit, ii profecto Medici & sibi & hominibus, ineptisne dicam an miseris, optime semper consulunt, qui, dum mala istiusmodi ab imperita plebe ob vanas saepe rationes pro magicis habita, forte fortuna obtingunt, iis praesertim medicamentis naturalibus aut consuetis utuntur, quae cum ipsius ulceris indoli, tum & vel maxime hominum afflictorum habitui, quam diligentissime prius investigandis, accommodata sunt, sicut in praecedentibus capitibus docuimus. Tametsi enim vel maxime concederemus aut fingeremus, magorum ac diaboli praestigiis divexari hominem posse; nulla tamen sufficiens ratio nos movet, ut supernaturalem nullisque naturalibus medicamentis sanabilem laesionem aliquam ista ratione fieri posse credamus, ut ad superstitiosa, sordida & absona remedia confugiamus. Accedit, quod ista plerumque ulcera pro magicis ab imperitis & superstitiosis Chirurgis ac balneatoribus haberi soleant ac venditari, quae ab ipsis curari non potuerunt; quae tamen deinde aperitis, explorata prius ulceris pertinacioris vera causa & natura, facile quandoque curata sunt. Imo forte nonnulli olim Chirurgi malitiosi ulcera saepe pro magicis proclamarunt, ut tanto plus pretii ab aegris exigere possint: quae tamen magica non fuerunt.

C A P U T VII.

De ulcerum antiquorum, praesertim in cruribus, curatione.

I.

Curatio in
quo potissimum
consistat.

ETiam si nulla fere corporis pars ab antiquorum ulcerum periculo immunis sit; pedes tamen prae reliquis vitio huic opportuni reperiuntur. Atque haec quidem ratio est, cur illud ipsum *pedum sive crurum exulceratorum* (offene Füße oder Schenckel) nomine designari ut plurimum soleat. Igitur quemadmodum de ulceribus malignis seu inveteratis generatim alibi jamtum disseruimus, (*cap. III.*) ita hoc loco seorsim nunc de iis tractabimus, quae crura aut pedes infestant. Fere semper autem communes ulcerum malignorum crurumque exulceratorum solent esse *causae*. Hi enim perinde ut ista, vel ex pravo corporis habitu, vel ex nimia sanguinis acrimonia ac tenuitate, vel ex adjunctis fistulis, carie atque callo, vel denique ex obstructis in

in sequiori sexu mensibus, aliisve causis similibus nascuntur. Proinde si quis pedibus exulceratis succurrere voluerit, hunc protinus veram mali hujus causam explorare, eidemque, prout hactenus ostensum fuit, ipsam curationem accommodare convenit.

II.

Ante vero, quam de ipsa curandi ratione dispiciamus, haudquaquam alienum fuerit disquirere, numne glutinari etiam exulcerati ejusmodi pedes absque graviore periculo queant? Siquidem non pauca in Medicorum expertissimorum scriptis exempla exstant, ubi ulcerum horum inveteratorum glutinatio gravissima mala, imo saepius certissimam praesentissimamque mortem simul adduxit. Et vero quid responderi ad hanc ipsam quaestionem debeat, haud obscure jamtum, nisi ego fallor, ex iis constat, quae superius hanc in rem disputavimus. (cap. I. No. 9.) Scilicet quoties natu grandiores pessimique habitus homines sunt, satius utique videtur, ab ulceris antiqui hujusmodi glutinatione abstinere: propterea, quod haud exiguum sanitatis positum in illo sit praesidium, dum natura noxios aut supervacuos humores per ea expellere assueta est. Sed nolim tamen ad juniores robustosque homines ipsam illam regulam sine gravi ratione applicari. Quum etenim in his ulcerum contumacium primae causae vel abstinencia prudentique victus ratione, vel fonticulis, vel denique medicamentis convenientibus removeri absque omni periculo possunt; dubium profecto non est, quin, sublatis vitii pertinacioris causis, glutinare ipsum ulcus absque omni fere noxa liceat.

III.

Quamquam autem alienam in senioribus ulcerum veterum glutinationem esse proposuimus; tantum tamen abest, ut omnem ipsis & curam & medicinam denegatam velimus, ut potius quam maxime necessariam pronunciemus. Namque geminum fere Chirurgis hic injungimus officium. Alterum in eo positum est, ut dolores atque mala adjuncta, quantum fieri potest, leniantur: alterum autem eo spectat, ut prospiciatur, ne latius vitium serpat, neve mala quaedam nova, id est, inflammationes ac dolores, ulceri superveniant.

IV.

Igitur primo loco abstinencia solertissimaque victus ratio istiusmodi hominibus imperanda est; ne scilicet aut nimios, aut noxios etiam cibos, quales quidem acres, duriores, crudi atque suilli sunt, temere ingerant. Tum saepius adhibenda sunt blanda atque idonea purgantia: quo nimirum nimii & maligni humores a pedibus abstrahantur, paulatimque per sedes ejiciantur. Denique assumenda etiam, pro re nata, hic sunt medicamenta quaedam opportuna, causaeque contraria interna. Sic enim in hominibus aetate grandioribus ad sanguinis acrimoniam ac tenuitatem nimiam attemperandam insigniter medica-

menta balsamica & amara ; ut elixir proprietatis , eff. myrrhae, eff. succini, eff. balsami peruviani atque alia proficiunt.

V.

*Præsidia
externa.*

Ad *externam* autem *curationem* quod attinet , providendum hic quam solertissime illud semper est , ut in dies singulos ulcus illud inveteratum semel aut bis a sanie purgetur. Dehinc linamentis carptis, iisdemque vel siccis , vel & in decocto fol. nucis juglandis vel aristolochiae tinctis ad implendum ulcus pro excipiendis nimirum humoribus acrioribus. Tandem super partem istiusmodi aegram imponere convenit empl. ad ulcera antiqua BAUHINI, diasulphuris RULANDI, diapompholygos, saturninum, de lapide calaminari, aut quodcunque demum aliud hujusmodi. Quibus singulis accuratissime semper observatis, praesertim si ab externo frigore atque humoribus, quoad ejus fieri potest, aegri sibi cavent; dubium profecto non est, quin mitissima, imo vero ad ejiciendas ex universo corpore corruptas materias adeoque ad ipsam vitam feliciter producendam longe plerumque commodissima isthaec ulcera reperiantur. Et sane mirificus hic ulcerum inveteratorum in hominibus senioribus usus permovisse Medicos antiquiores videtur, ut, naturam tanquam optimam ducem secuti, *fonticulos in aegris ac valetudinariis corporibus excitaverint* : ex quibus quasi minutis quibusdam ulceribus, acres & supervacuos corporis humores educerent.

VI.

*Quomodo
inflammatio-
nem ac do-
lores prae-
cavere aut
tollere de-
ceat.*

Quoties autem, prout evenire nonnunquam propter ictum aliquem aut frigus, aut pedis in aquam frigidam, immisionem, aut propter iram, terrorem, moerorem aut perversam victus rationem solet, *inflammationes atque dolores superveniunt*; necessarium utique videtur, linteolis complicatis, aqua reginae Hungariae, vel spiritu vini theriacali, aut camphorato, vel & aqua calcis & spiritu vini camphorato tinctis & calidis laesam partem quam saepissime involvere, aegrotumque, ut in lectulo gnaviter pedem contineat atque ab externo frigore probe defendat, jubere ac mane in lecto assumtis aliquot vasculis infusi theae, vel alius medicamenti sudoriferi, probe sudet. Sic enim inflammatio cum doloribus omnibus brevi saepe evanescit. At gravius tamen periculum subest, quoties vehementior inflammatio, praesertim in corrupto admodum ac debili corpore, incidit, atque in gangraenam transire incipit. Tunc enim istam ingredi curationis viam oportet, cum internis tum externis medicamentis, quam superius in gangraena praescripsimus. (*Lib. IV. cap. XIV. No. 5. seqq.*) Ceterum id ante omnia hic providendum, ut nimirum per medicamenta confortantia infirmiores ejusmodi & aetate grandiores homines subinde reficiantur, saepissimeque in sudorem aliquem leniorem conjiciantur. Siquidem his neglectis maximum esse semper periculum solet, ne sphacelus atque ipsa mors paulatim obrepant.

VII.

VII.

Denique ubi inveterata istiusmodi ulcera in hominibus debilioribus aut grandioribus sponte sua exarescunt atque livescunt; horror ut plurimum, nausea item ac debilitas protinus superveniunt, insignemque simul naturae imbecillitatem, partis afflictae corruptionem, morbum periculosisimum atque adeo ipsam mortem imminentem saepissime significant. (Cap. I. Num. 9.) Igitur apta victus ratione medicamentisque roborantibus etiam atque etiam pro viribus conservandis opus videtur. Extrinsecus ulceri adhiberi protinus debent radix gentianae vel iridis Florentinae contrita; vel, si parum ista vehemens deprehenditur, radix hellebori nigri in pulverem aut globulos redacta; vel denique pulvis cantharidum aut globulus ex emplastro vesicatorio officinarum: iisque continuare, donec rursus fluant, & aeger melius se habeat. Namque ista ratione ulcera istiusmodi exsiccata mirifice stimulantur atque irritantur, ut denuo nonnunquam fluere, ipsumque hominem a nocentissimis humoribus liberare occipiant: ubi postea, ut alias, rursus tractantur. Contra vero ubi nihil ista medicamenta proficiunt, ipsaque ulcera nihilominus arida persistunt, certam utique salutis desperationem subesse, conjiciendum est.

C A P U T VIII.

De ossium carie.

I.

Quidem ad praecipuas ulcerum contumacium pravitatis causas referri jure merito ac prae omnibus potest ipsa ossium caries sive corruptio. Neque enim vix unquam glutinari, vel, si aliquando glutinata etiam fuerint, integra & sana conservari ea membra possunt, in quorum ossibus vitium sive caries aliqua delitescit, nisi haec prius funditus tollatur.

II.

Dicimus autem ossium cariem, istiusmodi ipsorum affectum sive morbum, ubi os aliquod, ex quacunque demum causa membrana sua vel perioestio nudatum, amissoque calore naturali ex coeruleo candido, pingue, flavum, fuscum atque nigrum tandem evadit; qui primus quasi & levior hujus mali gradus est, atque a veteribus (a) os vitiatum itemque nigrities vocatur; nostratibus, ein angelauffen oder

Bbb 2

ange-

(a) teste CELSO L. VIII. cap. 2.

angegangen sein; gravior vero sive major gradus est, ubi os jam erosum, exesum atque ex foraminulis inaequale deprehenditur; & ubi sanies foetida profluit, cujus acrimonia ut plurimum vicinam ac succrescentem carnem nimis emollit, relaxat aut absomit: Ut proinde caries quoddam velut *osium ulcus* videatur, ossaque omnia totius corporis sedem huic malo praeberere possint. Et quamvis ejusmodi ulcus felicissime nonnunquam glutinatum esse appareat, semper tamen aliquamdiu post inductam cicatricem, facto prius abscessu, illud revertitur, collectaque intus materia corrupta atque acris ex osse carioso propullulans, tandem variis, iisque saepe gravibus symptomatibus, horrore cumprimis, vomitu ac febris, carnem denuo exedit; adeoque nova rursus mala inducit.

III.

Varia deno-
minatio.

Atque hujus quidem vitii aliorumque affinium varia admodum nomina imo & species reperiuntur. Nunc enim *caries*, nunc *spina ventosa*, vel *spinae ventositas*, (a) nunc *gangraena* atque *cancer osium* cum CELSO, (b) nunc graeco vocabulo *teredo*, (c) nunc *paedarthrocace*, (d) appellari suevit. Tametsi enim a nonnullis auctoribus fere totidem, quot nomina sunt, cariei species constituuntur; observasse tamen expedit, eas singulas non tantopere inter se invicem differre, ut tot speciebus opus sit. Igitur satius mihi esse videtur, binas fere tantum hujus vitii species sive differentias primarias constituere: quarum altera intus in ossibus oritur; altera vero extrinsecus sive a causa externa ut plurimum nascitur. Hanc *cariem* voco cum plerisque Medicis; istam autem *spinam ventosam*, ac in pueris cum SEVERINO *paedarthrocacen*. De his vero separatim postea atque explanatius in peculiari capite differemus, earumque differentiam curatius explanabimus.

IV.

Causae
Cariei.

Ipsi cariei duplex potissimum causa (e) deprehenditur. Vel enim 1.) subnasci caries inde solet, si post factam in osse vulnerationem, percussionem, collisionem, fracturam atque lapsum, membrana sua vel periostio idem orbatur; atque ita vel aëris externi injuriis exponitur, vel & per pingua vel olea ista vulgaria vulneraria, quae alias simplicioribus vulneribus accommodantur, utpote ossibus inimica, qualia sunt oleum hyperici, lilior. alborum, balsamum Samaritanum &c. corrumpitur. Vel 2) inde quoque osium caries provenit, si propter

(a) de spina ventosa tractatum habemus PANDOLPHINI, Itali, iterum cum doctis notis MERCKLINI, Norimbergae editum 1674. 12.

(b) vid. liber modo citatus. pag. 258. seqq.

(c) ibid. pag. 64. 104. 143. 164. & seqq.

(d) de hac liber prostat MARCI AURELII SEVERINI, in opere ejus de *Abscessibus*: variaeque dissertationes academicae variorum auctorum.

(e) de cariei generatione & causis egregie egit Heyne lib. de osium morbis.

vel externam aliquam violentiam, vel internam etiam causam, quaecunque illa sit, humores subsistere coguntur, iique vel inflammationem extus movent, vel suppurationem, unde periostium atque ipsum os ita graviter affliguntur, ut venulis, quae ad nutriendum os ac periostium destinatae fuerant, inflammatis ac corruptis, ipsum os erodatur atque exedatur. Namque istud mali genus nisi quamprimum extirpatur, aequae ut ulcera in partibus mollibus ad partes ossis proximas procedit, easque sensim quoque corrumpit: hinc Belgis *Beenvreeter* appellari solet.

V.

Quae quum ita fuerint, haud obscure, meo quidem iudicio, patescit, esse quam plurimos in ista ossium erosione, carie sive corruptione *gradus*. Primus idemque mitissimus ille est, sicubi os aliquod nudum pingue est & *flavescit*. (Germani dicunt: *das Bein ist angelauffen*.) Simulatque vero flavum illud os aut *fuscum* colorem induit, vel plane nigrescit, *caries incipiens in pejorem* degenerat. Tertius gradus est: ubi exesum, asperum atque inaequale os animadvertitur. Et quo gravius quidem ossa eroduntur, quo magis aspera & inaequalia redduntur, aut quando cranium omnino perforatur, aut os tibiae vel femoris ad medullam usque exeduntur, hoc gravior quoque caries reputatur. Sed pessimus tamen propeque desperatus gradus vel casus est, si aut membrorum articulos, aut quascunque alias ossium absconditorum partes vehementior aliqua caries infestat; quia vel manibus accessus denegatur, ut os mundari nequeat; vel malum sine extirpatione membri saepe tolli non potest.

VI.

Gemina vero potissimum via caries istiusmodi cognoscitur; prout nimirum *Diagnosis*. vel abscondita, vel oculis exposita ossa vitiata reperiuntur. Namque ubi 1) *adaperta ipsisque oculis exposita ossa sunt*, tum his fere modo jam indicatis (n. v.) signis caries dignoscitur: scilicet os pingue est, & nativus color in flavum, fuscum aut nigrum transiit; ipsum os nudum est nulloque periostio seu membrana obtectum; si digitum vel specillum admoveris, inaequale, asperum ac perforatum vel spongiosum illud osprehenditur. 2) Ubi vero propter crassiorem carnem aliasve causas, vitiatum illud os delitescit; tum cariei haec praesertim indicia obveniunt: (a) nempe quicquid materiae profluit, id plerumque oleosum, fuscum vel subnigrum videtur, atque adinstar lardi corrupti foetet. (b) Turundae, linamenta carpta & emplastra post resolutam vincturam materia corrupta quasi nigrore saepe imbuta conspiciuntur. (c) Simulatque dein specillum ad os demittitur; (quando nimirum ad os demitti potest, nam hoc semper fieri nequit) illud tactu inaequale atque asperum animadvertitur. (d) Tum caro, quae juxta est, flac-

cida, mollis, laxa, spongiosa & quasi lardum corruptum foetida existit. (e) Denique in casibus, ubi neque visu, neque specillo ad os pertingere possumus, non sine ratione cariem aliquam in ulceribus sub carne delitescere suspicamur, si glutinatum ulcus denuo iterumque sine alia manifesta causa recrudescit.

VII.

Prognosis.

Ex jam adductis liquet, quid de cariei noxis sive periculis atque eventu ut plurimum statuendum sit. Scilicet difficulter admodum & parum plerumque belle istiusmodi ulcera glutinantur; quin imo latius plerumque serpunt, praesertim si ad cariem tollendam commode accedere non possumus, vel etiam glutinata, ut modo dictum est, brevi recrudescunt. Ubi vero malum ingravescit atque ad ipsos membrorum articulos transit, cum primis in genu, sane nullum plerumque nisi ab amputatione, si modo membrum amputari potest, exspectare licet auxilium. Sin praecidi commode membrum illud nequit, ipsa ut plurimum mors ex languore & febricula superveniente paullatim insequitur. Speciatim etiam caries in femore, ossibus coxae, sacro, carpi, tarfi ac palati difficillime sanantur. Denique si calvariam caries infestat, ad ipsam usque duram matrem erodi saepius os illud fuit: Unde gravissimi subinde capitis dolores, vigiliae diuturnae, vertigo, mentis alienatio, malaque id genus alia cum periculo mortis, ut saepius vidi, haud raro pronascuntur.

VIII.

Curatio

1) per medicamenta.

Ad curationem cariei quod attinet, varia utique artificia exstant, quibus saepe extirpari vitium illud potest. Prima eademque mitissima curandi ratio, in carie praesertim leviuscula, fieri hodie per *medicamenta* (a) solet *spirituosa*: ut sunt spiritus vini, vel aqua Reginae Hungariae; quibus solis saepe leviores caries sanavi. Vel per *balsamica*, ut sunt pulv. aristolochiae atque iridis Florentinae, vel pulv. myrrhae atque aloës: siquidem unus alterve ex illis, post extersam per linamenta carpta saniem, quotidie super os affectum conspergatur; donec pars ossis vitiata penitus ejecta sit, & caro nova eaque firma ac sana ex eodem osse proveniat. In paullo profundiori fortiora requiruntur remedia; ut cum primis est *pulvis euphorbii*, (b) vel *essent. euphorbii* cum spiritu vini optimo parata, quae cariem vehementer exedunt; vel *oleum caryophyllorum*, *cinamomi*, aut *ligni guajaci*; quae penicilli subsidio illinuntur, aut instillantur, vel ope linamentorum imponuntur, linamen-

(a) Veteres mox in leviori etiam carie os pingue ferramentis adurere vel raderi solebant; ut videre est in CELSI Lib. VIII. cap. 2. ad quas vero vehementiores curandi rationes hodie non nisi in graviore malo accedere solemus.

(b) Qui miris laudibus a multis magnis Medicis extollitur, quos vid. in MERCKI LIXI libro de Spinae ventositate, pag. 473.

mentisque aridis conteguntur. Alii alia rodentia remedia ut *aquam phagedaenicam*, aut *spiritum vitrioli* aut *sulphuris* eodem modo, nec minori cum usu, quandoque applicant. Instar omnium vero esse potest *solutio mercurii in aqua forti vel spiritu nitri*, eadem ratione usurpata. Atque ista quidem praecipua ex illis reputamus quamplurimis adhuc aliis medicamentis, quae adversus cariem commendantur: reliqua enim tanquam minus valentia, aut nimis vehementia, ut arsenicum vel mercurius sublimatus in substantia, non sine ratione hic praetermittimus. Ceterum simulatque jam isto modo sublata ossium caries animadvertitur, id quod ex subnascente carne sana intelligitur, proximum est, ut balsamicis remediis curatio absolvatur: hinc postea *aquam Reginae Hungar.* vel essentiam *masticis*, *myrrhae*, *succini*, *aloës*, *balsamum item peruvianum* vel *copaivae* vel alia id genus balsamica medicamenta super laesum illud os imponimus, superinjecto emplastro quodam, & reliqua eadem facimus, quae ad ulcerum curationem generatim superius proposita sunt. (*Cap. I. No. II. seqq.*) Ceterum notatu dignas de carie ossium refert observationes *Dranius*: & speciatim de carie circa cubitum obs. 51, 52, 53. in lumbis obs. 69. post variolas obs. 70. in osse ilei, obs. 95. in trochantere majore obs. 97, in genu obs. 102. 103. & in tibia obs. 104.

IX.

Altera cariem graviolem curandi ratio in eo consistit, ut os vitiatum, ^{2) per te-} sed carne tamen nudatum, creberrime per terebram vel ferramentum ^{rebram.} supra delineatum, (*Tab. VII. fig. 2. vel fig. 7. A. vel Tab. XV. fig. 8.*) ad sanam usque partem perforetur: (*a*) eo videlicet modo, quem alibi ad calvariam, post inflictum vulnus aliquod nudatam, exposuimus. (*Lib. I. Cap. XIV. No. 17.*) Quo facto vel linamenta sicca vel balsamica ista, quae jam jam commendavimus, medicamenta supra dare convenit. Sic enim non ipsum modo vitiatum os ejicitur, sed novae quoque venulae atque arteriolae ex istis foraminulis prodeunt, quae cum reliqua carne proxima coalescunt atque ita nudatum illud os rursus contegunt.

X.

Tertius sanandi modus in eo positus est, ut nigrum sive vitiatum os, ^{3) per ra-} siquidem in aprico fuerit, per adhibitam *limam*, *radulam* vel *scalprum* ^{dulam & scalprum.} (*Tab. VII. fig. 3. 4. 5.*) tantisper deradatur, donec sublati partibus corruptis, os undique album vel rubidum atque sanum sese ostendat. Qui vero radit, audacter, ut *CELSUS* monet, imprimere ferramentum debet, ut melius citiusque agat; alias parum vel nihil eis efficitur. *SCULTETUS* quidem vult, (*b*) ne ferramenta haec prius ad-

mo.

(a) vid. de hac perforandi ratione *CELSUS* Lib. VIII. cap. 2. & 3. qui eam jam commendavit. & postea plures alii.

(b) in *Armament. suo Chirurgico.* mihi. pag. 42.

moveantur, quam vitiatum os rite se ostendat, aut per se jam aliquomodo resolutum a parte viva reperiatur, & interea tantum os vitiatum linamentis aridis deligat; verum hoc non est perpetuum. Alii, praesertim in quibusdam casibus, *scalprum excisorium* cum *malleolo* ad manus sumunt, (*Tab. VII. fig. 10. 11.*) quorum adjumento partes corruptas, cum vel sine laudata perforatione ab integris resolvunt. Utraque vero haec methodus, N. IX. & hoc X. descripta, paulo rarius a recentioribus Chirurgis ab aliquo tempore in usum vocata est. Interea tamen PETITUS rursus docet, (a) quod tunc ossa ejusmodi quam utilissime sint radenda, quando caro luxurians supercresceret; postea vero ea adurenda. Imo & in certis tumoribus ossium, qui *spinæ ventosae* nomine hodie veniunt, & medicamentis cedere recusant, praecipit, ut non solum frequentibus foraminulis perforentur, sed deinde etiam tumores isti *cuneo* sive *scalpro* & *malleo* auferantur: qua vero de re capite sequenti plura.

XI.

4^a per cauteria.

Quartum idemque & antiquissimum & promptissimum ac certissimum, praesertim in graviori malo, *extirpandae cariei artificium* eo redit, ut os vitiatum *ferramento candenti* atque ad istum usum & locum accommodato, quantum ipsa res poscit, probe aduratur. (*vid. figurae* istorum *ferramentorum Tab. III.*) Quanquam propter dolores evitandos aliasque ob causas quam solertissime semper cavendum in hoc ipso opere, ne simul carnes sive partes aliae molles, quae juxta sunt, laedantur atque adurantur. Quod ne facile fiat, a ministro ulceris orae diducendae sunt; aut, si hae angustae nimis sunt, turunda intumescente, ut radice gentianae vel spongia praeparata ampliandae; vel, si licet, scalpello latius incidendae, donec os satis pateat. Similiter ipsum os supra datis prius linamentis carptis & ficcis probe semper abstergendum, & caro luxurians, si quae adest, abradenda prius est, quam ferrum candens applicetur; ne ignis per copiosam saniem aut extinguatur, aut in adurendo saltem debilitetur ac impediatur. Neque vero prima statim ferramenti candentis applicatio satis semper vehemens aut efficaxprehenditur. Namque ubi vel altius ipsa caries os penetravit, vel amplior est, quam ut una vice destrui queat, aliud ex alio ferrum adhibendum est: atque vel eodem fere momento cauteria plura huic scopo adaptata sensim injiciantur; vel aliquo etiam temporis interjecto spatio, si non omne vitiatum ablatum esse cognoscimus, idem denuo negotium suscipiatur atque iteretur. Si caries amplior, quam ut uno ferramento omnis destrui possit, primum ferramentum medio cariei, cetera oris admovenda. Neque enim magnos adeo dolores movent hujusmodi ossium adustiones, si modo partes molles vitentur: siquidem

(a) Lib. de morb. oss. cap. de carie.

dem nullus fere in ossibus doloris sensus invenitur. Sed aliena tamen atque nimis delicata in vitiatis vel exesis *cranii ossibus* ejusmodi ustio Chirurgis cautioribus videtur: periculum enim est, ne membranæ cerebri vel ipsum cerebrum simul in ipso opere laedatur. Idem fere statuendum de nonnullis aliis mollioribus atque spongiosis ossibus, cujusmodi *sternum* est vel *costa cariota*, ubi ob dictas modo rationes inutilis ustio est. (a) Neque ustionem facile ferunt *carpus* vel *tarfus*, atque id genus ossa alia spongiosa: idque cumprimis propter vicina ligamenta, nervos & tendines, quæ facile ac fere necessario per ustionem hic cum periculo laeduntur.

XII.

Aduſtis jam ista ratione partibus ossium exesis, primo linamentis aridis deligatur; vel si aeger ab ustione adhuc ardoris sensum in laesa parte percipit; linamentis spiritu vini tepido succidis: postea vero sequentibus diebus medicamenta balsamica protinus imponenda sunt, ceu supra No. VIII. jam tum exposuimus; donec nimirum & durior illa ulceris ignem experti crusta & simul quicquid vitiatum est, subcrescente nova carne ab inferiori osse solvatur; ita abesse vix potest, quin sinus ejusdem bona recentique carne sensim adimpleatur. Namque id ipsum indicio est, ad sanitatem jam tum partem laesam spectare. Contra vero ubi vel nudum os remanet, nulla scilicet carne tectum, vel, quæ succrevit, nova caro mollis, laxa aut spongiosa nimis est, neque satis etiam cum aduſtis ossium partibus cohaeret; vel denique ubi forte alieni prorsus in ossium superficie colores prodeunt; nondum illud vitium extirpatum est. Igitur & novam carnem istam subsecare, vel radere, vel alumine uſto & mercurio præcipitato rubro, aut alio N. 8. laudato fortiori rodente exedere, & vel pristinum aduſtionis negotium denuo suscipere, vel pro re nata alia ex laudatis medicamentis superdare convenit; alias constans curatio non speranda.

XIII.

Quodsi caries ad medullam usque majorum ossium penetraret, suadet PETITUS, (b) exemplum MEEKRENI secutus, (c) ut os hoc modio-Quando caries ad medullam penetrat, trepanum aliquando necessarium. lo (sive trepano) semel, bis aut sæpius, si malum id exigat, perforetur, exemplumque recenset, ubi tibiā, sicut MEEKRENIUS, ter ita perforaverit, postea aduſſerit, atque aegrum curaverit. Sed hæc curandi via raro aliis in ossibus majoribus adhiberi poterit, quam in tibia; quia propter carnes multas accessus modio- Etiam in ossi pectoris. lo (sive trepano) semel, bis aut sæpius, si malum id exigat, perforetur, exemplumque recenset, ubi tibiā, sicut MEEKRENIUS, ter ita perforaverit, postea aduſſerit, atque aegrum curaverit. Sed hæc curandi via raro aliis in ossibus majoribus adhiberi poterit, quam in tibia; quia propter carnes multas accessus modio-

Tom. I.

Ccc

(a) Hæc CELSUS jam docuit Lib. VIII. cap. 2.

(b) lib. de morb. oss. cap. de carie.

(c) Observ. Med. Chirurg. 72. edit. Latinae & 69. Belgicae.

quando modiollo perforandum esse, ut puri, quod interdum per angustum ejus foramen in loco vitiatum exit, non solum liberior exitus paretur; verum etiam, ut medicamenta idonea melius ad sinum & fundum ulceris immitti queant. Sed cautissime in hac sterni perforatione agendum est, & non nisi deliberato consilio; quia respiratio inde laedi, aut aliud incommodum induci potest gravissimum. Denique etiam hic notandum, quod illa *caries*, quae ad ossium medullam se extendit, aut in medulla incipit, (quam *spinam ventosam* appellant) non semper ab interna causa, sed saepius etiam ab externa violentia oriatur, (a) qua venulae intus in osse rumpuntur, & sanguis in cavum ossis effunditur. Qui quiete in pus abit, ossa erodit, atque sic cariem, quae a medulla ad exteriores partes serpit, producit.

XIV.

Celsi quae
dam mo-
nita.

Sin autem nigrities aut caries ad alteram quoque partem ossis transit, atque sic os totum vitiatum, totum quoque, ut CELSUS jam docuit, (b) eximendum est. Si inferior pars integra est, catenus quod corruptum est, excidi debet. Item si *capitis* sive *pectoris os*, sive *costa cariosa* est, inutilis ustio, sed *excidendi necessitas* est. Atque in hac re perficienda, osse denudato non diu expectandum, sed quantum fieri potest, eodem momento & cutis incidenda est, & os detegendum, & omni vitio liberandum est, antequam inflammatio accedat: ante hanc enim omnia haec tutius tractantur. Quando *cartilago carie laesa*, ea quoque scalpello radenda est, donec integrum id sit, quod relinquitur: teste eodem CELSO, ex quo omnia, quae in hoc numero dicta sunt, didici, eaque vix apud ullum recentiore scriptorem tam bene exposita inveni.

XV.

Cariæ sa-
nitio in
quam
consistat.

Quae quidem singula dum curatius aliquando perpendimus, non sine ratione illud ex iisdem cognoscimus ac discimus, praecipuum ulcerum cariosorum & vitiatorum ossium curationis negotium in eo consistere, ut quicquid in osse corruptum atque exesum invenitur, quam celerrime atque aptissime fieri potest, eximatur atque extirpetur: id quod, ut paucis me expediam, in leviori carie fit spiritu vini, vel aqua Reginae Hungariae; in profundiori aut graviore, solutione mercurii in aqua forti; in pessima, igne vel extirpatione. Reliqua enim ulceris curatio deinde cum reliquorum ulcerum curatione per idonea & saepe laudata balsamica remedia fere prorsus coincidit.

XVI.

(a) ibidem, ut & in Heynii lib. de morb. ossium, N. 29.

(b) Lib. VIII. cap. 2. & 3.

Quodsi autem carie gravius erosum os aliquod fuerit, vel si ad articulum aliquem, genu videlicet, pedis atque manus vitium illud transferit, ut excidi, eximi vel aduri pars affecta cum reliquae conservatione haud valeat; *miserum, sed unicum auxilium est*, ut cetera pars corporis, quin imo ipsa vita tuta sit, *membrum vitiatum aut corruptum rescindere*; alias aegri diu miseram ac languidam trahunt vitam, & tamen tandem, ut saepius vidi, exantlatis diu quamplurimis doloribus ac molestiis, ex cibi fastidio, vigiliis, defectu virium, febricula, aliisque gravibus symptomatibus, moriuntur. (a) Attamen quando in majoribus ossibus non totum os, sed pars tantummodo aliqua ejus exterior sive lateralis corrupta est, ut pars quaedam exterior maxillae, ossis humeri, tibiae claviculae; aut aliqua pars costae, ulnae, radii aut fibulae, &c. non mox totum membrum, aut totum os, sed illa solum pars ossis, quae corrupta est, vel medicamentis, vel ferramentis, scalpris aut forcipibus idoneis, ea, qua commodissime hoc fieri potest, ratione, vel diversis vicibus, vel si res circumstantes hoc permittunt, simul ac semel auferenda, sana pars reliqua medicamentis balsamicis, praesertim essentis vulnerariis saepe laudatis, fovenda, superaddito simul linamentis carptis & emplastro, sicuti N. 13. jam docuimus, donec os laesum carne sana rursus contegatur, & ulcus omnino glutinetur. Quandoque pars ossis vitiati, eaque modo parva, modo magna, sponte a reliquo osse recedit ac separatur: quae si apprehendi potest, & ulcus satis amplum, vel digitis vel vossella educenda; sin vero ulcus nimis angustum, scalpello dilatandum, & pars corrupta postea ejicienda. Exemplum ejusmodi notatu dignum videri potest in MEEKREN. Observ. Chirurg. 66, edit. Belg. uti & obs. 69. edit. latinae: ubi magna pars ossis corrupti ac soluti e brachio, aliudque in RUYSCHII observat. pag. 94. ac Thesaur. anat. VIII, Tab. III, ubi e tibia extracta est.

C A P U T IX.

*De Spina ventosa, Paedarthrocace, & Exostosi
quae ossium tumores dici possunt.*

I.

EA corruptionis ossium species, quae intus in ossibus oritur, atque eorum substantiam in latitudinem sive amplitudinem tumoris ad instar sensim extendit, *spina ventosa*. Medicis & Chirurgis hodie

Ccc 2

dici-

(a) Multa etiam ejusmodi exempla, ubi ob cariem membrum resectum est, refert Dranius in Obs. Chirurg. Tom. II. praesertim obs. 101. 102. 103. 104. sed varii horum aegrorum, & forte ob rationem modo dictam, mortui sunt.

dicitur, nonnullis *spinae ventositas*; (a) licet nomina haec priscis Medicis fuerint incognita; qui eam *siderationem*, *gangraenam*, vel *can-
crum ossis*, vel etiam *teredinem* appellarunt. (b) Gallis quibusdam *exo-
stosis* vocatur: (c) quamvis & hoc vocabulum magis pro certis emi-
nentiis sive excrescentiis acuminatis praeter naturam in ossibus, post
fracturam, collisionem, aliamve causam ortis, proprie habeatur, ubi
etiam caries haud raro deest: quemadmodum ejusmodi ossa saepe
vidi & nonnulla adhuc asservo, in quibus eminentiae tales sine ca-
rie conspiciuntur. *Spina* vero hoc malum videtur esse dictum, quia
saepius instar *spinae* carni infixae pungit, & nonnunquam acerbos
satis dolores concitat; & *ventosa*, quia pars afflicta ita saepe intu-
mescit, ut tumor tangenti quasi vento sive aere inflatus videatur,
licet re vera aëre repletus non sit, vel saltem rarissime. (d) Postea
ex nominis hujus barbara, ut videtur, contorsione nonnulli, & cum-
primis PANDOLPHINUS, *spinae ventositatem* effecerunt.

II.

Quid paedar-
throbrocace.

Hoc malum quando ossa puerorum, quemadmodum saepe fit, in-
vadit, cum M. A. SEVERINO a multis *paedarthrocace* appellatur, (e)
vocabulo graeco ex *παις* puer, *ἄρθρον* articulus, & *κακον* malum,
composito, quasi quis hoc ipso malum sive morbum circa articulos
puerorum frequens indicare vellet: quia saepius in his, quam in ad-
ultis observatur; quod inde fieri videtur, quia infantium ossa mol-
liora & magis spongiosa sunt, quam adultorum ac senum, adeoque
facilius ab humoribus noxiis erodi, distendi atque in tumores saepius
maxime deformes expandi possunt. (f) Attamen adhuc aliam diffe-
rentiam sive distinctionem inter spinam ventosam & paedarthroca-
cen intercedere vult SEVERINUS. Nam nonnulli istiusmodi tumores
ossei valde dolent, imo etiam saepe rubent & quasi inflammati sunt,
quibus *spinae ventosae nomen* concedit; alii vero sunt sine dolore, (sal-
tem notabili aut magno) & quidem in principio, ut saepius in pue-
ris,

(a) ut Arabibus, teste Josepho Pandolphino, lib. de ventositatis spinae, morbo sae-
vissimo, ejusque commentatore Mercklino, pag. 38. 62. & seqq.

(b) vid. Mercklini Annot. in Pandolphin. & quae capite praecedenti N. 3. hac
de re diximus

(c) vid. Goraëus in definit. Jo. a Vigo in Chirurg. & Petit. lib. de morb. oss. cap.
de exostosi & carie.

(d) exemplum ejusmodi refertur a Mercklino l. c. pag. 286, ubi facta sectione
tumoris, nil nisi flatus erupit, cum aegrotantis interitu.

(e) Vid. M. A. Severini liber de paedarthrocace, in egregio opere de recondita ab-
scessuum natura contentus: itemque Ammanni, Fausii, Moebii, Cbunii aliorumque de
Paedarthrocace dissertationes academicae.

(f) Videri ejusmodi possunt in M. A. Severino de Abscess. pag. 144. & seq. it.
p. 467. Ruyfcb. Epist. anatom. XIII. Bidloo. Exerc. de Exostosi &c.

ris, ac praesertim rhachiticis conspexi, quibus *paedarthrocaces* nomen tribuit: licet a plerisque hodie haec nomina inter se confundantur, aut pro synonymis unius ejusdemque morbi usurpentur, imo etiam haud immerito pro uno eodemque, ut MERKLINUS (a) docte evicit, habeantur, ea solum cum differentia, ut hic morbus in pueris ab initio quandoque parum vel nihil doleat, dolor vero tandem, si non semper, tamen ut plurimum, nisi mature curentur, superveniat.

III.

Alia praeterea cariei nomina supra N. 1. & capite praecedenti N. 3. ^{Quaenam} indicata, melius plerumque cum hoc spinae ventosae morbo, quam ^{fiat syno.} cum carie vulgari & stricte ita dicta conveniunt: ut *cancer ossis*, *gan-* ^{nyma.} *graena* aut *sphacelus ossis*, *sideratio ossis*, quo HIPPOCRATIS interpretes saepe utuntur, itemque Τερηδων Graecorum, (b) quod vulgo *teredinem* vertunt ac vocant, a similitudine illorum vermium, *teredines* dictorum, qui ligna erodunt atque pessime corrumpunt: quae omnia spinae ventosae synonyma, gradu forte solum differentia, esse verosimile est, id quod prolixius hic explicare aut evincere nolo, quia MERCKLINUS in saepe jam laudatis annotationibus ad PANDOLPHINI libellum hoc non solum, verum & quod veteribus non incognitus, ut nonnulli putant, morbus fuerit, (c) docte atque abunde demonstrasse mihi videtur: qui propterea, cui libet, evolvi potest. (d) Denique etiam hic adhuc notandum, PETITUM in libro suo *de ossium morbis* cap. XVI, omnia haec nomina & morbos sub unico exostoseos nomine pertractare & reliqua notiora illa atque usitatiora Medicis nomina prorsus omittere: quod an satis apte aut recte fiat, aliis dijudicandum relinquo. Interea *spinae ventosae* nomine, tanquam hodie apud nos receptissimo, ut plurimum hic utar.

IV.

Attamen quia hi morbi & cum primis eorum *diversitas* & *gradus* non *Diversitas.* satis bene, ut mihi saltem videtur, a plerisque descripti sunt, paullo distinctius de iis, quia quamplurimos vidi & curavi, hic proponere, ut differentia eorum melius eluceat, constitui: id quod etiam in accuratiori ac meliori eorum curatione usu non carebit. *Spina ventosa* igitur nobis est corruptio & erosio sive caries ossis, quae a pravis humoribus, ut plurimum sine causa externa, sponte non in superficie, ut caries, sed vel inter lamellas aut cellulas ejus, vel intus in ipso osse incipit, & pedetentim versus exteriora progrediendo, tandem vel totum os, (e)

Ccc 3

vel

(a) Libro de Spinae ventositate, p. 53. 54. 248. & seq.

(b) vid. Goraesi definitiones sub hoc vocabulo. Τερηδων.

(c) in primis p. 52. 63. 257. & seq.

(d) Ita Heyne lib. citato, pag. 62. putavit, eam vix ante luem gallicam notam fuisse.

(e) Hoc in minoribus ossibus, ut digitorum, carpi vel tarfi, ut plurimum fieri solet.

vel saltem ejus partem (a) modo majorem, modo minorem, in latitudinem expandit, sive intumorem elevat, (vid. Tab. XII. fig. 16. AB) qui ad tactum haud raro durus & quandoque indolens, subinde aëre quasi repletus videtur, idque cum dolore, modo leviori, modo vehementiori, punctorio & rodente, denique etiam plerumque rubore, motus majore vel minore impedimento, aliisque symptomatibus pravis; tandem vero os laesum sensim eroditur, cute aliisque partibus mollioribus os hoc cingentibus initio adhuc integris: quae vero denique etiam eroduntur & ulcera fiunt mali imo pessimi moris cum vehementi ossis destructione. Quandoque vero hi ossium tumores, ut dictum est, minus molles sunt, sed duriores, sine partium mollium ventosa inflatione, sine rubore & inflammatione, ac indolentes, quemadmodum fere in rhachiticis aliisque haud raro usu venit, atque sic melioris moris, qui tam facile non exulcerantur, neque ceteroquin etiam, saltem quamdiu hoc in statu permanent, tam prava symptomata concitant. His *paedarthrocaces* nomen, ut jam diximus, dedit SEVERINUS: quia pueros maxime affligit, & ut hanc a spina ventosa Arabum distinguat; dolentes vero illi rubentes & inflati tumores, qui pueros aequae ac adultos affligere solent, *spinae ventosae*, *cancris* aut *gangraenae ossis*, (b) vel *teredinis*, nomine venire possunt. *Exostosin* vero voco ossis eminentiam paullo acutiorem praeter naturam, vel, si placet, ossis excrescentiam; sive illa sit cum vel sine erosione. Sed spina ventosa potissimum a *carie* differt tumore ossis. *A Rhachitide* vero, quod in hac multorum ossium epiphyyses sive extrema sine dolore aut erosione indecore intumescant.

V.

*Pars affecta
sive sub-
jectum.*

Utrumque hoc malum in majoribus ossibus plerumque circa extrema sive capita aut epiphyyses eorum incipit, ubi teneriora sunt, maximeque spongiosa, & ubi materia noxia non solum in cellulis ossis facilius haerere, verum etiam ossium atque epiphysium teneriorem substantiam leviori negotio emollire & expandere potest. (c) Inter ea tamen etiam haud raro in medio horum ossium, inter lamellas eorum, & cumprimis in tibia, haec mala nasci saepius vidi: imo *tophi* & *gummata*, ut vocant, *gallica* in frontis aliisque & calvariae, & aliarum partium, praesertim vero tibiae, ossibus haud raro occurrentia ad hunc censum, quia a causa interna proveniunt, merito pertinere videntur: quae vero a ceteris in eo maxime distinguuntur, quod

(a) Quod in majoribus, ut cranii, tibiae, femoris aut brachii ossibus plerumque contingit.

(b) vid. *Celsus* lib. 8. cap. 10. & *Tulpius* obs. Med. Lib. 4. cap. 12.

(c) Incidi varia his malis defuncta cadavera, atque in nonnullis ossa laesa tam mollia deprehendi, ut facilius quam cartilagine scalpello discindi potuerint.

quod noctu cumprimis doleant. Itaque spinae ventosae vitia non solum ossa pedum & brachiorum, verum etiam ossa capitis, maxillarum sive faciei, ossis juguli, imo & pectoris; frequentissime tamen ossa pedum & brachiorum, digitorum, carpi, metacarpi, tarfi ac metatarfi, quemadmodum omnium horum exempla vidi, invadunt: ita ut nullum forte os a pessimis his malis tutum ac immune sit. Plura ejusmodi exempla videri possunt in *Mercklini* notis in *Pandolphinum* pag. 227. & seq.

VI.

Oriuntur, ut dictum est, ut plurimum sponte a *caussis internis*, humoribus scilicet acribus, scorbuticis, rhachiticis, variolosis, post variolas nimirum ortis, (a) maxime vero *venereis*: nam ante notam luem veneream in Europa tam frequenter haud observata fuerunt. (b) Interea tamen neque a ratione, neque ab observatione alienum est, spinam ventosam etiam a *caussis externis*, praesertim in hominibus ad hos morbos jam dispositis, collisione puta, lapsu, fractura vel fissura ossium aliisve violentiis externis interdum oriri posse; (c) quibus vasa vel intra lamellas osseas, vel ipsius medullae in ossibus laeduntur vel dilacerantur, humores effunduntur, putrescunt, medullam corrumpunt ac destruunt, eisque putridis humoribus ossium substantia partim emollitur, partim eroditur: unde dolores, tumores, ulcera ac fistulae tandem in ossibus partibusque haec ambientibus eodem, ut antea dictum est, modo oriuntur; quibus eadem mala, quae ab internis causis nasci solent, excitantur.

VII.

Causa proxima hujus morbi est vel collectio aut congestio sive *decubitus viscidus & tenax*, vel *acris & rodentis humoris*; vel *inflammatio*, quae dam. intus in medulla vel in ipsa substantia aut cavernulis ossium nata, quae tandem in abscessum abeunt, & vel in ichorem vel in pus mutantur. Quoniam vero ejusmodi intus haerentes humores ex ossibus, & praesertim eorum cavis, haud effluere aut evacuari possunt, sed in eis diutius, quam par est, subsistere coguntur, necessum est, ut longiori mora magis sensim putrescant & acriores fiant, vicina erodant atque corrumpant, & cumprimis medullam in similem saniem transmutent, tandem etiam ipsum os aggrediantur, illudque rodendo destruunt.

(a) Exempla refert Hildanus cent. IV. obs. 95. 96.

(b) Sunt, qui putarunt, ea mala ante cognitam luem veneream nota prorsus haud fuisse: ut *Heyne* lib. de morb. oss. pag. 62; verum *Mercklinus* in notis ad *Pandolphinum* cap. I. cap. VII. contrarium evincit; ostenditque, ea jam *Hippocrati*, *Celso*, *Galeno* aliisque nomine *federationis*, *gangraenae*, *cancris ossis* vel *teredinis* descripta esse, vel etiam *cariei* nomine, aut ulceris cum carie ossis indicata, eaque diversa nomina pro synonymis habenda esse.

(c) Exemplum luculentum legi potest in *Heyne* libell. de morb. ossium N. 29.

Phaenomena & signa

struant. Illud, collectio scilicet viscida & pituitosi ossisque aliqualis expansio, contingit haud raro sine dolore, ut in *paedarthrocace*: (a) hoc vero, erosio nimirum ab acri, vix fieri potest sine notabili imo subinde *acerbissimo dolore* in ossibus, &, ut dici solet, in intimis quasi medullis; quos dolores nonnulli *osteocopus* vocare solent. Verum quando hoc malum principio adhuc intus in ossibus haeret, dolor a tactu externo vel pressione partis laesae non exacerbat, ut in malis extus haerentibus alias fieri solet: quando vero dolor ab externa pressione augetur, malum jam ad externas usque partes pervenisse indicatur. Quod ubi factum est, periostium aliaeque partes ambientes, cumprimis tamen una cum ossium substantia tunica cellularis intumescit, quo illa sensatio, quasi aëre aut vento impleta esset, saepe oritur, unde, ut jam dictum est, *ventosae spinae* appellationem accipit. Quando autem, pure apparente, tumor ejusmodi inciditur, vel sponte, ut saepe fit, aperitur, & os affectum, si videri potest, attentius consideratur, illud *ad instar spongiae vel pumicis erosum* ac foraminulis plenum, sicut in carie, plerumque deprehenditur, ita ut ex dictis similitudo horum morborum, signa, ac simul nonnullae differentiae intelligi queant.

VIII.

Gradus spinas ventosae.

Spina ventosa stricte sic dicta haud inepte *in tres gradus distingui potest*, quorum primus est, quando dolor ille *osteocopus*, fere continuus intus in medulla quasi ossis ab aegro percipitur, qui quandoque jam tantus, ut aegrum dormire non sinat, absque tamen subinde tumore & dolore quodam externo: quo in statu morbus tantum intus adhuc in osse latet. *Alter gradus* esse potest, quando praegressis modo nominatis doloribus, eisdemque adhuc continuantibus, vel etiam sine eis, tumor quidam in osse sese sensim manifestat, sive ille sit durior sive paullo mollior & quasi ventosus, cum dolore etiam externo, modo leviori, modo graviori. *Tertium vero gradum* voco, quando praegressis malis prioribus istiusmodi tumor abscessum movet, & vel sponte rumpitur, vel scalpello aperitur, atque ichor foetidus sive purulenta materia butyri vel lardi rancidi odore, exit: qui postea eodem modo, ut in ulcere carioso, plus minusve continuo effluit, atque ulcus hujusmodi creat, quod veteres *ulcus cum ossis carie* saepe vocarunt. Haec species etiam spina ventosa *inveterata*; illa, *incipiens* sive *recens* dici potest.

IX.

Paedarthrocace.

Paedarthrocace cum intumescencia ossis, eaque ut plurimum sine dolore & sine causa externa incipit: attamen saepe successu temporis do-

(a) MERCKLINUS loco citato putat, hoc sine dolore fieri non posse: verum & SEVERINUS & ego hoc aliquoties vidi.

dolor & inflammatio, atque tandem abscessus, ulcus & caries, ut in spina ventosa, praesertim circa articulos sive ossium extrema, insequuntur: quae eadem etiam symptomata ac caries & spina ventosa producere solent. Unde patet, paedarthrocacen initio aliqua ratione pro distincto morbo haberi posse; qui tamen tandem, nisi prius curetur, in spinam ventosam abit perfectam; ita ut non nisi gradu differre videantur.

X.

Ex dictis haecenus, & praesertim etiam iis, quae de cariei prognosi *Prognosis.* capite praecedenti N. 7. differuimus, haud adeo difficulter intelligi & praedici potest, quid ex huiusmodi malis sperandum. Nam cum manifestum sit, noxiam atque corruptam acrem materiam, ossis cavo vel ejus lamellis ac cellulis inclusam, neque sponte natura, neque arte facile evacuari aut expurgari posse; necessario inde sequitur, eam vicinas paulatim partes erodere atque corrumpere, donec tandem os illud, nisi mature succurratur, prorsus exedatur ac destruat, ita ut saepe integrum membrum, si aegrum servare & ab hoc malo liberare volumus, auferri necessum sit. Imo, quod adhuc pejus, si vitium ab interno quodam totius massae sanguineae malo habitu ortum traxerit, tam pravi moris saepe est, ut, postquam etiam pars quaedam hoc morbo corrupta brachium V. gr. aut manus ferro ablata sit, aliud deinde membrum, alterum nempe brachium, eodem modo, ut in cancris affectibus fieri haud raro assolet, male vexetur; id quod tamen non semper contingit: inprimis quando sanguis per convenientem victus rationem atque idonea remedia a labe illa probe purgetur atque corrigatur. In paedarthrocace, & in ipsius spinæ ventosæ primo alteroque gradu, malum saepe aptis remediis adhuc cedit: quo magis vero inveteratum est, quo majores jam fecit progressus, quo aeger debilior, quo sanguis magis corruptus, aut quo graviora alia symptomata junguntur, eo difficilius curatur, imo quandoque prorsus immedicabile est, ac tolli non potest; sed aegri, viribus tandem exhausti & febricula quasi consumti, ut in carie vehementiori, pereunt.

XI.

Curatio spinæ ventosæ duplex mihi est, prout nimirum malum vel *Curatio spi-* in primis duobus, quos constituimus, gradibus, quosque leviores *nae ventosæ.* appellare possumus, vel in tertio & pessimo gradu, ubi jam ossa omnino cum ambientibus partibus erosa sunt, existit. In prioribus igitur iisque levioribus gradibus optimam, quam haecenus cognovi, curandi rationem esse deprehendi, si (1) aegro adulto quotidie,

pro sanguine noxio corrigendo, aliquoties porrigatur *decoctum*, *lignorum* vulgo dictum, ex rad. sarsaparillae, chinae, scorzonerae, ligno sassafras, guajaci vel juniperi, & quidem singulis vicibus ad zviij . X vel XII, prout aeger vel debilior est vel robustior, calide ut decoctum Theae vel Coffee bibendum, quodque matutino tempore in lecto, assumtis simul in primo haustulo eff. lignorum, vel pimpinellae albae, aliusve similis guttis L ad LX, cum regimine blande sudorifero usurpandum praecipio, ut intimius minora vasa & fibras etiam ipsas ossium melius penetret, noxiosque humores inde vel propellat atque expellat, vel corrigit: id quod digestionem & resolutionem hujusmodi subsistentium humorum ac tumorum vehementer promovet. (2) Egregie hanc intensionem & scopum juvat, si aliquoties in die parti laesae *decocta herbarum resolventium* sive *aromaticarum* supponantur, & vapor, parte tecta, ad locum affectum calide admittatur. (3) Extra hoc tempus pars laesa bis in die *unguento mercuriali* calide probe fricanda, atque deinde emplastrum mercuriale eidem superimponendum. (4) Interne simul *medicamenta mercurialia* vel semel in debilioribus, vel bis in paullo robustioribus apta dosi, nunc sine nunc cum blanda salivatione, pro mali & aegrorum diversitate, sunt porrigenda: nam sine mercurialibus parum vel nihil aliis solum remediis in his morbis effici, frequenti usu convictus sum; quod tanto magis indicat, haec mala plerumque virus venereum undecunque contractum, vel saltem simile malum pro causa sive fundamento habere. Quando itaque hac indicata ratione per aliquot hebdomades, (nam brevi tempore non superatur) prudenter continuatur, primus imo & secundus gradus, ubi jam ossei tumores adsunt, curari, tumoresque facti vel rursus digeri sive dissipari, vel saltem in eum statum redigi possunt, ut non amplius augeantur, verum sine dolore aliove graviori aegri incommodo, ita ut fuerunt, persistant; id quod saepissime, ubi digestio obtineri non potuit, hac ratione feliciter obtinui: inprimis quando aeger debitam ac modicam victus rationem servat, & pro cibo non nisi jusculis sanguinem temperantibus ac demulcentibus, una cum vegetabilibus & carnibus tenerioribus; pro potione vero ordinaria decocto secundo ex radicibus & lignis supra nominatis, vel ex decocto cornu cervi, hordei, avenae, aliove simili aquoso, blando, tenui utatur.

XII.

Paedarthro-
ces cura.

Atque eandem etiam curandi rationem in *paedarthrocace*, sive iis ossium puerorum tumoribus, qui vel sine, vel saltem sine magno dolore sunt; interpositis praesertim subinde medicamentis alvum ducentibus, ex mercurio dulci potissimum paratis, efficacissimam optimamque

que deprehendi: ubi & simul, si rhachitis conjuncta, remedia huic malo opposita, cum motu & gestatione frequenti, apte conjungenda & prudenter interponenda sunt.

XIII.

Quodsi vero utrumque malum jam sit vehementius, atque laudata *Curatio spi-
nae ventosae
gravioris.* remedia parum sint, sed e contrario dolores ac tumores in ossibus augeantur, abscessus accedat, atque omnimoda ossis destructio metuenda, os hoc, nisi abscessus forte jam sponte ruptus, ante maturationem etiam perfectam, in loco aptissimo; qui plerumque inferior, maximeque dolens est, vel scalpello satis detegendum, aut nimis angustum adhuc postea satis dilatandum, vel etiam in timidis rodente medicamento, atque postea vel terebra minori (*Tab. VII. fig. 2. aut fig. 7. A. vel Tab. XIV. fig. 8.*) aliquot sive pluribus foraminibus (a) usque ad medullam perforandum, ut corrupta ac rodens materia exitum inveniat. Vel ubi haec ad emittendam saniem minora foramina non sufficiant, tutoque & commode id fieri possit, terebra majori, quam modiolum aut *trepanum* vulgo appellant, os perforandum, sicut capite praecedenti n. 13. jam docuimus, ut sic non solum amplior faciliorque exitus materiae noxiae, sed & pro osse purgando sanandoque melior aditus medicamentis, injectionibus & manui paretur. (b) Postquam haec facta sunt, interne adhuc decoctis & essentiis liquorum, antimonialibus itemque temperatioribus mercurialibus; externe vero mundantibus atque balsamicis medicamentis, qualia sunt decoctum agrimon. faniculae, hyperici vel aristolochiae cum melle rosar. & essent. myrrh. ac aloës, siphone bis quotidie injectis, ulcus purgandum; vel mercurio dulci in aqua plantag. vel aqua calcis soluto: postea essentia vel modo laudata, vel ess. mastichis aut succini cum linamentis carptis ei, ut in aliis ossium ulceribus usu venit, imponendum, superinjecto emplastro mercuriali aliove conveniente deligandum, donec glutinetur. Interdum etiam *ferrum candens* in his malis, si commode applicari potest, haud alienum est: ut eo malum funditus tollatur: speciatim si tantum inter ossis lamellas haereat, vel alias idoneum esse cognoscitur (c) *Rasio* vero cariei magis quam spinae ventosae apta videtur.

D d d 2

XIV.

(a) Suaferunt hoc jam *Celsus*, *Paraeus*, *Severinus*, *Sennertus*, *Marchettus*. vid. *Mercklini* notae pag. 483. seq.

(b) Hanc methodum etiam laudarunt *Celsus* Lib. VIII. cap. 2. & 3. *Heyne* lib. de ossium morbis p. 68. *Petitus* lib. de morb. oss. cap. de exostosi, & *Boerhaav.* in aphor. pract.

(c) *Severinus* nimis laudibus ignem in spina ventosa & paedarthrocace efferre mihi videtur cap. 20: quia saepe eo aut ad fundum pertingere non possumus, aut corruptio nimis magna est.

XIV.

Curatio
pessimae.

Quando vero malum adhuc gravius, omniaque laudata quam efficacissima ceterum remedia optatum effectum praestare recusent, atque pars jam nimis corrosa atque destructa, ita ut spes nulla sit partem, imo & aegrum, alia ratione conservandi; grave, sed unicum, ut in carie, superest remedium, *amputatio*: quae vero, pro diversitate partium laesarum, duplici ratione fieri debet. 1) Scilicet, quando morbus in parvis ossibus, ut in carpo, tarso, metacarpo vel metatarso, vel etiam in digito est, non opus est semper, ut totum membrum, digitus nimirum, pes vel manus, auferatur; sed sufficit saepe, ut ossiculum tantum corruptum eximatur. Sic in ejusmodi corruptione ossis digiti extremae imo & mediae phalangae, non totum digitum, sed solum os corruptum in extremo vel altero articulo, vel ubi jam hic laesus erat, in prima phalanga amputavi, & quod sanum integrumque erat, conservavi. Imo & in corruptione ossis metatarsi, quod pollicem pedis sustinet, pollice adhuc sano existente, in puero decem annos nato, tantum hoc os, & quidem non integrum, sed solum quatenus corruptum erat, in parte ejus posteriori & media a sanis partibus separavi, vulnus postea balsamicis consolidavi. Ita puer hunc pedis pollicem conservavit, & sine omni incommodo aequè bene ambulare potuit ut antea. (a) Quando vero digitus totus vel etiam solum primum os corruptum erat, totos digitos & pollices rescavi. (b)

XV.

Si pars tantum ossis majoris tarso. Praeterea quando in majoribus ossibus non totum os, sed pars tantummodo aliqua ejus exterior sive lateralis carie aut spina ventosa corrupta est, rursus non mox totum membrum, aut totum os, sed illa solum pars ossis, quae corrupta est, eodem modo, ut in carie, capite praecedenti N. 16. docuimus, vel medicamentis vel ferramentis, scalpris aut forcipibus idoneis, ea, qua commodissime hoc fieri potest, ratione auferenda, & ulcus postea glutinandum. Quando autem totum os aut articulus corruptus. tem os magnum, ut humeri, femoris vel tibiae, vel integer articulus in brachio, genu vel pede hoc malo in totum vitiatum est, non nisi auferen-

(a) DRANIUS in observ. suis Chirurg. obs. 112. fere similem recenset casum: ubi vero totum pollicem, una cum laeso osse metatarsi, rescavit. Sed hoc, si fieri potest, evitandum esse censeo; quia sine pollice pedis homines non tam commode ambulare possunt, quam cum eo.

(b) Exemplum pollicis & manus ob spinam ventosam resectorum vid. in SCULTETI observ. 90.

ferendo ac refecando omni illo, quod corruptum & quod infra est, curari potest; facta amputatione supra corrupto in parte sana: qua vero de re infra in altera Chirurgiae nostrae parte uberius praecipiemus.

XVI.

In certis spinae ventosae speciebus, ubi tumores ossium laudatis medicamentis cedere recusant, atque manibus accessus datur, suadet PETIUS, (a) ut tumor osseus sectione cruciformi detegatur, & pars extrema quatuor angulorum cutis refecetur: hoc facto, pars linamentis aridis deligetur. Die sequenti praecipit, ut tumor totus in osse quamplurimis foraminibus, juxta se invicem terebra factis, probe perforetur, ita ut cribri instar foraminulis repletus sit, ac postea *cuneo* & *malleo* totus auferatur. Posthaec linamentis siccis vulnus rursus implet, ac deinde, ut vitiatum tanto citius a sano recedat, jubet, ut solutio mercurii in aqua forti, supra in carie & alibi jam à me laudata, parti corruptae tantisper imponatur, donec omne vitiatum ablatum sit: hocque remedium hic tantopere commendat, ut illud omnibus reliquis medicamentis hujusmodi in casibus, imo & ipsi ferro candenti, si modo corruptio non sit nimis profunda, haud immerito praeferat.

XVII.

Si acuta quaedam eminentia, sive excrescentia, quae *exostosis* proprie vocatur, in osse quodam praeter naturam protuberat, eaque nullam molestiam vel dolorem vel deformitatem creat, & caries sive spina ventosa abest, quemadmodum tales vidi, praestat eam, meo quidem judicio, non curare: quia remedium non solum gravius ipso esset morbo, verum etiam osse nudato, cariem aliave in osse incommoda facile concitare posset. Contra, si deformitatem, impedimentum alicujus actionis, dolorem aliave mala induceret, eadem, ut modo dictum est, ratione tollenda erit. Cariei, spinae ventosae & exostoseos exempla varia depicta videri possunt in CHESELDENI splendido ac novo Osteographiae opere a Tab. 41. ad finem. RUYSCHII observat. pag. 94. itemque ejus Thesaur. anat. VIII. Tab. 3. & Thesaur. X. Tab. 2.

(a) lib. de morb. oss. cap. de carie.

C A P U T X.

*De ulceribus capitis, Tinea, Favo, Achoribus,
Crusta lactea.*

I.

Quid sint
haec mala.

R Estat, ut nunc de ulceribus capitis quibusdam adhuc dicam, & quidem potissimum de iis, quae partem ejus capillatam maxime afficiunt, & modo *Tinea*, modo *Favus* vel *Achores* hodie appellantur. Sciendum vero est, non convenire artis salutaris Professores circa horum nominum significationem; dum quidam hoc, alii alio modo ea explicant. Sub *favi* nomine ulcera vulgo intelligunt capitis, quae instaravorum apum multis foraminibus excavata sunt; *achorum*, quae tenuibus admodum & plurimis perfodiuntur foraminulis, quae humorem modice viscidum continent. Multi haec mala etiam *tineam* vocant, ob similitudinem foraminulorum, quibus ut vestis a tineis exesa videntur. (a) Ut plurimum tamen *tinea* hodie sumitur pro scabie quadam partis capillatae capitis, squamis crassis & turpibus arida, atque odore tetra, pueris & infantibus potissimum familiari, quibus tamen haud raro etiam faciem sive vultum deformat, quo in casu hodie vulgo *crusta lactea* appellatur, estque saepe satis blanda & benigna; at interdum mali moris & periculosa. Est vero etiam *tineae* sive scabiei capitis *pejor quaedam species*, cineritia eaque crassa crusta totam capitis partem capillatam occupans, pruritu vehementi & foetore admodum molesta, atque difficilis haud raro curationis. Aegri plerumque pallidi sunt, & malum faciei colorem exhibent. Saepius tamen vitia haec in infantibus & pueris conspiciuntur, quam in adultis, eorumque causa plerumque prava victus ratio vel nutricum vel ipsorum puerorum esse solet, unde sanguis vitiosus generatur, qui istiusmodi ulcera producit. Interdum tamen etiam adultos invadunt, & speciem quasi leprae repraesentant, ubi difficulter admodum curantur. Haud raro quoque in *lue venerea laborantibus*, vel saltem contagio venereo infectis, pars capitis capillata, imo & non capillata, ac praesertim frons, siccis ejusmodi squamis & ulceribus scabiosis, quam *scabiem veneream* vocant, afficitur: imo & *gummata* & *tophi*, quos vocant venereos, capitis, quia in ulcera saepe abeunt, aliquo modo huc referri possunt.

II.

(a) vid. HEURNIUS lib. de morb. capitis, cap. VII.

II.

Quamvis autem priora illa ulcera a se invicem forte diversa sunt, ^{Quomodo} tamen quia eodem fere modo curantur, ea hic non separabo, sed ^{curentur.} conjunctim de iis hic agam, & quomodo sananda sint, docebo. Igitur quando leviora adhuc sunt, oportet aliquoties humores noxios per alvum educere, & quidem ejusmodi medicamentis, quae mercurium & cumprimis dulcem apta copia continent. His interponenda, si aegri paullo adultiores, decocta lignorum, pulveres, pilulae & essentiae sanguinem corrigentes; si infantes lactantes, pulveribus quidem diaphoreticis, sed eorum nutrices pulveribus, pilulis, decoctis & essentiis uti debent. *Externe* scabiei sive crustis cum fructu illinitur cremor lactis cum pauca cerussa praeparata mixtus, aliquoties in die; vel oleum ovorum solum, vel cui parum olei cerae additum sit; vel unguentum de enula, de cerussa, diapompholygos, aliudve simile saturninum: observata simul apta diaeta, defensoque corpore contra aëris injurias. Ita plerumque non solum leviora istiusmodi ulcera sanescunt, verum etiam paullo vehementiora, praesertim si simul interne alterandi scopo mercurius dulcis, vel in pulveribus vel in pilulis, modica copia caute datur, vel etiam mercurius vivus unguentis saturninis immiscetur.

III.

In vehementiori malo, praesertim si quis remedia mercurialia adhibere non vult, curatio non succedit, nisi capilli prius auferantur, ^{Alia cu-} quibus ulcera haec vehementer innexa sunt. Hinc nonnullis in locis ^{ratio.} in usu est, ut vel sensim evellantur, vel simul & semel ope emplastri ex pice, praesertim navali, confecti, quam igne leni dissolvunt, lintheo robusto vel etiam corio inducunt, illudque resectis prius ad scabiem usque capillis toti capiti capillato calide injiciunt, & firmiter agglutinant: capite postea contra frigus vestimentis probe munito. Haec ita per horas XII vel XXIV. relinquuntur: postea emplastrum hoc una cum crusta scabiosa & radicibus capillorum simul ac semel vi avellitur; quod vero sine insigni dolore & sanguinis profusione fieri haud solet. (a) Postea sanguis linamentis abstergitur, caput oleo laterino, adjecto pauco oleo cerae calide fovetur, & emplastrum de spermate ranarum, pauca camphora impraegnatum, superadditur: id quotidie ita fit, donec pars laesa munda appareat. Tandem oleo ovorum vel eff. succini inungitur, donec ex toto sanescat. Interne medicamentis sanguinem depurantibus, N. 2. indicatis, una cum recta victus ratione simul

(a) Ex colophonia etiam ejusmodi emplastrum fieri potest.

simul continuatur: ubi etiam antimonium vel per se vel cum pauca copia florum sulphuris remixtum egregie valet, & noxiam materiam vehementer expellit. Principio vero ab unguentis ex mercurio aut sulphure paratis curiose abstinendum: nam saepius observatum est, quod vitiosam materiam repellant, & aegros in periculum mortis praecipitent; quod vero praemissis satis diu mundificantibus internis non faciunt.

IV.

*Crustae
lacteae
curatio.*

In ulceribus scabiosis faciei infantum, quae *crusta lactea* vulgo vocantur, vel etiam *achores*, interne nutricibus antea laudata remedia (No. 2.) tam evacuantia quam corrigentia danda. Infantibus vero ipsis humores noxii saepius per medicamenta alvum ducentia sunt ejiciendi, interjectis pulveribus diaphoreticis ex antimonio diaphoret. lap. cancror. antimonio crudo & flor. sulphuris. Quibus aliquamdiu usurpatis, ex cremore lactis cum creta vel cerussa fiat linimentum, quo crusta scabiosa aliquoties in die inungatur. Vel loco hujus oleum tartari per deliquium; vel oleum ovorum cum pauco olei laterini. Unguenta vero ex mercurio vel sulphure confecta, ut jam dictum est, plerumque in principio, & cum primis debilioribus valde nocent. Quodsi tamen ab imperitis ejusmodi remedia citius, quam par est, fuissent adhibita, ut adhuc saepius fieri solet, & infantes inde aegrotarent, medicamentis sudoriferis internis, pulveribus, essentiis, potiunculis, potu calido, ac regimine calido, infanti & nutrici usurpatis, materia noxia omni cura denuo expellenda, hisque continuandum, donec bene rursus sese habeant.

FINIS PARTIS PRIMAE.

CHIRUR.

CHIRURGIAE
PARS ALTERA
DE
OPERATIONIBUS
SIVE
ACTIONIBUS CHIRURGICIS.



P R A E F A T I O.

Postquam de quinque generibus noxarum corporis, hoc est, de *vulneribus, fracturis, luxationibus, tumoribus* atque *ulceribus* non generatim solum, sed & vel maxime singulatim prima Chirurgiae parte diximus; sequitur, ut ad alteram, quae de *Chirurgicis operationibus* inscribitur, ejus partem progrediamur. Tractabimus in hoc ipso volumine de reliquis vitiis omnibus, per totum corpus orientibus, quae vel minus apte explicari in primo volumine potuerunt, vel proprias etiam ac singulares encheirises sive artificia postulant. Sed ita tamen, melioris ordinis gratia, de iisdem tractaturi sumus, ut praepositis iis, quae in *plerisque, vel in variis saltem corporis partibus fiunt*, de sanguine videlicet per venas detrahendo, fonticulis excitandis, ferro candenti applicando, excrescentiis denique integrisve corporis partibus praecidendis, praecipis luculentis, ad ea, quae proprias sedes habent, seu quae non nisi in singulis corporis partibus incidunt, transeamus. Quae dum exequi aggredimur, non sine ratione ab iis ordimur, quae in *capite* singulisque propemodum ejus partibus, calvaria scilicet, palpebris, oculis, auribus, naso, labris, dentibus, gingivis, lin-

P R A E F A T I O.

gua, palato, tonsillis, uvula & aliis contingunt. Hinc de illis dicturi sumus operationibus, quae *colli* vitiis accommodatae sunt. Tum de illis, quae in *pectore* instituuntur. Denique istas explicabimus, quae in *ventre* vel abdomine, partibusque illi propinquis, ano scilicet, atque sexus utriusque pudendis sive naturalibus quam saepissime fieri consueverunt. Tandem ac postremo de iis exponemus operationibus, quae in *brachiis* praesertim ac *pedibus* suscipiuntur. Quarum quidem operationum omnium quanquam insignis numerus atque mirum quantum varia ratio sit; tamen illud nos operam semper dabimus maximam, ut rationem singularum optimam una cum instrumentis aptissimis, quantum fieri potest, luculentissime describamus. Sic enim non tirones solum prima & solida Chirurgicae artis principia, sed reliqui etiam in rebus chirurgicis haud leviter jam tum versati aliquid ejusmodi in his ipsis praeceptis atque institutis nostris, spero, invenient, unde scientiam atque artem suam aliquo saltem modo perficere vel exornare possint.

PARTIS SECUNDAE

SECTIO PRIMA.

DE

OPERATIONIBUS

CHIRURGICIS,

Quae in plerisque vel diversis saltem corporis
partibus fiunt.

CAPUT I.

De Sanguinis detractiōne per venas.

I.

A sanguinis equidem missione sunt nobis in hoc ipso de chi- *Sanguinis*
rurgicis operationibus volumine differendi capienda pri- *missio quid*
mordia. Praeterquam enim quod ipsa in diversis corpo- *rit?*
ris partibus fiat, una sane omnium frequentissima hodie
solet esse operatio. Fieri autem *sanguinis missio* dici so-
let, quoties per venam subtiliori quodam & praeacuto ferramento sive
scalpello incisam, tantum sanguinis, quantum pro sanitate hominis vel
restituenda vel conservanda ex judicio Medici satis est, detrahitur.

II.

Vetustissimam pariter atque utilissimam operationem chirurgicam *Vetustissima*
haud immerito venae sectionem dixeris: siquidem ipsa, prouti ex HIP- *atque uti-*
POCRATE, CELSO, (a) vetustissimisque aliis chirurgicae artis scriptori- *liissima ope-*
bus colligitur, jam per trium fere abhinc millenariorum spatium usita- *ratio est.*
ta fuit ac celebrata. Tametsi enim nec inter ipsos etiam salutaris artis

E e e 3

pro-

(a) *Medic. Lib. II. cap. 10.*

professores, tam veteres quam recentiores, defuerint, qui perniciosissimam prorsusque illicitam operationem sanguinis missionem; nocentissimos autem homines atque adeo carnifices illos Chirurgos, qui eam exerceant, cum ERASISTRATO, PARACELSO, HELMONTIO, PORTIO, BONTEKOE, GEHEMA, & aliis pronunciarunt; inanes tamen, nisi ego fallor, atque adeo injustae sunt, quibus nobilissimum hoc sanitatis auxilium infectati sunt, ipsorum criminationes. Dudum enim experientia Medicos edocuit, nullum ferme nec promptius nec utilius ad curandos ac precavendos quamplurimos morbos in universa medicina reperiri remedium sanguinis per venas detractio; feruntque nonnulli Medicos eam ab hippopotamo didicisse, qui certis temporibus venas acuta arundine sibi aperiat. vid. *Polydor. Vergil. de Rer. Inventor.* mihi pag. 65.

III.

*Interdum
valde diffi-
cilis.*

Sanguinem mittere, si vulgi sententiam sequimur, ita profecto expeditum est, quam quod vel maxime. Sunt enim, fateor, in hominibus quibusdam usque adeo grandes, manifestae atque expositae venae, ut vel ab ipsis etiam tironibus incidi nullo negotio & quam felicissime queant. Contra vero in aliis hominibus ita vel minutae vel alte positae eadem sunt, ut nec ab expertissimo quidem Chirurgo reperiri facile aut incidi sine periculo valeant. Quum enim venis arteriae, his nervi atque tendines juncti sint, fieri profecto quam facillime poterit, ut horum aliquid scalpello simul praecidatur aut saltē laedatur. Quod ipsum simulatque contingit, gravissimi ut plurimum dolores, nervorum distentio, convulsiones, inflammationes, graviores sanguinis profusiones, aneurismata, gangraena, quin & crudelissima quandoque mors, experientia teste, suboriuntur. Igitur si qua alia, certe haec operatio circumspeditionem atque attentionem postulat. Siquidem gravissimam haud raro famae atque existimationis suae jacturam, juniores praesertim Chirurgi, faciunt, qui vel timide nimis scalpellum demittunt, ut sanguis non sequatur, vel in facillima atque expeditissima, ut apparet, istiusmodi operatione haud omnino felices deprehenduntur.

IV.

*Requisita
in Chirur-
go venam
incisuro.*

Esse autem debet Chirurgus, qui promptum atque felicem in incidendis venis praestare sese voluerit, manu haudquaquam rudi, sed agili atque tenera, nec unquam intremiscente; acie oculorum acri claque; animo denique intrepidus. Alias etenim vel ab ipsa vena prorsus aberrabit, vel pessimum aliquod ejusmodi malum movebit, quo homines misere saepe consumuntur. Atque haec ratio est, quare Chirurgorum in incidendis venis promptitudo cum ipsis quasi annis saepius sensim sensimque deficiat. Quo enim grandiores aetate fiunt, hoc magis quoque hebetes oculi, manus instabiles atque intremiscentes evadunt.

V.

V.

Instrumentum, quo nostris temporibus ut plurimum incidi a Chirurgis ^{*Instrumentum ad*} venae solent, *scalpellum chirurgicum* vel *phlebotomum*, (*Lancette*) dicitur. ^{*venae sectio-*} Quod qualenam esse debeat, Tab. I. litt. A. nec non Tab. XI. fig. ^{*nem.*} 5. haud obscure indicant. Providendum hic ante omnia Chirurgis est, ut non plurimis tantum, sed his quoque optimis maximeque acutis, quamvis paullo amplioribus, instructi semper sint scalpellis phlebotomis. Sic enim non in pluribus solum hominibus, prouti necessarium quandoque est, sine cunctatione, sed quam minimis etiam cum doloribus aperiri venae poterunt. Sunt equidem in Germania, Suevia praesertim, Franconia, Bavaria, atque inferiori Saxonia nostra non pauci, qui priscum illud ferramenti genus, *phlebotomus Germanorum* (*Fliete*) dictum (Tab. XI. fig. 3.) ita hic applicant, ut alterius manus digiti partem B contineant, impositaque super venam cuspide A, alterius manus digitus aliquis partem C impellat, istaque ratione ferramentum in venam immittat, qualiter fere fabri ferrarii in incidendis equorum venis facere consueverunt. Chirurgorum ac balneatorum alii magis artificioso, id est, *elastico* quodam *phlebotomo*, Germani *Schnäpper* aut *Schnäpperlein* vocant, (fig. 4.) hanc in rem utuntur, quod intendunt, apicem A venae imponunt, & deinde premendo ad B remittunt. Rursus alii quendam quasi *sagittarium phlebotomum* (a) adhibent, dum scilicet scalpello, quasi sagitta, venam configunt. Sed quicquid tandem harum rerum sit; sane, quia non eadem semper vel aequae apta in diversis hominibus venarum positura aut figura deprehenditur, commodius utique hisce instrumentis omnibus *scalpellum phlebotomum Gallorum* (*Lancette*) videtur, licet non pauci nostrorum Chirurgorum satis expedite *scalpello Germanorum* fig. 3. & 4. venas aperiant.

VI.

Quanquam autem ex variis corporis humani partibus, *brachio* videlicet, *manu*, *pede*, *fronte*, *temporibus*, *collo*, *lingua*, *membro virili*, atque ^{*Ubinam*} aliis, ^{*venae sectio*} ^{*instituitur.*} emitti sanguis adsolet; frequentissime tamen fere illud ipsum fit ex ista vena, quae in brachio juxta cubiti juncturam posita invenitur. Quare operae pretium facturi nobis videmur, si de hujus venae incisione non primo tantum loco, sed aliquanto etiam uberius exposuerimus.

C A-

(a) Figuram videsis apud CRONIUM in libello de venae sectione pag. 33. fig. 4.

C A P U T II.

De sanguinis detractiōe per venas brachii.

I.

Ad san-
guinis
missionem
praepara-
tio.

Sanguinis equidem in brachio missionem fieri per venas juxta interiorē cubiti partem constitutas, vulgo etiam notum est. Circa ipsam autem operationem istam varia utique Chirurgis veniunt prospicienda: quarum alia primo ad praeparationem spectant, sive quae ante missionem sanguinis; alia deinde, quae fieri in ipso opere debent; alia denique post detractum sanguinem factu necessaria sunt. Nos de singulis singulatim atque juxta ordine praecipiemus. Atque ad praeparationem quidem quod attinet, in promptu sint necesse est 1) *fascia* quaedam linea, unam circiter ulnam parisiensem longa, binos vero digitos ampla, funiculisque, sicubi visum ita fuerit, circa partes extremas instructa, vel etiam sine his: 2) *bina spleniola quadrata*: 3) *aliquot vitra sive vascula* excipiendo sanguini accommodata; 4) *spongia* cum calida aqua: 5) *aceti, vini, vel aquae reginae* portiuncula, pro confortando, si opus fuerit, illo homine, cui sanguis detrahitur: 6) *duo ministri*, sed animo intrepidi; quorum alter vasculū sustinendo, afferendis rebus necessariis alter destinari queat: 7) *candela ceracea flexilis*, quoties nimirum vel noctu, vel in locis obscurioribus vena incidenda est. Tum 8) providendum quoque illud est, ut vel in *sella* quadam paululum *reclinata*, vel etiam, quod apud timidos satius videtur, in lectulo homines collocentur; ne qua forte propter animi defectionem prolabantur. Denique 9) nec minori cura illud cavere Chirurgos convenit, ne aut capillamenta, aut focalia, aut manicae prominentes in opere ipsi officiant. Dehinc nihil ipsum moveant hominum de latente, vel & minus feliciter ab aliis Chirurgis incisa vena querelae. Tandem is *sinistra non minus, quam dextra manu promptus sit*. Quemadmodum enim ad dextri brachii venas incidendas dextra, sic ad sinistri venas aperiendas sinistra magis apta esse animadvertitur. Siquidem nonnulli sunt, qui non nisi ex sinistro brachio sanguinem sibi detrahi patiuntur; vel etiam in dextro brachio apta vena non pateat.

II.

Quid in ipsa
venae sectione
factu
opus sit.

In ipso venae sectionis opere, quanquam nonnisi unico puncto illud ipsum absolvatur, quamplurima tamen observanda sunt, siquidem feliciter institui debeat. Primum est, ut Chirurgus brachium hominis, in quo vena incidenda, probe inspiciat, ad venas ejus rite observandas;

vandas; deinde illud apprehendat, idemque versus pectus suum extendi jubeat. Tum reducta, circiter ad manus amplitudinem supra cubitum, manica, fasciam aliquam pollicarem ulnaeque fere longitudinem adaequantem, loco tres fere digitos transversos sursum a cubiti flexura remoto, binis factis ductibus injiciat, (*Tab. XI. fig. I. D.*) pauloque firmiter nodo constringat; quo scilicet venis compressis, propter sanguinis impeditum refluxum, intumescat, itaque magis conspicua fiat. Quam brachio injicere Chirurghi hoc in casu solent, rubra fere semper fascia est. Sed adeo tamen nihil perpetuum hic est, ut quilibet alius etiam color istiusmodi fasciis aptus reperiatur. Applicata hunc in modum fascia, brachium rursus paululum demittitur, scalpellumque aliquod ex theca depromptum atque adinstar anguli alicujus obtusi diductum, dentibus circa juncturam A tantisper comprehenditur, (*Tab. XI. fig. 5.*) dum paulo vehementius ipsae venae turgeant, & in conspectum Chirurghi veniant. His confectis brachium eadem, ut antea ratione a Chirurgo iterum ad pectus extendatur atque apprehendatur, ministro vascula sustinente, commodissimo, quo fieri potest, loco, ad excipiendum salientem sanguinem constituto.

III.

Dehinc explorandum est, quatenam inter venas obvias quam maxime conspicua ideoque ad incidendum commodissima sit. Observandum enim hic est, tres potissimum in brachio venas saepe comparere, quarum prima *cephalica* dicitur atque in exteriori brachio reperitur; (*Tab. XI. fig. I. A.*); altera, *basilica* dicta, in interiori brachii latere posita deprehenditur, atque in dextro quidem brachio *hepatica*, *splenetica* autem in sinistro cognominatur; (*vid. ibid. litt. B.*) tertia denique, medio quippe inter binas priores loco oblique posita, *mediana* vocatur. (*vid. litt. C.*) Ac mediana quidem & basilica quia paulo ampliores sunt, majorem, quam cephalica sanguinis copiam plerumque emittunt, sed majori tamen cum periculo subinde inciduntur. Etenim basilicae grandis quaedam arteria, brachialis nimirum & nervus; medianae, tendo musculi bicipitis subjacent. Quanquam autem ipsae imprimis conspicuae sint, ideoque frequentius quam cephalica incidantur; satius tamen ac tutius videtur, minus adhucdum expertis chirurgicae tironibus cephalicam, vel saltem medianam ad aperiendum proponere. Quoties autem venarum istarum positura sic comparata est, ut non nisi unica ex illis compareat, quemadmodum saepe contingit, tum aliena utique, imo vero impossibilis videtur electio. Neque enim aliud, nisi quod a Chirurghi prudentia & circumspectione petitur, salutis hic superest praesidium.

IV.

Simulatque jam constiterit, quatenam prae reliquis ad mittendum
Tom. II. Fff Quo loco incidenda vena sit.

sanguinem apta vena sit; tum incidi haec eo potissimum loco debet, quo ampla maxime atque conspicua videtur. Si quae autem cicatriculae ex olim jam tum institutis venae sectionibus adsunt, aperire utique venam istam loco, non supra sed infra cicatriculam constituto, convenit: quo nimirum promptius sanguis effluat. Fere semper enim venae pars superior, propter juxta positam cicatriculam paulo angustior esse consuevit. Igitur quoties sanguis ex ejusmodi brachio detrahendus est, quod nullam adhuc venae sectionem expertum fuit, summae semper, quoad fieri potest, venae parti immittere ferrum oportet: Sic enim descendi sensim in iterata sanguinis missione ad inferiores venae partes commodius poterit, atque ita sanguis eadem, ut antea facilitate evocari: quum e contrario idem ex foramine supra cicatricem facto parcius ac tardius ut plurimum effluat.

V.

Quid proxime ante incisionem fieri debeat.

Ante vero, quam scalpellum cuti admovetur, ubi venae minus conspicuae, haud alienum est, brachium inferius manu vel digitis gnaviter demulcere, tantisperque sanguinem versus cubitum comprimere, donec vena magis intumescat. Quae dum in brachio dextro fiunt, sinistra sua chirurgus brachium illud sic complectitur, ut venae incidendae pollex imponatur; ut nimirum nec sanguis reflueret, nec facile loco suo cedere vena queat. Firmiter sic comprehensa vena, defigendi penitus in eam partem oculi sunt, in quam ferrum demittere constituimus. Tum scalpellum ita ex ore promendum manu dextra est, ut a pollice digitoque indice ferramentum medium contineatur, reliqui vero digitus, ne vacillare manus possit, hominis, cui vena incidenda, brachio blande imponantur.

VI.

Ipso puncto quomodo fieri debeat.

Dehinc scalpellum leniter ac provide a pollice digitoque indice adigendum in venam, donec eam penetraverit, eodemque momento sursum aliquantisper commovendum est; ut nimirum vulnusculum fiat paulo amplius, atque sic brevi tempore largior sanguinis copia effluere simul queat. Fere commodissima enim atque justa foramina sunt, quorum longitudo geminam dorsi cultelli crassitiem adaequat. Sic autem instituenda punctio illa est, ut nec ruditer atque alte, nec timide nimis ferrum demittatur. Quemadmodum enim hic non nisi summa cutis inciditur; sic quando justo altius ferrum penetrat, periculum est, ne forte vel arteria, vel nervus, vel tendo aliquis configatur. Ceterum triplex admodum incidendae venae solet esse ratio. Namque alii directum, (Tab. XI. fig. 2. litt. A.) alii transversum, (litt. B.) alii denique & forsân plurimi obliquum in vena vulnus faciunt. (litt. C. D.) Quodsi autem in sinistro brachio incidenda vena fuerit, tum dextra manu brachium illud hominis Chirurgus

gus deprehendat, ceteraque omnia per adhibitam manum sinistram efficiat, quae per dextram efficienda modo proposuimus. Si scalpello phlebotomo Germanico fig. 3. vena incidenda, apex A venae imponitur, prehenso extremo B manu sinistra, atque impulsu digiti manus dextrae, apex sive cuspis in venam impellitur. Si quis vero scalpello elastico fig. 4. uti velit, scalpellus elevato uncinulo C, tenditur, apex A. venae imponitur, & leni pressione ad B. in venam laxato elatere demittitur.

VII.

Vena rite jam sic incisa, ferroque protinus retracto, sanguis ex vulnere vel saltu erumpit, vel leniter effluit. Quo facto scalpellum inflexum super discum sive patinam reponere convenit; neutiquam vero super lectulum, ne quis forte vel imprudenter illud ipsum perdat, vel & ipsemet aeger inde vulneretur, vel damnum ab eodem accipiat. Interim sanguis, quoad utile & commodum videtur, effluat. Sicubi fluere is justo citius desinit, qualiter fieri haud raro propter fasciam supra cubitum firmiter nimis adstrictam solet, tum solvi continuo vel relaxari potius paululum fascia illa debet: siquidem isto modo non compressae solum arteriae rursus adaperiuntur, sed primus quoque sanguinis ex vulnere fluxus continuatur. Ubi autem porro, quemadmodum saepius contingit, *vel cutis intensior, vel pinguedo vulnus clauserint, sanguinemque cohibuerint*, tum vel reprimi pinguedo ista nimia, digito aut spongia calida, vel paululum quoque inflecti brachium debet. Denique ubi *sanguis spissus aut coactus sive coagulatus foramen occluserit*, tum restitui etiam confestim fluxus ille suevit, simulatque cruor per adhibitam spongiam aqua calida madentem fuerit absterfus.

VIII.

Sed ne brachium aegri hominis extensum languescat, sustineri illud circa cubitum a chirurgo paululum debet. Dehinc baculus aliquis vel quivis etiam alius cylindrus inferi manui aegroti debet, continuoque ab eo circumvolvi. Namque continuus ille digitorum motus sanguinem versus cubitum propellit; praesertim si lenis simul hominis ex voluntate tussicula accesserit. Ministrorum adstantium munera sic dispartienda sunt, ut alter vitra, patellas sive cucurbitulas, pro excipiendo sanguine, sustineat; alter autem, remotis iis, quae repletae jam tum sanguine sunt, vacuas patellas alias apportet, una cum reliquis rebus ad hoc ipsum opus necessariis, spleniis puta, fasciis, liquoribus confortantibus, & si qua forte alia sunt hujusmodi.

IX.

Quanta sanguinis in quocunque casu copia detrahi per venas tuto possit ac debeat, id equidem definiri a praesente Medico respectu morbi, temperamentum, virium aliarumque rerum circumstantium debet. Sicubi au-

tem forte sine Medico Chirurgus fuerit, quemadmodum apud homines vel subito quodam morbo correptos, vel sanitatis quoque praesidium in sanguinis emissionem quaerentibus ut plurimum accidit; tum ipsemet Chirurgus statuatur oportet, quantum sanguinis emitti, pro morbi natura, hominis viribus, aetate, ac sanguinis copia, hujusdemque generis aliis rebus circumstantibus salutariter ac sine periculo possit. Si qui enim homines, nativo colore ac robore servato, nihil quicquam nec pallescent, nec languescunt, nec mente labi occipiunt, in his diutius fluere sanguinem Chirurgus finat, quam in illis, qui pallorem statim atque animi defectionem experiuntur.

X.

*Quomodo
sanguis co-
hiberi vul-
nusque de-
ligari de-
beat.*

Ubi jam sanguinis affatim pro re nata emissum videtur, solvere protinus fasciam juxta cubitum injectam convenit, binisque manus sinistrae digitis anterioribus, indice nimirum ac medio, leniter super vulnere in gyrum quasi ductis, cutem demulcere: siquidem istac ratione facilius comprimi venarum orae consueverunt. Quae dum fiunt, spleniola cum fasciis minister adducit; ipse vero Chirurgus spleniolum alterum idemque minimum, dextra manu prehensum, super partem incisam imponit. Sed ita tamen, ut remotis paululum sinistrae manus digitis, quicquid sanguinis intus venam inter atque cutem haerescit, effluere antea finat, quam spleniolum admoveat. Spleniolo minori majus aliquod aliud superinjicitur, sinistraeque manus pollice tantisper continetur, donec supradata fascia sit. (a) Sed prius vero, quam fasciae superinjiciantur, illud utique sibi datum Chirurgus existimet esse, ut haerentem in brachio sanguinem spongia sive mantili quodam madido diligenter abstergat, ne qua forte indusium ejus, cui sanguis detrahitur, commaculetur. Atque id ipsum magis etiam Chirurgus observet in feminis nobilioribus: siquidem ipsae visitari ut plurimum ab aliis hoc ipso die assolent; proindeque nihil aegrius ferunt, quam quod sanguine cruentata vestimenta linea ostentare debeant. Sordibus abstergis fasciae supradantur, qua scilicet ratione separatim in doctrina de fasciis sumus exposituri.

XI.

*Quid post
deligationem
fini debeat;
item si men-
te homo
labitur.*

Vulnere deligato, indusii manicam Chirurgus super cubitum versus manum reducat; brachium autem ipsum ita inflectat, ut manus pectori seu cordis scrobiculo immineat; homini denique aegro, ut a praematuris brachii commotionibus abstineat, imperet, ne nova sanguinis profusio, inflammatio vel suppuratio, ut alias facile fieri solet, concitentur.

(a) Sunt equidem inter Chirurgos non pauci, qui unico tantum splenio hanc in rem utuntur: sed bina tamen splenia firmiorem praestant deligationem. Quidam splenia sicca superimponunt; alii vero in vino, spiritu vini vel aceto ipsa prius tingunt. Sed perinde mihi videtur, sive ea sicca, sive madida injiciantur.

tentur. Ubi forte post detractum sanguinem, mentis defectionem homo patitur, longe optimum erit, reginae Hungariae vel & aliam quandam aquam confortantem, acetum item vel vinum naribus admove, ipsamque faciem ex illis perfricare; vel aquam frigidam faciei adspargere; vel etiam, ubi aestas fuerit, fenestras aperire, ut per illapsum aërem recentem sive frigidiorē spiritus atque vires hominis reficiantur atque instaurentur. Si quid aquae confortantis aut vini generosi in promptu fuerit, praebendi aliquot haustuli languescenti homini sunt. Restituto hunc in modum aegro, manus & scalpellum suum Chirurgus abluit ac mundat, huncque in thecam suam recondit.

XII.

Dehinc moris plerumque est, ut vel Chirurgus, vel etiam, ubi aliquis praesens est, Medicus sanguinem lustret, suamque de ipso sententiam exponat. Quod ipsum ubi fieri debet, illud inprimis sibi datum Chirurgus arbitretur esse, ut nil nisi bona homini praesagiat; sive jam bonus sanguis fuerit, sive minus; sive jam praesentem animum homo retinuerit, si mentis defectionem fuerit expertus. Dici enim vix potest, quantum ad sanitatem restituendam laeta praesagia proficiant: quum e contrario tristitia gravissimas quandoque calamitates concitent. Igitur si floridus sanguis est; signum vel praesentis vel proximae sanitatis certissimum adesse, Chirurgus proponat. Contra vero, si pessimum colorem aut aliam pravam qualitatem sanguis refert; saluberrimam ejus missionem esse declare: cum detracto sanguine istoc vitioso quamplurima simul incommoda imminētia sublata, majoremque salutis spem fuisse restitutam. Si mente lapsus aegrotus fuit, tum ex ipsa ejus imbecillitate, medicinae efficacia seu expeditae, ipsius denique salutis exoptatae argumentum Chirurgus desumat. (a) His atque id genus aliis rebus jucundioribus propositis, sanguinem in loco temperato collocari, donec revertatur Medicus vel Chirurgus; oportet.

XIII.

Ubi forte sitim aliquam post emissum sanguinem homines sentiunt, haud omnino denegari ipsis debet, ex quo restinguere eandem possint; praesertim si potiones vel sorbitiones tenuiores appetant. Gallis quidem multis in more positum est, ut statim a detracto sanguine, praesertim si ad praecavendos morbos a calidiore sanguine oriundos, curatio instituitur, aquae recentis & frigidae potionem assument. Quae ipsa tametsi in habitus calidioris hominibus mirum quantum salutaris esse

(a) De judicio ex sanguine per venam emissio habemus libellum JESSENI a JESSENI a Brunone iterum cum notis editum, & Frid. HOFFMANNI dissertationem, Halae 1727. editam.

esse consuevit, sic e contrario noxia videtur iis, qui & infirmioris & frigidioris habitus sunt. Hi etenim longe plerumque melius sibi consulunt, sicubi forbitiones calidas vel aliquot potionis fervidae ex thea vel baccis coffée praeparatae vascula ingerunt. Si quis autem jam quaesiverit, *quid de hominum post emissum sanguinem instituto somno habendum; satisne tutus ac salutaris idem sit, an perniciosus atque alienus?* tum varia utique ad hanc ipsam quaestionem responsio est. Namque ubi ad conservandam corporis integritatem sanguinis missio suscepta fuit, satius utique videtur gratis colloquiis, ludis aut blandis deambulationibus somnolentiam istam depellere, quam somno sese committere: siquidem periculum est, ne, resoluta forte sub ipsum somnum fascia, graves sanguinis profusiones suboriantur. Sed alia tamen ratio illorum est, qui propter vel insignem imbecillitatem vel & propter morbum aliquem decumbunt. His etenim haud omnino prohiberi post emissum sanguinem somnus debet; praesertim si diuturnis antea vigiliis vexati ipsi fuerunt. Nam debile lassatumque corpus insigniter nonnunquam ex istiusmodi somno reficitur. Interim juxta dormientem constitui semper minister aliquis debet, qui, ne fascia resolvatur, prospiciat; vel ubi ipsa resoluta profluvium sanguinis deprehendit, digito vulnus comprimat, Chirurgumque protinus in auxilium advocari curet, qui huic malo rursus prospiciat.

XIV.

Quid in altera visitatione fieri debeat.

Ubi deinceps *in altera visitatione*, ut plerumque moris est, sanguis emissus ad dijudicandum Medico vel Chirurgo iterum proponitur, tum perinde, ut antea docuimus, nullum judicium sive praesagium proferri ab eodem convenit, nisi quod excitare hominis animum atque exhilarare possit. Atque Chirurgus quidem ipsam deligationem circumspiciat ac solvat: siquidem laxior utplurimum ipsa deprehenditur. Splenia, sicubi firmiter ipsa haeserint, neutiquam vi abstrahat; sicubi autem resoluta fuerint, inversa vulneri denuo injiciat, recentique deligatione quadam comprehendat. Hanc ipsam vincturam per unum alterumve adhuc diem quiescere in brachio sinat; donec, glutinato vulnere, aut sponte sua relaxetur & decidat, aut ab eo, cui sanguis detractus est, resolvatur. Observandum hic obiter & illud videtur; esse scilicet in hominibus calidiori corporis habitu praeditis nonnullos, qui detractum sibi sanguinem in aquam frigidam effundunt: siquidem istac ratione, per occultam aliquam sympathiam, vehementiorem sanguinis sui fervorem restingui atque imminui haud parum posse arbitrantur. Quae quidem opinatio tametsi falsa prorsus atque inepta sit, tamen, quia sine periculo est, imo vero ad excitandum creduli hominis animum expedita esse solet, haud omnino in his damnanda videtur aut contemnenda, sed potius laudanda & concedenda.

C A P U T III.

De sanguinis detractiōe per venas manus.

I.

BInae praesertim in manibus venae sunt, per quas interdum apud nos detrahi sanguis consuevit. Altera *salvatella* dicitur, *cephalica* altera. *Salvatella* in exteriori manus parte versus digitum auricularem extenditur, alioque nomine in sinistra manu *splenica* vocatur: siquidem antiquiorum Medicorum plerique, salutariter admodum in morbis *splenicis* & *melancholia* incidi eam posse, crediderunt. *Cephalica* pollicem inter ac digitum indicem procurrit, propriumque illud nomen suum inde imprimis habet, quia sanguinis per illam detractio ad curandas capitis noxas mirum quantum vehemens Medicis vetustioribus visa fuit. Quamquam autem manifestum sit, longe parcius ac difficilius ut plurimum ex his, quam ex brachii venis sanguinem effluere, vetustissimamque illam de propria uniuscujusque venae hujus virtute opinionem nullis fundamentis solidis niti; tamen, quum eundem fere effectum praestent, quem venae brachii, Chirurgus quandoque eas incidere debet: praesertim si vel majorem de incisis in manu venis spem homines aegri, ut saepe fit, animo conceptam foveant; aut ipsae quoque in manibus venae reliquis in brachio positis venis interdum magis conspicuae faciliusque, ut saepius vidi, incidendae sunt. Accedit, quod feminae gravidae quibusdam in locis Germaniae, ultimis gestationis mensibus vel sub instans partus tempus longe plerumque libentius ex manu, quam ex brachio sanguinem sibi detrahi patiantur: quia inde foetum minus debilitari sibi persuadent.

II.

Quoties igitur in manibus vena quaedam incidenda proponitur, longe utique commodissimum est, manum hominis in aquam calidam, quando nimirum venae per se non satis patent, immittere digitisque gnaviter demulcere; ut sensim sensimque magis venae istae minutiores intumescant, oculisque conspicuae fiant. Mox injicienda circa carpum fascia est, ut venae tumidae maneant, nec rursus evanescant. Dehinc manus per adhibitum mantile quoddam siccum detergitur, ipsaque vena in dorso manus loco commodissimo inciditur; qualiter superius jam, capite scilicet praecedenti, expositum fuit. Post incisam venam, si sanguis per se satis non flueret, manus in aquam calidam rursus immittitur, ne, prout fieri alias facile hic solet, fluere statim sanguis desinat. Simulatque dein sanguinis affatim emissum ex vena

na videtur, extrahi manus ex aqua debet mantilisque beneficio detergi. Denique vulnus digitis comprimendum ac leniter demulcendum, & spleniola cum fascia eodem fere modo supradanda sunt, quem superiori capite proposuimus.

C A P U T IV.

De sanguinis detractiōe per venas pedis.

I.

*Quaenam
incidi in
pedibus ve-
nae debeant.*

Sanguinem, incisa in pedibus vena, mitti, novum haudquaquam est, sed vetustissimum. Pridem enim observatum a Medicis fuit, ab hac ipsa sanguinis missione adversus varias capitis & pectoris noxas, nec non adversus plerosque istiusmodi morbos, qui vel a sanguinis in feminis menstrui, vel & haemorrhoidum obstructione suboriuntur, peti sanitatis praesidia posse quam efficacissima. Factum inde est, ut *cephalicae* atque *saphenae* cognomento venas pedis jam dudum insignire Chirurgi coeperint. Quod autem eam praesertim, quae ad digitum pedis majorem, quem pollicem vocant, procurrit, *cephalicam*; alteram vero, quae ad minores digitos tendit, *saphenam* appellarunt, illud sine sufficienti ratione fecisse videntur. Utriusque enim idem prorsus effectus deprehenditur. Itaque illa semper, meo quidem iudicio, ad incidendum eligi prae altera debet, quae maxime conspicua reperitur. Quin etiam, ubi difficilius reperiri in pedibus extremis venae possunt, alienum neutiquam fuerit, illas incidere, quae vel circa malleolos, vel in suris, vel & juxta genua conspiciuntur, ut ipsemet saepius feci: praesertim quia tam facile tendines aut nervi laedi hic non possunt, ut circa pedem extremum. Ceterum illud hic admonendum restat; *cavere utique Chirurgos debere, ne scilicet sine prudentioris Medici alicujus consilio in feminis caelibibus sanguinem ex pedis vena detrahant.* Fieri enim haud raro solet, ut vitatae virgines, dum mensium obstructionem simulant, pessimo istiusmodi artificio foetum abigere studeant; atque sic ipsum quoque Chirurgum, si quid forte ejusmodi accidat, in existimationis ac fortunae discrimen adducant.

II.

*Quomodo
incidi ipsae
debeant.*

Sed quo facilius ac felicius incidi in pedibus vena queat, utrumque hominis pedem tantisper in aquam calidam demittere oportet, donec insigniter venae intumescant. Quo facto dispiciendum Chirurgis est, cujusnam pedis venae optime sint conspicuae. Siquidem perinde est in praedictis morbis omnibus, siue dextri siue sinistri pedis venam incideris;

deris; modo satis prompte ac feliciter illud praestiteris. Simulatque jam certum est, cujusnam pedis & quaenam in eo aperienda vena sit, comprehendi is fascia debet, loco binos fere digitos transversos supra malleolos posito; tantisperque denuo in aquam calidam immitti, dum Chirurgus scalpellum seu phlebotomum ex theca sua depromserit, (Cap. II. No. 2.) ipsaque vena magis etiam intumuerit. Tum, flexo in terram genu alterutro, hominis vinctum pedem ex aqua Chirurgus extrahit, detersumque linteolo subiecto, super alterum genu suum collocat, vel etiam asseri, vasi quod aquam calidam continet, superimponit. Dehinc manu sinistra eundem complectitur, ipsamque venam ea circumspeditione configit, quam supra in ejusmodi negotio praescripsimus. (Cap. II. No. 5. seq.) Quodsi autem infra malleolos positae venae reperiri difficulter possunt, haud alienum fuerit, num quae forte supra eos, vel in ipsis etiam suris expeditius aperiri queat: ubi tum ligatura ad spatium duorum quasi digitorum transversorum supra locum incidendum injicitur, & vena bene conspicua praedicta ratione inciditur. Ceterum circa Chirurghi posituram illud hic monendum restat, posse scilicet etiam ipsum ante hominem, cui vena secanda, in sella humiliori confidere impositumque alterutri genu pedem convenienti studio tractare. Ubi quis, ut in Germania nunc quam saepissime fieri solet, phlebotomo elastico utitur, tum longe commodissimus situs ille videtur, si hominis pes vel in sedili quodam humili, vel & in quocunque alio id genus fulcro constitutus debita prudentia inciditur. (Cap. I. No. 5.)

III.

Sanguis dein ex incisa vena profluens vitris aut patellis excipitur; *Quid post aut ubi non satis per se fluit, in aquam calidam pes rursus demittitur: incisionem namque sic impeditur, ne, ut fieri hic plerumque solet, sanguis in vulnere statim concreseat ac haereat. fieri debeat.* Simulatque vero sanguinis affatim sic emissum fuit, quod vero non ex ipso tantum tempore, sed & vel maxime ex ipsa fluxus vel celeritate vel tarditate, nec non ex aquae rubedine, hominisque praesertim viribus cognoscitur; compri-
mi vulnus digito oportet, ficcatoque pede, splenia cum fasciis supradari. De utilitate venae sectionis in pede vid. Benedictus PERDUCIUS, Caspar Caldera de HEREDIA, Hispanus, *Stablii* dissertatio & alii. Quam vero impugnare studuit HECQUETUS, lib. *sur la saignée du pied*. Paris. 1744. Eam vero defendit Jo. Bapt. SILVA, Medic. Paris. in lib. *de l'Usage des différentes sortes de saignées*, Amstelod. 1729. Contra hunc vero animadversiones edidit CHEVALIER, quoque Medicus Paris. An. 1730. itemque Franc. QUESNAY, chirurgus Gallus, Paris. 1730, alique.

C A P U T V.

De sanguinis detractione per venas frontis ac temporum, itemque occipitis.

I.

Quando &
quomodo fie-
ri illud
debeat.

Sunt nonnulli, qui sanguinis per venas frontis ac temporum missionem adversus graviores capitis dolores, vertiginem, melancholiam, maniam, deliria, hujusdemque generis alios capitis morbos pertinaciores valentem inprimis atque expeditam prae aliis remotioribus esse, opinantur: siquidem promptius ex his, quam ex aliis iisdemque remotioribus venis vitiatam capitis materiam educi posse credunt. Ego vero, ut ne quid forte hic dissimulem, parum aut nihil praesidii ad expeditiorem mali curationem ab ista venarum positura exspectandum arbitror; quia cum internis capitis partibus parum vel nihil communicant: atque etiam plerumque parum sanguinis fundunt. Jugularis vero vena longe magis, nisi ego fallor, ad hunc scopum accommodata esse videtur. Praeterquam enim, quod ipsa frontis ac temporum venis quamproxime adjuncta est, & illae in hanc terminentur, longe utique magis conspicua atque ampla ipsa deprehenditur, atque simul cum internis partibus communicat. Interim sicubi, vel Medicorum jussu, vel ipsorum aegrotantium rogatu, qui certam fiduciam in hanc venam collocant, mitti sanguis ex aliqua frontis aut temporum vena debet, haec necessaria videtur observatio. Ante scilicet, quam scalpellum vel phlebotomus capiti admovetur, constringi paululum collari aut strophiliolo ipsum collum oportet; quo compressa sic vena jugulari promptius reperiri atque aperiri venae istae queant. Adaperta vena inclinari hominis caput debet, ne sanguis, leniter ac sine saltu ut plurimum profluens, in oculos aut os influat. Emissio sanguine quantum fatis esse judicatur, nisi jam sponte fluere desinat, ut quam saepissime contingit, vulnus digito comprimitur, frons & facies detergitur, ac postea unum alterumve, pro re nata, splenium atque fascia capiti applicantur.

II.

Occipitalium venarum incisionem & sanguinis per has detractionem, dum cum sinibus lateralibus durae matris communicant, non solum ratione ductus, verum & usu convictus, in multis cerebri affectionibus, ubi sanguis a cerebro avertendus & educendus, & speciatim in contumaci quodam ac perdifficili soporoso morbo laudat & com-
men-

mendat Clar. MORGAGNUS (a), praesertim si sanguis per crebras & altas incisiones per admotas cucurbitulas evocatur, adducitque etiam *Zacuti Lusitani* exemplum, qui desperatam apoplexiam cucurbitula bis in occipite profunde scarificata curavit. De Medic. Princip. Hist. Lib. I. hist. 33. si scalpello phlebotomo essent aperiendae, eodem modo, ut in venis frontis aut temporum incidendis esset procedendum.

C A P U T VI.

De sanguinis detractiōe per venas canthi majoris.

I.

NAsum inter & canthum majorem in utroque faciei latere venam aliquam procurrere, quae partim ab oculis, partim a fronte procedens, perinde ut frontis venae, deorsum ad venam jugularem externam & cor descendat, ex anatomicis scriptoribus notum est. Hanc equidem Medicorum oculariorum plerique fere omnes, itemque *Dionysius* (b) salutariter admodum in gravioribus oculorum inflammationibus leniendis incidi posse statuunt: tametsi egomet idem prorsus hic quam de venis temporum ac frontis judicandum esse existimem: (vid. Cap. V.) Quoties interim mitti ex canthi vena quadam sanguis oportet, deligari prius collum, ut modo diximus, provideque scalpellum demitti in venulam debet. Inclinare hic itidem hominis caput convenit, ne in os irruat, emissoque, quantum satis videtur, sanguine, splenium aliquod triangulare crassius cum fasciis superimponere. De *Venarum incisione in oculo ipso*, infra, ubi de oculorum morbis proponemus, dicturi sumus.

Quando & quomodo fieri ipsa solet.

C A P U T VII.

De sanguinis detractiōe per venas colli, jugulares dictas.

I.

Venam jugularem externam in gravioribus colli inflammationibus sive angina, (c) phrenitide item, mania & melancholia, oculorum inflammationibus, apoplexia, cephalaea, morbis soporosis, atque

Quae & quando colli venae incidi debeant.

G g g 2

(a) Adversar. Anatom. VI. Animadv. 83.

(b) in Chirurg. sua edit. II. pag. 494.

(c) In hoc morbo pro specifico habetur a *Goueo* in Chirurg. p. 274.

id genus aliis capitis afflictionibus gravioribus incidi perquam vetus est. Neque in Chirurgis etiam recentioribus desunt, qui ipsam illam curandi rationem quasi postliminio, nec sine omni profectu, denuo instaurarunt. Siquidem vehementior sanguinis in male affectam partem influxus, congestio aut stasis humorum, expeditissime sic impediri potest. Praeterquam quod nullum in ipsa incisione hic periculum subest; dum venae istae per utrumque colli latus a capite ad claviculorum ossa procedentes, ipsi cuti proxime subjectae & plerumque satis amplae reperiuntur, ut facilius & reperiri ac incidi queant. Sed prius tamen, quam ferrum cuti applicatur, haud alienum erit, collum infimum collari quodam paullo firmitus, quam fieri alias solet, constringere, ministrumque vel aegrum ut vincituram illam digitis probe trahat ac contineat, jubere, donec scilicet insigniter venae submissae intumescant. Vel laxior aliqua fascia collo injicitur, trajectisque ministri alicujus vel ipsius aegri digitis deorsum ad pectus detrahatur. Sic enim venae externae jugulares, propter compressa juguli latera melius turgent, & spiritus tamen nihil quicquam impeditur. (a)

II.

Quomodo incidi ipsae debeant.

Ubi jam satis venae istae intumuerunt, alterutra ex his, quae scilicet optime in conspectum venit, sive jam in dextro sive in sinistro latere posita ea sit, rite configitur: ubi scilicet morbus in toto capite vel faucibus haeret. Sed si in uno latere capitis vel in uno tantum oculo est, in latere affecto venam incidendam esse existimo. Educto, quantum sufficere videtur, sanguine, vincitura illa resolvitur, vulnereque, nisi forte jam per se sanguis conquieverit, digitus imponitur. Dehinc absterfis fordibus, spleniola cum fascia circulari & collari applicantur: ita sanguis sine omni periculo, quod nonnulli hic subesse sine causa crediderunt, facile, ut saepius expertus sum, cohibetur. Ceterum quam promte & secure venae istiusmodi jugulares inciduntur, tam facile quoque homines in ipso opere defectionem animi, utut sine damno, patiuntur. Egregium de utilitate hujus venaesectionis libellum nuper edidit TRALLESIVS, Medicus eruditus Vratislaviensis, Vratislaviae 1735. 8.

C A.

(a) Dum has chartas iterum pro praelo revideo, mulier occurrit, cui ob vehementissimam ophthalmiam incisionem harum venarum suadeo. Verum, quod antea mihi nunquam accidit, nulla harum venarum, ligato licet collo, in conspectum prodibat.

C A P U T VIII.

De sanguinis detractiōe per venas raninas.

I.

E Nimvero sanguinis ex venis, quae sub apice linguae sunt, *raninis* dictis, missio haud parum valens adversus anginam seu colli inflammationem deprehenditur: praesertim si vel in pede, vel in brachio, vel denique in collo vena quaedam prius semel iterumque fuerit adapertha. Sic enim sanguis inspissatus & stagnans sensim educitur. Atque ipsum quidem negotium sic perficitur: nempe collum ea ratione constringitur, quam superioribus capitibus VI & VII. jam tum posuimus. Deinde linguae apex manus sinistrae subsidio sursum attollitur, subjectaeque ipsi venae raninae utraeque, alia ex alia per admotum scalpellum phlebotomum circumspēcte inciditur. Fere nunquam enim ex unica vena ranina tantum sanguinis effluit, quantum ad levandos illos corporis affectus sufficit. Simulatque dein sanguinis affatim in subjectum vasculum effluxisse visum fuerit, fascia collaris solvitur. Sic enim sponte sua ut plurimum idem conquiescit; vel ubi nondum per se satis conquieverit, aceti pauxillum vel vinum *Pontac* in os immittitur, aut, pro re nata, vitriolo etiam aut alumine vulnus inungitur, aut spleniolo in adstringentibus medicamentis tincto comprimitur, donec sanguis conquiescat. Sed minus tamen periculosum esse hujusmodi sanguinis profluvium adsolet. Nisi enim insignis admodum sanguinis copia his in morbis faucium detrahatur, verendum utique est, ne prorsus frustranea sit haec sanguinis detractio.

C A P U T IX.

De sanguinis detractiōe per venas penis.

I.

IN aliquanto gravioribus penis inflammationibus mirum quantum salutaris, quin & medicamentis plerisque fere omnibus valentior esse sanguinis emissio quandoque adsolet. Sic autem ipsa instituitur: Scilicet scalpellum in venam istam majorem, in superiori penis latere procurrentem, atque satis jam tum in ejusmodi affectibus per se tumentem, juxta mediam vel posteriorem circiter penis partem demittitur,

tur, factaque plaga tantisper aperta fervatur, dum penis rigidus flaccescit, aut sufficiens quoque sanguis evocatus, pro affectus gravitate fuisse apparet. Tum enim vulnus digito clauditur, spleniola injiciuntur, talique fascia, qualis applicari in membro virili suevit, superimposita continentur. Quanquam prospiciendum hic solertissime semper est, tum ne ferrum ad juxta positos nervos vel arterias penetret; tum etiam ne post detractum sanguinem vehementer nimis fascia constringatur. Fascia etenim adstrictior sicuti graviores inflammationes; sic nervi vel arteriae laesio gravissima ut plurimum incommoda concitat.

C A P U T X.

De venaesectionis symptomatibus, & quidem I) De Ecchymosi.

I.

*Ecchymosis
quid sit.*

Non una sanguinis missioni supervenire symptomata possunt. Nos potiora hic memorabimus. Incipiemus ab ecchymosi, vel sanguinis inter venas, carnem atque cutem suffusione. Cujus equidem diversi ut plurimum gradus esse consueverunt: siquidem insignis quaque brachii pars ita graviter affligitur, ut non penitus tantum liveat, nigricet ac tumeat, sed inflammationibus quoque, doloribus, suppurationibus ac gangraena graviter exerceatur.

II.

Causae.

Suboriri haud raro istud mali genus inde solet, si vel penitus venam Chirurgus praecidit; vel, quod multo saepius usu venire consuevit, si justo, quam parerat, citius vehementibus corporis, & cumprimis brachii exercitationibus homo, cui vena est secta, sese commisit. Ejusmodi enim quidpiam ubi accidit, abesse vix potest, quin sanguis ex facto in vena vulnere emittatur, atque inter mediam carnem & cutem propellatur: Nunc quidem lenius, nunc vehementius, prouti scilicet aut levior aut vehementior ipsa exercitatio fuerit.

III.

*Prognosis
ecchymoseos
levioris.*

Ubi minor sanguinis copia in juxta positas membrorum partes sese effudit, parum aut nihil periculi extimescendum est. Namque facile ut plurimum digeri cruor haerescens solet; dummodo splenium in aceto atque sale aut vini spiritu tinctum solerter imponatur. Nonnunquam cruor in pus convertitur: atque tum ad promovendam suppurationem insigniter emplastrum diachylum plerumque proficit. Perducta

ducta sic ad maturitatem materia vitiosa, vel nullo etiam applicato ferramento, sensim sensimque sponte erumpit. Quo quidem facto, leniter simul quotidie, quamdiu aliquid puris adest, exprimi digitis, quicquid corruptum invenitur, debet, vulnusque per impositum continuo emplastrum diachylum, glutinari.

IV.

Ubi vero major cruoris copia intus haeserit, tum inanis plerumque futurae resolutionis spes est. Fere semper enim vel in gravissimam aliquam inflammationem & suppurationem cruor vitiatuS degenerat, vel in ipsam quandoque gangraenam malum abit. Quod ipsum ne facile incidat, scalpellum ad manus sumendum, livensque corporis pars ubi multum sanguinis effusi haeret, saepius incidenda, ut cruor iste haerescens eliciatur. Dehinc vel emplastrum diachylum, vel fomenta, ad contusiones & phlegmonen supra commendata (P. I. Lib. I. C. XV. No. 10. seqq. it. Lib. IV. C. II. No. 14.) superimponi convenit. Quod si autem, prouti saepius usu venire solet, aut *gravior quaedam inflammatio, aut ipsa jam tum gangraena brachium tenent*, scarificari vel crebro concidi, fomentisque vel cataplasmatibus digerentibus involvi idem oportet: ceu superius jam retulimus. (P. I. Lib. IV. Cap. XIV. No. 6.) Quanquam id simul in huiusmodi casibus saepius necessarium inprimis hic videtur, ut sanguis abundans ex alio membro protinus detrahatur, internisque medicamentis resolventibus adhibitis naturae succurratur, donec inflammatio vehementior aut gangraena remittat, vel prorsus desinat.

C A P U T XI.

II.) De nervi aut tendinis alicujus in venaesectionibus laesione.

I.

Quam equidem gravia & crudelia ex percussis nervis ac tendinibus nasci mala possint, id supra jam tum in vulneribus (P. I. Lib. I. c. I. No. 10. 11.) indicavimus. Dignosci autem nervorum atque tendinum in venaesectionibus laesiones inde potissimum solent, si acutissimos in ipsa punctione dolores homo persentit: usque adeo, ut vix a clamore intensissimo temperare is sibi valeat. Praesertim si cruciatus isti vehementiores continuant, quos tumores, inflammationes ac spasmi, membrorum item rigor ac distentio brevi insequuntur. Quibus nisi tempestive succursus fuerit, periculosissimae ut plurimum

*Quomodo
laesio ista
cognoscatur.*

con-

convulsiones, ipsa denique gangraena & mors praesto sunt.

II.

Curatio.

Praeter reliquas mali hujus curationes praestantissima ista videtur, quam in curando Galliarum Rege CAROLO IX. olim haud inaniter a se adhibitam Chirurgus regius PARAEUS retulit. Postquam enim sub ipsam venae punctiōem voce clarissima dolorem suum Rex significaverat, laesum utique nervum aliquem fuisse PARAEUS suspicatus est. Neque id sine ratione. Mox enim cum doloribus acutissimis intumescere brachium, penitusque rigescere occoept. Igitur hanc protinus Medici regii cum PARAEO curandi rationem instituerunt. Scilicet primo loco oleum terebinthinae cum spiritu vini rectificato calidum immissum vulnere fuit. Dehinc emplastrum diachalciteos in aceto rosarumque oleo resolutum universo brachio injectum; supradata ligatura, *expellente* vulgo dicta, sive ista, quae circa manum incipit, ductibusque in spirae modum sensim adscendentibus continuis ad humerum usque procedit. Namque istac ratione non sanguinis solum impulsus vehemens atque inflammatio impedita est, sed dolores quoque sensim conquieverunt. Denique ad perficiendam curationem hoc superimpositum brachio cataplasma legitur:

℞. Farin. hord.
 Orob. á ʒij.
 Flor. Chamomill.
 melilot. á Mij.
 Butyr. recent. ʒiβ.

Quibus singulis cum aqua sapon. decoctis, cataplasma confectum diligenterque super brachium injectum fuit, donec dolor omnis abierat. Tametsi autem per tres integros fere menses mobilitas naturalis brachii vitiata fuerit, sensim tamen sensimque vigor pristinus Regi rediit.

III.

Curatio
 alia.

Ceterum haud aliena quoque haec videtur curandi ratio, si nimirum pro terebinthinae oleo vinique spiritu, balsamum peruvianum, vel & aqua reginae Hungariae aliquoties per dies singulos calida instillantur atque simul superimponuntur, dum scilicet dolores imminuantur. Diachalciteos emplastro, utpote in Officinis pharmaceuticis Germaniae rariori, substituere utique diapompholygos, saturninum aut de minio emplastra licet. Sed cavendum tamen hic quam solertissime semper est, ne, dum medicamenta ista praeparantur, vulnus apertum relinquatur. Itaque emplastrum aliquod, qualecunque demum illud fuerit, mox interea supradare, integrumque brachium linteolis oxycrato madentibus involvere oportet. Sic enim non inflammatio tantum aver-

averti vel deliniri, sed aër quoque externus aut aliae fordes in ejusmodi casu in vulnere perniciosissimae optime a plaga arceri poterunt. Atque in hominibus quidem sanguinis succique plenioribus haud abs re quoque est, sicubi protinus, ad inflammationem aliaque mala inhibenda, ex alio quopiam membro sanguinis affatim per venas detrahitur. In nervi punctura SCULTETUS obs. 87. unguentum certum valde extollit, quod apud ipsum videri potest: ubi etiam docet, nonnullos ejusmodi nervos laesos cum successu transversim dissectuisse.

C A P U T XII.

De arteriarum laesione in venaesectionibus.

I.

E Venire nonnunquam in sanguinis emissionem solet, ut pro vena, *Diagnosis.* vel & una cum ipsa, arteria configatur. Multo saepius illud tum accidit, quando *basilicam* in brachio venam incidere Chirurgus intendit. Huic enim potissimum grandis aliqua, imo praecipua brachii arteria utplurimum propinqua deprehenditur; (a) cujus equidem incisio gravissimam plerumque sanguinis profusionem, aneurysma, vel etiam, prouti HILDANO (b) & aliis, imo & mihi met non semel observatum est, ipsum quandoque brachii sphacelum ex sanguinis impedito influxu, aut a nimio sanguinis profluvio mortem concitat. (c) *Percussam autem in istiusmodi casibus arteriam quandam esse*, his fere signis cognoscitur. Sanguis per quaedam velut intervalla & quasi per saltus vehementius, quam alias, ex venis, formatisque quasi arcibus quibusdam ex vulnere prorumpit: colorque ejusdem longe magis, quam in venarum incisionibus, rubet ac floridus est. Praeterea si infra vulnus locus digito comprimitur, sanguis vehementius profilit; si vero supra vulnus, impetus sanguinis minuitur. Contrarium vero accidit, si vena est incisa. (d)

Quod ipsum sicubi forte incidit, quod periculum hic subest, prospicere omnino Chirurgum convenit, tum ut ipsemet animum praesentem atque a nimio terrore liberum conservet, tum & vel maxime, *Quid faciendum in ejusmodi casibus sit, ubi error a nullo cognoscitur.*

Tom. II.

H h h

me,

(a) Interea tamen saepius prope Cephalicam venam magnam arteriam quoque inveni.

(b) Observat. 44. centur. III.

(c) Idem notavit LANCISIUS lib. de cord. & aneurysm.

(d) Conferri hic rursus potest LANCISIUS libro modo citato.

me, ne aut aegrotus, aut, qui adstant, alii commissum istiusmodi errorem, si fieri possit, animadvertant. Igitur haec inprimis necessaria videtur observatio: utrum scilicet sanguis libere e vulnere profluat, vel an simul inter cutem & carnes largiter se insinuet. Si prius est, insignis ante omnia sanguinis copia, vel ad animi deliquium usque emittenda. Aegrotis interim atque adstantibus ex DIONYSII consilio, (a) abundantem nimisque fervidum & quasi ebullientem hominis sanguinem utique istiusmodi largam sanguinis detractio- nem requirere, persuadendum. Namque ista ratione quia in ejus- modi deliquio sanguinis fluxus cessat, vulnus commode deligari & simul eo ipso caveri optime poterit, ne vel sanguinis abundantia vel vehementia novas ejus postea profusiones vel aneurysma quoddam moveat, aut saltem vulneris glutinationem impediat. Haec dum fiunt, operam dare Chirurgus debet, ut, nemine advertente, *num- mum aliquem in primum splenium immittat*, hominique deliquium animi passo, pro meliori vulneris compressione, protinus illud super plagam injiciat; superimposito, post abstersas in brachio sordes, adhuc du- plici, imo triplici splenio, eoque crasso, & per gradus sensim am- pliori, ac denique, flexo prius cubito, fascia gemina; quo nempe melius splenia contineant, rectiusque & comprimi & glutinari arte- ria percussa queat; quae vero fasciae, ut alias in venae brachii sectione fieri solet, applicandae. Utilissimum praeterea est splenium angustum, crassum & longum a vulnere versus alam super arteriae brachialis tractum imponere, illudque adhuc peculiari fascia, per du- ctus spirales obtusos firmare: ut sic arteria brachiali blande compressa impetus sanguinis in vulnus valde minuatur. Sed ne quid tamen & in hoc opere commissi erroris subolere adstantes valeant; significan- dum ipsis graviter est, fervidissimum hominis sanguinem vix ac ne vix quidem sine accuratissima curiosissimaque istiusmodi vinctura con- tineri posse. Loco splenii primi, nummo instructi etiam *frustulum chartae masticatae*, praesertim gryseae, beneque rursus expressae, vul- neri eodem vel adhuc meliori effectui imponi, ac desuper aliquot spleniola sensim ampliora superaddi, iisdemque fasciis firmari possunt.

III.

Quid ipsis
aegrotis fa-
cta opus sit.

Aegrotus autem postea, nisi jam per se liberatus ab *animi deliquio* fuerit, excitari per admotam naribus aceti vel aquae Reginae Hun- gariae portiunculam, linteolo affusam, per ingestum vini haustulum in os, nec non per adpersam faciei aquam frigidam, admissamque per fenestras aperiendas auram recentem debet. *cap. II. No. VI.* Qui- bus ita confectis strenua ipsi aegroto *quies & modica ac tenuis victus*

ra.

(a) Cap. de venae sect. in Chirurgia.

ratio imperari debet, gnaviterque simul significari, periculosissimam utique futuram sanguinis profusionem esse, sicubi forte vel per incongruum victum, vel per motum brachii aliamve ob causam, qua resoluta brachii vinctura fuerit, oriatur. Utile itaque imo necessarium hic videtur mantili sive mitella quadam e collo suspensa (*Escarpe*) vulneratum modiceque flexum brachium interdiu excipere, passimque per aciculas, quo quietius conservetur, vestibis adjungere, noctu vero super molli pulvinari illud blande reponere.

IV.

Aliquot post factam deligationem elapsis horis, visere hominem aegrum Chirurgus iterum iterumque debet, atque fascias brachiumque laesum quam solertissime semper lustrare, num forte *nova sanguinis profusio, tumor nimis durus ac dolens inflammatio vehementior*, aut *gangraena* supervenerit, vel immineat, & fasciae adhuc satis firmae sint. Si omnia bene se habent, licet tumor insignis, attamen mollis circa brachium adsit, fasciae ita relinquendae, & ante quartum diem non solvendae; nam ejusmodi tumor nihil mali portendit, quamvis etiam per totum brachium se extendat. Quando vero tandem laxiores percipiuntur fasciae resolvi quam cautissime & fortius rursus applicari debent. Dum autem resolvuntur, comprimi semper arteria brachialis vel torculari, vel saltem pollice ministri circa medium brachii, Chirurgi autem digito aut pollice vulnus oportet, donec vel eadem vel novae quaedam aliae fasciae, una cum novis spleniis rursus fuerint injectae. Cavendum vero ne splenia praesertim inferiora, aut charta masticata, vulneri adhaerens, avellantur, sed potius, donec sponte cadant, relinquuntur. Et tamdiu quidem vinctura ista diligenter lustranda, atque ubi laxior facta fuit, immisso prius vulneri paxillo balsami peruviani vel copaivae, innovanda semper est, quamdiu vel minimum etiam novae profusionis sanguinis periculum imminere animadvertitur, & vulnus probe glutinatum est. Sed *si forte novum sanguinis profluvium ortum sit*, arteriae brachialis truncus circa medium brachium, vel torculari vel pollice aut digitis ministri, ut modo docuimus, probe comprimenda, novae eademque adhuc longiores fasciae & splenia vel plura vel crassiora, ut in principio paranda, priora omnia removenda, vulnus vino calido vel spiritu vini mundandum, atque praedicta ratione diligentissime rursus deligandum, donec vulnus probe glutinatum sit. Si vero *gangraena superveniat*, eaque a ligatura nimis forti oriatur, fasciae iisdem, quas modo indicavimus, cautelis solvendae & auctis spleniolis paullo lenius applicandae brachiumque medicamentis fovendum, quae gangraenae contraria; sin vero haec ab impedito circuitu sanguinis, ob defectum alterius arteriae in brachio oriatur, (quae vero raro deficit) hoc in tempore amputandum est.

*Frequens
visitatio ne-
cessaria est.*

V.

*Observatio
aegris ne-
cessaria quo-
ad fasciam
ac dietam.*

Verum si nihil ejusmodi superveniat, atque sic aliquantisper habito vulnere, admoneri aegrotus debet, ut per octo, decem vel quatuordecim etiam dies (quo diutius eo melius) fasciam super vulnere adhuc relinquat, brachiumque in quiete conservet, ne sanguinis vehementia tenuem cicatriculam denuo perrumpat, vel eam in aneurysma extollat. Ipsa denique *viæ ratio* ut in principio, tenuis adhuc sit ac sollicita; vino, potionibus aliis vehementioribus quam diligentissime; ad fortiorem sive nimium sanguinis motum avertendum, evitatis: contra quem etiam, si forte oriatur, sanguis e vena ex alia parte educi potest. Sic enim non periculosa tantummodo mala profusio, scilicet sanguinis, & aneurysma feliciter praecaventur, sed arteriae quoque laesae firmiter rursus glutinantur, praesertim si, lapso inferiori splenio aut charta masticata, vulneriparum balsami peruviani vel copaivae, vel essentiae cujusdam balsamicae superimponatur, ipsa denique hominum sanitas mirifice saepius inde instauratur, quasi nihil mali commissum fuisset.

VI.

*Quid facien-
dum si er-
ror Chirurgi
cognitus est.*

Atque ista quidem observanda Chirurgis sunt, ubi nulla neque aegro, neque adstantibus injecta erroris suspicio deprehenditur. *Quodsi autem principio unus alterve ex illis malum istud suboluerit, aut errorem Chirurgi perspicue cognoverit*, tum satius utique videtur, si commissum in incidenda vena errorem suum, qui cuilibet fere incidere potest, ingenuè & profitetur, &, expositis simul, quae ne a perspicacissimis quidem Chirurgis praecaveri semper possint, naevi hujusce causis, bono animo aegrum & adstantes esse jubet, solertissima cura eidem, si morem gerere velit & promissa &, ut modo docuimus, praestita; sic optime, imo melius saepe curari aeger poterit, quam si errorem non suboluerit: quia tunc agnito periculo melius morem gerit Chirurgus, omniaque rectius facit & observat, quae pro eo curando ipsi imperantur atque factu necessaria sunt.

VII.

*Quid facien-
dum, quando
arteria laesa
sanguis inter
cutem &
carnes se
effundat.*

Quando autem *plaga cutis & arteriae non accurate respondent*, sed sanguis ex arteria percussa inter cutem & carnes, ut haud raro fit, se effundat, alia rursus ratione procedendum est. Tunc enim minime conducit, ut sanguis ad animi usque deliquium fluat; quia interea tanta sanguinis copia sub cutem & inter musculos brachii sese insinuare posset, ut postea ex ejus corruptione spaciellus esset metuendus, aut minimum operatio aneurysmatis mox instituenda. Quare potius hoc rerum statu, si forte cutis ope digitorum a vulnere retrahi ita nequeat, ut sanguis non sub cutem, sed extra corpus profluat, vulnus mox digito est claudendum, frustum chartae masticatae & varia sple-
nia

nia sensim ampliora superimponenda, postea haec omnia fasciis ita probe sunt firmanda ac deliganda, ut N. II. docuimus, non omisso longo illo splenio & fascia, quae pro arteriae brachialis trunco comprimendo ibidem commendavimus, missoque ex alia corporis parte semel iterumque, si opus est, multo sanguine. Post haec eodem modo procedendum, ut N. III. IV. V. & VI. proposuimus, donec vulnus probe glutinatum sit. Post breve tempus aeger iterum visitandus: nam incidit subinde, ut post deligationem nihil sanguinis e vulnere profluat, verum inter cutem & reliquas carnes se insinuet, ita ut brachium in enormem aliquando molem expandatur, quale notatu dignum exemplum refert DIONISIUS, (a) ubi hanc ob causam totius brachii cutem incidere coactus fuit, atque ultra quatuor sanguinis libras, quae totum brachium a cubito ad scapulam undique impleverant, evacuavit. Simile fere exemplum habet RUYSCHIUS (b) ubi sanguis concretus per totum fere brachium haesit. conf. etiam, si lubet, BARTHOLINI Epist. Med. 53. Cent. III. Histor. Anatom. IX. Cent. II. & ejusd. aneurysmatis dissecti Histor. Panormi edita, quod Neapoli vidit An. 1644.

C A P U T XIII.

De Aneurysmate.

I.

TUmorem ab arteriis dilatatis, percussis aut ruptis natum, sanguine *Aneurysma* refertum, eumque plerumque pulsantem, *aneurysma* dicere Chirur- *quid sit.* gi consueverunt. Cujus equidem *binæ* praesertim *species* recensentur. Namque alia *spuria*, alia autem *vera* dicuntur aneurysmata. *Aneurysma verum* appellatur, sicubi tumor aliquis, plus minusve pulsans, vel ex integrae arteriae, (c) vel etiam ex unius solum lateris in ipsa diductione pronascitur, eodem fere modo, ut in venis tumores saepius oriuntur, qui *Varices* vocari solent. Utriusque generis tumores quasi *herniae* sunt arteriarum aut venarum, atque a nonnullis etiam

H h h 3

pro-

(a) In Chirurg. Cap. de Aneurysmate, Demonstrat. VIII.

(b) Obs. Anat. Chirurg. 2. pag. 7.

(c) Exempla hujusmodi notatu dignissima descripta a me extant in *Annalibus Acad. Juliae* Semestri XII. p. 81. aliaque varia a PARAEO mihi Lib. VI. cap. 32. a RUYSCHIO in Observ. Chirurgicis, & in Hist. Acad. Reg. An. 1712. & 1721. ut & in LANCII libro de Corde & *Aneurysmat.* itemque lib. de *mortib. subitan.* in Schol. Obs. V. §. 2. proposita sunt. Hinc mirandum, doctissimum alias FREINDIUM, in Hist. Medicinae contendere, omne *Aneurysma* ex *ruptura arteriae* oriri.

propterea *herniae arteriarum* aut *venarum*, vocantur. Contra vero *spurium* dicitur, si arteria vel per externam aliquam vim in sanguinis missione, contusione aut vulneratione, vel etiam erosione ob quamcunque causam factam, aperitur, & sanguis inter cutem ac reliquas partes effunditur, (a) ipsum autem membrum, propter intus effusum atque haerescens sub cute cruorem cum livore aut nigrore vehementer paulatim tumet; (b) vel etiam si aneurysma verum usque adeo insigniter intumescit, ut prorsus attenuatis ac disruptis tandem tunicis, sanguis vel ex vulnere prodeat, vel sub cute adhuc integra sese effundat. Hinc enim gravissimus utique tumor, qui vero vix aut parum pulsatur, & minus elevatus est, quam in vero, nascitur: nonnunquam autem ex sanguine effuso corrumpente gangraena, vel ipsa quoque mors ex enormi sanguinis profluvio insequuntur. (c) Sed constitui tamen porro *aneurysmatum species* quoque inde possunt, quod alia sine malis accidentibus aliis; alia, praesertim ea, quae *spuria vocantur*, cum immobilitate, magno dolore, corruptione ac sphacelo partis sint conjuncta. Haec *complicata*, ista vero *simplicia* dici haud inepte poterunt. Ita quoque dividi possunt in *externa* & *interna*. *Externa* voco, quae in externa quadam arteria; *interna* vero quae in interna oriuntur. (d) Denique in eo etiam aneurysmatum discrimen aliquod notatu dignissimum situm videtur, quod alia & quidem satis magna subinde *sine pulsibus* sint, - alia pulsus plus minusve vehementes sibi habeant adjunctos. (e) Nam sciendum, ut jam dictum est, *aneurysmata spuria*, praesertim paullo majora, *vix pulsare*; vera autem & praesertim adhuc parva, satis vehementem pulsus edere: qui vero in quibusdam crescente tumore, diminuitur, in aliis autem non diminuitur, sed potius increscit. (Conf. exempla ex Annal. Acad. Juliae antea citata.)

II.

(a) NOTABILE spurium aneurysma descripsit BARTHOLINUS in peculiari libello, cui titulus: *Aneurysmatis dissecti historia*. Panormi 8. 1644. itemque von HORNE in Epist. de Aneurysmate, & LANCISIUS lib. de Cord. & Aneurysm.

(b) Vid. exempl. cap. praecedenti, N. VII.

(c) Exempla infra, ubi de prognosi agitur, indicantur.

(d) Aneurysmatum internorum exempla vid. in PARAEI Lib. VII. cap. 32. BOURDELLOTI Obs. in Blegn. Zodi. Gall. An. 1681. p. 44. RUYSCH. Obs. Chirurg. 37. & 38. LANCISII lib. citat. & mea ex Annal. Acad. Juliae modo citata.

(e) In promptu mihi observationes ejusmodi propriae sunt: praeterquam quod apud PARAEUM Lib. VI. cap. 32. RUYSCHIIQUE itidem tales ubi pulsus defecerunt, extant Observ. 38. ut & in MUYSI Podalirio p. 126. von HORNE loco citato; MORELLI Observ. in BLEGNII Zodiac. Med. Gall. An. 1681. Mense Febuario Obs. 3. pag. 25. itemque ROGERII ibid. mens. Martio pag. 42. NUCK, Operat. Chirurg. 29. LANCIS. lib. citat.

II.

Ac verum quidem idemque externum *aneurysma*, praeter signa mo. *Diagnosis.* do jam tradita, exiguus plerumque initio tumor est, isque tum semper pulsans, neque nucis avellaneae magnitudinem principio saepe superat. (De internis enim, quia principio videri nequeunt, nihil certi affirmari (a) potest.) Locus tumoris plerumque ad tactum mollis est, & quasi liquidum fluctuans ac renitens in eo percipitur, fereque semper naturalem cutis colorem refert, & perinde, ut arteriae reliquae, pulsat. Simulatque digitus aliquis super eum deprimitur, tumor (nimirum quando adhuc parvus) evanescit; remoto digito protinus revertitur. Id quod vero in magno vix aut rarius succedit, & sensim sensimque crescit, imo in insignem quandoque magnitudinem augetur. (b) *Aneurysma* vero *spurium* cum livore, duritie ac doloribus turget: sed tumore magis plano; plerumque non pulsat, sed quando premitur, sensus susurri vel strepitus percipitur, inflatoque sensim membro universo, vel saltem magna ejus parte, haud raro in putredinem & spacelum degenerat (c).

III.

Exoriri quidem aneurysmata quam saepissime solent in brachiis; sicubi scilicet in sanguinis per venam, praesertim basilicam, detractione arteriam aliquam Chirurgus simul aut percussit, aut ferro saltem attigit. (d) Hic etenim continuus sanguinis pulsus efficit, ut extenuatis arteriae tunicis reliquis, vel recens rursus glutinatis, sensim sensimque magis debilitetur ac deducatur; tandemque in tumorem quandoque gravissimum convertatur. Quare si post aliquot dies vel hebdomades a venae sectione in brachio tuberculum pulsans oritur, sicuti N. I I. descriptum est, *aneurysma adesse certum est*. Sed vero non a scalpello tantum chirurgico immisso, sed a quamplurimis quoque aliis causis, quum internis tum externis, quin etiam aliis adhuc in locis quam in brachiis, nasci aneurysmata possunt. Neque enim insolens prorsus est, tumores insignes ex arteriarum vulneratione, collisione (e) ac suppuratione, extrinsecus concitatis, variis in corporis partibus, provenisse. Intus autem in pectore vel abdomine, propter tunica-

(a) LANCISIUS tamen etiam internorum signa suppeditat libr. citatis.

(b) *Aneurysma spurium* prodigiosam quandoque magnitudinem acquirere; sed verum, licet vetus sit, nunquam castaneae magnitudinem excedere contendit GOUVEY in *Chirurg.* p. 231. Id ipsum tamen falsum esse, observationes quamplurimae demonstrant: Conf. & HILDANI *Observ.* 44. Cent. III. ubi de *Aneurysmate ovi asserini* magnitudine agit. PURMANNI *Chirurg. curiosa* p. 212. Tab. nostra XI. fig. 6.

(c) Vid. & BARTHOLINUS & van HORNE locis supra citatis.

(d) In gutture *Aneurysmata* frequentissime omnium oriri tradit PARAEUS Lib. IV. cap. 32. sed hoc cum observationibus non convenit.

(e) Ita FEHRIUS observavit ex ictu baculi ad sinistram capitis partem *aneurysma* in puero, (vid. BARTHOLINI *Epist.* 53. Cent. III.) quod ostitui spatio dimidiam capitis partem occupavit.

nicarum arteriae vel externarum vel internarum factam debilitatem ex quacunque causa, propter exulcerationem v. gr. atque erosionem, aneurysmata moveri quandoque posse, id praeter FALLOPII (a) SEVERINI (b) RUYSCHII (c) LANCISII (d) luculentas observationes nostra, nisi vehementer ego fallor, observatio in Annalibus Acad. Juliae Semestri XII. p. 81. descripta satis superque docet. *Causae tamen aneurysmatum*, praesertim internorum, saepe dubiae aut prorsus incertae sunt: interea tamen vel *externae vel internae* esse debent, atque verisimile est, ea orum saepissime debere vel lapsui, ictui, verberibus aut fracturis aliquando perpessis, vel violentis motibus in elevandis aut propellendis magnis oneribus, saltu, equitatione vehementiori aliisve concussionibus violentioribus, quibus arteria quaedam plus justo vel percutitur ac debilitatur, vel urgetur, ut in tumorem aliquem distendatur; vel inflammationi, suppurationi ac erosioni, ab ulcere partis vicinae aut ipsius partis cujusdam arteriae; unde reliquae tunicae debilitantur, ut impetum sanguinis irruentis ferre nequeant, sed cedere cogantur, atque sensim in tumorem expandantur. Ita saepe visum est, ex levi quadam arteriae cujuscunque laesione per scalpellum, ferrum vel telum acutum quodcunque, & speciatim brachii in venaesectione, ut jam antea dictum est, aneurysmata producta esse, quando nimirum scalpello phlebotomo arteria tantum quasi tangitur, atque exterior ejus tunica, interioribus adhuc integris, vel leviter tantum vulneratur. Hac enim laesione fit, ut tunica interior, arteriae, eo in loco, ubi laesio est, pulsui cordis & sanguini irruenti prementique resistere satis non valeat, sed cedat ac paulatim pars debilior sive laesa in tumorem notabilem, quem aneurysma vocamus, dilatetur. Si jam hanc mechanicam aneurysmatis theoriam ab externis ad interna applicamus aneurysmata, multae esse poterunt causae, quae arteriarum internarum tunicis aliquam labem inferre possunt, ut arteria aliqua in certo loco debilior fiat, minusque quam aliis ejus in partibus, reniti queat, sive illa causa haereat in externa arteriae superficie, sive intra tunicas ejusdem. Sic a lapsu, ictu, collisione, inflammatione, suppuratione, ulcere, &c. aliqua arteriae pars, quemadmodum aliae partes, debilitari, vel erodi sic potest, ut pressione Cordis & sanguinis cedat, atque aneurysma producat, praesertim si aliqua vis externa, impetus vel motus vehementior, lapsus, concussio aut simile quid forte accedat.

IV.

*Laesarum
arteriarum
diagnos.*

Arteriarum in vanaesectionibus percussio quomodo explorari, imminentisque aneurysmatis periculum praecaveri possit. superiori capite satis, ni fallor, declaravimus. Ostendendum nunc erit *quibus signis dignosci in venae incisione levis aliqua ejusmodi arteriarum laesio debeat*. Sed vero quia cer-

ta

(a) Lib. de tumor. cap. 14. (b) Lib. de Abscessibus. (c) Observ. Chirurg. 37. & 38. (d) Lib. de Cord. & Aneurysm.

ta five pathognomonica, ut dicunt, noxae levioris istiusmodi indicia nos deficiunt, conjecturis utique, attamen verisimilibus, nitendum est. Igitur quoties pulsus aliquem in extrema ferri in brachium demissi cuspi- de factum perentiscimus, sanguis vero ex arteria cum impetu non profiliat, tactam forte ac laesam arteriae tunicam externam esse, haud immerito suspicamur. Ne qua igitur aneurysmatis periculum superveniat, curatio sic omnino institui debet, quemadmodum superiori capite ex instituto proposuimus.

V.

Quodsi autem vel laesi hominis, vel ipsius quoque Chirurgi negli- *Prenosis.* gentia aut imprudentia hoc neglectum, vel falcia nimis cito rejecta fuerit, quam facillime aneurysma erumpit. Nam sciendum quoties intra mensis spatium a secta vena in brachio tuberculum pulsans exoritur, aneurysma illud esse a levi arteriae brachii laesione ortum. Aneurysma tamen verum, quamdiu recens adhuc atque exiguum est, praeter pulsus molestem levemque tumorem, parum aut nihil incommodi affert: sed postquam sensim sensimque increfcit, & vel ad ovi vel pugni alicujus, quin imo ferme ad capitis usque magnitudinem augetur; quemadmodum ex PURMANNI *Chirurgia curiosa* pag. 612. nec non ex tabula nostra XI. fig. 6. manifestum est, dolores intensissimi atque partis immobilitas, debilitas, aliaque incommoda superveniunt. Dehinc nisi promptissimum auxilium accerserit, arteriarum tunicae paulatim attenuantur ac tandem perrumpuntur, malaque gravissima cum ipso mortis praesentissimo saepe periculo concitantur. Vel enim, perrupta simul cute externa, gravissimum sanguinis profluvium; (a) vel etiam, cute integra manente, sanguinis corruptio atque gangraena sensim insequuntur. (b) Tametsi autem aneurysmata pleraque omnia periculosa sint, atque, ut apud BARTHO- LINUM (c) & HARDERUM legitur (d) pauci aneurysmatis laetum aut felicem exitum spectarint; nulla tamen graviora & periculosiora illis esse solent, quae vel in arteriis internis iisque grandioribus, vel nimum absconditis, ut in aorta, principio subclaviae brachialis aut carotidis arteriae &c. enascuntur. Sic etiam semper fere insanabilia sunt istiusmodi aneurysmata, quae in arteriae carotide in collo, in subclavia atque axillari prope humerum, vel etiam in crurali, praesertim prope ventrem suboriuntur. Namque hic in curatione gravissima ut plurimum imo lethifera sanguinis profluvia, vel & in extremis gangrae-

Tom II.

Iii

na

(a) Quemadmodum egomet Helmstadii; RUYSCHUS autem in *Observat. Anat. Chirurg.* 2. alique observavimus.

(b) RUYSCHUS ibidem; ego vero hic Helmstadii vidi, conf. Th. BARTHOLINI Ep. Med. Cent. III. Epist. 53.

(c) Epist. Med. modo citata.

(d) Jo. Jac. HARDERUS in *Apiario Observ.* 86.

na & sphacelus superveniunt. Mitiora his ea sunt, & frequenter adhuc curantur, quae in externis arteriis, praesertim cranii (a) vel extus in costis, pedis, manus atque brachii inferioris, arteriis excitantur aneurysmata. Sed brachii tamen nisi in principio adhuc sit, ubi, compressione & ligatura saepe adhuc curatur, tandem anceps plerumque curatio, quae per scalpellum fit, esse consuevit. (b) Quum enim glutinari ac claudi tunc omnino arteriae truncus debet; abesse vix potest, quin cubitus & manus, vel propter rami alterius majoris saepe defectum (c) vel propter ramulorum lateralium saepe parvitatē, sufficienti sanguine ac nutrimento carere incipiant. Quod ipsum simulatque incidit, haud fane procul abesse sphacelus atque ipsa saepe mors partis adsolent: prouti quidem egomet ex longo rerum usu didicisse mihi videor, atque ex observationibus variorum Medicorum constat, (d), ita ut pars vitiata saepe rescidenda sit, si aegrum servare velimus: imo quamvis etiam pars rescidatur, tamen aeger haud raro perit, ut ex modo citato BARTHOLINI exemplo manifestum est. Aneurysma vero quoties sponte ac praeter opinionem dirumpitur, tanta plerumque sanguinis copia effunditur, ut moriendum utique homini aegroto penitusque exhausto sit, (e) nisi promptissimum a torculari idoneo: (*Tourniquet*) rebusque idgenus aliis; ipsa denique operatione petitum salutis praesidium fuerit. Aequae fere magnum periculum imminet, *sicubi*, prout fieri quandoque solet, *tumor istiusmodi gravior, quasi abscessus aliquis, per Chirurgi imprudentiam inciditur.* (f) Ceterum illud observari ante omnia hic adhuc meretur; aneurysmata *spuria longe esse veris periculosiora.* Quemadmodum enim haec, praesertim si non adeo grandia sunt, per plures annos & ad extremum usque spiritum tolerari quandoque sine adeo magna molestia vel periculo possunt, (g) praesertim si idonea ligatura sive fascia utantur; sic e contrario spuria vel.

(a) Ut illud, quod in BARTHOLINI Ep. 53. Cent. III.

(b) Ita enim aeger, de quo tota aneurysmatis dissecti historia BARTHOLINI agit, amputato ob aneurysma brachio, ustaque ejus arteria, tamen mortuus est.

(c) Ramum alium majorem tam saepe non deficere, quam vulgo hujusque plerique existimarunt Chirurgi, in dissertat. medica, quae varias notatu dignas observationes cum Chirurgicas, cum Anatomicas, exhibet, & Anno 1730. Helmstadii meo praesidio a D. MOEBIO habita est, ostenditur. Quae observationes aliquando in meis observationibus seorsim edendis, si Deus vitam & vires concedet, apparebunt.

(d) Vid. BARTHOLIN. Epist. modo citat. RUYSCH. Observat. 2. Von HORNE de aneurysmate.

(e) Sicuti accidit aegro PARAEI Lib. VI. cap. 32. alique, cujus historia in Aët. Anglican. A. 1700. pag. 666. & suppl. Aët. Erud. Lips. Tom. III. pag. 401. refertur.

(f) Conferri hanc ob rem potest PARAEUS, Lib. VI. c. 32. HILDANUS Cent. III. Obs. 43. RUYSCHIUS Obs. 38. von HORNE ac LANCISIUS loc. cit.

(g) Ita SENNERTUS exemplum refert Prax. Med. Lib. V. Part. I. de muliere, quae ultra triginta annos aneurysma nucis juglandis magnitudine in cubiti flexura sine damno tulit.

vel nimio sanguinis profluvio, vel corruptioni & sphacelo statim opportuna deprehenduntur. Et sane quo grandia magis & quo periculofiori in loco, hoc quoque gravia magis & periculofa utraque haec aneurysmata sunt. Usque adeo, ut intrepidus etiam ille atque expertissimus in primis Chirurgus, HILDANUS, quemadmodum ex adducta superius observatione liquet (No. 1.) operationem aliquam chirurgicam hic fuscipere haud ausus sit. Ita & RUYSCHIVS de Amstelodamensibus Chirurgis aperte scribit, (a) neminem ex illis per viginti & plures annos in vasta illa civitate istiusmodi operationem suscepisse. Sic etiam aneurysma spurium plerumque difficiliter scalpello curatur, quam verum; quia sanguis effusus undiquaque concretus haerens, Chirurgo, ut eum removeat, multum laboris procreat. *Aneurysmata interna* sicuti vel penitus subinde delitescunt, sic artem quoque salutarem sine dubio vincunt; quia aditus manibus denegatur; vel si etiam interna extus quodammodo patent, ut supra N. 1. allegata exempla ostendunt, tamen sine vitae praesentaneo periculo ea incidere aut aperire non licet; quare curationem similium summi Chirurgi, FALLOPIUS, PARAEUS, SEVERINUS, non aggressi sunt. (b) Igitur & nos, ne forte inanem aliquam desperatae noxae considerationem instituere videamur, non nisi de externis aneurysmatibus, ubi spes curationis est, hic in curatione nostra acturi sumus. (c)

VI.

Sed ne quis tamen fortassis ignoret, quae periculosissima huius noxae praecipua curatio sit, operam hic praecipue dabimus, ut, quae *Curatio aneurysmatis. I.) exitu.* *aneurysmata in flexuris cubitorum nascentia*, utpote reliquis frequentiora, tractari optime queant, breviter exponamus. Sic etenim simul id, arbitror, constabit, quomodo reliquis etiam aneurysmatibus, minus frequentibus, digne sit succurrendum. Scilicet ubi *aneurysma quoddam verum, idemque incipiens, vel exiguum, vel saltem non adeo grande,* in flexura cubiti exoritur, duplex est curandi ratio: nimirum vel apta compressio & deligatio, vel scalpellum. Illa rursus duplex est; nam altera vel spleniis & fasciis fit, altera per propria quaedam instrumenta. Haec, quae compressione fit, semper prius tam in vero, adhuc parvo, quam etiam in falso, ubi nulla sanguinis inter partes est effusio, tentari debet: nam crudele est periculosam sectionem instituere, ubi blandiori modo curare possumus. Adeoque curari idipsum ac contrahi, postquam prius omnis sanguis ex tumore repressus est, vel frustuli chartae masticatae, vel emplastri adstringentis, aliquot sensim postea

Iii 2

am-

(a) Observat. Chirurg. 2.

(b) Vid. Th. BARTHOLINI in Hist. Aneurysmatis dissecti, saepius jam citata.

(c) Qui de internorum curatione aliquid nosse desiderat, LANCISIUS Doctiss. libr. de Aneurysmatibus evolvat.

ampliorum spleniorum aptiorisque alicujus deligationis, qualem capite praecedenti indicavimus, adjumento nonnunquam potest, si per aliquot hebdomades vel menses adhibetur: prouti quidem, ut recentiores observationes nunc taceam, jam olim ab HILDANO, (a) TULPIO, (b) ROGERIO (c) praestitum legimus. Sed si quando ejusmodi ligatura parum esset, quemadmodum hoc BOURDELOTIUS, Medicus regius, Gallus, in suo corpore expertus est, (d) ad inventa hunc in usum a Chirurgis propria quaedam machinamenta sunt, quorum subsidio non reprimi solum atque contineri, sed (superimposito praefertim simul emplastro roborante) prorsus quoque curari sensim aneurysmata saepe minora solent. Ex multis ejusmodi bina delineata exhibentur in *Tab. XI. fig. 8. 9.* quorum tamen applicatio atque usus demonstrari facilius coram possunt, quam prolixioribus verbis describi. Interea tamen satis, opinor, intelligi poterit ex tabulae nostrae XI. explicatione. (e)

VII.

2) *Grandiorum.*

Sicubi autem forte grandius aneurysma est, quam ut vincturae aut instrumentorum subsidio reprimi possit; vel si ex vero aneurysmate, rupta arteriae tunica, ortum sit *spurium*, & cumprimis si sanguis hic inter carnes effusus ad gangraenam spectaret; si brachii immobilitas una cum doloribus adest; denique si periculum est, ne, tumore tandem; una cum cute disrupto sanguinis profusio periculosa, quae aegrum inopinantem conficere posset, concitetur; petendum utique a scalpello praesidium est. Quae ipsa tamen operatio quia multis doloribus & periculis obnoxia est, haud temere, sed nonnisi caute admodum ac circumspecte, quin etiam post adhibitos demum in consilium Medicos & Chirurgos alios longe omnium expertissimos, suscipi a Chirurgo debet: ne scilicet, ubi alia quaedam mala haud praevisa superveniunt, curantis temeritas aut imprudentia incusari temere queat, & quasi ejusmodi curatio necessaria haud fuerit.

VIII.

Operatio

quid postulat.

Operationis hujus duplex praecipue negotium est. Neque enim auferri solum tumor aneurysmatis sed glutinari quoque postmodum arteria

(a) Observat. Chirurg. Cent. III. Obs. 44.

(b) Observ. Med. Lib. IV. cap. 17.

(c) BLEGN. Zodiac. An. 1681. pag. 43.

(d) Vid. BLEGN. Zod. Med. Gall. An. 1681. p. 43.

(e) SCULTETUS equidem jam tum in *armentario* suo Tab. XIIX. fig. IV. Edit. An. 1666. 4. instrumentum aliquod huic scopo accommodatum descripsit. Sed istud non adeo aptum videtur, quam haec. Ita & DIONISIUS alicujus mentionem facit, loco citato. quod BOURDELOTIUS, Medicus Regius, invenit, & *pontem* sive *ponticulum* appellavit, *Le Ponton*; de quo vero ipse BOURDELOTIUS prolixius egit in BLEGNII Zodiac. Med. Gall. An. 1681. mense Martio, Obs. IV. pag. 43. atque retulit, se in se ipso hoc ponticulo aneurysma brachii intra anni spatium curasse, quod jam magnitudinem attigerat *ovi junioris Gallinae*.

teria rursus debet. In Italia superiori adhuc seculo brachium aneurysmate laborans, ressecarunt, arteriasque rescissas ferro adusserunt, ut ex BARTHOLINI Histor. aneurysmatis saepe jam citata intelligi potest. Hodie vero brachium conservare & leniori modo illius curationem perficere studemus. Sed quo promptius tamen atque accuratius exsequi hic munus suum Chirurgus queat, ad tria hic potissimum attendere debet, & quidem primo, quomodo torcularis ope sanguinem cohibeat, id quod veteribus incognitum fuit; deinde ad modum, quo arteriam inveniat & detegat; & denique quomodo eam vel medicamentis vel ligatura constringat. (a) Itaque *parare prius ac disponere in patina, affere vel abaco singula instrumenta necessaria debet, quam operationem ipsam adgreditur.* Atque instrumentorum quidem seu rerum necessariarum communis apparatus hic est: nimirum *torcular* pro arteria in brachio constringendo & sanguine coercendo, vel vulgare, quale supra descripsimus; (P. I. Lib. I. cap. II. No. 9. & 10.) vel quae praestantiora videntur, ibidem (Num. 11. 12. 13. 14. & 15.) exposita; deinde pro arteria detegenda scalpellum Tab. I. litt. G. aliquot uncinuli Tab. VIII. fig. 2. & 3, sponsia cum vino vel spiritu vini calido, forfex obtuso apice Tab. I. litt. C. vel D. linamentum carptum sufficiens; spleniola nonnulla quadrata diversae amplitudinis; splenium angustum sed crassum, spithamaeque longitudinem adaequans; bina linteamina ampla, quanta scilicet involvendo obtegendoque integro brachio sufficiunt; duae tandem vel tres fasciae, binos digitos transversos latae, & triplo vel quadruplo longiores iis, quae in sanguinis missione in brachio adhibentur. Praeter haec, quando quis eam curandi viam, quae adstringentibus sive rodentibus medicamentis peragitur, eligit, quae tamen valde incerta est, vel frustulum vitrioli coerulei adsit, vel *liquor stypticus Weberi*, vel butyrum antimonii, aliudve simile. Si quis vero arteriam ligare malit, qui modus pro avertenda nova sanguinis profusione certior est atque a melioribus Chirurgis eam ob causam hodie praefertur, quia lapsa eschara sanguinis profluvium saepe cum mortis periculo redit, (b) *acus* praesto sit *curva*, filo firmo, eoque duplici imo triplici ac cerato instructa; vel ejus loco *peculiare ferramentum* in hunc usum a me excogitatum. Tab. VIII. fig. 4. delineatum.

(a) Olim etiam pro claudenda laesa arteria *ferro candente* usi hic sunt: verum hoc nimis crudele, nimis incertum, imo saepe valde noxium est auxilium.

(b) Quod varii Autores annotarunt. vid. inter alios BARTHOLIN. Hist. de Aneurysmate, & HARDEUS in observ. p. 325. MORELLUS in Blegnii Zodiac. An. 1681. pag. 26.

IX.

Qualiter col-
locari ae-
groto &
ministri de-
beant.

Quibus omnibus rite sic instructis, *collocandus aeger est in sella quadam inclinata*, ejusdemque brachium perinde, ut in *venaesectionibus*, extendendum. Dehinc quatuor ministri adsciscendi, atque sic omnino constituendi sunt, ut juvare curantem quam promptissime valeant. Quoties nimirum *in dextro brachio aneurysma est*, optimum mihi videtur, si Chirurgus ipsemet juxta dextrum aegroti latus adstet, constituto simul ad humerum aegri dextrum ministro expeditissimo, qui brachium supra tumorem comprehendat una cum ipso torculari inibi applicato: ut scilicet hanc pro re nata atque ex Chirurgi mandato, nunc fortius adstringere, nunc relaxare paullulum queat. Ministrorum alter ante hominem aegrum collocatus brachium ejusdem, ne retrahi facile in ipso opere possit, supra carpum firmiter comprehendat. Tertius Minister in sinistro latere adstet, tabulamque vel patinam cum instrumentis atque apparatu reliquo contineat. Quartus denique reliqua Chirurgus subministret, quae forte ad conficiendum negotium in ipsa operatione necessaria videntur. Qualis autem Chirurgi & ministrorum esse positura debeat, *sicubi in sinistro brachio vitium est*, id equidem ex jam propositis facillime poterit colligi: dum contraria ea plane sit necessum est.

X.

Torcular
quomodo ap-
plicari de-
beat.

Primum igitur operationis negotium in eo consistit, ut torcular *in medio quasi vel summo brachio (a)* super arteria brachiali exactissime applicetur, (*vid: Tab. III. fig. I. litt. K.*) tantisperque leniter adstringatur, donec nullus, nec in ipso aneurysmate, nec ad manum in carpo pulsus supersit. Sic enim praecaveri optime sanguinis profusio poterit. Cavendum tamen ne constrictio nimis vehemens sit, ne nervi aliaeve partes teneriores eo ipso laedantur. Bacillum torculari injectum constitutus in dextro latere minister apprehendat; vel si torcularibus trochleis instructis quis uti malit, (quae Tab. V. vel VI. delineantur) haec adstricta trochlea sponte in brachio haerent.

XI.

Prima ope-
rationis ac
deligationis
ratio.

Torculari igitur aliquo rite injecto ipsius operationis triplex modus est: quos singulatim jam describere operae pretium ducimus. Ac prima quidem in eo potissimum consistit, ut torculari rite clauso *aneurysma verum* scalpello sursum versus secundum longitudinem situm-
que

(a) Fieri, prout observatum a GARENGOTIO in Chirurg. ejus cap. de Aneurysmate legimus, nonnunquam solet, ut torcular, propter nimis inflatum a nimio cruore, in aneurysmate spurio effuso, brachium, applicari sine periculo in ipso brachio nequeat. Igitur, ut idem praecepit, torcular tunc sic omnino injiciendum est, ut axilla sive alae fascia convoluta vel pila quaedam cum splenio, quod brachium alias ambire debet, subjiciatur, bacillusque super humerum intorqueatur.

que arteriae totum incidatur, factoque hunc in modum scalpello vel etiam forfice vulnere satis amplo, eoque vel recto vel quoque transverso cruor & materia corrupta omnis vel digitorum vel specilli vel & spongiae subsidio extergatur. Ejectis sordibus torcular paulisper relaxatur, ut nimirum sanguis prorumpens superius arteriae foramen demonstret. Si vires sunt, aegrotusque sanguinis copia premitur, non statim constringi rursus torcular debet; sed sanguinis aliquot unciae, quoad tutum videtur, ex vulnere prius emitti. Tum, constricta solertissime rursus torculari, si medicamentis quis uti velit, vel vitrioli coerulei frustulum gossypio vel linamentis involutum superiori arteriae foramini immittitur, superimpositis aliquot spleniolis, atque ita quidem, ut minutissimo (*Tab. II. fig. 21.*) sensim ampliora cum multis utrinque linamentis, rudi modo contortis, superinjeciantur; omnia vero sinistrae manus digitis & cumprimis pollice probe contineantur atque super arteria laesa satis arcte comprimantur. Loco frustuli vitrioli etiam linamentum contortum & *liquore styptico Weberi*, vel butyro antimonii imbuto, sed rursus expresso, vulneri arteriae superiori, eodem vel adhuc meliori effectu immitti potest, superinjecitis omnibus iisdem, quae modo proposuimus. Singula ista emplastro quadrifido, splenioque quadrato ampliori satisque crasso conteguntur, tandemque fascia triplo aut quadruplo majori eis, quas in sanguinis missione vulgo adhibemus, quam accuratissime comprehenduntur. DIONISIUM qui audiunt, (a) deligationem etiam sic instituunt, ut, omisso vitriolo frustum unum vel alterum, chartae manducatae, vel spleniolum aqua styptica imbutum, & super hoc quam plurima alia spleniola minuta sensim ampliora, super arteria adaperata deligent: id quod etiam quandoque satis idoneum hic esse potest.

XII.

Sed quo certius sanguinis profluvia praecaveantur, injici super fasciam priorem alia quaedam priori similis fascia debet; factisque circa locum laesum, ut cum priori factum est, aliquot ejusdem ductibus, splenium illud longum crassum atque angustum in interiori brachii latere super arteriam brachialem ad lineam applicari sursumque ascendente fascia, ut capite praecedenti jam docuimus, contineri. Atque firmitus quidem fascia illa ut haereat, opus est, ut facto uno circum ipsum pectus circuitu, in humero sive brachio ipsam finire, ibidemque gnaviter firmare, ac postea aegrum quieti committere. His confectis atque torculari paullulum relaxato, dispicitur, num sanguinis aliquid ex vulnere per fascias prorumpat. Si nihil ex eodem prorumpit, confecta utique feliciter est operatio.

XIII.

(a) Vid. ejus Chirurgia, cap. de Aneurysmate.

*Si Sanguis
nondum
quiescit.*

Sicubi vero sanguinis quicquam erumpit, constringi rursus torcular debet, resolutaque vinctura omni, vel denuo, ut modo dictum est, & quidem quam accuratissime vulnus deligandum; vel si infido huic curandi modo quis fidere nolit, arteriae pars extrema prouti quidem *Paullus AEGINETA*, unus ex antiquissimis Medicis Graecis, jamdudum docuit, (a) per subterinjectum acus curvae retusae beneficio filum duplicatum ac firmum solertissime deligari, siquidem alia ratione vix occurri mortis periculo potest. (b) Fere duplex autem necessaria hic videtur observatio: prospiciendum enim quam solertissime hic Chirurgus est, tum ut ne 1) ipsam arteriam; tum etiam, 2.) ut ne nervum juxta positum acu laedat vel configat. Igitur longe optimum erit, cutem supremam sufficienter incidere, nervum autem arteriae annexum, si fieri potest, accuratissime, admoto uncinulo, ab eadem remove vel solvere; dehinc, ne vel nervus vel arteria laedatur, acum parte obtusa, quam caput vulgo appellant, ex parte, donec fila commode apprehendi possunt, sub arteria transmittere, ne pars acus acuta arteriam forte laedat; vel proprium illud ad hos usus accommodatum instrumentum, a me excogitatum, Tab. VIII. fig. 4. adhibere, illud filo dissecto & satis traducto, retrahere, atque arteriam in loco altiori, superinjecto prius arteriae linamento vel tenuiori spleniolo quodam lineo, probe ligare. Rite sic deligata arteria, propendere filum ex vulnere, ad quatuor circiter digitorum transversorum longitudinem debet, donec sanescente arteria, sponte sua idem resolvatur ac decidat. Sunt, qui *inferiorem quoque arteriae concisae partem vincendam* praecipiant; alii tamen Chirurghi hoc alienum, supervacuum, quinimo perniciosum esse statuunt. Neque id interdum, & quidem in cubiti flexura, sine ratione: si quidem longe major & plaga & cicatrix facienda est; quarum utraque rigoris cubiti aliquod periculum facile secum ferre potest. Attamen si extra flexuram cubiti, & nominatim infra cubitum, in brachio aneurysma sit, & inferior pars arteriae, ligata jam superiore, sanguinem adhuc fundat, ligari ea quoque sine damno potest, imo debet. Ita enim in curatione aneurysmatis arteriae cubitalis in medio brachio, id est, infra manum & flexuram cubiti, postquam arteriae lae-

(a) Lib. VI. de re Medica, cap. XXXVII: Itemque alter antiquissimorum Medicorum Graecorum AETIUS, Tetrabibl: quart. serm. III. Cap. X.

(b) Ita fere ejus se habent verba: „ Si tumor sive aneurysma ex arteriae laesione „ factus est, sectionem rectam in longitudinem cuti infligimus: deinde, diductis „ per hamulos oris, arteriam denudamus, & acu sub ea transmissa, duplici filo ligamus. Partem ligaturis mediam scalpello incidimus, & quod in ea continetur, evacuamus, atque suppurante curatione utimur, donec deligata vinculo „ rursus fila excidant.

laesae extremum superius ligaveram, & inferius, laxato torculari sanguinem adhuc vehementer fundebat, illud etiam submisso ope acus curvae filo robusto ligavi, & aeger morti jam vicinus, sic optime ac sine omni incommodo ope medicamentorum balsamicorum sanatus est. Adeoque si & circa cubitum arteriam ligandi necessitas incidit, liganda; sin minus, spleniolis & apta ligatura probe comprimenda, ita sine ligaturae inferioris arteriae partis vulnus ejus sine omni sanguinis profluvio perfecte curavi. *Vincta*, prouti diximus, *arteria* proximo sub vinctura loco transversa concidi a quibusdam solet: quo scilicet retractis & clausis arteriae vulneratae oris profusiones sanguinis periculosa melius praecaveantur; verum noxium vel saltem supervacuum hoc ipsum negotium esse judico, atque ipsemet hanc operationem bis institui, ut arteriam non praeciderim, & feliciter nihilominus aegros curaverim. Ceterum vulnus linamentis carptis & non discerptis bene multis, vel & spleniolis arcte compressis impletur, fasciisque, prouti jam supra edocui, atque adhuc infra uberius, libro de fasciis demonstraturi sumus, quam exactissime deligatur.

XIV.

Haud alienum videri hic nonnullis solet, *utrinque positas juxta cubitum brachii partes linteolis in oxycrato tinctis, ad praecavendam inflammationem, probe involvere*, fasciisque spiralibus supra deligare, atque ex alia parte aliquoties sanguinem detrahere; quae quidem observatio apprimae utilis esse in hominibus sanguinis plenioribus & calidioribus consuevit. In iis vero, qui jam ex multa sanguinis profusione valde debiles & frigidi, & sanguinis uberius detractio, quam tamen Chirurgi Galli promiscue commendant, & refrigerantium applicatio pestifera est: Nam curavi tales sine omni sanguinis educatione, & in frigidis potius loco oxycrati vel aceti brachium spiritu vini calido, camphorato, vel theriacali demulcendum involvendumque curavi. His confectis *lectulo committi* aegrotus debet, brachiumque leniter inflexum pulvillo superimponi, ut mollius quiescat, ad vehementiores sanguinis impetus sive pulsus praecavendos: *Quies* enim etiam atque etiam, ut alias jam commendavi, hic necessaria est. Sicubi forte nihilominus brachium graviter intumescit, providendum equidem est, ne ex nimis stricta deligatione periculosa inflammatio superveniat; hoc enim si sit, fascia ea ratione solvenda, & denuo injicienda, ut capite XII. posuimus. Alias vero haud facile ob periculum novae profusionis sanguinis resolvi deligatio debet; Insignem etenim, prout usus me docuit, tumorem etiam livescentem, sine graviore noxa hujusmodi in casibus sustinere brachia possunt, si ille modo non nimis durus & dolens sit, neque gangraenae indicia adsint: hoc vero in casu quid faciendum, capite praecedenti jam docui.

XV.

*Profusio quæ
ratione præ-
caveri possit.*

Sed ne qua tamen improvise sanguinis profusio hominem exhaustiat, ceu fieri facile potest, ubi quis adstringentibus vel rodentibus remediis usus (a) vel nullo apto vinculo constricta arteria est, *vigilare per aliquot dies integros minister aliquis, torculari instructus, apud aegrotum debet*, qui prorumpentem sanguinem, si hoc malum forte incidat, vel pollice vulnere impolito, vel injecto torculari protinus cohibeat, Chirurgumque ad deligandam arteriam, ubi nulla ligatura ante aderat; vel si non bene ligata fuit, ad novam eandemque firmiorem deligationem instituendam arcessere curet, ne ex sanguinis profusione aeger pereat. Quam quidem ob rem tutius utique videtur, arteriam mox ligare, quam non ligare, atque primam statim deligationem sic instituere, ut arteria, quantum fieri potest, filo robusto quam accuratissime vinciat. Atque hanc etiam ob causam non male agunt illi Chirurghi, qui triplex filum sub arteria transmittunt, unumque ex illis pro ejusmodi casibus non constrictum relinquant, ut, ubi priora non satis continet, adhuc illo arteriam denuo ligare queant.

XVI.

*Observatio
circa deliga-
tionem ne-
cessaria.*

Interea *deligatio prima*, sicubi illa satis firma est, si profusio, magna inflammatio, tumores nimii malaque id genus alia absunt, *non facile*, ut jam dictum est, *ante diem tertium vel quartum resolvi debet*; quo nempe melius glutinari arteriae vulnus queat. Tum ubi deligatio resolvitur, providendum solertissime Chirurgis est, primo ut arteria in brachio a ministro digitorum vel torcularis ope comprimatur; deinde ne spleniola adhaerescencia & cum primis vulnere proxima imprudenter abstrahant, novamque sic profusionem sanguinis moveant. Purgari tamen, quoad ejus fieri potest, vulnus a sordibus debet, novisque linamentis carptis atque unguento digestivo deliniri, dum sponte sua, quicquid adhaeserat, in deligationibus reliquis resolvatur & cadat. Longe tutissimum vero hic est, *rarius semper deligationem resolvere*, idque primis diebus XV. iisdem semper cautelis, quas modo inculcavi, ne facile, praesertim si arteria non ligata est, fortior sanguinis impetus negotium aliquod facessat.

XVII.

*Quomodo
calor, febres
aliaque mala
avertenda.*

Quodsi primis post confectam operationem diebus *calor intensus sanguinisque motus concitator*, quem febrem appellare solent Medici, hominem aegrum divexant, unde profusio sanguinis & gangraena metueda, petenda protinus a sanguinis in brachio altero instituta missione praesidia sunt. Quin etiam, ubi opus fuerit, iterari eam nonnunquam convenit, praesertim in iis, ubi sanguis abundat, Dandaque praes-

(a) conf. N. VIII.

praeterea sunt *medicamenta calorem temperantia*. *Victus* autem ratio tutissima est, ut calefacientia, dura ac solida evitentur; e contrario tantum juscula tenuissima sorbitionesque inprimis dilutae ac refrigerantes, perinde, ut in inflammationibus ac vulnerationibus gravioribus praescriptissimus, assumantur.

XVIII.

Simulatque jam isto modo clausum arteriae foramen est, quod fieri *Glutinatio* plerumque in aneurysmatibus, mitioribus post decimum vel duodeci- *quomodo fie-* mum circiter diem adsolet, tardius vero in pejoribus, glutinari postea *ri debeat.* vulnus externum vel linamentis siccis debet, vel balsamo vulnerario, sed ita tamen, ut *leniter identidem brachium extendatur, rursusque inflectatur.* Hoc enim nisi fit, periculum fane est, ne rigidum & curvum, tam propter adstrictam nimis cicatricem, quam intermissum diutius motum juncturae, brachium efficiatur.

XIX.

Altera curandorum aneurysmatum ratio talis fere est. Nempe torcular debito modo ante omnia injicitur, brachiumque ista ratione continetur, quam antea proposuimus. *Altera operationis ratio Purmanni.* Mox *cutis summa sola, nihil interim laeso aneurysmate,* inciditur. Dehinc utrinque supra & infra tumorem posita arteriae pars diligenter a nervis adjunctis resolvitur, uncinulique aut hamuli beneficio ita elevatur, ut trajici subter eadem acus quaedam curva & retusa, vel instrumentum nostrum Tab. VIII. fig. 4, antea N. XIII. laudatum, cum filo duplicato & cerato queat. Hoc ipsum filum immissum sic omnino constringitur, ut minutum semper spleniolum sive linteolum aliquod nodo subjiciatur, ne arteria a filo disrumpatur. Sic deligata utrinque arteria, medius inter vincituram utramque tumor scalpello exciditur, vulnusque dein eodem prorsus modo tractatur, quem supra jam proposuimus. (No. 16. seqq.) Atque istam quidem curandi viam PURMANNUS sese iniisse refert, quando gravissimum illud, cujus supra mentionem injecimus (No. 2.) aneurysma extirpavit, atque vulnus intra unicum mensem feliciter curavit. Nos tumorem istum horrendum atque adeo insolentem, qualem vix alii annotarunt, Tab. XI. figura 6. delineatum exhibemus; ut nimirum illustre hoc exemplum melius innotescat, atque facilius concipi curandi ratio queat. Idque magis etiam ideo, quia GOEVIUS Chirurgus Gallus, ut jam supra innuimus, verum aneurysma castaneae magnitudinem nunquam superare existimavit. (a)

Tertia operationis ratio. Anelii.

Tertia denique verum aneurysma *curandi ratio* sic sese habet. Nempe torcular primo loco applicatur, depressoque dein, si fieri potest, deorsum versus manum ex tumore sanguine, (a) cutis suprema secundum longitudinem, illaeso manente aneurysmate scalpello inciditur. Tum arteria loco super tumorem proximo & a vicinis partibus, cum primis nervo separata, per trajectum, ut supra posuimus, filum duplex vel triplex semel aut bis, pro re nata constringitur, donec post relaxatum torcular, nihil quicquam sanguinis in tumorem rursus profluat. Quo facto deligari, ut in praecedentibus docuimus, solertissime vulnus debitoque studio foveri tantisper debet, donec & filum sponte sua tandem resolutum ipsaque plaga penitus glutinata reperiatur. Hanc sine graviore vulnere vel cicatrice ampliori curandi rationem ANELIUS scribit (b) sese instituisse, itaque periculosissimum aliquod aneurysma, vix elapso mensis unius spatio, Romae quondam haud infeliciter curasse. Quod enim plerique haecenus ipsum aneurysma deoperiunt, collectumque intus sanguinem digitis ferramentisque ejiciunt, id vel ideo magis incommodum videtur; quia non solum plus temporis exigit, sed etiam majores dolores & cicatrices operatio concitat. (c) Absoluta, quemadmodum diximus, actione ista chirurgica, quater ex altero hominis aegroti brachio sanguinem ANELIUS detraxit, id quod & ceteri Galli in ejusmodi casibus praecipiant. Quae vero frequens sanguinis missio sicuti ad leniendum sanguinis motum atque calorem, pro regionis illius tempestate, mirum quantum saepe salutaris est; sic in nostris regionibus propter frigidiorē aërem corporumque diversum habitum eam minus necessariam, imo vero saepius, praesertim in jam jam debilibus, alienam esse judico; quia sine ea etiam nonnulla aneurysmata egregie curata sunt.

XXI.

Aneurysma spurium quo modo tractari debeat.

Quodsi autem, prout fieri nonnunquam solere in *observationibus meis* aliquando uberius demonstrabo, tumor aliquis arteriarum sponte sua disruptus in aneurysma spurium degenerat, tum sine scalpello nulla propemodum certa salutis spes superest. Igitur, ut alias praecepi, ad profluvium sanguinis inhibendum, applicari ante omnia torcular debet, incisaque cute, quantum ad cruorem omnem ejiciendum opus est, cruor diligentissime extergi; vulnus autem vel per medicamentā ad-

(a) Expressio haec sanguinis, praesertim in majoribus aneurysmatibus, ob sanguinem crassum & concretum saepe fieri non potest; adeoque praecedentes curandi rationes adhibendae sunt.

(b) Vid. *Ejus suite de la nouvelle methode de guerir les fistules lacrimales*, pag. 257.

(c) Interea tamen, ubi sanguis ex aneurysmate exprimi omnis non potest, haec methodus non succedit, ut antea jam monuimus, & priores adhibendae erunt.

adstringentia aut rodentia, vel, quod fatius longe est, per injecta arteriae fila, ut in aneurysmate vero, circumspicte glutinari: qualiter scilicet haecenus declaratum est luculentissime.

XXII.

Quoties arteria brachialis aut cubitalis, aut etiam tibialis telo vel gladio quodam vulneratur vel praeciditur; usque adeo, ut & medicamenta & fasciae prorumpentem sanguinem sistere non valeant, tum, meo quidem iudicio, nulla promptior meliorque medicina est, quam quae in aneurysmatibus jam jam est proposita. Nimirum ut injecto torculari arteriae vulneratae investigentur, & remediis adstringentibus in minoribus arteriis, in majoribus vero ope filorum trajectorum ligentur, quemadmodum supra exposuimus. Saepius enim, quod sine jactantia dixerim, istac ratione homines moribundis similes quasi ex ipsis mortis faucibus haud infeliciter egomet eripui, quos sanguine & viribus insigniter, imo prorsus fere jam tum exhaustos, frustra a Chirurgis aliis per X & XII. dies, adhibitis medicamentis stypticis ligaturisque vehementissimis, tractatos, ob quas brachia in enormes tumores expansa erant, deprehenderam. An in arteria crurali laesa ejusmodi curationes aliquando succedant, neque apud alios legi aut vidi, neque mihi experiundi adhuc occasio fuit.

Arteriae
brachialis.
cubitalis &
tibialis vid.
nera eodem
modo tra-
ctanda.

XXIII.

Aneurysmata in aliis partibus si quando occurrant, eadem fere ratione, si sanabilia, curanda sunt: id quod antea ex loco, situ & magnitudine eorum probe perpensis definiendum erit. Speciatim tamen paucis hic addere haud alienum in tyronum gratiam existimavi, quia recentiores Chirurghi varii parum aut nihil de his proponunt, primo *aneurysma inter pollicem & indicem*, a punctura scalpelli ortum, quod TULPIUS compressione sanavit, (a) recensere. Huic emplastrum adstringens, a plumbi lamina, arctiorique vinculo ita depressum imposuit, ut expulso ex tumore sanguine, & constricto vulneris hiatu intra quatuor menses curatum fuerit. Similis fere apta compressio, praesertim in recentibus, vel saltem non adeo magnis aneurysmatibus quibuscunque, represso prius sanguine in arteriam, ubicumque eam adhibere licet, tentari potest. Deinde *aneurysma in capite*, quod foemina quaedam, filium septennem baculo ad sinistram capitis partem, qua carotidum transitus est, graviter percutiens, excitaverat, unde tumor pulsans avellanae nucis instar, primo nigricans, digitis cedens, statim oboritur, & octidui spatio in tantum augetur, ut dimidiam capitis partem a futura sagittali per tempora & frontem ad oculos usque occuparet. Consulti Medici anceps remedium certissimo vitae periculo

Aneurysma-
ta in manu,
pede, capite.

Kkk 3

prae-

(a) Vid. ejusd. observat. 17. Lib. IV.

praeferendum censentes, scalpello tumorem aperiunt, sanguisque confertim profluentis parte quadam demta, vulnus adstringentibus remediis & arcta ligatura claudunt, atque sic aegrum brevi sanum reddunt. (a) Ita *aneurysma arteriae post aurem* adstringentibus & fasciis, licet non sine multo labore tandem glutinatum est. (b) Si circa talum *aneurysma* oriretur, quale Ruyschius describit, (c) quod Chirurgus imprudenter pro abscessu aperuerat, illud vel scalpello aperiendum, & astringentibus aptaque ligatura quoque, ut praecedens, consolidandum esset, vel ipsa arteria investiganda, filoque circumducto constringenda. Atque sic etiam agendum esset, si aliis in corporis partibus, ubi aliqua spes curationis superesset, aneurysmata occurrerent. Contra mortem notavit ex aperto aneurysmate in collo HARDERUS in Apinario Observ. pag. 325. ex aperto aneurysmate in crure von HORNE, Epist. de Aneurysmate.

XXIV.

Quid circa
istiusmodi
casus explo-
randum ad-
huc restet.

Si qui vero sunt, qui clariorem *deligationis arteriarum in aneurysmatibus ideam sibi formare* voluerint, hi *tabula n. XI. fig. 7.* inspiciant. Hic enim littera A supra tumorem positam arteriae partem, B. inferiorem, C. ipsum aneurysma, D. superiorem, E. autem inferiorem *vincituram* designant. Ubi tamen iterum monendum est, in flexura cubiti inferiorem arteriae partem, nisi id necessitas postulaverit, haud facile vinciri oportere, ob rationes supra prolatas. Ceterum *qualis post confectam istiusmodi operationem sanguinis in brachio circuitus sit*, praesertim si unicus tantum, ut saepe fit, arteriae brachialis circa *juncturam truncus* est (d); quae item ratio subsit, *cur sanguis ex inferiori arteria, nullo vinculo firmata, in tumorem haud refluit*, ut in ANELLI exemplo factum est, id equidem certo a me definiri nondum potest; ideoque disquirendum adhuc atque explorandum curiosius in istiusmodi hominibus defunctis aliquando est, qui dictam illam operationem vivi quondam experti fuerunt, qua ratione haec contingant. HARRISIUS Anglus, in Dissert. Chirurg. VIII. hanc operationem prorsus damnat, & *horridam atque temerariam carnificinam* appellare haud veretur. Sed quo jure, ipse videat. Nimis timidus mihi videtur fuisse Medicus, qui ex me-

tu

(a) Ut videre est in BARTHOL. Epist. Med. 53. Cent. III.

(b) Ephemer. Nat. Curios. Cent. III. obs. 66. pag. 150.

(c) Observ. Anat. Chirurg. 38.

(d) Sed non semper: nam saepius duos truncos sive ramos majores *diversos* inveni, quorum alter in interiore, alter in exteriori brachii latere situs erat, qui deinde infra flexuram cubiti inter se rursus communicabant; cum plerique anatomici antea non nisi unicum delineaverint & descripserint. Vid. dissert. supra citata N. V. eamque ob causam Chirurgi saepius propter ignorantiam hanc anatomicam aegros brachio privarunt, imo in mortis periculum praecipitarunt.

tu plures curationes chirurgicas generosiores rejecit ; ubi tamen aegri aliter subinde curari non possunt.

C A P U T XIV.

De Chirurgia infusoria & transfusoria.

I.

Sanguinis per venas detractiōni Chirurgiam *infusoriam* ac *transfu-* Definitio.
soriam dictam proxime subjungimus : siquidem in utrisque incidi-
 vena, perinde ut in sanguinis emissione, debet. *Chirurgiam* etenim
infusoriam instituere dicuntur illi, qui per adapertam venam aliquam
 medicamenta in sanguinem injiciunt. *Transfusoriam* autem exercent
 illi, qui vel animalis vel hominis cujusdam sanguinem in alterius ho-
 minis venas transfundunt. Tametsi autem rarius a nostrae hujus ae-
 tatis Chirurgis institui curationes istiusmodi soleant, tamen quando
 maxima illarum superiori seculo, imprimis ab anno 1660. ad annum
 circiter 1680. celebritas fuit; operae utique pretium facturi nobis vi-
 demur, sicubi in tironum gratiam strictim de ipsis hic differuerimus.
 Sic enim intelligi facilius poterit, tum quam propter causam mirum
 istud medicinae genus a Medicis & Chirurgis excogitatum & suscep-
 tum fuerit; tum & vel maxime quaenam commoda expectari forsan
 hinc adhuc possint.

II.

Scilicet persuasum non sine ratione Medicorum plerique habebant, Qualis usus
 morbos tantum non omnes vitiato sanguini acceptos esse referendos. inde fuerit
 Igitur his succurri felicius ac promptius haud posse, quam si sanguis, expecta-
 vel per immissa in venam medicamenta convenientia, vel & per tus.
 transfusum ex alio quodam animali aut homine saniori sanguinem,
 rite corrigeretur. Medicamenta enim per os ingesta mirum quantum
 in ventriculo atque intestinis non immutari solum, sed & infirmari,
 antequam ad sanguinem perveniant. Quin etiam incidere nonnun-
 quam istiusmodi casus solere, ubi medicamentorum nihil quicquam
 assumi ore queat. Exemplo esse homines apoplexia, praeter spem
 atque expectationem omnem, imo & angina correptos: quibus proin
 Chirurgiae infusoriae beneficio quam expeditissimum afferri auxilium
 possit. Igitur nullum tam grave atque pestiferum ex lepra, podagra,
 epilepsia, apoplexia, tãbe, lue venerea, scorbuto, febribus malignis
 ac pertinacibus, profusionibus denique sanguinis largissimis, obtinge-
 re hominibus malum posse Medici illi credebant, quin dispelli pro-
 tinus illud ipsum his artificiis valeat. Senectutem denique ipsam ac
 tem-

temperamenta pessima hoc medicinae genere vinci : dum haec in temperamenta meliora, istaec autem in juvenilem aetatem, quadam quasi metamorphosi facta, transformentur. Quanquam autem optandum erat, esse aliquam istiusmodi, qualem Medici sibi tunc finxerant, medicinam extemporaneam ac vehementem; tantum tamen abfuit, ut expectationi eventus responderit, ut pessime potius ipsam fefellerit. Hominum enim, illud medicinae genus expertorum, plerique fere omnes in stupiditatem, fatuitatem, delirationem aut melancholiam prolapsi feruntur; vel etiam, quasi accelerata morte, ex viventium numero abrepti. Tristes ejusmodi & iacrimabiles magnificae, ut primo videbatur, artis hujus effectus tantum ipsi concitarunt odium, ut nemini ferme postea non suspecta videatur ac pestifera; quin gallici etiam senatus sive parlamenti edicto, prouti rumor est, publico Parisiis quondam damnata sit ac proscripta.

III.

*Chirurgia
infusoria
quomodo
fiat.*

Sed ne quis interim ignoret, *quomodo* olim instituta sit, vel adhuc, si opus esset, *institui Chirurgia infusoria debeat*, breviter ipsam sumus descripturi. Scilicet primo loco vena quaedam, eademque semper fere in brachio, qualiter in sanguinis missionibus fieri solet, inciditur. Huic per admotam syringam aliquam, aut fistulam clysterii vesica instructam, medicamentum aliquod conveniens sursum versus, quo promtius ad cor penetret, injicitur. (a) (vid. Tab. XI. fig. 10.) Injecto, quemadmodum posuimus, medicamento, vena diligenter rursus, ut in reliquis venaesectionibus, deligatur. Verum enim vero num prorsus damnanda sit istiusmodi operatio, an, pro immittendis in *apoplexia* atque *angina*, praesertim fere desperata, medicamentis idoneis; vel & pro lacte calido, jusculis, hominum item atque animalium sanorum sanguine post factam profusionem sanguinis nimiam injiciendis, aliisque in morbis usurpanda, id, meo quidem judicio, manifestioribus experimentis definiendum adhuc restat. PURMANNUS certe *Chirurgices parte III. cap. 31.* testatur, sese non in aliis solum hominibus, sed & in semet ipso feliciter admodum curationem istam confecisse. Siquidem non gravissimam modo scabiem, sed pertinacissimam quoque febrim istoc artificio ipsemet curaverit.

IV.

*Transfusio
quomodo
fiat.*

Contra vero *Chirurgia transfusoria* sic fere instituitur. Ante omnia incidi vel in brachio (Tab. XI. fig. 11.) vel in manu (fig. 12.) aegrotantis venam aliquam oportet, immittique sursum tendentem fistulam aliquam argenteam, orichalceam vel osseam. Idem prorsus fieri debet in

(a) Peculiari libro quodam artem istam ELSHOLTIVS exposuit, quem *clysinaticam novam* ideo inscripsit.

in alio eodemque sano homine; sed ita tamen, ut fistula deorsum versus sive in inferiorem venae partem inseratur. Fistularum altera eademque minor in majorem immittitur; atque ita ex sano homine in aegrotum tantum sanguinis intromittitur, quantum quidem satis esse videtur. Quo facto incisa vena rite rursus deligatur. Ubi nondum inde restitutus aeger est; eadem operatio post aliquot tempus denuo iteratur. Ante vero, quam sanguis integer immittitur, emitte utique sanguinis corrupti portio sufficiens solet; quo circuire promptius sanguis novus queat. Nonnunquam incidi in utroque hominis aegri brachio vena solet, ut, quantum ex alterutro effluit, tantumdem sanguinis integri influere rursus eodem momento in brachium alterum possit. Consulendus praeter reliquos hic est LAMZWERT. in notis ad SCULTETUM & JÜNGKENII *Chirurg. germanica* pag. 487. qui artificium hoc delinearunt. *Ex animalibus si sanguis derivari in hominem aegrum debet*, tum vitulus exempli causa, vel ovis vinciri, incisaque in collo vel crure vena vel arteria, operatio institui eodem prorsus modo debet, quem haecenus proposuimus. *vid. Tab. XI. fig. 13.* nec non LAMZWERTII appendix ad SCULTETI *armament. Chir. & PURMANNI Chirurg. P. III. cap. 31.* Ceterum quando fistulae argenteae hisdemque similes aliae, quae omnino rigidae sunt, paulo molestiores deprehendebantur, visum non sine ratione Chirurgis fuit, alias potius easdemque molliores & flexiles duabus solidis interponere; utpote ex arteria quadam carotide vel uretere bovis, vituli, ovis aut gallinarum atque anatum asperis arteriis confectas: ita minori cum dolore aut molestia sanguinem transfundi posse judicarunt.

V.

Transfusoriae Chirurgiae inventionem LOWERUS, celebris auctor Anglus, in libello, quem *de corde* scripsit, sibi vendicat. Siquidem male ipsum habebat, quod DENISIUS, auctor Gallus, inventionis hujus laudem in peculiari quadam epistola sibimet tribuerat. Multa DENISIUS experimenta hac de re Parisiis instituit, minus vero felicia fuisse ea reperiiebantur. STURMIUM autem, celeberrimum illum Altdorffinorum mathematicum, (a) ut & VEHRUM, Professore Francofurtensem, si audimus, (b) primus ac praecipuus artis hujus inventor MAURIT. HOFFMANNUS, Altdorffinorum quondam Medicus, salutandus est. Tametsi MUYSIUS (c) contendat, LIBAVIUM jam tum suo tempore, id est, an. 1615. novum istud medicinae genus quam luculentissime descripsisse: Utut quo libro LIBAVIUS illud ipsum praestiterit, MUYSIUS

Tom. II.

LII

SIUS

(a) In *philosophia ecclēst.* T. I. pag. 489.(b) In *disputat. de metbaemochymia* §. 40. an. 1668. Francofurti ad Viadrum habitata ac impressa.(c) Vid. Ej. *Podalirius redivivus* pag. 126.

SIUS non indicavit. *Infusoriae* autem *Chirurgiae adinventionem* licet WRENIO, celebri Anglo, plerique fere omnes acceptam referant, MAJOR tamen, Clarissimus quondam Kiloniensium Medicinae Professor, primus artis hujus auctor extitisse non sine ratione aliis existimatur. Is etenim *peculiari prolusione* quadam, an. 1664. in lucem emissa, *infusoriae* hujus *Chirurgiae* artificium, Germanis omnibus inauditum adhuc atque intactum, primus exposuit. Si qui vero sunt, qui *plura legere hanc in rem cupiunt*, hi commendata sibi velim habeant opera fere sequentia: MAJORIS lib. de *Chirurgia infusoria*. ETTMÜLLERI *disputat. de eod. argumento conscriptam*. ELTSHOLZII *clysmaticam novam*. PURMANNI *denique chirurgiam*. *Chirurgiam transfusoriam* diligenter inprimis exposuerunt LOWERUS in lib. de corde. SANTINELLUS in *confusione transfusionis*. MANFREDUS de *sanguinis transfusione*. STURMIUS in *philosophia ecclēt. diff. X*. MERCKLINUS de *ortu & occasu transfusionis sanguinis*. Denique LAMZWERDIUS in *appendice ad SCULTETUM pag. 29*. *Chirurgiae vero infusoriae exempla* in morbis desperatis vid. in Misc. Nat. cur. Ann. IX. & X. p. 144.

Explicatio tabulae undecimae.

Fig. 1. Brachium aliquod repraesentatur, in quo incidi vena quaedam debet. Littera A venam *cephalicam*, B *basilicam*, & denique C *medianam* vulgo dictam demonstrant; qualiter scilicet eadem post injectam supra cubitum fasciam D intumescunt.


Fig. 2. Delineantur variae vulnerum, quae in venis incidendis per scalpellum fieri solent, *figurae*. Littera A *vulnus directum* designat; B *transversum*; C autem atque D *obliqua*.







Fig. 3. *Phlebotomus antiquus Germanorum (die Fliete)* delineatur. Littera A partem acutam sive aciem, quae venae imponitur, indicat; B ansum, quae altera manu prehenditur; C partem, quam digitus alterius manus in ipso opere ferit, atque sic aciem in venam aperiendam impellit.

Fig. 4. *Phlebotomus elasticus (Schnäpper, Schnäpperlein)* exhibetur; qualem passim adhiberi a Chirurgis nostris hodie deprehendimus. A denotat aciem, quae venae incidendae imponitur, postquam uncinulo C elevata atque intensa est; B vero locum, quo compresso acies vi elateris, intus occulti, subito relaxatur, ut venam aperiat. DD est vagina ex cupro flavo vel argento, cui elater ille includitur, qui aciem A in venam impellit.

Fig. 5. Demonstrat phlebotomum sive scalpellum Gallorum, *lanceolam* sive *lancettam* vulgo dictum, sic inflexum ad juncturam A in angulum obtusum, ut contineri commodissime in venarum incisione possit ac debeat.

Fig. 6. Exhibet brachium aliquod AB. in quo, PURMANNO auctore, gra-





gravissimum aliquod in flexura cubiti *aneurysma*, CC. capitis amplitudinem adaequans, repraesentatur.

Fig. 7. Ostendit, quomodo in curando aneurysmate arteria utrinque vinciri debeat. Littera AB arteriam, C aneurysma; D vincturam superiorem, E inferiorem indicat.

Fig. 8. *Instrumentum* demonstrat, non ad praecavenda solum, post laesam arteriam, sed curanda quoque aneurysmata minora accommodatum. Litterae AAA ferrum brachii flexurae adaptatum; B fissuram ejus; CCDD funiculos sive ligulas ex serico ferro juxta partem AA innexos atque ultra DD extensos indicant. Littera E laminam ferream eandemque mobilem designat, per juncturam I reliquo ferro junctam, & quoad inferiorem partem F, quae aneurysmati superimponitur, gossypio & panno serico, in forma convexa obductam. Juxta GG uncinuli sunt, quibus funiculi CCDD circum cubitum utrinque ducti innectuntur atque sic tota machina in brachio firmatur. Littera H cochleam designat, cujus adjumento lamella EF, quantum quidem satis est, versus tumorem intorquetur. Ut nimirum & aneurysma vel vulnus deprimatur, & arteria male affecta rursus confortetur.

Fig. 9. Ejusdem generis *instrumentum* designat, paulo alia figura, majorique lamella E instructum, proindeque paullo grandioribus aneurysmatibus accommodatum. Tota fere machina corio, & speciatim pars lamellae E inferior gossypio & corio est obducta, & funiculi quoque sive lora CD ex corio confecti sunt, quemadmodum in instrumento priori pannus sericus hunc in usum adhibitus est. Reliquae litterae idem ac in praecedenti figura indicant.

Fig. 10. Demonstrat, quomodo vesicae A ac tubuli sive etiam siphunculi subsidio in Chirurgia, *infusoria* dicta, injici in brachii venas B medicamenta possint.

Fig. 11. Ostendit, qua fere ratione quidam Medici superiori seculo sanguinem ex alterius hominis brachio A immitti in alterius brachium B voluerint.

Fig. 12. Indicat aliqua ratione, quomodo fieri illud ipsum in manibus iidem praeceperint.

Fig. 13. Declarat, qua ratione sanguinem ex animali quodam immittere in brachium hominis per insertam fistulam mediam A docuerint.

C A P U T XV.

De variolarum inoculatione vel insitione.

I.

Instituti ratio breviter declaratur.

Variolarum equidem *insitio* haud minorem ac novum illud Chirurgiae infusoriae & transfusoriae artificium, sui admirationem in plebisque nationibus haud adeo pridem excitavit. Quare haud omnino abs re fuerit, sicubi *insitionis* istius artem, quae multa bona generi humano spondet, breviter tironum in gratiam exposuerimus.

II.

Variolarum insitio quid sit.

Institui vero *insitio* ista variolarum dicitur, quoties ipsae, ad aver-
tendum malum gravius, in adultis aequae ac infantibus, hoc quicquid mali est, nondum expertis, quoad fieri potest, mitissime concitantur. *Insitionis modus hic est*: Fieri ante omnia scalpelli beneficio vulnusculum aliquod in pede vel brachio debet; cui materiae pauxillum ex variolis benignioribus expressum inferitur, linamentis carptis atque emplastris superimpositis. (a) Tum imperari hominibus calor modicus & continuus, nec non sollicita victus ratio debet. Sic enim post septimum circiter diem, & sine gravioribus quidem symptomatibus, variolae prodeunt. Quae si calore modico solertissimaque victus ratione foveantur, optime ut plurimum ac leniter cum hominibus aegrotis agitur. Quin etiam efficitur, ut, qui semel istud mali genus mitissimum sustinuerunt, nunquam iterum, ut usus adhuc docuit, nedum gravius ab eodem infestentur. Quare nihil a veritate alienum statuerunt, qui dixerunt, variolarum *insitione* quamplurimorum hominum non vitam solum, sed faciei quoque pulchritudinem oculorumque integritatem conservari quam aptissime posse.

III.

Quae nationes id medicinae genus exerceant.

Ac Turcae quidem & Graeci dudum jam, ut relationes docuerunt, illud medicinae genus exercuerunt: quum Europaeis non nisi paucis demum abhinc annis illud innotuit. Exemplum reliquis Europaeis Angli praeiverunt. His enim usque adeo feliciter experimenta pleraque cesserunt, ut gloriosissimus Rex GEORGIUS primus in tota regia stirpe idem tentare nullus dubitaverit. Igitur mirum haud est, quod Germani, praesertim *Hanoverae*, *Onolsbaci* & *Pyrmoniti* dictam illam medicinam haud infeliciter imitati fuerint.

IV.

(a) *Harrifus* in diff. Chirurg. ne quidem sectione, sed rasure tantum cutis opus esse, cutique rasae materiam variolarum imponendam esse.

IV.

Non equidem, fateor, in Anglis & Gallis defuerunt, qui quasi ^{Operationis} pestiferam Christianoque homine prorsus indignam curationem istam ^{hujus vitu-} scriptis publicis vituperarunt, damnarunt. (a) Sed dudum etiam illi ac ^{perationes} solide, nisi ego fallor, satis refutati sunt a viris nobilissimis. Si quis interim plenius cognoscere curationis hujus indolem voluerit, is JACOBI PYLARINI, Itali, MAITLANDI, Angli, & ABRAHAMI VATERI, Medici Vitebergensis celeberrimi, *de variolarum insitione* libellos itemque *Acta Erudit.* Lips. An. 1723. 1725 &c. *Acta Natur. Curios.* vol. 1. obs. 75. p. 133. *Acta Vratislaviensia* variis in locis, aliosque qui de hac re scripserunt, inspiciat; ipsam denique rerum omnium magistram optimam, experientiam quam curiosissime in consilium adhibeat.

V.

Ego vero, ut ne quid hic dissimulem, tantum ab iis absum, qui ^{Auctoris} perniciosam esse variolarum insitionem statuunt, ut potius quam maxi- ^{sententia} me salutarem ac utilem ipsam esse credam. Aut enim prorsus ego ^{exponitur.} fallor, aut e pestilenti quadam materia, jam inde a primo natali die sanguini admixta variolae suboriuntur. Namque semel in omni prope modum homine defervesce sanguinis venenum illud debet. Quod ipsum quo citius ac maturius fit, hoc melius quoque ut plurimum cum hominibus agitur. Quo autem diutius in sanguine materia haec pestifera remanet, hoc gravioribus plerumque malis opportuni esse homines adulti consueverunt. Crescere enim cum aetate abditi veneni illius vim non sine maxima veritatis specie dixeris. Namque id ipsum in causa videtur esse, quare longe gravius adulti, quam infantes, divexari a variolis ut plurimum soleant. Igitur quando variolarum benigniorum insitio praestat, ut citius atque in ipsa statim infantia defervesce sanguinis venenum istud queat, dubium fane haud est, quin homines quamplurimi, praesertim nobiliores ac principes, quam aptissime non a gravissimis tantum malis, sed & vel maxime ab ipso mortis discrimine per novum istud medicinae genus defendi possint. Quoties enim cunque sponte sua variolae nascuntur, interimere facili negotio hominem incautum futurasque calamitates haud prospicientem possunt: quum e contrario illae, quae medicorum studio excitantur, praeparatum semper aegrum reperiunt, vel saltem eum victu & remediis idoneis praeparent. Reliquas rationes, quae in commendationem hujus operationis adhuc adduci possent, brevitatis studio hic praetermittimus: cum hae jam satis praestantiam hujus operationis evincere queant.

Lll 3

CA-

(a) Ex Gallis praecipue hoc fecit autor observationum de Venesectione in pede. pag. 348.

C A P U T XVI.

De Scarificatione itemque de cucurbitulis & sanguinis per cucurbitulas detractio.

I.

*Cucurbitulae
siccæ quomo-
do applican-
dae sint.*

Cucurbitularum applicatio & sanguinis per eas detractio, veteribus usitatissima, (a) tametsi multis gentibus hodie inusitatae sint ac neglegantur, imo & Germanorum moribus non nisi ad balneatores (qui vilior Chirurgorum species reputantur) pertineant; tamen quia Chirurgicae considerationis eadem sunt, & revera actiones sive operationes Chirurgicae, operae pretium facturi nobis videmur, si breviter saltem istas hic explicuerimus. Scilicet amplissimus in quacunque fere corporis parte cucurbitularum usus deprehenditur. Sed gemina tamen applicationis ratio est: vel enim imponi cucurbitulae super cutem scalpello ante concisam debent, vel & quandoque super integram. Hae ut *siccæ*, sic illae contra *cruentæ* appellari consueverunt. Communis utrarumque figura quae sit, *tabula XII. fig. 1.* demonstrat. Ante vero, quam cuti cucurbitula sicca imponitur, immitti semper candelam quandam ardentem sive ignem convenit, expulsoque sic per calorem aëre, protinus cucurbitulae istius os corpori aptari atque imprimi oportet, donec fortiter inhaereat & trahat: id quod exercitati balneatores nostri facili negotio perficiunt. Duplex hujus operationis scopus est: vel enim sanguinem ab aliis partibus eis revellimus; vel & eum provocare in istis partibus, quas cucurbitulis exercemus, nitimur. Atque haec ratio videtur, quare HIPPOCRATES grandiore aliquam cucurbitulam sub mammis applicandam in gravioribus mulierum per uterum sanguinis profluviiis praeceperit, ut nimirum sanguinem ab utero sursum revelleret. (b) Quemadmodum & egomet in sanguinis ex naribus nimia profusione, itemque in haemoptysi, pedibus, praesertim suris genubusque superioribus, haud infeliciter ipsas imponi curavi. SCULTETUS autem *observ.* 85. singulare prorsus foeminae cujusdam exemplum memorat; quippe quae per saepius iteratam sex cucurbitularum siccarum in cruribus applicationem non *ab incommodis solum, e mensium obstructione subortis*, sed ab ipsa quoque obstructione liberata fuerit. Adhiberi similiter adversus *capitis dolores* (c) aliasve ejus noxas, ut vertiginem, cucurbitulae

(a) Ut ex Hippocrate, Celso, Galeno aliisque intelligi potest.

(b) Sect. V. Aphor. 50.

(c) Ita enim jam CELSUS Lib. 4. cap. 2. adversus *vehementiores capitis dolores* cucurbitulas temporibus & occipitio admovendas praecepit.

bitulae ficcae possunt in capite, temporibus, post aures item atque in collo vel humeris revulsionis causa; adversus membrorum paralysis in manibus ac pedibus, pro sanguinis & spirituum influxu augendo; denique adversus ischiadicos seu coxarum aliarumve partium dolores in ipsis partibus illis graviter affectis. Iterari autem operatio tantisper debet, donec pars aegra insigniter rubeat ac doleat; ita majores vires exerit.

II.

Sed longe tamen frequentior hodie cucurbitularum cruentarum apud Germanos aliasque boreales gentes adhuc usus est. Quarum equidem applicatio in eo potissimum consistit, ut post impositas identidem cucurbitulas, donec pars rubeat, cutis ferramento quodam minuto, *phlebotomus scarificatorius* dici solito, (vid. Tab. XII. fig. 2.) sedecim circiter aut viginti plagulis concidatur. Atque fieri quidem plagulae sic omnino debent, ut cucurbitulae os comprehendere singulas, sanguinemque inde prolicere valeat. (vid. fig. 3.) Crebram istiusmodi cutis incidendae artem, *scarificationem* in Chirurgorum scholis hodie vocari vel in vulgus etiam notum est. (a) Quam ipsam qui exercent, id imprimis sibi datum sciant esse, ut inferiorem semper cutis partem prius concidant, quam ad superiorem pergant: ne scilicet ex foraminulis superioribus profluens sanguis inferiorem partem contegat, chirurgoque in reliquis vulnusculis incidendis impedimentum aliquod objiciat. Concisae sic, uti diximus, cuti cucurbitula candela immissa prius calefacta imprimitur: quae mox firmiter cuti adhaeret ob aeris externi pressionem, & sanguinem extrahit. Verum quia ut plurimum plures simul cucurbitulae, quatuor nimirum, sex, octo aut & quandoque plures, pro arbitrio Medici, balneatoris vel & ipsius aegri, atque in pluribus quidem corporis partibus applicari solent; sic omnino institui scarificationis negotium oportet, ut, dum prior inhaeret & sanguinem extrahit, reliquae eodem modo imponentur; hisdemque impositis, priores ex parte impletae rursus abstrahantur, effusoque in patellam sanguine, in aqua calida eluuntur, mox vero cutis spongia ex aqua calida expressa detergitur, ipsaque cucurbitula eadem, ut antea, ratione applicatur. Ubi vero sanguis fluere justo citius desierit, novae quaedam fieri, praeter priores istas, plagulae debent, cucurbitulaeque tamdiu superimponi, dum sanguinis affatim extractum e corpore visum fuerit; vel, ut plerumque fit, sponte desinat. Quibus rebus confectis spongiae calidae subsidio loca laesa detergantur, seboque, ad maturandam glutinationem, inunguntur.

(a) Latinius vero dici *scarificationem* & *scarificare*, pro scarificare, PLATNERUS notavit in diff. de Scarificatione oculorum, pag. 7. licet CELSUS nunquam his vocabulis usus sit. Apud PLINIUM tamen & AURELIANUM saepius occurrunt.

Cucurbitulae
cruentae
quomodo
adhi-
beantur.

guntur. Quodsi autem ne sic quidem sanguis conquieverit, quod rarius tamen fieri adsolet, tum spiritu vini vel aqua reginae Hung. locum cruentum eluere, fasciasque cum spleniolis supra deligare oportet.

III.

Cubus scarificatorius, sive instrumentum aliud describitur.

Excogitatum hic in hunc usum & simul ad imminuendos dolores, a recentioribus Chirurgis instrumentum aliquod est, sedecim scalpellis minutis atque elastico ferro quodam instructum. (*vid. fig. 4.*) Hujus latus CCCC corpori sive cuti superimponitur, intusque per laminam tanquam vectem A, intus additum elaterium, depresso globulo B, confestim ita solvitur, ut per prominentia ista scalpella sedecim, uno ictu, vulnuscula in angusto cutis spatio fiant, quibus postea cucurbitula calida, ut antea diximus, superaffigitur. Haud multum ab simile dicto huic instrumento illud videtur, quod PARAEUS olim *Lib. XI. Cap. 5.*, post PARAEUM vero LAMZWERDIUS *in notis ad SCULTUM* delineavit. Tametsi uterque non nisi ad partes, gangraena vexatas, concidendas instrumentum illud commendavit, quod nostri balneatores in quibuscunque aliis morbis, ubi scarificatione opus est, bono cum successu, ut saepius vidi, & ipse expertus sum, adhibent. (a)

IV.

Scarificationis usus.

Institui scarificationes in variis corporis partibus solent; inprimis vero in capite, cervice & scapulis, vel medio etiam inter scapulas loco, post aures vel sub auribus, in occipite, in dorso item ac lumbis, brachiis denique ac pedibus, praesertim etiam juxta malleolos. (b) Atque id ipsum quidem in variis morborum generibus, qui sanguinis abundantis aliquam detractionem, derivationem aut revulsionem vehementiorem postulant. Hujusmodi sunt varia capitis mala, praesertim oculorum, aurium, tonsillarum atque uvulae; capitis item gravedines ac dolores, oculorum inflammationes, amauroses ac suffusiones. Adversus has etenim noxas dici vix potest, quam vehemens scarificatio saepe remedium sit, praesertim si, ubi res exigit, prudenter aliquoties fuerit repetita. Neque vero minus commodae in istiusmodi hominibus esse scarificationes solent, qui tenuibus admodum venis praediti sunt, ita ut per eas, sicut haud raro contingere solet, phlebotomo scalpello sanguis detrahi nequeat; attamen sanguinis detractione indigent, ut saepius his bono cum fructu suasi.

MOR-

(a) Garengot Tr. de Instr. Chir. Tom. I. p. 413. illud pro malo & inutili instrumento temere proclamat; sed forte usum ejus, qui frequentissimus apud nos est, nunquam vidit.

(b) De malleolorum scarificatione videri potest peculiaris libellus Jo. Jacob. MANNI. Patav. 1583. editus 4. qui eam summis laudibus exornat. Hanc periculosam se observasse scribit Rhod. cent. 3. obs. 17. quod vero casu accidisse videtur.

MORGAGNIUS certe, vir & ingenio & arte excellens, venarum occipitalium scarificationes *ad morbos soporosos* atque *apoplexiam* mirum quantum valentes ratione & usu convictus proponit; (a) siquidem ista ratione quam aptissime extrahi sanguis haerens ex venis cerebri, utpote cum venis occipitalibus communicantibus, potest, inque motum pristinum rursus redigi; sed profunde scarificandum esse docet. Quanquam & in oculorum quoque inflammationibus istiusmodi occipitis scarificatio longe saluberrima sit. In pleuritide autem, praesertim spuria dicta, lateris afflicti profundam scarificationem, post sanguinis per venas detractionem, binis cucurbitulis adhibitis factam, expeditissimum prorsus omnique expectatione celerius auxilium afferre, LANCISIUS, clarus auctor, refert. (b) Ceterum scarificationes, perinde, ut sanguinis per venas detractio, ad medicinas anniversarias atque solemnes pertinent, quae apud assuetos statutis temporibus repeti desiderant: iis enim semel adfuetis & postea neglectis mala pristina vel alia gravissima praesto esse consueverunt.

V.

Sunt equidem, fateor, in Chirurgis vel Medicis non pauci, qui vel prorsus inanem, vel parum certe valentem scarificationem esse contendunt. Cujus quidem opinionis hanc praecipue eamque vanam rationem isti allegant; quasi istac operatione nullus, nisi qui carnem inter & cutem haerescit, sanguis eliceretur. Verum enim vero, quod salva ipsorum auctoritate dictum velim, alienum a vero nimisque praecipitatum hoc ipsum pronunciatum est. Nam experientia dudum memet atque alios multos egregios Medicos docuit, scarificationis beneficio aequè multum & aequè crassum, ut in venae sectionibus, sanguinem detrahi, gravissimosque proin morbos, ubi sanguis nimis abundat, haud minus quam venae sectionibus ea curari saepe posse. Quin asserere egomet non sine ratione ausim, scarificationes venae sectionibus longe nonnunquam in eo praestare, quod cucurbitulae, cuti firmiter inhaerentes, mirum quantum valenter sanguinem undiquaque attrahant ac extrahant, & versus determinatum locum trahant: ideoque in plerisque capitis, oculorum atque aurium noxis, morbis soporosis, apoplexia, tonsillarum inflammationibus, articulorum doloribus, sanguinis profluviiis, aliisque id genus morbis, promptius atque efficacius fere semper auxilium afferant.

Tom. II.

Mmm

VI.

(a) *Adversar. Anatom. VI. pag. 108. sq. ita & Zacutus LUSITANUS* hac in occipite scarificatione iterata aegrum a gravi apoplexia liberavit. vid. *Hist. Med. Princip. Lib. I. hist. 33.*

(b) *Ibidem adversar. V. pag. 83.*

VI.

Scarificatio
num pericu-
losa fit.

Rursus alii inter Medicos sunt, qui non inanem modo, sed prorsus quoque *pestiferam* saepius esse scarificationem proponunt. Neque enim exempla deesse putant istiusmodi hominum, quibus scarificatio, vel inopportuno tempore, (a) vel propter adhibita Chirurgis instrumenta venenata vel impura noxas gravissimas atque adeo ipsam mortem conciliaverit. Sic enim periculum maximum esse, ne, si quis forte eodem ferro scarificatorio tractetur, quo tractatus antea fuit quisquam lue gallica, lepra, scabie, aliove turpi aut periculoso morbo infectus, idem prorsus mali genus pessimum innocentissimo homini, fere, ut in variolarum insitionibus fit, sensim sine sensu insinuetur. (b) Verum enimvero quanquam gravis admodum, tamen haud omnino sufficiens ad damnandam scarificationem ratio ista videtur. Namque alias abstinendum quoque ab omni venaesectione foret: si quidem non solum aliis sed & iisdem fere periculis haec quoque operatio opportuna esse consuevit, si phlebotomus non bene mundatus est. Quocirca ne quid forte istiusmodi extimescere homines aegroti debeant, adhibendi ad negotium illud Chirurgi sive balneatores accuratiores ac nitidiores sunt, qui non nisi purissimis hanc in rem ferramentis utuntur. Si qui autem, qui scarificatione indigent, prorsus hic tuti esse voluerint, his ego auctor sim, ut propriis ferramentis sive scalpellis scarificatoriis sese instruant, quibus confici cutis concisio vel scarificatio queat, quae semper bene munda & purgata sibi affervent.

VII.

Scarificatio
chirurgica
describitur.

Praeter superius descriptam scarificationis rationem, aliud quoque in scholis Chirurgorum proponi solet scarificandi artificium. Scilicet ubi graves quaedam inflammationes, gangraena praesertim ac *sphacelus*, carbunculi pestilentes malaque id genus alia suboriuntur; longe optimum visum Chirurgis fuit, phlebotomo vel scalpello quodam, crebris iisdemque minutis plagulis cutem concidere, atque ita sanguinem haerentem vel jam putrescentem, sed sine cucurbitulis tamen, e corpore prolicere. Cujusmodi quidem scarificatio, ad differentiam illius, quae fieri vulgo a balneatoribus solet, chirurgica dicitur. Usus ejusdem praecipuus est in gangraena & sphacelo. Alii vero eam quoque commendant interdum in pedibus tumentibus, hydrocephalo, nec non in ipsis affectibus hydropicis, & cumprimis etiam hydrope scroti. Quoties enim

(a) Ita Hildanus Cent. V. Obs. 71. paralyfin inde ortam scribit, quae vero ab aliis multis causis oriri potuit.

(b) Conf. JORDANUS de lue nova in Moravia exorta. Sporichius de symptomatibus crudelibus, quae scarificationi supervenerunt; observatio LIBAVII de malitiosa scarificatione, quae extat in Obs. Greg. HORSTII Lib. IV.

enim cunque membrum aliquod, verbi gratia pes, usque adeo graviter propter hydropem inflatus est, ut disruptionem minari videatur; haud prorsus alienum quandoque erit, factis in cute crebris vulnusculis, noxios humores inde ejicere. Sed cautione tamen hic opus est. Nisi enim ipsa natura, propter nimiam membri distentionem, scalpellum in manus postulaverit; abstinendum utique a scarificationibus his est; ne gangraena vel sphacelus, qui saepius hic incidere solent, aegrum opprimant. PLINIUS etiam *odontalgia* laborantes dentes seu potius *gingivas scarificare* jubet, Hist. natural. L. XXVIII. cap. I. & XI. id quod sane haud alienum saepe mihi videtur.

VIII.

Haud absimile curationis illud genus videtur, AEGYPTII, CELSI (a) *Aegyptiorum scarificatio.* ARETAE (b) doctrinam secuti, ad varias corporis noxas atque inflammationes leniendas, *nares interiores, aures, labia & gingivam* crebris vulneribus minutis exercent; neque id sine mirifico quandoque usu (c). Quam enim egregium in sanguinis ex naribus profusione salutis praesidium multis in morbis, praesertim febribus ardentibus, capitis doloribus &c. natura posuerit, neminem fore arbitror, qui illud ipsum ignoraverit. Ceterum *furas* quoque bacillis tamdiu, dum rubeant, percussas, iidem AEGYPTII concidere vel scarificare nonnunquam solent: siquidem istac ratione valentem admodum, ad graves cerebri inflammationes, delirationes, febres atque vigilias curandas, conficere revulsionem consueverunt. (d) Quanquam apud EUROPAEOS hodie minus solemnes istiusmodi curationes sunt.

IX.

Sunt in Chirurgis antiquioribus nonnulli, qui Medicorum parentis, *Scarificatio ocularis.* HIPPOCRATIS, exemplo, *in variis oculorum noxis curandis*, palpebras interiores, imo & oculos ipsos, instrumento quodam proprio adhibito, crebris ictibus conciderunt. Luculenter id ipsum liquet ex eo libro, quem *de visu* laudatus jam jam HIPPOCRATES scriptum nobis reliquit. Quanquam autem Medici post HIPPOCRATEM clari, diu satis ab istac operatione abstinerunt; extitit tamen nostra aetate apud Parisienses Medicus oculus Anglus, WOOLHOUSIUS, qui quasi postliminio in scholas Chirurgorum denuo ipsam introduxit, nonnullisque aliis haud prorsus infelix, ut fama est, curationis hujus exemplum praecivit. Quo autem modo atque instrumento institui operatio ista debeat, hoc planius ex iis perspicietur, quae *de operationibus ocularibus* infra disputabimus.

M m m 2

C A.

(a) Lib. IV. cap. 2. Ubi sanguinem ex naribus detrahare praecipit in Capitis dolore. (b) De Chron. morb. L. II. cap. 11. de Cephalaea p. 128.

(c) Conf. PROSP. ALPINI in Med Aegypt. & Stablius de scarif. narium Aegyptiaca.

(d) Vid. PROSP. ALPINI Medicina Aegyptior. pag. mihi 72, ubi hoc scarificandi artificium figura illustratur.

C A P U T XVII.

De Sanguisugis sive Hirudinibus.

I.

Sanguisugae
optimae quae
sint.

Sanguisugae sive hirudines vermiculorum sive insectorum aquaticorum genus sunt, (a) quae, ubi corpori applicantur, cutem pun-
gendo sive mordendo perfrumpunt, sanguinem ex venis extrahunt,
atque ad instaurandam hominis sanitatem insigniter saepe faciunt :
unde antiquissimis jam temporibus in usu Medicis tam Graecis quam
Romanis fuerunt. (b) Quae vero quum variae admodum ac diversae
sint, quoddam utique positum in delectu momentum videtur. Fere
semper enim reliquis praestantiores eae sunt hirudines, quae in rivulis
claris atque fluviis reperiuntur. In lacunis autem, piscinis aut stagnis quae
capiuntur, impurae ut plurimum ac pestiferae esse solent : usque adeo, ut
tumores, inflammationes ac dolores quandoque satis insignes in corpora
moveant. Similiter observatum a Chirurgis expertissimis legimus, sangui-
sugas optimas esse; quae *caput tenue atque acutum* habent, dorsum lineis
subviridibus & subflavis distinctum; ventrem autem cum rubore flaven-
tem; contra vero pestilentissimas illas esse, quae amplo capite instru-
ctae sint, passimque in corpore ex coeruleo livent. Ceterum ista quo-
que inprimis necessaria hic observatio videtur, ut sanguisugae recen-
tes in rivulis aut aquis impurioribus captae non statim adhibeantur;
sed vitro prius, aqua pura impleto, inferantur, renovataque identi-
dem aqua diligenter sic a sordibus ac veneno liberentur. Ita postea
per aliquot saepe menses in vitro servari, corporibusque dein, quo-
ties visum fuerit, ad moveri possunt.

II.

Quomodo
applicandae
sint.

Sed ante tamen, quam cuti applicantur, extrahi ex aqua includique
per unam alteramve horam capsulae vel vitro vacuo debent : ut siti-
bundae non promptius solum cuti sese insinuent, sed pleniorum quo-
que sanguinem sugant. Ad locum autem, sanguisugis accommodatum,
quod attinet, *juxta tempora vel aures* constitui eadem quam aptissime
poterunt, sicubi capitis quaedam atque oculorum noxae a sanguinis
nimia copia subortae & cum primis deliria in febribus ardentibus adfue-
rint. Contra vero *intestini recti venis* applicari ipsae haud incommode
solent, quoties *haemorrhoides* vel obstructae morbos concitant, vel cum
dolo-

(a) Vid. Si lubet, qualiscunque earum figura Tab. XII. fig. 5.

(b) Vid. GALENUS de hirudinibus, qui jam peculiarem libellum de iis scripsit : &
hunc postea commentario illustravit SEBIZIUS.

doloribus nimis conjunctae sunt: nec non si gravior sanguinis ex naribus profusio, vel *haemoptysis*, vel *vomitus* etiam *cruentus* urgent. Dicitur enim vix potest, quam valentes hic, ad promovendam revulsionem, hirudines reperiantur: praesertim si haemorrhoidum obstructio causa profusionum istarum fuerit. Pars autem, cui applicare sanguisugam volueris, gnauiter prius demulceri sive fricari debet; donec scilicet incalescat & rubeat. Tum vermiculum, adhibito, commoditatis gratia, sicco linteolo, parte posteriori apprehendimus, vel vitro angusto capite tenus includimus, atque ita corpori admovemus. Protinus enim cuti, praesertim si sitiunt, adhaerescere solent, avidissimeque sanguinem exsugere. Quoties plures simul admovendae sanguisugae sunt, tum idem negotium in diversis partibus confici eadem ratione debet, quam modo proposuimus. Quod si autem adhaerescere corpori noluerit, ut quandoque fit, inungi locus aqua calida, vel, quod satius est, sanguine columbino aut gallinaceo debet atque tum admoveri. Ubi vero nec ista quidem aliquid proficiunt, in promptu aliae Chirurgi hirudines sunt necesse est, quae substitui protinus in illarum locum possint. In *gravioribus oculorum*, carunculae praesertim lacrimalis, *inflammationibus*, sed factis tamen antea sanguinis per alias venas detractionibus convenientibus, mirum quantum salutaris saepe esse sanguisugarum, in *canthi majoris caruncula*, applicatio consuevit.

III.

Simulatque jam sanguine distentae sanguisugae sunt, sponte sua decidere tandem ut plurimum ipsae solent. Sicubi vero aegrotantium conditio largiorem sanguinis detractionem desiderat, necessarium utique videtur, vel novas subinde sanguisugas admovere, vel haerescens adhuc sanguisugae caudam forfice praecidere. Sic enim destillans ex cauda sanguis ad plus potandum sanguisugam excitat. *Postquam deinde sanguinis affatim detractum ex corpore videtur*, neque per se sanguisuga procidit, cineris aut salis pauxillum adspergi super ipsam debet, ita mox decidere solet. Idque magis ideo, quia violenta ejusdem abstractio tumorem atque inflammationem concitat. Et vermiculus integer quidem immitti rursus aquae puriori potest, inque usus futuros adservari; cui vero cauda praecisa est, moritur. Vulnus autem a sanguisuga factum vino vel aqua calida elui, ac emplastro vulnerario quodam contegi potest: tametsi sine emplastris etiam ut plurimum glutinari plagulae istae soleant. De hirudinum usu *Galenus*, *Ulyss. Aldrovandus*, *Gesnerus*, *Botallus* Petr. Paul. *Magnus*, *Sebizius*, *Heunius*, *Crausius*, *Schraderus*, *Stablius* aliique prolixius, si lubet, videri possunt.

Quid post sanguisugarum applicationem fieri debeat.

C A P U T XVIII.

De Chinenſium ac Japonenſium acupuncturis.

I.

AD ſcarificationis ſimilitudinem quam proxime accedit *decantata illa CHINENSIIUM & JAPONENSIIUM acupunctura*. Scarificationibus etenim ſanguinisque per venas detractiōibus, quaſi operationibus noxiis; dictae iſtae nationes prorsus abſtinent: contra vero *aduſtionem per moxam*, dictamque *acupuncturam* pro nobiliſſimis atque ad omnes propemodum corporis noxas valentiſſimis remediis atque operationibus Chirurgicis habent. Fieri autem acupunctura ſolet per *auream* vel *argenteam* quandam *aciculam*, (*vid. Tab. XII. fig. 6.*) vel manus, vel malleoli (*a*) beneficio in corpus defixam. (*vid. fig. 7.*) Quam ipſam quidem miram ac horrendam prorsus operationem ſagaciſſimae ceteroquin gentes iſtae non in capite ſolum, ſed in ipſo quoque pectore, ventre, brachiis & cruribus, pluribusque aliis corporis partibus inſtituunt: imo in ipſo ventre gravidarum mulierum, ſi foetus inquietus eſt. At vero quum EUROPAEORUM, quod ego ſciam, nemo fere iſtam curandi artem exerceat; imo vero tantum non omnes quaſi peſtiferam iſtam horreant, non eſt, quod prolixius eam hic deſcribere ſatagamus. Si quis enim plura legere hac de re cupierit, iſ magnopere velim conſulat clariffimum RHYNIUM in libro *de Arthritide* pag. 145. it. pag. 183. atque 190. RHYNIO adjungendus eſt KÄMPFERUS, vaſtiſſimae doctrinae atque experientiae ſcriptor, in *amoenitatibus exoticis* pag. 582, itemque in Japoniae deſcriptione: qui ambo in iſtis regionibus diu fuerunt, & actiones has Chirurgicas ſuis ſaepe oculis aſpexerunt.

CA-

(a) Operationem RHYNIUS deſcripſit in lib. *de arthritide & acupunctura* pag. 183. Aliud malleoli genus, ipſamque ejus cum acu in doloribus colicis applicationem KÄMPFERUS delineavit ac deſcripſit in *amoenit. exotic.* pag. 582. itemque in *Hiſtor. natural. Japoniae*.

C A P U T XIX.

De Fonticulis.

I.

Fonticulos equidem appellamus exigua ista ulcera, quae ad confer- *Fonticuli*
vandam vel instaurandam hominis sanitatem, Chirurgorum studio *ubinam fieri*
in variis corporis partibus solent excitari. A nonnullis exteris *cauteria* *debeant.*
etiam, quamvis forte minus recte, appellantur; (a) quia hoc vocabu-
lo plerumque ferrum candens vel medicamentum rodens sive *causticum*
intelligimus. Imitati hac in arte naturam videntur Medici: siquidem
illa saepius sua sponte hujusmodi corporis ulcera concitat, quarum be-
neficio, quicquid fere mali aut corrupti intus delitescit, expellitur,
atque homines a variis morbis immunes redduntur. Opportuna fonticulis maximeque *propria* atque *usitata membra* sunt 1) superior capitis pars; quemadmodum de hac infra dilucidius demonstrabimus; 2) *cervix*; 3) *brachia*, & quidem juxta partem musculi deltoidis infimam sive extremam, vel etiam muscolum deltoidem inter & bicipitem; his enim in locis hodie plerumque fonticuli fiunt. Porro 4) *pedes*; inprimis ea pars, quae proxime supra genu in interiori femore posita, & propter sinum aliquem digitis haud difficulter observabilis est: denique 5) fonticulis haud parum accommodatus iste locus esse solet, qui foveam aliquam infra genu in interiori cruris parte continet.

II.

Quanquam *variae fonticulorum excitandorum rationes* sunt, fere nulla *Prima ratio excitandi fonticulos.*
tamen promptior est, quam si locus aptus atramento scriptorio notatus, post attractam utrinque & curantis & ministri alicujus digitis cutem, scalpello eousque inciditur, ut immitti commode in vulnus pisum aliquod possit. Inserto inibi, prout diximus, piso, emplastrum cum splenio & fascia supra deligatur: namque his confectis nihil amplius ad fonticulum faciendum superest. Qui quidem ubi matutinis semper ac vespertinis horis solvitur, mundatur, rursusque, immisso prius piso alio, deligatur, post elapsos unum alterumve diem in exiguum ulcus aliquod degenerat; unde humor purulentus quotidie effluit, qui abstergi sedulo per linteolum aliquod purum in deligationibus singulis debet.

III.

(a) CAPIVACCIIUS de *recta cauteriorum administratione* scripsit; ubi vero non nisi de fonticulis agit. Gallis hinc quoque fonticuli *cauteris* appellari solent.

III.

Altera ratio ope ferri candentis.

Altera fonticulos excitandi ratio in eo posita est, ut *ferri* cujusdam *candentis* ope cutis aperiatur. Sed ne qua tamen ferrum illud homines & cumprimis infantes aut mulierculas terreat, haud alienum videtur, in *peculiari capsula* idem abscondere; (*vid. Tab. XII. fig. 8. A.*) ipsam vero capsulam BB super corporis partem illam, quae fonticulo apta judicatur, sic imponere, ut, depressa lamina C, ferrum candens & intus mobile strenue corpori admoveatur. His confectis pars adusta unguento basilico vel recenti etiam butyro inungitur emplastroque contegitur; donec, post repetitam singulis diebus istam deligationem, crusta resolvatur. Namque tum ulcus relictum eodem, quem supra praescripsimus, modo, immisso piso, tractari debet. Et vero quam molestum & crudele alterum hoc & vetustum fonticulos excitandi artificium aegrotantibus videtur, tam idem vehemens esse solet atque efficax. Siquidem ipsi illi, quos adustionis negotium affert, dolores acutissimi non possunt non mirificam aliquam revulsionem producere. Delicati vero aegri raro ferrum candens admittunt.

IV.

Tertia ratio per rodentia medicamenta.

Tertium denique fonticulos conficiendi praesidium a medicamentis rodentibus sive causticis petitur. Scilicet emplastrum aliquod medio loco perforatum (*vid. Tab. II. fig. II.*) super notatam atramento corporis partem sic imponitur, ut foraminulum medium pisique circiter amplitudinem adaequans designato loco respondeat. Pars cutis per emplastri medium foramen conspicua lapide caustico superius descripto, (*P. I. Lib. IV. Cap. III. No. II.*) vel quovis alio etiam idoneo medicamento solido rodente contegitur; superinjectis, ne medicamentum hoc excidat, linamentis carptis, vel & splenio quodam minuto, nec non emplastro quodam ampliori, splenio denique & fascia. Tum aegro homini quies imperatur, ipsaque vinctura quatuor, sex vel octo horas, prouti scilicet medicamenti rodentis vehementia minorem majoremve moram postulat, in corpore relinquitur. Remota dehinc deligatione, crusta quaedam in cute invenitur: quae qua ratione tractari debeat, No. 3. jam declaravimus.

V.

Quomodo tractari fonticulus debeat.

Sed quocunque demum artificio fonticulus excitatus fuerit; vinctura semel, vel, si multum puris fundit, praesertim aestate, bis quotidie innovanda est. Semper enim pisum aliquod recens, altero ejecto, immitti, emplastrum item recens quadratum manusque amplitudinem fere adaequans, vel &, emplastri loco, chartae aut serici frustum cera obductum, vel denique hederac arboreae folium una cum splenio & fascia superimponi debet. Sed longe tamen fasciis lineis commodiores hic illae machinae sive fasciae sunt, quae ex corio & laminis orichalceis
sive

sive id genus aliis fabrefactae, uncinulisque & funiculis sive loris sic instructae sunt, ut aegrotus ipsemet quam facillimo negotio applicare sibi eam valeat. Optima, praeter reliquas ab auctoribus descriptas hujusmodi machinas, mihi quidem ista videtur, quam *Tab. XII. fig. 9.* delineatam exhibui. Littera AA funiculum vel lorum coriaceum, B uncinulum metallinum, C laminam metallinam ex orichalco sive cupro flavo confectam, variisque foraminulis, pro uncinulo recipiendo instructam, repraesentant. Ceterum observari hic illud quoque meretur, esse utique nonnullos, qui pro pisces sphaerulas argenteas aut ligneas in fonticulos immittunt. Nullum enim hic aut perexiguum saltem in delectu situm esse videtur momentum. *Hic fonticulus sic tamdiu apertus servari debet, donec sanatum penitus istud malum fuerit, cui extirpando idem fuit destinatus.* Imo in hominibus inveterato malo quodam laborantibus ad extremum usque spiritum conservari fonticulus debet, ne malum pristinum recrudescat; vel etiam denuo excitari, si scilicet, prout fieri quandoque solet, sanatum antea malum iterum redierit.

VI.

Ad usum fonticulorum quod attinet, situs idem in eo potissimum videtur, ut *varia capitis, oculorum, aurium, dentium, pectoris aliorumque membrorum mala, coxarum item seu ischiadici dolores*, istac ratione tollantur aut leniantur. Qui quidem usus sicuti prorsus egregii atque excellentes sunt, sic ex instituto a Chirurgices auctoribus quibusdam descripti reperiuntur. (a) Neque enim audiendus hic HELMONTIUS est, qui cum nonnullis aliis, fonticulos non nisi ad discrucianum hominem aegrum accommodatos esse statuit. Tametsi egomet illud dissimulare nec possim nec velim, quod in non paucis hominibus frustra excitari fonticuli soleant. Quod ipsum vero simulatque temporis successu animadvertitur, haud alienum erit, factum in corpore ulcus rursus glutinare. Ceterum neque illud prorsus omittendum hic est, *in noxis gravioribus ac pertinacioribus binos subinde fieri debere atque solere fonticulos*, id est, in utroque brachio vel pede, aut in alterutro brachio & pede simul, aut denique in alterutro brachio vel pede atque cer-vice: quo scilicet humores corrupti atque noxii facilius & promptius ejici ex corpore queant.

VII.

Ubi vero fonticulorum adjumento restituta homini sanitas deprehenditur, vel aliae quoque res circumstantes fonticulorum glutinationem *Fonticuli quomodo rursus glutinari debeant.*

Tom. II.

Nnn

nem

(a) Vid. GALVANI Trattato delle Fontanelle, GLANDORPHI Gazophylacium plusium fonticulorum & setaceorum; Aët. Hafniens. Vol. III. 12. MUYSII Prax. Med. Obs. 2. SCHELHAMMERUS, Fr. HOFFMANNUS, HILSCHERUS &c. in Dissertat. hac de re editis.

nem suadent, removeri tantum sphaerula vel pisum insertum debet. Sic enim quasi sponte sua fonticuli brevi rursus coeunt. Incidere hic nonnunquam solet, ut *caro aliena sive luxurians* in fonticulo supercre-scat; sed extirpari tamen illa facile potest, si modo usti aluminis vel pulveris hellebori nigri pauxillum ei inspergatur. Denique sciendum, si in hominibus natu grandioribus fluere fonticuli desistunt, & orae ulceris arefactae livent aut nigrescunt, indicio id ipsum quam saepissime esse, morbum aliquem graviolem, imo ipsam quandoque mortem ipsis imminere. Hinc mature his idonea remedia adhibenda.

C A P U T X X.

De medicina vesicatoria, vel cantharidum applicatione & usu.

I.

Medicina
vesicatoria
quid sit.

Medicinam vesicatoriam dum nominamus, illam proprie artem significamus, quae medicamentis peculiaribus extrinsecus corpori superimpositis, vesicas in cute concitat, humoresque noxios illuc invitat. Et medicamentum quidem vesicatorium commodissimum, licet & alia sint, suggerere *cantharides* hodie adsolent. Namque confectus ex iisdem pulvis fermento panis vel cuidam emplastro admiscetur, quod corio vel linteo illitum super cutem injicitur. Atque haec ratio videtur, quare vesicatoria medicina dici alio nomine *cantharidum impositio* consueverit. Sed applicari tamen etiam haud incommode hic poterit vulgo sic dictum *emplastrum vesicatorium*, ex cantharidibus confectum, in plerisque fere omnibus pharmacopoliis obvium. Quod ipsum si corpori applicatur, splenioque cum fascia supradato firmiter deligatur, fere post octavam, decimam vel duodecimam horam sub emplastro vesica prorupisse ex corpore invenitur, tenui eademque acriori aqua repleta. Igitur elapsis, quot diximus, horis, emplastrum vesicatorium demitur, vesiculisque, si quae forte integrae supersunt, forfice dissectis, aqua profluens linteolo molliori abstergitur. Dehinc emplastrum aliquod de spermat. ranar. aut aliud ejusmodi refrigerans super locum aegrum imponitur. Atque hoc ipsum negotium per dies singulos iteratur; idque matutino semper ac vespertino tempore, donec scaturire locus desiverit: tunc enim sanatus esse ac glutinatus idem censetur. Licet enim cuticula postmodum ab ipsa cute reliqua, perinde ut in ambustionibus, resolvatur, tamen eadem quam celerissime renascitur. Ceterum in fortis tenuioris hominibus non desunt, qui

betac

betae aliquod *folium*, quando haberi potest, butyro recenti illitum, pro emplastro de ranis in instiusmodi casibus adhibent.

II.

Emplastrorum vesicatoriorum amplitudo, cum pro hominum aegrotantium, tum membrorum, quibus applicantur, diversa magnitudine, mirum quantum varia esse consuevit. *Temporibus enim partibusque post aurem* positis aptissima fere illa sunt, quae nummi, sextam imperialis partem valentis magnitudinem adaequant; *collo ac brachiis* floreni amplitudo inprimis convenit; *suris ac femori* imperialis nummi; *summo capiti derafo* floreni vel imperialis nummi; loco denique inter scapulas medio, palmae amplitudinem habentia emplastra quammaxime videntur accommodata.

III.

Et fane emplastra ejusmodi vesicatoria, perinde ac fonticuli, nobilissima ut plurimum sunt adversus pleraque mala, catarrhos & rheumata corporis pessima; sive jam propelli e sanguine humores corrupti, sive vehementiores revulsiones institui debeant. Sic enim in curandis oculorum inflammationibus, gutta serena sive amaurosi incipiente aut recentiori, suffusionibus sive cataractis recentibus egregium vesicatoria illa usum praestant, siquidem in capite pone aures, temporibus, colli lateribus, cervici, suris, brachiis partibusque inter scapulas mediis applicantur. Valent ipsa quoque porro insigniter adversus morbos soporosos membrorumque immobilitatem sive paralytin: dum quasi stimulis quibusdam adhibitis spiritus animales ac humores reliquos languidos & inertes rursus concitant. Tum ipsa quoque vehementia esse solent in febribus ardentibus ac delirationibus earundem: namque hic, ad reprimendum fortorem sanguinis in caput impetum sive influxum, applicari haud incommode in pedibus atque cruribus vesicatoria possunt. Denique in variolis aliisque exanthematibus retrocedentibus, (a) itemque in gravioribus malis ischiadicis adhiberi quam utilissime, atque in ipsa quidem parte dolente vesicatoria posse; SCULTERO observatum legimus, observ. 73. Tandem & in asthenate cruribus & femoribus applicata, in dentium vero dolore flexurae cubiti, valentissima atque efficacissima sunt. (b)

IV.

Quoties mali gravitas largiorem aut longinquiorem humoris noxii fluxum postulat, longe optimum erit, emplastro de ranis, vel & cuicunque alii, quod supra partem aegram imponimus, quotidie, dum deligatur, pul-

Nnn 2

(a) Legi de his meretur FREINDIUS in scriptis ejus de febribus & variolis.

(b) Vid. hic HERCUL. SAXONIA de Phoenignis, vulgo vesicantibus, BERN. CAJUS de vesicantium usu; item LAELIUS A FONTE, & ex recentioribus, praeter BAGLIVUM & FREINDIUM FR. HOEFMANNI dissert. de vesicatoriorum praestanti in medicina usu.

pulveris e cantharidibus confecti pauxillum inspergere ; quantum scilicet aut quousque aegrotantium status desideraverit : ita enim in gravioribus malis magnum auxilium ab ipsis saepe exspectare potest.

V.

*Vesicatoria
urinae dolo-
res quando
que movent.*

Incidere hic nonnunquam solet , praesertim si uno plura emplastra vesicatoria ac paullo quidem diutius aut paullo fortiora imposita fuerint ; ut *vehemens in urina ardor* & dolor concitentur : quemadmodum fere in illis fit , qui medicamentum aliquod e cantharidibus ingesserunt. Sed deliniri tamen istiusmodi incommoda facili negotio possunt ; dummodo frequentior lactis calidi vel emulsionis amygdalarum usus commendetur. *Hydropicis* & *cacheeticis* caute adhibendi ; quia quandoque iis gangraenam & sphacelum movent. vid. BAGLIVIVS de usu & abusu *Vesicantium* , & HOFFMANNUS dissert. antea laudata.

*& Hydropi-
cis aliena.*

C A P U T XXI.

De Injectionibus.

I.

*De injectio-
nibus gene-
ratim.*

E Nimvero non pauca morborum genera sunt , quae curari commode vix ac ne vix quidem possunt , nisi siphonis alicujus instrumento liquor aliquis conveniens in partem aegram injiciatur. Hanc ipsam operationem appellare *injectionem* Medicorum filii consueverunt : quae in liquore ope siphonis attrahendo , eoque rursus ope emboli in locum sive partem aegram expellendo consistit. Quod vero qua ratione fieri debeat , neminem facile arbitror fore , qui ignoraverit. Interim ista hic necessaria observatio videtur , ut , praesertim in locis valde sensibilibus , quam providissime siphones aut syringae applicentur : ne nimis doloribus aegrotantes discrucientur ; item , ne vel frigidus nimis aut fervidus liquor iste sit , quem injicimus. Quae autem liquorum genera , quo item modo injicienda in ulcera sive abscessus fistulosos sint , supra jam suo loco declaravimus. (*Lib. de ulcerib. cap. 2. n. 3.*)

II.

*In oris ac
faucium
noxis.*

In tonsillarum atque uvulae inflammationibus fauciumque exulcerationibus si fieri injectiones debent , id inprimis providendum est , ut per instrumentum , quod vulgo hodie *spathulam* vocant , Tab. I. P. aut manubrium planum cochlearis lingua prius leniter deprimatur , immissoque in os ad duos tresve digitos transversos siphone , liquor haustus aliquoties blande injiciatur. In quo ipso tamen negotio caveri diligentissime oportet , ne siphon immixtus duriter nimis vel palatum vel ip-

ipsam partem aegram contingat. Peculiarem aliquam syringae speciem DEKKERUS in *exercit. pract.* pag. 242. descripsit, tubulo nempe incurvato atque in extrema parte hinc inde variis foraminulis perforato instructam. (vid. Tab. VI. fig. 11.) Cujus equidem haud vulgaris usus in ejusmodi praesertim casibus esse deprehenditur, ubi per spathulam aperiri hominis aegrotantis os absque insigni molestia, ut saepe fit, vix ac ne vix quidem potest.

III.

Sed fieri quoque porro *injectiones per penem* adsolent, quoties in hominibus a gonorrhoea vexatis aut deliniri calor, acrimonia ac dolores debent, aut materia corrupta evocari. Longe optimum hic videtur, ejusmodi syringam applicare, quae tubulo apto (ut Tab. VI. fig. 10.) instructa est, quo nempe commodius inseri ipsa in penem valeat; vel etiam commodissime uti possumus syringa Tab. XII. fig. 10. quam utilissimam hac variisque aliis occasionibus deprehendi: quia liquor facile refluere nequit. Liquori, qui injicitur, convenientia maxime sunt: primo *pro ardore ac dolore leniendis*, lac calidum vel decoctum avenae cum saccharo, melle vel sirupo dialthaeae; quando vero his praemissis sanare ac roborare sive blande adstringere volumus, inservire apte potest sequens mixtura:

℞. ▽ Plantag. ℥iv.
Mell. rosat. ℥j.
Sacch. Saturni ʒj. M.

Si quis autem forte *calculus in urethra* haeserit, juvari utique insigniter transitus ejusdem solet, ubi olivarum aut amygdalarum dulcium oleum in penem injicitur. Quam MAURICEAU descripsit tubulo incurvo capituloque ad instar gutti perforato instructam syringam, (vid. Tab. VI. fig. 12. vel 13.) hujus equidem egregius usus est, quoties vel ad expellendas secundinas tenaciter in utero haerescences aut corruptas decoctum aliquod emolliens & balsamicum, vel ad curanda uteri ulcera ac fluorem album humor aliquis purgans, leniens atque glutinans intro debet immitti. Dum autem syringa ista applicatur, videndum utique est, ut tubulus anterior alte, sed circumspecte tamen in vaginam inferatur. Huic negotio etiam, praesertim in fluore albo mali moris, admodum aptam syringam Tab. XII. fig. 10. deprehendi.

IV.

Denique *in pectus vel abdomen* quomodo injici liquores, ad sanandas ipsorum exulcerationes aut vulnerationes, debeant, supra jam suo loco, ubi de vulneribus hisce egimus, declaravimus. Illarum autem, quae per anum in intestina fieri *clysteriaque & enemata* dici solent, ratio inferius tradetur, ubi de ani operationibus differendi erit locus.

C A P U T XXII.

De cauteriis sive ferramentis candentibus.

I.

*Medicamen-
ta caustica
quid sint.*

DUplex admodum *cauteriorum* genus in scholis Medicorum solet constitui: siquidem alia *potentialia* vocantur, alia vero *actualia*. Atque actualia quidem cauteria dum nominamus, *ferrum aliquod candens* designamus, quod admoventi corporibus aegrotantium in variis noxis adsolet. *Potentialium* autem cauteriorum nomine rodentia quaevis aut exedentia medicamenta (quae *caustica* etiam sive *septica* vocantur) comprehendimus: de quibus hinc inde jam actum est, & plura mox cap. XXIV. proponuntur. Cauteriorum actualium seu ferramentorum causticorum insignis utique apparatus Chirurgus necessarius est: siquidem varia nozarum indoles variam semper candentis ferri & magnitudinem & figuram postulat. Tametsi autem quamplurima eademque varia instrumentorum ejusmodi causticorum genera passim jam a Chirurgicæ scriptoribus delineata reperimus, (a) quorum praecipua nos *Tab. III.* designavimus, fieri tamen aliter vix potest, quam ut in diversis & peculiaribus vitiis nova subinde corporumque noxis melius accommodata istiusmodi instrumenta prudens quisque Chirurgus excogitet.

II.

*Cauteriorum
usus.*

Ufus cauteriorum varius est atque multiplex. Neque enim in *ossium* tantum *carie*, *carcinomate*, *cancro*, *scirrbo*, *excrecentiis*, *carbunculis* ac *sphacelo*, ad removendas partes corruptas, adhiberi ferramenta candentia solent; sed in excitandis quoque fonticulis aut setaceis; in cohibendis item sanguinis ex vulneribus atque amputatis membris profusionibus; in amaurosi denique, epilepsia, dentium aliarumve partium doloribus, malo item ischiadico, (b) curandis aut leniendis. Itaque tantum abest, ut cum SEPTALIO, HELMONTIO, BONTEKOE, OVERKAMPIO, CRAANIO, nonnullisque aliis cauteriorum usum prorsus damnemus, ut potius variis in malis commendemus. Legat, qui velit, quae M. A. SEVERINUS de admirabili adustionum usu seorsim & quam elegantissime differuit in libro *de Efficaci Medicina*; itemque Jo. COSTAEUS, Prof. Bononiensis, de igneis Medicinae praesidiis 4. Venet. 1595. ut & FIENUS & BARTHOLINUS de Cauteriis, CAPIVACCIUS.

III.

(a) Vid. ALBUCASIS, PARAEUS, Andréas a Cruce, Guillemeau, Scultetus, &c.

(b) SCULTETUS obs. 72. TULPIUS lib. III. cap. 36. DEKKER exercit. pag. 34.

III.

Circa ipsam cauteriorum applicationem variis observationibus opus ^{Cauteriorum applicatio.} est. Sic enim videndum ante omnia est, ut instrumentum aliquod, qua magnitudinem, qua figuram, noxae corporis accommodatum feligatur, atque interea, dum aeger ad operationem praeparatur & collocatur, prunis immittatur. Tum opera quoque danda est, ut juxta locum aegrum posita partes quam solertissime contra adustionis periculum praemuniantur, ne scilicet praeter necessitatem dolores aegro adaugeantur. Atque haec ratio est, quare ab ossibus carie infestatis quam diligentissime caro resolvitur, digitisque ministri reprimitur, antequam ferrum candens admovetur. Simulatque jam satis candere ferramentum deprehenditur, applicari illud strenueque deprimi super partem aegram debet, donec funditus extirpatum malum videatur. Quod ipsum autem quo felicius praestari, praesertim in ossium carie atque cancris, imo & in sanguinis profusionibus possit, necessum est, plura semper in promptu cauteria habere, prunisque imponere; ut quicquid forte uno ferro candente extirpare haud valemus, id altero tertio tandem extirpemus.

IV.

Memoratu adhuc dignum hic illud videtur esse, quod Medicorum ^{Cauteriorum in apoplexia usus.} nonnulli ipso rerum usu sese didicisse testantur, homines apoplexia usque adeo graviter correptos, ut nullis medicamentis aliis excitari possint, quam celerrime tamen subinde excitari per cauteria corpori admota consuevisse. De loco autem, cui admoveri ferramentum debeat, non eadem omnium est sententia. SCULTETUS quidem *obs.* 34. *in occipite* applicari debere ferrum candens statuit: cum aliis, ZACUTO nimirum LUSITANO, & RIVERO longe commodior iste locus videtur, qui primam inter atque alteram cervicis vertebrae medius est. Alii locum ubi sutura sagittalis & coronalis concurrunt, praeserunt, aliis vero aliter videtur. Et MISTICHELLIUS quidem, scriptor Italus, in libello, quem italico sermone *de apoplexia* edidit, nullum propemodum in hominibus apoplexia correptis rursus excitandis aptiorem adustionis locum reperiri posse, quam quidem *in ipsis pedum plantis* asseverat. Qua autem ratione aduri pedum plantae in istiusmodi casibus debeant, id in peculiari quadam tabula demonstrare auctor iste annisus est, quam vid. Tab. XII. fig. 11. Scilicet locus, qui aduritur, litteris AA, ipsum autem cauterium littera B designatur: quod vero sine dubio & aliam, quam quadratam figuram, habere potest. Tentavi hanc methodum novam in viro apoplectico; verum excitari non potuit, sed mortuus est.

C A P U T XXIII.

De adustione corporis per moxam.

I.

Medicamentis causticis accenferi & subjungi haud immerito *linum* nec non *moxa*, quae lana ex foliis speciei artemisiae indicae praeparatae esse dicitur, poterit: quarum hanc ab Indiae gentibus, istam autem ab HIPPOCRATE (a) priscisque Medicis aliis in adurendis corporis partibus dolentibus adhibitam fuisse legimus. (b) Recentiorum autem nonnullos mirificum huic operationi pretium statuisse, hoc minus demiramur, quo magis persuasum multis erat, *moxam ad podagram curandam imo funditus extirpandam* esse quam valentissimam. Ad ipsum vero adustionis artificium quod attinet, sequens fere necessaria observatio videtur. Scilicet confici ante omnia conus aliquis minutus e lino, funiculo stupeo, vel moxa (vel forte etiam *ex fungi agarici* quadam specie) debet, pollicem fere transversum altus, (vid. Tab. XII. fig. 12. litt. A. & B) conulisque, ad suffitum faciendum vulgo parari solitis, haud prorsus absimilis. Coni hujus basis inferior gummi arabici vel tragacanthae beneficio parti corporis dolenti agglutinatur, admotaque ad verticem candela vel pruna incenditur. Sic enim non stupa solum, quasi fomes aliquis sensim consumitur, sed ipsum quoque membrum dolens tandem paulatim aduritur, atque inde dolores podagrici subinde remittunt. Quodsi autem ne sic quidem affectus podagrici penitus sublatis reperiuntur, novus denuo conulus stupeus vel e moxa paratus imponitur, ipsumque adustionis negotium tamdiu continuatur, dum dolor omnis evanescat. Sed quicquid tandem harum rerum sit, Europaei sane plerique, licet ab aliquo tempore a nonnullis valde laudaretur, ab ista curandi ratione penitus hodie abstinere. Neque id sine ratione: Praeterquam enim quod acutissimos ipsa dolores conjunctos habet, parum aut nihil eadem saepius effecisse usu deprehensa fuit. Interim CHINENSES & JAPONENSES tanti hodiernum moxae applicationem hodie adhuc faciunt, ut eandem cum acupuncturis in praestantissimorum medicamentorum censum referre nulli dubitent. Imo & ARABIBUS adhuc ustiones ejusmodi in usu esse dicuntur. Consulendi hanc in rem praeter reliquos sunt RHYNIUS *de arthritide* pag. 145. seq.

(a) Lib. de affect. cap. 30.

(b) Ita & CELSUS ait, genuum dolores, ubi inveteraverunt, vix citra ustionem finiuntur. Lib. IV. cap. 23.

ſeq. CLEYERUS in *Medicina Sinica*; PURMANNUS in *Chirurg.* P. III. p. 292. PECHLINUS in *obſerv.* pag. 263. VALENTINI *polychreſt. exotic.* pag. 197. & peculiari libello de Moxa, ac denique KAEMPFERUS in *Amoenit. exotic.* p. 589. ut & in *Hiſtor. Japoniae naturali.*

C A P U T XXIV.

De medicamentorum rodentium ſive cauſticorum uſu.

I.

R Odentia, vulgo *corroſiva* Chirurgis noſtratibus dicta, medicis ap- Rodentium
uſus.
pellantur iſtiusmodi *medicamenta*, quæ ad inſtar ferri candentis, corpus rodunt, exedunt, atque quaſi adurunt: unde etiam graeco vocabulo *cauſtica*, CELSO *adurentia* itemque *exedentia* (a) dicuntur. Tametſi in eo differant ab inſtrumentis candentibus, quod lentius & non niſi cum mora quadam, ſed mitius tamen vim ſuam exſerant: quum e contrario ferri applicatio momentanea, ſed ſimul acerbiffima ſit ac moleſtiſſima. Interim ipſorum quoque medicamentorum rodentium di- verſa admodum vehementia eſt: prouti ſcilicet vel ſubſtantia vel prae- paratione differunt; vel nunc minor, nunc major ejusdem copia ſuper corpus injicitur. Quanquam autem varia eorundem genera ſunt, in- primis tamen valens ac nobilis eſſe lapis ille *cauſticus* invenitur, quem e calce viva cineribusque clavellatis parari poſſe, ſupra in *abſceſſibus* (P. I. Lib. IV. cap. III. No. 11.) nos declarare meminimus. Sunt tamen, qui vel lapidem infernalem, vel ſal ex lixivio ſaponariorum calcinatum, vel oleum vitrioli, vel argentum vivum in aqua forti ſolutum, vel antimonii butyrum, vel calcem vivam cum ſapone commixtam, vel denique ar- ſenicum aut mercurium ſublimatum cum mellis portiuncula ſubactum, pro rodentibus remediis loco priorum quandoque adhibent. Sed ſatius ta- men videtur, ab arſenico ſublimatoque mercurio penitus abſtinuiſſe: ne ſcilicet, prout fieri haud raro ſolet, graviorem noxam, cumprimis ſaeviffimos dolores, convulſiones ac mortem, medicamenta iſta con- citent. (b) In *abſceſſibus* aperiendis, *fonticulisque* excitandis qua ratione applicari medicamenta rodentia oporteat, ſupra jam tum poſuimus. (vid. P. I. Lib. IV. Cap. III. No. 10. item P. II. Sect. I. Cap. XIX. No. 4.) Neque vero minorem in verrucis, tuberculis, excrescentiis, ſarco- matibus, tumoribus cys- ticiſ, naevis maternis & ſcirrhis exedendis vim ha- bere

(a) lib. V. Cap. 7. & 8.

(b) Ut Hildanus notavit. Cent. VI. obſ. 22. & 80.

bere dicta illa rodentia consueverunt: siquidem vel superne, vel pro diversitate mali etiam inferne atque ad ipsas quasi tuberculorum radices identidem applicantur. Ita & *hydrocele* commode iis aperiri, imo quandoque integra *mamma cancrofa* auferri potest. Admirabilem nostrae patrumque memoria in hac ipsa curandi ratione celebritatem consecutus est SUTORIUS, Noribergensium & postea Ducum Brunsvicensium Chirurgus. Interim summa in hoc medicinae genere providentia opus est: ne scilicet iis in locis atque affectibus rodentis quicquam adhibeatur, qui sine periculo irritari aut erodi vix ac ne vix quidem possunt. Sic enim scirrhus quandoque per medicamenta rodentia quam facillime converti in cancerum potest; si juxta oculos aut palpebras adhibentur, oculorum acies extinguunt; sanguinis profusio, propter venas atque arterias grandiores, perruptas, moveri; membrorum denique rigor & spasmus, propter nervorum laesionem, concitari. Et si quae forte alia pericula sunt, quae nasci in corpore propter minus circumspectam rodentium applicationem solent. Interim tamen de eorum recto usu nonnulla adhuc in sequentibus proponemus.

C A P U T XXV.

De abscessibus aperiendis.

Quibus artificiis aperiri commode abscessus queant, clarissime jam, nisi ego fallor, supra descripsimus. (P. I. Lib. IV. cap. III. No. 8. seqq.) Igitur ne actum agere hic videamur, nihil jam de istac operatione denuo praecipimus: quin potius lectores ad superius proposita ablegatos volumus.

C A P U T XXVI.

De verrucis.

I.

*Verrucarum
varia ge-
nera sunt.*

Verrucae sunt, ut notum est, parvae excrescentiae subfuscae in cute, solentque in plerisque fere corporis partibus quaedam nasci, sed frequentissime tamen in facie ac manibus. Magnitudo ipsarum, ut & figura mirum quantum variae sunt. Quaedam enim ampliores sunt ac depressae; quaedam vero graciles; quaedam denique piri e petiolo suspensi formam referunt. Et sane non tam propter do-
lores

lores aut periculum, quam potius propter deformitatem suam, extirpari, praesertim in feminarum splendorum facie, collo & mammis, consueverunt. Quamquam autem varia eademque sympathetica, quin & superstitiosa vel inania medicamentorum genera sunt, quibus uti ad tollendas verrucas feminae vel etiam Medicorum nonnulli solent, nulla tamen expedita magis praesidia sunt, quam quae a Chirurgorum manibus proficiuntur.

II.

Haud igitur abs re fuerit, praecipua Chirurgorum artificia breviter hic perstringere. Primum in his locum ligatura vel vinctura sibi vendicat: utpote quae in eo potissimum sita est, ut verruculae circa radicem graciliores ac dependentes vel setae cujusdam equinae vel filiferici aut linei beneficio nodo firmiter vinciantur. Sic enim ipsae, constrictis ligatura vasis nutrientibus, propter detractum sibi succum sensim exarescunt ac decidunt.

III.

Alterum curationis praesidium a *ferro* petitur. Nempe verruculae uncinulo quodam aut volsella attolluntur, forcisque subsidio exactissime praeciduntur. Vulneri lapis infernalis vel aliud rodens medicamentum aliquamdiu admovetur, ut sic, si radice quidpiam supersit, ex quo nasci denuo tuberculum aliquod possit, exedatur & destruat.

IV.

Quodsi autem paulo ampliora tubercula sunt, veniendum utique ad *medicamenta rodentia* est. Quae ipsa autem ut promptius exedere partem prominentem possint, haud incommodum erit, partem tuberculi supremam ac duram scalpelli, vel novaculae, vel forcis acutioris instrumento prius abscindere; dein vulnus illud vel oleo tartari per deliquium, vel spiritu quodam acido, inter quos lenissimus est spiritus salis, identidem inungere. Quae ipsa ubi forte parum efficere videntur, adhibere eorundem loco paulo vehementiora convenit, spiritum puta aut oleum vitrioli, aut aquam fortem, aut butyrum antimonii. Contra vero molliores ac tenuiores verruculae removeri subinde possunt, sicubi flavo illo chelidonii majoris succo, vel esulae lacte quam saepissime irrigantur. Interim providendum hic solertissime est, ne quid forte rodentis in horum usu circa palpebras vel oculos in ipsos oculos illabatur, coecitatemque hominibus inducat. Cavendum similiter est, ne juxta positae partes simul arrodantur. Quam quidem ob rem haud alienum erit, anulum aliquem cereum, vel & emplastrum aliquod perforatum circa verrucam imponere, ita ut haec emineat. Sic enim, tectis partibus reliquis juxta positis, solae verrucae exeduntur: siquidem aliquoties quotidie medicamentum rodens

illinitur. Atque eadem ratione etiam alia tubercula & maculae deformes tolli possunt.

V.

Quartus
modus.

Quantum verrucas extirpandi artificium situm in eo deprehenditur, ut *ferrum* aliquod *candens* ipsiusque tuberculi magnitudini accommodatum, (a) verrucae ita, ut ad imam radicem penetret, admoveatur. Si quid enim aliud vehemens ad extirpandas verrucas est, vehementius profecto ferro candente nihil est. Quod tamen acutissimos, tamen nonnisi momentaneos dolores concitat. Loco adusto unguenti basilici vel digestivi portio cum emplastro refrigerante, verbi gratia de sperm. ranar., superimponitur. Dici enim vix potest, quam feliciter ista curandi ratio in plerisque corporis partibus, si modo oculos exceperis, procedat; nam sic certissime non redeunt.

VI.

Quintus
modus.

Quintum denique histrionibus proprium artificium atque in eo ferme situm est, ut ipsum tuberculum unguento quodam emollienti probe prius fricent & emolliant, ac postea pollicis atque indicis digiti unguiculorum subsidio violenter admodum avellant. Quae ipsa autem curationis ratio quemadmodum insigniter molesta est, sic prorsus quoque inanis esse in plerisque fere casibus deprehenditur. Namque rarius ita evelli aut curari ab histrionibus verrucae solent, ut non denuo ex affecto loco, quasi e radice relicta, renascantur.

VII.

Verrucae
cancerosae.

Tandem neque illud prorsus omittendum hic videtur, esse nempe quandoque, in facie praesertim, labris & juxta oculos, verrucas quasdam lividas ac coeruleas, quae carcinomati sive *cancro* intentione proximae sunt, longeque tutius sine curatione relinquuntur, quam extirpantur. Simulatque enim a Chirurgis eaedem irritantur, in carcinoma protinus degenerant, misereque tandem, facie & oculis erosis, homines conficiunt.

C.A.

(a) Vid. Tab. III. fig. 13. 14.

C A P U T XXVII.

*De excrefcentias, naevos maternos & sarcomata
extirpandi ratione.*

I.

Excrefcentias appellamus, quicquid praeter naturam super cutem tu- Excrefcentiae quid.
moris, verrucae, vel tuberculi forma increfcit. *Acrothymia* vocan-
tur. Graecis, (a) & fi cum hominibus nascuntur, ut haud raro fieri so-
let, *naevi materni* appellari vulgo folent. Sed fi magni tumores oriun-
tur, qui ut maffae carneae fupra reliquam cutem dependent, *sarcoma-*
ta vocari confueverunt. Solent autem in quacunque corporis parte
iftiusmodi mala provenire; in capite nimirum, facie, palpebris, col-
lo, pectore, abdomine, ano, brachiis ac pedibus. Peflima tamen,
tefte CELSO, in *obfcoenis* funt. (b) Magnitudo ipforum & figura mirum
quantum folent effe variae, atque in notabilem quandoque molem fuc-
crescunt: quemadmodum variae a variis auctoribus obfervatae & de-
lineatae funt. (c) *Colorem* ipfarum fi fpectes, aliae ipfius cutis colorem
nativum referunt; aliae vero nigricant; aliae rubent. Ad *formam* de-
nique quod attinet, *aliae fragi*, *aliae mori*, *aliae urvae*, *aliae ficus*, *piri*,
muris, aliae aliarum rerum fpecies prae fe ferunt.

II.

Ratione *curationis* sciendum, eas iisdem fere artificiis ac verrucae, Earum curationis ratio.
hoc eft, vel vinctura, vel fcalpello, vel medicamentis rodentibus five
exedentibus, vel denique ferro candenti, extirpari, prout nimirum
ipforum amplitudo, locus, figura, res denique circumftantes aliae,
nec non ipfius hominis aegri habitus ac voluntas hunc vel iftum cura-
tionis modum poftulaverint. Ceterum fi quae forte *amplio-rem radicem*
habent excrefcentiae, quae *Myrmecia* Graecis audiunt; (d) vel fi arteriis
aut venis grandioribus propinquae vel cum offibus firmiter conjunctae
funf;

Ooo 3.

(a) Vid. de eis CELSUS Lib. V. cap. 28. n. 14.

(b) Ibidem.

(c) Vid. SCULTETI *Armam. Chirurg.* Tab. XXV. ELSHOLTZII. *Steatomatis resecti & curati* hiftor. PECHLIN *obf. med.* Lib. III. 46. BARTHOLINI *Hiftor. Anat.* Cent. I. 23. PURMANN in *Chirurg. curios* pag. 50. 134. & 370. it. in *lib. Germ. de Chirurg.* pag. 262. & 280. ita & LAMBSWERDE, in *notis ad SCULTETUM*, varias ejusmodi figuras notatu dignas exhibuit. & Aët. Anglic. N. 354. ejusmodi tumorem novendecim librorum a gena & aure feliciter ablatum, referunt. Sic Cl. KULMUS magnam *exostofin Steatomatodem* claviculae descripsit, delineavit & curationem adjecit Gedani 4. 1732.

(d) CELSUS loco citato.

sunt; vel si forte in *cancrum* vergunt, (a) tum vel circumspecte admodum extirpari, vel, ubi periculum satis perspicitur, prorsus intactae relinqui debent; ne aut gravioribus malis, aut ipsius mortis periculo aegrotantes temere exponantur. Cumprimis vero in majoribus, aut ubi arteriae aut venae majores adsunt, opera danda, ut medicamenta & fasciae, imo & quandoque ferra candentia, ad sanguinis profluvium cohibendum, praesertim si sectione tolluntur, praesto sint.

C A P U T XXVIII.

*De tumoribus tunica comprehensis, & cumprimis
scirrho, atheromate, steatomate, meliceri-
de, talpa, testudine, aliis.*

I.

*Diversa
genera.*

SI qui forte tumores aut tubercula peculiaribus tunicis contenta in corpore oriuntur, tumores cystici vulgo appellantur, eique semper fere sine doloribus, ejusdemque cum cute reliqua coloris esse adsolent, modoque duriores, modo molliores sunt. Nasci autem hujus generis tumores ex obstructionibus quibusdam vel in glandulis, vel in pinguedine, in plerisque fere omnibus corporis partibus advertuntur: & cumprimis etiam in capite, facie & collo, (vid. Tab. XII. fig. 13.) ubi mirificam saepe deformitatem concitare solent. Tunicam suam vel a glandula laesa & obstructa, vel a pinguedinis quadam cellula mutantur: quae vero saepe percrassa fit. Incipiunt ex parvulo, & initio plerumque mobiles sunt, ac diu paulatimque saepe sic crescunt, ut tandem grandes, imo stupendi atque mirabiles prorsus aliquando evadant. Quidam tenuiorem ac molliorem, alii crassiorem & duriorum substantiam continent. Figura ipsorum valde varia est: quidam enim *avellanae*, *glandis*, *globuli*, *nucis juglandis*, vel *ovi* figuram obtinent; alii ad *piri* alicujus similitudinem accedunt, & ex quodam quasi petiolo, sicut excrecentiae vel sarcomata quaedam, dependent; alii vero amplam habent basin; alii pugni vel capitis; alii aliam figuram prae se ferunt. Quorundam moles usque adeo mirifice crescit, ut aliquot, imo multarum librarum pondus interdum

(a) In *cancrum* degenerantem naevum post aquae fortis applicationem in virgine vidit WEDELIUS lib. de Morb. infant. p. 10.

dum adaequent; (a) alii cum partibus proximis firmiter concresecunt, tandemque prorsus immobiles, calloque etiam nonnulli vel cartilagini quoad duritiem haud absimiles evadunt; alii vero semper mobiles manent, aliique semper molles. Ceterum diversa tumorum, qui vocantur, tunicatorum sive cysticorum genera solent constitui; pro diversa nimirum istius materiae, quam intus continent, natura vel crassitie. Quoties enim pultis simile quicquam intus est, *atheroma* tumor iste vocatur; si melli simile quid delitescit, *meliceris*; si pingue quiddam, quasi sebum aliquod vel lardum subest, *steatoma*; (b) si glandula quaedam indurata, *scirrhus*; (c) & denique si substantia carni similis, *sarcoma*. In nonnullis etiam, ut CELSUS jam observavit, (d) *concreti confertique pili reperiuntur*. Interim locis quoque tumores illi distinguuntur, atque diversa nomina accipiunt. Namque ubi in capitis parte capillata exoriuntur, *taepae*, *testudines*, vel *lupiae* a quibusdam vocantur; in collo, *strumae* vel *scrophulae*; contra vero in manibus ac pedibus, praesertim juxta musculorum tendines, si proveniunt, *ganglia* cognominantur.

II.

Solent autem visu & tactu facile cognosci tumores illi tunicati; ve-
rum eos per externa signa ab invicem discernere difficile est, nisi fors-
san quod tactu differentiam aliquam deprehendere valeamus, durior;
crassior ac tenacior, an mollior, tenuior ac liquidior, quae intus hae-
ret, sit materia: quum e contrario cutis externa color parum aut ni-
hil in singulis illis tumoribus differat, adeoque parum vel nihil nos do-
ceat. Neque vero permagni interest, si duritiem excipias, qualis
materia intus sit, ante curationem cognovisse: siquidem fere una ea-
demque, quamcunque etiam materiam contineant, curandi singulos
ratio esse consuevit. Interea tamen sciendum, quod scirrhi & sarco-
mata omnium durissimi sint; proximi his steatomata; reliqui molliores,
& quod pro diversa duritie aut mollietie curatio quandoque differat.
In collo qui pro *strumis* ac *scrophulis* haberi solent tumores, glandulae
colli induratae vulgo esse statuuntur; quos ego vero saepissime nata in
colli pinguedine steatomata aliosve cysticos tumores esse existimo. Fieri
enim vix ac ne vix quidem posse videtur, ut minutae istae in colli la-
tere sitae glandulae in stupendam ejusmodi molem, ut supra ventrem
quandoque dependeant, quemadmodum strumae in collo, praesertim
Tyro-

(a) *Petitus* aliquem extirpavit intra scapulas, qui libras habuit quadraginta octo.
Gareng. Chir. Tom. II. p. 401.

(b) Vidi & curavi etiam tales, qui materiam *instar lactis coagulati*, itemque *instar casei recentis* continebant; qui vero peculiari nomine, quod *scio*, nondum donati sunt.

(c) De his piuribus jam actum est Part. I. Lib. IV. cap. XVI.

(d) Lib. VII. cap. 6.

Tyrolensium, saepe sunt, succrescant, cum contra in pinguedine illud facilius contingat. (a) Sed sicubi minores ac duriores adsunt in collo tumores, hi glandulae induratae & magnitudine quodammodo auctae plerumque esse solent, atque revera tunc scirrhi species sunt.

III.

Prognosis.

Et vero sicubi sine gravioribus doloribus tumores tunicati sunt, & non adeo magni, nec nimis duri, tum nullo equidem periculo terrent. Quare mirum haud est, si a nonnullis, praesertim a pauperioribus, Chirurgive duram manum horrescentibus ad extremum usque spiritum circumgestentur. Si qui autem, prout evenire nonnunquam solet, nimium quantum grandes evadunt, decemque aut viginti etiam ac plures libras adaequant; vel dolores movere incipiunt, ut scirrhi saepe solent; tum non insignem modo deformitatem, sed intolerabiles quoque molestias; quin etiam, nisi tempestive incidantur, tabem ac debilitatem, aut cancerum, ut capite de scirrho jam diximus, praesentissimumque mortis periculum inducunt. Sed ne quis tandem ignoret, quid in ejusmodi tumoribus sanandis factu opus sit; sciendum ante omnia hic est, fere semper scalpellum in manus sumendum esse: neque enim digeri facile atque ad suppurationem perducii iidem consueverunt: sicuti capite de scirrho jam monuimus. Interim longe promptius & securius scalpello ii tumores curantur, qui recentes adhuc, molles item, mobiles ac parvi existunt: quum e contrario vix sine periculo ii tractentur, qui grandes admodum, renitentes ac duri sunt; praesertim si juxta grandiores venas atque arterias, vel circa nervos, tendines aut articulos enascuntur; item si vel in infirmioribus vel senio confectis hominibus sunt. Ut adeo Chirurgus ex ipsa mali atque aegri natura, rebusque circumstantibus aliis statuere debeat, num etiam & qualis ingredienda curandi ratio sit.

IV.

1) *Curatio-
nis primus
modus per
resolutionem.*

Ad curationem igitur si veniendum est, variis eadem modis institui poterit. Non equidem sum nescius, esse inter Chirurgos quamplurimos, qui sine mora singulos tumores tunicatos *ferro excidendos* praecipiant. Sed nolim tamen juxta HIPPOCRATIS praeceptum mitiores curandi rationes penitus hic praetermitti. Quoties enim vel recentes adhuc tumores, vel molliores etiam noxis istis laborantes homines sunt, consultum utique videtur, aut *resolutionem*, aut certe *suppurationem* prius tentare, quam a ferro praesidium petatur. Contra vero sicubi duriores jam tum illi tumores sunt, atque simul jam inveterati, fatius omnino est, a medicamentis externis abstinere. Tantum enim abest, ut, quicquid nimis coactum est, cum primis in scirrho ac steatomate, digera-

(a) Conf. infra caput de *Servinis & scrophulis* cap. 102.

geratur, ut potius quam celerrime adaugeatur, atque in cancrum quandoque convertatur: quum sine medicamentis tolerari adhuc saepe quam diutissime potuisset. Ut proinde in ejusmodi casibus confugiendum protinus ad ferramenta sit. Si qui autem aegri nihilominus ferrum extimescunt, & non nisi remedia volunt, adhiberi haud incommode *digerentia* quaedam *emplastra* poterunt. Cujusmodi equidem sunt emplastrum de ammoniaco, de galbano, de ranis cum mercurio, diachylum cum mercurio, de meliloto, oxycroceum, diaphoreticum *Mynsichti*, diasaponis sive miraculosum, & si quae sunt alia hujusmodi. SCULTETUS se *cerato diasinapios* varios a meliceridibus curasse asseverat, (a) Ante vero, quam emplastrum ejusmodi supradatur, inungi semper balsamo peruviano, oleo saponis aut petroleo tumor iste debet. Sic enim contingere nonnunquam solet, ut tumores nondum inveterati pauloque minores sensim rursus dissipentur. Quod ipsum autem ut promptius fiat, unguento quodam mercuriali gnaviger quotidie tumorem perfricare calide saepius confert. Speciatim vero de *scirrhis resolvendis* vid. Part. I. Lib. IV. cap. 16.

V.

Ubi nihil per emplastra & medicamenta *digerentia* tumor immi-^{2) modus} nuitur, tentanda *suppuratio* est: idque inprimis tum, si mollior adhuc ^{secundus per} tumor, sicut in *atheromatibus* & *meliceridibus* esse deprehenditur. At-^{suppuratio-} que insigniter quidem nobilia hic sunt emplastrum diachylum cum ^{nem.} gummi, nec non cataplasmata *digerentia* ac emollientia quam frequentissime super tumorem imposita; praesertim si locus affectus aliquoties in dies singulos spiritu salis ammoniaci fortissimo in medio madesiat. (b) Simulatque jam collecta intus materia maturuisse advertitur, deoperire scalpello tumorem ampla satis plaga convenit, inclusumque in ipso pus emittere. Quicquid vero post confectam istiusmodi operationem remanet, illud ipsum removeri cum tunica per vehemens medicamentum aliquod digestivum aut blandum rodens oportet. Quoties enim, relicta tunica, abscessus glutinatur, pristini tumores sensim redeunt. Ceterum longe optimum hic est, emplastrum diachylum quotidie interea superinjacere, dum vulneris expurgatio rite conficiatur. Sic enim non expeditius tantum emolliri poterit, quicquid praeter naturam in tumore adhuc inhaeret, sed longe quoque aptius ipsa plaga glutinari.

VI.

Quodsi autem nec resolutio, nec suppuratio satis hic feliciter pro-^{3) Tumores} cedunt, sed sensim potius tumores increscunt; protinus tumorem, ^{tumores} ne nimium is increscat, concretusque cum partibus juxta positis aliis, ^{quomodo} excidantur.

Tom. II.

P p p

aut

(a) Obs. Chirurg. 87.

(b) Steatomata etiam suppuratione curata describit Scultet. obs. Chirurg. 93.

aut in cancrum conversus, medicinam atque operationem vincat, extirpare. Solent autem, pro diversa indole sua, tumores istiusmodi tunicati diversimode extirpari. 1) *Tenuiorem* etenim *radicem* qui habent, suoque velut petiolo dependent; his equidem, perinde ut verrucis & excrescentiis, nulla ferme expeditior medicina, quam *ligatura*, poterit adhiberi. Sic enim post aliquot dies praeterlapsos sua velut sponte tumor decidet. Altera eademque promptissima curandi ratio est, ut tumor ejusmodi scalpello *praecidatur*; factumque hinc vulnus ut aliud vulnus deligetur ac glutinetur. Si magna forte arteria quaedam hic laesa, vel medicamento quodam styptico, vel filo ope acus circumducto, vel, si opus esse judicatur, ferro candente claudatur, sensimque dein ut vulnus glutinetur. Denique idem ferme praestare *medicamenta* exedentia sive *rodentia* solent; sicubi scilicet circa radicem quotidie applicantur atque ope emplastrorum convolvuntur ac firmantur, donec is decadat, vel erosa maximam partem radice, commode refecari queat.

VII.

4) *Ampliores quomodo ejiciantur.* Ubi *amplior tumorum tunica inclusorum* fundus sive *radix* advertitur, a scalpello vel exedentibus petenda sunt sanitatis praesidia: quanquam vel ipsis etiam medicamentis exedentibus anteponi *ferrum* a quamplurimis Chirurgis soleat. Ipsa itaque, quae scalpello fit, operatio sic ferme instituitur. Cutis per medium tumorem longa plaga inciditur: quae ubi forte parum videtur, plaga altera, eademque transversa sive in formam crucis adjungitur, quanta scilicet eximendo tumori sufficit. Tum diduci ac separari a cute & carne reliqua tumor iste cum tunica sua tam scalpelli quam digitorum ope diligenter debet, inviolatusque sic tandem, si fieri potest, ejici. Quod ipsum equidem ut commodius fiat, minister aliquis oras vulneris uncinulis vel digitis gnaviter diducat, sanguinemque profluentem, qui Chirurgum impedit, spongia subinde detergat. Protinus autem, quum tunica tumoris, quae ut plurimum alba & intenta est, se ostendit, tum elevare & continere manus sinistrae digitis, eum, si parvus est, ipse Chirurgus, vel si major, aut digitis satis prehendi nequeat, alius minister uncinulo Tab. VIII; aut vossella Tab. XXIII. fig. 1. tumorem intus haerentem debet; aut ope etiam fili, acu curva trajecti, & digitorum ac scalpelli subsidio circumspicte a vicinis undique separare atque tandem totum eximere. Fieri id ipsum facilius solet, si mobilia adhuc ejusmodi tubercula sunt. Majorem vero non laborem modo, sed prudentiam quoque operatio postulat, si minus mobiles jam tum atque renitentes tumores inveniuntur. Videndum enim ante omnia hic est, ne quid forte partium juxta positarum, praesertim nobiliorum, laedatur: & si in pede vel brachio ejusmodi tumor auferendus, ubi forte arteria vel vena major laedenda,

torcular prius membro illi injici potest imo debet. Nam his rite observatis tumores, aliquot librarum pondus superantes, non a carne tantum, sed ipsis quoque quandoque ossibus & maxillis separari haud infeliciter haud raro possunt. (a)

VIII.

Rite sic extracto tumore vel tuberculo, sequitur, ut si vulnus exiguum, Quid post vel levior sanguinis profusio orae ejus digitorum ope jungantur, li- ejectione tumorem fiat. namenta ac splenia superimponantur, & fascia omnia constringuntur, ita intra paucos dies saepe sanescit. Quodsi autem gravior aliqua sanguinis profusio incidit, tum cohiberi sanguis ea ratione debet, quam supra jam tum in vulneribus praescripsimus. (P. I. Lib. I. cap. II.) praesertim vero linamentis multis vulnere immixtis, spleniis ac fasciis; vel adstringentibus remediis, vel filo, vel ferro denique ipso candente. (b)

IX.

Ubi vero in ipso opere vel per imprudentiam, vel & data opera, tumorem, praesertim molliorem, includens tunica inciditur, ceu fieri nonnunquam ideo solet, ne oculus, quando tumor est in palpebra, aut vena aut arteria grandior, vel similis pars aliqua, quando tumor est in alia parte, laedatur; tum nihilominus providendum solertissime est, ut tunica ista penitus ejiciatur; alias tumor facile redit. Ac in scirrho quidem, sarcomate aut steatmate, quum glandulam vel carneam substantiam vel pinguedinem duram intus contineant, materia contenta, tunica licet laesa, non effluit: quare totus etiam tumor plerumque una cum re contenta eo, quem haecenus proposuimus, modo eximitur, ita ut de tunica non facile aliquid relinquatur. In tuberculis autem reliquis, quae molliorem ac fluidiorem materiam continent, post factam percussionem aliquam, incisionem vel lacerationem, quicquid intus in tunica coit, effundunt, non scalpellis solum & forfice, quantum fieri potest, resecari tunica relicta debet; sed, si quid forte reliquum ex eadem intus delitescit, illud omne per medicamenta rodentia & suppurantia, praecipitatum nempe rubrum cum alumine usto, vel unguentum aegyptiacum cum digestivo permixtum, extirpari. Quibus confectis, glutinari vulnus haud difficulter, ut alia vulnera, sic poterit, ut nunquam iterum a tumore locus idem infestetur.

P p p 2

X.

(a) Vid. ROONHUYSEN *observat.* I. pag. 4. SCULTETUS cum notis TILINGII *Au-
stuar.* II. PECHLIN. *in observat.* pag. 542. PETITI exemplum supra n. i. jam cita-
tum, aliaque a GARENGEOT. cap. de tumor. tunicat. Le DRAN Meliceridis in ge-
nu, &c.

(b) Quomodo scirrhi glandularum salivalium, colli mammarumque extirpandi,
infra peculiaribus capitibus exponemus.

*Rolentibus
quomodo
hic uten-
dum sit.*

Quoties denique visum fuerit, adhibitis *medicamentis rodentibus tuberculum aliquod tunica inclusum extirpare*, tum vel lapis causticus, vel butyrum antimonii aut simile quid supradari oportet; eo quidem modo, quem supra praescripsimus. (Cap. XIX. No. 4.) Sed, ne quid tandem hic dissimulem, in durioribus & grandioribus aut ad carcinoma spectantibus tumoribus diuturna nimis ac molesta, quin periculosa etiam quandoque haec per medicamenta rodentia curandi ratio est: quia scirrhi his facile in carcinoma mutantur; alii difficulter sine gravissimis doloribus, sanguinis quandoque profusionibus, maximo denique vel virium, vel ipsius vitae detrimento toti exedi possunt. Ut proinde satius plerumque sit ac salutaris, in tumorum grandiorum ac duriorum curatione ad scalpellum confugere; interea tamen subinde satis magni exedentibus medicamentis caute adhibitis feliciter tolluntur. (a) Si qui autem aliquanto molliores adhuc tumores sunt, sive atheromata sive melicerides, tum ego saepius hanc potissimum curationis viam ingredi soleo, ut, cute & tunica vel lapide caustico aliove medicamento adurente erosio, vel per medium incisio, quicquid intus coit, emittam; impositisque deinde pus moventibus ac rodentibus, tunicam intus haerescens suppurationis adjumento eliciam; expurgatum vero vulnus a tunica illa, ut aliud vulnus modo consueto glutinem. Quae quidem curandi ratio ideo saltem reliquis saepe praestat, quod mitius singula conficiat, quam si tota tunica exscindenda est.

C A P U T XXIX.

Quibus artificiis extrahi res alienae ac praeter naturam e vulneribus debeant.

I.

DE globulorum equidem plumbeorum e corpore extractione parum ab antiquioribus Medicis propositum reperimus. Ratio sine dubio in eo posita est, quod minus sollemnis tunc illorum globulorum usus fuerit, vel minus saltem periculosa seu pestifera per eosdem vulneratio. Tametsi enim CELSUS lib. VII. cap. 5. glandes plumbeas jam tum ante CHRISTUM natum a militibus adhibitas in bello fuisse haud obscure innuit; tamen aut ego fallor, aut arcus tantum subsidio projici in hostem glandes istas oportuit. Nondum enim adinventus illo

secu-

(a) Conf. cap. XXIV.

seculo bombardarum, sclopetorum aut pyrii pulveris usus fuisse constat. Igitur nec de globorum ferreorum igniariorum minorum ac majorum (*Grenades & Bombes*) dispoſitis frustulis extrahendis dicti illi Medici veteres quidquam praecipunt: quia tunc nondum in usu erant. Quin potius singula ipsorum instituta eo fere unice comparata sunt, ut pateat, quā ratione tela, spicula, sagittae, frusta gladiatorum, hisdemque non absimilia instrumenta alia educi quam aptissime e corpore debeant. Quanquam autem fere nullus hodie, vel rarus saltem, si barbaras quasdam nationes exceperis, *sagittarum* usus sit, haud tamen abs re fuerit, quomodo *evelli eadem e corpore debeant*, si forte aliquando Chirurgo occurrant, breviter hic exposuisse. Scilicet labor omnis in his extrahendis in eo potissimum situs videtur, ut ne prominentes illi sagittarum unci, dum retrahuntur, graviter corpus denuo dilacerent. Igitur telum, si forte non nimis profunde intus insederit, retrahi ea, qua venit, via oportet; sed ita tamen, ut circumſpecte antea vulnus incidendo, si id ob partes vicinas tuto licet, ampliatur: vel extrahi ab ea parte, in quam tetendit, sive in qua mucro ejus haerescit, facto prius novo quodam a parte contraria vulnere. Ac posterior quidem haec sagittas extrahendi ratio tunc inprimis commoda esse solet, quando altius eae descenderunt; quando item plus est, per quod telo revertendum, quam quod perrumpendum est; porro quando venas jam nervosque id transit; denique quando periculum est, ne retro receptum ferramentum venas atque arterias, vel nervos aut tendines laniet. Facto igitur tunc apto loco vulnere, telum a tergo premendo ejicitur. *Spiculorum, gladiatorum, pugionum, vestimentorum item ac vitri vel chartae frustula* quomodo extrahi caute queant, supra jam tum clarissime, ni fallor, descripsimus. (*P. I. Lib. I. cap. I. No. 33.*) *Glandium vero plumbearum, itemque pulveris pyrii e cute faciei* educationem in *vulneribus per sclopeti factis* monstravimus. (*vid. l. c. cap. III.*) Tandem ubi forte graviolem sanguinis profusionem cum vitae periculo adactum in pedes vel brachia ferramentum concitavit, necessarium utique erit, torcular (tourniquet) loco idoneo rite prius injicere, quam haerens in corpore ferrum evellatur; postea extracto ferro profusioni sanguinis prospicere, ac denique ipsum vulnus apte deligare.

C A P U T XXX.

De futuris vulnerum chirurgicis.

I.

*Varia de
futuris.*

DUplex admodum vulnera suendi ratio est : altera fieri per acus solet ; per emplastra glutinantia altera. Hanc *siccam* sive *spuriam* ; istam autem *veram* vel *cruentam* vocare Medici consueverunt. Neque vero sui temere vulnera sine discrimine singula debent ; sed 1) ea potissimum, quorum orae in unum contrahi deligationis beneficio nequeunt : qualia ea sunt, quae vel *transversa*, vel *obliqua*, vel *angulata*, si tamen recentia adhuc diligenterque a cruore aliisque rebus peregrinis expurgata fuerint. Tum 2) ea quoque, in quibus nihil neque collisum, neque derafum, neque excisum advertitur : nisi forte laxae admodum partes vulneratae sint, ceu oris labra, & si quae sunt ejusmodi, quae valde extendi possunt. Si quid enim aliud, futurae profecto praestant, ut non glutinari solum promptius plaga possit, sed minor etiam atque elegantior cicatrix eidem induci. Ad emplastra autem glutinantia & futuram siccam, quae eorum beneficio fit, quod attinet, adhiberi eadem in iis praesertim vulneribus adsolent, quae vel minus ampla, vel minus alta sunt ; praecipue si in facie forte facta sunt. Etiam si vero nonnulli Chirurghi acum protinus injiciunt, tamen qualis fieri in casibus singulis futura debeat, illud ipsum ex vulneris genere judicandum est. Namque ubi vulnus ita comparatum esse animadvertitur, ut alia ratione contineri orae ejusdem queant, satius utique videtur, emplastris & fasciis, quam acubus uti : praeterquam enim, quod ipsa minori cum molestia injiciantur, nullas quoque plagas novas aut cicatrices afferunt. Contra vero ubi latiora & profundiora vulnera reperiuntur, quam ut contineri per fascias aut emplastra eorum orae possint ; quin &, ubi partes vulneratae, nasus scilicet, aures, genae, frons, mentum, vel digiti ita resectae, ut a corpore laxius dependeant, veniendum protinus ad futuram est, quae acu perficitur.

II.

*Monita cir-
ca futuras.*

Quoniam vero, qua ratione vulneribus futurae recte injiciendae, P. I. Lib. I. cap. I. No. 39. & seqq. satis exposuimus, non est, quod ea hic repetamus. Hoc solum adhuc monemus, 1) quod, ubi emplastris glutinosis vulneris orae conjungendae, *pili* ante omnia curate novacula *deradantur* ; 2) quod emplastra haec, ubi unum non sufficit, plura vel juxta se invicem, vel etiam decussatim subinde super-

superinjiciantur; (vid. Tab. IV. fig. 4. 5. 6.) 3) quod *sutura vera* sive *cruenta* duplex sit, simplex vel composita. Simplex est, quae ope acus & fili fit: ad quam refertur *sutura*, *nodosa* dicta, *pellionum*, *circumvoluta*, & *sutura tendinum*. *Nodosa* ita dicitur ob plures *nodos*, qui in ipsa fiunt; *sutura pellionum*, quia fit ad morem, quo *pelliones* consuere *pellis* solent: qua *Chirurgi* utuntur in *intestinorum vulneribus* suendis. (vid. Tab. IV. fig. 20.) *Circumvoluta* vero fit & dicitur, quando acus per oras vulneris transfigitur, ibidemque per aliquod tempus relinquitur, & filum circa acum ita circumvolvitur, ut orae arctius conjunctae servantur: (vid. Tab. IV. fig. 21. & 22.) quae in sanandis labris leporinis adhibetur: ubi plura de ea proponemus. *Tendinum* denique *sutura* denominatur ea, qua in suendis tendinibus dissectis uti solent *Chirurgi*; de qua vero uberior dicendi locus erit, ubi de his tendinum laesionibus infra sermo instituetur. Verum praeter jam recensitas futuras longe adhuc plures priscis *Chirurgis* usurpatae sunt futurarum species, & cum primis *sutoria* dicta, *sartoria*, *CELSIANA*, (Tab. IV. fig. 19.) *suturæ clavatae* cum calamis scriptoriis vel cylindrulis ligneis. Sed omittere earum descriptionem jam licebit: siquidem non amplius hodie a *Chirurgis* instituuntur, & jam dudum in usu esse desierunt: nisi quod *clavatae* hoc seculo rursus a *PALFYNO* & deinde a *GARENGEOTIO*, paululum tamen immutatae, rursus commendari coeperint, (a) dum pro calamis vel clavis aut cylindrulis ligneis fericei iique cerati cylindruli aut clavi ab ipsis commendentur. 4) Tandem notandum, quod in futuris vulnerum profundiorum sive altiorum *turundula* saepe in parte vulneris inferiori necessaria sit: cujus beneficio apertus tantisper eorum fundus conservari queat, donec purgatum sit vulnus, & fundus post ejectas fordes primus rursus coaluerit.

C A P U T XXXI.

De digitorum cohaerentium diductione.

I.

VENIRE nonnunquam solet, ut infantes recens nati manuum vel Si digiti
pedum digitis cohaerentibus instructi deprehendantur. Fere du- inter se
plex autem noxae hujus modus est: vel enim quam arctissime sibi in- invicem
vicem quasi agglutinati, vel per tunicam aliquam mediam, ut in an- cohaerent.
feribus, conjuncti esse pedum digiti isti consueverunt. Interdum vero
etiam in pueris vel in hominibus quoque adultis digiti nonnulli con-
crescunt:

(a) Conf. ea, quae supra Lib. I. cap. I. no. 46. & 47. de iis exposui.

crescunt: quoties scilicet ipsi post ambustionem atque exulcerationem aliquam imprudenter tractantur, & cum primis incaute colliguntur. Quum autem non insignem modo deformitatem, sed maximas quoque motus incommoditates cohaerentes ejusmodi digiti afferunt, id omnino sibi datum Chirurghi sciant, ut quam solertissime ipsos rursus diducant. Ac fieri quidem id ipsum duplici praesertim ratione potest: vel enim tunica illa intermedia forficis aut scalpelli subsidio exciditur; vel ubi arctius & sine tunica digiti cohaeserint, scalpello tenuiori interposito quam exactissime ab invicem separantur. Ne autem sanescentes denuo sibi invicem illi adcrecant; sic utique institui deligatio debet, ut fasciis digitum transversum latis, iisdemque in aqua calcis, spiritu vini, vel aqua vulneraria tinctis, digiti isti divisi singuli ac separatim quidem tamdiu vinciantur, donec penitus confanuerint.

II.

*Si digiti
cum palma
conferbue-
runt.*

Haud omnino insolens etiam est, ut aliquoties observavi, digitos quosdam post ambustionem, vulnerationem, aliamve id genus noxam usque adeo firmiter cum ipsa palma confervere, ut penitus extendi manusque aperiri nequeant. Igitur ne Chirurgiae tirones ignorent, quid faciendum in ejusmodi casibus sit, dicam brevibus, qualem ego met curandi viam tribus in aegris ingressus hic fuerim. Scilicet digitos illos, assumpto scalpello, diligenter ac provide ab ipsa manu, nihil quicquam laesis tendinibus separavi, adhibitisque linamentis carptis, spleniis & balsamo vulnerario, supposita ex charta crassa ferula, plagas singulas sic curavi, ut interea extensos semper digitos servaverim, donec plagae coiverint. In quavis vero deligatione digiti aliquamdiu movendi, ne rigidi fiant.

C A P U T XXXII.

*De digitorum praeternaturalium, corruptorum
vel supervacuatorum amputatione.*

I.

NAsci quandoque homines solent manuum vel pedum digitis supervacaneis, iisdemque informibus alienoque loco positis, praediti. Digiti isti non unius ejusdemque indolis esse omnes reperiuntur. Quidam enim ossibus atque unguibus instructi, quidam illis destituti sunt, nihilque fere aliud nisi prominentiam aliquam carneam referunt. Si quam igitur ipsi vel deformitatem vel molestiam afferunt, rescindi a
ma-

manu reliqua debent. Fieri id ipsum quam aptissime poterit scalpello quodam vel forfice; siquidem nulla in iisdem ossa insunt, per quae reliquorum digitorum ossibus adhaerescunt. Namque alias, ubi ossa sunt, grandiori atque fortiori opus erit forfice, cujus adjumento ipsa quoque ossa quam aptissime discerpi valeant. Quoties autem forte uno plures id genus digiti abundantes adeste reperiuntur, ipsi autem infantuli adhuc infirmiores ac teneriores sint, quam ut duriores istiusmodi ac sine mora repetitam operationem atque inde oriundos dolores sustinere absque periculo possint; tutissimum omnino est, per quaedam quasi intervalla operationem istam instituere, neque ad alterius digiti amputationem ante progredi, quam vulnus alterum penitus glutinatum sit. *Sanguinis fluxus* linamentis & spleniis ficcis facile supprimitur; aut etiam spiritu vini imbutis. Vulneris autem glutinatio fit deinde balsamo vulnerario ut in aliis vulneribus. Ceterum haud abs re fuerit, breviter hic commemorare, quamnam egomet Ann. 1718. mens. Jul. in istiusmodi casu curandi viam ingressus fuerim. Infantulus aetate trimestris erat, digitumque aliquem praeternaturalem prae longum habebat pollicis adnatum, (*Tab. XII. fig. 15.*) eundemque osse quodam satis firmo, nec non loco unguis calcari quodam gallinaceo instructum. Cutem prius externam circumcirca scalpello incidebam; atque dein os forfice valida decerpebam. Illis confectis sanguinem fortiter erumpentem vini spiritu & linamentis spleniolo ac fascia cohibebam; ipsum denique vulnus adhibito balsamo vulnerario quam expeditissime glutinabam. Possem hic plura curationis hujus, in manibus aequae ac pedibus a me institutae specimina in medium producere; nisi unicum illud esse instar omnium posset: praesertim cum eundem hunc semper in omnibus curandi modum observaverim.

C A P U T XXXIII.

De digitorum corruptorum atque emortuorum amputatione.

I.

TRiplex potissimum ratio est, quare manuum ac pedum digiti amputari a Chirurgis consueverunt. Vel enim 1) ita *laniati*, glandibusque plumbeis aliisque corporibus *collisi ac destructi* digiti reperiuntur, ut restitui prorsus nequeant; vel 2) per *sphacelum*, a frigore, collisione causisve aliis excitatum, penitus corrupti sunt; vel denique 3) *cariosi, scirrhusi & cancrosi* evaserunt, & nullis remediis restitui potuerunt, quem-

quemadmodum egomet exempla observavi & curavi. (a) Collisionem autem digitorum a saxis tignisque grandioribus fieri, adeoque apud caementarios fabrosque lignarios frequentem imprimis esse, non est, quod prolixius hic moneamus.

II.

Quid Chir-
urgis obser-
vandum
hic sit.

Cavendum hic solerter admodum Chirurgis est, ne digitos istiusmodi laesos aut collisos prius rescindant, quam omnis eosdem servandi vel sanandi spes evanuerit. Igitur si mediocriter tantum collisi aut gangraena affecti digiti reperiuntur, applicare fomenta spirituosae ac resolutivae, ad corruptionem ulteriorem praecavendam, oportet, solertissimeque rursus, quoad fieri potest, dispositis ossium comminutorum fragmentis, deligationem ac glutinationem ea ratione instituere, quam in ossium fracturis supra proposuimus. Quoties vero ita graviter collisae digitorum partes sunt, ut nonnisi leviter tantum cum reliqua manu cohaereant, tum nihil magnopere impedit, quo minus forcice aut scalpello protinus ipsas rescindamus. Atque idem fere tenendum in ejusmodi casibus videtur, ubi digitorum pars aliqua per sphacelum omnino corrupta deprehenditur: tum enim haud exiguum in mora solet esse periculum. Quodsi autem *instrumento quodam acuto vulnerati vel ita dissecti digiti fuerint*, ut ex parte adhuc cohaereant, ipsaeque vulnera, utut gravissima, recentia tamen sint, tum satius utique videtur, partem fere praecisam protinus in sedem pristinam restituere quam praescindere, imo & partem omnino, attamen oblique praecisam, ope emplastri angusti firmare, (b) ut in ossium vulneribus docui, & sic sensim eum glutinare. Praestat enim dissectionum partium glutinationem frustra nonnunquam tentare, pauloque serius id, quod corruptum est, refecare, quam temere immisso ferramento ipsam glutinationis spem quasi antevertere, & digitum temere refecare, qui glutinari forte potuisset. (c)

III.

Amputatio-
nis modus
quis sit.

Ad ipsum autem *amputationis modum* quod attinet, is triplex potissimum esse in scholis Chirurgorum solet. Vel enim 1) *forcipe* (d) vel, quod praestat, *forcice* quadam robusta atque acuta pars corrupta decerpitur, praesertim si malum in infantibus, vulnusque ista ratione tractatur, quam capite praecedente posuimus; vel 2) *scalpro* Chirur-

gico.

(a) Conf. ROONHUYSEN obs. Chirurg. XXV. de pollice scirrhus et cancroso.

(b) Notum mihi est exemplum digiti oblique omnino a lanionis conjuge, securi lanionis resecti; ubi ea frustum resectum mox in locum naturalem restituit, et ope linteoli firmavit, atque sic sine aliis medicamentis rursus coaluit.

(c) Conf. Part. II. Cap. LXXII. quod, quomodo sarcire curta in naribus deceat; exponit.

(d) Vid. PAREI Lib. XVI. cap. 30.

gico praeacuto malleoque adhibitis, quicquid forte alienatum deprehenditur, unico ictu quam promptissime praeciditur; (vid. Tab. XII. fig. 17.) ceu aliquoties ipsemet in digitis manus cancris & cariosis, vel etiam spina ventosa corruptis, ROONHUYSIUS autem in digito maximo pedis scirrhus haud infeliciter, quidquid nonnulli contradicant, perfecimus. Vel denique 3) pars noxia aut emortua, immisso in ipsam juncturam scalpello, & relicta satis ampla cutis parte, rescinditur. Qui quidem tertius digitos amputandi modus in eo praecipue reliquis binis prioribus praestat, quod sine omni ossa diffringendi, & cariem aliquam hoc ipso movendi periculo expediri queat. Atque hac ipsa etiam ratione aliquoties pollices manus aliosque digitos carie omnino corruptos in viris ac feminis, iisque jam senibus & fere decrepitis, in articulo ad metacarpum refecavi, aegrosque optime restitui. Utut eo nomine nonnullis minus commoda haec curandi via videtur, quod vel prorsus non, vel saltem difficilius super cartilagine, ut putant, cutis renascatur; quod ipsum tamen non adeo percepi. Imo incommodum hoc haud prorsus infeliciter, ut expertus sum, evitari potest, sicubi non solum cutis superior probe ante retrahitur, quam digiti articulus aliquis rescinditur, verum etiam pars extrema ossis metacarpi vel metatarsi scalpello aufertur: ita enim facilius cum cute confervet. Abscisso, quemadmodum diximus, digito, linamentis carptis, spleniis atque fasciis vulnus deligatur: & si forte sanguinis copia homines laborant, longe utique commodissimum ad praecavendam inflammationem est, uncias aliquot sanguinis ex vulnere prius emittere, quam vinctura injiciatur, ita novum sanguinis profluvium vix erit metuendum, quod nunquam hic accidere memini. Si bini anteriores digiti cujusdam articuli in manu una cum ipsius tertii parte aliqua corrupti animadvertuntur, tum satius utique ad perficiendam glutinationem videtur, scalprum prope ipsam partem corruptam applicare, quam molestiori sectione ampliorique vulnere digitum integrum per scalpellum profundius a metacarpo rescindere. Si vero corruptio totum digitum occupat, sive hoc in manu sive pede sit, tamen in articulo cum metacarpo, relicta satis ampla cutis portiuncula, amputatio instituenda. (a)

Explicatio Tabulae duodecimae.

Fig. 1. Delineatur *cucurbitula vitrea*, qualis hodie in Germania ut plurimum, tam pro attrahendi quam sanguinem educendi scopo adhiberi solet.

Q q q 2

Fig.

(a) Exempla etiam pollicum cariosorum in pedibus resectorum refert DRANIUS observat. 112. 113. et 114.

- Fig. 2. Designatur *scalpellum* seu ferramentum *scarificatorium*, quo balneatores nostri vulgo utuntur. A manubrium, B acies, C locus, quem digiti motu mira celeritate impellunt, ut acies cutem, quoties libet, vulneret.
- Fig. 3. ob oculos ponitur plagularum, quae in scarificationibus balnearum fieri solent, qualiscunque positura, ut cucurbita vitrea pro educendo sanguine comprehendi omnes queant.
- Fig. 4. *Cubus scarificatorius* conspicitur, quo unico ictu sedecim plagulae, quales fig. 3. conspiciuntur, modico cum dolore in cute fieri solent.
- Fig. 5. *Hirudinis* sive *sanguisugae* qualemunque figuram exhibet, cum multis non sint cognitae: A os sive rostrum, quo mordent, B partem posteriorem. Notandum vero unam eandemque hirudinem figuram suam in longitudine, latitudine, crassitudine & tenuitate vel centies mutare posse, ita ut nulla constans aut perpetua earum figura exhiberi queat.
- Fig. 6. *Acicula Japonica* indicatur, qua Japonenses & Chineses in plerisque morbis corpus compungunt. A manubrium, B aciem ostendit, quam corpori infigunt.
- Fig. 7. *Malleolus Indicus*, quo in applicatione acus fig. 6. simul saepe utuntur. A capitulum est mallei, B manubrium, CC vero crena sive sulcus, in quo acicula illa condi potest.
- Fig. 8. *Cauterium* sive ferrum candens *occultum* repraesentatur ad inurendos fonticulos olim usitatum, quod nonnulli *Capsulam Casserianam* appellant. Litera A extremum ipsius ferramenti demonstrat, ultra capsulam jam prominens. BB capsulam ligneam, qua ferramentum illud conditur, ne aegros terreat. C manubrium designat, cujus adminiculo, si pollice premitur, extremum ferri candentis A in cutem imprimi potest.
- Fig. 9. Sistitur commoda quaedam *machina fonticulorum* in brachio, & si longior, etiam in pede imo & in cervice deligationi accommodata. Litt. AA. lorum coriaceum, duos vel tres circiter digitos transversos latum, demonstrant. Uncinulum ex orichalco seu cupro flavo confectum; CC laminam orichalceam plurimis, ut hic conspicitur, foraminulis oblongis ac transversis instructum, quibus dum in brachio, pede vel cervice firmari debet, uncinulus B innectitur.
- Fig. 10. *Siphunculus* seu *syringa* pro liquoribus idoneis in urethram virilem, vaginam uteri, vulneribus & ulceribus quibusdam apte injiciendis. AA corpus siphunculi. B extremum non in tenuem fistulam sive tubulum, sed in obtusum apicem desinens: quo impeditur, ne liquor injectus mox denuo refluat. C annulus emboli sive pistilli, in quem pollex immittitur, & liquor attrahitur, rursusque expellitur.

Fig.

PLATE VI















Fig. 11. litt. AA ostendunt locum, in plantis pedum, quem Medicus Italus in apoplexia magno cum fructu aduri praecipit. B Ferramentum quadratum, quo hoc fieri debet.

Fig. 12. Pes aliquis sistitur, in quo conus ex *moxa* Indica nondum accensa litt. A, succensa vero litt. B indigitatur: qua Indi in podagra curanda utuntur.

Fig. 13. Varii generis tumores cystici & tubercula, a, b; scirrhi glandularum colli, c, d, carnes excrescentes & naevi materni e indicantur.

Fig. 14. Scalpelli sistitur parvum, quo ut plurimum in tumoribus tunicatis, naevibus maternis, scirrhis glandularum colli, imo & mammarum extirpandis uti soleo.

Fig. 15. Manus infantis repraesentatur, sex digitis instructa. Digitus litt. A designatus, praeter naturam erat & deformis, calcari quasi gallinaceo munitus, & forfice a me resectus: qua etiam ratione digitos infantum, spina ventosa corruptos, in parte sana amputavi.

Fig. 16. manus indicatur, ubi totus index A carie & ulceribus erat corruptus, quem integrum juxta manum scalpello fig. 14. abscidi: eademque ratione etiam pollices ejusmodi manus amputavi: ubi vero simul partem capituli primae phalangae resecavi, quo fit, ut vulnus citius glutinetur. B ostendit digitum medium spina ventosa in medio articulo vitiatum, quem in prima phalanga; C vero magnam excrescentiam in extremo digiti auricularis, eodem malo vitiati, quam una cum parte hujus digiti, in secunda phalanga scalpro & malleo feliciter abstuli.

Fig. 17. Ostenditur, quomodo pollex pedis corruptus scalpri & mallei subsidio a ROONHUYSSIO praecisus est.

C A P U T XXXIV.

De manuum, brachiorum atque humerorum amputatione.

I.

SI qua forsan alia Chirurgorum operatio, artuum sane; hoc est, brachiorum & pedum amputatio crudelis admodum esse solet atque terribilis merito videtur plerisque. Interim in quibusdam casibus tam ipsa necessaria invenitur esse, quam quae vel maxime, si vitam hominis

Quandonam fieri opera-
tio ista de-
beat.

nis servare velimus. Quoties enim vel 1) *sphacelus* gravior (a) musculos ipsos destruens, membrum istiusmodi occupavit; vel 2) gravior quaedam ejus collisio, quae ossa & musculos corrumpit, incidit; vel 3) *caries* aut *spina quaedam ventosa* insanabilis (b) suborta fuit; vel denique 4) *arteria brachialis*, cum primis autem cruralis grandior (c) penitus sic percussa est, ut cohiberi sanguis plane nequeat; tum vix ac ne vix quidem servari absque artuum amputatione hominis vita poterit. 5) Tandem etiam institui solet in ejusmodi membris, a *spina ventosa* aliave de causa monstrosis & cum primis manibus, quales a M. A. SEVERINO (d) BIDLOO (e) & RUYSCHIO (f) delineantur, praesertim si aegris magnos dolores concitant. Interim admonitos hic graviter Chirurgos velim, ne sine aliorum Chirurgorum atque Medicorum prudentiorum, si haberi possint, consiliis aut suffragiis arduam istiusmodi artuum amputationem temere suscipiant; ne forte incusari postmodum crudelitatis, temeritatis vel imprudentiae alicujus possint.

II.

Manus quomodo amputari debeat.

Sed quo planius tandem constet, quomodo institui graves istiusmodi operationes debeant, haud abs re facturi nobis videmur, si de singulis sigillatim atque ordine tractaverimus. Incipiemus itaque ab ipsa manu. Scilicet amputari manus vitiosa uno quasi ictu poterit, sicubi, vetustissimorum Chirurgorum exemplo, scalprum aliquod magnum praeacutum, juxtaque carpum impositum mallei grandioris subsidio fortiter transadegerimus. Consulendus hic praeter vetustiores reliquos SCULTETUS est: siquidem is Tab. LIII. (edit. Ann. 1666.) operationis modum clare admodum delineavit. At vero dicta ista operationis ratio anceps admodum, imo vero noxia ut plurimum esseprehenditur. Fere semper enim periculum est, ne carpi vel cubiti ossa propter insignem violentiam istam comminuantur, sive diffringantur, gravissimisque incommodis homines exponantur. Nihil itaque a ratione alienum fecisse Chirurgi recentiores videntur, quando loco scalpri scalpellum & ferram inprimis ad rescindendas manus adhibuerunt. Interim cavendum hic utique est, ne carpo vel metacarpo ferram admoveamus: difficulter enim, atque non nisi cum periculo ferram perrumpi ligamenta atque officula ista minuta consueverunt. (g) Praestat

(a) Vid. supra Part. I. Lib. IV. cap. XIV.

(b) Vid. Part. I. Lib. V. cap. 8 & 9.

(c) In *arteria brachiali* sanguinem saepius ope ligaturae arteriae cohibui, adeoque hanc ob rationem brachii amputatio, quam tamen hic Chirurgi quamplurimi commendant & instituunt, raro erit necessaria.

(d) Lib. de Abscess.

(e) Exercit. Med. Chirurg.

(f) Epist. Anatom. problem. XIV.

(g) Fuisse vero inter Chirurgos, qui molestam ejusmodi in carpo vel metacarpo operationem ope ferrae instituerunt, testis est SCULTETUS cit. loco. Posse vero vel solo

stat igitur secundum mores Chirurgorum hodiernos ad manum amputandam in ipsa cubiti ossa scalpellum & ferram immittere; atque ex modo, quem hic describemus, simul constabit, qua ratione in amputando ipso brachio sive cubito atque humero sit procedendum.

III.

Scilicet quoties propter sphacelum, cariem insanabilem aut quamcunque noxam aliam manus aut brachium sive cubitus amputari debent, gemina inprimis necessaria videtur observatio. Namque proficiendum primo est *de loco*, ubi amputatio fieri debet, qui minimum sit unum alterumve digitum super partem corruptam, non autem in ipsa parte corrupta sive emortua: tum ne majorum istiusmodi membrorum amputatio in ipsis juncturis fiat; namque abesse vix ac ne vix quidem hic posse hodierni Chirurgi existimant, quin, propter insignem carnis circa juncturas tenuitatem, ossa contegi & vulnera glutinari queant, adeoque inde caries, atque id genus alia incommoda suboriantur. (a) Postquam vero secundum nunc consuetam methodum locum selegimus, quo felicius ipsa operatio succedat, opus est, tum quae ad ipsam amputationem, tum etiam quae ad deligationem necessaria videntur, *instrumenta atque apparatus diligenter antea praeparare* inque binis patinis aut tabulis propriis apte disponere; sed ita tamen, ut alio in loco, quam ubi aeger est, hoc fiat, ne ipsorum conspectu aegri perterrescant.

IV.

Sed ne quis ignoret, qualem instrumentorum atque rerum aliarum apparatus dicta operatio postulet, operae pretium fuerit, sigillatim hic omnia percurrere. Nimirum spectant huc 1) *torcular* sive fascia tortilis (*Tourniquet*) superius jam (*P. I. Lib. I. cap. II. No. 9.* & sequentibus descripta. 2) *funiculus aliquis* lineus planus, digitum transversum latus, ulnamque circiter dimidiam longus. 3) *scalpellum* non adeo magnum pro cute incidenda. (*vid. Tab. XIII. fig. 1.*) 4) *scalpellum majus* atque *incurvum* pro incidenda carne reliqua. (*Tab. XIII. fig. 2.*) 5) *scalpellum* aliud *anceps*, ad incidendam carnem, quae radium inter atque ulnam sita est, adaptatum. (*fig. 3.*) 6) *linteum* aliquod tres circiter spithamas longum & sex fere digitos amplum, idemque dimidia parte secundum longitudinem fissum. (*Tab. II. fig. 17.*) 7) *ferrula* bona (b) pro refecandis ossibus. (*Tab. XIII. fig. 4.*) 8)

solo scalpello *manum in articulo cum cubito rescindi*, ex capite praecedenti mihi verisimile est, licet experimentum hucusque non instituerim.

(a) Interea si larga satis cutis portio utrinque conservatur, vulnus hic aequè ac in resectis digitis glutinari posse censeo.

(b) Recentiores quidem alias ferrae & scalpellorum pro amputandis artubus excogitarunt figuras, ut ex GARENGEOT tract. de Instrum. Chirurg. videre est. Sed qui

8) *forceps*, *volsella* sive *tenaculum*, pro arteriisprehendendis (fig. 5. vel 6.) & 9) *acus curva* cum filo robusto, vel 10.) *vitrioli* aliquot frustula linamentis carptis vel gossypio involuta & 11) *spleniola* aliquot exigua quadrata, (Tab. II. fig. 21.) itemque 12) *linamentorum* carptorum insignis copia. 13) *pulvis* ad cohibendum sanguinem, vel, quod huic, quia facile inflammationes movet, & suppurationem impedit, praefendum est, *alcohol vini*, vel *oleum terebinthinae* vasculo contentum; (quibus tamen omnibus adstringentibus facile hic carere possumus) 14) *pulvillus* aliquis *stupeus* rotundus atque amplus, vel magnum frustum fungi, qui *crepitus lupi* vocatur, pro pulvillis & linamentis reliquis contegendis. 15) *vesica*: *vitulina* aut *suilla*, aut loco hujus vel *emplastrum* aliquod amplum ac glutinosum, idemque crucis *melitenensis* formam referens, (Tab. II. fig. 15) pro trunco cum praecedenti apparatu contegendo & involvendo; vel *emplastra tria*, duas quasi *spithamas* longa & duos digitos transversos lata. 16) *Splenium* aliquod *crucis melitenensis* forma, sed majoris amplitudinis quam *emplastrum*. 17) *Splenium crassum quadratum* pro trunci extremo contegendo, 18) *tria splenia*, duas *spithamas* longa, duosque digitos ampla. 19) *Fascia* quaedam pro deligatione quinque circiter ulnas longa, tres autem digitos ampla; & denique 20) *Vinum* aliaque medicamenta roborantia interna & externa, pro aegro roborando, quando forte animo linquitur.

V.

Quomodo
aegrotus,
ministri at-
que ipse
Chirurgus
disponendi
sint.

Quibus equidem rebus instructis, proximum est, ut, quando operationem inchoare volumus, de conveniente aegrotantis, ministrorum & ipsius denique Chirurghi positura prospiciatur. Igitur aegrotus in sella quadam humiliori, inque medio fere conclavi collocandus est, ut liber sit quaquaversum ad eundem aditus, & ministri commodius collocari queant. Ipse Chirurgus medio inter utrumque aegrotantis pedem loco stare; *administri* autem, quorum *minimum sex* adesse oportet, sic assistere magistro suo debent, ut *unus* ex iisdem, post aegrum constitutus, corpus ejusdem contineat; *alter* juxta latus hominis aegrum collocatus brachii, quod amputari debet, partem superiorem juxta cubitum complectatur; *tertius* aegri manum comprehendat; *quartus* quoque in latere cum *instrumentorum* apparatu assistat, ita ut ea Chirurgus, quando iis opus est, commode porrigere queat; *quintus* ea subministret, quae ad *deligationem* necessaria sunt; *sextus* denique cum in finem adsit, ut aegrum, ubi opus, roborare aliaque exsequi promte singula possit, quae a Chirurgo forte imperantur.

VI.

qui his nostris aliisque similibus instructus, illi opus non est haec abjicere & alia illa nova sibi comparare: quia usus me docuit, omnia hisce nostris aequae commode et promte, ac novis illis perfici posse.

VI.

Dehinc a chirurgo, qui mantili pro manibus, si opus est, purgandis, cinctus esse debet, torcular aegro brachio modice contortum injicitur, qua nempe ratione supra jam tum (*P. I. Lib. I. cap. II. No. 9.* & sequentibus, nec non *Tab. III. fig. I. K.*) ostensum est. Sic enim non arteria solum magna brachii, ad praecavendam sanguinis nimiam profusionem, sed nervi etiam moderate comprimuntur, ut aeger dolores operationis minus percipiat. Ne autem torcular *Tab. III. fig. 1. K.* facile relaxetur, contineri diligenter bacillus injectus ab eo ministro debet, qui post hominem aegrum adstat; quando vero eis utimur, quae *Tab. V. & VI.* delineantur, ea per se subsistunt, & ministri ope non indigent. Tum ministrorum alter, brachiumque supremum continens, cutem, quam fieri potest, solertissime sursum attrahat; ipse vero chirurgus funiculum planum lineum, (*vid. No. 4.*) juxta eam partem, in quam immitti ferrum debet, aliquoties parti circumdet ductibus annularibus, & finem acicula firmet, ut firmiter contineri caro, neque cedere scalpello possit. Nonnulli *loro coriaceo, fibula instructo*, idem perficiunt. (a) Ante vero, quam ad ipsam operationem pergimus, excitari aegrotus vino alioque id genus liquore confortanti, quin verbis etiam diligenter debet, ne animum penitus abjiciat.

VII.

His rite jam confectis, properandum ad ipsam operationem est. Cujus primum equidem negotium in eo consistit, ut Chirurgus contentum a duobus ministris in situ directo brachium primum in loco designato cutem scalpello minore ad annuli similitudinem discindat; deinde jubet, ut minister, qui partem brachii superiorem continet, resectam cutem, quantum adhuc fieri potest, sursum trahat: postea juxta oras cutis retractae carnem omnem vel eodem scalpello, (quippe qui hic sufficere commode potest) vel scalpello illo magno incurvo *Tab. XIII. fig. 2.* usque ad ossa circumcirca discindit: (quo artificio fit, ut caro postea & cutis in curatione tanto facilius citiusque ossa resecta contegat, & glutinatio vulneris multum promoveatur.) Quo facto vel idem scalpellum minus (*fig. 1*) vel scalpellum aliud, idemque acutum atque anceps (*fig. 4.*) ulnam inter ac radius demittitur, carneque interposita protinus perrupta, periostium ab ossibus, ubi ferra diffecanda, deraditur, ne hoc dentibus ferrae dilaceratum vehementiores & dolores & inflammationes moveat. Mox ministri brachium sustinentes gnaviter utrinque carnem incisam retrahant; quo scilicet ossa resecanda magis in apicem prodeant. Atque in superiore quidem

Tom. II.

R r r

vul-

(a) Cumprimis VERDUNIVS, de quo infra cap. 36. n. 3.

vulneris parte ut melius adhuc retrahi caro ossaque altius refecari queant, fissum illud, quod supra (N. III. 6.) memoravimus, *linamentum* sic omnino in plagam immittere convenit, ut dependentia utrinque illius duo capita faciem brachii inferiorem, pars autem linamenti integra superiorem contegat. Capita linamenti hujus extrema ministrorum is apprehendat, sursumque, quantum commode fieri potest, attrahat, qui brachii partem superiorem sustinet. (a) Providendum enim solertissime semper in ejusmodi casibus, ut, quoad fieri ejus potest, proxime juxta carnem sursum retractam os rescindatur; hoc enim fit, sicut supra jam diximus, ut os tanto citius deinde carne contegatur, & vulnus multo citius glutinetur. *Serrulam* autem sic imprimis applicare Chirurgus debet, ut utrisque brachii ossibus simul ipsa immincat. Namque alias periculum est, ne aut minus aequaliter ossa rescindantur, aut alterutrum forte non satis robustum, cui soli *serra* imprimitur, findatur, atque ita homo aegrotus variis postea in curatione incommodis exponatur. Initio lente trahi retrahique *serra* debet; mox, ubi satis jam immissa ossibus est, paulo celerius, caute tamen, moveri. Et ne qua forte ipsa in motu suo impediatur, vel ab ossibus ex parte dissectis comprimatur, ministri brachium sustinentes superiorem brachii partem leniter attollere, inferiorem autem deprimere debent, ita ut majus spatium pro *serra* paretur; donec scilicet, post elapsum unum alterumve minutum, manus & brachii pars refecanda penitus fuerit rescissa.

VIII.

Quid post
operationem
fieri debeat.

Simulatque jam cum manu resectum brachium est, circumspicere protinus chirurgum oportet, ut *suppresso sanguinis ex arteriis profluvio*, reliquus brachii truncus quam curiosissime deligetur. Sed quo facilius explorari arteriarum praecisarum locus sive oscula queant, Chirurgus debet ministro, qui torcular sustinet, imperare, ut torcular, laxato paululum bacillo, leniter resolvat; quando vero torculari novo Tab. V. vel VI. usus est, ipse cochleam paululum relaxet. Namque ita sanguis quasi ex siphone prorumpens oscula arteriarum statim significabit. Si sanguinis copia hominem urget, longe optimum erit, torcular aliquantisper resolutum servare; ut, quicquid forsan abundat, in subjectum vasculum sensim effluat. Sin minus sanguis abundaverit, aut aeger jam valde debilis, torcular, observatis prius arteriarum osculis, constringi statim rursus debet. Atque inferius quidem brachium, sicubi praesertim prope manum rescinditur, nihil

magno

(a) Chirurgorum nonnulli pro linamento isto proprium aliquod instrumentum adhibent, ex lamina quadam tenui metallica paratum, qua carnes retrahuntur.

magnopere arteriarum vinctura opus videtur. Quum enim angustiores in his ipsis partibus arteriae sint, cohiberi facile sanguis prorumpens solet, dummodo binis istis, vel trinis etiam arteriarum, quae sanguinem fundunt, canaliculis minuta quaedam vitrioli frustula cum multis linamentis rudi modo contortis, vel splenia quadrata firmiter applicantur. (a) Ossibus autem atque carni pulvilli vel fasciculi quamplurimi *e linamentis vel laceratis vel carptis atque siccis*, rudi modo digestis, confecti, injicere convenit. Linamentis his superimponi amplum aliquod *crepitus lupi frustum* sine vel cum fasciculo sive pulvillo stupeo majori debet, involutoque aut per *vesicam* aliquam madidam aut *emplastrum* illud amplum figura crucis melitensis, brachii trunco firmiter contineri. Loco hujus emplastri meliori fere cum effectu duo emplastra longa & angusta in forma crucis, vel tria in forma stellae, trunco imponi possunt, quibus cutis bene deorsum attrahi potest, ut vulnus tantocius ea tegatur & glutinetur. (b) Super emplastra dein *splenium magnum*, crucis melitensis formam habens, sic injicitur, ut partes extremae ab ministro adstante diligenter contineantur & circum brachium involvantur. Denique *splenium quadratum crassum* & postea *trina splenia longa & angusta* sic supra truncum dantur, ut stellae cujusdam formam in ipso referant, extremisque partibus suis sursum in brachio ascendant. Tandem istaec omnia fasciae istius longioris, cujus applicandi modum infra, ubi de fasciis proponemus, descripturi sumus, beneficio quam exactissime deligantur.

IX.

Quam veterum aequae ac recentiorum Chirurgorum non pauci, ad *Sanguinis* cohibendam sanguinis ex amputatis membris profusionem, adhibere *etiam pro-* soliti sunt *arteriarum per cauteria sive ferra candentia adustionem*, hanc *fusio per* ipsam nostrae hujus aetatis Chirurghi non ut aegris tantum molestant & *candens fer-* horribilem, sed & vel maxime dubiam, imo saepe periculosam, in *rum & li-* *mero* praesertim atque *femore* amputato institui prohibent. Fere semper *gaturam* enim post alterum tertiumve diem, praesertim his in partibus, crusta, ferro candente inducta, resolvitur, novaque tunc denuo sanguinis profusio facile concitatur. Si quis tamen eis uti velit, in brachio certe inferiori sive cubito vel tibia etiam haud prorsus sine fructu adhiben-

R r r 2

tur;

(a) CHABERTUS, unus ex chirurgis recentioribus Gallis, in obs. suis chirurg. Paris. 1724. editis, testatur; vitriolum hoc in loco ne quidem esse necessarium, & quod sola spleniola sive linamenta rudi modo contorta & arteriis arte applicata cum idonea vinctura sanguinem hic satis continere queant: id quod, praesertim ubi aegri non adeo robusti, satis efficax apprehendi. Alii ejusmodi acria omnino noxia aut saltem valde fallacia atque incerta pronunciant. Vid. RUYSCH. Epist. de *Nova methodo amputandi*, alique: quia post escharae vitriolo inductae lapsum profusio sanguinis saepe redit.

(b) Hoc etiam valde laudat DRANIUS, obs. Chirurg. Tom. II. pag. 309.

tur; praestat vero antea descriptam sequi methodum, & non nisi in casu necessitatis urere. Quodsi autem, prouti recentiores Chirurgi praecipunt, praecisas etiam in brachio vel tibia *arterias vincire* volueris, id quod tamen in cubiti parte inferiori vix necesse erit, apprehendere singulas vossellae, rostrum corvi dictae vel alius idoneae (*vid. Tab. III. fig. 4. vel Tab. XIII. fig. 5. vel 6.*) instrumento debebis, filoque firmiori & cerato ope acus curvae circumjecto deligare.

X.

*In humero
quomodo
fisti sanguis
per vinculu
ram debet.*

Quoties amputari humerus aliquis debet, eadem fere, ut in brachio, ratione tota instituenda est operatio; nisi quod arteriae brachiales, quarum interdum tantum unica, interdum duae vel tres sunt, vossella idonea comprehendi & filo robusto, acus praesertim curvae beneficio circumducto, vinciri nunquam non debeant. (*vid. No. 9.*) Medicamenta enim & cauteria parum aut nihil hic proficiunt. Deligatis, uti diximus, arteriarum grandiorum partibus extremis, resolvi paululum torcular debet, detectisque per prodeuntem sanguinem arteriis reliquis, similis vincitura institui. Sunt in Chirurgis nonnulli, qui per ipsam arteriam, forcipe comprehensam, filum acus paullo minoris adjumento trajiciunt, antequam nodum injiciunt; sic enim firmiorem institui posse deligationem ipsi existimant, quae non facile cedat. Alii pro vossella valde curvam aliquam acum adhibent, quam cum filo cerato ac robusto per juxta positam carnem duplici punctura utrinque sic transmittunt, ut filo in nodum constricto una cum notabili copia carnis, comprehendi & vinciri simul ipsum arteriae osculum queat, ne arteria a filo facile disrumpatur. Sed praestat tamen, nisi ego fallor, vossellam aliquam ex praeclaudatis ad arterias comprehendendas adhibuisse, & postea, ut dictum est, arteriam deligasse. Namque haud exiguum alias periculum est, ne aut ab ipso arteriae ramulo acus aberret, aut arteria saltem ex injecto vinculo facile rursus elabatur.

XI.

*Quid post
deligationem
fieri debeat.*

Confecto jam, ut supra (*No. 8.*) diximus, *deligationis negotio*, sequitur, ut aegro haustulus vini aut alius confortantis potionis iterum porrigatur, eodemque super lectum collocato, amputati brachii truncus per injectam administri alicujus palmam firmiter aliquot horas continetur. Sic enim non vincitura solum firmitus adhaerescit, sed ipsa quoque sanguinis profusio promptius certiusque quiescit. Tum torcular paulatim relaxari debet, quantum quidem ad conservandum sanguinis circuitum satis videtur. Quibus ita peractis, si nihil amplius sanguinis erumpit, indicio illud est, bene hanc confectam operationem esse. Igitur quies imperari aegroto debet, potionisque loco emulsio quaedam roborans & anodyna identidem praeberi; ut per conciliatum ea somnum & dolores sensim evanescant, & vires amissae redeant.

deant. Altero die denuo relaxari paululum vel etiam, omnino tolli torcular debet, exactissimaque victus ratio homini aegro praescribi, qualem videlicet adversus periculosissima *caloris, febris ac profusionis* sanguinis incommoda graviter vulneratis supra jam praescripsimus: (P. I. Lib. I. cap. I. No. 43.) sique simul pulveres & potiunculae temperantes ordinantur, & in aestu majori aegro sanguis e venis educitur, tanto melius ea mala avertere possumus; Sed ubi aestus & abundantia sanguinis defunt, venaesectio promiscue non est necessaria: quia aegros jam debiles, nimis debilitat. Quodsi autem *novum aliquod sanguinis profluvium* exoritur, quod per manus ad truncum applicationem aut etiam novo adhuc eoque crasso superinjecto splenio cum fascia nova paullo arctius adstricta cohiberi nequeat, (id quod tamen saepius suffecisse observavi) claudi rursus torcular oportet, resolutaque deligatione priori arterias quam solertissime filo constringi, vel, praesertim si arteriae apprehendi nequeant, ferro aduri, vel etiam multis linamentis rudi modo convolutis probe obturari, & vulnus denuo, ut docuimus, accurate deligari, truncumque dein diutius paullo comprimi, donec sanguis quiescat.

XII.

Ac prima quidem *vinctura*, nisi forte gravis aliquis dolor, inflammatio, vel sanguinis profusio simileque malum aliud inciderit, *resolvi* ^{Quandonam & quomodo innovari deligatio debeat.} *numquam ante tertium vel quartum diem debet*: quo nempe firmiter ac certius arteriarum praecisarum oscula conserveant. Neque alienum hic fuerit, ministrum aliquem juxta aegri lectum per octiduum constitutare, qui semper vigilet, & torcular protinus injiciat, sicubi forte sanguis denuo proruperit, quique interea Chirurgum pro nova ligatura injicienda accersi curet. Si autem omnia recte se habent, deligatio quoties innovatur, quam lenissime removeri singula debent, quaeque vulnere proxima sunt, prorsus non attingi, nedum violenter abstrahi; ne scilicet sanguis denuo irritetur. Praestat enim, tantisper ea super vulnere relinquere, & in quavis deligatione vino vel spiritu vini calido humectare, donec sua sponte suppuratione facta tandem solvantur ac decidant. Fereque sufficit postea reliquo curationis tempore non nisi post alterum diem *vincturas* resolvere, vel solum semel quotidie, nisi largior forte suppuratio, praesertim aestate, illud bis requirat.

XIII.

In ipsa autem *vincturae* innovatione haec imprimis necessaria est observatio. Nempe vulnus ante omnia linamentis blande expurgatur, novaque linamentorum carptorum glomera sive fasciculi plani ^{Quid in deligationis innovatione factu opus sit.} (*plumaceux*) supradantur. Atque horum quidem infima sive ipsi vuln-
neri proxima unguento digestivo madida, reliqua autem sicca esse

convenit. Linamentis carptis tria, quatuor vel sex emplastra pedem quasi longa, digitumque vel pollicem lata in formam stellae disposita, ex empl. diapalmae vel Andreae a cruce similique glutinoso alio confecta superimponuntur. Super emplastra denique splenium quadratum crassum & postea tria longa & angusta splenia, in stellae formam disposita, cum fasciis, eodem, quem antea posuimus, modo deligantur. Continuato sic per quindecim circiter dies deligationis hujus negotio, linamentorum ac spleniorum non amplius tanta copia requiritur quam in principio; neque tam arcta & accurata deligatio: siquidem tunc nullum amplius profusionis sanguinis periculum superest. Sed vulneris curatio continuatur per unguentum digestivum vel balsamum vulnerarium, paucis linamentis & emplastris, cum splenio quodam superinjectis; tandem linamenta carpta sicca cum emplastro supradantur, ipsumque vulnus, perinde ut in reliquis vulneribus fieri adsolet, tandem sic exsiccatur & glutinatur. Fere semper autem binis circiter mensibus glutinatio istaec absolvitur. Ceterum illud breviter adhuc hic admonendi chirurgi sunt, ut scilicet primas deligationes, praesertim in humero aut femore amputato, nunquam ante instituant, quam torcular fuerit, ad praecavendam sanguinis vim ac profusionem, applicatum; vel saltem arteria brachialis a ministro in medio brachio ope pollicis probe compressa.

XIV.

Quomodo
sanguinis
fervor de-
liniri de-
beat.

Denique ubi post factam membri amputationem paulo violentior sanguinis motus aut fervor inciderit, prouti quidem in corporibus vegetis, robustis & succi plenis haud raro fieri solet, necessarium utique est, sanguinis affatim ex venis emittere, tum medicamenta temperantia, refrigerantia exactissimamque victus rationem aegrotantibus praecipere. Namque alias ingens periculum est, ne aut febris gravissima, quam *vulnerariam* vulgo hic vocant, aut sphacelus, aut simile his malum aliud sensim ipsum interimant.

Explicatio Tabulae decimae tertiae.

Fig. 1. exhibet *scalpellum minorem*, quo in artuum amputationibus cutis & postea omnis caro commode, imo commodius saepe quam maximis illis curvis discindi potest.

Fig. 2. *scalpellum majorem, eumque curvum, sive falcatum*, quo vulgo in brachiis & pedibus pro carne incidenda utuntur: cui vero plerisque in casibus, si non ubique, minorem fig. 1. aut alium fere similem praefero. Recentiores quidam huic majori varia ornamenta adjiciunt: quae vero supervacanea esse judico.

Fig. 3. *scalpellum ancipitem*, pro discindenda carne brachii crurisque offi-

Fig. 2.




Fig. 4.




Fig. 1.




Fig. 3.




Fig. 6.





Fig. 5.





ossibus intertexta : quod quidem etiam minori & non ancipiti, ut Tab. I. litt. G. aliove simili fieri potest ; itemque in amputatione pedis, ubi fura conservatur, usurpandum.

Fig. 4. *Serrula* delineatur, quae adhiberi ad refecanda artuum ossa solet. Multi duplo hac, quam hic designavimus, majorem adhibere solent ; verum & ferra hujus magnitudinis, vel saltem non multum majori, res perfici satis, imo commodius fere, potest. Varii varia ipsi quoque addunt ornamenta, imo & figuram variant. Verum qui tali instructus est, non indiget hanc rejicere, & novis sumptibus aliam sibi comparare : quia optime id, quod ferra perficiendum est, praestat.

Fig. 5. *Volsella* quaedam exhibetur elatere A instructa, adprehendas arterias rostro dentato B in amputatis brachiis ac pedibus praecisas, quo facilius filo robusto constringi ligarique possint, persistendo sanguinis profluvio.

Fig. 6. Alia species hujusmodi *volsellae* pro eodem scopo & fine adhibenda, ex GARENGEOT ; quae etiam in rostro laevis sine illis sulcis esse potest, ne durius arteriam afficiat.

C A P U T . XXXV.

De pedum ac tibiæ ac crurum amputatione.

I.

Vetustiores equidem Chirurghi quoties amputare pedem, quoad metatarsum vel tarsum, hoc est, quoad partes tibiæ subjectas, corruptum debebant, *scalprum* quoque aliquod magnum cum malleo, vel & *forcipem* quandam praegrandem, robustam & acutam adhibebant, quibus partem corruptam praecidebant, vulnusque deinde probe deligabant, & balsamicis remediis curabant. Luculentus hujus operationis testis atque interpretes SCULTETUS est in Armament. suo Tab. LIV. Verum enim vero quum molesta admodum gravissimisque periculis ob ossium collisionem & ligamentorum, tendinumque ac nervorum lacerationem opportuna istaec operatio sit, visum non sine ratione recentioribus Chirurgis fuit, vel ope scalpelli ossa digitorum a metatarsi ossibus, itemque metatarsi ab ossibus tarfi, imo &, si malum paulo altius ascendit, ipsa priora tarfi ossa a reliquis ac posterioribus, ubi inter se invicem junguntur, caute rescindere, & postea vulnus, ut veteres fecerunt, rursus glutinare ; sic ut super reliquo hoc pede melius, quam super ligneo fulcro aut pede incedere possint. Vel quia multi hic difficultatem

*Quo loco
amputari
tibia de-
beat.*

tem

tem glutinandi & ossa haec obtegendi metuerunt, aut operationem hanc molestiorem cognoverunt, ipsam potius tibiam eamque non in inferiori ipsius parte; verum loco sub patella quatuor circiter digitos posito, praescindere. Tametsi enim sic bona simul atque magna tibiae pars simul rescinditur, longe tamen facilius & pedis deformitas & incessus incommoditas evitantur. Quando enim longiori pedis trunco insistere vel incedere nemo facile potest, neque pes artificialis aliudve fulcrum ibi satis bene firmari, longe sane commodius, amputata in superiori tibiae parte, & quidem ad quatuor digitos transversos sub rotula tibia, ne tendines flexorum ejus, si altius refecetur, laedantur, & abscondi corporis defectus, & genibus adaptari pedes artificiales argentei aut lignei possunt. Non sum equidem nescius, existere adhuc in Chirurgis non nullos, qui cum SOLINGIO, VERDUYNIO & DIONISIO non nisi partem corruptam praecidendam esse statuunt; sed nihil tamen est, quare istorum auctoritatibus moveri magnopere velimus. Praeterquam enim quod in inferiori tibiae parte, hoc est, sub sura difficulter admodum, ut jam diximus, pes aliquis artificialis aut fulcrum firmari potest, certe si reclinatae tibiae isti longiori pes quidam artificialis aut fulcrum aliquod subnectitur, insignis plerumque & deformitas & molestia in ambulando aegris suboritur.

II.

Peculiaris
de tibiae
amputa-
tione obser-
vatio.

Ad instrumenta, operationis item ac deligationis modum quod attinet, idem fere, atque in brachii amputatione, observari hic oportet, nisi quod variae adjungi cautelae propriae circa tibiarum amputationem promereantur. Namque 1) aeger vel in sella sedere, vel in lectulo aut mensa decumbere potest, ita ut pedes exserat. 2) *pili circa locum refecandum novacula auferendi*; ne emplastra postea his fortius adhaereant, & in eis removendis dolor concitetur. 3) Post amputationem arteriae in tibiis obviae difficulter obturari sine ferro candenti aut filo ope acus curvae injecto possunt: quantumvis enim non admodum magnae videntur, sine his tamen praesidiis, fere semper, post injectam vincturam sive deligationem, post aliquod tempus sanguinem effundunt, praesertim si arteria cruralis non simul spleniis angustis & fascia probe compressa sit. 4) *Fasciam autem tortilem sive torcular pro arteria crurali ante operationem comprimenda*, sive illud sit torcular vulgare cum bacillo, sive torcular recentius cum cochlea, sic constringere supra genu convenit, ut fascia quaedam in forma cylindri convoluta in poplite super ipsam arteriam inibi descendentem eidem subjiciatur. (vid. Tab. XIV. fig. 4. D.) Quanquam longe melius mihi videtur, arteriam istam, praesertim si tibia prope genu est rescindenda, injecta femoris parti superiori fascia cylindrica, constringere, (vid. Tab. III. fig. 1. L. M.) ita enim perfecta amputatione deligatio commodius, quam si torcular juxta genu applicatum est, fieri potest.

III.

III.

Aliam eandemque novam tibiæas amputandi rationem PETR. ADRIANSON VERDUNIUS, haud incelebris quondam apud Amstelodamenses Chirurgus, & amicus quoque, dum viveret, meus, in peculiari libello quodam, belgice, germanice, gallice latineque conscripto, circa annum 1696. proposuit, eamque sic cumprimis in notitiam hominum, licet inventor ejus non esset, detulit. Et quamvis varii sint, qui inventionis etiam gloriam hujus operationis Chirurgus cuidam Genevensi, nomine SABOURIN, adscribunt, ut Acad. Regia Parisiensis, (a) GAREN-GEOT, alique, qui eodem, quo VERDUNIUS, tempore hanc operationem Genevæ & postea etiam Parisiis perfecisse dicitur, tamen diu ante hoc tempus, id quod paucis hactenus cognitum esse perspicio, hæc operatio a Chirurgis Anglis, ac nominatim LOWDHAMO & JOUNGIO & peracta & descripta est, ut videre est non solum ex libello anglico, cujus inscriptio est: *currus triumphalis terebinthinae, sive de mirabili virtute olei terebinthinae in sanguinis profluviis*, una cum nova artus amputandi ratione, auctore JACOBO JOUNGIO, Lond. 8. 1679, verum etiam ex KOENERDINGII, Chirurgi quondam Nosocomii magni Amstelodamensis, & amici quoque mei, libello belgice conscripto, *de gangraena & sphacelo*, cruraque amputandi ratione veteri ac nova, 8. Amstelod. 1698, qui quoque eodem, quo VERDUNIUS anno novam hanc operationem bis perfecit. Cujus equidem summa eo fere redit: scilicet *fura* scalpello Tab. XIII. fig. 3. adhibito a tendine Achillis refecatur, ac deinde secundum longitudinem sursum versus inciditur & a tibiæ ossibus separatur ad illum usque locum, juxta quem ferra rescindi ossa debent. Conf. Tab. XIV. fig. 5. 6. 7. Deinde caro furæ propendens. (fig. 6. A) ope linteoli a ministro versus poplitem reclinatur. Mox & in anteriori tibiæ parte posita cutis & ossibus interposita caro, ut alias fieri solet, apto scalpello (Tab. XIII. fig. 1. vel 3) dissectantur, amputatisque eis ope ferræ, ceu supra præscripsimus, fura reclinata trunco tibiæ ope spongiæ ac spiritus vini prius mundato, adaptatur, & quasi plumaceolus solertissime obducitur, & si quid nimium aut inaequale est, refecatur, emplastrisque glutinosis, vel etiam una alterave futura firmatur. Denique splenia cum vesica humida & fasciis eo fere modo superinjiciuntur, quem supra jam in amputationibus generatim retulimus; vel peculiari machina ex corio, loris & fibulis, quæ VERDUNIUS & GARENGEOT delineant, firmantur, truncusque cruris manu ministri per aliquot horas, donec hæmorrhagiæ metus præteriit, probe comprimitur: adhibito simul eundem in finem torculari cum cochlea Tab. V. fig. 6. vel Tab. VI. fig. 1. His ita jam

Tom. II.

S s s

con-

(a) An. 1702. in observ. anatom. pag. 43. edit. Amstelodam.

confectis multiplici hominem aegrum commoditate beari, auctores laudati existimant. Neque enim 1) suram solum praestare, ut, compressis arteriis, absque medicamentis adstringentibus, & absque omni & adustione & ligatura arteriarum supprimi sanguis valeat; sed & vel maxime 2) ut ne, ossibus resectis carne mox rursus obtectis, suboriri facile caries possit: id quod alias haud raro contingit, & curationem valde protrahit. Tum 3) suras cum ossibus truncatis quam facillime, ope praesertim balsami vulnerarii, in sequentibus deligationibus adhibiti, confervescere, itaque glutinationem valde hoc ipso accelerari. Denique 4) carnem illam ossibus praecisis, sanato aegro, ad pulvilli instar subjectam mirum quantum ad incessus commoditatem facere; praesertim cum reclinare tibiam haud necesse sit, ut alias vulgo fieri solet; sed instrui quam aptissime machinamentum ex ligno levi excavatum posse, ut directo ingredi pede quodam artificiali, quasi naturali, possit. Caro ista, quando fasciae solvuntur, a ministro semper probe sustinenda, & versus resecta ossa premenda est, ne decidat atque sic glutinationem turbet aut impediat. Luculentius ista singula in superius laudato libello suo VERDUNIVS explicavit, tabulisque aeneis quamplurimis designavit.

IV.

*Eam rursus
deseruit.*

Quamquam autem non dictus solum VERDUNIVS, sed alii quoque Chirurghi haud infeliciter aliquoties istam operationem instituerunt; tamen quam paucissimi extiterunt, qui approbare illam, aut in Chirurgorum scholas loco priorum curandi rationum hucusque intrudere sustinuerunt. Praeterquam enim quod & Angli & ipse VERDUNIVS atque KOENERDINGIVS postmodum ab illa abstinuerint, atque aeger in quo SABOURINUS operationem hanc Parisiis instituit, mortuus sit, (a) sane non prorsus ejusmodi exempla Amstelodami defuerunt, ubi in curatione & post absolutam glutinationem quidam velut ossium aculei ex ossibus prominuerunt, compunctisque partibus mollioribus, acutissimos dolores atque alia id genus mala moverunt: ut taceam, quod SABOURINI aeger plus sanguinis, quam alias perdi solet, perdidit, aliaque incommoda, quae haec operatio aliquando post se trahit, & quae KOENERDINGIVM, ut consuetam huic novae praetulerit, commoverunt; quemadmodum in laudato ipsius libello ea prolixius exponit. Sed quicquid tandem harum rerum sit, GARENGEOTIVS certe, chirurgus gallus ex recentioribus, cui JOUNGH & KOENERDINGII laudata scripta ignota fuisse videntur, denuo laudare operationem hanc & quasi postliminio instaurare nullus dubitavit. (b) Fuerunt enim, ut idem perhibet, in Gallia homines, qui usque adeo felici-

(a) Testibus actis Acad. Reg. Paris. Ann. modo citat.

(b) In operat. Chirurg. cap. de tibiae amputatione.

ter curati ista ratione fuerunt, ut non incedere tantum commodissime, sed quam expeditissime quoque saltare potuerint. Requiritur vero ut hi homines ceterum sint sani, & causæ, quæ extirpationem membri postulant, externæ, si felicem ejus successum sperare velimus.

V.

Ultimo denique notandum, quod hæc operatio non solum in tibia peracta sit & succedat, ut plerique recentiorum existimant; verum quod eadem *etiam in brachio*, relicta parte carnis & cute, pro resectis ossibus postea contegendis, & fieri possit, & quoque haud infeliciter peracta sit: id quod non solum ex JOUNGII & KOENERDINGII libellis, verum etiam ex RUYSCHII epistol. problem. XIV. *de nova artuum decurtandorum methode*, addisci potest: ubi RUYSCHIUS operationem ejusmodi, se aliisque præsentibus, a VERDUNIO & BORTELIO, VERDUNII genero, feliciter institutam describit.

C A P U T XXXVI.

De femoris amputatione.

I.

Quotiescunque tibia ad ipsum usque genu aut femur corrupta, vel ipsum quoque femur in parte inferiori, propter cariem, sphacelum aut collisionem insanabilem arteriaque cruralis læsionem aliquam graviter affectum deprehenditur, amputari utique aliquando femur ipsum oportet. Quæ quidem operatio dici vix potest, quam anceps sit atque periculosa; præsertim ubi paulo altius immitti feramenta debent. Neque enim gravissima solum, propter grandiorum arteriarum amputationem, sanguinis profluvia quandoque concitari hinc solent, sed ipsæ quoque aegrotantium vires per nimiam materiae ex amplissimo vulnere istoc quotidianam inter curandum effusionem ita mirifice debilitari, ut quamplurimi confici sensim in ipsa curatione consueverint. Quoties igitur rescindi femur debet, prospiciendum omnino Chirurgis est, ut, quantum quidem fieri potest, proxima genibus eademque tenuissima femoris parte, trium scilicet quasi digitorum spatio a genu, rescindatur, cutisque & carnis quamplurimum conservetur: sic enim facilius sustineri ab hominibus curatio istaec violenta poterit, & longe facilius ac citius a chirurgo sanari.

II.

Et fascia quidem cylindrica, quæ ope torcularis, vel vulgaris, vel trochlea instructi, arteriam cruralem comprimere debet, sic fere applicari

plicari in femore debet, ut supremam atque internam, hoc est illam femoris partem, in qua muscoli vasti interni caput, & musculus triceps se contingunt, quam exactissime comprehendat. (vid. Tab. III. fig. 1. litt. L. M.) Maximum enim alias periculum est, ne, prout olim ante adinventum torcular quam saepissime contigit, gravissima sanguinis ex ampla istac arteria profusio aegrum hominem etiam in ipso opere subito interimat.

III.

*Amputatio
ac deliga-
tio quomodo
fieri debeant.*

Ad ipsam autem femoris amputationem quod attinet, nihil denuo fere hic praeciendum restat; namque eadem prorsus atque in manibus, brachiis ac tibiis amputandis observasse hic expedit. Hoc tamen hic quam maxime observandum, primo, ut pili abrasantur, deinde ut, postquam cutis cum pinguedine scalpello minore Tab. XIII. fig. 1. aliove simili in circulum est incisa, eae, quantum fieri potest, prius adhuc sursum trahantur, quam muscoli aut carnes dissecantur: deinde hae carnes juxta oras cutis resectae superiores, adeoque altiori in loco, quam cutis principio fuit incisa, secunda quadam sectione vel eodem minore scalpello, vel eo, qui Tab. XXII. fig. 7. repraesentatur, vel magno & incurvo illo Tab. XIII. fig. 2. ad os usque undiquaque rescinduntur: quo fit, sicut alias jam diximus, ut resecto osse femoris in sanatione vulneris truncus hujus ossis tanto citius carnibus & tegumentis longioribus relictis contegi, caries ejus praecaveri atque glutinatio totius vulneris multum accelerari queat. Nisi enim hoc probe observetur, sed muscoli una cum cute una eademque sectione discindantur, ut alias factum est, muscoli hic dissecti fortissimi tantopere sursum retrahuntur, quemadmodum saepius vidi, ut os femoris post alteram tertiamve deligationem ad duorum imo trium transversorum digitorum longitudinem super carnem instar baculi cujusdam eminerit. Quo vero in casu semper multum temporis requirebatur, donec carnes eousque crescere seque extendere potuerint, ut truncum ossis denuo obtegere valuerint: quod ipsum vero aegros valde debilitavit, multosque confecit. Antequam vero truncus ossis non obtegatur, etiam vulneris glutinatio non est speranda. Deinde quoque *sanguinis profusionem*, propter insignem arteriae amplitudinem, suppressere vix aliter, quam per ejus vincturam ope fili circumjecti eamque accuratissimam licebit: quae propterea summa hic cura est instituenda: praeterea scilicet arteria ope forcipis vel tenaculae Tab. XIII. fig. 5. vel 6, eaque filo robusto circumducto probe constricta. Si plures arteriae hic sanguinem fundunt, illae quoque, si majores, ligandae; sin vero exiguae, ligatura haud opus est, sed linamenta contorta, vel frustulum vitrioli plerumque ad eorum fluxum impediendum sufficiunt. *Deligatio* eo fere modo instituitur, quem supra jam in humeri amputatione

ne praescripsimus; nisi quod major hic linamenti carpti crepitusque lupi copia, major vesica, vel majora item emplastra & splenia, longiores denique & ampliores fasciae hic opus sint, & in femore arteria cruralis longo, angusto & crasso splenio, ope peculiaris fasciae sit modice comprimenda; vel ipsum torcular Tab. 5. fig. 6, vel Tab. VI. fig. 1. aliquamdiu injiciendum. Simulatque dein lecto impositus aeger est, subjicere femori resecto pulvillum aliquem convenit, quo scilicet probe elevatum & sic mitior sit sanguinis in erecto femore adversus oras arteriarum impetus: id quod ad sanguinis profluvium avertendum egregie facit. Truncus deinde administri manu diu comprimi & omnia reliqua eadem fieri debent, quae in humeri amputati curatione memoravimus.

IV.

Quodsi brachii vel pedis pars aliqua per glandem vel globum tormenta-^{Quid post} rium ablata, vel $\text{\textcircled{S}}$ per rotam aliquam molarem similique alia machina^{ablato per} aut ratione fuerit dilacerata ac discerpta; id inprimis sibi datum Chirur-^{globum ar-} gus existimet esse, ut 1) per injectum protinus torcular sanguinis^{tus fieri de-} profusioni succurrat; deinde 2) ut prominentes e carne ossium partes, si quae sunt, ferrae aut forcipis praeacutae instrumento auferat, itaque anteriorem ossis partem prorsus aequalem reddat, ne aculei ossium supra carnes emineant. Quodsi vero nihil ossis eminet, etiam nihil auferendum est. Denique 3) ut arterias praecisas vel compressione ope linamentorum contortorum ac spleniolorum, vel ope fili circumjecti, vel etiam, ubi res id exigat, ferro candenti, prouti- quidem vulneris modus & locus aliaeve res circumstantes id postulare videntur, quam diligentissime adstringat. Cetera autem fieri eadem prorsus ratione debent, quam in aliis artuum amputationibus hactenus proposuimus.

V.

Quamquam autem BOTALLUS, (a) Medicus quondam celebris gal-^{Botalli ar-} lus, novam aliquam mireque, ut videbatur, expeditam artus amputandi ar-^{tificium} tem excogitavit, dum machinam aliquam, gravi admodum eodemque^{perstrin-} praeacuto ferramento instructam fabrefecit, cujus adjumento, per^{gitur.} illapsum ab alto ferramentum istud grave in locum resecandum, magna vi praescindi membrum, sine ferra & scalpellis, quam celerrime & uno quasi ictu possit, & HILDANUS etiam hanc amputandi rationem imitatus sit; prudentiores tamen Chirurgi plerique fere omnes non sine ratione ab istoc artificio abstinere. Namque verendum magnopere est, ne forte, propter nimiam istiusmodi violentiam, graviter ipsa ossa diffindantur atque collidantur.

(a). Libro de vulneribus schopetorum.

Membra ar-
tificialia
quomodo fieri
debeant.

Postquam rite glutinatus membri truncus est, haud alienum vide-
tur, *membrum aliquod artificiale vel ex argento*, pro magnatibus, *vel ex*
ligno etiam pro aliis *construere*, ipsique trunco per lora & fibulas, vel
etiam per machinas elasticas sic adaptare, ut & deformitas tolli, &
naturalis membrorum usus quodammodo instaurari possit. Quod ipsum
equidem qua fieri ratione debeat, non PARAEUS tantum, HILDANUS
ac SOLINGIUS, sed recentiorum quoque *mechanicorum* nonnulli quam cu-
riosissime demonstrarunt. Ceterum si quibus forte angusta res domi
est, hi rudia tantum fulcra sive grallas in parte superiori excavatas,
pro genu apte recipiendo, pedibus amputatis succingunt, ut iis quali-
tercunque incedere queant.

VII.

Quomodo
caries tol-
lenda sit.

Denique ubi forte *caries* quaedam in amputatorum ossium extremis
nascitur, prout fieri quam saepissime adsolet, quantopere etiam Chi-
rurgus illud cavere studeat; necessarium utique est, (licet plerique
chirurgi hac de re fileant) quia glutinationem impedit, eam aut
euphorbii pulvere, aut ferro aliquo candente tollere, aut denique,
quod optimum mihi videtur, partem corruptam ferramento abradere:
ita tandem ea ablata brevi caro cum osse rursus conservet, & vulnus
glutinatur, quod quamdiu caries adest, obtineri non potest.

C A P U T XXXVII.

De brachii in ipsa humeri junctura amputatione.

I.

Instituti
ratio expo-
nitur..

TAmetsi nec egomet brachii in ipsa humeri junctura amputationem
unquam instituerim, neque ab aliis Chirurgis, nisi forte ab unico
DRANIO (a) institutam, atque secundum hunc etiam a GARENGEOTIO,
(b) licet illum haud nominet, descriptam legerim, haud tamen abs re
fuerit, breviter hic ea, quae laudati auctores hanc in rem memoriae
tradiderunt, proposuisse.

II.

Quandonam
institui ope-
ratio ista
debeat.

Fere duplex autem, ut hi monent, incidere casus solet, in quo sus-
cipi gravissimā istiusmodi operatio debet. Primus est, si suprema hu-
meri pars per globum igniarium (*bombe* vel *grenade*) similique alia vio-
lencia

(a) Observat. chirurg. 43.

(b) In operat. chirurg. cap. 54. edit. I. et deinde etiam in edit. II.

de brachii in ipsa humeri junctura amputatione. 511

lencia vehementer contunditur, colliditur ac deteritur. Alter casus est, si caput humeri per vitium aliquod internum, tumorem puta sive intumescentiam capitis humeri, spinam ventosam, cariem, vel abscessum etiam, corruptumprehenditur. Cui forte addi posset *sphacelus humeri*, qui ad hujus juncturam se extenderet.

III.

Ante vero, quam periculosa ac difficilis ejusmodi operatio instituitur, praeparanda probe singula sunt, quae ad eandem peragendam necessaria videntur. Tum collocandus in sella quadam commoda, & ob-
Quid fieri ante operationem debeat.

IV.

Simulatque jam rite collocatus aeger est, extendi & contineri gn-
Quid primo loco fieri in operatione debeat.
viter ab administro brachium laesum debet, veraque arteriae brachialis sedes pone axillam quam curiosissime pervestigari: qua vero in re scientia anatomica Chirurgum egregie juvare potest. Sicubi autem reperiri eadem, propter graviores tumorem, nequit; incidere utrinque carnem secundum brachii longitudinem convenit, ita ut os humeri per vulnera chirurgi digitis tangi atque ex hoc de situ arteriae judicari queat. Detecta sic, quemadmodum diximus, brachiali arteria, acus quaedam praegrandis (a) cum annexo funiculo vel filo lineo robusto, e sex vel octo filis composito & cerato, per carnem binos circiter digitos infra axillae sinum positam juxta os humeri, inter hoc & arteriam brachialem trajicitur, cavendo ne arteria hac acu laedatur, demissoque, ut laxior cutis fiat, brachio, funiculus transmissus in nodum aliquem chirurgicum constringitur. Quo facto dispicitur, num in propinqua brachii vel humeri parte pulsus arteriae conquieverit, nec ne. Namque ubi is conquievit, indicio illud est, satis jam adstrictam filo isto sive vinculo esse arteriam. Ubi vero sanguinis pulsus aliquis adhuc superest, arctius paulatim adstringi funiculus transmissus debet, donec pulsus omnis evanuerit. Atque tum alter etiam, itemque tertius sive solubilis & cum annulis sive habenulis quidem, fieri nodus debet; ne relaxari facile vinctura queat.

V.

Porro circa ipsam operationem triplex imprimis necessaria videtur ob-
Observatio circa ipsam operationem necessaria.
servatio. Namque postquam praedicta ratione arteria constricta est, ut a sanguinis profusione securi simus, providendum solertissime est,

1)

(a) DRANIUS recta acu usus est; GARENGEOT curvam commendat, ut Tab. XIV. fig. 10. videre est.

1) ut cutis & caro sufficiens in humero relinquatur; deinde 2) ut caro quam aptissime incidatur; & denique 3) ut ipsum ossis corrupti ligamentum in articulo incidatur, os deinde ex scapulae sinu solvatur, eximatur atque tandem omnino rescindatur. Quae quidem singula ut expediri feliciter queant, operam dare Chirurgos oportet, tum ut veram acromii sedem curiose pervestigent; tum ut cutem, quantum satis est, retrahendam curent; tum & denique ut loco binos vel trinos digitos transversos subter acromium posito scalpellum pro carnibus dissecandis immittant. Sic enim bona muscoli deltoideae pars servatur, cujus beneficio non expleri solum cavus humeri sinus, sed accelerari quoque vulneris glutinatio mirifice possunt.

VI.

Quomodo
fieri ampu-
tatio de-
beat.

His rite jam ponderatis scalpellum acutum, ut Tab. XIII. fig. 1. aut Tab. XII. fig. 14. exhibet, vel aliud simile in manus sumitur, ejusdemque subsidio cutis cum pinguedine ipsoque musculo deltoideae jam jam designato loco inciditur. Mox leniter brachium attollitur, ut facilius & reperiri & abscindi muscoli bicipitis capita possint. Si quid autem forte sanguinis ex praecisis venarum atque arteriarum minorum ramulis erumpit, quod impedire operationis negotium quodammodo possit, admoventi protinus a ministro quodam vel nudus digitus, vel *glomera ex linamentis, vel minuta & crassa spleniola* debent, ut his oras arteriarum sanguinem fundentium comprimant. (a) Tum ipsum articuli ligamentum in parte primo superiori, dein utrinque quam prudentissime discindendum, emotoque sinistra manu ossis humeri capite, reliqua etiam summa cura, ne ipsa arteria brachialis discindatur, resolvenda atque dissecanda, quae humeri caput illud quaquaversum cingunt. Namque sic explorari simul illud poterit, num etiam accurate satis adstrictae sint arteriae. Cavendum dehinc solerter quoque est, ne deligatam cum arteria cutem & musculos temere praecidamus. Itaque cutis utrinque sic ab osse humeri resolvitur, ut frustum aliquod fere triangulare prope alam remaneat, cujus pars juxta ipsam axillam amplissima, pars autem inferior sive exterior angustior quodammodo sit, atque muscoli deltoideae formae quasi accommodata; & sic ipsum membrum penitus tandem abscissum est.

VII.

Post ampu-
tationem
quid factu
opus sit.

Amputato, sicut indicavimus, humero, sequitur, ut arteriam in propendente carnis frustulo deligatam pervestigemus, trajectoque cutem inter & arteriam ope acus curvae minoris Tab. VI. fig. 5. paulo

(a) Quodsi vero magna arteria adsit, quemadmodum ejusmodi saepius adesse solet, ea submissa prius acu curva paulo minore filo circumducto constringenda esset.

lo supra priori ligatura funiculo, quam exactissime denuo deligemus. Tum vinculum primum, quippe quod ipsam simul cutem comprehendebat, dissolvitur, ne scilicet gravis ac periculosa inflammatio quaedam inde exoriatur.

VIII.

Dehinc veniendum ad ipsam *deligationem* est: quae sic instituitur. *Deligationis ratio.* Nempe protinus trunco plumaceolus lineus, (*plumaceau*) arteriis autem splenium aliquod, ad protegendam arteriae vincturam, injiciuntur. (a) Deinde pars cutis inferior sursum, superior vero una cum deltoide musculo deorsum versus adducuntur, injectisque linamentis carptis ficcis quamplurimis emplastrum aliquod, crucis melitenensis formam prae se ferens, pro his firmandis injicitur. Super emplastrum hoc splenium aliquod quadratum, crassum atque amplum imponitur; axillae autem splenium aliquod rotundum aut teres subjicitur, quo nempe facilius sustineri absque periculo arteriarum pulsus queant. Singula ista splenio quodam duplicato, crucisque melitenensis figuram habente, conteguntur; sed ita tamen, ut bina simul alia splenia duas circiter ulnae partes tertias longa, quatuorque digitos transversos lata supradentur. Positura spleniorum haec est: Nempe splenium primum oblique super truncum sic imponitur, ut altera eademque anterior ejusdem pars super humerum integrum, altera vero eademque posterior pars quinque circiter digitos infra integram axillam posita sit. Spleniorum alterum super truncum & splenium primum, sed decussatim injicitur. Denique splenium tertium idemque ceteris amplius sic supra reliqua datur, ut eadem contegat, decussatimque super humerum sanum transeat. Tandem fascia illa, quam *spicam descendentem* Chirurgi appellant, nos autem inferius descriptam dedimus, ad firmandam deligationem sic injicitur, ut splenium crassum seu pulvillus sub axilla integra prius applicentur, ne venae inibi positae nimis fortiter per eandem comprimantur, & fascia tanto aptius circumduci queat.

IX.

Haecenus descriptam operationem in nobili quodam Gallo DRANIUM *Exemplum operationis* patrem, consentientibus & praesentibus praestantissimis Parisiensium Chirurgis, MARESCHALLO scilicet, ARNOLDO, LAPEYRONIO, PETITO, MERRYO, aliisque haud infeliciter aliquando, ob cariem (seu potius *spinam ventosam*) in parte suprema humeri, haud infeliciter aliquando

Tom. II.

Ttt


per-

(a) Utilius esse existimarem, si plumaceolus & splenium hic non arteriae & ossi adhiberentur. sed carnes mox scapulae sinui, ac deinde carnibus linamenta & splenia applicarentur: ita enim melius citiusque carnes cum ipso confervere possent: id quod interjectis iisdem impediri videtur.

perfectisse, & DRANIUS filius & GARENGEOTUS referunt, (a) aegrumque perfecte convaluisse. Attamen posterior horum in altera operationum chirurgicarum editione addit, nobilem illum, post sex a perfecta illa curatione menses, ex abundantia sanguinis mortuum esse. (b) GARENGEOT etiam docet, hanc operationem quoque in abscessu juxta articulum humeri instituendam esse. Utrum autem propter simplicem aliquem abscessum usque adeo periculosa ac difficilis suscipi operatio debeat, hoc prudentioribus Chirurgis definiendum committo.

Explicatio Tabulae decimae quartae.

- Fig. 1. ostenditur, quomodo in *refecanda manu vel brachio aeger*, Chirurgus & praecipui ministri sint collocandi. A aeger; B Chirurgus ferra manum corruptam refecans; C minister manum sustentans; D minister brachium amplectens; E minister corpus aegri firmans & torcular simul gubernans. F Patina subjecta pro sanguine excipiendo.
- Fig. 2. repraesentatur *situs*, qualis in *tibia amputanda* aegri, chirurgi & ministrorum praecipuorum esse debeat. A aeger in sella, B Chirurgus, C minister pedem infra furam, D minister pedem supra genu sustinens. E Vas subjectum, quod sanguinem forte profluentem suscipit.
- Fig. 3. litt. A ostendit *locum*, ubi *crus*; litt. B vero ubi *femur commodissime aufertur*. Quodsi tamen malum jam magis ad superiora se extendit, etiam in altiori femoris loco, majori vero cum periculo, amputatio fieri potest & debet.
- Fig. 4. litt. A *femur aliquod cum crure truncato* B designat: in quo indicatur, ubi torcular CD mox supra genu in tarso vel metatarso, imo &, sed minus commode, crure sive tibia amputanda applicari possit. Deinde etiam aliquo modo hinc simul illud liquet, quomodo *arteriae resectae per volsellam E apprehendi, filumque F*, quo constringendae, eis injici queant. Sunt quidem, qui hunc modum filum arteriae circumducendi carpunt; verum illum bene succedere saepius expertus sum.
- Fig. 5. *qua ratione juxta nonnullos tibiae amputatio cum surae conservatione inchoanda sit*, ob oculos ponitur. Linea a litt. A ad B designat primam incisionem scalpello Tab. XIII. fig. 1. vel fig. 3. aut simili alio instituendam; linea vero BC alteram incisionem, quibus sura ab ossibus cruris separatur; CD denique locum, ubi reliqua carne dissecta amputatio fit. Quidam scalpello ancipiti & acuto fig. 3. in loco litt. C. furam prius perforant, & deinde ad B & A refecando furam pergunt. Sed prior modus mihi magis arridet. Fig.
- (a) Locis antea citatis.
- (b) In fine tomi III. operationum chirurgicarum.








Fig. 6. litt. A indigitatur, quomodo surae pars inferior a crure per duplicem incisionem resecta dependeat, quae in mox subsequente amputatione tibiae a ministro versus poplitem est reclinanda. Ubi postea Chirurgus reliquam cutem & carnem una cum perioestio ad litt. B undiquaque incidit, & postea eodem in loco ossa etiam ferra resecat.

Fig. 7. demonstratur crus recens mutilatum, cum sura A dependente, B os tibiae, C os fibulae resectum indicat.

Fig. 8. ostendit crus hoc modo truncatum, & quomodo sura litt. A parti resectae obducta cum crure mutilato B rursus concreascit. C partem femoris indicat.

Fig. 9. repraesentat, quomodo torcular Tab. V. fig. 6. vel Tab. VI. fig. 1. in cruris amputatione supra genu applicandum. CC torcular cum subiecto pulvillo. D locus ubi eidem lorum vel coriaceum, vel sericeum EE firmiter junctum est. F locus ubi idem in altero latere duobus uncinulis innectitur. G trochlea, qua tensa, arteria sub poplite comprimitur.

Fig. 10. *Acus praegrans curva* sistitur, pro arteria brachiali prius liganda, antequam in junctura humeri brachium amputare volumus; quod tamen etiam acu magna recta fieri potest, qualis Tab. XVIII. delineatur. Utraque acus quoque pro setaceo in cervice excitando servire potest.

PART. II. SECTIO II.

De operationibus chirurgicis, quae in capite instituuntur.

C A P U T XXXVIII.

De fonticulis suturae coronalis.

I.

EXcitari nonnunquam in supremo capite, ubi coronalis & sagittalis suturae committuntur, fonticuli quidam solent. Sed rarius tamen apud Germanos, quam apud Italos & Hollandos operatio istaec instituitur. Quanquam autem Medicorum non pauci inutilem prorsus istiusmodi curationem pronunciant, quum nihil omnino educi ex interiori capite posse arbitrantur; tamen neque alii desunt, qui nobilem ad-

Fonticulus suturae coronalis quisnam usus sit.

modum atque efficacem illam esse non sine experientia atque summa veritatis specie proponunt. Usque adeo, ut, nili forte evidentem experientiae atque auctorum praestantissimorum fidem impugnare voveris, fateri omnino cogaris, fonticulos in capite suscitatos ita comparatos esse, ut miram quandoque in pertinaciori cephalalgia, vertigine, apoplexia, (a) epilepsia, (b) amaurosi (c) item memoriaeque deflectione (d) quamplurimis denique aliis *oculorum* & ipsius *capitis noxis* ac catarrhis pertinacioribus curandis praestare possint utilitatem.

II.

Quis fonticulorum isto
rum pro-
prius locus
sit.

Sed quo facilius detegi accommodatus ad ejusmodi fonticulos locus possit, radi ante omnia supremum caput vetustiores Medici jusserunt, filumque geminum sic super medium caput duci, ut alterum a naribus ad cervicem; a media aure ad mediam alteram aurem alterum extenderetur. (e) Namque ubi bina ista fila decussatim in vertice committebantur, ibi coronalis & sagittalis quoque futurarum commissura, id est, aptissimus ad fonticulum locus subesse arguebatur. Spectare huc istae imprimis figurae videntur, quas SCULTETUS Tab. XXVI. MEEKRENIUS in *observat.* cap. 5. itemque DEKKERUS in *exercit. pract.* pag. 110. suppeditarunt. Verum enim vero si dicendum, quod res est, minus quandoque accurata, quin imo fallax etiam dicta ista futurarum conjunctionem explorandi ratio videtur: siquidem conjunctionis istius positura in multis hominibus variat. Neque etiam usque adeo magni interest, in ipsa futurarum commissura, an prope illam, vel in ipsa etiam futura sagittali fonticulus hic excitetur; praesertim quum inde profluentes humores, maximam certe partem, non tam ex clauso intus cerebro, prout antiquiores Medici autumarunt, quam potius ex externis cranii integumentis proveniant. Aberrasse enim utique veteres censendi sunt, quando dictam istam cranii partem, in qua futurae committuntur, reliquo cranio tenuiorem, aut etiam magis perspirabilem esse judicarunt. Tametsi enim in infantibus cranii quaedam apertura isto loco reperiatur, quam *fontanellam* vulgo appellant, sensim tamen ossa cranii sic ibi concresecunt, ut in adultis suprema ista cranii pars eandem fere semper, ac reliquae, imo subinde majorem crassitiem nanciscatur. Interim tamen haec vera ratio videtur, quare vetustiores Medici in futuris praecipue fonticulos hic excitandos proposuerunt. Ipsas autem futuras harundemque commissuras haud sane diffici-

(a) SCULTETUS obs. 34.

(b) Vid. notatu dignum exemplum in MEEKREN. *Observ. chir.* Cap. V.

(c) Vid. DEKKERI *exercit. pract.* pag. 109. & seqq. ubi de amaurosi & epilepsia admirandae curationes describuntur.

(d) SCHELHAMMER dissert. de Fonticulo futurae coronalis memoriae remedio.

(e) Vid. CELSUS. Lib. VII. cap. 7. n. 15.

difficili negotio explorare Chirurgus poterit, modo cadaverum capita diligenter is, qua data occasione, lustraverit, digitumque semper hominum curandorum capiti admoverit. In plerisque etenim hominibus fovea sive scrobiculus vel prominentia quaedam eo loco advertitur, ubi suturae hae committuntur: eoque in loco fonticulus fieri apte potest.

III.

Atque ut valentior haec medicina sit, *excitari fonticulus per admotum aliquod ferrum candens* solet. Igitur ante omnia superior capitis pars raditur, investigataeque, ut supra diximus, suturarum commissurae locus ferro candenti, forti manu, ad ipsum usque cranium gnaviter aduritur. Et cauteria quidem, applicari hic solita, duplicis potissimum generis sunt: alia enim, cujusmodi MEEKRENIUS & DEKKERUS & nos Tab. III. fig. 9. designavimus, nuda; alia vero, cujusmodi SCULTETUS Tab. I. & nos Tab. XV. fig. 1. & 2. ex AQUAPENDENTE repraesentavimus, tubulis instructa esse consueverunt. Nequa autem forte admotum cuti capitis ferrum candens, nondum absoluta unctione ad cranium usque, extingatur, haud alienum chirurgicae artis professoribus quibusdam visum fuit, cutem capitis supremam idoneo loco vel simplici plaga, ut CELSUS fecit, (a) vel *decussatim prius incidere*, resolutisque plagae illius oris, tubulum (fig. 2.) ipsi cranio prius imponere, deinde ferrum candens (fig. 1.) ita per tubulum istum cranio imprimere, ut, quantum satis est, aduri statim ipsum cranii os valeat. (b) Facto jam quacunque ratione foramine seu fonticulo, pisum aliquod cum unguento digestivo ei inseritur, supradatis emplastro, splenio quadrato, & fascia quadricipiti, qualem infra designabimus. Cetera enim fieri eadem prorsus debent, quae supra jam (Sect. I. cap. XIX.) generatim hanc in rem de fonticulis proposuimus. Sed ne quis tandem ignoret, *quomodo fonticuli isti*, juxta capitis suturas excitati, saepe usque adeo insigniter, sicut tam multi praestantissimi viri testantur, *proficere* adversus tam multas easque gravissimas capitis noxas queant, scire juvat, institutam in capite unctionem ita plerumque vehementem atque efficacem esse, ut, tametsi forte foras per calvariam ex cerebro malignos humores elicere nequeat, fortiter tamen ipsi dolore acerbissimo, quem ferrum candens excitat, uno quasi momento subinde dispellantur, ac revellantur. Ceterum de insigni horum fonticulorum efficacia, praeter jam jam laudatos auctores evolvi adhuc possunt, Marc. DONATUS lib. 2. Hist. miral. cap. 4. M. A. SEVERINUS Pyrot. chir. lib. 2. part. 1. cap. 6. RIVERIUS cent. II. obs. 93.

Ttt 3

AQUA-

(a) Lib. VII. cap. VII. n. 15.

(b) Ita quidem a Mekrenio delineatur, in descriptione vero nullius incisionis ante adunctionem mentionem facit.

C A P U T XXXIX.

De arteriotomia in temporibus instituta.

I.

Arteriotomia quid sit.

Arteriotomiam istiusmodi operationem chirurgicam esse, qua, pro-
emittendo sanguine in salutem humanam arteriae fere ut venae
inciduntur, id ipsa equidem vocabuli potestas statim loquitur. Quan-
quam autem nostris temporibus non aequae, ut olim, frequenter insti-
tui operatio ista, propter & nimiae sanguinis profusionis & aneurysma-
tis metum, solet; tamen, si provide suscipitur, praestantissimorum
Medicorum testimonio admirabilem saepe usum eadem praestat, &
nihil mali post se relinquit. Et *variis* quidem *in locis aperuisse* vetustio-
res Medici *arterias* leguntur; in *fronte* puta, *temporibus*, *pone aures*, in
occipite, *pollicem inter ac digitum indicem*, & si qua loca alia sunt hujus-
modi, ubi eorum pulsus tactu percipi potest. Contra vero Medici
hodierni vix aliam nisi eam incidere arteriam consueverunt, quae in
temporibus sita deprehenditur. Namque ista & facillimo negotio,
quia tactui satis exposita est, & cum minimo profusionis sanguinis at-
que aneurysmatis periculo, quia ossi frontis incumbit, adeoque facile
comprimi potest, incidi solet; ut ut forsitan illud diffiteri nemo pru-
dens facile poterit, longe difficilius plerumque arterias, quam venas
deoperiri: quia haud per visum, sed nonnisi per pulsum suum tactus
ope explorari queunt. Ceterum ne in describendis, quae priscis Chi-
rurgis adhibita legimus, miris arteriotomiae artificiis, utpote obsoletis,
frustra defudemus, eas statim exposituri rationes sumus, quas inire
recentiores Chirurgi in hac ipsa operatione consueverunt.

II.

*Operationis
modus de-
scribitur.*

Scilicet primum est, ut aeger in sella quadam aut in lecto etiam
confideat, ipsumque caput ad alterutrum latus, quam quo arteriam
incidere volumus, inclinet. Alterum est, ut Chirurgus arteriam in-
cidendam diligentissime peruestiget. Itaque hunc in finem longe op-
timum videtur, sicubi is sinistram manum tempori, in quo arteria in-
cidenda, & nunc sursum spectanti admovet, proditamque pulsibus
suis arteriam binis digitis anterioribus paululumque dimotis ita continet
ac premit, ut, situ arteriae probe observato, quam curiosissime im-
mitti in arteriam inter digitos istos phlebotomus possit. Sed paulo
ta-

tamen altius utpote hic, quam in venarum incisionibus, demitti, transversimque sursum adduci, dum retrahitur, ferramentum oportet; quo nempe certius attingi arteria queat; neque nocet, si arteria etiam integra discindatur. Simulatque igitur, incisione sive punctura facta, sanguis valde rubidus ac floridus, attemperato quasi ad singulos arteriarum impulsus motu, prorumpit, dubium non est, quin arteria aperta atque sic rite peracta sit operatio. Sin aliter res sese habet, denuo immitti, atque altius quidem phlebotomus debet; donec vel dissecta vel adaperata esse arteria ex modo dictis signis reperiatur. Quia vero mucro phlebotomi, quod vulgo *lanceolam* appellant, valde tenuis circa ossa capitis facile hic frangitur, usu didici, scalpello consueto chirurgico, quem *incisorium* nominare solent, Tab. I. fig. G. commodius hanc arteriam incidi posse, praesertim si non sursum, sed deorsum fiat sectio. Oportet autem, pro feliciori sanitatis instauratione, sanguinis affatim, id est ad libram circiter, vel etiam, si sanguinis copia urget, ad sesquilibrium ex arteria emittere; alias parum emolumenti praestat. Ut adeo mirum videri haud debeat, quod vetustiores Medici tantisper fluere sanguinem passi sint, dum mente labi homines aegri coeperint. Quod si forte pone aurem vel in occipite, aliove in loco incidi arteria quaedam debet, tum eundem prorsus, quem modo praescripsimus, operationis modum observare convenit.

III.

Postquam sanguinis tantum, quantum Medicus utile esse judicavit, effluxit, veniendum protinus est ad *deligationem*. *Deligatio.* Serviunt huc inprimis *trina* quadrata eademque diversae magnitudinis *splenia*: Quae sic omnino imponere super vulnus convenit, ut minimum infimo, medium medio, amplissimum denique ultimo atque supremo loco applicentur, ut sic fortius arteriam incisam comprimant. Neque alienum hanc ob causam hic est, vel nummum aliquem vel plumbeam laminam splenio infimo aut medio involvere, vel chartae etiam frustum dentibus manducatum & subactum supra ipsum vulnus dare, spleniisque illis diligenter contegere. Sic enim & facilius supprimi sanguis, & fortius contineri adaperata arteria poterit. Atque ut firmitus ea singula vulneri adhaerescant, superinjici denique *fascia* illa debet, quam *nodosam* aut *stellatam* communiter dicunt, pleniusque infra in fasciarum doctrina descripsimus, eaque paullo arctius constringi. Atque sic servari in capite per octiduum circiter fascia illa debet, ut & sanguinis profusio & aneurysma certius avertatur; ubi vero forte relaxata esse advertitur, gnäviter rursus adstringi: donec scilicet penitus ac firmiter glutinata esse plaga deprehenditur.

IV.

Ad arteriotomiae usum autem quod attinet, is equidem ita multiplex *Arteriotomiae usus.*
at-

atque admirabilis a Medicorum nonnullis praedicatur esse, ut nullum fere & oculorum & ipsius capitis ita gravem atque pertinacem morbum, siquidem is a nimia sanguinis copia ortus fuerit, existere posse iidem existiment, adversus quem proficere insigniter operatio ista nequeat: quantumvis etiam inaniter reliqua omnia medicamentorum genera fuerint adhibita. Atque in *vertigine* quidem, *cephalalgia pertinaci*, *epilepsia*, *oculorum suffusionibus* atque *inflammationibus*, a nimio sanguine concitatis, mirifice ut plurimum arteriotomiam valere communis observatio est. Morbum autem *attonitum* sive *apoplexiam* quam expeditissime curari per eandem posse, peculiari scripto quodam scriptor Anglicus recentior demonstrare satagit. (a) Quae quum ita fuerint, haud obscure, meo quidem iudicio, liquet, quid habendum de illorum opinione sit, qui non periculosam modo, sed & venaesectionibus nihilo efficaciorum esse arteriotomiam contendunt: cum plures egregias virtutes annotaverint, & periculum splenis fascia idonea impediri possit. Tametsi eam ob causam neque illud dissimulare egomet ausim, melius & aegris & suae famae istos Medicos consulere, qui in morbis, ubi nullum periculum in mora est, ad arteriotomiam non prius accedant, quam medicamenta reliqua inania esse fuerint experti. Sed quo promptior tandem ex operatione istac salus expectari possit, necessarium utique videtur, solertissimam victus rationem atque alia simul idonea remedia morbo, quo laborant, opposita, aegris imperare.

C A P U T XL.

De Hydrocephalo.

I.

De hydrocephalo interno.

Quoties hominis caput a lymphâ quadam praeter naturam expletum ac distentum est, *hydrocephalum* appellari vitium istud solet. Atque *hydrocephalum* quidem *internum* vocatur, sicubi intus atque in ipsis calvariae penetralibus aqua collecta est; *externum* autem, si cutem inter & calvariam vitiosa ista lymphâ inhaeret. Primum vitii genus vix nisi in infantibus recens natis observatur, idque vel in ipso
ute.

(a) CATHERWOOD nimirum, in libello de nova ratione curandi apoplexiam. Anglice *A New Method of curing the Apoplexie*. Monere tamen hic volui, me bis in apoplexia in duobus aegris diversis, altero sene, altero juvene, & quidem mox in principio hanc arteriotomiam instituisse, non neglectis aliis idoneis remediis; attamen aegri ambo brevi post mortui sunt: hinc inde apparet, etiam arteriotomiam non semper ab apoplexia aegros liberare.

utero materno, vel in partu difficiliore contractum. Consulendus hic praeter reliquos WEDELIUS (a) & RUYSCHIUS est in thesaur. anat. secundo Tab. III. siquidem is luculentam noxae hujus delineationem ibi suppeditavit. Fere semper autem in praecipiti esse infantes ejusmodi solent; sed quo grandius tamen vitium est, eo gravius quoque subesse solet periculum: imo plerumque insanabile prorsus illud vitium esse reperitur. Simulatque enim, deoperto ferramenti capite, lymphaprolicitur, ipsa statim vita simul effugit: prouti quidem diuturnus rerum usus Medicorum filios docuit. Quodsi autem paulo mitius esse malum istiusmodi videtur, tentare utique Medicum oportet, an vinci forte malum medicamentorum viribus queat. Igitur longe optimum fuerit, non crebrioribus solum sed blandis tamen purgationibus infantulum istiusmodi miserum exercere; ut nimirum abduci sensim e capite nocentissimi humores isti queant; sed optimis quoque interim medicamentis confortantibus eundem suscitare: qua in re vero bonus Medicus consulendus. Extrinsecus autem imponi super caput splenium aliquod amplum, vel in aqua calcis vivae, vel in spiritu matricali, spiritu lavendulae aut aqua etiam Reginae Hungariae calida tinctum, haud incommode poterit. Qua autem fascia contineri splenium istud queat, hoc latius equidem eo loco dicemus, ubi de fasciis capitis ex instituto disputabimus.

II.

Hydrocephalum externum quod diximus, in eo potissimum differre ab interno solet, quod externae capitis superficiei molliem conciliat; nam aquae mox sub cute haerent: quum in interno hydrocephalo distentum quidem, sed durum tamen esse caput externe soleat. Ratio utriusque phaenomeni manifesta est ex superius (No. I) adductis. Quanquam autem periculosum esse dictum illud hydrocephalum externum consuevit; fere semper tamen facilius sanari, quam internum potest. At quo majus & quo magis inveteratum est malum, eo difficilius sanatur. Atque incipere quidem curationem a medicamentis tam internis quam externis convenit. Ex internis nobilissima sunt purgantia, diaphoretica, diuretica, roborantia ac digerentia. In externis autem praecipue commendari hic merentur ea aqua iique spiritus, quos adversus hydrocephalum internum supra commendavimus. Hi etenim vel cum linamentis complicatis, vel cum sacculis aromaticis digerentibus, e majorana, origano, serpillio, pulegio, chamomilla, salvia, rore marino, lavendula &c. confectis, identidem calidi supra caput imponi fasciaque firmari debent. HIL-

Hydrocephalum externum.

Tom. II.

V v v

aqua

(a) Lib. de Morb. Infantum, pag. 47.

aqua calcis, spongiaeque subsidio factam fomentationem haud infelicititer aliquando hydrocephalum curasse. Interim tamen praeter jam laudata interna remedia subinde adhiberi simul haud incommode poterit *pulvis nasalis* aut *errhinus* ex majorana, liliis convallium, maro vero, cubebis, hippocastano sive castanea equina, nicotiana rebusque id genus aliis praeparatus. Tum haud alienum quoque erit, ad educendam e capite lympham, tabacum dentibus saepius mandere. Denique non nullius quoque usus hic *spiritus* est *vini rectificatus optimus*; siquidem per ejusdem accensi vaporem & flammam solertissime identidem caput externum foveatur. Quodsi autem dicta ista medicamenta, utut diligentissime applicata, nihil omnino proficiunt; procedendum sensim est ad *remedia chirurgica*. Atque omnium quidem prima hic esse debent *emplastra vesicatoria*, ex *cantharidibus* parata, identidem in inferiori capitis parte, hoc est, pone aures atque in cervice, applicata. Si lenia nimis emplastra ista videntur, *cucurbitulis* exerceri dictae istae capitis partes possunt. PISO certe, prout ipsemet testatur, *fonticuli* in cervice excitati beneficio virum quendam ab hydrocephalo liberavit. Ut proinde nec *setaceorum* quoque usus, utpote quae duplicis fonticuli vices praestant, sperni penitus in ejusmodi noxa debeat. Ceterum sicubi nihil prorsus remedia hic effecerint, antiquiorum Medicorum nonnulli suaserunt, ut *plaga quaedam alta & transversa* in inferiori capitis parte pro aqua emittenda fieret; quae vero, quia facile venas vel musculos laedit, aut prorsus discindit, noxia videtur. Contra longe melius erit si *vulnera longa* quamplurima, sive *scarificationes*, ut vulgo vocant, scalpelli ope deorsum versus in infima eademque maxime distenta capitis parte fiant; ut nimirum commodius sic elici humores isti vitiosi per ea queant. His confectis, linamenta carpta cum digestivo unguento inferi in plagas quotidie debent, & ut diutius apertae conservari eaedem, haerentesque intus humores educi commodius ex iisdem possint, subinde parum *mercurii praecipitati rubri* immittendum. Denique sublato malo, balsamo vulnerario glutinari vulnera; aeger autem non medicamentis solum optimis, sed apta quoque victus ratione uti quam solertissime debet. Exempli hydrocephali referunt PARAEUS, ZACUT. LUSITANUS, KERKRINGIUS alique. Speciatim vero VESALIUS refert, se in ventriculis cerebri hydrocephalo laborantis, novem feri libras invenisse. Anatom. Lib. I. Cap. V.

C A P U T XLI.

De trepanatione, seu calvariae per terebram facta perforatione.

I.

CRanii sive calvariae perforationem, quoniam ipsa terebrae pecu- *Trepanatio*
 liaris seu potius *ferrae rotundae* subsidio, quam latini *modiolum*, *quandonam*
 Graeci *trepanum* appellant, peragitur, *trepanationem* communiter a chi- *necessaria*
 rurgis appellari, in vulgus etiam notum est. Instituire hanc veteres
 non in extrinsecus solum factis calvariae percussionibus; sed in inter-
 nis quoque ac pertinacioribus quibusdam capitis morbis, per medica-
 menta & fonticulos in futura coronali insanabilibus, consueverunt:
 Sic enim promptius evolare posse humores noxios intus collectos atque
 interclusos putarunt. Contra vero recentiores Medici nunquam aut
 rarius saltem ad internos capitis morbos terebrationem instituunt: utut
 in externis ejus percussionibus, quae vel per lapsum aliquem, vel
 jactum, vel ictum, vel glandis plumbeae impetum, vel denique per
 gravem aliquam contusionem aut collisionem infliguntur, qua vel ma-
 nifeste calvariam fractam conspiciunt; vel ubi eam fractam aut fissam,
 aut sub ea humores effusos haerere suspicantur, quos alia ratione edu-
 cere nequeunt, & mors inde esset metuenda, illud faciant. His ete-
 nim in casibus *trepanatio* praestat, ut non excitari solum cranii pars
 depressa possit; (*vid. supra Part. I. Lib. I. cap. XIV.*) sed & vel maxi-
 me educi, quicquid cruoris effusum forte in calvariam advertitur, quod
 gravia symptomata & mortem saepe ipsam concitat. Etsi enim, post
 insignem aliquam violentiam externam, ipsum cranii os non semper
 diffringatur ac deprimatur, saepe tamen fraditur; quin &, cranio in-
 tegro manente, venula quaedam sive arteriola intus haud raro dis-
 rumpitur, effusoque super cerebrum cruore, vel violenta cerebri com-
 motione facta, hujus functiones ita graviter turbantur, ut modo ci-
 tius modo tardius lapsus in terram, vertigines, somnolentia, delirium,
 spasmi, sensuum item loquela ac motionum defectiones, ipsa deni-
 que mors, quemadmodum capite de vulneribus capitis jam dictum est,
 insequantur. Nonnunquam mitius quidem principio cum illis, quibus
 vehementer caput percussum est, agitur; interim si forte vel pauxil-
 lum etiam cruoris collectum intus fuit, cum tempore praedicta mala
 sequuntur, & graviter nihilominus istiusmodi homines periclitantur.
 Quum enim effluere humor vel cruor illapsus nequeat, abesse vix po-
 test, quin sensim is putrefiat, arrosoque ac corrupto cerebro ejusque

membranis gravia mala inducat, ac paulatim hominem interimat. Igitur si quid tale inciderit, ubi remedia parum proficiunt, miserum sed unicum auxilium superest, terebram assumere, perruptoque ea cranio diligenter emittere, quicquid intus effusum aut collectum deprehenditur.

II.

Non festinanter nimis instituenda. Festinandum equidem ad terebrationem istam; sed lente tamen. Vix enim ac ne vix quidem excidi atque ab adnata sibi dura matre resolvi, sine discrimine aliquo aut laesionis periculo cranii portiuncula solet; quantumvis magnam etiam adhibueris circumspectionem. (a) Itaque minus laudabile, ne dicam pessimum, illorum institutum videtur, qui in capitis quibuscunque fere laesionibus festinanter nimis ad terebrationem procedunt. (b) Namque fatius omnino esse puto cum CELSO (c) & plerisque recentioribus quidvis antea medicinae & interioris & exterioris genus, sanguinis puta per venas detractionem, purgationem per alvum, clysteres, remedia interna resolventia, sacculos denique aromaticos digerentes in vino coctos diligentissime adhibere, quam deperperato terebrationis opere aegrum praeter necessitatem in periculum conjicere. Sed ista quidem omnia prolixius jam eo loco declaravimus, ubi de capitis vulneribus ex instituto differuimus. (vid. supra P. I. Lib. I. cap. XIV. No. 36. seqq.) Interim cavendum quoque solertissime est, ne nimia forte cunctatio miserum hominem consummat. Simulatque enim usque adeo gravis esse capitis noxa intelligitur, ut nihil medicamenta & Medicorum studia proficiant, sed malum potius ingravescat, *veniendum protinus ad trepanum est*, ut nimirum depressae cranii partes, ubi sunt, vel eximere, vel rursus excitari, haerentesque intus humores evocari quamprimum possint. Namque tandem hic periculum in mora est.

III.

Anceps valde operationis exitus est.

Fere semper autem anceps ac dubius esse operationis hujus exitus solet. Neque enim divinari unquam a Medicis exacte potest, qualis interna sit capitis ac cerebri conditio sive laesio: utpote quae saepe longe gravior, quam signa externa indicant. Ut proinde mirum videri haud quaquam debeat, si homines terebram experti plerique post confectum trepanationis negotium emoriantur: idque non tam propter operationem, sed propter vehementem laesionem. Sunt in his quidam, qui belle admodum a terebratione per aliquod tempus sese habent, deinceps au-

(a) Vid. FIENUS de Trepanatione, & BOHNII de trepanationis difficultatibus dissertatio.

(b) Inter hos est Cel. Caesar Magatus lib. II. de vulnerib. cap. 41. & Dionis in Chirurg.

(c) Lib. VIII. cap. 4.

autem, praeter omnem plane spem atque opinionem nihilominus exspirant. Causam inopinatae mortis hujus, si gnaviter peruestigamus, geminam ipsam esse deprehendimus. Vel enim cruoris aut materiae aliquid intus adhuc forte delitescit, quod nulla prorsus ratione detegi atque educi potuit, adeoque putrescere paullatimque ipsum cerebrum ejusque membranas inflammare vel erodere debuit. Vel admissum etiam ab aegroto adversus bonam victus & vitae rationem aliquid fuit; dum peracta haud infeliciter operatione, vel per minus salutarem cibum ac potum, vel per aerem minus salubrem, vel denique per affectus animi graviores, cujusmodi venus, terror atque ira sunt, in certissimam desperationis causam convertitur.

IV.

Sed ne quis tandem ignoret, quomodo dicta ista cranii *trepanatio* Ubinam te-rite expedienda sit, operae pretium facturi nobis videmur, si singula-
tim ea describerimus, quae observasse circa eandem Chirurgum con-
venit. Atque prima quidem cura eo spectat, ut, simulatque ad tere-
brationem procedendum esse, secundum haecenus propositas observationes judica-
vinus, locum, in quo applicari ferramentum debeat, curiosissime disquiramus. Commodissimus autem, ubi fissura quaedam adest, nisi forte alia res obstat, terebrationi locus is est, in quo fissura advertitur; vel etiam, ubi nulla vel fissura vel fractura subest, iste locus, qui laesionem aut *plagam expertus* esse vel manifesto reperitur, vel probabiliter conjicitur, & quidem pars ejus inferior. Ubi vero fractura adest, locus fracturae vicinus, & si fieri potest inferior; ut humores effusi, tanto facilius educi queant. Sed si pars ossis fracti tolli & per hanc viam sanguis & frustra cerebrum laedentia educi, modiolosaepe opus non est. Sunt interim *loca quaedam capitis, quibus haud com-
mode admoveere terebram licet.* Sic enim 1) *futurae cranii*, praecipue illa, quae *sagittalis* dicitur, ut HIPPOCRATES jam monuit, (a) terebrationem aegre admodum sustinent: quia dura mater cranio ibidem fortius adhaeret, atque sagittali sinus magnus durae matris subjacet, qui facile, at non sine magno periculo, hic laeditur: utut propter summam forte necessitatem, futurae, praesertim coronali, modiolus aliquando adhiberi (b) queat. 2) Aequae gravis casus videtur, sicubi *medium frontis os*, & praesertim in loco, qui fontanella dicitur, foratur: siquidem & huic sinus sagittalis durae matris proxime subjacet, quem perrumpere pestiferum est. 3) Idem judicium esto de ipsis *ossibus frontis sinibus*. 4) Neque commode instituitur operatio, si talis locus perforatur, in quem *grandior vena vel arteria se demittit*; item 5) si pars ista ob fracturam *vacillat*, vel *cariam aliquam*, ubi ferrum admoveere volumus, sensit: laede-

Vvv 3

retur

(a) Lib. de vuln. capitis.

(b) Exempla habet Berengar. Carpus Lib. de fractur. Cran. Hildanus obs. 8. cent. 2.

retur enim ita cerebrum. Denique 6) aliena etiam proclamata terebratio est, quae juxta *inferiores capitis partes*, praesertim musculis cinctas, temporum item atque occipitis ossa, suscipitur. Verum recentiores non solum decliviora cranii loca, sed & ipsa temporalia ossa, postquam musculum eorum dissecuerunt, trepanationi apta deprehenderunt. (a) Tandem 7) inepta est terebrationi eminentia cruciformis ossis occipitis. Quodsi vero in dictis sedibus istis malum aliquod gravius inest, tum locus ipsi proximus alius maxime idoneus perforandus. Imo *si fractura futuram transiret*, in utroque futurae latere, ad digiti transversi fere spatium cranium perforandum est, ut effusi utrinque humores, vel ossa fracta excitari aut ejici queant. Nonnunquam incidit, ut vera percussione aut contusione sedes nullo sensu nullaque ratione investigari possit, quum aegrotus interim malis gravissimis, vomitu scilicet, sopore, spasmis, feбри, sanguinis ex ore, naribus atque auribus fluxu, sensus denique & loquelae defectione discrucietur. Hic necessarium utique videtur, modo in latere dextro, modo in sinistro, modo in sincipite, modo denique in occipite, ac tantisper quidem ferramentum applicare, donec malorum sedes in conspectum prodeat. Satiус enim & hic videtur, prout optime CELSUS docuit, *anceps experiri remedium, quam nullum*; (b) ne scilicet eorum quicquam omittatur, quae facere quodammodo ad restituendam hominis sanitatem poterant. Neque vero novum prorsus est, terebrationis negotium in uno eodemque aegro aliquoties iterari. Fieri enim quam saepissime solet, ut in manifestissimis etiam capitis laesionibus cruor, festuca ossis vel furculus alio prorsus loco haereant, quam eo, in quem terebram primum demisimus. Hic proinde novam instituere perforationem, & in loco quidem aptiori convenit, donec causa mali inveniat. Mirum itaque videri haud quaquam debet, si non bis tantum vel ter, sed *quinquies* etiam, *septies* vel *duodecies* repetitam in eodem homine trepanationem legimus. Testes sane hujus rei, & omni quidem exceptione majores sunt SCULTETUS *observ. 7.* GLANDORP. *specul. chirurg. obs. 3. pag. 46.* itemque DIONIS in *Chirurgia*; & plures alii. Quin imo vices septies cum fructu repetitam in Comite quodam Nassoviensi trepanationem fuisse, STALPARTIUS VAN DER WIEL *centur. I. obs. 8.* memorat.

V.

Quid post
hoc electio-
nem fieri
debeat.

Delecto jam, cui admoveri terebram convenit, loco, proximum est, ut, quantum sat est, & *caput radatur*, & *cutis* circumspecte *incidatur*; nisi forte hoc jam vel data opera, vel casu etiam, dum plagam

ae-

(a) Vid. Roubault. de vuln. cap. p. 91. & seq.

(b) Lib. II. cap. 10. Pertinet huc Hippocr. Aphor. 6. sect. 1. Ad extremos morbos, extrema adhibenda sunt remedia.

aeger accepit; factum fuerit. Sic autem pro re nata incidi cutis quam aptissime poterit, ut vel crucis †, vel litterae X, V, atque T figuram plaga referat: ea tamen magnitudine, ut coronam terebrae commode recipere queat. Hinc resolvi ab osse per adhibitum scalpellum vulneris orae una cum periosteo debent, apices cutis forfice parum resecari, absterfoque cruore, linamenta carpta contorta larga copia immitti: quo nempe facilius supprimi sanguis oraeque diduci satis queant; quamvis in multis paullo largior sanguinis profusio hic salutaris magis quam noxia esse soleat. Tum splenium aliquod, idemque, ad praecavendam inflammationem, in vini spiritu, vel aqua calcis, spiritu vini camphorato roborata, eisque calidis tinctum, supra vulnus imponendum, fasciaeque capitalis (*Couvre chef* Galli vocant) subsidio gnaviter deligandum. His rite jam, sicut retulimus, peractis, *binæ vel tres*, aut, si paullo mitius malum videtur, *sex, octo, decem vel duodecim horae praetermittendae* sunt, priusquam ipsum terebrationis opus aggredimur: ut sanguis melius subsistat. Quousque enim sanguis ex inflicto vulnere profluit, difficilius expediri operatio solet; quia satis commode, quid agendum, videre nequimus. Interea tamen, si periculum in mora, etiam fluente adhuc sanguine operatio haec instituenda. Sed si forte gravior sanguinis profusio est, quam ut supprimi per linamenta carpta possit, & periculum in mora; haud alienum erit, filo, acus incurvae subsidio (*vid. Tab. I.*) subter arterias, quae sanguinem fundunt, trajecto, diligenter ipsam vincere, aut denique, si haec profusio inter terebrandum forte incidat, aut ubi terebratio valde maturanda esset, eam per depressum inibi digitum ministri aliquamdiu continere.

VI.

Simulatque ita jam deligata capitis plaga est, *instrui protinus instrumeta cum rebus ceteris ad terebrationem necessariis debent*. Primum ac praecipuum in his *trepanum* est, sive terebra cum corona sua. (*vid. Tab. XV. fig. 3.*) Veteres nonnulli trepano quodam sunt usi ad similitudinem fere terebrae vulgatissimae fabrilis, quale apud FABRICIUM AB AQUAPENDENTE, ANDREAM A CRUCE & SCULTETUM *Tab. II. fig. 7.* videri potest, quod unica manu dirigitur, & nostratibus *terebra manualis* (*Hand-Trepan.*) vulgo appellatur, itemque *trepanum AQUAPENDENTIS*. Quia vero variis vitiis laborat, aut saltem illo minus aptum videtur, ut plurimum hodie eo vel simili uti solemus, quod *Tab. XV. fig. 3.* delineavimus, cum habena versatili, quali fere vietores & arcularii utuntur, quod longe aptius est altero, praesertim si corona ejus non, ut olim, cylindrica sit, sive ejusdem amplitudinis, (a) sed ita

(a) Vid. ejusmodi coronae in PARAEO Lib. 9. c. 18. ANDR. A CRUCE in *officin. Chirurg.* p. 14. & seqq. &c.

ita fabricata, ut ad formam conii inversi superius sensim amplior fiat, prout eam fig. 3. A delineavimus, ne tam facile perrupto cranio in cerebrum irruere queat. Hoc ferramenti genus quidam *trepanum* HILDANI vocant: verum CELSUS, ut alios HILDANO antiquiores nunc taceam, illud jam diu egregie novit & descripsit. (a) Corona haec A jungitur habenae in loco inferiori B per trochleam, ita ut pro lubitu inde tolli, & alia (nam variae Chirurgis praesto esse debent magnitudinis) immitti queat. Hanc juncturam quidam recentiorum alio artificio construxerunt, (b) quod praestare existimant; attamen & haec fabrica satis apta multiplici usu deprehensa est. Dici autem *tereбра* ista *mas* adsolet, si corona clavum aliquem acutum sive pyramidalem medio loco prominentem habuerit: (*litt. E*) *tereбра* autem *femina* appellatur, si clavus aut cuspis (*fig. 4.*) per clavem huic scopo accommodatam (*fig. 5.*) fuerit extracta. Deinde peculiare *scalpellum* aliquod requiritur, capite obtuso sive capitulo munitum, (*fig. 6.*) quod nonnulli *scalpellum lenticulare* appellant. Tum instrumentum durae matri deprimendae proprium, (*fig. 7.*) simili lente instructum. Porro *trepanum* seu ferramentum perforans, (*fig. 8.*) quod ipsum, ad terebrationem auspicandam, inferi capulo juxta *litt. B. fig. 3.* consuevit. Dehinc scopulae setaceae, (*fig. 9.*) vel aliae ejusmodi; terebram minorem, qualis est illa, quae Tab. VII. fig. 7. *litt. B* indicatur, aliave similis; scalpellum item, quod *Lancettam* vocant; (c) vectem sive elevatorium, (*Tab. VII. fig. 7. 8. 14.*) *dentiscalpium* e calamo scriptorio confectum; *specillum* apice tenuissimo, varia *linamentorum* frustula, & denique vasculum aliquod cum spiritu vini rectificatissimo: quae omnia uni patinae certo ordine imponenda, ut inter agendum quodlibet mox invenire queat. Ad instituentem autem facta trepanatione *deligationem* spectant linamentum orbiculare, mediocris numuli magnitudinem habens, cui circa partem mediam filum aliquod spithamam longum adnectitur: cujus figura vid. *Tab. XV. fig. 11.* Dehinc glomus quoddam sphaericum e linamentis carptis confectum atque ad dicti linamenti orbicularis magnitudinem accommodatum, itidemque filo instructum. (*fig. 12.*) Tum praeter id ipsum alia eademque varia glomera linea orbiculato sive plumaceoli, pro explendo, quod in cranio factum est, vulnere. (*vid. fig. 13.*) Tandem in promptu quoque sit mel rosarum itemque succini vel mastichis essentia, vel mastichis etiam spiritus; linamenta

(a) Sicut aperte constat ex ipsius Lib. VIII. cap. 3.

(b) Vid. GARENGEOT Tract. de Instrument. Tom. II. pag. 115.

(c) Nonnulli Gallorum ejusmodi scalpellum sive phlebotomum hic desiderant occultatum & linamentis carptis involutum, ut dura mater eo, adstantibus id non percipientibus, deoperiri possit. Rectius vero hoc, ubi opus est, nudo phlebotomo sive scalpello fit.

ta carpta; splenium quadratum; & postremo bene amplum strophium seu mantile quoddam lineum & quadratum ad fasciam capitalem (*Couvrechef*) parandam: quae omnia rursus peculiari patinae ita sunt committenda, ut ordine ea facile reperire queat.

VII.

His rite jam instructis, *veniendum est ad ipsam terebrationem.* Quae *Trepanatio* ut institui promptius atque exactius possit, constitui ante omnia ae-^{quomodo} grotus in conclavi bene temperato, vel super sedili quodam, vel ^{auspicanda} sicubi debilior est, super grabato sic debet, ut accedere ad i-^{fit.} ipsum Chirurgus cum ministris suis quam aptissime queat. Hinc, resoluta vulneris inflicti deligatione, altersoque a calvaria cruore, caput aegrum, quam aptissimo fieri potest, situ, subjectis pulvinaribus disponitur, ministroque firmiter continendum traditur. Mox trepanum perforans, (*fig. 8.*) quod loco coronae A. *fig. 3.* habenae B jungit, circumactione ansae D loco destinato cranii foraminulum imprimit: factoque foraminulo, terebra sive trepanum cum corona mare, (*fig. 3. A*) applicatur. Trepano supremo CC sinistram manum una cum fronte vel mento (*a*) Chirurgus imponat, dextra autem terebrae ansam vel arcum D lente ac circumspiciente tantisper circumagat, donec & clavus medius & corona ferrata sufficiens vestigium circuli effecisse in calvaria advertuntur. Tum enim clavus seu cuspis claviculae (*fig. 5.*) subsidio eximitur, rursusque immissa corona circumspiciente porro manu dextra, quantum sat est, circumagitur: scobis interim per adhibitae scopas fetaceas ac dentiscalpium identidem quam diligentissime cum ab ipso cranio, tum a corona ferrata modiolus etiam removetur, donec tandem scobis rubicunda vel sanguine infecta in conspectum prodierit. Haec enim ad diploën sive mediam atque medullarem cranii partem ferramentum penetrasse significat. Quanquam non prorsus perpetua istaec nota est: siquidem in quibusdam calvariae partibus substantia ista medullaris fere penitus abesse deprehenditur. Simulatque vero scobis cruenta prodit, ferramentum protinus educitur, detersoque prius opè spongiae & spiritu vini sanguine, terebra minor *Tab. VII. fig. 7. B*, in foraminulum medium aliquot gyris intorquenda, rursusque educenda: postea vero corona gnaviter rursus immittitur, atque ita bis aut ter, sed quam lenissime tamen, circumagitur. Mox scobis iterum expurgatur, insertoque tenui specillo seu dentiscalpio sollicite semper exploratur, fatiscne jam perforatum cranium sit, nec ne. Cognosci autem id ipsum felicius haud potest, quam ubi ad ipsius foraminis circularis colorem curiosissime attenderimus. Simulatque enim

Tom. II.

X x x

cir-

(*a*) Plerumque frontem hucusque sinistrae manui imposuerunt; sed mentum imponere, quem modum PETITUS, ut *Garengot* refert, docuit, praestare videtur: quia semper locum perforandum Chirurgus rectius inspicere potest.

circuli ossi insculpti fundus, qui candidus antea fuerat, coeruleus sive gryseus fieri occipit, indicio id est, duram matrem per cranium fere jam perruptum transparere. Itaque cum maxima, quoad fieri potest, circumspeditione agi modiolus debet, ne adnatam ossibus duram matrem corona illa ferrata forte laceret, eoque gravissimam inflammationem aliquam noxamve aliam capitalem moveat. Quod si autem non nisi unus alterve circuli locus nigrescit, quod cranium non aequaliter modiollo attritum esse indicat, inclinare paululum in partes reliquas albicantes necdum satis detritas coronam ferratam convenit lenissimeque, ut antea, tantisper circumagere, dum vacillare sensim orbiculus osseus incipit. Neque enim integrum perrumpi dentatae istius coronae ferreae subsidio cranium expedit, ne scilicet dura mater proxima cum periculo laedatur; sed intorqueri potius leniter rursus in orbiculum osseum labefactatum, qua parte clavus antea insertus fuerat, terebra illa debet *Tab. VII. fig. 7. litt. B.* aliave similis; donec per eandem, circumspecte huc atque illuc dimotam; nec non per admotum simul, si opus est, vectem sive ferramentum elevans eximi os excisum queat.

VIII.

Quid post
absolutam
terebratio-
nem fiat.

Demto hunc in modum rotundo calvariae officulo, sanguis sub eo effusus saepe sponte effluit: quo ablato, proximum est, ut Chirurgus inquirat quam diligentissime, utrum officula soluta sint educenda, an depressa excitanda. Quod si sit, protinus efficiendum erit; sin minus, interiorem foraminis oram exasperatam per adhibitum scalprum capitatum (*fig. 6.*) quaquaversum laevemus; ne qua forte prominentes aculei graviter duram matrem compungant aut laedant. His ita confectis, cruor, si quis intus est, adhuc melius effluit. Sed ut hic exitus promoveatur, optimum hic est, si leniter hinc inde hominis aegri caput movetur, ipsaque mater dura vel per immisum *scalprum illud capitatum sive lenticulare*, vel per *instrumentum pressorium*, (*fig. 7.*) circumspecte deprimitur. Quae ipsa dum fiunt, & cerebrum sic a pondere cruoris aut pressione ossis liberatur, redire paulatim, vel quandoque confestim etiam, ad semet ipsi aegrotantes, sensu antea destituti, consueverunt, quasi ex profundissimo somno expergiscerent. Simulatque igitur animi compotes rursus facti homines sunt; & sanguis satis non exiret, imperare ipsis Chirurgus debet, ut, quanto quidem possunt, nisi magno spiritum contineant, velut ii, qui exonerare duriores alvum cupiunt. Sin minus animi compotes aegri sunt, & sanguis difficulter exit, haud alienum nonnulli esse existimant, pulverem sternutatorium naribus ipsorum subinde admove. Neque enim, nisi, spiritus solum compressio, sed & vel maxime sternutatio ista efficiunt, ut, qui nondum satis per se profluxit; per adhibitam violentiam quandam cruor expellatur; sed anceps valde est hoc remedium.

IX.

Sicubi post perruptum cranium *dura mater* nigra apparet, vel elata, ut quasi *fursum ex foramine prorumpat*; signum id esse solet cruoris vel puris intus sub ea delitescantis. Itaque anceps, sed unicum auxilium est, duram matrem istam, imo ipsam etiam *piam matrem*, si sub hac haereret, quia aliter educi nequit, & certa mors inde expectanda, vitatis majoribus venis, circumspicte immisso phlebotomo vel scalpello deoperire, haerentemque sub ea cruorem vel pus summo studio elicere. Quanquam enim nonnulli durae ac piae matris perforationem, quasi penitus lethiferam, interdictam volunt; tamen, ut meam nunc taceam experientiam, PARAEO (a) GLANDORPIO, (b) COITERO (c), FALLOPIO (d), MAGATO (e), MARCHETTO (f), ROUHAULTO (g.) BLANCARDO (h), aliisque fide dignis auctoribus testibus, sane quam plurimi homines experti citra mortis periculum istiusmodi operationem fuerunt, praesertim si grandiorum arteriarum aut venarum nulla fuerit praecisa. Si qua autem forte *ossium fragmenta* in conspectum prodeunt, quae cerebrum urgent, extrahi eadem aut digitorum aut volsellae adjumento quam cautissime debent: vel, si depressa tantummodo sunt, digitis aut elevatorio sive vecte in situm suum pristinum atque naturalem restitui. Quoties aculeus aliquis duram matrem inter atque cranium inhaeret, qui ex priori foramine istoc educi commodè nequit, iterum atque tertio perforari, pro re nata, cranium debet; donec eximi queat illud omne, a quo cerebrum infestatur. Interdum vero opus est, *ossium partes foraminibus intermediis* si robustae, vel per ferrulam quandam minutam, (Tab. VII. fig. 9.) vel per forcipem aliquam praeacutam, vel denique per scalprium & malleum in eadem tabula conspicienda, vel ubi tenuia, per scalpellum lenticularem Tab. XV. fig. 6. caute excidi ac removeri, ut aculei illi sive fragmenta eximi queant. Tandem ubi forte longior facta cranii fissura fuit, forari utramque fissurae partem extremam convenit. Si qua vero ad plures simul cranii partes fissura penetravit, tum seorsim institui in unaquavis parte fissura terebrationis negotium oportet: quia ubique effusus sanguis sive pus haerere solet.

X.

Ergo quibus artificiis perforari cranium, expurgarique ab intus haerente cruore & ossibus queat, haecenus memoravimus. Sequitur jam, ut ad ipsum quoque *deligationis modum* explicandum progrediamur. Solet autem deligatio hunc in modum institui. Nimirum proxime

*Deligatis
quomodo
fieri de-
beat.*

XXX 2

me

(a) Lib. 9. cap. 21. (b) obs. Chirurg. 4. (c) obs. anatom. & Chirurg.
(d) De vuln. capit. cap. 48. (e) de vuln. lib. 2. cap. 42.
(f) obs. 14. (g) pag. 83. 116. (h) obs. Med. phys. cent. 1. obs. 27.

me super ipsam duram matrem linamentum orbiculare, (*fig. 11.*) idemque siccum, ut commodius cranio submitti queat, sic imponitur, ut filum adnexum e foramine propendeat. Huic postea affunditur mel rosarum paucō spiritu vini dilutum. (*a*) Simili ratione glomus lineum filo instructum, (*fig. 12.*) una cum reliquis plumaceolis seu glomeribus orbicularibus lineis injicitur, (*fig. 13.*) donec foramen repletum sit. Supra ipsum cranium & vulnus externum linamenta carpta in unguento quodam digestivo leniori vel rosarum etiam melle tincta; nec non splenium quadratum spiritu vini calido vel aqua calcis & spiritu vini camphorato madens, sed sine emplastris tamen, utpote minus hic necessariis, applicantur, injectaeque fasciae capitalis adjumento firmantur.

XI.

Quid praeterea in deligatione observandum.

Circa deligationem autem, quae postea semel aut bis quotidie fieri debet, haec adhuc inprimis necessaria videtur observatio; nempe ut a rebus pinguibus atque oleosis, tunicas quippe vel ossa corrumpentibus, sollicitè semper abstineamus; contra vero medicamentis balsamicis, inter quae mel rosarum cum paucō spiritu vini, vel cum pauca ess. mastichis egregia hic sunt, diligentissime utamur. Vulnere sic quotidie habito, separari ut plurimum sponte post quadragesimum vel quinquagesimum diem foraminis ossei ora, ad instar tenuis lamellae, consuevit: quae propterea vi non debet avelli. Tum caro nova ex dura matre & esse, a corrupta lamella purgato, succrescit, quae integrum tandem foramen implet. Simulatque vero ad dimidiam altitudinem adimpleri foramen incipit, comprimi modice per linamenta carpta & vineturam nova caro debet, ne nimis spongiosa aut laxa eadem fiat. Ubi dein ferme ad supremum foraminis os nova caro increvit, cutis superioris oras emplastris glutinosis injectis gnaviter conjungere oportet; quo facilius coalescere cutis cum succrescente carne nova queat. Ad novam denique carnem, qua cranii foramen expletum est, quod attinet, ea sensim quidem magis magisque indurascit; sed ita tamen, ut non tam verum aliquod os, quam *cartilago* potius inde nascatur, quae cocto ejusmodi capite excidit. Atque haec ratio videtur, quare ii, qui capitis terebrationem experti fuerunt, non insignem tantum saepe capitis debilitatem, vel dolorem, sed varios etiam sub immutatam praesertim aëris tempestatem affectus persentiscant. Quibus equidem paululum saltem imminuendis haud prorsus alienum videtur, sicubi pars ista, quae terebram experta est, lamella quadam plumbea vel argentea perpetuo contegatur.

XII.

(*a*) Multi hic applicare suadent spiritus aut essentias ex mastiche, succino etc. paratas; quae vero nimis acres hic mihi videntur: quia aegri saepius inde acerbos dolores sentiunt.

XII.

Incidere hic nonnunquam solet, ut, *peracto terebrationis opere*, vena quaedam sanguinem copiosius fundat, pulvis ex bolo armeno, sangu. drac. thure & colophon. inspergendus & ope linamenti aliquamdiu insuper detinendus est. Sed si inflammationem aliquam vel cerebrum vel dura mater sentiat, tunc & medicamentis internis solventibus ac temperantibus, & abstinentiâ, & sanguinis per venas detractiōe, imo etiam ipsa duræ matris scarificatione (a) superimposito spiritu frumenti vulgari crocato, aqua florum sambuci temperato, succurri protinus convenit. Quodsi autem *suppuratio* aliqua sive *exulceratio* subnascitur, operam navare Chirurgus debebit, ut, absterfis per linamenta carpta materiae sordibus, aut rosarum mel cum spiritu vini, vel cum essentia mastichis, vel succini, vel elixir. proprietatis mixtum, aut paratum ex myrrha, mastiche ac thure pulverem in vulnus injiciat. Quando aeger post unam trepanationem alio in loco capitis insignem molestiam aut gravitatem adhuc percipiat, notat hoc ibidem adhuc aliquid praeter naturam haerere: adeoque eo loco adhuc modiolum admoveere expedit. Si qua autem *spongiosa aut luxurians caro super cranii plagam increscit*; tum reprimi variis modis illud ipsum poterit. Vel enim glomus lineum spirituque vini vel mastichis madidum fortiter in deligationibus singulis super carnem succrescentem deprimitur. Vel orbiculus aliquis perforatus plumbeus, a BELLOSTIO (b) adinventus, (vid. fig. 14.) inflexisque ansis instructus (vid. fig. 15.) in ipsum cranii foramen demittitur, plumaceolisque lineis rotundis gnaviter contegitur: quo autem rarius opus erit, si prius rite observabitur. Vel denique, si caro ista luxurians super ipsum jamtum foramen prominet, filo succincto, vel forfice, qualiter nempe fieri in tuberculis adsolet, protinus eadem rescinditur. Parti reliquæ vitriolum coeruleum illinitur, vel pulvis etiam sabinae, aut ustum alumen inspergitur. Dehinc plumaceoli linei sive glomera e carptis linamentis confecta strenueque compacta paullo firmitus supradeligantur. Sic enim non comprimi solum caro spongiosa, sed glutinari quoque ipsum vulnus quam aptissime poterit.

(a) Quam Roubaultus hic suadet, p. 123.

(b) Conf. ejusdem libellus, cui nomen: *Le Chirurgien d'Hopital*.

De operationibus chirurgicis, quae in palpebris instituuntur.

C A P U ' T XLII.

De his, quae illapsa forte in oculum fuerunt, eximendis.

I.

*Quaenam
ex oculis
eximenda.*

POsse nonnunquam tenuissimas quasdam ligni, lapidis, arenae, calami scriptorii aptandi, unguium item vel in manibus vel pedibus resectorum particulas, parvula porro animalcula, calcem vivam, salia acria, hisdemque similes alias res in oculum ex improvise illabi, quotidianus equidem rerum usus loquitur, quae saevissimos saepe dolores movent: & nisi protinus eximuntur, gravissimas saepe inflammationes malaque id genus alia in oculis concitant; hinc ne his noceant, quam citissime ejicienda. Quibus autem modis eximi eadem quam aptissime queant vel debeant, nostrum jam est dilucidius exponere.

II.

*Quomodo
ejicienda.*

Nempe prima eademque lenissima medicina est, si leniter statim digitis palpebras demulcemus: sic enim res alienae intus haerescetes, capite prono, per aquam in oculo collectam facillimo saepe negotio eluuntur. Sin demulcendo ejici eaedem nequeunt, proximum remedium est, ut vel margarita quaedam, vel cancri lapillus subter palpebram immittatur: ut nimirum vel cum humoribus copiosius influentibus extraneum simul effluat, vel immissae in oculum sphaerulae isti adhaerescat, & simul cum ea ejici postea queat. Si nihil omnia remedia ista profecerint, vel aciculam aliquam, sed sphaerula quadam sive capitulo praemunitam, vel subtiliorem volsellam, vel dentiscalpium, vel specillum aliquod tenue, vel tandem quodcunque aliud scopo huic accommodatum instrumentum Chirurgus assumat, abstractisque leniter ab oculo palpebris, haerescensem inibi particulam peregrinam inquirat & circumspicte educat. Ceterum quam maxime idoneum & salutare adversus dictam istam oculorum noxam remedium est, si tenuior aliquis bacillus ligneus cum adnexa spongiae, in aqua calida tinctae, portiuncula huc atque illuc in oculo subter palpebris tantisper circumducitur, donec illud omne, quod oculum

infestat, fuerit ejectum. Denique si quid forte acrioris salis alicujus, aut calcis vivae, aut spiritus, aut cujuscunque demum alius liquoris vehementioris sive acrioris illapsum in oculos animadvertitur, necessarium utique erit, vel per aquam egelidam, vel per lac calidum identidem ac tam diu, vel per se, vel ope illius spongiolae, eosdem eluere, donec nihil amplius rodentis vel pungentis sentiat. Purgato jam, quemadmodum praecepimus, oculo, sequitur, ut de rubedinis atque inflammationis, quas longinquior oculi & palpebrarum divexatio movit, medicina Chirurgus cogitet. Nihil autem nobilius ad ejusmodi noxas leniendas esse consuevit collyrio refrigerante ac leniente, quod ex aqua rosarum cum albumine ovi permixta & quassata, itemque ex paucis alumine saccharoque saturni vel tutia praeparatur, eoque oculus saepe fovetur: misso simul, si inflammatio vehementior est, sanguine.

C A P U T XLIII.

De variis palpebrarum tuberculis & excrecentiis.

I.

Multifaria sunt variaeque magnitudinis, quae nasci praeter naturam in palpebris solent, tubercula. Si super pilorum locum tuberculum parvulum, duriusculum, rubens atque immobile nascitur, *crithe*, sive *hordeolum*, ab hordei qualicunque similitudine, illud nominatur. Tunica aliquid, quod inflammatione in pus crassiculum transire tandem solet, comprehensum est; unde graves quandoque dolores ipsiusque visionis impedimenta proveniunt. Sedes hordeolorum varia est: nonnunquam enim ipsa summae cuti proxime subjecta; saepius autem quoque in interiori palpebrae parte abscondita reperiuntur. Sicubi mobile quoddam tuberculum in palpebra fuerit, *chalazium* communiter appellatur. Quae grandini similia sunt, *grandines* vocari adsolent: *bydatides* autem, quae bullulae cujusdam aqueae sive vesiculae aqua repletae formam referunt. Oriuntur vero etiam in palpebris tumores cystici, ut *atheroma*, *steatoma* & *meliceris*: quatenus vero atheromatis, steatomatis & meliceridis natura sit, satis jam ex iis liquet, quae seorsim hanc in rem supra proposuimus. (Sect. I. cap. XXVIII.) Quin observandum hic generatim illud est, palpebrarum tubercula pleraque fere omnia sub communi tumorum tunicatorum nomine simul comprehendi posse, eorumque alia esse amplo fundo sive basi; alia vero ex tenui dependere radice; ut ex Tab. XV. fig. 16. 17. 18. variae eorum figurae videri possunt.

Tuberculorum in palpebris genera praecipua recensentur.

II.

Prognosis.

Quae vitii genera adeo exigua, quemadmodum in reliquo corpore, sustineri facile absque insigni molestia solent, atque adeo saepe vix attendi; sic in palpebris eo sollicitiorem postulare videntur curationem, quo quidem grandia magis nobilissimoque visionis negotio adversa reperiuntur. Nisi enim graviter oculo eadem offecerint, parum plerumque aut nihil periculi secum afferunt; quanquam deformitatis saepe multum habeant conjunctum. Sciendum denique est, haec tubercula raro medicamentis cedere; imo saepe medicamenta, quae a nonnullis commendantur, ut *cataplasmata* emollientia, ne quidem hic suadenda, quia facile oculum laedunt: adeoque a manu potissimum auxilium est petendum.

III.

Curatio.

Fere unam autem eandemque omnia palpebrarum tubercula, quae a tenui non dependent radice, curandi habent rationem. Praecipuum enim curationis negotium in singulis eo potissimum redit, ut cutis intenta scalpello incidatur, suspensa leviter manu, ne vesica sive tunica ipsa vulneretur, & ut post incisam cutem superiorem, tunica illa cum tuberculis scalpello separetur, & integra, si fieri potest, eximatur: prouti quidem supra jam tum in *tumoribus tunicatis* praecepimus. (Sect. I. cap. XXVIII.) Quodsi autem tunica ista vulnus aliquod forte accipit, vel firmitus etiam carni inhaeret, quam ut scalpello integra separari queat, forcicis alicujus subtilioris adjumento exscindere ipsam, quousque tuto id fieri licet, diligenter convenit, mox autem digestivum unguentum, paucis praecipitato rubro vel aegyptiaco permixtum, vel & lapidem infernalem superinungere, ut, si quid forte ex tunica sive vesicula intus remansit, penitus illud omne exedatur. Quibus rite confectis vulnus per adhibitum balsamum vulnerarium glutinatur. Interdum etiam, ubi tunicam non facile totam eximi posse judico, tunicam protinus cum ipsa cute incido, diligenterque expressa, quae intus est, materia, medicamentum aliquod rodens ad exedendam vesicam impono, reliquis eodem, quem capite de *tumoribus tunicatis* docuimus, modo peractis. Providendum vero in hoc ipso negotio solerter admodum est, ne quid forte ex acriori vel rodenti medicamento in ipsum oculum illabatur: ne visus acies inde laedatur. Tuberculorum, quae a tenui dependent radice, ut fig. 17. 18. prompta magis atque tuta curatio esse consuevit. Namque vel per innexum filum aliquod fericum ope ligaturae, vel per admotam forcicem facili negotio rescinduntur. Sed paulo tamen aliter in *hordeolorum* curatione procedendum est. Horum enim natura in eo praecipue a tumoribus tunicatis reliquis differt, quod cum doloribus atque inflammatione quadam inci-

incidant. Igitur in hordeolis sanandis, perinde ut in inflammatione quacunque, resolutionem prius tentare, aut, si haec non succedit, suppurationem convenit, quam scalpellum in manum adsumamus. Longe vero optimum in principio, cum ad promovendam resolutionem, tum ad leniendos dolores videtur, salivâ jejuni hominis saepe inungere; vel si jejunus amplius non est, mucilaginem seminis cydoneorum, vel paratum e pomis tostis pulmentum cum admixto pauxillo camphorae & croci calidum quam saepissime linamentorum adjuvamento superimponere. Si nihil istaec omnia proficiunt, sed ad suppurationem potius tumores flavescentes spectant, saepius emplastro ex melle & farina, vel ex diachylo cum gummis superimposito, emollitur & aperitur; vel, si citius illud sanare volumus, confugiendum ad scalpellum est. Oportet autem, diductis atque inversis palpebris, subtiliori scalpello quodam linea directâ cutem ab interiori parte sic incidere, ut, si duriusculum adhuc est, separari commode tunica vel vesicula ista valeat. Sin vero jam maturum, aperiendum, pus ejiciendum, & vesicula rodente medicamento exedenda. Namque istoc modo non immunes solum a cicatriculis palpebrae conservantur, sed ipsum quoque vulnus absque omni medicamento glutinatur.

C A P U T XLIV.

De verrucis palpebrarum.

I.

IN palpebris quoque *verrucae* haud raro proveniunt, haud prorsus absimiles tumoribus aliis *palpebrarum*: siquidem ipsae non pulchritudini solum, sed nobilissimo quoque visionis negotio mirifice ut plurimum officiunt, adeoque tolli desiderantur ab hominibus. Sunt vero eadem etiam vel ampla vel tenui basi sive radice, atque extirpari iisdem prope artificiis, vinctura scilicet, ferro vel medicamentis rodentibus, possunt, quae supra jam tum in verrucis generatim proposuimus. (*Sect. I. cap. XXVI.*) Cauteria enim sive ferra candentia, quibus aliis in locis tolli possunt, prorsus hic aliena videntur: medicamenta autem rodentia, quoad ejus fieri potest, providissime semper applicanda hic sunt; ne, prout factum quandoque fuit, per eorum lapsum in oculos visus perdatur, (a) vel saltem laedatur. Si quae forte

Tom. II.

Y y

palpe-

(a) Ita TIMAEUS A GULDENKLEE casum refert, quo Chirurgus mulierem, cui esulae succo verrucam e palpebra tollere voluit, excoecavit. *Lib. I. Affect. capitis cap. XXI.*

palpebrarum verrucae nigrescunt aut livescunt, periculum plerumque est, ne in cancrum, ut ipse vidi, brevi transeant, simulatque ferramentis vel medicamentis irritantur. Atque haec ratio videtur, quare *noli me tangere* ab expertis Chirurgis & Medicis oculariis eae vocitentur: adeoque praestat ab earum curatione abstinere. Magnam verrucam in palpebra superiori, quae oculum aperiri impediabat, (*vid. Tab. XV. fig. 17. litt. A.*) radice non adeo crassa praeditam, ligatura feliciter abstuli.

C A P U T XLV.

De palpebris relaxatis ac tumentibus, id est PHALANGOSI atque PTOSI.

I.

Vitii natura describitur.

HAud omnino insolens aut novum oculorum istud vitium est, quo palpebrae usque adeo insigniter vel intumescunt, vel laxae fiunt, ut, non sine maximo visionis & pulchritudinis detrimento deorsum procidant. *Videsis Tab. XV. fig. 19. litt. A.* vel BARTISCHIIUM in *Medicina ocularia*, folii forma expressa, pag. 179. Nasci autem vitium istud fere semper solet, quoties aut palpebrae musculus elevator resolvitur, aut cutis superior a quacunque causa nimium quantum relaxatur. Nonnunquam *tumor aquosus*, quem *oedematofum* vulgo appellant, in palpebris nascitur, qui penitus ferme oculos praeccludit; verum a praecedenti vitio distinguendus, atque medicamentis satis facile plerumque sanandus: nam id ipsum quoties usu venit, cum externa, tum interna adhibenda sunt medicamenta. Atque ex internis quidem praecipua videntur ea, quae alvum fortiter expurgant, quaeque vel sudorem vel urinam movent. Extrinsecus autem imponi diligenter, ad humores digerendos, fomenta debent, hoc est linamenta complicata, in spiritu vel simplici vel vini camphorato calido, vel aqua calcis etiam tineta. Ubi vero palpebrarum procidentia ista non tam ab humoribus ibi congestis, quam potius a nimia cutis laxitate provenit, confortantibus ante omnia opus est medicamentis; nigro puta tartari oleo, cerae mixto atque in emplastrum converso, vel balsamo peruviano, aqua reginae Hungariae, spiritu lumbricorum, & si quae alia sunt hujusmodi; palpebram saepe fovere. Si nihil omnia medicamenta ista proficiunt, proximum atque optimum est, ut, quantum abundare in cute laxiori deprehenditur, ferro quam cautissime excindatur, cutisque sic brevior & naturali similis reddatur.

II.

II.

Veterum hoc malum curandi ratio haec erat : Nempe illi cutem *Prisca cu-*
 relaxatam & elevatam vel *acu perfodiebant*, filum trajectum curiose *randi ra-*
 circumvolvebant, injectaque ligatura seu nodo refecabant; atque haec *tio.*
 curandi ratio, si rite instituitur, variis in casibus, satis bene succedit. Vel admotis ferramentis, forfice puta seu scalpello, partem abundantem rescindebant, vulneris oras acu filum trahente bis vel ter perforabant, easque simplices per futuras five nodos jungebant; sicut prolixius hoc legi potest apud HIPPOCRATEM (a) CELSUM (b) & Paullum AEGINETAM (c). Sed fieri tamen, propter largiter subinde profluentem in posteriori hac curandi ratione sanguinem, vix ac ne vix quidem apte hoc poterat, ut satis accurata vel futura vel cicatrix decora palpebrae induceretur. Atque haec ratio videtur, quare BARTISCHIUS, famigeratissimus olim inter Germanos chirurgus ocularius, peculiare quoddam instrumenti genus ex ligno confectum in hunc usum excogitaverit, delineatum in ejusdem *medicina ocularia* pag. 181. nec non in *Tabula nostra XV. fig. 19. BB*: quicquid nimirum in cute palpebrae abundat, (*vid. fig. 19. litt. C.*) illud omne instrumento BB. quam exactissime comprehendebatur, intortaque dein cochlea DD. ita firmiter adstringebatur, ut, compressis hac ratione venis, propter nutrimentum deficiens, tandem post aliquot dies emoreretur atque ita cum tumore ipso recederet.

III.

At vero quia minus prompta, quin imo etiam variis quandoque incommodis, doloribus puta & inflammationibus, obnoxia deprehensa fuit *Bartischiana* ista curandi ratio; haud abs re facturus sibi visus est *Recentior curandi ratio.*
 PETR. ADRIANSON VERDUINUS, supra memoratus Amstelodamensium Chirurgus, si aliquam ejus tentaret emendationem. Igitur instrumentum aliquod Bartischiano haud prorsus ab simile ex orichalco sive cupro flavo paravit; sed ita tamen, ut & superior & inferior ejusdem pars sive lamina aliquot foraminulis esset instructa. (*vid. Tab. XV. fig. 21.*) Sic enim non constringi solum cutis abundans potest; sed acus etiam cum filis per foraminula ista, pro modo noxae, paucioribus aut pluribus, transmitti: filis ad quatuor vel quinque pollicum circiter longitudinem utrinque propendentibus. Quo facto cutis ex instrumento prominens (*fig. 19. litt. C.*) forfice aut scalpello acuto accurate praescinditur, providissimeque, ne scilicet fila simul extrahantur, resoluta instrumento, vulneris orae filis in nodum, sicut in simplici futura alias fieri solet, constrictis quam exactissime

Y y 2

sibi

(a) Lib. de viſt. acutor. edit. *Linden.* Tom. II. pag. 321.

(b) Lib. VII. cap. 7. art. 8. (c) Lib. VI. cap. 8.

sibi invicem junguntur. Tum balsamum vulnerarium illinitur, linamentaue carpta primum arida, in sequentibus vero deligationibus balsamo vulnerario vel unguento digestivo madida, una cum splenio & fascia supradantur, sicut alias in vulnerum deligatione proposuimus. Post tres quatuorve dies praeterlapsos, vinctura cautissime semper resoluta, filum medium, siquidem paululum jam coaluisse orae inveniuntur, discinditur & blande rursus extrahitur. Idem fieri in deligationibus subsequenter cum filis ceteris oportet, donec omnia ejecta sint, ipsaque glutinatio per balsamum atque emplastrum vulnerarium absolvi. Si resecta cute supervacanea, filisque acu trajectis, (*vid. Tab. XV. fig. 22.*) orae vulneris, antequam machina relaxatur, ferro candenti leviter tanguntur, non solum profluvium omne sanguinis impeditur, ut futurarum nodi facilius injici queant; verum etiam cutis relaxata ita inde roborari videtur, ut malum haud facile, ut alias quandoque fieri solet, redeat. Imo forte futurae tunc prorsus non erunt necessariae. Nonnunquam ita graviter oculus in hoc malo affligitur, ut vel propter nimiam mali diuturnitatem, vel tumoris magnitudinem, *formam is suam naturalem penitus amittat*. Quod ipsum equidem quoties fit, frustranea operatio esse consuevit: vix enim abesse potest, quin cutis, quia ab oculo deformi non sustentatur, denuo relaxetur, pristinumque malum reducat. Itaque pro insanabili habere noxam istiusmodi convenit. Ceterum neque illud penitus hic omittendum videtur esse, quod scilicet RAVIUS, celebris ille olim Lithotomus Amstelodamensis, natione Germanus, Leidensiumque postea Anatom. & chirurg. Professor, itidem novum aliquod instrumentum, a supra memoratis paululum diversum in hunc scopum excogitaverit: (*vid. fig. 22.*) cujus vero causa inter hunc & celeb. RUYSCHIUM (qui ambo mei Praeceptores fuerunt) anno 1699. acerbae lites ortae sunt, utrum scilicet instrumenti emendati gloria ADRIANSONIO an RAVIO sit tribuenda, cum uterque eam sibi vindicare volebat. Vid. RUYSCH. *epist. anat.* XIII. itemque RAVIUS *de septo scroti*.

C A P U T XLVI.

De pilis palpebrarum oculum irritantibus.

Mali origo.

Nonnunquam palpebrae harundemque pili sive cilia ad ipsum oculum convertuntur; itaque graviter oculus ab iisdem infestatur atque irritatur, ut dolores acutissimi cum inflammatione, viden-

di

di difficultate, quin cum ipsa etiam coecitate, nisi opportune prospectum fuerit, superveniant. Graeci *trichiasin* & *distichiasin* vel *districhiasin* istud mali genus vocant, imo etiam *entropium*, ab *εν* & *τρέπω*, intus verto, quia palpebrae contrario modo quam in *ectropio* invertuntur. Nasci autem plerumque malum istiusmodi solet, quoties palpebrarum vulneribus per laesionem aliquam externam, vel exulcerationibus, per variolas, aut ambustiones inflictis, minus apta quaedam cicatricula inducitur. Nonnunquam a laxioribus palpebris, &, quae his junctae esse solent, caussis aliis noxa ista provenit. Quare mirum videri haudquaquam debet, si cum irritatione oculorum conjuncta sunt istiusmodi mala, quae superiori capite proposuimus. Fere semper autem difficilis esse curatio hic solet: praesertim si jam tum inveteratum malum deprehenditur.

II.

Neque vero curari facile malum istiusmodi poterit, nisi oculum ^{Curandi} infestantes pili prorsus extirpantur, &, ne redeant, impediuntur. ^{ratio.} Quam autem difficilis pilorum ejusmodi extirpatio sit, dudum, nisi ego fallor, animadversum a medicinae professoribus est. Tametsi enim aliqui pilos istos refecerunt, parum tamen atque adeo nihil profecerunt: namque succrescentes pilorum trunci, utpote duri & rigidi, longe gravius, quam pili ipsi, oculum irritarunt. Alii ab emplastris petere curationis praesidia maluerunt; dum scilicet palpebrae superioris pilos fronti, reliquos autem, qui in palpebra inferiori insunt, genis firmiter adglutinarunt, atque ita sensim ipsos extrorsum inflectere tentarunt: quanquam irritato semper conatu. Vix etenim impediri, propter continuas palpebrarum motiones caussasque id genus alias potuit, quo minus pili isti adglutinati subinde ab emplastris rursus abstraherentur, atque ita denuo intus in oculum convertererentur. Itaque aliam curandi viam ingressi postea sunt Medici. Sic enim CELSUS *Medic. Lib. VII. cap. 7. art. 8.* tenuem acum ferream *ad similitudinem spathae latam* eandemque candentem palpebris admovendam, ejusdemque subsidio singulas pilorum radices adurendas proponit. AEGINETA vero *lib. VI. cap. 13.* certam mali hujus curationem esse statuit, sicubi *volfellae* instrumento pili perniciosi singuli prius extrahantur, quam acus ista candens radicibus eorum applicetur: quae vero curatio sine insigni dolore fieri nequit. Igitur ad evitandos dolores hos acerbissimos & pro iterata foraminulorum in palpebris adustione, praestat protinus post pilum evulsum radici sive foraminulo *medicamentum* aliquod *rodens*, *infernalem praecipue lapidem*, illinere; sed providissime tamen, ne scilicet ipse oculus graviter afficiatur. Nobilissimae quoque virtutis hic sunt spiritus salis ammoniaci, nec non spiritus vini rectificatissimus. Namque ubi palpebrae, post extractos pilos, adhibito tenui penicillo,

iisdem inunguntur, ut plurimum mox foraminula coalescunt, nullique postmodum pili denuo succrescunt. Quodsi paulo copiosiores in palpebris ejusmodi inversi pili adsunt, tum ipsos non una vice, sed per intervalla educere oportebit; ne nimis doloribus nimiaque inflammatione oculus irritetur. Interim in operationibus istis singulis necessarium utique fuerit, oculi pupillam aut linamentis carptis, aut lamella quadam plumbea, cornea vel cerea concava, aut quacunque alia materia simili, qualiter fere in oculis artificialibus fieri solet, quam solertissime contegere, ne vel adustio, vel medicamenta istiusmodi acria periculum moveant. *Sicubi a relaxatis palpebris noxa ista provenerit*, tum ista curandi ratione opus erit, quam superiori capite proposuimus.

III.

Alia curandi ratio.

Quodsi per integram palpebrae oram pili ejusmodi perniciosi succreverunt, nec sustinere tamen extractionem atque adustionem aegri homines volunt aut possunt, miserum, sed unicum auxilium est, ipsam palpebrae oram, ne coecitatis periculum inducat, cum pilis inde prominentibus rescindere; ita enim redire non possunt. Tametsi autem naturalis oculorum pulchritudo perit, tamen, quia vix aliter expectari salus potest, satius utique videtur, oculos deformes quam visione omni destitutos habere. Simulatque confecta operatio est, linamenta vel *plumaceolum* cum albumine ovi, aqua rosarum atque saccharo saturni; vel & cum liquore ex aquae vinique spiritus aequis portionibus praeparato supradare convenit. In deligationibus subsequenteribus oleum sive balsamum vulnerarium quotidie vulnere illinendum est, donec prorsus sanatum deprehenditur. CORTUMIUS (a) loco praecedentis modi novum proponit: & satius esse docet per adhibitum lapidem infernalem, quam ferro palpebrae oram tollere. Resupinari scilicet, ait, aegrotus debet, munitoque per linamenta carpta, linteola vel corium oculo, palpebrae ora interna atque externa lapide infernali optimo probe inungi sive fricari, donec ora cum pilis sit erosa. Postquam hoc gnaviter factum est, superimponi praecipit linamenta carpta eaque primo sicca, deinde post unius circiter horae spatium super haec linamenta aqua rosarum & albumine ovi madida, quae saepius renovanda. Altero die linamenti carpti pars ex oculo educitur, ne qua forte inflammatio concitetur. Simulatque vero crusta subnata esse advertitur, lene quoddam unguentum digestivum, ejectis linamentis omnibus, inungitur. Sic enim post sextum vel octavum diem glutinatum plerumque vulnus deprehendi asseverat.

CA-

(a) In dissertatione de *Trichosi*, praefide GOELICKIO, Francof. ad Viadrum habitata 1724.

CAPUT XLVII.

De Ancyloblepharo, sive palpebris concretis.

I.

Ancyloblepharum dicitur, quando palpebrae ob quamcunque causam inter se, vel etiam cum ipso oculo concresecunt: atque facile distinguitur ab eo oculorum vitio, quando nimirum interventu glutinosae materiae, ut in variolis & oculorum inflammatione saepius contingit, solum ad tempus aliquod inter se glutinantur sive cohaerent, sine vera concretione. Ancyloblepharum quid.

II.

Interdum palpebrae sic inter se coalescunt, ut aperiri oculus prorsus nequeat. (*vid. Tab. XV. fig. 23. AA.*) Quandoque alteruter, quandoque uterque oculus istoc malo affligitur. Nonnunquam palpebrae cum oculo etiam & modo cum ipsius oculi albo, modo cum cornea tunica cohaerescunt; firmiter aut levius, prouti nempe plures paucioresve fibrae inter se invicem coaluerunt. Accidere autem huius generis incommoda consueverunt, quoties oculi horundemque palpebrae vel propter variolas, vel gravem aliquam inflammationem, vel ambustionem, pulvere pyrio praecipue factam, vel medicamentum aliquod adurens, vel denique propter aliam quamvis exulcerationem, noxam aliquam contraxerunt. Quanquam haud omnino insolens aut novum est, malum istud cum infantibus simul nasci; (a) vel inde quoque in hominibus sanis excitari, si per carnem in uno alterove oculi cantho praeter naturam succrescentem palpebrae coalescunt, ut ipse ejusmodi exemplum in fartore quodam vidi. Mali origo.

III.

Tametsi autem fere semper anceps valde ac periculosum esse vitium istud oculorum solet, tamen nunquam gravius periculum subest, quam ubi palpebrae cum ipsa cornea coaluerunt. Namque tum curari aegrotus sine coecitate, vel visus saltem laesione, vix ac ne vix quidem potest. Inprimis autem difficulter separari ab invicem oculus & palpebrae solent, quando ex ambustione vitium fuit exortum. Quare longe optimum est, oculis ambustis fomenta humectantia atque emollientia diligenter injicere, ut humidae & mobiles semper conserventur, & ne glutinari facile partes inflammatae vel adustae valeant. Quoties denique propter variolas palpebrae coaluerunt, ipsi ut plurimum Prognosis.

(a) Vid. Miscell. Nat. Cur. Dec. II. Ann. VIII. p. 135.

rimum oculo & cumprimis corneae simul adnascuntur; adeoque neque separari facile ab eadem sine gravissima oculi laesione possunt. Quantumvis enim provide atque accurate partes glutinatae dividuntur, semper tamen cicatrices atque maculae inde in tunica cornea remanent, quae visionem quam maxime impediunt, & vix ac ne vix quidem tolli possunt.

IV.

Curatio.

Ex jam dictis facile, meo quidem iudicio, colligitur, praecipuum curationis negotium hic in eo consistere, ut partes glutinatae manus exercitatae atque expeditae subsidio rursus ab invicem diducantur. Itaque in lectulo vel sedili sic constitui aeger debet, ut & sufficienter collustrari oculus, & quam commodissime accedere Chirurgus queat. Tum explorare ante omnia convenit, num penitus inter se palpebrae conferbuerint; an forte exiguum aliquod inter ipsas interstitium aliquo loco adhuc supersit. Cujusmodi scilicet, in cantho majori, sive angulo, qui naribus propior est, reperiri plerumque consuevit. Si penitus palpebrae coaluerunt, fieri in alterutro cantho, in quo commodissime potest, foraminulum aliquod debet, manu ipsa quam diligentissime temperata, ne scilicet ipse simul oculus & cumprimis cornea laedatur. Foraminulo tenuissimam aliquam forcem aut subtile scalpellum curvum, in mucrone sphaerula praemunitum, (vid. Tab. XV. fig. 25.) immittere convenit, atque ita palpebras magna cum moderatione & quam exactissime ab invicem dividere. Si nondum prorsus glutinatae palpebrae sunt, tum novum aliquod foraminulum fieri haud opus est; sed protinus immitti in sinum praedicta ferramenta possunt, palpebraeque eodem, ut antea diximus, modo diduci. Sed si forte Chirurgus hujusmodi scalpello sive ferramento, globulo munitis, non instructus esset, ne qua tamen forte forfex aut scalpellum acutum, quum in foraminulum demittitur, ipsum oculum attingat ac laedat, haud alienum erit, specillum aliquod tenue & sulcatum inferere, (vid. Tab. XV. fig. 24.) atque dein palpebras alia subtili forfice vel scalpello aut phlebotomo quodam quam providissime ab invicem disjungere.

V.

Si palpebrae ipsi oculo adhaerescunt.

Palpebris diligenter sic ab invicem disjunctis, circumspici quam solertissime debet, atque per insertum specillum explorari, num forte ipsi etiam oculo eadem inhaerescant. Nam si hoc reperitur, tum quoque quam cautissime inde subsecare ipsas convenit; vel, ubi per rariores tantum fibras pupillae adhaerescunt, aut scalpello quodam sphaerula munito, aut denique phlebotomo retuso diducere. Sicubi penitus cum oculo, vel saltem cum magna ejus parte palpebrae coaluerunt, non grave tantum, sed & quam maxime periculosum sectionis

tionis negotium esse consuevit. Difficulus enim resolvi palpebrae a cornea sine tunicae corneae ipsiusque visus laesione possunt: prouti supra jam tum admonuimus. (No. 2.) Quodsi autem cum oculi albo tantum palpebrae coaluerunt, longe facilius eadem absque coecitatis periculo dividuntur. Tam enim leves albi hujus laesiones sunt, ut statuere egomet ausim, satius utique esse, siquidem ex alterutra parte abscindi quicquam debet, ex tunica istac alba, quam ex interiori palpebrarum membrana quidpiam abscindere. Namque laesa palpebrarum interna membrana, ipsi simul glandulae lacrymalis ductus non sine gravi damno facile destruuntur. Quare in hac operatione necessariae utique videntur manus medicae & diligenter exercitatae, & bene stabiles, ne oculo noxa inferatur.

VI.

Sed ne qua tamen palpebrae resolutae oculo iterum inhaereant, prouti fieri plerumque solet, nisi hoc arte impediatur; longe optimum erit tenuissimam quandam lamellam ex subtilissimo corio, linteolo, vesica aurifabrorum, cera, vel plumbo, ad lunae dimidiatae, oculive artificialis similitudinem, praeparatam atque amygdalarum similique alio quodam oleo madidam; vel etiam linamentum carptum molliissimum interponere. Quicquid vero horum interjicitur, per aliquot dies, donec nimirum novae concretionis periculum praeteriit, ibidem relinqui; vel etiam ubi forte quid excidit, vel studio ob quamcunque causam eximitur, mox iterum injici debet. Si quis autem, ut aliquando fit, sustinere lamellam istiusmodi nequeat, ad novam, quantum fieri potest, concretionem impediendam, vel instillari saepius collyrium aliquod ex aqua plantaginis, tutia saccharoque saturni confectum oportet; vel pulvis ex saccharo, margaritis atque lapidibus cancrorum paratus identidem inspergi. Tum praecipere etiam aegroto debet, ut digitis adhibitis quam saepissime palpebras blande fricet, demulceat atque attollat. Denique Chirurgus ipsemet specillum aliquod obtusum subinde oculum inter & palpebras immittat, leniterque hinc atque inde moveat: quo facilius partium resolutarum nova glutinatio praepediatur.

VII.

Quando palpebrae in variolis vel oculorum inflammatione inter dormiendum, ut saepe fit, interventu lemarum sive glutinosae materiae cohaerent, ita ut oculi aperiri & aegri videre nequeant; oculi nunquam vi divellendi, sed potius lacte tepido immisso vel instillato & saepius illito lemae emolliendae: sic aegri plerumque oculos brevi deoperire & videre rursus possunt.

C A P U T XLVIII.

De Ectropio & lagophthalmo.

I.

Quomodo
vitia ista
orianantur.

QUotiescunque palpebrae sic invertuntur vel retrahuntur, ut cutis interior rubida promineat, neque contegi oculus a palpebris satis queat, morbus Graecis *ectropium* vocatur; ab *ἐκτρέπω* inverto, hinc Latinis *inversio* sive *eversio palpebrarum* dici potest. Quando hoc vitium in superiori palpebra contingit, ob similitudinem qualemcumque cum oculis leporum graece *lagophthalmus*, id est *oculus leporinus*, quoque vocatur. Distinguitur vero etiam a nonnullis, & quidem haud ineptè, *ectropium a lagophthalmo*, ob aliam quandam rationem; atque lagophthalmum appellant, quando superior palpebra non inversa, sed solum ad speciem oculi leporis, ob quamcunque causam ita sursum retracta sive adstricta est, ut oculum contegere recte nequeat. Attamen simile vitium quoque in inferiori palpebra haud raro observavi, sine palpebrae inversione, licet pauci de eo sint locuti; hinc quoque haud immerito pro specie ectropii haberi potest. Quandoque est morbus solitarius sive simplex, quandoque vero alii morbi, & cumprimis inflammatio oculi sive ophthalmia, sarcomata, encanthis, tumor cysticus aliive ei adjuncti sunt. Quando ectropium sive lagophthalmus simplex morbus est, nasci plerumque solent, quoties aut mala quaedam cicatrix palpebris, a vulnere vel fortuito, vel extirpando tuberculo excitato, exulceratione atque adustione infestatis, inducitur; aut quoties post gravem aliquam vel frequentem nimis oculi aut palpebrarum inflammationem caro nimium intus supercrevit, ut haec palpebram invertat: quemadmodum varia ejusmodi eaque tristia exempla vidi. Quandoque etiam a medicamentis ophthalmicis nimis adstringentibus oriri potest, quibus cutis nimium condensatur.

II.

Curatio
1) per me-
dicamenta.

Pessimorum istiusmodi vitiorum curatio saepe valde difficilis est, atque in eo potissimum consistit, ut nimium coarctata vel retracta palpebrarum cutis, quantum satis est, rursus diducatur. Itaque si nondum inveteratum malum est, medicamentis humectantibus & emollientibus res tentanda, atque cicatrix ipsaque vicina cutis emolliri debent atque ampliari. Quocirca longe optimum est, palpebras atque cicatrices, simulatque ipsae vitium hujusmodi contrahere occipiunt, vapore lactis vel aquae calidae; vel amygdalarum aut olivarum oleo; vel seminis cydoniorum mucilagine, pinguedine leporina, unguento dialtheae,

theae, similive alio unguento & emplastro molliente solerter fovere; infimul autem palpebram male affectam, si superior est, saepe deorsum versus trahere; si inferior est, sursum versus attollere. Quin imo haud alienum erit, palpebram utramque, noctu praesertim, per injecta emplastra in contrarium sensum trahentia, ac parva splenia in eundem scopum agentia ita tam diu diligenter deligare, donec in pristinum suum statum ipsae fuerint restitutae. Quodsi autem medicamenta ejusmodi nihil proficiunt, confugiendum ad operationem est: siquidem ea aliquid profici posse (nam quandoque malum insanabile prorsus ex nimis adstricta cute intelligitur) cognoscimus. Quae qua ratione expediri optime queat, breviter nunc jam describemus.

III.

Scilicet mox sub tarso paululum incidenda palpebrarum cutis exterior est lunata figura, cornibus plagae in superiori palpebra deorsum, in inferiori autem sursum spectantibus, (*vid. Tab. XV. fig. 26. litt. AA*) sic ut hujus beneficio cutis elongari queat. Ubi parum palpebrae ad naturalem amplitudinem deest, unica quandoque, ut in *fig. 26.* plaga ad diducendam cutem sufficit; ubi vero multum deest, binas vel ternas plagas lunatas, easdemque parallelas filique crassioris amplitudine ab invicem distantes facere convenit. Tum cute, quantum satis est, diducta, linamentis carptis paucis iisque contortis & primum aridis impleri hiantes plagae debent, spleniis atque fasciis rite superinjectis; in sequentibus vero deligationibus linamenta carpta immittenda unguento vulnerario imbuenda. Sic enim non nova solum cutis coalitio prohibetur, sed caro quoque in medio excitatur, per quam cutis hians sensim adimpletur, atque sic ea extenditur sive prolongatur. Denique ut promptior curatio sit, angusta emplastra imponenda sunt, quibus & sursum attolli inferior, & deorsum protrahi superior palpebra queat. Continuari autem modo praescriptum curationis negotium tantisper debet, donec & nova carne impletum vulnus, &, quantum satis est, ampliata palpebram deprehendimus.

IV.

Si qua forte palpebrae, praesertim inferioris, conversio ab inflammatione quadam graviore carneque intus luxuriante provenerit, tum institui curatio melius haud potest, quam ubi primo inflammationem convenientibus medicamentis delinimus, mox autem circumspecte ocu-
loque probe defenso, adhibito identidem lapide infernali carnem luxuriantem a'que noxiam sensim consumimus atque extirpamus. (a) Sublatis enim vitii causis, vitium ipsum tollitur, pristinaeque formae suae palpebra saepe restituitur. Si ab *encanthide*, *hyperfarcosi*, *sarcomate* malum provenis.

Zzz 2

mate

(a) Conferri potest hac de re YVESIUS libr. de morib. oculor.

mate five excreſcentia carnea, ut in fig. 27. 28 & 29. indicavi, malum oriatur, hae, ut in mox ſequentibus docebimus, auferendae ſunt.

V.

Quandonam
cûratio nul-
la ſperanda
ſit.

Si nimium diſtortae & adſtrictae palpebrae fuerint, aut *ab ipſa inde hominis nativitate* noxam ſuam habuerint, vix ulla ipſas reſtituere cûratio valet. Nonnunquam vitium in inferiori palpebra *e muſculi orbicularis debilitate ſive laxitate*, praefertim in ſenibus, naſcitur, atque ſine omni cicatricula. Quod ipſum quoties forte evenit, inanis iſta eſſe operatio ſolet. Si quid enim ſalutis in his exſpectandum eſt, ea tantum cûratio proficit, quae per liquores ſive ſpiritus confortantes atque balfama ſive unguenta roborantia inſtituitur. Quo magis autem *inveteratum malum eſt*, hoc difficilius idem per operationem atque inedicamenta vincitur: ſenſim enim palpebrae peſſimae iſtiusmodi diſtortioni quaſi adſueſcunt, figuramque naturalem ita amittunt, ut nunquam in priſtinum ſtatum reſtitui queant. De *Ectropio* eruditam diſſertationem ſub praefidio D. ZELLERI edidit D. KECKIUS, Tubingae An. 1733.

C A P U T XLIX.

De Encanthide.

I.

Vitium ip-
ſum deſcri-
bitur.

Nonnunquam in angulo ſive cantho majori tuberculum aliquod naſcitur; idque vel e caruncula lacrymali, vel etiam e cuticula rubida lunata carunculae propinqua. Quandoque ita mirifice tumor iſte increſcit, ut non puncta ſolum lacrymalia, ſed maximam quoque pupillae partem contegat. (a) Quod ubi fit, lacrymae continuo ſuper genas profluunt, ipſaque viſio cum inſigni vultus deformitate atque oculorum inflammatione graviter impeditur. (vid. Tab. XV. fig. 27. litt. A.) *Enchantis* graece nominatur. Cujus bina fere genera ſunt: namque *mitior* eſſe encanthis reputatur, quae ſine duritie atque doloribus eſt; *pertinacior* autem atque *maligna*, quae cum doloribus *livet* atque ad ipſum *cancrum* quodammodo ſpectat.

II.

(a) Grandioris huiusmodi tumoris exemplum ac figuram PERMANUS exhibet in Chirurgia ſua curioſa pag. 134.

II.

Si qua forte *mitior encanthis* oculum tenet, principio egregie utplurimum ad curationem frequens ejus *scarificatio* vel incisio, nec non *lenientia* quaevis *medicamenta rodentia* proficiunt. *Mitioris encanthis curatio.* Optimum vero *medicamentum rodens* idemque *lenissimum* est pulvis, ex quatuor sacchari canariensis portionibus atque una vitrioli candidi sive aluminis usti parte quinta praeparatus. Namque is identidem & quam providissime super tumorem istum respergitur, paulo post oculus aqua egelida diligenter eluitur; donec prorsus extirpatum esse vitium reperiatur. Quod si hoc parum efficeret, lapide infernali subinde, sed quam cautissime, tangi posset. Sed quo felicius ab oculis humores noxii revellantur, pristinique mali innovatio praecaveatur, fonticulis, setaceis, medicamentis denique alvum & sanguinem expurgantibus quam maxime opus est. Si nihil omnia medicamenta ad exedendam carnem alienam proficiunt; vel etiam, si medicamentorum rodentium sive exedentium; ut in malignioribus, minus tuta applicatio videtur, excipi hamulo, qualis fere Tab. XV. fig. 30. & 31. delineatur, aut volsella tuberculum istud oportet; vel, ubi grandius est, filo cum aeu transmissio atque in ansam sive anulum constricto diligenter sustineri, providissimeque temperata manu circumcidi. Maxima etenim hic necessaria cautio est, ne quid forte vel ex ipso oculo, vel etiam e caruncula lacrymali abscindatur. Sicuti enim caruncula ista lacrymas in cantho majori continet, ne istae continuo effluere ex oculo queant; sic laesa imprudenter caruncula ista, fieri aliter haud potest, quam ut humores inde continuo destillent, *oculumque*, quem *lacrymantem* appellamus, efficiat. Praestat igitur carnis alienae portiunculam in oculo relinquere, quam nimium exscindere. Si quid enim remansit, illud omne postmodum vel forficis, vel medicamenti rodentis adminiculo, magna cum moderatione potest removeri. Demto hunc in modum tuberculo, ficcantia eademque glutinantia medicamenta, cujusmodi est collyrium e tutia, myrrha atque aloë confectum, tantisper adhibenda sunt, donec glutinatum vulnus deprehenditur.

III.

In *encanthide pertinaciori*, atque ad *carcinoma* sive *cancrum* jam vergente, satius utique est, collyriis vel unguentis ficcantibus, refrigerantibus atque lenientibus uti, quam operatione vel medicamentis adurentibus. *Pertinacioris encanthis curatio.* Namque maximum utique periculum est, ne malum istud irritatum, prout fieri in carcinomatibus adsolet, ingravescat. Rarum enim atque admiratione maxima dignum curationis exemplum est, quod memoratum a PURMANNO superius citato loco legimus; dum ipse met tumorem hujusmodi gravissimum vinculo lineo injecto sustulit, admotoque tuberculi radicibus candenti ferramento felicissime noxam omnem extirpavit.

C A P U T L.

De tuberculis sive carnibus excrescentibus, sarcomate & hyperfarcosi, quae oculum inter & palpebras nascuntur.

I.

*Vitium
describi-
tur.*

HAud prorsus absimile superius explicatis oculorum vitium est, quando subter ipsam palpebram superiorem vel inferiorem tubercula carnea, sive carnes excrescentes, quas Graeci *hyperfarcoses sive sarcomata* vocant, proveniunt. (vid. Tab. XV. fig. 28 29.) Initio valde minuta ipsa esse solent; sed paullatim tamen increscunt, & quidem aliquando ad insignem magnitudinem. Quaedam ex iis *glabra* ac *laevia* sunt, quaedam *aspera* sive *inaequalia*, ipsisque mori vel rubidaei fructibus haud plane absimilia. Utraque saepius egomet in aegrotis & observavi & curavi.

II.

Curatio.

Sic autem ut plurimum curationem ego institui. Hamulo sive uncinulo Tab. XV. fig. 30. 31. aliove simili ante omnia tumorem excepi, forficeque minori ad imam radicem provide circumcidi. Tunc emissio, quantum per se fluxit, sanguine, collyrium aliquod, cui tutiae, aloës atque sacchari saturni quidquam admixtum est, identidem in oculum instillavi, dum vulnus plane fuit glutinatum. Ita loco uncinuli tuberculum etiam acu filum trahente perforari, ansa ex hoc fieri, eaque elevatum excidi potest. *Lapis* quoque *infernalis* ad exedendam ejusmodi carnem noxiam sive alienam circumspecte adhiberi a nonnullis solet; sed tutiora tamen sanitatis praesidia esse opinor, quae a scalpello vel forfice hic petuntur.

Explicatio tabulae decimae quintae.

Fig. 1. Cauterium sive ferrum candens pro excitandis in capite fonticulis; A manubrium, B ferrum quod capiti imprimitur.

Fig. 2. litt. A indicatur cannula sive tubulus pro recipiendo ferro candente fig. 1.

Fig.

Fig. 3. *Trepanum* sive *tereбра*, qualis mihi in usu est. Littera A coronam designat; B locum, in quo corona ista cochlea firmatur; CC partem superiorem, cui in ipsa operatione manus imponitur; D habenam sive arcum denotat, per quem *tereбра* circumagitur; E clavum in corona. Recentiores quidam coronam aliter quam per cochleam *trepano* jungunt; sed hoc perinde mihi videtur.

Fig. 4. *Pyramis* sive *clavus* e corona extractus.

Fig. 5. *Clavis*, cujus adjumento *clavus* intorquetur, atque etiam e corona rursus resolvitur.

Fig. 6. *Culter* sive *scalpellum lenticulare*, cujus beneficio post peractam terebrationem aspera foraminis ora laevigatur.

Fig. 7. Ferramentum, quod *depressorium* vulgo appellant, apice orbiculato, quo dura mater deprimitur, ad emittendum cruorem intus absconditum. A nonnullis etiam *menyngophylax* vocatur.

Fig. 8. Ferramentum acuminatum, post resolutam coronam juxta partem B fig. 3. *trepano* adjungi solitum, pro incipiendo foramine, in quod *tereбра* demittitur, nec non pro perforandis in spina ventosa ossibus: unde vulgo *trepanum perforans* (Gallis *perforativ*) appellatur. A pars acuminata, B cochlea, qua *trepano* jungitur.

Fig. 9. *Scopula setacea* pro expurganda *terebrae* corona.

Fig. 10. Ferramentum designatur, quod *trepanum exfolians* appellant; quod subinde in carie ossis radenda adhibetur. A mucro, BB latera sive alae, quae dum intorquentur, os radunt.

Fig. 11. *Orbiculus lineus* longiori filo instructus, pro deligatione vulneris cranii post peractam perforationem instituenda.

Fig. 12. *Plumaceolum* sive splenium rotundum e linamentis carptis contextum, filoque instructum.

Fig. 13. *Plumaceolum* similiter rotundum, & e linamentis carptis paratum, sed absque filo, pro foramine cranii adimplendo.

Fig. 14. *Lamella plumbea* BELLOSTII, post peractam deligationem quandoque applicari solita.

Fig. 15. Indicatur, quomodo inflecti *lamella* ista plumbea debeat, antequam adhibeatur.

Fig. 16. litt. A. demonstratur tumor cysticus, sive atheroma in palpebra superiori; B alius in palpebra inferiori.

Fig. 17. *Verruca* ampla, sed depressa, in superiori palpebra, ex tenuiori paulo radice orta, quae oculum aperiri impediebat, & ligatura ope fili sericei a me ablata est.

Fig. 18. Tuberculum externum in palpebra, angusta radice propullulans, quale vulgo *excrecentiam* vel etiam *sarcoma* appellant.

Fig. 19. *Phalangosin* sive *ptosin* palpebrae superioris indicat, & quidem litt. A in sinistro oculo ipsum vitium denotat. BB instrumentum

tum BARTISCHII, tollendo huic vitio C in oculo dextro adaptatum. DD clavum cochleatum designat, quam arctissime jungendis sibi invicem machinamenti brachiis five lamellis accommodatum.

Fig. 20. Simile fere instrumentum, sed a VERDUINIO correctum, ex RÜYSCHII *epist. anatom.* XIII. repraesentatur: AA & BB binas ostendit lamellas five brachia foraminulis non perforata, CC cochleam, qua constringi & varia tubercula tolli possunt. D junctura eorum mobilis.

Fig. 21. Idem VERDUINII instrumentum indigitat, sed paulo majus, & foraminulis multis a a a a praeditis, pro instituendis in aegro istiusmodi oculo futuris.

Fig. 22. Instrumentum in eundem usum a RAVIO correctum, ex *epist. ejus de Septo scroti*; quod magis incurvatum & alia ratione clauditur. A ostendit, quomodo acus per foraminula ejus transmittitur; B est filum jam transmissum, quo vulnus palpebrae jungitur.

Fig. 23. Oculus fistitur, in quo palpebrae glutinatae five concretae repraesentantur litt. AA: quod vitium Graeci *ancyoblepharum* appellant.

Fig. 24. *Specillum tenuissimum sulcatum* in ancyoblephari curatione subinde utile.


Fig. 25. Scalpelli parvum lunatum, apice sphaerico instructum, in variis oculi vitiis usurpandum.

Fig. 26. litt. AA designant, quomodo incidendae sint palpebrae inferiores nimis curtae aut retractae.

Fig. 27. Tuberculum ex cantho oculi majori, *encanthis* graece vocatum, littera A designatur.

Fig. 28. & 29. *farcomata*; *hyperfarcofes* five *carnes excrecentes* ostendit inter palpebras & oculum provenientes: quarum A sub inferiori palpebra ortum, B ex superiori palpebra prodiit.

Fig. 30. *Uncinulus* five hamulus delineatur in auferendis ejusmodi tuberculis circa oculos aliisque eorum vitiis commode usurpandus: cujus curvata cuspis A modo simplex, modo gemina fieri potest ope annuli mobilis B. ut in fig. 31. litt. CC conspicitur. DD manubriolum denotant.





C A P U T L I.

De sanguinis ex oculo missione.

I.

Quantopere sanguinis ex oculo missionem, quasi noviter a se adinventam artem, aliquot ante annos jactaverit Woolhousius, Medicus ocularius Anglus, satis superque inter illos, arbitror, constat, qui non plane sunt in medicorum scholis hospites. Tam certe praestans atque admirabilis Woolhousio visa est sanguinis ex oculis eductio, ut vel praestantissimis etiam Medicorum inventis, quin imo Philosophorum, quem vocant, lapidem conficiendi artificio anteponi eadem possit. (a) Sed quicquid tandem hujus rei sit, Germanorum certe Medicos jam ante centum annos operationem illam & calluisse, & descripsisse, & adhibuisse, manifestissime a quibusdam est demonstratum. (b)

Pro nova arte ne-
tquam est
habenda.

II.

Mitti vero sanguis ex oculo salutariter potest 1) quoties gravior inflammatio eundem affligit; hoc est, quoties venulae in albuginea oculi a copiosiori sanguine nimium quantum tument rubentque: praesertim si, frustra adhibitis medicamentis convenientibus aliis, eductoque ex aliis corporis partibus sanguine, periculum sit, ne ipsa tandem propter inflammationem gravem coecitas superveniat: 2) ubi maculae quaedam aut abscessus corneam infestant. Adapertis enim, vel & concisis venulis proximis, sanguinemque aegris partibus, velut morbi nutrimentum praebentibus, longe promptius istaec mala curantur: 3) si rubida tunica quaedam oculo superincrescit. Quo frequentius enim venulae ejus refecantur, & haerens hic sanguis ex oculo per has venulas educitur, hoc facilius etiam, detracto nutrimento, tunica illa decrescit atque evanescit. Denique 4) ubi, post detractas ex oculis noxias istiusmodi tunicas, venulae quaedam denuo, sive in albuginea, sive in cornea intumescunt; ne qua forte malum pristinum redeat, turgentes venulae istae diligenter incidendae sunt, medicamentisque siccantibus fovendae.

In quibus-
nam affecti-
bus adhibe-
ri illa possit.

Tom. II.

A a a a

III.

(a) Vid. liber ejus, qui superbo quondam titulo prodiit: *Dissertations savantes & critiques de M. Woolhouse* pag. 311. itemque Woolhousii *dissert. ophthalm.* pag. 244.

(b) Vid. MAUCHART. in *dissert. de Ophthalmoxysi*, pag. 18. & FELIX PLATERUS *prax. med.* 8. lib. 1. tit. de visus laes. Basil. 1609. pag. 280. 4. Basil. 1656. pag. 238. Citavit hunc ipsum M. A. SEVERINUS in *medicina efficaci*, anno 1682. edita, pag. 50. cap. X. quod de sanguinis ex oculo missione tractat.

III.

Quomodo
institua-
tur.

Operandi modus multiplex est atque varius. Nos de praecipuis, & breviter quidem, exponemus. 1) Scilicet aegrotus ante omnia, quam aptissime fieri potest, in sella lectove deponi, ejusdemque caput firmiter ab administro contineri oportet. Quo facto tumentes istiusmodi venulae prope alterutrum oculi canthum, per admotum scalpellum phlebotomum transversim, sed circumspecte tamen, aut incidi debent, aut penitus discindi. 2) Nonnunquam adhiberi pro scalpello haud incommode poterit forficula quaedam subtilior, qua venulae illae refecantur. Utraque operandi ratio sic instituenda est, ut Medicus altera manu palpebras ab invicem probe diductas contineat, altera venas provide incidat. 3) Sunt, qui acum curvam tenuem, eandemque lamellae adinstar diductam, hic adhibent. Qui ut feliciter curationem perficiant, palpebras oculi afflicti distendendas ministro committunt; venulas distentas tunicaeque, aut abscessui, aut maculis corneae intextas, per subjectam aciculam leniter attollant, provideque applicato instrumento convenienti juxta canthum oculi praecedant. (a) 4) Sed quo promptius singula procedant, haud abs re fuerit, aciculam modo descriptam sic utrinque exacuere, ut scalpelli ancipitis fungi officio, atque ita leniter sursum adducta discindere superimpositas sibi venulas sine auxilio alius ferramenti queat. 5) Interim nihil impedit, quo minus fieri quoque operatio ista instrumenti scarificatorii beneficio possit. Quod ipsum equidem artificium explicatius descripturi sumus deinceps. [Cap. seq.]

IV.

Quid post
operationem
faciendum.

Venulis istis tumentibus incisis aut praecisis, id sibi datum Medicus existimet, ut profluentis sanguinis cursum non solum non cohibeat, sed &, quantum fieri potest, per adhibita fomenta, aquam nempe calidam, aut herbae euphrasiae, hyssopi, veronicae, aliarumque id genus digerentium herbarum decocta, spongiae seu linteoli mollioris beneficio oculis saepius admota, promoveat. Praeterquam enim, quod ista sanguinis profusio minus periculosa sit; sanè quo largius sanguis ille haerens, utpote praecipuum noxae istius nutrimentum, effluit, hoc felicius quoque pars aegra detumescit sanescitque. Sin semel instituta operatio minus profecerit, ipsumque malum non satis imminutum sit, vel etiam denuo redierit, iterum iterumque repetenda modo praescripta operatio est, assumtis simul medicamentis aliis, partim externis partim internis, contra noxam istam valentibus. Tametsi autem operationem istam dudum jam, & aliquot annos, quum apud

Altör-

(a) Hanc ipsam operandi rationem ceteris praefereendam esse Clariss. YVESIUS statuit lib. de morb. oculor. pag. 195.

Altorfinos adhuc degerem, & postea etiam hic Helmstadii ac in vicinia subinde egomet instituerim, tamen, ut verum fatear, id simul observavi, difficulter admodum homines aegros eandem sustinere, nedum ut iterum ea repetatur, permittere. Quosdam enim visus amittendi metus, alios dolor acutissimus, qui cum curatione illa, propter aegrorum teneritudinem nunquam fere non conjunctus est, deterret. Ceterum quod rarius haec operatio in infantibus fiat, ratio haec est, quia vix ac ne vix quidem persuaderi illis potest, ut caput oculumque tantisper immotum praestent. Quanto autem cum periculo admoveri acuta instrumenta oculis, tremente vel & hinc inde agitato capite, soleat, res ipsa loquitur.

V.

Ceterum huc pertinere videtur & ea operatio chirurgica, quae in *Alia ad-* dissertatione medica *de ophthalmia venerea*, sub praesidio CAMERARII, *buc me-* Tubingae an. 1734. edita laudatur, & cujus epitome in Commercio *thodur.* litterario universali Norimbergensi an. 1734. pag. 380. recensetur, in eo consistens, ut nimirum in hujusmodi vehementiori ophthalmia juxta corneam circularis fiat conjunctivae sive albae tunicae incisio, ut sanguis quiescens hac ratione inde evacuetur, donec nulla amplius infarcta materia ibi haereat. Quae an satis tuta & efficax sit operatio, & an non etiam in alia vehementiori Ophthalmia, quam in venerea, utilis esse queat, tempus & usus, tanquam optimae rerum magistrae, docebunt.

C A P U T LII.

De scarificatione oculorum.

I.

Oculorum equidem scarificationem sive scarificationem (a) non adeo *In quam-* multum diversam esse a venaesectione, in iisdem institui solita, *plurimis* vel inde manifestum est, quia utrobique, ad educendum sanguinem *convenit* supervacuum aut haerentem venulae quaedam inciduntur. Ut proinde mirum non sit, quod ipse WOOLHOUSIUS etiam, cujus tamen studio maxima huic arti conciliata fuit celebritas, identidem binas operationes istas confuderit. (b) Subesse vero utique aliquam inter u- *cum venaesectione* *in oculis.*

Aaaa 2

tras.

(a) Ita scribendum esse vult cum veteribus PLATNERUS in dissert. de Scarificatione oculorum, Lipsiae an. 1728. edita.

(b) Vid. MAUCHART dissert. de Ophthalmoxysi, pag. 17.

trasque differentiam, inde, nisi ego fallor, perspicitur, quia 1) venae sectio non nisi in adnata sive alba oculi tunica, scarificatio autem quoque in interiori palpebrarum parte & quidem praecipue hic peragitur; deinde 2) quia diversa utrobique instrumenta adhibentur; ceu prolixius ex jam dicendis apparebit.

II.

Haud prorsus nova est operatio.

Haud omnino novam esse atque nostra demum aetate excogitatam oculorum scarificationem, vel inde manifestum etiam videtur, quia HIPPOCRATES, (a) CELSUS, (b) AEGINETA, (c) atque alii Medici veteres eandem & instituerunt & explicarunt. Quod autem apud sequioris aevi Medicos in desuetudinem abierit ista curandi ratio, id varias propter rationes factum ego arbitror fuisse. Partim enim molesta nimis atque maximis cum doloribus conjuncta; partim periculosa; partim denique inanis, experientia teste, saepius ipsa videbatur. Primus autem, qui a ceteris neglectam hanc oculorum scarificationem quasi postliminio in scholas Medicorum reduxit, WOOLHOUSIUS existit.

III.

Quomodo illa fiat.

Operandi artificium hoc est: Oportet hominem aegrum in sella sive lecto sic deponi, ut oculi ab adverso lumine, quantum satis est, colustrentur, caput autem ab administro quodam firmiter contineatur. Dehinc Medicus altera manu, pollice praesertim atque indice digito, leniter ante praeclosurem oculorum palpebras ita comprimat ac detineat, ut interior sive rubra illarum pars in conspectum prodeat. Id quod fieri quam promptissime in inferioribus palpebris solet. Altera manu instrumentum aliquod huic scopo accommodatum is prehendat; quo ipso equidem diligentissime celerrimeque super interiorem palpebrae partem, vel, pro re nata, etiam super ipsam albugineam, quin imo corneam quandoque canthique majoris carunculam tracto retractoque, venulas turgentes sic dilaceret, ut largiter sanguis inde profluat. Ceterum quia planius coram demonstrari, quam verbis explicari modo memoratum artificium potest; fane, si quis feliciter hic exercere salutarem artem voluerit, is, ut alium prius Medicum, qui hanc operationem recte perficere novit, operantem videat, quam ipsemet manum admoveat, etiam atque etiam ego suaferim.

IV.

Quid post operationem factu opus sit.

Scarificatione, quemadmodum praecepimus, peracta, sanguinem profluentem non modo non reprimere, sed & quantum fieri potest, prolicere, modo superius proposito, [Cap. LI. No. 4.] convenit. Quo fre-

(a) in lib. de visione.

(b) Lib. VI cap. VI. n. 26.

(c) Lib. III. cap. 22. de trachomate.

frequentius enim atque diligentius primo die oculus istiusmodi afflictus vel per adhibita fomenta humectatur, vel per ingestos liquores digerentes eluitur, hoc facilius quoque idem & purgari a foribus solet, & ab inflammatione liberari. Ceterum ne qua forte oculorum atque palpebrarum partes vulneratae coalescant, nulla omnino, saltem interdiu, oculi deligatio instituenda; quin opera potius danda est, ut leniter identidem palpebrae dimoveantur. Noctu vero si quis forsan deligare oculos voluerit, ille palpebris antea istiusmodi aliquid subiciat, quod prohibere ipsarum cum oculis coalitionem commode possit. WOOLHOUSIUS equidem, *celeberrimo* PLATNERO teste, (a) tria quatuorve seminis hormini vel sclareae granula, vel & vesicae lamellam, qua uti aurifabri solent, unguento oculario inunctam, hunc in finem commendavit. Nisi enim haec circa deligationem istam cautio adhibeatur, quandoque hinc damna provenire consueverunt. Quemadmodum autem ut plurimum iterari modo descripta oculorum scarificatio debet; sic, quoties quaque interjecta mora fieri id ipsum debeat, pro ipsius mali gravitate atque suppuratione praesente, statuere, prudentis Medici officium est. Interim ista quoque inprimis necessaria hic observatio videtur, ut nimirum ad ipsam mali causam extirpandam, & conveniens diaeta & valentissima quaeque medicamenta, tam externa, quam interna, simul adhibeantur. Siquidem his temere neglectis, haec scarificatio oculi non solum nihil efficit, sed gravius potius aegri postea laborare subinde occipiunt. Confer sis laudati PLATNERI *diff. de scarifat. oculor.* pag. 37. seq.

V.

Neque vero unum idemque ab omnibus usurpatum hic est instrumentum: quin potius alii aliis subinde instrumentis hanc in rem usi fuisse leguntur. Sic enim HIPPOCRATES carduum aliquem, sive herbam aliquam aculeatam, qualis est *atractylis*, (b) adhibuisse videtur. Quemadmodum Medicorum veterum alii instrumentum aliquod ferreum seu chalybeum, radulae subtiliori haud absimile atque cochlearis forma praeditum, (*vid. Tab. XVI. fig. 5.*) ad instituendam oculorum scarificationem excogitarunt: quo ipso interiorem palpebrarum partem, donec sanguis effluxerit, scalpere soliti sunt; teste quidem CELSO & AEGINETA, utpote quorum hic modo dictum instrumentum illud *blepharoxyston* [palpebrarum radulam] ille *asperatum specillum* appellavit. (c) Aliis herba ista aspera, quam Botanici *equisetum majus*,

Qualibus
instrumentis illa fiat.

Aaaa 3

nu-

(a) *Dissert. de Scarif. oculorum*, pag. 36.

(b) Vid. MAUCHART. l. c. pag. 6. seq. PLATNER. l. c. pag. 25.

(c) Vid. CELSUS Lib. VI. cap. VI. n. 26. & Paulus AEGINETA Lib. III. cap. XXII.

nudum, vocant, negotio huic quam maxime commoda videtur. Rursus alii, inter quos etiam CELSUS est, *ficus folia*; pumicem alii, sive *os sepiae*; alii tandem alia id genus instrumenta hunc in usum commendant.

VI.

Instrumentum novissimum quodnam sit.

Novissimum idemque aptissimum, quo perfici hodie curatio ista solet, instrumentum *spica secalina* videtur, & cumprimis ea aristae pars, quae acutis instructa est uncinulis, atque apud latinos *gluma* sive *glumus* appellari consuevit. (vid. Tab. XVI. fig. 3.) Scilicet acuminatorum illorum glumorum decem circiter, vel duodecim, vel quindecim etiam, filo colligantur, & forfice sic circumciduntur, ut scopularum, expurgandis vestibis accommodatarum, aliquam prae se ferant speciem. (vid. Tab. XVI. fig. 4.) Quae ipsae quidem sic confectae scopulae chirurgicae usque adeo undiquaque solent esse aculeatae, ut, altera parte A, velut ansa sive manubrium, digitis prehensa; altera vero parte B sive scopula, celeriter super interiores palpebras sive oculos tracta, sanguis continuo exinde profluat. Ut proinde recentiores chirurgi hanc oculorum scarificationem, *Ophthalmoxysin* sive *Blepharoxysin*, haud prorsus inconvenienter appellaverint.

VII.

Quis ejus sit inventor.

Scopulae hujus chirurgicae sive oculariae, ut nihil dissimulem, prius auctor WOOLHOUSIUS extitit. Qui tametsi cum quibusdam discipulis suis mirifice semper instrumenti hujus excellentiam depraedica- vit, quam solertissime tamen illud cum ipsa operandi ratione per complures annos occultavit: donec tandem Cel. MAUCHARTUS, WOOLHOUSII quondam, sed ante tamen meus discipulus, Tubingensis nunc Medicus & Professor, itemque archiater Ducis Wirtembergensis, in peculiari quadam, & a nobis supra jam tum laudata, *de ophthalmoxysi, dissertatione*, anno 1726. apud Tubingenses habita, non instrumentum modo, sed ejus quoque usum atque applicandi modum indicavit. Biennio circiter post clarissimus Lipsiensium Medicus, PLATNERUS, idem prope argumentum pertractavit, explanatiusque quicquid hujus est mysterii edisseruit, conscripta *de scarificatione oculorum dissertatione*, itidem jam tum nobis memorata: in qua ipsa simul *ophthalmoxystrium* sive scopulam istam WOOLHOUSII oculariam delineatam deprehendimus ita, ut Tab. XVI. fig. 4. a nobis exhibita est.

VIII.

Quis ejus sit usus.

De ophthalmoxysi seu scarificationis hujus commodis atque usibus sic omnino statuendum WOOLHOUSIUS una cum discipulis suis existimat: esse nimirum quam plurimas oculorum noxas, quibus curandis illa, perinde, atque in oculis instituta venaesectio, inserviat. Sic enim adhiberi ophthalmoxysi solet, 1) *quoties a stagnante sanguine, vel & a gra-*

graviori inflammatione quadam oculi infestantur; sive jam ab interna sive ab externa causa, ictu videlicet, plaga, operatione cataractae, pterygii, hypopii, staphylomatis atque his similibus noxarum curatione, malum istud provenerit: ubi cumprimis palpebras interius radere praecipiunt, ut sic haerenti sanguini tempestive exitus paretur. Et certe, si Woolhousianos audire voluerimus, longe valentior adversus inflammationes, vel a causa externa oriundas, vel ab operatione quadam chirurgica provenientes, quam adversus eas, quae sua velut sponte nascuntur, ophthalmoxymis censenda. (a) Sicubi autem chemosis sive quam maxime vehemens oculorum inflammatio quadam curanda est, praeter palpebras ipsum quoque oculum simul scarificare sive per adhibitam hanc scopulam radere solent. Deinde salutariter quoque adhiberi oculorum scarificatio putatur, 2) quoties pannus aut pterygium, aut abscessus atque albicantes maculae oculum affligunt. Scarificata enim albuginea, quin &, ubi commodum visum fuerit, ipsa cornea, vel potius superinducto corneae pterygio, venulae grandiores per pterygium illud transeuntes, vel ad abscessum atque maculas procedentes, discinduntur ac lacerantur, ita ut malum ipsum per adhibita simul medicamenta convenientia alia & felicius & promptius curari queat. Tum 3) insigniter proficere modo dicta operatio illa existimatur ad decrecentem paulatim oculorum aciem instaurandam: quin imo ipsam amaurosin & cataractam, siquidem illae nondum inveteratae fuerint, curandam. His enim vehementibus oculorum compunctionibus & quasi stimulis humores stagnantes in motum concitantur, referatisque hac ratione obstructis nervis atque venulis angustioribus, pristino vigori oculi partes sensim restituuntur. Porro 4) institui ophthalmoxymis solet, quoties atrophiam quaedam sive tabes oculum invasit. Namque ipsa illa sanguinis educio praestat, ut naturales atque oculo nutriendo destinati humores largius influere in tabescentem partem illam rursus incipiant, atque ita debitum illi nutrimentum restituant. Similiter 5) adhiberi curatio ista solet, ubi forte ab hypohaemate vel hypopyo, id est vel a sanguine vel a pure intus latente, oculus infestatur. Accidere vero id ipsum consuevit, quoties, propter ictum aliquem, sive quamcunque aliam istiusmodi violentiam externam, cruoris similisve materiae noxiae quidpiam post corneam intus effusum haereat: quod proinde digeri pro reparanda oculorum acie, oportet. Denique 6) haud spernendum quoque usum praestare ophthalmoxymis dicitur in leniendis oculorum doloribus vehementissimis (quos ophthalmoponiam veteres vocarunt) atque ipsum luminis sensum molestum efficientibus. Quum enim hic vel a nimia venularum a sanguine distensione, vel ab humoribus acris atque stagnantibus ac

in-

(a) Vid. PLATNER. de scarif. oculor. pag. 37.

inspissatis, vel denique ab interna oculorum inflammatione malum omne proveniat; abesse vix potest, quin evocato sanguine superfluo, sensim dolores sese remittant. Tandem 7) *ad palpebrarum quoque resolutionem sive paralyfin, itemque gangraenam*, similesque alios palpebrarum & oculi morbos insigniter ophthalmoxysin valere, testes sunt MAUCHARTUS & PLATNERUS, in dissertationibus saepe jam tum a me laudatis.

IX.

In quibus-
nam morbis
ophthal-
moxysis
pernicio-
sa sit.

Ne quis autem forte opinetur, hactenus expositam ophthalmoxysin sive oculorum scarificationem adversus quascunque oculorum noxas proficere, haud abs re fuerit explicare, in quibusnam casibus minus salutariter eandem institui, PLATNERUS, discipulus WOOLHOUSII, docuerit. Scilicet inconsulte scarificationem oculorum adhibebis, quoties 1) *ξηροφθαλμία sive arida lippitudo illos divexaverit*: id est, ubi oculi sicci sunt, pruriunt, calent atque asperi sunt; ubi palpebrae squamis aridis obsitae, aegrique sine dolore aut molestia lucem inspicere nequeunt. Haud absimili ratione res sese habet, quando 2) *vel a venere, vel a scorbuto pronatum vitium est*. Nisi enim primam istam vitii causam extinctam prius senseris, quam ophthalmoxysin adhibueris, verendum magnopere est, ne perniciosi quique humores largius in oculos influant, itaque malum adaugeant. Denique 3) *ad cataractae, guttae serенаe, vel ꝑ hypopii curationem*, si malum jam inveteratum est, parum aut nihil valere ophthalmoxysis videtur. Atque idem prorsus de illa iudicium ferendum, quoties 4) *pro ectropio, trichiasi, anchylofi atque id genus aliis oculorum vitiis tollendis eadem suscipitur*.

X.

De scopula
quaedam ad-
monentur.

Ad scopulam autem oculariam, superius descriptam, quod attinet, observari meretur, quam facillimo negotio aristas hebescere, adeoque vix nisi semel adhiberi instrumentum illud posse. Igitur quoties operatio illa iteratur, iterari autem fere semper debet, (vid. supra num. IV.) toties novam assumere scopulam convenit. E vetustiori stramine quae decerpuntur aristae, minus plerumque ad scopulam faciendam solent esse aptae. Quoniam enim istae nimis aridae sunt atque fragiles, abesse profecto vix potest, quin cuspides aut potius uncinuli earum defixae in palpebris atque oculis remaneant, noxasque producant gravissimas. Commodissimae igitur atque optimae scopulae sunt, quae fiunt e stramine recenti, annum saltem haud superante, necdum confrecto; quodque non e pinguiori tantum agro pronatum, sed & in loco neque sicco nimis, neque nimis humido fuit asservatum.

XI.

XI.

Tametsi autem saepius operationem hanc variis in morbis oculorum egomet instituerim; tamen, ut verum fatear, aut nihil omnino, aut parum saltem eandem proficere, ipsa experientia edoctus mihi videor. Quin imo novi ego homines, variis oculorum morbis affectos, qui non Woolhousii tantum discipulis, sed ipsi quoque Woolhousio curandos Parisiis sese tradiderunt, & nihil tamen minus, superatis doloribus acutissimis, quam exoptatum curationis usum senserunt. Quod ipsum equidem eum praesertim in finem ego moneo, ne qua forsan Woolhousius, me, propter minus recte adhibitam operationem, spe mea frustratum fuisse, opinetur. Non difficeo equidem, feliciter aliquoties, in oculorum praesertim inflammatione, institutam a me fuisse oculorum scarificationem; imo vero credo, Woolhousium atque varios ejus discipulos saepius egregium curationis hujus usum expertos fuisse, praesertim ubi alia simul medicamenta convenientia, cantharides praesertim & sanguinis missiones, fuerint adhibita. Interim quia similes oculorum noxae, medicamentorum convenientium subsidio absque omni oculorum scarificatione curatae saepius sunt, dubium sane videtur, magisne scarificatio ista, quae fit in oculo, an ea, quae fit in partibus aliis, purgatio item ac sanguinis per venas emissio, vel & cantharidum usus ad sanitatem restituendam valuerint. Ut nihil nunc de eo dicam, homines bene multos, oculorum vitiis quibuscunque laborantes, non olim solum, ante instauratam a Woolhousio ophthalmoxysin, sanatos fuisse, sed hodie quoque a Medicis variis, cum primis vero oculariis prudentibus, vel non adhibita, vel ignorata etiam ophthalmoxysi ista, feliciter passim sanari. Accedit, quod ex tenerrimarum partium, quales equidem in oculo sunt, tractatione atque laceratione usque adeo vehementes oriantur dolores, ut pauci admodum ex aegris sint, qui molestissimam curationem illam admittant; longe vero pauciores, qui frustra semel admissam curationem istam iterum iterumque sustinere audeant. Infantes autem, tametsi longe magis, quam adulti, oculorum vitiis sint expositi, tamen nunquam propemodum; feminae raro admodum huic operationi corpus subjiciunt. Silentio nunc praetereo pericula, quae cum ancipiti curandiratione ista nunquam fere non solent esse conjuncta. Quantumvis enim magnam in ipso opere circumspectionem adhibueris; tamen, quia propter intensissimos cruciatus difficulter admodum contineri ab aegris oculi solent aut possunt, abesse profecto vix ac ne vix quidem poterit, quin, dum adnatae sive albugineae atque interioribus palpebris instrumentum adeo lacerans & pungens admovetur, nunc ipsa simul cornea contirgatur, gravissimeque laedatur; nunc scopulae cuspides

five uncinuli diffracti intus in oculo remaneant; adeoque longe gravior, quam quae curari debebat, inflammatio similisque noxa alia concitetur. Quae si ita fuerint, quemadmodum revera sunt, prudens quisque Medicus, nostro quidem iudicio, fateri cogitur, haecenus propositam ophthalmoxysin, five oculorum scarificationem, vel in istis etiam oculorum morbis, quibus curandis tamen quam maxime accommodata esse illa dicitur, mirificis adhuc premi difficultatibus; commoda vero, quae expectari communiter ab eadem solent, nequaquam ita eximia esse, neque speciminibus ita luculenter demonstrata, ut aut cruciatuum, aut periculorum gravitatem vincere queant. Quare auctor sum, ut non nisi urgente necessitate, ubi alia remedia non sufficere videntur, vel in vehementissimis & desperatis fere malis adhibeatur: ut nihil praetermisisse videamur, quod a quibusdam saltem ut remedium valens, efficax atque egregium fuit celebratum. Denique adhuc illud hic monendum esse censeo, recentiores chirurgicos scriptores Gallos, si YVESIUM excipias, ut de plerisque aliis oculorum curationibus parum vel nihil docuerunt, ita cum primis de hac operatione, quae tamen tantum rumoris concitavit, nihil prorsus, quod miror, memoriae prodidisse.

C A P U T LIII.

De Epiphora sive oculo lacrymante.

I.

*Vitii natura
explicatur.*

E *Piphoram* sive oculum lacrymantem Medici oculorum vitium appellant, quo lacrymae non per puncta lacrymalia in ipsas nares, sed contra, quam debebant, super genas ex oculo magna cum molestia ac deformitate aegrorum destillant. Sunt equidem non pauci, qui *noxae genus illud cum fistula lacrymali confundunt*: sed immerito tamen illud fieri, inde manifestum est, quia in ita dictis fistulis lacrymalibus non purus lacrymalis humor, sed cum *materia purulenta* mixtus, ex intus in sacco lacrymali abscondito ulcere profluit. Quo autem facilius atque accuratius vitii utriusque & natura & discrimen pernoscantur, haud alienum erit, ductuum sive viarum lacrymalium indolem, figuram atque situm, quam luculentissime fieri potest, breviter hic exhibere. (*vid. Tab. XVI. fig. 6.*) Litterae *aa.* puncta lacrymalia in palpebris designant; *b.* carunculam lacrymalem. *Figurae 7. & 8.* ductus lacrymales utriusque oculi seorsim & integros repraesentant, & qualiter a palpebris ad nares ipsi transeant.

Lit.

Litterae *aa* faccum ita dictum lacrymalem indicant; *bb* puncta lacrymalia cum ipsis eorum ductibus sive tubulis *cc*, ad faccum lacrymalem ducentibus. Ductum, *nasalem* dictum, litterae *dd* indicant; ejusque osculum in nares hians *ee*. Dehinc fig. 9 ductuum istorum cum ipsis oculis nexum repraesentat; ubi puncta lacrymalia litteris *aa*, caruncula *b*, ductus a punctis lacrymalibus *cc*. ad facculum lacrymalem *d*. Ductus nasalis *e*, hujusdemque pars extrema in nares hians littera *f* designantur. (*a*)

II.

Vitii jam jam descripti variae causae sunt. Quicquid enim humoris ex oculis per puncta lacrymalia ductumque nasalem in ipsas nares cursum impedit, illud ipsum quoque epiphoram sive oculum lacrymantem concitat. Quamdiu enim oculus cum meatibus his lacrymalibus sanus atque integer est, tamdiu quoque humor iste, qui e glandula lacrymali ad irrigandum atque expurgandum oculum profluit, per puncta lacrymalia, facculum lacrymalem ductumque nasalem sensim, nobisque id haud sentientibus, in ipsas nares destillat. Verum oculus lacrymans nascitur, 1) quoties tumor aliquis aut tuberculum, ut *encanthis*, *canthum sive angulum majorem*, id est, naso proximum, ipsaque simul puncta lacrymalia infestat: deinde 2) quoties post palpebrarum exulcerationem, ambustionem noxamque id genus aliam, puncta lacrymalia praeccluduntur: tum 3) quoties ductus nasalis obstruitur aut omnino con-crefcit sive glutinatur. Namque ubi facculus lacrymalis impletus est, ut nihil amplius eum ingredi possit, fieri aliter nequit, quam ut humores ex glandula lacrymali perpetuo affluentes & abundantes ex oculo per genas depluant. Obstrui autem & praeccludi ductus nasalis consuevit, quoties materia quadam spissa, viscida sive glutinosa impletur, vel quoties juxta nares paulo graviores inflammationem sensit, qua facile glutinari potest. Porro ad oculi lacrymantis causas pertinent 4) *polypus* sive *caruncula* aut *caro excrescens in naso*; siquidem is ductum lacrymalem nasalem occludit vel comprimit; 5) *fistula lacrymalis*; 6) *palpebrarum inversio* sive *ectropium*; 7) *lacrymalis carunculae erosio* aut *defectus*; & denique 8) *ductuum lacrymalium vulneratio*, eorumque a glutinatione per malam cicatricem obturatio.

Bbbb 2

III.

(*a*) Has vias lacrymales haud pauci pro novis inventis habuerunt; verum ea jam GALENO, VEGETIO, BERENGARIO, FALLOPIO, CARCANO, STENONI, aliisque perspectas fuisse, ostendit cl. MORGAGNUS in *Adversar. anatom.* I. & VI. qui vero eas multum illustravit. Hoc postea etiam fecit ANELIUS lib. de fistula lacrymali. Ita & Henr. MEIBOMIUS noster Epist. de *vasis palpebrarum novis*, Helmstadii 1666. edita, itemque in diff. de fluxu humorum ad oculos 1687. impressa, eas jam accurate descripsit.

Diagnos.

Vitium ipsum quam facillimo negotio cognoscitur, quia ab aegris ipsis illud nobis indicatur, atque aegri aspectu facile observatur; sed vitii vera causa non item. Interim aliae aliis promptius deteguntur. Quoties enim vel a carunculae lacrymalis defectu, vel a palpebrarum distortionem, vel ab encanthis in cantho majori, vel a polypo in naso succrescentibus oculus lacrymans nascitur; manifesta statim atque oculis exposita causa deprehenditur. Quoties autem puncta lacrymalia glutinata malum istud moverunt, vix aliter explorari vera noxae causa potest, quam sollicita nozarum praevariarum, ambustionis nempe atque exulcerationis consideratione ipsorumque punctorum lacrymalium solertissima visitatione. Sicubi a ductus nasalis obstructione vel glutinatione vitium provenit, puncta lacrymalia quidem aperta sunt, & lacrymae per ea in sacculum lacrymale influunt: quia vero ob ductus nasalis obstructionem in nares progredi nequeunt, ibidem colliguntur; hinc intumescit plerumque & in modum herniae distenditur; unde *herniae lacrymalis* nomen accepit. A-NELIUS eam *hydropem sacculi lacrymalis* vocavit. (a) Compressus autem digito sacculus lacrymalis, id est, locus carunculam lacrymalem inter & nasum constitutus (vid. Tab. XVI. fig. 10. litt. A) humorem ut plurimum, non ut debebat, in nares, sed per puncta tantum lacrymalia in oculum effundit. Saepe enim a lacrymis ibidem collectis sacculus lacrymalis sic intumescit, ut extrinsecus in conspectum tumor prodeat; qui vero simulaturque digito comprimitur, & intus collectum liquidum exprimitur, vel penitus evanescit, vel insigniter saltem detumescit. Fistulam autem lacrymalem, si qua forte simul adest, profluens ex angulo oculi majori, dum sacculus comprimitur, materia purulenta manifestat; cum in epiphora aqueum tantum liquidum exprimatur.

IV.

Prognosis
& curatio.

Noxae hujus *prognosis* atque *curatio*, pro diversis causis, quae noxam induxerunt, variae solent esse ac diversae. Si quis enim vel canthi majoris tumor, vel nasi polypus, vel palpebrarum distortio, vel fistula denique lacrymalis lacrymantem oculum progenuerunt, curari destitutio ista haud potest, quam ubi mala haec, tanquam oculi lacrymantis causae, diligentissime prius curantur. Si a *glutinis punctis lacrymalibus* subortum malum est, circumspici curiosissime debet, num ductus eorum *cc*, fig. 7. & 8. penitus glutinati sive concreti, num vero per tenuem modo cuticulam eorum oscula *bb* praeclusa sint. Simul atque enim penitus isti coaluerunt, sive jam propter causam aliquam inter-

(a) In dissert. sur la nouvelle decouverte de l'hydropisie du conduit lacrymal. Paris. 1716.

internam factum illud fuerit, sive propter cicatriculam, vulneratis vel adustis ductibus lacrymalibus inductam, nulla fere curationis spes reliqua est. Quodsi autem nonnisi *tenuis cuticula punctorum lacrymalium vias obtexit*, ut aliquando fit, longe optimum erit, cuticulam istam tenui quadam acicula providissime perforare, deinceps autem in foraminula ista setam suillam sive filum tenue argenteum, oleo ovorum inunctum, (quorum varia fig. 11. 12. & 13. repraesentantur) identidem demittere, donec ipsorum ora fatis indurata, novaeque glutinationi non amplius obnoxia reperiatur.

V.

Quodsi autem integra atque, prout naturaliter decet, aperta puncta lacrymalia sunt, *ductus nasalis*, qui vocatur, *obstructus sit oportet*. Quae ipsa equidem obstructio sicubi a glutinosiori quadam materia provenit, & nondum nimis inveterata aut indurata est, quam facillime curationem recipit. Scilicet resolventia hic adhibenda sunt medicamenta, subindeque per dies singulos, aegro supino in canthum oculi majorem instillanda; tum exprimendus quoque diligenter digito est lacrymalis sacculus, ne qua forte diutius inibi haerescerent humores acrimoniam aliquam contrahant, vias lacrymales erodant, fistulamque lacrymalem sensim concitent. Atque ad resolventia quidem medicamenta ista referri praecipue merentur essentia aloës cum aqua ophthalmica parata; vel essentia e mustelae piscis felle, eodem fere modo praeparata; vel infusum tepidum herbae hyssopi aut veronicae; (a) vel aquae minerales, *Wisbadenses* nempe, *Carolinae*; *Emsenses*, *Selterenses*, *Seidlitzenses*, aliaeve similes; vel aqua ophthalmica quaecunque cum admixta salis mineralis ex fontibus ejusmodi confecti portiuncula: quae subinde tepida oculis instillanda. Praeter haec interdum naribus attrahi debet *pulvis errhinus* sive sternutatorius lenior, ex majorana, liliis convallium, maro vero similibusque herbis aliis praeparatus; vel & spiritus cornu cervi, vel salis ammoniaci. Quae singula ubi parum proficiunt, haud alienum erit, novam istam atque fistulis lacrymalibus ab ANELIO destinatam curandi rationem, qua specillum aliquod peculiare, argenteum, tenue (*vid. Tab. XVI. fig. 11. 12. 13.*) per punctum lacrymale superius, sacculum ductumque lacrymalem nasalem ad nares usque singulari artificio quam providissime dimittitur, & hic in auxilium vocare. Oportet autem in istoc negotio perspicissimam habere ductuum lacrymalium posituram & fabricam, itemque aciem oculorum acrem & claram, manumque strenuam, stabilem, atque in actionibus chirurgicis probe exercitatam, alias quis hoc per-

Bbbb 3

ficere

(a) Hoc infusum veronicae, *Schobingerus*, *Voessii* discipulus, etiam in ipsa jam incipiente fistula lacrymali magnopere commendat, *dissert. de Fistula lacrymali* pag. 20.

ficere vix poterit. (a) Continuari autem dicta ista curatio per dies aliquot sic debet, ut post immissum matutino semper & vespertino tempore specillum sive filum argenteum, supra memoratorum liquorum medicamentorum portiuncula per adhibitum siphunculum sive syringam tenuissimam (*Tab. XVI. fig. 14.*) in punctum lacrymale inferius, prout sequenti capite accuratius docebimus, injiciatur, ut hac ratione viae lacrymales probe expurgentur, ne lacrymarum ad nares via rursus praecludatur. (b) Si hoc diu continuatur, malum saepe sic tollitur; sin vero his non cedit, in veram fistulam lacrymalem vitium degenerare solet, & ut talis tractanda postea est. Tandem ubi e carunculae lacrymalis defectu vitium istud suboritur, omnis curatio est frustranea: quia haec restitui nequit.

C A P U T L I V.

De fistula lacrymali vitiisque aliis eidem affinis.

I.

Fistula lacrymalis describitur.

Fistulam lacrymalem cum plerisque Medicis & Chirurgis generatim istud vitium appellamus, ubi ex *majori oculi cantu*, vel eidem propinquo loco *pituita purulenta*, aut *verum pus*, vel sponte sua, vel post compressum digitis lacrymalem sacculum profluit. Nasci autem vitium istud solet, quoties viae lacrymales & cumprimis sacculus lacrymalis ab ulcere quodam infestantur. Quo gravius itaque ipsum ulcus est, hoc magis quoque periculosa esse fistula lacrymalis consuevit. Saepius ulcus non nisi intus in sacco lacrymali delitescit, corruptamque materiam e punctis lacrymalibus emittit. Interdum autem non ipse tantum saccus lacrymalis, sed cutis etiam, qua is tegitur, quin imo proxima quoque ossa simul eroduntur atque exeduntur. Si cutis non erosa est, *imperfecta*; si erosa, *perfecta*;

(a) Interea tamen non est impossibile, ut nonnulli haud satis hisce in rebus exercitati, & inter hos etiam *Garengot*, lib. de Instrument: chirurg. Tom. 1. pag. 426. perhibere aliisque temere persuadere voluerunt; nam, ut *Anellum* nunc taceam, in quamplurimis aegris ipse vel millies hoc perfecit.

(b) Figuram hujus siphunculi ita ego excogitavi, atque ex argento fabricari curavi, eaque quod perficiendum erat in ejusmodi malis optime perfecit. . . Diu autem post percepi, *ANELLUM*, inventorem hujus operationis, loco tubuli A, alium, qualis fig. 15. hic sinitur, adhibuisse. Ita nonnulli loco manubrioli B. in pistillo annulum substituerunt, sicut ex *Garengot* lib. de Instr. chir. T. 1. p. 427, fig. 3. patet: id quod vero, ut ego saltem opinor, perinde esse potest.

fecta; (a) si ossa simul erosa, *complicata* cum ossis carie *fistula lacrymalis* dici solet. Animadvertendum autem hic merito illud est, in principio adhuc hujus seculi male aut non satis accurate Medicorum aut Chirurgorum plerosque de istoc molestissimo vitii genere tractasse. Cujus equidem confusionis gemina potissimum causa subesse videtur. Praeterquam enim quod 1) *mirifica noxarum*, quibus major oculi angulus vexatur, multitudo effecit, ut varia eidem noxae nomina, idemque vicissim nomen diversis noxis tribuantur; sane 2) *ipsa morbi hujus indoles* paucissimis chirurgicae artis professoribus satis fuit perspecta. Quotus enim quisque Chirurgorum antiquiorum est, qui aut a caruncula lacrymali exulcerata, aut ab ulcere sub vel in caruncula, vel post carunculam istam abscondito fistulam lacrymalem haud derivaverit? Quum tamen ex accuratioribus expertissimorum Chirurgorum recentium frequentissimisque nostris observationibus manifestum sit, pituitam purulentam haudquaquam e caruncula lacrymali, aut constitutis post ipsam partibus, *sed potius ex ipso sacculo per puncta lacrymalia profluere*. (b) Si quas igitur inanes ac perversas falsa ista chirurgorum de fistula lacrymali opinatio curationis vias peperit; has equidem emendare Medici recentiores haud inaniter studuerunt.

II.

Sed quo planius tamen constet, quid & sentiendum hic sit, & faciendum, operae pretium facturi nobis videmur, si praecipuas scriptorum aberrationes una cum ipsarum emendatione breviter exposuerimus. Scilicet *lacrymalem fistulam* multi nominarunt 1) istud noxae genus, quod nos sub *epiphorae* seu lacrymantis oculi nomine praecedenti capite descripsimus: alii 2) *fistulae lacrymalis*, *anchilopis* atque *aegilopis* vocabula idem prorsus vitium designare opinati videntur. Ut proinde conciliari variae ipsorum sententiae prius nequeant, quam dilucide singula ista morborum genera ab invicem distinguantur atque explicentur: ceu dudum jam in illa *disputatione* admonuimus, quam de *fistula lacrymali* ex instituto conscripsimus. (c) Nempe *anchilops* cum scriptoribus plerisque omnibus *tuberculum* nobis dicitur, quod *angulum oculi majorem inter & nasum* provenit; sive illud jam in ipso lacrymali sacco, sive prope istum existat; sive aliquam, sive nullam inflammationem adjunctam habeat. Observari enim hic meretur, nasci juxta sacculum, perinde ut in aliis partibus, 1) *tumores tunicatos*; 2) *inflammationes atque abscessus*; nec

(a) Hanc speciem fistulae CELSUS cum Graecis *aegilopa* vocasse videtur Lib. VII. n. 7. attamen non satis perspicue hic se explicat.

(b) Observavit hoc forte primus FALLOPIUS in obs. anatomicis, deinde etiam in cap. de fistula lacrymali Tom. II. pag. mihi 224. conf. MORGAGNI Adv. Anatom. VI. Animadv. LXIV. & diff. nostra de fistul. lacrym. cap. III.

(c) Altorfii anno 1716. edita 4.

nec non 3) & quam saepissime quidem, sacculi distensionem atque resolutionem, quam *herniam lacrymalem* hodie appellant. (vid. Tab. XVI. fig. 10. AB, it. fig. 16. & 17.) Depresso super istam partem digito, tumor modo facilius modo difficilius detumescit; pituita vero vel per nares tantum, vel per puncta solum lacrymalia, vel per utramque viam effluit. *Aegilops* autem tumor nobis vocatur *juxta sacculum lacrymalem*, post inflammationem aliquam aut abscessum, subortus: qui dein, propter acrem ac purulentam materiam suam, vel cutem superiorem, vel ipsos simul ductus lacrymales, vel pinguedinem juxta sinus oculorum positam, ipsaque interdum ossa, quae nonnulli *plana* vocant, vel denique partes & ossa naso proxima graviter exedit, periculosamque interdum cariam concitat. Nonnunquam ductus lacrymales, iidemque vel superiores vel inferiores, sic omnino eroduntur, ut pituita purulenta e punctis lacrymalibus assidue in angulum majorem profluat. (vid. fig. 18. litt. a & b.) Atque tum demum noxa ista suboritur, quam *lacrymalem fistulam* Medicorum filii nuncupant, quae *purulentam materiam* requirit. Quoties autem non nisi purus humor lacrymalis ex oculis destillat, *epiphoram* sive *oculum lacrymantem* vitium istud apte dici supra jam tum memoravimus. Ceterum ex jam adductis facile, meo quidem judicio, liquet, quomodo discerni ab invicem istiusmodi vitia possint, quae propter insignem affinitatem suam tantum non semper a Medicis atque Chirurgis quamplurimis confundi adsolent.

III.

Causae
vitiiorum
explicantur.

Excitari autem *anchilops* non una ratione potest. Namque ubi vel tumor tunicatus, vel inflammatio subest; anchilopis eadem prorsus atque aliorum horum vitiiorum causae sunt. Multo saepius autem a nimis relaxato distentoque sacculo lacrymali vitium istud nascitur. Nonnunquam atque adeo semper fere aegilopa lacrymali fistulae adjunctam deprehendimus. Cujus equidem rei ratio in eo potissimum sita est, quod pituita vel materia purulenta transire ad nares nequeat, proindeque sacculum lacrymalem sensim debilitet atque extendit. *Aegilopis* causa praecipua in praevia inflammatione quadam vel abscessu solet esse sita. His enim cutis ut plurimum aut ductus aliquis lacrymalis eroditur; quin & lacrymalis quandoque fistula concitatur. Quamquam autem, praeter inflammationem, plures eademque variae existere possunt *fistulae lacrymalis causae*, frequentissima tamen eademque praecipua ac proxima sita esse solet in *exulceratione sacculum ipsum aut partes juxta positas infestante*. Simulatque enim ductus lacrymales eroduntur, protinus in ipsum sacculum materia corrupta destillat. (vid. fig. 18.) Tum exoriri quoque haud raro lacrymalis fistula inde solet, si *ductus lacrymalis inferior*, id est nasalis litt. dd. fig. 7. & 8, a quacunque causa forte obstruitur aut praeccluditur. Namque hic abesse vix po-

potest, quin pituita intus haerescens sensim acrimoniam contrahat, tandemque ipsum sacculum graviter relaxet, penitusque exedat, vel saltem graviter exulceret. Quod ipsum equidem morbi genus frequens inprimis esse solet in multis hominibus, vel post ophthalmiam, vel post inflammationem membranae narium vel horum ductuum, vel post *variolas*, ut saepius jam vidi. Interdum tamen etiam sine his causis sponte oritur.

IV.

Neque vero unica tantum *fistulae lacrymalis species* deprehenditur. *Fistularum lacrymalium varia gener. recensentur.* Namque ipsa 1) vel *perfecta* est, vel *imperfecta*. Illa sive *perfecta* dicitur, quando pus ex sacco lacrymali, erosa cute, juxta angulum oculi majorem, effluit; haec vero, quando illud solum per puncta lacrymalia, cutē integra, exit: atque haec ut plurimum tumorem facci lacrymalis, licet non semper conjunctum habet. *Perfecta* videri potest. *Tab. XVI. fig. 19. a b.* 2) Alia *simplex* est, alia *composita*; dum scilicet callus aut caries simul adsunt. 3) Alia *recens* est, alia *vetus*. 4) Alia *lenis*, alia *pertinax*. 5) Alia *ductus nasalis obstructionem* sibi habet adjunctam; alia non item; sed pus per superiora & inferiora expellitur. 6) Alia *intermittens & periodica* est, alia *continua*. Prolixius autem has ipsas fistularum lacrymalium differentias in superius adducta *disputatione nostra pag. 8.* explicuimus. GARENGEOTIUS septimam quoque classē adjunxit, dum fistulam lacrymalem in *veram & falsam* dispescuit. *Veram* etenim illam dixit, quando exulceratio ipsos ductus lacrymales vexat; *falsam* autem, quando juxta illos, ut saepius quoque vidi, exulceratio existit: quae a nobis *aegilops* dicta est. Sunt equidem nonnulli, qui fistulis lacrymalibus nunquam non *callum* quendam adjunctum necessario esse autumant; ut SIGNOROTTUS (a) & PLATNERUS (b): quia in aliis fistulis callus requireretur. Sed contra tamen rem sese habere in fistulis lacrymalibus, non solum usus receptus vocabuli fistulae lacrymalis; (ubi verba valent ut nummi) verum etiam CELSI, FALLOPII, CARDANI, aliorumque magnorum Medicorum (c) autoritas, imo ipsius *Wolbusti* consensus, ut in citata nostra dissertatione evicimus, demonstrant, illudque ex ipsa quoque experientia manifestum est. Praeterquam enim quod SANCTUS YVESIUS, (d) Medicus olim oculusarius celeberrimus Parisinus, raro callum in fistulis lacrymalibus reperiri, testatur; egomet sane quamplurima quoque istiusmodi exempla observavi, ubi vel maxime etiam inveteratae fistulae lacrymales absque callo aderant.

Tom. II.

Cccc

rant.

(a) Vid. diff. nostr. de fistul. lacrymal. p. 56. 64.

(b) In diff. de fist. lacrymali. §. I. II. III.

(c) Morgagn. Adv. An. VI. p. 82.

(d) Vid. Ej. *Traité des maladies des yeux* pag. 59. & Schobingeri diff. de fistul. lacrym. p. 3.

rant. Rursus alii e chirurgis existimant, *nullam unquam fistulam lacrymalem suboriri, quin ductus nasalis obstructus simul sit atque praecclusus*: siquidem ab ipsa obstructione illa, quasi causa sua, fistulae lacrymalis vitium proveniat. Verum hos quoque insigniter in istac opinatione sua falli, dudum ego cum auctoribus aliis praestantissimis, quos in differt. mea citavi, ex quotidiano rerum usu didici. Saepius enim istiusmodi fistulas lacrymales me videre memini, atque adhuc hodie tales novi, ubi sacculus digitis compressus pituitae purulentae affatim per puncta lacrymalia quotidie profundebat; (a) quum interim ductus nasalis apertus inveniretur, atque etiam per hunc purulenta materia in nasum expelli posset.

V.

*Fistulae
lacrymalis
signa re-
censentur.*

Haecenus generatim, quid fistula lacrymalis sit, quomodo item a reliquis noxis valde affinibus differat, exposuimus. Sequitur jam, ut de ipsius *notis* breviter dispiciamus. Nempe fistulam quandam lacrymalem subesse, inde potissimum cognoscitur, quando aeger de frequenti lacrymarum stillicidio conqueritur, & *materia purulenta*, matutino praesertim tempore, collecta *in oculo deprehenditur*; quum tamen nulla prorsus inflammatio adsit: cumprimis vero si digito compressus sacculus lacrymalis humorem purulentum vel saniosum e punctis lacrymalibus emittit. (b) *Cariem* quandam simul intus esse, inde potissimum colligitur, tum si aut pessimi odoris, aut coloris inusitati, viridis puta vel nigricantis, materia purulenta expellitur; tum & vel maxime, si nudum atque *exesum* os vel visu, ut in fistulis apertis, vel per specillum insertum deprehenditur. Tantum enim abest, ut e solo materiae colore certum fieri iudicium possit, ut potius quamplurima ejusmodi fistularum exempla invenerim, ubi optimum materia colorem prae se ferebat; quum tamen nudum atque arrosus os demisso specillo animadverterem. Fere semper autem *caries quaedam subesse* conjicitur, si prorsus inveteratum malum est, & si materia copiosissima quotidie propellitur. Ceterum diversa esse cariei sedes consuevit: nunc enim lacrymale, nunc os planum, nunc superioris maxillae os *exesum* depre-

(a) Sunt qui per unum tantum punctum purulentam materiam effluere perhibent, nonnullique hoc per superius, alii per inferius hoc fieri docent. Verum per utrumque hoc fit: attamen in quibusdam magis per superius; in aliis per inferius hoc facilius contingit.

(b) Insolitum prorsus lacrymalis fistulae exemplum anno 1726. in studioso hic reperi. Tametsi enim per octennium jam noxa ista adfuerat, tamen digitis exprimi materiae nihil quicquam poterat. Lacrymae interim assidue per genas destillabant, & absoluto somno materia purulenta repletus oculus inveniebatur. Simul atque liquoris portio in alterutrum punctum lacrymale ope syringae injiciebatur, materia purulenta ex altero puncto profluebat. Tumor facci lacrymalis omnis aberat; sed cariem nihilominus in osse lacrymali, cute postmodum incisa, inveniebam.

deprehenditur. *Ductum nasalem obturatum simul esse*, indicio est, si nec materiae nec humoris injecti quicquam e naribus destillat; sed nihil non e punctis lacrymalibus prorumpit. *Callum* denique insolita partium lacrymalium durities significat. Quanquam, ut supra jam tum YVESII & nostra experientia indicavimus, raro admodum fistulae lacrymali adjuncta esse noxa haec reperitur. (a) Si quis *tumor tunicatus* subest, partes exteriores cum duritie tument, neque digitis depressis detumescunt; atque inflammatio penitus abest. Quodsi autem tubercula ista digitis compressa detumescunt, sacculi relaxationem sive *herniam lacrymalem* adesse concludendum est. *Aegilopa* tandem exinde cognoscimus, sicubi partes angulo majori proximae exulceratae sentiuntur, sine communicatione cum viis lacrymalibus.

VI.

Tristem autem haecenus recensita oculorum vitia singula habere ut plurimum solent exitum. Quum enim ipsa oculis tenuissimisque & spongiosis officulis propinqua valde sunt, abesse vix potest, quin graves saepe noxas & caries in ipsis moveant. *Anchilops* certe atque *aegilops* quam facillime in fistulam, *fistula* ipsa lenior quam facillime in pertinaciorem eandemque aliquando periculosam, imo quandoque *cancrosum* degenerant, quae, exesis ossibus, difficillime vel nunquam quandoque curantur. Solent autem hoc magis perniciose mala ista existere, quo peior corporis habitus, quo acrior in fistulis materia, quoque magis incauta vitae victusque ratio fuerit: ceu copiosius in *disputatione nostra* pag. 23. declaravimus. Contra vero minus perniciosum malum est, sicubi cetera sani homines sunt; si recens adhuc malum est; si a gravioribus malis accedentibus aliis, carie praesertim atque callo, graviorique tandem nasalis ductus glutinatione immunis aegrotus est. Tunc enim paucos intra dies, quicquid etiam nonnulli contradicant, quandoque sanari noxa omnis potest; praesertim si nova ista nobilissimi ANELII curandi ratio fuerit adhibita. *Perfecta* sive quae cutem externam perrumpit *fistula*, saepius adjunctam habet ossium aliquam *cariem*, adeoque tunc difficulter imo vix curari solet, nisi ipsa prius caries vel idoneis medicamentis, vel pertundendo ac diffringendo, vel adurendo haec ossa fuerit extirpata. Si fistulis *callus* aliquis supervenit, non curantur nisi hoc sublato. Si caries vero atque callus absunt, longe utique felicius atque promptius fistulae sanescunt. Quo magis *inveteratae* fistulae sunt, hoc difficilius quoque ut plurimum curantur; fere semper enim in his exesa simul carie ossa sunt: & si forte curatae aliquando fuerunt, carie non funditus extirpata, facile tamen denuo redeunt. Interim,

Cccc 2

quod

(a) Garengot idem observavit & statuit oper. chirurg. Tom. III. pag. 60.

quod mirum atque inopinatum videri poterat, haud omnino in Chirurgis defuit, qui *fistulas cum carie atque callo* conjunctas solius naturae beneficio quandoque sanatas fuisse memorant. (a) *Nisi ductus nasalis praecclusus recluditur, & reclusus servatur*, nulla constans vel saltem sine remanente oculo lacrymante exspectari sanitas poterit; quantumvis etiam solerter callum atque cariem ferro & igne sanaveris. Quin imo ipsa instrumenta comprimantia, quibus olim frequenter usi sunt, quantumvis etiam diu applicata fuerint, nihil quicquam aliud ut plurimum hic proficiunt, quam ut inanes molestias aegro moveant, & ex levi saepe gravem fistulam efficiant. Ceterum vel eo nomine recentiores quidam chirurgi laudem egregiam promerentur, quod, ANELIO duce ac auctore ab anno circiter 1712. istiusmodi artificia usurpare coeperunt, quae fistulis multis recentibus, vel saltem a graviore carie atque callo immunibus, sine scalpello, terebra, atque cauterio sanandis, quicquid nonnulli contradicant, (b) saepe sufficiunt: quum absque saevis hisce adminiculis vix ullam unquam antea Chirurghi fistulam lacrymalem curare potuerint.

VII.

*Anchilopis
curatio.*

Si quis ergo tumor sive *anchilops cum inflammatione juxta angulum* majorem suboritur, tentanda protinus resolutio est, ne scilicet in abscessum ac fistulam tumor degeneret. Quare longe optimum est, mox in principio spiritu vitrioli per adhibitum tenuissimum penicillum, vel ope digiti aliquoties in dies singulos, perinde, ut in furunculis supra praescripsimus, tuberculum inungere; sed provide tamen, ne ipse simul oculus imprudenter eo attingatur. Insignem quoque usum hic praestat mel rosarum, siquidem ad acorem usque vitrioli spiritus ei misceatur, diligentissimeque partibus tumentibus illinatur, emplastro diachylo interim superinjecto. Aequae fere prompta curatio esse consuevit, si splenia spiritu vini camphorato bene calido imbuta, vel & malagmata e pomis coctis vel assatis confecta, camphoraque mixta quam creberrime imponuntur, donec resolutio sequatur. Si quis ejusmodi tumor tunica hic inclusus adest, tum curationem eo modo instituere convenit, quam supra (Cap. XXVIII. Sect. I. No. 6. 7.) pro curandis tumoribus cysticis, sive tunica inclusis proposuimus: eaque ratione magnum ejusmodi tumorem in virgine, qui profunde in orbitam intrabat, scalpello feliciter extirpavi. Denique si *lacrymalis sacculi resolutio* male oculum habet; eadem curationis ingredienda via est, quam infra (No. 10.) monstravimus.

VIII.

(a) Spectare huc prae ceteris videtur MAITRE-JAN in lib. de morbis oculorum, & eo quidem capite, ubi de fistula lacrymali differit; id quod vero non nisi rarissime continget.

(b) De his videri potest dissert. nostra.

VIII.

Quodsi autem ad *suppurationem* potius quam resolutionem inflammatio spectat, maturare utique suppurationem conveniet; ne qua forte propter ipsam moram in perniciosam fistulam noxa degeneret. Maturari autem suppuratio quam commodissime solet, si aut emplastrum diachylum cum gummis, aut cataplasma quoddam emolliens, quam diligentissime supradatur. Simulatque vero ad maturitatem perducta esse materia cognoscitur; ne sacculus aut propinqua ossicula graviter exedantur, protinus incidi phlebotomo vel scalpello tuberculi pars inferior debet, expresseoque pure, vel oleo philosophorum, vel unguento digestivo aut rosarum melle cum myrrhae atque unguenti aegyptiaci seu praecipitati rubri portiuncula permixtum, diligenter abscessum expurgari, & ulcus denique ipsum balsamo glutinari: qualiter nimirum in abscessibus generatim praescripsimus. Quodsi forte abscessus ejusmodi sponte rumpatur, ut saepe fieri memini, atque apertura abscessus nimis sit angusta, ut satis expurgari nequeat, ampliari utique eam per spongiam praeparatam aut gentianae aliamve similem radicem, aut etiam per scalpellum oportebit, & postea modo praedicto purgare ac glutinare. Sicubi a *carie* jam tum infestatum os deprehenditur, necessarium est, linamenta carpta guttulis aliquot sulphuris aut vitrioli spiritus succida superimponere; vel hujus loco pulverem aut essentiam euphorbii: ac postea splenia, liquoribus refrigerantibus vel aqua calcis probe tincta, superinjacere, dum, carie sublata, glutinationi opportunum vulnus evaserit. Quandoque *scalpro* sive ferro radente haec caries auferri potest, qualia vel Tab. VII. fig. 3. 4. 5. vel Tab. XVIII. fig. 9. exhibentur. Chirurgis quibusdam longe promptior curatio videtur, si *ferramentis candentibus* ad id accommodatis tubuloque proprio inclusis, quale vel illud esse potest, quod vid. Tab. XVI. fig. 21. & 22, aliudve simile, exesum os quam solertissime aduritur, applicatisque deinceps medicamentis balsamicis vulnus glutinatur: ceu explanatius N. XII. haec in ipsius fistulae curatione edisserere constituimus.

IX.

Fistulae lacrymalis verae (ubi scilicet in ipsis viis lacrymalibus exulceratio est) *curatio*, pro ipsius noxae natura, gradibus, aliisque malis accedentibus variat. Namque ubi *recens adhuc malum est*; ubi bonus ceteroquin hominis aegri habitus est; ubi nondum erosa cutis externa, & canalis nasalis adhuc apertus est; denique ubi boni coloris justaeque crassitiei, seu muco non absimilis materia profluens est, non mox ad ferrum & ignem accedendum; sed potius curare quam saepissime absque omni operatione chirurgica fistulam istiusmodi, quam *leviorem* appellare lubet, licebit. Scilicet *materia intus* in sacco lacrymali *haerescens digitis frequenter exprimitur*, ne diutius quiescendo in

*Fistularum
leviorum
curatio.*

facco lacrymali acrimoniam contrahere atque juxta positas partes vehementius erodere valeat. Insimul autem ea medicamenta resolventia ac purgantia sive mundantia immittenda; quae ad *lacrymantem oculum* commendavimus. (cap. LIII. No. V.): non neglectis interim, pro ipsius aegroti habitudine, si opus est, alvi expurgatione, sanguinis per venas detractione, scarificatione, vesicatoriis denique aliisque pro rerum circumstantium diversitate utilibus medicamentis, sollicitaque victus atque vitae ratione.

X.

Curatio per
compressio-
nem.

DIONISIUS equidem in *chirurgia* sua memorat, quamplurimas istiusmodi fistulas recentes, praecipue in infantibus, apta compressione a semet ipso fuisse curatas. (a) Ipsa autem compressio sic fere ab ipso instituitur: 1) ante omnia exiguum aliquod e cerussa usta emplastrum super sacculi lacrymalis sive fistulae tuberculum imponitur; deinde 2) splenium quoddam triangulare ac minutum, sed pollicis crassitiem adaequans, injicitur, (vel loco unius crassioris, plura tenuiora) pro angulo juxta oculum exactissime implendo; tum 3) aliud splenium simile, sed paulo amplius supradatur: utrumque autem in aqua calcis, vel vini spiritu aliove liquore siccante prius tingantur. Denique 4) fasciae circularis superinjectae beneficio ita firmiter splenia super tumorem deprimuntur, ut & humoris vitiosi nihil quicquam colligi intus queat, & relaxatus sacculus ad pristinam suam formam ac robur sensim redigatur. Continuari autem per aliquot menses integros, auctore DIONISIO, curationis negotium illud oportebit, sicubi exoptatam salutem aegrotantibus restituere voluerimus. Ceterum fasciae loco adhiberi a nonnullis propria quaedam instrumenta comprimentia consueverunt; quorum nonnulla ab AQUAPENDENTE, SCULTETO, PALFYNIO, denique a nobis (b) etiam (Tab. XVI. fig. 20.) alia adhuc ab aliis proposita reperiuntur. Quanquam prorsus inanis omnis ejusmodi compressio est, si ductus lacrymalis obstructus aut praecclusus est. Namque tum solum ipsa aliquando prodesse potest, ubi tantum abscessus est juxta sacculum lacrymale, (ut in fig. 18.) vel saltem apertus adhuc ductus lacrymalis deprehenditur.

XI.

Curatio
fistulae gra-
vioris per
sacci aper-
turam.

Ubi vero ne sic quidem liberari a fistula diu multumque discruciatii homines poterant, vel alias peioris indolis, aut jam jam inveteratae erant, id tandem sibi datum, ante ANELII inventum, chirurgi existimabant esse & adhuc existimant, ut tuberculum sive sacculum lacrymale distentum, medio fere canthum majorem inter atque nasum loco, per

(a) Idem prorsus ab ARNOLDO, Chirurgo quondam Parisino praestantissimo, praestitum esse, GARENGEOTIUS scripsit cap. de fistula lacrymali.

b) ex *Pla tneri* diff. de fistula lacrymali. Lipsiae 1724. edita.

per adhibitum vel medicamentum rodens, vel, quod praestat, per scalpellum aut phlebotomum, sed quam providissime tamen aperirent, ne scilicet aut ductus lacrymales a punctis lacrymalibus ad saccum procedentes, aut ligamentum binas palpebras continens, conciderentur atque ita ipsi oculi graviter deformarentur. Plerique hanc *plagam oblique faciendam* docuerunt, ut ex. gr. in fig. 9. Tab. XVI. a litt. d versus e aut c; vel in fig. 10. a litt. B ad A, eamque vel scalpello recto, vel, ut alii volunt, falcato; id quod mihi perinde videtur: nam utraque ratione hanc sectionem feliciter perfeci. Secandum autem eousque, donec in cavum sacci lacrymalis perventum est; quod cavum deinde sursum deorsumque, secundum indicatum tractum, scalpello dilatandum est, a summo sacci lacrymalis usque ad canalem osseum, (a) linamentis postea implendum, splenia superimponenda, atque fascia omnia firmanda. Alii sectionem hanc ad arcus vel semicirculi similitudinem instituendam esse volunt, (b) ita ut pars hujus concava oculum, convexa nasum respiciat, incipiendo juxta partem infimam apophysis, *nasalis* dictae, ossis frontis, ubi os maxillare & lacrymale tangit (qui locus ex capite sceleti probe notus sit) pergendo in forma arcus secundum apophysis nasalis ossis maxillaris tractum usque ad eum locum, ubi ossis jugalis apophysin internam fere attingit, quemadmodum aliqua ratione in Tab. XVI. fig. 19. litt. cb per puncta indicavimus. Postquam hoc vulnus ubique satis ampliatum est, linamentis impletur &, ut antea dictum est, deligatur, atque in crastinum ita relinquitur, ut vulnus sic probe dilatetur, alteroque die non solum an caries forte adsit, verum etiam qua ratione & ubi optime perforari queat ac debeat, observari rite queat. Si forte vulnus multum sanguinis funderet, linamenta spiritu vini fortissimo imbueda, splenia superimponenda, & fascia paulo fortius adstringenda. Vulnus dein essentia succini sive oleo laterino, purgantibusque id genus medicamentis aliis fovebant; prouti fere supra in aegilope (No. 8.) praecepimus. Expurgato hunc in modum vulnere, balsamum aliquod vulnerarium, emplastra ficcantia, splenia item triangularia crassa, fascias denique modo N. X. memoratas injiciebant, paulatimque vulnus glutinabant. Nonnulli instrumenta *comprimantia* supra indicata cum emplastro parvoque splenio, ceu modo posuimus, superimponebant, atque ita plagam, utut rarissimo saepe cum successu, quia ductus nasalis plerumque clausus erat, glutinabant.

XII.

(a) Pro dilatatione hujus vulneris quidem peculiare ferramentum commendant, quod *Platnerus* dist. de fist. lacrymali fig. V. & *Garengot* lib. de Instr. chirurg. Tom. II. p. II. delineant.

(b) *GARENGOT* cap. de fistula lacrymali.

Quomodo fistulam callosam & cariosam prisci tractarint.

Si quis forte callus fistulae adjunctus erat, eam curationis viam Chirurgicae professores olim ingressi sunt, ut aperto prius ulcere, trochiscis de minio, praecipitato rubro, vel unguento aegyptiaco, adhibitis vel etiam lapide infernali callum prius extirparint, ac deinde, dicta modo ratione, fistulam ipsam tractare coeperint. Similiter ubi caries quaedam simul aderat, aut pulvis ex euphorbio, aut spiritus sulphuris seu vitrioli cum linamentis carptis applicabatur. Qui ficuli parum proficiebant, vel scalpris os viciatum radebatur, ut N. IX. dictum est; vel ferrum aliquod candens admovebatur, idque vel semel, vel bis, vel, pro re nata, crebrius. Figura ferramentorum, pro cuiusvis chirurgi arbitrio varia esse solebat: (a) quaedam enim nuda & sine tubulo a quibusdam adhibebantur, qualia videri possunt Tab. nostra III. fig. 14 & 16; alia vero, ne cutis facile aduratur, tubulo angusto instructa erant, qui ulceri prius ad os usque immittebatur, & postea per hunc demum ferrum candens: quale aliquod ex PLATNERO delineari curavi Tab. XVI, fig. 21. & 22. Quam cauteria concitaverant, crusta unguento *digestivo* resolvebatur, ipsum autem vulnus balsamo vulnerario ea postmodum ratione glutinabatur, quam supra descriptam dedimus. Commodissimum autem atque tutissimum hic fuerit, non sanum solum aegri hominis oculum, ne candentis ferri aspectus ipsum terreat, per injectam fasciam deligare; sed & vel maxime oculum affectum proprio atque ad cochlearis similitudinem fabricato instrumento (*vid. Tab. XVI. fig. 23.*) aliove simili diligenter obtegere, ne qua forte a cauteriis attingatur. Tum inprimis quoque necessarium hic est, ipsum os afflictum solertissime prius per adhibita linamenta carpta siccare, quam ferrum candens admovetur: namque alias celeriter nimis illud ipsum exstinguitur. Sed quicquid tandem harum rerum sit, *nihil quicquam omnia istaec fistulas has mundandi artificia profunt, sicubi ductus nasalis praecclusus est.* Nisi enim aut forte fortuna, aut data opera ad nares usque ipsum os ferro candente sive cauteriis perforatur, atque sic lacrymis nova ad nares via paratur, tantum abest, ut in nares destillare pituita & lacrymae queant, ut potius vel ipsum malum pristinum continuo recrudescat, vel lacrymans saltem oculus remaneat. Quae si ita fuerint, revera autem haec ita esse, nec ipsi quidem chirurgicarum rerum scriptores antiquiores inficiantur; manifesto, nisi ego fallor, apparet, haecenus proposita fistulam lacrymalem curandi artificia tum potissimum aliquid valere, quum aut extra saccum lacrymalem suppuratio, aut ductus nasalis apertus atque integer adhuc per-

(a) Conferri possunt figurae *Aquapendent. Sculteti, Solingenii, Palfynii, Dionisi, Garengotti, Platneri &c.*

persistit. Quae itaque fistulae merito ab aliis, ubi ductus nasalis clausus est, probe distinguendae.

XIII.

Insignem istum chirurgicae artis defectum qui tollere sustinuerunt, *Curatio, quae* ii fere sequentem curationis viam & proposuerunt & observarunt. Sci- *offse lacryma-* licet, post adaperum saccum lacrymalem, modo supra N. XI. de- *li perforato* scripto, altera die ipsum quoque unguis os, ferramento quodam ido- *peragitur.* neo, eoque acuto admoto, (*vid. Tab. XVI. fig. 24. vel Tab. VII. fig. 7. A. vel Tab. XXIV. fig. 2. B*) oblique inter os spongiosum superius & inferius ad nares usque diligentissime perforarunt, turundam foramini immiserunt, purgatoque dein, ut supra posuimus, ulcere, per turundas & saepius repetitam specillorum in nares immiſsionem, novum aliquem ductum lacrymalem efformarunt; ipsum denique vulnus externum, ductu rite formato, convenienti ratione glutinarunt. Alii a *ferramentis candentibus* plane quidem abſtinent, sed ipsum tamen os per adhibita modo indicata ferramenta, vel etiam per specillum sulcatum sic perrumpunt, ut & cariem, si quae adsit, tollant, & ductum simul lacrymalem novum in nares hiantem una eademque operatione concitent. Rursus alii *ferramentum candens*, quale illud esse potest (*fig. 21.*) tubulo (*fig. 22.*) super os lacrymale imposito, sic applicant, ut deinceps per hoc os penitus ad narem usque illud transadigant; reliquis, ut modo praescripsimus, ordine confectis. Quanquam autem molestae admodum sunt, quas haecenus explicatas dedimus, fistularum lacrymalium, praesertim absque oculi lacrymantis superstitis periculo, curandarum rationes, tamen quousque commodiores defuerunt, pro praestantissimis atque adeo prorsus necessariis non sine ratione a chirurgis recentioribus expertissimis habitae sunt. Sic enim vel ipse etiam SANCTUS YVESIUS, (*St. Yves*) Parisiensium Medicus oculus nobilissimus, adhuc nuper adhibere ipsas consuevit, teste libello isto, quem *de oculorum vitiis* idem conscripsit, aliique plures.

XIV.

Interim quando aegri homines, praesertim delicatiores & nobiliores, *ANELII stru-* dictam operationem illam, propter & incisionis, & terebrationis, & *dium in cu-* uſtionis, & diuturnae tandem deligationis molestias, nec non propter *ratione fi-* deformioris cicatricis atque infelicioſis curationis, praesertim si parum *stularum* prudens chirurgus acceſſerit, periculum, quam maxime difficulter ad- *emendanda* miserunt; operae pretium facturus sibi visus fuit ingeniosissimus auctor *celebratur.* Gallus, ANELIUS, si ad Serenissimam Sabaudiae Ducem sanandam An. 1712. novam eandemque tutam magis ac mitem fistulas curandi rationem excogitaret. Quod ipsum etiam usque adeo feliciter idem praestitit, ut non solum novae, sed & interdum inveteratae quoque fistulae lacrymales, dummodo callus atque caries absunt, absque omni scalpello,

cauterio item ac deligatione illa molesta sanari nunc haud raro valeant. Cujus equidem *curationis* quaenam *potiora artificia* sint, strictim nunc jam declarabimus.

XV.

*Specilli
Aneliani
usus.*

Nempe proprium quoddam specillum satis tenue e filo argenteo ad instar arcus quodammodo inflexo conficitur. [*vid. Tab. XVI. fig. 11. 12. 13.*] Dehinc aegrotus in sedili adversa luce quam aptissime constituitur, diductaque per manum alterutram, quantum satis est, superiori palpebra, per ipsum punctum lacrymale superius, quod chirurgus probe cognitum esse debet, quam mitissime fieri potest, specillum istud inflexum in saccum lacrymalem altera manu demittitur. Quod ipsum equidem eo promptius atque commodius solet effici, quo magis perspectam partium istarum figuram ac posituram ex anatomicorum doctrinis Chirurgus habuerit. Tum eadem providentia versus nasum specillum insertum dirigitur; postea manubrium paullo elevatur, eoque alterum ejus extremum, quod in sacco lacrymali haeret, hinc inde motitando blande deorsum ac versus nasum, certa quadam dexteritate compellitur, preclususque ductus nasalis sic quam solertissime rursus deoperitur. Longe autem facilius deoperiri ductus iste consuevit, sicubi non nisi *per materiam, aut humorem aliquem glutinosum obturatus*, quam si *plane coalitus*, ceu fieri in fistulis inveteratis solet, idem advertitur. Namque hic major ut plurimum in premendo adhibenda violentia est, ita ut acutum, sed tamen non adeo gravem aut intolerabilem dolorem aegrotantes sentiant, sanguisque etiam tunc aliquid e naribus exeat. (a) Ne qua forte autem ductus iste lacrymalis recens apertus denuo praecludatur, necessarium utique visum est auctori ANELIO non solum aliquoties quotidie, nempe circa matutinum semper atque vespertinum tempus, aut, pro re nata, saepius etiam per idoneum siphunculum aptum injicere liquidum; sed simul quoque dictum illud curationis negotium repetere, donec nihil amplius puris per puncta lacrymalia revertatur; unde ulcus mundatum ac pristinae integritati restitutus esse ductus iste nasalis deprehenditur.

XVI.

*Siringae
Anelianae
usus.*

Hoc ergo injectionis artificium parva fit ista siringa sive siphunculo superius jam tum (*vid. Tab. XVI. fig. 14.*) commendato, ab ANELIO excogitato, aliove simili. Hujus enim pars anterior sive tubulus tenuis litt. A setam suillam circiter crassitudine adaequans, in infe-

(a) Usus horum specillorum *Garenges* ignoravit; dum putavit, eis ductum nasalem obstruere non referari posse; sed ea tantum pro explorando sacco lacrymali servire. Conf. N. XXV. hujus capituli: cum tamen revera eis referari queat.

inferioris palpebrae, quippe minus mobilis, punctum lacrymale curiosissime inseritur, contentumque in ipsa purgans atque sanans collyrium (*vid. supra* Cap. LIII. No. 5.) in saccum lacrymalem diligenter injicitur: atque id ipsum repetitis semper vicibus; quo scilicet accuratius & sordes eluantur, & ductus lacrymalis novus apertus fervetur. Ut vero hoc quam aptissime fiat, aeger in sedili collocetur, adversa luce, capite vel erecto, vel paullulum reclinato: & si oculus dexter curandus, chirurgus stet in latere aegri dextro, digitumque annularem manus sinistrae, repleto prius siphunculo liquore idoneo, imponat palpebrae inferiori, mox sub puncto lacrymali inferiori, juxta saccum lacrymalem, eoque non solum palpebram hanc ita diducat, ut punctum ejus lacrymale in conspectum prodeat; (id quod facile fit si res rite instituatur) verum etiam siphunculus quam commodissime ei immitti queat: qui digitus simul fulcrum sit, ne manus intremiscat, sed strenua ac stabilis sit. Postea siphunculus ad locum ejus posteriorem, litt. C. notatum, indice & medio digito manus dextrae comprehenditur pars ejus inferior, litt. D inter eosdem manus sinistrae digitos, jam sub aegri oculo quiescentis, interseritur, eisque firmatur; pars denique extrema siphunculi sive tubulus litt. A in punctum lacrymale inferius quam cautissime immittitur, (a) caput pistilli litt. B, appposito dextrae manus pollice, deprimitur, atque sic liquor per punctum lacrymale in saccum lacrymalem, canalem nasalem & nares impellitur. Sed si verum fateri fas est, haec omnia facilius demonstrari, quam verbis satis describi possunt. (b) Interea tamen, quicquid ~~autem~~ humoris in punctum lacrymale inferius injicitur, illud omne confestim cum e puncto superiori redit, tum per ductum nasalem in nares atque ipsas fauces rursus profluit. Si oculus sinister curandus, chirurgus quoque in latere aegri sinistro stet, ac cetera omnia perinde faciat, ut de dextro oculo jam jam docuimus. Variationis, sive, ut vulgo dicunt, *curiositatis* causa, ut quandoque per superius quoque punctum lacrymale siphunculo liquidum injicerem, digito eodem annulari manus sinistrae, sed supra punctum superius posito, palpebram superiorem paullo sursum deduxi, donec punctum superius in conspectum prodiit: cui siphunculum immisi, & liquidum, ut antea posui, injeci: id quod eadem fere facilitate, ut prius praestare potui. Sed manuum dexteritas & acies oculorum clara, si usquam, sane hic

D d d d 2

quam

(a) *Garengot* vult, cap. de fist. lacrym. tubulum siphunculi pluribus motitationibus in saccum usque lacrymalem esse immittendum. Sed hoc non est necessarium. Sufficit si in principio ductus puncti lacrymalis est.

(b) Factum inde videtur esse, quod nonnulli pessime hasce operationes describerint. Ita & *specula oculi*, quae a *Garengot* hic commendantur, lib. de Instr. chir. Tom. I. p. 422. vel prorsus inutilia ac aliena hic sunt, vel saltem commodius sine his perficiuntur.

quam maxime requiritur, ut haec rite perficiantur. Commodius tamen est in inferius punctum siphunculum immittere, quam in superius.

XVII.

Quid facientium sit. praeterea.

Geminum illud curationis negotium tantisper in dies singulos continuandum est, donec 1) sine specillo argenteo immisso & quasi sponte sua liquor praedicta ratione injectus ad nares penetrat; 2) pituitae vero purulentae nihil quicquam amplius nec sponte sua, nec post compressum digitis sacculum, e cantho majori prodeat. Tum enim feliciter confecta esse operatio conjicitur. Quanquam in aliis citius, tardius in aliis absolvi curationis negotium consuevit. Nunc enim post quartum, octavum, decimum quartum aut vigesimum diem fistulae non adeo mali moris sanescunt; nunc magis amplum temporis spatium ad sanationem impendendum est. Interim nulla fere tam pertinax lacrymalis fistula deprehenditur, quin extirpari per haecenus explicata ANELII artificia possit: dummodo caries atque callus abfuerint. Quin egomet non saepissime tantum fistulas ejusmodi quam minimo temporis spatio, hoc est, intra tres quatuorve dies feliciter istac ratione curavi; sed singulari quoque experimento didici, posse vel ad ipsas etiam caries mitiores *Anelianam* istam *methodum* haud prorsus inaniter adhiberi. Sic enim anno 1727. puellam quandam, undecim annos habentem, per sex circiter menses continuato quotidie injectionis opere, feliciter ab ejusmodi fistula veteri & carie mitiori donata, me liberare me-mini: quae nunc adhuc bene valet, & matrimonium iniit.

XVIII.

Fistula patiens quomodo curanda sit.

Quoties fistula lacrymalis *perfecta* adest, ubi scilicet cutis externa simul erosa est, longe utique facilius aperiri *ductus nasalis praecclusus* poterit. Neque enim hic per punctum lacrymale, sed longe commodius per ipsam fistulam externam, per ductum nasalem recta deorsum transadigi in nares specillum illud parvum argenteum Anelianum potest, & quidem crassiori extremo litt. b in fig. 12. signato. Imo aliquando ad ductum nasalem obstructum referandum in ejusmodi malo usus sum eo specillo, quod Tab. I. litt. K exhibetur: quo facile ductum nasalem referavi. Cetera pro mundando ulcere eadem facienda sunt, quae haecenus proposuimus: praeterquam quod loco turundae e linamentis, turundula plumbea aut cerea adhiberi longe aptius queat, ductusque nasalis lapide infernali, conuli inversi figuram habente, alternis diebus cautissime tangendus sit, donec satis obdurata glutinationique non amplius opportuna ductus istius nasalis latera inveniantur, ubi postea apertura ulceris externa glutinatur, injectionibus pro canali nasali aperto servando aliquamdiu adhuc continuatis. PETITUM filo cerato crassiori haud infeliciter loco turundulae pro canali nasali aperto servando usum aliquando hic fuisse, GARENGEOTIUS memorat. lib. de operat. chirurg.

rurg. cap. de fistula lacrymali. Quando vero in his casibus os unguis vitiatum, ulceris foramen est ampliandum, caries auferenda, vel os perforandum, ut supra jam proposuimus.

XIX.

Sicubi fistula lacrymalis *sine ductus nasalis obstructione* incidit, uti- *Fistula sine ductus na-*
que non tam specillo argenteo, quam potius frequentissima materiae *salis ob-*
per injectum idoneum liquorem expurgatione opus est. Similiter *structione.*
ubi nimis relaxatus saccus lacrymalis advertitur, confortantia inprimis
medicamenta, nec non instrumenta comprimentia, quale illud Tab.
XVI. fig. 20. vel alia idonea, ab AQUAPENDENTE, SCULTETO, PAL-
RINO aliisque delineata injicienda sunt, quae pristino vigori paulatim
ipsum restituant.

XX.

Animadvertendum hic etiam atque etiam est, egregie sibi met at- *At fistulas*
que aliis imponere, qui statuere ausi sunt, quasi non ipse modo pri- *callosas &*
mus inventor, ANELIUS, sed egomet quoque existimemus, nullam *cariosas*
omnino fistulam lacrymalem existere, quin curari per descriptam A- *Aneliana*
NELII methodum valeat. Ubi enim aut gravis callus, aut inveterata *metodus*
atque ampla nimis caries simul adsunt, tum nihil omnes injectiones *raro valet.*
istae proficiunt. Neque enim adhucdum reperiri medicamenta satis
ad id valentia potuerunt. (a) Similiter evenire haud raro solet, ut
vel ductus nasalis apertus conservari, vel continuum materiae cor-
ruptae incrementum impediri, vel transmitti ad nares, specillo li-
cet pervias, liquor injectus secundum Aneliana artificia nequeat.
Cujus equidem rei exempla egomet varia passim deprehendi, etiam-
si causam veram eruere haud valuerim. Si quid ergo istiusmodi
acciderit, aegrotusque curari nihilominus voluerit, unicum auxilium
in eo positum est, ut, pro nova via ad nares paranda, itemque pro
extirpandis callo atque carie, superius propositam (vid. No. 12. &
13.) medicinam efficacissimam, vel etiam mox describendas novas cu-
randi vias adhibeamus. Nonnunquam ita alte *ad ipsa narium ossa*
spongiosa caries penetrasse quibusdam visa est, ut nec medicamentis,
nec ferris candentibus tolli penitus potuerit; id quod tamen ego huc-
usque nondum deprehendi. Interim eatenus deliniri eadem quan-
doque potest, ut per novum aliquem factum ductum nasalem, mo-
do supra proposito, ad nares materia corrupta feratur, quae, non
sine mirifica aegri hominis molestia, ex ipsis oculis antea profluxe-
rat: praesertim si injectiones idoneae postea aliquamdiu usurpantur.

Dddd 3

XXI.

(a) Celebris ille archiater Palatinus BRUNNERUS per litteras aliquando me cer-
tiores fecit, se injecto liquore mercuriali fistulam lacrymalem pessimam feliciter
curasse.

*Aliae cu-
randi ratio-
nes novae.*

Dictum superius est, in fistulis lacrymalibus imperfectis, sive subter cutem adhuc latentibus, cutem prius externam aperiri scalpello debere, quam unguis os perforatur. Minus autem longam minusque molestant operationem istam ut efficeret Hamburgensis aliquis Chirurgus, nihil abs re facturus sibi olim visus est, sicubi per peculiare quoddam atque id accommodatum instrumentum, (cujus fere figura exhibetur *Tab. XVI. fig. 24.*) cutem externam, saccum atque unguis os uno eodemque opere perforaret, ductu isto lacrymali novo per immissam turundam super indicata ratione confirmato, vulnereque dein externo rite rursus glutinato. Denique in recentioribus haud desunt, qui, quoniam novus ductus, perforatione ossis unguis factus, saepius coaluisse visus est, loco turundae ductu WOLHUSII tandem *tubulum aliquem plumbeum*, vel aureum, vel argenteum *Tab. XVI. fig. 25.* in novum ductum istum per os unguis in nares inferunt, (a) decenterque tandem glutinato vulnere externo intus relinquunt; ne unquam iterum, ceu fieri alias quam saepissime solet, coarctari ductus iste valeat: id quod etiam jam aliquoties haud sine successu perfeci; attamen tubulo usus sum prioribus paullo majori, ut tanto amplior via lacrymis pateret, sicut *fig. 26.* exhibetur, & ulcus desuper glutinavi.

XXII.

*Methodus
nova Lamo-
rieri.*

Adhuc novam has fistulas curandi rationem nuper demum cum publico communicavit Academia Regia Parisiensis: (b) qua inventor ejus Dn. LAMORIER sacculum lacrymale scalpello, ut alias fieri solet, quantum satis est, aperit, deinde forcipem peculiarem rostro acuto & curvo immittit, (*vid. Tab. XVI. fig. 29. litt. A*) atque rostro hoc os lacrymale ad cavum usque narium perrumpit. Hoc facto, ut ampliorem hiatum sive ductum ad nares conficiat, [quem satis amplum valde necessarium esse indicat, ne facile, ut alias saepe contingit, rursus coeat ac concreascit,] forcipem paulo dilatat, (*vid. fig. 30.*) eoque ipso lacerat ac diffringit uberius & os lacrymale & membranam nasi internam. Forcipe remoto primis diebus vulnus linamentis carptis & unguento digestivo deligat. Tertio vero vel quarto die loco turundae novo ductui candelam ceream, cujus crassities calamum stramineum sive lineam mathematicam aequare minimum debet, eamque paululum incurvatam & capitulo quodam instructam (*vid. fig. 31. litt. A & B*) immittit, quam per triginta quinque, imo quadraginta dies in eo conservari praecipit, donec novus ductus perfecte formatus sit, & tunc demum candelam hanc ceream rursus extrahi atque vulnus consoli-

(a) Vid. PLATNERI *diff. de fistula lacrymali.*

(b) in *Memor. Acad. Reg. An. 1729. pag. 590. Edit. Amstel.*

solidari jubet: sic enim certe ductum apertum conservatum iri, novamque concretionem non metuendam esse, asseverat.

XXIII.

Alium adhuc fistulas has curandi modum, quo YVESIUS, (St. Yves) <sup>Yvesii mo-
dus.</sup> ocularius ille Parisinus quondam celeberrimus, ac supra jam laudatus, usus est, in dissertatione quadam de fistula lacrymali Basileae An. 1730. habita, describit Jo. Casp. SCHOBINGERUS, Sangallo-Helvetius: qui ita ferè se habet. „ Cutis scilicet circa majorem oculi angulum, dum aeger in sella sedet, leviter, ut in vena secanda, tenditur, & una cum sacco lacrymali, a palpebris, musculi orbicularis tendinem versus, scalpello phlebotomo oblique pertunditur, (a) immissoque per noctem spongiae compressae sive praeparatae, ut vocant, frustulo, vulnus dilatatur, & superimposito emplastro conveniente munitur. Altero die, apparatu remoto, vulneris & subjacentis ossis unguis status specillo & injectione exploratur, & praesertim, an ossis unguis caries adsit, inquiritur. Postea altera Chirurgi manus caput aegri sustentat; altera specillo fortiori, vel instrumento quodam tricuspidalis (acu seu clavo potius apice triangulari) Gallis Troicar vocato, os unguis nasum versus caute & oblique perforat. Ubi quam maxime observandum, ut primo locus probe observetur, quem os unguis occupat: ne imprudenter os planum, prioris loco pertundatur, vel in ossis maxillaris apophyfin nasalem, vel in sinum hujus ossis frustra immittatur. Deinde ut ferramentum perforans ductu obliquo ita dirigatur, quo ejus apex, perforato osse unguis, inter utramque laminam ossium spongioforum medium nasi locum obtineat, ne vel hae vel aliae partes laedantur. Perforato sic osse unguis, Chirurgus aegri nares cohibet, eumque spiritum ducere (seu potius spiritum per nares expellere) jubet, ut ex aëre & sanguine per vulnus egrediente, an perforatio ossis hujus rite instituta sit, cognoscat. Liberam ad nares viam ex indiciis hisce cognoscens, eam ita fervare studet, parumque dilatat, immisso in vulnus frustulo ligneo cuneiformi, (b) atque emplastrum superimponit: quod idem sequentibus diebus per turundas, ex linteo cera imbuto factas, praestare studet. Has autem tertio quoque die mutat, sensimque crassiores (neque tamen vel crassissimam ultra calami scriptorii amplitudinem) adhibet; dein retrogressus ad eandem proportionem, tenuioribus paulatim turundis rursus utitur. (c) Harum ope

(a) Hic descriptio hujus operationis mihi obscura videtur: nam dum a palpebris dicit, haud satis patet; utrum ab inferiori an superiori sectio sit instituenda. Ego ab inferiori sectionem inchoandam esse hic puto.

(b) Qua magnitudine, non indicatur; licet lector hoc non facile divinare queat.

(c) An omnes hae cautelae sive circumstantiae adeo sint necessariae, dubito.

ope ossa corrupta, nullo adhibito igne, sponte, ut affirmat, secedunt, & nova ex sacco lacrymali paratur lacrymis via ad nares. *Asperitates aut festucae ossium*, si quae curationis tempore occurrunt, auferendae. Sinus, si quidam adsit, forfice aperitur, *membranae Schneiderianae* ipsiusque sacci lacrymalis ulcera lapidis infernalis repetita circa curationis finem applicatione consolidantur. In quavis deligatione aeger, cohibitis naribus, aërem per novam viam nisu quodam expellere fatagat, ut sic pus, hic loci forte collectum & stagnans, expellat, atque Chirurgus novam turundam, non nisi oleo prius inunctam, (a) in ductum recens paratum intrudat, atque emplastrum superimponat. Tandem ductus parietibus satis firmatis atque consolidatis, turunda removetur atque omittitur, & solo emplastro glutinatio vulneris externi perficitur; id quod intra sex, ut ait, vel octo hebdomadam spatium optime plerumque absolvitur. „ Haec omnia vero an ex voto sint peracta, repetitae circa curae finem, ac post curatum morbum injectiones congrui liquidi (*per punctum, ut puto, lacrymale*) ostendunt, dum hoc in nares penetrat.

XXIV.

Monita
circa Anelii
modum.

Ratione vero hujus *injectionis* monendum mihi hic est, SCHOBINGERUM perhibere, *methodum* curandi has fistulas *Anelianam oblivioni fere hodie esse traditam*; cum non absque summa industria dexteritateque administratur. (b) Concedo & credo quidem apud eos, qui debita dexteritate eam rite perficiendi instructi non sunt, ipsam oblivioni traditam esse & adhuc tradi; verum propterea ego ipsam oblivioni minime tradidi, sed mihi potius in frequenti usu est, & facillime eam plerumque perficio. Ex descriptione autem, quam SCHOBINGERUS de ea dedit, pag. 21. verisimile est, ipsum eam non nisi difficillime perficere posse: quia debitum artificium sive *encheirisin*, ut vocant, haud satis cognovisse videtur.

XXV.

Garengeoti
quidam errores.

Ita & GARENGEOT. in operat. suis *Chirurg.* ANELII modum fere silentio praeterit, quasi rem nullius momenti; in libro vero ejus, quod de *instrumentis Chirurgicis* agit, tam male de ipsa scribit, ut manifestum inde sit, ipsum eam nunquam tentasse vel instituisse. Ita & *specillum*, quod pro hoc usu ibidem delineat, (c) tam tenue & imbecillum, adeoque

(a) Ab omnibus aliis Chirurgis olea ossibus laesis noxia esse docentur: non igitur video, quare hic olea commendet, ubi ossa tenerrima laesa sunt; neque, quale oleum hic secure adhibendum sit, indicat. Idcirco tutius esse puto, turundam spiritu vini vel essentia vulneraria potius imbuere, quam oleis noxam ossibus inducere.

(b) In dissert. sua de fistul. lacrym. supra citata pag. 22.

(c) Tom. I. de instrum. chirurg. pag. 427.

eoque tam male versus superius extremum effingi curavit, ut nunquam ea canalis nasalis clausus pertundi queat. At tubulum extremum siphunculi *Aneliani* tam tenuem quoque ac subtilem ibidem litt. M. repraesentavit, ut perforatus, sicuti oportet, esse nequeat; sed potius instar aciculae cum dolore, si palpebris admoveretur, puncturus sit. Denique *speculum oculi* in his injectionibus, contra *ANELII* inventoris & meam jam a viginti & quod excedit annis descriptionem (a) traditam, adhibendum esse docet, (b) & duplex hunc in finem delineavit; quod vero in hac operatione chirurgum profecto plus impedit quam juvat, solisque digitis rite applicatis, ut supra docui, melius haec omnia fieri possunt, quam cum ita dictis speculis, sicut vel milles illud perfeci. Interea tamen, licet hoc tam saepe factum sit, & adhuc fiat, *GARENGEOT specillis oculariis in canalem nasalem perveniri posse, negat*, (c) quoniam viarum flexus nimis esset magnus. (*Le detour est trop grand*) Sed regero, difficulter quidem hoc negotium aliquando succedere iis, qui in hac arte nondum satis exercitati, aut requisita scientia & dexteritate non instructi sunt, vel non satis ad illud, quod hic faciendum est, attendunt. Verum propterea illud perfecto non est impossibile, sed satis plerumque facile res haec a viginti abhinc annis mihi successit in plerisque meis aegris, postquam ea, quae *ANELIUS* hac de re scripserat, tantum legeram; licet nunquam antea ab aliquo hanc operationem viderim institutam. Ita aliquoties chirurgi a locis remotis, & quidem aliquando Hamburgo huc Helmstadium ad me venerunt, ut hanc operationem, (quam quoque, postquam saepius eam frustra alibi antea tentaverant; impossibilem esse crediderant) a me viderent ac discerent; qui deinde, postquam artificium sive encheirisin ipsis aliquoties in ejusmodi aegro demonstraveram, eam promte imitari poterant. Imo aliquando studiosum Theologiae hoc morbo laborantem curavi, qui, postquam quotidie aliquamdiu & saepius ipsi haec specilla per punctum lacrymale & ductum nasalem obstructum in nares usque ejus, & quidem sine ullo fere dolore, immisi, ipse hoc ante speculum in se ipso tentavit ac tandem feliciter perfecit: imo hoc brevi promptius fere, quam egomet ipse, in conspectu multorum studiosorum, dexterrimo specilli motu, in semet ipso perficere potuit; ita ut; dum specillum vix ad punctum lacrymale ab ipso admotum crederes, jam per

Tom. II.

Eeee

fac-

(a) In diss. mea de fistula lacrymali.

(b) Ibid. pag. 416. & 417.

(c) Nam pag. 426, postquam, quomodo specillum per punctum lacrymale immitendum sit, descripsit, ait: on donne quelques petits mouvemens pour chercher le sac lacrymal, approchant de l'ouverture, qui communique dans le canal nasal autant qu'on le peut; CAR IL N'EST PAS POSSIBLE D'Y ENTRER, LE DETOUR EST TROP GRAND. L'usage de ces instrumens est de sonder par le points lacrimaux, afin de voir ce qui se passe dans le sac.

saccum & canalem nasalem in nares propulsum haereret, idque saepius per integras horas sine incommodo in viis lacrymalibus & naso, pro referata via melius aperta fervanda, reliquit. Prolixior hic paulo fui, primo ut illud *impossibile* refellerem; ac deinde ut ex dictis appareret, GARENGEOTIUM in hac operatione non solum haud exercitatum esse, sed etiam *usum praecipuum horum specillorum ignorare*: quia tantum ait, ea servire *pro explorando sacco lacrymali*; cum potius ad referandum atque *aperiendum canalem nasalem obstructum* & in oculo lacrymante & in fistula lacrymali ab inventore *destinati fuerint*, atque etiam in his morbis optimo cum successu saepius adhiberi queant. Denique etiam inventoris horum specillorum & siphunculi, quae delineavit & descripsit, ANELII scilicet, nullam prorsus mentionem facit; quod vero quare fecerit, aliis dijudicandum relinquam. conf. Cl. MORGAGNI Advers. Anatom. VI. animadvers. LXIV.

XXVI.

*In curatio-
ne mirum
quantum
auctores va-
riant.*

Memoratu dignum hic atque ex haecenus adductis manifestum videtur, fistulam lacrymalem curandi rationes usque adeo multiplices & varias existere, ut in nullius propemodum alius morbi curatione magis ab invicem Chirurghi dissenserint. Copiosius adhuc atque proluxius hanc in curandis fistulis lacrymalibus operationum varietatem in ea Dissertatione explanavimus, quam seorsim *de fistula lacrymali* jam An. 1716. Altorfii quondam conscripsimus.

XXVII.

*Auctoris
ratio cu-
randi fistu-
las lacry-
males quae
fit.*

Tandem nunc illud forsan superest, ut, quam egomet in curandis fistulis lacrymalibus rationem inire soleam, breviter exponam. Scilicet initio mitissimam ANELII methodum, praesertim in recentioribus, commendatam mihi habeo, eamque per aliquot dies vel hebdomades, praesertim si malum minui observo, pro mali diversitate, tento. Quae vero ubi parum proficit, ad scalpellum venio, providissimeque oculo utroque tecto, cutem externam atque saccum lacrymalem sectione vel obliqua vel lunata sic aperio, ut altero die, ne sanguis impedimento sit, commode perforari per adhibitum instrumentum (*Tab. XVI. fig. 24*, vel *Tab. XXIV. fig. 2.*) unguis os amplo satis vulnere ad nares usque valeat: id quod postea ratione supra indicata quam cautissime perficio. In foramen sive canaliculum istum novum, eloto prius vulnere vino tepido, primo turundam, & post alterum tertiumve diem candelam ceream aut turundam quandam plumbeam paullo ampliorem, ut meatum novum bene impleat, ea fere crassitudine quam ferrum *fig. 21. litt. A.* ostendit, medicamentis balsamicis inunctam, tantisper injicio, donec penitus idem fuerit confirmatus. Quod vero ut citius fiat, oras novi canalis alternis fere diebus, extracta prius turunda, lapide infernali tango, idque per tres vel

vel quatuor hebdomades, aut etiam, si opus, diutius continuo. Postea vulnus vel sine cannula injecta, si novus ductus satis amplus, glutino, vel tubulum aut cannulam quandam plumbeam sive in ditioribus auream, eandemque breviorē, ut in *Tab. XVI. fig. 25.* quales PLATNERUS delineavit; vel quia has subinde nimis angustas observavi, ut liquidum viscidum commode transire non potuerit, paullo ampliorē, ut *fig. 26.* a me delineatur, quoad ejus fieri potest, exactissime in foramen illud sic insinuo, ut post impositum medicamentum balsamicum & emplastrum quam aptissime super ipsam & deligari & glutinari sacculus lacrymalis ipsaque cutis externa possint. Tubulus iste sic in novo ductu & naso relinquatur, itaque relictus usque adeo parum aegris molestus est, ut nonnulli existant, qui eundem sibi a me intus relictum fuisse ipsimet nesciant. Ut vero haec curatio tanto melius succedat, altero die post adductas vulneris oras, per punctum lacrymale quotidie aliquoties decoctum veronicae siphunculo Aneliano injicio, ut lacrymis sic via per tubulum illum monstretur. Quanquam autem ad abducendam in nares pituitam tubuli isti satis idonei esse consueverunt; tamen neque illud diffiteri ego possum, in quibusdam fistulis gravioribus, praesertim si non satis ampli sunt, ipsos non omne punctum absolvere, sed interdum mali adhuc aliquid, & inprimis oculum lacrymantem, relinqui, *Ferro candenti* ad has fistulas sanandas nunquam adhuc usus sum, atque rarissime illo opus esse existimo; licet tam multi auctores illud tantopere tanquam maxime necessarium commendaverint, & quidem non semel aut bis, (a) sed multoties, imo fere centies (b) illud adhibendum praeceperint. Verum potissimum curationis momentum in eo versari opinor, ut canalis novus, ferramenti supra laudatis, satis amplus paretur, ne facile rursus coarctari aut claudi intus possit. Ita enim simul caries, si quae adest, in osse unguis destruitur sine ferro candenti. Atque ex his simul intelligi potest, ea ferramenta, quae nimis angustum canalem per os unguis efficiunt, itemque tubulos aut cannulas angustiores fistularum harum curationi minus idonea esse.

XXVIII.

Denique *cautelae* nonnullas hic adhuc adjiciendas esse haud alienum existimavi: & primo quidem *in curationis principio*, praesertim ubi sectio instituitur, *alvum aegris* prius *ducendam* esse duco, & si forte sanguine

*Cautelae
& monita
quaedam.*

Eeee 2

abun-

(a) Ut GALENUS, ARCHIGENES, CELSUS, AEGINETA, PARAEUS, AQUAPENDENS, SEVERINUS, *Isaack* ISRAËLITA, MARCHETTUS, SOLINGEN, VAUGUION, CLERC, DIONIS, MAITRE JAN.

(b) Sicut *Herc.* SAXONIA fecit. Quidam ex veteribus, teste GALENO *de comp. pharmac. f.c. locos lib. V. cap. 2.* adeo crudeliter in fistula hac sananda processerunt, ut per angustum quoddam infundibulum *plumbum liquefactum* in fistulam super os intulerint. Conf. *dissert. nostra de fistula lacrymali, cap. 5.*

abundant, sanguinem detrahi curo: id quod etiam post operationem, si forte inflammatio incidit, quod tamen hic raro vidi, iterari jubeo. (2) *Si corpora impura*, in quibus curatio haec instituenda, ante & post operationem medicamenta sanguinem purificantia, cum primis decocta lignorum, interjectis subinde alvum ducentibus idoneis, adhibeo. (3) *Si alii morbi forte conjuncti*, his propriis suis remediis occurrendum est. (4) Sectionem ego *stando* perficio; PLATNERUS vero eam *sedendo*, fere ut in cataractae operatione, fieri vult. *diff. de fist. lacrym. pag. 41.* (5) Idem praecipit pag. 43, ut in sectione hac *periostium ab osse removeatur*, & ut *saccus lacrymalis transversa sectione ab osse unguis separetur atque extirpetur*. Verum quia harum rerum nullam video rationem, hoc nunquam feci & has fistulas tamen bene curavi. Quicquid enim per pauca fieri potest, non fiat per plura. (6) *Pro hernia sacci lacrymalis curanda*, ubi canalis nasalis apertus est, PLATNERUS suadet, ut ea ipsa scalpello aperiatur, & postea balsamo de meccha rursus consolidetur: ita a cicatrice saccum lacrymalem laxum rursus coarctari & roborari. Ego in simili casu idem praestiti; sed per aliquot dies post incisionem oras plagae lapide infernali quotidie tetigi, & postea rursus glutinavi: ita majus adhuc inde robur saccus lacrymalis acquisivit, injecto postea simul intus decocto veronicae cum pauxillo spiritus vini. (7) Quando *caries os unguis obsidet*, hoc non pertundi, sed cauterio, ut veteres quamplurimi docuerunt, ad nares usque aduri idque aliquoties debere vult PLATNERUS pag. 47. Verum quia crudelioris hujus curationis nullam rationem addit, & ossis hujus caries pertundendo & sine igne tolli possit, blandiorem viam praefero. (8) GARENGEOT vult, ut in sectione harum fistularum, si *musculus oculi obliquus minor* pinguedine privatus conspiceretur, resecetur. (a) Sed cum nullam hujus rei rationem proferat, hoc consilium minime sequendum esse puto; quia noxam oculo inferre posset. (9) Idem GARENGEOT negat (b) *novam viam ad nares, perforato osse, conservari posse*; adeoque lacrymas quoque facta operatione ad nares non transire, & puncta lacrymalia post operationem esse inutilia contendit. Sed obloquitur hic experientiae cum nostrae, tum aliorum multorum nobilium Medicorum; atque uberius ostendit, se in morbis oculorum curandis non multum versatum esse. Quare etiam de YVESII, WOLHUSII & LAMORIERII curandi rationibus nihil proponere videtur.

Explica-

(a) Operat. Chirurg. Tom. III. pag. 87.

(b) Ibid. pag. 99 & 100.

Explicatio Tabulae decimae sextae.

- Fig. 1. exhibetur *hamulus* five *uncinulus* obtusus, & singulari modo inflexus, pro palpebris abducendis five diducendis in quibusdam operationibus in oculo & palpebris instituendis: quem gallico nomine *Hamson plat* accepi. Litt. A denotat partem unci obtusam; B ejus manubriolum.
- Fig. 2. repraesentat *acum* litt. A, manubriolo B instructam, pro vasis sanguiferis tunicae adnatae vel etiam pro pterygiis quibusdam elevandis & discindendis.
- Fig. 3. *Gluma* ex arista secalina repraesentatur, pro *ophthalmoxystro* vegetabili parando; in qua uncinuli ejus litt. A. indicantur, quibus venulae oculi in scarificatione lacerantur.
- Fig. 4. ostendit *blepharoxystrum* five *ophthalmoxystrum* five *scopulam oculariam* ex decem, duodecim vel quindecim glumis aptis colligatis & sectis compositam: litt. A manubriolum, B partem, qua scarificatio palpebrarum & quandoque etiam oculi peragitur, uncinulis multis instructum.
- Fig. 5. *Ophthalmoxystrum blepharoxyston* CELSI & AEGINETAE sistit ad formam cochlearis fere exaratum: litt. A manubrium indicat; B partem, convexum cochlearis latus, idque exasperatum ostendentem, qua palpebras veteres radere five scarificare solebant, quod a D. MAUCHARTO accepi. Aliud ab hoc paullo diversum a D. PLATNERO exhibetur, dissert. de scarif. oculor. litt. F.
- Fig. 6. Oculum sinistrum repraesentat, cujus *bina puncta lacrymalia* per litt. aa; *caruncula lacrymalis* his interjecta per litt. b indigitatur.
- Fig. 7 & 8. *ductus lacrymales* exhibent, qualiter a binis oculis ad nares procedunt: litt. aa *sacculum lacrymalem*, bb *puncta lacrymalia*, cc *ductus* a punctis his ad *sacculum lacrymalem* tendentes, dd *ductum nasalem*, & denique ee *osculum* hujus ductus in nares hians indicant.
- Fig. 9. designat, quomodo recensitae partes istae cum oculo sinistro conjungantur: litt. aa *puncta lacrymalia*, b *carunculam*, cc *ductus* a punctis lacrymalibus ad *sacculum lacrymalem* protensos, d *sacculum lacrymalem*, e *ductum nasalem*, f denique *ductus* hujus *osculum* in nares desinens demonstrant.
- Fig. 10. litt. AB relaxati *sacci lacrymalis tumorem* five *berniam*, quam vocant *lacrymalem*, itemque *anchilopa* designant.
- Fig. 11. *specillum argenteum* tenuissimum, quali in primis experimentis usus sum, ostendit, paululum inflexum, perquam exiguo globulo olivari circa apicem a instructum, pro ductu nasali in oculis lacrymantibus fistulisque obstructo, secundum Anelianam methodum, referando.

Fig. 12. *Specillum Anelianum* ostenditur; quod, ut facilius ductus nasalis obstructus perforari queat, versus alterum extremum b, majoris roboris gratia, meo crassius & robustius est.

Fig. 13. Aliud ejusmodi specillum, quali hodie plerumque utor, praecedentibus multo brevius; sed ut eo, expertus sum, commodius.

Fig. 14. *Siringam argenteam* ad ANELII descriptionem olim a me paratam sistit, ad injiciendos per puncta lacrymalia idoneos liquores accommodatum; litt. A tubulum ejus tenuissimum designat, cujus apex tantum in punctum lacrymale immittendum; B vero pistillum; C pars suprema, quae dextrae, D quae sinistrae manus digitis comprehenditur.

Fig. 15. litt. A *Tubulum aliter conformatum* exhibet, qui eidem vel simili siringae in eundem usum jungi potest ope cochleae B.

Fig. 16 & 17. demonstrant, quomodo *saccus lacrymalis* varia ratione interdum *relaxari* aut distendi soleat.

Fig. 18. repraesentat, quomodo juxta ductus lacrymales abscessus & tubercula, quae ductus lacrymales erodunt, fieri quandoque soleant, hocque ostendit litt. a circa superiorem, b vero circa inferiorem: qualis morbus serenissimae Sabaudiae Ducis fuisse mihi videtur.

Fig. 19. litt. a demonstrat fistulam lacrymalem *perfectam* paulo ampliori foramine, b vero angustiori foramine apertam. Tractus vero c b, punctis notatus, modum quo fistula lacrymalis incidi potest.

Fig. 20. Instrumentum aliquod ferreum, quod pro comprimendo sacco lacrymali inservit, ex PLATNERI dissertatione sistitur: litt. A nodulus est, qui sacco lacrymali imponitur, B verticillum, C trochlea, qua nodus A fortius sacco admoveatur; D crus ejus superius, quod super frontem assurgit; E uncus, cum quo lorum F multis foraminulis praeditum nequitur, ut tota machina in capite & fronte probe firmetur.

Fig. 21. *Ferramentum* indicat pro osse lacrymali carie affecto *adurendo*. litt. A pars est, qua os aduritur, B vero manubrium, ex eodem.

Fig. 22. *Cannulam* sive fistulam exhibet ferream, cujus pars A loco carie affecto imponitur, B vero manubrium ejus ostendit, quo comprehenditur, dum ferrum candens per fistulam osse admoveatur.

Fig. 23. Instrumentum demonstrat ex argento vel orichalco confectum, quod circa litt. a ad *cochlearis instar excavatum est*, ut oculus adurendus eo comprehendi & tegi possit, dum per foramen b ferrum candens osse carioso admoveatur. litt. c est pars, quae pro manubrio inservit. Adhiberi etiam potest pro oculo tegendo, quando fistula lacrymalis inciditur.

Fig. 24. sistitur *ferramentum*, quo *cutis, saccus lacrymalis & os lacrymale simul perforari possunt*; vel etiam os unguis, aperto prius sacco lacrymali, solum pertundi & diffringi. litt. A notat apicem ejus, B manubrium.

Fig.





Fig. 25. litt. A & B indicantur *tubuli* secundum WOLHUSII methodum, ex PLATNERI dissertatione, quales in perforatum os unguis inferuntur, & glutinata postea cute obteguntur.

Fig. 26. *Tubulus* ejusmodi, sed paulo major & amplior, quali ego uti soleo eundem in finem; qui vel ex plumbo, vel auro constare optime potest.

Fig. 27 & 28. *Tubuli* sunt argentei ex eodem PLATNERO, oris instructi, quibus foramen ad nares factum, donec callo obductum sit, apertum servari vult.

Fig. 29. Forcipem denotat *Lemorierianam*: A denotat apicem incurvam & acutam, qua os unguis pertunditur; BB vero ejus crura, quibus apex dilatari & claudi potest.

Fig. 30. Ejusdem *forcipis partem supremam*, eamque apertam, significat, sicuti est, quando os lacrymale ea magis diffringendum est.

Fig. 31. ostendit candelae cereae, qualem LEMORIERIUS pro foramine, ad nasum facto, aperto servando loco turundae adhibet, figuram, & quidem litt. A ejus capitulum, B vero extremum, quod nares ingreditur.

Quales operationes Chirurgicae in ipsis oculis fiant. (a)

C A P U T L V.

De oculorum suffusione sive cataracta.

I.

QUIBUS equidem morbis partes oculo proximae affligantur, haec-
nus edisseruimus. Sequitur, ut de iis quoque malis exponamus, ^{Cataracta quid sit.}
quae ipsum oculi corpus sive *bulbum*, ut vocant, infestare con-
sueve-

(a) Laudem quidem hic meretur GARENGEOTUS haud exiguum, quando lib. de Instr. chirurg. Tom. I. cap. XIV. pag. 414. delet & redarguit Chirurgorum negligentiam, quod operationes Chirurgicas, quae in oculis instituendae veniunt, circumforaneis & bistrionibus relinquunt, eosque serio adhortatur, ut nobilissimam hanc chirurgiae partem sibi rursus vindicent, atque diligentius ac melius, quam adhuc factum est, excolant atque exerceant: cum plerique ne instrumentis quidem oculariis instructi sint. Interea tamen mirandum, quod in operationibus chirurgicis suis, tam ex praecedentibus, quam sequentibus, quae in oculo fiunt operationibus, nullam nisi unicam illam, quae de fistula lacrymali agit, ex tam multis descripserit atque Chirurgiae tirones docuerit, ceterasque omnes silentio praetermiserit. Vero simile autem tam ex hoc, quam ex eo, quod capite praecedenti N. XXV. monuimus, mihi videtur, eum ipsum non multum in oculorum curationibus versatum esse: praesertim quia tam pauca de iis praecepit, licet earum necessitatem satis agnoverit.

sueverunt. Potissimum fere in his illud est, quod *suffusionem* veteres Latini, recentiores *cataraetam*; Graeci autem *hypochyma* & *hypochysin* appellarunt; quodque ad nostra usque tempora minus accurate adhuc explicatumprehendimus. Et *cataraetam* quidem vel *suffusionem* quando nominamus, *istud oculorum vitium cum plerisque scriptoribus designamus*, quo *pupilla*, quae naturaliter nigra esse debet, *amisso colore naturali*, opaca fit, & vel in ea, vel mox post illam colores alienos, album puta, cinereum, flavum, coeruleum aut ferrugineum contrahit: unde initio varia visionis impedimenta, tandem vero plena occoecatio sive coecitas producuntur.

II.

Cataraetae
caussa se-
cundum
1) veteres.

2) secundum
recentiores.

Animadvertimus hic, Medicos, qui olim atque ad nostra fere tempora usque clari extiterunt, plerisque omnes insigniter in explicanda suffusionis vel cataraetae sede & causa aberrasse. Quotus enim quisque inter illos est, qui non dubitat quin morbum modo descriptum sive *suffusionem a corpore vel membrana aut pellicula quadam, intus in humore aqueo prae naturam suborta, semper nasci* existimaverit, & quod ejusmodi corpus sive pellicula aut membrana unica ejus causa sit? quum tamen e praestantissimorum virorum per aliquot abhinc annos passim institutis observationibus manifesto pateat, non nisi rarissime in istiusmodi oculis, qui ex testimonio optimorum Medicorum & Chirurgorum vera suffusione laboraverant, dissecatis tunicam albidam, aut aliud corpus prae naturam, sed opacum potius humorem crystallinum fere semper inventum esse. Itaque vera, ordinaria & frequentissima suffusionis causa, mea quidem sententia, post tot hodie facta experimenta in *humore crystallino opaco*, neutiquam autem, ut veteres opinati sunt, in peculiari eademque peregrina aut extraordinaria humoris aquei membrana videtur esse quaerenda. Neque vero mirum est, antiquiores Medicos & Chirurgos in assignanda suffusionis causa ut plurimum aberrasse. Nisi enim istiusmodi oculum concisum perlustraveris, fieri sane, propter speciem externam, aliter vix potest, quam ut obnubilum istum humorem crystallinum pro tunica aut pellicula quadam albicante habeas: qua ipsa per adhibitum instrumentum depressa, suffusio tollatur, pristinaque videndi potentia oculis restituatur. Luculenter equidem id ipsum, per adductas observationes quamplurimas in eo libello demonstravimus, quem separatim de *cataraeta, glaucomate & amaurosi* jam anno 1713, & postea in Apologia ejus An. 1717. ac vindiciis An. 1719. conscripsimus. Sed longe tamen plura in promptu adhuc observationum similium exempla sunt, postea hinc inde a praestantissimis viris observata, quibus jam jam dicta roborari ulterius possent; sicubi forte necessarium videretur. conf. Acta Acad. Reg. Parisinae & Londinensis, itemque commercium litterarium Norimbergense variis in annis.

III.

III.

Octoginta propemodum abhinc anni sunt, quando communis ille *A* quibus-
circa suffusionis causam Chirurgorum error publice notari a nobi-^{nam aucto-}
lissimis quibusdam viris, QUAREO, ROLFINCKIO, GASSENDO, RAUHOL-^{ribus vera}
TIO, BORELLO atque aliis coepit. At vero quia non nisi rarissimis ^{cataraetae}
observationibus sententiam suam veriore comprobaverunt, non pro-^{caussa de-}
tectata sit. insolitis solum habita sunt exempla ab iisdem observata & relata,
sed antiquus etiam error, quod corpus sive membrana praeter naturam
unica & perpetua suffusionis causa sit, quasi postliminio in chirurgorum
scholas fuerit introductus. Idque magis etiam ideo, quia nemo fere
de istiusmodi oculis, qui suffusione laborabant, incidendis ac per-
vestigandis ab eo tempore sollicitus fuisse videtur. Tandem nobile
Gallorum par, BRISSAEUS, Medicus Tornacensis, & MAGISTER JO-
HANNES (*Maitre-Jan*) Chirurgus, extiterunt, qui, incisis oculis cata-
racta laborantibus, novis exemplis atque experimentis nullam in eis
tunicam morbidam, sed obnubilum potius humorem crystallinum semper
subesse, graviter monuerunt. (a) Quanquam autem in eo fortassis
lapsi sint, quod primi hanc sententiam proposuisse sibi met ipsi visi fuerint;
quia nihil tunc in chirurgorum scholis hac de re doceretur, & quod
semper rem ita se habere putaverint; tamen vel eo nomine laudan-
di vehementer iidem sunt, quod optimum perspicacitatis ac diligen-
tiae exemplum reliquis chirurgicae artis cultoribus praeiverunt. Nam-
que, ut nihil nunc de me ipse proferam, sagacissimi profecto Gal-
lorum academici una cum Medicis atque Chirurgis solertioribus mul-
tis aliis ex Anglis, Italibus & Germanis nihil ferme sollicitius egerunt,
quam ut luculentissimis observationibus demonstrarent, ordinariam &
quammaxime solemnem suffusionis causam ab humore crystallino opaco seu
offuscato esse repetendam.

IV.

Studio dixi, ordinariam sive quammaxime solemnem cataractae causam Auctoris
ab humore crystallino esse repetendam. Tantum enim abest, ut cum ^{sententia}
modo laudatis auctoribus, tunicam istiusmodi praeter naturam generari ^{proponitur.}
aut suboriri quandoque in oculo posse, absolute ego negaverim, (b) ut po-
tius rem exactis observationibus ulterius explorandam statuerim. Ta-
met si enim de cataracta primum scripturo praeter observationes no-
vas BRISSAEI & MAGISTRI JOANNIS quinque admodum exempla in
promptu mihi erant, ubi in oculis cataracta affectis humorem crystal-
linum semper obnubilum adinveneram; nullum autem, ubi tunica

Tom. II.

Ffff

in.

(a) Eandem sententiam defendit recens Ocularius Anglus, *Taylorus*, in libello
nuper edito de cataracta, Londini An. 1736, lingua anglicana.

(b) His me annumerat *Taylorus*, lib. modo citato pag. 5.; sed immerito; cum
mea hac de re edita scripta contrarium demonstrent.

intus fuisset; *peculiarem* tamen *sententiam* amplexus sum, atque ultro mox promisi, *me tunicam* quoque vel pelliculam aut corpus aliud peregrinum in humore aqueo solidum *pro cataractae causa*, sed *rariori*, *habiturum esse*, simulatque ipsam in recenti cadavere repertam certus intelligerem. (a) Neque vero istaec mea cautio me prorsus fefellit. Tandem enim, post multas multorum & quam praestantissimorum Medicorum ac Chirurgorum observationes inaniter hanc in rem institutas, extiterunt, quibus valde insolitam istiusmodi tunicam in hominibus a suffusione, dum vixerant, infestatis, observandi contigit felicitas. Sic enim vir clarissimus, WIDMANNUS, Noribergensium Medicus meritissimus, discipulus quondam meus, nunc director Academiae Naturae curiosorum, primus mihi per litteras retulit, sese, LOCHNERO, THOMASIO, GOCKELIOQUE, Medicis Norimbergensibus spectatissimis, praesentibus, in utrisque feminae cujusdam oculis, quae cataracta laboraverat, tunicam istiusmodi praeter naturam reperisse. Simul autem *humorem crystallinum alterum ex parte, alterum penitus obscuratum sese observasse, monet*. Feminam ipsam post operationem, tribus ante obitum annis peractam, altero oculo, qui humorem crystallinum penitus obscuratum continebat, coecam prorsus extitisse; altero autem, utpote in quo subobscurus humor crystallinus erat, tantum solum vidisse, ut majores objectas sibi res & vias discernere ab invicem adhuc potuerit. Haud prorsus huic absimilia bina ista observationum exempla sunt, quae praestantissimus quondam Romani pontificis CLEMENTIS XI archiater, LANCISIUS, per nobilissimum GARELLIUM, archiatrum caesareum, humanissime quondam mecum communicavit. Is enim binos quoque, ut refert, oculos incidit, in quibus *membranulae* istiusmodi *albicantes* in humore aqueo adfuisse refert. Memorabile autem hic rursus illud inprimis est, quod utrique isti oculi nullam operationem sustinuerint, atque, ut in prioribus exemplis, non omnino claris sed flavescentibus instructi fuerint humoribus crystallinis, ita ut vitium crystallini cum membranulis hic ubique fuerit conjunctum. Ex his igitur paucisque aliis ejusmodi exemplis patet, causam cataractae subinde etiam posse esse membranam, longe vero frequentius crystallinum opacum.

V.

Adversariorum sententiae refelluntur.

Verum haec de suffusionis causa in crystallino quanquam verissima planeque luculentis & quamplurimis observationibus superstructa sit; haud tamen defuerunt, qui rem contra omnino sese habere existimarent. (b) Alii enim nulla prorsus ratione concipi posse statuunt, qui

fie-

(a) Vid. Tract. mea de cataracta. pag. 215 & 216. Apolog. p. 87, 286, 297. p. 300. Vindic. p. 1. 73. & alibi.

(b) Anno 1721. Jo Henr. FREYTAGIUS, Tigurinus, chirurgi filius, Argentorati disser-

fieri potuerit, ut tam excellentes Medici & cumprimis ocularii in tam frequentis mali causa peruestiganda *tandiu coecutiverint*. Aliis cataractae illa curatio, quae crystallino humore depresso peragitur, usque adeo vel suspecta, vel periculosa videtur, ut per ipsam sensum visus omnem perdi necessario debere opinentur: quia illum ad visum absolute necessarium crediderunt. Qua vero in re quam egregie ipsi fallantur, id vel ex unica ista WENCKERI, Nordlingensis Medici, atque in rebus anatomicis versatissimi viri, observatione, quam mecum quondam, cum Altorfii adhuc degerem, communicavit, patescit; *dum is in viro quodam, aliquot ante annos suffusionis operationem feliciter experto, humorem crystallinum utrumque depressum invenit*: utut ad mortem usque, praesertim in altero oculo nihil fere turbatam aut impeditam visionem homo senserit. Similis observatio est, quam celeberrimus iste Chirurgus Florentinus, BENEVOLI, seorsim descriptam haud adeo pridem (a) in lucem exposuit. Ut nihil jam de variis istis Gallorum experimentis dicam, quae in nostro *de cataracta libello* dudum extant recensita. Rursus alii logomachiam seu litem de verbis hic concitare volunt: siquidem *glaucoma potius quam cataractam vocandum esse humoris crystallini vitium contendunt*. Sed frustra tamen illud ipsum dicitur. Namque dicta ista crystallini humoris obscuratio easdem prorsus notas sive diagnosin, eandem prognosin curandique rationem habet, quae suffusioni a plerisque omnibus auctoribus antiquioribus tribuuntur. Itaque nullum dubium est, quin ipsum quoque suffusionis vel cataractae nomen tribui eidem merito possit ac debeat. Contra vero *glaucoma quasi vitium rarissimum ac penitus insanabile* a praestantissimis quibusque medicae ac chirurgicae artis professoribus ab omni fere tempore describitur. Alii denique aliis undecunque conquisitis rationibus nostram illam sententiam fugillare atque impugnare ausi sunt. Quibus equidem qua ratione responderi optime queat, satis, nisi ego fallor, solide ac dilucide in nostro *de cataracta libello* hujusdemque *apologia & vindiciis* demonstravimus, & veritatem nostrae sententiae evicimus. Diximus enim & evicimus, *cataractam frequentissime ab humore crystallino opaco, perquam au-*

Ffff 2

tem

dissertationem de *Cataracta* edidit; qua membranas sive corpora peregrina, in humore aqueo concreta, pro perpetua cataractae causa haberi vult. Sed hoc ex dissectis oculis non probat; verum perhibet parentem suum, *acubus hamatis, frequentissime cataractas membranaceas ex oculis aegrorum eduxisse*, iisque sic visum restituisse, ut pag. 11. 21. 22, 29. 39. Immo persuadere vult lectoribus, pag. 29. parentem ipsius aliquot centenas operationes perfecisse in oculis cataracta laborantibus, inter quos quidem multos opacitate lentis crystallinae laborantes ipsum reperisse affirmat; verum qui cataractas veras habentes numero plane non adaequant. Num vero huic FREYTAGIO contra observationes tot recentiorum praestantiorum virorum fides sit habenda, unicuique dijudicandum relinquam.

(a) Florentiae primum seorsim, Anno 1722. & postea An. 1724. in libello de *caruncula in urethra*.

tem raro a tunica praeter naturam in humore aqueo genita suboriri. Nisi enim clarissimas certissimasque magnorum virorum observationes in dubium vocare voluerimus, fateri omnino cogimur, inter quindecim ac plures etiam homines cataracta laborantes vix ac ne vix quidem unicum repertum esse aut adhuc reperiri, qui cataractam suam peculiari membranae alicui acceptam referre queat. (a) Unde patet, *crystallinum opacum frequentissimam cataractae causam*, *membranam vero raram & quasi extraordinariam esse*. Qua quidem in re cum alios viros sagacissimos quamplurimos in Gallia, (b) Italia, (c) & Anglia, (d) tum & vel maxime SANCTUM YVESIUM, Medicum ocularium apud Parisienses quondam inprimis clarum (e) aliosque habeo consentientes, quicquid pauci in contrarium statuunt.

VI.

Cataractae
discrimen
à noxis af-
finibus.

Ex jam adductis quam facillimo negotio *cognosci* atque ab aliis noxis affinibus *dignosci* cataracta poterit. Sic enim 1) *amaurosis* vel *gutta serena*, quam nostrates vernacula nostra *Cataractam nigram* appellant, in eo potissimum a cataracta differt, quod absque immutato pupillae atque ipsius oculi nativo colore, videndi potentiam auferrat. 2) *Albugines* sive *albicantes oculorum maculae* non post corneam, aut uveam, ut cataracta, sed in ipsa cornea existunt. 3) *Ungula*, *unguis* sive *pterygium tunica est oculorum praeternaturalis*, quae extrinsecus corneam tegit. 4) *Hypopium* equidem post tunicam corneam in humore aqueo existit; sed a purulenta quadam atque fluida materia suboritur; quum suffusionis vitium a substantia quadam solida proveniat. 5) *Glaucoma* denique utut in plerisque, & quidem quam proxime, cum suffusione conveniat, adeoque multos seducat, tamen in quibusdam etiam phaenomenis insigniter ab eadem discrepat. Utrumque quidem vitium ex obscurata parte quadam post pupillam existente nascitur. Sed, quod probe notandum, in glaucomate, secundum praestantissimorum auctorum sententiam ac doctrinam, *altius* sive *profundius* in oculo pars offuscata delitescit, (f) coloremque subviridem sive glaucum utplurimum simul exhibet: unde ipsum quoque nomen suum accepisse videtur. Contra vero in *suffusione* mox in vel post pupillam pars obnubila adesse, fereque ad margaritarum colorem accedere plerumque consuevit. Itaque locus cataractae cum crystallini, glaucomatis vero cum vitrei humoris situ sive loco accurate

(a) Freytagius quidem contrarium sustinet, ut N. V. dictum est, sed ex oculis dissectis non probavit.

(b) Ut PETITUM Medicum, MORANDUM, vid. Hist. Acad. Reg. 1722. 1723. &c.

(c) MORGAGNUM, SANTORINUM, COCCHUM, BENEVOLUM.

(d) Vid. Acta philosophica Anglicana ultimis annis & CHESELDENUS in Anatome.

(e) Conf. ejus lib. de morb. oculor. cap. de cataracta.

(f) Probavimus hoc in scriptis nostris de cataracta.

rate convenit. Tum rarius quoque, ut semper Medici docuerunt, glaucomatis vitium, quam cataracta, incidit; atque ubi semel invaluit, nullam prorsus curationem recipit: id quod de crystallini vitio asseverari non potest.

VII.

Solent autem quammaxime variae a Medicorum filiis *cataractarum* Cataractae species constitui. Namque 1) cataracta vel recens est, vel inveterata; species quaedam sint. 2) incipiens vel confirmata; 3) matura, id est, ubi penitus jam offusca-
ta pupilla, proindeque oculus ad videndum ineptus operationique opportunus deprehenditur; vel immatura, sicubi scilicet nondum plane obscurata pupilla invenitur, atque aliqua adhuc videndi potentia superest: sive jam recens adhuc, sive inveteratum vitium sit. Quaedam enim cataractae tarde aut nunquam maturescunt. 4) Dehinc vel aliqua, vel nulla incommoda alia cataractae adjuncta esse adsolent. Posterioris generis cataractam simplicem, prioris complicatam sive compositam appellamus. Nonnunquam enim in tunica cornea aut uvea, vel humore vitreo vitium simul inest; quandoque pupilla cum partibus propinquis glutinata reperitur, aut immobilis, aut nimis contracta; quandoque oculi adest tabes; interdum nervum opticum vel retinam noxae quaedam infestant. 5) Ut plurimum immobilis suffusio est, nonnunquam autem labat, & huc atque illuc movetur, (a) simulatque digitis oculus demulcerur. 6) Tum quoad ipsum colorem etiam cataractae ab invicem diversae sunt. Pleraeque fere omnes margaritarum, sive albicantem aut gryseum colorem referunt; quamobrem etiam cataractae albae seu gryseae vulgo nostratibus appellantur. (der graue oder weisse Staar.) In quibusdam color flavus, subviridis, caesius, ferri nitentis, vel & quasi marmor variegatus sese ostendit. 7) In quibusdam cataractis humor crystallinus in liquorem lacteum; in aliis vero in materiam purulentam, tanquam in abscessu, degenerat. Tales enim liquores profluunt, simulatque tunica crystallinum humorem continens, per immisam in operatione acum, laeditur. Si prius est, lacteam; sin posterius, purulentam dicere chirurgi cataractam istam consueverunt. Utriusque generis exempla alias suppeditavimus. (b) 8.) Distingui autem porro in falsam atque veram a scriptoribus cataracta solet. Siquidem vera nobis dicitur, sicubi proxime post pupillam opacitas est; falsa autem, ubi alia ratione res sese habuerit. 9) Denique in sanabiles & insanabiles seu valde periculosas dispesci haud immerito cataractae possunt. Namque frequentius curationem eae cataractae recipiunt, quae colorem gryseum aut albicantem referunt; item si nullius coloris, sed luminis tamen ac tenebrarum sensum aeger habet;

F f f f 3

nec

(a) Anglis vocatur the shaking cataract.

(b) In Tract. nostr. de cataracta &c. pag. 255. & Apolog. p. 11. & 62.

nec non si dilatari adhuc rursusque contrahi pupilla potest, neque cum ipsa suffusione cohaerescit. Contra vero parum aut nihil spei superest, sicubi alia simul mala adsunt; ut si suffusio labat, continuoque nunc ascendit, nunc descendit; si luminis ac tenebrarum omni prorsus sensu aeger destituitur; porro si pupilla immobilis, nimis coarctata aut dilatata, ipsaque uvea cum suffusione glutinata deprehenditur; denique si colores inusitados cataracta habet: ceu latius infra (No. 9. & 10.) exposituri sumus. Tandem ac postremo cataractam in *frequentiore* sive *ordinariam* atque *insolentem* sive *rariorem* dispecimus. *Frequentiore* & *ordinariam* illam dicimus, quae ab humore crystallino opaco sed albicante tamen provenit. *Rariorum* autem cataractarum nomine illas designamus, quae colorem ab albicante diversum praeseferunt; vel a praeternaturali etiam tunica quadam proveniunt. Quae quidem posterior cataractarum species in eo praecipue a reliquis differt, quod opacitas intus sese ostendens, non ut in humore crystallino obnubilo fieri solet, convexam, sed vel planam vel concavam superficiem spectantibus objiciat: ceu a praestantissimo viro, SANCTO YVESIO, in libello ipsius saepius jam laudato, animadversum legimus, & nuper nos videre meminimus.

VIII.

Cataractae
caussa quae
sit.

Demonstratum igitur est, *quammaxime solemnem cataractae causam in humore crystallino obscurato; rariorem in tunica quadam prope pupillam nata debitumque luminis ad retinam transitum impediende sitam esse.* Ne quis autem ignoret, quomodo vel obscurari humor crystallinus, vel nasci etiam tunica istiusmodi perniciose queat, breviter exponere noxae hujus causas conabimur. Scilicet humor crystallinus, amissa naturali pelluciditate sua offuscatur, quoties aut crassus atque glutinosus humor aliquis in eodem inspissatur, ac stagnat, aut minutissima ejusdem vascula obstruuntur, coarctantur atque exsiccantur. Fieri autem utrumque per varias causas ac defluxiones capitis & oculorum, attamen tunc imprimis solet, quando gravis, eademque vel sponte sua, vel ab externa quadam vi, lapsu nimirum, ictu atque ambustione, suborta inflammatio oculum infestavit. Haud pauci etiam & frequenti solis aut ignis inspectione suffusionem oculorum sibi contraxerunt. Tunicae vero, quia ex iisdem fere causis nasci consueverunt; ideoque seorsim de illis exponere, nihil nunc attinet.

IX.

Diagnos.

Igitur *suffusionis vel cataractae signum praecipuum nubecula quaedam sive opacitas albicans est*, in ipsa pupilla, vel & proxime post eandem com-parens. Atque ad ipsam quidem operationem feliciter instituendam plurimum refert cognovisse, *satisne jam matura, an immatura adhuc cataracta sit.* Idque magis etiam ideo, quia in cataractis immaturis alie-

aliena prorsus atque noxia operatio est. *Maturam autem boni moris atque ad operationem idoneam cataractam esse*, per has fere notas cognoscimus: si, penitus amissa nativa nigredine, aequaliter ubivis offuscata, sed tamen mobilis adhuc, simulatque digitis demulcetur, pupilla deprehenditur; aeger autem coloris nullum, luminis ac tenebrarum mediocrem sensum retinuit. Contra vero *immaturam adhuc suffusionem aliquam esse*, inde potissimum conjicimus, si nondum aequaliter ubique opaca pupilla reperitur; nec non si aliqualis adhuc videndi potentia superest, maxime tergo lumini obverso. Num autem *alienos forte colores aut noxas id genus alias adjunctas sibi cataracta habeat*, id equidem fortiori adhibita industria explorari haud difficulter poterit. Enimvero si nec lumen nec tenebras amplius ab invicem discernere homo aeger valet; indicio illud est, aut in retina, aut in nervo optico gravem aliquam noxam, id est, *guttam serenam* sive amaurosin inesse, proindeque nullam omnino curationem expectari posse. Porro *pupillam cum suffusione glutinatam atque rigidam factam esse*, inde potissimum conjicitur, sicubi nec in fortiori lumine ipse constringitur, nec in lumine debiliore aut loco etiam tenebricoso dilatatur, sed eandem semper amplitudinem servat: item si post contrectatum atque digitis frictum oculum, parum aut nihil commovetur. Quodsi post pupillam tenues quaedam maculae albicantes apparent; tum vel humoris crystallini partes quaedam inspissatae sunt, vel ex ipsa uvea etiam, ut a quibusdam observatum est, minutae quaedam pelliculae, quales & me videre memini, subortae; quae in tunicam forte degenerare quandoque possunt. Incidere etiam hic nonnunquam solet, ut vel media tantum crystallini humoris pars, vel externa sive ora, vel denique dimidia & quasi lunata obstruatur atque obscoretur. Si primum est, nihil non medio loco pertusum aegris apparet sive videtur. Tunicam autem, si qua forte intus est, plana ista vel & concava partis obnubilae sive suffusionis superficies, prouti YVESIUS docuit, (*vid. supra No. 7.*) significat.

X.

Si cujusquam noxae alterius, *suffusionis certe quam maxime ancipites Prognosis. atque incerti exitus esse consueverunt*. Interdum enim eadem sanescit, interdum nullam omnino curationem admittit. Et medicamenta quidem inaniter ut plurimum in perfecta vel jam jam inveterata hic adhibentur; quantumvis etiam magnifice Medicorum nonnulli de admirandis arcanis suis gloriantur. (a) *Palmarium itaque salutis praesidium a*
ma-

(a) Ita HOVIUS in lib. de circulari humor. in oculis motu pag. 122. impudenter jactat, *se omnes cataractas, sive recentes sint sive inveteratae, omni tempore certe curare posse*. Cum vero in veritatem hujus rei magno studio inquirerem, nulla exempla cognoscere potui.

manu atque ferro petendum est. Quosdam enim solius naturae beneficio, absque omni medicamentorum atque ferramentorum usu, convalescere; id rarioribus equidem casibus annumerandum videtur. Quin imo nec ab ipsa etiam operatione promptum semper aut certum expectare auxilium licet. Siquidem, prout ipsemet rerum usus saepissime docuit; quae vel optima visa est & quammaximae spei, atque etiam quam providissime tractata suffusio, tamen nihil omnis curatio & operatio profuit, sed in desperatum saepius malum conversa est; quum e contrario ista, quae pessima & penitus ferme desperata videbatur, praeter spem quandoque fuerit sanata. Sed quicquid tandem sit, eo saltem nomine noxis gravibus aliis mitior cataracta videtur, quod morbus ipse nullos dolores adjunctos habet, & destinata ipsi operatio absque gravioribus & doloribus & vitae periculis sustineri adsolet. Fere semper autem *feliciter eae cataractae sanantur*, quae simplices, maturae atque ita comparatae sunt, ut & aliquem luminis ac tenebrarum sensum, & naturalem pupillae mobilitatem oculus afflictus superstitem habeat. (*vid. supra No. 7.*) Longe difficilius, quin imo prorsus quandoque supervacuum curationis negotium deprehenditur, quoties uvea vel ipsi cataractae adhaerescit; vel rigorem contraxit; vel &, ubi pupilla, amissa figura circulari, disrupta, irregularis, difformis atque angulis comprehensa aut nimis coarctata apparet. Aequae anceps morbus est, sicubi vehementes simul capitis dolores adsunt; si debilis atque aetate valde proventus aeger est; denique si vel exiguus, vel amplius nimis, vel ab aliis quoque noxis afflictus oculus est. Quo magis autem a cinereo vel margaritarum colore suffusio abludit; hoc magis quoque dubius atque incertus operationis solet esse exitus. Fere semper enim insolentes ejusmodi colores a nimis gravi oculorum laesione proveniunt. Interim usque adeo nihil hic perpetuum est, ut, vel ipsas etiam cataractas istas insolentes, hoc est, flavo, fusco, ferri nitentis, aliove colore praeditas, felicissime quandoque sanescere, experientia loquatur; praesertim si ab aliis noxis gravioribus immunis oculus fuerit. *Cataractarum lactearum atque purulentarum* similis prope modum ratio est. Tametsi enim in his materia crassior, sub ipsam operationem, aqueo humori sese admisceat; proindeque dubiam valde curationem reddat; tamen haud omnino desperatum malum est. Dudum enim expertissimis atque sagacissimis Medicis observatum est, pristinam saepius ejusmodi oculis claritatem, post faeces in imo oculi fundo collectas, fuisse restitutam. (a) *Suffusio variegata sive diversicolor* quoniam mollis nimium nec ubique satis dura est, deprimi difficulter admodum solet. Igitur si nihil medicamenta hic proficiunt, expectare utique convenit, donec penitus offuscata pupilla, ipsaque proin-

suffu-

(a) Vid. Tract. nost. de Cataracta p. 255.

suffusio, quantum satis est, matura facta fuerit. Quo magis autem porro inveteratum malum est, hoc magis quoque anceps ac difficilis apud antiquiores Medicos censeretur curatio solita fuit. Sed observatum tamen a quibusdam fuit, sanari quoque interdum ejusmodi suffusionem posse, quae per duodecim, octodecim vel triginta etiam annos integros invaluerint: dummodo nullum aliud vitium oculos infestaverit. (a) Si lumen atque tenebras ab invicem distinguere homines aegri amplius nequeunt; tum nihil omnis cura, nisi forte ad imminuendam oculi deformitatem, proficit: quia suffusio tunc cum amaurosi complicata est. In infantibus propter dolorum impatientiam vel inquietudinem minus plerumque tuta vel commoda operatio est. Similiter in hominibus a tussi, coryza, catarrho vomituque infestatis non nisi post sublatas istiusmodi noxas instituere operationem convenit; ne in operatione a motibus istis Chirurgus turbetur; unde fieri potest, ut in aeternum acies aegro eripiatur. Denique si suffusio labat, & huc atque illuc movetur, parum aut nihil spei superest. Quodsi autem ante ipsam pupillam, ut quandoque observatum est, corpus opacum aut suffusio haerescit, ejici penitus ex oculo corneae incisione aliquando potest, ut infra uberius indicabitur.

XI.

Quantumvis autem anceps ac desperatum suffusionis malum videtur; tamen, meo quidem judicio, praestat, inaniter in duro hoc morbo operationem aliquam tentare, quam sine auxilio miserum hominem coecum relinquare. Praeterquam enim quod sine gravioribus cruciatibus peragi operatio ista potest; nullum sane vel mortis, ut in lithotomia, herniotomia aliisque periculosis curationibus, periculum post eandem facile extimescendum. Neque enim magno verendum opere est, ne, qui semel per cataractam plane occoecatus, magis occoecari per operationem queat; quando enim aegro non prodest, etiam eum non magis coecum efficit. Accedit, quod, quo magis grave, anceps ac desperatum malum est, hoc majorem quoque Chirurgus ex istiusmodi sanatione, quae praeter omnem fere spem contingit, & laetiam aegris, & famam sibi ipse conciliet.

Quid in casibus duris faciem dum.

XII.

Ad amaurosin sive guttam serenam curandam parum atque adeo nihil operationes Chirurgicae proficiunt. (b) Neque enim in anteriori vel media oculi parte, sed potius vel in retina, vel in nervo optico, vel denique in ipso cerebro vitium istud delitescit, ubi operatione nihil efficere possumus. Si qua igitur sanationis spes superest,

De gutta serena & glaucomate.

Tom. II.

G g g

ad

(a) Vid. MAITRE JAN lib. de morb. oculor. cap. de cataracta.

(b) Ita hactenus creditum est. Taylorus vero Anglus perhibet, se & has operatione curare posse: quod vero tempus, an verum sit, docebit.

ad interna protinus medicamenta, salivationem puta, vel, pro re nata, purgationem alvi, sanguinis item per venas detractionem, scarificationem, setacea, fonticulos denique, praecipue istos, qui in capite ac cervice excitantur, erit confugiendum. Similis fere, quin imo peior conditio *glaucomatis* est. Id ipsum enim quia ex obnubilo seu opaco humore vitreo nascitur; hic vero supprimi aut removeri per acum non possit, nullam omnino, prout recentiores aequae ac veteres Medici testantur, per manum curationem recipit. Possesse denique humorem vitreum ad cartilaginis instar quandoque indurescere, manifestum ex illa observatione est, quam hac de re a superius laudato LANCISIO mecum olim communicari memini.

XIII.

*Cataractae
curatio quo-
duplex sit.*

Ad suffusionis autem sive cataractae curationem quod attinet, duplici potissimum ratione institui eadem potest. Vel enim a medicamentis, vel ab acu seu ferramento salutis praesidia petuntur. Quanquam enim non desunt, qui per adhibita medicamenta susceptam cataractae curationem quasi prorsus inanem & supervacuam rejiciunt; haud tamen ego possum, quin ipsam, utpote in quibusdam saltem casibus salutarem, medicorum filiis commendem. Neque enim a recentioribus tantum, sed & vel maxime ab iis jam tum Medicis, qui ante bis fere millenos abhinc annos inclaruerunt, observatum legimus, (a) extitisse quandoque istiusmodi homines, qui vel naturae beneficio, vel medicamentis a cataracta, praesertim si adhuc incipiens eadem fuerit, neque graviter nimis invaluerit, praeter spem atque opinionem omnem, fuerint liberati. Qua autem ratione & diversis noxae hujus causis, & ipsorum aegrotantium aetati vel habitui accommodare medicamenta oporteat, id ipsum Medicis expediendum committimus. Praeterquam, quod dilucide jam tum alias, nempe in nostra *de cataracta commentatione* pag. 161. ad usque pag. 284. idem argumentum nosmet ipsi satis prolixè pertractavimus. Nunc etenim illud inprimis datum nobis existimamus esse, ut, hic in Chirurgia nostra qualia in curandis suffusionibus a manu atque ferramenti petere salutis praesidia Chirurgus debeat, commonefremus.

XIV.

*Chirurgi al-
terum ope-
rationis bu-
jus studium
incitantur.*

Quod ipsum equidem antequam facimus, id serio admonitos chirurgicae artis cultores volumus, ut majori, quam usque huc soliti sunt, studio in nobilissimam fermeque incomparabilem istam manus adjuvamento cataractam sanandi artem incumbant, neque solis histrionibus aut circumforaneis, ut hucusque fere factum est, eandem relinquant.

(a) Vid. CELSUS Lib. VI. Cap. 6. n. 35. variique recentiores alii; quorum varii in lib. nostro de cataracta citati sunt.

quant. (a) Tametsi enim miras hi atque adeo vix superabiles difficultates atque artificia circa operationem istam jactent ac proponant; tamen quam felicissime haud raro a prudentioribus chirurgis, imo quandoque ab ipsis etiam circumforaneis expediri eandem posse, quotidianus rerum usus loquitur. Et sane, ut ne quid ego dissimulem, nobilis ea, quae ad suffusionem curandam suscipitur, operatio longe magis tuta ut plurimum esse consuevit ipsa sanguinis per venas detractio: ut ut haec frequentissime atque vel ab ipsis etiam tonsoriae artis tironibus instituatur. Neque enim circa suffusionis curationem verendum magnopere est, ne aut nervus, aut tendo, aut arteria quaedam periculosa, ut in venaesectione quandoque contingit, percutiatur. Praeterea in vena secanda nulla saepius in aegris, & praesertim obesis, apparet; ubi saepe difficillimum est venam invenire & rite incidere: in hac vero suffusionis operatione locus semper satis patet, ubi ferrum in oculum immittendum. Sed ne quis tamen forsan opinetur, nos imperitissimis etiam atque ineptissimis quibusque rerum chirurgicarum tironibus aut histrionibus operationem istam tuto commissam velle; haud alienum fuerit, breviter hic eas *virtutes* percensere, *quibus feliciores quosque Medicos oculos instructos esse convenit.* 1) Nimirum ante omnia perspectum habere ex anatomicorum scholis ipsam oculi structuram debet, ne quid temere laedat. Tum 2) idem quoque nosse accuratius debet, quid hic faciendum, & qua ratione fieri quodlibet in operatione hac quam aptissime possit. Quam quidem ob rem longe optimum est, si quis chirurgus aliorum eorumque praestantissimorum chirurgorum circa suffusionem susceptas operationes saepius & curiosius coram spectavit. 3) Animo intrepidus, manu strenua, stabili nec unquam intremiscente, nec non acie oculorum acri claraque Medicus oculus instructus sit oportet. Tandem 4) is quoque sinistra non minus quam dextra manu promptus sit; ut sinistrum oculum dextra, dextrum sinistra manu a suffusione liberare ac curare valeat. 5) Denique ut operationem hanc prius saepius in oculis animalium & hominum mortuorum exercuerit, quam manum viventium oculis admoveat.

XV.

Quo autem felicius ipsam operationem expedire liceat, bina potissimum veniunt prospicienda. Nempe ut *quam aptissimo tempore & post convenientem aegri hominis praeparationem eadem suscipiatur.* Atque aptissimum quidem operationi esse illud tempus consuevit, quod quammaxime temperatum modiceque calidum est; vernum puta atque autumnale. *Diem operationi destinare claram inprimis atque serenam*

Gggg 2

con-

(b) Miror etiam, quod *Garengot* in oper. chirurgicis suis nihil quicquam de hac adeo nobili operatione proponat, quasi ad curationes chirurgicas non pertineret:

convenit; horam autem ut plurimum antemeridianam eligunt; ut nec pomeridianae prorsus sint alienae, imo quandoque praeferendae: quia homines, praesertim meticulosi, non tam facile, assumpto modico prandio, animo linquuntur, quam jejuni; id quod in operatione pestiferum est. Conclave autem quo lucidum magis est, hoc magis quoque ad operationem esse solet accommodatum: dummodo nimius solis splendor absit. Simulatque enim paulo fortiori lumine oculus collustratur, protinus sese pupilla constringit adeoque impedit, quo minus acum & si quid forte aliud obvium intus in oculo est, accurate satis spectare atque observare Chirurgus valeat. Ad aegrotantis vero praeparationem quod attinet, per aliquot dies ante operationem non sollicitam modo vitae victusque rationem ipsi praecipere, sed in his diebus noxios etiam atque supervacaneos humores ex ejusdem corpore idoneis remediis per alvum, sanguinem vero abundantem per venas educere convenit; ne qua forte inflammatio gravior, dolores acerbissimi, imo ipsa suppuratio ac totius oculi destructio, ut quandoque fit, post confectam operationem suboriantur. (a) Denique sub ipsam operationi destinatam lucem *clysterio* etiam quodam pro alvo solvenda utendum est; nisi ea forte jam per se rite respondeat. Tandem ne facile sub ipsum opus hominem mens deficiat, proindeque difficultatem aut impedimentum inde perniciosissimum in suscepto negotio suo Chirurgus sentiat; haud fane alienum videtur, cibi quidpiam vel roborantem certe sorbitionem quandam, aut jusculum, si matutino tempore instituenda curatio, aegrotanti prius porrigere, quam ad operationem Medicus aggreditur. Ceterum nihil fere magis cum ad praecavenda, tum ad levanda etiam mala quaevis accedentia hic proficit, quam si suavis somnus aliquis haud diu post peractam operationem *anodyna quadam emulsione* aegro conciliatur. Sic enim non corporis solum, sed animi quoque afflicti vires reficiuntur, & cataracta suppressa non tam facile rursus ascendit.

XVI.

De admi-
nistris atque
acubus ex
ponitur.

Neque vero Chirurgus operationem solus unquam suscipiat; sed binos minimum ministros sive operis socios adhibeat: alterum quidem ad aegri hominis caput in operatione continendum; (*Tab. XVII. fig. 1. A.*) alterum autem ad porrigendam acum & ea, quae ceteroquin ad ipsum opus rite perficiendum forte necessaria sunt. Sed idonea cum primis ferramentum sive *acus* ad hoc negotium requiritur: ac deinde nonnulli *speculum oculi* dictum simul adhibent: *fig. 15 & 16.* Sunt autem quamplurima eademque varia ejusmodi *ferramenta ocularia*, vulgo *acus* pro cataracta dictae, ad depressendam suffusionem accom-

moda-

(a) Ejusmodi casum nuper descripsit filius, in relatione de operatione quadam cataractae, quam TAYLOR. Amstelodami An. 1735. instituit in quodam amicorum nostrorum.

modata, eorumque quam maxime solemniū ferramentorum figuras *Tab. XVII. fig. 2. 3. 4. 5. 6. 7. 8. 9. 10 & 11.* repraesentavimus. Quanquam, meo quidem iudicio, aptissima illa sunt, quae fig. 5. 6. & 10. designavimus. Omnia enim haec cuspide paululum lata atque acuta seu linguae aut grano hordei haud absimili; & quidem ea (fig. 6.) cuspide ejusmodi fulcata instructa, proindeque longe magis ad deprimendam suffusionem accommodata reliquis sunt, quae aut tenuioribus sive angustioribus, aut amplis quidem, sed retusis cuspidibus sunt instructa. Nam nimis tenuia & acuta, ut in fig. 2. & 4. litt. A, cataractam facile lacerant; obtusiora ut in fig. 8. difficillime oculum perforant. Quam equidem propter causam mirum non est, quod chirurgorum nonnulli *bina in eodem opere ferramenta ocularia* adhibenda esse suaserint; (a) acuminatum alterum, (vid. fig. 7. & 9.) pro perfodiendo scilicet oculo; alterum retusum atque latum, (vid. fig. 8.) pro suffusione intus in oculo perforato deprimenda. Sed facilius profecto haec de usu acus duplicis in cataracta scribuntur, quam sine damno in oculo exercentur. Quicquid vero tandem harum rerum sit; illud omnino & quam curiosissime providendum semper est, ut ferramenta panno quodam vel corio adhibito quam exactissime semper ante perpoliatur, quam oculis eadem admovemus: ne qua forte propter asperitudinem seu rubiginem difficilius in oculum penetrent, vel graviter quoque ipsum laedant aut lacerent. FREYTAGIUS supra nominatus magnopere laudat *acus bamatas*, quibus cataractae membranaceae ex oculis educi queant: sed si hoc procedit, dolendum, ipsum has acus non delineasse.

XVII.

Ne qua autem porro curanti mora praeter necessitatem injiciatur, *Deligationis apparatus describitur.* necessarium utique videtur, singula ea quam diligentissime antea instruere, quae postmodum, operatione peracta, in ipso deligationis opere usum aliquem praestare possunt. Itaque in promptu ante omnia sit 1) *collyrium aliquod refrigerans*, quod ex plantaginis vel cyani aqua cum ovi albumine diligenter subacta constare commode potest: cui nonnulli aluminis vel tutiae praeparatae, vel croci aut camphorae portiunculam adjiciunt. Alii pro collyrio hic utuntur spiritu vini vulgari; YVESIUS denique liquorem ex decem partibus aquae tepidae atque una parte spiritus vini compositum adhibet & prae ceteris laudat. (b) Tum 2) ad manus quoque sit oportet *splenium quoddam molle* ex linteo complicato, atque ita amplum, ut penitus eodem contegi oculus queat. Dehinc 3) necessaria item *fascia* est, tres circiter ulnas longa, binos vero digitos ampla: vel & strophium aliquod ad trianguli instar

G g g g 3

com-

(a) Ut NUCKIUS in *operat. Chirurg.* & SOLINGENIUS in *Chirurgia*.

(b) Lib. de morb. ocul. cap. de Cataracta.

complicatum, pro deligandis nimirum post confectam operationem aegri oculis. Tandem 4) nec *reginae Hungariae aqua*, vel acetum, vel aliud quoddam *medicamentum roborans* naribus admovendum absit, pro excitandis aegris hominibus, si qui forte sub operatione vel paulo post, ut quandoque contingit, animo deficient.

XVIII.

Aegri hominis postura.

Sed unicum tamen adhuc superest chirurgis ante expediendum, quam ferramentum aegri hominis oculo admovent; *scilicet ut quam aptissimo situ aeger constituatur*. Itaque is in adverso sedili paulo, quam alias decet, humiliori (*Tab. XVII. fig. 1. litt. E.*) adverso fere lumine collocandus est, sic ut contra Medicus C. paulo altius sedeat, litt. D. Ubi oculorum alteruter sanus adhuc est, vel saltem adhuc aliquid videt, strophium aut fasciam paulo ampliorem, ut idem contegatur ac immobilis praestetur, superinjacere convenit; ne, prout fieri naturaliter suevit, oculo integro dimoto aeger oculus quoque simul dimoveatur, ideoque graviter a demisso ferramento laedatur. Quam ipsam quidem ob rem diligenter antea admonendus aeger est, ne qua forte, ut ejusmodi homines solent, propter celerrime quandoque restitutam in ipso operationis actu videndi potentiam, prae gaudio aut laetitia clamet aut exultet; sed potius, quoad ejus fieri potest, quietus & immobilis persistat: namque alias eripi motu quam levissimo acies in perpetuum potest. Tum illud quoque insigniter ad commodiorem operationem facit, sicubi aegrotus sic in sedili collocatur, ut manus super Medici genua firmiter deprimat, pedes autem inter utroque Medici pedes medios quam aptissime transmittat. Nonnunquam a ministris pedes ejus, qui curatur, sursum elevati gnaviter comprehenduntur; ne surgere is ante, quam debet, valeat. Denique a tergo etiam, ut jam diximus, minister aliquis constituendus est, (*vid. fig. 1. litt. A.*) qui aegrotantis caput, sinistra manu sincipiti, dextra mento injectis, solertissime contineat, sic, ut ad pectus suum deprimere penitusque immobile illud ipsum praestare queat. Siquidem vel cum minima etiam capitis commotione perennis coecitatis periculum saepe conjunctum esse, tristis experientia loquitur.

XIX.

Quomodo institui operatio ipsa debeat.

His ita jam, ut proposuimus, instructis ac dispositis rebus singulis, imperandum homini aegro est, ut, *expansis, quantum quidem fieri potest, palpebris*, versus nares ipsum oculum convertat, ut angulus minor, sive qui temporibus proximus est, amplam satis albi oculi partem exhibeat. Dehinc, ubi sinister oculus vitium habet, Chirurgus sinistrae manus pollice atque indice digito gnaviter palpebras diducat, (*vid. fig. 1. & 14.*) atque ita ipsum simul oculum firmet & quodammodo immobilem praestet. Nonnulli *speculum oculi*, (*fig. 15. aut fig. 16. aliudve simi-*

simile) hanc in rem commendant; quod vero vix quicquam mihi proficere, sed potius impedire videtur. Interea tamen qui eo assuetus est, vel emolumentum aut auxilium inde sibi pollicetur, eo uti potest. Tum dextra manu ferramentum ocularium sive acum, ab adstante ministro exhibitam, Medicus pollice, digito indice & medio sic apprehendat, ut in scriptione calamus scriptorium apprehendere solemus. (vid. fig. 1. & fig. 14.) Deinde binos inferiores manus illius dextrae digitos super genas sic imponit, ne facile ipsa intremiscat, sed firma & stabilis magis, quam si libera prorsus esset, in ipso opere quiescat. Denique acus albo oculi medio fere loco inter corneam & angulum temporis propiorem admovenda est, (vid. fig. 14. litt. A.) prudenterque demittenda; sed recta per oculi tunicas e regione mediae suffusionis sic, ne qua vena laedatur. (a) Simulatque jam per tunicas in oculum penetrasse acus exinde cognoscitur, quia prementi nihil amplius renititur; inclinanda statim acus ad ipsam suffusionem est, (vid. fig. 14. litt. B.) eamque mox a parte superiori acu apprehendere, ac leniter infra pupillae regionem deprimere convenit: sive jam tunica quaedam praeter naturam intus adsit, sive humor crystallinus obnubilus evaserit. Necdum enim evidentes notae Medicis suppetunt, si ab YVESII observationibus discefferis, quibus extrinsecus dignosci ab invicem bina ista noxae hujus genera sauis queant. Sicubi suffusio ista cum ferramento descendit, id quod subinde, ubi bene matura ac dura est, unico ictu contingit, aliquamdiu ita detinere ipsam oportet, ut inferiori parti insidat. Sicubi sursum rursus elevato ferramento ipsa sub pupilla haeserit, optime expleta operatio est; adeoque tum acus provide rursus ex oculo recta educi oportet. Si pars vitiosa redit, sive sursum rursus ascendit, ut saepissime contingit, eadem acu paulo fortius deprimenda, diutiusque paullo infra continenda; idque tantisper repetendum, donec suppressa infra pupilla haereat. FREYTAGIUS vult, ut ejusmodi in casu acus hamata in oculum immittatur; eaque cataracta, quae ut plurimum pellicula esset, educatur, seque hoc saepissime a parente suo fieri vidisse perhibet. Sed quia neque haec acus neque hoc artificium satis perspicue descripta sunt, & dubium est, cur hac acu in pelliculae extractione non etiam tunica retina, choroidea & sclerotica lacerentur, dum non video, quid hoc impedire valeat, ei assentire nondum possum.

XX.

(a) De vero puncturae loco in hac operatione multa eleganter disputavit PETITUS, Medicus Parisi. in Memor. Acad. Reg. An. 1726. p. 370. edit. Amstelod. eumque ad duarum linearum a cornea distantiam constituit. De loco, quem TAYLORUS commendat, infra seorsim proponemus.

Observatio-
nes quaedam
circa ope-
rationem.

Ubi paulo firmitus suffusio adhaerescit, saepe difficulter admodum abstrahi deprimique integra potest. Igitur si hoc incidit, *acu in frustra concidenda est*, singulis ejus partibus diligenter acu postmodum conditis. Similis agendi ratio est, si *sua quasi sponte vel forte fortuna suffusio*, dum eam suppressere volumus, *in particulas dissilit aut diffringitur*: ita enim visum aliquando restitui, dudum jam a Medicis solertissimis atque expertissimis, CELSO, GUILLEMAEO, PARAEO, BARBETTO, BRISSAEO atque aliis animadversum legimus, imo & ipse hoc bis jam observavi. Si cataracta tam firmiter uveae adhaeret, ut vix inde separari queat, prodest subinde *eam in medio perforare*: ita enim radii in oculi fundum per hoc foramen intrare possunt, aegrisque aliqualis visus interdum restituitur. Quod fortassis eo in casu optime succedet, si crystallinus valde tenuis sit. Inveni enim ipsum in cadavere quodam aliquando in crassitudine ita diminutum, ut vix unguis pollicis crassitudinem haberet; qui simul cum uvea firmiter concretus erat. Quoties vero cunque *nimum quantum mollis adhuc suffusio deprehenditur*, satius utique BRISSAEO videtur, acu protinus ex oculo retracta, operationem tantisper differre, donec magis suffusio maturuerit, quam suffusione immatura tractata efficere, ut operatio sit frustranea, & aegro acies in perpetuum eripiatur. Quod si dextrum oculum *suffusio excoecavit*, eundem quidem operationis modum observare Chirurgus debet, sed ita tamen, ut dextra manu oculum, sinistra vero acum contineat, ipsique deinceps oculo decenter, ut dictum est, admoveat, & cataractam suppressat. Dextra enim manu atque in cantho majori propter nasum proximum minus commode oculo dextro applicari acus potest. (a) *Ubi denique in utroque oculo vitium inest, idemque satis maturum*, curato atque deligato alterutro oculo, alterum quoque eadem ratione mox tractare possumus. Si vero prior paulo diuturnior operatio fuerit; tum, ne cruciatibus homo conficiatur, aut saltem in animi deliquium incurrat, non nisi tempore quodam interjecto, symptomatibus consuetis prioris operationis superatis, ad operationem posteriorem in altero oculo est redeundum.

XXI.

Quid post
operationem
factu opus
sit.

Haecenus ea proposuimus, quae ad ipsam operationem pertinent: sequitur, ut de iis quoque rebus breviter exponamus, *quae fieri post confectam operationem debent*. Apud vulgares equidem Medicos oculos sive

(a) Acus mecum communicata est ab amico, qua in dextro oculo, dextra manu operationem eamque in cantho oculi majori fieri posse perhibent, quando chirurgus manu sinistra forte non satis promptus esset; quam novitatis causa hic quoque Tab. XVII. fig. 17. exhibere volui, ubi litt. A acum; B manubrium; C singularem curvationem sive inflexionem denotat, quae naso incumbit.

sive circumforaneos in more positum est, ut, extracto ex oculis feramento oculario, vel binos digitos extensos, vel *vitrum* etiam *aqua pura*, *vine rubro* aut *cerevisia impletum* aegris hominibus ostendent, sciscitantes, qualem corpus objectum qualive colore praeditum sit. Ubi recte satis ad rogata respondere atque ita promte singula distinguere ab invicem ipsi valent, feliciter confecta esse operatio conjicitur. Quanquam minus opportunum atque adeo noxium prudentioribus Medicis examen illud videtur: utpote quo violenter nimis oculus aeger ac debilitatus exerceatur, atque eo ipso suffusio facile rursus sursum pellatur. Itaque satius omnino videtur, statim a peracta operatione splenium aliquod, in superius (No. 17.) praescripto collyrio tinctum, ne lumen vehementius in retinam irruat, aut inflammatio tam facile superveniat; super oculum perforatum cum fascia aut strophio imponere. Oportet vero hic *utrumque semper oculum* per injectam fasciam devincire, licet unicus tantum operationem sustinuerit, ne qua forte dimoto vel agitato oculo isto, qui sanus perstitit, alter etiam, idemque graviter afflictus simul agitetur. Id ipsum enim ubi fit, summum utique periculum est, ne aut suffusio iterum reascendat sive redeat, aut inflammatio major aut malum quoddam aliud gravius accedat.

XXII.

Decenter jam instituta deligatione, proximum est, ut, quam aptissime fieri potest, super lecto aeger deponatur. Oportet hic in dorsum cubare, ipsum autem caput bene multis pulvinaribus suffultum atque erectum servare, strenue per octiduum conquiescere, a cibis item durioribus, sermone intensiori, sternutamentis denique, tullii atque risu vehementiori tamdiu abstinere, donec penitus insidere parti oculi inferiori suffusio animadvertitur. Namque alias verendum etiam atque etiam est, ne propter intempestivas illas capitis commotiones denuo sursum eadem prorumpat. Praeterea sciendum, quod *nemo facile chirurgus tam lynceus atque sagax sit*, qui cataractam suppressam mansuram esse certo definire aut asseverare queat; tamen in eo miseris hominibus spes aliqua superest; quod si forte reascenderet, per iteratam operationem aliquando rursus supprimi visusque eis restitui possit. Sic etenim clarissimus ille MAGISTER JOANNES (*Maitre-Jan*) scribit, (a) hominem quendam, cui post peractam autumnno operationem denuo cataracta redierat, subsequenti vere feliciter admodum nova operatione a morbo suo fuisse liberatum. Quin idem etiam memorat, nequiquam deesse hominum istiusmodi exempla, qui semel suppressam suffusionem denuo quidem elevatam, sed tamen paulo post sponte rursus submersam sive depressam senserint: id quod etiam

Quid faciendum, ne suffusio redeat.

Tom. II.

Hhhh

me

(a) Lib. de morb. oculor. cap. de cataracta.

me videre memini. FREYTAGIUS vero perhibet, (a) eas per acum hamatam, si credere fas est, à parente extractas fuisse.

XXIII.

Quid praeterea faciendum sit.

Elapsis aliquot ab operatione horis longe optimum erit, *sanguinem aegro homini per venas detrahere*; ne qua forte vehementior inflammatio vulneratum oculum facile infestet. Tantum autem semper emitti sanguinis oportet, quantum corporis habitus atque vires exigunt. Quare si nimia sanguinis copia, vel ipsa jam tum inflammatio aegrotantem urgent, iterare sanguinis missionem, prout in inflammationibus gravioribus aliis quibuscunque fieri solet, oportebit: non neglectis interim collyriis supra laudatis, medicamentisque internis ejusmodi in morbis convenientibus atque a prudenti Medico propositis. *Vomitum* etiam haud raro hanc operationem sequi vel post unam alteramve horam, vel etiam nocte demum proxime sequente, aliquoties ego observavi, illudque etiam in aegro quodam notavit FREYTAGIUS. (b) A nervorum quadam irritatione hoc symptoma mihi deducendum videtur; quod vero etiam sponte brevi plerumque rursus cessat. Miror quod hoc phaenomenon a tam paucis notatum sit. Mali vero indicii esse solet. Nam hoc vomendi impetu Cataracta suppressa ut plurimum reascendit. *Sub vesperam ejus diei*, quo facta operatio fuit, emulsio soporifera aegro porrigi solet, ut quam placidissime is conquiescat. Namque ubi vigiliis homo exercetur, verendum maximopere est, ne, prout fieri adsolet, graviter huc atque illuc jactato corpore, pristina suffusio sursum rursus propellatur sive reascendat. *Victus autem atque vitae ratio* eadem prorsus esse debet, quam in vulneribus atque inflammationibus gravioribus aliis supra proposuimus. Si quid enim aliud, inflammatio certe gravior inprimis noxia hic atque periculosa esse consuevit. Denique *si paulo adstrictior alvus est*, clysterium aliquod emolliens adhibere convenit; quo nempe facilius absque spiritus suppressione fortiorique nisu excerni, quicquid hominem urget, valeat. *Neque vero permittendum est, ut ad exonerandum alvum primis ab operatione diebus aegri consurgant*; sed vasculum potius, ad hunc usum adaptatum, in lecto ipsi subjiciendum, vel patina quaedam: quo minus enim caput conquiescit, hoc majus etiam periculum subest, ne suffusio depressa denuo prorumpat.

XXIV.

Deligatio quomodo fieri debeat.

Ad ipsam autem *deligationem* quod attinet, sic omnino continuari ejus negotium oportebit. Nempe sub ipsius primae diei vesperam resolvi primum quam lenissime vinctura debet, novumque splenium aliquod, superius commendato collyrio probe imbutum, denuo superimponi;

(a) Diss. de Cataracta p. 22. & 27.

(b) In disert. saepe citata pag. 24.

poni; fascia eodem, ut supra posuimus, modo applicata. Diebus sequentibus innovari deligatio bis minimum debet, mane scilicet ac vespere; vel ter aut quater etiam, ubi nimirum paulo intensior aestus fuerit; siquidem tunc citius exsiccari splenia consueverunt. Quoties autem cunque vinctura resolvitur, binae potissimum observationes necessariae sunt. Neque enim circumspicere solum quandoque Chirurgus debet, num quae forte inflammatio notabilis accesserit; sed & vel maxime tunc providere, ne nimis clarum lumen, & quod consequens hinc est, damnum aliquod graviter debilitatus oculus sentiat. Si oculus bene sese habuerit, vel levis tantum *inflammatio adest*, continuari deligationis negotium praedicta ratione per octiduum debet. Neque enim facile hic incidere inflammatio post octavum demum diem solet. Itaque tunc luminis pauxillum, remota fascia, concedere aegrotantibus conveniet; dummodo lectus velis, oculus autem panniculo quodam serico, viridi aut nigro propendente, leviter obtectus maneat. Post diem decimum, si singula bene se habent, consurgere paulatim aeger atque in conclavi obambulare sine periculo poterit; si modo dictus iste panniculus aliquo modo infirmum oculum, velamenta autem fenestras probe texerint. Si optime postea cuncta procedunt, expletum utique ex sententia curationis opus erit, proindeque pristino vitae generi paulatim rursus assuescere hominem aegrum licebit. Quodsi autem mala quaedam gravia alia supervenerint, conquiescere tamdiu aeger debet, donec eadem fuerint delinita.

XXV.

Quo autem luculentius appareat, *quomodo succurrere chirurgus malis* Mala super-
hic saepe *supervenientibus debeat ac possit*; sigillatim expendere illos ca-
sus conveniet, qui obtingere hic ut plurimum consueverunt. Quoties *quomodo*
igitur 1) *sanguinis aliquid sub ipsa operatione in oculum effluit*, atque hu-
morem aqueum turbidum ac obnubilum reddit, festinandum quam *tollenda*
maxime est in operatione, quantum fieri potest, ne plus effluat, at-
que supra commendatum collyrium quam diligentissime adhibendum:
digeri enim ista ratione turbationes humoris aquei leviores posse, so-
lertissimi Medici saepius observarunt. *Longe majus periculum subest, si*
paulo major sanguinis effusi copia humori aqueo fuerit admixta Namque
tunc abesse vix potest, quin aut hypopyum aut simile quoddam malum
aliud coecitatem perpetuam inducat. Interim haud alienum fuerit,
sanguinis affatim aegroto per venas detrahere, sacculosque ex salvia,
rore marino, hyssopo atque foeniculo paratos & in vino coctos calide
frequentissime super oculum imponere. Nisi enim prorsus desperatum
malum est, insigniter medicina illa proficit. 2) *Sicubi humor aqueus*
sub ipsam operationem effluit, adeoque tunica cornea concidit; non est,
quod de oculi sanitate maximopere timeamus. Fere semper enim

paucos intra dies humor atque ipsa oculi forma pristina redeunt. Denique 3) ubi post peractam operationem *inflammatio* quaedam accedit, nihil omittendum eorum est, quae ad ipsam restinguendam faciunt. Atque mitior quidem ea si fuerit, eadem sufficere ad ipsam supprimendam medicamenta poterunt, quae supra commendavimus. Ubi vero paulo *gravior inflammatio* inciderit, necessarium utique erit, praeter jam jam commendata medicamenta, aquam bibere, ac sanguinem e brachio, pede aut collo etiam identidem mittere; tum vini quoque spiritu camphorato frequentissime tempora inungere; tandem clysteria etiam atque cantharides una cum medicamentis internis adversus inflammationes valentibus quam solertissime adhibere.

XXVI.

Acus ocularia quomodo commoda esse debeat.

Ex haecenus adductis luculentissime, si quid ego video, patescit, *novam eandemque veram de cataracta sententiam* (vid. supra No. 8.) non in ipsa tantum morbi huius diagnosi, prognosi atque curatione, sed in ipsa quoque instrumentorum ad suffusionem curandam aptorum constructione atque applicatione *amplissimam praestare posse utilitatem*. Simulatque enim observatum fuit, cataractam fere semper ab humore crystallino obnubilo, rarissime a peculiari quadam tunica provenire; longe aptiores ad deprimendam *suffusionem acus ocularias istas fore* *judicavit* BRISSAEUS, quae cuspidem paulo latiore habent atque sulcatam. (vid. Tab. XVII. fig. 6. litt. C) Adhibitis enim tenuioribus illis veterum chirurgorum acutus, sive jam ex auro vel argento, sive etiam ex chalybe vel ferro eadem confectae sint, abesse vix potest, quin crystallinus vel etiam alia materia noxia, dum deprimere ipsam nitimur, laceretur vel dissecetur. Neque vero lata solum atque sulcata, sed acuminata quoque BRISSAEI recentior acus illa est; ut scilicet promte in oculum penetrare queat. Ansa AB octangularis est: cujus equidem latus unum litt. EE lineis incisis a iove modo notatum, qua parte sulcatum instrumentum sit, demonstrat. Sic enim absque omni propemodum aberratione statui vel e solo manubrio poterit, acutane an lata instrumenti in oculum demissi pars cataractam contingat. Denique globulus D. eum praecipue in finem adjunctus huic ferramento est, ut dignosci facilius atque accuratius possit, quam alte id ipsum in oculum penetraverit.

XXVII.

Quid de certis acutis habendum sit.

Chirurgorum nonnulli quia praecipuam suffusionis causam a peculiari tunica quadam intus in oculo nata repetiverunt, ea praesertim instrumentorum genera adhibenda esse putarunt, quibus penitus extrahi ex oculo per vulnus acu inflictum membranacea cataracta posset: ne scilicet,

cet, prouti saepius fit, semel curata noxa identidem rediret. Primum itaque instrumentorum genus *canaliculi* sive acus perforatae erant, quibus applicatis nonnulli exfugere ex oculo tunicam istam peregrinam nitebantur. (a) Ad alterum genus peculiaris acus adinstar *tenuissimae vossellae*, multo ingenio exaratae, spectant, (vid. Tab. XVII. fig. 10. hujusque figurae explicationem) ad tertium vero *acus hamatae Freytagii* nec non subtilissimi *uncinuli*, quibus per vulnus & canaliculum in oculum demissis apprehendi, extrahi vel educi tunica illa posset. (b) At vero frustraneum penitusque ineptum unacum instrumentis affabre ceteroquin constructis hunc ipsorum conatum fuisse, non ex opinationis solum de membranulae, tanquam ordinariae cataractae causae, falsitate, sed & ex certae experientiae defectu atque vel maxime ex chirurgorum praestantissimorum hac in re consensu, quod scilicet hi modi non succedant, apertissime colligitur: nisi forte & praesertim FREYTAGIUS suam per acus hamatas methodum melius probet, acus delineet, atque quomodo oculi laceratio evitanda sit ostendat. Alias eum ingenii magis quam veri causae haec scripsisse suspicor.

XXVIII.

Ceterum hic adhuc monendum, si per ipsam pupillam suffusio ista, Si cataracta pupillam transit. ut interdum contigit, fuerit prolapsa, haud alienum esse, inferiorem tunicae corneae partem providissime incidere, admotoque quam cautissime uncinulo vel specillo quodam idoneo suffusionem corneae velut imminuentem educere. Cujus equidem curationis exempla in eo libro suppeditavimus, quem de cataracta quondam conscripsimus.

XXIX.

TAYLORUS, in libello jam aliquoties citato, cap. XI. novam curandi per acum cataractam methodum, quae ita fere se habet, descripsit. Aegrum ita, ut alias fieri solet, collocat, oculum curandum speculo oculi firmat, postea scalpello phlebotomo sive lanceola parvam eamque longitudinalem facit incisionem, lineae dimidiae circiter longitudine infra locum consuetum, per externas internasque oculi membranas, usque in humorem vitreum. (c) Deinde acum plano convexam, eamque valde tenuem, per factam plagam directe in-

H h h h 3

ocu-

(a) Vid. Durantis SCACCHI Subsid. Medicinae pag. 54. & Th. FIENI lib. chirurg. p. 30.

(b) De horum uncinulorum ineptitudine Scacchus & Fienus quoque jam egerunt.

(c) Quam ob causam scalpello phlebotomo hic utatur. & non sola atque unica acum totam operationem perficiat, itemque cur longitudinalem, & non potius transversum sive horizontalem faciat incisionem, rationem non dedit, neque etiam hic perspicuo idoneam. Quicquid enim per pauca fieri potest, non fiat per plura.

oculum immittit, convexa parte sursum spectante, versus inferiorem lentis crystallinae partem: post haec acus cuspidem parum ac blande elevat, donec ea levem aliquem renixum percipit a lente crystallina supra haerente, ejusque motum per pupillam conspicit. Dum sic ex his indiciis acus apicem proxime sub capsula crystallini esse cognoscit, eam versus fundum deorsum premit, pro humore vitreo dividendo & spatio parando, in quod crystallinus postea deprimendus. Hoc peracto, acum paululum retrahit, ad duarum scilicet linearum longitudinem, eamque postea in inferiorem capsulae crystallini partem, observando probe verum crystallini situm, immittit, atque hanc capsulae partem sine laesione, ut ait, ligamenti ciliaris, acu aperit sive dividit, ut per hanc plagam sive aperturam capsulae, ipse crystallinus postea supprimi queat. Quo vero motu sive actione, ut docet, simul spatium pro crystallino condendo ampliare studet. Tandem ut crystallinum opacum condat & supprimat, acum ad trium fere linearum spatium rursus extrahit, ut crystallinus a capsula jam jam solutus, per plagam inferius factam, in spatium jam antea paratum, aliquo modo sponte quasi descendat, atque tunc cuspidem acus elevat, atque diligentissime versus partem crystallini supremam dirigit, eum caute comprehendit, & ad fundum sive partem inferiorem oculi, in foveam antea jam paratam deprimit, ac denique acum quam lenissime extrahit. Ita ligamentum ciliare & uveam non laedi, sed in statu naturali conservari, asseverat; id quod ad visum haud parum utile esset; cum in consueta operandi ratione ligamentum illud semper laceretur. Ceterum praecipua hujus operationis momenta, quae hic ex auctore breviter retulimus, auctor ipse quamplurimis ambagibus atque subtilissimis cautelis sive *circumstantiis* descripsit, quae descriptionem ejus triplo, & quod excedit, prolixior, quam hanc nostram faciunt: quorum vero varia vel supervacua mihi videntur, vel a quamplurimis vix intelligi, imo etiam tam accurate vix unquam in operatione vel ab ipso auctore observari poterunt. Atque hinc forte accidit, quod gravissima etiam symptomata, dolores scilicet saevissimi, inflammationes gravissimae & abscessus oculi, sine visus restitutione, operationes ab eo in cataractis institutas secuta fuerint: sicut hoc prolixius legi potest ex relatione illa, quam filius meus nuper vernacula nostra edidit, de infelicissima quadam cataractae operatione, quam TAYLORUS Amstelodami superiori anno ¹⁷⁶³ in amico quodam nostro perfecit. Interea tamen praecipua momenta re vera merentur, ut a prudentioribus medicis oculariis probe perpendantur atque cum judicio imitentur. Tempus praestantiam & effectus docebit.

XXX.

Quomodo *cataraclam vacillantem* sive crystallinum opacum, & extra capsulam suam jam jam post pupillam *fluctuantem*, (a) quae propterea aliam curandi rationem requirit, removeat, duobus capitibus seorsim describit: quorum summa haec fere est. Acum suam eodem prorsus modo, ut antea dictum est, in oculum aegri immittit, cuspidem vero deinde ad anteriorem & superiorem crystallini vitiati partem dirigit, cavendo ne ligamentum ciliare laedatur, eum plana acus superficieprehendit, & ad fundum vitrei deprimit.

Quomodo
vacillantes
curandos
esse velit.

XXXI.

In quibusdam cataractis, quas *falsas* ipsi appellare placuit, praeter crystallinum capsulam quoque crystallini vitiatam & opacam esse statuit: quam, condito prius crystallino opaco, quomodo a ligamento ciliari acu sua dimoveat & supprimat, prolixè rursus duobus capitibus descripsit. Aliis duobus capitibus *glaucomatis operationem* tradit. Sub *glaucomatis* vero nomine, nova prorsus ac inusitata significatione, intelligit crystallini opacitatem & incrementum, ita ut proxime oras pupillae attingat, una cum capsula vitiata; quod eadem fere ratione, ut modo expositum est, curandum esse docet. Cum vero, ut alibi demonstravi, veteres *glaucoma profundo in oculo situ*, atque a pupilla valde remoto, a cataracta distinguendum esse docuerint, (b) haec significatio minime amplecti poterit; dum nobis hodie non licet, vocabulis antiquis novas significationes tribuere; sed potius haec mala, quae hic *glaucomata* appellat, ob vicinum ad pupillam situm pro cataractae speciebus habenda esse censeo.

Quomodo
falsas &
glaucomata.

XXXII.

Denique adhuc monendum, nos quidem supra indicasse (N. XXVIII.) cataractas, quae pupillam sponte transierunt, per vulnus corneae quandoque educi posse. Verum ex Anglia mihi relatum est, TAYLORUM ibidem gloriatum esse, se cataractas quoque post uveam adhuc haerentes, per vulnus corneae arte factum educere posse. Num vero hoc re vera praestiterit, haecenus nondum comperire potui.

Cataracta
an per
corneam
educi queat.

C A.

(a) The *fbaking cataract* ipsi vocatur.

(b) Tract. de cataracta pag. 166, 242. *Apolog. mea pro cataracta* pag. 304. & *Vindiciis* pag. 17, 244. &c.

C A P U T LVI.

De pupilla, nimis constricta vel clausa, aperienda ac dilatanda.

I.

Mali descriptio.

OB affinitatem cum praecedenti operatione aliam huic haud valde abssimilem mox adjungemus, in qua oculus eadem fere ratione ferramento, ut in cataracta, perforatur, ad pupillam clausam aperiendam. Morbus igitur, in quo haec operatio perficitur, est quando oculi pupilla vel *integra* sive *tota constringitur* sive clauditur, ita ut lumini deneget in fundum oculi ingressum, adeoque ipsi videnti potentiam adimat. Quandoque malum hoc a prima juventute est; quandoque vero ab inflammatione oculi vehementiori oritur; vel quando pupilla praeter naturam ab alia quacunque causa valde constricta est, cumprimis quando interior pupillae sive uveae ora, quae pupillam constituit, cum cataracta, vel cum parte cataractae post operationem relictæ, concreta est: quod malum curatu difficillimum aut prorsus insanabile plerumque habuerunt. Interea tamen sagacissimus Britannorum chirurgus CHESELDENUS novam hoc malum curandi viam excogitavit, quam non solum aliquoties, ut affirmat, (a) cum successu perfecit, verum etiam jam in Actis Acad. Reg. Londinensis breviter quondam descripsit: adeoque hic eam haud praetermittendam in chirurgia nostra censui, atque ita se habet.

II.

*Operatio
haec quo
modo instituenda.*

Palpebris ope speculi oculi probe apertis detentis, scalpellum angustissimum, sive acus, qualis fere ad cataractam supprimendam adhibetur, sed solum in alterutro latere acuta sive secans, *vid. Tab. XVII. fig. 19. litt. AA*, per tunicam scleroticam B, fere ut in cataractae operatione, & postea antrorsum per iridem sive uveam transfigitur; in extractione vero ejus iris, ut in *fig. 20. litt. A* indicatur, inciditur. Si hoc malum est sine cataracta, optime medium perforari, ait, ut ex modo indicata *fig. 20.* intelligi potest. Sed si cataracta adest, vel pars etiam solum cataractae, incisionem paulo altiori uveae loco faciendam esse docet, ita ut cataracta ingressum radiorum sive lucis impedire nequeat. Has vero cataractas ut plurimum valde exiguas esse asseverat, & quandoque propter firmam nimis adhaesionem acu removeri sive suppressi non posse. In figura

ve-

(a) In Append. ad quartam anatomes suae editionem, pag. 19.

vero 21. incisio sive apertura centro corneae atque uveae declivior facta atque indicata ab auctore est : quia in oculo illo , in quo aliquando hanc operationem perfecit , in corneae parte superiore albugo sive leucoma erat , quod impedimento fuit , ne in medio perforatio iridis fieri potuerit , sed in inferiori instituenda fuerit. Quid vero post operationem faciendum , ut inflammatio aliave symptomata arceantur , haud indicat. Verisimile vero est , aegros eos ita tractandos esse , ut illi , qui cataractae suppressionem experti sunt.

Explicatio Tabulae decimae septimae.

Fig. 1. demonstrat , qualis debeat esse positura ad cataractae curationem , cum ipsius aegri , tum chirurgi etiam atque ministri : sicut plenius hoc supra cap. LV. n. 18. descripsimus.

Fig. 2. Acus argentea ad morem veterum , ad deprimendam cataractam accommodata , apice tenui , teretiuscula , fere ut in acubus vulgaribus.

Fig. 3. similis alia , cuspide triangula instructa.

Fig. 4. rursus alia , altero extremo litt. A cuspide chalybea tenui ; altero litt. B ampliori praedita. C manubrium indicat , quod ex argento , orichalco , ebore vel ligno constare potest.

Fig. 5. item alia , cuspide ampliori , attamen acuta instructa , qua cataracta melius comprehendi ac supprimi potest , quam tenuioribus.

Fig. 6. rursus alia , fere similis , sed apice sulcato praedita , qualem BRISSAEUS commendavit , quaeque supra cap. LV. n. 26. prolixius descripta est.

Fig. 7 & 8. proponuntur e SOLINGENIO & NUCKIO binae acus , quas SMALSIUS , Chirurgus & ocularius Batavus , invenisse dicitur , & quae in una eademque operatione simul adhibentur. Quam enim *fig. 7.* demonstrat , ista acuta & sulcata est , fere ut praecedens ad perforandas oculi tunicas , atque inde suam hausisse videtur BRISSAEUS ; ea vero , quam *fig. 8.* indicat , retusa est , atque ita comparata , ut per prioris sulcum , dum adhuc in oculo est , dimitti in oculum , atque retracta priori , ad deprimendam cataractam adhiberi possit.

Fig. 9 & 10. alia duo ferramenta repraesentant , quorum similis fere ratio & in cataracta adhibendi modus est , ut duarum praecedentium , quas ex cl. Bern. ALBINI disputatione *de cataracta* Francofurti ad Viadrum olim habita ac impressa mutuatus sum.

Fig. 11. exhibetur acus , quam idem ALBINUS in jam jam laudata dissertatione ad cataractam ex oculo extrahendam proposuit : quae sic constructa est , ut cuspis A , postquam in oculum immissa est , per depressum manubriolum vel ansam B , ad vossellae instar in apice intus in oculo deduci , eaque cataracta membranacea , si quae esset ,

prehendi atque ex oculo extrahi possit. Quanquam ego valde dubito, an unquam cum fructu eadem fuerit adhibita.

Fig. 12 & 13. modo descriptae acus istius seu volsellae (*fig. 11.*) partes seorsim exhibent. Nempe *fig. 12.* cuspidem sulcatam, *fig. 13.* autem cuspidem aliam indicat, eandemque ita fabricatam ac tenuem, ut immitti commode in priorem, & deinde una cum priori in oculum queat. Etenim quo aptius ambae sibi invicem committuntur & expoliuntur, hoc etiam commodius adigi in oculum acus ipsa poterit. Juxta litteram B *fig. 12.* foraminulum est, in quod prominentia D *fig. 13.* demittitur, tenuissimoque clavo, ad litt. C *fig. 11.* quasi commissura quaedam firmatur. Littera E *fig. 13.* designat lamellam quandam elasticam, quae praestat, ut commissae sibi invicem cuspides (*fig. 14*) quam firmissime cohaereant, neque sua sponte ab invicem recedant. Simulatque vero manubriolum B *fig. 11.* quod hic quoque litt. B indicamus, deprimitur, cuspides ad modum volsellae aperiri, atque ad comprehendendam & extrahendam membranam praeter naturam applicari poterunt.

Fig. 14. designat, quomodo altera manus continere oculum, altera acum juxta partem A demittere; nec non qualiter in operatione intus apparere post pupillam B instrumentum soleat, quando ad deprimendam cataractam aggredimur.

Fig. 15. *Speculum* ita dictum *oculi* delineatur, sive instrumentum ad firmandos in cataractae aliorumque morborum ocularium curatione oculos adaptatum.

Fig. 16. aliud, idque correctius, repraesentatur, cujus duo arcus AA, BB, clavo C diduci & rursus adduci possunt. D manubrium denotat.

Fig. 17. acum exhibet, qua in dextro oculo, manu dextra, cataractam suppressi posse, nonnulli perhibent. A acus cuspidem, B manubrium, C peculiarem inflexionem designat, quae naso infistit.


Fig. 18. operculum pro cusptide acus hujus condenda.

Fig. 19. e CHESELDENI anatomes quartae editionis appendice est petita, & ostendit, quomodo ferramentum pro pupilla sive uveae foramine clauso aut concreto rursus aperiendo in oculum sit immittendum, & uvea rursus dividenda & aperienda.

Fig. 20. litt. A. quomodo uvea circa medium divisa rursusque pro radiis transmittendis aperta sit, indicat.

Fig. 21. CHESELDENUS exhibet, quomodo uveam concretam in parte decliviori litt. A dissecuerit, ob albuginem in parte media corneae hujus oculi haerentem.





C A P U T LVII.

De ungula, ungue, panno sive pterygio oculorum.

I.

Quando membranula quaedam *extrinsecus* in oculo nascitur, quae super ipsam tunicam corneam atque pupillam se extendit, visuique graviter officit, *unguem* latini vocant, (a) ob qualemcunque scilicet ejusdem cum hominum unguibus similitudinem, sive etiam *ungulam*; Graecis vero *onyx*, hoc est, *unguis* appellatur, (b) itemque *pterygium*, id est *ala* vocatur (c) praesertim quia quandoque alam vespertilionis repraesentat. Sed subinde mollis atque rubida, propter copiosissimas venulas, eadem apparet; adeoque tum *pannus* solet appellari. Saepius a narium, interdum etiam a temporum parte ex angulis oculorum, quin imo quandoque vel a superiori, vel ab inferiori oculorum latere nascitur, indeque super ipsam corneam sensim protenditur. (vid. Tab. XVIII. fig. 1. & 2. aa.) Nonnunquam leviter tantum atque non nisi per fibrillas tenues atque raras tunicae corneae adhaerescit: nonnunquam autem integrum oculum contegit, firmissimeque cum ipso cohaerescit. Itaque tum difficile, quin imo longe difficillimum esse curationis negotium consuevit.

Unguis oculorum quid sit.

II.

Sicubi recens adhuc, tenuis atque mollis est unguis sive pannus, tum discuti quandoque adhuc medicamentis leniter rodentibus poterit: atque egregium hic erit, pulverem tenuissimum e saccharo canariensi cum admixta vitrioli albi, aluminis usti, vel etiam viridis aeris portiuncula, providissime super vitiosam membranulam istam subinde inspergere. Fieri autem pulveris mixtura sic potest, ut sacchari drachmae unae, quatuor vel sex grana vitrioli aut aluminis usti adjiciantur. Aequale valens hic est pulvis ex lapide scissili vetere vel sepiae osse atque saccharo praeparatus. In infantibus difficulter admodum adhiberi pulveres solent. Itaque satius hic erit, vel aqua ophthalm. Quercet. vel pingued. viperarum, vel axungia asciae piscis, aut felle mustelae piscis, vel spermate ceti liquido, vel combusti linteoli oleo, vel denique butyro recenti cum vitrioli albi pauxillo permixto, quam diligentissime noxiam istam membranulam inungere: quae vero omnia etiam adultis prosunt. Sicubi forte inflammationem aliquam unguis

Curatio per medicamenta.

liii 2

ocu.

(a) CELSUS Lib. VII. cap. 7. n. 4.

(b) De varia vocabuli *onyxis* significatione conferri potest Brunon. Lex. Medicum.

(c) Celsus loco modo citato.

oculorum habet adjunctam, id inprimis operam dare convenit, ut per sanguinis missionem, cantharidum item atque aliorum hic valentium medicamentorum applicationem inflammatio ista leniatur: tunc enim ipsa quoque membranula discuti promptius per medicamenta poterit. Longe nobilissimum usum hic praestare YVESIO videtur *lapis divinus*, (a) sive etiam medicamentosus CROLLII in aqua resolutus, & oculo saepius instillatus. Quanquam haud minoris virtutis esse saepe illud medicamentum solet, quod ex vitrioli albi $\text{3}\beta$. in aqua chelidonii major. 3ij . resoluti conficitur.

III.

Curatio per
scalpulum.

Ubi parum proficere ad removendam ab oculo membranulam medicamenta reperiuntur, *excidere* ipsam oportebit: atque id sequenti ratione. Aversus scilicet collocandus homo sic est, ut caput suum in Medici gremium resupinus demittat: atque super sinistrum quidem ejus pedem, si vitium in oculo dextro fuerit. Tum diduci ab invicem palpebrae a ministro probe debent, chirurgus vero mox hamulum tenuem, *Tab. XVIII. fig. 3. vel Tab. XV. fig. 30.*) paululum mucrone intus recurvato, subjicere ungui laxiori ejusdem parti debet, eamque paulo elevare. Deinde acu linum trahente unguem is trajiciat, (*fig. 1. bb.*) eum duplici nodo stringat, junctisque lini capitibus ansae in formam (*fig. 2. litt. b c.*) leniter ipsum attollat seu levet. Quo facto scalpello phlebotomo superiorem atque inferiorem membranulae, quae unguem tegit, partem sic dividat, ut subiecta forfice recta atque tenui quam expeditissime juxta carunculam lacrymalem rescindere ipsum queat. Tandem versus corneam linum istud cum membranula retrahitur, & si qua parte oculo inhaeret, scalpello aut forfice paulatim unguis ab oculo separatur. In quo ipso negotio bina potissimum prospicienda sunt: primo ne ipse oculus aut ejusdem tunica cornea imprudenter laedatur: deinde ne forte aliquid ex ungue in oculo relinquatur. Namque hic periculum est, ne denuo malum pristinum redeat. Interim satius videtur, ex ungue paulo firmitus corneae haerente, aliquid relinquere, quam ex nimis sollicito unguem resolvendi studio graviter ipsam corneam vulnerare, quo ipso insanabiles in ea cicatrices excitari solent. Atque id magis etiam ideo, quia tutius paulatim exedi, quicquid forte in oculo remansit, per medicamenta leniter rodentia potest, quae superius (*No. 2.*) praescripsimus, dummodo bis aut ter quotidie applicentur. Quanquam non desunt, qui ad extirpandas rescissae membranulae reliquias collyrium potius sequens adhibendum censent, nimirum.

12.

(a) Quem lib. de oculorum morbis describit.

℞. ▽ rofar. plantag. à j.
 Matr. perlar. ppt. ℥j.
 Sacchari Saturni gr. vj.
 Vitrioli albi gr. iij. M.

Nobilissimus YVESIUS hanc curandi viam hic ingreditur, ut per quatrimum post operationem spiritu vini aqua diluto oculum aegrum quam diligentissime foveat; deinceps autem pro reliqua curatione lapidem divinum, in aqua communi resolutum, adhibeat. Ceterum in rescindenda membranula juxta carunculam providendum semper quam solertissime est, ne carunculae pars quaedam, multo minus ipsa tota ex angulo simul rescindatur. Simulatque enim eadem abscissa est, in angulo majori via patefit, per quam postea semper humor lacrymarum descendit, atque morbus inde concitatur, quem *oculum lacrymantem* Medici appellant.

IV.

Nonnunquam vitiosae membranulae istae, praesertim si ob vasa *Aliae curandi rationes.* majora, quae ab angulo majori ad corneam procedunt, rubent, (*fig. 2.*) refecando ipsa illa vasa prope carunculam removentur: sic enim membranulae subtracto ipsarum nutrimento sensim exarescunt, vel medicamentis saltem faciliori negotio tolluntur. Interdum materia quaedam glutinosa, membranulae aut pinguedini haud absimilis, super corneam increfcit. Quae tamen absumi haud difficulter anguillarum aut mustellae piscis similive alia bile potest. Atque vero quidem perquam videtur simile, TOBIAE morbum istum, cujus in scriptura sacra mentio fit, ejusdem prorsus, uti modo diximus, indolis extitisse. Denique interdum usque adeo firmiter oculis membranulae adhaerescunt, ut resolvi ab iisdem citra corneae laesionem neutiquam possint. Quibus equidem in casibus etiam si parum plerumque exspectari salutis ab operatione possit, tamen satius omnino videtur, frustra nonnunquam operationem aliquam suscipere, quam sine illa spem dubiam in desperationem certam convertere. Tandem insignes quandoque dolores membranulae istae sibi habent conjunctos jamque ad ipsum cancrum spectare videntur. Quare haud immerito, si tales sint, pro insanabilibus ac desperatis sunt habendae.

V.

Si super integrum oculum unguis extensus est, dividere ipsum quandoque in quatuor partes convenit, sigillatimque partes illas singulas, *Si totus oculi ungue obiectus est.* docente YVESIO, (a) eodem modo tractare, quem generatim ad unguem haecenus proposuimus. Cetera in deligatione eadem prorsus facienda sunt, quae supra jam tum praescripsimus.

Iiii 3

VI.

(a) Lib. de morb. oculor. pag. 156. edit. Paris.

*Si finistrum
oculum un-
guis occu-
pavit.*

Ubi denique in sinistro oculo mali hujus suscipienda operatio est, excitari protinus homo, post trajectam acu atque lino membranulam, eamque filo constrictam, ex humo debet, inque commodo sedili quodam collocari. Sic enim postea promptius ungula excidi meliusque expediri singula curationis negotia poterunt, id quod in humo tam facile fieri non posset; nisi si forsan sinistra aequae promptus atque dextra manu chirurgus fuerit. Quodsi autem membranula tenera valde est, quae oculum infestat, cautio utique adhibenda est, ne justo vehementius filum attrahatur, itaque membranula disrumpatur.

C A P U T LVIII.

De albugine, leucomate, nebula, nubecula & maculis in cornea.

I.

*Chirurgorum negli-
gentia no-
tatur.*

Quemadmodum in doctrina de morbis oculorum semper fere alias, sic & vel maxime in iis, quos praefens titulus exhibet, mirum quantum chirurgi plerique omnes confusionem admiserunt. Scilicet iisdem omnes nominibus aut vocabulis utuntur; sed alii aliam vocabulis istis significationem tribuunt. Ut proinde aliter fieri neutiquam possit, quam ut in judiciis atque ipsa curandi ratione insigniter dissentiant; doctorumque pariter ac tironum studia disturbent.

II.

*Quid gene-
ratim per
vocabula
ista designe-
tur.*

Interim praestantissimi Medici fere omnes consentiunt in eo, jam jam adductis vocabulis vitiosas tunicae corneae *maculas albas* designari: ut ut macularum istarum non una semper atque eadem natura sit. Nunc enim majores eadem sunt, nunc minores, nunc crassiores, nunc tenuiores ac pellucidiores; nunc denique insigniter, nunc parum atque adeo nihil prominent. Itaque nunc gravius, nunc levius oculorum acies impeditur; nunc etiam visus omnis perit: sicubi nimirum integra cornea maculis albis iisque crassis obnubilatur. Ceterum ex jam dictis facile apparet ratio, cur Graeci *leucoma*; latini *albuginem*, *nebulam* atque *nubeculam* vitium istud oculorum, pro diversa ejus eademque nunc crassiori nunc tenuiori constitutione, denominaverint.

III.

*Causae re-
feruntur.*

Causae hujus morbi variae sunt. Vel enim 1) is oritur e tunicarum pellucidarum atque venularum in tunica cornea obstructione, prop-

propter inspissatos in iisdem post vehementiorem quandam oculorum inflammationem humores concitata. Vel 2) ex abscessu quodam sive stagnatione humorum spissorum post inflammationem inter ipsas corneae membranulas nato: dum sensim materia illa noxia & opaca indurescit corneamque sic albicante colore obnubilat. A quibusdam Medicis *onyx*, id est, *unguis* dici malum istud solet, (a) atque pro peculiari morborum specie habetur. Vel porro 3) maculae istae ab erosionem vel abscessu tunicae corneae externo proveniunt. Vel etiam 4) a pustulis seu vesiculis ardentibus, propter causas varias in tunica cornea haud raro oriundis. Praesertim autem 5) ab iis, quae variolae dici communiter solent. Nonnunquam 6) a cicatriculis, gladio, cultello, forfice, vitro, festuca, spina rebusque id genus aliis vulnerantibus in oculo excitatis. Denique 7) ab ambustione; nec non 8) a medicamentis acrioribus sive rodentibus in oculum forte fortuna illapsis, vel oculo imprudenter applicatis. Tandem ac postremo a peculiari tunica quadam, ipsi oculo agglutinata.

IV.

Quamquam autem fere semper difficilis esse albarum istiusmodi *ma- Prognosis.* gularum curatio consuevit; haud tamen aequè graviter omnes periclitantur, neque omnes aequè difficulter dissipantur vel digeruntur. Siquidem malum ipsum pro vario habitu suo atque causis, pro diverso durationis tempore, nec non pro varia aegri hominis aetate, insigniter variat. Infantes equidem promptius ut plurimum, quam adulti a vitiis istis liberantur, praesertim si nondum inveterata sunt. Sed quoties tamen illud ipsum a cicatrice, post plagam vel ambustionem aliquam subnatum fuit, graviterque jam tum invaluit, nulla omnino, saltem perexigua sanitatis saepe spes superest.

V.

Si quis autem feliciter instituere albuginis curationem voluerit, is *Curatio va-* equidem ad ipsas morbi causas accommodare ipsam debet. Nam- *ria est.* que ubi forte *ab intus* intra corneae lamellas *inspissatis ac haerentibus humoribus* maculae provenerunt, neque nimis jam tum invaluerunt; longe optimum erit a sollicita victus ratione atque internis praecipue medicamentis digerentibus, & cumprimis infusis vel decoctis sudoriferis diligenter atque largiter adhibitis, salutis praesidia petere. Sed simul tamen extrinsecus uti venae sectionibus, scarificationibus, emplastris vesicatoriis ex cantharidibus, pediluviisque frequentioribus oportebit. Super ipsum oculum aegrum facculos digerentes ex hyssopo, rore marino, fl. chamomillae, sem. foeniculi &c. atque vel in aqua vel in vino coctos quam frequentissime superimponere; vel & collyrium ali-

quod

(a) Conferri potest cap. LVII. & LX.

quod ex aqua foeniculi aut valerianae admixta spiritus vini camphorati portiuncula confectum, identidem superimponere conveniet. Denique haud alienum erit, ipsum oculum aegrum, post resolutam vincturam, decocti coffe calidi aut decocti lignorum vaporibus quam diligentissime fovere. Contra vero collyria quaevis frigida atque adstringentia, praesertim ex vitriolo praeparata, nec non unguenta huiusmodi prorsus hic perniciofa sunt; quantumvis etiam egregie a quibusdam celebrari soleant. Nihilominus sicubi calida super oculum eadem injiciuntur, mirifice haud raro ea profuisse experientia memet ipsum docuit. Simulatque inflammatio sese remittit, aquam ophthalmicam QUERCETANI cum tutia, vel & aliam digerentem tepide aliquoties per dies singulos instillare in oculum aegrum oportet, donec penitus consanuisse idem reperiat. Si quae autem porro venae tumentes e tunica albuginea ad maculas processerint, utilissimum erit, per adhibitam acum curvam minorem utrinque acutam, (vid. Tab. I. fig. V. vel Tab. XVI. fig. 2.) aut forficem, aut phlebotomum, strenua, sed probe tamen simul temperata manu easdem rescindere. Denique si plane inveteratum malum est, quidvis potius quam sanationem expectare licet.

VI.

Curatio macularum ex abscessu proveniente.

Sicubi ex abscessu quodam, intra lamellas tunicae cornae, post prae-
viam inflammationem aliquam suborto, maculae proficiuntur, atque materia contenta exteriorem corneae tunicam instar margaritae, aut perlae, aut lentis elevat, unde morbus saepe perlae nomen assumit; emitti protinus, post incisam corneam, humor ille noxius debet, qui tunicam exteriorem expanderat. Namque maximum alias periculum est, ne nimis diu relicta intus materia noxia ipsam corneam paulatim arrodant, insanabilemque proin coecitatem inducant. Ejici autem quam commodissime humor iste potest, si aut phlebotomus aut acus quaedam ocularia Tab. XVII. per tunicam corneam ad abscessum usque semel atque iterum, vel pro re nata saepius per intervalla etiam demittitur; adhibitis postmodum medicamentis illis digerentibus, quae supra jam (No. 5.) proposuimus. Quanquam etiam haud alienum est, viperarum quoque pinguedinem interdum hic instillare; quo nempe facilius plaga inflicta sive punctura purgetur & glutinetur: ita enim quandoque visus restituitur. Verum ubi paullo altius, neque proxime super exteriori corneae lamella, humor ille noxius delitescit, oculorum acies ut plurimum perit.

VII.

Albugo ex erosa extrinsecus cornea quomodo curetur.

Quodsi autem extrinsecus erosa vel ab abscessu quodam atque inflammatione infestata cornea deprehenditur, hanc inprimis curationis viam YVESIUS (pag. 227.) ingrediendam esse statuit, ut inflama-

ma-

matio ante omnia curetur, deinceps autem aqua viridis HARTMANNI in oculum aegrum saepius instilletur: eademque nunc lenior, nunc fortior, prout aeger eam perferre potest. Admirabilem etenim aquae istius in sanandis hisce corneae maculis vim esse, graviter idem, quem modo laudavimus, auctor testatur.

VIII.

Denique si *pustulae ardentes corneam infestant*, quas *iritides* nonnulli *Albugo ex pustulis variolis atque ambustione quomodo curetur.* vocant, atque ad margaritae vel granuli milii instar super eadem prominent, expeditissimum auxilium est, quam providissime ipsas acicula perforare, humoremque intus contentum emittere. Ubi vero *pustula quaedam in variolis* oculum occupat, protinus aperire ipsam convenit, demtaque deinceps per adhibitam aciculam, phlebotomum, aut proprium aliquod ferramentum, relicta pellicula, quam diligentissime per dies singulos pulveris ex alumine, saccharo cando atque ovorum testis praeparati granulum, lentem circiter adaequans, in oculum aegrum immittere; vel etiam linteoli combusti oleo eundem inungere. Sic enim, quicquid forte superstes e maculis est, teste YVESIO (pag. 229.) sensim evanescit. Similis plane curandi ratio adhibenda est, quoties *propter ambustionem aliquam pustulae super tunica cornea pronascuntur.* Tandem ubi forte post rescissam unguam maculae quaedam supersunt, longe optimum erit, vel jam jam proposita, vel superius etiam (cap. LVII.) commendata medicamenta solertissime tantisper adhibere, dum maculae istae penitus fuerint extirpatae.

IX.

Vix unquam vero curationem istae maculae admittunt, quae aut a vulneribus & cicatriculis, aut ab abusu collyriorum vitriolicorum *Albugo insanabilis quae fit.* ortae sunt: nec non illae, quae aut nimis jam tum invaluerunt, aut corneam prorsus opacam reddiderunt; aut denique ubi nativa oculi vel corneae tunicae forma corrupta est. Si quid igitur istiusmodi acciderit, satius utique videtur, hominem aegrum plane non attingere, quam diuturno sanationis studio frustra eum discruciare.

C A P U T LIX.

De Staphylomate.

I.

S *Staphylomatis* vocabulo gemina praecipue noxa comprehenditur. *Al-* *Staphyloma quid sit.* *Staphyloma* tera est, quando cornea in oculo tunica magis, quam naturaliter decebat, sensim attollitur. (vid. Tab. XVIII. fig. 4, 5, 6 & 7) Altera *Tom. II.* *K k k k* *ve-*

vero incidit, quoties uvea seu pupilla per vulnus aliquod in tunica cornea, sive ab internis sive ab externis causis factum, prorumpit, deformemque super oculo tumorem efficit, quo ut plurimum visus destruitur. vid. fig. 8. a a.

II.

*Staphyloma
quotuplex
sit.*

Ne quis autem ignoret, undenam reliquae vitii hujus denominationes profluxerint, sciendum est, variam tumoris figuram atque magnitudinem varia nomina peperisse. Nunc enim *margaritam*, nunc *myocephalon*, nunc *clavum*, nunc *mylon* sive *pomum*, nunc denique *staphyloma*, uvam sive acinum salutaris artis professores tumorem vocarunt, prout idem nunc ad hujus, nunc ad illius rei similitudinem propius accedere visus fuit. Maximum in istis *mylon* est. Neque vero cornea tantum, sed sclerotica etiam tunica justo amplius quandoque, prouti memet observare memini, intumescit ac protenditur. Quod ipsum equidem vitium staphylomatis nomine itidem designari propterea solet, quia non nisi unicum binarum illarum tunicarum corpus constituunt. Quanquam haud alienum fuerit, noxios tumores illos, pro partis illius, quam affligunt, diversitate, sic ab invicem distinguere, ut alterum *staphyloma scleroticae*, *corneae staphyloma* alterum nuncupemus.

III.

Prognosis.

Solent autem binas potissimum propter causas quam maxime perniciose esse staphylomata. Neque enim oculos tantum insigniter deformant atque excaecant, sed gravissimas etiam saepe in ipsis inflammationes, capitis item dolores, vigilias ac suppurationes atque adeo cancrum ipsum haud raro concitant. Ut proinde curatio omnis, si qua forsan suscipitur, ut plurimum non tam eo spectet, ut videndi potentia restituatur aut servetur, namque illa tantum non semper hic perit; quam potius, ut deformitati ac modo recensitis malis istis subsequentibus tempestive occurratur.

IV.

Curatio staphylomatis recentis.

Ad curationem quod attinet, providissime attemperari eadem ipsius mali figurae, causis atque gravitati debet. Igitur simulatque vel cornea vel sclerotica tumorem aliquem praeter naturam sentit, supradare protinus splenium aliquod in aqua alumine impraegnata tinctum, lamellam plumbeam atque fascias, vel etiam peculiare aliquod instrumentum comprimens oportet, quorum adminiculo tumor ille reprimatur. Quod si autem prolapsa per vulnus uvea deprehenditur, dum malum recens est, protinus quam solertissime recondi per adhibitum tenue specillum ipsa debet; aeger autem resupinus semper contineri; vulnus denique ipsum ovi albumine, vel feminis cydoniorum mucilagine, vel iis etiam medicamentis, quae ad oculorum vulnera proposuimus, diligentissime foveri, donec vulnus glutinatum sit. Namque ista ratione visus nonnunquam felicissime instauratur.

V.

V.

Sicubi jam tum inveteratum malum est, aut remediis non cedit, *Staphylomatis veteris curatio.* trajici ad ipsas radices acus duo linea ducens per tumorem medium debet: (vid. Tab. XVIII. fig. 8.) deinde, acu remota, lini alterius duo capita ex dextra parte, alterius ex sinistra adstringi inter se invicem oportet, donec paulatim tuberculum exarescat, tandemque una cum ipsis linis decidat.

VI.

At vero quia ipsum vinculum istud haud leves ut plurimum dolores, *Alia curandi ratio.* inflammationes atque suppurationes in oculo producit; magis utique tutum atque expeditum auxilium videtur tumorem istum rescindere. Sic enim egomet aliquando clavum istiusmodi ad articuli ex digitis longitudinem super oculo prominentem, sinistrae manus binis digitis comprehendendi, forficeque idonea haud infelicititer ad radices abscidi.

VII.

YVESII equidem haec praecipue curandi ratio est: (vid. Ej. lib. pag. 233.) Nempe si nondum integram corneam tumor occupavit, per medium staphyloma curvam eandemque acutam acum cum annexo filo serico idem transmittit. Tum, demta protinus acu, duo fili serici capita paululum contorta sinistrae manus digitis apprehendit, scalpel-*Investit methodus curandi quatenus sit.* loque aut phlebotomo deinceps adhibito, paulatim sub filo tumorem resolvit, donec tandem forficis adjumento penitus illum rescindere valeat. Deinde spiritum vini aqua dilutum, perinde ut post cataractae operationem fieri solet, super oculum aegrum imponit. Sic enim non ipsum modo staphyloma tollitur, sed cornea quoque aut penitus glutinatur, aut non nisi per exiguum foraminulum in medio vulnere remanet, unde humor aqueus ea proportionem, qua intus in oculo excernitur, continuo equidem profluit, sed sine ulla tamen fere aegrotantium molestia: siquidem is una cum lacrymis leniter ad nares per vias lacrymales defluit.

VIII.

Ubi vero totam corneam staphyloma tenet, ut in fig. 4, 5, 6, 7. *Investit methodus altera.* expeditissima YVESIO illa est curandi ratio, qua non ipsa tantum cornea, sed iris quoque vel uvea cum albugineae proximae annulo ad latitudinem lineae circiter exciduntur. Tunc enim humores omnes ex oculo profluunt, oculus in formam minoris oculi contrahitur, ipsumque denique vulnus clauditur. Quibus ita confectis, oculus aliquis artificialis immittitur: atque is quidem non alteri tantum oculo quam maxime similis esse debet; sed ipsi quoque parti afflictae quam exactissime adaptatus. Sic enim hic oculus artificialis, ad instar oculi naturalis, huc atque illuc moveri per musculos oculi consuevit, ut a multis pro oculo artificiali non agnoscat, sed pro sano ac vero oculo habeatur: quemadmodum ipse hac ratione ejusmodi staphyloma curavi.

C A P U T LX.

De hypopyo.

I.

*Hypopyum
qualis mor-
bus sit.*

Accidere nonnunquam solet, ut proximus post corneam locus, aqueo humori proprius, materiam quandam corruptam sive purulentam contineat. *Hypopyum* itemque *Pyosin* hodie Medicorum plerique affectum istum vocant. (a) Nasci vero illud ipsum solet, quoties aut sanguinis quidquam effusum intus, aut forte pus motum fuit; atque id quidem post gravem aliquam inflammationem, variolas, cataractae curationem, atque externas quasque graviore oculi laesiones, sive ab ictu, sive jactu, sive contusione, sive ambuisione profectas. Initio gravissimos saepe dolores cum oculi tum ipsum etiam caput sentiunt: quos aut visus corruptio aut caecitas, aut ipsa mors etiam, pro mitiori aut graviore laesionis modo, paulatim sequitur.

II.

*Curatio per
adhibita
medica-
menta.*

Curationis triplex inprimis ratio est. Prima eademque mitissima est, quae per adhibita medicamenta resolventia instituitur. Nempe protinus aut splenia, vino bene calido eodemque cum salvia, euphrasia, hyssopo & foeniculi semine decocto madentia, aut sacculi ex his ipsis medicamentis confecti & cum vino cocti quam frequentissime super oculum aegrum imponuntur; sanguis per venas detrahatur; aut alvus etiam, pro re nata, aliquoties movetur. Nisi enim sanguinis aut materiae corruptae nimia copia intus haeserit, felicissime haud raro vigori pristino restitui graviter affectus oculus poterit: ceu ipsemet ex longo rerum usu didicisse mihi videor. Simulatque igitur haec tenus proposita medicamenta proficere quidquam ad curandum oculum sentiuntur, adhibere tantisper eadem convenit, donec materia corrupta vel cruenta omnis fuerit dissipata. Sicubi vero nihil isthaec omnia profunt; sed dolores potius atque alia id genus mala supervenientia augescunt, progredi quam citissime ad operationem chirurgicam oportet. Namque maximum alias periculum est, ne contenta intus materia noxia interiores oculi partes corrumpat vel ipsam etiam tunicam

(a) Apud YVESIUM autem *onyx* appellari oculorum vitium istud suevit. Is etenim *hypopyo* laborare oculos statuit, quoties in ipsa tunica cornea eademque intima, suppuratio nascitur: quemadmodum ex *hypopio unguis* sive *onyx* proveniat, simulatque pus, erosa interiori lamella corneae, in ipsum oculum interiorem penetret. Conf. ejus lib. de morb. oculor. part. II. cap. IX. pag. 221. & seq. Ceterum denuo hinc patescit, quam mirifice in designandis oculorum morbis ac nominibus vel recentiores etiam Medici adhuc dissentiant.

tunicam corneam paulatim erodat ac perrumpat, caecitatemque insanabilem post multos etiam dolores perpeffos producat.

III.

Sed ante tamen, quam de operationis modo praecipiam, haud abs *Curatio per* re fuerit, breviter istam curandi rationem describere, quam feliciter *capitis agi-* identidem JUSTUS aliquis, GALENI tempore clarissimus Medicus ocularius, adhibuisse legitur. (a) Nimirum is aegrum hominem in sedili quodam adversum collocabat, manibusque utrinque comprehensum ejus caput quam diligentissime tantisper agitabat concutiebatque, donec materia corrupta omnis disparebat. In quo ipso quidem negotio illud inprimis memorabile videtur, quod, GALENO teste, *tationem.* quam clarissime cernere spectatores paulatim descendentem in oculo materiam corruptam potuerint. Quamquam autem non desunt, qui hanc ipsam curandi rationem quasi prorsus ineptam atque ridiculam abjiciunt; tantum tamen ego ab istorum opinione absum, ut potius valentissimam adversus hypopyum crebriorem istam capitis agitationem esse credam. Quod ipsum equidem ut faciam, non GALENI solum auctoritas efficit, sed & vel maxime istius hominis exemplum, quem protinus consanuisse memini, postquam is sub ipsam hypopyi curationem a me susceptam iter aliquod necessarium curru instituerat, currumque mirifice concussum atque agitaturn fenserat: quo factum est, ut post reditum ejus altero die omnis purulenta materia discussa & sine dubio post uveam rejecta fuerit. Quocirca haud alienum fuerit, quaedam fanitatis praesidia semper ante a strenua capitis agitatione petere, quam ad ferrum sive operationem chirurgicam devenitur. Oportet autem capitis agitationem illam sic inprimis instituere, ut vel universum aegri hominis corpus, vel caput saltem resupinetur, ipse autem oculus graviter affectus, ad extenuandam materiam noxiam, digitis prius probe demulceatur. Ubi autem acerbius atque pertinacius forte malum est, aut major humoris perniciosi copia, quam ut proficere agitatio ista possit; procedendum utique tandem est ad subtilissimam operationem istam, quam dudum quidem & GALENUS (b) & AËTIUS, & priscorum Medicorum alii descripserant atque commendaverant; sequiores autem chirurgi usque adeo neglexerant, ut forsitan a Medicorum scholis adhuc exulasset, nisi RIVERIUS, MEEKRENIUS, NUCKIUS atque BIDLOUS, seculi superioris auctores celebres, quasi postliminio ipsam revocassent.

K k k k 3

IV.

(a) Testis hujus rei oculatus est GALENUS, prout ipsemet scribit circa finem lib. 14. de methodo medendi.

(b) Vid. loc. supra cit.

Operatio
quomodo
instituenda
sit.

Atque ad ipsam quidem operationem quod attinet, commodissimum videtur, in conclavi quammaxime lucido adversa luce super sedili hominem aegrum, ut in suffusionis curatione, collocare; ministris autem, ut caput atque manus ejusdem gnaviter contineant, imperare. Palpebram superiorem minister aliquis attollat; inferiorem ipsemet chirurgus deprimat. Dehinc idem phlebotomum sic admoveat, ut tunica cornea proximo subter pupillam atque ab oculi albo lineam quasi remoto loco, quantum quidem ad materiam una cum humore aqueo emittendam sufficit, sed quam providissime tamen, aperiatur: ne scilicet ipsa simul uvea post materiam posita percutiatur. Si non satis per se humor noxius effluit, digitis leniter comprimi atque demulceri oculus debet. Ejectis jam, prouti diximus, humoribus illis corruptis, post tertiam quamvis aut quartam horam splenium, collyrio ex plantaginis aut rosarum aqua cum admixto albumine ovi madidum, vel etiam in mucilagine, e semine cydoniorum cum vel sine camphora praeparata, tinctum solerter imponendum est. Sic enim non modo vulnus in cornea factum quam celerrime rursus glutinatur, sed humor etiam aqueus cum ipsa videndi potentia, (nisi forte intus laesio gravior contigerit) quandoque restituitur. Quanquam enim in cornea cicatrix quaedam remanet, tamen, quum infra pupillam ea sit, parum atque adeo nihil ipsa visio hac cicatrice laeditur. Interim quod tutius institui operatio valeat, necessarium utique videtur, ipsum phlebotomum linteolo sive emplastro sic involvere, ut non nisi pars extrema atque ad calami straminei quidem amplitudinem promineat, ne nimis alte ferrum in oculum penetret. MEEKRENIUS certe hanc ipsam propter causam peculiarem hunc in usum construendam curavit acum sive ferramentum, quae *observationum* suarum chirurgicarum capite X. itemque Tab. nostra XVIII. fig. 10. extat delineata.

V.

Alia curandi ratio.

Nonnunquam materia ista noxia crassior est, quam ut ejici per angustum illud corneae foramen, quale fieri a phlebotomo solet, commode valeat. Itaque tunc longe aptius adhiberi acus illa poterit, quam Tab. XVIII. fig. 12, pro setaceo alias excitando, delineatam proposuimus. Praeterquam enim, quod non adeo facile vulnerari uvea per cuspidem illam recurvam possit; ipsa profecto figura triangularis efficit, ut & amplius foramen fieri, & promptius proin emitti materia crassior possit. Sed praemunire tamen soleo acum illam emplastro quodam eodem prorsus modo, quem circa phlebotomum jam posuimus. PLATNERUS pro hoc usu peculiare ferramentum delineavit, (a) apice fere simili triangulari, cujus inventionem *Woolhusio* tri-

(a) Lib. de morb. oculor. pag. 227.

tribuit. Vid. Tab. XVIII. fig. 13. Sicubi paulo tenacior est, quae intus in oculo haerescit, materia, necessarium utique, YVESIO auctore, (a) videtur, tenuissimo specillo quodam immisso, vel aqua etiam egelida, per subtiliorem syringam injecta, eandem ejicere; ac tantisper negotium illud continuare, vel iterare etiam, si forte post unum alterumve diem, ut haud raro contingit, materia purulenta redeat, donec materiae corruptae nihil amplius in oculo supersit. Simulatque enim satis a materia purulenta expurgatus oculus animadvertitur, veniendum est ad glutinationem. Denique ubi forte adhuc inflammationem oculus sentit, diligenter adhibere scarificationem, sanguinis per venas detractionem, emplastra vesicatoria, fomentationes resolventes, atque id genus alia medicamenta, pro rerum circumstantium varietate, oportebit, quae alias contra hoc malum valent.

C A P U T LXI.

Quomodo cruor in oculum effusus, per incisam corneam emitti possit.

I.

Sanguinem propter violentas laesiones externas intus in oculo effusum, nisi magna nimis copia fuerit, dissipari atque resolvi per adhibita medicamenta resolventia posse, supra jam tum admonuimus. (Cap. LX. No. 2.) Quodsi autem largior sanguinis copia intus fuerit, quam ut digeri absque caecitatis aliorumque incommodorum periculo possit, aperiri protinus cornea isto modo debet, quem superiori capite praescripsimus, ut nimirum cruore emissio naturalis videndi potentia, quantum fieri potest, vindicetur.

II.

Ne qua autem forte nonnullis primus egomet atque temere quidem inauditam fere operationem istam proposuisse videar; haud prorsus alienum erit, exemplum aliquod istiusmodi ex Acad. Paris. historia An. 1709. pag. 16. edit. Amstel. in medium adducere, ubi feliciter admodum adhibita curandi ratio ista legitur. Postquam enim nonnemo ita gravem in oculo plagam sive contusionem senserat, ut, propter nimiam cruoris intus effusi copiam, nihil amplius cer-
nere

(2) Dissert. de fistula lacrymali.

nere valeret; tutissimam atque expeditissimam curandi rationem, quia medicamentis vix omnis discuti posset, in ferro positam hic esse, GANDOLPHUS, Medicus, statuit. Protinus itaque is, ne ab intus haerente cruore videndi potentia destrueretur, facto vulnere transverso, corneam perforavit, sanguinemque ita feliciter emisit, ut non dolores tantum fere nullos aeger senserit, neque noxia cicatrix remanserit, sed pristinam quoque videndi potentiam sine detrimento recuperaverit: utut ter propter copiam & firmiter haerescen- tem cruorem tunicam corneam aperire coactus fuerit. Ad promo- vendam autem glutinationem, spleniis in mixtura ex aquae plantag. ℥iv. & aquae vulnerariae ℥ij. praeparata, tinctis, jam jam laudatus Medicus per octiduum circiter usus est. Quo quidem elapso tem- pore usque adeo feliciter absoluta curatio fuit, ut ab oculo sano at- que integro is, qui plagam atque Medici ferrum expertus fuerat, plane non differret; nisi fortassis in eo, quod paulo ampliorem ha- beret pupillam: tametsi hoc quicquid erat vitii, non tam ab opera- tione chirurgica, quam potius ab ipsius plagae vehementia profe- ctum esse videatur.

C A P U T LXII.

*De oculo nimis magno, itemque de oculi pro-
lapsu, fungo atque cancro.*

I.

*Vitii natura
exponitur.*

Nonnunquam gravis quaedam oculi inflammatio tanto impetu erumpit, ut a palpebris amplius contineri oculus nequeat, sed ex naturali sede sua propellatur. Quod ipsum equidem vitium non mirificam solum deformitatem, dolores ac molestiam, sed & ipsius caecitatis aut carcinomatis periculum fere semper inducit. Quam autem foeda morbi hujus forma sit, luculenter, meo quidem judi- cio, ex iis delineationibus cognoscitur, quas & BARTISCHIVS in *chi- rurgia ocularia* pag. 218. & nos *Tab. XVIII. fig. 14 & 15.* suppedi- tavimus. PARAEUS (a) memorat, sese oculum ab humoribus noxiis adeo vehementer extensum conspexisse, ut tunicae tandem sponte fuerint disruptae. *Proptofin oculi*, a prolapsu, Graeci vitium istud appellant: interdum quoque *hydrophthalmiam*, quando multa aqua sive sero oculus praeter naturam extensus est. Sequiores Medici quidam

ocul-

(a) Item MUYSIVS in *praxi rationali* Dec. XII. obs. 1.

oculum bubulum sive *bovinum* aut *elephantinum*, a similitudine dixerunt. Tametsi, ut verum fatear, istaec nomina ita comparata sunt, ut non unum prorsus eundemque omnia morbum, sed singula fere distinctum a reliquis morbi genus designent; quae vero a multis inter se mirifice confunduntur. Causae morbi hujus variae sunt: interdum enim, prout supra jam indicavimus, a vehementiori quadam inflammatione, aut nimia humorum noxiorum propter obstructionem quandam vasorum revehentium in oculo copia; interdum ab externa laesione; interdum etiam a scirrho sive carcinomate oculi vitium istud nascitur. Atque ad posteriorem quidem casum ea pertinere exempla videntur, quae ab HILDANO *Cent. I. observ. I.* MUYSIO *Dec. XII. obs. I.* & denique a me *Tab. XVIII. fig. 15.* extant descripta. Medici quidam etiam hunc morbum a figura qualicunque *fungum* sive *ficum* appellare consueverunt: (a) qui revera etiam multum a praecedentibus differt.

II.

Si nondum inveteratum malum, neque prorsus vitiata oculi figura deprehenduntur, resolvi ut plurimum vitiosi humores isti, unde *hydrophthalmia* suboritur, possunt; dummodo sanguinis per venas de-
tractionem, alvi expurgationem, medicamenta sudorifera, item vesicatoria & fomenta resolventia, diligenter Medicus adhibuerit. Sic ubi autem gravius ac pertinacius malum est, quam ut curari per medicamenta resolventia possit; proximum est, ut ad instrumenta chirurgica veniamus, tumoreque, ceu fieri alias in hydrope solet, aut per adhibitum phlebotomum, aut acum apice triangulari, tenuiorem, quam *trocar* Medici vocant, perniciosam materiam istam educamus: iterato semper, quamdiu necessarium fuerit, vel quotidie, vel post alterum quemque diem operationis negotio. In defigationibus singulis patellam quandam plumbeam concavam super oculo firmare tantisper convenit, donec ad figuram suam naturalem oculus redierit. Atque ista quidem curandi ratione diligenter observata, hominem *hydrophthalmia* laborantem pristinae sanitati NUCKIUS scribit (b) a se esse restitutum: qui vero semper in ipsa cornea vulnus fecit. Quia vero sic facile cicatrix noxia in cornea excitari potest, hanc potius egomet in studiosi cujusdam sanatione hoc morbo laborante viam ingressus sum, ut non tam corneae, quam scleroticae scalpellum phlebotomum semper adplicuerim, eductisque humoribus noxiis, patellam plumbeam cum subjectis linamentis carptis, Curatio per medicamenta resolventia aut humoris emissionem.

Tom. II.

LIII

albu.

(a) Plura id genus exempla extant apud STALPARTUM VAN DER WIEL *part. 2. obs. 9.* aliosque.

(b) *Lib. de duct. oculor. aquos. pag. 120. it. VALENTINI in misc. nat. cur. ann. 171. obs. LXX.*

albumine ovi & rosarum aqua madentibus, injeci, supraque & splenio crassiori, spiritu vini calido ebrio, & fascia impositis firmiter deligavi, non neglectis remediis internis purgantibus atque sudoriferis, donec oculus ad statum naturalem rediret.

III.

*Curatio per
scalpellum.*

Simulatque ipsa oculi figura videndique potentia naturalis perditae inveniuntur, jamque mala quaedam graviora cum doloribus augefcunt, miserum, sed unicum auxilium superest, oculum, qui paulatim in deterius vergit, transversim aut decussatim factis vulneribus, mature incidere atque intus latentes humores quam solertissime expurgare. Expurgato identidem, ceu in ulceribus fieri solet, oculo, supra dare splenia & fascias probe adstrictas convenit, quo nempe accuratius & comprimere & a palpebris contegi oculus vitiatus possit. Ubi vero post expressos humores nihilominus grandior oculus existit, quam ut comprehendere commodum a palpebris queat; necessarium utique est, per adhibitum scalpellum aut forficem, quicquid abundare videtur, abscindere. Sic enim & abscondi facilius & emendari quodammodo vitium illud gravissimum per immisos oculos artificiales poterit. Imo propter easdem has rationes ejusmodi oculus, ut in staphylomate etiam mox in principio post tunicam corneam statim (*vid. Cap. LVIII.*) rescindere possumus, si id commodum chirurgus videbitur.

IV.

*Alia curatio
si ratio.*

BARTISCHIUS equidem, HILDANUS atque MUYSIUS (a) proprium aliquod scalpelli curvi atque ad cochlearis instar excavati genus proposuerunt, quo penitus excidi oculus istiusmodi morbidus queat. Sed si curatius singula circumspicimus, carere omnino Medicos istoc fermentorum genere posse deprehendimus. Praeterquam enim quod difficulter admodum exacui scalpellum istud queat; sane in plerisque casibus sufficit, eam modo partem ex oculo tumefacto rescindere, propter quam claudi palpebrae haud possunt. Accedit, quod periculum sit, ne per immisum scalpellum istud falcatum atque excavatum vel aliud quodcunque tenuissima illa, quibus oculi continentur, ossa graviter laedantur. Quoties autem penitus excindi, propter intus delitescentem scirrhum aut cancerum, oculus aliquis debet, aequae profecto commodum fieri illud per scalpellum rectum poterit. (*vid. Tab. XII. fig. 14.*) Neque enim egomet alio, quam recto usus scalpello sum, quando foedissimos illos, quos Tab. XVIII. fig. 14 & 15. repraesentat, tumores extirpavi. Quanquam autem in Chirurgis haud omnino desunt, qui mitissimam fere curandi rationem eam esse statuunt, qua oculus per admotum scalpellum eo usque ab orbita resolvitur, donec per injectum
filum

(a) In locis supra citatis.

filum firmiter ligari atque ita quasi caro excrescens sive tuberculum aliquod sensim enecari valeat; prudentiores tamen quamvis aliam potius, quam istam curandi viam ingrediuntur. Namque hic abesse vix potest, quin graves inflammationes, dolores, convulsiones, malaeque id genus alia desperata hominem aegrum in mortis periculum conjiciant, aut omnino conficiant. Quoties igitur *vel scirrhus vel cancer aliquis oculum infestat*, qui ad fundum usque orbitae sese extendit, deliniri vix aliter dolores atque mala supervenientia poterunt, quam ubi, nostro aut HILDANI (*obs.* 1.) & MUYSII exemplo, integer oculus ab orbita provide resolvitur penitusque excinditur: vulnere deinde rite purgato ac postmodum per adhibitum balsamum vulnerarium diligenter glutinato.

V.

Incidere hic nonnunquam solet, ut post confectam operationem *caro aliena super oculum increseat* novique tumoris periculum afferat. *Observatio singularis.* Quod ipsum equidem ne facile fiat, necessarium utique videtur, & aquam phagedaenicam cum linamentis carptis injicere, & per fascias cum lamina sive patella plumbea superimpositas quam exactissime oculum aegrum vincire atque deprimere. Ceterum neque illud praetermittendum hic est, pessima ista atque cancrum continentia oculorum vitia, quantumvis etiam diligenter eadem sanata fuerint, tamen, ut alia carcinomata, quam saepissime praeter omnem expectationem & recrudescere, & per commendatam superius curam quandoque etiam rursus sanescere: prouti quidem luculenter ex isto exemplo liquet, quod ex MUYSIO saepius jam citavimus. Denique si haecenus descripta oculorum vitia ex ipsius ossis seu orbitae spina ventosa vel carie proficiscuntur, nisi mercurio haec vitia tolli queant, sicuti interdum contingit; satis utique habere Medicus debet, sicubi dolores atque noxas graviores propulsaverit. Penitus enim alias a morbo hoc hominem aegrum vindicare, tam hic ut plurimum impossibile esse consuevit, quam quod vel maxime.

C A P U T LXIII.

De oculis artificialibus.

I.

OCulo aliquo hominem non propter vulnera solum atque abscessus, itemque variolas, sed propter ipsas quoque operationes chirurgicas necessarias privari quandoque posse haecenus declaravimus. Quae quidem miserabilis hominum conditio solertiores artifices *Oculi artificiales quomodo debeant esse comparati.*

facile permovit, ut de construendis oculis ejusmodi artificialibus cogitaverint, quorum adjumento corrigi paululum atque imminui maxima ista, quam oculi alicujus amissio affert, deformitas posset. Confici autem hodie oculi istiusmodi artificiales consueverunt e patellis concavis, atque illis quidem vel vitreis, vel aureis atque argenteis, decenter, sive ad naturalis oculi modum coloratis. (*vid. Tab. VII. fig. 1.*) Quae ipsae quo propius ad naturalis oculi externi similitudinem atque magnitudinem accedunt, hoc firmitus etiam haerescere sub palpebris faciliusque oculi humani speciem prae se ferre poterunt. Necessarium autem est, superficiem lamellae istius exteriorem frequenter abstergere atque expolire, ne qua forte sordes in eadem haerentes tectum oculi vitium prodant. Quam equidem propter causam longe optimum erit plures ejusmodi oculos artificiales in promptu habere; ne scilicet, corrupto forte vel diffracto, vel amisso uno, desint, qui statim in ejusdem locum substitui possint. Quoties somnus capiendus est, eximere oculum istum eumque mundare convenit, absolutoque somno decenter rursus sub palpebras insinuare. Sed quo commodius tamen insinuari atque a palpebris comprehendi queat, id inprimis providendum in curatione est, ut ex oculo vitiatum, quando forte adhuc nimis magnus, tantundem excindatur, quantum ad oculum artificialem apte recipiendum sufficit.

II.

Nonnunquam moveri etiam oculis artificialibus solet.

Namque observandum omnino hic est, oculum artificialem, quo exactius idem a palpebris continetur, hoc magis etiam oculum verum atque naturalem mentiri, usque adeo, ut moveri etiam a musculis oculi reliquis huc atque illuc possit. Itaque non de nihilo est, quod supra jam tum (*Cap. LVIII.*) inculcavimus, cavere Medicum oportere, ne, praeter anteriorem partem ex oculo corrupto quidquam excidatur, nisi forte gravior noxa aliud quid requirat. Quoties enim a cancro vel scirrho ad fundum orbitae sese extendente infestatus oculus animadvertitur, vix ac ne vix quidem extirpari vitium, nisi extirpato toto oculo, poterit. Atque hic mirum neutiquam est, quod oculus artificialis postea nullam, nisi quam a palpebris accipit, motionem habeat.

III.

Nonnunquam satius est, ab oculis artificialibus abstinere.

Incidere nonnunquam hic solet, sicut aliquoties observavi, ut graves defluxiones atque inflammationes cum aliis id genus incommodis ab infectis oculis artificialibus eorumque irritatione, praesertim si non satis apte efformati sunt, moveantur, paulatimque proin alter etiam oculus, qui salvus antea perstiterat, inflammatione & videndi debilitate graviter affligatur. Quo equidem in casu satius est, vel magis idoneos ejusmodi oculos sibi comparare, vel penitus ab oculis istis

istis artificialibus abstinere, quam ex intempestivo deformitatis occultandae studio lumen utriusque oculi amittere.

C A P U T LXIV.

De Strabismo.

I.

Non usque adeo infrequens hominum genus est, quorum lumina Strabismus ex quibusnam causis oritur. mirum in modum torquentur atque in quemvis alium angulum potius, quam in rem objectam diriguntur. *Strabismus* Medici communiter appellant, sive etiam *visum luscum*. Nonnunquam alteruter oculus, saepius uterque vitio isto laborat. Nasci autem illud ipsum quam maxime in infantibus teneris solet, quoties nimirum hi vel ex una semper eademque mamma lactantur, vel ita in cunis aut lectulis deponuntur, ut unus semper atque idem oculus lumini adverso vel fenestris objiciatur. Sic enim abesse haud raro solet, quin versus idem semper latus lucidum tenelli infantes oculos suos dirigant, paulatimque contorquerè illos discant. Multo saepius autem strabismus contrahunt illi infantes, qui *ab epilepsia* paulo vehementius affliguntur. Dicitur enim vix potest, quam graves tunc spasmos atque contorsiones quum reliqua membra universa, tum & vel maxime oculi sentiant. Denique nec illud penitus insolens est, strabismus vel a musculi cujusdam ocularis *spasmo & rigore*, vel a *paralyfi* aut nervorum resolutione quadam in certo musculo, vel & a retinae vitio quodam suboriri. Quoties enim ista retinae pars, quae pupillae adversa est, propter incidentem noxam aliquam, officio suo fungi amplius nequit, ipsa rei necessitas homines cogit, ut oculos tantisper torqueant, donec aliam eandemque integram sive sanam retinae partem, pro recipiendis imaginibus, pupillae obvertant.

II.

Tametsi autem nunquam fere non difficilis esse strabismi curatio Curatio quomodo & quando institui possit. fuit, tamen quammaxime difficilis atque adeo impossibilis plerumque apud illos est, qui vel adulti jam sunt, vel a musculi aut retinae morbo vitium illud acceperunt. Apud infantes enim teneros longe citius promptius aliquando in posituram pristinam restituere oculos contortos licet: praesertim si pravae consuetudini vitium illud acceptum fuerit ferendum. Atque celeberrimum quidem *YVESIUM* si sequimur, longe optimum erit aliquoties per dies singulos infantem istiusmodi ante adversum speculum aliquod constituere, atque ut in priores

prios oculos suos facie directa strenue intueatur, quam diligentissime admonere. Similiter id quōque valens curationis artificium est, sic ubi strabismo laborantibus minutissimum aliquod scripturae genus ad legendum aut quasvis alias res subtilissimas tractandas identidem proponamus; sed ita tamen, ut, quoad fieri potest, directis semper oculis in rem praesentem intueri ipsos jubeamus. Quò felicius autem procedere curationis negotium illud possit, neutiquam alienum erit, vel aqua reginae Hungariae vel balsamo FIORAVANTI oculos male affectos quam saepissime inungere. Sunt, qui proprium aliquod *larvae* aut *fasciae ocularis* genus ad strabismum curandum haud prorsus inaniter adhibent. Qualis fasciarum harum figura sit, non ex BARTISCHII tantum *ophthalmoduleia* pag. 15. 16. 17. patescit, sed & aliam adhuc in nostra *Tabula XVIII. fig. 16.* ex SOLINGENIO petitam, adjecimus, cujus uberior illustratio ex *Tabulae XVIII. explicatione* videri potest. Ne qua autem forte, prout fieri haud raro solet, per alterutrum modo foramen strabismi vitio laborantes infantuli prospiciant, alterum autem oculum nihilominus contortum servant, tutissimum utique videtur, oculum sanum per injectam fasciam penitus tam diu deligare five contegere, donec a vitio suo alter oculus fuerit vindicatus: id quod tamen, quia infantes immorigeri sunt, aliaeve causae obstare possunt, rarissime obtinetur.

Explicatio tabulae decimae octavae.

Fig. 1. demonstrat oculum ab ungue litt. *a* infestatum, nec non qua ratione sub ungue trajici acus filum ducens *bb* debeat.

Fig. 2. aliud unguis five pterygii genus *aa* cum trajecto filo *bb*, circa utraque extrema *c*, nodo ita constricto, ut ansam five habenam, pro commodiori unguis separatione, efficiat; quod vero prius ad litt. *aa* duplici nodo constringitur, ne unguis, dum separatur, facile elabi queat.

Fig. 3. repraesentat uncinulum five hamulum, in curandis unguibus, tuberculis aliisque id genus oculorum defectibus adhibendum.

Fig. 4. Staphyloma five protuberantiam tunicae corneae sistit, quando ex adverso inspicitur, a me observatum & curatum.

Fig. 5. idem staphyloma indicat, quando a latere spectatur.

Fig. 6. aliud staphyloma, illudque majus & magis propendens, exhibetur, ex adverso spectatum, a me quoque sanatum.

Fig. 7. idem, sed a latere visum, demonstrat.

Fig. 8. minus quoddam staphyloma litt. *aa* notatum, cum duplici filo acu trajecto, ex SOLINGENIO ostendit.

Fig.

1777



Fig. 14.




Fig. 15.





Fig. 13.



Fig. 10.



Fig. 12.




Fig. 16.




Fig. 9.



Fig. 11.



Fig. 14.



Fig. 15.



Fig. 16.




Fig. 9. Scalprum quoddam ad radendam cariem si opus est, in fistula lacrymali, illudque concavum, ex PLATNERI *dissert. de fistula lacrymali*, exhibet.

Fig. 10. Ferramentum sistitur MECKRENII pro cornea in hypopyo perforanda: AA denotat manubrium, B scalpellum, seu rectius apicem scalpelli, in basi nodulo instructum; ne profundius, quam par est, in oculum penetret; C cochlea, quae recipit operculum, fig. 11. indicatum, pro scalpello occultando & defendendo.

Fig. 12. *Acum magnam*, qua fataceum excitari potest, indicat; quae vero etiam pro tunica cornea in hypopyo perforando adhiberi apte potest, si circa locum A emplastri particula cingitur, quod noduli praecedentis figurae vicem praestat.

Fig. 13. peculiare instrumentum, quo cornea in hypopyo curando perforari quoque potest, designat, & quidem litt. A manubrium ejus, B vero cuspidem triangularem, eamque paululum reflexam, fere ut in acu praecedenti: quae autem cuspis, nisi emplastro muniatur, facile altius, quam par est, oculum penetrat.

Fig. 14. per litteras AB *oculus scirrhus* atque ad ovi gallinacei magnitudinem expansus, designatur. Super hoc ipso tumore tuberculum aliud, acini alicujus nigricantis formam referens, ex majori enatum, juxta litt. C conspicitur. Porro juxta litt. D cornea vitiata & pupilla comparent. Denique prope litteram E palpebra inferior & propter oculi tumorem insigniter depressa prominet.

Fig. 15. gravissimum aliquem oculi sinistri fungum, selibrae pondus aequantem, repraesentat. Utrumque tumorem istum egomet An. 1721. extirpavi atque curavi. Ipsam vitiorum naturam atque curandi rationem seorsim & luculenter descriptas exhibebo in *observationibus chirurgicis*, quas aliquando edere animus est.

Fig. 16. designatur fascia adversus infantum strabismum e SOLINGIO. Litt. AA binas patellas concavas, ex argento, ebore vel ebano factas, atque in medio BB exiguis foraminulis pertusas; litt. CC fascias ipsas, quarum adjumento patellae super oculis firmantur, designant, ut infantes oculos suos in anteriorem partem versus foramina illa directos convertere discant, paulatimque meliorem habitum contrahant.

De aurium vitiis, quae manu & scalpello curantur.

C A P U T LXV.

Quomodo praecclusus auris meatus aperiri debeat.

EVenire nonnunquam solet, ut ab ipso statim die natali per tunicam aliquam praeter naturam auris meatus praeccludatur. Quae ipsa quidem tunica modo crassior est, modo tenuior: nunc statim ab ipsa nativitate, nunc serius, ex loquelaе nimirum defectu, quando scilicet adoleſcunt, animadvertitur. Solent enim surditas atque loquelaе defectus, quasi prorsus indissolubili nexu sibi invicem conjungi. Simulatque igitur infantem diutius, quam naturaliter decebat, loquendi facultate destitutum advertimus, id nobis datum existimemus esse, ut solertissime & linguam & aures pervestigemus. Namque haud raro vitium aliquod intus in aure delitescit, quo naturalis audiendi potentia tollitur: quod vel facilius vel difficilius curatur, prout magis minusve alte inhaeret. Quoties enim in summo tantum per tunicam quandam glutinata auris est, promptius; quoties vero alte ipsa repleta est, difficilius curari vitium illud poterit. Atque id ipsum magis etiam ideo, quia dum tunicam praeter naturam incidere aut remove-re volumus, tympani membrana proxima saepius simul conciditur. Si qua forte membrana pernicioſa summum modo auris foramen praeccludit, decussatim illam incidere atque per immisſam turundam sive linamentum, quoad necesse videtur, apertam servare convenit. Quo quidem facto, spes est, hominem surdum & cetera sanum audiendi, &, quod consequens hinc est, loquendi potentiam accipere. Si altius atque juxta ipsam tympani membranam tunica illa noxia inhaeret, anceps utique, ut modo jam diximus, curatio esse consuevit. Interim, quia sine operatione parum atque adeo nihil exspectari salutis potest, satius omnino videtur, frustra nonnunquam curationem tentare, quam sine ope & in desperatione certissima miseros homines relinquere. Oportet vero tunicam illam noxiam vel secundum longitudinem, vel, pro re nata, transversim etiam concidere; dummodo ita manus curantis tempere-tur, ne ipsam simul tympani membranam, quippe minus alte in infantum auribus positam, graviter attingat aut scalpello perrumpat.

C A P U T LXVI.

Quomodo extrahi ea debeant, quae in aure praeter naturam continentur, aut in eam forte inciderunt.

I.

SOlet interdum in aure vel cerumen nimis indurescere, vel aliquid in ipsam incidere, ut pisum, faba, calculus, nucleus cerasi, animalculum, & si quid aliud est hujusmodi. Quod ipsum ut quam diligentissime protinus extrahatur, duplex potissimum ratio postulat. Prima est, ne cruciatibus homo afficiatur, qui haud raro satis vehementes ab istiusmodi rebus moventur; altera, ne audiendi potentia privetur. Quidnam autem ex jam jam adductis rebus illapsum in aurem sit, non ex ipsius tantum hominis relatione, sed & vel maxime ex auris inspectione, vel per demissa instrumenta aut specilla exploratione cognoscitur. Quoties forte *cerumen* magis, quam naturaliter debebat, induruit atque exsiccatum est, audiendique usum impedit, longe optimum esse consuevit, olivarum aut amygdalarum olei, sive lactis quoque calidi pauxillum in aurem instillare, hominique ut in partem adversam caput inclinet, praecipere. Post aliquot minuta elapsa, specillum quoddam oricularium demitti paulatimque ejici, quicquid materiae noxae intus est, oportebit. Interdum cerumen illud durius est, quam ut uno statim actu totum emolliri atque protrahi possit. Adeoque tunc idem prorsus negotium iterare aliquoties convenit, donec nihil amplius superest, quod aurem obstruere queat. Si *calculus aut cerasi nucleus intus est*, lubricari ante omnia lacte seu oleo tepido instillato meatus auris debet, mox autem vel specillo quodam, vel & volsella, (*vid. Tab. I. litt. E.*) quicquid alieni intus haerescit, quam providissime extrahi. Quodsi vero *pisum*, faba, vel aliud quidquam hujusmodi in aurem incidisse atque nimis jam tum ab humoribus intumuisse advertitur, promptissimum auxilium in eo positum est, ut, nisi volsella vel specillo ejici queat, demisso scalpello exiguo tumefactum corpus illud caute dividamus, ipsasque particulas aliam post aliam protrahamus. Nonnunquam minutissima etiam *animalcula* sive *insecta* in aures incidunt, molestissimamque titillationem ac pruriginem, denique vero acutissimos dolores, motu suo concitant, dum e cerumine, in quo inhaerescunt, sese expedire nituntur. Quae sicubi oculis obvia sunt, per specillum aut volsellam protinus educantur. Sin neutiquam ipsa compa-

rent, commodissimum atque tutissimum videtur, amygdalarum aut olivarum oleum; seu spiritum vini etiam tepidum in aurem instillare, inclinatoque in adversam partem capite, aliquamdiu illud intus relinquere; dum scilicet exspirasse animalculum istud sentiatur: ab his enim rebus animalcula sive insecta quaecunque protinus enecantur. Tunc enim rursus emitte liquor, & auris meatus per adhibita linamenta carpta vel gossypium atque specillum gnaviter expurgari poterit. Sunt in Medicis nonnulli, qui res amaras, decoctum nempe absinthii aut colocynthidis in aurem instillari jubent; quia haec quoque insecta ejusmodi necare solent. Sed, mea quidem sententia, oleorum vel spiritus vini longe aptior hic, quam ceterorum liquorum omnium, usus videtur. Quemadmodum enim animalculorum genera quaedam amaris non necantur, sed potius ipsis etiam rebus amaris delectantur; sic nullum prorsus insectum deprehenditur, quin ab oleo atque vini spiritu intereat.

C A P U T LXVII.

De tuberculis in meatu auditorio.

HAud prorsus insolens est, in ipso aurium meatu, tubercula sive carnes excrescentes quaedam nasci, quae non insignes tantummodo molestias afferunt, sed ipsum quoque sensum auditus mirifice impediunt. Si recens adhuc malum est, absumi saepius facile, quicquid abundat, per *medicamenta rodentia* poterit: dummodo interior meatus auditorius linamentis carptis vel gossypio probe fuerit repletus ac praeclusus, ne quid forte rodentis in membranam tympani incidat, eamque graviter afficiat. Quam equidem ob rem satius utique haud raro videtur, *scalpellum* in manus sumere aut forficem, cujus adminiculo tumor iste *rescindatur*: praesertim si non usque adeo alte is infederit. Ubi vero aliquanto magis abditus atque ab externo foramine remotus idem fuerit, uncinulis utique ac vossellis opus est, ad ipsum blande protrahendum, &, quoad fieri potest, excindendum. Quo facto, lapide infernali semel atque iterum inungere abscissi tumoris illius radices convenit, paulatimque sic extirpare, ut denuo renasci malum haud facile queat. Si nihil *medicamenta rodentia* proficiunt, neque nimis absconditus tumor est, ferramentum aliquod candens idoneum quandoque admoveri haud sine fructu poterit. Denique *vincituram* quoque in ejusmodi tumoribus sanandis quam aptissime adhiberi nonnunquam posse, luculenter ex exemplis istis

istis apparet, quae apud HILDANUM (*cent. 3. obs. 1.*) & PURMANNUM (*Chirurg. pag. 280.*) descripta figurisque illustrata reperiuntur.

C A P U T LXVIII.

Quomodo aduri adversus dentium dolorem auris debeat.

Observatum jam pridem a NUCKIO, SOLINGIO, DEKKERO, VALSALVA pluribusque aliis & ingenio & arte praestantissimis Medicis est, dentium dolores pertinaciores atque medicamentorum vim omnem superantes curari felicius atque expeditius haud posse, quam ferro candenti post auriculam ad partem istam, quae antitragus vocari solet, diligenter applicato. Tametsi autem proprium aliquod feramenti vel cauterii genus, tubulo comprehensum, jam jam laudatos auctores curationi huic destinasse invenimus; (*vid. Tab. XIX. fig. 1.*) tamen nihil admodum obstare ego video, quo minus quodcunque aliud ferramentum sive cauterium parvum aut etiam clavus candens aequè utiliter applicari ad supprimendos dentium dolores queat. SCULTETUS certe, prouti celeberrimus SPIGELIUS memorat, (*a*) scalpello candenti in partem modo dictam demisso feliciter admodum noxam illam sanavit. VALSALVA autem idem omnino sese praestitisse scribit, quoties scalpello vulgari nihilque candenti partem auriculae proximam conciderit. (*b*) Sed quae tandem repentinae sanationis hujus causa? Scilicet nervum aliquem ab auris regione ad dentes procedentem in superius designata parte positum esse, Medicorum multi existimant: quo conciso vel adusto protinus ipsa doloris causa tollatur. Ego vero, ne quid forsan hic dissimulem, celerrimum effectum istum, si quando contingit, non tam a nervi laesione, quam potius a terrore, propter repentinum dolorem excitato provenire arbitror. Neque enim insolens prorsus est, quantumvis etiam acerbos dentium dolores continuo evanescere, simulatque chirurgorum instrumenta dentibus evellendis destinata aeger conspexit. Denique adhuc monebo, me, quicquid alii affirmant, aliquoties usu didicisse, descriptam sanandirationem frustra adhibitam fuisse, & aegros ustionis dolorem sine successu sustinuisse: adeoque in omnibus quaesitum effectum non praestare.

Mmmm 2

C A.

(a) Vid. Ej. *obs. Chirurg. 34.*

(b) Vid. Ej. *lib. de aure humana.*

C A P U T LXIX.

De instrumentis acusticis, sive ad juvandam audiendi facultatem accommodatis.

Quemadmodum videndi potentia perspicillis seu vitris oculari-
bus, sic audiendi facultas propriis instrumentis quibusdam, acu-
sticis dictis, juvari quodammodo solet. Quorum tametsi variae
admodum figurae sunt, eademque buccinis plerumque haud absimi-
les; fere tamen optima sive commodissima ea deprehendi, quae tu-
bo cuidam parum inflexo similia sunt, in principio angusto, in
extremo tubae instar expanso, (vid. Tab. XIX. fig. 2.) Deinde etiam
valde commendata fuerunt ea, quae Tab. eadem fig. 3. & 4. e
NUCKIO atque DEKKERO proposuimus. Priora duo fig. 2 & 3. sic
adhibentur, ut pars tenuior *A* in foramen auris immittatur; ansa
vero sive pars litt. *B* manu contineatur. Tertium (fig. 4.) idem-
que parvum & ad cochleae similitudinem contortum, atque prae
ceteris commodissimum, a DEKKERO (*a*) laudatum, quia propter par-
vitatem subter capillis aut capillamentis sic recondi posset, ut, dum
pars tenuior *A* in aurem inferatur, funiculi autem *BB* ad firman-
dum instrumentum illud, circum aures ducantur, illud conspici fa-
cile nequiret. Sed vero si curatius singula circumspicimus, usu de-
prehendi, duo posteriora ex commendatis instrumentis illis sic com-
parata esse, ut scopo illi ex sententia non ita satisfaciant; sed
prius, illudque simplicissimum majoris utilitatis deprehendi. Fama
equidem ante aliquot abhinc annos ex novis publicis fuit, TRUCHE-
tum aliquem, monachum & mathematicum Gallum, atque Acade-
miae Regiae Parisinae Socium, pro eo, quo erat ingenio egregio,
Parisiis instrumentum aliquod acusticum confecisse, non ita solum
minutum, ut intus in ipsa aure sub capillis omnino condi valeat;
sed & vel maxime ita nobile, ut debilitatam audiendi potentiam
incredibiliter promoveret. Qualem vero instrumentum illud sit,
& an usque adeo excellens ejusdem usus sit, nondum certo rescif-
cere mihi lieuit, quantumvis diligenter etiam cum ab amicis Medi-
cis Germanis, qui Parisiis aliquamdiu vixerunt, tum a Parisiensibus
Medicis & Chirurgis per litteras illud fuërim sciscitatus. Interea ta-
men operae pretium esset, ut majori industria mechanici de ejusmodi
instrumento solliciti essent: quia quamplurimis hominibus egregie ser-
vire

(a) In Exercitat. suis practicis.

vire ac prodesse posset. Ante annos aliquot aliquem tubulum argenteum inauratum spithamaeque longitudinem habentem, adversus audiendi difficultatem, aurium item dolores ac tinnitus REUSNERUS, Medicus Silesius, commendavit in *ephem. nat. cur. cent. V. obs. VI*, atque bis aut ter quotidie inferi iussit in aurem aegram tubulum istum, eoque suctionis beneficio alienum aërem istum, quem aures affligere & praedicta earum mala concitare credidit, extrahi posse voluit. Num autem ex aere alieno ista aurium vitia oriantur, magnum est dubium: ac deinde an non ex aliis etiam materiis, quam ex argento, confici tubulus iste possit, qualem item formam atque amplitudinem is habere, dum eum non delineavit, & quare auro obductus esse debeat, adhuc nondum satis comperire potui. Interea donec meliora ac commodiora, pro audiendi facultate laesa emendanda, instrumenta innotescant, tubum istum, qui cornu figuram fere obtinet, & fig. 2. representatur, ex aere vel argento confectum, utilissimum hoc in vitio deprehendi.

C A P U T LXX.

Quomodo foraminula fieri in aurium lobis debeant.

AUricularum lobos perforandi ratio haec est. Ante omnia locum, ubi foramen in iis faciendum est, qui medius esse convenit, atramento notare convenit. Deinceps per adhibitam acum vulgarem Chalybeam, attamen paulo crassiore, prehensio altera manu lobuli extremo, altera manu in ipsa parte illa designata medium lobum perforare oportet, atque sic in eo foramen aliquod facere. Tum filum aliquod sive *inaurem* quandam plumbeam injicere, vid. Tab. XIX. fig. 7.) eam in formam annuli inflectere, eandemque sequentibus diebus ovorum aut hyperici oleo bis vel ter quotidie inunctam aliquoties leniter huc atque illuc trahere, donec tandem foraminis oram induratum atque glutinatum inveniamus. Longe vero optimum hic est, paulo altiori, quam medio aut inferiori loco foramen illud facere: ne qua forte per inaures vel fila plumbea lobuli pars extrema facile dilaceretur. Ceterum ut promptius atque accuratius institui operatio illa possit, proprium *instrumentum* aliquod *auriculare* Medici recentiores hanc in rem excogitarunt. (vid. Tab. XIX. fig. 5.) Hujus binis lamellis auricula sic comprehenditur, ut foramen B partem auris designatam exhibeat. Tum annulus A sursum versus, quantum

ad lobulum auris firmiter comprehendendum satis est, adducitur, ipseque auris lobus per transmissam acum aliquam ferream, auream vel argenteam, eandemque vel vulgarem vel quod praestat, in altero extremo cavam (vid. fig. 6. A B) ita perfoditur, ut filum plumbeum (fig. 7.) quod cavae acus parti A immissum est, ad inauris instar, intus relinquatur; & subinde hinc inde, ut antea dixi, commoveatur, donec foraminis ora fuerit glutinata. Loco acus hujus fere adhuc commodius uti possumus acu fig. 8. quae ad extremum obtusum instar lardarii divisum est, quod filum plumbeum aptius, (quod postquam dimidia transiit; immittendum) retinet & per foramen transmittit. Quanquam autem ad ornatum potius mulierum, quam usum medicum adhiberi auricularum perforatio a plerisque solet; tamen, si RIVERIUM (*observ. medic.* 100.) aliosque nonnullos audire voluerimus, tam nobilis adversus morbos aliquos perforatio illa est, quam quae vel maxime. Quodsi enim, pergit RIVERIUS, acus triangularis & candens per lobum auris trajicitur, ipsumque foramen illud, perinde ut in setaceo fieri solet, per insertum funiculum vel filum lineum aut fericeum huc atque illuc tractum identidem renovatur, dici vix potest, quanta noxii humoris copia huc alliciatur atque effluat, quamque feliciter & oculorum, & dentium, & ipsius denique pectoris gravissimae noxae una cum tabis periculo profligantur. Ut proinde mirum non sit, si frequentius ab hodiernis quibusdam Medicis, praesertim oculariis, adhiberi auricularum perforatio ista sensim coeperit, quam ab aliquo tempore factum est. Ita & cum Paracelso ad surditatem incipientem hanc operationem utilem esse censet M. A. SEVERINUS Lib. de effic. Medic. pag. 73.

*De narium noxis, quae manu & scalpello
curantur.*

C A P U T LXXI.

De polypo narium.

I.

*Polypus
quid sit.*

Solent interdum carnosae quaedam *carunculae* sive *excrementiae* praeter naturam, sicut aliis in partibus, ita & in naribus nasci. *Polypum* Medici noxae genus illud ut plurimum vocant; licet rarius pluribus pedibus sive radicibus quam una oriantur vel instructae sint.

A

A quibusdam *Sarcoma*, ab aliis etiam *hyperfarcoma* appellatur. (a) Solent autem carunculae istae modo grandiores & crassiores existere, modo minores ac tenuiores; modo molles, &, dum trahuntur, valde prolongandae; modo, sed rarius tamen, durae & quasi rigidae; modo albae, modo subrubrae. Principio plerumque parvae sunt, successu temporis crescunt & augentur: sic tamen, ut quaedam cito, aliae tarde augmentum capiant. Vidi nonnullos, qui intra tres vel quatuor dies ita aucti erant, ut e naribus propenderent. Ut plurimum sine doloribus eadem sunt; nonnunquam autem dolores cum duritie adjunctos habent, lividi fiunt, atque fere ad cancrum vergunt. Aliae intra nares haerent, aliae ad labra ex naribus propendent; aliae nares implent ac valde expandunt, imo indecore dilatant; aliae non item. Nonnullae ut unica caruncula sese exhibent, & aequales sive laeves sunt; aliae ut multae carunculae simul junctae. (b) Quaedam retro per id foramen, quo spiritus a naribus ad fauces descendit, adeo increscunt, ut post uvam conspici possint. Atque tum insignem ipsae non loquendi solum ac deglutiendi, sed spirandi quoque difficultatem inducunt, fereque hominem strangulant. (c) Quandoque & per nares & per fauces simul se expandunt. Raro utramque, multo saepius alterutram tantum narem caruncula istiusmodi infestat. Ut plurimum non nisi unica, ut jam diximus, radix eaque tenuis est; interdum crassior, magnisque venis instructa; interdum vero plures subsunt: unde etiam *polypi nomen* apud veteres, ut videtur, adepta est. Haud raro ex inferiori aut media nasi parte, interdum vero ex posteriori vel suprema, (d) imo ex ipsis calvariae sinibus vel osse ethmoide procedunt. (e) Nasci autem fere semper vitium istud in & ex membrana pituitaria solet, & speciatim ex obstructa una alterave ipsius glandula: quae sensim ex humoribus noxiis augetur, donec vel nares impleat, vel extra ipsas prorsus propendeat; proindeque nihil aliud videtur esse, nisi morbida quaedam glandularum & spongiosae membranae illius expansio atque prolongatio. Diversam ab his naturam istud caruncularum genus, ut mihi saltem videtur, habet, quod *sarcoma nasi* Medicis appellatur. Polypus enim mollis plerumque est, atque a petiolo quasi, sive radice modo tenuiori modo crassiori, in similitu-

(a) Vid. Glandorp. de Polypo cap. III.

(b) Glandorp. vult l. c. omnes polypos *inaequales* esse; sed hoc falsum est: vidi enim prorsus aequales.

(c) Vid. CELSUS Lib. VI. cap. 8. n. 2.

(d) Fabric. ab Aquapend. vult, oper. Chir. cap. de Polypo, omnes polypos ad os spongiosum esse annexos; sed hoc falsum esse, usus me docuit.

(e) GARENGEOT in oper. chirurg. cap. de polypo scribit: polypum ut plurimum in plures ramos se dividere; (le polype en se grossissant, se divise pour l'ordinaire en plusieurs branches) sed hoc profecto experientiae adversatur: dum plerumque simplex est, ut saepe vidi.

litudinem fere ficus suspensus; *sarcoma* vero, amplo firmoque aut minus mobili fundamento nixum est, & modo mollius modo durius est.

II.

*Diagnos
& causae
quaenam
sint.*

Qua ratione dignosci jam jam proposita vitia debeant, luculentissime statim, si quid ego video, ex iis patescit indiciis, quae de ipsorum natura atque indole haecenus proposuimus. Nempe *mitior polypus* est, quicumque albus, subrubidus atque sine doloribus mollis existit. Contra vero *gravior* atque *perniciosa*, quicumque cum doloribus atque duritie livet aut nigricat; vel pus etiam, aut humores acres ac foetidos emittit: is etenim ad cancrum jam tum spectare adsolet. *Causae polypi* abditae saepius sunt atque internae; nonnunquam in externa quadam violentia posita. Dicitur autem, polypi causam abditam subesse, quoties idem ex corrupto & glutinoso sanguine, in membranae pituitariae vasculis & glandulis inspissato provenit. Expandi enim justo laxius ipsa membranula ista mollis & spongiosa a congestione humorum noxiorum quam facillimo negotio potest. Ad violentiam externam lapsus atque ictus graviores, nimis frequentem digiti in nares immisionem atque membranae pituitariae irritationem, nimis item fortes pulveres sternutatorios referimus. Denique *causae manifestae*, sed internae tamen, sunt frequentiores catarrhi, vehementior coryza, narium ulcera, vel & nimiae sanguinis ex iisdem profusiones. *Sarcoma* ex iisdem fere causis nascitur. In utrisque tamen caries vel spina ventosa ossium nasi quandoque subest. Cujus equidem noxae tristissima exempla egomet aliquando me videre memini.

III.

Prognosis.

Levius utique periculum atque promptior curatio esse solet, si mitior sive benignus polypus est; si non nimis alte in nare ortus vel positus est; si tenuiorem radicem habet, & si paulo laxius idem propendet, vel saltem facile educi & prolongari potest; denique si firmiori habitu aeger homo instructus est. Contra vero quo magis alte positus, item quo crassior polypi radix est, & quo minus produci potest, hoc difficilius quoque is perfecte curatur vel tollitur: praesertim si affectibus scorbuticis aut venereis homo simul laboraverit. Tum inde quoque nasci periculum haud exiguum potest, quia difficulter admodum supprimi sanguinis profusio, ex abscisso vel evulso polypo, profundiores easque ampliores radices habente, suborta consuevit. (a) Si ad *carcinoma polypus* vergit, hoc est, si durus

ac

(a) FABRICIUS AB AQUAPEND *Oper. Chir. cap. de polypo* hoc periculum quidem parvi facit, sed immerito, & caute hic agendum.

ac lividus est, & dolores movet, ceu fieri saepe solet, tutissimum utique videtur, noxam tantum per adhibita medicamenta lenientia quam providissime delinire: siquidem non sine periculo eadem, sicut alia carcinomata irritatur. Similiter si aut altius polypi radix posita, aut e spina ventosa, quemadmodum ingentem ejusmodi polypum vidi, producta est; vix ita sanari malum poterit, quin subinde ac brevi renascatur (a), & tolli penitus nequeat, nisi forte spina ventosa prius curata fuerit. Porro si ad fauces usque polypus increvit, non loquela tantum & deglutitio insigniter impediuntur; sed penitus quoque, ut CELSUS jam vidit, homo interdum suffocatur, atque non nisi difficulter & cum periculo evelli potest. Denique si utramque nares polypus implet, difficillime curari is consuevit, quia plerumque aliqua adhuc simul noxa gravior subest. Par ratio sarcomatis est: praecipue si simul spina ventosa narium ossa affligerit.

IV.

Polypi curationem sperare haud quaquam licet, nisi penitus idem removeatur. Removeri autem is duplici ratione debet, & quidem vel per adhibita medicamenta rodentia sive adurentia, vel per idonea instrumenta: atque ita quidem, ut vel totus simul, vel alia post aliam pars eximatur. Scilicet medicamentis rodentibus uti possumus, quoties mollis & parva, vel etiam brevis & ampla caruncula carnosae existit. Sed caute tamen hic procedendum, ne aliae eaeque sanae nasi partes iis erodantur. Atque inprimis quidem ut initia medicamenta rodentia hic laudantur pulvis sabinae, alumen ustum, praecipitatum rubrum, vitriolum album, radix hermodactyli, atque hujus generis alia, vel per se, vel cum melle aut unguento digestivo subacta, atque ad polypum vel turundae beneficio, vel & absque eadem, si nimirum foras propendet, adhibita, quibus aliquando leviores tolluntur. Heliotropii sive scorpioidis pulverem quam mitissime fereque sine doloribus polypum tollere atque facillime exedere, POTERIUS testatur, si modo pulvis in nares cum gossypio immittatur bis in die (b) quae vero species heliotropii sive scorpioidis hic adeo utilis sit, cum plures sint, non indicat: adeoque incerti hic haeremus. RULANDUS aquam mercurialem laudat, qua mane & vesperi illinendo polypum paucis diebus se sanasse asseverat. (c) Neque vero minus huc pertinent unguentum aegyptiacum & fuscum WURTZII, oleum tartari per deliquium, essentia sabinae, vel & quammaxime essentia e mercurio sublimato atque vini spiritu praeparata; utpote qua

Curatio per
medica-
menta.

Tom. II.

Nnnn

WE.

(a) Idem FABRICIUS perhibet, se nunquam polypi reliquias repullulare vidisse. Sed revera ego & alii hoc viderunt. Conferri potest DRANII Observ. VI.

(b) Observ. 63. Centur. III.

(c) Cent. VIII. Obs. 81.

WEDELIUS polypum quendam sese curasse scribit. (a) Valent hic etiam insigniter tum aqua calcis, NUCKIO auctore; (b) praesertim si post admixtum unum alterumve mercurii sublimati granulum aqua phagedaenica ex ipsa conficitur: tum *mercurius praecipitatus*, super quo spiritus vini portio quaedam deflagavit; tum *aqua* etiam *sale ammoniaco saturata*; tum & denique, siquidem MUSITANUM audimus, acidus salis ammoniaci spiritus. (c) Quodsi autem forte haecenus proposita medicamenta rodentia nihil efficiunt, tum alia eademque magis vehementia applicari possunt. Spectant huc *lapis causticus*, sive *lapis infernalis*, ut & *mercurius sublimatus* atque *arcamum corallinum*, & si quae forte alia sunt hujusmodi. Misceri autem posteriora haec cum melle aut unguento quodam, basilico verbi gratia, debent, providissimeque super polypum applicari; ne qua forte simul partes integrae erodantur vel absumantur. Oportet vero hic, si polypus in nare latet, per insertum in nares calamum vel tubulum medicamenti rodentis portiunculam intro ad carunculam carnosam mittere, ne nares erodantur. Haud minoris virtutis in polypo benigno hic sunt *spiritus sive oleum vitrioli*, *aqua fortis* item ac *butyrum antimonii*; siquidem vel plumula, ut jam jam posuimus, vel penicillo etiam adhibito illinantur. Quotidie autem sub ipsam deligationis innovationem removeri per forficem aut volsellam debet, quicquid a medicamentis rodentibus exesum deprehenditur. Clarissimus vir, THIBAUTUS, Chirurgus quondam Parisiensis, hanc inprimis curandi rationem sequitur. (d) Ante omnia, binis emplastris minutis polypum inter & partem sanam injectis, cavetur, ne quid forte rodentis integras etiam narium partes attingat. Deinde *butyrum antimonii* per adhibitum penicillum vel turundam provide ad polypum sive carunculam carnosam applicatur. Tum ac denique statim rursus aqua pura polypus expurgatur; ne scilicet justo amplius atque altius medicamentum rodens penetret. Atque ita vix elapso momento operationem universam, ut GARENGEOT asseverat, absolvit. An autem praedictum medicamentum saepius quam semel adhibendum sit, hic autor non refert: id quod tamen ego necessarium ut plurimum esse existimo; cum semel tantum illum tangere vix unquam sufficiat.

V.

Curatio
polypi per
operationem
multiplex.

Ut plurimum vero fatius videtur *instrumentis* quam medicamentis polypum extirpare: id quod vero variis modis fieri solet: ex quibus praecipuos ex multis hic referre operae pretium esse duximus.

Ante

(a) *Dissert. de polypo narium.*

(b) *In operat. chirurgicis, cap. de polypo.*

(c) Conferri hic potest GLANDORP. de polypo cap. XIII.

(d) Ut GARENGEOT refert in *operat. Chirurg. cap. de polypo.*

Ante vero, quam ad ipsam operationem pergimus, aeger prius praeparandus est: ac deinde tempore operationis collocare super fella luminis adversa aegrotum oportet, ministroque, ut manibus fronti applicatis caput ejusdem leniter reclinet ac simul probe firmet, impedire: atque tunc ex variis, qui ab auctoribus commendati sunt, modis eum eligere, qui pro mali diversitate commodissimus & optimus nobis videtur. 1. Igitur prae ceteris eum hic referre fas est, quem I. CELSUS, antiquissimus Medicus, descripsit. (a) Nimirum hic docet, polypum ferramento acuto, in modum spathae facto, (b) ab osse resolvendum esse: adhibita diligentia, ne infra cartilago laedatur; in qua difficilis curatio esset. Ubi abscissus est, eum unco ferramento esse extrahendum. Tum implicitum linamentum, vel aliquid ex penicillo respergendum esse medicamento, quo sanguis supprimatur, eoque nares leniter implendas esse. Sanguine suppresso, linamento ulcus purgandum esse. Ubi purum est, eo pinna eodem modo, quo in aure docuerit, medicamento illita, quo cicatrix induceretur, intus demittendam esse, donec ex toto sanescat. Ab hac curandi polypum ratione non adeo multum recedit, quam 2. PAULLUS AEGII. II. AEGINETA NETAR.

Nnnn 2

NETA NETAR.

(a) Lib. de Medicina Lib. VII. cap. X.

(b) Quid Spatha proprie sit, & quale sit illud ferramentum, in spathae modum factum, quod CELSUS hic adhibendum praecipit, nondum certe constat. Lexicographi, quotquot ego hujus rei causa consului, parum lucis praebent. Nonnulli ea intelligunt instrumentum inferius latum, quo a Pharmacopoeis electuaria commode miscentur, vel a Chirurgis emplastra linteo inducuntur; in eo tamen plerique cum RHODIO in commentar. in SCRIBONIUM LARGUM pag. 46. in notis conveniunt, vocabulum hoc gladium eumque majorem significare; semispatham vero gladium minorem. Sed ejusmodi ferramenta profecto parum apta ad polypum ex intimis naribus extirpandum videntur; quemadmodum hoc jam Fabricius ab Aquap. loco citato agnovit; cum ignoremus, quid in loco angustissimo & obscurissimo summi nasi incidamus, praesertim si spatha sit scalpellum anceps. Quam ob causam etiam ALBUCASIS, scalpellum ex una tantum parte acutum pro hoc scopo commendat. RHODIUS quidem l. c. affirmat, CELSUM Lib. VII. cap. X. formam ejus non obscure indicare; verum, meo quidem judicio, rem totam prorsus in obscuro reliquit: dum nihil aliud de spatha hac dicit, quam quod antea in medium protulimus. SCULTETUS Armament. chirurg. Tab. II. fig. 1. & cum eo Lexicon Brunonianum, vult, illam scalpellum ancipitem esse, utrinque acutum, & in superiore parte paullo latum, qui in extremitate sua in unam cuspidem coiret, eamque etiam ita delineat. Multum hoc scalpellum cum eo convenit, quod Tabula nostra I. litt. I exhibuimus. ANDREAS A CRUCE in offic. chirurg. pag. 25. spatham CELSI alia ratione delineavit, & fere in sagittae figura. Verum illos scalpellos ad polypum e naribus excindendum, quos litt. G & H in eadem Tabula, & adhuc magis eos, quos Tab. V. fig. 4 & 5. delineavimus, longe aptiores huic negotio esse judico: quia scalpelli ejusmodi ancipites cuspedeque acuto donati, facilius partes alias in naribus angustis & obscuris, easque sanas laedunt, quam qui in altera tantum parte acuti sunt, & cumprimis qui obtusam apicem obtinent: quippe qui nihil fere aliud, quam radicem polypi laedere aut rescare possunt. Hinc spatham CELSI aliud, quam quod scriptores vulgo volunt, ferramenti vel scalpelli genus esse autumo, quodque propterea uberius erit inquirendum.

III. AL-
BUCASIS.

NETA post CELSUM tradidit: (a) hic enim praecipit, ut, aegro collo-
 cato in sedili adversus lucem, chirurgus sinistra manu narem aperiat &
 dilatet; dextra vero, spathula ad id facta, in myrtacei folii modum
 acuta, orbiculatim polypum praecidat, illic acie ferramenti imposita,
 ubi naribus coaluit. Postea instrumento in oppositum converso, ma-
 nubriolo ipsius carunculam succisam foras protrahat. Ad cicatricem
 obducendam utitur canaliculis plumbeis. Totum vero polypum exem-
 tum esse, docere primo visum, ac deinde vocem & respirationem libe-
 ram per nares. 3. ALBUCASIS, celebris Medicus & Chirurgus Arabs, prae-
 cipit, (b) polypum primo unco ferramento in nares immisso (vel hujus
 loco forcipe) foras extra nares trahendum, tum vero praecidendum,
 quantum ejus obtineri potest: idque toties esse faciendum, donec to-
 tus sit exemptus. Quodsi vero non omnis exemptus sit, PAULUS & AL-
 BUCASIS ad reliquias in nare relictas, quae alia ratione extrahi nequeunt,
 jubent, ut linum mediocriter crassum, funiculi instar, & nodis hinc
 inde pluribus constrictum, ita ut inter nodum singulum spatium sit
 transversus digiti, aut etiam minus. Hujusmodi funiculum a naribus
 ad palatum esse transmittendum, postea foras per os esse extrahendum.
 (Quod volsellis fieri posset) Tum vero dextra sinistraque manu duo
 fili capita, tum quod a naribus, tum quod ab ore pendet, vicissim tra-
 henda ac retrahenda, donec polypi reliquiae absumantur: quem in
 finem etiam unguento aegyptiaco utitur, quo funiculum transmitten-
 dum oblitit. 4. FABRICIUS *ab Aquapendente* tum instrumenta, tum modum
 administrandi hanc antiquorum Chirurgiam multis argumentis rejicit,
 suamque, quam vocat, (c) quae per adhibitam *volsellam* sive *forcipem*
acutam (d) peragitur, reliquis praefert. Namque forcipe ista, quoad
 fieri potest, altissime, sed lenissime tamen in nares ad radicem polypi
 usque demittitur, atque ita polypus, integer vel quantum obtineri po-
 test, ea abscinditur ac simul educitur. Quod equidem operationis ne-
 gotium, tanquam longe securius, praecedentibus praefert: & quando
 forte prima vice non integer resectus est, mox vel etiam sequentibus
 diebus continuatur, donec nihil amplius ex polypo superesse invenia-
 tur. Si quando sanguis copiosus fertur, id quod tamen in hac metho-
 do auctor rarius aut nunquam contingere asseverat, suppressere illum
 convenientibus medicamentis, inter quae *vinum nigrum*, vel simplex
 vel *aluminosum* maxime laudat, oportere: de quibus inferius plura.

Feli-

(a) Lib. VI. cap. 25.

(b) Lib. II. cap. 14.

(c) Severinus negat hunc inventorem esse hujus methodi, aliosque producit, qui jamdiu ante ipsum ea usi fuerint. Lib. de efficaci Medicina.

(d) Quae in oper. Chirurg. FABRIC. *ab Aquapend.* Tab. III. delineatur. Conf. caput ejus de polypo extrahendo. A SCULTETO vero forceps haec longe aliter exhibetur: in neutra vero quod & quomodo polypum resecet, conspici aut cognosci potest.

Feliciter quoque hanc ipsam polypi curandi rationem, praeter ipsum FABRICIUM ab *Aquapend.* celebratam a SENNERTO & GLANDORPIO fuisse, ex ipsorum monumentis intelligimus: quam & quoque haud raro feliciter succedere, ipse expertus sum.

VI.

Sed praeter hos polypum curandi modos adhuc alii sunt. Nam polypum recentiore a *puncturis* & concisionibus seu *scarificationibus* cre- Aliae cu-
randi ra-
tiones. bris, scalpello phlebotomo infligis, subinde non exarescere tantum, sed penitus quoque sanescere, ipse rerum usus *Marc. Aurel. SEVERINUM*, ut asseverat, docuit. (a) Sunt, qui *ferrum candens* polypo admovendum suadent; sed prudentiores quique ab ista vehementi curandi ratione merito abstinent. Praeterquam enim quod insignes cruciatus cum eadem conjuncti sunt; minus commode ut plurimum in nares sine periculo alias partes laedendi sanas demitti ferramentum candens consuevit. Alii longe commodiorem judicant esse illam curandi rationem, qua per adhibitum scalpellum falcatum a GLANDORPIO in libro de polypo indicatum, atque ab ANDR. A CRUCE delineatum, (b) quicquid polypi intus in naribus est, & quousque illud prius uncinulo aut vinculo injecto extrahi potest, quam exactissime *abscinditur*: id quod tamen saepissime commode adhiberi non poterit. MESUE polypum, qui radicem habet gracilem, & extra egreditur, post apprehensionem *forfice* abscindit. Eum vero, qui ad fauces descendit, tenaculis anteriora versus trahit & juxta radicem *forfice* ignito resecat. (c) Rursus aliis curatio per *vincituram* seu *deligationem* prae ceteris tuta videtur atque apta: praesertim cum ea omnis sanguinis profusio evitetur. Igitur, ceu GLANDORPIUS cap. 15. de polypo narium posuit, filum sericum idemque ceratum juxta ipsas polypi radices, quantum fieri potest, diligentissime circumducitur ac nodo firmatur, ipsaque caruncula carnosa prope filum sive vincituram rescinditur. Quo autem commodius fieri ea singula queant, necessarium est, per admotam volsellam (*vid. Tab. XIX. fig. 9. vel 10.*) quousque satis videtur, polypum e naribus prius extrahere; sed leniter tamen, ne quid forte ante vinculum injectum, quemadmodum fieri memini, disrumpatur. Filum ipsum, post excisum polypum, tantisper intus relinquitur, donec illud sponte sua per suppurationem resolvatur. Sic enim omne malum commode tolli & quam aptissime praecaveri sanguinis profusiones poterunt; quae ita graves nonnunquam, praesertim post evulsos polypos, extiterunt, ut aegrum hominem exhaustum. (d) Vel etiam polypus integer facta

N n n n 3

rite

(a) Lib. de Efficaci Medicina p. 73.

(b) Officin. Chirurg. pag. 25.

(c) Vid. Glandorp. de polyp. p. 39.

(d) Vid. GARENGEOT. Chirurg. cap. de polypo.

rite ligatura relinqui potest, donec cum filo sponte cadat: quemadmodum ego subinde feci. Oportet autem in quibusdam ligaturam altero tertioque die bis terve repetere, si post priores eum non exarescere conspiciamus: qua ego ratione adhuc ultimis annis notabilem polypum in nobili muliere fere sine ullo dolore ac sine ulla sanguinis profusione intra quatrimum feliciter extirpavi.

VII.

*Mea per
peculiarem
ligaturam
auferendi
methodus.*

Quoniam vero peculiaribus artificiis id factum est, quae multorum admirationem excitarunt, ea reticere nolui, sed lubens potius cum chirurgiae cultoribus una cum morbi constitutione hic communicabo. Nimirum femina nobilis, quae septuagesimum aetatis annum, satis ceterum sana, jam superaverat, & narium haemorrhagiis saepius antea obnoxia erat, sensit tandem, post subito aliquando suppressam aqua frigida ejusmodi haemorrhagiam, carunculam carneam in sinistra nare, quae sensim crescendo narem integram non solum implevit, verum indecore distendit, ita ut per nares vix spiritum ducere amplius potuerit. Varios in vicinia adhibuit & Medicos & Chirurgos in consilium, qui varia & cumprimis etiam, cum extra nares jam propenderet, medicamenta rodentia diu adhibuerunt; sed frustra. Nam quantum his uno die abstulerant, tantum altero die rursus accesserat, adeoque tandem consilium & auxilium meum petitura Helmstadium anno 1734. mense martio ad me veniebat. Cum vero malum examinarem, inveni polypum subrubicundi coloris, pruni Damasceni quasi figura & magnitudine, partim ex nare propendentem, partim & quidem maxima ex parte intus delitescentem, atque narem indecore distendentem. Protrahi commodè ex nare non poterat, ob radicem trahenti vix cedentem rigidam & brevem. Cum vero specillo curatius radicem explorarem, cognovi, eam non ex suprema, sed ex media & laterali nasi parte prodire. Sed cum ipsa una cum agnatis praesentibus de curandi ratione, quam ego hic maxime convenientem existimarem, meam sententiam rogarent, atque intellexeram, eos in muliere tantae aetatis sectionem atque adhuc magis evulsionem quammaxime metuere, quin & periculosam judicare; rodentibus autem medicamentis, quae frustra jam tum diu adhibita fuerant, rem propter crassitudinem polypi haud commodè expediri posse; in mentem venit, an non blandissima ratione, nimirum per ligaturam, caruncula haec insignis ac molestissima e nare tolli queat. Cum vero non viderem, qua ratione digitis aut specillis filum radici adeo altae, in nare adeo repleta, injici, eaque apte ligari possit, de instrumento, quo filum circumduci queat, cogitare coepi, & dum aegram ad operationem praepararem, illud, quod Tab. XIX. fig. 12. hic delineari curavi, excogi-

cogitavi, eoque etiam optime rem executus sum. Nimirum per foramen apicis curvae hujus instrumenti litt. B filum sericum duplex idque satis robustum transmissi. Postea dum aegra luce adversa in sedili sederet, pinnam nasi manu mea sinistra paululum elevavi ac distendi. Deinde arrepto hujus mei instrumenti manubrio A dextra manu, apicem intra pinnam & polypum sursum magna circumspeditione eoque in altum adeg, donec radicem, quae ex latere externo naris, circa medium fere ejus prodiret, me superasse sentirem. Post haec manubrio diligenter sursum reflexo effeci, ut apex, qui obtusus est, ne nares intus laedat, post polypum in parte inferiori ita in conspectum prodiret, ut filum trajectum apprehendere, alterumque ejus extremum e nare extrahere valerem. Hoc extracto, manubrium rursus blande depresso, tandemque totum ferramentum e nare, relicto intus filo radici circumjecto, eduxi. Filum denique nodo eoque duplici constrinxi, atque sic radicem probe ligavi. Altero die eadem ratione progressus sum, atque sic altera vice radicem ligavi. Tertio die tertium id feci; filumque paulo fortius adstrinxi, ita postea inde polypus valde induruerat, & niger fiebat. Quarto die cum polypum nigrum & durum, ac simul fila circumjecta paulo vellicarem, atque an solutus polypus sit, explorarem, haec simul cum polypo prunum, ut dixi, quodammodo aemulantem (*vid. Tab. XIX. fig. 13.*) cum aegrae & adstantium admiratione sine ullo dolore aut haemorrhagia extraxi. Nasus deinde mox naturalem figuram recuperabat, & aegra rursus quam commodissime spirabat.

VIII.

Sed sicubi paulo altius in nare polypi radices insident, vel ex ipsis ^{Quando &} etiam cranii sinibus, ut quandoque fit, proveniunt, inanes utplurimum ^{quomodo} haecenus propositae curandi rationes singulae reperiuntur. Haud ^{polypus}quaquam enim effici per easdem poterit, ut vel tollatur; vel ne malum pristinum denuo renascatur; quia totus polypus sic saepe tolli nequit. Quoties igitur nimis abditae polypi radices sunt, necessarium omnino, ut PIGRAEUS docuit, (a) ad perfectam ejus curationem est, forcipe aliqua retusa, quae corvi rostrum appellatur, vel qualis hic ^{evellendus.} Tab. XIX. fig. 9. ex PALFYNIO sistitur, vel potius ea, quae exhibetur fig. 10. rostro perforato AA polypum probe comprehendere, eundemque *leniter tamdiu circumducere* sive intorquere, ac simul blande trahere, donec polypi radix frangatur, & polypus una cum radicibus erumpat. Si polypus retro post uvam ad fauces propendet, nisi volsella apprehendi & forcipe; ut MESUEN docuisse supra innuimus, rescari queat, vix alia ratione sperari salus poterit; quam ubi per admotam forcipem curvam, qualis vel hic Tab. XIX. fig. 11. repraesentatur, vel

(a) Chirurgia cap. de Polypo.

vel calculis educendis accommodatam, Tab. XXVIII. fig. 6. polypus eodem, quem jam jam posuimus, modo per fauces leniter, quantum satis est, contorqueatur sensimque ita extrahatur. In quo ipso tamen negotio quam solertissime providere oportet, ne ipsa simul uva proxima vel velum palatiprehendatur, eoque graviter attingatur, lacere-
tur aut laedatur. Interea tamen PETITUS, ut ejusmodi polypum valde crassum ac periculosissimum tanto melius evellere potuerit, velum palati duobus in locis prius disseccuit. (a) *Quando polypus per nares & fauces simul propendet, pars anterior prius auferenda.* (b)

IX.

*Quomodo
sanguis
cohibendus.*

Sicubi post extractum vel resectum polypum leniter *sanguis profluit*, tantisper eum fluere Chirurgus patiat, donec vel sponte sua, vel post vinum calidum, cumprimis rubrum, simplex vel alumine impraegnatum ac naribus haustum, conquiescat. Quodsi autem gravior sanguinis profusio insequitur, spiritum vini vehementiorem seu probe rectificatum, acetum, succum granatorum acidum, liquorem stypticum, vel aquam etiam seu pulverem aliquem supprimendo sanguini in vulneribus alias accommodatum, sorbillare naribus convenit, easque linamentis probe replere. Si nec isto modo sanguis conquiescit, vel si lubet, etiam mox in principio, ubi vehementius sanguinis profluvium adest, linamenta carpta conglomerata atque in medicamentis illis, quae ad cohibendum sanguinem modo proposuimus, tincta larga copia quam exactissime in nares, donec probe infarctae sunt, insinuanda; ita tamen, ut, quod primo immittitur, glomus lineum filo quodam firmiori, e naribus propendente, instruatur, quo facilius tandem, si opus, rursus educi queat.

X.

*Dranii modus
sanguinem
cohibendi.*

Peculiarem adhuc modum sanguinis profluvium hic cohibendi docuit Clar. DRANIUS Observ. VI. Scilicet hic funiculum sive filamenta duodecim vel quindecim in modum setacei juncta per narem laesam sequenti modo traducit. Nimirum forcipem quodammodo curvam ad similitudinem fere illius quam Tab. XIX. fig. 11. delineavimus, eamque valde planam & in rostris perforatam, per narem ad fauces immittit, indice vero sinistrae manus, cujus apici funiculum illum ita jungit, ut facile inde separari possit, os ingreditur, eumque post uvulam, quantum potest, ita demittit, ut rostris forcipis nodum, qui in setaceo ibi esse debet, apprehendere valeat. Apprehenso filo forcipem retrahit, atque sic simul alterum setacei extremum e nare educit, dum alterum adhuc ex ore propendet. Setaceum hoc satis debet esse

(b) Vid. GARENGEOT. cap. de polypo.

(c) Conf. DRANII observat. VII.

esse longum & ad spatium duarum fere palmarum transversarum a priori extremo juncta setaceo esse debent duo glomera linea satis crassa: (*bourdonets*) quorum prius siccum sit, posterius vero liquore quodam adstringente imbutum. Trahendum tunc est setaceum per narem, sic fiet, ut prius glomus lineum sanguinem in parte posteriore haerentem per anteriorem nasi partem expellat atque expurget, alterum vero sive posterius, quod ad pollicis spatium a priori remotum esse debet, partem posteriorem nasi claudet, ut sanguis primo in fauces amplius influere nequeat, id quod alias maximo aegrorum incommodo, dum tussim movet, contingit: ac deinde: praesertim si ab anteriori parte nasus linamentis liquore, ad sanguinem cohibendum idoneo, simul repletur: si ad locum ubi sanguis effluit, pervenit, venas laesas adstringet, & sic sanguinis fluxum sistere poterit.

XI.

PAULUS ALBUCASIS aliique veteres Chirurgi jam in polypi curatione *Modus reliquias auferendi.* funiculos per nares, ut supra indicavimus, traduxerunt, sed non ad sanguinem cohibendum, verum potius *ad reliquias polypi auferendas.* Quem in finem in funiculo traducendo multos nodos intervallo digiti transversi fecerunt, atque funiculum trajectum, prehensis duobus ejus extremis, hinc inde quasi reciprocando, per aliquot dies aliquoties traxerunt & retraxerunt, donec reliquias sublatas esse crediderunt, eumque in finem, ut res melius succederet, funiculum subinde unguento aegyptiaco imbuerunt. Quamvis vero haec veterum modus multis crudelis, quin imo ineptus visus adeoque rejectus sit (a), tamen DRANIUS in certo casu eum rursus tentavit, ubi polypi radix e parte nasi infima, quae supra palatum est, ac simul posteriori juxta vomerem prodibat, quam alia ratione, ut historia morbi docet, auferre non poterat. Ergo setaceum per narem praedicta ratione traiecit, sed sine ejusmodi veterum nodis, atque medicamentis illud primo suppurantibus, per viginti circiter dies continuatis, imbuit, donec suppuratione radix consumeretur & spirandi libertas aegro rediret, denique siccantibus medicamentis setaceum suum imbuit, & sic spatio mensis aegrum curavit. Confer. ejus observatio VI.

XII.

Nonnulli Chirurgi, atque inter hos etiam GARENGEOT, (b) ad ejus *Quid de naribus in polypo incidendis sit sentiendum.* modi polypos, quorum radices abditae nimis sunt, commodius extirpandos, nares ipsas scalpello aperiendas proponunt; quemadmodum jam olim HIPPOCRATES & GUIDO de Cauliaco suaserunt, (c) atque radices postea adusserunt; quae methodus etiam a CELSO in ozaena olim fuit

Tom. II.

O o o o

pro-

(a) Fabric. ab Aquapend. loco citato.

(b) Loco saepius citato.

(c) Vid. Glandorp. de Polypo cap. 14.

proposita. (a) Nos autem, quamvis forte interdum sectio haec locum habere queat, tantum abest, ut eandem curationis viam facile aut promiscue commendemus, ut potius, propter & majores dolores & cicatricem deformem, dissuadeamus. Atque id magis etiam ideo, qui nec post ipsas nares incisas curari semper polypus consuevit, quin interdum rursus redeat: ceu luculenter quidem ex isto exemplo patet, quod mihi notum & ab HUTTERO, Chirurgo Norimbergensi, in observationibus suis chirurgicis observ. 50. relatum reperimus. (b) Interea tamen ubi necessarium judicatur, ut nares incisione dilatentur, hoc forte ut cicatrix minus deformis fiat, in sulco illo naris juxta genam commodissime fieri poterit.

XIII.

Glutinatio
quomodo
fiat & quo-
modo novus
polypus pro-
hibendus.

Quo promptius autem radice resectae vel evulsae *vulnus glutinetur*, polypusque novus praecaveatur, longe optimum videtur spiritus vini communis, sed cum rosarum melle permixti, vel aquae calcis quoque portiunculam naribus aliquoties in dies singulos sorbillandam committere, vel & per syringam intro in nares injicere, imo &, quod praecipuum, cum linamentis contortis immittere, ita ut naris probe repleta sit: hocque per plures dies continuare. Sed si quid forsan e polypi radicibus adhuc remansisse conjicimus, easve ipsis oculis deprehendimus, haud alienum erit, illas vel forcipe auferre, vel ad easdem exedendas unguenti aegyptiaci pauxillum jam jam commendatis liquoribus admiscere; vel si tuto licet, ipso lapide infernali, quantum satis est, provide attingere. Cumprimis vero apertissimum ad reprimendos novos polypos praesidium a linamentis carptis, vel linamentis contortis, quibus naris laesa probe infarcienda, mihi, ut jam dixi, exspectandum videtur. Quodsi enim post excisum polypum, linamentis illis conglomeratis, cumprimis aqua calcis impraegnatis, quam exactissime nares laesas in deligationibus singulis expleverimus, atque id ipsum negotium per aliquot dierum, vel si opus, hebdomadam spatium continuaverimus, sane haud facile denuo malum pristinum renascetur. Interim aegrotantes id inprimis etiam sibi datum existiment esse, ut sub ipsum curationis tempus non exactam solum vitae victusque rationem servant, sed convenientia quoque medicamenta interna pro sanguine corrigendo rite adhibeant. Inprimis autem convenientia etiam hic ea sunt, quae & sanguinem & alvum expurgant. Itaque pilulis mercurialibus, lignorum decocto quodam, rebusque id genus aliis pro temperamentorum diversitate frequenter utendum; insimul autem sanguis aut nimius, si peccat, subinde per venas detrahendus.

XIV.

(a) Lib. VII. cap. XI.

(b) Editus est hic libellus Rostochii 1718. 8.

XIV.

Sicubi κακινώδης jam tum polypus est, proximeque ad corruptionem *Polypus can-*
 spectat, neque adurentibus medicamentis neque ferramentis irritare *crofus &*
 ipsum convenit; sed potius, quemadmodum supra in cancro & scirrhus *sarcoma*
 generatim jam posuimus, (*P. I. Lib. IV. cap. XVI. No. 6. it. cap. XVII. No. 11.*) medicamentis mitissimis ac victu delinire; ne scilicet *quomodo*
 ex ipsa curatione malum ingravescat. (a) Denique si *sarcoma* intus in *tractari de-*
 naribus est, vix alia ratione curari illud, nisi supra commendatis adu-
 rentibus, solet: advocatis simul in auxilium medicamentis internis,
 causae mali adversis. Quae ubi nihil profecerint, desperatum ac
 prorsus insanabile censendum malum est: praesertim si a spina ventosa
 illud ipsum provenerit, atque haec idoneis suis remediis curari ne-
 queat. Observationes variorum auctorum de polypo vid. in GLAN-
 DORPII libello de Polypo, itemque duas notatu dignissimas in DRANII
 obs. VI. & VII.

C A P U T LXXII.

De Ozaena.

I.

Nonnunquam nares ita exulcerantur, ut cum crustis ossiumque *Ozaena*
 subinde corruptorum particulis odor foetidissimus ex eis emitta- *quid sit.*
 tur. Quod vitii genus *ozaenam* seu *narium ulcus foedum atque malignum*
 Medici nuncupant; quo nempe facilius id ipsum ab illa distinguant
 narium exulceratione, quae absque insigni foetore est atque a catar-
 rhis aut humorum corruptorum abundantia, vel ab aeris quoque in-
 clementia provenit, facillimoque negotio per adhibitum cerussae un-
 guentum aliudve simile sanescit. Solet autem eo semper gravior ac
 foedior ozaena existere, quoties cariem in ossibus nasi simul sibi habet
 adjunctam. Initio enim non nisi tunica narium interior solet esse
 exulcerata. Sensim autem vitium ad ossa ipsa narium subtiliora, imo
 ipsius cranii sinus atque ossa maxillaria tandem procedit, atque ita ca-
 riem pessimi moris concitat.

II.

Provenire autem ozaena ut plurimum consuevit a diuturnioribus aut *Causae mali*
 catarrho, aut aliis id genus narium affectibus pertinacioribus: prae- *quaenam*
 sertim si paulo acriorem scorbutoque aut lue gallica infectum sangui- *sint.*
 nem homines habuerint. Nonnunquam etiam vel a rebus acrioribus
 fur.

O o o o 2

(a) Conferri potest Hippocrat. aphor. 38. Sect. VI.

furfum in nares cum spiritu attractis membranamque narium adroden-
tibus, quales sunt pulveres sternutatorii acriores; vel etiam aliquan-
do post polypum, vel etiam quandoque una cum polypo, ut ipse vidi,
ozoena pronascitur. vid. GLANDORP. de polypo.

III.

Diagnos-
is
ac pro-
gnosis.

Qua ratione *cognosci* ozaena debeat, id luculenter equidem, nisi
ego fallor, ex iis patescit, quae de externo ejus habitu atque caussis
jam jam proposuimus. Ne quis autem ignoret, quid de ipsius exitu
statuendum sit, sciri debet, difficulter ei malò posse succurri. Prae-
terquam enim, quod narium ossa, praesertim ea, quae *spongiosa* vo-
cantur, mirum quantum tenera sunt atque subtilia, non satis conspici,
multo minus accurate expurgari pars corrupta potest. Itaque vitium
opinione citius serpit, tandemque cum nasi septo reliqua quoque nasi
ossicula sic erodit, ut nasus externus non sine maxima deformitate
haud raro penitus concidat, nativamque & loquendi & spirandi fa-
cultatem insigniter corrumpat. Solet hic tantus saepe foetor sequi
ac deformitas, ut propter ozaenam graviolem divortium inter conju-
ges juste fieri possè, non sine ratione quidam existimaverint.

IV.

Curatio per
medicamenta
interna.

Oportet igitur, quam celerrime quidem fieri illud ipsum potest,
cum per externa, tum & vel maxime per interna medicamenta noxae
huic succurrere. Atque ex *internis* quidem *medicamentis* quam maxime
salutaria & necessaria hic ea sunt, quae sanguinem corruptum, id est,
pravum corporis habitum, corrigunt, & cumprimis ea, quae morbis
venereis adversa sunt. Spectant huc praeter mercurialia medicamen-
ta inprimis lignorum decocta. Cibus atque potus homini aegro quam
maxime lenis sit ac modicus; neque acer, neque valentissimus. Sicut
bi ab impura venere exortum vitium fuit, nihil omnino valentius ad
curationem videtur, quam si aut salivatione aut quovis alio modo
convenienti lues venerea diligentissime propulsetur.

V.

Curatio ex-
terna.

Extrinfecus ea praecipue adhibenda medicamenta sunt, quae ad
expurganda ulcera praescribi alias a Medicis consueverunt. Pertinet
huc prae aliis speciatim aqua viridis HARTMANNI, siquidem ipsa identi-
dem quotidie ex manu cava cum spiritu fursum in nares attrahatur;
vel penicillo illinatur, vel etiam per syringam injiciatur, vel denique
etiam cum linamentis convolutis oblongis sive turundis, quam altissi-
me licet, immittatur. Aquam calcis cum mercurio dulci permixtam
egomet quandoque haud infeliciter eodem, ut jam jam diximus, mo-
do adhibui. MAYERNUS & FALLOPIUS aquam aluminosam temperatam
haud parum hic proficere statuunt. Decoctum e sabina & scordio
fa-

factum, in cujus libra una, ubi malum vehementius est, unguenti fusci WURTZII uncia circiter una soluta est, mirifice hic prodest. Aequae vero valens hic esse ille liquor adsolet, qui vel ex jam dicto unguento WURTZII, vel ex aegyptiaco, cum admixtis rosarum melle ac spiritu vini conficitur, & saepius calide superinjicitur. Denique non nullius quoque usus hic praedicantur esse turundulae istae, quae ex unguento fusco WURTZII cum adjecta vitrioli albi portiuncula praeparantur atque in nares subinde inferuntur, donec ulcus purgatum, atque foetor & impurum sublata sint. Tandem vapor etiam cinnabaris carbonibus injecti, siquidem caute is naribus quandoque subjiciatur, haud parum ad ozaenam curandam conferre a quibusdam depraedicatur. Continuari autem dictum istud curationis negotium tantisper debet, dum & materiae corruptae fluxus & foedus odor penitus evanuerint.

VI.

Si jam tum *caries* simul incidit; curari malum ante vix poterit, quam *Curatio ozaenae, cui caries adjuncta est.* erosa narium officula fuerint separata. Praecipuum vero salutis praesidium ab ipsa natura hic videtur esse expectandum. Quibus enim artificiis citius extirpari ossiculorum spongiosorum caries possit aut debeat, nondum a Medicis est detectum: siquidem nec ferramentum candens, nec euphorbium, nec aliud remedium conveniens, praeter jam jam laudata, applicari satis tuto aut commode hic valet. (a) Interim illud sibi datum Chirurgus sciat esse, ut vel haecenus proposita, vel etiam alia id genus medicamenta ulcus expurgantia atque mollientia tantisper immittat, donec tandem, post aliquot nimirum hebdomades, vel menses etiam, ossicula corrupta elidantur. Si quae forte ossium corruptorum particulae intus solutae ac liberae haerent, extrahi protinus ipsae per adhibitam volsellam debent; ne scilicet aegro molestae nimis sint, aut partes simul integras contactu suo perdant. Sicubi vero paulo majores eadem sunt, quam ut integrae educi commode queant, quemadmodum ego vidi, concidi prius forficis ope debent, ita postea vel sponte excidunt vel facile extrahuntur. Ossibus educatis, tantisper continuari medicamentorum purgantium usus debet, dum materia corrupta omnis cum foetore penitus ejecta sentiatur.

VII.

DRAKIUS, scriptor Anglicus, anatomicus celebris, *novum aliquod & ozaenae genus & proprium ipsi curandae artificium* in anatomia sua anglice scripta, proposuit. Scilicet laudatus auctor observavit, *ozaenae sedem* *Nova curandi ratio, nempe Drakiana.* quandoque in ipso *sinu maxillari* esse quaerendam. Quod ipsum equidem hinc potissimum cognoscatur, si posito in partem integram capi-

Oooo 3

te,

(a) CELSUS jam hac de re conquestus est cap. de Ozaena, atque ad curationem promovendam nasum incidendum esse proposuit.

te, materia corrupta cum odore pravo ex naribus prodeat. Siquidem iste situs quam aptissime per maxillae foramen naturale id propellit, quod forte intus in maxillari sinu delitescit. Attamen quia hac ratione ex hoc sinu non satis exacte exhauriri materia corrupta potest, neque per medicamenta commode sinus iste expurgari, mirum non est, si secundum communem ozaenas curandi rationem insanabilis noxa ista perstiterit saepiusque homines confecerit. Cui quidem calamitati ut succurri felicius a Medicis posset, non ipsam modo noxae indolem, sed novam etiam eidemque adaptatam curandi rationem *DRAKIUS* pervestigavit. (a) Simulatque nimirum in sinu maxillari situm esse malum hoc deprehenditur, longe optimum *DRAKIO* videtur, alterum dentem molarem lateris aegri, quippe sinui isti proximum, evellere adhibitoque ferramento, sive clavo quodam acuminato, sive cusptide (*Tab. VII. fig. 2.*) alveolum ad sinum usque maxillarem perrumpere. Quod ipsum quam facillimo negotio fieri ut plurimum posse, idem *DRAKIUS* auctor est: siquidem os illud maxillare a materia corrupta si non plane exesum, mirifice saltem detritum & emollitum ut plurimum esse affirmat. His rite sic confectis, non sua tantum sponte per hunc factum meatum perniciosus liquor effluit, sed ipse quoque sinus afflatus per identidem injectum medicamentum aliquod conveniens mundans & balsamicum quam exactissime potest expurgari. Neque expurgari solum, sed glutinari quoque ac foveri pars aegra haud incommode potest; dummodo post peractam expurgationem & balsamica & glutinantia medicamenta aliquoties per dies singulos fuerint adhibita. Nobilissimi autem usus hic sunt elixir proprietatis, tinctura myrrhae & aloes; eademque vel sola, vel cum rosarum melle & scordii vel fabinae decocto permixta. Quoties autem ex jam jam propositis medicamentis injectum aliquid est, protinus inferi in foramen turundulam oportet, ne quicquid injectum fuit, justo citius rursus profluat. Emissio dein medicamento purgante, alia denuo turundula filo adstricta diligenter immitti in vulnus debet; ne qua forte ipsum prius coalescat, quam ulcus rite fuerit expurgatum. Praestantissimam vero esse, quam modo descripsimus, *Drakianam* hanc curandi rationem, non ipsa tantum res loquitur, sed optima quoque rerum salutarium magistra, experientia inventorem condocuit. Dignum denique observatu hic adhuc est, ipsum maxillae os ita graviter quandoque a materia purulenta hujus ulceris jam erosum adverti, ut extracto, quem supra posuimus, dente, protinus eadem ex hoc foramine prorumpat. Quod ubi fit, tum neque clavo neque ferramento ad os per-

(a) Nonnulli celebri *COWPERO*, Anatomico & Chirurgo Anglo, tam alia, quae nova descripsit, quam cumprimis inventionem hujus curandi artificii tribuunt. Sed an verum hoc sit, ego asseverare non possum.

perforandum opus est, quia foramen jam adest; sed potius medicamenta laudata & purgantia, & balsamica statim sunt adhibenda, donec malum glutinetur.

C A P U T LXXIII.

Quomodo sarcire curta in naribus deceat.

QUa ratione nasus graviter vel ferro vel morſu vulneratus, ut aliqua adhuc parte haereat, ſanari debeat, id ſatis jam tum eo loco declaravimus, ubi de faciei vulneribus fuit tractatum. (vid. P. I. L. I. Cap. XIII. No. 8.) Quibus autem artificiis e nova carne ex alia corporis parte adglutinata refarciri naſus integer praecifus aut avulſus debeat, nondum ſatis conſtat. Tametsi enim vir clariffimus, TALIAHOTIUS, integrum atque multis figuris inſtructum de admirabili arte iſta libellum, titulo *Chirurgiae curtorum per inſitionem*, olim conſcripſit; tamen, ſi Medicos & Chirurgoſ recentioreſ paulo exercitatiores adire volumus, ſingula iſta, quae modo laudatus auctor hac de re propoſuit, artificia parum imo prorſus non ſuccedere exiſtimant: dum nova experimenta ſive obſervationeſ deficiunt. Igitur adverſus deformitatem naſi deperditi remedium a naſo artificiali ſive ligneo ſive argenteo petitur: (niſi forte recens ablatus naſus mox in loco naturali futura vel emplaſtris rurſus jungatur. (a) Siquidem iſ colore ad nativum faciei colorem proxime accedente obducatur, aptiſque ſimul clavis, & cochleatiſ & elatiſ, inſtruitur; quo nempe commodiſ firmari & reliquae naſus parti adaptari iſ commode valeat: quemadmodum machinae ejuſmodi mihi praefito ſunt. De naſo ſecundum longitudinem profunde diſſecto ejuſque ſingulari curatione per futuram cum acubus relictis vid. ROONHUYſius Obſerv. Chirurg. XXIV.

C A.

(a) Exemplum ablati naſi & ita reſtituti habet BLEGNY *Zod. med. Gall. An.* 1680. pag. 75. aliudque GARENGEOT. in *Chirurg.* Tom. III. cap. de polypo, pag. 55. de naſo morſu ablato & ope futurae reſtituto.

C A P U T LXXIV.

Quomodo narium foramina praeter naturam concreta deoperire conveniat.

I.

Noxae natura describitur.

Narium foramina in quoquam concreta praeter naturam & manu Chirurgi curata rursus fuisse nondum, quod ego sciam, in scriptoribus Chirurgicis relatum inveni. Possē vero utique noxam ejusmodi nonnunquam incidere, eamque curari quoque rursus posse, ipse rerum usus aliquoties me docuit. Oblatus enim primo Helmstädtii an. 1721. ejusmodi infans pauperculus mihi fuit, tres quasi annos natus, cui, propter negligentiore, ceu fieri apud homines inopes saepe solet, curam, non facies tantum universa, & cum primis nares & labra, graviter a variolis exulcerata, sed nares quoque inde concretæ ipsumque labrum superius sursum valde reflexum ac firmiter cum naribus concretum reperiēbantur, (*vid. Tab. XIX. fig. 14. litt. AA.*) quas uberius hoc claudebat. Narium foramen dextrum penitus erat praeclusum, sinistrum autem usque adeo arctē constrictum, ut ne minutum quidem aciculae capitellum immitti commode posset. Unde summam infans iste spirandi difficultatem, noctu praesertim in somno, contraxerat, ut parentes inde singulis fere momentis illum suffocatum iri pertimescerent.

II.

Curatio prima.

Complicatam vero istam geminam noxam ut curarem, hanc curandi rationem ego sum ingressus. Nempe in clara luce infantem aegrum quoad caput, manus atque pedes, firmiter continendum adstantibus commisi. Mox adhibito scalpello superius labellum a naribus separavi ac detraxi. Tum alio eodemque tenuiori sive minori scalpello & sinistrum & dextrum nasi foramen ad naturalem usque amplitudinem rursus aperui. Dehinc specillum quoddam (*Tab. I. litt. K.*) in utrasque nares immisi, ut statum earum, an scilicet fati apertae etiam superiori in parte sint, explorarem, harundemque alterutram usque adeo intus adhuc praeclusam reperi, ut denuo scalpellum, sed provide tamen, fuerit adhibendum, ad reliquam connexionem dividendam. Adapertis sic rursus, quantum naturaliter decet, naribus, profluvioque sanguinis aliquantisper sibi relicto, paulo crassiorem atque ex linamentis confectam turundam singulae nari insinuavi. Sic enim quam commodissime prohiberi poterat, ne
aut

aut nimia sanguinis profusio incideret, aut nares denuo coalescerent. Ipsum autem labrum superius ut in pristinam posituram paulatim restituerem, linamenti carpti & contorti affatim una cum emplastro & splenio oblongo atque angusto naribus ad labrum deprimendum subjeci, superinjecta dein fascia quatuor capitibus instructa; qualem nimirum in labris leporinis applicare solemus. Quam ipsam equidem deligandi rationem per aliquot dies subsequentes servavi; sed ita tamen, ut sequenti tempore linamenta sive turundae spiritu vini vulgari imbuerentur. Itaque effeci, ut non labrum modo sanesceret, sed ipsa quoque narium foramina ampla satis atque aperta primis octo diebus persisterent.

III.

Sed vero quando ipsius infantis mater paupercula paulo vel negligentius vel imprudentius noxam istam tractabat, dum malum jam ^{Curatio altera.} sanatum credebat, turundam plane removebat, neque ex negligentia amplius infantem ad innovandam deligationem mihi offerebat; quare fieri aliter vix poterat, quam ut recentium istiusmodi vulnerum orae denuo confervescerent & quidem usque adeo, ut post aliquot dies nares vix amplius tenue specillum admitterent. Itaque, cum parentes negligentiam suam agnoscerent, atque a me denuo auxilium peterent, narium foramina eodem, ut antea, modo iterum aperui, turundisque primo per octiduum, deint tubulis plumbeis alatis, in hunc finem a me excogitatis, (vid. Tab. XIX. fig. 15 & 16.) & in nares insertis tam diu aperta servavi, donec & vulnera glutinata & nares pristinae amplitudini restitutae reperiebantur.

IV.

Alterum curationis hujus specimen edidi an. 1725. in rustici cu- ^{Alia exemplum.} jusdam puerulo, quippe qui ex naribus propter variolas quoque praeclusis graviter admodum etiam laborabat; quem eodem modo curavi. Tertiumque idem praestiti in puerulo mercatoris Halberstadio ad me delato: ubi vero loco tubulorum plumbeorum, qui facile comprimuntur & figuram ellipticam mutant, alios ex orichalco substitui. Opera vero danda, ut, sicut usu deprehendi, ejusmodi satis magnis tubulis nares diu apertae & dilatatae servantur; alias si nimis cito removentur, mirum est, quantum nares, quamvis amplissimae antea videbantur, brevi vehementer rursus contrahantur.

Explicatio Tabulae decimae nonae.

Fig. 1. Ferramentum tubulo insertum atque ad partem auris externae, quam *antitragum* Medici vocant, in parte posteriori contra dentium dolores adurendam accommodatum. Litt. A denotat tubulum, Tom. II. P p p p B

B ejus manubrium; C ferramentum extra tubulum paullo prominens, D ferramenti manubrium.

Fig. 2. *Instrumentum acusticum* denotat, ad cornu vel tubae figuram exaratum: cujus pars altera & angustior A in aurem immittitur, atque manu circa extremum alterum BB, quod tubae instar expansum est, apprehenditur: ita si sono haec opponitur, egregie audiendi facultatem auget.

Fig. 3. *Aliud instrumentum acusticum*, quod tuba aliquoties contorta est, indicat: cujus pars quoque angustior A in aurem immittitur, ansa B manu comprehenditur, atque pars amplior C sono excipiendo exponitur.

Fig. 4. Adhuc aliud instrumentum acusticum ex Fr. DEKKERO mutuatum, & ex argento confectum, cujus pars turbinata A in aurem immittitur, atque deinde funiculorum BB adjumento circa aurem sic firmatur, ut sub capillis abscondi commode possit, nec manu sustentari indigeat.

Fig. 5. Ferramentum *lobo auris comprehendendo* ac firmando destinatum, quo commodius is acu perforari possit.

Fig. 6. Acus ex chalybe vel argento duriori confecta, in anteriori parte A cuspide, in posteriori vero B, tubulo instructa, ita, ut non perforando solum auriculae lobo, sed filo plumbeo quoque simul trajiciendo idonea sit.

Fig. 7. *Filum plumbeum* lobo perforato transmittendum, donec sanescat foramen.

Fig. 8. *Alia acus* eidem usui destinata, quae in parte posteriori tubulo fisso, instar acus lardariae instructa est, pro filo plumbeo aptius comprehendendo ac transmittendo.

Fig. 9. *Volsella* retusa pro *polypo* narium extrahendo, e PALFYNO.

Fig. 10. Similis fere *volsella*, sed circa extrema perforata, ut polypum firmitus comprehendere valeat.

Fig. 11. *Alia volsella*, eaque rostro incurvo, polypis narium in faucibus propendentibus extorquendis destinata.

Fig. 12. *Ferramentum pro polypo*, cujus radix e latere naris non nimis profunde haeret, aptius ligando. A denotat manubrium, B apicem obtusam, sed acus instar perforatam, per cujus foramen filum sericeum transmittitur, quod hujus ferramenti ope radici polyporum commode circumducitur. Curvatura C efficit, ut facilius radicem polypi comprehendere & ambire queamus.

Fig. 13. *Polypum* illum exhibet, qui ferramenti fig. 12. ope a me ablatum fuit. A radix ejus, quae externo & medio naso adhaesit; B pars extra nares propendens.

Fig. 14. Ostenditur pars faciei, in qua non solum *nares* erant *concretae*, sed etiam labrum superius AA valde reflexum & cum naribus, quas claudebat, arcte concretum.

Fig.






Fig. 15 & 16. Tubuli duo vel ex plumbo, vel ex orichalco facti, atque ala instructi, naribus apertis servandis post earum sectionem destinati, & quidem alter fig. 15. pro nare dextra; alter fig. 16. pro nare sinistra.

De labrorum vitiis, quae manu & scalpello curantur.

C A P U T LXXV.

De labris leporinis.

I.

SOlet in quibusdam hominibus labrum, & superius quidem prae-^{Labrum} Scipue, ita fissum a natura saepe esse atque curtatum, ut labri ^{leporinum} leporini formam prae se ferat: (vid. Tab. XX. fig. 1. tale, quale ad-^{quid sit.} huc hoc anno vidi & curavi.) *Labia* igitur sive *labra leporina* propter similitudinem cum labris leporinis Medici vitium istud nuncupant. (a) Quod ipsum equidem nunc gravius est, nunc levius atque mitius; prout nimirum vel major vel minor in labris hiatus aut defectus adest; aut vel major vel minor mutilatio accidit; quae nonnunquam tanta est ac tam deformis, ut excisam vel evulsam prorsus portionem aliquam ex ipsis crederes. Quandoque, ut ipse etiam aliquoties vidi, *duplex fissura* in uno eodemque labro adest, quae aliquando litteram M fere repraesentat, & tunc *duplex labrum leporinum* appellari solet. Habet ea res, praeter insignem deformitatem, illud quoque incommodum, ut infantes minus facile & quandoque prorsus lac ex uberibus sugere nequeant; neque ab adultioribus eis sermo explicari queat. Interdum noxa illa, & quidem in inferiori quoque labro, *ex male tractato ipsius vulnere* suboritur. Illa vera, haec falsa labra leporina appellari possunt. In vero, ubi scilicet natum cum ipso homine vitium est, palatum saepe simul, vel ex parte, vel in totum fissum ad nares & uvulam usque esse solet, atque uvula haud raro, ut saepius vidi, prorsus deficit: adeoque palatum nunc levius, nunc ita graviter fissum est, ut ad uvulam usque sese extendat. Hinc mirum videri neutiquam debet, si post sanatum etiam vitium externum interior tamen noxa, utpote insanabilis, remaneat: quae valde difficilem & ingratam, per fissum scilicet palatum & na-

Pppp 2

res

(a) In figura, quam Garengéot in operat. Chirurg. cap. de lab. leporinis sistit, nulla labri divisio conspici potest, sed labrum integrum apparet.

res emissam, vocem efficit. Et vero quo minor & aequalior externa mutilatio vel hiatus est, hoc etiam facilius ejus curatio esse solet; quo contra major & inaequalior, hoc difficilius succurritur. Quin etiam interdum usque adeo pessime curtata ejusmodi labra & deformia reperiuntur, ut nullam omnino curationem, praesertim in infantibus junioribus, admittant: quae tamen in adultioribus subinde adhuc speranda. Ita & duplex labrum leporinum propter magnum hiatus aliasque ob causas saepe quam difficillime restitui potest. Interdum pars maxillae vel dens unus vel alter in fissura prominent: quae nisi removeantur, curatio vix succedit.

II.

Operatio.

Quando labrum leporinum recens, sive a vulnere factum, futura nodosa, ut in vulneribus dictum est, sanatur. Sed si pars labri amissa, acubus, ut in vero labro leporino. Quando vero labra leporina vera curationem admittunt, res ita hic constituta est, ut ars quidem partes, natura deficientes, efficere nequeat; sed hoc tamen praestare potest, ut partes, natura hic non cohaerentes, conjungere atque glutinare queat. Igitur in ipso curationis negotio imprimis opera danda est, ut quicquid in labris curtum vel fissum est, quam commodissime licet, jungatur ac glutinetur. Quod ipsum equidem quia fieri absque sectione & ablatione orarum labri fissi nequam potest, atque haec res sine magna circumspectione rite fieri nequit; operae pretium facturi nobis videmur, si breviter, sed luculenter tamen, optimum, qui nobis videtur, operationis modum describerimus. Primo eligendum, si fieri potest, *tempus*, quo aer temperatus est, cum primis ver, aestas vel autumnus. Praestat tamen praeter reliquis tempus vernum, utpote ut plurimum temperatissimum & curationi maxime idoneum. Deinde non suscipiatur haec curatio in homine aut infante aegrotante, sive alio adhuc morbo laborante, aut nimis debili; sed sano, ac satis robusto, vel si vitium aliquod adsit; hoc prius debitis remediis curetur. Ceterum aeger *leni purgante* ad operationem praeparetur, servata simul per aliquod tempus legitima victus ratione. (a) Et si ad operationem ipsam accedere volumus, eligatur etiam *locus* clarus, ut videre satis queat Medicus, quid agendum. Praesto praeterea sit sequens apparatus: nimirum *forfex* idonea, (Tab. I. litt. C.) *acus* aliquot peculiares, ut Tab. IV. fig. 21. & 22. vel Tab. XX. fig. 2. 3. 4. 5. vel ex auro duriori, vel ex argento, vel etiam, si lubet, ex orichalco, dummodo satis acuminatae sint, & quidem apice vel triangulari, ut in fig. 2; vel plano, ut in fig. 3.

4.

(a) *Garengot* vult cap. de labr. leporinis, ut aegro prius aliquoties sanguis mittatur. Quia vero infantes plerumque sunt eique teneriores in quibus haec curatio instituitur, rectius ea in his omittitur.

4. 5. quo facilius per labra trajici possint. Ferreae minus idoneae censentur, quia facile aerugine corripuntur, & sic in extractione molestias, dolores aut lacerationes creant. Praeterea *fila* aliquot robusta sericea, *vas aqua calida repletum* cum spongia, linamenta carpta, *balsamum vulnerarium*, *fascia* longa & angusta, & si vel acubus acutis in vulnere relinquendis utamur, vel dens vel maxillae pars nimis per fissuram promineat, ut curationem impedire queat, *forceps* idonea, pro his auferendis; ac denique aqua Reginae Hungariae aut aliud quid simile, pro aegro, ubi forte opus est, refocillando: atque his ita praeparatis ad operationem ipsam sequenti ratione Chirurgus idoneus accedere potest. Scilicet *ubi jam adultus homo est*, collocare ipsum lumini adversum in sella quadam oportet, capite interim ministro quodam ad continendum commisso. Ubi vero *in infante* suscipienda operatio est, utpote in quibus longe frequentius ea instituitur, tum deponere istum in gremio hominis alicujus robusti in loco claro convenit, binosque ministros juxta constituere, quorum alter pedes, alter ex iis caput infantis gnaviter contineant. Manus etenim comprehendi firmiter ab illo possunt & debent, qui in gremio suo infantem sustinet; vel manus in infantibus minoribus fasciis etiam commode comprehendi possunt. Tum ubi paulo amplior hiatus est, ut labra fissa commode conjungi nequeant, requiritur ad faciliorem labri fissi conjunctionem & glutinationem; ut utraque ejus pars, & cumprimis etiam frenulum labri superioris forficis adjumento prae omnibus a gingiva in tantum dissolvatur, quantum ad labri fissi conjunctionem opus esse videtur; sed provide tamen & sic, ne ipsa gingiva tota perrumpatur, & os maxillae forte denudetur, unde damnum oriri posset. Postea ipsius hiatus sive rimae oras, quia cutem siccam ipsae habent, forfice praedicta subjecta Chirurgus utrinque accurate rescindat, ut ubique, & cumprimis etiam in suprema parte (quae quandoque peculiarem incisionem requirit) probe cruentae fiant. Cavendum vero, ne, ubi hiatus jam per se valde magnus, nimium auferatur: periculum etenim est, ne, si paulo largius orae rescindantur, vel difficultè aut prorsus non contrahi postmodum atque glutinari queant; quando vero non satis resectum est, non glutinantur. Cruentae hae hiatus orae spongia prius mundatae, diligenter ab ministro quodam contineantur, atque vel binis, vel tribus etiam, pro vulneris scilicet modo ipsiusque hominis aetate, acubus ita trajiciantur, ut ad calami scriptorii circiter amplitudinem utrinque a fissura distent. Namque ubi nimis angustam partem ipsae comprehendunt, vulneris orae facile, praesertim si infantes, ut fieri plerumque solet, saepe clament, disrumpuntur atque lacerantur. Scorsim autem singulae acus & aequaliter a sinistra fissurae ora ad dextram sic immittuntur, ut ad supremum vulneris angulum, qui,

ut jam dictum, probe cruentus esse debet, prima, & sic deinceps reliquae inferius transeant, atque ad lineae quasi mathematicae vel calami straminei latitudinem ab invicem distent. Sic enim quam aptissime contineri glutinandae hiatus orae possunt. Quandoque haud omnino alienum est in suendis adulatorum praesertim labris, utpote aliquanto solidioribus, *manubrium* istud, quod *acutenaculum* appellavimus, & ad commodius continendas atque deprimendas acus supra commendavimus, (Gallis *Portaiguille*, *vid. Tab. VI. fig. 2. vel 3.*) hic in auxilium vocare; quamvis is, cui digiti satis sunt expediti, eo, ut quidam putant, (a) hic non absolute indigeat. Semper enim sine eo, quae hic facienda sunt, commode solis manibus perfeci & adhuc perficio.

III.

*Filum quo-
modo inji-
ciendum sit.*

Simulatque sic trajectae acus sunt, proximum est, ut labia fissa & cruenta spongia rursus, si opus, prius mundata, quam exactissime a ministro quodam comprehendantur. Tum filum aliquod lineum vel fericum satis robustum atque ceratum in altera acus parte firmatur, (b) atque dein vel ad formam numeri 8 transversim positi, (∞) *Tab. IV. fig. 21. & 22.* vel, quod idem videtur, circularibus ductibus circum fibulas istas singulas, initio vel a suprema vel infima facto, involvitur, (*vid. Tab. XX. fig. 5.*) quantum nimirum ad contrahendas rimae oras sufficit, atque in fine nodo firmatur. Dehinc acuum harum cuspides forcipis acutioris adminiculo sic decerpi solent, ut non nisi ad calami scriptorii amplitudinem super vinculum injectum promineant, ne labra facile compungant ac dolores & inflammationes moveant. Quamvis ubi acus breviores paulo sint, & apicibus linamentum vel spongiolae portiuncula immittitur ac submittitur, hoc non adeo necessarium est; imo potius minus necessariis aegrotantium incommodis, dum hoc omittitur, occurrimus; quia sic periculum non est, ne acus sive fibulas decerpenti negotium graviter ipsos angat vel affligat, Chirurgoque laboris compendium facit.

IV.

*Deligatio
quomodo
fieri debeat.*

His ita jam diligenter confectis linamentum aliquod molle atque in rosarum melle tinctum plagam inter & gingivam collocandum esse vulgo praecipiunt, ut vulnus intus in ore glutinet: id quod quidem in adultis & ratione praeditis locum habere potest; sed in infantibus varia incommoda inde metuenda. Nam primo sine aliqua vi id illis submitti non potest, qua, praesertim quia clamores sive vagitus eorum accedunt, facile junctae labrorum orae divelli rursus poterunt; deinde

(a) Ut *Garengeot* loco citato.

(b) Firmari potest filum vel in altero extremo ope nodi; vel cum medio fili in formam anasae complicati, & acui circumjecti.

periculum est, ne post aliquod tempus vel horas linamentum illud decidat & in fauces irruat, unde vel tussis hic perniciosissima, vel omnino suffocatio concitetur: igitur hoc in his potius omittendum esse censeo. Vulnus autem externum vernice aut peruviano vel quovis alio balsamo vulnerario inungitur, linamentisque carptis & spleniolo contegitur: superinjecto, si lubet, pro aptius continenda rima, emplastro glutinoso quatuor extremis sive capitibus (in forma Tab. II. fig. d) instructo, quarum binae in dextra, binae in sinistra mala firmantur; itemque fascia digitorum transversum vel pollicem lata, quatuor itidem capitibus praedita; vel simplici etiam ejusmodi angusto linteolo sive fascia, duobus tantum capitibus praedito; cujus extrema circa occiput vel nodo vel aciculis in vitta aegri firmari possunt. Sunt in Chirurgis nonnulli, qui ad graviores labiorum rimas accurate comprehendendas fasciam istam, quae *uniens* vulgo dicitur, atque in deligandis frontis vulneribus oblongis magno cum fructu applicatur, (vid. Tab. II. fig. f.) digiti amplitudine praeditam, super emplastrum injiciendam praecipiunt: sed cum hoc in malo potius detrimentum, quam emolumentum, ob fortiolem, dum acubus nititur, pressionem, inde sit metuendum, rectius hic omittitur, & antea laudatae fasciae, quae non comprimendi, sed continendi solum scopo, ne scilicet medicamenta aut linamenta decidant, praeferendae. Quod ipsum etiam, nisi ego fallor, de emplastris glutinosis valet: praesertim in infantibus, qui solum, dum haec applicantur, diutius plorant, eoque ipso damnum facile in labro confuto patiuntur. *Garengeot* vult, ut post operationem quoque aegris bis vel ter sanguis e venis detrahatur. Verum ob rationes supra positas hoc plerumque supervacuum ac praeter necessitatem fieri videtur. Nec unquam adhuc in hoc malo illud feci, & tamen feliciter aegros sanavi.

V.

Communis equidem veterum doctorum opinio est, modo descriptam *labiorum leporinorum curationem in infantibus tenellis*, hoc est, iis, qui al-^{An in in-}terum aetatis annum nondum compleverunt, ^{fantibus}minus tuto suscipi posse. ^{etiam in-}Quin etiam, si audire *GARENGEOTIUM* (a) voluerimus, haud ante quar-^{stitui curatio}tum vel quintum aetatis annum sine damno tentare operationem istam ^{illa possit.}convenit. Sed contrarium tamen ipse rerum usus, magister optimus, quicquid ratio in contrarium dicitur, dudum docuit. Neque enim exempla defunt istiusmodi infantulorum, qui, tametsi sextum vel septimum imo tertium mensem vix attigerant, feliciter tamen ab his ipsis labrorum vitiis sunt liberati, si modo ceterum sani, & curatio rite instituitur. (b) Imo parentes ejusmodi infantum fere nunquam ad quartum

(a) In operat. Chirurg. cap. de labr. leporinis.

(b) Vid. *ROONHUYSEN observ. Chirurg.* qui egregias circa hujus mali in infantibus & speciatim decem hebdomadam & curationes & cautelas descripsit.

tum vel quintum usque annum exspectare, & curationem eousque differre volunt; sed instant & urgent, ut operatio mox primo vel altero anno suscipiatur, & quemvis potius agyrtam aut circumforaneum adeunt, si bonus Chirurgus eam in tenera ejusmodi aetate perficere detrectet, & per aliquot adhuc annos differre velit, ut saepius observavi, qui eam etiam quam saepissime satis feliciter perficiunt. Nam parentes, & praesertim matres, primo dedecori sibi ducunt, ut hac noxa signati infantes non curati in ludibrium hominum in publicum prodeant; qui tamen vix aut difficillime per quinque annos domi contineri poterunt. Deinde ne mulieribus praegnantibus, imo ipsis matribus iterum gravidis conspectu suo difformi terrorem incutiant, ut similes postea, sicuti saepe factum est, difformes foetus producant: id quod revera genuinos Chirurgos ad maturandam curationem excitare debet, & cum primis quidem tunc, quando hiatus labrorum vel exiguus vel saltem non nimis magnus est. Hoc enim in casu curationem feliciter saepe cessisse novi, idque etiam ROONHUYSEN, Chirurghi hac in parte exercitatissimi, aliorumque multae testantur observationes. Ceterum in istac infantulorum curatione necessarium inprimis est, *quam diligentissime ipsos ante operationem a somno detinere*, imo &, si lubet, anodynum quoddam prius remedium ingerere; quo facilius nimirum atque diutius post confectam operationem illi obdormiscant, neque vagiendo vel ejulando riam contractam denuo resolvant, sed ut potius somni illius tempore glutinatio egregie promoveatur. Tum illud quoque providendum hic in opere est, ut primum potius, quam retrorsum versus caput infantis detineatur; *ne in opere sanguis in fauces profluat*, excitataque tussi chirurgum & curationem impediat. Quanquam autem larga subinde sanguinis copia prorumpere ex recens incisis hac ratione labris consuevit, tamen nihil magnopere est, quod aut chirurgus, aut spectatores extimescere debeant. Namque ista sanguinis profusio tantum abest, ut noceat, ut potius ad prohibendam inflammationem aliquid conferat. Imo etiam sanguinis ille cursus continuo sistitur, simulatque commendatae superius suturae ac vincula decenter labiis sunt injecta.

VI.

Observatio
de instru-
mentis,
itemque
dente, qui
nonnunquam
in rima
prominet.

Sed quo facilius tamen praecaveri largior in ipsa operatione sanguinis profusio hic posset; quo item commodius atque mitius operatio ipsa procederet, illud sibi datum chirurgorum nonnulli existimarunt esse, ut propria hunc in usum instrumenta sive *tenacula* pararent, labro curto utrinque ad fissuram ante applicanda, quam scalpellum aut forfex admovetur. (*vid. Tab. XX. fig. 6. & 7.*) Quae tametsi & aptiorem plagam ad cicatricem producendam accommodata esse

esse & dicantur & videantur, rarius tamen atque adeo rarissime adhibentur. (a) In infantibus, praesertim ubi palatum fissum, *pars ossis maxillae superioris*, & in pueris paulo adultioribus hoc morbo laborantibus, haud raro *dens aliquis grandior per fissuram labri indecore prominet*, ita, ut labrorum conjunctionem & glutinationem impediat: quae proin, ad commodius instituendam curationem, forcipe tolli, vel extrahi ante semper debent, quam ad instaurandum labrum diffissum nos accingimus.

VII.

Quod attinet ad deligationem, eam ante tertium diem resolvere *Quid in deli-* non convenit; nisi quid forte id urgeat. Namque tum demum *gationibus* lustrari tuto atque a sordibus expurgari vulnus poterit: si modo de- *innovandis* bitam in ipsa resolutione adhibuerimus providentiam. Ne qua enim *inprimis ob-* forte cum fasciis atque emplastris orae labri contractae denuo ab- *servandum* sit. invicem abstrahantur, vino calido circa vulnus deligationem probe prius inungere oportebit; ut nimirum facilius & sua quasi sponte singula resolvantur. Tum ubi forte filum circumductum paulo laxius factum reperitur esse, ut oras non satis contineat, filum aliquod novum circum fibulas rite involvendum est, & orae arctius denuo constringendae: id quod tamen raro accidet. Ubi vero satis adhuc bene singula sese habere percipiuntur, tum in id potissimum intendi cura Medici debet, ut & balsamo vulnerario decenter iterum plumulae vel penicilli ope vulnus inungatur, &, posito labrum inter & gingivam linamento novo in adultis: reliqua eodem modo fiant, quem in prima deligatione praescripsimus. Simulatque dein post tres vel quatuor dies conferbuisse vulneris labra deprehenduntur, haud alienum est acum mediam, si nempe tres adfuerint; vel superiorem, si non nisi binae adfunt, digitis vel per adhibitum forcipem, sed quam providissime tamen, & post utrinque applicatos labio digitos, qui oras ejus comprimere debent, educere; idemque prorsus negotium in reliquis singulis sequentibus diebus, vel etiam post alterum quemque diem iterare. Sic enim ipsa quoque filamenta quam facillimo negotio vel sua sponte etiam recedent. (b) Quibus confectis nihil amplius restat, quam ut singulis diebus balsamo vulnerario, vel melle rosarum, vel sirupo violarum, locus afflictus inungatur, emplastroque dein glutinoso & fascia angusta uniente per aliquod adhuc dies comprehendatur: donec tandem penitus plaga

Tom. II.

Qqqq

con-

(a) Alius adhuc fabricae tenacula in hunc usum laudata possideo; quia vero vix aut raro saltem iis indigemus, ea hic delineare nolui.

(b) *Garengot* vult, ut fila prius resolvantur & acus solae adhuc per diem unum alterumve relinquantur. Verum quia fila hic valde a sanguine ac balsamo conglutinata sunt, atque sic non nisi difficillime resolvuntur, in infantibus plorantibus hoc sine damno fieri nequit.

confanuerit. Tandem ista quoque ad feliciter absolvendam curationem valde necessaria observatio videtur, ut primo tempore non nisi juscula, emulsiones, lac, gelatinas atque alios id genus cibos liquidos, nullaque masticatione indigentes aeger assumat, atque infantibus labium saepe in parte inferiori melle rosarum vel sirupo violarum ope plumae vel penicilli inungatur: quae non solum sanant, sed, dum infantes haec ob dulcedinem lambunt, hoc ipso glutinationem promovent. Adultiores vero a sermonibus, quantum fieri potest, abstineant.

VIII.

*Histriones
quam curan-
di rationem
ineant.*

Circulatorum atque empiricorum germanorum non pauci curationem saepe sic instituunt, ut non tam fibulas sive acus, quam filamenta potius robusta, communis alicujus acus beneficio per vulneris oras trajiciant; iisdemque prorsus locis atque intervallis observatis, quibus Medici reliqui fibulas immittunt. Filamenta utrinque dependentia singula gnaviter contrahunt, nodisque ea ratione constringunt, quam in futura nodosa superius praescripsimus. (P. I. L. I. cap. VI. No. 3.) Ordinem in stringendis nodis eundem, ac Medici reliqui in trajiciendis atque vinciendo acubus, modo dicti circumforanei observant: quemadmodum nec in deligatione ac glutinatione quicquam immutant. Tandem tertio vel quarto die pro diversa mali differentia vinculum medium, quinto supremum, sexto denique vel septimo infimum; vel singula etiam eodem die quarto vel quinto, prout rima major vel minor fuit, rescindunt. Quae ipsa quidem curandi ratio quanquam parum prudens atque cauta videatur, ineptissimisque haud raro atque valde obtusis instrumentis peragatur; tamen non celeberrimo tantum WEDELIO, (a) sed mihi met quoque identidem observatum est, mirum quantum feliciter ipsam processisse, si scilicet hiatus fuerit exiguus. In majori vero labri defectu hic curandi modus non succedit.

IX.

*Variae ad-
huc cautelae
& observa-
tiones.*

Supereſt, ut observationes & cautelas adhuc nonnullas de hac noxa hic subjungam. 1. Quando cutis in supremo angulo per duplicem illam sectionem non rite, ut facile fit, tollitur, pars rimae superior etiam non coalescit, licet inferior conſerveat; sed foramen sive hiatus manet. Igitur ad hoc evitandum non male agitur, si mox initio sectionis scalpello vel forſice angulus ille inciditur; ita cutis orarum postea facilius tollitur, & totus hiatus postea accuratius glutinatur. 2. Quod si haec cautela neglecta est, & foramen in superiori parte manet, inferiori glutinata, non aliter forte aut melius curatur, quam si cicatrix duplici incisione, ut alias in hoc morbo fieri solet, tota excida-

(a) Vid. Ej. lib. de morbis infantum.

cidatur, & postea futuris, ut supra docuimus, per acus quam solertissime jungatur. Ita ego duas curavi virgines juniores, quae a circumforaneis relicto in labro foramine, male curatae erant. 3. Quotiescunque vero palatum simul fissum est, & labri hiatus in narem aliquam se extendat, ut in exemplo illo, quod Tab. XX. fig. 1. litt. A exhibetur, erat, cautela modo data supervacua est & locum non habet: quia angulus in suprema parte deficit: licet recens scriptor eam promiscue observandam & necessariam esse doceat: unde vero patet, eum hanc speciem, quae tamen non valde rara est, non vidisse aut saltem eam neglexisse. 4. Quando quis *duplici*, ut vocant, *labro leporino* laborat, quatuor orae sunt refecandae, atque acubus paulo longioribus primo ora sinistra labri affecti, ut alias in simplici malo, postea pars media, & denique dextra quam accuratissime perforanda, ac tandem filis probe jungenda. 5. Quidam docent, inter quos etiam ROONHUYSIUS & PALFINUS, ut altero vel tertio die *fila*, *acubus injecta*, paulo relaxanda sint, & varia inde commoda promittunt. Verum cum fila haec a sanguine & balsamo plerumque tam firmiter inter se & cum vulnere vel acubus cohaereant, ut supra jam indicavi, hocque sine metu laesionis cujusdam ac doloris, praesertim quia infantes & pueri, si quis hoc agere velit, vehementer vociferantur, neque magnum adeo commodum mihi inde expectandum videtur; hanc filorum relaxationem, nisi forte inflammatio vehementior id requirat, potius omittendam esse suadeo: nam ejectis fibulis sponte cadunt, atque peculiarem laborem non exigunt. 6. Est mihi *vittae genus* in usu, utrinque in angulis, qui genas spectant, duobus vel tribus uncinulis ad similitudinem eorum, qui Tab. IV. fig. 9. exhibentur, instructum, quod capiti aegri ita applico, ut anguli cum uncinulis utrinque accurate versus labra genis nitantur. Postea, postquam acubus filum circumdatum est, aliud illudque robustum filum uncinulo alterius lateris innectitur, super labrum futuris junctum ad uncinulum oppositi lateris ducitur; hinc rursus ad prius latus, & ab hoc rursus ad posterius per reliquos sensim uncinulos circumducitur, donec filum finiatur: quo egregie labrum recens, & forte melius, quam omnibus aliis fasciis & emplastris junctum sustentatur & firmatur, ne orae vulneris a se invicem recedere queant, licet infans etiam saepius aut vehementius ploret. 7. Sunt, qui suadent, (a) ut in oris labri refecandis *altera manu labrum trahatur & sustentetur*, altera vero ope forficis ora refecetur: & quidem sic, ut ora sinistra manu sinistra prehendatur & dextra refecetur; contra vero ora dextra manu dextra contineatur & sinistra ope forficis auferatur. Verum quia hac actione necessario labri pars inferior fortius quam par est, trahitur, quam caute etiam agatur; hinc

Qqqq 2

in

(a) Garengot loco citato.

in sectione plus in parte labri inferiori quam in superiori refecabitur, adeoque hiatus iusto major & inaequalis fit, quae aequalis esse debet. Imo ob brevitatem labri in infantibus illud saepe a digitis prehendentibus ita occultatur, ut nimis magna pars auferenda esset. Ut taceam molestam forcicis ex dextra in sinistram mutationem sectionemque per sinistram manum, quae commodius dextra perficitur, instituendum. Quare utilius & commodius esse puto digitis in sectione labrum non attingere; sed forcicem solam oris, & quidem prius sinistrae ac deinceps dextrae, submittere, eaque eas quam solertissime recidere. 8. PETITUS pro hac operatione acum excogitavit eis fere similem, quibus lardum in culinis per carnes assandas traducunt: (vid. Tab. XX. fig. 8.) cui deinceps in obtuso extremo, quod cavum & fissum est, A, postquam utrasque labri cruenti oras dimidia penetravit, fibulam (fig. 9.) utrinque capitulo instructam eamque argenteam immittit, illamque educto acu in vulnere relinquit, ac ceteroquin, ut alias fieri solet, fila fibulis his circumvolvunt orasque cruentas conjungit: id quod revera perquam commodum videtur. Sed si hac methodo uti vellem, fibulas argenteas potius eligerem nullo vel solum unico capitulo instructas; ut in fig. 10. aliquam exhibui: ita non solum ut forcipe discerpatur non indigebit, sed quoque facilius & securius, quando opus est, educi rursus poterit, quam si capitulo duplici instructa est: Nam capitulum ejusmodi in extractione renititur, adeoque in extractione major vis adhibenda, unde facile noxa quaedam labro inducitur, & partes junctae divelluntur. Praeterea acus haec nimis crassa & ampla mihi videtur: hinc eam potius adhibere mallet, quam pro auris perforatione Tab. XIX. fig. 8. commendavi. 9. Si *inflammatio* forte vehementior, *febris* ingens, *convulsio* aliave gravia mala superveniant, id quod tamen nunquam hic accidisse vidi, *Garengot* non sine ratione suadet, ut futurae solvantur. 10. Quodsi forte maxillae magna pars, aut in adultis *dentes ita deficient*, ut fibulae sustentari non possent, *lamina plumbea* labro subjicienda esset. Denique mirum est, HILDANUM inter sexcentas observationes chirurgicas, quas edidit, ne unicam quidem de labris leporinis dedisse.

C A P U T LXXVI.

De labrorum aut oris carcinomate.

I.

DUplex potissimum canceri labrorum indoles observatur; vel clausus enim adhuc est, vel apertus, ut alii canceri. Clausus dicitur, *Cancer oris quid sit.* quando tumor durus ac cum ardore dolens in labro percipitur. Apertus vero, quando vel tumor iste in ulcus degenerat, vel ulcus cancerosum & depascens foetidum in labris sine tumore praevio oritur: unde acris eademque pessimi odoris sanies profluit, quae non ipsum modo labrum, sed universam quoque haud raro faciem miserum plane in modum erodit. (*vid. exemplum Tab. XX. fig. 11. litt. aaa.*) & plerumque in labro inferiori sedet.

II.

Nasci autem miserabile vitium istud inde potissimum solet, si, prout *Causa mali quae sit.* in cancro fere omni contingit, sanguis peculiarem quandam contraxit acrimoniam, & in spongiosis illis atque glandulosis labrorum partibus haeret atque inspissatur. Hinc enim vel tumor aliquis, vel verruca, praesertim livida, cum doloribus provenit, sensimque in ulcus mali moris sive cancerum apertum transit; vel protinus etiam labrum finditur, & quidem saepe principio levi ad speciem fissura, quae vero sensim ampliatur, ut in modo nominata fig. 11. aliquo modo videre licet. Inprimis autem facile noxae istiusmodi incidunt, si vel a morfu quodam labri fortuito, vel ab ictu, vel punctura ejusdem, vel lapsu, vel denique ab acuto quodam dente labrum graviter afflictum est.

III.

Et medicamenta quidem in pessimis vitiis istis parum atque adeo *Prognosis.* plerumque nihil proficiunt. Si quid enim expectare salutis hic licet, illud omne fere a scalpello petendum ac sperandum videtur. Quod nisi opportune satis factum fuerit, maximum utique periculum est, ne ad proximas quoque partes sensim malum serpat, gravissimisque tandem colli ac faucium tumoribus, ut ipse observavi, misere hominem strangulet. (a) Ubi vero in tempore partes vitiatae exciduntur, major utique salutis spes superesse consuevit: praesertim si medicamenti simul convenientibus sanguis corruptus expurgatur atque emendatur; id quod tamen quam difficillime obtinetur: hinc fit, ut vitium pristinum frequentissime, imo fere semper redeat. Ceterum longe

Qqqq 3

prom-

(a) Idem recentissime notavit DRANIUS in obs. Chirurg. IX. X. & XI.

promptius atque felicius in juvenibus, quam in natu grandioribus malum illud perniciosissimum curatur: promptius item ac felicius, si ab externis, quam si ab internis causis, sanguine scilicet nimis acri & corrupto, idem est subortum.

IV.

Curatio can-
cri, qui a
rima nasci-
tur.

Ad curationem quod attinet, diversimode ipsam instituere, pro diversa vitii conditione convenit. Ubi enim 1) non nisi rima quaedam, tanquam ulcusculum dolens & ardens summam labri partem affligit, vitiumque causae externae, frigidiori verbi gratia aeri ortum debet, haud alienum est melle rosar. & balsamo peruviano, vel unguento saturnino seu diapompholygos, addito praesertim mercurii pauxillo, diligenter ipsam rimam inungere, atque deinde emplastrum saturninum aut lamellam plumbeam, argento vivo prius probe frictam, quam exactissime superimponere, vel etiam supra deligare; donec penitus sanatum vitium reperiatur. Etiam si nec interna sanguinem depurantia medicamenta cum sollicita victus ratione hic negligenda sunt. Liquorem ex putrefactis pomis expressum mercurioque dulci permixtum una cum medicamentorum internorum usu valentissimum adversus hanc noxam esse, feminae cujusdam junioris graviterque isto vitio laborantis exemplum me docuit. Sic in *Ephem. nat. curios. cent. VI. obs. 43.* memoratum legimus, ex vitriolo coeruleo, eodemque vel cum olivarum oleo, vel sine ipso adhibito, cancerum oris sanationem aliquando recepisse. Simulatque vero neque haecenus proposita, neque alia his similia medicamenta aliquid proficere, sed in deterius noxam continuo vergere senserimus, unicum sane idemque promptissimum auxilium est, forficis aut scalpelli acutioris adjumento, quicquid in labro corruptum atque induratum reperitur, duabus vel tribus sectionibus quam exactissime fieri potest, excindere, & potius aliquid de sano simul tollere, quam noxii aliquid relinquere, (a) inflictamque hoc modo plagam fibulis duabus vel tribus, ut in labro leporino, aut si rima exigua, sutura tantum nodosa contrahere. Hanc egomet curandi viam ingressus haud infeliciter sum, quando cancerum illum Tab. XX. fig. 11. propositum hac ratione curavi.

V.

Curatio can-
cri, qui a
tumore
nascitur.

2) Quod si autem cancer oris nondum in ulcus degeneravit, sed adhuc tumor aliquis durus & valde molestus eas labri partes, quae cuti proximae sunt, infestat; commodissima Medicis quibusdam visa medicina fuit, quae per medicamenta rodentia labris adhibetur; dummodo exeso tumore diligenter rursus plaga glutinetur. Quod medici-
nae

(a) Ut DRANIUS quoque docet loc. cit. pag. 76. 87.

nae genus tamen nonnunquam, praesertim si ab externis tantum causis vitium subortum, vel ubi alia tumoris cystici species est, haud prorsus ineptum fuit; tamen quia periculosa utplurimum in canceris rodentium applicatio esse consuevit, satius utique & salutaris visum & mihi & aliis praestantissimis Medicis fuit, scalpello vel forfice, quicquid forte corruptum sentiat, diligenter exscindere. Et duplici quidem ratione, pro diversa vitii indole, applicare ferramenta in his iplis casibus oportet. Ubi enim *mobilis adhuc tumor* is existit, scalpello aperiri cutis, quantum satis videtur, debet, resolutoque aut per scalpellum aut forficem a partibus proximis tumore, vulnus dein debita ratione rursus glutinari. Ubi vero *fixus plane atque immobilis tumor cancrifus cutique firmiter innexus* advertitur, rescindi omnino ista labri pars omnis debet, quae vitium illud continet; vulnere postmodum, qua par est, diligentia futuris supra dicta ratione adstricto atque glutinato. Sed quamcunque tandem curandi viam aliquis fuerit ingressus, sane nisi perdere operam omnem voluerimus, non sollicita solum vitae victusque ratio servari semper ab aegrotis debet, sed illud etiam imprimis provideri, ut & sanguinis detractionibus, & medicamentis internis idoneis sanguinis & copia & acrimonia subinde minuatur, mitigetur atque attemperetur, ne, prout fieri quam saepissime solet, denuo malum pristinum redeat: quemadmodum saepius vidi. Conf. SCULTETUS obs. 33. & DRANIUS locis antea indicatis; itemque GARANGEOT. cap. de cancro labrorum Tom. III. cap. II.

De dentium noxis, quae manu curantur.

C A P U T LXXVII.

Qua ratione dentes sive maxillae clausae ac rigidae aperiri debeant.

I.

Q Uod in nonnullis hominibus ita graviter nonnunquam os rigescit, Os rigidum a quibusnam causis oritur. ut neque dentes ab invicem diduci, neque cibus assumi, neque sermo satis explicari possit, hoc spasmis utplurimum, in inferioris maxillae musculis excitatis, acceptum referendum esse videtur: atque hinc *rigor* sive *spasmus maxillae* vocatur. Ipsi autem spasmi illi non ab una semper eademque causa proveniunt. Nunc enim a nervis atque tendinibus, in uno alterove corporis membro vulneratis, vel brachio etiam aut pede amputato, ut saepius in castris vidi, excitantur:

tur: nunc autem propter ipsius maxillae sive faucium etiam musculorum inflammationem incidunt.

II.

Curatio.

Si ab inflicto vulnere quodam noxa illa suboritur, considerandum ante omnia est, num forte res quaedam aliena intus in vulnere delitescat, quae spasmos illos moveat. Ilac enim reperta ac decenter extracta, quam celerrime ut plurimum spasmi conquiescunt; nervinis antea medicamentis nihil omnino, vel parum proficientibus. Quodsi autem nihil omnino alieni delitescere intus in vulnere animadvertitur, conjiciendum non sine ratione videtur, a nervis aut tendinibus laesis calamitatem illam proficisci: quemadmodum luculentius ex iis patet, quae de nervorum atque tendinum percussione supra disputavimus. (P. I. Cap. II. No. 2 & 3.) Itaque primum ac praecipuum auxilium positum est in eo, ut protinus ea auxilia, quae citato loco hanc in rem commendavimus, decenter adhibeantur. Ubi nihil omnia medicamenta proficiunt, necessarium utique est, nervum istum laesum, nisi forte cum praesentissimo mortis periculo idem fiat, penitus rescindere. Sic enim opinione citius & spasmi hi, & motae ab his convulsiones evanescent. Nonnunquam laesus iste nervus usque adeo penitus latet, ut pervestigari nulla ratione valeat, aut ob vitae periculum rescindi haud queat; adeoque nec a convulsionibus aeger homo liberari. Hic miserum, sed unicum tamen auxilium superest, brachium aut pedem, in quo laesus iste nervus latet, si modo vires aegro sunt, quam citissime abscindere. Facilius plerumque curari homines solent, ubi *post amputatum pedem vel brachium* spasmi isti proveniunt. Namque tum sua sponte quasi haud raro malum quiescit; simulatque nimirum aut filamenta resectis arteriis injecta, aut vitrioli frustula pro cohibenda sanguinis profusione imposita recedunt. Interim haud prorsus insolens atque novum est, nec quicquam remedia omnia hoc in malo valere; ideoque hominibus, calamitate ista pressis, ut saepius vidi, miserandum plane in modum esse pereundum. Sicubi *musculorum*, quibus *maxilla sustinetur*, aut *tonsillarum inflammatio* impedit, quo minus diduci ab invicem dentes queant, longe optimum erit, inflammationem istam debita inflammationibus ratione curare: siquidem ipsa curata, maxillarum quoque vel oris rigor paulatim simul cessabit. Sed ne qua tamen interea fames hominem aegrum conficiat, dum cibus assumi difficulter potest, necessarium utique videtur juscula, cereviam calidam cum vitellis ovorum solutis, emulsiones amygdalarum item ac gelatinas e cornu cervi, atque id genus alias res succulentas, & bene nutriendas, quae vel ipsis etiam dentibus clausis sorbillari commode possunt, diligenter ipsi porrigere; quin &, pro re nata, clystres etiam nutriendos ex similibus rebus paratos identidem injicere.

III.

III.

Sunt equidem a Medicorum nonnullis propria instrumenta quaedam *dentes diducentia*, sive cochleae oris aut maxillares vari generis atque habitus excogitatae, (vid. Tab. XX. fig. 12.) quas *specula oris* vulgo vocant, vel etiam *specilla oricularia*; quarum beneficio diduci os, pro cibis & medicamentis ingerendis, queat. Sed vero, ut ne quid ego dissimulem, tantum abest, ut instrumentorum ejusmodi usus, certis in casibus tanquam salutaris commendari possit, ut potius quasi perniciosus evitari a prudentibus Medicis debeat. Neque enim fieri aliter vix potest, quam ut, propter violentam oris diductionem, musculorum inflammatio cum spasmiis atque doloribus subinde augeatur: quum longe mitius tractari homo aeger possit, si sorbitiones valentiores isto modo ingerantur, quem nos jam jam (No. 2.) praescripsimus. Ut proinde velut prorsus hic ineptae atque crudeles rejici maxillares cochleae haud immerito possint. Atque idem fere censendum etiam de isto DIONISII, celebris quondam apud Gallos chirurgi, consilio videtur, quo is ejusmodi in casibus *dentem aliquem protinus concutiendum vel effringendum* suadet, simulatque per cochleam maxillarem non satis diduci os, ad juscula & medicamenta ingerenda, valeat. (a) Ceterum si vel ad oris vitium aliquod explorandum, vel ad operationem aliquam in palato, tonsillis atque dentibus instituendam paulo latius aperiri os oportet, tantum abest, ut cochleam maxillarem abjiciendam statuum, ut potius vel hanc, vel oris specillum (Tab. XX. fig. 13.) aut aliud simile vel aequivalens subinde, ubi opus, commendandum censeam.

De cochleis
maxillaribus
quid ba-
bendum sit.

C A P U T LXXVIII.

De dentibus impuris vel nigris expurgandis.

I.

Q Uum propter luridas, flavas atque nigricantes crustas illas, quibus obduci dentes consueverunt, non insigniter solum hominis os deformatur, sed pessimus quoque odor inde excitatur, quin etiam dentes ipsi vacillantes redduntur; operae utique pretium facere videntur illi, qui, quam citissime atque exactissime fieri illud potest, dentes ejusmodi scabros atque impuros mundari expurgarique curant. Confecta hunc in usum propria eademque varia instrumenta sunt, *scalpra dentalia* haud inepte dices, (vid. Tab. XX. fig. 14. 15. 16. 17.)

Quomodo
expurgare
dentes sca-
bros oportet.

Tom. II.

Rrrr

quo-

(a) Vid. Ejus chirurgia, demonstrat. VII.

quorum pro diverso usu ac necessitate alia in apice A angustiora, alia latiora, acutiora alia, alia etiam falciformia, ut fig. 17. existunt, singula autem uni eidemque manubrio (fig. 14. litt. B.) si lubet, jungi vel immitti, aut etiam peculiaribus manubriis, ut fig. 16. & 17. ex FAUCHARDO depromptae (a) possunt. His ipsis prope gingivas applicatis, alteraque manu dentibus firmatis, dentium crustae illae resolvuntur ac sensim abraduntur; sed provide tamen, ne ipsa simul gingiva discerpatur, vel laceretur, aut dens quidam temere evellatur. (b) Tum longe optimum videtur, dentes atque gingivam *tinctura laccae Mynsichti*, aut rosarum melle, cui aliquot spiritus salis aut vitrioli guttae admixtae sunt, per aliquot dies probe fricare. Sic enim non dentes solum mirifice albi, sed gingivae quoque firmiores redduntur. Vidi haud pridem in Saxonia Odontiatrum, qui, licet variis illis instrumentis instructus erat, tamen me praesente variis personis omnes dentium crustas unico illo, quod fig. 17. delineatur, promptissime resolvit.

II.

Quomodo
praecaveri
dentium
crustae
possint.

Ne qua autem nova denuo vel crusta vel nigredo dentes infestare facile possit, necessarium utique est, bonum aliquod *dentifricium* in promptu semper habere; quo ipso post sextum quemque vel septimum diem fricare atque expurgare dentes, eosque splendidos facere & confirmare queat. Nimis enim crebra fricatio, vel quae per nimis acria aut cruda, aut vehementia medicamenta instituitur, aequae ferme graviter, quam ipsa negligentia dentes affligit. Sic enim asperior iste pulvisculus, qui e pumice, lateribus, coralliis tabacique cineribus & similibus praeparatur, insigniter dentes atterit atque absomit: spiritus autem acidi, qualis praeter reliquos vitrioli ac salis spiritus est, sensim sensimque dentes exedunt atque consumunt. Tutissima atque aptissima dentifricia sunt, quae ex rebus paulo lenioribus, lapidibus puta cancerorum, matr. perlar. vel conchis praeparatis, cornu item cervi atque creta cum radice iridis Florentinae ac myrrha similibusque permixtis conficiuntur. Quoties minus firma gingiva est, admisceri haud incommode spiritus salis aut vitrioli guttulae quaedam poterunt. Compositio haec esse potest:

℞. Cretae praeparatae.

Myrrh. rubr.

Rad. irid. flor.

C. C. praeparat. á ʒj vel ij.

Spirit. salis gt. iij ad vj. M. F. pulvis tenuissimus.

Vel etiam talis:

℞.

(a) Vid. ejus *Chirurgien Dentiste*.

(b) Cautelae hac in actione observandae eodem in libro legi cum fructu poterunt.

- ℞. Conchar. praeparatar.
matr. perlar. praeparat. à ʒij.
fangu. dracon. ʒj.
terr. japonic. ʒj. M. F.
pulvis subtiliff.

Quibus equidem pulveribus ut suavis odor concilietur, haud alienum est, olei ex cinamomo, caryophyllis aut ligno Rhodio facti guttulas quasdam instillare. Ad dentes valde nigros nobilissimum etiam medicamentum est, cinis tabaci, si raro usurpatur, vel etiam quod hac ratione paratur:

- ℞. Aqu. plantag. ʒj.
mell. rosat. ʒij.
spirit. salis gt. X. M.

In his stropholi aut lintei subtilioris pars exigua tingatur, dentibusque leniter quotidie fricandis, dum nitidiores iidem evaserint, adhibeatur; sed ita tamen, ut sexta quaque vel septima luce aptum aliquod dentifricium postea per aliquod tempus applicetur, vel interponatur. Quam equidem ob rem pessimus iste quamplurimorum empiricorum mos videtur, quoad dentium nigredinem abstergendam salis vel vitrioli spiritum quam frequentissime & larga quidem copia adhibent. Si quid enim aliud, spiritus profecto hi acidissimi insigniter dentes & arrodunt & destruunt. Si quis autem nihilominus eodem vel ceteris id genus spiritibus acrioribus uti hanc in rem voluerit, huic ego auctor sim, ut, quoties ejusmodi quicquam dentibus admovit, aqua pura os statim probe semper eluat; ne quid forte acrimoniae in dentibus remaneat. Ceterum, si quid ego video, *praestantissimum dentes integros servandi praesidium* situm in eo est, ut non mane solum, sed interdum quoque ac vespere post assumptum cibum aqua pura singulis diebus ipsi & eluantur, & digitis admotis expurgentur; optimo dentifricio quodam vel solo etiam sale vulgari, quod longo usu praestantissimum deprehendi, quavis hebdomade semel simul adhibito. Sic enim non a tenacibus solum humoribus, qui ex cibis remanent crustamque dentibus inducunt, immunes conservari dentes possunt; sed & vel maxime a cruciatibus, doloribus & corruptione praeservari & vindicari.

C A P U T LXXIX.

De dentibus exesis.

SI qui forte corrofi sive exesi dentes sunt, id quod *cariem dentium* vulgo vocare solent, tum abesse vix potest, quin subinde ex cibis particulae quaedam foraminibus istis sese insinuent: quae, dum paulatim putridae atque acres fiunt, ipsos simul dentes, eorumque membranulas & nervos magis magisque erodunt, itaque graviter hominem & affligunt, & deformant. His ipsis calamitatibus ne prorsus defuisse Chirurghi viderentur, quaesita dudum remedia sunt, quibus propulsari vel imminui saltem eadem possint. Primum itaque in hoc medicinae genere est, ut vel per adhibitam aciculam vel dentiscalpium, vel quodcunque aliud instrumentum aptum, ut *Tab. XX. fig. 19. 20. vel 21.* quam solertissime ab intus haerescantibus sordibus foramina expurgentur, ceraque candida vel mastiche postmodum expleantur. Quae simulatque forte elabatur, nova protinus injicienda cera est. Sic enim & a sordibus & ab ulteriori corruptione quam diutissime saepe immunes conservari dentes poterunt. Quando caries nondum nimis profunda est, saepe eam lima tollere confert. Quoties autem intus in molaribus dentibus vitium istiusmodi inest, cum primis in medio, longe optimum videtur vel concisis longis auri plumbive foliis, ope ferramentorum *Tab. XX. fig. 20. & 21. (a)* vel plumbi etiam frustulo solido ipsique sinui accommodato, quam exactissime fieri potest, dentes exesos adimplere. Sicubi paulo altius dentium molarium foramina sive caries penetrant, neque proin commodè purgari superius praescripta ratione dentes valent, iique vehementes dolores concitant, haud prorsus aliena medicina videtur, quae per instillatum caryophyllorum, cinamomi vel ligni guaiaci oleum aut vitrioli spiritum adhibetur. Sic enim non sordes tantum intus latentes destrui & consumi, sed cruciatus quoque protinus quandoque leniri consueverunt. Quae si forte non satis vehementia reperiuntur, ferramentum aliquod candens atque huic scopo accommodatum (*Tab. III. fig. 14. & 16. vel Tab. XX. fig. 20. vel 21*) demittere in exesum dentem oportet. Id ipsam enim quemadmodum & sordes & dolores quam celerrime tollit, sic nullis magnopere cruciatibus hominem afficit; dummodo provide satis atque sine proximarum partium damno adhibeatur. Dentes hunc in modum adusti ne pristinis denuo cruciatibus affligantur, supra positis rebus diligenter ipsos adimplere convenit. Quodsi autem
nihil

(a) Uberius hoc de artificio videri potest *Fauchardus l. cit.*

nihil omnino istaec omnia profecerint, vel dens etiam cera, auro vel plumbo impleri nequeat, unicum restat auxilium, dentem scilicet, qui neque expleri commode, neque servari sine molestiis potest, si nihil hoc impedit, extrahere sive refigere: quemadmodum mox edocebinus.

C A P U T LXXX.

Quomodo manus beneficio lenire dentium dolores oporteat.

INterdum ita graves atque pertinaces dentium dolores sunt, ut nullis omnino medicamentis deliniri queant. Itaque ab ipsa manu petere sanitatis praesidia convenit: vel enim (1) sedantur *scarificatis gingivis*: quod PLINIUS jam olim notavit, (a) & frequens usus confirmavit; 2) vel ferramentum aliquod candens atque huic scopo accommodatum in exesos dentes ea ratione demittendum, quam *superiori capite* praescripsimus; vel 3) locus post aurem positus, *antitragum* Anatomici nuncupant, ferro adurendus, scalpellove incidendus; (vid. *supra* cap. LXVIII.) vel ut SCHELHAMMERUS vult, digitis vehementer comprimendus; (b) vel denique 4) dens iste corruptus atque dolens, eximendus.

C A P U T LXXXI.

Quomodo dentes linguam vel genas pungentes atque inaequales corrigi debeant.

Nonnunquam dentes sic increfcunt, ut vel ad interiores vel exteriores partes iusto magis, quam naturaliter decet, inclinent. Multo saepius dentium confractorum partes acutae inaequaliter prominent. Utrobique istud plerumque praesto esse incommodum consuevit, ut non sermo tantum & manducatio inde impediantur; sed vel lingua etiam, vel labra compungantur, lacerentur, tum inflammationibus quoque, tumoribus, ulceribus atque haud raro ipso carcinomate infestentur. Quibus equidem malis pessimis ut opportune

Rrrr 3

fuccur-

(a) Lib. 32. cap. 7.

(b) In dissert. de odontalgia tactu sananda.

succurratur, necessarium utique est, vel per adhibitam limam subtiliorem, qualis vel ista esse potest, quae indicatur *Tab. XX. fig. 22.* dentes ejusmodi perniciosos abraderé, vel & pro mali dispositione forcipis praeacutae beneficio decerpere, vel etiam, sicubi ista parum sunt, penitus dentem evellere.

C A P U T LXXXII.

De dentium evulsione.

Dentium evulsionem, CICERONE (a) teste, primus invenit AESCULAPIUS. Cujus equidem in templo plumbeam veteres forcipem suspendisse perhibentur, id, nisi me omnia fallunt, significantem, alienum utique ac periculosum esse, alios dentes evellere, nisi qui forcipe plumbea, id est, facillimo negotio, quippe jam tum mobiles ac labantes, eximi queant. Namque minus bene atque adeo pessime saluti suae consulunt, qui absque magna necessitate ad firmos adhuc atque integros dentes evellendos paulo imprudentius festinant. Ut enim nihil jam de eo dicam, quod saepius non sine gravi dolore, sed & quandoque cum vitae periculo, (b) ex ossibus, quibus iidem quam firmissime quasi clavus in ligno inhaerent, dentes evellantur; sane ipsis evulsis, non masticatio solum, sed sermo etiam haud parum, si anteriores sunt, difficilis minusque perspicuus redditur. Atque id ipsum magis etiam in hominibus adultis; utpote in quibus nulla omnino spes superest, fore, ut novi dentes renascantur. Interim quamplurimi obvenire possunt casus, ubi necessario eximi dentes oportet. Sic enim 1) in infantibus satius plerumque est, dentes illos caducos sive lacteos vulgo dictos, prudenter eximere, quam, donec sua sponte iidem excidant, exspectare. Simulatque igitur dentes ejusmodi mobiles fiunt, identidem ipsos atque tamdiu digitis adhibitis movere convenit, dum vel per admotum digitum, vel annexum filum, vel, quod commodum inprimis videtur, per forcipem aliquam idoneam, praesertim illam, quam *corvi rostrum* Chirurghi vocant, aliamve similem eximi promptissime iidem valeant. Ubi enim justo diutius dentes isti caduci in ore relinquuntur, periculum est, ne juxta ipsos nati dentes novi & molestiam & deformitatem afferant. Tum 2) accidere quoque interdum solet, ut *infantibus dentes quidam e palato prominentes aliove incongruo loco nascantur:* qui

(a) De natur. deor. Lib. III. cap. 22.

(b) Cujusmodi quidem exemplum relatum legimus a BOHNIO in lib. de vulnerum renunciatione, aliaque ab aliis observata sunt.

qui si forte infantes in uberibus sugendis vel postea in loquendo impediunt, aut aliud grave damnum inde metuendum, prudenter utique eximendi sunt. Deinde 3) *dentium* praesertim *exesorum dolores* usque adeo *graves* nonnunquam sunt atque intensi, ut nullis omnino aliis remediis deliniri possint, sed a manu potius auxilium postulent. Similiter 4) ubi *dens* aliquis *minus justam figuram vel magnitudinem* habuerit, quibus vel lingua atque labra graviter laeduntur, vel insignis deformitas homini conciliatur; vel labrorum denique curtorum glutinatio impeditur, longe optimum est, protinus ipsum evellere. Atque idem prorsus iudicium de istis etiam dentibus esto, qui 5) *dentis* aliquam *fistulam* concitarunt. Neque enim ut plurimum istiusmodi fistulae, nisi post evulsum dentem noxium, sanescunt. Ipsa autem dentes istiusmodi perniciosos eximendi ratio commodissima fere haec est. Nempe si ex inferiori maxilla eximi dens aliquis debet, in sella quadam humili, vel & in humo etiam aegrotus confideat; sin vero e maxilla superiori, in sella paulo altiori vel lectulo. Tum Chirurgus instrumentum aliquod aptum quam solertissime applicet, idemque recta tantisper & quam providissime quidem ducat, quasi clavum e ligno evellere velit, donec dens ille noxius ex alveolo suo prodeat. Ac in inferioribus quidem dentibus eximendis sursum, in superioribus deorsum versus ducere instrumentum convenit. Quanquam plane singularibus hic opus artificiiis est, (a) nisi aut frustra comprehendere, aut frangere etiam dentes voluerimus. Ad instrumenta autem, evellendis dentibus accommodata, quod attinet, horum usque adeo insignis & copia & varietas est, ut nemo fere chirurgus sit, quin peculiaria instrumentorum genera in promptu habeat. Quam maxime familiaria in his ea sunt, quae *pelicanus*, *odontagra*, vel *forceps*, *rostrum corvi* dicta, appellari a Chirurgis consueverunt, aliave similia a variis jam delineata. Minus communia, sed apta tamen sunt, quae *Tab. XX. fig. 23. 24. 25.* designavimus: quanquam ipsorum usus citius demonstrari ad oculum, quam verbis describi valeat. (b) Tum fractorum quoque dentium fragmentis & radicibus eximendis, si forcipes forte non sufficiunt, peculiaria in scholis Chirurgorum destinata reperiuntur instrumenta. Cujus equidem generis illud est, quod *pes caprae* vulgo nuncupatur; vel ipsis etiam Chirurgicae tironibus notum instrumentum, itemque illud, quod *fig. 26.* exhibetur. Eundem ferme usum praestare illud instrumentum solet, quod *fig. 23. litt. A.* delineatum exhibemus; & cujus altera pars per *litteram B.* indicata, ipsis dentibus extrahendis accommodata

(a) De his uberius consulatur *Fauchardus* in lib. qui inscribitur *Le Chirurgien Dentiste*.

(b) Praeter haec laudatus FAUCHARDUS plura adhuc, quae vehementer laudat, in lib. citato delineavit & descripsit.

ta est. Plura ejusmodi instrumenta a GARENGEOT. lib. *de Instr. Chirurg.* & praecipue a FAUCHARDO, expertissimo Odontiatro., in peculiari libro, quem supra jam citavimus, videri possunt. Ceterum illud breviter hic admonendum restat, dentes, tametsi vel maxime refigi debeant, neutiquam tamen refigi vel eximi tum debere, quando tumor vel inflammatio praesertim gravior gingivas aliasque partes propinquas infestat. Namque alias periculum est, ne dolor nimis vehemens aegro concitetur, & post ipsam operationem confectam inflammationes aliaeque gravissima aegrotum mala invadant.

C A P U T LXXXIII.

De dentium artificialium insitione.

Mirificam ex anterioribus dentibus amissis & deformitatem & sermonis explicandi difficultatem nasci, & supra jam indicavimus & quotidianus rerum usus loquitur. Quibus equidem incommodis nequa forte medicina omnis deesset, novam dentes ex ebore vel hippopotami dentibus vel etiam ex ossibus bubulis efficiendi exactissimeque inter reliquos firmandi artem Chirurgi excogitarunt. Sicubi uno plures iidemque contigui dentes perierunt, tum plures etiam ex uno eodemque ossis frusto factos firmiterque proinde sibi mutuo cohaerentes, immittere in locum vacuum dentes convenit: atque ita quidem, ut vel propter ipsam figuram suam, vel & per filum quoddam sericum sive aureum firmiter cum proximis firmis sive vicinis dentibus, adeoque & cum reliqua dentium naturalium serie cohaerescant. Ne qua autem facile corrumpi dentes istiusmodi artificiales possint; haud alienum est, ante somnum semper ipsos eximere, diligenterque expurgatos post confectum somnum mundatumque os rursus immittere. Si qua autem forte radix aut festuca superest, propter quam dentes artificiales immitti minus commode possunt, necessarium utique est, vel per adhibitam limam quicquid impedimento est, abradere, vel per admotum ferramentum ex modo *cap. 82.* laudatis penitus illud eximere. De his uberius rursus legi meretur FAUCHARDUS libro saepius jam laudato.

Explicatio Tabulae vigesimae.

Fig. 1. Ostendit caput infantis, labro leporino litt. A laborantis, duos circiter annos nati, cujus totum simul palatum fissum erat, atque in latere sinistro dentes duos incisores conspiciendos exhibet.

Fig.

Fig. 2. denotat acum seu potius *aciculam* capitulo instructam, & cuspide triangulari donatam, ad labra leporina jungenda idoneam.

Fig. 3. similis *acicula* est, sed cuspide plana, ex orichalco seu argento confecta.

Fig. 4. alia ejusmodi acus sive *fibula* cuspide plana, & sine capitulo.

Fig. 5. demonstrat duas ejusmodi *aciculas* per labrum leporinum trajectas, quibus filum orbiculatim circumjectum est.

Fig. 6. & 7. duo *tenacula* demonstrat, quibus nonnulli in operatione labri leporini utuntur, pro oris ejus accuratius & sine magna sanguinis profusione refecandis. Parte A. B.prehenduntur orae labri: quae deinde, dum annuli CC versus BB moventur, apte firman-
t

Fig. 8. est acus in forma acus lardariae, a PETITO, Chirurgo Parisiensi, excogitata, pro labris leporinis apte perforandis, & fibulis sive *aciculis* commode immittendis, ubi litt. A fissuram ejus denotat, in quam, postquam acus dimidia trajecta est, *fibula* quaedam immittitur, & ope hujus acus in labrum inducitur.

Fig. 9. *fibulam* denotat argenteam ex argento flexili paratam, utrinque capitatam, quam PETITUS hic adhibet.

Fig. 10. aliam ejusmodi *fibulam* demonstrat, in altero tantum extremo capitulo instructam, quam ego ob rationes supra dictas praefere-
rendam esse existimo.

Fig. 11. exhibetur *facies hominis*, *carcinomate labri inferioris* laborantis: ubi litt. aaa labrum erosum sive cancrum apertum & exulceratum designat, dentibus cum gingivis apparentibus; litt. bbb autem tumorem carcinomatofum interiorem faciem anguli sinistri oris occupantem.

Fig. 12. ferramentum exhibet, quod *speculum oris* vulgo appellant, cochlea instructum, pro dentibus diducendis, quando Chirurgo in ore aliquid perficiendum: nam litt. AA. partes indicant, quae dentibus incisoriis interponuntur, quae deinde cochlea B ulterius, si opus est, diduci possunt.

Fig. 13. aliam speciem *speculi oris* repraesentat, in modum fere forcipis exaratum, cujus pars A linguae imponitur pro ea supprimenda & firmanda; pars BB dentibus incisoriis superioris maxillae subjicitur: habenis vero sive extremis CC diductis os apertum & lingua simul depressa detinetur.

Fig. 14. 15. 16. 17. instrumenta exhibentur dentibus impuris & crusta sive tartaro obsessis purgandis inservientia, variarum figurarum in apicibus AAA, prout modo ex interiori, modo ex exteriori parte; modo a dentibus inferioribus, modo a superioribus aliquid separandum & expurgandum: ubi manubrium B fig. 14. ita comparatum est, ut & reliqua ferramenta modo indicata ope cochleae ccc. eadem immitti queant.

Fig. 18. & 19. sunt duo ferramenta, iisdem usibus destinata, sed paulo maiora, qualia FAUCHARDUS maxime idonea esse existimat, qui adhuc plura alia describit.

Fig. 20. & 21. indicant duo ferramenta, pro dentibus cavis, si opus, non solum expurgandis, sed etiam adurendis, aut quoque auro vel plumbo implendis.

Fig. 22. *Limam* pro dentibus vel pungentibus vel cariosis limandis idoneam sistit: & quidem litt. A limam, B manubrium.

Fig. 23. *Odontagra* sive ferramentum dentibus evellendis destinatum recentius quoddam genus. Pars A ad radices dentium eximendas loco pedis caprini dicti apte servire potest; pars autem B cum adjuumento unci C ad integros dentes extrahendos apta est. Nam non solum protrahi potest pro dentium eximendorum magnitudine per cochleam D; sed condi etiam, si reflectitur, commoditatis ergo in capsula sive operculo E uncus hic potest.

Fig. 24. Aliud genus *odontagrae* commodum, quod ope trochleae A maioribus & minoribus dentibus facile accommodari potest, si habena sive globus B circumagitur.

Fig. 25. Aliud instrumentum pro eodem usu, idemque tribus uncis, uno recto A & duobus incurvatis BC instructum: quorum rectus pro dentibus molaribus anterioribus; curvi vero pro posterioribus tam dextri quam sinistri lateris eximendis inserviunt, & unusquisque pro dentis eximendi situ per cochleam D in corpore machinae firmari potest. Ita & praecipua pars sive vectis hujus machinae F pro rei necessitate per manubrium E interventu cochleae G vel extendi vel contrahi potest ac debet.


Fig. 26. Uncum repraesentat pro dentibus nonnullis eorumve radicibus eximendis idoneum.


De gingivae noxis, quae manus beneficio curantur.

C A P U T LXXXIV.

Quomodo aperire gingivam in difficiliore dentione conveniat.

Difficiliorem equidem in infantibus dentionem non spasmos solum, convulsiones atque epilepsiam, sed ipsam quoque mortem haud raro concitare, communis experientia loquitur. Saepius enim usque adeo crassa & tenax eorum gingiva est, ut a dentibus subter





ipsam latentibus atque jam jam prodituris vix vel difficulter admodum perrumpi valeat. Quando vero dentes, naturae ministerio, sensim sensimque alius ex alveolis prodeunt, graviusque proinde supra positam gingivam distendunt atque urgent, fieri aliter vix potest, quam ut aestus sive calor p. n. dolores atque vigiliae cum continua ejulatione superiusque positis malis suboriantur. Simulatque igitur infantes ad dentitionem maturi nimio calore, clamoribus atque vigiliis, vel convulsionibus etiam atque epilepsia vexantur, dispiendum protinus est, num quis forsan in gingiva tumor dentem aliquem imminemtem significet. Si quid enim istiusmodi subest, a medicamentis convenientibus a Medico petendis primo, deinde, his nihil efficientibus, a manu, praesertim si malum desperatum esse videtur, petenda sanitatis atque vitae praesidia sunt. Nempe incidi provide per adhibitum scalpellum gingiva tumida, & transverse quidem ad usque ipsum dentem subtus urgentem debet. Sic enim sublata hoc modo gingivarum violenta distensione, superius enumeratae calamitates protinus plerumque evanescunt, praesertim si postea gingivae vulneratae sirupo violarum vel melle rosarum diligenter inunguntur. (a) SYDENHAMIVS, practicus Medicus celeberrimus Anglus, asseverat, (b) difficiliorem in infantibus dentitionem, siquidem ipsa nunquam non conjunctam inflammationem habeat, promptius haud curari, quam sanguinis in infantibus ejusmodi per venas detractio. In adultis autem, quibus vulgo sic dicti *dentes sapientiae* post annum vigesimum magnis saepe cum doloribus nascuntur, hos dolores, quos apte quoque vocare possumus dentitionem difficilem, quam felicissime per crebram gingivae tenacioris atque tumentis concisionem sive scarificationem, aut ipsam gingivae incisionem deliniri, VESALIUS memorat (c). Cui quidem eo magis habenda fides est, quum ipsemet viginti sex annos natus hanc curandi rationem in proprio corpore suscepit. E contrario cum haec neglecta esset in Ducis Niverensis filio Octomestri, mortem inde secutam esse notavit PARAEVS Lib. XXIII. Cap. 67.

(a) Curationis hujus exempla quaedam extant apud PARAEVM lib. XXIII. cap. 67. itemque DRAKIVM anatom. pag. 653.

(b) In opusculis suis practicis.

(c) De human. corp. fabric. Lib. I. c. XI.

C A P U T LXXXV.

De epulidibus seu gingivae tuberculis.

Gingivae tubercula sive carunculae Medicis *Epulides* vocantur. Duplex autem praecipue ipsarum genus est: nonnullae enim sine doloribus sunt; aliae graviter hominem affligunt, siquidem malignae sunt paulatimque in cancrum transeunt. Tum ex magnitudine ipsoque habitu epulidum discrimen aliquod nascitur. Quaedam enim nucem aliquam grandem, aliae minutam adaequant: quaedam duriores, aliae molliores sunt: quaedam denique tenuem, aliae crassiores atque ampliores radicem habent. Neque vero malas tantum distendunt ac deformant epulides, si magnae sunt, sed masticationem quoque & sermonem insigniter impediunt, promptissimamque proin curationem exigunt. Nulla autem promptior curandi ratio locum hic invenit, quam qua carunculae istae, perinde ut alias in ejusmodi tuberculis fieri solet, penitus extirpantur. Itaque ubi tenuiorem radicem epulides habuerint, *filum* quoddam diligenter injiciendum, radixque probe liganda sive constringenda est. (a) Ubi vero pars ima paulo amplior fuerit, *medicamentum* aliquod *rodens* idemque *lene* applicare convenit. Faciunt huc inprimis oleum tartari per deliquium, vel & solutio salis ammoniaci. A vehementioribus atque venenatis autem prorsus hic abstinendum est: siquidem ipsa gravem plerumque in ore inflammationem & exulcerationem, quin etiam, ubi forte deglutiuntur, mortem inducere possunt. Quare, si blandiora non sufficiunt, tutius a *ferro* sanitatis praesidia hic petuntur, dum carunculae istae volsella vel uncinulo comprehensae scalpello vel forfice rescinduntur; sed ita tamen, ne gingiva simul tota excisa caries in ossibus maxillae denudatis concitetur. Sanguinis fluxus aliquamdiu permittatur. Si vero diutius, quam par est, perduret, quo facilius cohibeatur atque sanguis ex ore expurgetur, longe optimum erit vinum calidum, praesertim rubrum, idque adstringens, vel oxycratum cum paucis alumine mixtum, quam frequentissime homini aegro pro ore colluendo porrigere; donec is cruorem omnem exspuerit. Si sanguis conquievit, oleo myrrhae per deliq. vel essentia myrrhae cum rosarum melle permixta, pars afflicta debet inungi, atque id ipsum quotidie tamdiu fieri, donec vulnus confanuerit. Si quid forte ex tuberculo remansit, vel redire minatur, mature illud exedere per antea laudata vel etiam per ad-

(a) Exemplum hujus curationis obvium est apud SCULTETUM observat. 94.

motum vitriolum coeruleum simileve aliud medicamentum rodens oportet; vel etiam forfice vel scalpello iterum refecare. Ferrum candens in ejusmodi casibus a nonnullis hic commendatur, & felices eo peractae curationes ab iis referuntur; (a) tamen non minus solum commode hic in ore applicari potest, sed insignes quoque dolores concitat. Interea tamen si aliter reprimi non posset, illud tandem quoque adhibendum esset. Singulare curationis vitii hujus exemplum una cum scalpello ad hunc usum accommodato MEEKRENIUS proposuit *observat. XXVIII.* SCULTETUS autem carunculam istiusmodi gingivae dentium anteriorum juxta palatum adhaerescentem per adhibitam volsellam ad polypos adaptatam feliciter extirpavit. *vid. Ej. observ. 35.* Ego etiam in palato post dentes incisores talem superioribus annis in monacho vidi: quae vero ob spinam ventosam in ossibus palati conjunctam, & quia aeger ignem admittere noluerat, tolli constanter non potuit, sed aeger tandem viribus exhaustus moriebatur.

C A P U T LXXXVI.

De Parulidibus seu gingivae abscessibus.

Nonnunquam ex vehementioribus dentium doloribus tumores graviter dolentes cum inflammatione ipsarumque malarum tumore, modo minore modo majore, in gingivis proveniunt. *Parulidas* Graeci appellant. His primum eadem prorsus ratione, quam supra in tumoribus inflammatoriis reliquis proposuimus, succurritur: medicamentis scilicet digerentibus; vel, sicubi haec non proficiunt, aut malum neglectum, in abscessum aut fistulam quandoque degenerant. Igitur si recens adhuc tumor est, longe optimum videtur, ad dolores, ob quos aegri dormire nequeunt, leniendos tumoremque digerendum, chamaemelum, salviam, flores sambuci, aliasque id genus herbas digerentes in aqua vel lacte coquere, calidumque liquorem ore diu continendum quam saepissime aegrotanti porrigere. Extrinsecus adhiberi facculus aliquis ex similibus herbis, vel emplastrum de meliloto, vel diachylum simplex cum camph. vel, si haec non sunt, strophium saltem calidum, pro arcendo frigore & faciliori resolutione obtinenda, poterit: non neglectis internis diaphoreticis ac resolventibus. Quodsi vero resolutio obtineri nequeat, emollientibus opus est, althaea scilicet, malva, verbasco,

Ssss 3

ficu-

(a) Vid. Ruyschii *Observat.*

ficubus aliisque similibus cum lacte decoctis, creberrimeque ore retentis. Externe ad accelerandam maturitatem utilissimum erit, simul ficum dimidiam atque super prunis tostam intus ad tumorem applicare; extrinsecus autem cataplasma quoddam emolliens super malam imponere. Simulatque mollities suppurationem significat, statim tuberculum, vel subcrudum etiam, incidendum, ne, si ibi diutius pus permanferit, ipsum simul os afficiatur atque exedatur, unde pessimae saepe fistulae oriuntur. Ulcere per scalpellum aperto, diligenter exprimi per admotos digitos materia corrupta debet, subindeque vel vino calido, vel decocto ex agrimonia & hyperico cum admixto rosarum melle colluendo purgari. Atque id ipsum tantisper fieri convenit, dum penitus ejecta materia noxia deprehenditur. Tum enim sua quasi sponte vulneris orae coibunt. Sicubi paulo altius vitium penetrarit, necessarium utique est, decoctum illud per syringam injicere, diligentissimeque rursus expresso liquore, splenium aliquod fasciae beneficio super ipsum ulceris fundum deligare, ut nimirum is primo sanescat. Quodsi autem in fistulam (cui ossis caries saepe conjuncta est) ulcus degenerat, tum post injectiones supra positas singulas olei myrrhae per deliq. vel & elixir proprietatis portiuncula instillanda sive immittenda, pro vulnere cum expurgando, tum glutinando. Hac enim curandi ratione adhibita, egomet non solum varias simplices, verum etiam fistulam ejusmodi cum ossis carie conjunctam, eandemque jam tum inveteratam, siquidem ultra annum ipsa infederat, ad sanitatem perduxit. Sed si nihil omnia medicamenta proficiunt, scalpello incidere fistulam oportet, ipsamque ante omnia cariem vel medicamentis, vel radula, vel denique ferro candenti ea ratione extirpare, quam supra descripsimus, (P. I. Lib. V. cap. VIII.) Interdum dens aliquis exesus fistulam in gingiva facit, quas *dentium fistulas* sive maxillares appellare solent: qui proinde eximi prius debet, quam fistulae medicina conveniens adhiberi possit. Singulares de parulidibus observationes *Miscellanea Berolirensia* Part. I. pag. 143. continent: utpote ex quibus patescit, medicamenta suppurantia parum atque adeo nihil profecisse; quinimo tumores, nisi protinus incisi fuerunt, ad fistulas transiisse, quae sanari ante haud potuerunt, quam exesus dens fuerit extractus. Praestat igitur, quemadmodum supra jam tum admonuimus, tuberculum istiusmodi, vel subcrudum etiam, protinus incidere, quam per frustra diutius tentatum resolutionis negotium cariei periculo ipsum os exponere. Ceterum de *Epulide & Parulide* SCHELHAMMERUS jam An. 1692. elegantem dissertationem edidit, quae evolvi potest.

De linguae vitiis, quae manus beneficio curantur.

C A P U T LXXXVII.

Quomodo deprimi lingua debeat.

Possunt equidem varia incidere palati sive oris vitia, tonsillarum nempe atque uvulae inflammationes sive exulcerationes, polypus item atque abscessus oris, ossicula denique vel piscium spinae intus forte in faucibus defixae, quae providam omnino atque aptam linguae depressionem postulant; siquidem accurate ipsa cognoscere atque curare volueris. Adhiberi ad hunc usum peculiare quoddam instrumenti genus solet, *glossospatha*, sive *specillum linguae* Medicis vocatum (*Vid. Tab. I. litt. P.*) Nobiliores autem iidemque delicatiores quia specillum istiusmodi, utpote quorumvis aliorum hominum ori applicatum, insigniter fastidiunt, elegantius longe est atque simul commodissimum, cochlear quoddam mundum ansaque planiori instructum applicare. Utrobique vero id prospiciendum inprimis est, ut quam lenissime instrumentum admoveatur, ne qua forte partium aegrarum inflammatio cum doloribus concitetur vel adaugeatur. Sic ubi *injectionibus simul opus est*, super spathae oris sive cochlearis ansam syringam in os immittere atque liquorem convenientem injicere oportet. Si quae autem oris ulcera, tonsillarum vitia, narium polypi atque id genus alia incommoda, sed absque inflammatione tamen & convulsionibus incidunt, quae, quo minus aperiri os valeat, impediunt, *speculum oris* quoddam prudenter adhibendum est. (*Tab. XX. fig. 12. vel 13.*)

C A P U T LXXXVIII.

Quomodo succidere frenulum linguae conveniat, quod nostrates solutionem linguae appellant.

I.

Solutionem linguae eam operationem Germani appellant, quando membrana sub lingua, quam *frenulum* Medici vocant, dividitur ^{Quando frenulum linguae incidendum.} sive inciditur. Fit ea plerumque in infantibus, & quidem duplicem ob

ob causam: nimirum primo in infantibus valde tenellis, quando scilicet linguae pars anterior in iis a primo natali die nimis arcte cum parte subjecta per membranulam illam ita juncta est, ut linguam satis movere aut ex ore exserere, adeoque & sugere rite nequeant. Deinde etiam fit in paulo adultioribus, quando nimirum ob hanc membranam nimis arctam aut brevem justo tempore articulate loqui non possunt: quare propter utramque causam haec curatio valde saepius necessaria est. Interea tamen sciendum, hanc linguae solutionem non in omnibus recens natis promiscue infantibus, ut pleraeque adhuc hodie obstetrices ac mulieres, imo & multi alii homines temere putant, requiri; sed potius statuendum, eam vix in millesimo quoque infante necessariam esse; imo, ut usus me & plures alios prudentiores Medicos docuit, hoc vitium longe rarius occurrere quam labra leporina. Quotiescunque enim infans linguam ex ore emittere potest, frenulum bene se habet, atque operatione hac non indiget: nam & sugere & loqui tandem, nisi aliud vitium subsit, discet. Contra si infans linguam vix movere, neque super dentes ex ore exserere posset, vel membrana haec alia ratione usum linguae impediret, tunc utique incisione apta opus est. Quia vero non temere instituenda, ne, ut quandoque factum est, mala perniciosissima, imo & quandoque ipsa mors ea inducantur, operae pretium erit, quomodo ea recte institui debeat, explicare.

II.

Curandi
ratio.

Scilicet extrema lingua vel per adhibitum linteolum, ne facile e digitis rursus elabatur, (vid. Tab. XXI. fig. 1.) comprehendere, vel & per propriam *furcinulam* (fig. 2. & 3. itemque Tab. I. litt. O. aut P.) manu sinistra paululum attolli debet. Dehinc ipsum linguae frenulum, venas raninas inter & ductus salivales inferiores, quantum quidem ad sugendi loquendique facultatem sufficit, forcipe apicibus obtusis Tab. I. litt. C. vel scalpello inciditur: sed provide tamen, ne aut ductus salivales, aut venae raninae, aut nervi linguae simul incidantur. His etenim laesis mala gravissima suboriuntur. Sic enim DIONISIUS in *Chirurgia* sua memorat, (a) infantulum quendam, propter nimiam sanguinis ex incisis venis raninis profusionem brevi post operationem exspirasse. Si qua autem forte fortuna vena incidatur, quod in nimis brevi & crasso frenulo facile contingere potest, spleniolum aliquod complicatum acetoque madidum tantisper sub lingua continendum est, donec sanguis conquieverit. Quodsi forte in prima incisione non satis succisa lingua deprehenditur, post aliquot dies vel pro re nata etiam septimanas reliquam frenuli partem, quam providissime fieri potest, forcipe vel scalpello adhuc refecare possumus. Denique post peractam

opera-

(a) Ubi de frenulo linguae agit.

operationem digitus melle rosarum vel sirupo violarum madidus sub lingua quam saepissime hinc inde commovendus, vulnusque eo inungendum est; ne solutum aut divisum linguae frenulum denuo convescat.

III.

Ceterum ex jam dictis non id solum apparet, rariora longe, quam *Scholion.* vulgo putatur, noxae hujus exempla esse, sed curationem quoque subinde periculosissimam. Quam quidem ob rem pessime falluntur obstetrices illae, quae, nullum prorsus infantem ab istoc vitio immunem nasci, cum imperitissimo vulgo statuunt: adeoque infantulis recens natis omnibus digitis in os immixtis, linguae frenulum istud unguium adjumento resolvere allaborant. Namque abesse vix potest, quin temeraria & rudior istiusmodi per ungues laceratio illius membranae inflammationes, convulsiones atque adeo mortem ipsam in tenerrimis infantulis saepe adducat. Itaque non obstetrices tantum & mulierculae ab imprudenti frenuli ista solutione seu potius laceratione serio dehortandae sunt, sed HILDANUS quoque inprimis hic consulendus: siquidem is *Cent. III. obs. 28.* non ipsius tantum noxae naturam atque curationem; sed varia quoque incommoda, quae concitari per imprudentem operationem possunt atque solent, accurate admodum proposuit. Quando autem solutio frenuli hujus requiritur, tutius longe & minori cum dolore ea forfice, ut dictum est, quam unguibus rudioribus perfici potest.

C A P U T LXXXIX.

De ranula sive tumore, itemque calculo sub lingua.

I.

Ranulam Medici vocant tumorem sive abscessum, qui sub extre- *Ranula*
ma lingua juxta venas raninas, modo in dextra, modo in si- *quid sit.*
nistra, modo denique in media parte subjecta nascitur. Intus contenta materia varia est: nunc enim lymphæ tenax & mucilaginosa carnem distendit, nunc alia quaedam materia crassior, purulenta atque duriuscula, imo quandoque lapidea hic deprehenditur, quae tumorem facit. Tumor ipse quandoque celeriter admodum increscit, atque non loquendi solum ac deglutiendi facultatem mirifice impedit, sed acutissimos quoque dolores interdum concitat. (a) Non-
Tom. II. *T t t t* *nun-*

(a) Exempla huc facientia extant apud MARCHETTUM *Observat. 31.* TULPIUM item *Observat. Lib. I. cap. 32.* nec non apud FABRICIUM AB AQUAPENDENTE *cap. De ranula linguae.*

nunquam etiam tubercula carnosae eademque dura hic enascuntur; quae quo majores dolores afferunt, hoc magis etiam periculosa sunt, paulatimque aliquando, ut semel iterumque vidi, in cancrum trans-eunt. Saepius autem infantes, quam adulti, a tumoribus sub lin-gua infestantur. Neque facile etiam resolvi, quicquid semel hic coit, potest: siquidem medicamenta resolventia commode applicari hic non valent. Eandem etiam propter causam ranula difficulter ad suppurationem perducitur. Ut proinde plerumque vix nisi a manu sanitatis praesidia petere conveniat.

II.

Curatio.

Et vero quia tumores isti plerumque tumoribus tunicatis haud ab-similes sunt, longe optimum foret, eosdem, ceu supra (cap. XXVIII.) praescriptum est, protinus una cum ipsis tunicis extirpare. Sed va-riarum tamen rationes sunt, quae istam curandi rationem, longe cete-roquin promptissimam, hic impediunt. Neque enim tunica solum te-nuissima esse solet, sed miserabilis quoque infantum ejulatio ita pe-riculosam atque ancipitem hanc operationem efficit, ut nihil omni-no facilius sit, quam nervos, vasa linguae sanguifera ductusque sali-vales graviter laedere, indeque & dolores vehementissimos, & spas-mos, vel inflammationes, vel sanguinis profusiones gravissimas con-citare. Itaque longe melius infantum saluti prospicitur, sicubi, lin-gua per alterutram manum sursum paululum adducta, tumor per im-missum scalpellum secundum longitudinem transversim, sed provide tamen, ne supra memoratae partes simul percutiantur, inciditur, at-que intus contenta materia noxia, sive ea viscida sit, sive spissa, sive etiam purulenta, quam diligentissime emittitur; vel, ubi crassior fue-rit, per admotos digitos exprimitur. Ne qua autem, prout fieri ple-rumque solet, tumor istiusmodi propter intus relictam tunicam, de-novo renascatur, quod facile alias fieri solet; tutissimum utique fue-rit, ipsum vulneris fundum linamentis in rosarum melle, cui spiritus vitrioli ad notabilem acorem admixtus est, tinctis identidem per die singulos atque tamdiu expurgare, donec tunica penitus exesa & consumpta deprehenditur. Tum enim absque omni periculo, vel oleo & saccharo, vel mero rosarum melle aut oleo myrrhae per de-liquium adhibito, ad sanitatem ulcus perducere poterit. Interdum sine admotis medicamentis atque instrumentis, velut sua sponte tumor iste rumpitur: adeoque tunc eodem prorsus, quem jam jam proposuimus, modo instituere purgationem glutinationemque ulceris oportet. Non-nunquam *glandulae subter linguam posita cum doloribus atque inflammatione in-tumescunt*. Quod ipsum simulatque incidit, lac calidum ore continen-dum, atque ficus dimidia tosta diligenter ad partem aegram applican-da, cataplasmatibus atque emplastris emollientibus subter mentum im-po-

impositis, donec vel resolutus ad maturitatem tumor perveniat. (a) Tunc enim, si maturus deprehenditur, incidi, expurgari atque glutinari pars afflicta eo modo debet, quem in *epulidibus* seu gingivae abscessibus supra descripsimus. (Cap. LXXXV.) Sicubi, prout egomet aliquoties observavi, tumor sub lingua media, sive in illa parte est, ubi ductus salivales in os transeunt, abstinendum utique a scalpello est, ne scilicet ductus isti salivales una cum nervis aut vasis sanguiferis vicinis perrumpantur. Tutius enim hic est, donec naturae beneficio ulcus aperiatur, expectare, diligenterque postmodum secundum modo propositam rationem expurgare. Quoties autem in *cancrum* simul tumor istiusmodi vergit, misere ut plurimum homines afflicti pereunt: neque enim curationem noxa istiusmodi pessima recipit. Si *calculus* in ipsa hac regione linguae percipitur, lingua ea in parte, vitatis partibus ante indicatis, incidenda est, calculus, nisi tunc sponte excidit, volsella vel specillo ejiciendus, vulnusque, ut dictum est, glutinandum.

C A P U T X C.

De scirrho, ulcere atque cancro linguae.

I.

SI qua linguae pars cum duritie, sed sine doloribus tamen intu. *Malum des-*
mescit, scirrhus eandem occupasse dicitur. Qui simulatque dolo-*scribitur.*
res concitat, vel & materiam purulentam sive saniem foetidam emit-
tit, paulatim in *cancrum* degenerat: prouti quidem eo loco declara-
vimus, ubi generatim de scirrho tractavimus. Ad ipsum autem tumo-
ris illius habitum quod attinet, interdum & cum primis in principio
exiguus idem est, piscoque vel avellanae haud absimilis; interdum
paulo grandior est, sed quandoque valde insignis, fereque maximam
linguae partem tenet. Nunc mobilis est, nunc prorsus immobilis
consistit. Nunc tectus atque praecclusus adhuc cancer est; nunc autem
apertus atque exulceratus, ideoque putridum pessimeque olentem,
ceu fieri in cancris reliquis solet, humorem effundit & linguam sen-
sim consumit. Interdum perniciosissimae hae noxae sponte sine ulla
nota causa suboriuntur; saepius vero si dens aliquis acutus, inaequa-
lis vel fissus graviter linguam compungit atque affligit. Vidi inde lin-
guam ex altera parte, vidi vero etiam eam ab apice paulatim erosam
atque destructam.

T t t t 2

II.

(a) Vid. SALMUTH. in *observ.*

Curatio.

In curatione igitur quoties male affectus ejusmodi dens noxam istam inducit, eximi protinus idem debet, vel saltem apex vel inaequalitas, quae laedit ac pungit, per adhibitam limam idoneam Tab. XX. fig. 22. aliamve similem, quam exactissime abradi. Quo enim diutius in dente vitium illud persistit, hoc gravius etiam ipsa lingua infestatur, & nunquam, nisi vitio dentis prius ablato, sanescit. (a) Dente jam, prout diximus, extracto vel raso, aegram atque exulceratam linguae partem oleo myrrhae per deliquium, vel & rosarum melle, admixto pauco balsamo peruviano sive de meccha, gnaviter inungere convenit. Sicubi jam ab internis causis excitatum malum est, medicamenta interna, quae alias contra scirrhum & cancrum valent, tentari possunt; attamen ut plurimum parum aut nihil proficiunt. Itaque si his aliisve idoneis remediis aliquamdiu usurpatis malum non minuitur, protinus hic adhibendum ferrum est, ne propter ipsam cunctationem malum ingravescat ac nimis periculosam operationem efficiat. Sed sciendum tamen hic est, nasci quandoque in hominum linguis tubercula quaedam pisifere aequalia, vel & grandiora, quae, prout egomet aliquoties observavi, non eandem solum magnitudinem semper servant, sed sine doloribus etiam atque incommodis per plures annos, imo usque ad ipsum vitae finem persistunt. (b) Haec sine curatione relinquenda sunt; ceu supra jam de scirrhis atque cancris mitioribus nihilque procedentibus est praescriptum. Quo magis enim istiusmodi tuberculum tractatur, hoc gravius plerumque irritatur; usque adeo, ut in carcinoma sive cancrum apertum sensim idem degeneret, miserrimeque tandem aegrum hominem interimat. (c) Quod si autem scirrhus in lingua multum augetur & dolores movet, quam citissime extirpare ipsum convenit. Nimirum si mobilis adhuc tumor est, incidi lingua per scalpellum eo usque debet, ut resolvī commodē a partibus integris quicquid durum & corruptum advertitur, possit. Sicubi immobilis, sed tamen non nimis magnus tumor est, proxima linguae pars simul excidi cum eodem debet. Ubi vero grandior vel & in ipsis linguae radicibus atque ita positus tumor observatur, ut totus excindi haud quaquam possit, fatius utique est prorsus ab operatione abstinere, quam frustra hominem discruciare vel prorsus eum interficere. Cancer enim nisi totus extirpatur, magis per admotum ferramentum ingravescit. Quo autem commodius institui operatio valeat, longe optimum erit; ministrum aliquem a tergo, qui

(a) Sicut etiam Observavit & sentit RUYSCH. Obs. 76.

(a) Novi exemplum, ubi ejusmodi tuberculum in lingua viri cujusdam litterati jam per triginta fere annos sine mutatione adest: suasi vero, ut medicamentis non irritetur, sed in quiete relinquatur.

(b) Teste HIPPOCRAT. & CELSO.

qui caput contineat, aliumque ad hominis aegri latus alterutrum constituere, qui gnaviter linguam vel digitis linamento quodam subtiliori tectis, vel & velsella quadam, qualis ea esse potest, quae *Tab. XIX. fig. 9.* vel *10.* repraesentatur, contineat. Scirrho vel carcinomate hunc in modum extirpato, glutinari vulnus per adhibitum mel rosarum cum pauxillo balsami supra laudati, vel myrrhae oleum, vel & oleum olivarum, vel amygdalarum dulcium recens cum saccharo in formam linimenti permixtum oportet. Post confectam curationem illud inprimis injungendum aegris est, quod supra jam in cancris praecepimus, ut nimirum quam maxime sollicitam atque justam vitae victusque rationem per omnem reliquam vitam observent, atque subinde idoneis remediis a prudenti Medico praescriptis utantur. Namque alias haud exiguum periculum est, ne pristinum malum denuo redeat. Memorabile hic videri istud curationis exemplum poterit, quod ab expertissimo RUYSCHIO (a) descriptum legimus: siquidem is refert, tumorem istiusmodi linguae exulceratum scalpello excisum, applicatoque dein ferro candenti malum ipsum curatum fuisse, quod sine unctione, licet aliquoties excisum, curari non poterat.

C A P U T X C I.

De palati ulceribus.

I.

SUboriri nonnunquam ulcera quaedam in palato solent usque adeo maligna, ut non solum partes ejus molles, sed ipsa quoque ossa ^{Eorum symptomata & causae.} eaque haud raro ad nares usque exedant. Quod ipsum equidem malum qui experiuntur, his & loquendi facultas naturalis corrumpitur, & potio sive fluidum quodque in os ingestum non sine mirifica molestia confestim per nares rursus effluit. Causa istiusmodi calamitatis sita esse solet cum in scorbutico, id est, acriori sanguine, tum & vel maxime in affectibus venereis: & nisi haec mala mature tollantur, totum palatum & saepe simul nasum cum summa aegri miseria destruant.

II.

Igitur ipsa curatione prospiciendum inprimis est, ut vel sanguinis acredo praeter naturam, vel venereae luis malignitas per adhibita medicamenta idonea & cumprimis interna, quam maxime fieri potest, a prudenti Medico leniatur, vel omnino tollatur. Si nondum perfora-

Tttt 3

tum

(a) Observat. 76.

tum vel a carie exesum palatum deprehenditur, gargarizatione frequentissima, expurgatione item, inunctione atque injectione opus est; quo nempe facilius, quicquid in ulcere corrupti subest, ejiciatur. Facere autem huc prae ceteris consueverunt herba agrimoniae, hyperici, alchimillae, atque id genus aliae herbae vulnerariae, in aqua prius decoctae atque dein rosarum melle, aut pro re nata etiam, ubi scilicet difficilior expurgatio videtur, aegyptiaco, vel & unguento fusco permixtae. Quod unguento aegyptiaco superinnatare solet mel, nec non *aluminosa* FALLOPII aqua usque adeo insignem virtutem habent, ut in istis quoque palati ulceribus expurgandis proficiant, quae ossium cariem jam tum habent adjunctam. Quoties ita expurgatum ulcus est, haud alienum fuerit, paulo post vel rosarum melle, oleo myrrhae per deliquium, elixir. proprietatis, vel peruviano balsamo per adhibitum penicillum aut linamentum carptum exulceratam palati partem inungere.

III.

Curatio ubi
caries est.

Si jam tum caries palati ossa invasit, resolvi eadem a partibus integris per modo laudata medicamenta haud raro solet; praesertim si aut rosarum melle cum spiritu vitrioli ad acorem usque permixto, aut caryophyllorum oleo quam solertissime pars afflicta subinde inungitur, continuatis simul diligenter remediis internis. Quae ipsa ubi parum sunt, *ferrum candens* ad exesum os leniter applicare convenit; sed ante tamen linamentis carptis atque siccis probe idem abstergere, ipsamque linguam, ne graviter eadem attingatur, linamentis madidis contactam spathula sive oris specillo deprimere. Post confectam adustionem medicamentis balsamicis antea commendatis tamdiu fovendus locus afflictus, donec os nudum iterum carne contegatur & plane confanuerit. Scire autem expedit, foramina ejusmodi in palato, quae ad nares penetrant, nunquam omnino rursus claudi, sed semper aperta manere.

C A P U T XCII.

Quomodo foramina ex naribus in palatum hiantia curari debeant.

SI quibus forte palatum, ut modo diximus, graviter exesum atque ad ipsas usque nares ita perforatum est, ut & distincte loquendi facultas impediatur, atque potiones aliaque liquida, quae assumere volunt, per nares rursus profundantur; horum equidem salus in eo posita est, ut, quam exactissime licet, foramen istud occludatur. Quod

Quod vero quia per novam carnem atque ossa, ut capite praecedenti jam docuimus, obtineri nequit, fieri proprio instrumento quodam debet. Itaque lamina quaedam aurea vel argentea foramini ita adaptanda tubuloque hinc atque inde perforato vel ansa quadam sic instruenda, ut non ipsum modo foramen quam arctissime claudi, sed spongiae quoque frustulum aliquod ad supremam tubuli seu ansae partem firmari valeat. [*vid. Tab. XXI. fig. 4. 5.*] Spongia etenim per palati foramen istud in nares inserta firmiter laminam, ne decidat, continet, atque ita efficit, ut non distincte tantum loquendi sed deglutiendi quoque facultatem naturalem aegri homines recuperent, quasi palatum haberent integrum. Oportet autem bina saltem instrumenta huiusmodi in promptu habere, alternis semper diebus applicanda; spongiam autem quotidie ex aqua pura diligenter exprimere, ne, quos in naribus eadem attraxit, humores sensim putrescant, odoremque pessimum producant. Vidi ejusmodi quoque foramen magnum palati in militum quodam praefecto, a glande plumbea inflictum: quod vero eodem modo emendandum erat.

*De uvulae atque tonsillarum vitiis, quae manus
adjumento curantur.*

C A P U T X C I I I.

De uva sive uvula nimium producta.

I.

UVa equidem haud raro varias propter causas ita intumescit ac producit, ut multum, imo quandoque in ipsam fere laryngem sive asperam arteriam descendat, ideoque non spirandi solum, sed deglutiendi quoque & loquendi negotium difficile admodum reddat. Si recens adhuc atque *ab inflammatione concitatum malum* est, prouti quidem ex doloribus, calore item ac colore rubicundo cognoscitur, gargarizationibus atque injectionibus, temperandi ac resolvendi vim habentibus, ut aqua simplici cum paucis spiritu vini permixto, vel decocto fungor. sambuci, hordei. florum ligustri aut malvae cum natri, aluminis vel salis ammoniaci portiuncula permixto, imprimis utile est. Adhibere autem simul medicamenta interna eademque temperantia, cujusmodi noster pulvis temperans est alique similes, oportet; quin etiam ubi gravior inflammatio subest, sanguinem mox per venas

venas vel brachii vel pedis detrahare, alvum ducere atque clysteria applicare convenit, ne scilicet angina sive faucium inflammatio perniciosissima superveniat. Quanquam nec *scarificationes* hic alienae sunt: dudum enim experientia, cum in proprio, tum in aliorum corporibus instituta medocuit, non deliniri modo uvae inflammationes, sed praecaveri etiam utiliter per easdem quam efficacissime posse. Quoties a *pituita* ultra justum modo diducitur, alba plerumque ipsa existit, absque omni & calore & inflammatione. Itaque longe optimum hic est, vel spiritu vini calido, pauca aqua temperato, vel decoctis adstringentibus, qualia ex rosis, ligustri floribus, granatorum corticibus atque rebus id genus aliis praeparantur, cum admixta spiritus vini vel spiritus salis ammoniaci portiuncula, diligenter gargarizare. Si nihilominus malum remanet, alia via ad curationem seu pituitae digestionem aggrediendum est. Nempe zingiberis vel piperis contriti cum adjecta granatorum corticum aequali portione uvae nimium diductae vel forma pulveris, vel & cum melle subacta, minuti cochlearis cujusdam beneficio (*Tab. I. fig. IV.*) diligenter admoveri debet, non neglectis interim medicamentis internis iisdemque purgantibus atque digerentibus.

II.

Curatio per
manum.

Quandoque autem haec omnia parum sunt, sed propter pituitam afflicta uva sic tandem quandoque intumescit atque prolongatur, ut in ipsam arteriam asperam dependeat, graviterque spiritum, deglutitionem atque sermonem impediat. Quo equidem in casu, quando inanis esse medicamentorum usus adsolet, protinus id tollendum, quo longior uva est, quam naturaliter debet. Tolle autem variis modis uvae pars supervacanea potest. Primus modus est *per vincturam*. Huic perficiendae quia manus haud sufficiunt, proprium instrumentum aliquod extat destinatum: quale quidem ex HILDANO & SCULTETO *Tab. XXI. fig. 6.* repraesentavimus. Nempe filum quoddam crassum A. acus longioris (*fig. 7.*) adjumento sic per instrumentum illud cavum ducitur, ut vinculum aliquod intra annulum B. fiat. Per vinculum istud lineum tanta uvae pars demittitur, quanta inutilis esse cognoscitur, adstrictoque filo C. graviter constringitur. Tum instrumento ipso remoto vinculum in uva relinquitur, firmiusque subinde per dies singulos adstringitur, donec uvae pars inferior decidat. Sed ista quidem curandi ratio quantumvis satis ingeniosa sit, tarda nimis est, neque homini aegro tantum, sed chirurgo etiam molesta. Paulo promptior ea curandi ratio videtur, si, lingua per specillum planum sive spathulam (*Tab. I. P. vel R.*) prius depressa, tantum ex uva per forficem longiorem exciditur, quantum supervacaneum esse manifestum est. In quo equidem negotio illud inprimis videndum est, ne justo vel major vel minor pars, quam naturaliter decet, remaneat. Justo major etenim si remanet, aegro molesta & parum utilis operatio est: justo mi-

minor autem si relinquitur, sermo plerumque corrumpitur. Quando vero quis manu tam strenua instructus non esset, ut oris spatulam cum forfice quam exactissime simul continere valeat, nonnullis optima atque commodissima curandi ratio est, quae fit per *illud instrumenti genus, quod a rustico quodam Norwagico*, (siquidem in his regionibus frequentissimum istud mali genus est) *adinventum*, BARTHOLINUS ut & SCULTETUS accurate satis descripserunt. Nimirum cultellus aliquis proprius ad ferramentum quoddam latum idemque in anteriori parte perforatum ita firmatur, ut post emissam, quae ferramento juncta est, lamellam elasticam, quam celerrime prorumpat, uvaeque partem inutilem praecidat. Tametsi clarissimus RAVIUS, ni fallor, instrumentum illud sic immutavit, (*vid. Tab. XXI. fig. 8.*) ut lamina elastica prorsus absit, cultellus autem C per bacillum B B fortiter depresso uvam productam atque per foramen A, quantum satis est, demissam, uno ictu refecet sive decerpit. Instrumentum ipsum per ansas D D D manu sinistra sic in ore continetur, ut lingua simul quam aptissime deprimatur, atque tunc oris specillo opus non sit.

III.

Uvae parte supervacua hunc in modum praecisa, haud alienum est, sanguinem paulisper fluere pati; dehinc autem cum ad cohibendum sanguinem, tum ad partem aegram fovendam, ex vino calido eodemque praesertim rubicundo, si haberi potest, vel aceto etiam aut oxycrato calido, diligenter gargarizare. Si nihilominus fluere sanguis pergit, pulvere aluminis per admotum cochlear (*Tab. I. fig. N.*) cohibendus; vel &, priscorum Chirurgorum more, ferramento quodam calente, sed nondum tamen candente, dum sanguis conquiescat, contingenda. Quoties autem, prout fieri haud raro suevit, affectus aliquis venereus uvam simul infestat, id sibi datum chirurgus existimet, ut non a manu solum, sed a medicamentis quoque convenientibus sanitatis praesidia petat; alias optatum finem non obtinebit.

C A P U T XCIV.

*De tonsillarum ab inflammatione atque angina
vexatarum scarificatione.*

TONSillarum inflammationem vehementiorem, praesertim si propter anginam incidit, in malis gravissimis maximeque periculosis numerandam esse, ipse rerum usus loquitur. Ne qua igitur gangraena cum aliis id genus malis pessimis superveniat, cogitandum protinus

de medicina efficacissima est, cujus beneficio inflammatio ista leniatur. Si quid autem aliud, praeter jam jam proposita adversus uvae inflammationem remedia, nobile hic sanitatis praesidium est, nobilissimum profecto in iterata sanguinis per venas brachii, pedis, juguli, imo & ipsius linguae detractio, ipsarumque tonsillarum diligenti scarificatione positum est: Sic enim quam aptissime educi sanguis abundans & inspissatus potest. Quemadmodum autem veteres Chirurghi externam tonsillisque proximam colli partem scarificarunt, sanguinemque nimium per impositas cucurbitulas extraxerunt, id quod adhuc ipse utilissimum usu deprehendi: sic recentiorum nonnulli, prout egomet relatum in Anglia quondam accepi, tonsillas ipsas, lingua solerter depressa, per immisum in os scalpellum sive ferramentum longum atque acuminatum crebro incidunt. Quam equidem curandi viam longe promptissimam atque commodissimam esse, dummodo medicamenta convenientia interna, potus aqueus multus & clysteres refrigerantes, simul adhibeantur, Medicus aliquis expertissimus mihi retulit. Quare mirum haud est, si, prout ex GARENGEOTII *Chirurgia* editionis primae Tom. II. pag. 456. patescit, Galli etiam id medicinae genus hodie exerceant. Quo autem commodius atque tutius fieri scarificatio ista possit, tale instrumentum solet adhiberi, quo & lingua deprimi & phlebotomus aliquis abscondi queat. *Vid. Tab. XXI. fig. 9.* quod *paristhmiotomus*, quia tonsillae Graecis *paristhmia* vocantur, dici potest, atque aliquando longior, quam hic exhibetur, esse debet. Loco hujus instrumenti, quod dudum in *Ephem. Nat. curiosor. Cent. IV. obs. 191.* una cum uvae & tonsillarum situ & figura descripsi, PETITUS fere simile, sed curvum pro hoc usu invenit, quod GARENGEOT. in lib. suo *de instrument. Chirurgicis* delineavit: ubi vero perhibet, ac si VALENTINUS in sua *Chirurgia* illud primus descripsisset, quamvis VALENTINUS in libro citato pag. 102. perspicue scribat, me illud primum delineasse & descripsisse.

C A P U T XCV.

Quomodo aperiri tonsillae exulceratae debeant.

I.

Cur & quando
aperiri
tonsillae debeant.

NONnunquam inflammatio tonsillarum vel negligitur, vel resolvi, quicquid in tonsillis tumentibus coit, nulla ratione potest; sed in abscessum vel scirrhum quoque degenerat. Quod ipsum simulatque advertitur, commodissimum utique fuerit, gargarizationibus interne, atque

atque malagmatibus externe, ad emolliendum accommodatis, suppurationem istam, quoad fieri potest, accelerare; quo nempe facilius & a molestiis gravissimis, & ab ipso, quod in exulceratione graviore imminet, suffocationis periculo miseri homines liberentur; deglutienti loquendique facultate restituta. Easdem propter causas alienum atque adeo periculosum quandoque foret, tamdiu expectare, donec sua sponte pus erumpat; quin potius aegra pars mature incidenda, simulatque nimirum materiae quicquam intus esse advertitur. Id quod vero saepius haud adeo facile observari potest, sed visu & tactu omnia accurate exploranda.

II.

Quando vero abscessum in tonsillis factum esse cognoscimus, *Quomodo aperiri debeant.* aperiri eae. hunc fere in modum debent. Nempe phlebotomus aliquis longior linamento vel emplastro eo usque contegitur, ut non nisi cuspis ad digiti dimidii transversae amplitudinem promineat. Tum lingua per spatulam Tab. I. P. aut cochleare manubriopiano instructum depressa, phlebotomus in tonsillas exulceratas, qua parte commodissimum videtur, demittitur. Namque hoc facto & materia erumpit, & cruciatus, qui antea aderant insignes, mox remittunt. Quanquam commodior in hoc ipso negotio illius instrumenti sive *peristhmiotomi* usus est, quod superiori capite ad tonsillas scarificandas commendavimus. (Tab. XXI. fig. 9.) Id ipsum enim quia phlebotomum A quasi in spatula sive theca quadam cava tectum continet, non ad linguam modo deprimendam adhiberi, sed & sine hominum aegrorum terrore in os atque tonsillam, promotum per digitos globulo B, immitti potest. Quare apud infantes praecipue aliosque homines paulo timidiore, qui scalpellum vix vel prorsus non admittunt, longe aptissimus instrumenti huius esse potest usus.

III.

Tonsillis exulceratis hac ratione deopertis, vel ex herbarum vulnerariarum decoctis, cum rosarum melle permixtis, vel & ex vino cum admixta aquae vel infusi theae & rosarum mellis portiuncula, sed calidis tamen, gargarizandum, idemque per singulos dies quam saepissime atque tamdiu faciendum, donec aegra pars penitus fuerit restituta. Interim quam maxime necessarium est, aegris praecipere, ut a rebus quibuscunque acris ac falsis, quin & a medicamentis etiam acrioribus quam solertissime sibi caveant. Namque hic periculum est, ne quid forte ex rebus istiusmodi noxiis in novo vulnere adhaerescat, vellicet, pungat, irriter, novasque proinde molestias atque inflammationes, ut ipse vidi, cum vitae periculo concitet. *Quid post incisas tonsillas fieri debeat.*

C A P U T X C V I.

De tonsillis induratis.

I.

*Vitium ejus-
demque cu-
ratio descri-
bitur.*

Interdum tonsillae post inflammationem ita graviter indurescunt, atque intumescunt, ut fauces ipsas fere claudant, adeoque omnem fere & deglutiendi & spirandi facultatem impediant: praesertim si utramque tonsillam vitium istud invaserit. Quandoque enim non nisi alterutra hoc vitio laborat. Difficulus autem quandoque emolliari atque digeri durities ista solet, ita ut aliquando extirpare potius ipsas oporteat, nisi in gravissimorum cruciatuum atque adeo ipsius suffocationis periculum conjicere hominem aegrum voluerimus. Extirpari autem ipsae vel medicamentis rodentibus, vel ferro, vel vinctura etiam interdum possunt.

II.

*Prima cu-
randi via per
rodentia.*

Atque ad *medicamenta* quidem rodentia quod attinet, providendum quam solertissime est, ne quid forte istiusmodi vehementioris sive venenati medicamenti hic adhibeatur, quod, sicubi ad ventriculum forte devenerit, majorem aegris calamitatem adducat. Inprimis igitur huc faciunt oleum tartari per deliq. vel &, ubi illud parum est, aqua rodens fortior, ex aqua forti atque argenti vivi ea portione, quae resolvi super igne in eadem potest, praeparata. His vel id genus medicamentis aliis semel aut bis quotidie pessima tonsillarum induratarum pars per penicillum inungenda, donec paulatim, quantum satis est, diminuta sit. Duplex autem in hoc ipso negotio necessaria cura est: tum ne aliae simul eademque sanae partes inungantur; tum etiam, ne paulo post adhibitum ultimum medicamentum rodens, cibi vel potus quicquam aeger assumat, vel salivam etiam deglutiat, ne simul deglutiat, & ob rodentem facultatem in stomacho noxam inducat. Oportet igitur ipsi praecipere, ut per dimidiam a facta inunctione horam prono capite sedeat, salivamque una cum medicamento rodenti effluere ex ore patiat; dehinc etiam ubi cibus vel potus capiendus est, aqua egelida ipsum os diligenter prius colluat atque gargarizet. Atque id quidem fieri tamdiu debet, donec tantum e tonsillis erosum advertitur, quantum ad restituendam spirandi deglutien- dique facultatem sufficit. Neque enim opus est, ut tonsillae penitus exedantur, ne scilicet nimis diuturna curatio fiat, deinde, ne quam forte noxam aeger inde sentiat.

III.

III.

Altera eademque jam priscis Medicis usitata tonsillas induratas cu-
randi ratio in eo consistit, ut aperto ore *hamulo* (Tab. VIII. fig. 2. *Curatio per*
vel 3.) excipiantur, admotoque scalpello apto provide excidentur. At *scalpellum.*
vero quia non crudelis tantum valde videtur &, propter abditum ton-
sillarum situm minus commoda esse operatio ista solet, rarius hodie
adhiberi eadem consuevit.

IV.

Tertia denique curandi ratio a quibusdam commendata, per *Curatio per*
vincituram aliquando instituitur, atque tunc inprimis adhibetur, quan- *vincituram.*
do tonsillae ex parte tenui, quasi ex petiolo quodam, pendent:
quanquam & tunc sectio ope scalpelli vel forficis commodior videtur.
Quo autem commodius injici vinculum queat, istud etiam instru-
mentum laudant, quod in tollenda uva superius commendavi-
mus. (*vid. Tab. XXI. fig. 7.*) Vinculum ipsum tamdiu quotidie inno-
vandum est, dum tonsillae corruptae decident. Decidere autem ipsae,
prout Medici quidam scribunt, post alterum tertiumve diem consue-
verunt, si bene ligatae fuerint. Filum tonsillis injectum extrinsecus
in gena semper firmari per impositum emplastrum aliquod debet, ne
forte in fauces incidat. CHESOLDENUS ligaturam in ejusmodi malo ope
specilli inject, eaque illud sustulit. Aliam eamque ampliorem ton-
sillam peculiari ferramento sive acu perforavit, utrinque ligavit, at-
que hac ratione extirpavit. Conf. Anat. ejus edit. III. p. 154.

C A P U T XCVII.

*De tuberculis juxta fauces vel tonsillas provenien-
tibus.*

DE tuberculis aut carunculis sive *excrecentiis*, ut vulgo dicunt, juxta
fauces vel tonsillas pronascentibus non est, quod seorsim hic prae-
cipiamus. Curari etenim ipsa iisdem prorsus viis possunt atque so-
lent, quas supra in polypo atque modo tonsillis curandis jam propo-
suimus.

C A P U T XCVIII.

Quomodo glandulae salivales, parotides nimirum & maxillares, induratae eximi debeant.

I.

Haec operatio negligenter a Medicis haetenus tractata.

QUanquam Medicorum multi multa cum de scirrhis, tum de aliis etiam glandulis induratis eximendis generatim praecipiant; tamen qua ratione eximi glandulae parotides & maxillares, tanquam praecipuae, quae miram in molem saepe intumescunt, atque arteriae carotidis paulo grandioribus ramis connexae, debeant, a nemine propemodum expositum reperio. Quicquid enim in peculiaribus disputationibus atque libellis de dictis glandulis propositum extat, illud non tam ad ipsarum extirpationem, quam potius aliarum earundem nostrarum sanationem pertinet. Quin & in Medicis atque Chirurgis multi sunt, qui earum extirpationem quasi valde perniciosam & cum praesentissimo vitae periculo conjunctam omnino prohibent.

II.

Est enim valde periculosa.

Quam equidem Medicorum horum prudentiam ac providentiam tantum abest, ut damnare vel vituperare auserim, ut potius quam maxime laudem. Tam enim grandes hic sunt arteriarum carotidum rami, qui in glandulas modo dictas transeunt, ut, nisi prudens Medicus vel Chirurgus, quando forte vulnerantur, praesto fuerit, quam celerrime, propter nimiam sanguinis ex illis profusionem, exhauriri homines soleant; sive jam ex improvviso, sive per operationem vulnus fuerit inflictum.

III.

Sed tamen non semper lethifera.

Quantumvis autem magna suboriri sanguinis profusio hic solet, tanta tamen neutiquam ipsa est, ut cohiberi a prudenti Medico prorsus nequeat. Ut nihil jam de eo dicam, solertiores Medicum non de exercenda solum, sed perficienda etiam atque amplificanda arte salutari sollicitum esse debere. Neque enim sufficit, in noxis levioribus certamque curationem habentibus opem aegris afferre, sed in casibus quoque dubiis atque apud Medicos paulo vel imperitiores vel timidiores pro desperatis habitis experimenta facere oportet. Atque istae quidem rationes etiam atque etiam commoverunt, ut complures ejusmodi parotidas atque maxillares praegraves & quam gravissime induratas, diuque ab aliis Medicis per adhibita & digerentia & rodentia, & alia inferius posita medicamenta tractatas, quin etiam ad cancerum jam vergentes, cum alibi, tum & vel maxime Helmstadii, per scalpellum extirpare fuerim ausus.

IV.

IV.

Operandi ratio, quam his in malis institui, haec est : Ante omnia *Operandi liquor stypticus optimus cum panniculis lineis contortis multis linamen-* *modus.* *tisque carptis, fungo, quem bovistam vel etiam crepitum lupi vocant, spleniis aliquot crassioribus sensim amplioribus, & fascia denique sex circiter ulnas Parisinas longa, ad manus ponitur. Tum aeger in sella quadam commoda sic deponitur, ut ab adverso lumine collustretur atque firmiter quoad caput ac manus a ministris comprehendatur. Deinde cutis super tumorem posita per adhibitum scalpellum secundum longitudinem inciditur, ipsaque glandula scirrhusa vel indurata scalpello circumspēcte ab adjunctis partibus tandemque a connexis arteriis resolvitur. Quod ipsum equidem dum fit, sanguis ita largiter tandem prorumpit, ut vel librae etiam pondus adaequans ejusdem copia prius effluat, quam deponi scalpellum atque in manus assumi deligationis instrumenta possint. Ne qua igitur nimia sanguinis profusio aegrum conficiat, statim aliquot panniculi contorti glomera tingere in liquore styptico atque super incisiss grandioribus istis arteriis gnaviter deprimere convenit. Reliquum vulneris cavum linamentis carptis atque panniculis ficcis, digitis semper probe compressis, quam accuratissime expletur, tandemque, crepitus lupi frustulis grandioribus tribusque vel quatuor spleniis crassioribus, per injectam fasciam firmiter ea fere ratione deligatur, quam in arteriotomia adhibere solemus. Sic enim sensim sensimque sanguis conquiescit, praesertim si aegro in lectum reposito, manu ministri locus vulneratus aliquamdiu probe comprimitur. Ceterum illud hic adhuc observo, quod *si tumor aliquis valde grandis*, gemino eodemque decussatim in cute facto vulnere eximi ipsum debere, quod simplici longitudinali id satis commode praestari nequit.*

V.

Post confectam operationem leniter in lectulo deponi aegrotus, vin- *Quid fieri* *post opera-* *tionem de-* *beat.* *ctura a ministro, juxta lectum constituto, firmiter adhuc per horas aliquot comprimi oportet; quo nempe certius sanguis reprimatur. Tum per tres quatuorve dies integros strenue in lectulo sine resoluta vin-ctura conquiescat; ne qua forte nova sanguinis profusio incidat. Namque haud impune resolvi ante dictum tempus vincturam posse, non vulneris tantum habitus, sed rerum quoque usus me docuit. Quum enim aliquando in virgine, operationem istam experta, adstrictaeque deligationis impatiente, proxima post operationem factam luce fasciam paulisper laxare sustinerem; usque adeo violenter sanguis, post fasciam vix dum dimidiam resolutam, prorupit, ut ipsam perituram fere putaverim, atque statim rursus fortius adstringere vincturam fuerim coactus.*

VI.

Post tertium vel quartum diem leniter & quam providissime fasciam *Deligatio* *quomodo.* *vini* una cum spleniis cruore tunc foetido infectis, vino calido vel spiritu

*instituta
sit.*

vini prius emollitis, atque lupi crepitu minus firmiter adhaerescente resolvere oportet, relictis iis, quae firmiter adhuc adhaerent. Mox splenia nova spiritu vini calido, vel & alio quodam fomento digerente, cujusmodi satis aptum ex aqua calcis spirituque vini camphorato, adversus tumorem praeparatur, madentia per impositam fasciam priori similem supra deligantur. Sed paulo tamen laxior priori esse altera haec vinctura potest, imo debet; ne scilicet aequae aut impossibilis aut difficilis saltem ac antea, cibi potusque assumptio aegris hominibus efficiatur. Atque altera quidem ac tertia deligatio ista non nisi post alterum diem; reliquae vero, quia tunc vulnus multum puris fundit, quotidie innovantur. Oportet autem in deligationibus singulis bina potissimum providere: primo ne ex spleniis, lupi crepitu aut linamentis quicquam, nisi plane jam resolutum sit, avellatur sive abstrahatur; deinde, ubi linamenta priora deciderunt, ut novis subinde linamentis carptis atque in unguento digestivo tinctis vulnus adimpleatur, donec illud omne, quod ex linamentis carptis atque lupi crepitu in vulnere haerescit, sensim per suppurationem & sua sponte abscedit. Quod ipsum equidem fieri post octavum vel decimum quoque diem adsolet. His ita confectis, vulnus per unguentum digestivum diligenter expurgatur, insimulque per id, quasi balsamum vulnerarium foveatur, donec nova tandem carne impletum vulnus deprehenditur. Ipsam enim glutinationem linamenta carpta eademque sicca superimposita sicut in aliis vulneribus ultimo perficiunt. Ceterum illud inprimis in ipsa operatione prospiciendum est, ut post malam sive post angulum maxillae vulnus infligatur; ne scilicet in ipso vultu postea cicatrix sit conspicua.

VII.

*Garengeotius
tius censetur.*

GARENGEOTIUS quidem, recentior idemque clarus inprimis apud Gallos Chirurgus, quemadmodum nihil fere non exposuit, quod laudem aliquam promereri in recentiorum Gallorum artificiis salutaribus possit; sic de glandulis quoque induratis, scirrhis item atque canceri noxis extirpandis in peculiari capite quodam explicavit. At vero, quod non sine causa mireris, usque adeo leviter is materiam hanc pertractavit, ut parum aut nihil de sanguinis suppressione dixerit. Quin idem etiam quam confidentissime asseverat, *nullis omnino, cum ad glandulas istas, tum mammas etiam induratas excisas, opus esse medicamentis sanguinem supprimentibus. Siquidem non nisi paucissimae vel ex grandioribus etiam tumoribus praecisis guttulae sanguinis prodeant*; ipsumque proinde vulnus quam facillimo negotio glutinetur, dummodo futura protinus fuerit injecta. Sed ex his quidem GARENGEOTII assertionibus clarissime, nisi me omnia fallunt, patescit, 1) ipsum vel in doctrinis suis universalioribus ad has ipsas parotides & maxillares majores glandulas induratas penitus non respexisse, vel & operationem istam forte nunquam vidisse; tametsi,
prout

prout ipsemet scribit, praestantissimorum apud Parisienses Chirurgorum operationibus quam saepissime interfuerit. Id enim firmiter persuasum habeo, GARENGEOTIUM, sicubi parotidum vel maxillarium induratum, praesertim quae valde grandes fuerunt, extirpationem vidisset, vel nomina proposuisse, vel falsum quoque fuisse, vulnera, quae per operationem istam fiunt, & adeo vehementer sanguinem fundunt, non usque adeo promte sui vel glutinari etiam posse. Nisi enim extirpatis majoribus harum glandularum tumoribus cum sanguinem supprimentibus medicamentis quam exactissima deligatio instituitur, exhausti aegrotus propter nimiam sanguinis profusionem brevi facillique negotio potest. Tum 2) illud illud etiam hinc colligitur, quam maxime perniciosas interdum generales Chirurgorum doctrinas fieri posse; nisi casus simul speciales una cum praecipuis exceptionibus solerter adjiciantur. Vix enim dubium est, quin crudelissime atque imprudentissime hominem interficeret, qui ex GARENGEOTII praescripto, in positionibus istis generalioribus posito, parotidum atque maxillarium majorum induratarum curationem susciperet. Ita enim cum Jenae chirurgus quidam ejusmodi glandulam parotidem induratum haud adeo pridem exciderit, aeger ex sanguinis profluvio brevi mortuus est (a). Tametsi negare haud sustineam, tutius omnino atque feliciter in aliis corporis partibus, in quibus non adeo grandes arteriae attinguntur, secundum ipsam istam GARENGEOTII methodum expediri. Et vero, si quid ego conjecturis assequi valeo, probabile omnino videtur, parotidum atque maxillarium scirrhorum extirpationem plane inusitatam apud Parisinos atque a nemine adhuc apud ipsos tentatam operationem existere. Batavos autem Medicos in ista vel fere simili curatione instituenda laudabiliter elaborasse, haud obscure tum ex ROONHUYSI (b), tum ex TILINGII ad SCULTETUM auctuario (c) patet, quod Lugduni Batavorum anno 1693. in lucem est expositum.

VIII.

Sed quicquid tandem harum rerum sit, summa utique Chirurgis prudentia opus est, ne festinanter nimis atque citra urgentem necessitatem ad praescriptam operationem procedant. Praeterquam enim, quod ipsa cum periculo maximo fiat, magnamque fere semper cicatricem relinquit, Curatio per medicamenta.

X x x x

(a) Describitur prolixius haec historia in *Commerc. litt. Norimbergenfi* An. 1733. pag. 61. ubi autor hujus observationis addit: *nos tragico hoc exemplo doceri, quosdam tumores illud noli me tangere prae se ferre, in iisdemque adeo curandis a cultro chirurgico tutius abstineri.* Verum hoc chirurgis non adeo peritis ductum esto; prudentes vero ac peritos terrere non debet: cum saepius hanc operationem jam feliciter perfecerim, nullusque adhuc eorum mihi mortuus sit.

(b) Observat. I.

(c) Vid. hujus auctuar. II. pag. 39 & 54.

quat, sane haud raro tumores isti, praecipue in infantibus teneris, vel in adultis etiam, ubi nondum penitus inoleverunt, ita solent esse comparati, ut haud raro resolvi medicamentorum beneficio queant. Praestat igitur, leniorem per medicamenta curandi viam prius tentare, quam ferramenta protinus in manus sumere. Longe vero valentissimum ad instituendam resolutionem hic est, sicubi tumores ejusmodi scirrholi laterino vel saponis oleo cum camphorae portiuncula subacto; vel & succini aut juniperi oleo calido diligenter quotidie inunguntur, emplastroque deinde diachyl. cum mercur., diaphoret. Mynsichti, saponat. Barbett. cum succini aut juniperi oleo, similive alio ad digerendum accommodato, super partem induratum imposito, identidem per adhibitos sacculos medicinales bene calidos foveantur.

IX.

Medicamen-
ta interna
quaenam ad-
hibenda sint.

Interim neque interna medicamenta hic negligenda sunt: ab his enim potissimum resolutionis praesidium debet expectari. Facere autem inprimis hic solent decocta resolventia ex rad. vincetox. aut scrophulariae; siquidem ipsa cum ita dictis essentiis digerentibus bis aut ter quotidie ingeruntur; vel & bene mane interdum ad sudorem provocandum in lectulo adhibentur. His interponi aliquoties per dies singulos confecti e spongia usta, nec non sale gemmae, antimon. diaphoret. rebusque similem vim habentibus aliis pulveres possunt. Neque enim in expertissimis Medicis desunt, qui admirabilem digerendi vim hisce medicamentis tribuunt. Quemadmodum alii portiunculam, quantam mucro cultri capit, ex contritis lacertis identidem assumendam suadent. *Aethiopem certe mineralem*, ut & *mercurium dulcem*, siquidem cum prudentia adhibentur, mirifice ad resolvendum hic proficere, ipsa experientia me docuit. Sed alvum tamen sub istorum medicamentorum usum aliquoties per intervalla ducere convenit. Quodsi autem nihil omnia medicamenta ista proficiunt; haud alienum esse, nisi forsitan ab ista curandi via aeger abhorreat, ad ipsam salivationem progredi, existimo. Neque enim AGRICOLA (a) tantum una cum aliis Medicis haud incelebribus eandem, quasi ad tumores colli scirrholos digerendos efficacissimam, proponunt, sed egomet quoque, in nonnullis saltem casibus, haud exiguam in his noxis curandis vim exserere, sum expertus.

X.

Quid de
suppuratione
medicamen-
tisque roden-
tibus haben-
dum.

Sicubi scirrhus ejusmodi inflammationem aliquam habet adjunctam, resolutiones autem spes omnis evanescit, haud alienum erit dispicere, num ad suppurationem perducitur tumor & quasi abscessus aliquis tractari queat. Neque enim exempla mihi desunt istiusmodi, ubi parotides &

(a) In Chirurg. parva.

& maxillares induratae, ut & alii tumores in collo, sub ipsum medicamentorum resolventium usum in abscessum transierunt. At vero quoties nimis inveteratum malum est, tantum abest, ut emollientia aut suppurantia quicquam proficiant, ut potius officiant, subindeque incrementem tumorem sensim & quasi sine sensu in ulcus pravi moris vel in ipsum cancrum convertant. Atque idem fere judicium hic esto de *rodentibus*. Neque enim facile applicari eadem sine maximo vel cancri, vel largae profusionis sanguinis atque adeo ipsius mortis periculo consueverunt: prouti quidem egomet ex nobilioris personae cujusdam, exemplo tristissimo didici.

FINIS PARTIS SECUNDAE, SECT. II. ET TOMI PRIMI.



